













精 響 編

北京大學《儒藏》編纂與研究中心

#### 圖書在版編目(CIP)數據

儒藏.精華編.一五〇/北京大學《儒藏》編纂與研究中心編.一北京:北京大學出版社, 2016.8

ISBN 978-7-301-11868-9

I.①儒… Ⅱ.①北… Ⅲ.①儒家 Ⅳ.①B222

中國版本圖書館CIP數據核字(2016)第203275號

書 名 儒藏(精華編一五○)

RUZANG

著作責任者 北京大學《儒藏》編纂與研究中心 編

責任編輯 武 芳 王長民 吴冰妮 周 粟

標準書號 ISBN 978-7-301-11868-9

出版發行 北京大學出版社

網 址 http://www.pup.cn 新浪微博:@北京大學出版社

電子信箱 dianjiwenhua@126.com

電 話 郵購部62752015 發行部62750672 編輯部62756694

印刷者 北京中科印刷有限公司

經 銷 者 新華書店

787毫米×1092毫米 16開本 66印張 708千字

2016年8月第1版 2016年8月第1次印刷

定 價 1200.00元

未經許可,不得以任何方式複製或抄襲本書之部分或全部内容。

版權所有, 侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370



國 家 出 版 基 金 項 目

教育部哲學社會科學研究重大課題攻關項目

北京大學「九八五工程」重點項目國家社會科學基金重大項目、十一五」國家重點圖書出版規劃項目・重大工程出版規劃



### 《儒藏》精華編第一 五〇册

首 席 總 編 纂 季羨林

項目首席專家 湯一 介

湯一介

總

本

册

主

編

張希清

龐 樸

孫欽善 安平秋

(按年齡排序)

### 《儒藏》精華編凡例

則 爲 儒 的 典 家 (籍的 經典 中 國傳統文化以儒家思想爲中心。 和 叢 編。 反 映 收 儒家思想、體 書 1時限 自先秦 現 儒家經世做人 至清代結束 《儒藏 原

二、《儒藏》精華編爲《儒藏》的一部分,選收《儒

藏》中的精要書籍。

互見。 漢文寫 寫者 已收入入選的 分類法分類,大類、小類基本參照《中國叢書綜録》和 土文獻。 中國古籍善本書目》,於個别 三、《儒 作的儒學著作,編爲海外文獻 律收其釋文文本。 出土文獻 傳世文獻按《四庫全書總目》經史子集四 藏》精 個 單 人叢書或全集者,僅存目録,並 華編所收書籍,包括傳世文獻 列 爲 韓國、日 個 部 處 類,原件以古文字書 略 本、越南 作 部類 調 整 儒 學者用 凡 注 單 和 書 明 部 出

> ,不改編,保持原書的完整性 四 一、所 收書 籍 的 篇目 卷 次,一 和 仍 獨 底 立 性 本 原 貌 不 選

編

勘價值 確定 爲 主,酌校異同。 内容完足、精確 五、對人選 的版本爲校本。 書籍 校記 進 率 力求規範、精 行簡要 高 出校堅持少 的 版 校勘。 本 爲 底 而 煉 精 本 以 精 對校爲主 以 校 選 有 Œ 誤 校

例, 外,其他一律 進行規範化標 六、根據 省略 現行 標點 點 專 符 號 名號除書名號 用 法,結合古 用 籍 角號(《》) 標 點 通

一般不分段。

一般不分段。

一般不分段。

一般不分段。

一般不分段。

一般不分段。

一般不分段。

及其他 及整 出 介紹作者生平、該書成書背景、主要内容及影響,以 現 順 理 八、各書卷端 序前詳後略 一時所確定的 有 關 情 況 由 重 底本、校本(舉全稱後括注: 整 複 理 出 者撰 現的作者,其生平 寫《 校點 説 明 事 **\*** 簡 蹟 簡 稱) 按 要

九、本書用繁體漢字豎排,小注一律排爲單行。

# 《儒藏》精華編第一五〇册

#### 史部傳記類

## 朱子年譜

〔清〕王懋竑 撰

癸丑 四〇七	甲午 三七九
壬子 四〇七	癸巳 三七七
辛亥 四〇四	朱子論學切要語卷之一 三七七
朱子論學切要語卷之二 四〇四	朱子年譜考異卷之四 三四八
庚戌 三九九	朱子年譜考異卷之三 三二八
己酉 三九六	朱子年譜考異卷之二 三〇〇
戊申 三九三	朱子年譜考異卷之一 二六一
丁未 三九二	朱子年譜卷之四 一八六
丙午 三九〇	朱子年譜卷之三 一一七
乙巳 三八九	朱子年譜卷之二 六〇
甲辰 三八六	朱子年譜卷之一 一
癸卯 三八五	朱子年譜序 九
壬寅三八三	朱子年譜原序
庚子 三八二	校點説明 一
己亥 三八二	
丁酉三八一	目録
丙申 三八一	
乙未三八〇	

庚申	己未	戊午	巳	内辰	乙卯	甲寅	
四二九	四二四四	四三三三	四二	四一七	四一	四〇	

### 校點説明

跋》)。 姓」,故因 年 作朱熹年譜 學 有 或 内 以 朱子實紀》十二卷, 王 影 備 譜 以 意 t 歷 響 果 》皆 代 哀集」先生 種 南 N' 其著述者或缺於事實」(宋王柏《朱子繫年 諸門人久從朱熹問 的 齋李方子所 宋 人物年 學 但仍 是。 其 戴 以 的 舊 銑《 者,多據李譜 降, 明 李 未 而 譜 戴 朱 年 稱 爲 默, 修之( 考 不子實 銑 朱 譜、「往 完 編《 録 亦 認 熹 備。 内 稱 》載 紫陽 紀》和 戴 爲 編 有 當 增 銑《朱 李 朱熹 往 録 撰 年 學,所述内容 時 益 年 譜 詳 各 年 譜 李 傳 删 譜 卒 其 類 譜 Ξ 子 默《紫陽 屢 世之李 録 出 後,其門人即「各 朱熹年 者 最 卷。 實 經 而 甚 處 具 紀 鋟 成 衆, 影 者 此 自 較 補 譜 文公 或 響。 譜 如 謝 後, 序 爲 E 頗 多 明 略 可信 巍 非 主 先 涉 代 於 達 後 成 中 原 張 淆 生 世 録 講 較 五

> 亦多作年 改,或顛 力辨朱、陸兩家學説之異,其中以清 證 本,故借編撰朱熹年譜之機,對 明朱、 倒 陸 譜 年 始 以 異 月 揭露 先後, 終 同 陸、王學 之說。 或索 性「 者之「矯 因 悉 此 朱熹之言行多所 以 明、 誣 法 人王懋竑 削 清 和 之一, 主 穿 朱 所撰 鑿」, 學 以 者 置

《朱子年譜》流

行

最

廣

翰林 闋 士 田、江蘇寶應人。 《清史 復職。 第, 院編修、在上書房行走。 王懋竑(一六六八—一七四一),字予中, 稿 補 安慶 有 旋 傳。 以 府 老 學 病乞歸,杜門著述, 教授, 康熙 五十七年(一七一八) 雍正 元年(一七二三)改授 二年以母 越十 憂去官,服 六年卒。 登 號 進 白

草堂存稿》二十四卷,另撰有《續 Ξ 四 譜 宦 》外,據《清 八載 間 卷、《白 破書 王懋兹性恬 皆 田 在家 萬卷,平生 雜著》八卷、《讀 史 稿 鄉 淡, 讀 刻 書 藝文志》,尚 志 著 勵 述自 願足矣。」故其 篤 書記 志,嘗謂友人 遣。 疑》十六卷、《 有《南 集》、《别集》、《朱 所 撰 北 除《朱子 日: 生, 史 識 「老屋 白 除 疑》 田 年 仕

傳 子文集 世 注 × ^ 朱 子 語 類 注》、《 偶 閱 雜 鈔 **>** 等 未 見

種 學 植 爲 輟 安國《朱子年譜序》)。 旨 學 存 體 各家文集、 語》未及脱 登 年定論》、 朱子語類》與 ,成《 者 的 稿 學次序」,力關 第時即全力編修《朱子年譜》, 力行,故「 編《朱子 積 後之人不 李 序 如 Ŧ 二 十 朱子年 ·默所 懋站 張 《道 南 年譜 經 餘年,凡數易其 稿。 當 以 定 時 軒、 説、筆 辯 八其門 譜 精 的 時 有 其 》 互 王 編 吕 陽 研 李譜之 朱 小 四 懋竑 偽 經 東 V 明 八熹《年 人黄 朱 記、 暗 卷。 而 相 萊 學 術名世,尤邃於朱子之學, 子之目」( 王懋竑「心甚憂之」,故 尊 合 史 參考,徵 撰《朱子年譜》,大旨「在 謬: 説 幹所撰 信 其 陸 書、 譜 稿, 頗 陽 之, 引文之前 象 》「多删 以李 爲 雜 爲 至 Ш 其 朱熹《行狀》爲 流 表 著, 引 清 死 入仕 等 譜、 爲 行, 章 以 雷 仍 年 以 害 改 朱 均 後,仍 鋐《 洪 有《 而 譜 及 原 滋 而 譜 冠以 熹 主 甚」( 不 朱 陰 編 白 論 《文 一陸、王 (清 下 熹 著 學 移 田 與《 出 自 草 集 述 清 其 數 百 主 洪 切 處, + 未 之 身 時 的 嘉 辨 要 不 宗 晚 堂 王

> 譜》雖 説 熹 使 要之語,分年編 處,但精 可 年譜 則 朱熹 考。 未脱 爲《考異》 對 之 者,多以 嚴詳 生 各家文 門 平 核 户之見,亦不免有失考及 事 之爲 勝 次,成 四 獻 迹、 於 卷 所 爲 藍 諸家,故 以 載 附 本。 學 詳 録 不 次 載 序、 之。 流 卷。 而 道 傳 有 復 學 甚 王 所 取 事 廣。 辩 懋 朱 諱 功 並《 論、 熹 等 此 護 朱 論 考 皆 後 熹之 爲 子 學 證 班 朱 年 之 切 班

本另附 堂 次校 IE 局 齋 + 九年(一八八三)武昌書局 書》本、同治九年(一八七〇)永康 五二)寶應王氏 叢 文、考異、附 補 四年吴邑喬氏刊本、道光三年(一八二三) 刊本、咸豐三年(一八 點 刻 書》本、武昌 E 一懋站《 即即 有《校勘 本等多 以 朱 白 録之 種 白 子 田 記》三卷、《存 版 書局校刊 田 年 草 卷 本。 草堂,後於流 堂 譜 數、 初 >初 五三)南 永 内 刊 刊 本《朱子年 康 刊 容 本 於 疑 應 本、光緒 皆 爲 乾 **>** 氏 海 底 同 傳中又有乾 刊本 應 隆 伍 卷。 本 於 + 氏 氏《粤 譜》(簡 初 年 校 刊 t 其 武 間 刊 年(一 以《 本、 雅 昌 餘 浙 本 稱 粤 各 光 四 書 江 堂 七 此 本 武 局 書 緒 砭 叢

《傳經堂叢書》本《朱子語類》等相關文獻。最後需 依底本。 「元妙」以及「丘」作「邱」之類。爲能如實反映著者 加説明的是,王懋兹纂修本書時,其所引史料多有 先生朱文公文集》(簡稱《文集》)、書目文獻出 昌書局本),同時參校了《四部叢刊》初印本《晦庵 所處社會文化背景之特點,對此不再 因避諱 書》本《朱子大全·續集》(簡稱《續集》)、清劉 之《朱先生行狀》(簡稱《行狀》)、清劉氏《傳經堂 延祐二年(一三一五)重修本黄榦《勉齋集》卷三八 一九八八年《北京圖書館古籍珍本叢刊》影印 而改字者,如「鄭玄」作「鄭元」、「玄妙」作 加以回改,一 元 版 氏 刻

校點者 顧宏義

### 朱子年譜原序

也。 日 顔 所 詘 以 觀 有 是 必 以 其 於行 曾 信 位 故 揭 伊 並 任 萬 會 先 自 尹 有 之不 生 天 群 人極 君 通, 莱 覺 生 比 堯 錯 物 弟 之責。 間 斯民,必有 齊, 出 師 咸 子 朱、太 以 舜 以 節 左右 之枋 覩 交修 盡 立 而 授 則有 其 萬 天之愛 然 之法壞,射 公望、散 移於 羽 自 所當爲之分。 互 而 禹 世之標準 出 孔 翼 發, 非 之。 子没, 孔 乎其 臯 人,閱 ,子,則 然 人 宜 陶 微言 後 類 飲 則諸子已 生,各當 ; 以 道 所 者爲之 干 讀 有湯 又 大義, 定, 章 能 然後 古 法 有 自 而 之 雖 冉 如 其 君 文, 爲 化 有 禮 天 天 氣 閔 世 成 也 師 開 數 衷 則 無 日

吕、 道 聲 立寡 之,分别白 學之樞要, 輔 之! 敝。 明 而 者,至是脱 能 至 指殊之後,不 ~, 曰 應氣求 微 欲 盡 復之難 或 謝 地 千數百年間 朝 儔 著 嗚 得其傳者,於是子思、孟子 忠,曰 游、 之相 日 之盛 秦漢 呼 倡焉 嫌 陰 傅 ,若合符節 ! 之, 然如 而 去 辩 楊、 陽 恕 以 莫之 干 惟 者寡 似 鬼 是 何 南 亦 來, 尹 沈 數 孔 前 日 不曰 神 翅 É 幾 疴 白 性命, 和 何 道 諸 千 湖 而 張、侯、 無 後孔氏 若 之間 年 晦 儒 也 可 咻 有 湘 餘 此 習 謂 蝕 生 天之所 日 者 餘 , 北 藴 絶焉莫之續 日 等類, 大寐 浮 孟 極 於籍去 無 衆 里 之道 矣。 氣質,日 胡 至 踵 人? 也 諸 氏 日 河 陋 而 命 凡 之説 然 之 誠 又 歷 儒 洛 書焚、 大 皆 朱 莫 而 爲 醒 萬 則 而 天 儒 日 文 切 聖 誰 絶 知 西 往 之 亦 世 也 理 輩 公先 磋 之 至 其 門 往 師 闡 極 鮮 實 而 出 於 説 講 歸 日 乃 孤 知 異 爲 出

者 實 至 夫 致 王 之史,先正之言行, 子 自《 約 下 惟 力 縷 粗 子 生 習 顯 不 兀 經 先 迨 合 始 析 《易》、《 幽 迨 退 外 婦 世 悉 其 屈 生 而 以 探 外 閑 其 之規 如 微 乎 之 爲 魏 讀 彊 韓之文,周、程 乎 先聖之道 蓄 内 視 如 之 詩 非 所 暗 然 志 無 惟 久 將 諸 獨 推 ×, 知 群 博 室 若 聖賢 其 極 掌 而 弗 存 明 獻 見 中 屋 棄倫 義 思 勝 大 之 太 演 漏 庸 新 中 凌 渾, 至 亦 張 精 繹 而 之 則 於 極 ×, < 絶 民 更 高 於 各爲之論 ; 僅 宣 藴 無 之 知 資 是 學者之慕 學 之學,粲 厲 邵、 大學 位 以 及 公、 妙  $\equiv$ 愧 禁, 深 斂 白 空 天 至 中 才一 張 家 華 而 吕 Š 地 而 自 身 自 蓋 之 就 行 之 成 禮 實 ^ 一受學 然 著 信 本 乎 育 書 論 至 論 實 異 熟 公 不 ^ 中 益 高 近 語 萬 指 述 離 司 道 孝 然 則 興 反 可 延 × 靡 而 物 器 平 後 經 毫 平. 馬 心 而 貫 博 ^ 遠 竟 譁 學 孟 帝 蓋 協 而 精 几 氏 分 歸 李

> 生 之 微 不 也 果 成 李公 泗 君 世 加 功 敢 0 朱 孰 之 屬 友 取 子 以 韓 不 爲 余 寵 教 成 晦 與 子 勝 古 在 識 爲 方 者 興 公晦 亦 謂 陋 負 之 子 之 孟 其 未 辭 微 卷 孟 也 鋟 嘗 安 子 及 知 首 子 F 木 輯 於 孟 輔 聖 後 聖 之 子 先 卑 漢 傳 學 以 賢 嗚 功 , 余 生 也 卿 之 吾 壽 臨 既 呼 之言 生 不 0 廣 與 其 邛 熄 不 也 在 猗 昔 俗 知 魏 傳 後 禹 行 者 其 帝 而 學 大 T 下, 嘗 盛 闘  $\pm$ 果 道 翁 雖 高 共 洛之學 不 歟 安之 序 之 余 孰 高 不 學 作 謂 與 及 爲 安 焉 弟 朱 顯 洪 事 異 吾 而 興 端 故 先 子 晦 洙 天 中 友

序 梓。 祠 語 文 事 爲 邑 朱 洪 默 賢 請 境 武 以 無非 佐 書 + 嗚 告 斯 呼 七 教 E 年 也 文 : 甲 ,況吾文公之《年 朋 大 文公《 戌 賢 友 秋 君 願 子 我 年 就 譜 文 徽 公 猷 動 謀 闕 鋟 敢 里 | | |

之聖人 也,立 公 盛 之淵 方; 以 惟 行 也 政 載 時 哉 中 以 而 惟 德 述 前 求 庸》 形容, 窮 聖 奥要歸 發明 屬 後 昔 師 年 君 後 則 刊 之 也 湯 伊 譜 人 稱 方 而 取 次第 道 有 以 爲 ĬII 求 仲 明 在 也 友、 良 文、武、 與 立 傳 以 待 道 撰 尼 撰 所 端 下 悉詳 不 師 正 於 注 示 行 述 明 達 用 祖 以 易 而 文公。 萬 道 則 述 於 道 而 狀 力 蓋 濂 承 述 易 本 以 周 方 《行 人, 立 年月書之; 之精義 在 先 堯、 惟 溪之《行 也 教 者 末、 公, 師 上, 文 聖 狀 聖 古 嗚 萬 舜, 也 道 賢 出 達 **\***, 道 並 其 則 此 世 呼 9 以 微旨, 處 憲 能 統 傳 而 而 宜 仲 者 立 康 述》, 1 教 之 進 章文、武 知 伊 在 君 節《 而《行 尼 世 也 故 萬 聖賢 大 退、居官 傳 III 上 造道 道 窮 亦待吾文 墓 賢 世。 之 信 年 之 然 以 師 而 誌 故 君 年 狀 譜 聖 道 正 成 在 在 有  $\forall$ 子 譜 也 之 人 萬 下 均 所 德 當 在 則 蒞 所

> 護 之謂 者。 其 故 厥 也。 聖 海 謂 立 日 一之大 緒 衛 感 誦 内 不 立 君 《詩》 與? 汪 敢 知事 其言 外 以 師 發 均 道 辭 平 成 道 興 仲 凡 所 知 李文徵 日 前 日 以 起 若 魯 有 由 崇 以 仰 然 教 序。 邑令佐, 血 朱 以 復 尚 若 慕 經燹之餘,此文或不 萬 高 立 氣 子 命 斯 解 時 之心 世 Ш 者,莫不 則 也 於 文 疾家 雨 者 仰 集 掌 以 之霑 倡 與 誠 止 先 諸 祠 隆 居,集 率 得 儒 儒 景 尊 云 治 刊 溉 之大 此 有 化 親 今文公之學薄 行 行 議 言 而 自 是歲 家 行 咸 孔 成, 督 寓 有 而 止 미 有 目 之 能 前 不 0 是 子 其 尚 焉 九 能 力 其 盡 集 廣 亦 也 月 就 是 群 西 己 則 見 所

尊 何 崇之 也 ? 朱子 實 謂 也 之《 實 紀》 舊 年 譜 名《 紀  $\forall$ 朱 年 子之 則 譜 紹 **\***, 始 乎 今 前 末 更 日 彰 與 乎 夫 實 後 今昔 紀

ЛЦ

嘗 之恩 即 夫 亦 經 古 之 增 竊 經 銑 事 馬 曰 亦 不 子 私 奚 之 因 賴 於 道之昭 鋟 避 狀 遷 猶 足 病 自道,亦 昭 其 後 堯 孔 席 紀 補 史 以 非 且 、舜 家 其 於 該 伊 於世家 而 未 爲 年 朱 敢 頗 於 書 萬 而 對 有世 ĴΙ 鄉 有 譜》 妄 始 涉 必 以 萬 乏 目 世 修之,釐 ~ 足以 後 作 粹 末, 傳 淆 曰 年 世 昭 表、年 者 是 輩 其 也。 譜 舛 不 於 濂 自 乃 孔 實紀》,然 何 編 見紀述之難。 全者 \*, 然,此 與 萬 溪、 若 若 子 加 賴 爲 表 夫 不 世 有 亦 孔 紀 , 以 乎此 十有二卷,以致景行 伊 總總 **堯、** 能 哉 曠墜之責,不自 擬 朱 子 事 於 銑 果 111 保 ? 謂之實 子 孔、 雖 舜、周、 後 或 齋 典 編 於 始 無 雖 無 朱子 逸 李氏 並 書 也 末 朱 謬 大賢 於 昭 無 世 孔 包 誤 而 朱 録 ,受罔 程之 之書 時 家, 於 子 而 實 抑 作 子 也 且 萬 始 無 此 朱 文 紀於 紀 而 歟 事 揆 世 末 遺 子 古 寖 或 極 屢 ?

> 學 焉 訂 矧 助 婺 似 品 之,使讀之者 得 源 當 园 有 小子乎 戴 不 所 銑 小 據 謹 爾 ! 0 以 有 爲 IE 百 以 德 希 志 覩 賢 丙 君子, 夫德業之全 寅 希 聖 歲 幸 之 + 原 階 月 其 朔 則 僭 而 日 其 興 而 爲 後 起 加

者,先· 事 其 體 生 年 與 所 輯 卷, 立言 之法。 朱氏 謀 書 也 存 先生言行, 魏了 讀 譜 於 世 生 默 增益 垂 之, 比 傳 翁爲 蓋 殁 訓 侍 甚 李 多 後 頗 在 默 者 御 所 果 出 之 即 疑 數 禮 惟 尊 元 成 齋 序。 於 冗 + 不 尚 學者所宜 朱 斷 Ш 公 洪 脱, 年 稱 友 曾 詆 晦 武、宣 今其 間 非 有 古 將 陸 君 嘗 果 年 所 重 佩 爲 著 序 譜 齋之舊。 一、景 按 私 加 得 立 必 固 ^ 紫 閩 間諸 家 褒 爲 論 刊 在 及 陽 言 典 正 至 先 其 考 但 年 建 師 世 朱 其 非 而 猶 云 譜 乃 矧 述 最 氏 以 用 果 **>** 其 作 謬 其 編 今 齋

早 庸 賢 於 以 爲 蓋 簡 以 子 也 盡 衍 也 也 雖 行 學 聞 還 0 還 0 學舉全 也 **>** 精 而 而 不 年 語 爲 日 問 父 真 素 論 文 F 純 止 學問 談 易》 唯 魯、 博 思 師 性 9 如 性 履 耳 道 E 要 靡 誼 辨之 學」、「 此 功 稱 之 爲 術 莫 以 智 不須學。 何 桑 行行 之道 所不 訓 斯 故 愚 者 學 踐 與 如 敢 梓 間 可 爲 蓋 要 弗 孔 形 既 以 辭 下 後 所 能 謂 無 果、 實 以 多 能 子, 盡 舍 聚 愚 者, 1 至 他, 之 求 岐 德 性 之一, 其 9 不 爲 日 學也 不 矣。 學 竊 聖賢不 顧 求 爲 氏 爲道 移 非 弗措 達、 同 聞 與 其 性 口 至 所 徒 朏 已 之 習 諉 先 學 ; 放 其 爲 相 聚 也 讀 古 傳之緒,卒 百 之 生 相 心 論 也 藝、 沂 所 所 書 何 家,遂 宋 學 昔 崛 本 而 者 弗 爲 也 以 博 事 窮 爲 除 自 聖 起 進 己。 知 學 ? 莫 習 學 理 何 孝、 習 賢 周 於 退 ? 自 空 物 則 如 相 此 ^ 時 氣 力 程 爲 譚 中 量 者 大 道 ? 孟 遠 即

> <sup>《</sup>行 稍 舛 得。 數 生之過 者 其 Ш 朝 行 最 遺 誤 百 一,豈獨 主,觸 途轍 爲 大節 編 君之意咨於先 精 狀 具皆 删 者 年 而 得之,折 × 著 於今 潤 所 數 ^ 翔 權 傳 尤 篤 書 從 其 文 流 事 泳 注 路 皭 守 最 集 《譜》 風 猥 高 爲 衷 與 聖 然 富 不 見 × 餘 群 深 世 冗 子 著 謨 生 所 同 嫉 ^ 韻 與 左謬 所 儒 至 語 意 明 裔 欲 述,又素乏討 群 明 陸 遵 蓋 録 合, 起九 孫 於 矣。 邪 直 進 氏 不 用 有 × 河 世 泝 因 之 退 合載 所 哉 蒙 原 起 然觀 伊 學 屬 取 載 0 譏 千 惟 質 洛 河 之 頗 者 舍之際 載 其 指 疑 默 先 僞 考 默 論 相 斯 以 悉 學 摘 義 生微言 故 忧 訂 不 違 以 ^ 疎 後 人 其 輒 而 自 譜 異 之 法 以 先 遠 與 不 非 析 揆 **>** 潍 先 削 中 元 立 細 義 牛 慕 口 犯 此

<sup>0</sup> 山 原 作 由 據 前 後 文 及 武 昌 書 局 本 卷 首 李 默

之,然 寧 道 與 録 譜 無 術 是《 以 視 問 成 諒 知 譜 示 舊 學之實 於 後 不 傳 本 合 余 免於 信 取 存 爲 心 勉 者 欲 乎。 Ŧi. 世 其 齋 + 卷 譏 使 自 ^ 七 嘉 云 行 9 宋 後 靖 狀 不 元 世 褒 壬 默 以 > Ш 尊 典 並 子 猥 鄙 君 先 或 夏 亦 學古 本 誣 生 史 六 論 彙 累 者 本 月 附 先 人 次 就 傳 既 者 哲 於 妄 而 爲 末 望 也 也 考 原 附

以 總 事 益 頃 也 IE 爲 日 病 功 以 附 考亭 家 始 勉 徽 謝 年 謚 或 乘 齋 終 Ш 譜 議 仍 文 黄 居 行 大 一麥葉 氏《 公 凌 詩 狀 致 不 嘉 文 年 行 ×, 盡 敏 侯 靖 譜 狀 重 矣 無 重 而 壬 **\***, ×, 於 修 聞 總 子 先 宋 婺 建 本 仲 E 李 承 祖 源 也 ^ 春 先 併 果 生 實 戴 大 平 齋 訓 附 蓋 紀 氏 巡 如 書 氏 履 子 大 恐 院 所 歷 侍 孫 重 舊 墜 題 著 御 世 道 於 本 記 世 守 釐 學 徽

門 業 道 鄉 心 起 古 也 厠 口 付 時 李 舊 披 建 Ш 其 於千 萬 多 凌 焉 老 本 覽 溪 翁 延 以 喻 諸 俱 學 文 不 平. 文 木 備 先 之 曾 河 行 世 可 肖 百 獻 洛 未 臺 老 辭 生 盡 嘉 載 想 推 復 者之 世之 冲 淵 盡 比 先 日 也。 景 翁 惠 諭 重 歎 顧 衍 翁 善 生 源 詢 四 所 行 凌 加 字 閎 義 E 罪 獨 桑 按 也 方 序 家 將 得 大 撰 參 迹 不 梓 即 吾 閩 學 集 世 使 而 定 容 序 遂 師 名 於 孔 在 祖 尊 之 者 矣。 獨 晦 諸 校 敦 漫 緘 之 今 間 暇 超 信 崇 孟 祖 學 後 滅 也 閱 請 何 出 軼 表 悉 尚 凌 録 之 īE. 凌 於 幸 纂 章 聞 凌 既 亟 年 力 晦 近 私 學 脉 凌 大 以 逢 見 叨 輯 欲 訂 祖 稍 成 心 譜 行 也 實 冢 竊 年 平 之勤 末 讎 感 修 廢 宰 程 惓 已 侍 聞 侍 末 求 裔 訂 而 激 而 夫 古 惓 神 氏 晦 御 胥 即 御 īF. 後 不 子 之 奚 其 公之 其 思 會 祖 乃 歷 冲 Ħ. 見 之 受 興 孔 學 敢 命 翁 於 何 慨

口

邑

後

學

李默

謹

撰

僭 家之盛者 口 孟 妄, 一之道 復 惟 兹 口 世孫 以 凌 或 明 可 9 二公意 凌頓首謹 故 告於 孔 闡 孟 宗宗云 而 也 揚之。 之 道 要 明 皆 嘉 大 靖 能 Щ 雅 壬 以 後 君 子仲 斯 聖 子 文 王 冬既 冀 之 鳴 治 原 或

學 蒙 傳 危 源 口 百 集 蓋 而 出 × 謂 註 × × 患 四 又 朱 有 + 難  $\forall$ 子 盛 古今著述之富 處 太 儀 近 之所 《文集》 餘卷。 矣。 之學, 進 通 極 禮 思 退 圖 鑑 履 録 然 經 之所 説 綱  $\approx$ 蹈 讀 今家 傳 集 百  $\approx$ 其 目 ^ 諸 餘 通 將 四 ^ 經 **>**,</br> 書 有 儒 卷,門人記 解 通 微 書 歷 其 而 無 × 之大 書 言 名 章 書 有 不 與 ^ 大 西 臣 考其 周 句 過 夫 銘 義 學者 成 言 集 易 於 文 解 湮 行 録 生 註 所 朱 本 章 義 無 問問 録 平 義  $\approx$ 著 文 事  $\approx$ 不 而 答之語 師 ^ × 有 公 諸 誦 不 詩 楚 友  $\Rightarrow$ ^ 者 法 淵 艱 辭 啟 集 小

> 之所 果 爲 未以 朱子 謂 實 其 如 以 年 IE 也 口 孟 書 0 著 序 譜 多 象 果 齋 乎 而 子 之未 修 書 直 中 之 年 門 ? 出 Ш 齋之《譜》爲 明世宗 諸  $\Rightarrow$ 立 書之,以 贵 所 於 人李果 所 譜 公在 譜 則 其亦有 説者之不 能 稱 洪 云 一當 素不 是《 宣 盡 時,李古 稱 . 有 嘉靖 果 善 齋 年 復 俟 「晚 出 齋 而 誦 譜 0 氏 多所 見 景 夫後 於果 嘗 之朝 大端 其 當 嘗 年 而 学 冲 間 於 詩 辨 定 出 不 改 世 諸 從 敘 作 人之折衷 齋之 歲 朱、 於 論 知 竄 姚 讀 歟 人 悪 而 次朱子之言行 月之終始 果齋 此 陸 之説 非 江 ? 之 其 修之,以 所未 也 미 異 之 所 舊 書 當古 親 以 學 改竄 本 定 司 ? 逮 不 然 見 已 者 方 論 舊 從 冲 口 其 朱 知 而 也 盛 與 不 如 古 不 是 其 子 亦 而 口口 譜 贵 稽 據 疑 其 修 冲 口 调 雖 人 考

揣固 助益 洪 《行狀》、《宋史》本傳,與 修 三十九年歲 全書者,得見兹《譜》,亦足以想見 文,以俟後之君子。其書舊刻於金陵,因 家之《譜》,而參以朱子從學延平及 絶 往, 電在其大書之下。 人爲學,而誦 夫氏中和三變之書,而合爲一編,附 璟 荒政、條奏諸 有關係,不可以略者。 陋, 識 也哉! 用序述而傳之。 在 題曰「 法步趨如親炙之焉,豈謂 庚辰秋八月既望,紫陽 州利病諸書法、與陳同 重刻」,仍其舊也。 歷代褒典、廟 世有: 及 家兄去蕪,嘗輯 毁秦檜 能 朱子 讀朱 祠 與 以 事 之爲 子之 記 甫 後 黄 張 康 無 氏 熙 所 諸 敬 不 來 兩

「往」,原作「注」,據上下文義改。

### 朱子年譜序

道 高 如日 之大 垂 逮古人,又急人知而名,喜其説之便於放言 宋僧宗杲故智,取 亦不乏人。 語 者  $\overline{\mathcal{H}}$ 論 録》所 八成,以 百餘 其説之是 與己 再 每 激 中矣。 洙 明 於草 年 泗 述早歲未定之言,附會 意 Ĺ 知其 未 顧 徂 近 一溯孔、 廬 定。 明中 晚 而 非, 似 痂 吴 群 近學者,深造之力既 者,易置先後,以 有目共見,摘 朱子門人所記 而 葉 氏 甚 言 孟,於是 嗜之,以致真偽之辯 有 調 以降,異論 亂 平 停之説 有 日服習於朱子之 道 宋 之 朱 乃 瑕 復 晦 子 早歲 於 起,或 者 集 侕 離 亦 愚 攻 復 濂 截 誑 問 百 未 者, 明 不 後 學 取 定 洛 踵

諸 各家之撰著 其 其 作《朱子行狀》,以 儒之緒論、師 集》、《語類》,條 子 合,陽爲 多删改 爲 焰 益 徒 足 而 一,使存 僞 書。 終古 所得之精微,見於《文集》中與 書數十年,於朱子之學既 晦 而 於 尊 訂 而尊信之,其 是」, 德 爲《年譜 不 又以 是矛 性 原 心致 知適 表章,而 則識者 者 編 以 曲 盾 明李默古冲所定《朱子 爲 友 知 爲 汲 與《 起於門墻,而 暢 之淵源 四 析 庶 所深 惑 汲 力行朱子 陰 爲 晚年定 卷。 旁 正 而 幾 世 辯言, 通 移其宗旨,後之人不 年 精 害滋甚。 可 憂也。 誣 其間 研之, ,與夫同 月之後 ,折衷於 以 民 謂「 論》、 競 尊 者 辯論之迹,考据 講 勝 道 白 助 吾 朱紫之淆 更博求 先,旨歸 乃取朱子《 《道一 明 志諸 之 勉 之 於 朱 田 而 友 全 先 齋 薪 非 子 私 年譜 人辩 黄 子 所 生 朱 功 何 編 而 淑之, 之同 争 讀 述 將 嘗 氏 由 子 張 文 論 所 鳴 暗 與 此 其

0

蓋 豈 序 以 未 爲 第 也 非 弟 卒 從 之 Ш 編 所 和 皆 授 嘗 特 春 述 異 得 111 次 子 師 舊 由 必 瞭 以 聖賢 梓 不 説 輕 道 説 於 究 講 大學 本 爲 如 垂 别 得 朱 以 里 學, 復 所 悉 附 謂 諸 ITT 指 爲 示 子 洣 圖 取 精 × 屬 録 悉 闇 掌 讀 ^ 中 脈 有 眩 考 己 考 而 安 藴 ^ 程 然 間 如 真 中 功 而 俾 丑. 後 異 或 殁 卷 子 其 爲 博 已 其 傳 辩 庸 數 作 有 以 **>** 爲 後 書 本 己 訪 兀 哉 計 超 有 後 志 然後 之序 + 聖賢授 旨 其 友 其 卷 涣 裨 歸 悟 毋 年,先 於 論 憂 朋 於 程 然 爲 之 不 朱 自 學 先 朱 在 聖 又 冰 學 詣 子 切 敢 欺 不 受 歸 或 子 生之爲 生子 道 百 以 釋 誨 要之 之 之 以 惟古 致 生 心 而 功 世 朱 自 學 私 良 臨 平 法 反 利 箴 乾 子 -, 自早 語 意 者 心 是 人之 復 非 歧 其 傳 本 之 晚 道 自 穿 遺 書 望 淺 習 末 成 乃 如 分 故 與 己 序 也 鮮 洋 編 之 其 出 就 次 之 門 歲 年 H 中

之 節 著 末 失 述 高 幾 無 道 炫 窮 本 自 奪 後 驅 學 學 述 年 舉 9 其 學 郵 知 以 不 得 處 前 贵 顧 宗 所 之 發 淺 考 口 不 閨 即 者 之 言 詭 無 獲 立 後 明 門 薄 得 閉 訂 之 别 成 明 異 真 而 愧 免 心 學安國謹 門 里 心 擇 法 是 知 就 望 不 即 于 之 千 殁 盜 巷 獨 書 志 不 云 我 先 得 典 告 孔 始 而 里 名 9 造 爾 而 , 型 哲之門 E 天 啟 敢 後 之謬? 孟 其 已 言 迷 0 筆 窮 斯 出 據 下 時 之 不 時 有 所 其 削 極 學 人 恍 者 道 乾 其 能 向 所 墻 成 行 僞 出 者 之 惚之見 隆 先 不 往 論 斤 是 豪 本 不 而 險 信 以 著 讀 生 釐 撰 王 斤 書 不 足 從 至 以 以 學 申 致 下 先 無 知 求 語 平. 冀 又 古 反 朱 秋 慎 妄 差 此 生 所 於 故 深 生 後 必 其 年 子 是 季 從 託 又 聖 原 懼 出 世 體 及 則 朔 譜 之學 中 書 如 高 人 古 朱 處 其 之 人 微 驗 > 此 愧 之 流 之 庶 X 子 大 原 特 而

### 朱子年譜卷之一

王 懋站纂訂

高宗建炎四年庚戌,秋九月甲寅,先生生。 【行狀】先生諱熹,字仲晦。 父朱氏爲 婺

仕人閩,至先生始寓建之崇安五夫里,今 章行義,爲學者師,號韋齋先生。 吏部因 官尚書郎,兼史事,以不附 源著姓,以 儒名家。 吏部公擢進士第,入 和議去國。 文

喬 鄉松巖里。 【年譜】先生本 年,爲 建 州 宣 政 和末,考吏部韋齋公松,字 歙 和縣尉,遭父承事府君 州人,世居婺源之永平

譜卷之

Ŧī.

日午

時生南劍尤溪之寓舍。

居建陽之考亭。

先生以建炎四年九月十

寺側。 氏 僑寓建、劍二州。 ,而先生生焉。 服除,調南劍尤溪縣尉。 洪本。 是歲,舘於尤溪之鄭 去官,當

喪,以貧不能歸,遂葬其親於政和縣護國

紹興元年辛亥,二歲。

一年壬子,三歲。

三年癸丑,四歲

物?」韋齋異之。《年譜》同 【行狀】先生幼穎 天示之曰: 「天 也。」問 悟 莊 重,甫 曰:「天之上何 能言,韋 齊指

四年甲寅,五歲。始入小學。

二,以行稱。 按:先生小名沈郎, 【年譜】韋齋《與内弟程復亨書》云:「息 婦生男,名五二。今五 小字季延,此云「五 歲,上學矣。」〇

五年乙卯,六歲。

語録】某五六歲時,心便煩惱: 「天體是

如何? 外面是何物?」黄義剛。

六年丙辰,七歲

七年丁巳,八歲。

《年譜》同。《年譜》同。
《年譜》同。
《年譜》同。
《年譜》同。
《年譜》同。
《年譜》同。

八年戊午,九歲。

休, 如 謂 只 子》到此,未嘗不慨然奮發,以 【語録】孔子曰: 斯仁至矣。」這箇全要人自去做 是未知 此做工夫,當時 箇不把當事。 奕秋,只是争這些子,一 向要去做 得是 如 I 仁 何做 某年八 夫。 便有這 遠乎哉? 不知何人。 Ι. 夫, 九 箇 箇進前要做 歲 自 意 時, 爲爲 後 思 我欲仁, 更不 孟子所 讀 學 如 **企**孟 當 此

【行狀】少長,厲志聖賢之學,於舉子業初

不經意。

而今方覺得難。包揚,庚寅後。《語録》某十數歲時,讀《孟子》,至「聖人與《語録》某十數歲時,讀《孟子》,至「聖人與《年譜》時自知力學,聞長者言,輒不忘。

十年庚申,十一歲。 受學于家庭

警焉 楊 韋 力於致知 傳之遺意,於是益自刻厲,痛刮浮 【年譜】時韋齋爲 取古人佩 趨本實。 檜和議,出知饒州 龜 齋師 Ш 所 事 傳 誠 日誦《大學》、《中庸》之書,以 羅豫章,與李延平爲同門 韋之義,名其齋 意之地。 伊洛之學,獨得古先聖賢 吏部員 ,請祠,居於家。 自謂 外郎,以 曰 卞急害道, 韋齋, 不附秦 華, 〇初, 友, 以 自 因 不 聞 用

【文集】《皇考吏部府君行狀》云:又得浦

九年己未,十歲。

之遊 城 歲,先君罷官行 畀之。先生跋云:「紹興 道梗概,欣然領解,故書蘇子瞻《昆陽賦》 公問學,●與先生爲 居,暇日手書此賦 至昆陽之戰,熹問:「何以能若是?」爲 〇《延平行狀》云: 先考吏部府君亦從 興亡大致,慨然久之。」《續集 書昆陽賦後》云: 蕭公顗子莊、劍浦 則 聞 龜 Ш 朝,寓 楊 以 爲 同 氏 授熹,爲説古今成敗 羅公從彦仲素 門友。 兒甥 建 所 陽,登 庚申,熹年十 傳 讀《光武 河 ○韋齋先 高 洛 邱 之學。 而 氏 紀 生 羅 與 之

十二年壬戌,十三歲。十一年辛酉,十二歲。

齋先生憂。十三年癸亥,十四歲。春三月辛亥,丁父韋

四日辛亥,卒於建州城南之寓舍,年四十【文集】《遷墓記》云:以十三年三月二十

有七。

之門。

【年譜】當韋齋疾革時,手自爲書,以家 築室於其里第之傍,先生遂奉母夫人遷 父事之,而唯其言之聽。」韋齋殁,少 彦冲,且 白水劉勉之致中、少傅之弟屏 屬少傅劉公子羽,而訣於籍溪胡 也,學有淵 籍溪胡公爲最久。屏山卒於紹興十七年丁卯十 而居焉。 女妻之。  $\equiv$ 君子撫教 顧謂先生曰:「此三人者,吾 乃遵遺訓,禀學於三君子之門, 不數年,二劉公相繼 源,吾所敬畏。吾即死,汝 如子 姪,而白水劉公因 下世,獨 Ш 憲 劉 原 /傅爲 子 以其 往 翬 友

■「問」,原作「同」,據武昌書局本及《文集》卷九七《延

午方卒 月 白 也 水 卒 於 + 九 年 己巳 九 月 籍 溪 則 至 一 一 年 壬

先 先 許 泣 之, 文 側 屏 水 孤 有 顧 而 而 一受言 君子 語 生 劉 教 皆 淵 Ш 窮爲己任 禀學焉。 集』 籍溪 而 而 先 誨 劉 熹 而 源 非 先 唯 棄諸 與 彦 生 熹 ,不敢忘 曰 行 其言之聽, 常 生 屏 吾 、之遊 冲 如 既 狀》 所 亦 Ш 時 孤 子 與 以 籍 此 之 墓 不 敬 先 先生之兄 云 姪 俱 故 三人 溪 更 事 鄙 表 畏 既 生 隱 相 胡 熹 0 **>** 其 既 則 先 <u>-</u> 云: 慨 没, 者 原 獨 切  $\bigcirc$ 吾 又 愚 吾 生 又 然 于 吾 仲、 得 磋 侍 得 穉 則 死 即 以 所 先 白 爲 朝 以 郎 奉 屏 不 死 其 與 白 人 友 經 水 所 就 夕 公 以 Ш 恨 息 同 也 水 疾 理 墓 汝 以 於 尤 其 劉 告 矣 志 女 劉 其 病 表 往 教 其 先 學 公彦 LI 歸 家 致 時 生 學 唯 示 熹 父 云 收 君 中 冲 白 之 皆 嘗 熹 事 期 卹 子 飲

> 供 之先 姪 以 劉 因 家 公 灑 以 故 事 君 碑 掃 屬 熹 之役 子 爲 \*\ \\_ \\_ : 其 自幼 寄。 子。 亦 得侍 先 而 晚 公惻 故 而 事 人 熹 公左右 先 定 晚 然憐 於三 交馬 生 從 爲 公遊 之, 君 最 子之 久。 既 收 疾 病 教 門,皆 病 Q Ħ. 熹 没 寓 如 少 傅 書 得 遂

豈 字 貫 子 然 欲 氣 斥 者曾子 作 屏 道惟 其 無 象 厥 「容」。 以 熹, 無 Ш 元 名 伐 他 光 字 知 幼 稱 晦 曄 烈 顔 而 詞 而 其 敷。 省身 烈。 傳 子 夫 表 騰 宣 友曰:「有 冠 如 於 名 誰 異 於 而 則三。 書。 愚, 之 從 敢 聲 晦 欽 義 事 居? 友 迹參 於 名, 終 雖 朋 於 身, 若 夾 身 百 斯 木 尚 粤 並 自 輔 無 世之遠 弗 晦 神 焉 惟 遊 諸 惟 孔 於 越 英 實 古 明 子 參 請 門 根 、若 虚 制 内 言 馳 也 也 祝 陋 翺 腴。 春 志 無 俊 以 揣 巷 翔 朱 字 慚 氏 쁄 其 兩 口

蒙。 吏部 驂。 開 華其 勿謂 切 顔、 古人不云乎,純亦不已。 悵友道之衰變, 切而 如源 曾是畏 繼。 學的 言 文儒之粹。 此 唯 而 耳,充之益充。 之方駛。 唯。 欲正,吾知斯之爲指 思毖,動 來兹講 子德不 磨, 望洋 而 彪 思躓 融 炳 -日新, 借日 渺 育 融 瀰, 珍, 憙 則 凛乎惴惴,惟 合矣,宜養於 惠 文 老我縮 時 南 予之耻 真 作「又」。 聰 惟 先 廓

十四年甲子,十五歲。葬韋齋先生。

十五年乙丑,十六歲。

[年譜] 墓在崇安縣

五夫里西

|塔山

某 段痛快,未嘗不悚然警厲 事 百,人十己千」一章,因見吕 年十四五時,便覺 録】某年十五六時,讀《中庸》「人一 便愛了 某 不 敢自 得 這 昧,實 奮 物 發。 與 事 叔 是 以 沈僴 銖 解 好 累寸 得 底 此 物

十六年丙寅,十七歲。

十七年丁卯,十八 【年譜】考官蔡兹謂 非常人。」 生,三篇策皆欲爲 歲。 朝 秋,舉 人 廷措置大事,他日 日 建 吾取 州 鄉 貢 中 必 後

夏,准敕賜同進士出身。 十八年戊辰,十九歲。春,登王佐榜進十

【年譜】中第五甲第九十人。

作文字,及其得 後來只是如此發舉及第。 求爲必得,豈有 語録】某少年時,只做得十五六篇舉業, 此 也,只是 理 ? 曾 如 祖 人但不可不會 此。 道 今人 學者 却 要 難

書 讀 得 被被 都 陳文蔚 不 人横 - 肯自 截 去著 直 截,某只 力 讀 書,某 是不 登 · 管, 一 科 後 面 要 自 讀

九年己巳,二十 歲

聞 傳 1) 没 量 + 讀 有 思 自 後,方知不 歲,只逐句 後 味,畢 塞 杜 義 極 要緊,不 歲,史書 ,自見得 録】某從 倦」 鵑 理未 淵 通 尾 聲。 快。 相 竟 透, 終 章,凡三 照 意 去 難 都 粗 口 葉  $\pm$ 温 十七八歲 管, 直是不 有 思。 恁 理 過 理 不 心 且 孫。 會, 要 地 會 T 脉 惠 〇某 1,更不 從 讀 看,但覺 四 大率才看 絡 淑 能 此 林 夜, 某自十 舊 相 讀《孟 履 元來 睡 看《 慎 讀 通 孫。 貫 0 窮 其 孟 透。 「仲氏 串 得 許 究 初 身。 得 子 Ŧi. 子 閒 看子 到 多長段, 只 某 ×, 此等文 <u>一</u> 十 六 ×, 是閒, 明 任 先 舊 恁 時至 覺 至 夏「先 只,其 徹 君 年 得 地 歲 字 思 非 夜 意 熟 都

> 處 多 曰 道、文章、楚辭、詩、 不 兹維 公東 此 咈,先民 意 思 ? 時,無數文字,事 思 能 不求備 自 「且慢。 錢 艱哉 己。 征 自 木之。 無 勗 伊 某二十 緣 此 時 寡 四 尹 覺 ,檢身若 及 逐 如 人。 若。 日 或 得 我 得 此 時 某 是 歲 朋 只一 外 等處,直爲之廢 既 去了 居 先王 皇。 舊 前 友 事 不 破 L 事 時 兵 間 後 箇 及。 我斧, 克 有兩册 肇 哀 包揚 法, 渾 看文字, 亦 大 已 明, 修 我 身, 要 以至于 凡 看 事 又 人 爲 人 無 得 人 事 如 缺 紀, 斯 下 所 知 何 書 難 卷 要 我 不 有 克 箇 日 學。 從 大 得 兼 慨 亦 斨 學 萬 忠 用 忽 意 這 諫 孔 得 想 邦 出 思 禪 弗 如 般 與 而 周

時, 【文集】《 跋 便 徐 喜 誠 跋 讀 叟詩》云: 曾 南 南 豐 豐 先 帖 生 **※**云: 熹 之 年 文, + 熹 竊 八 年 九 慕 二十許 時, 效之。 得

久而後知其爲不易之論也。仁」、「知言養氣」之説。時蓋未達其言,拜徐先生於清湖之上,便蒙告以「克己歸

一十年庚午,二十一歲。 之宗。 帖云: 以 之趣,不免於局 門庭中來乃佳,不如是,無以發 也。』如《選》詩 音洪暢, 時董琦嘗侍先生於鄉人之坐,酒酣,坐客 【年譜】先是,婺源鄉 穎有詩云:「共歎韋齋老,有子筆扛鼎。」 曰:「聞之諸先生皆云:『作詩須從陶、柳 生少年翰 次歌 ,然更須讀《語》、《孟》,以 「三百篇,性情之本,《 學詩 誦。 坐客竦然。 墨 先生獨 而不本之於此,是亦淺矣。 以 及 促塵 示 韋 其 歌《 蘇 丈人 埃,無繇 友 州 春,如婺源 董 有帖 離 詩, 俞仲猷, 當得先 穎,相與嗟賞。 騷 深 與 亦 經》一章,吐 離騷》,辭賦 到 流離散 古 不 其本。」又 内弟程 展 可 人 墓 佳 不 冲 熟 淡 處 洵

> 之用。李本。 按: 午,公省墓於婺源,以其租 張公以書慰文公於喪次, 其直,而後以 授於劍,請爲贖之。計十年之人,可以當 質其先業百畝以爲資。 以用意處,佩服 求諸己 然學者所急亦不在此。 (語》、《孟》二書,精之熟之,求見聖賢所 虞集作《復田 而 已。 田歸朱氏。癸亥,吏部没, 而力持之可 反求諸 記》略云: 同鄉張公敦頤教 己, 學者之要務,反 而 人充省掃祭祀 吏部之來閩, 也。」洪本。 歸 别 田 無 馬。 要妙, 庚

授左迪功郎、泉州同安縣主簿。 二十一年辛未,二十二歲。春,銓試中等,

二十二年壬申,二十三歲。

于延平。二十四歲。夏,始見李先生

【年譜】初,龜山先生倡道東南,從遊甚

1

樂 學 素 衆 深 口 羅 安 以 道 語 人 爲 不仕 公,實 愿中 特往見 其 知言,先 而 潛 己。 如 得 思 冰 之。 罕 其 力 李 生 壺 傳 行 知 先 秋 少 之。 百 任 月 牛 耳 門 諱 **警** 重 熟焉 沙 皆 詣 侗 縣 澈 以 極 鄧 字 無 爲 者 至是 瑕 迪 愿 不 天 及 羅 中 啟 將 韋 公 齋 嘗 仲 然 受 赴

見 爲 少 X M 語 定 延 年 道 好 與 籍溪 録 平。 佛 佛 數 能 未 合 爲 老。 日 至 初 在 鄭 舉 師 某 故 可 後 業 然 以 學。 屏 作《 乃 自 於 文定之學 山 官莆 見 、佛老, 見 聖 籍 7 一傳 於 溪 田 老,歸 此 論 亦未 道 爲 接 籍 **%** 未 塔 論 溪 家 其 有 有 學 下 治 讀 後 見。 所 道 於 儒 屏 得 僧 文 則 屏 Ш 定, 可 乃 先 能 以 Ш

道 文集》 東 南 士之遊 延 平行 其門者 狀 **>** <del>조</del> 甚衆, 初 然 龜 Ш 語 先 其 潛 生 倡 思

> 守,不 病 明 發 要 恐 坐 故 真 所 夫 生 窮 力 以 謂 喜 未 澄 其 書 既 行 有 講 在 亦 足 怒哀 心 言 夜 從 反 在 過 於 學 任 中 退 道 之 身 不 乎 日 荷 未 始 體 重 聽 倦,隨 樂 學 也 : 自 者。 是 詣 免 有 有 認 矣。 \_\_ 未 得, 也 灑 得 學 講 顯 天 極 蓋 發 又 然 理 然 力 問 誦 如 人淺 久 耐 之前 又云: 嘗 久之 冰 耳 羅 之 悔 之 久 可 日 若 解 公, 道 尤 深, 餘 用 以 耐 : 氣 見, 凍 又 , 而 力 蓋 人 其 不 誘 危 知 象 釋 嘗 讀 已 雖 於 於 之 接 在 天 處 爲 坐 日 0 書 人 此 聖 各 後 0 多 下 終 何 . 者 毫私 縱 而 言 賢 學 若 不 之 H 如 知 學 庶 有 已 大 此者 之 司 答 其 者 力 幾 欲 但 以 0 而 域 問 所 持 漸 默 求 先 ∭

<sup>● 「</sup>悔尤」,原作「尤悔」,據《文集》卷九七《延平李先

直 者 文 所 言 味 不 而 分之殊,此 深 爲 以 莫 不 書,然其辨 至 日 長,蹊 自知 非吾 文字求之,悦其 加 玩物喪志者幾 講 吾所 也。」 事 學者 學切要,在 徑 前 析 未 不 一其開 至者 差。 精微,毫釐 即吾身以求之, 所以 端示人,大要類 希 皆 若 流 詞義,以 深潛 於 以 以 可 疑 理 縝 故 畢 勉 似 密 未嘗 察。 而 資 亂 而 0 進 則 誦 真之 不 然 嘗 爲 凡 矣。 此 説 察 後 聖 講 語 説 其 其 賢 氣 間 解

秋七月,至同安。

慕之。 爲 年 事 行狀 方 事 待 表 踰 以決。 率 ,選邑之秀民 蒞職 冠 日 聞 與講 荷 勤 其 利 敏 風 説 () 纖悉 於民,雖 者 充弟子員, 聖 已 賢 必親,郡 知學之有師 修 勞 己 無 訪求名士以 治人 憚 縣 之道 長 職 而 吏, 尊 兼

【年譜】解有燕坐之室, 更名曰高士軒, 而

學, 業,則 士 哉 孳孳 則 豈 聞 以 尚 兼 以 如 孳 之秀民 徐 令甲 此 諸 孳 爲: 循 愛日之意哉 學 ? 至於怠游 則 應 故 焉 焉 事 生 則 無以 將 諸 充弟 學 中 晨 愛 態,食已 凡 愛 有 君 可 身 議 如不及,猶恐失之,此 簿 起 日 日 欲 爲 率諸 苟 以 論 子員,身加 而 人 不 所當爲者,大 不 已不 得 思 也,故苟足以應有司之求, 純 學 ? 倦 不 倦, 〕則去。 志 生 於 IF. 知 能 蓋 一,規 於科 未 工資 而 科 死 返, 者矣。 今日 及 競 舉 而 矩 先生爲文勸諭之, 督厲 舉 日 使古人之學止 尺寸之陰 之 後 操履 甚 斯 學者舍科舉之 中 書 外 已 嚴 先 已矣。 各已散 楣 者 堅 知 有 生 間 君子所 確 初, 果 所 本 既 也 縣 選 何 所 敦 以 又 進 邑 爲 於 以 職

「在」,原脱,據《文集》卷九七《延平李先生行狀》補

0

殿 事 矩 知 末 不 赴 V 前 荷 有 所 非 有 學 講 以 趨 遂請 待 柯 座 生 理 先生 約 君 而 義 相 以 齋 興 翰 其 不 爲 與 賓 、於行 者 舍 外,學者 又 足 學 漸 客 以 悉 以 家 職 摩 之 爲 加 乃 悦 居 禮 理 整 增 衆 教 其 品 翕 義 俾 葺 修 益 授 心 品 然從之。 有 云 講 常 諸 有 防 則 以 問 生 百 之 所 亦 博 之 嚴 有 餘 於 無 其 法 憚 所 人 以 法 以 内 矜 至 制 使 不 行 使 式 之 學 規 職 之 敢 峻

期 吏 時 如 沂 X 徧 語 户 時 帖 曉 或 録 問 違 納 鄉  $\overline{Z}$ 示 例, 昔 限 司 者紛 只以 初 本 遭 主 在 云 任 同 點 廳 人 紛 口 安作 頭 取 「須 定 幅 安 幾 知 然 主 斷 紙 榜曉 簿 委 日 此 簿 不 時 點 截 只是 恕 示,令 縣 追 作 只 每 牒 所 如 甚  $\equiv$ 點 片 以 此 委 箇 鄉 追 其 補 X 分 信 税 具 作 到 税 試 怕 而 檢 限 小 必 頗 唤 日 仰 榜 先 潘

> 作 許 臨 榜 多 賦 展 弊 税 多 日 期 但 出 簿 即 吏 葉賀 云 Ŧ 書 諭 覆 縣 過。 、之簿 皆 以 孫 云 學 當 不 某 要 管 主 逐 月 例 如 簿 日 某 當 此 某 就 點 展 日 向 職 對 只 補 日 簽 爲 内 用 \_\_\_\_\_ 試 大 押 同 又 安 有 各 幅 諭 以 簿 事 請 紙 免 以 知 許 縣 斷 吏 寫 名 中 數 不

業,操 者 之人, 官户 木 有 文集》 宿 之,使不 必了 食廢業之患 殊 有 富家、吏人、 於 餘之 使 答陳 敢 人 伸 日 勢力,以 扼 明 理 之中,蓋 腕 仲 而 市户 此 書》 市 最 每 坐 典 云 弊 縣 木 不 買 : 之大 富家 中 破 如 頃 田 有 賣 此 業 在 者 得 送 家 同 以 則 來 計 不 安, 持 整 肯 村 狼 久 民 受 見 理 狽

生充學賓 文 諭 集 諸 職 高 事 申 士 縣 軒 劄 ^ 記 補 子 試 **%**0 ×0 榜 ^ ^ 舉 諭 口 柯 安 縣 翰 ^ 狀 諭 請 徐 學 者  $\pm$ 

是月丁酉,子塾生。

二十四年甲戌,二十五歲。秋七月,子

埜生。

一十五年乙亥,二十六歲。春,建經史閣。 之書,藏弆 藏書,得 「年譜」正月,以檄 尚 閣 可 讀者 中。 至帥府,盡模 又料 百餘 簡 卷,悉庋於 故 匱治 府中所 平 中 閣 所 有

學者得以覽觀焉

者得肄 凡 募 口 書皆故敝 連帥方公,願 年春正月,熹以檄書白事大都督府,言於 云: 【文集》《同安縣學官書後記》云:二十 九百 讀 民 同安學故 者得 間 八十五 習焉。 得 凡六 殘脱 故 橅 卷。 種 公即 所 有官書 府 無 藏 一百九十一卷。 中 復次第,爲之料簡,其 ○《同安縣故書目序》 去者復二種三十六 日 所有書 屬 一匱,無籍 工官橅 以 歸,●俾學 以 又下 記。 子 縣 文 五

卷。❷ 著之籍記,而善藏之加嚴焉。

夏,縣有盜,分守城之西北隅。《文集》《經史閣上梁告先聖文》。

廢 又相與 監 部,循勉慰飭 徒日射 警,令、丞以下部吏士分城 【文集】《射圃 間往射 鹽税曹侯沆分備 其間。 相 城之隅得 如 諭 初。 記》云:二十五年夏, 其 意 後 隙地,以 吏士,士 盜 西 雖 北。 潰 去, 以守,而 爲 皆感奮 侯 射 與予行 加 圃 圃 爲 屬 縣 子 因 用 其 所 與 有 不

定釋奠禮。

事。 年譜》初, 先生至,求《 縣 學 政 釋 奠 和 舊 五. 例,止 禮 新儀 以 **>** 前 人 吏行 本 於

<sup>●「</sup>撫」。下文同。

②「去」、《粤雅堂叢書》本作「弆」。

器 禮 執 縣 事 用 無 學 ^ 紹 之, 衣 生 服 興 乃 朝 等 祀 取 夕 圖 **\*** ^ 觀 訓 ×, 周 覽 禮 更 釋 × 相 臨 辨 ^ 參 事 明 儀 考, 無 禮 纖 舛。 × 悉 畫 ^ 成 洪本。 畢 唐 備 禮 開 儀 俾 元

申 憑 其 俗 請 坐 至 憚 至 承 檢 而 文集》《 (,婚姻 無 遵 會《政 見 於 嚴 流 奔 不 而 守 行條 及 悔 妬 其 婚禮 誘,則謂之「引伴爲妻」。 婚 防 於 約 弊 媢 爲 姻 禍 申 和 法 習俗 相 非 士子、富室, 東 之禮,里巷之民 亂 重 Ŧi. 嚴 特乖 形 施 曉 所 禮 之 念成 婚 昏 諭 行  $\forall$ 原 - 違禮 以 禮 思,深 士 禁 也。 别 狀》 庶 禍 止 典 男 亦或 婚 釁 云 可 ( ) 瀆 訪 女 娶儀 列則 仍乞備 悲 聞 爲 貧 亂 經 竊 憫 本 或以 之,無 習以 式 不 或 夫 惟 縣 能 行下 申 章 婦 欲 禮 自 此 聘, 使 前 成 乞檢 復忌 律 殺 舊 IE. 以以 州 己 風 或 身 之 相 風

立故丞相蘇公祠于學宫。

祐時。 年 譜」蘇 學 術 公名 風 節 頌,字子 爲 世 所 容 稱 同 安 相 元

【文集】《蘇丞相祠記》。

二十六年丙子,二十七歲。秋七月,秩滿

《年譜》時秩滿,代者不至,因送冬,奉檄走旁郡。

老

幼

公事 此 册 行 得透徹。 有 亦 語 修 説 熟 不 段分明。 李,無文字看 録】看文字却是索居獨 改,不 簽了 讀 暇寫,只 處,夜寒不 方 某往 過 便 曉 後官 是轉 逐段 看 得「養氣」 年 能寐? 1,於館 得 「滿,在 在 换 以 更 同 紙 處 分 人處 因 安 郡 明 簽簽之,云 一章 大 看得子夏「論 日 中 意不 借 · 等批 處方精 後 語 因 得《 來 差出 脉 出 孟 其 書 當 此 子》 E, 專, 當 體 時 是 間 學 時 遣 究 看 所 雖 如

與

立

祠

於學宫

若 廖 作 見。 聞 都 又 細 批 德明 如 鐘 有 不同 讀 書 因 黄罃。 鼓 下 此 ,方尋得 此 在 八聲,聽 落。 自 答。 警 客 懼 有意脉 邸 葉賀孫。 待 某向 其 本 只 9 乃 再 意 借 知爲 問,又如 爲 聲 が,都見 見。 得 〇少年時,在同安, 同 未絶,而 學 安 册 看 須是 (簿滿 貫穿,字字語 他 ^ 此答。 孟 初 子 此 專 問 `》,將 到 心已自 心 其文 如 泉 致志 此 來 州 問 走 夜 意 雖 仔 候

代不至,罷歸。 二十七年丁丑,二十八歲。春,還同安,候

其 館陳 罷 年譜】冬十 行狀】歷 室 歸 日 氏 其 者數月,命 畏壘 去 四考,罷歸,以 也, 月,代者 菴 士 友生之嗜學者 思 陳 其 卒 氏 教, 不 奉 世爲醫,名良傑。 親講 至 民 懷 以 學爲 其 與居, 四 考滿 惠, 急。 相 名

生于延平。 二十九歲。春正月,見李先二十八年戊寅,二十九歲。春正月,見李先

始知其 要也 於小 理不 儒之學,所以 爲 事焉。 劉公學問。 是,心疑 文公先 延 延平亦莫之許也。 於論學,蓋未之契,而文公每 趙師 儱 平之言,若有所得,於是盡 患 侗 夏跋 於延平之言, 宏濶之言,好同 則 生嘗謂 不我欺矣。」蓋 其 丽 此 不一,所難 不 延平答問】文 及壯 編 服 異於異端者,理一分殊也。 所 師 録,蓋 夏 ,以父執 同 曰:「余之始學,亦 文公領 安官 則 者分殊耳。」此 延平之言曰: 而惡異,喜大而 同安既歸 以 公幼 事 餘 爲 簿 延 反 何 棄 同 誦 孤 平 爲 所學 安,反 復 之後 從 其 而 多 思之, 所聞 已,至 事若 屏 而 吾 也 其 務 復 耻 Ш 師

【文集】《與范直閣書》云: 熹頃至延平,

親 來 不 見 歸 約 李 屏 朝 處 愿 而 中 合。 夕 Ш 丈 間 有 問問 深 就 又《與 僻,亦 以 正 之所, 貫 范 可 忠 直 觀 窮約 閣 恕之説 書。 書 之中 | | | | | | | 又得 與 此 胡 熹 卑 丈 亦 奉 意

南嶽廟。冬十一月,以養親請祠。十二月,差監潭州

足樂矣。

進泊如也。 《年譜》先生自同安歸,彌樂其道,其於仕

【文集】《 遂乞嶽 年,省罷 廟 歸 申 差 鄉 建 遣 寧 偶 府 以 親 狀 **※**云: 老食貧 同 不能 安 到 待 任 次 四

【行狀】請奉祠,監潭州南嶽廟。

之訓 也。 延平答問】李先生 美, 賴 於聖賢之言,亦時有會 世 天之靈,時 累 妨 奪 處 時 書云: 多, 只 在 此 某 心 心 心 處,亦 目 未 自 間 嘗 聞 間 敢 師 雖 有 忘 資 友

> 如之! 晦 殊 識 乃 無 其 不 進 所 鄙 步 以 戊寅十一月。」 孤 處。 然 陋 者 寡 今 聞 已老矣 但 遠有 覺 見 質 日 反 問 爲 益 所 恐 理 疑 道 懼 所 吾 何 縛 媿 元

所 間 物 乎孟 乎參倚之間, 勿 用 不 爲 【文集】《存齋記》云:許生之學,蓋 而 齋,而告之曰: 可以 以 助 其 久,久而熟。 萬物之靈者,心 無 則不得於言 力 長」,則存之之道也。 名 氏 適 哉 齋 聞見得,不可 所謂存其心者,於是以「存」名 而 之説 非 小必 是也。 而 世 人之所 心之爲體,必將 無 有 而已矣。 謂 事 君子於 以思 息之不存矣。 之 焉 以位天地 而 無 慮求。 勿正 物 如 此 然心之爲體 是 則 瞭然 亦 心 而 之中, 謂之有 日 將 存,存 勿忘 有見 用 此 有 何 之 其 意 所 而

二十九年己卯,三十歲。春三月,校定《謝

## 上蔡先生語録》。

篇 記 所 指 答。 推 以 參校。 道。 而 同 行 胡文定公家 家之書, 蒼吳任 【文集】《後序》云 7,雜他 <u>\*</u> 定 9 得 助 於 知 然時 著 下 其 獨 學於程夫子 先 佛 世 篇 寫 決 學 版 書 生 胡 往 皆温 書,其 有 而 本一 非 三篇, 遺 本 氏 四 時 輒 小異。 此 先 所 語 十七 上 寫 削 放 陵 書 篇,後得吴 生語 尤 增 篇 三十餘章 本 去版 而 曾恬天 已校定, 傳者蓋 一二篇。 昆 者 多 章 五. . 絶之,其 輒 猶 Ŧi. 弟 謝 + 本 初 與 因 之門, + 五 百 先 Ŧī. 未 隱 鮮 版 其 可 章 餘 餘 凡 生 嘗 + 中版本 别 焉 所記。 舊, 本、 餘 章 章 書 繕 名 有 餘 記 爲 有《 良 寫。 四 所 章 亦 定著 吴 文定 至 然 熹 論 篇 頗 佐 左 氏 篇。 或 特 詆 最 初 篇 刊 語 爲 後 失 本 公 以 程 得 字 以 去, 説 後 凡 本 問 亦 理 氏 略 得 括 相 顯

> 所 首 都 不 示讀者 於其 著 篇,讀之, 尾次序 知其果出 前 使使 非 學者吕 無 謝 無 於何 則 疑 氏之語,益 字之差,然 盡 舊傳云。 祖 人也 向 謙 所 得 0 削 江 後 以 戊子。 去 後 民 籍 明 五 表 知 白 溪 十餘 其 胡先 辨 爲 大 章 道 江 書 生人 者 録

後, 初用 【文集】《謝 乃 語録】某二 用 則全與 朱 粉 筆 筆 畫 元 + 出  $\equiv$ 看 蔡 合 年 觀 時 語 處。 前,得《上 不 則 録 同矣。 後 又 及 序 用 再 **\*** 墨 觀 蔡 余大雅 筆 語  $\Rightarrow$ 則 謝 録 不 E 數 **>** 觀 同 蔡 過 之, 之 語

秋八月,召赴行在,辭。

録

後記

**%** 

辭,會言 年譜 用 路 執 有 政 託 陳 抑 康 奔 伯 競 薦 以 也。 沮 之者 先 生 以 方 故 控

【本傳】以輔臣薦,與徐度、吕廣問、韓元

不就

六

吉同召,以疾辭。

【文集】《辭免召命狀》。

平,始受學焉。三十一歲。冬,見李先生于延三十年庚辰,三十一歲。冬,見李先生于延

丽 可 冬,予來 文集》 後去 師之舍, 謁 再 以 隴 題 達 朝 西 先 觀 夕 生,退 軒 往 詩 來受教焉 序 而 学云 寓 於 : 紹 西 閱 林 興 數 院 庚 惟 月 辰

畏 章 年,精思 鮮 徒 爲 行 年 羅 步 同 與 譜』退 狀 其 往 門 先 倫 生學 所 從 友。 比 延 實體 之。 論 寓 平 先 於 舍旁 李 難 又 生 龜 而學之所造 延 先 日 體 歸 平. Щ 西 生學 認 林 自 楊 稱 切 穎 院 之 同 先 於 至。」 安,不遠數百 生。 悟 H 豫 閱 益深 絶 章 數 自 韋 羅 月 樂 矣。 是 齋於 善好 先 而 從 力 後 生 行 延 遊 去 里 平. 累 可 豫

年

譜】延平

與其友羅博文書云:「元

晦

某

也

理

會

得箇

昭

昭

靈

靈

底禪。

劉

後

説

與

相

應

和

T

説

也

不

説

是

不是,

却

與

劉

此 漸 潛 有 皆 體 進 處 處,渠所 極 極 人 此 語 學 日 熟 漸 能 能 就 處,後 認 心 如 有 録』某 ",若静 甚 9 熟 於 此 指 來 融 裹 益 在 極 釋 此 者 其 力 面 病 則 論 穎 所 無 差誤 於 體 渠 年 翁 體 樂 處 悟 難 朋 以 又云: 日 初 認 初 + 有 善畏 力 所 用 好 處,皆是 之處 友 講 從 用 Ŧi. 會 而 合 説 學 行 今既 處 謙 幾 動 義 六 矣。 話 時 自 可 , 此 開 放 處 時 僧 畏。 吾黨鮮 論 善 操戈人室, 倒 無 頗 人 見 此 意 某昔 與 亦 難 處 7 羅 别 爲 道 即 下 講 嘗 見儒 之 下工 先 道 無 於羅 非 理 工 學 有 語 留 生來 得 他 理 全在 矣。」 極 夫。 其 心 夫 所 渠 事 者 從 先 造 又 於 未 來 縛 如 洪 僧 若 路 H 生 源 其 云 禪 本 此 只 用 於 味 脉 得 頭 微 見 故

理 自 爲 李 後 他 他 他 做 復 語 生 云 看 會 釋 在 先 隨 意 説 初 X 赴同安任 T. 某 與 「汝恁 簡 夫 見 日 月. 某遂 生 思 不 氏 他 他 遂 故今日 得 處 李 之説 重 理 去 覺 將 説 疑 説 粗 道 却 先 將 理 會 胡 地 得 聖 此 得 説, 李 一時,年二十 此 生, 那 會 説 懸 僧 亦 聖 是 人 不 也 漸 禪 未 先 試 書 空 一賢言 更有 無 不 煞 至 説 便 漸 權 得 生 官 是 理 來 甚 好 元 無 得 自 破 只 倚 會得 時 要 妙 語 讀 會 爲 理 見 再 無 綻 説 閣 説 妙 四 漸 文 及 某 會 得 只 限 罅 許多 起, 不 只只 處 讀 五. 字 去 漸 説 耳 質 在 道 漏 是, 矣, 來 在 赴 有 不 後 問 動 意 理 教 H 白 讀 試 味 董銖 似 某 來 始 中 遂 看 用 面 出 遂 時 去 而 李 見李 去 方 却 道 聖 却 間 前 李 得 賢 今 著 禪 先 曉 先 事 倒 扣 П 便 輔 舉 廣。 先 細 得 問 沈 實 却 生 日 生 疑 用 頭 亦

得 余大雅 閎 百八 要? 日 實,全不 若學者未 温 中 意經學 不 是 曰 元 祖 又 書 某 理 誤他?」 最 周 某 + 問 問 會 向 切 尹 尹云 夜 般, 來 依 尹 四 李先. 説 要 濟 推 輔 曾仔 從 此 和 延 爻 裏却 古 處 字字 事 某聞之竦 見 廣 師 説 靖 都 平 生 好 實 做 細 先 令去 體 有 去 自 後 仔 理 然 去, 理 日 生 下落, 静 用 此 伊 舉 細 須 會 始 嘗 聖 讀 然 間 真 處 111 思 是 以 信 言 始知 經 源 書 便 所 坐 箇 ^ 量 問 看 方始 易 前 益 與 聞 是 中 地 過 得 李 顯 傳 説 不 日 求 加 他 思 道 前 微 先 説 諸 > 詳 才 義 話 同 量 如 理 + 何 無 日 生 有 某後 得 細 此 人之悮 須 空言 四 間 處 夜間 方 黄 云。 此 説 先 始 是 掛 是 義 剛 有 刻 贵 切 明 如 H 無 生 此 李

三十一年辛巳,三十二歲。

[年譜]是歲,貽黃樞密書。黄名祖舜,以三士

一年同知樞密院事。

三十二年壬午,三十三歲。春,迎謁李先生

于建安,遂與俱歸延平。

此 復拜李先生於 文集》《再題 者幾 月。 李先生次子信甫, 達 建 觀 安。 軒 詩序》云: 而 從 時 爲建安主 以 來, 壬午春 又舍於

【年譜】復寓西林者數月。

【文集】《延平行 每一去 達 不已 而 日 復 來, 新 如 則 狀》云: 此 所 聞 必益 熹獲從先 超 絶。 生遊 蓋 其

恐 吾 助,爲世 羅先生遊,自 延平答問】李先 庶幾於晚 元 晦 相 事 淟 與 境 少 講 汩 也 時 者 學 生 粗 甚 於 何 書 聞 矣。 頹 慰 端 云: 墮 如之。 緒, 所幸 中 某 中 復 比 七月二十 幸 年 此 年 得 激 早 來 無 發 得 伙 從

日

夏五月,祠秩滿,復請祠。

六月,高宗内禪,孝宗即位。復差監南

嶽廟。

秋八月,應詔上封事。

情性。 熟講。 探 意 舉 任。 本 德之初, (行狀)祠 미 六月孝宗即 聖躬 年譜】是 淵 末 於老子、釋氏 以 ,然本原之 而 會有 不 源 雖未 早定。 立 比年以 朝 而 親 歲 大 政 詔 秩 出 有闕 御 位,詔 滿 中。 雖 求直言, 五月, 治 地 簡策,不 來,欲求 道 未 之書。 利 失,而帝王之學不 再 不 夫 有 3 害 請 祠 求直言,遂 可 帝 虚 闕 休 秩 因 以 王 過 遺, 無 滿 大道之要,又 孝宗 記 戚 上 不 之學, 諷 寂 誦 復 封 雖 而 加 滅 誦 詞 即 事 不 修 意。 上 以 文 藻 其 位 必 非 叮 攘 封 爲 辭, 先 之 事 非 陛 所 徧 可 請 復 略 格 計 頗 以 所 吟 下 以 以 因 物 貫 以 留 咏 毓 疏 不 不 其 會

外 陛 刻 毫 實,閉 觀 俗,使吾修 應之之術 願 悉 和者,有百 爲之,以 和 也 攘 之務。」 致 下之志,更 自安之意 可恃以 疇 彼釁之淺 也 夷 畢 知 志定氣 答大 今敵 狄。 以 照 嗣 義 次言:「今日之計,不 有 理 極 則 絶 於我 然計 爲遷延 臣 飽 害 政 利 自 明 斷 夫 約 然後 深,徐 或 相 事 而 然 而 總 ·, 任 矣。 事 以 有 不 激 丁、攘 無 無 意 攬 物 義 富兵 不共戴 中已之資 時定者, 賢 厲 害 一利, 誠 起 將 之 群 知 理 夷狄之外,子 使 也。 J) 而 義 變, 相 策,鑒失之之由, 强 以 之公,參以利 能,立 Œ 圖之,中原故 軍 理 ,視吾力之 天之 圖 何苦而必爲之? 使義 以 之不 民 講 事 ጠ 臣策之,所 而 讎 和 無 功。 紀綱 過 可 理 之説 不 口 不 0 以 修 所 敢 然 爲 數 曉 則 應 强 政 存 害 年 懷 然 無 厲 疑之 而 天 不 地 弱 事 之 之 求 頃 F 知 風 纖 猶 口

> 賢否。 之親 籍,肆 不 本。 交私之狀 廷 病 人,顧陛下 而 ·爲 係 欲斯 舊賓 己。 吾 虐 斯民之休戚 監 有 以 陛下 客 而 民之得 司者守令之綱, ௱ 無自 病 乎 斥 將 民 ? 去之; 以爲今日之 焉 而 者誰 其所,本原之 知 其 往 , 之耳 ? 己 斯 ? 尚 失勢者 民 次 在 則 休 朝 言 勢者 監 非 戚 廷 司, 宰 地 者 既 係 執 贵 姦 監 按 亦 守 四 無 臺 臟 在 **\$** 海 司 見 其 之 其 狼 朝 利 諫

【文集】《壬午應詔封事》。

失正 之皆似太過 【文集》《答許 差之毫釐,謬 途, 人 於 順之書》云: 以 若一 異 千 端 里」,況此 向 之 如 説 此 爲 所寄諸説 恐駸駸然遂 非特毫釐之 害 亦 細 求

■「今敵」、《文集》卷一一《壬午應韶事》作「金虜」。

0

當 深。 首 H 熹 理 處 説 差 ,認取 截 亦 爲 乎 乃 ,自然都使不 高 成 自 奇 標 ? 此 不 有 是 相 可 新 準 至當 且 誤 此 以 IE 妙之説, 以 反 爲 惟 理 病 之理 復 説 戒 所 著 以 程 玩 矣。 得 自 以 而 先 凡 並 味 儘 咎 不 相 生 且 前 高 蓋 口 耳 漸 只 及 倚 學 日 0 儘 染 爲 於 范 閣 所 也 從 妙 如 成 0 平 從事 處 子 此 前 久之 易 尹 習 韶 相 慤 病 之説 尚 聚 見 公之 痛 實 時 副 之 實 愈

孝宗隆 召,辭。 興元 有旨 年 趣行。 -癸未 冬十 三十 卢, 四 歲 至行 春三月 在 復

【文集】《辭免召命狀》。

十一月六日 行狀】人 理 物 無 以 致 形 對,其 其 而 難 知 奏 知 事 蓋 垂 言 物 有 拱 有 : 是 殿 迹 大學之道 物 而 必 易 覩 有 是 在 故 理 乎 大

> 言 人 毫髮 讎 之 至 地 陛 夷 學之道 蔽 以 即 事 之所 私 欲之 狄 痛 欺 舉 U F 理 非 之道 之 措 不 以 觀 雖 君父 守 私 載 能 平治 然 9 之 差 應 理 有 無 而 則 間 生知 自 忿 事 之 凡 溺 故 以 則 其 也。」末 今 之效 , 已之同 (離,不 有 故 天 應 本 制 動 心 之性 日 君 勝, 於 涉 天 下之 乎 不 所 所 下 事 臣、父子 淺 疑 在 共 高 言 是 當 情 以 理 者 貳 之 近 於 戴 而 皆 未 爲 世 事 多 虚 天, 威 者 天理 著 聽 一之行 自 古 非 多 所 無 强 之性者,發 無 乃 納之際 之過。」 非 先 專 由 所 未 之 天 毫 聖 戰 出 而 不 未 而 察 同 髮 之所覆 講 在 於 王 無 明 未 ; 之 然 於 其 未 嘗 制 以 於 未 己 德 於 是 嘗 隨 復 御 非 免

物

以求之,使是理

瞭然於心目之間

而

是

然

格

<sup>●「</sup>二」,原脱,據《文集》卷三九《答許順之書》補

於德業 之意 定理,而措之於言者如 故於奏對 莫急於講學,經世之務,莫大於 未可謂修, 罰 具不 之道,皆未可 立,凡古先聖王所 之塗尚 不行,民力已 其備 而 在於號令,❷ 成 加 壅,佞幸之勢方張,爵賞 不在於邊境 復 敗 剴 朝廷未 切馬。 申言之。 謂備 則決於君子、 殫 而 以 。」三劄 而 可謂 在 先生以 强 。蓋學有 國 0 於紀 此 本 用未 Œ, 而 所 折 在 綱 小人 爲 陳 衝 紀 節 於 定 制治之原, 不出 綱 威 易 今 朝 見, 之用· 復讎,至 未 則 制 致 日 狂 事 德 封 可 夷 諫 而 9 事 謂 業 其 狄 威 諍

宰臣 命 大淵招 年譜】時 問問 綱 不立 湯思退等皆主和 李先 權 ,義利不分,故 故 朝廷遣王之望使虜約和未還 生 奏及之。 一所 宜 言。 議, 先是,先 李 中 而 先 或 近習曾覿 生 一之道 以 生 衰 將 爲 今 趨 而 龍 夷 H 召

> 用其説以對。 班盛,人皆趨利不顧義而主勢孤。先生

【文集】《癸未垂拱殿奏劄》一。《奏劄》

二。《奏劄》三。

十二日,除武學博士,待次。

(年譜) 替成資闕也, 拜命遂歸

【行狀】除武學博士,待次。

粹,酬 除 幸 奏,論復讎之義,第三奏,論言 初讀第一奏, 【文集】《與魏 鴟 此 官 張 酢 則 然闕 「酢」疑 不 復 尚 論 元 作「答」。 聞聖語矣。 遠,恐不能 履 致 書》云: 知 格物之道, 如 響。 熹 待,已具 十二日,有 路 次讀 六 日 壅塞,佞 天 登對 第 請 顔 温 祠

0

<sup>「</sup>備」、《文集》卷一三《垂拱奏劄》三作「任」。

❷ 「號令」、《文集》卷一三《垂拱奏劄》三、黄榦《勉齋集

之劄 辭 日 投之。

論 語要義 》、《論語 訓 蒙 口 義》成

成 略 年譜、既 此 而 義 編 理 詳 序 次《 非 論 啟 蒙之要, 語 要 義 》,又以 因 而 删 其 録 訓 詁

家之説 詁 既 之,誦 語 先 義,而 録 未足。 有 時,受二程先 【文集】《論 敘 要義 以 生 所聞 略 次《論 元本 ൬ 習既 成 先君棄諸 於是 義 此 補 乃 缺 理 此 編 久,益 緝 慨 語 語 徧 Ŧi. 詳 訂 生《論 要義》 然發 字,今補 要義 論 求古 本之注 Œ 孤 殆 以 語 以 憤 非 語 序》云: 迷眩。 以 今 訓 人。 中 爲 説》 啟蒙之 備 蒙 盡 諸 一疏以 間 及其 覽 删 儒 口 歷 於 書,目之曰 通其 觀 之 義 餘 晚 訪 先 熹 門人朋 要, 又以以 説 親 説 序》云: 君 師 年 合 訓詁 有道 未 友 大 + 獨 其 爲 友 取 以 通  $\equiv$ 而 子 參 論 訓 數 删 竊 編 爲 大 兀

> 之習 敢偏 見一 之釋文 以 句之下; 生之説,以發其 平生所 二條焉。 廢 而 也。 以 已,故名之曰《訓 聞 正其音讀,然後會之於諸 然本其 於 章之指, 本 師 精微 末 友 精 所 而 列 粗,大· 以 得於 蒙 之本章之左。 一句之義,繫之本 作, 口 心思者, 小 義 取便於 ,詳略, 童 間 老 無 或 附 又 先

文集』《論 義序》。 語 要義 目 録 序 **%** ^ 論 語 訓

歸 劉氏 田

朱子 朱子 南 田 歇 與朱子 年譜 峰寺,至今猶存。 還 馬 ,資其 共之。 屏 莊 講習 買 Ш 按 子 乾道 養母 田 武 屏 评, 二百餘 夷, Ш 中 玶 既 後朱子同 去家 不受,謀 田 李本。 没, 忠肅 畝 券 頗 以 跋 遠, W 於 安秩 供 云: 公珙 時 忠 諸 於中 肅 費 滿 初 盡 歸 轉 實 以 屏 途 以 畀 畀 與 建 Ш

然未能 時 有 耳,非 説,蓋炎 外學,以遂其 也 於吾學。 夫先後緩急之序,於是暫置其説 【文集】《答汪 以敷文閣 所 自安, 敢 爲俟卒究吾説 嘗 有 遽 師 待制知 其 得。 雖 絀 其 始 未 絶 人,尊 初 尚 福 其 蓋 之 能 心,不可得矣。 州。 書 後 也 未嘗一 即 云尚書者 其道,求之亦切至矣, 書》云: 以先生君子之教,校 有 而 諸 後求之,未爲 而 己,然欲復 日 一二年來 蓋追題 不 熹於釋氏之 往 汪尚書 之。 來於 而 · L 甚 從 求之 應 辰 心 晚 事 獨

李先生。 年 申 申 比葬 三十 復 Ħ. 往會 歲 春 Œ 月, 如 延平, 哭

比 也。 帥治,坐語未終而卒,時癸未十月十五日 年譜】始,閩 葬,又往 先生以十一 會 帥 洪 汪 本本。 月 公應辰 歸, IE. 延 月 請李先 即 往哭之。 生 至

【文集】《祭延平李先生文》。《再祭延平

李先生文》。

秋九月,如豫章。

量 質甚敏 送之豐城,舟 吾人共之,海内 章,及魏公之舟而哭之。云亡之歎 (續集》(答羅參 也 學 問 中 甚 與 議 有識之所同也。 正,若充養不置, 欽夫得三日之款 書》云: 九月廿 自 日 ,其名 贵 何 豫 至 章 特 豫 口

《困學恐聞編》成。

歲,書成。 因目其雜記之編曰《困學恐聞》。至見因目其雜記之編曰《困學」名其燕坐之室

如是 學」名予燕居之室,目其 恐有聞」之意,以 學恐聞》,蓋取子路「 【文集】《困 也。 ○《困學詩》云: 學恐聞編序》云: 爲 困 有聞,未之能 而 雜記 學 「舊 者 予嘗 其 之編 喜 用 安心苦 以 日 力 宜 木 惟 困

成 地 覓 斯 始 心 庸言實未 名獨 覺 捐 從 書 恐 絶 前 是 學 枉 能 虚 費 寸 稱。 追 陰。」「 尋。 旁人 木 木 文莫笑 學 衡 Ι. 此 標 夫 日 題 豊 安 易 無

監

南

嶽

廟

庸行

之 業,而遽 敏 之不得其 心 何 親 蓋 誨 【文集】《答江元適書》云: 熹天資魯鈍 自幼記問言語 一二,方幸有 ,然反 無目 防頗知 叔 出 有 獨幸 知識 京書 道 一, 始 於釋老者 稍 有 有 擿 而 未 要。 埴 知 離乎章句之間,雖時若 111 求之,殊 意於爲己之學,而 知 索途,終 所 有意於古 頹 所 晚親 不能及人,以先君子之餘 向 熹 梁 向 + 耐 壞 少 之大方,竟以 未 · 餘 年。 有道,粗 爲之焉 之 日 ൬ 有 人爲己之學,而 歎 而 魯 以 莫 鈍 自 近 得 知 倀 則 歲 未 白 所 其 倀 又 以 得 。○《答 才質 適 事 緒 未 有 然 來 其 也 及 餘 不 會於 如 處 卒 瞽 及 求 不 獲

> 職 乾 道 夏 元 四 年 月, Z 酉, 至 行 三十 在 六 復 歲。 請 祠 春 五. 省 月 劄 復 趣 就 差

方主和 行狀】乾 議 道 請 改 監 元 南 促 嶽 廟 就 以 職 歸 既 至 以 時 相

端禮等方主 年譜】先是省劄 和 議 不合, 趣 就職,既 請 祠 至 以 歸 而 執 政 錢

文集》《戊 午 讜 議 序 **%** ^ 與 陳 侍 郎 書

陳名俊卿,時 爲吏部 侍郎

年丙戌,三十 七 歲

寂 也。 知識 發」,而 至於死。 文集》 然不 事 然聖賢之言, 指 動」者, 《與張 物交來 夫暫 其 間 欽 夫 而 初 夫 應 贵 休息,不 無 則 書》云: 接 以 頃 有 不暇 日 刻 所 用 停 與事 謂 念念遷 流 息 自 未 舉 行者爲「 接之際爲 有 發之中, 世皆然 生 革 即 以 己 有

於物 夫豈 於 發 體 復 不 欲 見,不少停息者 未 無 口 日 者,是乃天 通 未 之 之間 其 嘗 大 覺之 觸 是 以 而 則 發 欲 私 别 初 事 謂之中 退 不 非 而 之而 庶 矣。 萬萬 流 寂 所 有 幾 時 而 寂 中 而 乎 蕩之中 能 然 微之際, 耶 發 驗之於 然 命 可 覺,蓋 起 邪 先 哉 物 也 壅 之 ? 見。 以 萬 流 生自 暗 ! 遏 謂 貫 行, 限 嘗 滅 所 有 鬱 其 注 H 學 乎 丽 然則 而 試 於 謂 云: 生 渾 塞 而 體 用 梏 蓋 大 者 有 其 以 生不已之機。 然全體 Ľ 用 其 之 愈 本 於 良 天 未 覺 此 時 似 此 寂 間 之 達 理 求 古 發 書 是 心 焉 非 求 9 非 然之 哉 如 道之全 拘 而 萌 本 致 之 虚 則 應 則 是,但存之以 是, 蘖 於 真 如 愈 察 , 凡 明 物 又 本 是 不 而 故 隨 感 應 便 亦 而 則 而 體 處 體 可 而 操 贵 之 雖 物 未 處 雖 爲 泯 不 見。 存 嘗 物 之 而 汩 發 則 而 窮 而 已 然

> 之, 所 隔 此 用 作 惟 欲 天 正。 議 云 論 謂 事 之態 聞 理 截 恐 時」字、「際」字, 則 發 本末 幸甚 處 不 前 無 兹 渾 中 學者於喜怒哀 審 者 親 辱 書 窮 耳。」下 之 然 夫 如 方 切 自 誨 所 體 豈 無 往 而 幸 此 分明 今觀 諭 扣 分 篇 别 自 甚! 見 人 尚 而 同 段 有 見 得 之 正 之,只 此 未 時 故有 物 有 9 所 便是病 恐 發者 當 又 節 樂未發之際,以 認 可 亦未 見 未 果 時 指 指 先後之可言 爲 有 又《 得 方來 乍 無 東 念間 而 兩 爲盡 遠 痛 端 見 差 與 畫 物 名之哉 近 的 張 否? 之弊, 此 西 深淺 善。 T 當 已 理,言 欽 所 時 無 具 張 夫 只云 大 之 今著 龜 間 此 心 皇 深 以 抵 不 騐 然 體 走 之 求 Ш 斷 所

動「試」,原作「識」,據武昌書局本、《文集》卷三○《與張

絶 今下 嘗 若 乎 發 問 説 Z; 物 來 便 用 望 語 何 寂 甚 之前 得 是 如 心 指 者 疑 然 矣。」於 殊 一此 有 詳 則 真 活 謂 何 之用,但不 無 誨 不 一「前」字,亦 不 古 書 天 心 處 動 的 窮 處 痛 也 「當中之時 所 無 命 熟 之體 快 説 此 論 見 又《與張 今 此 有 便 妙 玩 尤乖 不 得 向 久 「存 豈 ^ 常 竊 乎 E 戾 中 見 又不 妨 矣。 有 知 時 性 亦 有 亦 所 養 庸 所 常 耳 微 左右 敬夫書》云: 箇 有 無 於未 疑 既 生 **>**, 著 此 息 知 有 有 揣 未 疑 《語 自 只 發 物 ^ 停 未 所 前 所 如 發 中 : 摸 發之 録 無 消 有 謂 住 行 後 疑 何 》皆 蓋 底 則 論 處 所 盡 著 天下 隔 乎 是 ? 時 性 非 耳。 時 性 也 > 見 處 是。」 耶 用 截 有 此 誨 聞 無 行 ^ 之大 之 語 氣 處 云: 先 若 時 未 乎 諭 後 氣 性 句 象 否 録 生 自 只 曲 化 無 不 心 而 本 字 自 有 耳 是 行 未 答 及 斷 此 如 更 亦 折 辨 注

果 濤 教告 或 數 以立大本行達道之樞要。 宅,正是 後 雖 所 以 底 I. 本 致中 夫 達 信 增 向 氣 見 條 然 處 竊 巨 處, 以 者 倍 浪 象 累 始 道 如 不 病 而 和一 知 之 是,以 之, 於前 透 底 不 自 浩 蓋 書 皆 求仁之爲 輒 中,不 日 能 影 家 浩 只 所 具 所 不 而 句全不 間 象, 見 相 故 安 大 陳 陳 而 能 以 不 但 通 化 得 應 者 寬 之, 身立命、 容 無 知 觸 便 覺 之中, 箇 急 事 裕 少頃 其 疑 曾 處 執 只 以 爲 近 接 直 雍 所 室 而 人 是 認 大 1 深 既 截 物 容 停泊 自 自 是 礙 思 儱 以 È 化 思 之 而 處 根 家 來 覺 議 否 侗 爲 宰 所 所 之, 思 源 氣 偶 但 自 也 殊 地 謂 是 之, 知 驅 略 蓋 乃 覺 有 傾 無 所 大 却 見 T 覺 一體 無 其 而 抵 見 知 則 粗 如 湫 立 以 得 9 處 毫 箇 却 用 所 累 今 脚 箇 在 得 只 或 厲 倒 H 髪 蒙 所 見 是 安 而 洪 勇 海 下 於 大 前 所 疑

矣。 其 功 理 合 諸 體 偏 旨 心 排 張 而 往 源 禰 名 其 箇 老 滯 敬 已發者 似 求 方 自 自 良心發見之端, 而 顯 之見。 之哉 天機 夫 蓋 先 益 夫 遠 來 未 是 果 見 微 贵 生之 平 精 書》云 之説 其 發者皆 在 乃至 灑 無 活 别 日 明 是, 有 落 間 而 物 遺 有 所 比 正 正 因 於 即 所 處 指 : 語 遣 疑 而 者 其 流 復 是 夫 是 前 施 物 其 書後 致 而 讀 取 行 手 性 之矣。 始 日 乃 9 未 書 自 知 未 亦 發 忙 拘 凡 也 而 用 竊 發者 在 以 所 格 白 可 於 用 騐 聖 累 足 之 自 於 爲 亦 禀, 者, 笑 物、 之, 賢 日 亂 間 信 蓋 無 有 此 無 時 矣。 之書 潛 寂 無 則 9 今皆 居 通 以 則 間 小 渾 玩 著 已 然 爲 天 敬 物 異 限 容 又 而 然 身 未 發 精 不 息 下 天 無 及 於 其 於 而 前 全 又《 處 者 發 待 下 只 義 於 疇 不 近 此 處 之 之 昔 備 是 安 與 據 世 不 實 道 方

勿 品 向 明 邵 議 所 語 明 者 而 有 洄 處 飛 體 如 品 捨 指 武 然 見 道 ,今覺 助 養 魚 非 111 用 而 筆 置 老 透 所 下 長 此 躍 精 流 而 示 味 悟 相 舌 之, 不 兄 此 謂 徹 而 之 粗 前 觸 其 惟 與 得 也 抽 爲 已,一必 不 無 蓋 言 何 此 處 講 未 意 如 動 段 不 關 隔 息 不 用 以 朗 嘗 從 所 水 静 切 此 事 啟 亦 礙 足 得 心之左,且 然 致 前 到 天 適 本 甚 鍵 有 可 處 以 程 此 而 也 纖 矣 是 末 船 運 詳 事 見 爲 直 門先達, ? 私 其 岢 毫之力」 之不 浮 做 矣。 焉 無 謝 發 意 存 亦 餘 多 其 而 其 不 汩 解 者 也 歎 少安 雖 以 何 窮 近 勿 毫 易 維 私 漂 存 以 但 感 爲 范 惟 耳 不 E 者, 哉 之 不 此 IE. 爲 排 未 不 敢 E 伯 幸 雖 見 間 柂 心 而 得 真 妄 没 以 先 崇 蔡 知 如 此 頭 勿忘, E 之 覺 未 謝 自 愚 來 有 不 始 頓 而 所 而 發 高 曾 信 著 昧 自 浪 沿 公 以

明

| | | | | | 本 耳 踰 觀 未 月 發 李 甚 熹 復 先 覺 孤 以 生 有 陋 爲 教 益 如 如 人, 所 昨 何 大 爾 恨 近 抵 者 得 \$ 不 伯 於 得 崇 ^ 答 静 就 過 何 中 正 此 體 叔 於 認 講 京 高

之習,不得 比之舊 操 處 時 幾 小 汗 乃 分 如 終日 盡 貪 辜負 存 沾 龜 氣 何 不 明 懈 聽 日 1 衣 象 Ш 雖 講 兀 於 則 敢 則 門 分 則 也。 不 教 然 論 此 向 天 復 不 下 明 亦 敢 來 猛 育之意 性 著 惘 又方 相 有 〇又《答 至 廢, 即 所疑 省 人心 力 然。 間 傳 一今若 提 處 然 竊 指 矣。 掇 事 此 無 不 訣 好 己 存 未發 應 何 每 章 僅 冰 審 正 所 脱 若 物 叔 然 天 然 釋 别 免 患 句 亡 已 京 念 訓 當 自 理 憒 自 否 來 絶 書 發 此 詁 憒 無 時 然 得 高 無 矣。 以 之, 録 子 間 契 其 理 師 所 來 Ш 量 得 焉 訓 終 之 有 取 蹴 也 兩 也 以 亦不 講 始 絶 所 其 然 也 而 可 義 中 爲 究 知 無

明

所

進

復

果

見

得

欲

消

長

之

而

已

朋

友之

助

處

但

云

體

騐

.

未

嘗

不

愧

的

實

見

親

炙

八之時

中

節

此

大

明

論

渾 然 夕之款 致 疑 業 於 出 至 向  $\bigcirc$ 能不失。 庸 其 後 當 此 師 此 者 雖 其 〇又《答 美 則 爲 不 更 道 文 於 答 友 聞 域 所 無 切 雖 鮮 日 待 未 義 羅 之 書 近 此 也 子 要 用 論 無 别 發 品 事 參 方 助 要 物。 至 程 何 蓋 遺 之 益 而 品 理 覺 議 已 伯 間 當 記 子 當 恨 精 莫 惟 叔 求 有 書 崇 觸 發 之言 之 者之誤,不 以 測 由 密 京 時 之於 亦 脱 V 之 類 近 説 其 是 是 比 書》云: 得 可 云 無 然 幾 過 口 爲 喜 所 來 而 章 其 欽 適 處 而 讀 克 建 通 主 謂 某 默 夫 其 句 門 竟 而 陽 之, 己 塊 昔 書 訓 莫 人 潛 識 進 口 而 非 亦 由 居 問 詁 諸 味 坐 非 聞 所 未 而 不 亦 此 相 未 今 敬 能 觀 之 之 審 君 事 往 窮 此 見 口 1

三年

T

亥

,三十八

歲。

秋

七月,崇安大水,

奉 一府

檄

行視水災

笑耳。 甚占 學 影 更有 事 功。 只就 夫嘗 頭 不 不 有 久,益覺 得 下工 我 活 共 知 十分相似 收 日 學 地 欺 近 水 徘  $\bigcirc$ 《續集》。 安問 互 來。」試 絶云: 乃 用 夫 步 矣。 徊 意體 日前 答 0 處 覺 處。 許 相 警益 操 ,所争毫 知 幸 問 所 騐,比之舊日 排 今學者既 順 舉 存辨察,本末一致,尤易見 如 渠 「半畝 目前 ○又《答羅 甚 聞 擊, 之 似 此 那 幸 甚多。 於 書》 石 絶 真 得 甚 方 西林 末 非 丈 是一 不 清 塘 耳。 云: 不 面 如 劄 大抵 如 參 知 而未之契者, 未 元 何? , 盲 鑑 著 許 漸 議 禪 秋 然此毫末,却 來 易 ? 開 衡 痛 引衆盲 覺 書》云: 來 此 究 而禪者 天 處, 明 山之學, 心 事 爲 也。 快 閒 光 與 有 亦 耳。 雲 欽 皆 方 源 又 無 可 禪 續

此 而

災,被諸 知 【文集】《答林擇之書》云: 之徧走 肉食者漠 學不 此 箇 明,天 端端 Ш 司 緒,何 然無意 谷間,十日 檄 下 來, 事 故 於民 與 決 汩 縣官 無 没 而 直 得 可 後 議 爲 是 如 返。 賑 之 難 此 熹 恤 理 ? 與 大率 以 事 啚 崇 大 事 今 安水 知 因 不 若 時 爲

八月,訪 南 軒 張 公敬 夫于潭 州

端 (年譜)道 明端 請 見焉。 莊 静 經 李本 重 昭 武,謁 德容粹然,先生先之以 黄端明 中 於 其家 書

明其 愈高 沙,今半月矣。 【文集】 語説 所未聞, ,所見卓然 》,不覺胸 與 曹晉 日 中灑 荷 叔 有問學之益。 議 敬夫愛予甚 書 論 然,誠 | | | | | | | 出 人 九月八 意 可 歎 表 篤 敬 服 近 夫 日 相 學 讀 抵 與 問 講 其 長

0 步」、《續集》卷五《答羅參議書》作「位」。

再 中 年 閱 庸 譜 月 是 之 與 義 時 南 范 軒 念 偕 日 德 登 夜 侍 衡 而 行 嶽 不 至 能 嘗 合。 言 衡 州 留 先 而 長 生 别 沙 論

李本。

冬十 與 一十 是 集》有《 丙 至 次 癸未始離 至 月六 伯 戌 庚 日 崇、 與敬 月 贈 辰 八 東 答 詩 日 H H 偕 擇之 歸 詩 庚午 南 夫 登 名 南 至 織 亂 别 家 軒 東 Ш 藁序 文集》有《 南 自 張 十· 二 歸,名《 + 而 二十三日 嶽 潭 公 偕 唱 登 城 月二十 伯崇、擇之東 日 子 往 南 南 東 庚 集 南 嶽 丙戌, 嶽 歸 ×, 辰 衡 嶽 日 遊 亂 敬 下 Ш 也 Ш 藁 夫 至 + 後 H ×, 爲 櫧 歸 記 甲 九 甲 ^ 序 州 文 戌 凡 日 戌

服 旒 南 軒 坐 集》 氣 令聲 蓋 詩 九 利 送 州 塲 元 頃 縮 晦 登 尊 頸 文 兄 仍 石 **>** 包 云 陛 羞 君 忠 朅 侯 來 動 起 臥 南

> 體 輈 妙 袂 Ш 無 得 泗 衡 用 質 風 對 紬 游 門 全 勉哉 牀 繹 贵 貴 4 颼 無 强 語 心 周 飗 不 愧 共無 矯 惟 遠 流 事 匪 自 兹 關 朝 ! 精 爲 兩 日 斁 斷 Ш 來 微 林 綢 休 驅 金 阻 邈矣追 繆 壑 更 出 車 友 窮 别 幽 盡 爲 萬 搜 語 超 收 出 我 里 一前 白 然 湖 處 再 道 已 修 雲 會 海 寧殊 月 抱 釐 正 太 中 氣 留 離 在 有 極 途 謀 仰 索 弗 望 口 眼 遺 希 憂。 停 歸 南 底 經 洙

冬歲 爲 今 仲 誦 南 Ш 君 陰 秋 君 夕 Ш 集》《答詩 商 贈 宿 高 云 日 聲 税 不憂 我 櫧 不 徂 極 謳 詩 州 駕 天 勞 雪 九 \* \*\frac{\times}{\times} 明 風 歎增 君 深 月 當 昔 寒, 路 步 初 分 我 我 綢 漫 玉 況 背 抱 行二 繆。 漫 問 趾 憚 去 冰 此 湘 送 千 炭 厚 泥 爲 惆 水 里 我 行 意 悵 何 從 深 登 不 復 不 時 君 訪 敢 南 得 幾 識 辭 子 忘 程 嚴 家 南

物 語 知 遠莫禦,惕若初 本 有 坤 根 期 欲 迹 寸膠 相 昏 始 謂 敦 萬 知 無 救救 化 涓 太 復 自 涓 極 此 何 此 藴 始 干 不 存 流 欲 煩。 丈 要 千聖 達, 渾。 惟 眇 云何學力微,未 應 已 難 勉哉 酬 被横 同 名 酢 兹 論 共 處 流 源 無斁 特 謂 吞 達 曠 有 此 贵 勝 然 見 寧

十二月,至自潭州。

是月,除樞密院編修官,待次。

《年譜》用執政陳俊卿、劉珙薦, 替施元

之影

【本傳】陳俊卿、劉珙薦爲樞密院編修官,

待次。

四年戊子,三十九歲。夏四月,崇安饑,請

粟于府以賑之。

文集》《五 建 人 夫 大 社 饑 倉 記 \*\frac{1}{2}. 知 縣 事諸 乾道 葛 戊子, 侯廷 瑞

> 俾留里中,而 償 府 無 饑 大小仰食者若干人,以 發 以 官 亂 情 復 藏 事余公嘉以粟六百斛來,於是籍 書 「,將輦 隨 以 大 粟 來 震 · -和 死,無不 屬 藏 而 載 其 子 就 粟 以 L 直 及 禽。 其 歸 悦 鄉 亦 以 籍 有 喜。 之 且 賑 是 於 耆艾 司 竭, 之。 冬有 府 率 9 而 乃請 而 浦 受粟,民 俄 劉 知 年 城 如 而 府 於府。 之盜 盗 愚 民 事 發 遂 王 願 勸 浦 公 時 得 以 民 亦 豪 城 淮 民 粟 以 無 知

《程氏遺書》成。

於世 間, 取 年譜》初,二程門人 精審 頗 爲 ,學者始有定從,而程子之道 後 人 竄 易。 各有 至 是, 所 序次 録 雜 有 出 倫 復 并 去 明

答問之書也。 書》二十 【文集】《 程 Ŧi. 篇 氏 遺 始諸 書後 先 公各 生 序 門 自 云: 爲 記 右 書, 其 所 先 程 見聞 生殁 氏 遺

之嘉言 遊之士 之心 之 没 其 復請 生日 得 然 録 編 者 後,第爲 求,得凡二 而 千 嘗 之手 親 朱 録 主 頗 其 所 切 載 光 竊 名 熹家 以 傳 如 0 故故 善行 庭 不 ,蓋亦莫非天下之英才 聞 己 寖 不傳之後, 此 某在 記 此 語 夫以 差,可 所 意 之 有 廣 + 者 書, 其 意 以 抄 伊 私 先 又皆 徒 然散 書 相 五. 見 先 竊 何 篇 111 人 以 先 彼 承 最 篇 生 分 必 竄 先 目 舊 耳 行 出并 可 爲精 , 首 生 意 語 一讀 别 易 皆 生 藏 聞 大 遠 謂 倡 耳 奉 次 此 無 因 尾 數 目 稍 歷 \_\_\_ 9 行 盛 善。 明 序 而 書? 其 恙 篇 通 見 而 時 以 尹 , 矣。 道 之 先 時 舊 質 貫 無 既 而 公 所 學 後 皆 門 所 生之戒, 諸先 9 所 手記之, 久 自 若 於 聞 益 蓋 著 其於先 而 而 以 統 當 不 歲 孔 是 未 當 殆 又 以 然 生,先 得 尹 時 别 不 月 類 孟 更 時 無 者 猶 宜 從 某 焞 敢 爲 先 訪 生 既 後 記 全 傳

矣。 大 書 説 以 非 以 明 立 年 將 録 密之旨,其 而 且 (要則 其 以以 附 復 得 玉 品品 有 滯 1 後序》云: 知 本 此 今 乎 本 不 於言語之間,或者 寧若是,豈不 待後之 精 石 品 篇 録 外 先生之心, 可 可 不 而 窮 掇 諸家所 知 勝 分,而 亦誤 異 本 拾 理 無 己。 言 君子 右 時 益 於 以 者 則 ^ 得 矣。 古 抄 殘 進 謂 附 讀 乎? 亦 以 云 其 尚 而 其 編 録 真 將 則 是 爾 學者未知 所自 於疑 雖 衆 足 墜 知,使 **>** 去 書者,誠 日 失之毫釐 然,先 又 以 率皆割 簡 其 用  $\bigcirc$ 卷,《 來, 信之傳 況 盡 之餘 重 之 本 程 後 得 複 當 間 生之學, 心 文 明 能 其 此 氏 復 裂 傳之 道 别 主 傳 遺 口 且 而 精 Ħ. 則 出之, 補 先 坐 敬 爲 將 知 微 數 其 書 誦 生 外 其 益 附 判 有 以 嚴 消 +

<sup>■「</sup>請」、《文集》卷七五《程氏遺書後序》作「讀

夏 其 後 既 篇 著於篇,合爲 觀 獨 每 他 取《實録》所 行 (四月 庶 ~ 其 事之下,各系其 伊 不 書 狀》之屬 嗚 之可 ĬΙΙ 幾 用 敢 奏 呼 以 狀 乎 行 而 事 意形容,又不 證 **>** 凡 有 本末 書、《文集》内 者 學者察言以 乾 以 篇 一卷, 八篇。 道 自 次 當當 所從 皆 得 四 其 以 時 其 之, 年, 伊 後 能 附 得者 無 本 ĬΙ 先 歲 則 外 求 保 所 於二十五篇 文 先 在 1,今亦 以 斯 其心 無謬 論 書 生《 爲 著 道 無 著 所 一考迹 ^ 雍 之 誤 京烹 祭 載 可 年 輒 傳 議 文》 木 譜 嘗 取 故 與 也 者 之 竊 以 於

講 【文集】《答程 H 艮 存 論 用 齋 之益 間 以 銘 行 至 》,便是 不 於 住 少 坐 極 允 方方 臥 做工 夫 然 書》云: 爲 自 此 夫底節次 己 事 有 物 須 見 爾 是 處 去冬走 自 敬 然 做 近 後 夫 I 湖 H 所 從 夫 湘 相 作 此 於

邪 求 立 離 茫 達 所 因 古 履作《齋銘》,當見之否? 與 工夫底 發見之微,猛 言雖約,然《大學》始終之義具焉 與 左右也。 持敬」之説,亦 八守之。 (考證 ? 其 聖 反求 矣。 桎梏,亦爲合下人處親 ,恐無下手 君子之所急,熹向 本 人 如 欽 所 未 若不察 本 古 是 夫之學所 而 謂 得箇 ○《答. 領。 聖 ○《與曾裘 隔 其 一所傳 因 處也 幾 言 省提 安穩 於 諸公以求程 本 重公案,曷若 之得 不 何 門 領 良 以 0 記 叔 撕,使心 庭,建 既 處 心 超 其云 來 所 失 京 父書》云: 却 發 立,自然 脱 所 喻 自 書》云: 切也。 見 自 見 多 何, 立 不 始 謾納 不昧 氏 處 在 識 亦 此 能 知 默 但 ,不爲言 是 前 箇宗旨 逃 因 此 即 下 敬 向 會 因 〇又《答 如 言 學 本。 未 吾 程 夫爲 渺 則 諸 其 來 恐 此 往 之 免 丽 是 氏 渺 妄 미 心 良 近近 行 鑒 以 支 茫 做 真 相 旬 以 心 論 其

學 諸 之罪 失 初 游 道 走 矣。 全無 間 處 勿 使 方」。 何 道」者 之太太 爲 從 之 長 況 繚 IE. 叔 觀 如 道 久 虚 不 粗 沙, 交涉 不 京 繞 ○≪答 一之意 有 鳶 此 談 爲 反 高 歷 適 書 又 可 下 閱 可 流 飛 階 幸 不 Ŧi. 其 他 以 復 I 勝 同 云 月 石 行 魚 少 級 湘 + 流 開 於 夫 者 子 之 無 賣 多 躍 而 矣 而 中 弊 餘 體 「, 今 博 足言 益 處 重 日 也 後 聞 得 明 學 日 亦 書》云: 觀 爲 用 之,故 至 博 熹 乃 子 初 道 還 將 多 乃 之 間 此 觀 無 曉 近 從 家 留 以 察之, 有 弊 欽 知 與 然 間 H 而 之 爲 害 今 兩 但 夫 守 H 熹 誠 無 因 斷 得 游 幸 月 與 日 見 其 書 前 比 自 知 疑 事 不 者 語 天 處 老 而 册 自 處 則 來 必 去 自 此 方 姿 卓 後 人, 人 誑 遂 處 世 頗 秋 泥 揆 則 有 有 H 明 然 歸 康 覺 之 之 亦 Ì 用 誑 事 知 省 敏 疑 健 多 此 中 例 焉 若 在 語 知 發 人 作

然 序 偏 惟 與 處 處 方 始 便 致 者 用 難 亦 病 敬 識 大 也 能 終 知 誠 自 矣。 泰 欽夫見得 文定合下 然皆 明 亦 今 」字之説 要 得 是 意 然 格 行 忧 絶 須 此 便 觀 著 箇 以 物 行 IE. 難 别 如 無實 相 習察,不 夫 敬 後 將 心 胡 得 無 敬」字, 此 見, 門 表 子 爲 但 去 ; 當 氏 樸 走 得 看 深 庭 及其 裏 答 F 實 有 人 子 盡 作 始 此 契 通 大 拈 門 門 學 弟 頭 以 然 但 得 覺 鄙 有 段 人「爲 誠 徹 槌 處 處 救 非 及 理 兀 敬 釋 始 懷 竪 相 · 正 意 須 他 之。 會 然 中 非 舊 如今之學者 去 終 反 拂 者 是 門 持 IE. 須 格 來 要 仁」之問 之 只 儘 密 敬 習 然 心 有 物 更 幾 就 異 可 如 察, 好 從 又 體 致 見 無 如 却 ^ 見 日 耳 亦 游 察 微有 商 大 説 知 商 見 都 用 無 有 此 前前 不同 學 量 之 禪 Ι. 量 其 得 語 道 純 進 不 全 夫 > 也 處 矣。 之 實 後 不 所 熟 用 次 此

懷 此 知 适 也 曲 自 與 然。 書》云: 儱 之意,却 是「安宅」, 中 意 化」,須就 自 \_\_\_ 欲 直 釋 此 然 侗 思 爲 故 自 非聖 若 心 刊 氏 若 也 及之,非 兩 有 亦 日 不 見 張 又《答許 同 但 段 大 -安宅 是 是 患 得 子 泛 此 想 抵 門 「安宅」便是「大 所 行 要 荷 未 識 孟 韶 然 見 子 聖 求仁 是 以 見 然 解 子 得 得 指 孟 特 門求仁格物之學,無 順 贵 尋 經 自 各 也 IE 然後 打 天 此 子 然 之學也。 之書》云: 常 好 解 人 不 家 成 指 立 之 立  $\approx$ 議 辨 心 相 主 地,説 語 意 鳶 闢 爲之 論 哉 資 宰 片 承三聖意 古 與之争 飛 楊 間 化」, ? 也。 處 耳 有 ○≪答 魚 憂歎 箇 近 墨 偶 病 子 躍 聞 大大 却 近 所 勝 因 不 亦 大 不 越 許 恐 觸 然 方 謂 化 記 思 負 得 能 是 當 州 化 順 見 顢 處 憶 事 方 洪 如 之 大 去 己 較 之 預 便 洞 時 此

五年己丑,四十歲。春正月戊午朔,至

在生。

夏五 患 注 禄 樞 授,省 養 足 月,省劄 院 疾 陳 編 乞嶽 未 劄 修 任 再 催 官 趣 廟 起 促 施 差 就 發。 前 元 職 遣 來 之因 再 復 供 以 職 磨 家 勘 貧 先 改官 親 生 解 急 以 别 見 於

秋七月,省劄復趣行,辭。

(年譜】時太學録魏掞之以論曾覿去國,

遂力辭。

旁 美 煩 負 以 事妄發 【文集】《 列則 幾 無 相 取 罪 兼 公手書 其爲 廢 侍, 戾。 寢 竊 與 罪 尤 觀 食,人子之心,深 陳 不肖之身, 招徠之意 大 不 近 丞 矣。 欲 事 相 其 書 深 況 至 学云 恐 非 復 於 重 老 敢 . 玷 如 鄙 日 自 親 聽 所 此 愛, 不 性 行 言 不 能 蠢 年七十, 待士 遑 誠 日 愚 自 夕 懼 抑 敢 仰 觸

再 瀝 悃 實爲 誠 欲 乞檢會前 狀, 特與 陶 鑄 嶽 廟

云 前書戒 莫大之幸。 以 勿 視 元 履  $\bigcirc$ 爲 去就 與 汪 烹園 尚 書 書 已

諫 熟 視 却 立 不 能 言, 使 小 臣 出 位 犯

略言之

夫

朝

有

闕

政

宰執

侍從、

臺

分, 顛沛 至 一此,已 非 聖 朝 之美 事 又 不 能

甚矣。 心 優容獎勵,顧 又不 公之待 俟 其 使之 自 請 天 逡 而 巡 士乃 直 譴 而 去, 出 此 之, 以 重 則 駭 失 士 聽

陳

下

如

明

公

又

敢 不 來 少 哉 加 調 護 蓋 前 熹 非 聽 敢 其 視 所 爲, 元 履爲去就 則熹 亦 何 恃 乃 視 而

諸公所以待天下士者而

爲

進退

耳

嘗 雖 不 召 擢 爲 可易者。 兩 狀五 國 進 用 狎 絶 子 至 年 録 和 不 ,三促就 为 議 敢就。 論 抑 曾 佞 職 覿 幸之戒,言既 會 去, 出處之義,凛然有 魏 遂 掞之以 力 辭 不 先 布 生 衣

> 劄子》。 【文集】《回 口 申 申 催 催 促供 促 供 職 職 狀 狀 \* - $\forall$ 0 ^ 乞 嶽 廟

當 流 爲 據 語 蓋 性 符合,因 具焉,以其無 比 【文集】《已發未 程子凡言心者皆指已發之云,遂目 已發,而 已發之義,前 之實 喜怒哀樂之未發 諸 且 觀程子《文集》、《遺書》,見其所論 而 所失者,不 説 附 ,寂然不動之處。 一於日 ,皆以 以己見,告於朋 未 然已是就心體流 以 再思之,乃 始 用 性 有差, 此 過 思 但 之際,欠却 爲 認 不及,不 慮 發説 未發之中,自 文義之間 得 未 當 而 知 此 **※**云: 萌 未 前日 此 而 心 友 發、 本 偏 行 事 之時 流 天 而 之説, 《中庸》 處 不 物 領 命 願 已 行之體 己。 倚,故 以爲 見,故直 之性 即 未 相 一發 段 與 至之時 命 雖 是 因條其 講 工夫。 安矣。 未 多不 謂 體 名未 於心 心爲 心 又 因 段

之「性 也。 之 失 當 耳。 静 則 之」者,所以 特以「中」 而 失」爲言。 幾於息 也。一不中 則大失之,故 心言之, 中」,然無營欲 在 不 際本領工 ,則自此 無 此之時,敬 在敬 常 但 未發之中,本體自然,不 致知」。 二則 以 矣。 則 非 静 不可。 者」。 即 又曰 而 周 寂 則 爲 察其端倪之動 故 夫。 是性,赤子之心, 以 發 程子正之。 以事言之,則 然不 流 本 非 程 (者,其 持之,使此 知巧之思,故爲未遠 又曰「 「人道莫 吕博 貫 爾 性之本然, 其 子 徹 動之謂,故 日 於 其其工 士 必 周 涵 此, 子 却 二論 中 如 養 所謂 蓋赤子之 於 節 氣 此 有 每 而 敬 須 夫 已發 大概 而 矣。 主 致 象常存 動 以 須窮索, 用 即 不 初 未 心 擴 静 有 是未 敬 可 敬 之 之 無 有 充 此 一者 静 得之, 心 謂 間 道 之 處 乎 進 致 而 日 而 亦 發 學 功 中 以 觀 用 之 但 知 或 動 斷 無 不 是

> 思索 周 又不 庸 象。 事 静 不 行 言心者,●皆指 亦 此 動 日 意。 子 以 可 本 爲 以 而言,非謂事 涵 無 之間 執 上 可 由 養 察 日 但言 直以 文不合,故 復 遂以 所 「無 其已改 識 不容説,纔説 深 見之 静 段 端 極 心 潛 則 亦常 爲當, I 倪 偏,故程子 爲 而 純 偏 之言, 己 夫。 爲 物 太 已 躁 發 以 而 初 思慮之交也 極 而 發, 之味。 迫 其 而言,此 然 下 爲 不 時 而 又説 浮 爾 手 未 日 而 程 究其 便已 盡 露, 當 用 處 所 敬」。 子又曰「人生而 而 疑 程子 意 論 而 所指之殊 無 不 諸説 却指 其 趣 致 復 是性 古聖 自 發 故 所 然與《 E 知 之言 常 來 之誤 心體 缺 謂 之, 格 矣」。 賢 講 偏 却 也 物, 論 流 凡 氣 語 固 中 於 平.

● 「謂」,原作「爲」,據武昌書局本、《文集》卷六七《已發

蓋 聖 則是所 謂 無 極 而 不 容言者 「, 亦 欲 無 體 專 段

哀 從 之可名矣。 樂 延 未 平. 李先 發 之旨 生學  $\bigcirc$ 未 中 ,受《 達 和 中 舊説序》云: 而 先 庸》之書 生 没。 余 余 求 竊 早 喜 自 怒 年

衡 悼 Ш 其 胡 不 氏 敏 學,則 若 窮 往 人之 從 無 而 問 歸 焉 聞 欽 張 夫 欽 告 夫 子 得

寢 以 食 所 聞 子 日 亦未之省 喟 然 歎 曰: 也 人 退 而 自 沈 嬰 思 兒 以 殆 至 忘

非 老 Ë 死 一發,特 雖 其 其 語 默 未 動 發 静 者 之不同, 爲未 嘗 發 然 爾 其 大 體 自 此 莫

不 復 有 疑 以以 爲《中庸》之旨, 果不 外 發之 乎 此

旨 矣。 者 後得 其 論 胡 又 氏 適 書 與 有 余 意 與 合 曾吉父 用 是 論 益 未 自信

之大

蓋

不

但

名

言

之

失

而

已

也

於

是又

傳 雖 而 程 不 子之言 之信 有不 也 0 合者, 然 間 以 亦直以 語 則 爲 未 1 見 作 有 失

能

深

領

會

1者。

乾

道

己

丑之春,爲

友

人

或

至

於今累

年

前

未定

也。

夫

忽

近

求

遠,

惟

欽

夫

復

書

深

以

爲

然,

其

餘

則

或

信

或

疑

竊

自

懼

项

以

書報欽

夫及

嘗

同

爲

此

論者

謬誤 簡 之 者。 也 季 子之言 之 如 通言之,問 雖吾之所默識 理 以 此 今析之如 出 其 至於此。 其 心 冥 门人 所 迷 辨 此 同 而 之際 然 高 然 然 其 難 則予 弟 者 喻 紛 亦 子 之手, 糾 未 也 殆 之所自信者 忽 不 而 有 自 意 亦 如 難 不 者 不 是 可 疑 明 應 乾 以 : 也 告 斯 而 坤 , 其 切 程 聽 理

無 至 所 乃 知 氣 一於 辛 情 如 乃 而 推 苦 此 性 徐 反 0 之本 類 讀 自 而 誤 究 之, 僅 而 乎? 然 極 前 得 未 反 日讀之不詳,妄生穿穴,凡 ,聖賢之微旨 之者,適 及數 求諸身, 則 復 行 取 足 凍 程 則 以 解 其平正 氏 又 自 冰 書 見其 誤 釋 虚 ൬ 明 然 爲 心 己。 害 後 平

三八

第 諸 不當 未 者 此 矣。 學 説 不 恨 書 所 厭 口 1,皆指7 者 》,蓋 説 發 認 E 不 稿 常 但文義 不 )言者: · 而 得 書》云: 得 讀 怒哀樂之未 壬 喜 戒 似 知 此 然觀程子之書,多 辰 奉 所 編 元本 哉 之,因予之可戒 日 皆 己 前 之間 心 推 輒 八 以 而 用 發 以 作 日 流 之, 月 質 深 ^ I. 序 暇' 之説 思 而 棄一, 行 中 0 諸 而 懲 言 夫全 知 其 H 慮 之體 庸 發 李氏 前 己。 誤。 其 所 料 未  $\stackrel{\sim}{\sim}$ V 非 日 無 遂 所 與 以 未 檢 萌、 新 按《文 當 之門, 之病 惟 未言 本 目 又 故 而 發 湖 而 此 事 心 因 其 領 所 心 題 書 南 知 E 之 物 弊 程 者 爲 之 集》、《 不 性之 諸 然 亦 所 得 發 時 未 蓋 合, E 乃 子「凡言 曰 其 公 使 以 戒 當 之義 發, 至 至 所 即 名 論 因 先 或 中 世 有 時 遺 之 失 於 命 是 復 性 生 中 志 不 和 往 時 者 此 此 之 思 爲 遠 獨 於 還 心 前 和 舊

> 耐 默 戾,故 省 心 發元本作「覺」,誤。 之德然也。 倚 發之際 中 則 莊 故 當 識 察 節 心之 寂 其 敬 二,誤 則 故 即即 矣。 然 未 涵 謂之「和」。 謂 喜怒哀 養之功 故 觀之,則 發 用 不 物 體 之 程子之答蘇 此 也 動之體 可 0 推 具 是 中 見, 樂 焉 明 然未 鏡 至 日 其 之 3 之後,不容安排 明 亦 以 9 用 此 (具於 , 而 情 以 發之前,不可尋 及 水 其 而 必 本 則 無 其 元本 其 止 天 季 以 領 無 未發之前 人心之正 無 感 ,明,反 是爲 命之性 T. 不 作「性」,誤 欲 而 過 而 夫。 中 其 之 不 遂 本 節 復 及,不 發 私 通 至 9 論 者 也 以 全 無 天 於 但 偂 而 覓 辨 發 亂 元 隨 無 平 性 下之 古 於 所 偏 9 本 之, 極 H 事 不 H 亚 口 不 作

<sup>0</sup> 作「情性 性 情 」、《文 集》 卷 六 四四 與 湖 南 諸 公論 中 和 書

於

敬

須

言 敬 者 究 疑 復 所 詳 深 却 講 是 未 亦嘗 亦 而 諸 此 見一 其 程 潛 平. 論 敬 IE 密 止 有 ○《答張 無 乃 子 所 説 之。 則 日 純 思 急 以 進 致 差,其 失 而 指 涵 其 之 指 所 索, 察識 學 即即 迫 知 卒 之殊 之味 養 誤 古 赤 謂 爲 浮 則 之不 直 而 欽 所 説 子 ; 不 害 端 露 在 不 凡言心者, 段工 以 也。 之誤 之心 以 夫書》云: 又 可 乃 倪 致 而 在 過 心 中 不 徒 無 至於 爲最 知」。 其發之言語 敬 以 不 夫,使人 爲 故 可 執 丽 復 者」。 審 已 遂 言。 其 雍 此 敬 初 又曰 又 諸 蓋 發 以 己 容 皆 不 下 諸 自 君 爲 爲 改 爲 又曰 而 「人道 深厚之 胸 手 指 説 以 而 子 言 可 此 之言, 謂 未 中擾 處 例 爲 已 事 以 以 H 世 當 蒙 爲之 未 凡 發 不 以 用 爲 涵 莫 又 風 印 當 審 如 故 而 而 而 向 養 如 E

何

盡

而

心

也

蓋

間

無

闕

夫

來

焉 静 心 或 七 未萌 之間 爲 不 也 矣。 復 慰 而 則 口 中 不 體 情 體 也 之所以 性 如 一,是乃 則 而 者也。 敬 前 及其 然 察, 之。 是 迭 用 情 則 心者 未 而 則 用 未 人之 之德 見得 無 不 則 發之旨 然比 各有 始 心 爲 動 以 固 能 無 心之所 性 然方 之 用,感 相 也, 所 著 以 不 此 渾 所 中 觀 身 離 此 攸主 以 致求仁之功。 事 動 理, 又 者 然 其 和 以 舊 知 主 以 心 物 其 而 (静也, 寂 之 説 也 情 覺 須 之妙; 一於身 爲 道 交至 遂通 樞 然 妙, 之 以 運 其 體 却 義 要 然 感 動 用 所 事 心 覺 皆 者 全 人 而 通 而 也 思 爲 既 謂 物未 無 具。 有 有是 也 莫 寂 人 無 慮 周 主 無 甚 蓋 條 而 非 雖 和 然 動 萌 流 至, 耐 緇 異 然 其 心 欲 心 必 不 静 1 而 焉 論 論 貫 領 主 性 有 是 不 偂 動 所 思 之 語 徹 乎 之 謂 紊 或 節 乃 慮 則 者 默 所 因 而 何

74

0

之間 之所 之 之前 平 貞 則 未 其 中 其 存 敬 之際,是敬 而 人」也 之静 察 動 未 嘗 也 此 也 君子之所 在此 亦 者 嘗 以 不 也 則 思慮 是 無 而 , , 此 復》 周 不 感 心 性 耐 事 敬 動 無 徹上 流 寂 艮》之所以「不 ; 也 情 之 也,又 已。 物 未 有以主 静 動 也 以 貫 有 之德 静 紛 所 萌 語 徹 致 徹 寂 以 古 語 蓋 糾 以 默 下 中 而 察 常行於省察之間 已立 而 而 一乎静中 則心之道 默之 主 和 而 之道,聖學之本 常 無 乎 中 知 而 見 於 不 感 乎存養之實 和 動 覺 品 天 間 而 身而 用 息之不仁也 之妙 中 獲 節 不 感 之 地 天地位、 其 是 之 其 昧 動,是以 不 之 而 無 而 力 以 身」、「 静 常 差 心 可 是 動 敬 焉 君 寂, 静 萬 是 是 則 則 也 子 ; 言 物 此 寂 不 則 静 方 之於 統 語 以 E 心 未 之 默 然 感 發 明 而 見 動 及 其 發 心 而 中

不 者 斷 者 釐 動 後 如 察 時 發 虚 事 無 而 盡 之不 之論 之差 此 能 將 動 無 判 後 灑 察 丽 疑: 然 矣。 意 先 識 後 無 掃 存 然 後 處便合存養,豈 蓋 能 静 千 存耶 養 應 於 來 養 則 此 竊 則 可 可 無 發 諭 對進退,此 此而後察之耶 也 誠 觀 里之謬,將 古 恐 雖 互. 猶 加 静 ? 處 ? 所 所 矣。 有 浩 下 爲 動 存 固 謂 當 猶静 且從 此 浩 其 之 養 以 一當 患。 來 深 不 茫 根 之 學 此 察識 静」字,元 之不 存 慮。 教 初 功」, 可不 茫, 者 觀 有 敬 可 若 又謂 養之事 不 先 之, 不可 義 ? 必待 無 能 曾 以 然 但 察 則 須 夾 下手 存 天 此 無 言 則 抑 人 熹 也 察 勝言者 非 持 發 理 也, 養 動 用 將 自 識 静 於 字 死 觀 處 而 也, 力 先 不 有 但 端 則 便 此 後察, 容 之 察 静 如 未 見 知 欲 溺 而 不 倪 之 學 間 則 識 佛 於 且 隨 發

離 之所 静 語 教 端 存 至 爲 物 此 則 所 今者遂易 時 静 本」, 之時 俱 閉 如 又 只 謂 心 之 昭 静 便 而 而 到 謂 來 施 有 者 著 中 却 必 有 目 後 以 熹言「 教 此 存 有 然 爲 涵 以 敬 則 蓋 於 兀 而 爲 古 所 養 先 而 上 安 静 坐 動 E 所 以 有 無 謂 然 先 有 敬」, 兩句 以 静 之 爲 發 以 主 動 而 滲 一要 也 而 後 王 静 以 之端 察 所 本 已 之 乎 漏 偏 之 次序 之者 養乎 雖 爲本」, 須 發 際 其 本 則 也 於静 然「敬」字工 故 所 若完全 焉 察 觀 則 中 亦 熹 動 似未 此 以 夫 之 方 之謂 未 益 是 此 静 向 則 至 爾 不若遂言「 有 動 得 精 乃 數 者 來 事 甚 相 日 以 然 可 固 所 爲 明 句 安 輒 至 閉 須 見 夫 却 觀 但 正 非 諦 爾 以 介,意 卓 物 有 歸 體 静 不 謂 未 遠 通 也 見 然 當 是 來, 謂 之 見敬 以 用 未 接 蓋 貫 伊 事 天 語 也 所 敬 意 發 當 動 善 來 111 物 絶 地

際 道 不 又 時 之, 處 病 Ш 雖 也 徹 此 感 H 何 而 方説 能 敢 無 所 事 便 物 尾 ? 置 涿 乃 既 則未發、 舊 謂 須 蓋 時 得 物 自 之, 以 説 養 在 無  $\bigcirc$ 聞 未至 所 未 臾離 致 昏了 箇 中 之 若 乃 以 我 不 答林 李 謂 發 夫 意 謹 能 致 和二二字,皆道之體 有 矣。 無 之 天性, 先 和 所 已發之謂。 獨 固 反 口 夫 然後 主 生 際 謂 《樂記 擇 T. 已 行 躬 所 宰, 論 之書》 能 夫, 此 先 紛 之實 謂 和 不待交物之引 中 天 此 則 體 語 綸 即 生 \_0 和 **>** 理 最 中 所 亦 膠 爲 却 蓋 所 云 滅 不 可 詳, 但 謂 惟 不 擾 近 直 屢言 謂 矣。 審 致 能 其 不 之, 而 後 中 到 敬 無 尊 中 能 戒 其 安 用 來 之。 而 好 然 復 殊 而 意 其 發 慎 庸 謹 大 然 惡 所 己 以 未 未 不 無 以 獨 恐 必 静 見 本 免 發 發之 後 而 知 無 失 徹 爲 乖 之 達 龜 則 差 節 只 未 平. 頭 如

則

夫

漏

該

都

言之,但 其 易得 之 病 玩 S Z 無 成 如 所 動 無 所以若 遂 先言 若 静 喜 所 蹉 前 主 發 亦 味此 不 必 故 過, 似 也」。 處 不 面 怒哀樂之時 能 前 一當 復 動 待 有若 慎 是 至 自 盡 工夫 日 意 孤 摇 致 時 截 其 多 如 獨 然 記 中 負 既 又云「 思 發 亡 I 矣 其 日 此 其 中 亦通 和 此 不 然 不不 夫 而 用 病 今 節 之説 曲 翁 後 領 後 也。 致字, 惟 乃 近 皆 間 有 能 然謂 折 者 耳 略 及 察 涵 看 極 在 矣 無 知 多 得 看 中 大 養 南 覺 後 其 該 此 之未 察 純 得 和 如 抵 不 於 軒 得 來 爲 動 熟 如 又《 而 如 致 心 中 未 静 文 湖 力 又不 後 發 云 人 何 答林 此 體 師 而 字 節 南 發 存 ? 則不 深 意 方 乃 之 氣 通 者 深 之 諸 切 象 擇之 致 無 有 大 知 亦 則 數 古 少。 前 友 思 可 嘗 滲 抵 浮 有 然 無 H H

言

恨

口

無

又

淺

前

來

遂

其

之體 端 昏 養 既 養 今日 物。 待 之 體 其 知 理 掃 無 敬」字 一人人心 書》云 體 發 倪 亦 中 先 應 之功」, 察 本 則 之 素 因 識 則 對 又只如 口 自 即 非 漸 則 通 其 端 進 立 隨 據 際 之固 然 日 漸 是 涵 貫 明 倪 事 似 退之間 之説 古人 體 發 所 則 亦 知 養 平常 動 而 省 非 學,便 見 有 出 而 甚 其 省察之功 箇 静 明 察 自 大 古 這 後 明 明 但未 未 甚 之 地 苟 不 人爲學之序 端 幼 便 著 加 審 而 發 阚 底, 得 涵 當察此端 同 是 子 倪 涵 敬 方 養 其 不 易爲 矣。 發 做 常 不 來 養 之 將 今乃 下 亦 養, 待 時 哉 視 涵 亦 用 去 則 無 敬 别 著 養 毋 太 謂 行 則 而 底 自 求 倪 又《 力 誑 自 底 急 焉 也 無 但 渾 不 I 而 然 以 I. 迫 格 物 而 從 答 然 先 便 與 夫 施 夫, 純 然 是 乎 察 欲 加 爲 此 物 蓋 林 異 也 也 熟 非 敬 ? 識 灑 致 義 己 涵 涵 時

未 實 簡 切 以 慮 静 流 與天道,不可 則 踐 下 法, 莫不使之以孝弟、 IE. 故 夫子之文章, 〈學者 從容 敬 處, 揣 明  $\stackrel{\sim}{\sim}$ 有學者終身思勉 易明白, 履之實 學之本, 心 答林 視 敬 度之難 例 聖 勿忘, 立 積累, 理 其 以 賢 謙 義 義 以 以 爲 平 而 初若 之書》 而 行, 前 勿 此 得而聞 致 鈍 涵 後 已 日 非 可 助 歟。 躬行 其 根 養 指 傲 博 無 無 得 長」,則 兩 知 云 小 然 成 難 觀 適 示 截 而 而 今之學者 就就 也。」夫聖門之學,所 默 子之學, 學 自 衆 解者 忠信、 事 聞 而 不 自昔 其發端 契之不易 者 處 理 能 非 也。 此 隨 以 加 · 近 必 人 至焉。 天 心 其 莊敬 聖 德 L 有 夫子之言性 卓 理之正 淺 及 無足留 則 思 啟 賢 之 智 事 然 、持養 深, 其 密 不 要,又皆 門 教 生 蓋 焉 故 通 至也 察, 然 無 人之 至 知 非 貫 而 日 意。 矣。 之 親 蓋 非 爲 思 大 動 勿

> 欺 聞 仁 聖賢至誠善誘之教 甚者至 其 . 義 外外 一者, 平居 充 以 塞 於 往 道 感衆。 甚 周 往 説 行 務 可 無 爲 懼 却 此 非 險 立 也 風 反 子 怪 瞬 肆 貢 懸 爲 行, 目 所 絶 荒 謂 揚 之言 日 幻 眉 以 險 不 益 薄 以 内 可 甚 相 以 得 高 自 使 而

九月戊午,丁母祝孺人憂。

七十。【年譜】孺人歙州祝處士確之女,卒年

【文集》《外大父祝公遺事》。

六年庚寅,四十一歲。春正月,葬祝孺人。

陽,名曰 年譜 墓 寒泉 在 建 塢 陽 縣 自 作《 崇 泰 擴記 里 後 Щ 天 湖之

秋七月,遷韋齋先生墓。

狀》又云:慶元某年某月某日 遷於里之白 年譜』按《 遷 水 墓 鵝 記》,乾 子 峰 下。 道 六 及《 年 ,遷於寂 七 考 月 吏 五. 部 日 行 歷

山,即今墓是也。豈韋齋之墓嘗再山,即今墓是也。豈韋齋之墓嘗再

遷與?

【文集】《先妣孺人祝氏壙誌》。《皇考吏

部府君遷墓記》。

備 加 趣。 澄 得 講學之助,庶有發明。 則在致知。」此二言者,體用 無 則 首章之指,乃知 【文集】《答吕伯恭 云 書有年矣,而 之意 在致 也。 踰 書》云: 程夫子之言曰: 夫 試 於 涵 用 知 不敢自外, 此。 而 已。 養之功,非 程夫子曰:「涵 者 日「日」,疑作「月」。 方 不得其要, 若致 竊 兩 所謂 洗 言 輒 書》云: 知之事,則 心 雖 他 以 涵 以 約 涵 爲 ○《答陳 比 以,其實 所 事 養須用 養須是敬 養須 獻。 熹舊讀程子之 因講究《中庸》 斯 得與,在 之功 本末,無 語 用 ○《答劉 正 人德 敬 師 敬,進 當 須 而 德 進學 之門 友 賢 進學 未 得 不 朋 其 該 有

> 然 懈 踐 讀書之法,要當循序而 如近世荒誕怪譎、不近人情之説 史、應事物之間 貌爲先; 然夫子教人「持敬」,不過以整衣冠、齊容 之要,而二者之功,蓋未嘗不交相發也。 則在致知。」此二言者,實學者立身進步 ",則雖 ,從容乎句讀文義之間 履之實,然後心静 廣 求 而 所 博 謂 求 取 「致知」者,又不過 其理之所在而 日 理 誦 明 有常, 五 前 漸 車 體驗 見 致 亦 意 奚益 於操 一而 也。 味 讀 於 存 不 非 抑 不

摸處。 楊 尚 只爲説「敬」字不 語録】李先生當時説學,已有許多意思, 方。 未 便人腔窠 又云: 舊 ,但當盡 失了 分明,所以 此 此 物 生之力而 多時, 許多 今 時 後已。 收來 無 捉

冬十二月,召赴行在,以喪制未終辭。

四五

【年譜】工部侍郎胡銓以詩人薦,與王庭

歲

夏五

月

,

創

立

社

倉

于

於 之急, 爲 分 不 則 陳 右 又 【文集】 口 一公教 請 具 貯 食。 前 未 1 社 盡 月。 倉 接 民 蠲 於 官粟 欲 又 家 又 願 留留 以 雖 府 之, 者 得 Ŧi. 講 自 爲 儲 曰 積 於 樂 夫 民 請 勿 易 今 求倉之利 倉 之。 於無用 守 歲 社 所 彊 著 新 以 Ш = 償 歲 不 視 倉 爲 以 來 谷 經 免 官 亭 記 出 例。 細 藏 始 小 出 歲 之 粟 <u>₹</u> 病 納 民 饑 於 地 倍 俾 貯 既 不 門 七 則 一、後將 具 斂 稱 無 願 里 便 劉 而 墻 年 弛 爲 之息 散 蓋 中 貸 又 侯 請 半 守 Ŧi. 藏 條 者 既 請 紅 與 放 息, 舍 月 約 之 次 出 貸 余 腐 以 日 古 積 年 揭 大 息 食 無 而 既 紹 不 之 祲 復 成 粟 什 新 民 奉

還 官 數 收 照 年 息 自 給 倉 石 元 次 奉 程 楣 几 其 之半 會 後 年 耗 並 米六百 郎 到 間 可 所 員 米 逐 臣 常 同 夏 劉 (支息 將 是累 以 久 臣 監 年 等 本 平. 係 共 9 如 來 視 而 石還 所 升 大饑 申 視 掌 依 愚 米 依 年 米, 府 昨 來 不 居 府 管 六 出 此 口 復 前 者。 人 乾 壞 係 措置, 建 共 造 百石 納 納 斂 令依 户 即 斂 道 矣。 寧 臣 賑 遇 成 本 散 於 盡 散 納 四 府 貸。 與 以 斂 委 府 倉 舊 每 是 蠲 到 年 崇安 本 散 更 此 廒 或 貸 倉 石 其 之。 臣 鄉 息 ^ 鄉 至冬,收 之 不 遇 時  $\equiv$ 辛 量 與 之 見 與 米。 縣 土 故 收 間 小 民 H 收 人 庶 即 存 至 本 居 開 息 收 歉 艱 延 息 户,冬間 事 三千 今 官 已 鄉 申 耀 貯, 食 到 和 米二斗,  $\dot{+}$ 即 申 鄉 府 每 土 及 鄉 細 奏 元 差 已 蠲 有 居 几 石 本 本 士 有 大 箚 其 納 Ŧi. 只 百 將 府 府 朝 兀 社 有

十里之間,雖遇凶年,人不缺食。

甲午。
【文集】《建寧府崇安縣五夫社倉記》。

不 衣 存 與 往 説 敬 論 也 切 無 【文集】《答林擇之書》云: 而 口 冠 一要妙 慢 得 釋 往 能 他 思 耳 工夫,所以 深究近 者 尊 老 全 存 之, 浪 外 耶 ○又《答林擇 費 如 誘 何 此 不 瞻 怛 .異? 光 痛 此 加 心 如 視爲 世 程 然 陰 此 Ι. 事 子 學者之病, 自 自 而 震 乃是 0 又況 先。 事 斂 前 言敬 然中理 慄, 設 滅裂。 日 飭 之書》云: 、欲横 至 使 蓋 又言「未有 心 不知於 乃知 真 必 論 慮 不 流 只是合下欠 至 以 荒 能 其言敬者, 知 天 整 於 而 熹哀苦之餘 如 此 敬」字之功 忽 所 比 先 容 齊 此 用 理幾 以 箕 未 大 聖説 嚴 貌 存 力,徒 措 踞 必真 朋 肅 得 詞 滅 又只 却 其 而 友 氣 親 能 持 Œ 講 躬 以 亦

> 必 密 己 ]復禮」 非常 訓 作 ,尋常講説,於「禮」字每不 情 理 所 字 及 然後 耳 已,今乃 知 其 精 快意 微 縝

冬十二月, 六日尚 勵 終, 熹赴 道六 其 餘 審 所 軍 七日 速 【文集】 荒 頃 就 行。 資 起 復 庶 準建 行 發 年十二月二十六日三 庫 蕪 希 叨收 累蒙召 以 熹雖 、尚 赴 在 書省劄子,令熹遵依已降指 省劄 益 辭 微 置 指揮。 寧 行 甚 書省劄子二道 免 召之命 禄,徒 報 至愚 府 在 擢 誠 召 趣 萬 遞 訖 命 行 仰 續準 分。 到 伏念熹才 不忍虚 以 狀 . ; 乾道 以 無 甫 爲 戴 **\*** 補報。 ·本府 實 禄 及 親 恩 云 七年 不及 以 冒 一,内 遇 除 省 再 凡 榮 不 贵 禫 今 <u>†</u> 養 近 同 送 右 庸 逮 寵 則 者喪 奉 到 熹 辭 朝 道 不 禍 以 旨 月一 自 聖 感 元 備 正 揮 增 罰 制 知 學 旨 寄 月十 激 又 坐 9 之 甚 奮 趣 未 無 召 乾 納 疾

不 伏 涉 IF. 於 洎 勝幸 乏 祈 違 使 髀 特 慢 義 裹 悲 心心 甚 賜 無 復 0 敷奏,早與 可 發 不 加 壬辰二月 辭 癰 自 以 腫 安, 筋 憂 雖 力 患 敢 寢 亦 幸 侵 罄 罷 凌 難 破 微 元 潰 勉 誠 降 心 强 耗 志 指 仰 凋 揮 損 干 惟 弱 洪 愈 ... 則 造 迹 熹 近

義》成。 八年壬辰,四十三歲。春正月,《論孟精

明 氏 者 以 與 餘 【文集】《序》云: 而 年譜】是書 之心, 家 出 聞 操之有要,所以 求道之至要,古今爲之説者,蓋 書之説 斯 然 道 然白秦 後 蓋 之 斯 異 1後名《 傳 言 道 世 漢 之 雖 ^ 而 宋 以來,儒者 論 要義 傳 近 興 同 興 ×, 有 而 起斯文,開 符 百年, 》,又改名《 繼。 索之無 也 孟 》之書 其於孔子、 有二 類 故 窮 皆 其 悟 指 程 集 所 不 學 已 後 先 足 者 義 以 雖 百 學, 遠 發 孟 生 以 有 所

> 論之: 千 此 先 然 無所 氏 次 論 擴之端。 示 有 之説,以附益之,名曰《 可 其 生 得 謂 、謝氏、游氏、楊氏、 其 載 而 人者,莫 於先 所 體用 不究, 既 所 不 至 之學之至, ^ 以 又 矣。 傳之緒 至 論 生者 奮 取 夫 語》之言, 而 非 竊 源 乎 聖賢 夫 間 操存 其 意 也 也 1,若横 百 學之有 嘗 所 三,顯 其 其 歟 世 蒐 之分, 以 涵 猶 ! 孰 絶 輯 微 無 養 示 渠張公、 伯 侯氏、尹氏,凡 學 能 條 同 論 若 無間 之 人者, 所 其 夷、 之 知 於 疏 張 要。 不 孟 不 之? 後, 先 以 也 包 伊 公之於 精 類多體驗充 同 范氏、 生者 是 義 七篇之指 尹之於孔 而 附 而 固 **%** 嗚 本 獨 則 其 先 如 九家 得 與 非 章 呼 所 抑 此 夫 夫 嘗 吕 其 之 以

<sup>■「</sup>增」,原作「遭」,據武昌書局本、《文集》卷二二《辭母

焉 釐 賢 言 於 先 用 其 諸 以 不 此 載 M 亦 知 子 文義 之意 者 之間 力 功 儒 矣。 竊 來, 何 生之門人 其 口 則 非 而 博矣 1,皆無 於 iE. 孰 以 其 適 學 意 敢 之間 此 或 近 而 口 音 其 以 於 正 亦 時 /,學者 於學者之心。 ? 似 無 曰 以 取 學 及 讀 曰 爲 源 先 學者 之言 得 爲 大 無 而 已 遠 者 門之士 然 生 哉 孔 通 其 者 荷 乎? 少 近 末 所 之 ? 則 氏之顔、 訓 以 有 考 異 世 不 既 分, 宜 説 門 詁 證 文 若 先 得 同 於先生 盡 之行於 曰 : 人 醇 考 異  $\equiv$ 涉 夫 於 推 考 心 然以其 者 則 端 一名家 醨 其 説 其 外 此 曾 不 制 耳。 其 異 言 之説 一,而 自 説 也 而 又 度 然 世 亦 淺 味 ? 行 託 後 或 荒 至 或 則 也 深 悉 與 而 辨 於 者 觀 幻 夫 於 出 則 時 不 而 合 今 亦 疎 焉 名 程 浮 則 漢 有 學 其 何 列 不 近 密 乎 録 又 氏 物 於 夸 魏 聖 誠 則 補 以 於 敢 書 歲 毫 其 未

夏 四 郡 於 於 後 年 義 屬 脱 謬 於 然 豈 足 正 則 不 月 》者 熹 其 文 建 既 編 明 則 於 難 以 細 淺 元 則 學,又 學 陽 次 考之程、 日 聖 是 辨 書 其 淺 欺 有 曰《要義 加 竊 0 南 此 書之作,其率爾之誚 者 陳 傳 哉 世 於 旨 補塞 亦妄 書, 前 康 焞  $\bigcirc$ 之統 也 ! 雖 慮 學 趣 9 黄 明 序之 欲 張諸 夫 文 書 者 行, 鋟 意 而 顧 **>** 某 仲 讀 云。 讀 誠 其 流 版 語 其 成 得 復 商 左, 者 先 之, 俗 用 語 建 孟 庶 衆説 復 毗 辭 伯 淳熙 疑 生 力 要 頗 陽 言 幾 以 陵 且 亦 見 於詳 一説 於 義 氣 已 ,學者傳之久矣。 附 焉。 周 之 更定 且 庚 而 六 尚 此 鄉 象 序後》云: 於 氏 長, 月 悦之, 子 有 略之不 之矣 雖 書 之 乾 本 説 或 冬十 其 所 間 不 而 折 省 章 道 時 几 故 敢 不 有 劄 既 篇 壬: 流 有 其 則 號 暇 同 得 辭 豫 所 熹 俗 再 以 辰 實 爲 有 月 ^ 也 矣。 精 刻 遺 趣 月 有 害 半 頃 之 至

行,再辭。

《狀》四。《狀》二。《狀》三。

《資治通鑑綱目》成。

之弗 《目録》太簡 首 語 注 爲 故 往 詔 遺》若干 胡 厥 文集》 者得 年 嘗 以 義 中 文 别 編 備言。 前 過 例 强 定 集《資治通 爲《 而 不能 於其 公始 不 卷 未 因 增 序》云: 目録 自 則 損 成 年 家 使夫歲年 料 復 櫽 也 以 更著《舉要曆》八十卷 有 其 》三十卷。 而 因 括 鑑 著 輒 先 以 文 伏 公遺 至  $\approx$ 統 與 以 IE 領 愈 讀之,猶 紹 既 同 就 約 温 其 之久 大 興 成 藁 志 國 此 要而 而 書 初 晚 大 編 司 事 又 修 近 以 病 竊 兩 故 撮 馬 愈備 成 及 提 本 或 公 自 侍 文 其 蓋 其 要, ^ 書 統 舉 病記 四 讀 矣 精 表 正 詳 太詳 之離 要 而 歲 書 以 要之 公受 南 也 分 以 識 然 補 適 别 陽

是則 改元本作「立」,誤 俱 本脱 俟 感於 干卷 合,辭 漢 張 矣。 矣; 忘 區 如 而  $\bigotimes$ 《續 之 爲 監 所 指 後 而 與蔡季通 「本」字。 統正 集 義 因 斯 凡 敢 諸 IE 己。 ,藏之巾笥 戒 之 事 統 條 述 及 掌,名 爲致知 昭 君 之詳 加 於下 其 者。 若 矣; 方得 例 子 只名《綱目 兩 又《 指 兩 略 書》云: 亦 日 公之志, 云。 雖 意 格物 書 衆 與 心 而 已定 ^ 略定,極 然,歲 條 議 姑 資 述 〈書》云 安耳。 目 人 例 論 乾 之學者 作 以 治 道 畢 矣。 ^ 如 之 私 之 通 道 通 張 定 周 或 . 此 同 有條 壬辰。 本 便 取 鑑 鑑 壬 於 矣 庶 9 ^ 異, 而 綱 意 檢 綱 列 Ŀ 或 辰 幾 節 亦 綱 幾 理意義矣, 目 閱 於篇 大綱 前 目 通 將 竟 可 則 夏 本「節」下 此以 微 舉 **%** 貫 以 須 慨 凡 有 自 天 四 著 端 概 曉 下 衆 默 然 例 備 凡 以 道 非 六書 矣。 舉 析 修 蜀 遺 若 有 目 品 識 明 元

數 方 辰。 後 到 史不 的 辰 巳 未 事 得 能 朝 云 後。 ?,便旋 修 月 參 成 者 草藁之屬 此 下 到 已修 〇又《 全 改未 · 熟, 更 考, 功 之。 伯 通 故  $\bigcirc$ 商 似 又《 倉卒 鑑》文字,近 付及,幸甚。 得 前 前 起 亦 與 與 但 定, 此 権 與 大字 書 李伯 頗 此 與與 不承當, 林擇之書》云: 見 書》 之。 兩 無討 臨 奉 舊 詳 却 書》 月 修 行忘記説 速。 本 數卷來, 修 諫 云 密 無 者 但 云 頭 太 得 : 書》云: 事 修 己 殊 處。 宋 方 略 ^ 癸巳後。 晉 但 費 書 託 綱 ^ 則 以 修 晉 事 通 不 功 尚 計 目 工 元 及 口 後 得 事 **《通** 鑑 未 成 緒 夫,蓋 () 今想 以 粗 今秋 善 **>** 綱 事 最 數 **>** 元 文 尚 得 矣, 定 小 諸 目 鑑 本 卷 末 又《 分 字 點 成 廣 可了 書,  $\stackrel{\cdot}{=}$ 作 ž. 條 舊 度 隨 屬 兩 勘 也 與 例 通 若 或 夫 張 看 渠 南 行 全  $\equiv$ 書》 鑑 得 浩 卷 不 北 必 有 以 王 大 正 癸 **I**: 元 癸

少 之 博 誤。 賊 數 云 E 諸 五卷。 云 去,求是 山 奉 且 知 N 卷,頗 乃 僧寺, 借 爲 子 休 建 賢 累 甚 漢 ^ 近 之, 安以 趨 耳 真 餘 可 歇 綱 綱 悔 義 名節 和稍 力 死 0 無 數 始謀 目》亦 目》草 例 謝 不 正 可 後,中 得 又云: ^ 不 所 月。 觀 别 絶 容 也。 益 處, 暇 避, 若 集 加 精密, 之太鋭,今甚 中 人 修 藁 覺得 其形 Z 甲午。 整 欲 爲 州 事 輟 訂 甲 近 得 略 未 寄 頓 午。 光 士大夫只 9 看 IE 後。 二十許 具 作 上下 須 矣。 得 有 未 武、明、章 温 〇又《答 來 異 未 俟寫 有别  $\bigcirc$ 綱 公論 于 年 ^ 兩 恨 盡 時 目 答 卷,此 費 答 春 有 月 本,俟 脱 1》元本作 處 相 校 知 (心力。 東 吕 劉 期 夏 餘 吕 之烈, 去 淨 藁 有 元 但 伯 間 畢 子 伯 遠 年, 本作 本 曹氏,不 來春 終 知 卷 恭 近 澄 恭 「通 畢 是 不 力了 然 亂 而 黨 當 史」, 書 書》 正 鑑 持 得 即 不 錮 以 臣 本

專命 其 方 梁 死 甚 民 到 自 來 而 文 就 曹操之 也 知 之氣 當 漢 於 飾 其 不能 讀 於 真 氏 事 有 答張 之 晉 洪 以 之 書 萬 時 且 用 漢 心 計, 父兄 臣 朝 舍, 爲 折 以 間 水 分 事 室 只 敬 復 誠 猛 有 是 之 荀 雖 於凶 夫 甘 覺 使驟 故 而 却 條 獸 及其 日 師 氏 必 知 書》云: 樂之,不自以 得 是 不 不 例 之害, 之中 友之間 有 虐 以 覺 此 知 黨 而 稍 而 孫 深 門 是爲 之餘 意 其 以 其 錮 聽之者,不覺 彧 舉,今亦 論 謀奇計,可 也 孟 子 思 ^ 淪 爲 殺 之, 通 人所惡 則 子 分明, 爽 戮 亦 胥 非 而 邪 鑑 豈 遂爲 之 則 自 矣。 E 而 漸 爲 説 欺 謾 綱 有 濡 荀 禍 至 圖 悔 參 横 目 余 唐 録 以 蓋 迹 有 而終 淑 此 所 也 前 其 流 **>** 哉 衡之壻 數 活 以 種 剛 於 耳 沂 以 正 所 爲 倚 大直 項 或 議 全 董 言 驅 窮 再 丙 非 衡 申。 救 身 上 年 論 卓 之 修 以 於 想

觀考, 之書 是當 得 得, 呈。 舊 爲 者 類 Ш 力 三之一,條 ○《答李濱老書》云: 〇《答吕 卒」書, 獨 人寫 《答吕 大懼 謄 例 因 甚 書, \times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times\_{\times 但 寫 於 請 嘗 病 欲 凡 亦 近 伯 伯 更 其 揚 及 似 莽 不 竊 而 未 年 蒙 須 苦 恭 能 恭 雄 早 涉 取《 於正閏之 臣 未 例 知 衰 書 教 後 書》云: 修 曲 無 卒業,以爲 皆 及 何 整 校月 匿 春 : 云《1 專 揚 也 纂 筆。 書「 就 時 頓 其 秋 雄 0 成 可 香 9 **>** 所受葬 際、 死」, 仔 一、荀 庚子三月。 不 條 視  $\sim$ ^ 書, 脱 衰 ^ 綱 綱 細 免却 通 燈下 前 例,稍 名分之實有 眊 藁 彧二事,按 終身之恨。 而 目 目》 I. 如 鑑》之書 加 求 浸 朝 多 夫  $\forall$ 按 太 全看 此 密 近 教 劇 事分 官 加  $\bigotimes$ 本 師 所 中 亦 矣。 耳。 櫽 草 例 王 答 小 修 重 正 奪 括 書 舜 藁 字 温 己 丁 尤 自 未 修 頃 戊 而 未 之 亥 戌。 不 公 嘗 及 酉 以 延 别 安 無 必 難 如

之罪 者 費 其官 得 區 類 爲 胡 止 日 濡須之下, 相 也 死 E 某 温 之 徐自 雖 董 氏 失 品 或之情 ,而宋齊邱於南 軍 人某官 例 '', 非 事 處 節 鄙 論 昭 荀 莽 亦 先 ,其死 之流 意 彧 或 發之,其 大 見 不 與 而 而 發 爲 却 其 其 夫 審 其 Œ 非 自 概 丙 操 故 是漢 (爲漢 爲 午。 竟得 實漢 而 揚 乃是自殺 以 故 殺。 以 謀 欲 事 不 其 雄 以 亦 臣 莽 侍中光禄 莽 遂 唐 少 臣 與王 天子近臣 免於後世之公論 彧 未 死 而 又《答 臣 事 緩 也。 則 而 而 0 繫 改 爲 公,但據 亦 自 却 同 九 舜 以 書 於 温 漢 相 殺 錫 遷 此 尤延之書》 之。 之 曹 爲 公直 臣 故 大 等處 之議 九錫 加 乃 似 徒 足 也 操 竊 實 夫 擊 筆 以 所 所 此 劉 附 取 書 當當 警 以 以 論 穆 以 然 孫 而 之 趙 賊 乏 事 之之 著 盾 事 權 竊 俟 否 時 悉 參 正 夫 不 云 日 莽 皆 忠 畏 萬 許 他 ? 書 派 例 極 至

略 用 注 首 因 此 其 鑑 刑 干 世 所 能 知 生 春秋 )(答潘 以 年 類 名 爲 備 竊 奏狀》三《 古之恨 臣 何 而 妄意 史書 非 首 備 竊見 作 子之戒 有 用平 所 漢 而 **>** 言 謹嚴 也 尾 其 丞 據 大 恭 其 耳 法, 迹 相 就 略 ? 文書寫,雖 殊 年 叔 間 但 之法 至 貼黄》云: 亮 則 明 略示 其 以 不 丙午。 不 書》 . 周 精力早衰,不能卒業 其 實 可 雖 出 亦 著 事 可 末諸 是 有 云 供 師 不 無 訓 統 實 曉 非 若 檢 所 討 免 臣 戒 有目 侯  $\wedge$ Ĭ 大 别 温 得 閱 賊 不 於 賊 通 又 僭 臣 一寅《 名 失 書 爲 公之變例 誅 之 而 敢 凡 鑑 録 此 稱 舊 之 以 日 心 絶 反 辭 事之首 舉 從  $\pm$ 讀 際 書, 提 書「人 綱 之 亦難檢尋 資 免江 要 號 但 也。 ^ 要, 罪 目 資 表  $\leq$ 治 則 畏 而 学之 歲 尾 寇 治 東 恐 詳 則 又 而 丙 通 不 此 死 午 書 軱 以 提 小 IF. 涌 爲 不 IF.

Ti. 四

篇草本先次 綱 目 如蒙聖慈許 進呈、恭候 就 臨 閒秩 決 即當 繕 寫首

陳淳,庚戌 若度不 許多文字,但 ○《綱目》今未 語録』《綱 能 成 目》若成 恐精 及修,後之君子必有 則 須 力不 書,當 焚 之。 逮 亦 余 未 不 大雅 必 下《 能 戊戌 取焉。 通 成 鑑 耳 後。

僅能 之得 而 公編年之書 行狀】考論 不煩,目 成 失,如指 編 每 張 繩 西 以 諸 而 周 未及修補 以《 掌 不紊,國 以 春 來,至 又 云: |秋||紀 家之 爲 於 恨 《 通 事 Ŧi. 理 之 代 鑑 亂 法 取 綱 君 綱 司 目 馬 臣 舉

八朝名臣 於 其始終表裹之全,而又汩 書,觀其 文集》 位数数 序》云: 言行 所 然 載 以 國 録 其 朝 》成 余讀 散 名臣言行之迹, 出 近代文集 而 無 於虚 統 也,既 浮 及 詭 多 紀 誕之 莫 有 事

究

語

録』向

到雲谷,自下上山,

半途大

雨

補

^

冬十月,《西銘解義》成 説 嗣 不成文字 云 録,以便記覽,尚 有所得,當續 余嘗病之。 《 名 臣 其間 7, 自知尚 言 行 看得爲訂 録 書之。 於 多謬誤, 恨書籍 》二書,亦當 是 掇 IE. ○≪答吕 不備,多 取 示及 編 其 次 要, 爲 亦 時 幸。 伯 所 無 草 聚 恭 遺 法, 草 爲 闕 爲 此 初

洪本。 爲關 所未發,與《孟子》性善養 啟争端。」改曰「東銘」、「西 生嘗言:「《西銘》明理 【年譜】横 孟 大學》、《 砭 愚」, 子》後,蓋未之見。」遊 中 士子 ,右書「· 渠 西 宗 張 銘》。 訂頑 師 子,學古力行, 0 先 嘗 生 於學堂 而 伊 至 其 氣 ĴIJ 是 門 銘 之論 分殊,擴前 先 發 0 篤 者 雙 生 明 牖 志 ,必令看 同  $\Box$ 伊 其義 功 好 ]1] 左 禮 自 聖 先 是 書

吾 通 便作《西 兩 X 身 其 百 句 體 皆 解 在 天 濕。 那 銘》等解。 後 裹 地 某因 得到 來 之 看 帥 地 也 各 吾 葉賀 頭 自 其 人 説 孫 解 性 因 得 思著 此 著 兩 時 句 所 天 季 以 地 通 自 之 迤 亦 及 作 某 塞 邐

(文集》《西銘後記》。

事 教 際 於 + 舍 爲 朋 文集》《答薛 料粗 事 加 句 近求遠,處下 餘 小人之歸, ,分寸躋攀 并心合力,以從事 讀 不 年。 ○《答汪 知 亦 能 文 未 有志於學, 及 比 義 有聞 乃 之間 士 尚 而 以 困 - 窺高 顧 龍 也 書 歲 幸 0 而 書》云 0 嘗 書 而 月 其 自 於其 謹 方 側 求之不 馳 侵 粗 悔 之 將 聞 心 尋 知 間 於 始 先 與 空 熹 聖 理 生君 监 視 同 復 妙 得 庶 門 自 義 髮 聽 之 志 其 幾 退 之實 少 之教,下 遽 言 域者 銖 子之餘 術 而 愚 如 積 動 求 鈍 之 友 之 蓋 許 絲

> 學上 於化者 先 求言 遠 質 達 謂 優 以 有 Ш 正 無 大 柔 當學 有 此 用 坐 而 非 岳 而 見 饜 達 言 後 耳 必 一待 人 而 之 先 、於道。 自 自 飫 問 不 語 下學,譬之是 ,然後有以造夫平易, 不 其 地 舉 今日 近 臆 思 可 無 9 能 萬 久 平. 玩 ,易於近者 度 故 辨 窮 與 而 易 石 此 歲 所 顧 矣。 忽 而 漸 也 處 事,非 而 惕 及 乃 然 力 有 講 後 者 先自禁切, 行之, 程 日 而 今日 得 猶 究 勝 9 夫子 有 言語 非 焉 然 而 先 討 兀 見, 爲 非 卒 乃可 察 論 雛 則 知言者也」,亦 所 學 臆度所及,必 顔 不 則是欲 秋 無 也 日 謂 積 曾 不學不思 用力之初 見 以 毫 見 乃 一善 慮 變化 其 其 以 夫 溺 而 潛 學 先 高 道 1 後 成 心 心, E 深 氣 幾 於 功 古 覩

■「退」,原作「進」,據武昌書局本、《文集》卷三八《答共

得 士 釋 心 平. 者,適 所 氏之禍 敘 以 秩 就 隱 足爲 命 使 横 憂浩 討 僥 流 之實 倖 自 稽 歎 於 私 天 恍 而 T 自 而 欲 無 惚 利之資 不 火 交 之 其 可 涉 間 遏 書 而 其 亦 者, 也 E 與 所 有 自 天 志 此 謂 理 之 則 有 人

行,復辭 九 年 癸巳, 并請 四 + 祠 四 歲。 春  $\equiv$ 月, 省 劄 復 趣

【文集】《辭免召命狀》五。

夏四月,《 之根 質 十 年譜】始 而 發 義 源 太極 精 朔 究 太 濂 萬 得 圖 極 溪 物 孔 説 之 周 之 孟 解 藴 子 終 》、《通 之 著《 始 本 其言 太 源, 書 又著 極 約 解 大 圖 而 有 成  $\approx$ 通 道 功 明 大, 於 天 學 文 几 理

嘗

不

因

其

説

然

周

子

手授

程

本

圖

附

書

後

傳

者

見

其

如

此

遂

誤

以

圖

爲

書

之

不復釐

正

,使先生立象

盡

意之微指

者。

先

生

謂

程

先

生

語

及

性

命

之際

未

解義 加 及; 出 師 生 自 罶 統 於 非 此 非 攝 陳 而 以 ())皆未 此 圖 摶 止 不 其 爲 圖 一,以 明 爲 又 种放 至 哉 非 种、穆 朱 出 者 爲 而 其 震 以 也 驟 得 至者, 穆 《進 之於 讀 示 至 之學者 修 夫 人 是 易 來 通 也 以 爲 則 人 説 書 先 之 先 則 表 而 者 洪 生 傳解 此 生之學 本。 Ŧi. 決 謂 之學之妙,不 特 峰 亦 非 此 其 胡 不 與《 种、 啚 學之一 文 氏 知 之傳 西 何 穆 以 有 以 先 所 所

今乃 有謬 所 是 正 周 文集》 子 程 洞 以 更 誤,幸其 達 允 改 立 遽 向 公,皆有 絶 象 夫 來 爲 答胡 問 於前 得 之説以 無毫 以 失 據 廣 程 參考 髮 於此 依 爲 仲 子 可 傳 説 書 未 非 互 疑。 之,是 者, 於後 Z Z 嘗 證 出 明 於 猶 : 而 改 己 豈 以 或 夫 互 舊 而 此 意 有 太 先 傳 相 正之。 圖 之 存 發 極 啚 生之意 示 於 説 之 私 明 旨, 也。 彼 凡 皆 平

耶 H ,故不得已 流布已廣,若 ? 答曰 當 日 爲之説 不説 此書未行,故 破,却令後 生 미 枉 隱。 生 今 疑

惑

而

爾

己亥。 後》。 説後記》。 【文集》《太極 **《通** 書後記 癸巳。 通 書後 **%** ^ 再 Ţ 定 序 未。 太 **%** 《題太 極 己 通 丑 書 極 <u></u> 後 太 西 序 銘 極 圖 解

觀 Ŧi. 再 月, 辭 有旨 特 改 左宣 教 郎, 主管台 州 崇道

守 蒙 子 被 州崇道 年譜】先是,有旨再趣行, 褒録, 道 ₩, 省 廉 一劄,俱 宰 觀 相 退 執 任 梁 政 可 辭。 便居 克 嘉 俱 稱之。 家因奏朱某屢 至 住 特與 是,進呈《乞 洪本。 改合 E 曰 一再辭。 入官,主 : 召不起, 朱某 激 繼 一管台 安 廟 而 貧 宜 劄 几

行狀】先生以 報勤之典, 今無故驟得之,求退 改秩畀祠,皆進 賢 賞 得 功、 進, 優

於義未安,再

六月、《程氏外書》成 【文集】辭免改官宫觀 狀  $\forall$ 0

之耳。 其 審 手所記,其淺深工 先生之言,非有精 伍 語 【文集】《後序》云: 書,足以 遺書》二十五篇,皆諸門人當時記 篇,熹所序次,可 其 相 曰《外書》云者,特以取之之雜 則不 除 所自來 乾道癸巳六月 得 能 正俗 此 無 其 + 所 本紛更之謬,而於二先生之 視前書,尤 遺 有 繕 也。 粗之異,而 拙,又未可以 二篇,以 寫。 右《 於是 程 始,熹序 當精 爲《外 氏 取 兩書皆非 外 諸 擇 書》 次《 書 集 一概 或 録 而 録 + -之全 審 程 不 論 能 氏 取 夫

^ 伊洛淵 源録》成

文集》答吕伯恭書》云: 点盡 載周、程以 來諸 君子行 欲作 :<: 淵 實、文字, 源

否? 書》云:《淵 士 正 答書》云: 苦 龍 未 幸早 有 爲 此 留 ^ 託 源 及 外 意 録 其 永 書》、《淵源》二書,頗 》許 搜 嘉 甲 午。 訪 諸 爲 見 人 序引 事 寄 迹 也 甚善。 首 末 又《 有 因 答 緒 又 書

淳熙元 冬十 拜  $\equiv$ 命 月, 有 年 月,省劄 旨 申 不許 午,四 檢 辭 會已降指 十五 免,復辭。 歲。 揮,不合辭 春 二月, 夏六 月,始 復 免

行 拜 命 狀》淳 改宣 熙 教 元 郎 年, 奉 又再 祠 辭, 上 意 愈 堅, 始

安 進 依 揮 辭 年譜】先是,十一月,省劄 賢 坐 已 行下,二月 免,旨、劄 賞 降 功 指 日 優 揮 無 下 老 先 再 故 報 生 辭 又 而 勤 以 辭 驟得之,求退得進 之典,乃 爲 三月,省劄 改 Ŧi. 官 月 檢會依 賦 使 省 禄 小 劄 檢 臣 蓋 己 會 再 終 朝 降 不 檢 於於 年 合 指 廷 會

義未安,故三具辭免,遜避逾年。上意愈

堅,至

是

始

拜

命

《中建寧府狀》。《謝改官宫觀奏狀》。《中建寧府狀》。《謝改官宫觀狀》三。《狀》四

編次《古今家祭禮》。

生,無 制 其 之 出 秦 風 神 其 祭禮 有 【文集】 者 因 ,稍稍 士,亦不 俗 所 滅學,禮 篤 血 ,固未必皆得先王義起之意,然其存 時 不同 》,熹 不 氣 其 不本乎祖者,故 述 者 能 跋古 綴 恩 作 之所不 無 所纂次,凡 得 雖 緝 愛, 最 隨 者 盡 有 僅 今家 先 有 崇 事 由 壞。 制 存 義 能 討 儒 古 祭 爲 有 無 論 禮 重 + 禮 由 典 數, 報本反始之心, 以 道 也 以 \*\frac{\times}{\times} 有六篇 漢 禮 復 之 爲 本 以 所 以古今異便 於 君 古之聖王, 末 來, 右 三代 或 詳 以 知 諸 致 古 經 焉 蓋 之盛 家之 其 儒 今家 好 學 遭 精 繼 凡 因

版 哉 於 附 七 兩 聞 儀 書 徐 本 曉 以 於 泯 云: 雜 今者、 家 本 有 以 有 益 潤 知 没 ! 便 當 如 徐爲第 亦 當 卷 并 所 於 家 上 觀 淳 荀 録 孫 雖《 不 作 中 興 無 祭 助 覽 氏、徐 熙 在 得 亦 日 而 足 别 否? 起, 通 聞 八,而 禮 聖 賈 無 善 元 周 未 據 庶 典 幾矣。 × 年 朝 項《家薦 相 本, 見 因 則 暢、孟 本 「周」,《  $\equiv$ 其 若可 敦 五. 與 者 可 竊 遞儹 策 通 可 他 化 損 唐 月 尚 蒐 參 答鄭 并 校 傳 惜 馮 添 古 多 導 益 書 輯 校 以後篇數, Ŀ, 儀 而 翊、 於 其 書 可  $\leq$ 折 有 民 敘 ○《答鄭 廣傳 》之後。 散脱 往 後。 不 知 衷, 之。 作 博 次, 之意, 豈不美 周 即 往 知 己。 ± 用 元 孟 共 之, 闕 合爲 殘 然 可 陽、孟 官 有 景 至《 詵、 成 誤 落 疑 皆 補 孟 諸 庶 能 舊 望 禮 誤 將 一篇 家 政 徐 幾 無 爲 采 藏 人 不 俗 詵 之 第 潤 見 見 等 集 雜 遂 版 口

> 尤 寫 也。 然, 後序 二,乃 致 爲詳實,不審尊意以爲 遞 Ŧi. 孟 便 定 將 儹 禮》 即 詵 也 中 Ŀ 但 以 來 存 徐 以杜公《 爲 板 寫 改 更 後至范氏《祭儀》爲第 舊序,而 潤 第 真 改 校須令精審 孫 + + 本寄示,容 費 <u>,</u> 有 日 四 力 六」爲「十 用 别 時祭享儀》爲 爲 而 作 一七字。 佳 繼 無 數語 與 如何 以 誤, 諸 或 孫 有九」, 此 生詳 未 然 ? 附 日 十九。 板 第十 見其後 刻 後 更俟誨 用 須 間 勘 刻 别 爲 仍 月. 换 納上, 板 <u>:</u> 删 又 第 尤 并 免 諭 於 + 去 不 而

+ 載 卷。 馬 以 端臨文獻 陳 及唐、本 氏 日 : 通 朝 朱 諸 子 考》《古今家祭禮 集 家祭禮 ^ 通 典》、 皆在 ^ 會 要》 凡一 + 所

朱子年譜卷之一終

## 朱子年譜卷之二

王懋兹纂訂

公伯恭來訪。 空門二年乙未,四十六歲。夏四月,東萊吕

《近思録》成。

體 舍,留 夏,東 之書,歎 力、處己治人之要,與夫辨異端、 初學者不 文集》《 條,●分十四卷。 而 切 止 萊 於 其 旬 日 書 知 日 廣大閎 日 伯 近 所 用 恭 者 思 人 相 也。 來 録 以 博,若 與 蓋 自 後 爲 讀周子、 因共 東 凡學者 此 陽, 無津 編 掇 總 過 淳 所以 取 程子、 涯 余 熙 其 六 前 寒 觀 Z 求 白 關 聖賢 張 泉 端 未 於 懼 <u>一</u> 十 用 夫 子 精 之 大

> 月五日 之。 優柔一 志於 可, 宗廟之美,百 此,然後求諸 此 之大略,皆粗 而 則 若憚煩勞 厭 學 玩 非今日 心焉, 飫 而 無 以 明 見其 所 四 亦 官之富 致 ,安簡便, 師 以纂 其 君 足 良 梗概 博 以 子之全書,沈潛反復, 友以先後之者,誠 集 得 而 庶 其門 此 以 反 以 乎 諸 書之意 爲 爲 其 而人矣。 取 約 窮 有 焉。 足 鄉 於此 以 也 晚 則 盡 進 其 Ŧi. 得 如 而 得 有

於義 其 事 【東萊吕公跋】 近思録 使之知其名義、 陰陽變化、性 梗 0 概 祖 理之本 則 謙 竊 亦 原 嘗 何 命 與 雖 有 所 之説 聞 未 所 底 容 次 嚮 止 ? 驟 輯 大 望 **>** 語,荷茫 之意 既 抵 而 成, 列之篇端, 非 或 後 始 然 學 疑 出 至於餘 者 首 不 晚 特 識 之 卷 進

所謂 躐 級 卷 不失纂集之旨。 ,循是 等陵 所載講學之方,日用躬行之實,具有 近 思者耶 節,流於 [而進,自卑升高,自近及遠,庶幾 ? 空虚 若乃 覽者宜詳之。 汽 厭 卑 無 所 近 依 而 據 鶩 高 則 遠 豊 科

記 來 卷 不可 兄 親 何 别作一卷,令在「出處」之前,乃得其序。 論 去却數段 抄作册子,亦自 【文集》《答吕伯恭書》云:《 告論 曾講 ? 中 數 居家」事直 道 字 體 添却數段,草卷附呈,不知於尊意 無 及否? 及 第 ,自合人第二卷。 附 ,如太極 也。 五. 如 於 倫 以 在 目 此書若欲行之,須 不 事 第九卷,亦似太緩,今欲 顔 可 録之後爲佳,千 及 知 明道 子 觀,但向 去取 閫 論 論 範 性 爲首 之意 作第二段。 一之類。 学中 ., 近思 章, 亦 云 嫌其太高 今看 不 何? 録》近令 更得 萬 却 又「事 載 . 勿 非 得 吝 老 大 如 專 似

> 吕 미 渠已去彼,能 得數字説破,增添之意尤佳。 段,并録呈。 也。 來,欲添 書》云: 有未安, 思》數段已補 伯恭書》云: 否,亦望早 乙未八月。 **%**近 却 人 説 望 思》舉業 幸付彼中舊官屬正之,或 垂 T 見 舉 入逐篇之末,今以上呈,恐 〇又《答吕伯恭書》云: 此書否耳 業 喻 教。 欽夫寄得所刻《近 也 數段,已寫付之,不知 所欲移入第六卷者, 三段, 丙 申。 ? 戊戌。 及 ○《答張敬夫 丁酉。 横渠 思録 ○≪答 語 《近 更

七出 好 微、《近思録》詳之。 養,五改過遷善、克己復禮,六齊家之道, 子之階 語録』修身大法、《小學》備 看。 道 處進退辭受之義,八治國平天下之 體,二爲學大要,三 梯。 四子,六經之階梯 陳淳。  $\bigcirc$ 李閎祖。 近 思録 格 物 ^ 矣。 近 ○《近思 逐 窮 思録 篇 理 義 綱 四存  $\approx$ 理 目 録 四

第 皆平 得 道 言平, 害,十 則 之 做 録》 切 道 語 孟 夫。 . 道 道 數 首 Ħ. × **≫**, 九 卷 語 易 理 又 從 ^ 卷 如《 + 四 制 孟 近 以 日 孤 第 則 聖賢 看 難 度 中庸 載 思 ^ 單 H. 一改過 漸 ^ 只 近 看 於 録 + 近 熟 曉 卷、 是 思 氣 後 如 》、《大 某 君 思 得 看 及 平. 又 録 象。 頓 Ē 第 所 子 録 人 難 舖 **>** 兵 大 是 以 處  $\pm$  $\approx$ 學》、 謂 心 看 蕭 説 學 堅 過 卷 近 與 事 若 振 此 疵 去 学了 城 看 伯 之方 來 ^ 葉 於 也 病 論 賀 之 可 起, 恭 第 9 聖 孫 + 語 F 以 商 即 説 若 久 賢 + 》、《孟 游 讀 話 只 量 卷 却 久 説 異 ^ 心。 讀 後 未 不 教 語 便 近 得 端 教 此 子 他 較 曉 如 思 × 語 之 學 楊

偕 静 來 東 會 萊 吕 公至 鵝 湖 復 齋 陸 子 壽 象 Ш 陸 子

【年譜】東萊歸,先生送之至信州鵝湖寺。

子静 之子 悔 江 其 西 非 自 澄 陸 皆 執 九 而 來 龄 所 子 會 見, 子 静終 壽 不合 相 身守其 九 與 淵 耐 講 罷 子 其 説 静 所 不 其 及 聞 變。 後 清 而 子 江 子 壽 劉 頗 清

之教 博覽 澄 於 事 有 語 鵝 此 先 元 附 陸 晦 意 一、趙 自 0 詩 湖 生 象 之意 於學。 之意 得 人 伯 寺 0 與 景昭 而定其 Ш 爲 朱 恭 則 朱亨 季 復齋 年 、欲先 一支離 以 、欲令人 蓋 未 兄 譜 又 陸 景 慮 也 道 復 所 詩 日 之教 昭 朱 云 齋 淳 發 適 云 在 臨 與 泛 明 熙二年乙 從 云 此 會 鵝 鵝 陸 人 臨 111 人 觀 頗 朱元 湖 爲「太簡 安 趙 湖 之本 猶 博 伯 元 之會 不合。 與 守 講 有 覽 恭 晦 晦 先 景 道 未 異 蓋 心 歸 而 諸 論 誠 生 明 同, 後 有 先 吕 而 公 歸 及 相 志 年 生 邀 欲 當 於 陸 伯 後 款 之 教 於 \$ 更 劉 今 以 使 信 恭 乃 約 此 欲 之 子 歸 盛 亦 之 和 約

復 與 | 齋 元 止 晦 辨, 之,趙、 以 爲 劉 諸 堯 公拱 舜之前 聽 而 何 書 口 讀 ?

湖 妨 恁 佳 之, 某 至 同 術 齋謂 琢 翻 基 知愛長 象 請 但 晚 異同 切 榛 ?」先兄遂與某議 地,又道未 方築室,未 ,伯恭首問 子静之説 Ш 罷 面 塞,著意 先兄説,先兄云: 某 第二 語 須 知 起 某 日 録 知 先兄云:「子静之説是。」次 行,某 欽, 句 兄弟 吕 至 先 伯 微 安,更要如 古 精 聞 極 樂 伯 兄 恭 先 沿 有未安。」 先兄云: 聖 微 無 是。 在 恭 别後 約 自 途 相 轉 址 於 爲 論 不 元 却 忽 傳 陸 方 今。」某云: 鵝 新 致 同 晦 只此 和 成 某無 沈 得 何?」某云: 湖 功, 辨,又令某自説 爲 此 岑。 何 之 此 詩云: 詩。」及 珍 心。 先兄 説 以 集,先 集, 重 留 望 舉 友 情 大 正 夜 鵝 詩 至 説 詩 抵 孩 來 朋 傳 湖 爲 兄 早, 之 鵝 思 學 甚 提 復 勤 注 有

> 垢,未 恭甚 悉破 息。 船 甚久,恨 色。 大,支離事業竟浮沈。」舉 水 【文集】 僞先須辨自今。 一元 廟 四 云 ●拳石崇成泰華岑。 欽 句 T 有 翌日 斯 其 至末二句云:「欲 某途 也。 知今竟 元 虚 説 答吕 未 人千 晦 二公商 心 中 舉 顧 識 相 繼 和 伯恭書》云: 詩 伯 如 之。 古不 聽 日 得 恭曰 何 罷 之意,竟 凡 家 量 也? 子 磨 晦 兄 致 卖數 遂 :「子壽 澄 心。 此 大 辨 + 知 致 云 癸巳。 詩 爲元 自 不懌,於是各休 詩 折 辨 其 其 陸 涓 易 : 議 至 下升高 於 議 説 簡 早已 子 流 墟 晦 此 論 ○≪答吕子 論 壽 隨 積 先 I 墓 所 元 來,莫不 夫 頗 兄 上子静 聞 屈 至 興 尼 處, 宗 其 終 滄 哀 晦 伯 名 某 無 真 失 久 溟

<sup>●「</sup>積至」、《象山全集》卷三四《語録》作「滴到」。

❷ 「拳」,原作「卷」,據《象山全集》卷三四《語録》改。

憂歎 其説 其 耳 識 陸 聞 約 中 名 ? 子 之,不得 有 庸 方行 静言論 **※**云: 而 號 脱 甲午。 》學問、 已。 耳 略 文字、 亦 深 陸 甲 ○又《答吕子約 風旨之一二,全是禪學 競 思辨 未 扣 子 相 必 其 直 静 祖 肯 説 然 趨 之 習, 後 本 聽此老 賢, 因 篤 根 恐誤 獻 聞 之意 行之旨, 所 之 生 書》云: 後 疑 一常談 蓋 不 生。 也 久, 又 知 徒 近 如 然 恨 其 然 但 聞 想 不 與 竊 孿 何 似

學稍 九龄子 方之意。 東 萊 偏 集 壽, 近 癸巳 過 與 篤 此 實 朱 相 孝 元 聚 友 晦 累 書 兄 日 | | | | | | | 弟皆有 9 亦 甚 撫 有 州 立 問 1 道 舊 人 所 陸 儿

此 却 甚好,其 文集》 於 爲 踐 病 之大者。 履之中 答張 病 却 敬 是 要 夫 盡 人 要其操持謹質,表裹不 書》云: 廢 提 講 撕 學, 省 子 察 而 壽 悟 專 兄 務 得 弟 本心, 踐 氣 履, 象

> 歸 論 自 末,送伯恭 模窄狹,不 知 也 之間,深覺 實有 耳。 乙未 以 乙未。 復取 過 至 有 鵝 人 ○《答王子合書》云: 者。 益 人 湖 之善 , 陸子壽兄弟來 惜 此月八 乎 將流 其 日,方分手 自 於異學 信 太 會 過 前 而 講 而 月 不 規

然學 自信 泛泛 學者 病。 静 爲 講 口 東萊 詳 出 建 論 者 緣 之 汩 見 言之。 至 也 寧之行,與 集》答邢 汩 荷 益 一鵝湖 此 此 無 徒 而 支 二陸 講 能言其 前 欲 離 所 貫 書 盡 底 泛 朱 邦用 誦 所 止 及子 濫 廢之, 元 非, 繹, 論 自 晦 ,是又適 書 甚 乃 澄 相 而 **>** 云: IE. 是 當 諸 未 白 聚 是 人 代 能 四 兄皆集 所 近 祖 病 因 爲 + 反 已営 以 謙 噎 己 學 餘 非 堅彼之 自 廢 通 就 日 是法 爲 甚 春 實 法 食。 子 末 有 復

【南軒集】《答朱元晦書》云: 陸子壽兄弟

何 云 如 臨 ? JI] 肯相 其 (説 聽 方熾 否? 此 乙未。 尤可 慮 又《答書》 乙未

秋七月,雲谷晦庵成。

(文集》《雲谷記》。

三年丙申,四十七歲。春三月,如婺源。

《經說》、 生請 許之,而以《程氏遺書》、《外書》、《文集》、 台氏 年譜】蔡元定 講 鄉儀 書於學,辭。 令司 馬 鄉 氏 從。 約 書儀》、《高 》等 既至, 復請 書 撰《藏 邑宰 留留 氏 學 送終 張 中。 書閣 漢 率 鄉 禮 記 諸  $\approx$ 

又作《茶院朱氏譜序》。至六月初旬乃子弟日執經請問,隨其資禀,誨誘不倦。

歸 : 洪 儼 本。 余 疇昔夢 嘗 與 中 滕 所 璘 見 游 見水 也。」問 Ш 其 出 地

「故與子有神交者在。」因命作亭於其上:曰:「名緋塘,璘業也,先塚在此。」曰:

書「草堂」二字與之。季本。

哭之也。 【文集】《答吕伯恭 訪數日, 此,想同 兩 日 開警良多。 此 〇又《答吕伯恭書》云: 遍 傷 走 |数,旦 Ш 間 書》云: 夕歸 熹十二日 墳 墓 婺 源,當 汪 達 亦 丈 婺源 不 昨 遽 便 能 道 至 承 遠 往 更 於

復遠祖墓。

留

也

伐石崇土,加修葺焉。修,爲他人所有,乃言於有司,而復其舊。先生展墓,以遠祖制置府君兆域歲久弗

【文集】《祭汪尚書文》。《祭告遠祖墓

病 彊 論, 頓進之功。 【文集】《答吕伯恭書》云: 非 探 因 必取 悟 前 向 尋流 來 其 若保此不懈 涵 源皆在 逐末 養 工 之弊。 夫全 此,恍 庶有望於將來 少, 道 然 推 間 而 自 類 與 講 失,似有 以 季 説 求, 通 又 衆 多 講

月,復 祐 夏六月,授 然 觀 非 辭 如 近 并 秘 日 請 書 諸 祠 省 賢 秘 所謂 許 書 郎 頓 悟 辭 差 管 之機 不允。 武 夷 也 Ш 秋 冲 1

言 請 退 以 而 行 執執 主 主 罔 嘉 虚名之士不 狀】除 其 市 一管武 政 利 廉 因 退 秘 夷 以 力 一,今乃 書 Ш 先 解 可 郎。 冲 生 用者 祐 冒 爲 時 先 言 F. 進 觀 生 以 故故 諭 擢 以 故 之寵 大 有 臣 再 改官之命 是 辭 是 欲 命 左 即 獎 右 從 會 用 其 有 廉 望 正

命 寵 遺 召 有言虚名之士不可 風 年譜】時上 茂 ,是左右 Ē, 不 俗 起 良言之。 以 爲言, 參政 嘉 望 其 諭 龔 遂 而 廉 大臣 時 茂 图 有 退 權 良 市 此 用 之 , 獎 用 倖 以 利, 除。 者 節 群 先 力辭 乃 小 生 廉 今 先 操 乘 退 大 乃 生 之土 間 其 行 冒 且 以 讒 再 耿 進 以 改 毁, 辭 介, 擢 手 官 以 會 書 之 即 屢 勵

從其請。

主知 熹秘 朽, 寵 試 家 庸 以 君 辭 典 德之士,如 飾 靡 文集》 月二十一 祭,不 憂 召 開 聖 校之官,然自 有 詞 有 不 無 國 書 命,已蒙聖 程 收 人之明。 建 此 主 遜 庸 未始 圖 遭 用 寤 郎 避 ·自量 辭 粗 重 書之府 遇。 日 巖 者 9 寐 熹 閔 有 免 以 尚 俊 畎 輕 秘 勞 凡 度, 穴 孤 又 恩 熹聞 書 傑 慈 昔 授 畝 陋 以 書 出到 獎 況 所 德 此 省 洞 贵 相 郎 夙 官 拔 隱 圖 隆 劄 頃 命 必 夜 照 承 郎 以 狀》 職 之 起 年 所 重 震 子 亦 坐 之誠 肺 儲 以 之事 意 事 或 并 捧 屢 克 驚 云 弗 取 腑 奉 蓄 功, 以 堪 用 嘲 棄 守 图 告 秀 戴 然 蓋 以 多 而 笑, 遺 片 爲職 異 難 知 命 故 病 今若 處老 熹 又 既 右 遂 之才 善 勝 所 凡 知 憐 以 熹準 竊 不 一寸長 雖 贵 措 道 其 使妄 所 累 成 其 貪 才 惟 一,授 衰 懇 耆 以 冒 選 愛 聖 敢 異 或 竊

慈憐 出 品 狀 劄 之。 士 當 假 秘 使 謂 遂 乃 恩 明 口 於 行 書 申 熹 登 夤 欲 自 以 借 X 命 得 告命 意 役 郎 察 是 清 緣 尚 愚 誓 終辭 ,然天 褒嘉 壟 因 且 特 狀 望之外, 前 書 以 聖 之 分少安, 議 以 斷 申 復 **>** 1 0 省 者 誠 恐 有 冒 主 而 ||月半 建 具 地 惠 爲 所 懼 進 前 左 伏 養 寧 以 父 敷 蓋 此 不 擢 右 口 H 間 府 此 母 全 候 自 不 奏, 有  $\bigcirc$ 貸 熹 皇,不 所 望 無 委 活之意 指 意 送 勝 視 皦 始 所 早賜 答 以以 涯 以 曲 揮 軍 而 附 幸 才 然 得 以 韓 之 假 資 奏陳 生 熹之不肖 能 甚 敢 图 還 懇 而 寵 寢 借 尚 謹 成 庫 贵 祇 家 雖 市 不 辭 罷 惠 狀 寄 之恩 書 謝 熹 受。 則 可 利 非 逾 元 稱 養之資 忽 書 納 除 是古 者 欺 其 愚 年 降 兹 聞 \*\frac{\times}{\times} 外 伏 已 者 賤 亦 則 所 而 選 指 除 將 辭 謹 惟 竊 人 之 卒 不 以 有 揮 命 所 愧 品 省 免 具 所 鈞 羞 惟 感 拜 而 今 不

實 舊聞 官 念 然 台 過 敢 以 自 道 退 時 力 性 H 懼 奉 待 樂 以以 既 矯 藏 俯 非 意 恩 窘 也 所 益 而 承 後 深 本 賜 推 迫 仰 所 間 其 欲 終 以 揉 以 世 挽 中 而 心 書 9 以 餘 禄 既 不 求 以 求 假 亦 萬 之力。 自信 間 之君 平. 眷 傅 就 筆 聖 年 己 知 而 方 以 懇 日 念 而 ·, 因 思之, 之於 志 丈 而 所 賢 功 閔 辭 愈篤 不 所 卒 子 名 亦 終不 立言 爲。 勞 召 其 望 忘 既 許 而 所 以 書 是 暇 惠 於 命 者 而 以 E 以 願 能 所 竊 本 乃 門 以 果 養 府 H 此 投 以 反 欲 故 得 意之 П 妄 君 此 F 之 中 如 閒 與 誤 諷 者 别 ; 外 意 自 此 相 遞 恩 也 學者共 迁 + 寵 誦 紙 似 實 所 此 灼 知 到 不 年 褒 遺 疎之學, 私 垂 若 故 無 在 決不 熹狷 過 必 知 經 來 感 示 修 有 少 毫 尚 月 無 初 之, 雖 進 既 髪 參 身 能 介之 用 自 乃 + 書 可 亦 考 守 用 餘 且 其 與 不 以 H 知 Ŧi. 丈

哉 쁄 之書,而 欲 適 百 尚 事 卿 俗 卒 絶 爲 者 H 桑 乃 之論 有 榆 就 多 議 固 歲 是 所 所 而 於名宦之途,自 1 或 以 棋 者 以 論 已聞 大繆 就就 足 不 有 而 夫 故 能 爲 ,必有所 之本 以 酌 今若不 以 其 幸 誤 不 懇 亦 群 以 辭 風 不然者, E 之 有 所業 避 而 熹之狷 將 末, 自 受 承 小 而 讀 踰 所 知 汩 辭 明 嘲 疾之矣, 朝 而 前 矣。 就 不能 則 年 之,然聽 没 而 笑之資, 不 廷 是以 於鄙 介迂 熹 而 冒 人亦 無 之美 而 諸 敢 又況 免者 不 亦 受, 終於 感 公誠 苟 往 得 獨 疎 意 安 必 迫 意 然 於 今日 丁,其 則 無 所 賴 不 成 且熹之 得 以 之 拜 之意 下 知之深, 賓 不 默 爲 而 受。 慮 將 益 能 風 主之間 時 能 其 已 然 F 得 矣 於治 出 俯 亦 試 私 賢 考 得 或 而 無 以 私 仰 且 收 其 公名 È 疑 不 願 以 而 優 竊 而 黯 騐 異 之 行 前 所 者 世 自 而 事 游 以

藐 年 以 必 數 受而 之辭 歸 靡 厚 而 遜 官 處 必 睡 不 身蒙 欲强 後 成 然 苦 獨 審 之 脅 駡 矣,今又因 安 則 己。 効 方 不辭, 受出 得 驅 也 而 言 未 大 坐 曷 此 之,使充 嗤 從 失 且 爲不 則 而 悲 有 夫 此熹 鄙 辱 乃 處 臾, 若 不 從 懇 此 倚 必 則 之也。 ,使天 熹 過 其 關 致 使 **無** 容 又 求 托 是 所不 者 使之内 其 流 之也 非 至 所改之官 風 游 欺 所 美官 所 數。 下 耳。 俗 獨 談 此 謾 以 向 且 能 不 後 之 其 極 既 以 伸 要職 熹之言 識 大 至 違 世 熹 近 身 盛 而 取 也 其 以 月 且 爲 素 持 之事 雖 熹 世 而 衰 耶 志 爵 而 辭 引 心 清 不 適 以 有 復 可 ! 執 禄 此 召 故 ·肖,實 重 外外 議 此 全 不 來 而 以 事 者 竊 于 命 尤 且 其 者, 幸, 授 E, 從 自 者 門 貽 而 不 士 風 而 不 守 計 其 聽 不 諸 容 熹 其 大 深 下 得 可 得 可 頹 其 之 忍 辭 有 以 公 勝 改 所 夫 俗 베

六八

語 乎 未 其 公 咎 以 匆 之,伏惟 不 生 ? 爲 請 也。 伸 匆 然亦 ·信其言, 無 平言行,必 鄙. 不 倫 失, 免 瞻 伏伏 及 ,復畀祠 必若成命已行, 意 望 何 憐 不 盡 於 門 必 惟 以 敢 mi 明 此 墻 待 終 有 高 至 察 公公, 曲 官之職 其 焉 默 此 大 明 無 折 垂 默 不 狂 也 亦 由 賜 疾 相 故 於 熹 使 趨 矜察 之既 其 門 前 深 副 不欲追 因 今僭易 侍,情 者, 自 日 下,是以 是 於出 作 所 悔 以 而 寢 意 有 報 責 自 然後 令之 使 言 迫 大 達 則 敢 執 無 參 切 藥 體 於 復言 事 非 願 所 書 之 者 似 龔 大 獨 歸

冬十一月,令人劉 氏 卒。

建陽 規 年 壽 譜】草堂 縣 藏 之 於其 唐 側,名其 石 劉 大林谷, 公女 也 菴 名 日 明 其 順 寧 亭 年 某 月 宰 如 葬 於 而

JL 或問》成 年丁 西 四十八 歲。 夏六月、《論 孟集註

> 洪本。 然恐學 毫釐 復釐 縣官 出 後《集註 集註 年譜光 以 П 義 Œ 追 示 以,又疏 耳. 索 者 **%** 人。 》删 故 有 生既 轉 其 既 其 發 改 板 時 而 其 而 去 明 編 日 書 趨 所 約 故 取 次《 9 益 肆 薄 以 其 間 惟 亦 精 有 論 去 精 學者 故 學 有 密 竊 取 粹 孟 者 不 刊 或 ·妙得· 之意 集義》,又作《 而《或 同 私 所 問 行 者。 傳 當 类 者 爲《 本旨 録 問問 熟 然辨 書 之。 或 呕 |>|則 味 問問 者 未 也 析 其 爲 訓 於 嘗 不

語 悉已 【文集》《答何 則 再 此 云 影亦 録 昏 : 方欲爲之,而 過 上 憒 中 如 呈, 目 庸》大學章 此草定 幸 有 然覺 甚 叔 差 日 京書》云: 謬 一本,未暇 丙 其 力未及也 戌 處 間 句 更 》,緣 切  $\bigcirc$ 有 ^ 望 答 脱 合 痛 此 藁。 張 乙未。 子集 删 略 加 欽 處 修 刊 ^ 孟 夫 解 削 《論 過 子》 》當 警

於《語 語 耶 略 病 處 功 方 吕 看 生 爲 伯 ! 猶 粗 折中。 亦 恭 癸卯 此 有 有 × 過 自 書 謬 **念**孟 贵 成 後 黄  $\forall$ 便謂 誤 説 易 云 己亥。 直 》、《大學》、《 事 卿 不 然 事 ? 兩 先爲 住 ○《答胡 了,豈 近 月 若 修 日 間 看 | 恃 削 讀 不 過 只 之, 中 季 有 輕脱自誤之甚 時 看 參 隨 庸 時 聰 得 考 書 **≫**, 二大 隨 明才氣 : | | | | | 兩 同 手 篇 異 又 節 生 覺 熹 論 用 目

煞誤 分裂 友傳 語 録 看 四 去 讀 鄉鄉 出 論 而 語 人 楊 不 道夫,己 集 遂 可 註 不 收 **\***, 告 西 矣。 蓋 而 某十 刊, 其 間 及 年 多 前 知 所 覺 本 未 則 爲 朋

庚戌。 者, 近多 文 如《論 集》《答 改定 ○《答孫敬甫書》云: 》、《孟 處 張 未 元 》二書,甚 暇 德 録 書 寄。 \* \( \times \) 恨 亦 ^ 其出 大 有 南 學 未 康《語 之早也 及 等 整 頓

> 處,未 改定 ^ 孟 **\*** 處, 暇録. 是 未 後 去。 及 來 下 所 丙 手。 定 辰 本 ^ , 大 然 學 比 讀 亦 之, 有 删 尚 定 有 數 合

學 只 説 説 説 多言 理皆 學者省 如 閒 是一字,有一字當 語 論 、把這 恐後學 ,只爲 字不得,公仔 盡 何 看 語 録】程先 看得 了。 語 在 日 T  $\forall$ 不 箇 而《 經 學者 某《語 只 半力。 熟 文内。 聖人意出? 聖 須 難 是 集註 看 生 人言 更 看 曉 發 經 去 孟 自 細看。 不 明 不 若注 影能 解 故《 集 然 注 語 百十字底,公都把作 出 知何 其 註 曉 脚 有 理 集 辭 本 不 所 解 人。 得 外 幾 在 註 又曰:不多一箇 知何人。 是 E 以 使 添 又 何言 解 **>** 不 明 盡 更 做 添 人 語 知 字不 白 精 撮 看 出 語 玩 内 何 〇前 人。 其 不 段 注 義 味 某 ? 不 説 要, 出 解 **>** 經 輩 須 是許 集 話 語 減 E 等 字 解 却 與 解 注

**念孟** 之下 草草 其 要人 字 字 音 亦 諸 意 教 者 秤 名。 偏 閒 某那《 末 某 只 家之説 裹 不 上 不  $\forall$ ·, Œ 些子。 是 看 歲 精 所 用 説 稱 肯 少一 川 者。 便下 卷 如《學 粗 解 來 順 那 是 集註》 用 解 + 《語 本 箇 正 有 無 閒 箇 説 功 餘 而 文 曾 功 末字字爲 無緊 學 切 異, 字, 前 字。 字 **∀**, 年 看 祖道,丁 列 夫 都 者 解 當 》 首 訓 不 理 諸 那 詳 要 下 明 將 孟 到 甘 郭 高 會 章 家 笛 閒 備 來 Ė 注 白 文 節  $\forall$ 友 而 些, 和 先 · 非 咀 只 底 之説者,或文 IE. 仁。 處 者 義 中 今 訓  $\bigcirc$ 字  $\bigcirc$ 嚼 是 宜 不 與 間 改 是 有 尹 即 詁 過。 緊 聖 仔 低 論 集 逐 氏 越 要 猶 高 引 要字。 某 細 字 經 註 注 要 人 此 語 未 下 而 用 此書某 於 看 》於 j 在 稱 集 IE. 看 看 後 去 自 而 ^ 意 下 註 程 等 取 外 不 正 不 論 是 自 無 沈 E 子 9 面 也 之 没 文 是 自 僴 過 學 不 如 如

葉賀孫 思 説 存之。 贵 者 法 不 論 意 重 董 是 相 也 洪壽 可 一復存 0 在 話 如 二字等處,多 未 似 ,何者爲 方敢 而 朱在過 此 知 定 章之意,反 而 有 於正文 楊 耳 然 其 ,亦要教 也 少異者 寫 時 道 短 某 必 庭 每 夫 不 出 長? 所聞 陳淳 釋 又 底 有 常 敢 有 ? 經,每下 日 解 李 載 有 亦 復 人 所 方子。 . 説 文字,  $\bigcirc$ 者 知 只爲 日 要 其 不 發 大 合得 . 道 蓋 説 問 必 相 明 率 集 使某 是二 資 看 解 . 諸先 他 兩 註 切 不 聖 某 字,直是 <u></u> 文 處 説 本 要 容 集 見 字 人 説 中 解 有 未 生 只是 前 略 而 註 之本 得 不 書, 皆 説 解 有這 有 不 去 可 長 通 全 有 多 稱 解 有 如 可 9 説 意 一别者 忽 底 兩 故 般 少 書之 等 或 訓 不 兩 勝 時 好 存 輕 但 并 説 知 通

【文集】《答潘端叔書》云:《論語或問》此

更 改定 德 得 就 夫 來 書 仔 却 自 修 不得 問 改 細 正 與《 思 經 得 定 處 喻 日 或 無 索 E 多 如 及, 或 奉 問 功 ^ 遂 玩 爲 何 語 問 寄 》前 却 夫 佳 味 ? 與 孟  $\approx$ 修 好 可 後 ~ 有 或 答 評 得, 故 或 只 不可 不 問》 未  $\exists$ 量 不 問 用 相 只《 適 : 曾 也。 **>** 舊 恃 應 乃 不 ^ 處,參 傳 集 本 矣 論 此未定之書, 1 甚 癸卯 出 註 · 看 孟 酉 相 > 有 山 考《 後 集 本 屢 應 今 間 不不 註 改 不 集 莫 又 無 ~ 不 穩 註 若 後 張 知 無 定 處 便 録 且 來 後 元

修 友仁。 者愈 行? 語 年」, 後 録 不將做事了 來 日 誤 問 : 精 論 便 前 力衰 論 語 是 文字 語 或 不 或 只只 問 必 那 問 與 看 如 箇 ¥, El 甚 今説 得《 此。 I. 好 夫大, : 集註 , 不 是五 文字 何 類 故 後 儘 儘 + 當 不 掉 得。 歲 多 肯 時 了。 元 欲 學 刊 郭 本

以

爲

是

也

當在

丙

辰

後

甘節。

(詩集傳))成。

於毛公之手哉? 然 則 義 而 衆篇之義, 鑑《詩 【文集》《詩 「三篇之義,本 ◎《書 寅 氏 小 毛詩 南 詩 遂以 合編 失之矣。 義 九 序 説 陔》等篇遭 猶 月。 》解 傳 》之前 序》, 臨 遺 爲《 存 故 經 説 漳 時 ^ 詩》與 存 則《 各置 至 注 讀 所 集 所 ^ ^ 作 \(\frac{1}{2}\) 毛公乃分衆 吕 後 吕 傳 與 刊 序 秦 後 至 於其 氏 序 衆 氏 漢 詩 義 乃 詩 **>** 而 毛公爲《 豈 然《序》之本 学,丁 詩 家 篇之義 盡 傳 . 經 皆 Ľ 得 篇 去《 塾 記 衛 舊 後 出 一,其 爲 端 讀 小 序 四 宏 桑 於 **>** 序》, 云 義 與 義 詩 冬十 詁 中 此 傳 合編」者是 先 乃先 經 篇 愚 記 則 訓 **>** 故 各 秦,《詩 明 鄭 不 按 與 附 月 並 後 傳 生 置 言 見 冠 鄭 衆 康 出 序 ×, T 甲 篇 於 先 西 於 宏 乃 篇 而 氏 成 辰 端 辨 也 生 歲 篇 作 謂 分 分 之 説 春 E 吕 用 孫

序》盡 緣 終 讀《詩》 端 書 處 定,所餘才 請 提 戌 覽 讀 中 云 大 風》次序,恐未必有 者之 得 告略及之, 累 極 起。 冬十月。 其 詩 則 多 熹 説 正 詩 人 出 者 因 當 終 所 Z 歐 惑 也。 説 而 後 比 未 鄭 篇 世 陽公本末論 也 更定 集 此耳。 前 知 欲 氏 所 Z 又 ○《答范 解 想 有《 修 臆 此 比 未 欲 去 此 ○≪答吕 多 度 正 備 冬。 説 當 年 修 亦 序 本 然爲 所發 若 論 時 略修 改 而 得 **>** 又 意 伯崇書》云: 而 於 以 口 處 亦 間 苦 不 甚 又 舊 明 伯 ,故《集傳》 不 見 其 舊説 復 甚 脱 刊 佳, 别 是 説 信恨 ^ 恭 知 後 於 0 定。 答 詳 此 無 何 牽 書 有《 熹嘗 亦 其 未 云 吕 備 窠 訂 等 稽 制 \* \*\frac{1}{2} 收 得 詩 初 伯 大 臼 援 不 類 IE 後 從 在  $\check{+}$ + 淳 病今之 . W 抵 恭 爲 世 ? 終 滿 後 此 以 容 竊 猶 不 Ŧi. 熙 書 無 小 事 因 意 意 敢 以 語 故 或 庚 懼 承

平 意 爲 聖 爲 雅 更須 附《小 庚子。 尚 四 旋 望 容 詩序》之説,不知 雅」、「鄭」二字,「 日。 思 仔 正 戒 批 以 恨 雅 大 甚 删 有 未 示 細 ,已是不 無  $\approx$ 鄭 雅》後二册 ○又《答吕伯恭書 一言定, 〇又《答吕 録 尤 説話 能 無 覺 非 又於 幸 恐便是《 盡 許 通 教 取 一,并得 去, 垂 也,恐尊意見得不 敢 多 其 達 者 更俟 ^ 諭 鄭 口 善 十分放 得 伯 贵 去 無 者 互 風 鄭 之,却 後 更 來 失 所 雅 恭 矣。 必 費 以 風 容 來 相 誨 之 滯 書》 滅 力 爲 手 考究 恐 尊 <u>\times</u> 半, 外 難 ^ 其 却 處 礙 了。 法,存其 小序》 意 便 云 不 别 看 籍 得 不 不 《詩 氣 爲 應 是 看 也 哉? 求 成 如 反 前 象 審 得 向 如 概 ^ 鄭 之説 完 復, 此 説 大》 諭 惡者 亦 高 何 以 來 庚 如 聲 處 》昨 未 子 自 看 品 何 所 明 風 也 耳 IE. 極 小 此 品 ? 喻 未 却 E 逐 月

七

DU

故 寄。 風》 草 恭 詳 未 云 觀 穩 爲 ○《答李 加 書》云:《詩》 日 乙 處 之説 叔 考,即 清脱 自 能 删 何 數 恐或 《詩 《詩 書》云 亦見子 E, 改, 便 度 如 卷 説 就 ·公晦 略 ,舊本 其 》不知竟 也 有所 自 别 猶是泥 便中 ? 也 刊 有 作 説 約 久 近 警發 訂 伯 書》云 亦 \_\_\_ 庚 未 且 專 已 求 甲 小 子。 再 裹 恭之書矣。 再 未 治《 成 别 所定 易 辰 作 看二《南》舊 也。 書 洗 看 須 後。 書 爲 合 如 小 了,舊説 土 出 者節 庶 ^ 庚子。 何 又 序 詩 而 無 塊 ○《答吕子約 書,以 甚 幾 ^ 看 人寫 説 不 答 簡 畢 目 甲 多 善 而 **>** 寄 ○《答潘 辰。 約 處 竟 近 吕 近 所 得,不 趨 説 不 來 耳。 易讀 心 甲 修 伯 讀《 極 未安,見 簡 ○《答》 寅 下 看 得《 恭 約 丁 詩 有 能 篇 文 未 得 未。 或 若 潘 叔 奉 尚 草 安 前

序》, 葉賀孫。 了。 記 言 字成 疑 傳》, 後 來 是 ^ 補 過 兩 (序)出 來 ×, < 之, 語 鄭 衛 後 一手合 太過 宏作 方 間 漁 某又 句 待 面 或 後 ○《詩序》,《 知 仲 自 取 底 於漢儒 爲 語》,然後 來 只 - 後來 以 看得 成一 辨 有《詩辨 某 詩 作 詩 仔 盡 破 向 讀 爲皆是村 **>** 序, 亦 細 去《小序》,便自 ,反亂《詩》本義, 編 作《 處 經 然 却 看 排 東漢 知《詩序》之果不 妄》, 不 意 愈 終 詩 自 放 陳 是 説 不 是 **>** 文蔚。 分 兩 在 野 力 衛 同 • 儒 解文字, 愈 不見 曉。 篇, 前 妄 宏 詆《 0 疎 人所作 林 〇「在」字、「序」字 面 都 詩 大 手作 詩 見 ...傳》: 可 邵 是被 驅 序 質 且 作 初 浩。 通 人 分 逐 只 之《 用《小 足 ,於是 本 始 其 多 明 詩 他 將 序 史 間 説 亦 向 集 壞 几

● 「同」,武昌書局本作「明」。

語

録

》(詩)本易

明,只被

前

面《

《序》作

梗

盡滌舊説,詩意方活。吴必大。

IE 時,疑甲 煩 爲 集 有 以 ·辰後 纸 新 與 本 卅 葉 校 副 彦 舊 在 忠書》云 本 内 其 恐 不 要 同 帖 者, 詩 换 也。 依 傳 新 兩 未 本 詳 本 改 其

先 主 年 生 其 譜》《詩》自 編 獨 與 以 ,附寘經後, 經 經文爲主,而 文舛戾, 毛、鄭 以 則 以 還其 穿 來,皆 訂 整 其序之是 爲 以《 説 以 小 非 通 序

《周易本義》成。

言 本爲 恭 其 華王幸 文周易經傳》十 文集》《 父之所定,而《音訓》 雖 端 約 1 筮 叟之所筆受也。 書臨 而 以 而 見 所 作,皆因吉 包 凡 漳 甚 二篇,亡 例 所 廣 刊 而 易 夫子 凶 經 熹嘗以 友 篇 以 然 東 後 作 示 自 \*\frac{\times}{\times} 則 萊 訓 傳 諸 謂 其 吕 亦亦 戒 《易 門人 儒 祖 右 分 故 謙 略 經 ^ 古 經 其 舉 伯

> 六月 甫畢 焉,非 全經 訓 有 補 熹蓋病之,是以三復伯恭父之書而 合傳之後,學者 所 卦 也,爲之别見於篇後 》則妄意其猶 局,而 而 特 而 爻,僅 伯恭父殁,是則 遽 爲 無 其章 執 以 爲 傳 便文 或 通乎天下之故。 之 句之近古而已也 有 事 取 所 端 固 遺 而《 義, 云。 以 脱 宜 易》之爲 爲 往 幸 然 淳 定 往 熙 叟蓋 説 亦 未 若是者, 九 及 不 用,反 有 年 敢 言 於 玩 ^ 音 發 是 心 夏 輒 書

B 氏 爲 費 然則真 以 去『无咎』、『悔亡』,惟費氏 氏傳古文《易》, 費氏學,其 中古文《易經》校施、孟 書古易後】漢興、言《易》者六 孔氏遺書也。 書始盛行。 而 不立於學官 東 京 今學官所 經與古文 馬 梁 融 邱經 鄭 家 立 元 同 劉 或 皆 王 脱 向 獨

七六

考傳記 古爲 覽者或以爲未 易》,將以復於其舊,而 者遂不見古本。 成、輔嗣合《彖》、《象》、《文言》於《經》,學 千載之後, 歸然獨 費氏《易》在漢諸家中 弼 《易 斷 》, • 雖 其説 ,復定爲 宗莊老,其 具於《音訓 安。 十二篇。 近世嵩 存, 豈非 祖 最近古, 謙 其 書 謹 山晁 (刊補 篇目 古 天 因 鄭 氏編《古周 卷帙 晁 哉 最 離合之際。 淳熙八 見 氏 氏 以,一以 書 排 自 擯 也 年 康

篇 散 《序卦》七、《雜卦》八,謹第 《象》三、《文言》四、《繫辭 五月。 康初,發汲 【晁氏古易跋】《周易》《卦爻》一、《彖》二、 象》、《文言》、《繫辭》。 與 亂 今正 不可訓 同 縣舊冢,得 知,獨《周易》最 别 有《 陰 古簡 陽 杜 説 ž 預 如 編 爲 、疑於 上。 、《説卦》六、 而 科 明了,上下 無 斗文字。 時 案晉太 仲尼 彖》、

> 惜 猶若 古 意、《象》本釋《經》,宜相附近,分爻之《象 始。 辭》,各附當爻。 十二篇之《易》遂亡。 漢末,陳元 以《彖》、《象》、《文言》人卦中者,自費氏 直專以《彖》、《象》、《文言》參解《易》爻, 辭》始附 十二篇。」是則《彖》、《象》、《文言》、《 家。」顔師 志》:「《易 造之於魯,尚未播之遠國。 經 其初,費氏不列學官, 今乾卦、《彖》、 始 變 卦、爻而 古 於 方、 經》十二篇, 曰 : 費 鄭 氏 則費 「上、下經及《十翼 康成 傳於漢歟? 《象》 而 孔 氏 之徒皆學費 卒大 穎 初 施 繫 達 變亂古制時 惟 、孟、 而《漢 卦 亂 又謂 行 先儒 之末 於 民 梁 輔嗣 E 氏 間 . 歟? 謂 邱 藝 弼 繋 之 古 至 費 故 文

<sup>0</sup> 立 原作「列」,據《東萊集》卷六《書古易後》改。

至謂 爾。 先 也 王 乾 無 讀 爲 注。」馬 及馬融 經連,故 藝文志》所載《毛詩故 易》爻,然初 魏志》之言甚明, 朱子書嵩 以故具 卦 傳訓 弼 失。 氏 鄭 故 蓋 ^ 《彖》、《 雖言費 音 則 爲《周 吕 孔 至 者,皆與 康 載 鄭 石經書《公羊傳 其 訓 ^ 晁 氏 成 本 Ш 相 説 疏》之言曰 **>** 氏 氏 於 始合《彖》、《象》於《 大 象》并 文,而 禮》注,乃云:「欲省學者 不言其分《 古易跋 去 原 以《 此 謂 經 同 不遠, 於孔《 義 初 别行。」三傳之文,不 彖 小 而《詩疏》亦云:「漢 繋 亂 爲 就 **∀**, 後】按 異 得之, 卦 古 經 疏 蓋 訓 :「夫子 傳》以 象 》,皆無經文。 蓋 末, 制 傳》, 元 倣 ₩, ×, < 本 時 耳. 晁 其 而 而 而 作 氏 亦與 有 文言》參解 附《經》也 吕 卒 意 猶 晁 所 説 此 得 經》, 氏 若 大 而 氏 經 作 經經 説 失 亂 爲 今 不 不 ^ 别 也 象 能 與 於 之 之 爲 而 與 取 兩 初 則

之不 T 以 乃 蓋 爲《 干 辭 康 卦,又弼 捨其半而 分爻之《象》以 爲夫子所自定,雖未免於有失,而 之。」此其以爲夫子所作,元 周易會通 - 亂先 一篇者 爲二 成 獨 存 **>**, 象》者本釋 故分爻之《象 一同,亦 歸 輔 鄭 本在六爻經辭之後,以 家之别 之鄭 氏 聖 ,古經之舊 ~ 載 之所 嗣合《傳》於《經 取 正 所 不 此於吕 其 氏 經 附 知 自分 半 附 之辭。 而 之例也 所 經 氏《易 而 也。 當爻,則爲得之,故 不及 辭 以 也。 文, 於王 也 爲説 》後 \*, 其實 宜 王 及 , 王 各 本 吕氏 相 弼 》,然於《 至 矣,豈 坤 弼 附 經 今所定復 附 輔 自卑 在 注本之乾卦, 以 於 其當爻下言 傳 則 近 嗣 經辭之後, 跋 下六十 次 未 非 退,不 之 音 其 第 語 謂 知 意 訓 義 其 雖 爲 兩 晁 輔 體 何 + 氏 嗣 敢

【文集】《答吕伯恭書》云:讀《易》之法,

用。 得 乎 意 否 言, 後 實 王公,下 理之所 包 大 以 本文王、周公之本 竊 之決 含該 虚 ( 類皆 世 其 訓 疑 而 然 私 後 吉 卦 戒 故今欲 心 何容 其 以 方 竊 貫 時 人 交 M ·至民 以 牽 所 然 讀 然 自 但 以 之 訓 至《彖》、《 求 假 曲 合 以 後考 可 得 者 詞, 爲 見 戒 託 庶 其 凡 暢 委 言《易》 别 孔 如 之意 卦象 讀 旁通 Ŀ 詞 曲 本爲 作 其 然 所 此 子 義 經 意 後 象 以 象 所 求 偏 掛 爲 之妙 之 》,其 書,明 而 1 之 者 之, 修 推 主 × 説 所 因 推 筮 此 身 之 所 ^ 爻, 義 指 間 鄙 遂 似 者 文言》之作 艱 説 於 治 已 事 言 若 理 遠 1 方 得 其 以 深 斷 便 然 或 事 義 而 旧 多 筮 於 耐 義 爲 隱 吉 如 者, 言 理 如 有 使 聖 皆 吉 日 爲 占 晦 不 理 M 此 未 之 有 F 求 之 用 不 [X] 筮 復 以 無 而 自 遺 曉 口 其 辭 之 足 所 則 口 復 推 明 始 大

之 似 以 復 繳 處 説 未。 於事 遷 吉; 也 私 獲三 易 如 處 或 之實 利 盛 未 留 繞 淺 識 不 一二,今謾 或或 則 利 品 用 ○《答 甚 意 但 簡 其 意 近 吉 建 祭祀 敢 有 便 却 一,而 侯,只是卜 扣之。 象 説 易 如 而 强 利 也 數 一十田 精 利 虞 此 用 恐 厭 諸 與 今 通 用 乃 説 侵 密 士 聽 儒 朋 傳 録 不 則 也。 享 癸巳 者 昨 伐,只是 作《易》 立 吉; 求 朋 祀 呈,幸 耳。 注 見 友 恨 於 君 之不 今乃 只 訂之, 誤 後 制 書》云: 其 公用享于天子,只是卜 則 乾 未 凡 吉 是 爲 作 1 可 得 爲 1 根 此 坤 得 侵 高 通 綱 祭 利 伐則吉 詳 之 而 本 ^ 其 向 處 深 用 則 領 與 寄 1 見 之, 未 卦 類 要 屏 爲 微 趙 極 依 語 示 能 之類 棄 不 妙之説 試 筮 略 田 以 面 遷 有 提 趙 意 就 濶 國 獲 大 記 本 至 乃 扣 舉 倉 也。 來 但 只 朝 苛 其 語 其 亦 所 甚 ^ 推 是 覲 次 疑 詳 細 用 易 欲 平 之 則 田 1

力有 文字 難 耳。 瑩 草 曉 旧 云 以 也 求之,而 讀《易》 大學》與《易》,修 以 處 耳 者 筆 爲 然試 虚 讀《易》 大 限, 其 至 廷老所 獻 近又嘗 則 ○《答余正 戊 於 心讀之,間 之説 説 抵《易》之書, 得 中後。 奈何 未 便 書 丙 其 略考之, 今漫録二 放 午、丁 能 傳 亦 掛 編 畫 1 甚 下 卒 鄙 佳 揲蓍之法 ○≪答 卦之 -業,姑 善 説 未 小 惟 叔 亦 改 但 略 間 書 當當 須 亦 書》云: 嘗 卦 頗 經 本 曉 鄭 次 熹 畢 可 其 多。 時 書 ○≪答 略 上 爲 粗 仲 以 第 蓋 見 力 呈 ト統 則 草 難 論 禮 筆 俟 嘗 鑽 門 二,至有 至於經文, 草 又嘗 讀 義 象 書》云 其 歸 後 以 其 陳 研 户 一而作 數 理 抄 説 世 康 家 他 而 明 梗 有 無 出 梗 節 只看 之子 而 死 此 文 仲 概 窮, 概 之 未 示 義 不 未 書 舊 而 書 并 成 亦 雲 諭 得 尤 未 口 後 成 亦 癸

曾見 定 覽 能 之, 和 摸 未 集》辛亥。 也。 大 已 筮占決之意,求 義 世言《易》者 口 云 多,不 概 前 成 漸 牽 印 免 書》云: 則其命辭之意,與 讀《 《啟 書 次而 强 以 有 之否? 又當作《啟蒙》 可見,循 爲 傳,名 無 剩 易》 蒙》自今觀之, 而 知 人 ○《答劉 見矣。 歸 語。 示 爲 曾 傳 直 想 宿 今往 及《易説 曰《啟蒙》。 人竊 見 出 此 益 Z 棄 摹 之否? 此 求之,庶 經 卯 君 舊 有 1 出 印 弊 後。 文 味 房 讀 筮 通, 書,亦 久 本義, 其 ×, 書 近 此 再 如 而 矣。 癸丑 某 試 其 所 意 行 \*\frac{\times}{\times} 書 論 雖 ^ 不 虚 之謬 答 摸 説 嘗 甚 收 看 自來之故, E 談 ·爲 河 而 要 楊 毁, 雖 圖 印 板 精 如 義 ○《答 ^ 鑿空妄 復 有 須 説 未定, 伯 本 密 洛 行,不 理 何 有誤 以 而 私 先 義 起 書 ? 記 傳 傳 致 但 以 孫 本 **>** 未 未 説 然 未 皆 知 近 布 釋 1 别

觀 不 成 也 可 書 讀 往 别 時 集 不 爲  $\mathbb{Z}$ 謂 流 竊 傳 出 已 印 到 賣 几 間 更 加 更 錯 自 誤 不 足 殊

意 又問 生於 久當 莫 多 自 文義 各 脉 不 何 易》自 語 年 敢 在 看 難 專 中 録 徐 與 讀《 自 伊伊 臨 注 略 以 寓 】某之《易》簡 夫 先 難 漳 移 處 牽 悟 解 1 詩 川及諸 過 近 儒之説, 看 統 動 問 至 余 這 蓋 爲 來 近 王 看《易》 今難 大 先 意 古《易》 主 日 趙 於《 雅 弼 儒 儒 思 ? . 子 皆 始合爲 亦多 卒 詩 講 **%** 略者,當 欽 已 詩 説 曰 劉 \* 解 庚 説 有 彖 礪。 失之。 w . 日 固 戌 易》略 且. 失 × 且 過 書來,云 : 미 《易》未 五. 須 了,某 聖  $\sim$ 須 時 後世 象 問 以 月 人 熟 熟 某 只 得 ×, 興, 讀 意 初 讀 諸 撘 枉 <u></u> 只 聖 文言 本 處 好 IE IF. 然 見先 某 費 就 記 儒 人 文 多 看 文 説 之 許 遂 亦 語 兼

> ^ 於《詩 故 爲 若 燭 本 有 好 語 -義》。 不 先 ? 能 籠 揚子雲,必好之矣。 × 儒 能 盡 傳》自 蓋著 ^ 添 孟 説 不 去 蓋 得 致 道 **>** 其 不 先 極 遺 理 以 障, 詳 得 條 生之意 恨 太 爲 ? 詳 骨子 使之 云 多 無 易 説 終 復 **>** 9 也 沈 統 説 則 只 是 遺 僴 而 却 體 障 欲 翻 意 恨 李 太 光 T 作 方子。 這 不 日 : 略 明 甚 窠 1 路 滿 白 筮 後 贵 譬 光 用 於《 未 世 先 之 不 明 盡 若 此 生 更 而

軍,辭。 五年戊戌,四十九歲。秋八月,差知南康

農事 外郡 年譜】宰 仍仍 於是 借 相 緋 差 史 權 浩 發 必 遣 欲 南 起 康 之, 軍 事 或 言 兼 宜 管 内 處 勸 以

之任。
【本傳】史浩再相,除知南康軍,降旨便道

【文集】《辭免知南康軍狀》。

冬十月,有旨不許辭免。 候 任 月,奉旨 滿前 來 不 奏事 . 許 辭 0 免, 即 具 **\$** 復辭 劄 疾 子 請 速前去之任 辭,乞宫廟 祠

【文集】《乞宫觀劄子》。

差遣

十二月,省劄趣之任

六年己亥,五十歲。 五日,啟行,候命于鉛山 春正 月,復 請祠。

生至 信州鉛 謂賢者不 消息,勿至已甚。 爲善,雖去就出處素有定論 [年譜] 東萊屢書勉行, 南軒亦謂 是 始 山候命,寓止崇壽僧舍。 肯 有 行 爲 意。 用,於大體却 苟一 二十五 向 固 日 然 拒 有 離 害 更 則 家,行 上之人 須 也。 須 棋 至 先 酌 出

二月,復請祠

陸 子壽來訪

【文集】《和 鵝 湖 寺子壽韻》云:● 德義 風

> 出 處 邃 流 寒谷,又 密 ,❷不信 夙所欽, 新新 知 人 枉 培 别 間 養 藍 離 有古今。 轉 輿 載 深 度 遠 更關 沈 岑。 心。 只 愁 舊 説 學 偶 商 扶 到 藜 無 量 杖 加

高,近 何 性」、『知性 子,却是 言也。』『弟子入則孝,出 語 汎愛衆,而 觀音寺。 曰:「『子所雅言、《詩》、《書》、執禮、皆雅 如曰:「聖人教人『居處恭,執 一當高 録】陸 來 也?」先 將 漸 子壽每談事,必以《論 子 親 他 漸 知天」,有其説矣。是他 壽 已 移 仁。』此等皆教 自 近下 生 到 撫 日 底教人,如言『存 -: 漸 來信,訪 某 漸 則 舊 著 人就 弟, 時 先生於鉛 實 事敬』。」又 持論 也 語》爲證 謹 實 處 而 自 心 如 亦 行, 信, 知 孟 好 Ш

- 0 和 -鹅湖寺子壽韻」、《文集》卷四作「鹅湖寺和陸子壽」。
- 2 只」、《文集》卷四 1《鹅湖 寺 和陸子壽》作「却」。

作 微 心 隱 須 則 處 有 子 尋 别 其 是 卒 得 莫 説 有 小 易 常 教 壽 教 虚 欲 類 處 然 却 餘 便見得 學 語 言 益 人『存 誕 非 之善 行 是使 滚 須 志 乎 規 禮 之, 。」先生曰:「只做 之文,皆 説 至 微 檢 力 未 使 今人 念 古 灑 人有 點 終 1 心 亦 到 便行 日 慮 云 者 人 未 掃 也 養 他 不 自 更 自 教 古 檢 有 壞 應 免 性 田 不 得 小 前 小子 幾 小 點 先 能 對 \_ 地 其 有 X 見 也。」〇 即 後 教之便 處。 微 常 生 頭 性 怠 切 教 皆 如 弟 知 常 説 處 日 質 時 體 細 何 禪 有 性 做 警策 九 者 : 子 自 處 事 知 此 院 對 所 龄 知 若《 有 某 固 壽 能 得 也 連 清 習 殆 天 法 自 嘗 少 言 然。」 今如 不 看 論 他 規 所 覺 莫 故 如 實 思 大 能 使 先 大 語 滋 樣 謂 力 長 萌 見 此 欲 即 此 生 食 歎 涵 味 弱 陸 亦 做 教 大 即 於 分 乎 幾 美 解 養 却

何 弟 則 釋 使肯 説 箇 不 相 矣。 與 成 隨 者 自 Z 文集》 1。一先 是 子 説 彼 從 顔 就 其 好 却 ? 所 否? 輩 今 著 子, 0 相 多 材 緣衆 戊 我 却 答之, 戌 謂 來 從 生 釋 便令 答 則 自 解 其餘弟 子 ☐ : 根 相 子 子 如 吕 後 隨 人 訟 却 問 克 器 壽 接 壽 却 伯 其 不 皆 克 又《答吕伯恭書》云 前 不 言 接 己 錯 云: 吾 使 恭 此 根 誤 有 子 己 日 人 復 . T 聞 人 書 説 器 復 此 不 他 偏 猶 者 禮  $\stackrel{>}{Z}$ 使之克 其 孔 他 接 得 禮 錯 病 古 不 能 見 子 不 又 是。 之。 幾 不 與 爲 口 之 1 分 須 答 能 從 如 路 知 聞 乎 近 説 上 克 己復 群 行 矣。」曰 如 吾 0 何 以 也 兩 中 之乃 之 克克 弟 見 設若 輩 不 俱 唯 得 顔 下 禮 説 余大 子 得 知 却 子 今 子 以 可  $\equiv$ 己」之 所 子 是 果 教 無 望 教 他 分 壽 故 進, 根 問 還 學 如 然 他 付 兄 與 所

勢 得 甚 子 學。 子 遮前 誤。 此 壽 濟 佳 佳 V. 相 壽,言 但 事 氣 久之亦必 時 兄 静 須 耳 之者來 見 但不 見 勢,今何 弟 學 是 已 掩 其 也 亦 持 子 來 己亥十月。 得 得 後 得 生, 讀 换 -肯翻 其 静 此 説 庚子。 書 江 書 子 訪 却 雖 似 巧 又 相 如 子 静答渠書 自 講 西 主 止 猶 爲 然 有 氣 E 何 聚 轉 朋 論 什 静 有 説 質 人 轉 ? 興 詞 又《答吕 友 去七 耳 約 云 舊 破 儘 步 或 説 然 又《 書, П 子 秋 子 今是 來 佳 萬 則 静 思 只 八 答吕 而 意 渠 涼 静 與 亦 自 人 亦 耶 未 此 近 鵝 (劉淳 思 昨 兄 來 伯 却 傑 云 覺 似 曾 得 湖 1 氣 非 弟 游 伯 恭書》云 然 教 字 其 聞 知 移 講 象, 之意 叟書 書 廬 恭 庚子六月 今 人 Œ 前 其 其 身, 論 阜, 書 日 門 讀 却 説 此 淳 其 師 時 尝云 然 贵 書 者 似 之 但 亦 依 説 徒 却 是 其 説 易 子 恐 皆 誤 之 講 亦 不 曹 舊 説

> 非 經 東 過 甚 萊 難 欲 留 集》與 得 此 著 也 實 + 朱 看 庚子。 元 餘 書 日 晦 講 書》云: 論 幡 然 心 以 平 陸 鵝 氣 子 湖 F 壽 所 相 見 前 爲 H

中

甚

之功。 道 平白 説。 意甚佳 爲 意。  $\bigcirc$ 云云 以 有 講 文集》《答曹立之書》云: 是求。 故 兼 論 祭陸 充塞仁 而 分明,使學者各洗舊習 0 包 似 主 曲 南 不宜 恐 顯 此 舊 折 子 軒 荷 不若 道 説 意 近大冶 義之禍」,此 壽 大概 頃 誠 尚 思, 輩 以 亦 教 心 直 復 仍 却 爲 授 云 比 而 疑 截 主 萬 似 隨 傅 舊 文》云: 擇 貮 剖 先 IE. 漸 時 夢 善 秘藏 有 判 淳 人,尚 語 有 立 泉 間 楊 來訪 雖 便令今是 揜 教,不 者 子 矣。 學 一,以 録 異 以 覆 直 以 匪 揚 序 滋 示 在 不 讀 進 但 亦 得 南 私 其 明白 陸 以 眉 書 於 豐 覺 能 不 惑 日 説 昨 兄 瞬 親 講 言 日 然 得 也 流 處 非 聞 新 之 學 尚 彼 其

新篇 之 未 發 以 何 相 之未定, 必 談 獨 支 傾 或 獲,停驂 如 而 離 端端 返 書 慰 索 盤 將 疑 初 倒 風 與 我 滿 居 極 以 以 與 流 旋 返 ,新易簡 而 而 何 問 兄 乎 論 徐 未 示 綢 而 而 ,僅尺書之兩 命駕 道左之僧齋。 曰 來音之不 余衷。 雲 訊 度 安。 我, 繆。 而 别 深 少 子言之 並 散 無 兄之不 未 觀 不 之 而 意 猜 念昔 幾 始 乃 規 並 鼎 懇 裹 屬 聽 時 遂 模 來 遊 祥 可 懇 自 藥 瑩 者 可 鵝 逡 西 通 兄 懷。 是以 ! 而 載 而 乃 湖 巡 遽 於 兄 蓋 而 顧 以 無 季 攜 驚 之下 以 聞 胸 乃 而 子 期 逮 還 書 餘 氏 將 失 兄 辨 東 枉 旋 次 聞 生 杖 余 來。 道 而 聲 病 返 屈 履 之淺 而 車 1 卒 辭 實 厭 曾往使之 與 而 在 之肯 合志 再 而 紛 蓋 官 審 世 悵 又 俱 云 隕 牀 陋 見 來 前 猶 知 繳 學 識 曠 而 涕 顧 同 歲 未 出 亟 兄 之 説 於 中 遂 豫 面

> 子 庚子九 之私 之深 子 實 此 得 不 伯 何 邪 非 沾 淵 振 壽 慟 存 ; 青 恭 氣 龍 子 至 數 寢 田 書》 復 袂 每 書》云: 耶 嗟 非 月二十 此 其 教 門。 以 蛇 爲 炯 ! ! 一念之,痛 <u></u> 云: 天 而 授 然 降 淋 古 吾黨 也。 九 嗚 唯 陸兄之計, 參 心 緘 浪 人, 何 子 日 荆 呼 兄 倚 辭 卒。 以 獨 壽 州 不 可 奈 哀 德 嗚 從 干 賢 恨 利 可覺 云亡, 云亡,深 哉 何 痛 之尤  $\bigcirc$ ·里,侑 呼 善 人之不 無 如 奈 口 哀 答吕 吾道 窮。 此 情昏。 又豈 何! 傷。 粹 哉 忽 兄 也。 此 可 嚴 淑 俱庚子。 則 忽 不 伯 有 不 痛 歲 已 幸 孰 恭書》云 今兹之歲 尊。 知 中 屢 惜。 又《 又《答 矣, 乃 晚 泄 今 毫 興 IE. 予哀, 子壽 答 此 吾 比 吾 年 驕 至 而 吕 是 心 於 傅 道 吝 道 又 無 以

❶「發」、《文集》卷八七《祭陸子壽教授文》作「函」

省 劄 復 趣 行 是 月 晦 赴 上

濂 禮 之美。 有 悉具 爲 共 睦 事 集 民 而 人、父老、僧道 年 之 諸 講 志 鄉 會 出 其父兄, 溪 譜 以 以 生 説 鄰 教戒 於學者 周 役 洪 三,俾 一講 經旨 有 爲 陳 到 先 本。 煩 説 學 任 生 無 出 子 税 職 首 祠 亹 以 遣 鄉 弟 重 相 以 先 下 詣 于 亹 誘 黨 民 俾 土 使 事 涌 求 父老, 教 生 學 學 掖 人 風 不 其 ± 患難 修 所 有 宫 倦 每 之, 宫 翕 長 其 以 然 四 條 能 以 各 庶 以 孝 相 鄉 寬 Ŧi. 不 : 郡之有賢德 知 長 暇 推 篤 弟 變。 人 卹 恤 日 利 材 擇 時 程 , 忠信 厚 之方,俾 病之源者 父 以 以 秀 其 李本 與 先 親 詣 老 成 郡 教 民 子 學 生 族 弟 歲 爲 官 風 土 宫 配 以 時 瘠 百 俗 時 和

又立 V. Ŧi. 賢 祠

譜光 是 , 移 文 教 授、 司 户, 以 爲 蒙 恩

> 爲記 堂 則 之、 陶 先 陶 俗 陳 至 濂 前 假 0 謪 子 靖 是 生 洪 朝 威 1 守 溪 非 居 秘 節 乃 孝 公侃 先 氏 翁 陳 洪 於 畀 徒 書 等 諫 生周 子 本。 公 此 立 付 潛 責 派 議 遺 司 祠 劉 周 大夫陳 謝 0 以 民 則 公、 迹 恕 馬 劉 宇 先 周 文 簿 社 道 别 西 暠 祠 之 生 與 西 原。 靖 瓘 書 爲 澗 將 張 祠 有 澗 了 夫 公 司 期 堂 南 翁。 父子、 使 李 無 先 白 馬 安 會 軒 祀 公 宣 生 鹿 爲 0 延 而 並 一擇 陶 四 明 之, 記 劉 洞 義 屯 程 己。 公 核 靖 教 學 公父 田 皆 尚 先 榜 Ti. 其 員 宮之 熊 節 化 南 賢 書 其 生配 日 外 實 康 子 祠 仁 先 李 郎 敦 人。 爲 常 以 廢 贍,義 生 尤 劉 Ŧi. 7 訪 厲 公 延之 1 涣 告 址 賢 擇 其 翁 尋 風 翁

修 夏 五 復 文 月 集人 遣 使 知 祭 南 唐 康 孝 榜 子 文 熊 又《 贍之墓 牒

劉 屯 田 墓。

八六

限樵牧。 棘中,爲作小亭於其前,立門墻 壯節亭記》: 屯田員外郎劉公凝之之墓於城 用歐 始 陽公語,名其亭以 至,訪 求先賢遺 壯節 谨 迹, 西 得 門 扃 鑰 故 外 尚 以 草

士墓文》。《壯節亭記》。《祭屯田

劉

居

請祠,不報。

作臥龍菴,祀諸葛武侯。

楣間 祭禱之所。 屬 身憂國 於堂中,書武 年譜】菴在 西原隱者崔 起而天行矣,因榜曰 後又越數百 鞠躬 時歲適旱祲,以爲龍 廬 盡 侯《制 「嘉彦 Ш 力, 之陽,五 步,面 死 董其役,繪諸葛武侯像 表》中語 而後已」 龍 「起亭」。 老峰下。 潭作亭,爲吏民 「洪毅忠壯、忘 之淵臥 十六字 洪本。 捐俸錢, 者 於

【文集》《臥龍菴記》。

【文集》《答吕伯恭書》云:四五日一至學

病者。 追 不得 外, 欲 止 也。 《大學》,近已終篇,今却 步。 中 權豪,凡有公事 宦之人,不 亦 所授《論 一於如 未嘗 人 1 爲諸 則 、
吏監 辨財 人,弛 但 ○又≪答吕 不 勢不 輒 此 只 敢 生 語》,諸 賦 升 如 禁斷遣 耳。 務 一誦 廢 有 見 得已, 講座,侵官瀆告, 文翁、常衮之爲,區 毫 説 殊 恤 政 知 伯 甚,爲丞 民, 毛之擾。 生 · 外然 事 略 只 州 一説 恭書》云: 須 多 郡 固 此 加 差 未 點 思 是 欲 擇 到 只是 何苦如 簡静 佐 爲 檢 故 事 財 處 縣 所 縱 賦 無 令教 學 猶 略 如 者 迫 吏胥 適 但 此 根 不 來 覺 中 1,亦豈 品 爲 一今時 亦 諸 坐 教 逋 治 官 略 未 志 發 慢? 畏 縣 此 挑 不 所 失 爲 明 不 免 此 憚 仕 慮 故 皆 覆 説

<sup>●「</sup>追」,原作「使」,據武昌書局本、《文集》卷三四《答

錢。 供 事 字 此 想 亦不敢破此錢矣。 起造,其 \*,未嘗 給 亦 ,學中二祠,只是因 等,皆用 中不 是有做 至 如 他 不 前 應 初 方作得劉凝之菴亭 慨 不 書 得 到 然 所説 行 者樁管爲之,不 送代 太 處。 息 臥 者折送香藥,及 龍菴, 也 每 舊設像, 握筆 又自用 又云 欲 敢 並 無 判 破 門。 地 此 俸錢 使官 步 脩 逐 等 凡 造 文 月 口

六月,奏乞減星子縣 税 錢

賜 數 尤 具狀奏請: 甚。 目 蠲 1浩瀚, 減。」事 大 官官 人户 「本軍 下户 | 吏節 盡 部 次 諸 力 增 縣 供 起 大 輸 税 抵 ,有所不給,乞 額 荒 及 涼 和 買 而 折帛 星 子

請 祠

秋七月,以庶僚不合用 劄 子,申省自 劾

諫言用劄 行狀】先生在 子非 舊 任 制,遂申乞罷黜 嘗 用 劄 子奏事 後 因

> 八月,嚴 别 籍 異 財之令。

静,秋 戒令勸 者,亦緣略 財之令,父子復 日 【文集】 詞訟 間 率, 便減 答吕 以 民 兩 鋤 十七八,今或至竟日 間 縣 伯 去一二亂政生訟者之故。 亦肯 破 恭 合者數 壞,●不免暫易其 書》云: 相信 家。 郡 如 事 初 舉 恐 比亦 行 而 未 别 無訟 必 甚 籍 從 即 簡 異

令,不意其 能 爾 也

冬十月,復建白 【文集】 曉 喻 鹿 兄弟争財産 洞 書院

之遊, 師,給 嘗蒙詔 書院乃唐 遂立 田 賜 贍 九 隱 養, 鸒 經 士李 舍。 徒 而 渤 衆 官 Ŧi. 所居,當 甚 其 代 盛 洞 時 主 太 李 時 平 咸 氏 學 平. 興 者 爲 中 或 多從 建 官 有

0 恭書》補 秋 一字原 缺 據 武昌 書局本、 《文集》 = 四 答吕 伯 則 輒 文 窖 傑 師 爲 石 敕 字 相 佐 經 訪 重 重 合 與 藏 板 建 至 又奏乞賜 求 修 徜 0 之。 本《 書 師 遺 徉 諸 院 址 其 生 九 泉 生 又 脩 後 於 屬 經 石 書 質 置 釋 其 淪 教 注 間 院 菜 疑 壞 田 地 授 疏 竟 敕 之禮 問 以 楊 ×, H 額 難 贍 明 日 大 并 及 久 乃反 誨 以以 學 年三 法 莽 徧 太 者。 告於 誘 求 上 星 爲 月訖 皇 不 子 江 邱 每 先 倦 帝 令王 西 墟 休 功 聖 諸 御 沐 先 退 郡 書 率 仲 乃

信 敬 所 博 其 君 文集》 以 學 敷 所 臣 窮 之, 以 有 右爲 右 Ŧī. 義 教 學之之序,亦 理 Ŧi. 白 審問之, 即即 學之序。 教 也 夫 鹿 之 此 婦 洞 若 目 是 有 書 夫篤 慎 也 别 院 思之, ,學者學 有 學 學、 行 堯 長 Ŧi. 規》 之事 舜 幼 問 焉 明 使 有 . 其 思 此 辨 父子 契 序 則 别 而 之, 爲 辨 自 朋 己。 如 有 司 四 篤 脩 友 左 者, 徒 親 有 身 . 而

> 之, 以 法 爲 詞 欲 道 言 以 而 身,然後 爲 接物之要。 右 學者 必 間 章 學之意, 不 脩 忠 ,勿施於人。 至 具存 然 辨 身之 計 信 於 IIII 以 則 之。 後 處 其 於 則 釣 推 行 有 要。 事 功。 夫 既 聲 經 以 莫 篤 荷 所 接 規 名 反 及 非 烹 敬 持 知 物 有 右 矩 是矣,然聖 行 取 使 竊 循 其 志之士, 正 禁 處 懲 有 亦 觀古 之 哉 利 理 非 其 防 事 不 忿 各 禄 ? 講 之 徒 ·得,反 誼 之 之 室 有 昔 當 而 明 欲 不 具 近 要。 要 慾 古 賢 1聖賢 E 義 謀 然 其 世 當 求 所 世 其 遷 理 務 於學有 其 待 熟 諸 以 所 而 别 記 善 利 己 讀 他 責 教 今人 以 以 己 如 覽、 改 所 其 深 人 脩 明 教 左 過 設 之 身 之 爲 思 其 右 不 其

<sup>● 「</sup>設之」,原缺,據武昌書局本、《文集》卷七四《白鹿洞

守,而 古人 其 其 謂 其 其 特 如 所 待 有 亦念之哉 規 右 取 者 以 凡 之 學者 不 責 而 必必 然 戒 聖 意 之於身焉 揭 謹 賢 也 爲 將取 而 之 所 已 而恐懼者,必有 或 楣 以 淺 故 出 之,故不得 間 教 矣, 今 於此言之所 人爲學之大端 不 則 諸 面 復 夫 其 君 以 思 爲 其 而 施 嚴 慮 法,●又未 相 略 於此 云爲 棄 於彼者矣。 與 也 講 9 則 0 之際, 堂 諸 彼 明 條 所 遵 必 列 而

淺 渤 勸 肄 安 洞 康 東萊吕公白 之隱 書 朱 軍 ,太宗於汛 業之地 封 侯 殖 院 秋 熹 居 雨 廢 如 也。 行 不 址 恐 而 眡 時 弗及, 鹿 掃 慨 太宗皇 陂 書院 區 然 高 洞書院記】淳熙六 塘 宇、 顧 印 規摹遠 創 並 其 帝 之 日 於 廬 僚 驛 田 南 不 Ш H 送 告 矣。 暇 唐 : 而 九 病 給之 東 其 經 是 中 興五 事 郡 俾 蓋 得 際, 年, 至 守 生 唐 É 獎 徒 李 新 鮮 南 鹿

> 聞 儒 鏑 傑 屬 能 年 尤 息 至 竊 右 大指,下以 著 儒 數 之厄 聞 董 軍 築 先 釋 各 庸 一天下 其 ·學教 + 往 之 術,分之官書 屋 復 非 老之宫 諸 百 往 事 數 ,學者尚 其 吾 人, 依 , 授楊君 楹 公長者 續 · 所謂 初。 又以 徒 Ш 上, 嵩陽 先賢之風 之 圮於寇戎者,斧 林、 寡 獨 書 以 耻 大法、 几 即 此 宣 或 命 哉 漸 命之禄 嶽 書 閑 地 布 祖 初 ! 而 院 麓、 委於 曠 聲 星子 謙 本 斯 白 郡 以 於 睢 朝 者 記 秩 民 平 雖 榛 講授,大 方 縣 崇 陽 其 新 也 來乎 貧 錫 莽 文 斤 令王 及 建 脱 成 之扁 薄 風 之 是 祖 過 Fi. H 宗 君 文 聲 洞 師 者 季 祖 顧 起 尊 鋒 爲 仲 多 謙 乃 太 相

2

<sup>■ 「</sup>法」,原作「學」,據武昌書局本、《文集》卷七四《白鹿

<sup>「</sup>教人」,原缺,據《文集》卷七四《白鹿洞書院學規》補

九〇

然 學 考 代、 實 病 求 進 觀 於 煕 程 祐 和 所 窺 下 程 用 斯 察、 之間 則 方 氏 1 寧 以 孔 關 白 雖學問 力之實 、横 、張之門庭 生 興 初 寵 書 如 也 賓 一受采 洛緒言 新 (,其議 院 是 孟 綏之 明 驟 興 渠 豪 奇, 洞 之復,豈 建 之 之 之淵 道 聞 張 傑 敦 炎 教, 既 者 之 先 遂 法 躐 氏 其 並 稍 所 甚 再 有 行 而 格 生在 源 等 語 始 綱 出 出 相 傳 造 義 備 進 統 荷云 陵 終 先 於 有 條 不 與 講 德 習, 而 0 朝 紀 節 有 典 朏 志 條 甚 知 倡 當 治 之 不 或 哉 道 王 之 棄 建 刑 悉 理 親 忽 明 益 偷 是 地 未 氏 之 士 白 剪 文 於 守 沂 師 IE 矣。 精 時 深 高 未 滅 學 者 不 憲 是 此 慕 學 取 究 訓 之餘 嘗 至 幸 制 自聖賢 + 或 9 乎 邦 遠 慶 友 浸 然 於 詁 皆  $\pm$ 然 不 之 鮮 口 教 曆、 還 未 後 以 歎 河 甘 氏 而 E 矣。 考。 養 之 之 能 講 晚 南 受 舊 息 嘉 不 質

> 物 之 以 盍 者,皆不 有 功 古 離 餘 勸 答 己 不 經 相 亦 矣。 得 狹 學 揚 辨 與 有 率損 熙 志 揖 而 書 土 斯 略 之 興 陵 先 者 無 廢 也 始 開 儒 其 所 負 教 始 迪 淳 舊十 當 侯 矣。 末 樂 古 0 謹 於 育 由 慤 七八,力不 具 若 是役 至 之大 博 實 於 於 李 而 之 當 · 重 考 德 約 餘 濬 途 方志、 ,則於賢 之 民 自 風 執 足 之 之勞 1 事 而 而 遺 而 紀 所 意 遵 迹 高 賦 記 侯 則 守

鹿 文集《白 洞 成告先聖文》。 鹿 洞 賦 **%**0 ^ 白 鹿 洞 牒 ~ 白

是月 申 省 自 劾

失於檢 申 省 狀 放 > 前 言 催 屬 理 縣 舊 今 欠 秋 過 有 於 早 嚴 傷 急 處 遂 致 不 惟 人

<sup>0</sup> 而 遵 守 」、《東萊集》卷 六四 白 鹿 洞 書 院 記 》作 服

户 沂 流移。 牧守之戒 乞特與敷 十二月,又 奏,早賜 以 未蒙 罷 朏 以 處 分, 爲 復 遠

申請賜晉太尉陶威公廟額。

申

省

自

劾

忠義 乞朝 者 登 尤 都 據 所 州 公始家鄱 申 Ë, 爲 吴 昌 本 ,水旱禱 轉 7,更不 縣 廷 明 澥 事 縣 稱 運 詳 白 所 繳 界 其 爵 使 陽,後 酌 有 著《 到 及 别 行 禳, 狀 冠 江 本 賜 補名教 辩 採 事 Ŧi. 南 皆 爵 軍 徙潯 之 論》, 其 等, 劉 有 號 城 實, 行 據 羲 感 陽, 當 内。 所以 事 理宜 仲 都 今據 應 時 9 見有遺 昌 特 所 乞 所 都 發 褒顯 撰 縣 賜 士: 昌 以 明公之心 加 民 公《 廟 税户等言 品 縣 封 迹 額 陳 贊 節 有 號 在 耐 以以 請 尊 公  $\leq$ 廟 本 位 軍 表 欲 迹 名 撫 又

一月,復奏乞免 年 庚子,五 + 星 \_\_\_ 子 歲 縣 春正 税 錢 月 請 祠 不

> 對 斯 乏,不 Ŧi. 賜 图 責 去 一歲六 + 蠲 補 人 以上供 ()使得 非 放 勢 餘匹,錢 能 月,奏事下户部,户部下之漕 施 惟 無 相 對 行。 安其 救 無 從 補 二千 是 益 出 計 生 以 乃復 其 不 而 九百 業 有 所 過 反 此 上 捐 有 剜 餘 奏: 奏 不 貫, 害 肉 請 醫 過 欲 州 而 0 瘡 郡 紬 望 口 今 聖 以 乃 公 絹 以 慈 少 欺 私 限 司 寬 干 直 天 貴

【文集》《乞蠲減星子縣稅錢第二狀》。第

南軒張公計至,罷宴哭之。

狀闕

於是 公 獲其 夫! 也 文集》《 而 觀 友。 相 丙 遽 戌 與 於大業之規模,察彼群言之紛糾, 棄 祭張 當作「丁亥」。 切 蔽 余 莫予 磋 而 敬 以 死 夫殿 究 開 也 之,而 齐莫 之冬,風 耶 撰 1 文 八子剖。 又 **※**云: 我 相 雪 昔 厲 南 求道 蓋 嗚 以 Ш 死 自 呼 守 從 未 敬 解

九二

之, 公家 袂。 公當: 不 君 屬 僭 嶺 盡 行 子 月 我 望 神 袂 遑 也 以 望 未 公 音 櫧 而 口 非 實 他 傳 作「人」。 内 敬 嗚 幾 是 疾 歸 顯 州 通 惟 問 同 語 矧 忠孝 疾 呼 晦 今十 + 爲學者之所 我 手 公 逾 聞 敬 雖 公尹 殊 正 叩 駕 憂。 數 計 書 公喪, , 學造 夫 微 顧 迹 大 翔 涿 之弗 Ŧi. 果 聞 1 在 光 禁 發 江 心 揮 已 當 去 至 攜 公之臨 明 省 書 陵 及 足 痛 莫 作 竟 涕 精 臘 棄予 徹 依 深 四 請 與 微。 歎 表 之 蓋 我 張 我 公牧 -0 同 歸 念。 心 行 裹 吒 窮 官 未 侯 觀 絶 膂 而 年 外 輝 歔 廬 必 誼 適 於 有 于 治 書 0 好 涵 手 爲 映 欷 終 嶽 不 來 時 來 南 緘 遺 民 公 也 疏 遺 軍 日 忍 試 詞 以 問 自 懇 耶 疏 民 神 言 自 相 時 驛 我 留 寄 寬 西 畿 訊 惻 之 以 我 山 友 理 騎 豚 而 哀 輔 納 惟 觀 所 曾 事 曾 口 閱 反 或 告 相 鬼 巖

脗 其 莫 言 然 祭張 遣 單 報 於 而 庚 以 用 此 所 忠 微 繼 子 志 清 尚 不 所 故 堪 猶 謂 斯 宸 9 置 聞 召 言 . 敬 之, 酌 聰 百 ; 友 文 足 IF. 六 精 嗚 之 得 敬 夫 賓 以 時 以 而 Щ Ē 月 然 爽 呼 夫 蓋 輟 周 羞 殿 爲 又 爲 佐 心 斃 示 癸 其 敢 張 有 聞 契。 響, 撰 寄 吾 翁 而 未 者 勝 奠 鑒 不 兄 公於 我 文》 道 與 自 與 朔 其 今未 於 右 兹 意 竭 又 之 或 訣 孔 而 程 乖 柩 云 懇 文 六 其 所 此 凛 面 增 孟 異 子 : 及 前 嗚 委 修 懇 日 庸 時 乎 是, 講 之云 氣 維 乎 符 撰 呼 T 而 道 其 虚 南 而 嗟 淳 屬 百 抑 而 哀 亥, 節 無 乃 有 遠 未 望 大 惟 熙 其 并 兄 歲 哉 又 餘 而 抗 聖 史 窮 拜 葬 七 我 具 弟 矢 可 以 告 哭, 魚 之 而 年 有 位 以 學 爲 以 又 士 詞 顧 終 與 之 不 朱 語 期  $\bigcirc$ 各 書 起 非 絶 E 歲 以 何 墜 熹 風 子 謹 傳 私 次 悟 爲 又 Щ 德 而

之 謂 隱 時 聖 调 斯 知 狹 愚 義 得 共 亦 口 而 之甚 兄亦 賢 窮 顯 其 鄉 有 我 以 乃 歸 而 而 是 亦 以 之或 衡茅 之 味 畢 使 迂 兄 所 而 亦 幸 兄之 丽 之 審,抑 滯 餘 兄 秘, 願 竊 任 子 終悟 謂 0 之賤 蓋 所 終 殊, 致 年 將 復 明 窺 左 我 近 故 繳 然 在 不 其 肱 亦 何 實 其 庶 盍 則 我 ± 古 紛 由 外 遂 自 心 偏 而 有 則 以 而 嘗 進 是 往 以 E 9 於 靖 失 也 以 我 交 是 謂 0 修 洞 兄 E 反 違 此 右 0 亦 而 之 見 須 而 兄 之 高 者 照 其 而 然 世 有 臂 政 無 兄 所 而 傳 宜 方 明 而 幾 兄 天 心 早 也 使 媿 也 於下 之 議 共 以 無 道 + 而 喬 所 1 大 得 子 來 濟 是 遺 宏 之 木 餘 傷 鳴 口 則 間 亦 0 地 裔 惟 又 而 , 博 哉 之故 微 年 呼 嚌 若 行 修 以 見 有 不 世 行 身 縻 惟 我 我 藏 遠 就 蓋 之 始 吾 末 而 當 之 狷 罪 補 其 於 孰 乃 所 道 相 雖 而 晚

> 也 性 者 教 之所當 也 兄 也 私 切 明 曰 之 0 善 理 人, 1 也 至 而 養 葬 居 嗚 惟 學莫 必 其 非 必 敬,以 爲 呼 氣之功 兄 而 使之 亦 天 竭 有 哀 而 先 憐 不 口 理 兩 所 得 不 哉 而 先 義 謂 造 者歟 之 端 爲 能 鑒 臨 . ! 利 擴 其 有 所 之, 而 自 之辨。 而 前 以 極 獨 存 後 已 後 聖之所 察 0 ^ 尚 南 矣。」 爲 神 已 其 乎 非 陰 望 之, 道 義 剖 而 有 有 長 嗚 未 義 碑 蓋 利 析 則 所 以 號 呼 \* \* : 發 之間 也 開 其 爲 皆 輔 以 9 者, 明 嘗 至 寄 人 而 子 而 哉 言 欲 公 之 爲 本 此 口 傾 而 有 於 酹 倒 後

定 洪 蜕 底 年 本。 叟求 譜 欲 友 之 教 在 南 私 左 軒 南 卒 右 春 軒 於江 融 日 扶 天 掖 陵 理之妙 求 朝 府 教 廷 治 官 0 南 職 語 疾 軒 莫 革 訖 日 愛。 時 而 逝 他 蟬 弟

業 以 害 歎 噎 夫 有 也 愴 爲 書 自 今 兩 伯 疾 文 之 極 相 書 也 將 來 月 恭 ,殆天意 又 此 集』《 殆 來云, 逝 專 期之意 0 蓋 奈 來 書 便 百 《祭文》 無 不 口 今日 志 何 不 道 **>** 人 忽 每 痛 自 不 云 答 惟 書 再 見 也 忽 相 傷 勝 前 來 吾 方 懇 過 熹 念及 荆 \* 弔 伯 篇 道 再 勢 計 長 諸 歎吾道之孤 亦 熹 州 因 載 又《答吕 恭 之衰 遣 沙哭之也 之, 經 海 無 前 之 此 謹 必 9 吾道之衰,乃至 書 人 每 説 内 不 月 略 計 口 録 輒 W 往 相 獨 初 於當 得 述 呈。 云: 乃 爲 念之, 致 伯 前 弔 尊 遣 向 知 之泫然。 葬奠 書 者 恭 只 且 人 兄 欽 蓋 世 來 閒 想 俟 窮 書》云 請 夫 爲 亦 未 講 欽 益 中 又《答 命 已 祠 於 學 嘗 竟 臨 夫 口 大 得 使 於 奉 F 未 欽 有 朋 不 向 與 此 就 風 1 不 聞 此 還 夫 欽 舊 吕 所 此 嘗 懷 哽 利 慨 酸 起 便

忠 獻 者 葛、 於行 知 歸 公誦 則不 自 間 人 倡 或 云 公之 之 家 孝之傳 也 明 董 也 程氏 則 而 若近 國 孟 者 事 大 南 相 説 能 其所 世 獨 嗣 子 自 遺 義 渡 家 鮮 仲 有 之意 之學者莫之能 雖 其 故 經 其 子 舒 没 以 所 以 以 則 不 既 若 見於論説 幼 荆 發 來 而 默 以 諸葛 溺 斷 又 而 亦 壯 不 明 義 州 則 契於心者 於 開 胡 乃 或 E 講 不 同 牧 利 也 皆 武 聖 公季 人欲之私 有 功 論 於 之説 張 出 有 學 侯、 而 利 派 ; Ŧi.  $\bigcirc$ 侯 家 則義利之間 所 於 子 侍 信 相 焉 兩 峰 八人有 敬 庭 不 張 其 謂 孟 五 讀 魏 而 程 之 夫者 明 託 敬 千 子 峰 南 是 或 先 己 門 而 而 於 夫 於空言 之言 載 先 陽 張 所 以 生 古 爾 其 天 文 生 則 而 忠 不 以 胡 已 其 屢 所 下 集 之 文 得 會 獻 得 又 爰 發 以 所 董 序 忠 門 定 轍 其 夫 見 公 自 謀 而 以 明 中

諸 其 生 於 涕 開 其 得 死 言、 雜 微 者 之辨 而 之言 之定著 往 世 有 卷 四 矣 四 同 而 莫不 嘉 ! 還 入侍 方 是 Ì 志 是以 呕 ,非子之屬 巨 其 學者 之友 蓋 讀 書 書 編 諸 日 敬 績 有 洞 繕 經 論 疏 以 : 事 不 猶 不 夫 出 然 帷 寫 所 世 且 亦 授 讀 道 業 止 或 能 既 於 於 傳 將 出 之, 復 子 少 於 歸 盡 此 口 没, 而 前 凡 寄 則 胸 存 日 家 有 之張 以 數 臨 也 亦 誰 哲 數 凡 以 次 其 斯 者,今欲次 篇 少 藩 多 之 + 「先 可?」予受書愀 而 大 宏 弟定 氏 人 見 屏 大 有 而 所 篇 爲 JU 用 緇 也 復 其 兄不幸早世 無 之廢 則 方 欲 則 口 大 叟 耶 又 益 志, 學 言 傳 或 天 而 ? 裒 用 發吾 爲 毫 者 然吾 其文以 者 者 書 子 敬 而 其 求 無 太 争 旦 夫 亦 功 未 Ei. 訪 篋 故 方 友 息 用 是 不 味 鄉 利 及 細 將 得 平 人 流 其 别 幸 而 往 顯 究

於 者 之 於高 就 呼 敬 無 序次之不 時, 慨 所 經 所 而 論 本 是 際,後之君 夫 疑 猶 謂 會 日 既 念敬 講 摹 無 事 遠,而 信 乃 以 窮 焉 印 晚 不 友 使 足以 得 發 復 知 是 夫天資甚 異 而 歲 敬 以 日 明 而 其 呕 年 同 而 未定之論 之 卒反 夫 雜 反 道要之精 流 名於一世 取 見 數 之惑 自 諸 意 乎 使 而 傳 子 前 之不 足 於言語 篇 其 就於平實, 心 廣 不 其 高 所 定 也 帙 而 矣。 死 説 必 是 蒐 足 其 之間 聞 驗 語 而 之出 有 則 輯 則 者 比 然 文字之間 書 諸 道 ,反不 凡 遽 以 子 其 察 參 年 甚 爲 行 近 取 是以 於 處 此 而 之 學之所至 以 其 伍 事 蚤 歲 觀 川 前 之 其 與 讀 罪 之實, 來, 之,蓋 心, 相 其 以 + 其 者 矣。 淺 而 始 也 校 來 學 卷 棄 深 方 蓋 學 或 已夫。 斷 不 於 顧 皆 未 之 子 談 多 疎 日 蓋 H. 能 向 所 V 嗚 以 後 新 嘗 以 密 極 有 窮 大 怒

九

六

戊子。 語 爲 脱 天 不 以 贵 無 堯 有 不 他 義 州 姿 滲 合下 自在 識 善 7,唯《 可 舜 義 頗 郡 往 子 漏 亦 明 吾 及,從遊之久,反 其 條 之 施 也 往 **>** ○《答石子 何 終是 敏 見 多 入處 端 君 行者 章 奏民間 未 論 所 以 叔 脱 云。 失 得 語 得 初 而 故皆不著。 京 以 藁 親 附 之太 説 而 從 本 分明, 不 書》云: 利 淳 時 切。 於 知 愧 故 不 領 重 晚 學者 病, 熙甲 哉 表 其父 高 歷 亦 是當, 嘗 書》云: 不 今 奏之後 階 不 則 復開 更定,今已 H 爲 欽 辰 師 著 湘 級 其 私 上 敬 言 夫 説 非 + 之 意 中 立 耐 所 夫 益 欽 使使 之學,所 吾 話 句 有 傳者 得 獨 多 朝 傳 學 所 爲多。 夫 畫 之,故 所 取 鄉 録 子從 論 敬 爲 雖 見 桎梏, 月辛 所 其《 别行 納 敬 事 諸 未 讀 夫 處 及 及 之遊 能 以 今 卓 所 經 者 夫 但 經 也 酉 其 有 日 然 筵 在 絶 只 超 以 亦 其 訓

斂 解 當 然 沙三 全 是 者 所 云: 夫,終覺 比 答吕伯 **学** 云 慤 數 時 書 抄 此 疑 來頗 小 遂 欽 段 實 得 等 事 復 兩 亦 云 何 夫 文字 覺 節 月 不 如 也 荆 例 亦 恭 應 則 ? 不 H 此 何 目 當 州 學爲 頗 書》云: E 庚寅。 事 ? 前 病 得書,邵 便 流 ~ 預 有 多 匆 論 矣。 議 兩 令盡 傳 若 以 虚 未合處, 匆。 矣。 語 條, 論 洙 太早,爲 見  $\bigotimes$ 戊子。 談 **>** 欽 傷 告 甚 泗 己 版 武 答吕 癸巳。 熹 夫 快 其 改 須 有《孟 行 言 頗 亦 然 近 得 流 ○《答范伯崇書》 有 仁 也 伯 得 無 害 近 得 比 弊 好 則 口 恭 方 不 本考之也。 涵 子 之向 書,寄《語 癸巳。 亦 疑 固 與 書》云: 説 養 比 細 覺 多 將 處 舊 劉 》,不 本 此 來 未合, 有 子 不 本 昨 病 原 害 又 長 收 澄 知 見 知 不

之前 子 意 非 語 爲 快 恭 南 不 涵 删 詳 于 亦 切 軒 也 改 養 當 去 辨 但 則 審 事 之意, 其 不 晚 可 矣。 吕 穩 别 若 意 與 當 集 年 미 求 不 叔 但 有 説 辛 又自 移 中 死 切 程  $\mathbb{H}$ 餘 話 中 易, 於 要 更 先生云:「 儘 庸 爲 却 未發之前 ○《答吕 於鬧 則 長 不干 》,其 大病 不及 欽 進 夫 事 處 9 間 耳。 此 深 之説 也 承 士 病 涵 公之 則 口 瞻 多 渠 養 痛 不 甲 書》 後 更 於 後 俊 惜 辰 亦 可 來 無 未 未 本 偉 云 發 此 程 爲 此 伯 明

學皆 學耐 略 前 時 都 語 先見 + 從卑處 録 篇 疎 事 略 欽 後 却 又 ^ 去。 夫 孟 + 有 寫 南 見 子 病 篇 去。 沈 軒 説 識 僴 疎 極 素 黄 後 升卿。 切 略 高 得 ·曾商 寫 南 從 書 却 軒《 高 去 來 不 與 處 論 南 耐 謂 去, 他 軒 語 不 事 説 説 知 伯 0 伯 初 何 得 後 成 恭 恭 伯 是 見 書 疎 恭

> 三月 請 祠 不允

修 學, 申 乞以泗 水侯 從 祀

悉登祀 賜 侯 位 到 之後、沂 申 詳 見 名 孔 省狀》云: 行 酌 鯉 號差舛,具狀 典 從 獨 將 水 祀 未 泗 侯 神 得 水 孔 位 在 昨 侯 伋 名 從 因 申 列於從祀 之前 祀 號 修 尚 之列。 茸 書 已奉 軍 庶 禮 學, 幾 安訖 部 位 欲 孔 見 望 准 在 門之賢 從 七 朝 而 本 十子 部 祀 狂 泗 特 水 降 神

文集》乞以 書。 泗 水 侯 從祀 先 聖 狀

申乞頒降 申 禮 部 禮 狀 \*\ \frac{1}{2} 今州 9 縣 春 秋 釋 奠

守。 降 社 儀 民 之家, 稷 跪起之節 內 欲 及祀 州 乞 冠 縣 特 臣 昏 風 賜 民 喪 無 雨 合行 申 祭 所 雷 明 據 師 亦 禮 依 無 檢 壇 制 會 頒 循 壝 鏤 習 降 ^ 器 政 板 禮 荷 服 和 行 簡 文 之 Ŧi. 口 度、 禮 諸 祈 以 而 遵 新 升 臣 報

採 禮 符 憑 詳 將 未 州 广、乞賜 詳 儀 下《 遵 著 來 軍 備 奉行 0 守。 大 政 其 鏤 施 和 壇 又近者禮 板 ○又《乞增修 高低、 行 或 五禮》祭祀儀 遺器 頒 致 降。 牴 廣 服 牾 部 狹、淺 制 竊 奏請 度, 今 慮 禮 式 具 其 書狀 深 亦乞彩 編 如 間 尺寸行 竊嘗參考, 類 後 未 \*\frac{\times}{\times} 州 詳 畫 如 縣 備 圖 下 禮 臣 有 處 本 頗 民 部 口 以

狀》。 文集》 乞頒 降 禮 書 狀影。 《乞增: 修 禮 書

夏 四 月, 申 減 屬 縣 木 炭 錢

泉 V 到 改 本 具 任 倍; 折 軍 司 之 奏 狀 納 木 錢,以 初 下 申 比之本色,計 炭 錢,元 省 即 凡 准 申 税 屬 省 提 係 絹 劄 縣 點 交 紐 歲 下 增 坑 納 折 泉 減 三倍, 冶 本 比 司 二千 司 色, 之 指 乞與 紬 重 紹 定 緡 木 絹 興 裁 民 年 至 提 是 力。 點 減 間 增 坑

> 冶司 號 泉 司

文 集》論 木炭 錢 利 害 劄 子 **>** 0 ^ 劄 子

《劉子

應 韶上封 事

賦 軍 盡 兵 決 民 之本,又在人君正 疏言 (行狀) 詔監 <sub>貨</sub> 間 不 重 税之外 取 可 可 特以 若不 ; 以 開 寬 「天下之大務 供 益 税 廣 軍 討 邊 别 唯 重爲苦 屯 司、 備 理 作 而 有 田 軍 州 郡 名 選將 實 縣 今 色, 守 미 心 ,正緣二税之人, 一会共其 ",莫大 H 無 條 以 術 巧 吏, 覈兵 將帥 復 具 實 以 取 贏 民 軍 立 於 於 之選, 浮 餘 間 儲 紀 民 恤 籍 冗 利 則不 9 綱 民 病 率 練 則 今 口 習 免 朝 民 以 遂 民 今 恤 於 F. 節 力 貧 狂 民 H 民

2

九

八

<sup>0</sup> 侍郎 禮 部」、《文集》卷二〇《乞增修禮 書 狀 作 判 部 侍

討」《文集》卷 一一《庚子應韶封事》作

之弊, 兵農 者 責 名 負。 成 損 沈 請 利 以 貨 粱 不 反 其 路 ,兵民 以 不 毅 託 權 前 數 爲 貲 州 子 行斂 之所 計 之 得 久 之 供 其 總 到 弟 縣 實 而 任 私 軍 務 容 餽 供 既 出 經 所 軍 軍 斯 責 爲 則 然 者 餉 於 軍 士: 於 驅 之日 練 行 役 Щi 而 然後 則欲 之任 使 其 之 其 畏 朝 催 口 陣 辇 刻 凡 州 間 數 寬 愛。 載 以 之人,則 東 廷之公議 領 剥 流 討 者 0 縣 唯 恤 乃 漸 以 南 屯 之 軍 又 望 事 所 蒐閲 軍 省 可 輸 數 亦 風 田 實 庶 擇 得 力 裒 皆 節 革 權 + 列 之事 可 幾 口 以 既 老 斂 差 也 屯 倖 以 州 既 倚 革 紛 以 窮 則 紓 遣 坐 成 之 之 刻 時 覈 自 革 民力, 必 木 口 忠 門 付 授 脂 剥 食之兵 出出 9 爲 之民 然 輕 務 竄 以 實 者 以 將 膏 陰 屯 後 名 以 費 求 授 絁 重 印 不 骨 得 田 通 忠 償 交 冗 已 口 非 苟 髓 稍 盡 保 以 既 食 債 苴 通 曉 勇 委 口 是 オ

> 夫之嗜 言 生業 道 所 蠱 過 臣 明 君 偏 不 在 而 喜 皆 惑 義 能 於 心 黨 IF. 而 而 陛 失 無 則 理 不 以 反 IE 安 悦 近習 下 其 之 自 陰 利 今 能 側 心 於 復 於 之心 職,而 歸 宰 <u>7</u> 爲 無 以 術 之 私 流 功 相 閉 必必 之 引 耻 自 私 以 移 暬 利 臺 志 臣 援 者 立 IF. 陛 塞 人主之心 漂 之 之鄙 然 紀 下 省 私 擢 使 文 必 蕩之患矣。 卑 後 此 綱 邪 所 陛 武 親 真 態 師 説 紀 者 與 之路, 賢 清 彙 下 傅、 , 綱 一、蓋 親 術 不 东 下 顯 分 臣 有 小人者,上 賓 公平 密謀議者 樂 信 天下 則 , 然後 遠 友、諫 各 所 所 莊 先 招 所 繫 人 小 IE. 惡  $\pm$ 之紀  $\pm$ 謂 集 乃 其 人 大 而 則 之 之 諍 其  $\pm$ 口 門。 不 立 大 大 讜 之 則 得 講 無 綱 本 密

2

<sup>●「</sup>討」、《文集》卷一一《庚子應詔封事》作「計」

<sup>「</sup>節」、《文集》卷一一《庚子應韶封事》作「籍」。

00

勢成 門,名爲 終 其 執 朏 警逐其徒黨之一二,既 敢 静之臣 皆陛下之財; 行 政 又 乃 下之柄。 讎 安 全能 其 何 併 亦 訾毁 耻 陟 一言以斥之。 自 又 可 與 柄 不 威 不 一、公肆 何 得 陛 復 ,或反 敢 自立者, 立 而 陛 陛下 時 一,中外 修 蓋 出 而 F 明言以 下之獨 ? 而 恤 其 於朝 所 擠 出 命卿 · 所 ? 미 所 以 靡 亦不過 排。 土 雪耶 人 其甚 謂 擣 廷, 立 壞 宇 斷 財 然 其 置相,●則 其囊 宰 紀 非 向 何 交通 又 9 門墻 而 ? 而實 獨 畏公論者,乃略 相 綱 自 安 不 齷 之,使陛 出 者 壞 彙窟穴之所 能深 貨賂 龊 可 而 於此 師 此一二人者陰 陛 自 承 而 復 得 傅、 所 望 壞 下之紀綱 有 守 ? 而 一二人之 則 竊者皆 下之號令 之, :所傷 賓 其 理 宗廟 所 而 友、 ? 風 則 未 盜 在 山。 之 民 能 諫 者 嘗 陛 軍 而

> 之。 帥 期 所 怒, 自 費力,但 福 身,從是始矣。 幸於萬一 付外,又不可曉。 云 三五擔 俊卿。 唯其 陳, 明諸人文字及近習者,皆不降 密贊聖聰,昨 今聞 熹疎 但此 聖 行 ○《與周參政劄子》云:蒙諭謬 一屏息 所制,非己 已降 旨乃有 耳。 賤 章宣露 李, 狂 及兒 以 庚子六月。 付 瞽 然業已 日 俟 假借 後 賤 之言, 品 乃 甥 雷 省 所 聞 品 迹自是愈 霆之威 得專 矣, 納用之意, 降 致身事 愚忠,猶不能 意 兩  $\bigcirc$ 付後 是 人, 謂 也。 與 明 必 耳 江東 孤 主,生 省 主 觸 去 此 危矣。 出, \_, 不 自 雷 固 前 住 間 陳 惟 優 霆 此 死 密 無 只 日 亦 帥 妄 容 之 冀 乃 不 有 禍 如 失 疎 陳

0

吕

【文集】《答吕伯恭書》云:

前

日妄發,本

<sup>「</sup>相」,武昌書局本作「將」。

<sup>△ 「</sup>及」,原作「乃」,據武昌書局本、《文集》卷三四《:

也 虚 問,反若以 賤,不宜得此悚戴之私 心受言之美,未有以見於行事之實 然前 事不 遲滯之罪罪之者。 聞 有所 施行, ,殆未易以 後 惜 事 乎 言語 更 聖主 被 也 詰 既

【文集】《庚子應韶封事》。

周參政必大。

秋七月,再奏南請祠,不報。

康軍旱災。

大修荒政

借出 爲荒 户 恤 至秋 官 蓋暴露,蔬食踰月,恐懼憂勞, 年譜】是夏大旱,盛暑中,禱 有餘 司爲 , 毋 2、計苗 放, 政備 得 責 亦許 米平價出糶,以 輕 償 有 失收七 首論 自 流 如 依 移。 小 有 鄉 分 民 違 例 令主户 以 ,安分著業,以 令閉 Ŀ, 濟鄉 將 糴 來 乃 各存 間 者 填 祠 竭 無 還不 常根究 Ш 力 頃 其 恤 措 刻 ]1] 有 其 待 足, 却 置 客 賑

> 放數既 却隨 未納 餘米, 民。 重作行 皆已有緒。 餘 糧 施治。 旨:三等以 司, 米 賞格勸諭富室,得米一萬九千石,賑 貫,羅米 石 斛 將 錢帛 新 甚 又奏乞留六年未起米及本年檢 又乞許依分數放 所管常平 盡 檢 寬 税帶納。 少 遣 其貧民妄行需索,鼓衆作鬧 行 放三 萬 權行 以 乃 洪本。 撥 下人户零欠夏税,並 又計 故 兑借上供官錢二 賜。 萬 千 義 民 倚閣,俟 本年苗米四萬六千五 七 度 餘 無 倉 又乞令轉運、 本軍 千四百餘 石,以備 流 免 通 移,凡 來 外 别 融 午蠶 ,其今年夏税 支 無 脈糶 荒 撥 儲 石。 萬 政 與 積 麥成熟, 常 應 儿 涉 倚 又奉 平. 放 千 常 定當 副 給 又 冬, 閣 白 外 以 平 軍 兩 饑 餘

塘始得 語録】先生因説 到得旱了 賑 賑濟 濟日 委 : 無 平. 居 良 策 須 是 修 然 陂 下

於 以 出 賑 添 手 便 客 榜 支 不 糶 得 多川 官 放 船 闕 刷 早 客 早 事 兵 錢 不 亦 船 時 來 物 却 得 米 某 舊 糴 庫 去 便 自 來 得 中 見 E 宜 便 截 却 得 官 供 糶 住 不 中 錢 萬 在 客 錢 糴 及 内 船 南 來 客 E 還 借 康 貫 船 官 户 糴 時 米 萬 自 = 中 進 分 才 解 有 貫 擬 又且 米 米 發 見 糴 早 米 是 米 遂 米

價

甚

貴

滕

璘

荒 乞從 米 税 除 並 H 放 行狀 奏 政 害 充 爲 倚 軍 請 蠲 炭 之 惟 閣 凡 糧 減 截 至 恐 條 請 留 月 章 郡 蠲 備 不 奏, 於 椿 緇 減 賑 凡 懇 及 朝 運 或 濟 經 Ŧi. 惻 除 乞轉 言 至 總 六 屬 愛 申 豁 = 制 E 無 民 品 嚴 運 錢 四 帶 不 星 降 之屬 如 歲 納 盡 子 常 路 不 己 值 斷 **W**. 得 如 各視 隱 土 不 官 港 兩 請 秋 憂, 瘠 RI 物 遏 司 苗 不 税 之 其 糴 撥 講 興 重 檢 之 錢 色 夏 求 利

> 間 法 禁。 法 四 多 歉 所 里 害 分 安 數 先 訖 全 政 選 清 者 生 事 户 官 活 視民 吏 懲 奏乞  $\Box$ 授 其 多 之不 如 以 施 寡、 依 傷 設 方 格 少 9 蓄 略 次 至 貸 推 積 第 姦 俾 賞 虚 由 豪 視 納 人 實 是 侵 境 粟 争 豪 擾 通 内 人 傳 强 細 商 者 録 具 斂 民 勸 凡 以 知 分 數 荒

狀 兑 絹 狀 狀 軍 文 糧 早傷 劄 傷 \* 傷 E 賑 集》《奏 供官錢 子 乞 乞 濟 ^ ^ ^ 狀影。 倚 放 奏 乞 奏 狀 勸 閣 租 推 撥 **%** ^ 南 乞禁 糴 夏 税 諭 廣 賜 ^ (乞放 康 ^ 税 米 及 到 御 乞截 檢 軍 保 狀 應 并 賑 筆 放 早 免 乞權 **%** 甲 指 副 濟 外 留 傷 擅 軍 租 揮 X ^ 合 米 狀 乞 户 開 税 糧 行 納 綱 **%** 聽 狀 状 事 及 集 倚 苗 充 劄 ×0 從 閣 狀 撥 ^ 米 軍 再 子 錢 民 夏 ×0 ^ ^ 申 充 便 税 糧 米 奏 申 ^ 軍 納 南 南 錢 奏 賑 充 南 借 錢 帛 報 康 康 糧 濟 軍 康

荒 子 子 及 江 明 經 司 **%** 月椿錢 畫 東 閉 **%** 總  $\pm$ 制 糴 ^ ^ ^ 劄 漕 與 與 乞 錢 指 (狀)。 劄 江 行 子 數 星 揮 子 東 目 遣 子 劄 陳 **%** 劄 攔 辛 諸 子 即 Ħ. 帥 子 米 王 師 縣 **%** ×, 畫 愈 官 議 ^ 江 吏劄子 乞 荒 劄子 乞除 乞 東 、轉運判 撥 政 減 **%**0 \* 兩 豁 移 **%** 官 年 經 用 俊 ^ 0 勸 苗 卿。 總 錢 ^ ^ 諭 税 乞 制 與 額 ^ 錢 漕 救 劄 申 與 劄

九 月 申請 修築沿 江 石 堤

寨 内 來 風 緇 拯 心 堰 濤 救 排 沙 運 泊 土 暇 抛 並 住 \*\frac{\cdot }{\textsup \cdot } = \frac{\cdot }{\textsup \cdot } = 亦 填 失 開 商 西 每 免 塞, 灣 官 修 権 有 沈 本 水 舟 私 重 大 溺,公私 軍 逐 船 汊 錢 風 載 年 邊 俱 物 舟 震 藏 風 臨 作 船 不 於 泊 浪, 大 兩 漂 深寨内 可 不 舟 江 6 便。 免於 勝計 船 9 溺 砌 舊 注 人 石 自 泊 石 有 每 船, 損 紹 今緣 寨 9 歲 石 動 不 外 興 雖 錢 砌 容 以 值 糧 隄 江 寨

> 得 茸 轉 奏 傷 軍 一,使饑 聞 運 早 免沈溺之患 州 使 傷 縣 本 至 衙 口 民 軍 重 以 就役,不 取 0 Ė 募 撥 委 細 人 窠 官 民 興 名 致 缺 檢 Τ. 錢 食 缺 計 者 米,雇 食,而 合用 準 預 紹 行 I 興年 公私 募 檢計 料, 人 **令** 舟 I. 具  $\perp$ 災 修 船 料 申

【文集》《乞支錢米 催修石堤劄子》。 修 築 石 堤劄 子 **% 《**乞

八年辛丑,五十二歲。 年譜】先是預戒三縣,每 春 IE. 月,開 邑 市、 塲 鄉 濟糶 村 四十

- 0 攔 原 作 欄, 據《文集》卷二〇《乞行遣攔米 劄 子
- 2 「注」,武昌書局 劄 子》作 本、 《文集》卷二〇《乞支錢 米 修 築 石
- 0 有「衝 「風浪」下、《文集》卷二〇《乞支錢 擊」二字。 米修 築 石 隄 劄 子
- 0 至重」,原缺,據《文集》卷二〇《乞支錢米修築 石 隄

クニーム言

求 之。 民 時 内, 監 食 不 十二萬 起 覓 獨 轄 乃 里 卓 孝 無 畫 六 新 之 則 廟 選 賑 則 莫不 民間 宗 餘 斗 叮 П 都 不 弊 流 糶 等 用 置 見 遠 移捐 苗 臨 其 七千六百 昌 大 常 Ŧī. 任 乏錢 周 至 而 米 御 至 小使臣 升,小 塲 無 平. 分委 撥 施 糶 浹 寄 瘠之 是,人 久, 9 米, 米 借 設 亦 濟 居 以 則 依 縣 閏 盡 次 結 1 垂 待 患 兒 則 七口 凡 三十五 指 **\$** 户 官 得 供 意 第  $\equiv$ 局 賑 自 七 合 使、 赴 巡 賑 洪本。 之, 錢 恤 月 0 糶 郡 升 糴 人争 塲 察之,以 小兒 濟 凡 望 民 物 添 者 員,各監 運 五. 以 合 就 活 差、 糴 皆濟 合, 故 以 凡 傳 而 爲 糶 饑 又 九 米 得 往 所 録 監 一麥秀茂  $\equiv$ 皆 萬 民 慮 半 戢 賑 其 行 奏請 以 + 押 百百 大人一 干 農 月 熈 減 其 爲 塲 酒 Ŧī. 里 頓 事 尅 寡 税 塲 之 大 將 無 與 乞 孤

二月,陸子静來訪。

0

几

請 論 先 升 年 書於簡 講 生 譜子 一率僚 先 席 生 子 友 静 以 以 諸 静 來 爲 念 訪 以 生 切 百 中 志 君 請 與 學 子 俱 書 洪 者 其 小 至 本。 隱 白 兄 X 微 教 喻 鹿 深 授 義 洞 痼 利 書 墓 之病 院 誌 銘 請

學者。 學 心 生 亨 反 静 發 徒 淳熙辛 文集》版 \*、胥 身 筆 焉 者 明 朱 與 之 隱 敷 而 克 俱 訓 於 子 熹 深 微 暢 家 丑. 至 實 静既 春 察之,則 簡 猶 深 則 於白 陸 陸 從 二月 懼 痼 而 又 子静 麻米 不 受 其 之 懇 鹿 陸 鄙 + 之、 藏 病 久 庶乎 到 洞 白 日 而 蓋 之。 而 書 明 周 兄 鹿 惠許 J 或 堂,請 白 其 清 子 洞 聽 亥 忘 凡 静 書 可 叟、 者 之。 而 我 之 堂 來 熹 莫不 以 皆 得 同 也 熊 講 自 率 不 至 有 志 鑑 義 金 迷 僚 言 復 竦 其 以 谿  $\stackrel{>}{Z}$ 於 路 於 所 請 然 友 切 以 此 警 諸 謙 子 動 中 以 其

德之方矣。

於義 請 授 小 應 得 於 訓 義 無 省,亦恐未能 顧 集 懷 附陸子静 人,辭 介,瞻覩 所 先 所 嘉 惟 從 四 愧 不 則 生不 方師 惕 喻 郡 感 取《論 命 庸 所 小 敢 恐卒 虚 侯 習 自 由 旨 人 亦 盛 何 察其 友 竊 秘 語》中 喻 講 者 其 幸 棄 觀 曉 謂 書 所 有 冀 負 義】九 於 敢 有 必 白 而 學者於 先 愚,令登講 竊 益 其 習 利。 獲 當當 在 以 生 頑 1,所習 自 然讀 開 也。 教之。 初 於 此 章 淵 鈍 慶 至 此 發 心 義 疎 雖 辭 幸 白 此 章 陳 九 之 由 方 以 拙 少 所 鹿 淵 平 避 子 者 以 當 席 學 免罪 其 將 服 習 秘 書 平 義 昔之所感, 再三,不得 荷 日 辨 求 父兄 所 在 堂 以 書 日讀此,不 利 不 . 不 其 鍼 戾。 志 義 君 先 吐 判 加 切 群 志 師 砭 君 生、 所 進 己 斯 子 賢 比 志 鐫 友 聞 子 觀 教 喻 以 平 之 喻 所 畢 來 磨 每

聖賢 學、 於 官 得 此 習 然爲之疾 不 喻 其 或 使 爲 於義 雖 不 次場屋 間 ? 資 失,顧 可 君 出 辨 事 汩 日 在 審問 崇 矣。 使之爲 民 相 聖 没 ,今爲士者,固 子、小人之辨 也 利 更 顧 於此 賢 隱 卑、 背 ,其文必皆 恐 歷 其 斯 之書 謹 心 志乎 科 而 技 禄 不在 之 以 喻 痛首 思 舉 小人之歸,其 而 馳 廪 與與 無 多 於 、明 利 不 者矣。 取 厚 而 有司 利 於義 負 能 講 士 道 專志 辨 於 薄 要其志 也。 矣。 則 自 習之 不能免此 久 其 是計 好 任 所 而 耳。 拔 矣, 推 平 乎 使 悪 習 篤 故 而 熟,安 於利 之 而 之 義 則 今 何 學者之志 者 日 行 誠 名儒 豈能悉 E 之 者 所 之, 世 必 終 如 而 能 之, 耳 學, 哉 繒 欲之習 在 日 H 以 得 深 鉅 然 由 非 勉 從 於 此 公 思 不 則 是 則 塲 胸 心 焉 事 相 利 中 是 有 皆 力 屋 不 從 又 有 所 베 者 尚 博 怛 身 由 進 所 於 唯 與 事 口 所

0

六

謂 其 於 之君 心 聖 意 乎 人 篤 子 或 0 矣 乎? 由 ! 心 是 乎 凡 而 秘 民 至 仕 書 斯 先 而 必 堂者, 生 不 皆 起 爲 共 必 廢 身 其 方 家 論 耳 始 田田 故爲 叱 分 渠 却 學 亦 云 過 者

以

新

斯

堂,

計

其

得

不

職

勤

其

事

藴

而

不

詭

隨 論 即 説 子 益 終 歎 此 日 不 極 即 静 服 有 如 有 殊 不 也 集』《 所 統 材 容 只 志 此 舊 未 功 作 辛丑 質 論 是 即 H 盡 無 子 卒 子 願 答 爲 定 病 合 只 意 規 三月。 静 章 與諸 壽 吕 學 是 處 模 本 痛 見 近 微 埋 意 伯 規 終 而 ; 幸 君子勉之,以 日 銘 婉 模 見 在 熹 既 恭 救 其 講  $\exists$ 又《 藥之, 因 書 是 尤 其 亦 如 却 見之, 論 **三** 云: 與 講 見 答 贵 論 此 好 説 學 用 容 比 即 吕 爲 商 即 只 學 舊 意 敘 無 伯 量 子 不 即 毋 之弊 既 是 深 述 定 亦 恭 可 静 不 負 亦 不 處 本 是 議 發 書 有 其 容 到 彼 同 病 思 論 明 意 定 歎 無 此 云 此 本 但 議 如 多 有 但 服 此 數

是渠 聖 此。 禪 也 何 再 抵 禪 須 也 定 須 賢 説 者 學 先 也 與 兩 本 他 仔 者 合 無 頭 如 我 子 立 底 熹 時  $\equiv$ 静 定 明,不 不 下 幾 此 所 細 道 然 未識 或 緒 是 有 之病 本 商 樣 喻 希 理 其 約 禪 訂 轍 陳 此 矣。」 : 之,未 却 分了 之 東 教 好 與 一禪底 恐 E 今 偶 而 就 病 出 人 處 俱 方 正 渠 己 未 如 諸 復 上 作禪 西 自 詣 擬 意 須 爲 知 此 雖 必 蹉 生 而 熹 没 亦 見 思 湖 著『邪』 不 多 其 跌 錯 是 唯 整 其 會耳 Z 南 9 可 是 無 相 果 概 又 看 唯 會 頓 所 未 掩 邪 提 然 揮 與 欲 自 1 人 0 訶 終 字 知 方始 如 覆 意 劇 主 撮 斥, 歸 否 不 亦 以 又 故 久 此 處,從 張 見 論 途 也 看 可 遠 爲 未 其 其 教 閑 説 却 過 太 尤 理 敬 溺 竟 竟 流 人 閑 不 得 是 過 , 服 恐 如 大 於 至 自 爲 無 自 窮 議

六月 俟 寄 書 扣 之, 或 是 來 春 始 口 動 也 辛 H.

説 否? 録 謂 楊 道 一未 夫 也 . 日 曾 : 見 這 子 是 静 他 義 來 利 南 之

説 康 得 好 請 他 如 説 云 書 : 他 今 却 人 説 只 這 讀 義 書 利 分 便 明 是 爲 是

官 得 利 來 自 如 痛 少 取 快 至 解 至 老 後 有 自 又 流 要 頂 涕 得 至 者 官 踵 今人初 得 無 官 非 後 爲 生 又 利 稍 要 有 説 改

可痛眥?」場道共。<br/>
一个争只是物。<br/>
中川浸浸不已。<br/>
其去聖賢日以益遠,<br/>
豈不深

知

識

此

心

便

恁

亹

亹

地

去了

干

名

逐

利

云 口 痛 唯 惜 其 深 楊 喻 道 夫。 是 以 篤 子 好, 静 只 子 是 静 拗 必 要 伊 云 111

见多,告全下薨,又安毕子? 然子之则「好後方喻」。看來人之於義利,喻而好

俞美,星霓升—说古寻乡。\*\*\*。①某可也多,若全不曉,又安能好? 然好之則

與 喻 矣, 静 畢 説 竟 話 伊 子 JII 静 説 以 占 爲 得 意 多 見 滕 璘 某 日 某 邪 向

> 言? 見,將 學》不 論 意 見,成甚 只 IF. 此 是 意 見 是 合 不 不 ·曾説 ^ 何 則 議 閑 論 理 可 麽 物 不可 論 議 語 會 有 人 去 則 無 論  $\forall$ 理 在 擇 無 -不 IE. 意」, 無 這 Ŧ. 0 只 意 口 某 意 裏 中 是 又 不 見 H ? -, 而 庸 曰 不 胡 説 議 只 ? 甘 論 可 撞 是 誠 閑 節 將 無 將 他 無 意 議 又 何 去, 之 私 論 物 子 日 無 意 若 去 若 不 静 意 無 若 察 無 口 説 是 意 意 大 邇 議 :

身 欲 數人講 議 痛 友 大 文集》答林 一説 故故 思 論 著 萌 處 却 日 H Ι. 在 學,其 肯 與與 夫 用之間 前 己在 向 講 平 庶 講 論 間 日 擇 幾 常常 學 所 亦 之書》云: 有 都 只 講 難 益 切 是 不 理 得 相 檢 得 會 似 樸 陸 點, 力。 説 實 與 其 子 此 氣 不 頭 不 門 壽 中 習偏 相 負 曾 方 人 兄 見 荷 似 實 有 弟 欲 有 處 得 體 就 相 沂 與 朋 朋 意 訪 H 此 於 友

〇八

於 長 悟 好 好 老 深 者 有 論 亦 處 講 吴茂實 力 自 自自 元 省 此 只 曹立之、 論 人 能 却 與前 故 但 却是先於性情持守上 却 氣 倫 如 文義 徧 是 而 X 於日 不可 不 不 象 流 德 與 書》云 痛 此 日 以 大 害爲 皆 合 於 以以 渠 懲 做 用 告 不深 怪 不 用 自 萬 好 不 之, 相 最 之 Ι. 同 爲 異 T. 謂 IE. : 入德之門也 主 反 但 夫, 切 也。 懲 夫 耳。 積 近 亦 末 張 淳 其 近 却 全 集 而 初 所 來 流 願 太過 者 間 處, 若 一少點 方 陸 痛 義 謂 自 之弊 龃 以 來 亦 要 警 去 理 只 子 諸 覺 多 亦 相 有 用 也 其 理 檢,諸 久 又 壽 如 只只 都 不 向 同 舊 見, 力。 會 所 此 要 兄 然 志 得 當 時 不 庚子。 病 成 講 短 講 得 氣 弟 其 得 0 勉 力。 I. 朋 自 説 學 學 此 象 徒 集 省 毫 近 焉 夫 友 有 此 話  $\bigotimes$ 發 意 皆 亦 其 其 H 今 往 止 毛 漸 得 間 覺 自 儘 幸 所 徒 議 往 是 與 力 氣 至 學 涵

> 守 當 舊 者 利 也 病 有 即即 之間 事 主 也 也 自 庚子 先 見 便 只有見 庚子。 見陸 功効 誠 捨 不 去 有 丈 ·肯捨 ○《答符 不 未 可 難 回 擇 也 盡 書 棄 須 者 0 者 多 舍未 其言 但 向 復 疑 後 萬 仲 意 多 盡 明當 見 書 所 曹 者 問 得 × Z 疑 不 9 親 却 且 以 君 . 切 轉 就 爲 解 所 却 有 迷 此 却 沂 喻 無 惑 持 调 利 看 此

貴 縱 專 良 不 何 附 失 欲 意 心 賤 患 陸子 爲 不不 不 識 利 志於 進 善 見雖 顧 静 害 義 與 得 道 IE. 符復仲 未 理 喪、聲 未 理 士之徒。 親 通 極 師 事 明 爲 色嗜欲 友, 事 書】常俗 可 行 要 哀。 亦 更 事 祝 只 之間 得 雖 是 今學 得 汩 不不 未 師 隨 没 友 中 分自 肯 者 喪 於 講 節 失 貧 但 狥 其 理 能 亦

曾,但得不陷於邪惡,亦自可貴。若妄意

强説道理,又無益也。

端 朋 幾不 於 説 矣。 陸國 所 道 性 杜 口 云 文 一、道 友 不 義 觀 静 以 撰 問學上 專是尊 集》《答項平父書》云:示 陸 專 墮 得 前 每 理 道 E 方於義 大抵子思 問問 學 勸 力,今當反 一語,三復爽然,所警於昏惰 事 理 不 看 學 一多了。 固 學 一, 遮 見 邊 敢 德 得義理全不 兩 聞 有 者 耳。 亂 理 蓋不 性 事 以 似 兼 説 知 而 事 爲 癸卯 所 來,教人之法,惟 禪 取 所 於 身用 却 肯 用 處, 以 而 其 決 自 於 放 力之要。 熹平 善 爲 擇 ·仔細 己 然鄙 0 緊 力, 下 彼 非 身心 要 要 答陳 去 學 日 意 得 爲 欲 而 又 者 諭 短 所 全 身 近 今子 己 熹 別 其 膚 無 集 論 曲 覺 心 爲 自 多 兀 説 以 者 仲 長 折 工 婺 然 稍 覺 持 静 人 尊 爲 却 夫。 稍 州 種 是 德 厚 無 庶 上 雖 守 所 及

> 終 作 IF. 有 坐 不 學者各守己 冀 明 於 不 行之弊, 日 豁 偏 然 非 不 大 是 能 悟 細 兼 也 事 取 衆 吾 善 道 之衰 所

待次。 三月,除提舉江南西路常平茶鹽公事

税 料 見 除 滿 白 減 盡 民 子 几 年 鹿 數 間 縣 事 E 此 價 , 乞與蠲 今年毋 譜 廟 ~,帶補. 早 洞 賑 税 以 職 : 堂 得 糶 罄平生之藴 然 初 議 院額 爲善之利。 得理 二,請 到 而 放 請 猶 去 遣 不 南 年 勿 待 使 及頒 及賞 積年舊欠, 康,有 拘 其上二等人户, 夏 照 次。 蜀 賞 税 對 既 格者, 上意 賜 殘 格 先 補 三,請 任 欠。 生 太上皇 之 不 補 滿 不 説 獲前 授 愛君之誠 而 亦請 奏 欲其 特旨 四 諸 凡 去 事 乃奏 帝御 被災之郡 出 年 許 亦有 請 之旨 遠 粟 倚 其 降 蠲 去 深 人,使 閣 多 本 敕 出 減 九 夏 職 遂 星 願 將

經註疏》印本等書。洪本。

狀》。
【文集】《繳納南康軍任滿合奏禀事件

閏三月二十七日,去郡東歸。

學行義之士彬彬 以 細 年譜】先生治 厚人倫、美教化爲急務,風 民、撓法害政者,亦 郡 出焉。 視民 必 李本。 如 繩 傷 治 不少貸 至 俗 女好 丕變, 豪 侵 尤 暴

於 贵 之地,保 日 家子弟,何苦辱之?」某曰:「人命所係 日 而 市 語録】先 白 可 將 不 ,杖之譙 問 寬 有甚 鹿,某爲 踏 弛 佑 其 於此者矣。 !」若云子弟得躍 生 善良 樓 可 小 日 下。 極 得 兒 . 介,抑 口 耶 將 某 説 偶 ? 挫 死 南 ^ 豪 況 西銘》「民吾 後 康 相 某 横 州 某 臨 識 訊 郡 罷,諸 罷 乃 馬 云:「此是 而 乃 其 踏 禁 有 朝 職 公相 廷 之。 躍 同 也, 行 馬 則 胞 後 餞 縱 次 法 於

> 秀才 物吾 主張子弟,其陷溺 ,爲武官者便 與 也 段。 主張武官,爲子 今人爲 至於此。 秀 才 楊 者 道 夫。 弟 便 者 主 便 張

夏四月,過江州,拜濂溪先生書堂遺像。

還家。 光風 濂溪曾 年譜 霽 洪 孫 月之亭, 劉 本。 子 IE 澄 卿、 請 彦 渡 爲諸 湖 卿, 口 生説 元 而 孫 歸 濤 ^ 太 0 爲 是 極 月 設 圖 王: 食 **>** 義 戌 於

至家。 旬 H 文集》答吕 方得合符 日 拜 謁 濂 伯 而 溪 歸 恭 書 書 替後 \<u>\text{\text{\text{Z}}} \text{\text{\text{Z}}} \text{\text{\text{\text{\text{Z}}}}</u> 堂 以 閨 只 四 走  $\equiv$ 月 月二 Ш + 南 九 + Ш 北 七 H

秋七月,除直秘閣,三辭。

生以 年譜以 復 前 辭。 所 修 勸 不允,又辭 舉 出 粟 荒 政 人 未 民 推 無 賞 流 辭 殍 故 九 月, 先

【行狀】除直秘閣,凡三辭,皆以前所奏納

0

人 未 推 賞 難 以 先 被 恩 命

(狀》三。 文 集』《 辭 免 直 秘 閣 狀 **\*** 0 ^ 狀 **>** 

八月,東萊吕公訃至,爲位哭之。

哉 E 【文集】《祭吕 奪 吾敬 天 降 夫, 割 今者 於 伯 斯 恭 伯 文, 著 恭 作文》云: 何 胡 其 爲 酷 又 耶 至 嗚 於 往 呼 不 淑 歲 哀

之 復,後 耶 續 ? 耶 ^ 生 經說 ? 將 若 誰 我 將 使之誨 之愚 誰 使之繼 則 病 斯 , 將 民 孰 事 將 記》 爲 誰 之箴 使 將 之 誰 福 而 使

耶

道

學

將

誰

使

之

振

君

德

將

誰

使

之

调 不 使 將 我 誰 失聲 爲 之督耶 而 驚 ? 呼、 號 然 天 則 伯 而 慟 恭之亡,曷 哭耶 鳴 爲

呼伯 恭,有蓍龜 之 智而 處之若 愚 , 有 河 漢

而 守之若 訥 胸 有 雲 一夢之 富 而 不

今之所 自多 詞 難 有 而 黼 未 黻 足 之 以 華 議 而 兄 不 之 易 彷 其 彿 出 也 此 固

有

瘳

真

〈卒攄

其

素

藴

不

惟傳

道

以著書,

逍

遥

以

曳

杖

恍

沂

F

之

風

雩。

衆

咸

喜

其

《祈 之化; 歸 謨, 深 以 君 目 亦 於 既 訐 乃 極 而 其 無 先 自 ! 探 子 孝 海 持 招》之詩。 取之既 則宣公獨御之對 、敷施 求 討 秉 訓 尚 納 友 大 守 慨 進 義 而 之 紹 或 而 絶 也 不 位 111 不 難 以 出 博 臥 文獻 少 渟 何遭 於朝 之,而 飭 備 蓋 遐。 而 以 懈 而 上方 躬 其 三年 贵 成之粹。 於 勉 時之不 故 所 德 厥 澄 則 吾 盡 勵 而 虚 其 以 宇 , 家 清 鴻 如 伯 言 耻 尚 講 心 承 禀 寬 ; 羽 而 恭 弗 爲 以 左 遂 道 而 詔 宜 之 又 撓 洪, 之儀。 及 猶 介。 圖 納 聽納 於家 奏篇 隆 所立之甚高 既 濁 遽 ; 飲 而 忠 識 恬 師 厚 縈 是 然 右 量 淡 而 而 衆 則 而 疾 造 耐 則 則 矧 書 閎 親 寡 未肯 羞 辟 時 亦 古 而 右 涵 友 廓 欲 之 聞 注 濡 尹 陳 雨

抑

亦

後

來

之

程

準

何

此

望

之

難

必

奄

0

夕

而

常

終

增

有

邦

之

殄

瘁

極

吾

[黨

之哀

有 家。 也 記 經之舊, 痛 学自  $\overline{ }$ 斯 洪 事 文之不 成 記 吕公定《周 先 > 家 將 生 幸 之言 誰 深 既 使 喜 續」之 爲 易》 而 有 位 從 爲 補 而 語, 之。 學 + 哭 者 蓋 又 又 篇 歎 故 遣 謂 其 祭 以 奠 ^ 難 大 復 文 於 中 古 繼 事 其

協 之懷 恭 書 ※云: 意 文集》 力支撑 悲 可 如 又 悔 如 痛 何 相 ? 許 者 不 日 與 與 也 吾 可 前 同 吾 劉 言 前 爲 人不 道 之 子 時 别集》辛 學 之衰 也 澄 猶 計 \*,緩 可 書 得 報 去 不 Ħ, Ž 於反己,追 敬 中 年 自 至 夫、 必 方 : ○又《與劉子 勉 於 哭 伯 已 伯 此 未 敬 見 恭 恭 死 夫 之, 逝 思凡百 時 不 已前 去 惠 傷 知 今 澄 規 伯 天 悼 **令** 

化 如 讀《 年 此 氣 論 譜】先 質 好 語 > 至是, 生 又 躬  $\Box$ 稱 自 伯 東 厚 恭 萊 讀 而 舊 與 書 薄 時 南 如 責 伯 性 軒 於 相 恭 極 褊 繼 方 有 下 可 大 世 省 爲 病 戀 遂 中

哉

尚饗

嗣

歲

之

有

間

尚

前

言

之可

踐

嗚

呼

哀

耶

既

爲

位

以

泄

哀

復緘

辭

以

寓

奠

冀

恭

而

遽

死

也

耶

吾

道

之

衰

乃

至

此

!

考

H

月

之

幾

何

不

日

暮

之三

四。

嗚

呼

伯

來

遊

欣

此

旨

之

可

懷

懔

計

車

而

偕

9

之

深

出

謂

昔

騰

牋

而

有

約

盍

今

命

駕

以

期

之

未

即

中

語

簡

編

之

次

第

卒

誇

草

樹

粲

然

其

手

筆

始言

沈

痼

之

難

除

猶

幸

死

講

摩

深

切

情

義

綢

繆。

粤前

日

之枉

尚

恫。

0

鳴

呼

哀

哉

我

實

無

似

兄辱

與遊

改

❶ 「恫」,原作「烔」,據《文集》卷八七《祭吕伯恭著作文》

深 和 出 則 所 此 深 益 云 淫 歎 非 謂 書 有 語 駭 得 一、若能 伯恭《大事 息 筆 望於吾子澄 經 衍 人 因 以 也 削 世之意 四 警 聞 循 之本 出 續 省 聽 媮 壬寅 而 惰 者 而 壞 意 記 成之,豈 友 也 詹帥 頗 安 人 耳 未 》甚 亦 心 得 0 離 云 壬寅。 儀 自 精密,古今蓋 術 不 浙 乎 非 附 至 功 中 耳 美事 於 ○《答詹 於 强 利 近 中 伯 者 此 術 年 絶 恭 唱 數 怪 但 不 之 帥 當 弱 論 恐 未 今 聞 間 乃 其 有 者 百 此

李閎祖 訂 語 録 仔 伯 細 大 恭 看《 説 、勝《詩 大 義 事 理 記 記 太 多 日 傷 不 知 巧, 此 何 人。 書 未 甚 免 好 杜 撰

【文集】《吕氏家塾讀詩記後序》。《跋吕

伯

恭書説

諭 附 東 激 揚 萊 振 集 厲 頗 與 乏 朱 廣 元 大 晦 温 書 潤 \* 云 氣 詳 若 觀 來

> 庚子。 庚寅。 者當 當於 昂 明 賦 窺 可 使 讀之泫然,不唯 庚 敵 寅 任道 宏大 分 偏 以 峻之資, 較 之用,爲 依 緩, 處 矯 爲 勝 〇又《與 〇又《 之心 揉氣質 平. 後 負 前 便 視 粹 者 世 張 恐當 使 持 其 與 屹 模 旺 消 則 養 偏 頗 書 F 書 轍 然益堅,幸甚 痛 以 磨 見 斂 要 而 似 做 | | | | | | **>** 云: 逝者之不 顔子 諸 吾 藏 用 未 得 須 T. 之功 力焉 行 九 道 夫, 弘 融 大 張 爲 分, 事 之 化 五 凡 樣 如 不 幸 9 得 垂 觸 + 斯 可 人 미 轍 懦 以 也 盡 諸 之 事 願 丈 者當 作 不 文之幸 吾 口 方 方 益 遇 爲 省 丈 大 祭文》, 又 擒 册 物 勉之。 學 可 强 察 英 抵 竊 縱 也 也 禀 偉 此 皆 以 低 最

若 病 文集》 得 古 伯 亦 恭 答 自 朝 張 知 夕 敬 其 相 夫 然 處 書 深 當 **>** 云 以 得 : 爲 減 傷 苦 損 急 而 但 不 未 容 地 能 遠 耐 革 之

四

能數見爲恨耳。乙未。

是月,改除提舉兩浙東路常平茶鹽公事。

名。 舉 事 以 慮 年 0 遂 浙 南 譜」時 洪 東常 康 拜命 本。 -月,堂 納 平 浙 粟 茶 東 不 人 帖 薦 敢 鹽 未 報 辭 饑 推 公 南 康 賞 事。 宰 即 納 相 辭 日 粟賞 先 王 職 單 生 淮 名 車 行 以 薦 就 遂 仍 上 先 道 受 乞 軫 生 職 奏 宸 提 復

【文集】《除浙東提舉乞奏事狀》。

冬十一月己亥,奏事延和殿。

竦聽 七劄 災異之由 年譜 : 上之。 先 大 條 生 與 去 陳 夫 李本 修 或 救 荒 <u>一</u>十 德 之策 任 年,既 人 之説 並 南 得 康 見 Ŀ 兩事 上, 爲 動 極 共 容 陳

於天與? 間,水旱盜 行 狀】入對,其 業之廣未及於地與? 賊 略 無 寧 言 歲 意 陛 下 者德之崇 臨 御 政之大 未 + 至 年

> 言 其 以 責 與 者 賤 用 者 其 復 是 或 廷之論 奉 勢 位 ? 衆 者 前 燕 政 廣 數 人 不 有 有 陛下即 閒 事 或已 [竊其 求 當 與? 未 者, 貨 小人 所偏, ,將以 備驅 不幸 於是 舉 賢 賂 然 而 詳 柄與? 哲, 有未 而 或 德 近 政之初,蓋 後 左 陰 使 其 而 而 義 而 小 上 者 右 足 察 間 大 者 反 姑 去與? 之風 流 或 而 私 以 此 重 躬 不 直諒之言 無 取 宰 幸 褻 輩 召 以 能 有 而 所 軟 未著, 相之權 免 使令之賤 一之負 壅 災 繫 盡 未 將 恩 熟 大臣 與 己 得 與 至 選 澤 而 易 ? 犯 . 罕聞 也 ? 其 與 建 而 致 制 不 日 失 耐 人,是 ? 英豪, 污 則時 之人 異 下 君 輕 刑 操 其 子 賤 始 而 究 之 夫 切之。 職 其 者 有 聽 以 諂 遠 得 以 又 必 與 外 慮 以 充 任 有 騁 未 者 不 ? 諛 而

<sup>●「</sup>將」、《文集》卷一三《延和奏劄》作「嘗」。

位 輩 挺 盜 術 史 紀 月 陛 士 甘 近 進 大 陛 大 苦 禮 大 前 狡 習 夫 賊 日 來 F 見 體 固 下 而 間 夫 壞 寵 獪 之公言 浸 之 既 便 貌 有 既 人皆 先 則 此 邪 之計 之 作 權 嬖 未 之 既 時 淫 輩 有 墮 固 側 能 勢 莊 術 9 得 災 耗 佞 之 其 所 而 已 媚 輕 循 而 日 充 分、恐 滿 勢日 以 蝕 異 數 又 失 近 之態 中 者 天 難 輕 塞 其 爲 數 足 其 中 習之從 外 親 理、公聖 又 使陛 所 ,貨賂公行,兵 駕馭之 見 重 矣。 以 本 陛 既 其 相 借 重 欲 9 矣。 眩 應 下 饑 力 者 F 雖 足 議 是 容 聰 惟 未 饉 於 既 之德 欲 以 術 Ľ, 更 論 以 而 無 有 及 明 荐 所 濟 挾 兼 蠱 又苦 雖 間 陛 施 又 則 以 臻 業 其 重 其 采 心 下 欲 此 其 欲 ± TF. 愁 重 公論 志 H 私 而 群 以 微 其 T 駕  $\pm$ 兼 大 朝 民 隳 難 以 大 小 爲 其 夫 無 抑 生 聽 H 馭 廷 怨 胥 夫 所 相 竊 之 熟 之 之 緇 往 竊 此 士: 而

院 吝 行 其 得 減 荒 新 撥 得 南 Ŧi. 並 蠲 吏 言 、二皆自 著令, 違 豐 請 放 替、 細 康 四 放 利 舊官物 早行 勸 而 言 嘗 害 鄙 及 儲 ; 慢者奏劾 待 賜 諭 或 紹 五. 乞蠲 狹 0 倉 免 推 及 闕、 家 書 如 一分以 人 興 水旱三 並 米 書 米 請 賞 州 顧 不 額 户 和 減 宫  $\dot{\equiv}$ 且 商 達 乃 買 縣 頒 以 E 星 香 賑 + 廟 住 所 力 行 大 乞議 早 獨 先 第四等 子 分以 防 糶 催 餘 納 勝 病 持 社 體 傷 受 生 宣 租 萬 米 者 税 務 服官 紹 倉 其 所 税 洩 上,第一 革 早 數 石 别 錢 得 興 其 條 有 弊。 對 其 行 户 以 與 七言 其 員 約 丁身等錢預 乃 又 奏 弊。 備 檢放 司 依此施行, 差 量 Ŧi. 平。 於 其三 以 減 劄 時 拒 立 濟 遣 諸 等户免 南 其 其六言 凡 一,仍差 一賞格 糶 暫管幹 以 白 康 半 納 從 對 鹿 州 所 粟 實 . 其 其 選 官 之 書 檢 行 縣 乞 蠲 救

不暇 後 封 Ŧi. 事 給之 劄 繕 亦 寫 際, 成 有 册 非 而 憂深 用袋重封,於閣 時 救荒之急者,當倥 慮遠,從容整暇,蓋 門 投進 偬

急於救民,罄竭忠悃,不敢有所隱也。先

生所居之鄉,每歲春秋之交,豪户閉糶牟

利,細民發廪强奪,動相賊殺,幾至挺變。

登,人得安業。至是,乞推行之。白鹿書先生嘗帥鄉人置社倉以賑貸之,米價不

院事,本不暇及,前期執政使人諭以且宜

意,而大臣先爲此言,不可。及對,卒言勿言,先生因念主上未必有鄙薄儒生之

之。上委曲訪問,悉從其請。

【文集】《辛丑延和奏劄》一。《奏劄》二。

《奏劄》三。《奏劄》四。《奏劄》五。《奏

劄》六。《奏劄》七。

十二月六日,視事于西興。

【行狀】先生初拜命,即移書他郡,募米

以 條目詳密。 商 入奏荒 蠲 其征 政 日 數 及至,客舟之米已 與 事 僚 推 屬 廣 寓 條 公鈎 上, 訪 情 輻 民 詞 輳 隱,至 懇 惻 復

廢寢食。

奏劾賈祐之不鈔劄饑民。

吏奉行賑濟不虔之戒。無鈔劄,委是不職,乞重賜黜責,以爲官無鈔劄,委是不職,乞重賜黜責,以爲官《奏狀》言:紹興府兵馬都監賈祐之,並

詔行社倉法于諸郡。

法於諸郡。十二月二十四日,奉旨頒行。【年譜】初,奏事延和殿,請推行崇安社倉

朱子年譜卷之二終

和

氣

致

穰

其

次

只

有儲

蓄

之計

若

語

録

自

古

救

荒

只

有

兩

説

第

是

感

召

## 朱子年譜卷之三

王懋兹纂訂

興府屬縣、婺州、衢州。 淳熙九年壬寅,五十三歲。春正月,巡歷紹

使者 抵措 出 行 知 靡 所 ,皆乘單 狀】分 不 畫 壓其境,至有自引去者, 郡 而 縣官 到 尤 悉 拊 畫 如 以 車 更憚 戢 一既定, 南 問 盜 屏 康 存 其 徒 時 捕 恤 按 從 風 蝗 丽 行 所活 采, 所 用 所部 興 心 倉 歷 水 不 尤 皇 雖 由 利 可 苦 一驚懼 窮 廣 是 爲 勝 Ш 所 急 而 計 長 部 常 肅 大 每

得以 之貧 道 分作 易 得 紫 何 首 民 判 時 賑 待  $\overline{Z}$ 大抵今時 向 ,只關 置 里 重 四 抄 去 經 綾 濟 他 時 木牕, 者 遠 數 得 効 抄 萬 劄 畫 册子來,某 饑 浙 到 西 等 大大 近 元 遲, 城 力, 時 部 東 集 得 邊 ,就僧寺及莊宇置 下 賑 來, 理 做 八萬 保 已無 州 關 大 無 遣 民 已 兩縣 會 濟 事 保 使 户 外 實 自 防 長 縣 賑 擘畫 人,是 處 去 長, 惠 更 歌 再 無 縣 有 在 有 饑 糶 已 賑 有 人之人。 及 有 却 先生之德。」 州 名 措 民,其 盡 如 ,只依常 濟 何 抄 民。 不 郡 無 置 時 在 其 只討 何 策 知 得 Ē 實 亦 人不 措 初 ? 孫 者 多。 難 遲。 寺, 數 \$ 賴 滕 糶 置 自 監 行 得 東 多 璘。 修。 留意 米 畫 日 朝 令供出 先差 先 天民 却 某 邊 逐 便 所 司 廷 地 托 生 因 處 州 遣 辦 尤 於 只只 應 圖 미 紹 使 云 石 E 幾 門 甚 抄 通 量 却 天 興 如 箇 去

八

以地濶遠,動成文具。惟縣令於民親,行

之爲易。」鄭可學。

奏劾密克勤偷盜官米。

石 縣 府 欲 合、 府 量 奏狀 差指 發 監 望 情 拌 點 新 聖 下 追 昌 檢 理 **>** 和 慈 賑 所 使 言 其 重 糠 盜 嵊 濟 先 密 : 害 泥 所 米 將 縣 蒙 克 仍 之 押 不 斛 交 本 聖 勤 拘 數 米 可 卸 恩 人 往 送 管密 計 容 賑 撥 納 平 重 萬三千石 缺 恕 濟 作 賑 下 克 江 米 濟 施 府 米 勤 除 今 四千一 行 請 斛 送 己 臣 賑 獄 取 仍 牒 内 巡 米 根 濟 **\$** 百 本 折 歷 勘 紹 六 府 欠 到 分 紹 外 升 圃 交 上 嵊 興

奏劾上户朱熙績不伏賑糶。

衆狀 本 奏狀 場 告 糶 米 訴 都 米 其朱 本 臣 場 縣 洲 熙 分 無 歷 績 撥 人 到 輒 上 在 婺 敢 户 彼 州 欺 朱 糶 金 凌 熙 米 華 縣 績 縣 道 就 據 孝 不 近 X 順 復 在 户 鄉

> 爲 荒 爲 飲 發 所 其 稱 豪 散 政 在 就 米 就 無 右 何 家 前 粥 + 非 食 姦 由 所 去 几 H 者 女好 猾 糶 都 口 以 反 狡 辦 不 及 出 爲 切 又 恤 ? 糶 臣 所誤 皆 害 鄉 致 巡 斗 欲 之 減 鄰 歷 米, 望聖慈 事 之戒 尅 狼 到 場 升 多 狽 彼 若 人 用 斗 而 使 户 重 乃 水 歸 虚 X 賜 無 詐 漿 皆 朏 批 從 出 煮 凡 如 歷 得 文 其 成 此 食 榜 頭 所 粥

哭東萊吕公墓。

出 壬 文 寅 此 (集) 編 IE 月 視 題 子 + 伯 七 恭 感歎之餘 日 所 來 抹 哭 荆 伯 公 爲 恭 H 書 之 録 其 墓  $\cong$ 左 一,而 云: 淳 叔 度 熙

奏劾衢州守李嶧。

嶧 得 政 奏狀 實 專 路 反 務 , 曲 > 言 掩 爲 爲主張,至 蔽 李 不 自 嶧 去 執 以 歲 稱 實 今未 大 無 聞 水 水 竟。 之 及 而 後 轉 其 及 親 運 知 既 州 戚 口 遭 方 訪 事 在 李 聞

按劾以 概 死亡 僅 嶧 但 病 放。 痕 最 檢 檢 香 尚 及 放 甚,通計七八分, 差人下 又妄申 已多。 存 諸 放不實、荒政不修 不能視履 開 聞 釐 化 縣,都不 Ш 縣 諸 縣 谷之民,羸瘦萎黄,非 被災 毫 督責 而嶧恬然,略不加恤 司, 耐 万百度 盡 稱 已。 不 財 實。 民 而 減 賦 不 廢 嶧只作一 ,急如星 臣 常 而 如常 缺 流弛,不 今行 Ш 己。 食,未至 Ш 而 成 視 敢 一縣 火。 其 分六釐 昧 州 但 復 兩 所 被災災 一流移。 縣, 萬 人貌 郡 放 知 加 水 減 以 V

奏劾張大聲、孫孜檢 放 不 實

被 上災 州 遊 奏狀》言 災 守 縣 傷 臣 丞 意指 户 作 孫 流 孜 釐 朝 衢 移 前 四 去檢 州 敢 毫 出 元 欺 ,而貧下之民死亡 視 差 图 絲六忽檢放 監 覈 滅 實 酒 裂 庫 ,將七八 却 張 乃 大聲、 觀 以 分 望 甚 致 龍 以 本

> 衆。 賜 黜 責 望特降 以 爲 睿旨,將張大聲、孫 日 後 附 下 罔 Ļ 慢 孜并 法 害 行 民 重

永康 陳 同 甫 來 訪

之戒

同 甫 名亮 於衢、婺間 , 永康 旬 吕 東萊 别 特重之。 至

是

月,回紹興,乞賜 鐫 削

來

訪

H

而

震恐 明特賜 《奏狀》云: 瘠 竊 在 死亡者已不 見諸暨縣災 猝迫 赦之域。● 臨 照 輕 臣 去 謹 傷 勝數。 以 職守, 顧 己 至 職 以 重 遵 事 救 疾 禀 横 有 臣 荒 復 失 前 被 疫 事 還 照 中 日 大 呕 管 聞 紹 傷 作 命之際, ,民之羸 興 未敢 其 伏 府 罪 蒙 界。 己 聖

0 賜鐫削 作「目今雖 赦」,原作「救 其 罪」。武 狀》改 E 昌 書 局 面多 據 本及《文集》卷 武 方措置收拾 昌 書局本及《文集》卷 救濟然前日之罪」。 一七《乞賜鐫 一七《乞 削 狀

罷,只乞聖慈且將臣見在官職先賜鐫削,

夏六月,旱。 候 救荒 結 局 上 日 修德 别 行 政 竄 以 責 弭天變狀》。 庶 允 公議

之意。 政 監 民 及 限 户 君 在 庫 仍,不勝 有 從者,又率稽 行狀】先生以 介,庶 於 之心,不 於 司、守 之錢 部 臣 檢 斷自聖 或 盜 放 相 無 幾 家 賊 不 租 得 以 戒 猶 臣 憂 ·然,臣 痛 ; 也 税 心, 催 如惜費之甚 一之無 供 足 憤 蒙 韶 理 以 大 自 沛 緩 其 復 舊 前 恐 禮 下 省 狀 宰 然 後 復 害者,不 上 欠, 後 所 之費 結 者 改。 臣 發號 奏言 時 時 奏請 憂 人 詔 沙 遴選 宰 無 ,是以不 者 心 爲 其次 責 汰 諸 書 益 多 止 不 被 消 路 收 賢 爲 於官 躬 於 見 云: 止 災 漕 其 糴 惟 今 能 求 於 事 抑 肯 路 臣 乘 之 有 之計 言 蝗 吏, 却 餓 爲 朝 責 分 遵 本 時 盡 殍 極 以 州 依 廷. 早 作 出 然 而 幸 力 荒 E 愛 條 詔 亂 軍 後 而 内 獨 相 而

> 所聚 與 復 復 小 救 切 收 ? 是 IE. 財, 民 有 之事 財 以 孰 身危 不 至 散 但 爲 於民 輕 猶 大 務 猶 孰 明 口 爲 盜 散 可 公憂 重? 復 SIT 積者 或 復 聚 諛 安 危 國 身 耶 順 民 之念, 或 ? 而 之 旨 心 措 勢 之計 與 身 不 或 失, 傾 無 如 9 所 孰 然 則 則 愛 大 不 民 身 則 不 其 口 孰 之 之 口

條奏諸州利病。

産 户 於差 下 受其 排 役 痛 行狀 之法 户丁 鹽 兼 役 減 法 充 次 役 弊 歲 則 户 ,行於本路沿 利 錢以優之。 額 初 官 則 長。 害, 奏 差 乞 請 然 紹 保 參用 **令** 亦 後 又 興 Œ 均 嘗 乞 用 副 和 高 出 條 貫 取 又乞免台 買 長 下 海 具 頭 會 義 之 等第 輪 四 數  $\blacksquare$ 科 福 弊 收 州 千言 紐 建 罷 義 均 下 至 州 去 敷  $\mathbf{H}$ 又 申 惟 DA 是 T 役 乞 仍 州 省 乞 錢 及 恐 首 依 令上 減 先 見 F 處 免 義 至 免 户 與

州 荒之餘,猶悉 見行 之法,改 及 他 諸 事 郡 以 酒 爲 坊 爲 經 久 萬 之計 户。 於 救

【年譜】又言台州丁絹錢有抑納倍輸之

患,乞每丁納半錢半絹。

淮曰:「朱熹政事,却有可觀。」 《本傳》有短熹者,謂其疏於爲政,上謂

 $\pm$ 

奏

聞

秋七月,奏蝗蟲傷稼。

遣 打 臣 瘞 爲災,有害苗 奏狀 外 與 撲,赴官埋 人走探 須至 帥 》言 臣  $\pm$ . 奏 已 聞 希吕 瘞, 聞 稼 據 紹 П 興 本司 紹 報 府 面 興 詢 即 會 亦支錢 府 究祈 親 稽 先已 縣 往 禱 添 蝗 看 支錢 視 蟲 貼收買。 打 頗 募 撲 委 多 是 焚 X

奉御筆回奏。

臣 奏狀》言: 同 詣 本 府 祈 禳 發 錢 紹 更行 收 興 買 府 支賞, 焚 會 埋 稽 召 , 縣 人收 廣 續 孝 奉 捕 御 鄉 札 蝗 令速 蟲 \$

> 殄滅 埋 貼 就 府 尚 召 治 有 人 設 臣 收 恭禀聖訓 醮 分 捕 祈 以 禳, E 今 又 據 未 夙 於先支錢 申 至 夜不遑, 到 盡 絶 并 9 爲 已 外 即 收 此 加 同 先 買 倍 帥 具 焚 增 臣

巡歷紹興府屬縣,入台州界。

申知江山縣王執中不職。

容 其 知縣 事 黜 士 申省狀》言 **令** 知 民 聽 在 已 縣 詞 王 候 先 執 訴 任 王 朝 又伏 行 執 中 廷 下 伏 庸 中 : 指 熹 衢 乞 謬 委 揮 覩 昨 敷 是 州 Ш 臣 巡 奏, 弛 野 僚 將 歷 慢 所 本 將 不 至 不 奏 官 堪 王 職 江 本 對 執 治 Ш 之 縣 移 中 劇 縣 甚 饑 閑 特 民 難 慢 及 見 賜 事 據 罷 得 以 職

- ■「埋」,原作「理」,據《文集》卷一七《奏蝗蟲傷稼狀》改。
- ❷ 「埋」,原作「理」,據《文集》卷一七《御筆回奏狀》改。

奏劾知寧海縣王辟綱不職。

自 申 奏狀 報 有 到 本 委 餘 》言 州 口 是 : 其 即 不 臣 行 職 知 昨 欲 縣 詢 親 究 Ŧ 望 見 見 辟 聖 寧 綱 慈 本縣 海 恬 特 縣 然 賜 流 人 不 罷 移 户 恤 朏 人 流 户 亦 移 已 無

申乞許令、佐自陳嶽廟。

敷 佐 數 其 陳 則 有 申 嶽 月 未 官 奏 無 老 省狀 之 病 協 廟 到 顯 特 間 間 差 庸 力 過 》言 降 遣 措 懦 9 乞委 逐 指 欲 置 縣 仍 不 揮 諸 置 得 嚴 自 能 以 州 如 不 責 人,不 本 救 任 連 問 有 己 司 事 民 歲 似 差下人 差 則 之 至 命 災 此 誤 人 爲 人 傷 之人,許 民 竊 事 權 疾速 欲 全 攝 害。 慮 藉 加 其 赴上, 按 知 令自 欲 庶 間 劾 縣 幾 望 或

奏乞留婺州通判趙善堅措置賑濟。

善堅措置 奏狀 》言 濟糶 . 婺 州 委 去 有 歲 勞 災 効, 傷 本 本 官 州 雖 通 將 判 任 趙

> 庶 善 滿 尾 免 堅 官 本 誤 員 在 州今歲 任 差 事 同 委 幹 本 又 辦 遭 州 守錢 早傷 欲 望 佃 全 特 協 要 降 力 知 措 睿 得 旨 置 措 災 許 置 首 **\$**

奏劾前知台州唐仲友不法。

等 以 部 以 送 偷 限 則 江 之, 家, 年 訴 乞令浙 先 聞 盜 催 紹 西 遷 將 譜 吏 官 生 興 税 者 提 部 趨 江 \_ 章 錢、 先 益 刑 司 知 違 温 西 尚 進 西 生 衆, 唐 理 台 法 僞 州 提 書 呈 仲 提 院 論 州 造 擾民、貪 至 刑 鄭 Ŀ 友 刑 涉 鞫 愈 唐 官 不 丙 司委 不 台 力 實 未 \$ 仲 會 可 法 州 行。 宰 侍 等 友 仲 勝 污 者 (清彊 章 境 屬 御 與 友 事 窮。 淫 紛 三上 七月, 看 民 史 亦 虚、蓄 派 紛 官 節 詳 張 相 自 訴 因 體究 次 急 王 盡 先 大 王 辨 太 都 劾之, 養亡命、 趨 淮 得 守 生 淮 經 司 台 仍 若 其 新 爲 陳 淮 巡 交 城 \$ 仍 促 庸 除 所 薦 姻

熟 罷 自 其 至 得 行 先 新 勢 前 生速 辨 既 洪 益 任 疏 奉 紹 奪 本。 往 熾 百 仲 詔 興 台 乃 友 獄 傷 州 益 江 取 曲 且. 久 州 上 首 西 説 情 早 郡 章 章 新 開 得 相 論 語 命 雨 陳 視 按 遂 未 前 故 章 大 甚 初 後 先 他 至 霔 王 王 深 六 生 六 者 無 是 淮 F. 時 鐫 及 歲 留 誉 削 穀 仲 淮 淮 台 救 重 友 度 甚 止 未 不

八月 留 台州 乞 賜 罷 朏

臣 有 朝 雖 州 慮 奏狀 貪 聖 仲 廷 史 孤 山山 殘 準 賤 彌 友 與 依 不 逞 IE 不 叨 H 法 常 E 憾 被 下 法 到 臣 報 按 肆 使 起 略 之 復 俟 劾 毒 令, 發 賜 所 害 其 殘虐 不 施 以 今 交割 民 如 行 者 久 敢 如 吏民。 臣 留 所 稽 仲 則 州 愚 台 按 自 留 印 友 闇 州 者 臣 是 巨 外 今 女好 未 以 實 新 只 即 往 再 有 未 審 緣 知 便 疑 在 復 臣 恭 本 憂

> 臣 市 焉 遠 謹上奏, 乞賜 然 避權 日 人 臣之私 豪 處 州 可 罷 以 縉 計 免 少 雲 而 遂 言 縣 + 初 界, 1 則 心 日 惟 又 離 克 以 有 全素 台 未 收 州 蒙 迹 守。 處 朝 至

毁秦檜祠

分

再

乞黜

責

外 衆 設 其 錫 公 爲 善 忍 竊 年譜 之 復 良 心 進 事 正 見 而 有 竄 退, 銷 故 儲 來 而 亦 何 識 獻 盡 於 之 一永 相 且 崇 沮 IF 恥 誅 嶺 秦 嘉 擯 獎 猶 誤 人 檜 天 隅 學 3 皆 外 天 心 絶 或 不 徘 有 歸 下 憤 忠 張 而 誅 徊 連 秦 自 諂 震 不 惋 義 檜 漢 逮 岳 檜 金 用 諛 主 剛 而 侯 鼎 趙 誰 祠 庭 之 偷 直 不 既 之 汾 其 況 平 惰 之 威 移 旁, 久 之 死 弱 永 之風 ; 氣 專 文 獄 於 嘉 己 而 以 毁 9 或 棘 朝 聞 蓋 號 以 恣 之 柄 寺 喜 廷 究 今 啚 將 睢 於 掩 其 中 九 魏 怒 戮 内

設 之 未 像 講 地 以 學 雖 厠 校 英 捐 實 賢  $\mathbb{H}$ 風 以 何 化 示 以 之 濡 爲 源 沫 訓 9 尚 恐 使 洪 出 有 本 市 祠 恩 9 無 然 乃

除直徽猷閣,再辭。

紊賞 絶 斷 況 農 流 年 數十 前 殍 É 譜 八刑之典 方藉 之 按 罷 知 民 獎 萬 本 藁 台 賑 緡 躐 以 州 之積 濟之勞也 等 新 俟 唐 任 疏 斧誅 仲 榮 而 友 而 無 0 體 懼 贵 反 以 先 容 究 非 被 全 生 指 遽 論 所 活 以 竊 以 揮 訴 爲 恩 示 尚 道 徒 雖 勸 未 蒙 饑 費 懲 聖 以 結 饉 大

改除江 文 集】 南 西 辭 路 免進 提 點 職 刑 奏 獄 狀 公事 **\*** 0 辭 ^ 奏 狀

者 歲 西 年 新 即 譜 甘 命 今蒙恩 蓋 退 即 藏 奪 日 許 唐 妄 解 仲 解 意 職 友 賤 討 東 新 職 還 論 任 遺 Œ 具 也 經 愚 奏言 0 臣 以 先 得 待 生 遂 初 後 臣 之 自 凤 聞 學 早 江

> 之時 敢自安? 牛 之 消 愐 雖 所 除  $\equiv$ 願 尺 官 得 童 又 歸 耕 係 子 故 亦 填 壟 知 唐 仲 其 畢 友 不 志 闕 可 舊 臣 蹊 愚 田 奪 何

九月十二日,去任歸。 【文集】《辭免江西提刑奏狀

農 賞 狀 官 狀 糶 州 衢 上 推 民 【文集】《奏紹 濟 救 户 事 米 **%** 賞 狀 處 痛 荒 朱 利 **%** 獻 狀 乞再 辛 州 減 事 熙 害之大者,并乞早 **%** Ħ. 辛丑 助 義 度 於 件 績 人 賜 倉 牒 許 狀 ○《奏紹 不 狀 官會 米 之 興 **\***: 伏 ○《乞借 撥 奏 **%** 錢 價 府 賑 義 巡  $\equiv$ 辛丑 Ŧī. 都 糶 其 倉 興 於所 + 歷 萬 監 狀 府 米 撥 作 萬 貫 合 賈祐 **%** 官 指 五. 賜 賜 捺 貫 奏 應 使 會 ^ 萬 湖 錢 米 ○≪奏 聞 奏 之 副 速 密 給 石 内, 埂, 斛 陳 救 不 行 婺 克 降 内 乞 荒 巡 亦 抄 州 取 舊 勤 度 將 撥 歲 事 牒 劄 糴 歷 新 事 偷 台 宜 婺 奏 件 米 年 盜 及 饑

擅 干 州 東 良 狀 災 錢 等 狀 百 税 狀 嶧 萬 支 文 Ŧi. 陽 裔 石 州 並 萬 事 和 不 石 乞減 常常 學 白 縣 買 貫。 狀 縣 行 專 留 婺 合補 獻米二  $\bigcirc$ 平 進 \* 石 積 役 住 充 意 州 度牒 《乞賜 一合補 士 錢 義倉米狀》。 處 年 催 又乞將 奏 衢 其 荒 金 迪 賈 舊 州 展 張 一千石, 州 米 政 華 功 大圭 欠 限 鐫 縉 乞 賑 大 數。 狀 曲 縣 郎 狀 Ш 削 起 雲 聲 濟 功 **%** 進 合補 推 **%** 催 陰等縣 狀 縣 獻 其三, 郎 孫 ± 婺 將 去 **%** 狀 進 米 孜  $\bigcirc$ ○《乞修德 州 陳 Ш **%** 年 F  $\sim$ ^ 士: ○《乞 檢 奏 夔 乞推 奏 陰 州 浦 下 再 獻 詹 一千石  $\bigcirc$ 放 請 等 獻 衢 奏 江 文 户 乞 助 玠 早 縣 縣 衢 學 米 乞 之 給給 書 賞 夏 賜 州 合 獻 進 傷 政 住 下 賞 降官 守 州 獻 税 錢 千 户 以 官 米 補 婺 催 士 會 不 事 助 臣 秋 鄭 夏 弭 州 其 吏 五 被 苗 會 實 件 李

於 致 賣 用 濟 以 牒、官會,早 帳 司 之 折 興 義 天 口 察其 浙 獻 被被 變狀 饑 之 銷 患,乞早撥 五. 及 府 倉 奏狀 人甚廣,乞許將得替、待闕、 今年夏 東 白 去 米 民 厭 憲 納 早差 災 貫。 年 狀 **% %** 禍 典, 敢 州 減 又 路 住催 税 **%** 亂之萌 成 半 有 郡 官 賜 庶 通 作過  $\tilde{\sim}$ 賞 格 永 L 督  $\bigcirc$ 給降 行 檢 幾 奏 , 夏 再 久 聞 項 理 , 乞韶 放 税 0 奏 蝗 女妓 奏 、之利 倡 錢 村 夏 其 人 蟲 衢 然 救 止 民 數, 税 亂之人, 落 户 9 傷 州 後 荒 於 知 度 興 間 9 州 官 稼 詔 宣 特 畫 修 紹 畏, 牒 先 請 已 郡 吏 狀 安 布 農 興 與 減 期 開 有 依 擅 不 撫、提 Ţ 及 存 事 寬 七 H 價 輸 許 彊 條 一借支 至 早 府 憂、 州 水 限 件 恤 納  $\bigcirc$ 借 每 受 印 今乞 其 糶 生 擒 狀》 利 者 致 理 常 自 道 給 御 刑 劫 事 捕 仕 早 兩 口 奪 止 度 理 紹 平. 筆 .

之 人 權 行 差 使 庶 口 集 事  $\stackrel{\sim}{\sim}$ 乞 留留 婺 州

通 判 趙 善 堅 措 置 賑 濟 狀 **%**  $\bigcirc$ 乞將 合

蠲 閣 夏 税 人 户 前 期 輸 納 者 理 折 今 年 新 税

狀  $\bigcirc$ 奏 巡 歷 沿 路 災 傷 事 理 狀 **>** 

蝗 蟲 傷 稼 催 促 差官 檢 視 及 支 錢 收 捕 埋

瘞 乞 賜 指 揮 令州 縣 不 得 刷 具 舊

 $\equiv$ 欠 催 縣 新 督 賦 租 税 税 特 , 乞將 與 倚 閣 嵊 俟 縣 見秋 1 虞、 苗 餘 合 放 姚

舊

分 數 别 賜 處 分。 9 至 新 昌 縣 連 得 大

雨 中 晚 之 禾 間 有 口 望, 而 秋 序 已深 恐

難 結 實 荒 熟 之 形 切 宜 子 細 分 别

已 損 田 麥之屬 段 不 一 乞特 堪 收 割 降 指 皆 揮 欲 耕 催 犂 促 檢 布 放 種 庶 蕎

幾 民 間 及早耕 種 其 有 缺 少 種 糧 更 令 官

司 量 行 應 副  $\bigcirc$ 奏 知 寧 海 縣 Ŧ. 辟 綱 不

蒙 職 給 狀 降 三十  $\bigcirc$ 奏 萬 救 貫 荒 更乞 事 宜 撥 書 錢 揍 狀 作二 **>** 百 萬 E

> 募 賞 行 指 依 貫 分 住 格 及 揮 數 催 所 已 早 乞 蠲 增 俟 許 分 減 委 檢 將 於 給 曲 放 浙 本 諸 至台 關 秋 東 路 州 防 苗 被 州 放。 之 路 廣 分數 災 五. 語 行 通 縣 縣 運 定 行 庶 第 分 糴 日 乞 幾 Ŧi. 人 等 户 將 人 删 人 争 去 夏 夏 户 今 税 税 先 減 0 來 亦 權 應 半

訖 往 錢 會 不 副 今  $\bigotimes$ 年 外 内 度 候 奏 所 圃 牒 檢 J 明 量 , 乞被 買 踏 販 絹 狀 一撥什 州 П 糴 先 乞 乞給 貨 糶 特 災 賜  $\equiv$ 者 與 州 蠲 並 於 降 ^ 蠲 奏 不 縣 放 合修 官 不 得 人 台 會 得 户 邀 州 水 及 輒 苗 阻 免 本 利 被 乞 收 米 抽 納 去 災 司 分 税 許 J 乞 處 州 Ŧi. 文 絹 再 其 審 於 縣 斗 税 狀 給 實 糶 賜 以 人 錢 官 户 下 應 米 給

七《奏救荒事 Ŧī 等 原 作 宜 等 畫 五 狀 據 武 昌 書 局 本 及《文

0

别 首 官 修 循 晚 濟 户 公共 員 緡 狀 狀 饑 又 立 選 説 主 興 林 環 民 **%** 黄 但 奉 再 即 八措置 人誠 清 不 鼐 巖 接 式 諭 覺 取 日 時 奏乞給降 ○《奏巡 ○《乞降旨 水利 强 甚 濟 蔡鎬 民 見 選 或 已 分 給 實 官 曉 間 諭 差 的 募 無 出 撥 降 練 權 事 、公共 支錢 闕 都 米 州 確 船 損 應 度 事 攝 歷 縣 穀 數 食 正 錢 難 於 前 副 牒 者 縣 令婺州 至 官 目 物 官 以 、措置。 往 諸 鄉 或 事 便 台 萬 吏常 及 倚 收 州 俟 官 行 白 出 有 州 貫 縣 庶 仗 減 糴 將 錢 賑 撥 道 奉 付付 益 切體 幾 家 數 仍 其 糶 來闕 米 放 還 物 乞 於 行 至 興 官 詢 住 本 斛 本 所 特 役 民 訪 户 收 添 事 會 催 縣 食就 訪 借 縣 與 不 救 與 錢 到 件 助 仍 + 水 知 及 常 州 土 荒 嶽 運 賑 狀 拘 請 利 縣 縣 土 行 抄 Ŧi. 平. 居 9 糴 糶 廟 范 居 早 興 劄 官 等 萬 米 L 官

> 狀》。 與 狀 賑 友第 義 本 至 府上。 ※ 第 江 糶 闕 倉 申 奏義 誤。 賑 米 東 知  $\bigcirc$ 几 狀》。 濟 糶 梁  $\bigcirc$ 江 役 ^ 狀 申乞 合行  $\bigcirc$ 總 申 濟 Ш 利 奏 **%** 狀 縣 奏 兩 乞 害 ○《第 鹽 Ŧi. 禁 **%**0 易 王 均 狀 許 0 事 止 酒 執 其 減 **%** \$ 狀 第 遏 課 中 任 紹 ^ 狀》。 **%** 佐 糴 0 Ŧi. 及 不 申 興 狀影。● 辭 自 職 狀 差  $\bigcirc$ 救 按 府 狀 陳 **%** 荒 役 申 知 和 詔 嶽 利 買 事 台 乞 第 免  $\bigcirc$ 廟 害 宜 狀 將 州 ^ П 狀 第 申 **%** 畫 狀 狀 衢 唐 避 乞 **%**0 州 仲 司

其 臣 年 私 品 譜習 品 其 誠 在 懇 與 微 江 臣 E 東 古 具 梁 前 總 深幸 奏, 兩 易之, 既 但 蒙 臣 改 又 前 命 辭 所 言 奏 曲 遂 尚

復

解

詔

<sup>■「</sup>糴」,原作「糶」,據《文集》卷二一《乞禁止遏糴狀》改

怨。 若 爲 釋 見 前 使。 法 恩 Ħ. 有  $\mathbb{H}$ 勘 放 按 但 産 臣 改界祠 未 則 今來 一,合該 É 唐 時 乞 觀 祖 恐 鄉 辭 特 竊 招 仲 聖 勢 如 恐 正 職 人 友 所 察者 與 徇 禄 前 迴 隸 名不 臣 蔣 更不 祠 除 私 避 所 使 江 所 輝 爲,或至 使 仍 其 又 欲 作等,亦 允之 東 按 詔 差官 得 恐 司 得 望 劾不 見 特 命 卒 下 按 遂 曲 有 免 聞 體 察,若 下 其 負 夙 賜 公不 重 墳 迴 已得 究 心 舊 哀 夙 傷 避 墓宗族 又 , 實 業 心 憐 朝 免 辭 復 朝 其 廷 罹 又 旨 退 上 追 别 紹 奉公守 以 辭, 此 事 非 有 盡 興 避 辜 寢 爲 合 府 仇

《大》: 一。《奏【文集】《辭免江東提刑奏狀》一。《奏

得

罪

名

難

以

例

霑

恩

賞

詔

並

不

許

冬十一月,始受職 年 ·譜】始受職 名, 名 仍 仍 辭 辭 新 新 任 任 并 且 請 乞奉 祠 祠

> 學」者 少舒 勝言 聖明 御 若 星羅 沮 肉 淵 制 棄勿用 H 極 文集》 言 史。 先 其 月 斡 源 而 患 者。 洞 之 旋於 生,王淮 加 之 ,并當要路 其 害。」 大 賈 所 害 見 明 解 昨 變 率 爲臣 蓋 面 底 自 於 上 而 免江 亂 來 指 ·假 時 對 臣,不 小小 藴 損 又擢 所 黑 亦 之計 先 首 鄭 名 東提 雷 者 白 按 復 則 生 以 丙 遺餘 論 自 霆 馳 大府寺丞 贓 不 無 也 濟 惟 E 註 刑 鶩 其 近 之 惟 故 吏, 疏 僞 誤 故 奏 有 經 事 日 力, 威 横 不 狀 聖 黨 先 詆 誉 薦 發 願 乞 · 肖之 者 肆 則 朝 身 與 生奏言及之。 考 於下 紳 程 以 陳 觗 遠 臣 衆 氏 就 來 察 有 賈 身 又 排 至 之學, 不 多 其 所 大 閒 所 八爲 反 有 於 謂 敢 監 爲 者 棊 師 以 庶 不 向 論 擯 道 察 以 魚 非 蔽 宰 友 口 口 布

崇道觀。 十年癸卯,五十四歲。春正月,差主

一管台

州

【年譜】上覽奏,知不可强起,詔以累乞奉

祠,可差主管台州崇道觀。

崇道、雲臺、鴻慶之祠者五年,自是海内學,已試之效卓然,而卒不果用。 退而奉【行狀】先生守南康,使浙東,始得行其所

學者尊信益衆。

夏四月,武 之意未嘗忘也,作《感春賦》以見意。 杜門不出 國之意。 年譜】先生守南 夷精 及是, 海内 舍成 知道 學者尊信 康,使浙 之 難 東,始有 行,退 益 衆。 而 然憂世 以 奉 洪本。 身殉 祠

衆。洪本。○韓元吉爲記。 至四月落成,始來居之,四方士友來者甚 《年譜》結廬於武夷之五曲。正月經始,

【文集】《武夷精舍雜詠》。并序。《武夷櫂

歌》十首。甲辰。

冬十月,如泉州。

月卒,往弔之,十二月歸。 傅安道自得與先生有先人之舊,是歲

十一年甲辰,五十五歲。是歲,辨浙學。

言之。 之害。 《論》、《孟》而 【年譜】先生還自浙 變,舍治心修身而喜事功,大爲學者 放心」兩章, 外,每語學者且觀《孟 之功,而深斥 力爲吕 務收 尊 其 祖 所學之誤。 史遷,舍窮 斂 儉、潘景 凝定,以致克己求仁 東,見其 子》「道性善」、「求 理盡 愈、 以爲舍六經、 士習馳 孫 性 應 而 鶩 時 心 談 輩 術 於 世

實 耳。 世 以 德性、求放心 【文集》《答吕子約 開 變,則亦隨 少聖賢親切之訓 明之,此 不當以 彼 力 爲要切之務。 爲本,而 爲 所 重,而 至,推 書》云: 也。 講於聖賢 反 廣 若 輕 大抵 增 若通古今、考 如 凝 益 此説 定 親 以 此 收 切 學 爲 則 之訓 斂 補 以 之 助

者 遷 是 學 只是智力 如 不 其 教 域 徒 不 而 大學》之書具 了又病 一、固 足以 、障礙 足觀 ,人人皆 Ш 聖人所以 也。 問 又《答吕 爲 在 、憂懼 移 主。 於 之 賢 後 開 河 夫 必必 道 史。 而 於 其 可 就 故 學 人,孔 決, 今六 不 以 仲 有 狹 以 爲 子 立言 中 者 爲 在 爲 小 造 不 司 趨 尼矣,毋 使 約 在 有 既 子 經 於 不 得 於 馬 而 子 書 時 學 垂 彼 思、 暗合處 學聖人, 己 ~ 高 遷 可 不 不 以 徇 \<u>\times\_{\times}</u> 者 訓 而 極 語 爲 明 讀 以 勢、 賢 孟 乃 震 者 班 在 言 不 了 \* 正 9 於 子 悖之甚耶 固 ,徒足以 蕩 頃 馳 於 之。 足 大、簡 悟 《孟》、《 此 故 則當 堯 則 鶩 口 來 書 范 觀 爲 以 能 舜 孤 撓,不 議 功 9 漢 高 曄 記 長 以 易 陃 不 名之心, 論 誤 唐 而 如 者 覽 中 久。 聖 在 明 陳 狹 本 達 是 問問 人 爲 庸 白 劣 於 既 壽 甲 體 變, 愚 辰 而 之 如 則 重 病 × 之 而 經

癸卯。 忍 其 《答吕子 几 **詐之習**,其 吾人之學聖賢者,又將 其 活計 是 破 未 分 有 此言之, ",仍是 聖賢 字。 窮 過 中 徴 明 嘗 受餓 者 不 也。 而 則 今日 立 日 不 又《答吕子 約 惟 便須 而吾道 却 此 費 設 教 能 而 、勢不 書》 不 無 古 諸 若 本 可 盡 出 能 救 無 過 賢,苦 云: 指。 接 無 過 拔 心 救 益 足言 當 贵 引 者 力 得 得 傳 以 世 約 不 今乃 F 只只 他 他 心 不 者。 亦不 但 路 書 誤 根 人,乃 跳 再傳,天 勞 若 振 流 破 × Z 險 哉 深 出 力 亦 待 得 而 窄 而 講 ! 此 人 功 引 得 人 只 IF. 并自己 費 其 乙巳。 枉 孟 非 己 利 於 道 聖 下 須 此 中, 盡 無 尺 子 細 窠 必 功 門 略 然 正 言 直 事 可 窟 有受 做 利 陷 學 與 理 後 尋 生 語 也 造 變 説 問 又 爲 方

0

<sup>「</sup>正道」、《文集》卷四七《答吕子約書》作「王道」。

史,略 之論 本。 不 然 見 是 書》云: 衍、張儀真可 大 此 漢 也。 麽 只 病 得 等 祖 無 舊 處 成 可 又不若不讀之爲愈也。 而 乙巳。 見識 然 若果如 得 復 時 就 正 唐宗, 不 王 當道 此等 今 矣。 意 前 察 近 枉 道 此 H ,便是「枉尺直尋」底 思 日 此 ○《答路德章書》云: 尺直尋」四 日 話 mi 此 意 理分 議 亦須 尚 古之聖賢, 謂 務 心 又 尊 無 思 論 大 即 爲 存亡之端。 有 霸 雖欲 在方寸之地。 告 乃以 明,不容些兒 有争不得 文夫 學 孟 訴 術 子 而 般 字。 處, 果然 矣。 宛 行枉 極 不 學 以 觀 轉 論 只 問問 不 尺 枉 Ħ. 迁 〇又《答沈 書 П ○《答沈 古 得 若 : 知 直 尺 護,亦 根株, 濶 走作 放 只 今 仰 只 廢 又謂 此 淆 直 尋 過 興 如 有 經 屋 古 而 訛 尋 處 亡 此 爲 浩 叔 公孫 有 直 儻 即 而 在 讀 之 偏 毫 治 根 爲 自 晦 所 須 歎 亦 遇 甚

底話 乙巳。 愛説 人江 識 惡 死 定,然其 言之」云 近 不 卯 又 術之害,故不 晦 後。 聞 後,百怪 可 П 日 書》云: 史學, · 全 聽。 西 小家議論 有 少有變異,  $\bigcirc$ 〇又《答劉子澄書》云: 非 駭 然 强 爾,中間 蹴 答劉 子約 陸 子約 歎 都出,至 身後 不 踏 贅 是 得 董 子 立 而 爲 而 然 孔 賤 爲後 仲 不 脚 澄 是 不 人 流 亦 王尊 孟 苦 舒 如子約 免 德宗 不 書》云: 固 傳 生輩 是 規 П 住 而 極 已遠 無 伯 模 霸 一,亦曰 耳。 推 者 力排之。 미 却 恭 謀 糊 别説 尊 伯 尤 大 疑, 自 塗説 管 近 婺州自 做 利計 「吾兄蓋 恭 可 有 一般 仲 日 爲 但 。今幸 管、 駭 無 些 其門 出 學 旛也 功 恙 異 王 商 差 伯 派 者 拖 時 少 見 般 泥 恭 流 心 庭 更 癸

「合」,原作「令」,據《文集》卷三五《答劉子澄書》改。

0

心 帶 渠 ○《答 非 水 」者,却 有 孫 私 季 是 心 和 教 書 然 壞 : | | | 亦 後 未 生 免 子 此 程 約 甚 子 漢 不 所 唐 便。 謂 之 論 乃 近 年 邪 在

路 懷 以 取 便 來,彼中學者未 先做 副當 取 功利之心; 落草由徑之計 曾理 會讀 未曾出 相 書修己 引 門踏 去, 私 便 著 先 語 IF.

此 不 密 痛 傳 否 以 耳 排斥之。 ? 爲 甲 奇 辰 特,直 不 知子 0 是不 答 約 潘 還 成模樣 叔 知 昌 外 面 書 故 氣 云: 象 不 得 如

吾輩 國 平 表》議 H 講 論, 誦 聖 乃是衰 賢 何 世 爲 却 種 取 卑 此 陋之説 等 議 論

以 爲 不 標 曾 的 大段 殊 不 用 可 功, 曉 而 便 此 於 恐 討 是 論 日 前 # 變 於 處 根

著 本上 力太深,所以不 免 此 弊。 向 答 子 約

然耳。 亦 極言之,正 熹老矣,不復有意於此世 恐 赤 幟 E 立 未 品品 必 品 以 鄙 爲

> 後,亦 於 月之間,凡 直之書》云: 經,以待後之學者而 不公,使人 聖賢之域。 虚 猶 無,下 不 欲勉 復敢 憂歎 所 者 率同志之士 不謂 以 淪 聞 頃歲 此 不 者, 於 近 望於今世之人 卑 人 知 年議 無 己。 陋 浙 所 非 從 以 枉 甲辰後。 各 論 熟 爲計。 尺 講 執 蠭 士 直 己 勤 大 起 尋、 夫游 が 姑 高 見, 行 ○《答耿 而 苟 者 抱 今 不 以 合 容 數 遺 溺 趨 而

書》云:子約 偷合之論 心 所 竊 駭之。 守, 古 癸卯。 無 口 疑, ○《答潘 但 其 論 端 甚 叔

怪 ,教得學者相 率 而 舍道義之塗,以 趨 功

故 利 之域,充塞仁 不 免 極 力 陳 之。 義 率獸 以 其 食 所 人,不是 守 言之,固 小 病

過 ,若據 其 議 論 則 亦 不 得 不説 到 此 有 地

位 也。 乙巳。 ○《答黄直 卿 書》云: 婺 州 近

主 H 同 父,深一 種 議 論 可 愈 憂歎, 叮 悪 大 亦是伯恭 抵 名宗吕 有 以 氏 啟之。 而

復 辨 陸學 請 年 祠 之非 乙巳,五 夏四 月 十六歲。 ,差主管華州雲臺 春二 月, 觀 祠 秩 滿

也 焉 不 於 獨 即 日 穎 【文集】《曹 立之竟 語之所 有 「得河 能 諸 始終之致 以 往從 在也, 悟 則 子 心 致 經 長 及者 之所 又 壽 不 之,得其 則慨 南 知 寓 聞 得 蓋 有 自 程 立之墓 **今** 書以 張 則 告 深 見。 得者爲學,其説 然 氏 刻 許 敬 以 盡 又往受其學,久 書讀之,始知聖賢 厲,學古今文皆可 是乃有定論不疑。 指 夫 講于張 之,而 沙隨 後 棄其所爲者, 歸。 表》云: 講 盡 道 得 程 既 立之未 氏 湖 氏學 其 又 然 湘 遺 立之名建 聞 有 文,考其 古 敬 欲 敢 非 陸 而 而大覃 夫尋 行 往 之學 若 文字 氏 以 觀 高 見 其 自 有 兄 没 之, 爲 爲 足 得 弟 思 幼

哉! 知 之 乎。 其 事 理 朋 耳。 不 天 聞 子 表》已爲 又 미 學欲 能平, 況 墓 之功 尊 矣。 假之年以盡其 晚 澄書》云:子静寄得對語 以 口 友 癸卯。 歲 忽 趨 意 表 書 悟 續 博,不欲雜 如立之者,博 ×, 用 下 之, 以 集 今必先期于 有 由 鄙 作矣,而 **※**癸 力之 趨高 今往 爲 日  $\bigcirc$ 淺 意 則吾恐未 超 卯。 何 : 答劉 而 則 可 未 標的 如 學必貴 深,  $\bigcirc$ X ? 通 初 力 爲 , 有幸 也 晦 則 無 與 程 而 陸 守欲約 由 見 顯 悟之 伯 不雜, 《陸譜 陸 適 悟, 度 學者以爲病己, 近 斯 于知 道 而 循 書》云:《立 莫 子 也。 而 道 甚 得之者耶 間 而 下 デ 静 但 不欲 遠, 來,語 之傳 道 不以 約 · 學 遂 辰 胡子 書》云: 狼 而 據 至 則 之 而 狽 爲然,不 不 實 · 陋。」信 其 于 庶 意 則 道 有 陋 已甚 答 之墓 乎其 直 庶 棄 員 加 非 ^ 立 頗 此 書 幾 轉 使 窮

年

譜

然 見 苦 毅 不 表 陸 之 説 養 努 意 面 此 子 免 渾 少, 亦 亦 不 前 初 子 有 方直 酿 但 口 諱 恐 此 浩 極 幸 静 是 禪 此 已 嘗 恐 此 志 做 不 白 不 不 無 在 葱 書 也 底 誤 未 數 而 痛 易 于 得 得 合 怪 凝 耳 嶺 **>** 意 矣 必 日 不 得 ·學者 與 如 俱 只 也 滯 云 目 帶 閑 思 察 以 來 此 出 砭 處 以 但 見 闢 來 熹 爲 狂 近 子 乃 礴 私 録 甚 病 其 聞 又爲 0 衰 然 昨 亦 妄。 H 否 淵 欲 意 之外 軀 偏 注 口 渠 病 答 是 建 ? 别 Z 去 方 爲 憂 處 此 定 今想 渠 日 世俗 書 昌 巳 求 冬 懼 主 似 侵 亦 説 道 不 所 戲 七 説 是 元 略 相 甚 月 引 伏 得 理 到 之 滔 得 非 更 去 妙 渠 九 可 見 害 部 去 雖 滔 效 云 動 不 黑 日 年 然 于 亦 支吾 必必 事 驗 極 地 氣 講 烖 意 真 實 白 本 無 精 己 質 患 慮 雖 吾 學 即 是 話 是 樘 這 但 ~ 相 之 答 亦 在 嘗 別川 消 好 涵 眉 如 口 此 不

盡 也 任 間 喫 也 乃 且 異 兩 者 精 向 ○《答諸 欲 L',正欲· 緊 耳 家 復惘 口 者之間 以《 置 來 神 時 之長, 者 雜 著 勿 義 不 支離 所 耗 曹表 相 理 力 於 敏 論 然 如 幸 減 身率學 葛 見 今所 正當 果 處 之病 ,天下之公,而 其 之故,深 濔 9 》之故 不 誠 而 日 止 間 愚 來 尚 何 可 姑 之 論 意 甚 虚 甚 日 者 在 處 恐 復 勉 輕 書 心 比 用 則 天 反 恨 也 決 力  $\stackrel{>}{\mathbb{Z}}$ 以 有 相 平 來 H 於 Ι. 理、人 彼 ? 未 有 不 自 於 詆 深 異 氣 夫 天 得 之因激 所激 至 恐 吾 咎。 訾 子 人 欲 示 理, 百 頗 從 終 如 之所 、欲二 相 之 静 勸 就 諭 否 覺 容 所 賢 非 與 然 平 而 如 同 有 而 競 有 耳 面 者 熟 者 吾 急 見 能 不 日 來 志 未 起者 辨 力 論 ? 講 之 有 所 相 諭 者 以 人 久 合, 之端 去之 以 所 之 不 而 未 所 兼 無 未 於 内 午。 徐 能 自 學 於 疑 毫 亦 復 取 知 世 之意

又

甚

嚴

深

慰

懷

抱

祝

汀

州

見

責

之

彼

説

雖

知

其

非

而

不

免

有

私

嗜

之意

9

亦

是

被

説

得

遮

前

掩

後

未

盡

見

其

底

藴

意

敢

不

敬

承

蓋

緣

舊

日

曾

學禪宗,

故

於

之間

不

容

更

似

世

俗

遮

掩

П

護,

愛

惜

義

理

只

是大家

商

量

尋

箇

是

處

初

無

彼

此

消

融

其

隙

者

不不

知

隙

從

何

生

愚

意

講

論

?

子

静

不

至

深

諱

者

不

知

所

諱

何

事

又

云

?

也

0

丙午。

○又≪答諸

葛

誠

之

書 ※云:

所

喻

可

遽

以

片

辭

取信

因

默

不言,至今常

不

滿

禮

遜

之容

蓋

常

竊

笑

以

爲

IE.

使

真

是

仇

意

属

色忿

詞

如如

對

仇

敵

無

復

長

少之節

講

論

之

際

見

諸

賢

往

往

皆

有

V.

我

自

是

究

之,

以

歸

於是

乃

是

吾

黨之責。

而

向

來

敵

亦

何

至

此

但

觀

諸

賢

之

氣

方

盛

未

?

情

纔

有

異

同

便

生

嫌

隙

也

丙

午。

答

程

IE

思

書

S Z

.

所

論

皆

IF.

當

確

實

而

衛

道

學之弊 成, 將 覺 免墮 害 蔑 説 弱 楊、 冬因 於 可 此 反 阿 如 棄禮 遲 羞者 私 其弊,全然 ,不欲於 矣。 楊 無 乃 故 墨 決不肯舍, 又且空 意 邪 而 始 其 父 墨 不 者, 丙午。 見坑中 法 東 禍 徒 無 顯 故 免 甚 作 大耳。 但 來 正 然 君 腹 善善 中 直 西 只 知 鳴 此 爲 不曾 高 切 自 ○《答趙 截 亦 亦 其 然此 此 捺 鼓 心 容 此 但 相 與 狂 不 爲 孟子 攻之, 是 略 忍,不 所 矛 也 之説 做 妄 知 妄自 我 節 説 見天 盾 0 謂 幾 出 凶 其 既 所 事 兼愛, 冷 向 許多 道 破 尤 尊 不 狠 便 能 亦 明 耳 理 以 淡 來 書 爲 手 復 是 大 厭 極 一, 舍 生活 尝云 IE 學 詖 庶 渠 爲 繳 論 禽 T 而 申、 足 俯 以 輩 者 未 淫 幾 彿 前 獸 紛 不 盡 者, 視 後 吾 家 邪 商 心 日 近 所 競 知 也 露 聖 計 術 來 黨 遁 味 乃 辨 之 其 論 亦 而 賢 之 之 若 只 深 孤 距 自 恐 時 唯 去 至

三五

申。 卒 者。 言不 É 欲 大 子 之别 學 也 之害者 面 比 品 陸 荆 并 恃 抵 欽 尋 知 論 徒 品 子 舒 則 ○《答劉 其 常 此 必 覺 與 此 徒 書》云: 四 静 所 其 祠記》曾見之否? 以 (學於 其 陵 來 ,不待他 其爲説 盡 憂 小 書 增 所 良 而 跨 所 信, 小 \<u>\</u> 謂 耿 心 所 高 古 公度 心 文 得 子 耿 心 以 種 而 談 : 乖 地 者 今,更不 義 日 地 耳 静 輕 及 税 容 時 大論 書》云: Ι. 而 用 異 戾 人 後 爲 駕 貌 末 夫 失之。 丁未 同 分 夫者,又安在 狠 者 高 來 已 流 詞 不 爲 下 悖,將 以 論 在 得 Ħ. 久 之 氣 爲 恨 此等 兩 臨 窮 月二日 爲 妄 此 書, 弊 之間 相 截 諸 人 無 ]1] 理 而 天 矣。 有 生 欲 議 愈 去 所 近 細 況 不 理 大 謂 不 内 論 説 横 見 甚 遠 密 想 在 哉 ○《答趙 盡 此 必 聖 爲 外 但 皆學 流 於前 彼 益 愈 在 事 無 吾 深 賢 精 不 夫 肆 矣。 佳 戊 便 是 察 之 不 由 消 粗

安; 慊 不 爲 其 得 爲 説 游 黄 恣意 問 告子之病 口 至 皮,乃是真 爲 精 一於此 外 與 此 外 歎 以 、夏之徒,自 直 偏 其 微 而 不 意 而 卿 横 若公度之説 枯、 從夫 不 此 者 慊 流 以 不 書》云: 見識 而 更 慊處 續 與 蓋 矣。 爲 求 識 亦 集 如 有 子之教,唯 告子之言 故 非 淡戊 義 不 得 昏 必 何 今人 試 義 於 是 之在 即 伯 申。 知 於夫 與 昧之故 有 思之如 行,則 學 之 是 商 起 心之慊 待 聚 所 家 大 内 子 説 不合於義,故 量 講 問 雖若小 在 學問 者,然 孟子之言, 答 討 者。 去 此 學 有 何 而 辨之 遂 處 年 等 省 項 是 琴 私 其言 見 事 平 處 張 不 察 又 即 意 所得 異, 戊 切 陸 都 父書 也 是義 能 而 不 申。 又 曾 怪 ? 子 無 然 棄 後 却 首 知 盡 從 哲、牧 僻, 静 \<u>\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_</u> 人  $\bigcirc$ 其 皆 之 置 能 有 棄 以 可 心 而 管 所 指 之 義 實 而 察 見 説 與 歎 乃 其 激

欲之私 發愈 理。 所 則 見 至 氣 端之學 自 於 論 今之所 近 似之者,不可不 而 浴 貴 愈 世 理 質物欲 任 其 義 而 百 是以 此 高 於 暴。 識 以 發 譏 步 理 ,以以 存 也。 之 謂 心 爲 之 裸 Ŧi. 而 尤害 壬子。 之弊 之偏 古 十步 其 心 暴 精 裎 識 義之所 性自 壬子。 者 人 狂 心 悍 微 也  $\bigcirc$ 事。 之間 知 0 妄 者, 狂 察也 蓋 答邵 則 ○《答方賓 私 氣 益 恣 在 率 而 由 ○《答吴伯豐 將 近 深 乃 質 固 崇 其 睢 者,或未必 率 無 耳 世 推 中 叔義 一之偏 欲 爲大病 所 所不 而 也 意妄行,便 故 儒 其 此 恃 禮 見 以 愈 所 者之論 以 失。 書》云: Ŧ 此 蔽 甚 益 至 之 此 窮 見 書》云: 而 一,其 相笑, 得 卑, 偏 皆 愈高 天下 書》云 古人之學 不 外 然 亦 所 如 今 出 子 失 天下之 謂 所 又 之理 此 不 人 所 亦 不 於 慨 是 静 有 則 無 論 所 則 人 然 口 近 非 察 異 故 同

當 此 則 此 答之,所 量 程 學,却且 也 識 不 來 几 書》云: 人不知 一,徒 殊 可 者 出 必然不肯 亦 以 謂 正 不獲已 思 渠 久 此等氣 自 大率渠有文字,多即 無義 歎 然合鬧, 矣。 ,此其常態,亦不足深怪 當 乃 答子 書》云: 要自 可 説 自 知 理 歎 不 而 象 此 口 之, 暴 静 一,每爲閉匿 家 1 過 答 舉 也 無 Œ 揚 書 識 臨 當 如 然 益 止 不 如 無 恐後學不 見分明,持 得 戊 ]1] 所 時 於 爲 欲 此 人 申 渠 之 事 若 示 戒 暴 寫 如 一, 辨 者 也 耳 便 其 然 得 傳 此 不 短 又《答 而 敢 知 此 播 當 聞 其 己 守正 稍 答 爲 事 廣 亦甚省 几 西。 渠 時 其 書 加 惑 以 出 理 吾 乃 程 似 却 近 已 當 詳 耳, 示 ○≪答 甚 自 謄 正 人 不 日 少 唯 力, 耳 明 渠 所 如 思 深 恐 得 方 商 本

■「物」、《文集》卷五二《答吴伯豐書》作「情」

申 無  $\bigotimes$ 心 H. + 也 益 得 書》二 不 月。 四 己 方 必 西 0 學 深 丁未。 者 書》六。 辨 略 ~ 之云 答 知 陸 前 與 似 子 賢 酉 陸 未 正 美 立 子 月 知 言 書 静 聖 本 書 賢 旨 **>** 任 Ŧi. 道 丙 不 午。 之 爲 戊

附 陸 象 Ш 兩 書

己

受 意 某 流 好 百 鉛 心 知 語 得 當 之妙 答 止 有 出 底 只 Ш 録 説 自 他 也 這 氣 是 得 然 儒 云: 理 禀 陸 氣 只 他 向 他 天 禀 者 之 子 都 任 底 書 合 理 絶 不 雜 静之學, 做 公亦 全 云: 當 意 不 斷 好 好 在 做 恁 把 得 商 只 利 知 今 許 出 地 看 許 千 量 氣 纔 見 都 多 吾 自 見 多利欲 T 般 有 任 得 粗 不 儒 佛 然 萬 第 不 妨 意 做 惡 只 之 止 般 好 發 道 底 將 是 所 著 便 底 出 不 這 去 氣 病 全 以 是 夾 是 許 知 都 在 與 只 Ŧ 多 向 雜 胸 初 看 義 儒 把 在 自 在 中 他 不 T 異 在 做 不

是 都 守 卒 下 箇 得 説 是 怕 却 著 徒 無 静 裹 氣 是 動 見 只 其 梢 如 禀 得 父 都 地 「心」了 書 箇字, 之 恁 實 他 得 東 何 師 箇「心」, 些 無 是 只 齊 箇 萊 見 説 性 兄 不 地 這 云云,不 向 見 衮 學者, 物 得 得 夫。 衰 樣 亦不 萬 只 只 他 胡 將 葉 事 塌 箇 是 本 法 我 纔 賀 許 口口 去 道 不 看 知 似 流 來 胸 便 人 齊 孫 胡 説 多 道 起 人 理 來 都 他 其 被 是 中 出 得 恁 喊 粗 了 恁 這 恁 自 害 私 師 見 好 流 幾 暴 地 更都 陸 錯 地 底 緊 執 得 欲 事 底 出 其 又 句 底 無 處 胡 要 恁 遮了 子 物 底 不 所 害 無 日 意 大 静 説 口口 處 地 是 便 害 事 只 以 許 小 思 無 之學 胡 是 直 天理 無 事 在 更 如 若 不 多 口 小 説 在 拔 大 無 不 他 東 怕 事 識 畏 面 俊 · 全 那 無 便 學 實 著 只 知 萊 天 得 看 偉 人 便 他 管 不 有 其

蓋 陸 吁 爲 自 被 都 世 去,全不睹是,人同之則喜,異之則怒,至 會 所 然,如村 兄 天上天下, 之道 説 覆 氏 他 失 即即 不似 無 知 誤公一 1 塗其 所 識 之學只 心去,傅 得, 有見於理 如今一 今便 誤 主 臨 我 人 愚 便 使得 一,若 耳目,至 生。 誤 聾 更 是。 是父 T 公們 、是禪, 惟 向 却 無 子 涉 盲 到 這 我 葉賀 説 使公到今已老,此 大 反 大 不 淵 無 都 心 獨 得 得 有 小,其 今猶 初 便 似 水,浩無 知 飛 被陸子 孫 尊」。 口 做 失心 熾 間 我 是 之人,撞 揚 悲 處 不 猶 不 如 害甚 跳 可 兄 若 者,是甚 覺 静誤 É 有 此 復 躑 痛 津 我 不 悟 以 江 问 遮 大。 涯 墻 渺 見 見 贵 吾 教 西 護 任 少少 撞 渺 沈 得 得 儒 分 有 莫  $\pm$ 不 私 道 5 心 僴 茫 壁, 間 之 明 學 意 要 人 待 理 倀 便 我 茫 説 聖 讀 問 做 渠 是 ? 便 無 後 倀 是 父

禮 只 者 議 不 絶 下 自 己 他 見 看 衰 門 任 津,不被 是 陸 論 語云 者 不不 有 復禮」,云不是克去己 却 便 口 是甚文字? 喜 微,千變百 耳。 有 不 箇 須 耳 子静之學,自 怒 却 學得 面 グ要以 但 戒。 克 胡 如 因言此 人捉了 須 念要 一只是 據 不 處,又却 亂 小 不 得 輔 聖人 其 過 兒 怪 便 廣。 遜 數片 做做 所 欲 是 是 耳 打 不過 則 如 無 文 見 聖 克 要「言 陷 是 此 人 禮 ·不肯 劇 鮝 字 賢 或 輔 去 溺 胸 本不須 假借 駡 出 廣。 説 魚 便 可 那 説 中無 人之深 來 般,只 説 人。 者 畏 語 私利 遮 不 利 象 以 破。 道 可 蓋 可 極 欲 山 陸 聖人文字得 奈許多 説 後 此正 畏 口 斷 管 説 忿 坑 欲之類 子静説 其 某 方 生 畏 ! 要高 日 一克己: **懥之私** 學 常 過 胸 心 纔 如 禪 錢 此 者 代 得 中 販 登 木之。 世 何 復 路 别 克 所 其 切 歸 鹽 道

今都 禮 然 學 得 顛 舊 説 嘗 打 況 他 孟 聖 王 此 道 豊 棒 謂 爲 蹷 年 有 心 子 出 意 ,孔子之好 是 則 教 有 没 下 之願學孔子之念,皆當克 也 方 仁,據他 思 無 好 何 是龍又無 堯 是 此 壞 喝 要 頭 不 只 嘗 理 底 相 舜 (學禪 及 如 便了 理 T 會 有 是 念 光 之 落索 ? 後 此 這 處 禪 至 古敏 慮 中 兢 時 説 生 後 般 恁 角 只 常 今乃 時, 兢 有 説 誌 可 道 只 箇 如 來 自 不 地 求, 業 公云: 惜 何 話 箇 只這 弄 如 是 説 孔 在 以 是 業 顏子之有爲若 不 可 不 得 他 顔 子 分 聖賢之言夾 蛇 惜 答 可 肯 直 明去學他 他 子 他 周 又有足。 ? 才問 句 顔 恁 去 要 只 不 公之思 又却 已 子 是 讀 地 去 起 去矣。 若 正 多了 書 差 「克己 要如 學 如 以 纖 諱 禪 聖 子 雜 便 毫 荀 兼 爲 賢 和 此 味 静 復 看 如 T 某 與 又 修 不

告顔子 禮 恭 孟 問 見 堯之服 教 日 從 他 畫 如 如 至 不 大賓 子 此 君 人,皆從 焚 所 . 如 此 睹 執 看 暗 子 雖 以 此 看 書 是 事 天下 聖 輔 是 静 使 云「人 以「克己復 ,言堯之言 顛 不 坑 敬 須 莫 廣。 逞 賢 説 説 如 蹷 儒 民 歸 ,與人忠」,告子張以「言忠信 自 平 把 快 話 教 破 何 如 皆 仁 悔 實 金 亦 胡 ? 若 人 問 常 承 地 針 便 可 須 駡 曾 陸 使 大 禮」,告仲弓以 ,行堯之行方得 須 是 使子 是 日 以 上 度 自悔 有 荀 象 教 祭」,告樊遲 是先克 禪 . 兩 做 爲 與 此 他 得 静今 卿 Ш 頭 堯 去 其 等 道 是 箇 明 不 所 舜 前 所 「當 去 語 謂 死 李 那 猶 他 中 日 謂 己 斯 無 不 在 也 下 禪 之 見 鴛 間 出 以 ? 私 説 出 克 須 家 便 鴦 非 見 暗 斯 方得 破 來 是 是 聖 居 門 聖 自 後 繡 所 復 如 服 愛 或 出 又 牛 爲 遂

几

觀

亦

口

粗

便

識

得

他

條

索

那

貫

底

物

事

便

如

許

多

却

將

那

而

學

知

以

F

切

皆

廢

黄

嵤

其

病

痛

只

在

此

只

是

專

主

語

便

亦

不

信

更

不去

講

伯

恭

緣

不

也

又

曰

:

猖

獗

如如

劉

之,不及與之痛 禪尤分曉,此 學文」, 而 曾 本心。 處 如 忽自 又不 淳叟輩 道 這 思 見大意。 試 金 禪 看 又豈曾 是 索 箇 日 因 將 家 佛 溪 得 乃 「學而 是 : 有 講 辩 看 《楞 書 故下 學 説 看 说説甚 所 别 捉 習 明 0 金溪 問 乾 此 説 所 爲 著 嚴 思 吴必大。 快 其 時習」, 梢忿 真 却是大病 底話 義 真 兩 以 皆 × 説 箇「當 屎 處 與 E 理 行 看 贓 ^ 橛 以 胡 彼 員 欲 方 是 將 他 議 ? IF. 忿 〇人心 季 自 下 等語 覺 紛 謂 禪 行 不 賊 論 欲 謂 隨 此 又平 便 学之 之 0 起 破 有 等 乃 惜 心 其 不 書 是 得 欽 餘 知 宗 類 只某 皆 恣 都 其 . 時 妨 所 方 中 此 底 者 意 當 見 旨 告 禁 未 説 此 -之與 散 著 出 若 生知、安行 只 皆不爲内, 行 生 陸 出 也 來,反之於心 同 義 是 將 之, 而 一,便指 别 氏 或或 方謂之内? 理,行之得 我 人心 利 知之 只是 便 人 聖賢言 有 則 須是積得這許多散錢了 底是, 如 説 而 魯 爲義外。 所 與學而 行 要自渠 底

克治

者

是己私

語?

黄卓。

則

以

弟

子

也

須

鈍

時

見

未

到

得

别

人

説

出

9

9

宜

古

自

内

發。

人

性

質

有

不

見

不

日

聖

人方

見得

盡

今

句

也

不

是,纔

自

别

説

心

裹見

得

底,

方謂之内

見

得

爲

是

而

行

之,

是

亦

内

行

篤

敬」。

是

顔

子

克

己

之謂

失其

故自家纔

見

得如

此

便

向

執

也,

贵

可

須

待

自

我

心

而

所

以

指

文

義

而

求之者

之、

勉

强

而

行

之。

及其

知之、

知

之、

木

而

知之,安而

如

此

乃

是告子之説

如

遏

定,久久

更

無

意

義,

四

何人。 苦 某 得 曲 後 纔 只 學 山 條 平. 學 老 恁 只只 人 跳 穿。 索 實 説 錯 矣 來 得 地 斷 是 處 且. 以 调 破 摸 然 H 要 下 某 這 其 索 串 〈尋這 非 月 爲説 Ι. 某 之 悟 穿 聖人 無 夫 箇 學 道 處 一條 多 這 嗣 他 亦 之 喫緊 那 便 便 譬 斷 與 方 道 索 病 是 是 待 然 他 但 如 是 痛 却 T 是 前 不 相 亦 不 學 貫 不 異 説 似 肯 此 不 面 者 知 端 破 難 煞 有 教 今 稍 若 道 來 壞 見 人 肯 不 斷 陸 都 學 箇 讀 奈 又 低 然 氏 無 不 者 弱 恐 是 之 D 何 知 口

趙 调 行 拍 【文集】《 由 然 才 於 頭 聞 道 江 胡 知 甚 書》 ПU 周 此 湖 答 唤 旋之, 禍 云 間 詹 贵 X 元 損 何 謂 荆 此 善 賢 門 時 遽 殊 書 者 而 至 之 口 W 已 計 之 此 云 傷 耳 哉 志 : 聞 ! 子 而 見 癸 之慘 静 H 益 然 其 愚 其 旅 亚. 怛 者 説 櫬 H  $\sim$ 之 故 頗 大 經

爲

所

惑

若

於

吾

學

果

有

所

見

則

彼

之

之

域

也

然

在

吾

輩

須

旧

知

其

如

此

而

勿

而

人

不

口

欺

徒

以

自

欺

而

自

陷

於

不

誠

不 事 議 易 其 説 口 也 舊 11-之間 | | | | | | | 一,亦有 必 揜 論 於 求 陋 凋 此 諱 如 之 佛 之 來 落 中 而 明 尤 者 甚 此 老 喻 敝 譏 陸 招 能 自 古 可 當 艱 隱 之 謂 其 帚 認 氏 修 爲 笑。 自 但 時 諱 僭 餘 恨 之學, 者 著 其 而 口 卓 若 其 未 遮 哉 而 傷 察 身, 贵 蓋 然, 實受 宗 及 藏 只 遽 ? 之 今垂 老 不 在 見 指 能 如 自 甚 非 改 癸 拙 用 近 計 其 治 晁 本 謂 審 H. 其 老 名 之 年 與 平 自 其 文 亦 有 儔 换 學 視 而 熹 H 家 禪 得 自 元 兀 肯 姓 種 世 議 論 ^ 9 學 者 有 雖 陳 以 答 以 浮 之 論 辨 中 得 極 忠 其 欲 施 蓋 道 孫 其 港 之 有 來 力 淺 之 徒 以 肅 千 嘗 敬 聽 頗 所 司 處 近 欺 不 政 笑 傳 金 僻 甫 塗 底 異

收 讀 孫 釖 左 之端 禪學文字 拾 釘 右 膠 不 既 前 來 粘 得 矣 反 此 爲 欛 見 切 切 杲 卞 假 柄 勿 莊子 老 合 與 手 ^ 處 辨 與 所 自 張 便 乘 以 然 可 侍 也 啟 解 改 郎 其 拆 頭 書》 少 紛 破 换 挐 時 云 散 面 不

者 却 用 。」後見張公經 儒 家 語 説 向 解 文 士 字 大 夫 用 接 此 引 策 後 但 來 學 其

其 遮 所 藏 自 不 密 來 漏 難 露 以 處 純 多,故讀之者 自 託 於 儒者 見 若 近 便 年 知

刻 則 其 萬 變 爲 術 而 益 幾 精 不 可 爲 辨 説 矣。 浸 巧 然 抛 自 閃 明 者 出 没 觀 頃

亦見其徒爾自勞,而卒不足以欺人也。

辨陳學之非。

丙

辰

年 任 霸 并 俠 譜」同 用 豪 舉 且 父 謂 以 先 漢 生 文 唐 與 雄 行 書 浙 事 中 非 箴  $\equiv$ 其 自 綱 義 負 Ŧi. 利 E 常 霸 雙 之正 行 之 略

> 問 焉。 以 極 遺 力 風 開 每逢 切 歲 之。 諭 以 先 爲 生 口 口 常 生辰 父 父 有 雖 書 不 雖 辨 能 居 難 改 千 里 外, 先 未嘗 生 累 必 不 與 心 書 服

^ ^ 文集》 書》十。 書》六。 與 丙午 甲 陳 辰 同 ^ 父 書 書 **>** 0 | | | | | | | 七。 ^ 癸 書 卯 W 八 書 Z **>** 四

【附】陳同父甲辰答書、乙巳三

書

舉 不 眼 事 爲 恁 地 都 語 見信 前 含 只 司 地 不 自 録』説 道 好 糊 是 横 父之説者 被 後 是 看 鶻 某不合與 包 論 ? 突? 裹 同 世 却 便是 在 父, 世 青 不 ,二家打 裹 須 天 某 因 與 非 説 有 白 向 他 謂 今來 只只 直 人 剖 H 來 吕 截 看 是 成 説 伯 在 與 伯 得 這 説 兩 他 恭 打 一片,可 恭 邊 此 許 見 烏 裹 教 門 去 説 不 多 破 得 而 人 破 爲 贵 今 如 怪 也 却 却 無 是 天 須 何 亦 和 罪 F 雖 要 恁 有 他 П

只是 道夫。 合當 霸 信 做 只 看 何 口 做 只 不 轉 説 之略 畏 要 得 足 向 1 因言 不是,恁地 得 已多 做 道 見 理 輔 須 王 不 幾 廣。 鄭 明瑩 要 陳 猛 他 會 底 人 可 同 丽 若做 破 家家談 斷 却 事 同 得 學。 父 不説 不 得 父 葉 許 陳 要之自是 依 只 身 葉賀 在 賀 得 讀 要 他 多 百 阿 説 孫 不 是 孔 利 或 罪 斷 書 做 孫 王霸 父 苟 箇 能 孟 及 譬 問 欲 他 劫 學 便是 免 是 自 罪 膠 盜 同 Ė 不説 防 如 L 只説文中子 與不 同 保。 一行 漆 父 以 委 底 及 備 地 X 父 盆 才 命 保 到 道 防 禁 看 不 是 口 蕭何、 先 其身? 高 中。 殺 理 制 清 江 劫 備 便了。 説 生 身, 西,浙 盜 禁 他 和 氣 待 皇帝 日 李 可可 張良, 1,教做 公案 粗 也 制 也 學 閎 他 畏 這 他 祖 此 Ŧ 故 楊

> 争 兩 辯 説 : 此 江 道 西 無 頓 由 悟 得 明 永 康 事 功 若 不 極 力

蒙》成。 十三年丙午,五十七歲。春三月,《易學

啟

象數 旨 其 及焉。 子 象數, 全。 爻,又皆盡 數者,又不 文之意 年譜】六 明 本 ', 始 ,乃作《啟 蓍 次,既 故其 而 迄漢、魏 釋以 策 發 作《 康 亦 支 明孔氏之微言 × 節 篇 未 經遭秦煨燼, 破古 離 知 ^ 清 周 蒙 及 邵 目 考 流 散 法 談, 易 子傳伏 **>** 於 變 以 |今諸 爲 漫 象 四 本 1 占》 ^ 諸 讖 篇 之 而 本 義 筮 儒之失,而《易》始 緯 儒 無 自  $\approx$ 啚 爲 義《 也 之學, 因 唯《 以 所 又 然, 而 次 書 之。 先天圖 爲 催學 根 卦爻之本 **>**′</br> 易》 先 言《 未 凡 著 王 生既 原 免 掛 至 者 以 ; 弼 易》 牽 》,蓋 揲 卦 其 1 未 伊 始 推 合 本 則 筮 及 畫 不 明 111 刊 變 附 象 × 得 未 得 本 落 厥 程

年譜】先

 $\pm$ 

嘗

曰 :

海

内

學

術

之弊,

不

過

文集 於 哉 定 春 書 病 文 蓍 謂 亦 相 而 義 命爻 者 者 焉 人 ? 支,其 初 象數者,又皆牽合 值 猶 既 也 盛 學 心 者 望 類 豫 焉 矣 特 分 大 有 思 喜 合進 勢 使 既 氣 使 與 以 序 而 是豈  $\bigcirc$ 智 談 若 天 數 支 然 無 同 啟 不 **>** 慮 云 易 下 之自 迷 離 其 有 志 於 退 疑 易 聖 之 . 於 後 Ŧi. 所 爲 於 頗 散 其 ×, 人 縱 聖 所 吉 世 贊 迫 然 桂 其 輯 漫 心 心 而 横 爲 人 傅 之 M 説 舊 也 而 思 而 不 形 而 順 觀 也 悔吝 人 會 云 聞 ^ 無 假 察 智 自 於 象 逆 自 皆 原 手 所 於 慮之所 而 不 法 爲 若 本 乏 以 有 淳 焉 亦 或 能 根 此 象, 是 而 書 途 畫 以 熙 以 耳 無 著 E 者 四 幹 其 卦 決 見 太 丙 爲 其 往 得 ; 篇 嫌 Z 午 子 其 揲 出 於 其 專 近 爲 自 功 而 肇 暮 蓍 以 竊 於 涉 於 爲 幹 口 世 不 啚 也

彼 + 彖 夏 成 坤 睹 奇, 耦 設 皇 奇 復 立 判 兩 歷 陽 昊羲 几 以 四 而 加 周 次三 陰 商 變易 乾。 象。 既 卦 畢 耦 奇, 三才 耦 文 公繋爻。 陰 降 0 幹 耦 斯 日離 以 陽 巽 陰 仰 由 爲 在 乃 有 奇 而 奇 初 朗 章 升 内 居 與 用 支 觀 奇 目 占 奇 加 畫 達 次 八 陰 俯 艮 無 以 爲 而 視 時 大 奇 耦 陽 五. 外。 會 察 文, 儀 耦 奇, 各 静 居 耦 此 挂 而 而 以 指 生 重之,一貞 次 而 兑次 加 ൬ 中 民 日 交易 耦 奇 兩 卦 耦 掌。 奇 動 七。 兩 施 用 陽 畫 耦 奇 一二純 之 弗 爲 陰 陰 爲 四 既 既 而 降 奇 耦 陰 彰 象 焉 陽。 震 内 體 兩 耦 分, 陳 帝 奇 陽 耦 六 八 陽 以 베 而 交 而 베 文王 往 坎 奇 悔 奇 隨 兩 外 承 錯 耦 奇 王 畫 耦 復 此 六 而 儀 0 傳 來 卦 斯 以 耦 生 耦 斯 惟 初 加 加

微 資 教之ト 睿 利 明 傳 本 王 變 牖 女。 盡 乾 一,身蒙 乃 風 土 智 害 理 四 斯 如 吉 義 邵 大 移 維 民 不 得 離 父 昔 日 出類 是 傳義 用 統 事 南 之中。 大難。 在 爲 繫 乃 設 不 建 語 淳 坎 彌 以 超 Ŀ 此 坤 教 迷, 畫 官 子 澆 風 北 + 億 斷 古 群 彖 斯 惟 質 立 氣 安土 翼 暨 萬 以 震 程 可 辭 母 孝, 喪, 既 世 師 乎 **%** 盛 有 否 仰 年 演 東 開 質 一樂天, 末 詳 常 周 兑 民 觀 語 命 爰及 遭 震 永 民 流 作 密 守。 經 西 僞 俯 乃 臣 日 秦 著 坎 淳 淫 爲 察 ^ 則 日 生 惟 周 弗 常 艮 必 周 象 降 君 乾 始 忠 聖 於 滋 世之患 公, 燼 男 是 中 式 易 陳 及 師 坤 術 畫 非 必正 中 數 艮 六爻 及宋 鈎 巽 穆 數 開 奇 古 莫 列 0 巽 深 聰 穆 孔 離 耦 别 是 乃 僂 闡 述 聖 乃 文 世 明 位 户 而 兑

手 几 扐之奇, 其 荒 微 降 言。 書。 左 初 象 極 年 0 句 象 爲 之, 炳 飛 成 且 明 無名 庶 ×, 匪 策 取右 用者 居省 陋 潛 明 文 韋 欺 五. 筮 無 識 解 編 + 指 + 大 通  $\forall$ 千 黄 滋 象數 鑽 四 象 : 翼 既 日 間 咎。 四 乃備 掛 蓍, 載 裳 漏 仰 倚 四 毫 辭,動察 + 絶 **>** 之算。 是 之篇 之餘, 没 亦 數 掛 九 或 恭惟 右 維 身,奚測 臨 八 誤 之元 釐 策 左 蓍。 肆 是 索 用 小 左揲 變占。 或 三古 歸 日 匪 不五 惟 大 存 專 以 9 信手 指。 拘 之 大 參 差 是 袪 哉 疑 用 奚 於 衍 將 天 匪 則 學 四 義 孔 乃以 平分,置右 存亡 究? 嗟 扐 敢 謬。 指 兩 聖 九 者 乃 虚 予 理 子 是 日 地 作 右手 小子 進 是 發 安。 不 加 初 匪警 心 晚 垂 無 退 謂 扐 本 我 揮 彖 衍 後 好 既 於 左 再 ? 滋 其 數 陟 經 是 垂 而

告

惟

是之求

斯

得

其

要。

乾

健

天行

坤

理

理

定

既

實

事

來

尚

虚

用

應

始

體

經

其

用

弗

專。

~

彖

以

情

言

^

象

以

類

卦之象,

^

説

掛

詳

焉

考之

於

用

泰

愕

匪

人,

姤

喜

來

復。

稽

毁。

消息

盈

虚

, 捨

此

視

彼。

乾

占

用

九

坤

五

分

專。

皆

變

而

他

新

成

舊

見。

老

極

丽

變,少

守

其

常。

六爻皆守

變

一爻,通

+

八

變。

六爻發

揮

卦

體

口

辭

是

當

變視

其爻,兩

兼

首尾。

變及

爻,占兩

掛

體

或四

或

Ŧi.

視

彼

所

存

几

陽。

三多

爲六、老陰是

當。

一少

兩

備

數

斯

可

察。

數之

口

察,

其

辨

伊

几

五.

爲

少

一,八九九

爲

多。

一少爲

九,是

準

前

式

亦

如

之,奇

皆

四

八

0

 $\equiv$ 

變。

置

此

掛

扐

再

用

存

策。

分

掛

揲

陽之七。

孰

八少

陰?

少

兩

多

0

既

君

初

始

F.

終。

貞

悔

體

分,

爻

以

位

應。

陰

初

爻,復合

前

蓍。

四

+

有

九

如

前

之爲

易 略 情 學 席 之。 目 彼 非 陽 從 斯 象 例 相 毋 有 見 辭 事 凡陰 求 測 密 翼 讀《 因 9 、 其 臨 以 自 爲 乃 其 〈易》 斯 日 非 窮 表 我 得 止 理 慝 常 之法, 儀 而 其 意 日 於卦 曷 毋 小 則。 裹。 正 行, 變, 古 適 人 是爲 於爻, 先正 其 而 如 及 字從 謹 凡 平。 可 足 其 陽 此 其 斯 毋 如 貫 其 斯 爲 常 日 心。 踐。 必 統 之, 訓 淑 則 否 口 而 斯 類 毋 萬 肅 君 句 得 通 臧 求  $\bigcirc$ 容 寬 子 事 逆 平 其 假 端 警 以 戀 居 如

四

八

皆 之,以 俟後 謂 以 下濟 者 子美 孔。 如 來 不 世 該 人經傳 可 此 《易 作 爲 可 説 在 ,又太拘滯 本 由 以 生人 奥旨 以 如 書》云: 我 無 学中 啟蒙 易》者,於象數 爲是足 静 束 中説 今學《易》者 何 不 制 小子 動 所 之高 宏 觀 知 稽 動 有 説 綱 變 實 象 以 支離 近當作 E ○≪答 狂 常 象 閣 星 玩 待 而 數 爲 E 潔 數 一簡 古。 而 凡 占之實 一究聖 者, 虚 見 不 陳 静 聖 不 方賓 但 説 敢 精 極 存 全 必問 只 可 在 曉 象 説 小 人作《易》之本指 拱。 人 微 述 然濶 體 究 昔 此 數 用 得 王 所 1 得 而 矣。 詰 應 是 數條 程 書》云 之過 此 ,學《易》者決 已 支 惟 統 申 略 之 用 氏 數 言 離 書 斯 不審 故 謂 , 條 乎 者 ○≪答 未 以意 其 繼 推 蓋 因 執 此 啟 熹 則 不 尊 緣 周 古 本 不 竊 過 推 聖 於 自 意 然 陸 以 以 沂 紹 御

> 儀、 紛 畫 易》者,信 易》 一卦不 皆 四象之屬 略 不 ·假 須 通 纖 大 理 非 體 毫 會 虚 尤 思 矣 語 精 而 慮 也 象 計 誠 其 數 度 得 第 亦 其 皆 而 説 篇 有 所 論 用 謂 則 太 畫 知 此 極 聖人 前 外 有 兩 紛

非 乃康 此 何 自 【文集】《答袁 内《或問》「《易》大 語 希 有好處。 知諸公文集,雖 録》《啟蒙 也自有 節 夷 之説 之説。 人 緣是這道 見得 乃 ×, 機 非 孔 仲 初 康 到 各自 衍 書 間 節 底。 只 之説 理人人同得。 成 遂 大 葉賀 將 看 此 家文字 乃 來 孫 ^ 非 希 歐 考 熹 算 陽 夷 之説 之 公 得 中 看 説 集 間 如

既

失其傳

而

竈

之

術

至

於

易》,

耐

後

其

説

今《周易》次第行

詩 不 之間 其瑕 來。」狂妄僭率 開 遜 此 變化之神,陰陽消長之妙,自將瞭於 願 習聞易曉,人人皆能領略 杜撰者,此 見,多不 周 志 知 高 書 云 易》, 若 其 加 疵 明 ,以爲屋下之屋、牀上之牀哉? 以 然 也。 毋 識 忽然 求 其 緣 能 而 以爲熹之説 無 其 《啟蒙》之書所爲 可 文 曉 玩之久熟,浹洽於心, 然者矣。 半 心 通曉,未 生 驚、可喜、可笑、可 而 · 幸 夜 涵 義 不 勿鄙 有 之信 穿鑿 聲雷 象, 可 言之不 消 而 好高立 許 破 忽之,姑 也 ,萬户千門 ,則又何必 只 碎 君 據 作 盡 親 異 有 目 也 見 偶 且 今 則 而 不 伏 若 次 得 必 心 勝 天 虚 更 見 輕 第 著 有 索 其 小 目 地 心 更 其

秋 八月、《孝經刊誤》成

論語 文集》《 説 後 疑《孝 記 \* \*\frac{\times}{\times} 經 熹 引《詩 舊 見  $\approx$ 衡 非 Ш 經 胡 本文。 侍 郎

> 午 玉 信 之類,即附始 妄言之罪 及 此經之旨者,别 會。」於是 書質之沙隨 初 此。 甚 Ш 而《孝經 駭 汪 十二月 又 焉 端 乃 竊 於 也 明, 徐 》之可 事親之傳。 知 程可 自 記 而 亦 前 幸 因 爲 察 輩 以 欲 久丈,程答書 有 疑者 外 之, 掇 所 讀 爲 傳 顧 取 書 此 因 不 始 未 如冬温夏凊、昏定晨 精審 述 他 書 悟 敢 但 書 多 胡 耳。 而 此 之言 出 日 其 公之言 免 也 . 後 論 淳 於 熙 鑿 可 古 頃 大 丙 發 附 空 見 省

陳 + 福公。 应 年丁 未,五十八歲。 春 E 月, 如 莆 中

弔

八

月

賢輔,故千里赴弔,並爲文祭之。 年譜」以三紀游從,晚歲知己,且 爲 中 興

狀》。 【文集】《祭陳福 公文》。  $\wedge$ 陳 Œ 獻 公行

三月,《 小學書

未始 天 之童蒙,資其講習, 宜 出 不 時,欲其習與智長、化與 親 文集》 云爾 於傳 圃 以 勝之患 下之本,而 友之道 莫 不 灑 記 可行也。 之行,殊 掃 題 淳熙丁 皆 者 也。 應 小 亦 對 所 必 學 多 今其全書 進 不 以 使之講 未 書》云: 讀 今頗蒐 退之節 知 爲修身、齊家、 三月 庶幾 其無古今之異者, 者 往 朔 而習之於幼 有 輯 古者《 心 雖 日 往 愛親 補 以爲 成, 不 直 於風 晦 可 以 而 敬 小 菴 此 見, 治國 化之 古 無 學 長 題 書, 今 扞 稚 ×, 而 隆 萬 授 格 古 異 之 雜 平. 師 教

差主管南京鴻慶宫。略備焉。洪本。

秋 七月, 慨新 益公。 忽尤 欲俟 真?」年衰易感,不 似 年 别 小 絶云:「舊京原 譜以 批 小 延之送敕 除 〇又《書》云: 書畢 北 行 江 答劉子 望千門空引 遣 三月除, 南 聞 西 遣人宛 來, 路 新 澄 廟 乃蒙 至夏四月 提 揆 知 書》云: 昨 久 却 點 轉致懇 涕 籍 烟 日 朝 刑 泗 甚 拜 塵 廷 之 不 以 獄 雲 台 拜 鴻 檢 横 知 爲 復 公 慶敕 命。 臺 舉 事, 恩。 集 何 髪 求 將 直 日 祠 也 洪 待 滿 舊 差 新 去 官 偶 揆 秩 朝 感 得 周

以 副 某久閒 年譜】時 疾 使。 解 不 可 或 上諭 謂 許。 與 錢 監 宰 穀 司 ○《告詞》云 執 非 : 其 周 楊 必 所 萬 大 長 里 相 故 封 敕 議 有 事 除 是 宣 薦 轉 命 朱 運

外

篇

日

嘉

言

日

善行

雖

已

進

乎《

大

學》者,亦得

以

兼

補之於後,修身之事

此

篇

四

曰

立

教

日

明

倫

日

敬

身,

日

稽

古

此

書以

訓

蒙

士

一,使培

其

根

以達其支。

内

又

懼其

失

序

無

本,

而

不

能

以

有

進

也

乃

輯

辭,不允。

年

譜光

生

既

發

揮《

大學

》,以

開

悟

學者

提 念之不 古道 月某 盡 郎 而 擁 救荒 點 直 心之學,廣我好生之仁。 州 徽 H 麾, 江 據 陳居 之政 南 忘。 猷 分 IE 閣主 西 使 7,所全 不 路 江右 仁行 節 口 刑 管 獄 持平,往 南 ·活者· 詞 先 利 公事 京 物 德 1尤衆。 鴻慶宫 後 愛 0 人, 刑 哉 淳 可 惟 熙 民 用 朱熹, 依 久從 允。 + 從 志 前 四 家 其 彌 行 年 爾 食 篤 化 差 爾 好

以疾辭,不許 行狀】十四 年,除提 遂拜 命 點江 西 刑獄,待 次

本傳】十四 獄 公事 年 周周 必大 相, 除 熹 提 點 江 西

刑

行 事 ',在道 之任 五年戊申,五 文集》 文集》解 復以 再 解 辭 免 免 疾 并 江 江 + 辭 清 九 西 西 ,不允。三月 祠。 提 歲 提 刑 刑劄子》 夏 狀 春 五. **>** Œ 月 月 0 7,有旨 十八 復 趣 ^ 答 答 子 人 日 趣 對 啟 奏

**劄子》**三

六月壬申,奏事 延 和 殿

引。 荒 問 死。 第 謝 只 朽 提 閤 然 將 曰 : 教,不可不 語録』六 之權, 留 舉 門 多疾,不 煞究 方出 盡 『朱某 及對, 即在 上 劄,意言 日 通 聞 是採之公論 曰 進 9 多是羅 奏劄。 旁出 心。 荷 榜子。 月 0 這裏,待 到 E 任使令。」上 聖 理 儿 已數 閹 慰 似 又言 犯 恩 會。」 H 織 寺」, 上 勞甚 如 惡 保 有旨: 富 日 周 日 與清要 . 此 9 逆 全。 第 民 如 . Ŀ 揆 渥 何 人 者 蒙 四 令人 何 日 日 只 正 近 不 除 上 第 由 劄 . 差遣。」 自 初 . 貸 所 請 「這 Ŧi. 江 曰 諭 言 他 來 陳 七 欲 對 命 知 : ? 劄 西 科 意 多 聞 昨 H ? 箇 卿 讀 提 云 有 再 浙 罰 奏 後 事 任 對 至「 剛 刑 傷 裁 東 殿 遂 浙 却  $\Box$ 曰 正 辭 制 <u>F</u> 風 減 衰 救 東 班

Ŧi.

舉 縣 懷 是  $\exists$ 而 此 至 防 對 疎 此 臣 論 彼 其 人 馬 無 : 爲 父 遠 他子弟之罪。」 「去者未 曹 薦 人否?」上 夫走卒 亦 雖 而 爲六 才尚 私 蘇 兄 所 奸 屬 奸 高 嘗 實 不 以 無 吏 宗 僞 論 聞 以 出 所 -,莫不 院察官 敢 可 絾 罪 以 遠 白 才德之辨 此 蓋 不 於 小小 公薦 以 默 ? 其 日 而 爲 出 此 審 有 爲 人 有 謂 説 受 曹 然此 復 何 盛 對 退 奏 闕 有 還 才 然 宰 之 然 古 聖 所 曰 : 德 而 則 日 云云。 才 薦 一,問 皆 相 私 特 是, 獨 諭 得 取 之 不 過 意 託 鮮 臺 陛 謂 可 之士大夫, 累 但 以充之,雖 陛 來 贵 上 事 於 不 爲 諫 下未之知 ? 至「當、 洩 者 下 日 且 有 士 耳 爲 不 風 漏 對 如 多 以 子 悪 臣 大夫之公 然 旨 一 文書 監 矣 日 曾 言 此 弟 往 者。 司、 E 任 責 有 下 與 蒙 耳 臣 者 上 親 知 大 小 挾 夫 過 賜 況 乃 知 守 恐

邐 是 採 聞 苴 卒 肯言 太 其 箇 擢 不 而 見矣。」至日 合入之人,及 卿 盜 多 探 愁 前 此 陞 小 盡 不 然其 退之,則退之唯 自 少,須留 速,聚 賊 怨」, 人 其 去 詳 却 果 轉 刑 在 之 奏 過 來 塗 練 階 有 裏? 獄 日 失? 任 日 : 一些惡 説 轍 之 知 此 級 浩 其 當言 唯 繁去 在 不 贵 皆 人 贵 定, 末 在 爲 主 恐 上 多 知 有 可 裏?」 之治 恐其 有 賢 後 將 其 責, 囑 曰 處 宰 有 成 不 解 慮 而 刻 不 : 相 何 價 往 久 理 身亦 君 不早,去之唯 用 云 多 李 至 剥 得 0 闕 處 然, 往 之, 會 子 閎 以 Ŀ 士 祖 分? 太多, 懷 1 軍 正 然 照 近 知 則 先 卒, 官 日: 其 贵 政 卿 對 其 日 用 布 不修, 私 以 上 臣 之 江. 口 須 有 爲 之 私 恩 却 爲 今 西 仔 恐 唯 事 恩 慮 留 不 日 迤 苞 係 細 不 善 其 贵 幾 恐 口 於

行狀】十五年,促奏事,又以疾辭。不

先 許 善 遂 口 Ē 生 力 遂行。 П 心 日 今當 疾 互而 日 : 誠 : 意」 欺吾 久 處 吾生平所 又 卿 不 爲 以 清要,不復勞卿 見卿, 君乎?」及奏,上未嘗 £ 疾 是行 所 請 厭 學,只有 奉祠 也 浙東之事 聞 有 戒 者 要之於 再 州 此 以 ,, 朕 縣 勿言 四 淮 字, 罷 自 不 者。 相 稱 贵 知

德壽 甘昇 才,安能 【本傳】時 所薦 尚 在 動 曾覿 9 爲 人 熹 主 其 E 力以 有 死,王 才耳。」 爲言。 抃 熹曰:「小人 亦 上曰:「 逐 0 獨 昇 内 無 侍 乃

《奏劄》三。《奏劄》四。《奏劄》五。【文集】《戊申延和奏劄》一。《奏劄》二。

亥,詔 癸酉,除兵部 依舊 職 名 郎 江 官 西 以足 提 刑 疾 在告,請 祠 Z

恩 文集》 、除熹 兵部 辭 免 郎 江 官 西 ,熹以 提 刑 狀 未 能 即 日 特 拜 命 蒙 供 聖

> 本部 職 俟 職 餘,❸謂之『道學』。 合, 復蒙聖慈 有 吏 人,妄希孔孟 本傳 3効章。 不敢 人抱 病 即即 劾熹 侍 愈 具. 郎 翌 赴 印 收領, 申 熹不 曲 部 林 日 前 朝廷,給假 本 賜 栗 供 來, 歷聘之風 除 ·敢自 無 全護,使 嘗 嘗 職 兵 令熹交割 學術,徒 與 具公狀劄 部 辨,即 熹 而 所 郎 論《易 將 次 得 至 官 邀索高 仍 日 理。 具 竊 輒 舊 傳 子 以 程 狀 攜 熹 足 持 聞 П 是 請 頤 門 以 價,不 、張 節 長 晚 西 疾 祠 申 生 未 江 銘 丐 本 口 數 貢 載 曾 忽 西 避 部 祠 + 緒 不  $\exists$ 供 有

6

<sup>●「</sup>抃」,原作「忭」,據《宋史》卷四二九《朱熹傳》、卷四

② 「昇」,原作「昇」,據《宋史》卷四二九《朱熹傳》、卷四

頭」。「程頤張載」、《宋史》卷四二九《朱熹傳》作「張載程

供

左

補

闕

薛

叔

似

亦

奏

援

熹

乃

\$

依

舊

職

江

瘳,勉 過。」 職 周 强 其 必 一登對 僞 大言 不 可 £. 掩 日 熹 : 上 F 朕 殿 E 亦 之 : 見 日 林 其 栗 足 跛 言 疾 曳 似 未

請 職 給 供 職。 西提 時 易 既 還 授 Ė 職 \* 狀 出 改 以 意 0 刑 本 特 官 方 前 西 先 部 除 嚮 銘 恩 以 江 生 侍 兵 先 後 西 素 以 部 郎 生、欲 之 不 其 疾 合, 郎 林 命 後累 曾 在告, 官 栗 陳 至是 仍 易 乞 任 以 前 舊 以 遣 磨 祠 足 遂 數 職 他 部 官 勘 疾 疏 部 名 H 吏 丐 先 郎 無 與 抱印 蓋 又 祠 生 績 先 \$ 先 時 欺 口 吏 未 生 相 迫 生 考 慢。 改 竟 論 供 以

閣 足 在 疾 道 主 辭 辭 管 免 并 西 新 京 請 任 嵩 祠 一,有旨 Ш 磨 崇 趣 勘 福 之任 轉 宫 朝 奉 八月 郎 秋 七月 除 辭 直 轉 復 寶 官 文 以

以

故

不曾乞

磨勘者

+

有四

年

辭 職 名,皆不 允, 遂 拜 命

速 新 復 無禮 祠 用 尤 謂 之,上不悦。 播?」或對以 日 年譜】先 之任 其言. 任 任 此 甚 : 一,往 職 一,爲人 術 外臺 會 林 0 胡 事 無 日 栗 先 `,朕 詔 晉 耳 生  $\pm$ 臣 章 實者 : 生 臣 行 栗在 目 太常 亦諒 淮 子 除 古 初 且 朱熹 之寄?」 表 有 侍 辭 未 博 漏 辭 其 裹 此 謂 御 足 力疾 降 舍 士葉 曰 誠 臺 名 之道 疾 史,首 宣言章 . 出 諫 E 復 罪 不 人 適 論 學 覽 任 從 陰 當 對 何 E 論 者 之, 起 所 誅 廢 疏 疏 得 栗 奏劄 謂 請 發 正 戮 語 與 外 諭 執 臣 栗 人, 皆 廷 拗 復 無 贵 宰 可 事 知 疾 論 蓋 實 喧 執 君 口

172

Ŧi.

JL

<sup>0</sup> 迫 行 狀 》作 追

在, 原缺 據《行狀》補

職」、《行狀》作「秩」。

然變其 外 於真 疾諗 於朝 操 眷 耳 所惡 是 論 閣 於喜愠 淳,思得 思 通 ()《告詞 用 留留 主 獻 狠 行養之久矣,志 亦有 陞 乃 聞 祠 納之臣, 祈 真 管 愎 憚 ,此古之清 比 舊 出 ,所謂「天下本 職二等, 郎 補 自 **※** 云: 反 難進易退之士表 西京 先 習。 夫指 以 栗知 初 於風 曹, 用 生復 部 服 黨 無 嵩 麾 蓋 爾之學術,遠 「朕惟 刺 泉 事 化。」淳熙十五 聽 Ш 入,故 將 州 史入奏便殿,朕嘉 何 同伐異之論,乃 既 達之士 在憂時 前 崇 食優 意 進 9 勉 指 福 廉 無 而 諸 於 從 學者爲 爲 先 宫 開 事 節 去 清要之地 曾未 於素 也。 而 生 兩 之禄,身 不 來 有 用 庸 亦 時 罷 7 仕 仕 之,庶 朕 志 淵 黨 人自擾之」 一年八 除 得 廟 之策 察 復 源 最 風 堂 止 直 起 遽 爾 八月某 俗 雖 其 日 其 於 幾 知 寶 人之 更 焉。 形 讜 未 論 以 立 爲 Ŀ 文 在 幡

日,中書舍人鄭僑行詞。洪本。

辭 文集》 免 磨 辭 勘 免 轉 江 官 西 狀 提 **%** 刑 狀 ^ 辭 \* --0 免直 ^ 寶 狀 文 閣

九月,復召,辭

狀》。

計 閑退,方竊 (行狀)未踰月, 生受職名,辭 先生復入,故爲 則 其爲世觀 難 進 召命,以 笑,不但往來屑屑之譏 再召。 易退之褒,復爲彈冠結 兩罷之策 爲遷官進 時廟堂知上眷厚 上悟,復召。 職皆爲許 綬之 憚 其

冬十月, 趣入對。 以 【行狀】又促召。 封 作,嘗面 進。 事 以 聞 奏, 以 至 爲 是 十一月,復辭,遂上封 再 口 初,先生入奏事,迫 陳之説 辭, 遂 併 有 具 所 封 未 事 盡 一、乞具 於 投 事 疾 斬

奉郎直寶文閣主管西京嵩山崇福宫臣朱《文集》《戊申封事》云:十一月一日,朝

未 推 然 所 果 以 所 數 抵 矣 而 而 顧 下。 熹 而 有 對 盡 以 以 月 言 無 不 何 見 是 觸 視 而 謹 言 之 之, 堪 陛 以 徘 謂 慚 臣 口 忌 所 畫 而 未 齋 者 時 陛 諱 F 加 懼 徊 用 不 流 兩 猥 也 臣 見 沐 猶 , 1 能 前 歲 以 其 雖 無 愚 具. 口 久 蓋 非 以 以 未 以 諭 却 庸 蒙 陳 於 有 不 與 疏 者 常 嘗 爲 之 爲 來 者 9 陃 之説 聽 略 此 自 爲 懇 之 之 請 許 欲 欲 昧 施 納 受 安。 比 間 恩 蒙 扣 以 加 聽 仰 然 死 行 恩 則 者 辭 不 被 封 之 其 迫 其 窺 竊 再 未 者 不 臣 稠 9 以 避 聖 計 聖 事 於 恩 惟 爲 拜 有 而 意 疊 又 爲 臣 而 意 知 L 疾 意 策 念 感 9 所 未 陛 重 誠 獻 罪 聞 作 不 當 激 狂 知 有 思 尤 下 有 則 則 於 不 能 之 妄之言 所 加 之 言 又 寵 不 年 而 而 此 皇 自 而 己 深 出 於 前 識 欲 臣 猶 既 已 帝 知 伏 於 世 也 前 未 之 有 陳 H 厚 其 召 求 俟 固 陛 此

許 陛 所言 甚 後 下 則 必 萬 以 悉 徒 慮 於 然 乎 敢 之庭 是 懇 滿 其 其 欲 F 其 家 君 ? 難 竊 淮 獨 言 足 誤 歸 亦 臣 請 其 所 不 處 父之命 恐 則 抑 贵 爲 言 將 所 來 過 休 以 寵 而 侍 退 進 臣 其 非 是 學 以 歸 如 何 如 終 從 伏 則 猶 見 於 别 陛 獻 之 前 至 所 此 得 之列 而 巖 而 之後, 足 臣 此 有 之爲 下 用 陋 已 罪 穴 以 次 以 伏 於 亦 實 以 偶 之? 者 第 爲 再 惟 他 兩 不 有 方 死 乎 若 垂 所言 行 則 雖 下 過 聖 無 所 有 有 記 無 見 是 之, 臣 使 慈 造 不 所 求 所 未 所 ൬ 憶 其 以 終 臣 得 之 若 幸 有 全 則 安 爲 爲 憾 言 不 輒 辭 不 至 大 望 賜 者 而 飛 也 臣 臣 果 政 得 陛 大 受 可 語 其 見 欲 之 觀 萬 子 使 無 用 下 前 而 X 懇 清 志 卒 將 其 者 以 省 冒 之 口 請 知 況 請 中 聖 聞 光 願 有 所 而 堅 前 進 取 也 若 害 陛 意 千 之 m 深 臥 IIII X 而 所

之大 覺,其 其序 安全。 迫之證 也。 也。 計 善良, 疾 必 蓋 爲之湔 病 内 無 又有 不 者。 自 天下 得 爲 臣 本 故 有 廖」之語 使 如 心 竊 然天下之事 口 唱 臣 如 腸 腹 觀 臣 未 盧 雖 之大本者 與 深 甚 寒 爲 其 於起 外達 及 前 滌 輕 今 扁 今日天下之勢,如 於前 心, 於醫者 横 不 胃,以 者。 日 、華佗 日 犯 意 議 然? 其 居 之 之 殆 四四 日之不 了, 所當· 以 鋒, 奏,輒 急 臣 蓋 ,陛下之心 飲食未 放 非 則 去 之輩 固 脅持上下, 不 務 爲 病 蓋 俗 病 而 己 暇言, 此,而 言者 復 思 醫 日 根,然後 一,授以 引 深 望之而 無 至有妨 益 蹈 而 常 爲 一毛 藥 不 深, 藥 妄 人之有重 已 也。 其 且 陛 不 神 (發者 勝 覆 之 其 獨 言有未 下 而 走 可 ",然其 其衆, 瞑 丹妙 之 髪 所 巧 以 今日之 病 以 矣。 眩 轍 唑 示 能 謀 天 者 幸 病 也 下 及 受 盡 於 是 危 陰 顧 厥

感之間 變化 舜所 若 不 所 出 何也 焉。 急 天下萬事之本也。 以 也 也。 而 克己 於正 十 可 眇 得 無 務 威,各隨 以 ? É 得 由 然之身,居 故 臣 風 臣 則 復禮」之云,皆所 所 有 之輒 於 9 人 不本於人主之心者, 請 而 俗 風 天下之事 輔 視 窺 主之心正 正。 人主之心 昧 動 所 翼 惟 愛 者, 以陛下之心爲天下之大本者 死 太子、選任 神 精 向 養 蓋 而 而 速, 手所指 深宫之中 惟 民 勢 悉 不 ,千變萬化,其端無 其 力、 又有甚 此 有 ,則天下 陳 惟 不 」之戒,孔 符 E 心 其 之, 不 而 以 驗之著於外 修 大臣 能 既 賞之所 ,, 其 正 明 則 惟 焉 不 E 正 吾 此 天下 之 軍 心 陛 一、振 可 者 此 之邪 自 政 則 子 是以 事 掩。 下 勸 舉 心 所 六 之 視 而 然 之 無 者, 綱 明 此 其 刑 事 之 留 者 以 而 IF. 維 不 爲 若 觀 理 主 之 無 聽

Ti.

八

德,莫 私以 己者 焉。 問 著, 守其 心常 莫不有是 覺者不同,是以 蓋以 人欲之私 治之,則 雖 靈 调 聰 人心惟 仁,子 下 知覺,一 不 而 害 爲仁由 爲 本心之正 愚不 其 周 非 動 不 及 馬。 身之私 或 Ħ 天理之所爲 静 危 旋 危,道心 身之主 矣。 歸 能 形 生於形氣之私 而 者 而 云爲,自  $\Xi$ 中 故爲仁者,必有以 無道 故雖 吾之仁 「克己復 愈危 能 已矣,而以 欲 而 禮 精 或 而 心。 惟 也 不 執 危 由 而 1 微 則 離 禮 無 微 而 其 殆 人乎 智 禮爲仁, 然既 過不及之差矣。 人 察 者 也 惟 者天理 者 而 不 身 中 心 愈微 者雜 夫二者之間 爲有人心、道心之别者 ,或原於性命之正 哉? 不安,或 精 能 有是 每 從 無 惟 無 雖 聽 前 事 臣 於方寸之間 勝其 之節 不 人心 一,允執厥中。」夫心之虚 身,則 命 於 謹 夫仁者本 日克己復禮 以 天理之公,卒 Œ 斯 精 焉。 按 私 天 亦莫 文 微 《尚 而 欲 無 亦 也 又按《 下 是 耐 則 不 少 而 不 書 難 危 雜 不 心之全 間 復於禮 前 之 以 能 蓋 而 》舜 見 論 者 天 有 也 斷 大 無 人 所 無 不 耳 所 安 告 是 語 心之全 下 必 人 以 知 以 何 德 禹 行 而 性 欲之 則 歸 然 顏 微 所 爲 哉 使 勝 E 也 無 無 事 1 淵 則 者 道 平. 以 故 人 知

者 則 號 通 臣 之 恩私 宫 之内 外者 行,而 E 有 其 不 下之大, 皆 用力之方如 天理 之間 在人也,日 施 内 正 無 以 左右之正 憚不惡之嚴 攜 仁不可 盛 端莊 令, 外、竊威 達 以 也 ,莫先於家 僕 而 而 亂 於 色之譏 群 洞 本 無 奄 典 朝 退 勝 日 心之德復全於我 聽 然 尹 此,伏 齊 人不歸 也 常 用 克 廷, 朝 不 福 無 9 肅 矣。 之,不以 下 質 納 陪 之 疑,進 有 乞聖 后 而 人, 内 招 此 侍 吾 後 毫髮 謹 賄 魚 及 大舜、 自 權 之仁 照 左 妃 而 戴 順 爲 賂 賢退姦, 於天下 禁省 從 市 有《 難, 右 次及於 也。 私 盆 序 者。 而 孔子之言 然 寵 容 邪 之戒 則 行 關 邪 各 心 然 而 燕 私 之 外 以 請 德 其 恭 焉。 Œ 雎 無 欲 衆志 息 左 既 間 無 紊 謁 徹 機 之驗 淨 其 》之德, 全 而 則 朝 右 朝 盡 人 貴 若宫 然 職 此 臣 古 則 咸 廷 政 天 輒 敢 在 雖 戚 然 著 則 服 以 妄 理 我 此 敢 後 恃 闡 後 近 家 而 於 流 天 而

制

而

深 得 宰 官 之 賄 未 紛 是 或 民 IF. 紀 而 一之官, 有差 嘗敢 以以 居 以 以 以自 凡 有 華波動之中 無 無 綱 與夫宦 則 古先 隱 有 其 之,克之復之, 九 不 得 敢 四 是 重 其 正 飲 司之法 失 有須臾之怠,然猶恐其 以 私 不 使其 數 開 聖王 、毫髪 之失,此 食、 振 而 出 官 明 者 而 邃 於 而 不 左右 日 酒 ; 古 宮妾之政 兢兢業業,持守此 之 無 自 IE 而懍 而 列諫 组 心 漿、衣服、 無 私 侵撓 無 獨 前後, 知 所 IE. 從 而 如 纖 得肆 則 以 諍 也 然常若 治 對 而 蓋 之患 芥之隙、 0 朝 之 得 道 神 亦 雖 之地 廷 是 職 無 次 其 畢 明, 安 政 以 動 百官 以 以以 立乎宗廟之 舍、 有 也 IE. 隱 如 一人之尊 建 不 瞬息之頃 事 是 而 ; 静 器 自 微之間 心,雖 臨 領 師 理 是 所 得 心 六 用、 規 淵 於 保之 以 哉 無 數 以 軍 IE. 谷 精 財 者 冢 在 不 ? 萬 修

前 焰 私 未 以 者 見其實 遺 外, 流 不 固 此 所 最 禮 中 深切 熏 恩 有 是 覩 有 果 之功 以 風 日 間 天官冢 自微 朝 臣 以 其 灼 不 餘 窺之,則陛下 精 處。 ,伏乞聖照。 遇 嘗 巷 廷之上。 内 得 所 及古之聖 烈 乎 過當 傾 竊言 有 文字》一 至著,精粹 欲 面 ? 猶 克 而 而 動 知三 如 奏者, 占 知 可 復 久 ,往者淵、覿、説、抃之徒,勢 所 篇,乃周 此 代 者 其 以 而 時 陛 此先王之治 之效 以 人主正心誠意之學,於此考之,可 王也。 外, 然 已不勝 爲 持 ·之所 今已無 雖蒙聖 下 修 後 純 公輔導 守 則 不 試 身 乎? 世 白 其 見 以修之家者 爵 以 齊 至於 法 其 其形 心 慈委曲 賞之濫 成 是 無 家 程 籍 可言矣。 王,垂 宫 者 而 少 所 籍 而 也 左右便嬖之 省 果 瑕 而 思之,吾 以 法 矣。 正 開 貨路、 事 視 翳 臣 後 嘗 其 由 禁,臣 其影 世 竊 獨 恐 臣 有 内 左 而 用 見 其 竊 之 其 及 如 周 意

六

0

陛下 笑, 能 至 救 此 比 縱 或 喪 姦 罪 權 邪 臣 命 媚、作 都 其 家 極 人 有 事 ,供掃 之愚 無 勢於外 有罪 即 0 臣 而 置 類 城 失 罪 曲 傳 位以 侍 欽 不 折 而 於 奉 淫 從 顧 知 除 而 自 終 來 則 喙 臣 公 後 如 以 臣 之 乃 之 或 Л. 不 巧 竊 又 不 卿 之 丽 前 世 累聖 於 臣 熒 筵 可 役 F 史 知 當 以 痛 大 人曉之耶 H 稍 復 内 惑聖 蓋 之 書 爲 此 且. 論 有 臣 所 不當 心 政 用 命 之, E 此 以 曹 知 以 拱 以 況 乎 識 有 始 陛 輩 心 之 蕩 手 諭 野 個 遠 . ! 其 而 出 者 無 下 但 用 ? E 借崇 熟 史記 臣 虧 近 其 不 有 其 惟 爲 當使之 心, 且 事 以 者 視 傳 損 刑 有 才 門 在 何 如 此 者 聖 之, 聞 長 餘 立 才 適 者 事 陛 於 無 如 向 德 門 爲言 小 無 非 守 F 使 所 此 主 播 無 來 醜 言 才 庭 臣 獨 亦 門 以 於 主 以 得 者 世 不 伏 以 管 此 比 至 安 外 爲 招 ? 竊 逞 有 傳 既 見

爲宗社 此豈 言。 牾。 F 下 以 帥 納 前 所 論 異 其 此 皆 H 次 者。 深 施 此 而 爲 臣 財 不 比 古 而 耳。 争言 所愛幸之人,誠 人所 可 蒙 行 正 以 之塗 於 誠 臣 子 常 蓋 聽 於前 如 致 也 所 環 當 深 諱 不 之 近 之,及其既 所 知 納 孫 深憂,又 理 年 唯 言 臣 言 其 萬 察 列 深 甚 日 哉 冬雷秋雪, 他 根 竊 而 如 則 世之慮,忍 之 察 者 其 思之,必 厭 此 事 株 亦嘗 至 又 恐其 尹 而 道 弊 牢固,不 惟 亦以 亦不 有 或 久,則習熟見 之事 ,已嘗 不 痛 所 臣 抵 輒 不 而 見用 於 難 使 時 過 罪 懲 愚 口 而 以 陛 雖 時 之矣。 能 暗 失之萌, 可 無 士 爲 行之,天下 下聽 幸未蒙 有之,人遂不以 不 者。 故 有 面 動 後 故 所 大 自 摇 聖 聞 置 奏 所 識 待 疎 近 然 夫, 法 此 人所 言 誅 時 以 易 遠 年 此 於 也 事 退 之 而 宜 之言 斥, 爲 以 置 幸 事 於 創 無 而 常 而 陛 來 利 故 甚 伏 而 度 見 事 益 專 乃 F 爲 外 始 惟 害 今 亦 而 無 異。 未 既 日 故 陛 徒 於 至 逐 加 而 復 知 聞 諭 陳 其 見 猶 以 取 F 不 姑 有 陛 將 其 然 陛 臣 平 深 於 有 復 然 足 爲 乖

<sup>■「</sup>外國」、《文集》卷一一《戊申封事》作「夷狄」

之膏 使 後,諸 交通 屨 軍 監 小 政 榜 聞 欺 將 而 綱 類 即 猶 之累, 蓋 中 X 向 陛下,實 士者 便 帥 而 未 掇拾 握 外 者 内 亦非 者 將 其 其不 ľП. 侍,納 安 能 鄠 悉去之也。 無 重 過 差除 而 被 三兵,或 帥 明 自 悪 將 糞 顧 以 遠 罪 人敢 尅剥之事,亦是 塗 者, 帥 多 此 IE. 此 中 賂買官 爲此 乃 壤 奉 伏 之後 澤 之牙儈 在 曹 其 白 出 未嘗 亦 乞陛 外 周 軍 罪 其 被 無 此 以 至今爲之不 廬肘 得得 遂 者無 倚 旅 姦 決 人之手。 下 9 也。 臣 知 度 得 無復 配。 其指意 市 之 而 少 此 腋之間 竊 朝 今雖 幾 門 費, 留 此人内外營 何 反 於 聞 有 此 夕。 國 温 聖 之道 陛 所 寵 風 人敢言諸 以 不惟 蓋 去之, 平。 慮。 計 或 本 飽 忌 抃 以 求食 喻軍 深 下 路 其 在江 行 非 與 ,甚者採 憚 崇 既 恐 陛 而 亦 遣 此 救 中 又甚 自 得 而 未 資 將之罪 ? 未 也 下 湖 太 人,專 遂 等第 未 Ŧ 又 便。 르, Ē 偏 千里之外 巨 竭 有 抃 能 況 致 其 者 論 鎮 前 足 罪 既 怨詈 者 匿 罪 爲 薪 生 而 中 推 薦 代之 爲 逐 名 諸 人 以 靈 至 織 爲 其 外 使 以 聖 漏 又 之 揭 將

以 之臣 以 名 得 反 自 右 之是非 罪 此 謗 有 下 陰 急,不知陛 巧爲名 大未能 何爲 議 寵 "**,** 而 封 通 奉 既 讟 H 家 乎 曜之,以 一,外交將帥 殖,而 其 毫愛戴 燕 厭 幸陛 不 悖 爲 足矣, 其 也 色, 私 制置之得失,給諫 . 得 及古之聖王 以 逆 哉? 私 外 之費 行 絶 復 頭 此 1 下 陛 之稱 是爲我之私 有 而 然 貨 會 何 理 而 下之心哉 據 ,共爲 賂 所 不 以 箕 所問 受 後 觀 至 也 己分之所獨 於近習 倚 得 斂 嫁 時 其 有 也。 仗? 則 以通 又明 9 士卒 以 欺 獻 不 故 陰 陛 薄 蔽 ? 可 自 奪 人,至 下 則 矣。 乎 怨 不 出 少 以 是 聞 取 兀 以 所 而 得 其 後 怒 人 圖 皆 者 夫 號 其 陛 有 至於此 、禁闥 以 之 且 論 日 鄉 使 進用 爲 而 糧 爲 下不 毒 私 正 雖 其 宰 將 而 賜 羨 自 之 其 除 腹 於 相 有 不 知 帥 餘 得 贵 左 授 其 彼 以 者 鄉 則 得 心 緩 不 陛

惜 天 乃 以 寸之地,正大光明,直 用 家人近習之故 不 或 而 上 極 洞 見之。」臣 下 通矣 不 爲 也 外外 私 念之邪,而 地 通 而 不公之處,其 開 之所 自 言 哉 萬 能 皇天之所子,全付 乎 納 重 事 又 天 諸 充其大, 則不 則 羨餘之獻 竊 載 下。 侯 之弊,莫不 何 謂 臣 顧 以 莫 而 竊 太 謂 能 以 至 祖 聞 至 言, 侍 非 鄉 而 無 私 太祖 與 而 於 皇 所 臣 於天子 堯 自爲 則 前 爲 帝 己分之所 私 爲哉? 日 有 至 以 皇帝 舜之心如合符節 不 : 由 費 私 以 私 於 山此 爲文字 與 至 割 所 改 此 心; 有 於 於 我 而 如 營大内 裂 覆 或 則 而 我 私 今 是 有 不 者 言 有 出 以 際 爲 心, 以 以 得 使 人 語 内 私 亦 是 狹 既成 天 私 之學 少 其 不 而 以 不 財 損 不 之 有 小之,使 此 豊 以 能 能 無 無 經 而 通 邪 躬 細 所 其 而 不 有 陛 費 私 外 乎 IE. 勝 曲 不 所以 矣。 其 御 覆 得 其 之 其 之 私 F 口 其 方 TF.

國,然 所立 姦 全。 之九 時,昭 皇祖 之小,而 爲之深謀 宜 不宜 君 伏乞聖 肇 務之要,而 理 之勢,合則彊 造 回 不不 付 日 之訓 品 者常不足以 又且 有司 異 ,使内之所 照。 夏, 則 規 宜 烈父子 「宫中 同。 爲 於其 而 偏 是 取 若 法 内 前 垂 暗 將 中 私 論 則 若 以 小 裕 府 以 其 分 中又以 合 原 無 以 其 有 人 時 使 心 中 出 疆 策 园 乎先王之法 勝乎 梁、 刑 作 則 勢 而 克 也 者 以 品 内 不 俱 賞 IE. 姦 弱 之 外 一之蜀 益 興 日 公私自分,彼此 過 外 伏 前 私 爲 犯 利 君 漢 惟 有 之半 如 以 異 遠 科 故諸葛亮之告其 陛 子, 害言之,則天 則 室。 ; 抗 以 此 近 法 昭 體 F 莫 是 賊 及 遠 陛 廢 矣。 也 陟 衡 敢 口 圖吴、 稽 此 乎 以 爲 引。」當 不一 法令 下 謂 天下十分 前 外, 亮 罰 兩 忠 聖, 平 夫 深 於 忠 國者 善者 臧 是 魏 明之 公之 而 而 如 以 知 正 智 近 保 之 之 下 矣 蜀 兩 時 以

之萌

則

臣

臣

竊

下

輔

日

往

昨來面奏劄子,内 相之 民愁兵怨,國 雖勞於 則今日之事, 可不汲汲皇皇而 則 雖勤 之所 月 義 不得立 寒心,不知 夾 相 不 世 必 攻,而 職不修, 來,養成 理言之既 攻 得 謹 於立 謂 外 而 而 水水賢, 用 察之,此爲天理耶 有 天下大本, 不 其 而 政 一節 而 鄰 置, 陛 内之私者常 所 禍 紀 勢 敵 云 如 如 所 而 而 下 行 本, 之虞, 綱 日 爲 彼 不 \_\_\_ 用 者 「伏 何 求 卑 壞 國家者 有 蚤 而 皆 者 有 以 願 惟 有 以利害言之又 於 貽 所 Œ 善其 呵 所 皆 内 陛下自今以往 以 在 上 臣 臣 日 妨 爲人欲 燕 勝 礙 私 庸 有 陛 Œ 之謀 乎此, 亦已危矣。 陰 ,外之公者 荷 乎 後 猝 繆 風 之哉 一恐陛 下之一 有不 Ħ. 也? 此 邪之寇, 郭? 俗 憸 之政。 未遠 壞 下之 巧 則 則 果天 心 於 賢 如 然 善 之 臣 宜 其 論 調 F 則 理

政

必

此

夫

以

H

夜

心

必

又自

常

負

子之説 間,用 敬以 傳》者詳矣。 微發其端, 久,元本不存 其不速,去之惟 而去之,則去之惟恐其不果,而不當憂其果之甚 則行之惟恐其不力,而不當憂其力之過也, 而天下之事,將 而不當憂其爲黨 也,則 聖心洞然,中 爲賢而用之,則 護 之本,其輔 不待臣言 克之,而不使其少有凝 人處 觀之,豈 東宮者,何 敬 則 事之際,無不 以 擴 再 臣 而 之,而 外 恐 惟 而 也 此具奏,伏乞聖照。 非 前 任之惟恐其不專,聚之惟恐其 陛 翼 未 融 其 陛 喻 不盡 其 徹, 日 下 知其 所 下 之不可不謹,見於《保 敢 不 之所 所 無 以 使 疎 以 聖學 索言之也。夫太子 然臣 前 八爲不 其 是 謂 略 自 滯 爲, 裁之。 毫之私 不當憂 少 之甚也? 數世之仁者,蓋 治者 肖而退之,則退之惟 有 高 嘗竊 無 推 壅 明, 不 而 欲 其 知 閼 如 至於言 猶 怪 至 得 其 有 洞 志 八爲是 果 一於輔 未 以介乎 偏 陛 矣。」今恐 貫 人 也 免 下 語 由 知 今古, 欲 ൬ 其 動 也 於 所以 翼 其 不 前 行 如 也 爲 作之 則 天 間 傅 太 此 疎 所 以 恐 H 非 知

之制 習於邪 間 導,然人心 聞 邪 略 庶子領之,其選甚 府 東宫之官, 之於微 而 必 太 遊 自 選端 燕 所謂 佞儇 又 子睿性 其 王 兩 而 因 使 十朋 者 有 雖 春坊 能 是 之逐 則 薄 不 又 箴 方 不 講 稱 亦 正 夙 邪 規之效。 可 闆 難保,氣習易汙,習於正 不過 陳 以 待 讀 實 師 其 去 成, 此 直 考, 職 是 冗 良 擬 傅、 其 邪 道 聞 古之聖王 閲 庸 者 翰 爲 使 天 有 且 賓 亦 之後 術 當 重。 理 妄之輩 蓋 子 過 臣 以 客 姑 至 久熟, 不使 博 然 之三省, 宦 而 唐 已鮮 既 於 以 今則 聞 而 者 後 宫 之《六典》 從 應 職 見惡 教世 之 不 規 數 或得 雖 寮之選 矣。 文 容 師 輔 士 之 也。 輩 若 朝 備 故 導 傅、 行 子 與 慮 無 \*參錯 而 而 蓋 者 數 之居 夕、 以 耶 賓 待 而 號 已 V 論之。 詹 則正 所 ? 陪 客 常 於 於 時 而 爲 處 事 謹 皇 侍 未 輔 其 使 得 夫

者 之比 皇孫 咨 事 傅、賓客之官,使與 以 耶 王 通 使臣,而 論 狎、奇衺 春 春 不 今日之官屬尤不備, 議 亦 發 ? 府 焉 坊 前 坊 復 其 代 使 以 則 有 遂 置 言之人,一令之 則 德 夫立太子 又置 宜 典 所 隆 直 臣 司 性 雜 使詹事、 其保養之具,尤不可 而 訓 稍 故,東宫除今已 未之思 得 以 師 未 進之害,此 詹 放 贊善大夫,擬 導,置長 侍 親 使 定, 事 左右 臣 友、尊德 六 而 耶 庶子各復其 聞 掌 庶 、典》親 不 ? 朝 之, 見 子 責任 史、司 置 則 己 夕 出 未 有 謂 樂 師 何 無 遊 非 王之制 廣 名 置 諫 宜 尤不專,豈任 必 其 義 以 傅、賓客 處; 細 馬 官 官 深 無 由 職 又 防 之 輕 以 事 以 實 以 外 詔 罷 非 於 其 心; 不 矣。 且 總 置 箴 大臣 此 宫 别 嚴 皇 戲 褻 去 其 賓 闕 置 太 中 獨 之 春 慢 至 則 而 左 之 討 事 子 於 甚 後 右 坊 師 媒 使 無 而

聖意

間。

免有

而

無

也。

此

務

乎

列

慕

下

古

容

妙

職

則

備矣。 今皇太子育德春宫幾二十年,其於天下之事,蓋 見聖慮之深,將使皇太子以時習知國 臣 之 啟 陛下心傳之妙, 而 明 選耆德, 之要,陛 於此 然臣 可 故 所 不 悉以告之。 前 未 迪 熟矣 係 臣 以 其 所謂 累, 能 陛 竊 也。 而已,伏乞聖照。 之愚見 垂 職 論 獨 下 及,愧 凡古先聖王正 則 輔養之未至者 一於永 掌 下之所服 不 恐 臣 又當 雖習於其 勞於求賢,而賢 ,則以 Ī. 以以 伏 雜 見 心修德之學未至 則 久 他 悔 以 爲使之習事,不若勉其 比 責 聖子 材, 而 事 者 而 而 時召之,使侍 功 至於選 行 聖詔,令皇太子參決 無 非 宗社之安,統業 未 而 效 皆 而 神孫皆將 或不 窮矣。 能 有 心 則 置 已 他 免 一有效 能 前 修身 正 人不得 任 也 其 者 家政 員 自 大 於物 但 此 官 決 平平 欲 臣 燕遊 事之得 今日 於 有 傾 屬 陛 欲 不 修 與 用者 之説 取 之私 不待 德 F 以 倒 其 治 己 爲 庶 舍之 更 務 急 之 得 從 羅 略 兼 勉 習 天 留 未 況 失 輔 陛 外 書 間 有 蓋 IE 任 知

於其中 先排 容鄙 得 熟、平日 害吾之人 嬖之流,不 未能 如 者 下 Ė 未 所 也哉 之人以爲 E 天 之英 妨 下 秦 出 擯 逆 夫之竊位者, 發 未嘗 知 得 者 此 ? 之事 檜 其 不敢 而 撤 明 其 等, 其至庸 端 晚年之執 其所以 有 然後 而 其 能 其 剛 決 輔 矣。 直言 真之度 不 物 必 如 私 盡 斷 非 相 ·得肆。 汲 色先定; 舉 邪 得 由 天下之第 極 夫 常常 略 正 非 則 黑音 之 而 剛 於 以 陋、 政、 不 色 外 恐其 有 魏 不 加 蔽 明 法 陛下 世出 之人 是以 他 得 決 度。 之於位 公正之人而 臺 而 徵 姓名未 有 而 如 也 可 後 諫 之 之聰 燕 選掄之際, 以 此之人, 而 , 直 以 一 保其 若 流 而 取 者 比 私之 揣 妨 用 所 矣。 凡 明 而 顯 摩 吾之事 是 顧 不 取 剛 疲 用之。 好, 之, 念之 至 以 懦 明 故 贵 而 以 而 後 自 反 於 常 公 便 以 除 又 中 軟 反 不 可

居 悟 宸 蔽 主 極 主 以 發 常 其 爲 不 尤 得 碌 諫 天下之賢 碌 爲 者 侍 而 從 登 而 材 用 其 而 之, 選 屬 已 則 任 如 亦 之 此 也 無 怪 其 然 乎 後 陛 方 又

於 之之初,亦 已,夫豈 此 哉 知 陛 其 日 下 姑 所 試 以 欲 反 害 其 是 夫 無 心 天 所 以 下之公者 害於吾 求 之, 之 則 乃 私 庶 幾 至 用 而

之政

门以

自

蔽

其

聰

明

自

壞

其

綱

紀,

而

使

福

自

亦

何

賴

於

此

輩

而

乃

與

之共天

下

13

其

勢之不

得

已

者。

陛

下

尊

其

姦

也

故

專

取

此

流

以

塞

賢

路

彼

以

人

臣

竊

或

柄

而

畏

忠

言

之

畏 乎 得之矣。 不求其 能適吾意 蓋 不 求 ,而求其 其 可 喜 能 而 輔 求 吾 其 德 口

不 憂其 自 任 之 不 重 而常 恐吾 所以任 之

爲 者之未 宗 社 生 重 靈 不 萬 世 爲 無 燕 窮 私 之計 近 習 陛 時 下 之計 誠 以 此 而

不 取 信也。 此 此 任之, 今日急務之二 而 猶 日 不 也。 得 其 至 於 振 則 肅 臣

夫 政 紀 以 前 綱、 陛 變 善 下 化 政 維之振、風 之 風 卒 心 俗 不 之説 憂 得 文 勤 者 願 則 治 臣 亦 前 不 E 所 爲 發 謂 不 其 勤 至,豈 端 於 立

亂

陛

下

之

朝

廷

耳

其

尤

甚

者

乃至

+

有

緇

待

智者

而

知

其

必

不

能

也

0

下

此

', 則

惟

有

作

姦

欺

植

黨

與

納納

貨

賂

以

濁

而

求

其有

以

輔

聖

德

修

朝

政

前

振

紀

文

書

以

求不

失其

窠

坐資

級

如

吏卒

之

爲

雖

名

爲

大臣

而

其

實

不

過

供

給

唯

諾

奉

者

亦

輕

夫

以至庸之材,

當至

輕之任

則

不

得

而

重

任

之不

重

,則彼之所

以

自

任

;

故

其

選

之

不

得

而

精

選

之不

精

故

任

之

天

下受其

弊

哉

夫

其

所

以

取

之

者

如

此

餘

年

而

後

敗

露

以

去

然

其

列

布

於

後

希

次

補

者

,又已不過此等人矣。

蓋

自

其

不

欲

夫

綱

俗之美哉

?

但

以

六六

擇

下

言 公之道 法。 言 之事 其間 然,而 鞫 頃 諸 深 諸 内 趣 心 者 人。 割 然後 忠 治 外 卑 年 則 矣。 泞 間 者 是 未 方 私 遂 則 邪 不 以 愛,而 伯 ,不正之人,顧 有 竟 今宫省之間 未 而 與 其 疾惡之 思 亦 雜 廉 紀 連 及 陛 以 能 所 有 因 進 而 恥 帥 下目 綱 其 齊 去 祠 以 付 是 以 己 廢 嘗 不 作 乎 其 諸 意 刑 熏 禄 而 振 有 壞 能 外 姦 見 賞 私 蒸 不 有 外 不 禁密 厲 與 而 無 耳 犯 邪 廷 深 銷 不 以 顧 欲 無 矯 乃 郡 理 聞 所 之議 法 之 贓 鑠 分 猶 之己 革 深 其 得 爲 之 撓 蔽 之 污不 3 以 則 究 之 害 無 自 使 以 命 敗 地 士 爲 切 陛 也 非 前 是 陛 論 窟 陳 E 夫 法 及 事 之。 後 不 而 下 穴 以 有 下 以 而 之 聞 臺 所 理 又 公 盤 朝 至 蓋 有 好 可 不 天 間 者 於 臣 之 且 未 善 以 以 司 不 據 下 明 廷 口 矣, 施 能 之 當 其 有 如 志 之 勝 TF. 於 不 非 於

皆 使 之 恩 直 罷 挾 古 也 相 知 且. 既 不 庇 爲 所 間 免 有 欲 私 有 其 以 悟 鄉 降 藏 則 而 ; 所 輕 敗 爲 遂 黨 官 又 其 署 拱 以 顔 不 曲 兩 監 如 雖 我 侮 壞 欺 在 以 作 不 皆 誣 情 加 復 而 者 之私 司 朝 廷 或 綱 欺 過 言 保 郡 稔 與 則 實 畏 之人 臣 廷之心 意 使 紀 如 陛 守 全 祠 熟 兩 以 陛 争 此 而 酒 下 則 必 無 使 解 而 陛 議 下 以 則 則 宰 亦 以 彼 則 所 中 然 散 使 女 下 之 配 淩 不 其 相 未 爲 問 亦 又 外 之 臣 其 亦 享 法 問 郡 勢 贓 至 植 欲 不 人 去 聞 竊 不 事 令, 而 守 其 其 之吏 不 黨 甚 情 遂 復 ·之問 之, 意 0 , 并 曲 間 害 得 誉 彼 各 逮 則 臺 亦 陛 此 去之; 直 腹 私 之 邪 於 不 有 捕 諫 不 亦 下 則 雖 也 非 少 私 所 事 IE. 付 非 皆 問 非 懷 宰 孤 而 容之。 巷 曲 私 獄 監 鼓 君 其 負 其 細 其 兩 全 相 而 直 皆 舞 有 任 司 故 私 曲 不 我 然 曲 名

下,而 之言 擾 非 用 問 以 然 選 論 必 奪 超 蜀 守 及 意 初 於前 曲 心 之 遷 更民 究 進 自 竊 直 也 似 而 所 爲 權 用 析 聞 小 有 其 只 無 遭 能 日 而 假 不 感 聖 御 來 官 、據平 施 待之如 借 其 論 御 所 與 建 飛 意 也 臣 史言 之多 臣 擢 自 於 以 史有 職 所 及 訶 之 語 明 伏 蓋 謂 此 餘 寡 言 爲 名 見 古之欲 及 竊 百 而 則 如 厚薄 事 則 近 臺 言 者 事 事 Ш 有 此 畿 所 而 年 是 體 多多 從 武 疑 處 諫 陵 言 然後 惟 漕 聞 善 爲 則 置 亦 焉 則 究 務 臣 臣 諸 平者 則 有 者常不 不 無 雖 方得 含 具 年 则 罪 乃 臣 若 È 沂 使, 實 容 得 於 張 几 量 必必 行 除 名 析 推 曲 惡 均 其 得 易 近 醫 年 其 曲 加 遣 歲 補 稱其 平。 平。 東 則言 習 伸 本 則 直 無 賣 象 遷 間 絀 卿 畿 是 而 便 物之大 所 則 而 若 此 辟 稱 事 削 非 列 之 惡 或 誠 臣 斥 趨 不 遠 至 不 物 闕 問問 賞 者 古 堯 兩 者 反 平. 而 而 爲 和 至 帥 極 小 己 信 反 其 舜 無 施 實 得 晏 繼 煩 郡 其 是 高 妄 之 所 9 儿 承 劉

之 下 爲 不 不 然則今日 撓 議 連 意。 妄。 不 叮 可 順 而 治 而 爲 謹 不 牧 既 耶 天休命 免 如 公 儹 聞 請 蓋 懼 謹 或 如 從 是 使之有以 議 何 舉 以 其 補 計 執其 以 其 臣 班 爲 元 此 言 ? Œ 罪 天之爲 而 爲 身 前 之中 者 凱 緇 爲 是博 柄 欲 以 害 從 其 平, 也 患 紀 口 必 望 所 耐 補 裨 之, 臣 13 求 桀 之 聖 道 放 是 不 不 陳 賢 務 助 聞 蓋 聖聽 賢 敢 慈 共 乃 黠 日 既 振 反 有 其 臺 者 古 善 陰 能 密 以 所 否 兜, 禍 福 久 於 求 先 者, 者 置 爲 賜 諫 奉承 福之所 以 善 者 聖 尤 天理 讒 此 矣。 而 諸 上 宣 爲 之列 而 Ŧ. 亦 又《易 乃 慝 雜 問 宰 之哉? 大 顧 禍 身 之本 不 是 敷 不及。 公 位 淫 不 敢 相 而 亦 至 求 肆 以 陛 之 敢 平 而 义 》象 一然,惡 畏 造 浙 隨 時 哲 有 劫 以 也 伏 F 以 風 亟 所 然則 飛 其 中 人 持 終 群 惟 賞罰之 爲 有 視 俗 聞 者 而 故 爲 語 陛 遂 俾 X 歲 逐 爲 遏 頹 以 此 於 此 X 雖 下 尤 其 輔 焰 人君 惡 隊 絾 欲 深 權 人 陛 7 堯 弊 綱 振 姦 後 甚 揚 趣 默 之邪 留 寄 謀 於 嗣 肅 紀 横 排 反 操 聖 之 之

後 學術者,排擯詆 排 直 券 及 E 義 子 則 必 其 是 大 下之賢 少 六守道 間 惑 指 名節 ·, 兄 爲 得 忤 率 私 非 君子,亦不 通 一習爲 聖 詩 其 里之間 近 意 而 不辨 勉 爲 之可 習 意 嗚 人君子, 聰 文 之 後 其弟 循理 道 所 呼 下 른 軟美之態、依 惟得 宰 曲 貴。 在 學」之人, 相 之 免習 直 鼓 9 之 甚 復 之求 辱 數 御 爲 此 可 則千 流 士 其 用 者 岢. 如 年 啗 得 下 俗 於 出 必 俗 此 以 崇、 治世之事 來 則 計 亦 其 塗 使 乎 無 已成 而 術 金 啗 阿之言, 不 ,下之事 蓋 説。 萬 宣 無 以 其 復 珠 加 宰相 敢 轍 自 之 此 而 所 之後, 間 廉 爲 以 稍 間 朝 容 不 恥 , 矯 脯 經 近 咈 字 廷 則 有 復 措 E 所 而 而 激 誉 醢 其 群 之 父詔 習 尚 禁 則 其 謂 到 知 固 以 之 計 情 上 毅 復 身 譏 錮 雖 有 以 不 不 元 口 較 忍 祐 以 衆 賢 忠 惟 分 天 其 契 而 IE 通 敢

平 言 也 外 汲 時 爲 必 必 本 寵 重 E 難 爲 節 言之哉 之。 爵 無 知 識 陛 以 死 日 死 而 也 自 風 誠若無 禄 後 求之者,蓋 無 生 者 下 所 惟 能 義 俗 然 是以 之士 用 盡 之 嘗 其 夫 日 事 1 輕 不 美 則 當 忠 伏 憂 謂 平. 之 所 於 名義之人, 至 其 又 而 綱 節 節 H 有 時 用 今 亦 其 真 專 下,足以 而 在 紀 自 變, 死 者 則 日 以 取 何 甚 有 **W**. 臣 得 日 恃 義之士 其 如 ,然古之人 天 故 者, 所 伏 世 有 壞 而 安 下 在 此之人, 用 種 節 以 而 必 以 用 寧 逆 乃 風 平. 幸 ? 爲 能 知 無 預 死 之, 當 折 敢 世 俗 無 便 蓄 其 道 義 輕 不 姦 誦 變 日 必 則 此 謂 理 此 之 君 平 必 務 萌 爵 臨 言 言 故 偷 能 君 非 矯 此 人 事 居 所 禄 患 無學 於衆, 不 等 潛 非 心 激 以 陛 雖有 以 無 難 9 播 詭 正 常之 擬 消 下 非 臨 必 事 而 而 識 隨 材 於 尊 禍 患 能 汲 伏 以

憂於或者之言 鑒不遠,在 著其 遠、 冥之中, 慮 不 貴 所用之人 討 敢託 又 目 也 深 心 然後 能 深遠,決 杲卿 賊 戚、近幸之臣, 何 之人 疾 沮 忠義之節。 銷 聖 陛 首 至 天 卒至 前 之流 患 而 訓 也。 也 F 下 夏 真 日 於 9 而 視 忠 然 后之世 爲 交 以 於 擯 不 未 日 雖 使 此 臣 則 不 臂 蓋 伏 殺 棄留 敢 萌 發 明 以天 以 遠 義 風 至 降 其 節 身 以 皆 於 皇早 臣 方下 俗 有 士之氣 姦 叛 落之人, 死 識 此 湛 巡 意 知 已 寶之亂 爲 此 者之慮 義 識 等 得 族 陛 而 頓 而 慮 邑、 如 議 者 之 早 其 下 之 顙 巡 而 無 何 論 見 聖 則 爲 舉 等 所 所 不 賊 觀 始 得 人 言 以 内 積 者 爲 即 可 也。 修, 未 明 今 口 · 帑歲 目 以簿書勾考其在亡, 催理 其 民 克 日 相 軍 不 宰相一 將 誠甘且美矣。 號 生 有 是 今經費 也 力之未裕 政 急 反 以 爲 於 而 者 數說 之説 名 入不知 求諸 務之三、 備 不得以 歲 盡 私 宰 無 撥 他 終 取 心 相 者 實, 身, 還 已自 則 日 羨

板

曹

歲

人

窠

名

之

必

可

指

擬

而

推言之。

臣

聞

虞允

文

悔

如

巡、

主

識

其

面

而

用

之,

豈

庭,而

起

兵

之,其

將

相

之未克,

而

近

習

得

以

謀

帥

臺

諫

失

職

也

軍

政

之

未

民

力

之未

裕,

生於

私

心

四

也

至

於

愛養民

力、

而

呕

有

以

變革

之

耶

此

,臣皆已

極

陳

於前矣,

今

復

不

幸

而

口

同

患

難

不

及

平

Ħ

禍

伏

於

冥

害

至

於

足

以

幾

何

而

認

爲

私

贮,

典

以

私

然

自

是

以

來

十餘

用

兵

進

取

不

時

之

須

而

板

不

失

歲

人

之

數

聽

板

曹。

其爲

説

日

内

帑

積

累

掛

欠,

空

載

簿

不

餘

之

數

而

輸

之

内

帑

顧

、

大

貢

均

節

其

出

人,板

曹

其

日

銷

月耗

以

然

每

念

小

人

亦

未

嘗

不

痛

爲

過

計

之

憂

學高

明

識

以

深

哉

商

?

用

於

明

皇,

七

0

舊法 帛、 昨 惠 補 口 急,監 之言 其 重 留 民 復 比 以 H 燕 即 自 及 助 困 問 奉 心 + 峻 較 能 私 科罰、 間 曾 行 凡 貧 之本 民 之費 Ŀ 監 哉 其 里, 分登足爲 用 懷 住 以 民 司 州 用 事 者 催 司 此 政 此 君 縣 明 至 事 板 月 少 爲 錢 者 催 教 民 始 惟 諭 郡 廢 徒 拖 曹 理 兩 椿 而 賢 設 以 欠,亦 務 守 去 蓋 除 亦 使 足, 官 州 之屬 税 易敵 限 施 此 物 催 置 祖 板 不 郡 殿最之法, 公 外 法 己 於 之得 不 ; 督 宗 得 曹 知 私 問 及 尚 無名之賦 以 盡 是 人之首 遷 郡 俱 以 財 經 九 其 刷 延 便, 爲 未論 中 失, 分 守 由 賦 來 費 州 幾 以 是 以 外 未 縣 明 此 闕 待 破 何 而 £ 州 此 舊欠 0 足,則 誠 蠲 以 也 諭 承 分 乏 矣 縣 不 謂 民 放 如 得 風 如 屬 誘脅之, 良 日 刊 之 以 以 力之所 太 其 臣伏 而 之令 和 邑 法 甚 恩 爲隱 破 又 其 競 贏 祖 曷 買、 自 見 分 餘 造 能 不 爲 典 而 督 皇 朝 嘗 漏 祖 以 也 廷 折 以 苛 不 必 剥 爲 必 趣 聞 帝 悉 諸 相

情 未 不 又 歸 不 而 而 所 F 亦 章,見其所論「小 猶 此 行 有 小 無 口 爲 進 其 拘 難 見 於 遭 得 惟 之 用 不可 身 留 得之理,若不 如之何」者,其言 催 其 法 人,而 快 厚 之 品 斥 聖 遂 益 處。 之 宰 逐 薄 意 , 己 於是民 況 取 ~ 亟 銓 有 相 也 意之愛 今政 ; 宰 其賢者或 而 其 發德 相 法 所 示 未 間 人之使爲 蚤 煩 反 雖 用 本未正 而 税 善 至 賦 能 音 一救,必 有 丁寧 物 生 之臺 密 者 於 僧。 重 擇 以 靈受害 害 毫分銖 民卒 監 幸 痛 或 反 中 爲 而 也 切,未 諫 · 天下。 家 深 然 是 則 司 縣 以 外 流亡 蓝 冤 害。 兩 太 以 其 舉 雖 **\$** 大 不 又 痛 嘗 害 盡 本 未 監 多 職 能 其 或 吏 所 臣 H 嘗 不 並 要登 深。 謂 舉 IE. 嘗 業、 每 司 次 爲寒心。 公 至 即 而 財 而 讀 定。 此 擇 行 雖 者 得 則 夫 郡 事 令大 忤 則 惟 有 糾 財 又 曾 權 守 臣 此 臺 軍 陛 學 狥 善 失 惟 劾 將 懷以 > 卒 多 民 政 恐 等 則 諫 私 F 不 陛 無

■「敵」、《文集》卷一一《戊申封事》作「胡」。

七二

之實 得 1 陛 師 乖 也 户 錢,已若 爲 任 中 F 也,必 之 有 自 以 律 刺 耳 公薦 下 下 將 結 不 幽 之貴將。 使自 之爲 於陛 狀 者 爲 首 夫將 深 但 帥 如 修 先培 將 於 無 見 此 而 而 蹤 晚 然 什 是 者,三 其 何 帥 不 宦 可 下之私 推 則 後 伍 迹 唐之「債 尅 以 事 者 聞 等 貴 以 官 之, 彼 詭 具 以 1: 雖 皆 級 將 宫 得 智 有 而 軍之司 秘 爲 E 卒 或言 則 推 人 得 妾 人 惟 庸 勇 口 奏牘 節 故 臣 先, 矣, 前 帥 以 之 其 者 尅 材 夫 次 聞 之, 無 姓 門 略 命, 殖 剥 案 保 走 無 而 哉 而 祈 路 日 ? 名 之人, 之是先, 卒 言 私 不 牘 明 而 贵 ? 而 者 以 得 道 之陛 財 具 陛 固 其 知 即 諸 而 姓 稱 以 只此 備 下 其 陛 選 其 然以 以 名 然 不 其 窺 將 下 孰 終 諧 付 交結之 置 則 達 知 下 其 材 之 後 之 之 肯 之 不 之 兵 其 價 誠 武 交 於 以 求 事 前 謀 信 抑 方 門 所 通 陛 輸 以 堪 軍 此 進

紛 立 陛 使 肯 使 往 不 則 自 將 然 而 漕 推 軍 是 者以 一營者 者文吏, 至 肯 而 無 F 又 核 帥 其 將 運 政 圖 漕 起 募 不 欲爲之切 以 爲 省 得 帥 軍 矣。 屯 運 激 之不得 供 其 典 免 尤 人, 實 害之極 則 煩 而 勸 州 治 今爲 陛 使 所 願 而 其 則尺 費 偃 民 士 之,而 兵之食 耕 參 F 豐 不 力 益 蹇 卒, 諸 者 將 其 願 儲 不 籍 蓋 而 則 木 不 州 蓄 以 務。 帥 以 知 嚴 非 矣。 兵 久不 耕 故 有 又 苗 行 者 其 則 矣。 獨 彊 而 有 朝 所 屯之衆,資 米 而 然 如 然 或 加 儲 又 得 兵卒之受其 耐 不 廷 以 聞 反 至 此 勢 耗 蓄 凡 至 能 彊 成 不免爲之 及乎民 而 爲 其 於 斛 羨 和 或 其 則 也 制 贵 猶 民 占 屯 面 買、折 不 盡 者 古 屯 望 不 其 田 護 之弊,紛 田 能 屯 者 數 誤 無 田 其 之害 軍 撥 弊 别 是 者 起 田 則 哉 修 望 立 遣 也 以 以 置 發 不 彼 其 而 明

矣。

上

自

朝

廷

將

帥

以

作

士

相

矣。

宰

相

既

皆

得

人,

然

而

精

其

臺

諫

以

公

刺刺

將

校

可

使,

不

須

别

置

官

使

令。

又

擇

從

官

通

知

兵

民

之

情

者

員

爲

屯

H

而

通

其

奏

請

趣

其

應

辟

置

官

屬

三五

指

使

政

令,

各從

本

司

自

爲

品

誠

無

不

IE

則

分

之法

除

殿

能

嚴

宦

月椿之類 官、兵將 聖心 然究 選、 氣 舉矣。 誠 皆 田 最 必 而 後 下 重 計 得 板 誠 枝 立 口 其 交通之禁, 能 之 害 明 往 其 其 曹 無 條 禁 而 達 擇 科 軍 本 足 詔 往 責。 聖 不 不 所 人, 矣。 廣 以寬 實 宰 州 以 則 宰 亦 心 至 Œ 濶 資 縣 相 則 及 廣 亦 爲 相 又詔 甚 誠 今乃 於 以 則 若 治 必 民 在 屯 州 供軍之故 而 闕 諸 無 選 議 必 能 夫 不 民 世  $\mathbb{H}$ 以 縣 銓曹 不 不 路 牧 省 能 選 爲 必 陛 可 典 以 矣。 正 然 者 守 監 能 將 軍 省 陛 凡 出 F 以 減 矣, 使 屬 司 漕 則 聖 私 之反 此 下 復 朝 則 而 官 之 擇 宰 擇 帑 數 是 運 必 心 破 變 則 不 農 供、横 縣 使, 吏, 處 給 格 行 副 使 以 官 縣 則  $\mathbb{H}$ 之高 之劇 誅 授 者 之 之務、 二十人, 漸 吏 絀 總 使者 能 賞 利 課 招 果 又 軍 去 加 治 斂 以 易 督 有 下 爲 中 退 游 則 則 巧 兩 兼 而 7,分爲 歲 之。 治 縣 賞 如 自 民, 而 司 以 民 取 以 聽 得 者,不 績 此 時 籍 有 之政 備 之政, 罰 臣 力 其 各 軍 按行 凡

諸

身耳

者

根株

深

固

而

夕除

者,

置

將之不

善

則

優

而

進之;

不

勝

其

州

縣

之

間

無

名

非

理

之

庶

乎其

可

寬

矣。

至於

屯

其

泰

甚

而

可

去者,

口

愚

見,當

使

大將

募軍

自

爲

屯,

不

相

牽

制

其

其

姓

名

1,使以

次補

最

劇

之

拘

薦

舉之有

無

不

限

等

差

前

常

切

詢

訪

天

下

之

此

屬

庶

乎

其

口

除

若

屯

科

罰

以

歸

板

曹

矣。

則

兩

屯

心

競

各

務

其

察

其

勤

惰

之

實

以

者 病之未 大 之 求 私 此 庶 冗 補 中 乎. 之 施 田 而 幾 并 本 將 行 田 事 欲 心 其 六 供 IE. 未 事 惟 已 帥 者 行 夫 事 益 U 可 成 事 口 若 陛 盡 兵屯之實。 愈 横 民屯之策 之緒 六 介 將 盡 者 裕 成 又 至 如 下 皆 斂 帥 心 乎 事 矣。 臣 去 條 急 深 於 不 不 止 巧 漕 Œ 之 者, 者 其 具 至 如 留 務 不 以 可 策, 取 運 則六 以 H. 一動 今 間 此 聖 之 口 亦 緩 É 今亦 乞 聞 俟 之 口 摇 亦 今日 最 意 指 却 爲 見 是 將 則 然 政 事 省 輕 而 揮 效 急 矣。 將 而 恐 後 徒 雖 可 無 有 其 急務 來 趁 前 徒 隨 而 而 呕 廢 仍 爲 欲 以 不 此 將 壞 本 事 壞 諸 圖 故 日 尤 詔 憊 水 漕 帥 悉 文 正 商 之五 在 漕 有 所 路 之。 不 伏 災 得 司 具 精 量 禁, 臣 之後 乞 人之後, 於 可 謂 已 所 無 更 勞力 及 聖 有 成 陛 使 而 民 以 天 爲 名 不 時 之功 照 廣 詢 大 人 F 少 下 天 力 措 獲 非 也 招 方 訪 下 本 之 心 之 置 緩 凡 庶 P. 理 利 流 無 口

爲 勉 爲 爲 而 不 則 下 非 不 也 誅 中 日 誠 己。 非 祖 之 者 口 庸 同 丽 血 以 原 IE. 而 者 宗 年 以 者 然 謝 自 人 氣 也 不 無 急 凡 寖 之 非 又 彊 所 不 陛 復 不 蓋 所 務 此 積 能 竊 下 擾。 高 蓋 仇 復 一,及究其實 樂 向 誠 舍 憤 不 其 聞之今日 因 望 陛 而 修 敵 説 此 衰 以 其 不 樂 循 以 天 F 不 不 欲 而 此 因 口 者 亦 爲 下 雖 滅 啚 治 奮 以 爲 皆 循 標 天 欲 亦 0 知聖 效 之 務 厲 士夫之論 有 準 不 下 幸 則 赦之,臣 則 不 則皆所謂 攄 無 理, 而 無 無 雖 人 則 亦 臣 淮 有 事 事 事 之 欲 聖 中 卒 請 而 爲 者 或 策 原 血 心 歸 則 伏 臣 亦 者 年 勢 之 厲 其 氣 不 輒 於 不 則 似 鈇 不 · 寖 不 故 皆 待 則 宜 有 委 以 是 鉞 與 敢 日 高 彊 時 以 靡 勸 疆 臣 之 有 又 更 陛 承 而

定, 之 不 恐 有 慮 謂 武 作《 有 地 離 年 又 無 知 而 九十有 彊 目 危 미 其 於其 懼之心 未得 事之 肖,又安敢先 位之高,又有 公之年,三分未 天 衰 無 抑 前 一,而 憂, 暴之寇 下 不能乎? 戒》之詩 而 側 之急 尤 爲 有 事 不 而 不 五 不 無 事 之 宴安 贵 可 仇 知 矣,猶 然 此 事 口 之 以 以 口 聖 以 乎 其 以 不 就 内 是 且 處 + 爲 民 少 自 少 人 年豊 1 可 陛 百 箴 有 天 毒之可 而 尚 貧 及其二,而責任之重 怠 警 之 怠 以 下 千 愁 下 儆 少衰 Ħ. 財 9 也 志 當朝 荷 不 於武 怨之軍 之事 萬於武公者 使 於 以 況 匱 , 畏, 政 甚 氣 安 乎 國 況 衛 人 · 兵 今天下 兢夕惕 無 ·, 非 ? 高 公之下, 朝 以 武 今日之天下 而 民 惰 時 求 夕 公言之,其 使 艱 不 況 而 其 將 規諫 誦 而 雖 陛 難 其 功 知 驕 臣 之, 衰 若 戒 他 居 成 F 天 多 而 也 外 未 安 視 謹 難 治 事 雖 而

之乎? 忘, 陛下 之意。 立, 先爲 其盡 陛下 言之 難 逐, 綱維,不可 若蒙聖明少 之人,將 效 外 接 加 小却顧 徒 者 而 則 加 頹 裁 盡 善,然後所屬之人有所持循,而 少 何 欲 患 赦。 善可 況有天下者將以 至 墮 留 欲屬-其 近 可 僥 失之機會 聖 己 微之本 之不可 其 於後 隱 易 勝 加 守之規以授之乎? 在 亦 倖 意。 人以 者將 思奮 之 聖慮,則當此之時 於 數 安得 堂 於其 ,又未有 私 耳目之所 追 奥 至 久,然 厲 也 不 心 意 計 遽 之 一微 堂奥之説 易 者 言 天下至大之事屬之於人 難 難 臣 間 謂 至細之事,猶 其 狂 則 而 保 除 又 無 可守之規 前 不 妄僭率,罪當萬 不 自 而 雖 ; 也 然臣 知 徒 事 誠 已陳 辦 既 加 中 遠 朝 不 知 而 不失吾之所以屬之 亦 於此 未 夕 原 誠 世 在 恢 遂 於 思 必 不 談之不 之戎 有 能 之大 事 先 前, 數 新 ,臣竊見尋 復 以 慮 先 德 爲規 不敢 先 千 之 可 此 逸 之 死 業 其 句更乞 其 寇 功 見 里 豫 伏伏 所 不 模, 盡 加 重 難 絶 言 所 之 不 口 處 使 惟 整 常

於 又 況 口 此 是 事 亦 之失, 徒 爲 É 虚 在 言 隆 以 興 快 之 天 初 下 之意 不 合 而 遽 己 然

罷 兵 講 和 遂 使 宴安 酖 毒 之害 日 滋 數 日

年 長 而 坐 新 嘗 維 膽之志, 日 遠 日忘。 是 以 東 南

以

來

綱

解

弛

釁

孽

萌

生

品

品

事 猶 有 不 勝 慮 者 何 恢 復 之 可 啚 乎

故 臣 不 敢 隨 例 迎 合, 荷 爲 大言 以 欺 陛 F

而 所 望 者 則 惟 欲 陛 下 先 以 東 南 之未 治

爲 憂, 而 Œ 心 克 己 以 正 朝 廷 、修 政 事 庶

害 幾 真 以 實 妨 功 遠 效 置 可 以 蓋 馴 所 致 謂 而 善 不 ^ 至 易 於 **>** 者 别 不 牛 言 患

易 而 真 有 志 於 恢 復者 果 不 在 於 撫 劍

抵掌之間 也 論 者又或以 爲 陛 深 於 聖 老

下

佛 之學, 蓋 而 得 其 識 約 心 見性 合 之妙 者 於 以 古 先 不

E 一之道 有 不 而 自 是 悦

於 世 儒 之常 談 死 法 而 於 當 世 之 務 則 寧

管、商

切功

利之説

爲

可

取

一、今乃

以

其

者 論 所 屠之説 而 「,則 非 愈 厭 飫 不 所 此 鄙 合 以 固 以 薄 也 性 有 進 者 命 盛 疑 陳 臣 爲 於 德 於 聖 以 真 於 其 賢 實 爲 日 前 者 新 此 而 矣, 也 亦 亦 彼 似 見 然 以 彼 是 其 其 性 老子、 言 實 而 命 不 非 爲 愈 浮 之 空 多 同

萬 虚 理 也 粲 然 此 於 以 爲 其 實 中 故 而 所 民 謂 彝 物 寂 則 然 無 不 動 之 不

具,所謂 「感而 遂 通 天 下之故 則 必 順 其

事 必 循 其 法 而 無 事 之 或 差 彼 以 爲

空, 原 徒 則 知 徒 應 知 物 寂 見 滅 形 爲 樂, 而 不 而 知 不 其 知 其 有 真妄 爲 實 理 别 之

也 0 是 以 自 吾之説 而 修 之 則 體 用

顯 微 無 間 加 治 心 修身, 齊 家 治 或 無

之 斷 絶 非 理 雖 有 由 所 彼 之 謂 説 朗 澈 則 靈 其 通 本 末 虚 横 静 分 明 妙 中

之失也。 前 無 所 故 救 自 於 古 滅 爲 理 其 亂 學者 倫 之 其 罪 初 顛 無 倒 不 運 似 用

者

外

事

哑

反

之哉

聞

仁.

宗

時

有

程

顥

者

與

其

弟

頤

司

安

在

也

是

贵

可

不

思

其

所

以

然

者

而

不

而

所

以

正

心

修

身

以

及天下者,其

效

以

臣

一言爲

然

則

聖

質

不

爲

不高,學之不

政

事

前

惜

此

説

之

布

於

來今也

如

或

未

治

心、治身、治

人以

爲三術

而

以

儒

者

之

爲

最下

則

臣

竊

爲

陛

下

憂

此

心

之

害

於

妄之説

而

以爲

真有合於聖人之道

至

路

之

榛

蕪

聖

門

之

蔽

寒

闢

之而

後

可

與

道

心鳴

呼

此

真

叮

謂

理

到

之言

惜

乎

其

!

未

有

以

聞

於陛

下者。

使陛

下過

聽

髡

徒

誑

學

自非

淺

陋

古

滯

則

必

於此

是

謂

正

深

極

微

而

不

口

以

人

堯舜

之道

天

下

之

務

言

爲

無

不

周

徧

而

實

外

於

倫

理

窮

日

自

謂

窮

神

知

化

而

不

足

以

開

物

成

不

作

而

害

於

政

事

者

是

以

程

顥

常

闢

之

有

可

喜

考

其

終

則

詖

淫

邪

遁

之

見

鮮

有

是矣。 明,必 學,悉 貧 效 至 説 今敦 既以 受學 有 斥 以 頗 敬 雍 儒 道 表章之,則 僻 淺 耳 味 於前 儒者之道 學」, 動 張 則 頤 學 於 道 將 乎 如 無 由 載 伏惟 周 等所著之書 既 日 又陋 有 學 己之所爲, 所 禮 而 相 然 彼 彼之言 敦 益 默 忌 義 加 不 與 陛 爲 自 頤 相 憚, 足以 博 IE 詆 浮屠之 矣, 弱 實 下 有 不 行 爲 心之效,不 契 訕 約 深 乃 害 美 合 焉。 窺 得 [頗藏 其 留聖 而 常 陛 所 至 於 遂 而 則 其 而 孔 後 使 於 己之所 謂 臣 説 見 談 藴 學 下 孟 冀 册 上意。 是 適 聖 此 諸 已 奥 以 至 所 近 府 必 其 死 惟 於其 又 道 略 · 姦 行 來 陛 此 欲 效 自 闇 今 法 論於 爲 以 若 富 不 事 不 舉 得 IE. 意 人鄙 而 下 者 者。 幾 傳 夫 取 足 閔 世 以 或 耳。 前 前 ᅦ 試 復 之 之人 夫又以 之者 馬 故 亦 年 管、 以 明 彊 取 矣。 若 天下 緒。 所 父之 邪 相 7,其 而 未之見, 應之, 以 遂 兵, 與 而 商 説 俱 觀 夫 IE 於 百 功 其 所 怨 無 世 之,聖學 肆 或 之 或 則 言 功 此 人 甚 時 深 行 疾 道 俗 大。 心 賜 居 又 是 利 日 務 以 有 憂 無 亦 俱 指 必 有 知 益 也 而 近 以 H 既 言 高 在 俗 不 爲 誠 邵

一七七

善誠 怒、道 贵 喜之説 見老、佛之高,管、商之便,而 反 知 未有講之者也,豈不 其 身、 所 德之威 遂 常談之中 傳 齊家 生 以 財 治 爲 則 之 或 常 ·自有妙 古 道 平 談 所 天下者, 死 理 以 誤 法 財 理 爲 哉 而 , 之義、文武 富 死 不 聖 初 疆之大, 足 今議 賢 無 學。 所 新 者 奇 傳 夫 徒 而 之 明 口

野

之

而

之

以

mi

而

爲

自

其

事陛下,於今二十有 聖賢之説; 、孔之聖,顔 自然之理, 之言 之所言, 感 法 則 所 違 非 之 而 於 能 聖 七 自 不 雖 中 臣 以 彷 曾 年 之 悲 以 非 自 究 彿 昔之 之盛 肝 勝 能 快 矣; 始 矣,而 仰 重 以 不 不 反,不惟 其所言又不 其 自 别 :天顔 敢 己 以 來 敢 ,豈有積怨深 辛丑 憂 愛 德 有 悲 自 悔 私 於 效野人食芹炙背之獻 於其 歲 君 也 亦 爲 者 乎 忠言奇謀 也哉? 隆 亦 臣 月 品品 再 身謀 憂 ! 興之 覺非昔 未 之蒼 間 逾 見, 則臣 國之誠 過 身伏 品 能 邁 得 又嘗 此 怒於此 如如 之意 其 有 顔白 其 初 見 於此 以 I時矣。 衡 所 陛 以 愚 裨聖 111 固 敢 茅, 臣 論 使 髮, 獨 下 以 亦 之流 曹 遐 之 嘗 安 至 可見 臣 數 冒 心 爲 聽 己 臣 輒 方 得 釋 於 不 而 萬 馳 迫 且 之鄙 國家之計 今歲三見, 下 以 矣。 然 屢 過 不 而 古 一往 死 魏 遲 近 深 土 陛 以自 進 而 欲 闕 滯, 習 刳 下 然 田 有 不合 忘 而 攻 乞其

其萬

分

也

哉

伏惟

陛

下

察臣

有

活

法

固

非老、佛、

管、商之陋

焉

蓋

臣之得

日

而

決矣。

抑

臣

於

此,

又竊

有

瀝

肺

感

而

竊

不

言,

與夫論

者之説

其

爲

取

舍從

伋、

軻之賢

前

有

所

不

能

違

也。

堯、舜、禹、湯、文、武、

周

所

爲之説

乃

天

經

地

義

日

新

古

不

而

竊

其

夙

臣

一所爲

之説

乃

古

先

几

説

之同

異

而

明

辨之,則

知臣

不

復

自

頃

乞聖 之效 竊 賜 非 身之義 論 宜 臣之後矣。 畢 平 不堪 而 感 以 者 턥 臣 免於飢 恐陛下見其所 雖 觀 已 前 激 生 稍 賦 獨 肖之身焉 雖 覽, 非 意望 則 陛 蒙 從 性 出,又致 日 爲 欲借之恩私 愚 願 任使 亦 F 宦 拙 循 臣 敢 寒,進 直,不 虚 所 臣 忠之意。 伏 時 其 變 不 非 及,天 如 果 心 所 之幸, 之弊 待違 惟 其 紛 本末,次第 恬 其 屈 以 初 紜 然 能 其官資 無 陛 論懇 0 謬 己,容受狂 心 心 幸賴 自 地之恩,不 濟 隨 然 適 向 妄 所 臣 下 前 犯 物 世 速 實宗 其 切 足 冀 竊 無 品 (,使足 之心。 患以 俯 哀 顛 規 復有 聖明 增 施行,使臣之言, 食 E 可 品 誤 隮 仰 畫 其 憐 有 祠 私 施 污周 謂 社 言 慚 進爲之望也。 保 ,實皆治體之要,可 故 以 禄 啻 + 補 計 寧 財 行 尚 懼 自 全終始 生 於聖 故 厚 年 延 行 爲 前 堪 輒 赦 決 則 早 於嗣 矣。 之間 竭 ,而其 靈 使令, 退 後 年 冒 投 前 平 非 而 藏 九 之 閒 威 下 Ĥ 息,此 今 增 措 臣 ,蓋以 即 任 擇 《樂遇 卓 顔 幸 故 置 者 憂 之所 贵 其 自 若蒙聖 無負 - 然實 其 身 散, 復 國 奏 禄秩 并 揣 皆 E 無 不 具 避 中 之誠 疏 敢 度 此 臣 乃 以 於 Ē 不 所。 有 禍 知 當 陳 之所 分之 ıĿ 非 傳 慈 使 在 所 口 決 有 則 也 述 諸 見 詳 學 足 以 爲 今 中 臣 致 是

> 久遠 臣 萬 來 同 也 死 熹 此 而 誠 疎 臣 無 或 惶 遠 之言 窮 大 賤 誠 皇 微,言 所 蓋 太子 恐 以 前 味 非 聖 不 參 徒 後 敢 盡 決 死 聖 有 之 其 望 再 伏 際 於 時 特 拜 惟 今 雖 聖 Ĥ 異 賜 慈 謹 宣 耐 而 憐 示,千 又 其 臣 將 爲 愚 有 道 萬 忠 望 未 幸 赦 嘗 於 其 不

起秉燭,讀之終篇。
【行狀】疏入,夜漏下七刻,上已就寢,亟

害, 生 忘。 陛 事 不 後 年譜 對 合 乃 园 是 皆 有 遽 日 置 品 以 楊 滋 日 然 而 東 陳 數 復曰: 先生 日 罷 南 不 復 年 長 論 事 兵 此 讎 以 事 之義 講 臥 猶 何 來 之 和 薪 有 哉 失, 綱 嘗 不 當孝宗 ? 力 遂 維 膽 勝 已 辨 使 竊 之 懈 在 慮 和 宴 觀 志 者 弛 隆 議 初 安 ^ 9 政, 之 興 酖 戊 釁 H 何 之 恢 毒 申 孽 囊 遠 初, 之 復 萌 H 封 其 封

「害」,原作「志」,據《文集》卷一一《戊申封事》改。

0

八〇

此言觀 之可 則 以 原不復 正,急務誠修,而 本、天下之急務 復 事 中 圖 不 分館 之,先生曷嘗忘 乎 原、滅讎 可 ? 幸 虜 成 不 此 政 滅 虜之規模已在 爲 所 治效不 臣 言 必 以 先 也。 惓 請 復 於 惓 進 伏 讎 又 自 獨 鈇 國勢不彊 之義哉 日 治, 以 鉞之誅。」 其 天 (中矣。 「大本 能 下 ? 如 之大 誠 旧 以 中

除主管西 修 翼 行狀】時 之謀。 身以 齊家 太 先 上已 乙宫兼崇政殿説書 遠 生嘗 有倦 便 草奏疏 一一一一一 勤 之意,蓋將 敬 言講 忠直 學以 抑 以 私 正 恩 爲 燕 以

公道 欲 祠 邪 財 精 送不 氣 用 選 以 者, 以 明 任 爲 古 果上 義 力 新 以 邦本 理 辭 政 明 以 新 之 體 修政 絶 〇先生當孝宗 命 助 統 神 除 振 姦 事 會 秘 緇 擇 以 執 閣 紀 攘 政 師 修撰 以 夷 有 傅 厲 狄 朝 指 以 仍 風 陛 道 凡 輔 俗 + 對 奉 學 皇 0

> 東、江 惻 爲 曹之除,❶ 切 時 分,精一克復之義 至 而 不復反,不獨 之末,有日 望於君父者愈深 者三,上封 一二爲言,其後封 是, 政、風俗 ,孝宗亦開 至今讀者 竊 出治之大原, 仰 復 西 天顔,亦 一之節 有經 皆 日 事者三。 披 將 帷 懷 猶 臣 月 肝 又 之命 引 容 之蒼 其 爲之涕下。 覺 逾 知 瀝 以 納 事之上 而 後 ; 非 邁 其 膽 武 0 自 其 其 其 則 顔 昔 不 近 先 言 如 初 白 直 初 博 極 時 可 生 , ]1] 愈 髪, 指 則 其 古 古 矣」。 之 强 守 之流 編 切 先生 以 天 忠 以 1 已 盡 南 留 修 當 講 故 理 鯁 術 迫 康 忠,孝宗 而 忠 世 秘 進 於 人 學 授之。 遲 宫禁、 往 急 誠 持 蓋 欲 省 封 疏 窮 浙 務 之 事 所 雖 懇 郎 而 理

「,解

外

爲

事

節

儲

抗

三年除樞密院編修官 修 原 作 摩 朱 八熹於 ,此「編摩」當爲「編修」之誤 隆 興 元 年 授 武 學博 士 道

愈深 而孝宗内禪矣。 痛 (盡言 ,是以不能 詆 大 臣 亦不 近習 爲 孝 日 不 宗之 安 遇 其 也 身於 眷 愈 然 朝 厚 先 前 生進 廷之上, 嫉 者

狀 【文集】《 **%** 辭 辭 免崇政 免 召 殿 命 説 狀 書 **%** 奏 ×, 狀 辭 免 召 命 **>** 奏

授學者 是 歲二 月,始出《 太 極 圖 説 西 銘 解 義 以

以 此 通 也 申二月已已, 《太極 【文集】《 得 解 其 意 文義 近見 以 × 示學徒 加 題 ^ · 而 儒 西 知 太 者 銘 妄 晦 其 使 極 多 肆 **>** 翁 未 西 議 廣 詆 題 可 解 銘 兩 其 訶 以 解 書之失,或 傳, 子 未 輕 後》云 嘗 議 庶 竊 敢 幾 悼 也 出 讀 ...焉 始 乃 淳 者 以 余 未 熙 由 大 示 嘗 戊 辭 出 人 作

【文集》《答吕 養於未發之前 士 則 瞻 可 書 \<u>\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_</u> 求 中 程 於 先 未 生云 發 之前 則 涵

> 後。 賢之言進修之,實驗之,恐亦自是 語 輕 H 不 處,未免更有 議,但 ,乃是當時 用 口 ○《答方賓王 功 此 未 今當只 語 知 切 所 於 當 商 聞 以 此 量 其 書》云: 程 兩 不 也 用功之次第, 句 先生之語 可 爲 移 戊 《延平行狀 如 申 何 後 爲正 李 其 學 先 今 生 以 未 甲 **>** 聖 時 中 敢

李先 矣。 羅 甚 甚 已 是 大 喜怒哀樂未發 語録』道夫言: 緊 功 先 養 切 發。」昔嘗疑 生 況 於 心 生 要,不可以不考。 羅 但 之 以 世 探 先 程 索 爲 要。 善 生於 先 本 此 觀 其 謂 生 原 意 而 羅 之, 静 剖 與 遺 之 不 洞 先生 中 坐 前 析 書 唯 則 見 毫釐 時 所 於 有 亦 道 直 未發作 教學者静 觀 舉 云 進 並 體 卿 . 學有 之, 有 行 體 日 礙 既 乃 而 . 何 用 力, 其 不 者 此 思 細 坐 氣 明 相 皆 問 思 中 兼 象 思 則 亦 慮 亦 亦 看

虚 未 慮 靈 發 不 不 口 昧 蘇 . 9 伊 季 自 |I|明 有 所 以 以 以 見 求 力 其 辨 字 氣 其 象 爲 差 問 則 也 則 初 之説 太 前 重 氣

雄 若 不 好 所 巾 理 學 無 才 上 做 先 行 求 未 未 ,若講 口 偏 附 以 是 以 處 者 蔡 生 非 害 病 萌 狀 便 子 世 他 伊 不 只 亦 便 於 \times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\t 日 思 以 冷冷 楊 之 111 是 做 經 是 如 言「多著 : 學 道 道 大 敬 説 歷 道 病 明 雖 夫 底 則 終 理 段 以 只 道 是 多 理 人 H 處 不 直 纷 道 用 喫 如 亦 危 静 可 之, 故 雖 内 擾 敬 理 問 説 也 此 有 坐 不 見 至 自 不 分 . 好 義 妨 以 毫 不 静 得 微 有 觀 可 先 解 以 騐 髪之 用 坐 如 恁 至 動 之, 專 生 方 此 夫 要 静 羅 口 時 地 要 小 喜 所 外 説 偏 若 通 以 先 正 處 去 便 自 終 怒 作 天 會 也 爲 見 生 説 静 而 是 有 哀 李 静 下 亦 學」, 説 得 得 不 處 小 静 樂 先 喫 如 得 有 終 世 偏 平。 求 偏 時 之 生 便 天 古 道 間 謝 恐

樂 陳淳。 見 這 未 見 是 騐 坐 亦 平 如 是 自 廖子 發 未 已 有 裹 於 氣 欲 只只 此 見 有 氣 發 象 發之前 此 未 得 於 此 ,今以 若 象 又 是且 便 晦言,今年 一病 子 象 是 發 未 或 不 爲 差 似 若 偏 陳 之 發 有 問 相 如 從 伊 收 业 那 觀 後 箇 日 前 之 似 何 釋 只 而 111 禪 斂 體 覺處 時 之 延 前 者 求 氏 是 語 在 延 恁 騐 而 平. 曰 見 觀 日 異 去 所 被 格 此 定。 平. 著 字 求 先 : 先 其 百 謂 李 之, 意 這 所 持 即 生 不 生 勝 陳 是 氣 先 如 中 葉 看 謂 何 定 似 則 處 是 淳 如 有 象 生静 賀 何 問 故 中 良 别 其 是 此 便 箇 孫 奔 ? 延 此 騐 者 舊 意 久 日 下 人今終 馳 思 得 也 平. 或 於喜 與 9 T. H 是 量 9 極 若 先 亦 只 楊 問 若 : 問 夫 下 與 T 已 1 生 是 口 這 怒 氏 日 處 得 伊 静 近 向 見 要 哀 體 便 筃 白 危 延 亦 便 JII

廖德明 前 病 透 則不可。 只是討 日 坐之説 延平行狀》,言默 一,自然 氣象,此 這 後復以 事 要 是静 先 沈 難 静 語 生頗 僴 問 説 坐 如 先生云: 今人. 則 何 不 静 不 坐澄 ? 問 以 都 坐 口 日: 爲然,不 是討 理 心,觀 擇之云 會 學者不須如此 理 先生亦自 道 静 會 四 坐 理自不 得 知 者 : 以 道 先 未 如 省 説 生 理 發 何 妨 事 作 有 E 明

心也。

洪

撰,依舊主管西京嵩山崇福宫,辭職名。十六年己酉,六十歲。春正月,除秘閣修

【年譜】拜祠命,辭職名。

【文集】《辭免秘閣修撰狀》一。

甲子,序《大學章句》。三月戊申,序《中二月,孝宗内禪,光宗即位。

庸

【年譜】二書定著已久,猶時加竄改不

章句》。

言大義, 輟 著《或問》,《 至是,以 具見二書序 中 穩 庸 洽於心而始序之。 **>** 又 有 中 , 尤學者 輯 略》。 所當 先 生 又各 微 盡

何 且從 句》。 始 洽 將《章句》來 《大學》且逐 是 知 《大學》了,去看他 立定綱領,其 或問》乃注脚之注脚, 語録》《大學》是爲 得 事 是 既 齊家、治國 ? 此 頭 逐段 須逐一令記得 須是靠 逐 楊 是正 句 道 曉 章 理 夫。 解本文,又將《或問》來參《 得,將 一、平天 心 他 會 他 理會,須先讀本文念得, 誠 經皆 一,到不 這 經,方見得此是格物 問 意 學綱 心 下事。 來 反 ^ 事 雜 若 大 統 亦 通 説 目,先通《 看 復尋究,待 此 不 學 處 在 不 必 是 温 却 向 或 知 裹許 修 深 尋 靠 看《章句 問 何 理會 過, 人。 身 寫 大 的 事 學 這 他 通 日 0 章 ×, 方 浹 次 致 得 如 看 此 葉

字下字最 改 之年, 者,只爲 《大學》啟 煩 件文字透,見 書 友 處 仔 賀 有 日 中 説 夫。 孫 問問 異 教 方 細 庸 先 那 與 答 看 聞 看《章 年之内,改 庶幾 須 可 解 葉賀 得 切 乎? 無那 學者且 大 或 去 通 箇 難 蒙 不 鋟 將 孫 時 學》, 看 句 此 某 미 畢 木 恰好底字,把來看又見 得 許 裏 0 曰 如 》,《或問 」,因 如 解 多 前 方可 去 面 葉 . 曰 此 1 某 問 1熟讀《 何 賀 書 書 賢 平 亦 言 : 數 著述? 爲 孫 所 ? 逐 所 只 讀 常 我 某 遍 人 以 趙 件 説 未 平  $\forall$ 書 只 先 大學》正文了 不 遲 未要看 未 書 到 看 某 生 是 生日 生 或 可 定, 鈍 邵 記 得 處 病 葉賀 只 精 在 問 知 浩 , 恁 若 痛 欲 旋 常 外 看 力 : 朱 孫 (),俟 處 公 以 常 見 盡 又 使 得 地 面 敬 不 自 解 得 歸 先 煞 之 有 更 得 天 這 在 聽 改 文 旋 説 生 疑 時 假 有 林 此 用用 V

> 有味 思 與 自 孫。 葉賀 當, 時 解 不肯耳 致 覺 未有 孫 又著 〇人 他若· 思 大 不 此 解 知何 段 只説某説《 改幾字 肯向這 ,他若不肯向 説 伊 大 分 人 川 不然。 曉 想 舊 T 也 所 日 邊, 看 大學》等 只 教 以 人之爲學,只 得 横 自 這 在 人先看《 鶻 渠 然 裹 仔 突。 説 有 不 細 略 味, 略 命 去 大學 亦 而 説 辭 看 争 愈 不 今 詳 看 解 笛 使 難 肯 致 愈 注 那

並 懼 有 章 本 近日多 詳説 文集》答許 往 未 耳 領 句》 ,亦有《詳説》,後 安者,一一 不 丁亥。 所 是,只管妄 本 書,字 更定, ○《答吕 納。 順 條 舊 多 之 此 作, 未 説 示 書 是 暇 \<u>\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_</u> 爲 極 便 伯 草 自誤 餘 寄 幸。 本,勿以 陋 恭 也 處 書  $\sim$ 誤 俟 大學》之説, 不  $\stackrel{\cdot}{\leadsto}$ 人,深 大 後 示 甲 少。 學 人。 牛。 便 章句》  $\wedge$ 寄 大 更 中 爲 去 有 庸 抵 口

詔 夏四月, 獎諭 呈,然 論 堯舜 説 已領,二書所 ○《答詹帥 格物」章中,改定用 ※ 中 冗説極多,舊本直是見得未真 疑 即 傳授 復辭職名,許之,依舊直寶文閣, 覺 或 庸 其 問 來 章 書》云:《中庸 》稿。 間 歷,添 句 改尤 更有 ×,  $\bigcirc$ 緣 多 人 與 此 合 功 0 張 略 删 程度甚 段甚 命中 敬夫 修 處。 》、《大學》舊 庸 詳。 書》云 序》 過 明 乙未 也。 洲 ,再  $\Rightarrow$ 中 + 大學》 乙巳。 去辨 推 録 ^ 降 本 月。 大 本

件職名者。 許 命,不敢 劄子,以 文集》《辭免狀》云: 辭免,仍 祇 熹辭 受。 準吏部 誤寵 免 秘 横 降到 閣 加 修撰 右熹 告命 乃超 恩命,奉聖旨 四 三級 月準 道,授熹 , 所有 尚 書 告 前 省 不

若全卿名節之爲尤美也。」乃上表謝。 【年譜】《韶》辭云:「以爲寵卿以爵秩,不

閏 秋八月,除江 五月,更化覃恩,轉朝散郎,賜緋衣、銀魚。 乞仍 【文集】《辭 舊直寶文閣 南東路轉 免 秘 閣 及賜詔 修 運 撰 副 狀 書獎諭 使, **\*** <u>.</u> 辭 表 ^ 謝 依 所

祖 生以 至與監 年譜』詔 一鄉田 江 産 東 司、帥守迭爲實主 、漕置 隸部内辭。 疾 速之任 司 建康, 奄豎守行宫 任 洪本。 滿 一, 故 前 來 不敢受,以 奏事 1,循習 先

冬十月,詔免回避,疾速之任,復辭。

【文集》解免江

東運使狀》

0

《狀》二

【行狀】改知漳州,又再以疾辭,不許。時光十一月,改知漳州,再辭,不允,始拜命。

劉子》。
《新免知漳州狀》。《辭免知漳州

宗初政,再被除命,遂以紹熙元年之任

朱子年譜卷之三終

一八五

## 八六

## 朱子年譜卷之四

王 懋 竑

光宗紹 十四四 説 古 誘 生 女聚僧廬 絰 年譜 臨 諸 居 以 日 ,以訓子弟。 喪葬嫁 者,首下教述古 不.悉 民 生, 到郡 熙元年庚戌,六十一 未 禁之。 如 漳 爲 知 娶之儀,揭 育頒, 南 傳 素號道 禮 康 經 其俗尤崇尚釋氏之教,男 又擇士之有行義、知 俗 時 至 禮 會,女不嫁 今禮律以 爲 有居 院,比 教 其 大 以示之,命父老 父母 至 變。 年 郡 歲。 開 風 者 時 喪 齋 喻之,又 俗寖薄 請 詣 私 而 夏四 業 學 爲 不 菴 問 月一 校 服 難 訓 採 解 衰

,接之不倦。

廉

恥

向 謂 輩 其有 某初 君 校。 者不 廷之命分教 已 流 又有 授與 士訓 樵、施 作 子 宣 士人同爲之表率,欲使邦人士子 九月矣,方知 録 使 之域, 到 之 、舊職 恬退之節 化 乞留 及淳 所以採訪 岸 稍知爲善之方,與一邦之人共趨 允 列 此,未 無 郡 爲 學職 壽、 應, 事 舊 與 先生變 中 職 以 有官 一邦,其責任不爲 沮格 永 石 元 體 知人物賢否、風 弄 爲 不 鄉 、欲得表率諸 嘉 洪 自 得學校底裏,遂欲 得 朝 評 以 學 諸 色厲 徐 出 慶、李唐咨、林易 來 廷 物論 ·正,有 簿 至是,先生下學,僚 生 寓八人入學,而張 公牒,延 没 教 書 詞 合 養 延 財 司 日 殺 作 計 請 只 生,又延 成 郡 獄 俗厚薄, 不重,合當 郡 得 黄 教 士 訟 知 守法 守以 授 留意 黄 ,識 爲 録, 簡 受朝 請 知 承 前 學 此 以 楊 録

訟 等 弱 其 等 夫。 及 番 訟 行 事 用 是 士 自 者 則 不 人 日 事 深醇 謂 不 先 ? 行 某却 毎日 職 麗之。 能 亦 及者留 先 皆 詞 生 規 四 某 某 得 事 者 多 要 熟 維 訴 矩 罷 輪 持 無 雖 在 其 人 聞 識 並 T 後 番 心 在 實 漳 不 兩 在 若 箇 知 而 此 退 明 多 學 州 人 肖 H 人 只管 月之間 遂 録 寡 廉 今 恕。 H 罷 留 校 能 枉 著 初 首 趙 退 却 之。 廉 詞 深 塲 之。 刺 請 到 挽 到 之 訟 舉 聞 師 鮮 容 爲 挽 官 以 翕 射, 葉賀 時 之。 虑 節 合 者 恥 許 諸 後 弓, 填 錢 之爲 明 然 及 莫不 是 多 分 教習 君 孫 闕 禮 都 及等 雖 等 都 其 日 第 許 無 恥 額 能 義 人, 試 是 會 則 詞 不 心 九 諸 多 行 之。 文, 者 休 某 射 成學 止 服 日 其 軍 軍 廉 爲 有 日 有 及 之 亦 作 弓 要 終 陳 賞 守 楊 校 恥 老 淳 政 何 詞 射 履 争 道

> 既 吏胥 方 T H 得 立 便 一,都 便 大 刷 來 若 抵 起 作 自 做 無 家 旬 弊。 官 事 須 被 之 是 做 文 内 葉 賀 自 字 官 有 孫 家 須 來 未 常 是 叢 T 閒 立 T 者 綱 討 吏 紀 胥 頭 齊 常 不 綱 都 見 忙 要 紀

經 奏 除 總 制 屬 錢 縣 凡 供 萬 餘 罷 緡 科 茶 錢 及 蠲 減 本 州 無 額

自

荔 無 本 奏狀》云: 枝、 錢 額 錢 七 龍 四 干 眼 千 六 乾 將諸 + 七 錢 百 DЦ 抱 五 州 貫 認 + 縣 及 四 所 豐 貫 近 認 年 或 折 盡 監 所 茶 與 增 鑄 蠲 錢 經 不 減 罷 足 總 鉛 制

文集《 乞蠲 減 漳 州 E 供 經 總 制 額 等

總

制

錢

川

百

萬

狀

奏

除

屬

縣

無

名

之

賦

七

百

萬

減

經

狀 **%** 

條 畫 經 界 事 宜 申 諸 司

年 譜 初 先 生 爲 同 安簿 知 經 不

得其 界行 辨 行 蓋 合,即 泉、漳 爲 貧 造 監 之 有 畫 滋 算造之法, 民 他 之詳 智 懇 説 其 圖 謂 司 喜 便宜 誠 下 辭 下 帳 日 有 必 否之利害  $\mathbb{H}$ 加訪 之 户 之弊。 其 餘 以 汀 税 而 ,三者皆必 可 及 則足 惑 之 者 雖 ,使之無 均 不 改 事 行  $\equiv$ 盡 問 群 人 能 皆 州 所 命 之術 於 則爲 爲 得 講 聽、恐 故 故 者 以 困 深 州 臨 其 求 一定之法,行之略 • 言 喜,而 差官置局 苦 漳 三、將 詔 擾 可 其 經界詳 説, 纖纖 公私之利,否 自 單 先 脅 所 行 監 而 會 達 弱 乃 悉 生 前 懷 辦。 上下,務 司 豪 臣 , 不得 具 無 畢 既 略 雖 條 民猾 僚 不樂者皆 三者又各爲 申 能之人, 究, 打 至 實 但 之利 具 有 諸 行之慮 此 私 量 利 吏皆所 適 以 以 奏 則爲 司 步 意 害 法之行 害 必 至 請 與 畝 以 濟 故 才 則 以 弓 初 而 行 害 聞 其 條 又 力 攢 善 經 量 意 適 於 ;

> 行之説 行 或 私 之慮 不 能 而 賢 也 深 察其 士大 助其 情 夫 勢 之喜安静 此 而 望 則 風 誠 沮 不 怯 厭 能 紛 無 例 擾 爲 將 不 不 得 可 又

詔相度漳州先行經界。秋八月,上《條奏經

界狀》。

急之務 繆 監 經界 ^ 任 擇於他 縣令,或不能 奏狀 疲 司 足, 軟、 事 **※**云: 員主 官。 須 則取 力不 在 至 於 其 準 於得 任 條 推 則擇 州 事 省 事 畫 擇 不 劄 使 替、待 者。 奏 官 於其佐 足 擇 吏。 聞 **令** 則 臣 : 而 缺 郡 使 相 欲 取 之中 守臣 又不 於一 郡 乞 度 推 守 朝 漳 行 汰 察 路 廷 經 州 能 其 委 先 先 其 界 ; 守 見 昏 令 最 行 則 屬

<sup>●「</sup>佐」,原作「任」,據武昌書局本及《文集》卷一九《條

都 低 道 行 本 I 只 旧 官 州 難 畢 去 臣 審 當衆 路 令役户 ,諸都合爲 下 之後 紹 舊 處 事 耐 吏 曉 思 踏 己, 將 最 熟 來 興 未 逐 造 人 取 費 有 見 本州 年 來 慮 申 不 共 户 IE 會到 量 曾經 (功力 於其 作 全文,乞韶户 中 可 差 必 定,各得 圖 圕 田 加 已差 委 草 户 更 紹 宅、 帳 旌 奉行、 始 正 者, 部 圖 縣 只 爲 而 興 之法, 賞 人 頃 前 帳 以 諸保、 行 年 紐 日 草帳 其 於隣 則 畝 措 諳 中 下 折算計之法,又人 委 專 逐 其 實。 之 始 置 部 曉 任 施 打 , 委守 講 諸 圖 近 濶 於 經界之法, 經 算 行 根 量 責 而 究, 其 州縣 都 帳 狹、 界 法 成 檢 事 一攢 倅 官 + 之 们 保, 聽 謄 目 於 爲 之人,選 算格 及 爲 水 已行 保 别 取 候 其 名 録 置 所 土 凡 大 合 及 力 指 終, 之 式 紙 差 界 爲 點 募 經 打 使 Ш 揮 高 總 印 擇 界 所 雇 量 今 111 對 本 事

> 計 算 欲 均 會計 亦 平. 錢 畝 田 之 煩 内 内 乞特 費 各 租 有 祖 産 截 盡 而 不 課 産 輕 額 矣。 費 撥 概 去 而 未 同, 許 田 用 應  $\blacksquare$ 重 此 均 本 其 0 足 若 ,名色不 齊同 産 副 等名字 姦民 有 産 産 來 以 錢 干 官 則 錢 己 革 過 紹 猾 田 實 大 具 每 不 有 鄉 其 興 爲 利 吏, 申 田 許 只 有 輕 本 經 通 漕 利 可 將 過 而 並 職 重 來 界 縣 便 成 憲 畝 鄉 見 其 田 一, 雖 緣 輕 打 均 所 在 爲 於 而 隨 重 量 有 紐 今恐 納 姦 田 民 本 九 既 不 學 番 税 本 庶 土 州 亦 等高 均之 田 畢 打 打 爲 租 州 幾 逐 不 H 今 量 量 百 隨 供 輕 有 民 鄉 至 之 步 攢 間 重 常 里 産 畝 於 錢

0

<sup>●「</sup>興」,原作「熙」,據武昌書局本及《文集》卷一九《條

<sup>「</sup>煩費」、《文集》卷一九《條奏經界狀》作「甚病」。

九

簿 若 管業。 遇 簿 則 畝 縣 則 令諸 至 分 米 納 均 定 對 送 併 都 一、步 數分 有 税造 干、産錢若 之數 敷。 云元 錢 計 産 交 行 州 就 簿 鄉 産 錢若干 畝 亦 易 批 印 却 係 各 隸 烟 每 却 簿之外 錢 等第,各 鑿 扇 即即 押 於 某 造 産 爨 幾 庫 逐 以 則 後 人 下 地 文 將 文。 類 干 交收。 旋 産 管業, 文,納錢 簿 項 分 版 縣 聚 契 遇 撥 錢 而 使 通 開 注 其 圖 書 知 諸 開 辰 爲 總 其首 結 排 某 某 有 及 簿 具 却 、戌、 諸 計 母 佐 定 總 兩 人  $\blacksquare$ 年 本 若 以 逐 色 通 通 尾 結 業 而 家 管業 典 别 鄉 到 倉 干,米只 丑. 州 行 結 相 民 散 定 砧 開 賣, 官之數 所 并 諸 收 庫。 逐 照 業 未 等 基 在 管 隨 掌 具 某 户 色 有 年 照 諸 有 則 除 H 某 秋 人 又 H 租 經 鄉 鄉 典 數 造合 見 料 若 人 逐 倉 逐 照 税 矣。 賣 縣 户 田 税 干 今 受 縣 年 JU 例 錢 元

> 税 請 不 并 人,廬其居」之意 賦 買 無 少 本 0 不 僧 大 州 乞特 循失陷 行 惟 更 住 有 持 降 時 荒 前 指 H 田 廢 揮, 業 又合於 土 寺 有 爲 許 院 歸 人 **\*** 田 韓 侵 亦 本 産 愈 占 州 免 所 頗 向 召 失 謂 多 後 陷 人 官 實 目 税 其 今 封 賦

書 從 税 田 蓋 尤 土 退 言,不敢少有 度 文集》與留 一。皆爲 取 出 存 經經 税 利 已 而 什 講 不 害之大者。 界利病 其 或 州 均 究 八 所不 豪宗大 更受俵 縣 巨 九 隱 皆是 既 細 成 應取 漏 顧 派 本末 失 矣。 姓 寄之 官 相 望前 經 所 詭 之財, 劄 物 不 常之 鄙 以 名冒 郡 租 子 却 意 動 敢 不 永 **※**云: 首 以 人 木 以 避 占 無 久 不 苦 足歲計 萬 他 鼠 僭 利 盡 則 恭 而 狼 計 率 兩 規 害 遂 蓋 細 奉 端 狽 摹 多 極 民 公 以 聖 而 之意 措 如 方 本 無 産 私 意 旨 經 諸 擘 所 去 田 州 界 盡 相

蒙施 熹 隱 莫 縣 今已近冬至,更五 行,亦有陽爲 秋冬之交,早 無措手之地。 實 自 能 之 郡 科 行,亦無日子可 到 相 計 . 罰 官 IF. 州 蓋 窮 郡 賜 不支出 嘗 兩 民 所以 之賣 行 受 可 反 十日 下。 復 害, 而 が前 以 鹽 陰 討 此 辦 有 即 是 實 竊 論, 申 使 集 是新 也 聞 力 奏,欲 若 欲 人 沮 廟 救 F. 春 不 不 之者 堂 1, 設 經 其 忍 下 得及 有 界, 弊 聞 不 使 意 者。 法 此 便 施 實 只 而

之,以 弊,壓 要 貫 起 分、半分 語録』經界 與 却不 分弊, 便去 理 爲 在 管, 決 頭 搜 而 也 及被 上都 不 己。 剔 須 既 今人都是這 可 革 那 行, 人 行。 不管,及至 今人 去 半分、一分底弊 少 也安得 得 却 如被 却情 九 百 分 般 人 盡 錢、干錢 願受 纔 半, 見 少却 無 有 識 弊 所 這 百 來 人 + 餘 便 而 貫 今分 瑕 分 者 反 理 只 千 是 到 疵 會 重

> 物 明 是 事 看 有 箇 沈 天 僴 下 國家 9 無 人肯 把做 自 家

【文集】《經界申諸司狀》。《再申諸司

况月,奏劾黄岌罪伏。 狀》。《條奏經界狀

九月,奏劾黄岌罪 民之戒 岌 私,不 書 州 狼 糧,不爲 奏狀》言: 狽 省並 重賜施 遂將黄岌 質 以 諸 非 及 國 行, 監 細 時 家 縣官黄岌,怠慢不 與龍 司 以 事 交 養 照會訖 , 委 狀。 爲官吏慢 納,致 兵 巖 捕 是難 縣 盜 主 \$ 0 爲 以 簿 \$ 欲望 念。 存 寨 對 廢 留 移 職、不 土 聖 職 在任 其 兵, 斷, 已 專 土 申 恤 將 饑 務 軍 黄 尚 本 軍 餓 月

【文集】《按黄岌狀》。

冬十月,以地震及足疾,不能赴錫宴自劾,

❶ 「監」,原缺,據《文集》卷一九《按黄岌狀》補。

仍請祠,不允。

鼓 訟 末 先生初 訪 地 所 震 舞,而 一大爲 ,遂疏 事宜 不 狀」會朝 · 便。 及足疾 任同 寓 擇 民 其 及具宣德 公豪右果爲 利,而占 事上之。 人物, 不赴 安, 論 欲 已知 錫宴自 以 行 意,榜、 田 至弓量之法,洞 蓋經界 泉、漳、 經界不 隱 異議 税、侵 之 法 汀 以 行 通 沮 行,息 之害 衢 漁 之,遂 州 貧 則 經 弱 邦 争 見 至 者 大 止 本

者。 至滿 發動 境屢 開 請 E 【文集】《與留 一之誠 允 罷 散錫 遍傳 至於 科茶錢、 有地震之異,未及自劾 經 (0)《宋史》: 界 按劾弛 宴之日 聞 兩足,痛楚 無 亦 丞相劄子》云:九月中 額 有 十月二十二日 不不 慢 經 陽 不 總 · 得 爲 呻 虔之吏, 制 兩 少 吟,不 錢之屬,久 伸 可 以 會 臣 而 慶 聞 可 諸 子 陰 節。 堪 司 歸 力 而 忍, 又 沮 不 又 美 舊 不 所 報 疾 州

> 千 下 具 如 主 萬之幸也 執 奏 張 此 事 牒,乞從 使, 甚 熹 有 伏惟 寧 己 罷 復 行 少賜 黜 更 取 有 勘 矜 而 顔 憐 並 耐 面 以 復得 無 可 此 故 臨 私 自 奉 吏 布 祠 引 民 腹 罷 則 心 者 於 已 又

刊四經、四子書于郡。

後,以曉世之學者。 【年譜】壬辰,奉以告諸先聖,各爲説繫於

範》、《金 逸》、《君 形日》、《西伯 載「《易本義》成」下。 口 ○《書》: 梓 文集》 禹貢》、《甘誓》、《湯 傳《書》二十八 材 × 書臨 奭 縢 ^ 世 召 × ×, 傳 誥 戡黎》、《微子》、《牧誓》、《 《多方》、 漳 孔 × 所 篇 ○《詩 安 ^ 刊 國《 : 洛 誓》、《 ^ 四 立 誥 **%** 堯 尚 經 康 × 典》、《皐 載《詩 書 後》。 誥 政 盤 ^ 序 多 × **>**′< 庚》、《 》言, 集傳》成」下。 ^ 士: ○《易》。 酒 顧 陶 × 命 誥 高 伏 謨 ^ 無 洪 × 生

中 篇 《太甲下》、《咸有一德》、《説命上》、《説 篇,合之凡五十九篇 牙》、《冏 中 或者以爲今文自伏 所行公私版 仲之命》、《 誓下》、《武 今考之,則今文 孔 序》以冠其篇首, 書》爲今文,而 湯 吕 - 》、《説 ,又增多五 》、《五子之歌 氏 刑 盤 》、《伊 中 庚 命》。 ^ 命下》、《泰誓上 文 下 成》、《旅獒》、《微子之命 周官》、《君 書》 訓 侯 本 篇 ×, < 分伏生《書》 是 × 之命 謂 多 ×, 增 康王之誥 《舜典》、《 《太甲上》、《 也 ൬ 安國之《書》爲 艱 多一 生女子口授晁錯 胤 定 × 澁 征 及 然 爲 ^ 陳》、《畢 前 ×, « + 費 ×, « 安 漢 Ŧi. 五 誓 益 古文反平 **%**0 國 泰 十八篇,今世 中 儒 仲 篇 作傳 誓 稷》、《盤 四篇 以 太 並 虺 命》、《 ^ 中 古文,以 伏 甲 秦 之 序 ^ 遂 \*\ \lambda × 生之 爲 誓 時 誥 大 中 ^ 失 君 引 九 蔡 命 禹 庚

問 學 讀 鑿 定此 儒 易好, 讀者姑 於後,使覽者得 類 誥》、《梓材》之類, 序之文,或頗 不先經,則賴 反專得其所易。 ※春 之説; 《春秋》義例,時 時 之, 傅 西京文字, 則 會於 本,一以諸 爲記録之實 |秋||\*: 已 必 先秦古書 則暗誦者不應偏得 務 盡 耳 又 其 沉 熟 熹之先君子好左 論 所 潛 卷乃 安國之《序》而 亦皆 與 其 難 反 見聖經之舊 篇本文爲 所 是皆 經 者云 復 所 語 亦窺其一二大者 及 引之文,皆 就 可 而 不 以 乎 難 長,稍 寢。 疑。 合, 安國之《序》又 有 其 不 工,而 不 紹 所 可 經 所 如《 故 從 獨 可 易 熙 知 難 可見,故 諸《 諸 熹 潤 而 知者 而復合序篇 E 康 氏 前 庚 者 而 先生 自 色 不 如 書,每 序》 戌 如 幼 亂乎 之 不必穿 考 此 十月。 前 此, 之本 長 未 絶 文 今 至 雅 勺 使 别 酒 不 詞 或

《詩 經 也 法 所 所 篇 不 念《 世 曉 法 河 不 書》於郡 以 哉 繫 可 諸 當世 而 以 南 之 詞 能 以踵 春秋》大 而 以不 詔 故 異者 儒之説 爲三經之音訓 於 際 邵 有 絀《詩》、《書》之《序》,置之經後, 一,使得 後 書 其 LI  $\bigotimes$ 氏 不 世 爲 備 間 自 帑 書 ^ 能 類 經 訓 信 皇 前 有 臨 將 之後。 復見古書之舊,而不 悉 多 春 乃復 聖筆 顧三 於 易》用 感 極 漳 使 獨 秋》爲 具。 人名、 其心。 也。 於其 所 經 讀 者 一禮體大,未能 出 刊 世 所 者 異 」,●尚 其《公》、 吕 地 左 皇 近 君 四 刊 **\*** 時 氏 誦其文,思其 以 氏 學, 名, 帝 刻 子 臣 有 本古 有 不 故 經 《易 後 王 、父子 能 以 而 敢 又 未 ^ 文, 霸 穀 放 經 成 非 嘗 以 廢 × 之書 緒 聖 吾之 别 吕 大 錮 傳 大 塞。 敢  $\wedge$ ^ 正 人作 爲 易 氏 義 於 詩 + 倫 輒 義 經 志 之 尤 後 以 獨 大 而 措

> 訓 語 之教 此 經 況 而 以 詁 聖 以 天下 力行 有 0  $\approx$ 得 於 凡 既 几 不 以 以 -之故, 書 新學 德 蓋 其 遠 之,以入聖賢之域也。 口 知 便 例 中 者 其 事 亂 大 者, 觀 之間 庸》、《 講 必 指 小 難 也 理之當然, 者 出出 以 舍 先 誦 易、遠 生 要 明 先 此 使 驟 失 故 歸 孟 老 後 巨 又 爲 傳 今 之 師 也 子》 悉著 之。 而 細 近、 無 刻 用 哉 宿 見 讀 自 靡 所 之書,然 大 力 ? 四 儒 道 之 其 凡 且 用 不 小 古 乎 尚 義之全 程 考 故 象 是 其 該 ·之序, 經 ^ 有 其言 子 舊 數、 河 大 亦 心 焉 不 後 之言 聞 南 而 學 安 矣。 能 名 體 雖 爲 及 程 能 遂 古 欲 × 物 知 約 及 之 乎 夫 及 然 如 遽 求 而 ^ 於 乎 論 此 子 訓 有 去 道 身 而

0

<sup>《</sup>書臨漳所刊四經後·春秋》改。「昌氏」,原作「吕公」,據武昌書局本及《文集》卷八

非 以 出 此 所以 熙改元 覽 者 然讀 附 爲 於其 者不先於《 人道之漸 抑嘗妄 後 謂 以 孟 也 見讀之之法, 中 子》 因 庸 竊 而 雖 并記 遽 七篇之 及之,則 於此云。 學者 所 亦 自 得

【文集】《刊 四 經 成告先聖文》。 紹

臘

月

《孟》之精微 融 庸 羽。 乎《大學》,則 勝 得 天 年譜』按《語 恁地。 》爲人道之序,而後及諸經 似 言一字不吾欺,只今六十一 先生教 假之年, 貫 去 )某當 通 年, 人,以《大 又云: 熹覺得今年 而 初講 許 去 ; 録 無 多 極《 不 年 \* 道 以 學,也豈意到 參之《語 勝 中庸》之旨趣 提 理 學 似 綱 在 某如今方見 前 一這裏。 挈 ×, 年。 語 領 -方無 \* 孟 林 這裏, 而 歲 **《孟** 今年 以爲 ; 夔 盡 方 疑。 然 孫 則 得 ^ ×, < 丁, 不 語 不 幸 頗 無 聖 理 章 先 已。 中 以 而 伯

> 務實 難 句,玩 其 其 大 / 於讀 經 知,平心易氣 極於《中庸 辨辨 其辭,求其 而 書 别 讀 也, 義 天 利 必 下 則 使 之 義 毋 以 又何 <sup>®</sup>其 之辨 自 研研 書 欺 以 精 論 謹 所自得 其 覃 建立大本, 天下之事 音釋, 一思,以 其獨 之戒, IE. 然爲 究 其 其 哉 經 己 所 章 綸 ?

列 上釋奠禮

嘗

<del>不</del>三

一致意

焉

洪

本。

始 討究,則淳熙所 他 得於老吏之家。 處 類 E 禮》祭祀儀式 年譜】先是,南 能 釋奠禮儀 臣 , 乞更增 定 民 ,遂格不下。 議 禮 儀, 得 修 數 了,其中 請 鏤 事 事 鏤之板,已不復存 施 康準禮 板 又 且. 洪 未 行。 以 本 頒 有 施 移 議 降, 未 行 書 部符,下《 而 論 詳備, 禮官 亦 主 不 至 恐 其 是, 乃 越 事 有 又 者適 未 朝 乃 政 得 後 再 復 詳 和 頗 廷 徙 爲 備 編 列 Ŧi.

【别集】《申禮部檢狀》。

十一月,韶 汀 建 申狀》云: 轉 州 運 經界 先 提 將 刑、 尚 ,十一月二十六 漳 書 提 州 省 舉 經 十二月二 司 界 奏, 措 置 相 日 施 度 日 降 行 到 劄 指 泉、 子 揮 : 福

請 奉 事 狀》冬, 祠 Ė 無 其 及。 有旨 後 經界竟 明 先 年 行 報罷 漳 屬 州 有 經 嗣 界。 子 之喪, 南 方 再 春

將

漳

州

措

置

施

行

度。 請 論 姓 미 語 之説 唐, ,又止,且行 録】問 本 如 上殿 州 致 其 欲 以 論 廟 請 爲 行 堂 及 於漳 經 可 即 此, 疑 行 界本末。 時 貮 州 尋行 付 而 出 泉 却 下  $\equiv$ 是 州 曰 : 漳、 省 大 顔 泉二 黄 本 尚 宰 伯 書 執 官 耆 州 操 員 再 兩 相

經界乞候冬季打量。 二年辛亥,六十二歲。春正月,申轉運司,

> 然閩 年累 畢。 月 作 指 犂,若於此 七月一日方行差,十月一 申 R 之前,次第 揮 狀 南 欲 次 先 水常多 》云: 望 申請 地 將 使 煖,纔及冬春之交,民間 時 漳 正月九 司 欲 原 T 施 州 詳 野 畢。 於 行 經 酌 泥 秋 界 其宜 日 不惟 濘, 成 目 措 今雖 之 準省劄,十 置 一,特賜 恐亦 日 有 後 施 然後 妨 是 即 行 難 農 敷 正 便 得 打量 務 奏, 月 打 熹 己 應 量 中 是 自 月 許 而 期 一,東 旬 春 耕 降 俟 去 T

行,雖 其合預 檄,聞 措 動 并 究,令益 【文集》《與留 兼者惡 摇 手。 命之日,已是正 細民之所願 未 行 已 精 知 申 其 措置 審 害己, 此 漕司,乞候 以 丞相劄子》云: 八 事 俟 九月之間 件 莫不 欲 及 則 期 初 陰 而 + 目 農 而 豪 謀 月 今不 行。 家 事 詭 事 經界已被 右 日 計 方興,不 體 住 但 族、 打 又 施 思 此 量 復 倚 事 行 有 矣。 容 如 之 講 漕 以 勢

之理 罪 走 騰 何 自 ? 口間説之計,則如熹 而徼幸於有 · 効而 裁之,有以 更 介願 歸,不敢 丞相 成 終 深察其情,而 遊 惠此 丞 如其 相 等輩 邦之人, 陶 不 鈞 然, 尚 以 之内 則 而 天 得 當 以 下 不 矣。 至公 効 墮 以 於 微 奔

進 月 年 經界訖 不可行,先生與書,再三切言之。 ,先生以子喪乞祠 士吴禹圭訟 漳州經界,而 譜】宰相留 不行 洪本。 其擾 正,泉人 已是春 人,詔 去郡。 初,事 也,其 寢 其 冬十 已無及。 里黨多以 事 前 户, 有旨 漳  $\equiv$ 州 州 先 爲

奏請褒東溪高公登直節。

昭雪褒贈 祠 令,以直言忤秦檜 年譜高 郡學中 以 先生爲 東溪先生名登 旌 其 (直節 之記。 削官 一,漳浦· 徙容州 洪本。 至是 奏請 人,爲· 死。 於 舊 古 朝 縣 有

【文集】《與留丞相書》云:高古縣特蒙主

獲伸。 張,得: 意,不但施之今日周行之間 被仁聖漏泉之澤,九 丞 相 所以 褒顯忠直 原 濱 所勸多矣。 忠憤,一 抑 姦 一)諛之 日

【文集》《乞褒録高登狀》。

一月,以嗣子喪,請祠。

至,即以繼體服斬衰,丐祠,歸治喪葬。 【年譜】正月癸酉,長子塾卒於婺州。報

奏薦知龍溪縣翁德廣。

察其施 之勸 慈特 爲 奏狀 赫 赫 與 》言 爲,庶幾 口 陞 喜之名, 擢差 德 廣 造,以 乎古之循 天資 丽 剛 有 爲官吏勤 直 懇 吏者。 才 懇 愛 氣 民 老 事 欲 之實。 成 愛 望 聖 民

【文集】 之思,始 望 與 蓋 留 不 派 及 相 此 書 \times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\t 龍 溪亦蒙 收

【文集】《薦知龍溪縣翁德廣狀》。

三月,復除秘閣修撰,主管南京鴻慶宫。

狀 屬 有 嗣 子 之喪 再 請 奉 祠 除 秘 撂

修撰,主管

南

京鴻

慶宮

行,而 者又以 亟 語録】先 啟 從 終 之。 經 以 生以 界一奏,先生 不 陳淳。 便己 喪 嫡 一爲 子 病,幸 " 持 祠 之 其 甚 力, 有 堅。 是 雖 請 已報 當 也 路

夏四 月二十九 日 去去 郡, 辭 職 名

難 政,當申孝宗是命 以 譜】先生去 復受,故 再 郡 辭 力 焉 即 辭 辭 洪 得 免 本 職 請 名。 己 降 蓋 褒詔 初

平 慕 陋之俗 易 恣 後 語 人人心 時 慮 所 記録 】 先 而 習浮 欲 而 亦 仕 不 驟 方 有 屠、爲 敢 生 族 承道 肅 愕 行 在 然 奉 然 姦 臨 傳 繩 德 以 疑、譁 豪 漳 定, 經 檢 正 禮塔 僅 猾 大之化,始 而 僚 及 斂 不 然毁 屬 朝 踪 敢 厲 期 岳 干 而 者 志 之 以 不 節 以 雖 會者,在 敢 私 越 南 而 有 冒 胥 半 唨 不 欣 法 徒 敢 年 妖 敝

> 陳淳。 或 奔 生之化, 敢 街 在 遁 復 輒 衢 皆 ,改復生業。 舉 前 人道之常。 爲 之 而 抄 良家子 屏 掠 先 息。 於 生 間 行矣, 女從 平 兀 至是 巷 境 時 空門者,各 狗盜 亦 附 及 贵 皆 期 鬼 不 之民 相 爲 深 IE. 妖 視 可 爾 亦 斂 閉 安習先 恨 迎 戢, 精 望 哉 遊 風 於

【文集】

辭

免

秘

閣修撰狀

**>** 

五月,歸 次 建 陽 寓 百 繇 橋

間 月 復 屋 几 H 【文集】 明 寓 解 口 成 日 畢 罷 歸 遂 居 年 İ 近 抵 郡 五. 可 與 夫, 也 市 建 事 移 留 人 陽。 0 見 越 丞 目 就 事 三日 相 ○《答吴伯 今且 此 應接 書 謀 \(\frac{1}{2}\) 架 發 1 (倍於 臨 居 以 小 己, 漳 豐 Ш 几 書樓 書》云: 間 買 Ŧi. 月 月二 得 + 今不 更旬 人 舊 + 此

秋 七月,復辭職名,不允,乃 拜 命。

【文集】《辭免秘閣修撰狀》二。

九月 十二月,復 除 荆 辭 湖 以 南 路 經 轉 界 不 運 行 副 自 使, 劾 辭 不 允。 冬

即《自劾狀》。
【文集】《辭免湖南運使狀》一。《狀》二。

心 之賢 縉 伏 唐 所 黨之務 之人所當疾 有 於亡人之國。 【文集】《與 士大夫之朋 讀 以 紳 、紹聖之已事 口 無 丞 与, 自 ,而古之惡 人君子 蓋 去,則彼 相 言 往往 其 所 留 迹 也 黨 所 賜 字 反 丞 一,而 爲 之書 蓋 以 不 爲 朋黨 小 患,此 相 然熹嘗謂朋黨之禍 相 不察其 今未遠 出 所 人之 君 書》云: 知 率 擠 於 子 而 而 巧 古 至 恃 欲去之者,往 丞 而 賢 也 於 願 其 今之通 誠 相 目 蒙 否忠 附 公心 自 惻 愛君 以 熹 垂 於 怛 謀 爲黨, 邪 下 雖 直 此 者 病 諭 憂 風 至 道 天 必 往 或 誠 深 而 止 漢 **無** 也 愚 之 於 將 惟 至 以

之所 其 下 門 以 以 己 爲 能 其 愚者之慮, 勝言者 延 讒 長,君子 小人之分,下之所以 而 是, 黨 任 果 之事者, 自 賊 有 告於君 天 未 納賢能、 姦且 之不 處 常若 下 其 能 守、 以服天下之心 而 之 不 之道 果 則 有 無 孤 1者,未 邪 衆 賢 以 朏 賢 黨 黨 顧 宰 派 反有侵凌干犯之勢 立 耶 朋 否 者 退 相 則 日 相 且. 丞 而 無 黨 忠 安得辭 能 則 無 爲 姦險,合天下之 之職 相 消 忠 無 朋 爲 邪 使 顯 非 黨 ,天下之慮 先 與 耶 者 ,慰天下之望,而 慮 爲 矣, 行 之 然黜 哉? 以 也。 共 此 則 己 其 於 判 分别賢否 圖 而 熹恐 顯 之,惟 任 進 責哉 然 一介 奚 天 使 夫 然 退予奪者,未 不 是 以 必 下 小 派 進 ? 疑 之行 以 將 人 也 恐其 之事 人 派 以 相 之, 於君子、 忠 之 以 熹 有 相 無 上 或 邪 之 惟 今 黨 濟 夫 陰 未 不 不 道 也 世 所 恐 勝 者 杜 爲 口 H H 天

子 而 之 有 爲 以 黨 害 吾 而 用 不 賢 憚 之 以 功 身 爲 也 0 之 鲎 不 惟 9 不 不 開

惟不憚以身爲之黨,是又將引其君以爲

疾

君

不

盡

黨而不憚也。如此,則天下之事其庶幾

乎。前年逐二諫官,去年逐一御史,近聞

又逐一諫官矣。上下不交,而天下將至

黨,其亦誤矣。四月。○又《與留丞相書》

於

無

邦

派

相

不

此

之慮

前

慮

士大夫之爲

云: 不 同 抑又聞之,天下 ,以《易》 而 言, 方其 事 勢 復 有 而 消 長 長 で、 也,一陽 主之

爲主於下,而五陰莫之能遏;及其遇而

消 豕 嫡躅 也 元 五 之 孚, 龍 夭 矯 甚 於 可 上,而 畏 也 不 足 派 相 以 觀 當 於 今 陰 日 羸

之勢 乎 ? 外孰 孰 能 爲 制 主 而 ? 方 長 而 乎? 孰 爲 制 孰 於 爲 客 人者 m 平 方 消 ?

於是焉而汲汲乎以求天下之賢以自助

使

之更進

迭

入,日

陳

安危治

亂之明

戒

後

欲

日

爲 未 異 免 其 上 黨 日 有 心。 之 失 尚 排 患 亦 恐 抑 乎 何 後 陰 ? 遽 時 邪 七月。 至 而 無 預 無 憂 使 及 其 主 又《 分 勢 於 别 事 小 與 不 傾 太 留 甚 派 而 相 陷 而 而

泰 進 書》云: 往 退 之,毋 來之變, 願 派 爲 相 謹 調 深 察 停之説 觀 君 大《易》陰 子、小人之分, 所誤 陽消 使 忠 長、 言 而 否 公 H

之福 聞 聖 朝 德 廷之上真 日 新 · 加 天 見平平 下 之人真享 - 蕩蕩 之風 富 壽 則 康 衰 寧

218

之分,察之有未明,消長之戒,信之有未病之軀老死邱壑,無所憾矣。如於忠邪

篤,而又以一身利害之私參錯乎其間,則

勢,以 今所謂 爲 持 君子之病。 平」者,是乃 將 見 所 彼 以 黨 深 日 助 盛 小 此 之 勢

孤,天下之事,將有不可爲者。丞相雖

之一得焉。十月。 復冒昧言之,伏惟恕其狂妄,而采其千慮

是歲,與永嘉陳君舉論學。

從 衷 驕 劃 其 念 間 落 H 如 慝 來徵《 年譜】先生往 平 曲 益 永 聞 太 長 訓 説 耳。」先 者前 之益 實 精 康 <del>前</del> 此 》,以 見 詁 往 地 詩 愚 益 學 異 頗 章 還 見 有長樂之争,後 説 者轉 同 書 覺 而 傷 句 生答云: 欲 循 ×, 問之。 積累 書 動 簡 無 以《 歲 序 年來 付 相 數千 不 易 從 聞 加 之諸 夸 雅 能 就 ; 永嘉 功 或與士友言之,未 毗 》、《頌》之音,簫 大,漸 「嘗 言 至是,遣 宣 矜 正 · 浸 則其 一,要 生。 陳 持 更 謂人之爲 間 有 失 傅 己 見端 相 須 臨 欲 又謂 目 本旨 良 甚,反 書 切磋 請 以 川 前 君 來 緒 見,究 之 書 雖 舉 報 學, 辨, 加 未 + 勺 自 涉 蓋 未 嘗 云 見 此 吝 見 至 年 嘗 有 刻 群

心 期, 幸甚。 之? 熹之愚 易者。 馳 非 趣, 讒 别。 言之未盡,不 然, 自 心 不 巧,是以其説常至於依違遷就 取 假用意裝點,不待用力支撑, 便之計 非獨 義 而 豈容别 是 人 辱, 蓋其 不 惟 理之實,必皆有以見 以 老 私 至於講 然至 盡 自 以 敢 病 胸中 耶 冒 説 言 避 生計 信 以 ? 出 致 足以 咎之故 無 爲 於今日 已 論 憂, 未 愚 今人 篤 隱 較 悔 朝 之際,心 能 暢彼 死 ,使 依依 悃 也 淺 向 無 爲 亡 計 而 得 此 來 違 學,既 纖芥之疑 向 此之懷,合異 無 不 後 之 遷 反 心 即 風 識 而 日, 其確 詭 覆 耿 辨, 就 是 終 引 高 已 於 耿 念此 其 口 無 雖 領 明 詞 而 過 以 然 耐 説 面 猶 何 至 有 無 爲 聖 高 也 口 而 大 不 寫 千 恨 於 以 同 以 所 諧 賢 即 而 不 事, 勝 之 若 萬 教 其 遭 致 分 是 傷 俗 可

\_\_ O \_\_

丈 器 多 未蒙 啚 道 歸 未 必必 之。 然者 一,每 術 之來 上不 集 開 者 以 恨 訪 示 又《 得 失列 無 布 痛 定 0 由 然 露 與 掊 乃 聖傳 於 得 擊 愚 陳 敢 得 遂 悃 之, 君 丐 授之 爲 , 傾 之 舉 非 高 庶 道 倒 未 書 明 統 曲 細 有 能 以 **>** <u>-</u> 云: · 下 折 事 以 少 盡 求 也 得 ·使天 垂 計 發 鐫 前 其 於 其 采 切 書 惟 言 真 下 擇 復 所 執 是 之 者 趨 近 扣 爲 其 亦 事 曹 函

某前 問 爲 傷 討《 雅 語 易簡 相 他 雅 録 番 與 如 ^ \*, « 消 君 話 頌 不 何 鑠 合 難 》之詞 舉 頌》之音 是《 矜持 群 與 竟 得 慝, 、林黄 雅 書 已甚,反 無 在 × 云: 章 深 《頌》 中 便 更 句 益 都 没 陸 訓 更 涉吝驕 只 之 詁 理 蓋 子 望 是 音? 會, 静 以《 刻 付之諸 瞞 諸 劃 又去 雅 太 人 今 × 不 精 辨  $\wedge$ 只 知 又 那 生 頌 謂 有 頗 裹 更

> 没尾 義 賀 道 性 識 合説 只 收 又 是 何 截。 孫。 先覺 理 開 理 得 ,又不得 日 如 收 會 得 恁 方 П 話 盡 又 却 ○今永嘉又自 他 道 自 不 太 是 地 終 南 成 不 得 這 闢 處 那 分 深 及 不 軒 不 箇 被被 得 益 曉 他 門 部 説 以 金 説 是 似 ? 衆 説 説 禪 不 此 溪。 甚 破 子 人 刻 若 似 傳 是 物 静 胡 他 又 説 擁 劃 授 他 孟 大 事, 箇 ··, 子 不 季 和 從 太 子 只 抵 甚 識 隨 種 禪 精 又只恁鶻 静 之 君 恁 又 都 麽, 所 也 亦 學 舉 却 闢 不 地 便 説 識 從 問 是 到 然 以 肯 楊、 含 只 之 不 皆 見得 是某 湘 不 道 糊 更 載 得 問 突了 墨 以 没 肯 中 我 疑 學 9 道 不 他 箇 不 世 頭 葉 作

0

此 舉 字 曹 ,《文集 曹器之」即「曹器遠 器之」 遠 温 州 按《宋史》卷 又與黄直卿 瑞 安 四 小 書 學 六《 有 於 君 陳 曹 舉 傅 叔 良。 門 遠 傳 曹 陳 器 傅 之來」, 良 字君 叔 遠

必大。 某 白 無 見 主 季 隨 所 古 以 知 其 纔 聞 不 他 能 自 人 之説 立 其 便 胸 動 中 自 吴

模、工 實 竟 甚 爲 論 世 者 類 歸 見 坐 文集》 學者, 般説 一衰道 多 鋒 囁 移 淺 H 則 左右 益 籠 晷 嚅 但 穎 夫 全是 而 微 話 卑 罩 見 朝 不 次 亦 答 又皆草率 而 荷 下 包 士 能 自未能 第 含糊影響之言 高 以 葉 亦 左 相 子 藏 出 便 未 自 學 右 正 與 傳 之語 彼 П 爲 能 標置 則 之 之 誦 以 既 苟 曉然 彼 諱 書》 意 意 所著 己 不 簡 前 此 · 下 不 若 甚 云 見 足言 上 書 於 傾 惟 深。 未 書 . 視 摶 下 不 欲 心 疏 倒 他 曾 向 及 古 量 矣 相 有 往 而 敢 答 略 人 以 中 來 凑 狥 來 所言者 無 所 分 而 問 間 識 求 合, 相 所 及 明 不 吾 識 道 寓 見 實 雖 書 疑 道 考 撰 黨 之 解 是 復 見 理 舍 尺 也 其 之 之 議 意 出 規 少 並 日 而

與 判 眼 耳 親 深 觀 竟 吐 切 語 無 寸 自 此 實 日 看 露, 爲 治 切 事 如 聲 考 瞞 話 成 處 便 覷 端 新 爾 彊 欲 不 道 看 何 就 勢 忧 尋 須 須 婦 得 然 的 不不 相 佛 得 得 竊 1 0 有 得 作 大 子 不 書 安穩 會 亂 何 料 此 開 箇 此 中 撑 可 如 模 面 乃 所 事 其 容 蓋 間 復 殊 識 拄 此 是 口 樣 業 耶 心 有 得 知 謂 相 無 以 説 處 可 破 遮 ? ? 豈 不 大家 與 豪 他 駭 參 君 世 只 有 ; 前 話 八只是 無 不 亦 劇 釐之差 舉 未 要 雜 外 未 如 所 掩 分 所 談 書, 快 來 辨 瓌 論 論 如 不 後 謂 明 講 疑 哉 争 奇 他 書 後 此 知 自 庶 亦 IE 似 處 之説 去 究 鶻 所 人 世 家 只 幾 遂 深 則 亦 説 取 到 謂 突 故 是 只 是 孟 乃 只 彼 不 以 不 直 不説 底 將 9 子自 作 曾 今 講 作 自 已 此 讀 在 免 本 去 截 作 大 盡 此 者 荆 家 見 究 不 如 H 開 做 能 向 見 得 辨 此 不 州 方 旁 如

學 也。 書告之,久不得報 自 中 以 里 窟 而 只 雖 斷古今, 處 間 爲 者, 在 有 乃 死亡無 行 壬子。 甚高 得 損 如 識 霸 反 不 葉 何? 也。 破 王之事 議 在 惟 不自. Ē 詖、 日,因 此 論 不 辛亥後。 則書,亦方 然勿 几 聖賢,豈 淫 能 前 知其 種 識 不動其 書聊復一言,不識 邪 二示人, 病 此 ○≪答 淺 恐未 中 遁 不誤 -,便欲 陋 似 而 几 心,究其根 恐 此依 殊 ·必能 項 其 種 哉 又起鬧 平 所 可 將 病 違 父書》云 堪 憐 做 處 此 籠罩 此 家 憫 相 見 原, 今之 苦 明 望 計 無 識 前 者 以 口 益 判 窠 千 乃

説 般 語 尚 都 不亂 魁 録】陸子静分 偉 曉 有箇  $\equiv$ 底 不 道 得。 綱 據 Ŧī. 理 處 嘗 常,又説别 自 得 如 明 不 葉 是禪,但 亂 書來,言 正 于三 則 是 説 箇 卻 綱 世 魁 則 成 Ŧi. 間 偉 常 只 底 有 是 箇 道 既 教 行

> 只是 葉 他 都 虚 被 説 理 自 論 ĪĒ 他 ~, 無 破 杜 瞞 則作文論事 也 籠 效 是箇甚 不自 蕭 撰,看他進 不曉得 驗 振 統 時 恁 麼物 地 知 他 他 説 又説 ,全不知些著實利害, 之説 卷,可 以謾 黄義剛。 事 ? 你 最 人,及 見大略 也 是 誤 是 未 人 葉 亂 人理 · 世 曉 正 道 到 湯泳 則説 間 會 這 得來 獃 他 裹。 話 只 人 不

任,復辭,并請補祠秩,許之。三年壬子,六十三歲。春二月,有旨趣之

事 秩爲請 年譜】韶漳 不 相 ,遂許之。 關 可 州 疾 經界 速之任。 議行 已久, 先生 猶 湖 南 以 使節 補 祠

【文集】《辭免湖南運使狀》三。

始築室于建陽之考亭。

記曰: 年譜】先是,韋 「考亭溪 齋 Ш 嘗 清 過 邃 其 可 地 以 一,愛之, 1 居。」 書 至 日

居之。洪本。是,卒成韋齋之志,遷焉。以六月落成而

(大方式 ] □, 庄文 皆刊。、草、【文集】《告家廟文》云:熹罪戾不天, □幼居之。洪本。

此 今既定宅,敢伸虔告,以妥祖考之靈。 居,亦既累歲 失所怙, 祗奉遺 鄉,實亦皇考所嘗愛賞而欲卜居之地。 時時 移事 訓,往 改,存 依 諸 没未安,乃眷 劉。 1 葬 1

使,辭。 冬十二月,除知静江府、廣南西路經略安撫

耗,自 任 狀辭免,欲望鈞慈特與將上,令熹終滿 之地,故以 某官愛惜人材,不忍使其 年,又叨除目,付以 獲安祠館,感 【文集】《與留丞 祠 禄之後,别 度實難冒受,以誤使令之意。 及此。 戴蓋 聽指 相劄子》云: 而熹衰病益侵,精 不勝言。 揮 一路軍民之寄,此 終身棄於 今者曾未 春間蒙恩, 已 神 無 具 逾 益 用

【文集】《辭免知静江府狀》一。

是歲、《孟子要略》成。

許多 數 看 這 此。 説 然。 面 孟子,皆歸之仁義,如説性反 【語録】敬之問:看《要略》,見先生所説 將 本 人 箇先從性看,看得這箇物事 裹 葉賀孫。 道 來都 條,是古人已說過,不 出 曰: 面 理 都 去,終不甚費 都盡,自此 無 是他見得 離 别 這 因 物 箇 整《要略》,謂 事 不 ·, 只 這 外 得 道 力。 有箇 更 理 不 無 通 得 是 要 仁 以 别法 透, 破了 不 要 知 . 義 孟 後 與 安 子 雖 見 諸 思 他 發 排 然後 有 得 到 處 維。 明 裹 理 此 如 得

■「戾」,原作「及」,據武昌書局本、《文集》卷八六《告家

「妥」、《文集》卷八六《告家廟文》作「安」。

2

長。「反」、《四庫全書》本《朱子語類》卷一○五作「及」,義

會

勇 猛 底 直 截 便 做 將 去。 葉 智 孫 敬 之

問 《要指 不 取 杞 柳 章。 日 : 此 章 自

分曉 無 可 玩 索,不 用 亦 口 0 却 是「 生

之謂 性 段 難 曉 説 得 來反 恐 鶻 突, 故

不 編 葉賀 孫 問 : ^ 孟 子》首章 先

剖 判 箇 天 理 人 欲 令人 曉 得 其托 始之 意

甚 明。 先 生 所編 要略 ×, 却 是 要 從 源 頭

看 説 來 來 ,所以 亦 不 必,只《孟 不 同 曰: 子》便直 某 向 恁 時 分 編 曉 此 書, 示

自 是 好 10 陳 時 舉

任 几 气,復 年 癸丑 解 9 六 + 四 歲。 春 正 月 9 有 日 趣 之

已 府 IF. 辭 降 恩 月 免狀 七 指 命 揮 日 **》**二云: 疾 E 尚 速 月 書省 之任 六 日 劄 右 熹 子 奉 熹前 IE. 聖旨 以 月二 熹辭 狀 不 所 十三三 許 免 陳 辭 知 委 H 免 静 曲 詳 依 江 進

> 誤 死 盡 恩 復 不 俾 有 謂 還 陳 未 舊 述 蒙 秩 照 伏 不 察, 惟 勝 朝 申 祈 廷 命 懇激切之至 再 益 爲 嚴 開 陳 是 收 敢 昧 口

文集》 辭 免 知 静 江 府狀 » | | °

冬十二月,除知 一月,差主管 凋 方 孚 節 嫌 氣 視 堂,遂有是除。 朝 帥 年譜 7,聲望 瘵, 洽 邦選 朱先 峻 是寄 方 力解。 振 特 爾 可 侯 生 或 爾 以 其 所 可 矧長 一安在 傳是 爲 尤 其 爲 南 加 以 潭 朕 爲 時 難 爲 京 沙 告詞 一、答以 冬使 列 之帥 撫 先 州 朕 鴻 世 其 據 城 之。 生 荊 教 慶 之 人。 湖 人自 **※** 云 聳 之。 宫 以 師 見 湖 湘 服。 兼 以 典 辭 ; 已 南 E 虜 是二 刑 楚 爾 一 遠 擢 路 游 儒 就 俗 心 學 中 所 安 用 先 者 或 П 存 古 賜 雖 近 撫 相 爲 安 聞 不 粹 履 使 奚 往 歸 虜 望 連 深 甚 事 尚 臨 威 爲 問 白 廣 有 藩 惠 風 士 師 無 廟 南

訓。可。」紹熙四年十二月某日,中書舍

樓

鑰

行

詞

若其 之志 至 不 民 多致 之不爲 前 如 公之門矣。 【文集】《 矣。 其 者 惟 褒 初 日 則熹 以 於鄉 因 不 甚 守 贈 首 龃 以 粗 不 不 漳 龉 至 臣 以 如 來 加 與 里小 於 伸 於 得 深 浦 屢 慨 其 相 留 讒 拔 是 是 經界 己 前 高 已 請 公曾 然 於 賊 用 派 兒 志 以 始 公、 而 而 自 瑣 於漳之士民 相 之深 之 湖 疑 陽 不 減 未 亦庶 知 瑣 到 事 南 口 相 許 得 免 識 官 其 姻 乃 **>** ; 公所 之, 者 云: 廣 曾 經 其 幾陰 決 婭 所 獨 總 西 不 面 則 是 年 之 不 以 以 熹 制 目 再 屢 以 愛之不 可 厚 愛夫 又 相 , 迁 知 錢 有 上 命 年 解 多 以 公於 乃於秉 熹者 濶 之屬 請 再 而 漳之 謝 復 而 爲 而 鄙 必 不 臨 . 爲 凛 卒 疑 人 几 報 遂 儒 皆 漳 相 罷 貮 夫 不 知 鈞

墻 之 乃 哉 者 守 宰 言 以 此 前 月 古 不 心 此 干 下 乃以 士 ? 自 前 有 相 反 爲 付 里 自當 禍 亦 則熹今日之言,猶未 失其 賢 復 重 事 大 狼 以 士如 抑 機 何 以 日 於 思 爲 於 得 狽 今日 雖 必 不 黽 湖 來 即 熹 戒 所守, 之,終 漳 士 失 若 自 使之回 勉 此 歸 南 使 、公其 者 州 爲 業 暫 之勢,天意雖 已, 失爲貴。 拜 出 復 之 之 息 功, 路之寄。 復 命 則 以 首 命 爲 經 民 而 面 是 心 有 前 下 以 以 盛 界 恐 污 也 遠 古 所 事 不 士 君 稱 美, 者 未 行, 0 人 今相公之得 爲 激 有 肖 之 爲 相 所 其 矣 除 若 今 聖 所 無 而 若 未 之恩 而 難 慮 1 相 以 謂 又 主 不 姓 暫 爲 能 事 報 公 肯 能 願 毋 以 終 人 而 忘 名言 口 而 會之來 德 郊 容 士 隆 出 使 相 身 有 相 者 熹 而 也 之 於 之 其 天 公深 恐 熹 士 之 厚 公之 於 居 寶 所 累 使 如 夫 私

王過 何? 虜 語 録 問 歸 過 使 白 甲 人云: 廟 寅 堂,所 年 見 先 南 以 生 朝 得 朱 聞 帥 先 朋 長 輩 生 沙 説 出 之 處 昨 命 如 歲

文集》 辭 免知潭 州 狀》

Ŧi. 年甲 寅,六 + Ŧi. 歲。 春 正 月 9 復 辭。

月,有旨趣之任

成 辭 命, 任。」會洞 其性剛,到此不 爲大臣言之。 先生,乞召爲宫僚 年譜】黄裳爲嘉王 命 有旨 四月 ,毋執謙 啟 : 獠 行 「長沙巨 侵 辭。 留正 擾, 洪 合,反爲累 本。 可依已降指揮,疾 屬 日 屏, 府翊善,自 E 郡 : 一府直 得賢爲 恐其滋熾 Ē 耳。」先 非 講 不 彭 重 以學不 知 龜 生方 某 年 遂 速之 往 拜 祗 及 再 但 亦

文 集】 辭 免 知 潭 州 狀》二。

夏五月五 日,至 鎮

> 郡 擁 坐席至不能容,溢於户外,士 年 數百里間,學子雲集。 ,幾不可行。 譜工在 途 所 次 長 沙 老 士 穉 子 攜 先 夙 扶 生 來 知 一俗權 一誨 觀 向 夾夾 誘不倦 學,及鄰 動 道 填

二〇八

洞獠侵擾屬郡,遣使諭降之。

輩 以 以 以 校 年譜》猺 禍 馳 某 田 至,官給衣冠,引赦不誅 日 往 福 昇 7,不俘 ,取文書粗若告身者數通 可 來矢喜, 用 人 蒲 以 先 來 來,將 生 矢出省地 聽命。 召問之, 斬 汝。 遂并其 以 作 昇即 爲 過 自 可 妻子 或 以 「隨,論 招 數 薦 俘 期 軍

奏劾將官陸景 任

難 景任,●病 奏狀》言: 以 倚仗。 患 欲 潭 尪 州 乞改與宫觀差 羸 東 不 南 能 第 行立,兵官 八 將 造,别選材 從 事 職 郎 陸

武前 來充 職 庶 幾 軍 務 不 致 廢 弛

【文集】《奏劾 陸 景任狀

祭南軒張公祠

墓文》。 【文集】《祭張敬夫城南祠文》。 《祭 南 軒

修復嶽麓書院

委教授牒》云:本州州學之外, 復置

嶽

游 麓書院,本爲有志之士求 肄業之地。 故前 帥 忠 肅 師 劉 取友,以 公, 特 爲 因 優 舊

其間 基 復創新館 使四 方來學之士得 延請 故 侍講 以 張 傳道 公先 授 生 業 往 解 來

惑焉。 而 比 年 以來,師道 凌 夷,講 論 廢

守 息 到 官 氣不 兩 月, 振,議者惜之。 木 於 簿 書,未及 當職 往 叨 假 除

冒

已 請 到 醴 陵 黎 君 貢 士 充講書 職 事 與 學

生 録 鄭 員 貢 士: 以 同 處 行 几 措 方遊學之士。 置 外,今議 别 置 其廪給 額 外 依 學

> 專 訪 州 授及帖書 徑 學 在於區 則 行撥 例, 院 區課 人。 更不 照 會施行。 試之間,實非 凡 補 使爲 試, 學者. 聽 候 知 當 小補。 所當 職 考 務, 牒教 察 不 搜

以 與 到,聞者感動 年譜】先 諸 切己務實,毋 生 一講 論 生 隨 窮日之力,治郡 洪本。 厭卑近 問 而 答,略無倦 而慕高 事 遠, 甚勞 色。 懇 多 夜 惻 訓 則 至

【文集》《委教授措置嶽 麓 書院 **%** 

申請飛虎軍隸本州 節 制 ,從之。

賴飛虎軍 百姓害,郡不能禁,且本 【年譜】申教令,嚴 以壯 聲勢, 武 備。 而 乃 路 以飛 遥 别 隸 無 虎 襄 軍 軍 、陽,不 馬 人爲 惟

【文集】《乞撥 飛 虎 軍 隸 湖 南 安撫 司 劄

便,遂有是請

洪

本

子》。

六月,申乞放歸田 里。

之臣 之教 賜 隕 近 誠 亦 能 諸 志 小 或 益 勝。 年 絶,自 敷 家 恐 奉 粗 服 數 大 憂 而 譜 奏 大行 朽 嘗 懼 其 Ŧ 爲 順 有 有 所 又 ()放歸 聞 衆 亂 序 以 鈍 竊 百 以 以 遂 時 覺 之餘 禀承 壽皇聖帝遺誥 哉? 光宗 窺 建 長 里 孝 雖 精 申 不 古 立 軍 久 宗 有 田 力亦 省 不堪 宣 以 然, 安 修 今治 民之上,彼 里 熹雖 彊 升 乞放 布 疾 明 寧 則 猾 遐 難 於下,所以 不 惟 亂 於上,然後 姦究 今日 以 至 支吾。 歸 能 先 安 愚 賴 攀  $\mathbf{H}$ 執 危 生 之人 方 介書 自 亦 朝 里 喪 哀 存 號 面 欲 何 廷 0 慟, 知 之寄 亡之變矣 生 無 内 中 不 望 守 所 言  $\equiv$ 甚 逮 外 外 朝 藩 不 憑 綱 彊 所 : 審 · 兼 相 洶 能 廷 迷 恃 天 逞 述 五 而 洶 特 常 F 自 以 置 其 職 而 而

果上。

《文集》《乞放歸田里狀》。

事,辭。 秋七月,光宗内禪,寧宗即位。召赴行在

閣修

撰

知

潭

州朱熹詣

行

在

宋史》《寧宗本紀》云:

七月

庚午,

召

秘

從。」 某。」 説 制 第 導,上 欲 傅 王 先是,蜀 年譜 其 進 進 良 自 德 彭 學 F 母 人 學 後 龜 修 問 , 云 乃 寧 有 皆 頓 人黄 業、追 每 年 旨 宗 . 可 卿 進。 講 繼爲宫僚 即 赴 此 母 之 裳 位 光 行 蹤 力。」 必 不 誰 爲 日, 宗 古先 在 問 之 趙 可 嘉 問 奏事 朱某 裳 説 制 汝 邸 因 光宗宣 哲 爲 ? 謝 愚 翊 王 當 之説 講 誰 首 善善善 先 日 因 制 對 魯 薦 則 生行 . 諭 進 其 莊 云 須尋 先 日 云: 티 : 講 侍 朱 公 何 生 且 某 御 説 不 天 及 辭 僕 能 F 若 朱 開 陳

小

嫌

廢

彝

倫

言頗

切直

,會今上

即

位

不

草

封

事

極

言

父子

天

性

應

以

傾心已久,故履位之初,首加召用。洪本。

生爲本宫講官,至是首召奏事。 【行狀】上在潛邸,聞先生名,每恨不得先

【文集】《辭免召命狀》。

立忠節廟。

牒 皆 法。 賊 右,各立 又 兵 训 百 忠節」。 年譜】東 官 以 考譙王本 本 戰 犯順 馬 後 州 忠 趙 承 臨 於 赴 通 節 聿 起兵討 位 陣 洪本 城 殁 晉 闕 之 判 遇 版, 傳 隍 於 王 巷 奏 潭州 害 並 廟 王 賊 敦之亂 戰 事 記 不克 事,而 内 其 象其參謀 事 駡 城 特 創立祠堂,象 孟 官 陷 賊 請 從 湘 職、 彦卿、趙民彦督 而 之 不 於 前未 死 州 屈 日 朝 姓 數人,立 刺 而 名, 將軍 史、譙 有 紹 賜 死 廟 五 興 奉 廟 劉 人者。 貌 初 侍 祀 五. 額 閔 玠 左 乃 人 如 兵  $\exists$ 王

【文集】《乞潭州譙王等廟額狀》。

考正釋奠禮儀,行于郡。

洪本。 常博 條 條奏得 病, 州 (年譜)先 善補外, 司,并下 不 年 所 口 以 乃力疾 先生 土 讀 被 附 敕 詹 請 州案。 巡 而 以 命 是 施 且 元 奉 内 躬爲鉤 召還 下 漳 善還 行 日 諸 常 之本郡, 州 屬 俾移學宫府 而 州 亦 奏事 任内, 有 爲 復格 校 不 大 僅 太常少卿,始 7,行 復 删 典 畢 吏文 列 不 下 禮 剔 而 下。 有 E 其 一、未遑 猥 釋 行 屬 重 日 書 雜 縣 . 奠禮 矣, 複繁冗,幾 至是,前 定 他 未 復取 又苦 徧 且. 州 幾 儀 爲 下 弱 元 數 往 帥 目

【文集】《書釋奠申明指揮後》。

八月,赴行在。

道 見,曰: 年譜】先生 何先?」先生曰:「今日之事 「先生 一行至 此 行,上虚 宜 春 門 心 以 劉 待 黻 非非 敢 遮 大 問 道 更 其

服

改

之 乎 位 不 天 ,以言乎 菲 不 一爲樂, 命 可 啟 人 飲 足 召 爲 沃 和 食 之時 以 之道 藩 輔費 同 然 悦 卑 臣 後 天 方 宫 人 之 當 則 庶 意 室 可 主 功 非 不 幾 之志 有 無 服 吾 俟 積 則 爲 不 之敢 人 駕 非 誠 可 而 心 而 吾之所任 盡 其 進之善, 不 往 孝 事 敢 必 大 默 然 有 吾 以 其 以 知 天 惡 天 通 體 竭 天 下 以 潛 子 衣

言

重

無

來 除 供 焕 章 職 閣 待 制 兼 侍 講 , 再 辭, 不 允 仍 趣 前

洪

本。

誠

盡

吾

力

耳

外外

此

非

吾

所

能

預

計

也。」

子

熹爲焕章閣待制兼侍講。 《宋史》《寧宗本紀》云:八月癸巳,以朱

歸 難 年 以 譜光 道 祗受,乞以 中 忽 牛 被 辭 除 奏 舊 命 事 官 之 奉 以 命 祠 爲 辭 超 兩 躐 旬 者 不 不 至 次 報 再。 之 遂 且 東

擢 謬 門 位 首 導 意 義 尚 士 在 兩 召 慮 宜 乙 《告 講 所 論 之 朝 朱 節 闢 闕 遠 民 元 之次對之班 愛惜名器 誠 祐 之圖 之本 熹 開 經 以 學,蓋將 陛 且 未 詞》云: 係 近 贵 帷 趣 究 發 將 若 爲不 非 下 習 9 歸。 詳 嗣 增 爾 六 輕 尹 可  $\exists$ 思 不 顧 0 益 求 延 IE. 焞 位 用 經之蕴 復 問 「朕 有 所 徑登 蓋 處 學 所 心 於朕 可 之 之 塞 之臣 以 用 以 誠 至 士。 先 以 初 輕 於 ? 初 從 大 事 深 意 今 生 邇 以 承 躬。 紹 窮 方 班 振 至 之 者 英 眷 實 得 假 四 在 大 興 將 百 於 説 之列 道 資 朝 親 儒宗之在 海 以 非 統 故 氏 博 綱 輔 懽 不 豈 重吾 若使 副 聞 預 猶 之源 未 者 新 延 若 養, 者 知 吾 惟 南 謂 有 暇 儒 庶 爲 政 尊 程 道 爲 僥 慰 用 内 多奇 其 是 外 他 臣 政 化 德 頤 建 倖 滿 防 朝 言。 啚 之 在 具 方 於 樂 或 微 專 頒 所 極

月某日 行 本 慰兹渴 師師 朝 垣有賴 黄 想,望 召賈 繇 傅 爾 於 試望之於馮 遄 長 驅。 沙, 口。 自 當接 翊,不如真之 紹熙五 以 前 年八 席。

主 出 離 疾 以俟辭免之報 有 決,今既如此,又得朝士 常,不敢當 之休,義不可不往 不允之詔,不敢 【文集】《奏狀》二云: 願 上 E 信 速前來供職 一意親批 虚 治之意 州 心 至 前 好學,增置 臨 路 也。 月. 行 江 聽 果如 指揮,今兹祈 一屢問 詞 始 更有留滯。 候 忽 者 處 被 此, 遂自臨 及,不可不來。 講 猶 改除 分。 臣 員,廣 實 欲 昨 書,皆云召旨 國 且. 之命, 辭召 ○《答蔡  $\prod$ 免韶除,又 見已一 家萬 歸 立程 改趨信上, 命, 里 萬 超 中, 課, 又云 越 季 面 已 無 深 未 疆 乃 非 起 奉 被 通

【文集】《辭免焕章閣待制侍講奏狀》一

《奏狀》二。

九月,奏乞帶元官職奏事。

免, 《奏狀》云: 到 復準前項聖旨,已 分,實難自安,是以徬徨 元官職詣闕奏事 日,許臣且依七月十一日已降指揮,帶 别聽 處 分。 次對 ,所有新除, 異恩,無 即 日 起 未敢 發前去外,欲乞 故 超 拜受。 却俟 授, 面 在 奏辭 今 臣 私

官職詣闕奏狀》三。 【文集】《辭免焕章閣待制侍講乞且帶元

晦丁亥,至自潭州,次于郊外。

貌,豈 生 首相 新 其故,先 年譜】先是,先生行至上 日: 立. 贵 宜 留 派 何不 可導之使輕逐大臣耶!」及至 如 生 相 此 曰: 正 風 !」或謂 出 其 知 大臣 建 請 康。 去, 此蓋廟堂之意 進 有 退 而後許之? 饒 憂 亦當 色。 聞 以 存 學 内 其 者 批 體 逐

冬十 奏事 方爲 策 用 和 紛 事 塔 月 肉 己 御 然 永 筆 H. 何 不 嘉 指 暇 決 諸 人 揮 議 賢 或 ,皆已 先 及 俱 門, 此 生 集 有端 哉 日 , 申 各 ? : 省 陳 故 彼 蓋 乞 所 是 先生憂之。 方 帶 欲 時 爲 元 施 几 官 近 行 習 職 之 我

文 集 申 省 狀

辛卯, 奏 事行 宫 便殿

之以 既 也 者合,天下之勢, 丕 所 爲之哀 天變爲 年 謂 三月 圖 譜】首言 權 太 天 皇 下 恫 之見於上 越 而 而 太 怫 之 須 天 不 大 鬱 后 變未 失 臾之頃,而 乃者 躬定大策, 變,而 其 而 地地 翕 皆 盡 IE. 天 然 變爲 矣。 有 消 不 運 而 離 可 艱 大 鄉 地 然 之作 叛 皇帝 以 難 定, 變 之危者安, 散 自 常 未 國 頃 亂之心, 於下,人 陛 亦 理 盡 至 有 可 下 處 弭 大 謂 寅 焉 亦 離 者 此 處 紹

之本 終 親 以 以 耳。 親 則 曰 而 本 用 爾 有 而 不 之 不 之本 舍 得 忘 求 猶 能 之 口 無 天 也 越 命 仁 文, 以 此 天 位 心 心 奉 臣 此 有 無 下」者 乎 盡 誠 之 未 神 而 然 可 雖 而 則 疑 則 則 已伏於冥 此 矮者 吾 他 器 無 即 計 盡 所 至 於 轉 可 而 負 求 是 怨」, 懽 謂 愚 不 ,今日未 逆 而 所 以 禍 有 罪 哉 心 ,亦曰陛下之心,前 學 可 亦 道 順 大 以 致 爲 引 ? 以 以 孟子 以 心微 士大夫、 行 倫 吾 福 充之, 知 冥之中 名實之 慝 知 無 充吾未 易 權 可 嘗忘思親 温 竊 之 陛 傳 所謂「終身訢 妙之全體 Œ 凊 而 爲 誠 下之不 危 宗 則 不 ,大本可立矣。 定 陛 際 群 ; , 爲 孔子所 嘗求位之心 失其 特 廟 下 省之禮。 充吾未嘗忘 黎 安, 之 憂之。 待 社 難 至 百 亦 稷 懷 Œ 天 矣 時 日 於 姓 謂 然 之 未 不 理 禍 而 而 或 始 借 樂 求 根 嘗 口 口 發 E 然 發 亂 反

深監 之機 冰 慈 勞 德音 專 於 燕 處 濟 H H H 陛 膳之行。 厞 釋 且 ~,常如 愛 務 潛 私 唯 頒 而 而 下 古先, 猶 辱 五. 之式 之奉 積 不 不 ,痛自克責 邸之舊 誠 有 是之從 則 日 7,有所 得 未 其 一至焉。 能 臣 未 前 、服 復 見 、誠意 十日日 不 動 不 盡 日 至 H 初 9 心 不 敢 ",必 信 則 食 未 去 與 而 外 忍 逆 憚 期 器 嘗 也 俯伏寢 不得 大 使 至 則 嚴 至 順 日 H 以 性 用 有 臣 發 又 而 飭 百 若夫 然 格 之須,不 耐 、名實之疑 位 而 見 深 講 號 在 辟 羽 不 全享 而 乎 之 門,怨慕 求 自 施 則 陛 至, 得 衛 多 親 災異之變、禍 親 時 政 **令**, 繼 抑 下 見 儀 乎 心 心 益 以 敢 理 以 之 損 凝 猶 萬 勤 無 則 至 然後 不 内  $\equiv$ 神 享 號 未 乘 可 涣 問 毫 所 於 繼 自 H 之尊。 , 恭 泣 底 不 否 安 然 以 恩 有 無 濬 官 以 , 亂 相 雖 視 澤 發 而 Ŧi. 自 加 掖

於循 先 惡 與其 矣。 事 爲 乎 微 之大,以至事 亦莫不各有理焉 朋友,以至於出入起居、 父子者有父子之理,爲 居 窮 起, 亟圖之。 於窮 則 ,各有攸當, ,莫不有 敬 朝 偏 理之要,必在 画 所當 序 廷,進 去之,而 而 今日之計 聽 天人之應 理 持 而 以 次言: 致精 也 然, 志, 啟 退 理 私 無 而 物 . 此 人 莫大 至 亘古亘今,不可 門, 毫 爲 È 不 材 於讀 之微,莫 爲學之道 不易之理 而致 論 君 髮之累,此 得 纖 則 無 有 天下之理 臣 於 違 芥 書;讀書之法 聖 以 精之本, 此, , 釁 者有君 之 夫婦、 不合乎公論 德 窮之, 應事 不 疑 ,莫先於窮 也。 惟 孽 日 知 爲 之萌 深 新 其 接 爲 善 臣 夫天 則又 移 則 學 則 留 之理, 所 兄 則 物之際, 自君 聖 要 所 聖 不 弟、 從 以 下 妙 以 在 莫 治 得 理 意 莫 臣 之 於 貴 唯 不 日 作 而

於 之大者 所 是 甚者 匆 欲 免 怠 乎 之,則是 册 粲 者 古 口 、是又 常若 彼 謂 乎 以 探 讀 之中。 爲 乏 忽 爲 然之迹,必 之怠 一欲速 雖 其 間 書 君 聖 貪 天 則 終, 多 復 也 子 下 斷 人 安 正 有 不 則 終日 而 欲 爲 忽 後 而 1則不 M 能 墻 所 未 能 能 務 若 世 間 窮 能 古, 無 奔 深 面 究 然之效,蓋 保 保 勤 廣 夫 不 盡 天下之理 斷 所 達」,孟 趨 而 信 乎 其 背 四 勞 易 讀 之, 成 而 往 立 迫 自 此 之 身 不不 海 之大法 書 無 矣。 往 逐 爾 而 得 者 而 而 子 所 耐 得 未 則 其 爲 莫 此 可 可 而 常 9 忽 其 所謂「進 成 休 啟 其 所 而 小 無 窮 以 以 不 久 己 好 者 其 息 不 行 從 不 理 爲 爲 其 具 人 之者, 志 端端 哉 不 好 所 即 容 戒 而 所 於 餘 法 而 厭 ? 之者 在 言 鋭 意 是 而 經 涵 以 ; [X] 則 平 者 孔 以 緒 遽 又 必 泳 訓 而 是 区 順 無 彼 退 子 已 匆 不 異 古 吉 之 在 求 其 史 不

畏 放 能 之外 之所侵亂 歸 若 則 顧 矣。 提 意 至 理 則 速 常常 盻 萬 心 不 乎 反 不 虚 夫 會 接 10 ? 之間 古 覆 而 自 事 至 致 連 此 潛 正 存 則 而 聖言 之 覺 靈 精 謂 循 於 此 孔子 血 善 矣」者,正 孟 綱 神 而 之 序 此 心 蓋 則 身 脉 之爲 子 9 本, 馳 致 也 」,使 參 已 妙 所 以之讀書,以 而 無 通 久 所 鶩 考 精 不 謂 不 主 不 則 貫 而 謂 勸 其 飛 誠 事 自 可 測 在 不 謂 終 所 者 君 自然 能 學問 物 萬 覺 揚 有 常常 移 於 此 以 深, 日 子 以以 鑒 事 其 頃 以 心 也 爲 儼 不 爲 之 漸 無 身之所 刻 而 此 惡 徇 求 之觀 然, 重 讀 道 綱 之不 漬 而 所 而 之爲 物 誠 義 身之 則 書 浹 心 無 讀 有 不 欲 能 理 雖 理 不 在 存 之 之 他 洽 之 以 爲 至當 戒 嚴 於 其 威, 主 爲 法 者 書 反 將 物 求 恭 而 軀 者 心 俯 也 物 也 無 之 欲 學 以 寅 其 與 況 仰 殻 切

六

身,蚤 特 伏 當 有 更 多 南 效 息 伏 以 艱 所 加 所 差 詔 增 方 歲 以以 惟 教 難 之 田 從 往 退 處 卓然 趣 減 計 到 野 聖 人 辛 本 本 加 事 而 而 緝 寤 諸 不過 苦 愈 辦 路 也 明 不 不 與 指 熙 晨 班 帥 爲 當 通 深 定 見 尚 少 世 於 雖 興, 已試之效, 换授、歸 如 此 臣 矣。 萬 ; 賜 逼 且. 奏 長 出 帝 光 此。 數 以 世 無 人不 省 迫 辭 聞 監 多 王 明, 語 之 帝 此 忘 覽 之學,始 司 無 不 者 應 有 庶 官 Ė 居 支出 以 試 Œ 今日 獨 以 更往 餘 一之標 事 諸 竊 幾 敬 皆 雜 著 布 爲 榮矣。 以 意 郡 持 州 流補 、公私 愚 以 明 之 計。 衣韋帶之士所 其 往荷 準 聖 得 並 亦 志 之 臣 志 人 説 賢 官之人, 無 以 行 平. 接 主 則 而 所 欲望聖慈 俱 又言 追 復 以 生 恤 均 物 講 自 騐 困 臣 以 易之。 節 目 生 其 爲 之於 學 雖 强 爲 將 縣 前 若 痛 復 湖 退 之 所 不 讀 無

> 撥 城 品 大 無 其 縣 臣 措 壁 處 戍 罪 得 庶 剥落摧 卓 置 兵 矣 以 寬 利害 賜 因 爲 又言 其 令州 處 一方永久之利。 圮, 乞行 數條, 民 分, 守 而 湖 俾 臣 有 已 所 南 條 下計度修築, 不 經 司 州 奉 畫 具 公共 郡 詔 到 奏。 者 移 又言 從 相 置 欲 前 亦 度, 寨 以 望 : 邊 無 栅 潭 從 明 防 以 永 州 長 詔 增 逃 全

久不虞之備。

面辭待制、侍講,不允。

辭 文 集 免 ^ 待 奏 劄 甲 制 侍 寅  $\forall$ 講 行 宫 面  $\wedge$ 便 奏劄子 奏劄 殿 奏 四 劄 0 V ^ 奏 0 劄 奏 Ŧī. 劄

壬

辰,

申

省

辭

待

制

職名,乞改作説

書差

遣

^

申

-省》言

昨

具

劄子面奏,辭

免新

除

奉

割二删。「以」上,原衍「於」字,據《文集》卷一四《行宫便殿

旨 職 事 不 等, 允。 以 熹 未 己 得 仰 進 體聖意,不 説 先受 厚恩 敢 力 萬 辭 講 異 筵

時 未 有 報 効 而 疾 病 發 作 不 可支吾, 遂 竊

侍 從 職 名 而 去 則 熹 之 愚 死 有 餘 罪 欲

望 朝 廷 特 爲 開 陳 與 免待 制 職 名, 改 作 説

書 差遣 容 熹 即 日 拜 命 供 職。 不 敢 數 具.

奏狀 ,上勞聖覽,謹 具 狀 申 尚 書省

【文集】 辭 免待 制 改作説 書 狀

1 酉,奉御 行 狀】既 筆 對 不 允 面 乃 辭 待 拜 制、 命 侍 係 講 銜 供 不許 職 翌

札: 日,又辭 卿 待 經 術 制 淵 職 源 名 ·,改 正資 作 勸 説 講 書 差遣。 次對 之 上手 職

勿 復 牢 辭 以 副 朕 崇 儒 重 道 之意。」 遂

拜

命

【文集】《 封 右 付臣,令臣 臣 謝 + 御 月 筆 初 勿復、 以 + 次 H 牢辭次 對係 準 御 銜 對之 前 供 降 職 職 到 奏 御

狀

筆

(文集》

Ш

陵

議

狀

臣

褒 望 昨 銜 拜受伏讀 供 諭 開 以 職 允。 新除 令勿 外 **贵** 謹 不 恩 牢 意 命 勝 具 辭 仰 奏聞 恐 超 勤 懼 疎 躐 聖主 賤 異 伏 謹 常 乞睿 小 親 己 臣 9 累 御 仰 照 分 具 遵 翰 不 辭 聖 墨 當 一,俯 訓 免 係 賜 日

八

上《孝宗山陵 議 狀

泉砂 德神 淺薄, 遂 舊僅 國之言 求 日 行狀」趙彦逾按視孝宗山 中寢。 術 别 礫之中 士 功 高 求吉兆。 掘深五 了,宜得 尺餘。 固 博 先生竟上《議 訪 執 殘 名 尺,下有 紹 吉土,以奉衣冠之藏 孫逢 破 Ш 興 有旨 一,不宜; 浮 坐 吉 淺 南 集 水 之地。」不報 覆按,亦乞少寬 向 歌 狀 》 言 議 偏 石, 北 信 臺 之説, 旋 陵, 臺 . 史憚之, 改新穴, 以 史 壽 委 罔 爲 當 之水 皇 土 E 議 聖 肉 廣 月 比

辛丑,受詔進講《大學》。

以 開 意 早 納 分。 故 不 每 年 焉 開 以 析 晚 ,以感悟 遇隻日 ,即行權罷。 譜】庚 益 ";坦 進 寒暑雙隻月日 先生奏乞除朔望、旬 講 一然明白, 一德者, 上 早晚 内 從之。 心。 引 又大寒大暑 進 罄竭 可舉 以 辛 講 諸 平. 丑. 無隱,上亦虚心 先 而 色 及 H 進 生 行。 假 至 休及過宫日 講 所論著 每 故,并令逐 當 亦 講,務 講畢, 日 故 係罷 者 事 或 有 敷 積 講 值 講 外 可 陳 誠 H 假 月 筵

差兼實録院同修撰,再辭,不允。【文集》《乞不以假故逐日進講劄子》。

【文集】《辭免兼實録院同修撰奏狀》一。

更化覃恩,授朝 當世之務,三仕三已,義不苟合,天下 奏狀》二。 年譜》告詞 請 郎 學 甲 辰 先 王之道 ,賜紫金 魚 耐 袋。 明 高 於

> 年 厥 以 帥 之,蓋累 秩,雖 十月十七日,中書舍人陳傅良行 勸 彊 講 爲 朕 朝 日 時 舊 將 之 起 章, 虚 肆 所 己納焉。 嘉 亦冀樂告。 子 歎 初 而 政 不 爰因大齊,序進 式 忘 遄 可。」紹熙 也 其 歸 長 詞 沙 Ŧi. 於

奏乞令後省看詳封事。

聞 劉光祖,限十日内看 勸,直言 施 後省官看 奏:「登極之初,已下明詔 (年譜) 時 行 有施行,今日求言,殆 則 H 求言 詳 以 聞。」十七日 擇 雷 之 其 詔 雨之異,下詔 善者 不 詳聞奏。 爲 奉旨, 具文,庶聞 條 成 ,獻言者衆,未 E 虚語。 差沈 取 求 旨, 言。 有 者 以 乞令 知 次 大

看詳封事官面奏劄子》。《乞令《文集》《乞差官看詳封事劄子》。《乞令

奏乞討論嫡孫承重之服。

年 宜 紗 衣 承 不 也 朝 性 則 世 執 而 爲 劄子》云: 之禮 淺黄 之喪 大統 布 能 嫡 衣 自 喪、義當然也 不能 祖父,皆斬衰 因之,天子遂 遵 冠 間 朝 天 躬 孫 孝 學而 之服 壽 視 者 襲 就 承重從可 冠 則 遺 而 朝 皇已行之法 喪 位 皆 誠 所謂 禮 語初 不 聽 以執 次。 以 内 復墜,臣 時 經 政,以代太上皇帝躬 惟 大布,超 無三 發,易月之外 三年。 承 敕 倉卒,不及詳 頒 知 喪,則 陛 然自 上 重之服 令: ,太上皇帝偶 己。 下 違 年 竊 ,易月之外,且 實 禮 之喪。 漢 子爲 蓋 嫡 痛之。 越千 以 至尊壽聖皇帝 律 文短 嫡 孫 著 世 且. 子當 父 繼 ',猶 古, 議 在 嫡 爲父且 嫡 喪之後,歷 統 然既 使 之 禮 遂 違 執 爲父後 甚 以 壽 孫 律 重 康 通 盛 代代之 往 執 皇 用 以 承 喪, 之 已 漆 所 仰 至 布 重

> 禮 過 議 復用 民、男女方喪之禮 失,不及追 萬世之幸 爲 官,稽考禮 華靡, 欲望 初 喪 陛下 之 改 庶有以著於君臣 服 律 仰 惟 9 則 預 稽 有 亦亦 其 行 壽 將 變 宜 皇聖 指 來 除 稍 定。 啟 之 孝 爲 殯 之義,實天下 其 之制,勿 成 節 發 官 法 引 尚 吏、 明 禮 有 使 軍 當 口

及追 詔 喪 熹 漆 軍 服。 行孝宗三年喪制 【宋史】《寧宗本紀》云:十 ○《禮志》云: 之服 禮 初 紗 民 及孝宗之喪,有司 改,唯. 至,不 方喪之服 官 淺黄之制,蓋 稽 則 有 以 其 考 將 爲 禮 變 初,高宗之喪,孝宗爲三 ,亦宜稍 來啟攢發引,禮當復用 除 然,奏言:「 律 命禮 之節 循 豫 紹 行 官條 爲 請 尚 興 之制 指 於易月之外,用 以 有 定。 具 一月辛 已往之失,不 前之舊。 口 典 ,勿使肆爲 議 其 禮 亥,詔 官 以 望 吏、 聞 年 明 朱 初

華靡。」其後詔中外百官,皆以涼衫視事,

蓋用此也。

【年譜】奏上,詔禮官討論,後不果行。

【文集》《乞討論喪服劉子》。

瑞慶節,奏乞却賀表,並乞三年內賀表

並免

班 表不受。 之内,凡有稱 殿 年 投進,乞權 稱 -譜】瑞 賀 先生 慶 聖 賀 免 一欲 節 事,並依此例。 稱賀, 不 前 出 表 日 不 亦 可, 百官 不 乃 收接, 草劄 詣 有旨 行 却 子 宫 賀 年 立 便

【宋史】《寧宗本紀》云: 丙午,以朱熹奏

請,却瑞慶節賀表。

【文集】《乞瑞慶節不受賀劄子》。

乙巳,晚講。

庚戌,講筵留身,面奏四事。

【年譜】時論者以爲上未還大内,則名體

災 出 大 抑 未 欲 必 感 旨修 不正 日 澤,亦未可 H. 奉,深務抑損。 「臣之所言,其 異 於陛 格親 以 亦 能 東宫 速 垂 如潛邸之舊,以至 數 先生 遂 左 抑 成 開 葺 ൬ 而 出 其 下之心、大臣之議、軍 右近習倡爲 損 早 ,爲屋三 納。 心,早遂晨昏定省之願 諫 疑議生,金使且 舊 、姦心 ,正當恐懼修 不 臣 東 遂 遽然全享萬 乃 黄 勝 而 宫,爲屋 是過 移 也? 數 度 最大者 憂 數百間 蹕, 自宫闡 日 將 慮 有 以爲 來, 此説以 論 臣 增加 外 三數 乃 近 恐 省之時,不當 ,外議皆謂 乘之尊 來,或有窺伺 乃聞 之私 則 庭 具 習 便安之計 不 勸陛下凡 誤 禮 奏 。據 百 惟 居 臣 有旨修 民之願 間 陛 數、 四 上帝 以 庶 不知 以 下, 處 事 僕 陛 特 欲 爲 幾 震怒, 服 興 茸 不 而 此 御 百 徙 耶 下 陛 言 有 批 用 此 欲 惟 意 自 果 有 ? 舊 F 以 恩 居 逐

易當 儒 之娱 去倚 未遠 苦之中,晨 殯 皇太后 切 奉 用 姓 大 人,但見 为 士 旦翩然委而 爲 饑 役 此 講 小必 甚 此 , 雜然而 廬之次, 事 時 餓 以 Ш 以 生 紛 大興 流 求經訓 又將 陛 皇 可 未 致 他 咈 而 華 離 懼 太 下 昏之養,尤不可 無矜 1 未 變。 譴 (土木, 盛 后 阽 進 深 也 亟 有 告 有 去之,以就安便, 麗 几筵之奉,不容 臣 皆 惻 於 宫永 I 警動 不 扼 欲大治宫 進 以 之 憫憐 至 以尊老之年 修造宫室 死 惟 腕 E 見之期 炎 又 亡之際 於 巷 之意 而 無 厥 惑 竊 之心 以感 不 事 袁 感 恐 離 平. 室, 闕。 ; 移 陛 而 有 尊 亦 者 格 亦 忽 或 但 , 、 速 下之心 進 池 親 雖 矣。 恐 六軍 恐 少 太 能 見 而 以 得 德修 臺 之 欲 壽 畿 然 弛 上 朝 川 怨 適 側 成 耳 前 萬 皇 日 皇 方 在 望 廷 甸 己 業 之 親 未 鑒 在 帝 忿 自 I 輕 民 憂 太 百 IE.

尊 説 將 此 不 矣。 聞 責 不 下 下 常之時 得 意 我之意,其 至 亦 之奉 之,必 欲 惟 慰 所 · 而 何 於 見 有 將 頻 此又 其 陛 軍 以 又 時 未 壽 有 不 H 而 聞 泛然 則 民 聞 下 不 康 盡 所 而 爲 以 慮之過者。 繼 不 姑 定省 得 之心深所未安,而 太 太 也 不 宛 爲 父子之間,上怨怒 深 往 亟 己 乎 上 暇 上之稱 轉 以代己之勞, 而往 此 者 閉 爲 而 之禮 ? 皇 今聞 矣。 方便 徒 古 之 即 后 顧 泛然 備 父子天 位 慮 拒 懼 乃 邇 此 禮 則 殊 又不 者,但 使太 忤 而 逶 又臣 日 臣 而 不 如 而 太 不 迤 來 嘗言之矣 臣 倫 欲 知 而 F. 歸 肯 上皇 之 欲 實 舒 再 所 若 其 四 皇 非 見 而 所 緩 過 方 聞 謂 但 敢 帝 無 太 安宗 下 帝之意 綱 宫 大 觀 内 下 古 遽 灼 E 無 必 憂 所 懼 聽 享至 向 禪 皇 知 亦 求 詔 亦 異 而 也 殊 之 宜 陛 帝 如 尋 自 其

聞

不

疑

惑

皆

謂

左

右

或

竊

其

柄

而

其

非

爲

治

之

體

以

啟

將

來

之

弊

況

中

外

傳

實

出

於

陛

下

之

獨

斷

而

其

事

悉

當

於

理

亦

獨

斷

而

大

臣

不

與

謀

,給舍不

·及議

IE.

使

諫

甚者

方

驟

進

而

忽

退之,皆出

於

陛

下

之

陛

下

即

位

未

能

旬

月

而

進

退

宰執

移

易

此

古

今

之常

理

9

亦

祖

宗

之家

法

也

今

者

欲

議

之者,

亦

得

以

極

意

盡

言

而

無

所

憚

交 孰 自 者 積 借 獨 地 殰 但 下 已 求 也 練 臣 所 結 習成 宫 乃 實 今日 有 前 與 視 111 治 恐 行 但 奈 之卜 眩 壽 聰 事 欲 此 如 名 日 又 欲 何 亦 而反 惑之計 制 皇 陳 風 故 之憂 爲 未 失。 而 明 陰 又 於祐思 ? 己。 之於後,臣 獨 能 源、 剛 不免 偏 欲 貽 有 於 斷 臣 盡 也 斷 聽 壽 襲 此 患 以 袁佐之流 此 嘗 允 於致 皇 臺 諸 其 於後,其 制 輩 而 而 孰 於 又臣之所 再三 尚 史膠 尚 之, 雖 主 不 迹 陵 與 公議 賴 恐 復 不 之傍 亂 威 而 以 壽 未 深 壽 其爲 廣 古 能 驅 蹈 不 皇? 皆陛 害已 至全墮 乎 爲 皇 謬 詢 制 之乎 使 蓋 免 大懼 聖 儹 之於 之故 壽 妄 於 紨 患之益 自 有 一之言 那 ? 性 皇 更 隆 此 下 下 也 其 不 遷 論 前 練 聰 移 弊 興 所 以 計 且 可 稍 就 明 之, 以 欲 通 不 求 勝 親 墮 至 而 陛 有 達 革 其 非 於 陛 F 假 非 見 更

之出

於某人

而人主不至獨

任

其

責

臣

下

令詳

審

雖

有不當,天下亦皆

曉

然

知其

謬

明

出

命

\$

而公行之。

是

以

朝

廷

尊

嚴

命

熟

識

以

求

公議

之所

在

然後

揚

於

Ŧ

庭

命

爲

職

然

必

謀

之大

臣, 參之給

舍,

使

之

執

事

各

有

職

業

不不

可

相

侵。

蓋

君

雖

以

制

紀

綱

尤

所

當

嚴

上自

人主,

以

下

至

於

百

生

事

者

此

又

臣

之

所

大

懼

也

至

於

朝

狂

爲

不

美

久

而

不

啚

亦

將

有

借

其

名

以

造

謗

之 皇 至 眩 粗 慈 臣 願 臣 致 此 爲 且 如 而 南 宗 變異 之豐 惑 是 廬 陛 之所 其 軍 事 福 首 盡 内 可 1 之 居。 草 民 進 數 社 當 也 下 兩 則上 罷 重 姦 大 之 草 功 宫 見之期 + 深 血 皆 既 修 華之間 頻 盛 晨 懼 也 若 間 又於宫門 食 察 葺 有 知 不 而 昏 仍, 此 烈 夫過宫之計 久遠 也 愚 以 爲 東 其 慰 勿 之禮 、又有 言 常之役 感 贵 壽 百 而 非 斯 使 凡 之圖 草 皇 格 貽 世 不 而 民 其 此 而 9 創 之外,草創 一體 又大 不 以 太 患 下 饑 不 四 有 反 寢 於 志 魄 致 上 則 敢 有 而 餓 懼 之 偪 殿 壽 皇 無 咈天人之心, 安寧之慮 則 自 以 力 流 皆 以 而 於 仄 皇 帝 窮 臣 宰 離 其工 争 塞 所 二十間 暴露 心 之心 非 乎 几筵之奉 供奉宿 以 執 又 群 之 小 明 侍 願 歎 料 葬 夫 下 之苦。 前 故 此 詔 陛 之 以 從 又 窺 П 速 不 下 觀 衛 如 以 此 使 就 大 臣 又 壽

色, 之詞。 之進 令典 賞 失富 霍 抱膝 之而 皇后 也。 下 量 振 詔 預 后、宗戚、 L 然 雲 一,勿 未 肅 左 詔 詔 如 吮乳 退 右 若 人,望 自 愜 貴 以 近 厚 唐 徇 而 衆 長 夫 消 則 屬 責 則 或 臣 勿 肅 報其勞。 己 貴 尊 久 朝 太 論者,亦 霧 家 預 以 宗之 前 見, 見 減 一委之二三大臣,使之反 八之計。 行之賢,使之先 廷 散 F 臣 伸 有 朝 太 省 所 之紀 皇 酌 左 負 陳 泰 政 改 E 輿 而 取公論,奏 帝 右 而 罪 詔 Ш 宛 皇 衛 服 懽 其實 綱 雖 環 一之安 但 引 轉 大 凡 帝 紫 意 臣 有 擁 慝 人宫之後, 號 使 方 則 袍、 浹 有 忿 之誠, 即 便 公議 令之弛 朝 臣 更 治 則 勳 怒之情, 當 之 執 廷 入,首白 進 又 矣。 而 此 庸 説 尊 流 控 其 願 譬 行 等 而 加 張 事 嚴 涕 馬 然 陛 此二 自 暫 之。 諭 太 所 伏 前 復 下 上 後 紀 太 稽 得 亦 然 解 地 皇 隨 才 事 Ł 服 批 考 褒 且 釋 不 緇 深

則宗 澤 等前 心 凡 先 此 權 者 官 先 以 明 更 日 反 行 大臣 不 覆 此 寬 議 當 繳 送 宣 習天下之事 稱 以營 思 事 駁 社 七 敢 狀 晚 後 几 後 上 制 行 以 慮 生 月 進呈 也 省 事 頻 人 所 臨 1新宫 一不得 不 彰 朝 靈 之期 煩 審 如 論 決 斷 皆 須 聖 聖 · 近 若 皆 面 更 覆 專 今 奏 而 聽 前 主 而 夫山 議 蒙蒙 使 有 日 則 任 H 行 覆 次 決 冷壽 於前 用 疑 有 福 又 不 亦 無 己 之, 最 黜 其 人 陵 皇之遺體 但 於 不 惟 與 望 所 私 急之務 則 臺 求諫之實,下以 以 可 之ト, 當 外 未 特 同 疑 近 互 詔 答天 否 而 史之説 者 矣。 **\$** 於 宣 列 習 相 大 陛 於 尚 大 連 得失之算矣。 論 不 則 臣 限 F 7 變, 切 此 得 臣 名具奏, 書 難 得 臣 以 與 亦 談 一,使詳 安 乞 JL 省 以 别 前 干 繳 當 得 擇 之 留 於 事 施 求 日 慰 駁 以 預 其 H 間 神 内 也 行 嘗 申 益 之 臣 朝 善 便

> 幸。」 小 臣 F 愛 爲之感 君 憂 或 動 之 了,然卒 忠 無 則 所 臣 施 不 行 勝 千 萬 大

+ 【文集】 月 戊 講 午 筵留 朔, 身 晚 面 講 陳 四 次 事 日 劄 9 子 編 次 0 講

章

閨

以

進

耳。一 日日 問 戒 本 H 因 有《盤銘 年 之意。 以人。 用 復 上曰: -譜】是 而 之 先 以 於 劄 生 間 玩  $\leq$ 子 先 日 頓 上 武 經 語 宫 喜, 生講 勉 首 講 觀 王 默 E 中 謝 一有《丹· 至 史、 且 及 動 進 嘗  $\sim$ 令點 數 静 德 先 讀 親 盤 次 書》,皆 Ź, 生知 近 其 銘 必 句 儒 復編 略 求 其 以 日 上有 學, 言 放 要在 來 人主 新 次 心 已 意 成 以 求 用 願 憂 他 因 於學 帙 力 爲 陛 放 日 勒 論 處 之 下 心 取 警 湯

<sup>■「</sup>講筵」、《文集》卷一四《經筵留身面陳四事劄子》作

導 薄 其 益 求 謂 其 至 H 舜、湯、武之盛 志 加 政 理。 要 人 如 ,天下有望矣。」洪 門人曰:「上可 氣 用 材 急之 事 群 力 日 不復以古之聖賢 之那 之得 焉 經 臣 彊 進 歷 務 德 失、民 對 詳 數 Œ 聲 , 略 不不 盡 召 短 如 日 一,浹沿 亦 大 長,庶於天下之事 與爲 情之休戚, 過 聞 仁 賜 本。 臣 如 9 温 祖 切 善 治 自 貫 此 顔 開 劘 效 通 期 反 願 天 治 聰 日 常 不 也 而 章 道 復 著 宜 得 又 閣 明 詢 9 先 因 俾 妄 賢 則 故 日 訪 者 生 自 各 陳 以 開 事 堯、 輔 菲 得 退 察 以 今

庚申,早講。辛酉,晚講。

上《論災異劄子》。 咫 間 土 劄子》云:今月 尺之間,不 ,都城之内,忽 ,此爲陰聚包陽 辨 人 五. 有 不 物 黑 日 和 夜 烟 著 而 四塞,草氣襲人, 於 散之象,臣 漏方下五、六刻 面 目,皆爲 竊 懼 沙

> 宗社 修 焉。 出言 以 去, 求天 中 毫 私 爲 德 外 而 意 大 意 行 法,克己自 IE 生靈守之在旁,❷懔懔然不 蓋嘗聞之商之中宗、高宗遇 福 小之 之 萌 事之際,常若皇天上帝臨 事 禄 力,故能 所 於其間,以 H 臣, 在 來 而 矣。 新,早夜思省, 同 變災爲祥。 交 寅協 修 煩 馬 恭 譴 9 告。 日 日 則 伏 庶 夕謀議 舉 乎災 願 而 敢 災 之在 心 陛 復使 又 動 而 申 下 害 念、 懼 敕 視 H 以

【文集】《論災異劄子》。

日 丁卯,宣引入 甲子,上《 1,準告 廟 封 祧 對 婺 議 源 ⊗⊗⊗ 縣 開 是 或 日 男,食邑三百户。 在 告。 乙丑,直

6

<sup>■ 「</sup>群」、《文集》卷一四《乞進德劄子》作「君」。

❷ 「生」、《文集》卷一四《論災異劄子》作「神」。

<sup>「</sup>廟祧」、《文集》卷一五《議祧廟劄子》作「祧廟」。

曾

壽

皇

即

位

時

亦

不

曾祧,太

上

即

位

時

乃

或

家

始

祖

以

奏

陳

久

之,

14

取

所

論

畫

爲

陳

其

説

初

書

卷

日

爲

始

祖

已

爲

得

禮之

Œ

「有

其舉之,莫敢

廢

之

忌其

軋

己,借

以

求

洪

本。

宣

祖

而

祔

孝宗,先

生

外

事

X

才

畢

旨:

來

日

内

引

初

議

樓

鑰

獨

議

狀。

宰

相

議

先

生

度

難

樓

鑰

陳

傅

良

者。

時

宰

相

趙

室

一,給享

則

Œ

有

請

並

桃

僖

年

譜

孝

宗

將

復

等

施

行

先

生

方

懲

内

批

再

**令** 

臣

僚

集

議

亦

可

容

易

?

口

於

榻

前

請 初 自 先 以 東鄉 H 乞 宣二 輩 此 置 汝 不 請 宣引之旨 袝 生 再 不  $\Box$ 主 皆 卿 本 聽, 愚 祧 當 之位 廟 舌  $\equiv$ 卯 既被旨 祖 所 並 附 素 貼 臺諫 宣 争, 桃 稱 奏《 祧 禮 和 主 説 人 而 祖 善 之説。 之。 乃 官 此 對 詳 廟 奉 而 高 因 乞議 恐上 辭 説 孫 且 盡 袝 乞 太 宗 議 於 賜 癸亥, 疾 孝宗 逢 日 且 祖 即 榻後 諸 祧 食。 必 丙 也 不 古、 . 至 依禮 位 主 居 儒 是, 問 寅, 赴 僖 當 時 第 口 取 E 許 所 繼 給 祖 問 得 官 不 細 文 集 舍 歸 復 及 而 然之。 事 者 神 尚 之 契 弊, 數 於夾室。 廟 而 官 撤 亦 竟不 論 合於 無 乎。 宗 治平 書 四 僖、 語 不 因 復 異 祖 曾 鄭 爲 宣 乞 俟 既退 行 人心 奉 異 祧 僑 非 矣。 間, **降** 請 廟 徑 後 天下 議 僖 欲 今 侍 復 出 批 而 之徒, 所 祖 王 議 且. 即 從 日 其 更 劄 安石 出 以 祧 者 謂 自 至今恨之。 以 贵 之臣 創 舊。 子

以

世

數

寖

遠,

請

遷

僖

祖

等奏僖

祖

有

廟

與

稷

趙

汝

愚

既

以

 $\pm$ 

安石

多

附

和

其

説

吏

太

祖

皇

帝

首

尊

四

祖

E

意

喻

廟

堂

則

聞

毁

别

廟

以

祀

僖

順

翼

請 並 狀 桃 僖、 宣二祖 一會孝宗袝 廟 議 奉 太 宗 祖 廟 居 迭 第 毁 之次 室,

乞降 有旨 批 祖 裝 宰 敢 畫 即 移 寧 無 及 議 官 几 直 綴 毁 數 輕 圖 相 疾 復 異 者 則 祖 川 高宗、孝宗、太上 撤 出 罷 議 請 年 之 召 以 既 祀 以 祖 正 劄 進 僖 附 僖、 赴 有 ,王安石 其 ?」欲令先 世 廟 桃 東 議 復其舊 其 祖 子,再令臣 内 所 白 事 主 數寖遠, 宣 狀 以 偏 爲 E 殿 説 之 宜 廟 僖 然之, 主 是,先生 位 奏 先 有 ,韶從之。 等奏 室, 既 祖 事 先 0 生 所 生 樓 E 請 爲 生 歸 方 有 更 皇 僚 於 鑰 且 因 僖 所 遷 几 旨 懲 創 廟 集 帝 一度 節 榻 曰 祖 僖 陳 祖 議 自 集 内 堂 别 議 前 不 略 難 . 之 有 時 祖 傅 太 議 「僖 廟 持 批 曾遷,今日 狀 頗 撰 以 首 廟 於 祖 良又復 相 之 之 既 以 僖 數 文 達 口 祖 夾室。 皇 雅 弊 奉 不 與 治平 退 爲 舌 語 上 或 帝 不 順 稷 劄 聽 四 以 争 家 復 大 牽 以 以 首 子 祖 聞 間 翼 贵 合 御 始 忽 遂 未 契 熙

> 禮 權 1 女 者 意 遂 皆 喻 從 是 廟 而 先 堂 乘 生 而 之。 事 時 竟 異 不 議 行 之 徒 經 忌其 生 學 士 知

戊辰,人史院 子並圖》。 文集》《 桃 廟 議 議 祧 狀 廟 并 箚 圖 子 **% %**0 ^ ^ 進 面 擬 奏 詔 祧 意 廟 劄

討官 當 葉 衆 又 排 專 目 後 周 語 於 會議 往 如 編 ,各具首末 分之,譬之六 IF. 禮 録】實録 史 則 往 典 四 》官屬 院 事 然後 不 禮 不 員 ·相應。 各欲 置 從。 而 刑 六 記 院 下 去 部 時 然 所 房 載 略 部 取 著撰 葉 謂 吏 專 不 後 無 先 爲 史幾 各 庶 同 類 編 統 生 檢 吏 者,須 幾 聚 紀 討 刑 不 嘗 部 專 官。 存 人者,即 爲 法 與 相 掌 專 修 得 書 0 衆 本 置 編 操 統 須 總 李 議 攝 房 簿 差 官 方 依 閎 底 是 有 除 之 抄 三員 祖 次 欲 在 所 事 此 出 禮 條 序 修 0 以 理 今 與 如 唯 部 前 檢 事

存 傳 某 下 官掌之, 逐 財 如 有 之,以 筆處。 賦 之人,列 閱 事 財 人之行 吏 房 涉 賦 則 則 有 刑 皆 逐月 備 條 關 及異 狀、 某 獄 其 各有 漏 目 過 注 送 落 户 事 姓 具 則 差 H 付 房。 册 名 列 實 關 史成之後 陳 史 於 刑 過 深 淳。 系 可 墓 院 轉 逐 房 刑 以 H 誌 月 運 有 房 依 月 等 接 如 司 某 ; 據 而 文字, 續 此 刑 五. 令下 刑 書 爲 獄 房 房 又以 然 0 書, 書 專 諸 有 後 其 户 亦 諉 合 有 州 史 事 房 吏 各 立 房 索 涉 有 口

丙子 下 庚 午 附 奏 晚 面 部 講 對 申省乞放 乙亥 是 日 直 御 謝 日 批 辭,遂 除 宫 觀 戊 寅 付

卿 觀 疏 年 乞賜 미 譜】丙子 知 悉。」 方 施 此 行 宰 晚 隆 相 講 冬 既 趙 留 退 恐 汝 身, 難 即 愚 申言前 降 文 留 講 御 御 劄 批 已 所 古 : 除 奏 諫 朕 卿 兀 E 宫 憫 事

> 之詩 謝 欲 他 獵 可 之驟,上曰:「 給 起 生 寅 不 用 與 事 居 即 省 日 韓 吏 反 聞 中 郎 出 附 部 侂 汝 樓 靈 劉 奏 復 部 侍 胄 愚 更部 鑰 芝寺,遂行。 謝 光 以 侍 郎 遣 大 交章留之,皆 祖 諷 郎黄 内 孫 求 仍 侍 初 上 上 侍 逢 罷 起居 申省 郎 除 艾因  $\pm$ 古、 政 日 孫 某 德 逢 . 舍 乞 經 登 中書 不 謙 對 吉 人鄧 放 筵 聞 朱 封 不 問 亦 爾 謝 某 鼓 舍 内 報 所 大 驛、 辭 所言 院 越 人 批 今 以 講 游 陳 付 洪 御 得 ^ 乃 逐 權 本。 日 仲 傅 F 旨 史吴 事 朱 輿 良、 鴻 事 某 免 戊

以上疏忤韓侂胄罷。 【宋史】《寧宗本紀》云:戊寅,侍講朱熹

【文集】《謝御筆與宫觀奏狀》。《乞放謝

辭狀》。

壬午,除寶文閣待制,與州郡差遣,辭。尋

還 除 待 知 制 江 職 陵 名 府 荆 湖 北 路 安 撫 使, 辭 並 乞 追

辭。 舊 行 職 狀 名 尋 除 除 知 寶 江 文 陵 閣 府 待 又 制 力 與 辭 州 仍 郡 乞追 差 遣 還 新 力

名,不 力辭 年譜】有旨 允 遂 除 除 知 實文閣 江 陵 府 待 辭 制 與 並 州 爵辛 郡 新 差 舊 遣 職

胄 泣 意 有 出 太 免兩 文 年譜】初,上之立 於長 皇 涕 定 遇 全集 】《 使喻 策 古 内 太 次除授 功, 請 侍 后 信 解 親 關 宫 且 意 太 免 待 禮 屬 者, 廟 依 皇 寶 制 也 於 堂 託 太 知 文 職 門, 其 請 也 閣 后 肺 閣 名 効 門 腑 許 告之故 待 及 論 宰 力 之。 事 知 制 遂定。 相 出 遣 韓 江 與 趙 人 乃 禮 陵 侂 郡 汝 人 宫 命 白 胄 狀 侂 愚 府 掖 請 奏 胄 復 自 求 **%** 獨 不 狀 居 自 呼 詭 能  $\sim$ 中 謂 侂 於 涌 辭

之意 之易 之語。 會先 當以 頗 謀 怒,陰與 生 其 領 憂, 屢言於上 派 再 用 「分界 、以觀 見 獨 事之人,又皆 女 相  $\equiv$ 事 因 生急 耳。 嚴 懷忠憤 厚賞 曲 方 面 限 辭 憚 丞 收 陳 先 龜 是 其黨謀 新 免 前 於致 乃 又 相 之, 立 年 生 召 酬 侂 政 職 於禁中 離 方 紀 出 四 胄 其 數 因 又 名, 君 謂 綱 圃 方之 護 長 之計 講 持 勞, 先 以 時 約 事 其 使 沙 已 去 畢 禄 手書 争 防 知 吏部 爲 勿 已多從 易 ± 客, 微 其 已 遂行。 荷 奏 無 微 名之流 優 使 制 聚 安, 聞 爲 寓 疏 遣 不 杜 侂 彭 戲 得 於 之, 首 其 極 生 言,言無 所 漸 胄 無 龜 中 預 本 言之, 以 者 及講筵 徒 意 亦 倚 即 年 復 益 出。 謹 熒惑 朝 則 朝 密 潛 以 遠 惕 請 得 政 及 不 白 有 爲 侂 慮 先 其 海 然 志 對 留 不 可 進 L 派 基 胄 腹 且 生 餘 白 内 以 忽 身 聽 切 相 去 先 有 既 大 引 發 爲 時

視 此 由 或 下近日逐得朱某太暴,故亦欲陛下 再乞施行 一,彭龜 Ē 此 小人。」既 聲 士如深仇,衣冠之禍蓋 一勢益 年遂攻侂胄,因 前疏,則 而省劄直批 張,群儉附 内批徑下。 和,并疑 龜 奏 年與郡。 始此 日 -先 云。 及 生 政 派 緣 洪本。 既 侂 逐 相 去 胄 陛 去

十一月戊戌,至玉 山,講學于縣庠。

以 其深味之。洪本。 而發明道 辭,不獲,乃就 年譜】邑宰司 傳於世,此乃先生晚年親切之訓, 要,聞 縣庠賓位 馬邁請爲諸生講説,先生 者 興 起。 邁 因學者 刻 講 義 所 讀 請 者 篇 問

丁未,還考亭。

十二月,詔依舊焕章閣待制,提舉 南京鴻 慶

先生拜祠命,仍辭待制職名。

文集》《乞追還 焕章 閣待制奏狀》一。

《奏狀》二。

竹林精舍成。

落成,率諸生行釋菜之禮於先聖先師 【年譜】先生既歸,學者益衆。 至是精舍

告成事。後精舍更名曰 「滄洲

【文集】《滄洲精舍告先聖文》。

職名,并以議廟祧自劾 慶元元年乙卯,六十六歲。春三月,復辭舊

【文集》《乞追還待制職名奏狀》三。 三月三日, 不相關, 日奉旨:次對之職,除授已久,與廟議 議廟桃不合,乞收還誤恩。 職名,奉聖旨 可依已降指揮,不得再 準省劄以乞追 不允,因復 力辭 還 是 焕 月二 有陳 章 并 以 閣 十八 待 前 初 輒 制

磨勘轉朝奉大夫。

大夫。洪本。 年譜】先是,吏部取會磨勘,至是轉朝奉

【文集】《奏狀》貼黄云:蒙吏部降到告

稽 才宏遠 年 如 符 元 下之公。 夙 雖 昔 元 懷 吾 於 吏考,爰陟 ·譜】《告詞》云: 磨勘 年三月某日,中 爵 此 人之議 法 衆 志 每見於辭榮,節素高 ,造道精 從之英, 望 轉官 其 體 以 9 丕 文 舉賢 六 即 朕 階 視 醇 亦 經 Ė 心 功 用 「 敕: 謝 爲諸 不 ,勿忘猶 書舍人鄧驛 積 舉 載, 敘 恩 待次,當 久以 明主 遷 祗受 自 儒 登崇俊良, 之典。 之倡 難 致官 於三代之隆 於難 告。 廢 有 行 務 於彝章 可 以 恐 具 進 0 徇 未 淑 位受 固欲 慶 載 天 免 斯

夏五月,復辭職名,并乞致仕。

權 大 詞, 年譜刻 納賄 權 及是, ,士大夫嗜利無恥、或素爲清 歸 侂 誣 韓 胃矣。 以 侂 不 胄 軌 即 9 侂 竄 欲 胄 永 并 本武 州 逐 趙 中 相 外 志 而 震駭 議 在 難 所 招 其

> 然退 迭諫 之禍 休致云。 不容 以 乃 派 群 或 擯 而 諫 蒙蒙 吕 莫予 人 者 小 更道學之名曰「僞學」, 累 真 默,乃草 附 祖 取 請 以 因 乃教 朝 情 違 儉 和 奏稿 爲 以 以 知 其 陰 以 蓍 以 必 明 以 遇之恩,且 論 焚之,更號 H. 封 決 廉 攻 除 派 疏 救 賈 事 之, 僞 潔 去 相 姓 派 禍 干 數萬言 好 異 之 名授之,俾 遇 相 , 先 修者 己者 進 冤 遯 尚 者蠭 貶 遯翁。 生不 之家 帶從 子 蓋謂 韶 皆僞 極 然 起 弟 陳 聽 州 後 人, 臣 以 9 諸 遂 女 貪 而 也 口 次 職 以 先 生 邪 先 黷 蔡 太 以 名, 斥 生 疾 蔽 元 生 於是 更 府 放 肆 默 定 自 進 主 義 肆

自 誤。 尾好遯之占,遂亟焚稿齰舌,然胸 别集》 疑 發 因 狂 答劉 以《 疾 易》筮之, 欲 德 舒 修 憤 書 懣  $\stackrel{>}{Z}$ 得遯之家人, . 訴 病 穹 中 蒼 痊 中 痊 猶 爲 既 二字 勃 復 遯 疑

字

·曾付

外,是

致

漏

網

遗遗

口

隱

匿不言

曾

議

此

者

已次第降

朏

前

臣

以

所

然

伏

念

向

嘗

安議

永阜

殯宫,今小

大之臣

矣。 勃 允, 適 言語皆晏然如 亦亦 勢須 能 某挂冠之請,人尚 甚 E 一不易。 再 也 請 餘 只去 但 平日, 于 得 數 歲 冷 撰 未還 忙 日 固 前 亂 己 得 秩 中 服 而 書, 得 其 小 亦 其 有 處 報 可 定 之 以 不 字 其 力

矣,不敢 必其 悉從 也 殘 暑 未 衰, 萬 萬 以

舊

E

追還待制職名及守本官致仕奏狀》 文集》《申建寧府乞保明致 仕狀》。 几 乞

秋 仕。 七月,復以 再 意,不得再 奏狀》言 溷 宸 奉聖旨 聰 有 議永阜隣陵 所 臣 陳請。」臣 辭 一累具 職 辭 名, 職 奏 謝 解 亦 自 己 事, 免 劾 不 恭禀聖訓 職 敢 非 再 名, 朕 祈 優 並 避 賢 未 乞 致 敢

> 指 刑 冒 揮 竊 有 寵 旨 榮 . 伏望 朱 熹 聖 無 明 罪 付 可 之 待 司 敗 餘 依 以 已 肅 降 邦

【文集】《乞追 議永阜儹陵事 奏狀 還待制職 名並 自 劾 不 合妄

冬十一月,復辭 職 名

他事 言 第二 《奏狀》言: 官仍 封 復帶侍從職 已受從 有 贈 他 去歲 奉香 次 忘 廕 説 其前 臣 補 辭 恩數 之澤,及 初除之日 火,屏伏 免 伏 名,而 奏狀 語 望 臣本意止 並 ,今始覺 照 臣 於其 乞 用 早 田 门,已冒 去 賜 賜 畝 檢 爲 年 間 處 前 舉 施 以 已 申 分 行  $\equiv$ 疏 日 磨 終餘 麗 討 省 勘 封 之謬,不 次奏狀 使 及 講 論 錫 轉 年。 臣 改 服 第 官 官 得 正 ,皆爲 之寵 貼 不 以 敢 乃 次、 本 大 敢 再

十二月,韶 【文集》《乞追還 依 舊 秘 待 閣 制 職 修 名奏狀 撰、 提 舉 南 京 鴻

慶官。

既 嚴 務 大遜 之風 門之業。 在 陳。 懷土 屢矣; 善 躭 對 謙 東學之遊,兼 【年譜》《告詞》云: 之直 違 至 徇 之榮。 桓 墳典,性樂邱 者君子之行。 持 懷 於名高, 一榮之説 且示隆 如慢,小遜 前受之是,今受之非,誰 槖 ,復居論著之聯 於十連 仍 而 其祗 之班 既諒 夫 良 華 書; 咈。 在 侍 儒之意。 子 , 而 職 忱 我 樊。 西清之邃。 如 歸 訓, 高論 噫 ! 秩 趣召,肯起幡然。 誠 眷 豈 僞,夫豈 鄉 「從欲者聖人之仁, 我 , 其 輕 被累朝之特招 用 以真 里 逮兹累歲,始復 未聞,遽若 於 執 蹈 厭 頒茂 ,受生徒 雖 爵 經之老,辭夫 於 承 祠 其 雅 馭 見 中。 明, 命。 志之勉 然 ? 卿 能 蓋 往 勞侍從 幾 미 俾 彰 無 貢 以 晚 依 究 惑? 既 解 顧 生 優 爾 稱 舊 專 禁 老 之 方 有 陪 而 次 疾 心 尚

> 某日 秘 閣 修撰、 中書 舍人 宫 觀 傅伯 差遣。」慶元 ...壽 行 詞 元 年十 月

受從官恩數。二年丙辰,六十七歲。春二月,申乞改正

申省》言:元奏貼黄内稱:「疏封 愚分。 奏,檢照條例,逐一討論,悉行改正 乞賜改正。」未奉進 贈廕補 、磨勘 轉官,皆爲已受從官恩 止,欲乞朝 廷 錫 特 一,庶 服 爲 數, 封 安 敷

【文集】《乞改正已受過從官恩數狀》。

冬十二月,落職

罷

祠

闡聞 動 言:「僞學之魁,以匹夫竊 【年譜】先是,臺臣 類 未幾,張貴 ,並行除毀。」是科 天下,故 之,知 文風 模 舉 指論《太 葉、倪、 未能 擊「 取土 丕變,乞將《 劉 僞 極 等 圖 學」,既 ,稍涉義 奏論 人主 説 之非。 文弊, 之 語 榜 理者, 柄, 録 朝

貨。 道 取 III 將 慮 迹 文 悉 州 氣 。」久之,姦 見 謂 得 以 洪 門人楊 日 死生 朏 投 立 爲 會遷 本。 **>** 善類 卑。 落 察官 口 合言者之意 書 一禍 致富 去, 重 道 臺 蔡 六 紘 人 福 爲 足 夫 諫 經 元定隱 不 相 貴, 世 以 以 聞 久已 洶 果。 顧 大禁, 《語》、 、 立。 藁 鄉 遂 洶 不 授之。 亟 曲 奏乞 置之度外 居 敢 沈 李本 争 以 射 士 不 發 念孟 繼 欲 書 利 褫 仕 子 祖 繼 獨 告 者 以 職 避 以 先 亦 祖 胡 多 先 ^ 罷 時 大學》、 追 特 不 鋭 撰 生 紘 生 祠 所 編 草 爲 於 論 煩 造 忌, 管 從 進 伊 调 報 事 奇 疏

熹於建 爲 雞 異 (宋史)《胡 也。 監 尊 察 酒 御 ·山 紘不 安,熹待 史, 中 紘 悦 遂 未 傳 學 劾 語 爲 **※**云 子 趙 乏 人 汝 惟 也 日 紘 愚 脱 未 遂亡 一此 粟 且 達 飯 詆 非 時 去。 其 遇 人 嘗 引 情 紘 及 用 謁 是, 朱 隻 能 朱

> 擊 之目 論熹 論 將 悒 熹 抵 去之,謂 僞 上 爲 罪 程 及朱熹之徒 不 會 學, 平 僞 ,皆紘筆 頤 以擯之。 夫 學罪 得 或 改太 不可 然 疏 爲察官 論 未 搢 也 常 甚 有 紳 用 多知名士, 少 衆。 誦 大 何 汝 紘 卿,不 誣 言 夫 澹 愚 以 侂 遂 攻 與 遂 劉 罪,則設爲「僞學」 胄 以 熹 夫 果。 謫 不便於己,欲 患 德 疏 者 學 永 之,以 秀爲言官 授 校 沈 州 之。 獨 之 繼 紘 汝 士 祖 汝 草 愚 皆 繼 以 愚 之 追 專 祖 疏 憤 初

恥 根 【行狀】自先生去 士 孟 一,稍 真 迎合其意 於 情 悉 理 涉 往 爲 義 經 廉 世之大 往 者 訓 潔 ,以學 引 者 好 並 用 禮 或 禁 行 悉 爲 以 者,皆 除 見 至 僞 侂 猾 排 毁 胄 卿 胥 黜 謂 . 偽 勢 相 賤 六 貪 益 也 文章議 隸 經、《 繩 黷 張 趨 放 科 頑 鄙 尺 肆 語 舉 鈍 夫 步  $\approx$ 乃 取 無 憸

竹 肆 不 他 稍 立 答 林 師 不 以 以 顧 儒 精 過 自 者 名 舍 别 門 者 屏 其 不 有 無 伏 非 人 勸 , 所 黨 邱 甚 以 容 壑 至 其 謝 先 ; 變易 依 身。 遣 生 四 生 日 衣 巽 從 與 徒 冠 懦 遊 諸 者 之士 者 狎 # 9 笑 講 遊 更 學 名 而 市 特

黨 熹 IE 幾 權 學」之稱 及 僞。 中 本 比 言 住 爲 司 年傷 至 汝 傳 諫 首 進 劉 此 有 愚 右 德 官, 自 擬 學 蓋 又 論 奪 陳議 秀 劉 熹 猖 專門 變 職 首 仕 自 遂 去國 光 獗 之 耐 論 大夫 長 此 祖 召 之學, 命 爲 留 沙 圖 始 陳 し,不爲 侂 逆 徐 姚 爲 E 賈 黨 劉 胄 誼 不 愈 引 太 爲 勢 軌 常 論 僞 張 即 兵 傑 益 徒 少 道 學 沽 望 杜 部 以 日 張 卿 學、 之 名 宣 之 除 前 侍 前 胡 罪 . 徒 諭 權 日 乞 御 郎 何 紘言 大 所 臣 之 傑 辨 中 澹 臣 禮 右 僞 論 僞 真 未 爲

生德 譶 虎 爲 語 至 草 死 録 E 詔 於 黨 有 書 子 諭 窺 乞 天下 底 伺 朋 斬 意 神 友 熹 思 於是 器 微 却 諷 攻 乃 無 先 僞 命 微 生 學 直 云 服 日 學 過 急 士 先 宋 選 院 生 之 有 高 文

如 緣 溺 遇 乎 詩 刀 今 語 理 先 今朋 只 殺 又 鋸 小 人 当首 謗 生 更不 曰 見 在 小 開 訕 日 斷 章 友 得 利 前 此 口 . 章言 言 ~都信 只 教 死 這 某 猶 害 亦 : 鼎 是 做 生 笛 又 不 解 鑊 便 : 與 不及,覺 有 道 不 人不 是 説 示不 却 在 生 命, 理 朋 曾 深 後 趨 做 友 知 知 E 奥 如 都 飲 避 何 講 視 書 命 見 而 合 不 底 計 事 習 之 自 此 不 啄 在 見 事 ? 較 無 古 道 如 愠 辨 自 水 那 9 之心。 以 難 無 書 有定 因 日 裹 刀 不 爲 又 孤 曉 物 死 鋸 説 不 君 亦 底 者 分, 鼎 令人 古 曾 須 這 子 君 ^ 意 鑊 是 蓋 及 作 子 論 道 天

於 是 之來 徒 能 意 亦 鼓 光 做 相 思 不 澼 敢 訟 愛, 將 不 命 户 李 廖 去,事 説 冤 佳。 然得 省 閎 德 也 也 明。 祖 便 事 萬 某 輔 到 是 李 人 以 廣 壁立 〇今爲 則 閎 默 其 澼 祖 盡 默 禍 萬 付 不 如 者 足 避 仞 或 之人,欲 某 成 以 禍之説者 贵 勸 輩 屋 先 容 皆不能 先 下 不 生 生 只 合 益 避禍 日 散 説 是 爲 : 保 古 了 底 吾 終 禍 不 學 話 道 出 去 只 福

是歲,始修禮書。

各綴其 職 以《 或 類 者 年 》、《保 可或 禮 儀 譜】名曰 × 其 附 禮 ^ 目 後 於經 傅 王 爲本 有 其 傳》之屬 朝 以家禮 ^ 或或 儀 見 禮 分分 禮 於 **>** 附 × 章 他 經 ^ 於義 喪 附 傳 篇 又 鄉 禮 疏 通 自 及 禮 解 **>** 他 别 其 × 而 **%** ^ ^ 爲 書 外 以 祭禮 學禮 篇 其 口 小 如 以 相 書 戴 × × 附 弟 諸 發 大 ^ ^ 邦 其 子 明 要 義

聲 其 遺 學 篇 其 禮 罷 爲 之道 傳 乃 法 誦 知 書,其頗存者三 先 其説 究諸 樂之 一樂先 度 本宗 本經 源 禮之綱 是 其 儀禮 乃其 清濁 數之實 虚 同 ^ 其 外 爲 文 末 壞 歸 科 9 有大 義 奏 傳 而 學 其 漢、 以 熙 領 教 而 禮 欲 ^ 而 疏 ×, 供 寧 至 獨 而 議 禮 失已甚 雖 則 禮樂之用 耳 乞 晉 以 其 應舉。 存 立 禮 率 記 其 不 0 又 修 禮 來, 以 大 文者 夫莫 行 儀 而 . 絶 來,諸 前 用 體 郊 己。 記 王安石變亂 法 無 此 禮 而 而 耳 至 E 有 》之科 度 特 爲 則 猶 師 學 於 博 士 具者 ^ 知 數 儒 急 牲 日 授 咸 有 周 猶 其 士 臆 其 : × 補 出 間 則《 諸 得 官》 斷 蓋 律 説 棄 ^ 遭 緝 冥 禮 臣 生 亦 以 而 冠 十七 尺 者 儀 經 舊 秦 聞 竟 而 有 誦 已 又 書 義 滅學 短 制 禮 通 任 莫 習 無 大 不 而 > 若 等 知 過 古 全 經 廢 而

樂諸 去國 空 皆以 時 以 特 補 其 寫 説 學者 不 知 禮記 開 六 能 興 詔 略 遺意者 ,久之未 口 其 不 爲 起 官 書 藝之闕 附 有 就 考 爲 有 聖 自 廢 屋 司 及 於 訂 闕 及 端 數間 許 竊 朝 墜,垂之永久,使士知 而 諸 本 其 也 上 行 緒 成 制 鍾 經 經 説 招 臣 而 欲 作 律 史雜 故 之下 與之居處,令其編 就 致 亦 而 更 會 之助, 欲 之制 臣 舊 未 私 秘 蒙 加參考, 以 書 頃 日 書 能 家 除 具 所 在 學 省、 具 無 則 儀 用 則斯文幸甚。」會 列 載 徒數十人, Ш 也 書 學徒 禮 士友 太常寺 别 注 林 有 檢 爲 爲 疏 及 欲 閱 間 嘗 實學, 分散 於禮 望 經 諸 類 關 亦有 與 無 書,以 聖 踏 而 借 儒 明 得 之 異 禮 遂 逐 抄 可 取

禮》難讀,以今觀之,只是經不分章,記不【文集】《答應仁仲書》云:前賢常患《儀

=:

年丁巳,六十八歲。

春正

月,拜命謝表。

曉 文公見之也 隨 經 前 今定此本,盡 注 疏 各 爲 去 此 書 諸 故 弊,恨 使 讀 者 不 得 不 令韓 能 遽

第屬 舊名 未脱 數》一 删 亦 其 晚歲之所 所著《家禮》五 【 先生季子在 ト筮篇》亦 公侯大夫禮 當 卷、《 改 日《 藁 相 之 也 也。 篇缺 經傳 門 從 邦 也 於此 至 凡 國 人 新定,是爲 而 通 一於喪、 缺 黄 其 + 禮 》、《諸 未 跋 解》者,凡二十三卷,蓋先君 庶 幹, 俾 卷、《 四 日 **>** 補 儀 四 餘則先 卷, 幾 祭二 禮經傳 集 卷、《 侯 鄉 而《大射禮》、《 此 之 爲 傳 相 禮 絶筆之書。 禮 書 類 集 王 君  $\wedge$ 朝  $\stackrel{>}{=}$ 本 王 通 註 次 朝 則 所 禮 末 卷、《 解目 朝 草 》者 禮 嘗 **>** 具 他 1 禮 定  $\forall$ 以 備 日 篇 + 録】先 學禮》十 此 聘 規 而 唯《 書 四 未 而 書 模 禮 則 成 卷。 次 之 暇 書 下 猶 ×

也 坐 有 年譜》前 国,尋具 以落職之命 講 論 表 如 數 謝 初 日之夕,先 來告者 羽 日,諸 先 生方與諸 生 生 方知 略 起 其 視 生 有 講 之, 指 論 揮 復

撰依前官謝表》。戊午春。《茶秘閣修《文集》《落職罷宫觀謝表》。《落秘閣修

急 罪 諸 處 罷 邑 何 所 過》「公弋取彼在穴」,曰: 孫 語 ?! 因 中 甚 往 樓下 退 遭必傷。」 生 録】季 中 詳。 ,皆詹元 偶 歸 途 精 語 與正 起 見 繼 州 舍,告諸 而 通 西 聞 别 即至樓下,先 覺。 縣 淳 序 被 善 蔡已 捕 行 罪 説 調 先 諸 數 索 早 護 生 友。 遵 臺 生 口 上 甚 之。 舟 路 評 問 所問 往 急 漢 即 及 生 防 所 先 「先生無虞, 卿 不 中 先 衛 不 坐 聞 生初 ^ 筮 及 位 孟 生, 頗 曉 睡 蔡 之, 打 子》 嚴 甚 何 聞 丈 亦 先 坐 得《 酣 以 欲 未 事 生 蔡 諸 小 與 留 得 蔡 賀 友 通 如 大 飯

> 問 當 先 經 而 局 生嘉之。 誉, 退。 如 包 何 顯 聞 1?! 是 道 蔡編 且 因言 日 夜, 管 : 禍 道 諸 顯 福 州 生 道 已定, 坐 説 乃 樓 得 沈繼 徒爾 自 下 好 祖文字, 韋 勞擾, 爐 未 知

餞别蔡季通于淨安寺。

主

意識

先

生

也

葉賀

孫

季 不 中 州 即 爲言官,連 宋史》《蔡 通 異 就 坐客 不 平 道 州縣 挫之志 時 興 捕 熹 歎 因 元 疏 元定甚 與 喟 定 詆 從 有 可謂 然 傳》云: 熹 泣 游 日 急,元定聞之,不 及 下 者 兩 : 元 者。 得之 數 朋 定。 沈 百 矣。」 熹微 友 繼 人 相 未 祖 餞别 幾 愛之情 視元定, 劉 蕭 辭 謫 家 道 傑

然 理 漣 續 無 也 而 集》答儲 幾 不 能 微 己。 不 適意 行之書》云: 處 事 邱子服 變, 恤 窮交,亦兩 獨爲之涕 季通之行 泣 得 其 流

賀孫 至 所 寒 飲 就 元 暄 善 飲 貶 疑扣之,蔡 録』先 回 過 即 外 皆 寺又飲 退 淨 無 醉。 去。 生 安 嗟 往 勞 應答灑 先 先 先 淨 語 先 生間 生 生 安 以 生 出 寺 日 然。 醉 行, 連 寺 候 . 睡 門 日 此 蔡 少 列 接 所 人富 方 遲 坐寺前 蔡 讀《 之。 坐 ,諸 自 貴 橋 參 坐 府 人 同 氣 橋 醵 方 乘 契 士 1 酒 舟

於春 毫 者 律 最 原 正《参同 年 固 久 《皇極 ,莫不暢 、曆數、兵陣之説 讀之不 ·譜】明 陵, 契》, 識 先 能 日 經世 通 達 博 生 以 意 聞 終 獨 爲 句,元 書》、《 解 先 夕不 與 之哀 尤是 同 生論 季 \* 定爬 寐 通 凡古書 先 慟 皆 會宿 天圖 於天文、 易 不 梳 季 能 ×, 盤 次 寒泉 剖 通 推 及。 錯 年 析 從 往 本 地 肯綮, 往 先 義 季 相 河 細 理、 多 生 與 啚 理 通 樂 秋 學 大 遊 訂 因 洛 卒

> 蓋深 不復 與 識 與 ,卓絶之才, 晤 元 可 致其哀云。 定 語 見。 往 者 復 並 其 丽 不 遊 有 殁 洪本。 미 之好 發 也 屈 焉 祭 之志 同 之 故 志 不 以 其 之樂已矣」。 爲 貶 可窮之辨 也 精 詣 恨 之 無

患難 力。 耳。 惘 理 非 速 來,遣之不去, 續 惑 深 此 至今,不能忘 集》《與蔡季 其 處, 想爲 ,吾人平 可 又《 免也 心 便 日 也 與 無 既 0 蔡 日 人 久, 但 賤 亦 於懷。 季 可 通 講 極 迹 姑 處之愈安,不 通 告 書 之熟矣, 難 復挂 任 書》云: | | | | | | 語 得 之。 某幸 人講 一彈文, 殊 自奉 若 憒 無 今日 究 素 憒 有 他 文字 繼 以 患 禍 别 諸 IE. 彼 益 此 難 害 後 0 要 生 此 懷 須 行 亦 遲 既 得 更 平 仰 義 惘

<sup>●「</sup>講」,原作「議」,據武昌書局本及《續集》卷三《與英

間,庶得聲問易通,亦一幸也。有行遣,只得静以俟之。若得在湖、嶺之

《韓文考異》成。

之同 敢 不敢信。 知。 曲 異》十卷,庶幾去取之未善者,覽者得以 者決之。 正》,則又例 以祥符杭本、嘉祐蜀本及李、謝所據館 取之意,又他本之所無也。然其去取,多 號爲精善,别有《舉正》十卷,論其所以去 本爲定,而尤尊館 多不同,惟近歲 文集》 違; 從,他 異, 故今輒因其書,更爲校定,悉考衆 有所 書韓 而一以文勢義 本 又各詳著其所以然者,以爲《考 苟是矣, 雖 未安,則 多而 文考異前》云: 善,亦棄不 南安軍所 辭寡,覽者或頗不能 則 閣 雖 雖 本,雖有謬誤,往 官本、古本、石 民 理及他 刊方氏校定本 間 録。 近 此 出 書之可 至於《 集今世本 小 本 舉 不 驗 曉 往 閣

參伍而筆削焉。

四年戊午,六十九歲。集《書傳》。

足成之。李本。
【年譜】按《大全集》,二典、《禹謨》、《金、《年譜》按《大全集》,二典、《禹謨》、《金

冬十二月,引年乞休。

生意。 禄,具 (年譜) 先生以明年 日 略見端 歲、《答李季章書》云:「親舊凋零,如 季通、吕子約皆死貶所,令人痛心,益 罪籍,不敢有請,繼以 與了却,亦可 申建 所以惜此餘日, 緒 而 寧府, 乞保明申奏致 未能 瞑目矣。」洪本。 就,若 年 尚 及七十, 止 更得年餘間 帶階 爲 所 官, 編 初 義當 禮 仕 疑 未 猶 蔡 納 無 是 在

五年己未,七十歲。春三月,《楚辭集註》、【文集》、申建寧府乞保明致仕狀》。

《後語》、《辨證》成。

之重? 子 善,豈不 幸 皆 醇 其 國之 跌 矣。 ௱ 於 賦 楚 文集》 岩 儒 生 争 不 而 獨 怨 辭 離 聽之, 於 莊 怪 誠 馳 知 庸 竊 妻 今所  $\approx$ 騒 騁 學 前 繾 神 嘗論之, 心。 士 足以 此 去 楚 大 於 於 綣 或 余之所以 婦 則 怨懟 解 而 校 不可以 抵 變《風》變《雅》之末 北 惻 原之爲 交有 羞 , 抆 南 於彼 定 集 皆 方, 怛 稱 原之爲 激 其第 註 國宗之, 祖 淚 所 之。 以求 發 爲法,然皆出 不 序》云:右《楚辭 此 原 温 書,其 每 發 前 能 之間 録 意, 唫 有味於其 然使 人,其 周 前 自 如 於 名 不 而《 辭 增 公、仲尼之道 已之至 上。 章 下 口 天 世 夫 旨 志 離 以 繼 性 之 而 雖 於 蓋 行 言 流 爲 騒 作 放 民 綱 所 意。 自 或 忠 雖 以 訓 集 彝 天 臣 Ŧi. 而 君 深 流 通 屈 或 註 之 者 不 典 故 雖 屏 然 於 愛 调 遠 號 原

疾 昧 原 滯 詞 者,而说 証 公蓋 又皆未嘗沈潛 書之所取 世 不 家 王 復 詞,至漢 敢 病 之 以 一逸《章 而 一,其於訓 、又有 而 指意之所 復 不 直 呻 所 遠 不 存 傳 未能 以 强 洪皆不 吟 於 見 爲 詞 -句》與 附 僧 無 未久,而説者已失 之暇 性 台 抑 舍, 免, 及 詁 人之賦 道 於 以 情 出 鬱 於 隋、 能 名 其 騫 而 與 騐 聊 或 前 反復,嗟 近 後 而 者能 有 物 劉 事 其 其 唐 世 不 世 以 遽 所 安、 據 之間 之已 視之也。 題 説 洪 間 得 迫 欲 舊編 是 爲 號 之 班 興祖《補 余 伸 切 歎 取 Œ 楚聲之讀 爲 然。 得 離 則 於 於 固、賈逵之書 咏 而 喻 訓 失。 合之間 已詳 其 粗 是 當 害 歌 立 至 是以 解 然 趣。 加 益 年 於 説 注》并 ,以尋其 其大義 者 自 矣。 而 、義理, 櫽括,定 有 旁引 者,又晦 或 多 尚 今亦 原 獨 如 感 以 可 Ŧi. 顧 行 著 東 太 使 迁 曲 文 則 漫 議 於 六 世 王 京 史 此

千 鳴 有知我者 載之上,而 呼,悕矣! 集 註  $\forall$ 八卷, 死 是豈易與俗人言哉 而 者 庶 不恨於來者之不聞 可 幾 作 讀 者 又 得 足 以 以 知千 見 古 載之 人 也。 於

謝表。 夏四月,有旨令守朝奉大夫致仕,拜命

【文集】《乞致仕狀》。《致仕謝表》。

始用野服見客。

端 燕 禮 時 其所便者,但取 衣下裳,大帶 京洛致仕官 年譜》《坐位榜》略云: 京 居 也 ,而歎外郡 都 而 已。 舊 俗 ,其美如 且 與 或 方履,比之涼衫,自不爲簡 使 人 束帶足以爲禮 不 相接, 窮 能然,其指 鄉 此, 下邑, 皆以 亦補 滎陽吕公嘗言 得 閒 助 深矣。 一,解帶 見 風 居 祖宗盛 教 野 之一 足以 夫上 服 爲

六年庚申,七十一歲。春正月,作《聚星亭

費》

獨 群 亭」,至是作新之。 【年譜】考亭陳氏,故 畫著屏上,而爲之贊,末云:「彧乃 承家,●永奉明戒。」先生之意 曰:「高 概 亦忘 余 衷。 漢。 Ш 景行 百 嗣守之難,古今所 爾 好 窺 先生爲 德 臨 有 , 鏡 所 離 同。 考 榭,名曰 本 深矣。 毋 原荀 課 怠。 忠 歎。」又 責 附 陳 洪本。 聚星 開 曹 或

【文集》《聚星亭贊》。

三月辛酉,改《大學》「誠意」章 諸 應萬 惟 之,心與理 三月初,先生病 生講 在 事、天地生萬 事 論, 事 審 多 一,自然所 求 至 其是, 已甚, 夜 分, 物,直 發皆 決 猶 且 修 去 日 而已矣。」是 無 書 其 私曲。 (非,積 不 爲 輟。 學之要, 累久 夜爲 日,

■「開」、《文集》卷八五《聚星亭畫屏贊》作「死」。

隨 改《大學》「 入室堂,自 誠 此 意」章 不 復 能 午 出 後 樓 暴下 下 不 能 興

甲子,先生卒。

也 儀 移 式 令收 訓 乎 開 方 如 起  $\mathbf{F}$ 年 ? 焉 寢 與 有 此 具 坐,曰:「誤諸 》乎?」曰:「疎略。」「然則當用《 譜】前夕癸亥,精舍諸生人問疾, 享 禮 子 但 中 逐 進 先生之疾革 乃領之。 年 與范 是 堂。 項 書 在,令早 步 相 七 合 日,大風 底 處 倡 0 + 念德,託 本,補 修 黎 率,下堅苦工 有 諸 條 明 歸 良 君遠來,然道 矣,萬 生 目, 人人, 恬 收 拔 緝 諸 0 退,先 寫 拾遺文。 木, 而 生 且. 送 禮 成之。 一不 復 封一 鴻 終 然 書 生 夫 人 諸 水 而 0 . 諱 卷,往 乃 牢 問 崩 禮 逝 甲 理 其書 作 皆 疾 當 子, Ш 與黄幹 固著足 午 亦 三書: 儀 用 哲 爲 界行 遵 初 因 止 先 即 禮 ^ 之 是 遺 刻 請 命 生

> 李本。 ^ 則當 不諱 儀 問問 禮 當 用 疾 豈 × ^ 用 小 儀 大 ^ 書 變 請 禮 書 儀》 哉 **>** 曰 儀 乎? 1 : 參 乎? 洪 先 用 本。 亦 生 之乎?」乃頷之。 摇 先 之 首。 疾 生 黎 革 明 摇 矣, 首。 然 諸 則 萬 生 以 然 復

計告 遺 不 不 逝 門人范念德、黄榦,尤拳 曰 儀禮》,領之。 行狀】先 避 相 書爲言。 門 與 所 世 堅苦。」問 爲 至 人治喪者既 從 位 生 翌旦,門人侍 疾 而 遊之士 聚哭焉。 且 温 己 革,手 公喪禮 而 與 IE 以《 夫 坐 爲 拳 禁 . 曰 疾者 聞 儀 整 書 以 錮 風 禮 冠 「疎 囑 勉學及 雖嚴,有 》從 慕 衣 請教,先 其 義者 子 就 略 事 枕 修 在 所 莫 問 生 IF. 與 而 而

蔡 先 沈 生 夢 簡 奠 附 記 葉 慶 味 元 道 庚 來 申 約 沈 月 下考亭, 初 日 T

之要,

惟

事

事

審

姓苦之。

夜

分之惠。

揆

藉

臟

腑

然

老

人

體

氣

蓋

先

生

病

實

與

先

不

輟

下

極

冷

洩

瀉

結

服

神

功

丸

致

動

H

心

與

理

餽

, 先生却

之,

謂

在

樓

F

臟

腑

微

先生 先 未, 更方 先 説 求 然 在 築 》一段。 自 時 利 圖 知 + 在 生 先 生 其 聲 亭 坐 然 相 退 西 縣 條 生在 樓 自 侍 是, 未 之勢, 者 基 所 邑 若 銘 至 及 只 初 下 ·嘗有 下 云 發 宰 決 是夜, ₩, 寬 溪 樓 改《 沈 時 Ŧi. 時 : 皆 張 去 又言 岸 X 下 宿 事 H 是 溪 分, 此 書 無 揆 其 前 焰 庚 相 樓 甚 夜 東 説 傳 雄 商 私 非 來 後 視 悉 口 申 下 白 山 書 也 先 曲 量 畏, 如 書 兩 爲 姓 積 先 數 間 陳 起 生 院 此 是 學 + 百 有 生 有 小 履 舍 父寓、 相 虚 病 之 子 牢 只 自 矣。 大瀉 寫 止 兩 病 H 是 月 勢 元 武 固 先 辛 應 似 Ŧi. 不 先 餘 夔 裕 恁 夫 隨 初七日壬 西 萬 方 可 改 生起 孫 般, 地 脚 歸 及 事 伯 極 不 數字 先 人宅室,自是 改 亦 沈 力, 起 熱 決 急 陳 但 坐 天 生 ^ 初 初 大 大 不 地 治 器 方 方 揮 劉 先 戌,先生 日 大 學 家 能 又 之。 有 生 之 苦 擇 扇 : 店 生 日 修《  $\approx$ 起。 倡 萬 埴

進

步

處

時

在

坐

者

林

之成道

趙

惟

夫

范

益

葉

味

道

賀

孫

徐

居

顧

沈

日

某

與

先

丈

沈

答

日

先

X

病

獸

聲

甚

異

里人

道

載

酒

飲

於

新

鄉

里

輒

有

喪

禍

夜

説

至《

太

極

亭

於

門

前

洲

1

條

初

四

日

己

癸

亥

精

舍

諸

生

來

問

臟

腑

甚

脱

文

之

林

誤

諸

生

遠

來,

然

道

理

率

做

此

堅

苦

Ι.

須

V

貼

修

^

稽

古録

初

日

戊

午

諸

生

皆

在

几

沈

書

集

傳

説

數

誠

意」

章

**\$** 

詹

不

復

能

出

樓

下

書

楚

辭

段

午

物

直

而

矣

初

晚

即

與

味

道

至

首肯 言 侍 甲 令早歸 數 復 子 收 無 矣,只是精 病 書 諸 云 腑 子 來 語 立 用 而 源 禮書底 生 乃不 且 問 Ť. 之,然不 不言 退 用 用 爲 儀 書 病 先 收 更,令沈 陵 治 及 劉 先 禮 儀 儀 拾 本 者 生 病 命 孫 神定,把得 相 擇 禮 生 **>**′</br> 味 W 以 文 久 革 移 能 補 擇 見 何 之 **>** 道 字 作 之。 時 手 寢 言 書 何 茸 配 至 也 如 云 : 范 云: 挽 嘗 成之。 如 中 且 儀 臥 ? 伯 意 醫 沈 ? 堂 又作 作 歎 夜 内, 欲筆 如 崇 參 士 衣 先 待 先 公分,令: 息言 先 先 此 念 用 諸 \$ 先 生 平 生 制 又作 黄 生 生 分曉。」初 寫 德 何 葛 生 坐 萬 明 直 書 摇 脉 復 一,若有 示 德 坐 沈 書 如 一不諱 敬之在 卿 及 絶 首 摇 精 許 裕 床 檢《 榦 此 左 已 託 舍諸 多 首 來 右 故 益 先 巢 年 所 寫 九 也 以 之 生 沈 禮 沈 禮 生 欲 H H 氏

醫 皆崩 所 加 以 年 以 去 俞 不 痛 屋 息 先 正 能 手 一,左右 生 宜 其 問 其 土 倅 效 足 哉 之。 漸 運 版 精 夢 弱 張 陷 用 劉 壅 E 微 托 神 達 滯 藥 擇 修 先 氣 下 諸 少 紙 張 而 先 梧 頓 聞 其 生 之。 店 其 之。 頃 生 進 方 逝 執甚力,擇之不 生 桐 擇 壞 中 謂 所 視 退 得 等大 之日 步 頻 置 謂 午 自 擇 沈 張 自 先 氣 履 沈 筆 年 瞳 邵 之 初 Ш 覺 曰 至,云: 生 脉 木皆 既 脚 就 猶 坐 頹 武 : 刻 蓋 不 執 流 首 艱 氣 枕 烱 至 木 治 也 素 能 筆 脚 拔 通 然 邊 延 壞 主 手 粗 刺 長 自 如 氣 平 能 者歟 須 是 不 先 久 徐 益 誤 痛 人 平. 發 未 屈 略 春 病 日 之 可 過 作 更 徐 生 幾 觸 時 ? 閨 開 考 作 來 坐 爾 攻 初 攻 洪 巾 先 大 異 然 亭 治 尤 治 合, 足 難 嗚 水 此 服 風 於 目 力 月 者 甚 之, 法 呼 亦 薦 常 贵 藥 氣 沈 Ш 破 不

之。 哉 恨 結 食 陵 效 有 初 念 豆、三稜、莪术等藥,覺 先 聞 時 止 多不下 製 此 遂 幾 未 矣。 黄 病 而 武 生 至 謂 何 父 恐前 逾 再 夷 大 沈 不 師 年 黄芽、 膈 蔡 服 鶯 故 窘 俱 後醫者只養 日 之 沈 温 粟 往 苦 病 殼等, 書 生 白 嗚 歲 記 而 皆 抱 亦 丸 先 呼 丹 數 遂 無 殁 去。 生 作 服 痛 粒 氣 涯 死 老 得 大 之 哉 之悲 數奇 臟 快 既 也 矣, 小 住 劑 1 足 而 遂 腑 效 投 命 輕 汝 先 大 飲 通 鳴 之, 薄 用 歸 終 君 腑 繼 而 向 呼 其 終 天 學 皆 殁 洲 又 時 用 藥 之 未 事 春 不 瀉 秘 巴 痛 遇

啟: 約 更 又 宜 知 皆 集》 授 佳 加 還 深 學次第 勉 與與 得 力, 以 黄 書 爲 吾道 直 慰 知 卿 益 已 書 今 至 信 \times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\t 想 託 向 在 愈 Ш 成 此 所 倫 者 月 示告 理 行 八 吾 安 日 文 無 凡 規 熹 憾 百

門 參 意,彼 意 成 番 作 兼 口 爲 切 凡 張 矣。 在 此 喪 永 考 舊 望 白 使報之,可 用 醫 兩 户 千 口 兩 禮》 所言者,上有外家之嫌 條 之 直 已定 收 本 之、履之不來, 樣 訣 里 來 病 H 衰 昏 · 今 本 詳 外 也 羞 卿 病 例 愈 用 各 且 略, 本 甚 先 只 諸 行 砬 以 希 倦 謙 自 至 得 事 砂 皆 道 附 將 且 次 推 珍 之、 祝 略 安之 作 大 無 案 已 修 就 恐 重 誠 巴 有 至 公庶各 字 分 小, 成 得 不 直 亦 豆 安意 祝 耳 付 力 不 可 中 等 卿 不 不 並 面 賜 處 成 就 矣 支 攻 卿 濟 處 附 整 恩 可 煩 異 教 爲 諸 吾。 之, 極 事 問 未 老 折 所 去 致 理 時 誨 ^ 俞 處 昏 也 以 懷 衷 行 臣 意 諸 病 無 事 夢 並 借 其 泰 爲 使不大 禮 千 禮 子諸 遂大 達 不 如 餘 兒 亦 紙 他 來 撓 萬 **>** 書 商 干 爲 各 向 又 薦 意 可 並 變。 有 爲 篇 遠 遂 來 望 致 干 校 徒 然 許

切悽黯。不具。

風 顧 斯 慨 戚 惓 造 己 直 其 瞑 列 必 m 履,拜於家 年 俗 其 世 色莊 以 次 有 任 然有不豫之色; 寢 目 Œ ,威儀容 譜】先 無 者。 書籍 身 至泣 ,未嘗不欲其道之行 俛 顛 既 端 定位 沛 ,其言厲 坐。 焉孜孜,不 念不 寢 及其 下。 生 推 未 器 廟 止 而 匙箸舉 閒 休 以 之則, 寤 以 在 用 嘗 出 然自 居 而 臨 及 於 其 必 有 而 則 起 民 措 先 未 整 或 知 語及國 須 事 11 自 擁 行 也 有 聖 明 老之將 臾 則 時 君 衾 少 舒 聞 其 定 而 之 整 除 即 至 也 而 而 則 或 飲 起, 勢之未 所 退 其 離 步 以 老 坐,或至 恭 竭 食 至 政之闕 坐 也 徐 深 疾 興 雖 其 忠 祁 書 也,羹 若 倦 0 苦 行 起 遇 衣 盡 振 寒 室, 而 、坐端 平 斯 知 幅 而 不 失, 盛 達 誠 則 休 於人 居 中 文 食 IĖ 屑 几 巾 日。 也 爲 其 惓 於 感 則 夜 案 而 方

> 於此 朝者 聖 + 主 之統 年 前 間 四 歟 不 干月 ? ,覺來世之迷,故 ·容於 歷 洪本 事 而 邪 几 己。 朝 枉 故 仕 贵 於 非 自 外 天 筮 嗇之於彼 者僅 將 仕 以 以 九考, 先 至 生 而 屬 厚 紹 立 纊 往 於 Ŧi.

DU

八

也 龉 厲 朝 去。 聞 難 及 行 9 易 或 時 進 狀光 仕 不 0 其 之禮 退 政 自筮 勢 於外 徇 事 之 之 之 俗 君 節 生 未 闕 仕 者 則 以 也 平 振 失 以 僅 則 一不貶 苟 居 至 九 官之拜,必 則 則 惓 安。 考 屬 語 感 戚 惓 纊 道 慨 然 立於 不 故 Ŧi. 無 以 合, 以 有 + 其 求 朝 至 抗 不 年 與 念 必 售 者 泣 豫 章 間 奉 不 世 四 ; 之 下。 前 在 身 + 其 動 色; 歷 力 於 愛 日 輒 然 事 而 辭 或 謹 民 几 龃 語 亟

2

<sup>■「</sup>與」,原作「於」,據《行狀》改。

者」,原脱、據《行狀》補。

道之難行也如此。然紹道統,立人極,爲

萬世宗師,則不以用舍爲加損也。

林谷。 冬十一月壬申,葬于建陽縣唐石里之大

【年譜】會葬者幾千人。李本。

本 」,送 傳 (為 既 師 殁 之 ,將葬,言 葬 會 聚 者 之間 謂 . 非 四 妄 方 談 僞 時 徒 期

從之。

短

長,

則

謬

議

時

政

得

失,望

令守臣

約

束

之。 白 誠 意 原 勉 齋先 水 日 文 而 獻 之 淵 劉 韋 惟其言之聽 誦《 之傳 致 齋 地 生作《行 源 大 中 病 吾 /學》、《 先 且 屏 聞 所 生 革 狀》云: 山 敬 河 早 中 劉 屬 洛之 則吾 畏。 歲 彦 庸》, 日 己 沖 . 死 自 吾 學, 知 三人, 以 韋 不 即 籍 其 推 用 齋 恨矣。」先 死 溪 説 明 力 先 吾 胡 汝 聖 生 於 而 友 原 往 賢 得 致 心 也 仲 事 遺 好 知 中

箴 理 歸 其 實 矣。 遊 數 其 善 於 章 徧 既 知 力 + 一之實 以 不 累 好 交當 行 百 韋 羅 9 歸 孤 有 躬行 自 一,居 以 里 其爲學也 義 齋 趣 年 口 先 四 則 畏。」 警,又筆之書,以爲 徒 敬 生 世 爲 敬者 精 鮮 訂 慨 奉 不 持 羅 有 同 步 其 然 以 則 與 思 以 其 識 敬 門 先 往從之。 所 告 是 倫 有 昏 實 敬 窮 之士 之方, 所 友。 以 生 比。 非 求  $\equiv$ 惑 體 論 則 理 學 成 君 道 紛 難 先 怠 於 以 始 莫 而 雖 之志 延 又曰 子 擾 體 生 惰 致 延 龜 學 成 平李 釋老之學, 先 而 認 歸 放 其 平 終 之 無 Ш . 主 禀 小學、大學,皆 切 博 自 肆 知 楊 稱 所 以 也 先 學 至 穎 問 求 反 先 之日 \_0 察 造 生 焉 無 之 悟 安, 謂 生 既 義 學 者 躬 亦 以 自 絶 經 爲 理 益 不 致 以 是 於 必 時 延 義 樂 究 致 踐 深 從 遠 平. 豫 年

Ŧi.

0

然 中 萬 典 敬 所 本 也 以 密 之德,發於情 統 天 Ŧi. 太 小 而 充 當 物, 未 於 全乎 品 情 所 行 極 成 窮 其 此 然 隱 之 思 不 賦 節 性 而 莫不 嘗 此 而 慮 微 睹 陰 天 氣 知 而 爲 爲 不 理 少 道之正 終 陽 未 不 理 幽 心 以 差 不 命 而 輟 於 有 容 萌 分, 之 獨 聞 H 生 見 、學問 則 理 0 己 之前 之際 儼 於 IE. 無 自 爲 則 有 統 而 所 根 然, 行 所 思 吾 與 在 太 知 存 惻隱、羞惡、辭遜、是非 陰 於 受 所 者 容 不 其 辨 是 陽 覺 性則 極 0 所 此 爲 安於 乎 心 端 之 矣。 所 之 而 不 心 以 未 以 性 心際,皆 人 坐 以 昧 於齋 爲 Ŧī. 理 省 嘗 「,感 戒 身 偏 欲 其 各 然 行 仁、義、禮 9 懼 察 不 室 見,不 之 爲 於 具 事 具 而 者 者 反 莊 有 以 , 禀陰 道也, 私 物 物 不 於 之 討 静 愈 愈 以 至 可 既 爲 其 急 論 嚴 於 見 萬 精 而 接 中 之 身 其 有 於 有 愈 愈 事 訓 智

> 之端 悖 則 爲 析 見 微 備 妙 無 宙 之常,求諸 以 也 於 德也 質 之 物之理不 達聖賢之 餘 極其 事 無 剛 果 極 事 形 物 諸 足 而 一,以 則 之理 先 其 常 於身則爲 息之間 聖 以 確 爲 生之 精 賢 人則人之理 任 君臣 異於 , 心 其 而 藴 其 任 而 其 於 存之也 不 斷 而 ; 重 緇 無 用 道 亂 人。 手足、 父子、夫婦、 以 窮 常 疑 之也 無 弘 一身 造 之責。 然 矣。 可 貫 足 不 化之原,盡 謂 後 耳 虚 9 毫之空闕 徹 以 異於己,參 而 應 合之 故 建 目 而 古 致 體 事 明 其 諸 静 今, 其 兄弟、朋 天 口 接 足 得 盡 天 9 鼻 廣, 地 其 充 物 其 以 於 性 地 之 之運 諸 情 己 大 莫 塞 發 毅 察 而 而 用 不 宇 友 足 之 之 而 物 不 其 而 不

<sup>● 「</sup>惰性」、《行狀》作「性情」。

暑 身者 學之 之意 家 日 夜 也 行 案 方 端 異 精 以 和 窮 造 0 履 爲 平 而 列 必 而 粗 ; 瞑 )所可 其 威 寢 有 其 正 直 蓋 義 ,心不待 至 不 次 目 拜 奉 其 儀 定位 守之也 理 I端坐。 書籍 色莊 顛 既 於家 親 見其 有 養深 其 容 無 擬 沛 寢 日 極 閒 窮 止 議 其言 器 新 其 廟 6 操 或 而 未 之 居 積 9 也 休 孝 用 以 歲 寤 又 遺 箸 歷 而 嘗 也 厚 則 而 新 必 及 月 舉 存 , 變 厲, 有 0 撫 則 其 未 矜持 起 整 先 有 表 不 措 履 須 下 擁 自 義 也 聖 明 其 口 能 限 裹 有 險 臾 極 衾 見 少 其 常常 不待索 而 自 者 始 行 定 之 整 而 其 至 之行 而 飲 純 終,不 起 舒 已 退 所 步徐 離 歉 不 慈 老, 坐, 者 食 熟 坐 而 深衣 易 然 也 恭 耐 也 書 嚴 閨 或 祁 倦 0 則 行 有 見 而 室 精 庭 羹 至 幅 其 修 厲 行 寒 非 其 而 不 本 於 盛 達 食 諸 休 几 中 巾 坐 後 足 猶 者 或 末

> 之萬 道 規 事 情。 祭 雨 衣 所 鄉 盡 死 則 間 一,不能 業 畫 間 喪 終 取 遺 其 祀 内 賓 之 蔽 歡 ; 日 忧 不 雖 IE. 則 外 客 賙 際,❷哀 體 不 施 州 能 微 事 大 斬 謂 往 卹 於 樂, 堪 賤 之 宏 縣 無 食 斬 聖 問 親 來 纖 之設 必 已 賢 偉 取 而 遺 戚 故 恩 致 鉅 時 無 祭 道 充 處 備 義 亦 其 施 恩 雖 無 不 統 之裕 腹 至 必 然 之 可 恭 無 之傳 疎 延 違 誠 退 立 篤 概 居 飲 遠 禮 所 遇 如 必 而 朝之言論 古 食 見。 止 缺 怡 必 也 敬 稱 則 散 明 衰 M 取 0 致 怡 家 道 在 慶 經 油 小 雖 足 其 若 其 如 弔 有 方 各 然 不 達 足 自 其 以 愛 也 册 無 而 如 以 經 措 障 禮 而 奉 ; 稱 喜。 聖 傳 綸 諸 於 常 其 行 則 風 無 其

■「則」上,原衍「間」字,據《行狀》删

②「際」、《行狀》作「禮」。

倦 載 者 見 至 亦 其 其 而 原 目 經 命之微、人心 中 之上。 注 7,既已 聖 之旨 本 其 必 無 精 細 庸 粲 沈 所 · 義 賢 當 於《 之穿鑿。 力 水至 則 然 莫 遺矣。 時 潛 而 不 春 疑 極 以 攻其末失,深得古人遺 則 復 凡數 不 答 明 反 面 一當 秋 今文 深 補 研 明 問問 命 理 復, 而 之奥、 研 窮 其 則 至 之意 經者,見之傳注 於《 之。 之 則 明 後 聖 幾, 闕 於《 道 或 於 禮 疑 己。 賢 艱 詞 遺 統 達 論 探 人德之 於《易》 聖 使 之經 澁  $\forall$ 順 之 字未 日 賾 語 别 故章 讀 反 心之正大,決 則 傳 不寐, 索 × 其 易 訓 病王 而 始 安 不若古 門、 **念孟** 隱 與 次 旨 味 知 晦 字義, 第 ^ 之者 於《 易 或累 安 詩 造 意 子 發 其 綱 詞 石 行 其 道 ×, 關 ×, 大 文 於 於 未 廢 之 至 H 旨 之 數 學 於 領 不 則 是 則 如 罷 平. 類 於 域 條 趣 天 竭 求 親 深

爲 ^ 不 爲 傳? 周、 討 異 别 得 極 紊 律 南 周 己 春 儀 端 至 軒 以 有 之 ×, < 以 獨 論 尺 之裒集發 歷 或 禮 程、張、邵 秋》紀事 張公、 者 於 解 淺 得 既 來 本 悉 時 家之理 先天》二  $\approx$ 亦 泯 剥 末 深 至 之 未 取 而 條畫 於 矣。 没 東萊吕公同 其 雖 傳 必 久,微言 而 所 明 之法 五 亂, 所 清 記 研 未 之書 見 代, 若 程、 圖 長 而 能 獨 濁 而 窮 有 君 精 歷 後 後得 取 著 綱 存 張 無 剖 大義 所 疎 臣 代 天 舉 至 爲 司 據 門 微 析 一之得 密 出 史記 或 地 以 以 成 於《 而 馬 廣 其 而 識 本 鬱 盛 編 先 書,然其大 是 繼 不 博 失,如 樂 祖 時 原 繁 不 數 見 行 年 生 而 孔 則又 **>** 述 不 , 先生以其 没 之書 、聖賢藴 經者 小 於 不 既 孟 目 則 其學, 其 偏 可 世 章 指 爲 道 考 張 憫 所 涯 諸 之 統 目 流 先 繩 論 亦 而 後 短 太 之 於 品 所 奥 生 不 以 古 嘗 西 世

賢 以 天下 淺 高 爲 以 守 以 者 必 志 而 大學》、《語》、《孟 中 後 哉 者 提 悟 文老 識 講 虚 病 同 ·,於是學者 及諸 綱 以以 陷於空無 靈 心 磨 道 《論》、《 》之旨 棄 傳 挈 立 佛 之 見 辨 便其 經典 先生力排 注 論 領 性 之 識 經 難 樂 誦 愈 説 ,不假修爲,可以 趣 孟 而 而 計 3 與 習之煩,●以 以 下者, 1 以 ; 盡 昧  $\forall$ 八之友。 功謀 靡 狂 爲 學者 然 天 則 者溺 之,俾不 》、《中庸》爲人道之序, 語 其 然 叫 不 理 無 不 則 利 向之。 ×, 歸 呶 之真 會 先乎《大學》, 利 以 之私 又崇 於 至 其 其 孟 融 卑 側 或 爲 至 至 極 會 獎 簡 陋 。二説 識 僻 不立文字, 若 先 借儒者之言 之精 亂 於《 造道 便 貫 漢 古 見 生教 其 求 吾 派 通 唐 少異 哂 中 道 微 害 道 人德 並 人 庸 則 豊 比 自 訾 而 以 而 , 以 聖 不 無 惑 淺 附 以 極 调 亦 口

文 惕 辨 古 言 喻 遊 蓋 以 義 使 毋 反 則 之士 詞 聽其 書 然 今,率 ,研精覃 之辨其音釋,正 復戒之而 ,則委曲 亦 自 又 進 則 常 何 之傳,流及 欲學者 欺 道 脱 論 所自 謹 以 以 難 然 至 天下 迭 建 爲 -思,以 則 沈 告之而 其 夜 誦 得 窮 立 憂。 未嘗 憂 疴 半 獨 之事 所 理 大 海 形 之 之戒 習 究 然 本 反 雖 摳 外 隱 於 去體 未 其 哉 身 爲 其 衣 疾 色。 經 嘗 以 ? 章 己 所 而 未 病 而 至 務 倦 綸 質 句, 務 難 持 嘗 支 其 來, 於夷虜, 講 學 大 ; 其 之以 實 知 玩 日 離 不 於 問 論 篤 經 平 疑 遠 不 辨 其 讀 有 經 則 至 自 敬 而 講 致 别 辭 書 典, 未 心 喜 諸 意 亦知慕 111 也 讀 學, 切 義 易 意 也 求 見 有 商 蜀 生 天 利 氣 其 於 未 從 問 則 略 則 F ;

❶ 「病」、《行狀》作「痛」。

乎孔、 學,既 亦皆動 之訛 書,私 機 啟前 域 有加 其 哲人,以大斯道之傳也。 見之事業者又 異,學行之篤,安能 疲 學者傳其書、信其道者益衆, 各造其極哉 義之感 哉哉? 精 了,亦皆洞究淵微。 道 認,明 賢 於此者? 竭神,常病 孟 不 淑 竊 中 未發之機,辨諸儒 於 足以 嗚呼 諸 問 周、 人 規 天理,正人心,事業之大,又孰 其 人者,不 繩 者深矣。 ! 程之學者,亦豈 望 起 學修 如 其 其 至若天文、地志、律曆、兵 可 是殆天 居。 此 難,至先生未嘗 藩 爲 事 文詞字畫,騷 而 可 墙, 世 事 窮 道立 秦 勝 繼 所以 法。 物物、各當 而 鄉 漢 往聖 數。 竊聞道之正統 之得 近 一,德成 以 晚 相 是 代 能 亦足以見理 出 來,迂 先 失 將微之緒 斯文,篤 非 諸 以 生既 闢 用意 而行尊, 人才士。 家蓄 資 造 儒 其 (禀之 儒 其 異端 有 理, 其 生 闢 志 曲 而

> 者考焉 絶矣。 道者 天, @ 子思繼 而 來聖賢 未及百年, 踳駁尤甚。 餘,人心蠧壞之後,扶持植 著者,一二人而止耳。 待人而後傳。 蓋千有餘年之間 後,周、 統之正者,不 又 私 ,既已煨燼 昭 程、張 其 竊 相傳之道,●一 周、程、張 晰 微,至 以 皇 道 露,則摭 過 子 自 統之著者終之,以 殘闕 數人,而 繼 孟 周 孔 子 其 子 以 離 崛 孟 其言行 絶, 而 來,任 由 旦 先生 起 之徒,所 析 始著。 能 至先 孔 豁 於 穿鑿,而 立,厥 使 子 然, 出 傳道之責,得 斯 又 斯 而後,曾子、 生 文 由 如 而 可 以 道章章較 而 功偉然。 俟 湮 自 微 H 推 孟子而 略 始 知 周 塞 月 歟 明 德 以 之 幾 是 ? 中

<sup>●「</sup>日月」、《行狀》作「大明」。
●「聖賢」二字、原缺、據武昌書局本及《行狀》補

心。 之口 速 躁 此 旨 也 見 及 以 外 也 又 果 日 窮 臻 之蔽 其 其 若 易 貫 以 爲 理 斯 齋 則不 虚 9 凌 未得 持 久 對 自 栅 故 養 通 以 閾 李 其 躐 表 繼 守 神 其 也 其 乎 者 酢 致 氏 敢志乎 心 之 始 乎 以 之 明 内 主 THI 其 萬 三者之間 E 静 無 患 前 精 敬 力, 究 以 知 平. 變之主 . 而 虚 他 9 思 熟 内 也 先 裹 彼。 其 有 則 則 動 反 焉 則 讀 生 心 以 使 氣 自 不 首 篤 躬 無 之 亦 9 保固 其 專 使之意定 其 使 流 敢 所 敬 字 以 中 外 道 日 慮 内 意 其 之 以 求 踐 m 求 無 則 之 主 其 以 皆 言 乎後 溯 騐 成 其 適 其 外 9 儼 至 敬 中 制 若 皆 源 始 而 實 也 訓 理 融 心 然 以 寂 平 若 出 原 9 無 而 明, 之 肅 V. 然 外 未 索 成 於 出 而 句 其 其 含 而 所 其 然, 不 其 吾 於 索 終 多 通 窮 敬 而 齊 所 動 之 欲 吾 者 乎 其 不 其 無 理 以

禮 戀 容 其 以 物 意 微 愈 愈 讀 人 以 論 冰 儒 又 乎 不 既 精 嚴 反 書 如如 象 釋 德之期。 相 以 爲學者之大 所 反 若 人 爲 匆 愈 躬 者 糾 驅 謂 復 接 愈 怡然 不忍去, 别 欲之私, 敬 匆,常若 也 率聖言, 密 衆 紛 沛 以 黑 意 而 然若 矣, 涵 理 不 或 白 品 隱 蓋 泳 思 必 順 睹 假 節 9 未 微 自 病 之, 以 泂 慮 鑿説 有 辨 借 不 而 不 古 有 幽 孔 海 而 待 未 所 切 其 以 差 聞之前 獨之際 有 窮 之浸,膏澤之 孟 後爲有得焉。 不 其 萌 我 迫 以 己 節 相 以 理 以 痛 浹 妄求 以 逐 目 視、 溷 與 而 全 降 若 洽 絶 9 體 惑 知 迹 而 若 乎 聽 此 所 乎 貫 所 干 察之, 新 覺 魔廳 俱 未嘗 數 天 其 通 以 此 以 意 Ŧī. 言 泯 不 理 之功, 戒 精 省 潤 百 心 則 若 徘 或 必 昧 之正 動 察 懼 者 " 涣 浮 年 終 若 無 9 乃 0 徊 援 也 間 氣 所 非 事 立 無 深 先 顧 引 而

厲 管 之,其 措 然 則 起 整 以 也 炙 爲 蓄 口 理 所 非 之久, 窺者 獨 也 有 及 其 涯 事 明 屑 擁 斯 語 未 其 先 業 者 衾 定 涘 義 道 與 默 整 明 惟 行 言之, 而 飲 聖 精 道 不 之流 所 云 步 而 古 而 敬 舒 食 坐,或至 爲之際,周 立 之 啻 莫 養 徐 亦 乎 起 而 退 也 倦 行 知 視 如 行 則 莫 深 ! 古 恭 坐 羹 幅 而 矣。 之,但 草 爲之者 備 得 積 E 先生 休 巾 芥。 達 食 几 其 中 諸 盛 而 迥 也 大 案 合 旋 旦。 行 坐 夜 一, 充 身 出 形 見見 天 帶 是 翛 出 必 列 端 者 瞑 容 庶 而 姿英 其 方 而 威 有 Œ 然 雖  $\equiv$ 人 寢 而 目 物 也 履 其 渾 門 之 爲 儀 定 獨 者 直 端 之表 書 既 色 邁 灝 德 位 頃 容 與 而 拜 姑 坐。 籍 莊 行 寢 弟 磅 道 JE. 其 於 以 視 器 K 無 之 子 礴 俱, 而 其 休 世 箸 閒 及 以 家 蠡 發 用 往 則 寤 夫 之 舉 mi 必 廟 居 測 親 不 而 卓 貫 而

言 遺 充 天 舜 處 其 雖 誠 篤 口 不 至 無 下 自 須 一,飲食 ,怡怡 爲 論 之 腹 恩 地 其 恭 必 極 臾 疎 延 違 少 禮 居 之 裕 遇 敬 其 風 遠 至 而 世 君 無 旨之 不悖 慈 老 法 離 如 吉 必 , 止 則 所 衰 稱 如 致 小 也 出 也 X 闕 取 油 閨 祁 家 絰 也 百百 所 其 不 而 以 慶 各稱 足 然 庭 0 寒 有 行 傳 愛 其 至 如 治 世 弔 其 而 以 之 其 盛 無 於 考 於 以 儀 民 政 自 9 安。 障 間 祭 暑 家 禮 諸 於 常 人 其 俟 奉 教 風 祀 則 者 則 以 先 無 内 造 と聖人 條 鄉 情。 稱 則 死 終 雨 也 必 聖 事 所 間 外 次 令之 其 奉 喪 衣 日 欲 賓客 遺 君 歡 事 斬 而 而 之際,哀 顛 取 親 人 雖 不 9 堯 不惑 所 不 不 蔽 無 斬 沛 極 則 微 樂。 繆 往 能 舜 布 體 於 纖 其孝 賙 恩誼 未 賤 必 者 來, 其 堪 親 鉅 建 思 戚 E 嘗 食 恤 古 必 民 故 皆 備 祭 之 則 堯 取 問 致 有 無 必 撫 而

先

識

其

門

庭

羽

翼

四子,以

相

左右

蓋

此

先

IF.

其

操

履

集《

近

思

録

×,

使學者

得

以

及

百

氏

之書

則

將

無

理

之不

可

精

無

事

之

不

可

處

矣。

又

嘗

集《

小學》,

使

學

者

得

以

權

衡

之

既

定,

由

是

以

窮

諸

經

訂

群

史

以

盡

其

藴

奥,

而

後

會

其

歸

於《

中

庸

**%** 

尺

度

尊 之教。 歸 氏 當 説 皆 取《禮 其 其 而 説,妄言美刺,悉就 微之舊。 可 六 口 之本 君 難 沈 授 宏 補 以 以 名字、日 書者,學者之 於《易》也 專主 抑 者 潛 綱 附 須 其 記 多 臾 謂 臣 其於《禮》也,則 大 意 反 於 統 闕 **>** 其 離 艱 要, 復 及 本 月土 内 春 占 遺 盡 滥 於《詩》也, 推 也 於 諸 經 夏 秋 古 而 削《 其 經 而 之下 地 外 得 卦 ×, 飲 析 E 聖 易, 史 實 爲褒貶之例, 小序 夷 於 畫 正 舉 其 食裘 芟夷, 人 該 書 壁 之本體 義 矣。 疑 乃其 而 復 具 所 萬 藏 深 以 ×, 晦 葛、 起, 明 不 列 載 變, 者 玩 以 八大義。 謂 道 必 以 儀 注 準 雖 有 不 反 辭 ^ 穿鑿 破 復 以 禮 辨三聖之旨 尊 平易, 書》之出 繩 疏、 易 書 及 氣 還 後 若法家 温  $\forall$ 王 於 斯 不克就 爲 規 諸 附 柔 儒 潔 而 而 賤 禮 矩 經 會 學 儒 敦 之 静 以 得 霸, 者 於 之 爵 於 臆 詩 厚 而

之本旨

昭

示

斯

道

之

標

的

又

使

學

者

先

讀《大學》以立

其

(規模

,次及《語

 $\approx$ 

^

孟

以

理

之粲然

也

先

生

蒐

輯

先

儒

之説

而

斷

雖

爲完篇,而

章句

渾

淪

讀

者亦莫知

其

條

然《大學》次序

不

倫

闕

遺

未

補

^

中

庸

以

己意

彙

别

品

分,文

從

字

順

妙

得

聖

備

^

大

八學》、《

中

庸

至

程

子

始

表

章之。

習

爲之説

者

亦

多

,

而

析

理

未

精

釋

言

未

彰

明

盛

大者。

^

語

い、《孟

**>** 

書

世

所

誦

循

守

於

堯

舜

之

道

此

其

勳

烈

之

尤

以

訂

正

群

書

V.

爲

準

則

使學

者

有

所

據

依

褒貶大 異 旨 其 又足 平天 由 末 世 爲 多 史之長 體 几 密 深 探探 詭 一,以 教 固 於 近古 子 得之,因 周 刻 大 之 己 爲 下 於聖人,獨 而 目 又 測 公 乃 中 非 獨 樂 史家 義 屈 者 讀 紀 出出 因 運 傳 目 律 至正之則, 得 原 思 其 擣 爲之考訂 者 眇 凛 用 ()做《 就 之矣。 久亡,清 忠憤,千 之 過 乎 詳 之 其巢穴, 經 天 繩 雖 矩 半 左 鑿説 烈 韓 理 以 未 範 矣 耐 氏 綱 子 H 熟 策 若 及 遂 濁 古莫白 其 symp倣《春秋 而 論 秋 爛 牘 砭 學 夫 著 謂 謂 集之 無 謂 而 不 霜 之書。 性 之法 其 焉, 析 爲 諸 ^ 稽 據 躓 事 , 通 周 隱 同 合諸 世 成 子 而 於 則 ×, 鑑 官》, 亦 亦 學 微 書 指 百 異 繁 荆 以 嘗  $\approx$ 學 頗 所 而 之繆, 门以 家 Ŧi. 簡 儒 棘 使 而 綱 者 討 編 爲 兼 以 徧 常 之 相 學 其言 擭 其 發 傳 提 論 採 治 既 年 布 粹 發 者 於 其 穽 大 最 木 明 群 之 或 周 通

焉 證 不 索 學。 髣髴 之塗 大本大根,固 變,皆若身親 學士之作 任 於 蕩 又 文 而 未 合 ; 持 道 謂 嘗 約 ,歷代史記、 空 流 數千 統 敬 虚 不 於 其 失 禮 其 推 扶 稽 鶩 之約 之域 泛 墜。 萬 立文字, 授 經訓 而 陷 \*,靡不 於該 其 年 濫 學 廣 肅 實 間 駁 其 者, 也。 巨上 歷 清 覽 而 或 洽 學 用 雜 後 而 於 之功 徧 可 載 世 憚 顔、 者,既 詰 朝 者 之 E 自 一達直 以 其 觀 而 籍 於 道 其 典 學 曾、 則 夫 歸 間 識 剪 觀 學 固 章 子 舛 先秦古 失 知 ; 遂; 心 而 取 以 其 思、 理 術、 以以 非 差 設 其 傳 所 耳 其 見 聞 之煩 煩 近 傳 教 柯 溺 孟 接 性 所 議 及古 見 秋 士 蕪 世 書, 矣, 葉 同 於 相 洙 目 積累自 論 毫 各 諸 而 散 徑 覩 與 泗 文 今 既 以 不 參 而 先 亦 陷 儒 殊,亦 (守之, 約 焉 詞 得 儒 意 伍 生 以 於 削 加 或 所 者 也 之 考 身 爲 博 遁 辨 悦 其 生 曠 能

哉 實 切 與 苟 若 在 口 析 其 説 故 如 萬 ??!矧 (,有所 以 轥 枯 有 盡 響 是 包 端 隨 所 固 心 轢 廢 槁 見 其 釋 外 涵 其 學 皆 愈 則 本 體 諸 寂 所 經 焉 停 至 無 者 所 自 裨 方 極 扣 末 傳 至 滅 蓄 書 文 窮 望 周 以 其 愈 助 融 亦 巨 章 者 溥 也 以 悉 澽 衰 道 深 精 維 貫 當 而 細 究 字 無 身 有 指 未 要。 教 博淵 持 於 後 考 亹 其 學 以 畫 踐 依 爲 包 失, 見 此 安。 諸 所 亹 異 者 暇 糟 據 羅 9 泉, 心 理 亦 書 窮 禮樂 不 矣, 大 據 粕 者 不 而 不 囊 皆 而 而 絶 必 故 經 辨 條 而 有 潛 然, 括 E 高 勿 爲 養 即 惟 其 辨 不 所 難 分 矣。 以 心 及詳 絶 臆 德 書 則 出 觀 有 疑 無 古 派 證 大業 空言視之 之具, 度 一之者 書 德 以 隨 乎 所 今, 别 嘗 騐 世 味 料 耳 孤 窮 遺 何 有 其 問 而 想之 而 經 理 漏 要 謂 有 後 而 細 應 隨 自 緯

告之, 己。 道 憂。 疴 半 之, 者 道 張 還, 循 哉 不 窮 務 而 之去 即 難 公 1 實 有 E 雖 博 歲 而 無 其 矣。 晚 寧 别 序 先生教 疾 未 無 文 月 而 則 至 所 傳 見 體 懇 病 義 不 約 嘗 所 有 於 憂 未 誦 諸 以 到 始 利 支 隱 容 禮 限 爲 形 晚 嘗 人, 是 生 而 頗 毋 離, 躐 歲 日 提 於 倦 而 質 慊 存 繳 兩 指 規 務 等 耳 然」之語,必三 不 色。 其 9 自 心 繞 至 然 德 極 學篤 模 示 凌 而 問 講 疑 諸 欺 有 於 尊 其 本 廣 以 意 節 講 極言之。 學 有 不足之意 言 文 生 體 謹 至者,先 是 大 mi 則 論 未 義 問 立 有 而 其 克己,仁 則 使 進 喜 之間 商 切 一,猶 辯 未 獨 科 惕 深 見於言 略 之戒, 諭 級甚嚴 然 則 歎 則 生 每 思 至 以 常 率 深 於 脱 焉 反 則 誦 贵 而 洙 義 人 然 未 自 慮 以 至 復 切 泗 遠 委 南 理 沈 夜 曲 斯 爲 進 戒 學 軒 己 循 而 以 無 平

之,其望於學者益 切矣。 嗚 呼 道之在

天下未嘗亡也,而 統之相 傳, 苟 非其人

則 不得而 與。 自孟 子没千有餘 年,而後

周、程、張子出焉。歷時未久,寖失其真。

及先生出 而後合濂洛之正傳,紹 鄒 魯之

謂 墜緒,前聖後賢之道 盛矣。 。蓋昔者《易》更三古,而溷於《 一該編 全備,其 亦 可

索》、《詩》、《書》煩亂、《禮》、《樂》散亡,而 莫克正也。 夫子從而贊之定之,删之正

德之宗主。秦火之餘,六經既已 之。又作《春秋》,六經始備,以爲 爛 萬 脱,諸 世 道

儒 各以己見妄穿鑿爲説,未嘗有知 道 者

暇 也 釐 正 周、程、張子,其道明矣,然於經言 時從遊之士,或 昧 其旨 遁 未 而

於 異 (端者 有矣。 先 生 於 是 考 訂 訛

探 索 粹古之載籍,下採近世之文獻,集其大 深 微 總 裁大 典, 勒 成 家之言,仰

包

生 中 於將墜,覺來裔於 成,以定萬世之法。 口 而 也 天,有目者皆可 正,夫子之道,得先 睹 無 然後 也。 窮, 生而 斯 夫子之經 雖 道 與天 明。 大 明 壤 起 俱 斯 得 如 文 先 H

朱子年譜卷之四終

六〇

## 朱子年譜考異卷之一

寒泉 徽 據 識 於 韋 室」,此 溪」,此 晦 居之聽事堂曰紫陽 改。 《堂室記 齋 建 故 州婺源 精 一字仲晦 陽 鄉 先 洪本《年譜》云: 據《行 據《文集 生於南劍尤溪之寓舍,元本云「劍 生嘗 舍。 也。 蘆峰之雲谷, 》補。 人。 狀 元本 元本云 以 淡改。 又創 ,元本云「字仲晦」,此 堂室記 元本云「新安人」,此 刻 一無,此 其 「新安有紫陽 始居崇安五 草堂於天湖 (印章) 書堂。 沙改。 據《文集》補。 牓 回 「朱子諱熹, 徽 晦 用 元 Щ 之膀 州 菴 本云「膀所讀 自 據《行 夫 有 寒泉塢 識 據《本傳 又創 故 紫 里, 於 鄉 稱雲谷 陽 狀》、《本 聽 也 字元 草 膀 二,此 淡改 書之 事 111 州 堂 所 尤

閩三本。 條 俱 祀 《年譜》始於李果齋先生, 追 贈 仕至. 洲 武 果齋必不及見也,其爲 稱朱子; 元本有 今從李本削去,而附 於《年譜》之首,洪本皆稱 老人,亦曰 於後 孔 寶謨 夷精 置 精舍,自 據《文集》、《行狀》 封徽國公,從祀孔 辨 廟 朝 「揲 李爲陽明後人,多所删 也。 前 在 閣 舍。 奉 深蓍 | 等 又追 淳祐辛丑,距 直學士、 大夫,元本有「文華 晦翁。 號 又有不 李果齋元本不可見,今行世者有李、洪、 晚卜築於建陽之 語 滄 封 今删 洲 徽 又結廬於武夷五 通 同,今皆略之,不 病叟,後 或 載 去。 子廟 議 改 公在 朱子 後 於此。 Œ 大夫, 謚 改。 卒 人所 先 而 廷。 閣 年 紹 又 殁 洪本略有增入,而 生 閩 洪 待 七 增 定 更 考亭,作 四 其 李本無。」 制 本 本 而 + 有訛 號 庚 X 十年矣, 曰 載 亦 此 今删 寅 無 文 有 遯 曲 復 載 此 條 誤, 疑。 去。 按 從 滄 此 條 獨 日

當 閩 狀 爲 題跋 同 録》 首 晦 晦」。 兩 無 大全》載《字 亦 元 延 能 異 》據朱 參錯 先 本 存 晦 改字仲晦。」疑《年譜 平 仲 皆 是 之故 之。 亦云 自 生所 敢當, 朱子《 正 考屏 答問》 無 晦 署皆 子自 無 甚 洪《 所 新 命。」 疑《大全》注 云 Ш 閩 ^ 考, 改字仲 詞》 云「仲晦 跋 及 爲 譜 先 本 稱 本 後 仲晦」者,而《 不云 屏 尤 疎 張、吕、 注 生 傳》云「字 不 以 止 爲 略 Ш 本傳》 <del>Z</del>: 所作《字 知 元 晦 疎 據 改 二,無 遺 其 略。 。此此 爲 故 ^ 語 字 帖 陸、 行 後 附 何 四 則 亦 仲 **\***: 影元 稱 狀 於《文 記 以 元 德 所 陳 詞》, 兼 有 朱子 晦 元 按 於 之 元 本有之, 諸 據 晦 熹字 自 考 ^ 而 此 晦」者, 爲 首 行 來。《 他 集 集 惟 本云「元 文 而 不 四 狀 集》 元 云 字 及 其 德 性 又 《語 **>** 也 晦 此 行 敢 按 其 之 仲 故 於 云 稱 理

> 全》採 注 全》則多十餘 大全影 而 增 人者 所本, 人, 亦 也 語 未 然 又似 閩 可 知 本 新 别有所本,非自《大 其 出 載《 或或 字 反 詞》 以《 )較《大 大 全

高 計 譜 宗 艱 閩 臘之亂 和 按《年 邑。」《年譜》云: 本稱文公,此又近 合稱先生 吏 府 本。 之,除服當在 縣 建 部 君 服 炎 尉。 朱子門人 則 -譜》李 以 行 除 在 四年 方 狀 同 一,李蓋 庚子、辛 承 臘 尝云 調 F. 庚 本 事 之 南 舍出身,授 人 戌 稱 果齋李公晦 平 公卒,貧 所 丁未, 以 以意 劍 朱 改。 授 Ħ. 秋 久 州 子, 建 矣,《 方 改 九 ,承事之卒 尤 而 臘 州 洪 月 溪 也, 按《遷 不 迪 四 年 甲 政 亂,不能 本 縣 能 定 月靖康之變, 功 譜 方 寅 和 稱 尉 歸, 先 從 子 縣 郎 墓 先 在 誤 尉,丁 洪 所 記 生 以 Z 大 建 生 歸 也 本 輯 1日,見  $\stackrel{>}{Z}$ 生 葬 州 9 E 外 方 年 又 其 政 自 : 閩

公生 井 名 所 僑 即 攜 生文公。」非 兩 IF. 除 氣  $\overline{Z}$ 以方臘 閩 載《 家 月 部 也 寓 縣 去 如 服 紹 白 官 棄 本 F 尉 任 聖 南 句 己 即 閩 虹 文 ^ 在 南 尤溪 四 之上, 溪 但 亂 四 所 年 故 調 公嘗 本 尤 劍 精 經 未 十二月,在 年 譜 攝 句 往 其 尤 溪 舍記 日 秩 詳 9  $\stackrel{>}{z}$ 假 人 庶爲 來 井 實 溪 攜 曰 是 不 而 滿 何 尤 館 中 也, 其 家 矣。 散 》,鄭 時 吏 補 溪 鄭氏 得 假 聞 寓 白 間 部 婺 今定 其 調 建 因 館 先 政 氣 又 氏 以 以 而 源 是 之義 名『 實 尤 州 君 鄭 如 和。 考 號義 嘗 假 1 南 在 從 溪 權 云 氏 生 虹 虹 作 未 吏 館 、李、洪 街 尤 縣 職 齋」, 之義 時 Ŧi. 井 齋 政 部 焉 是 溪 故 又 尉 官。 月 和 井 考閩 與 宅 約 日 非 川 亦 本 於 齋 初 有 閩 尤 中 韋 祝 韋 寓 庚 月 誤。 古 有 齋 嘗 溪 年 舍 本 改 本 又 戌 公 間 而

> 生。」洪: 李、洪· 公嘗 焉 時, 紫 附 I 得 會 氣 尤溪 作 知之? 無 如 文 本 疑 公 距 略 井 載 也 面 婺 銘 雲」, 按 今附 且. 源 右 建 今從 日 甚 遂 有 疑 炎 三日 當 遠 名 七 川 李 作 即即 韋 黑 年 本 虹 齋 而 子 Ē, 故 删 井 文公生」, 9 宅井  $\equiv$ 時 去 干 並 戈 日 是 有 閩 擾 歲 稱 而 紫 其 異 本 攘 文 井 中

四 年甲寅, 五 歲

本

木

見

校 郎 即 也 知 正 云 韋 勘 。」尤溪原名沈溪,後 在 字。 饒 齊 遷 四 文 州 著作 歷 行 年 尋 公名沈 司 狀 乞 T **\***: 服 勳 佐 祠 内 、吏部員 郎、 除 還 艱 是 則 郎 尚 家 六 年 書 小 矣。 服 年 召 外郎 度 字 除 因 也 試 支 季 避 館 除 員 延 王 閩 至 職 按 秘 外 審 + 本 皆 書 郎 除 J 知 年 志 省 内 兼 秘 年 其 校 則 艱 史 書 譜 改 地 出 館 省

尤 溪。 尤溪 隸 延平。 行五十二。

之門。

五 年乙卯,六歲

黄 而 義 小異 剛 ,故并載之。 録 與《行狀》「天之上何物」 語 略 日

t 年丁巳,八歲。

所附?』韋齋奇之。」李本無。 洪本《年譜》云:「又當指日 一日何 所附?」曰:『附於天。」又問:『天何 按此與《行狀》 同於章 齋日

所載 本 一事 ,而所記不同,今從李本删去。

十年庚申,十一歲。

(年譜》)所載本之兩《行狀》,而缺蕭公顗

今并載《吏部行狀》。

十三年癸亥,十四歲。 春三月辛亥,丁父韋

齋先生憂。

南 「二十四日」四字,據《吏部行狀》補。 年譜》作 小水 南 誤。 「城

禀 學 于 劉 屏 山 劉 草 堂、 胡 籍 溪 Ξ 先 生

> 按韋 ·齋遺命,禀學三君子,而朱子 師 事

白 Ш 水妻以女,不詳 爲 舉業,於白水 何 籍溪蓋 . 未 幾 以 而 父執 卒。 事之。 事籍

君子《墓表》、《行狀》,則皆自稱門人,蓋 溪最久,然皆稱胡丈,不稱先生。

至爲三

以韋齋之命也。 年譜》云: 「按 先 生

公受學涪陵譙天授,盡 所爲《草堂墓表》 與《 籍 溪 聞 伊 行 狀 雒 之學。 》,俱 稱二 其

淵源大略本此。 至於師 門誼 篤 則 屏 Ш

爲 最。 其爲《屏 Щ 墓表》有云:『先 生 病

時,熹以 童子 侍 疾,一日 請 問平 昔 道 次

第,先 門焉,所 生欣然告曰: 謂 「不遠復」者,乃吾之三字符 吾於《易》得 、德之

也,汝尚勉之!』又《命字祝 詞》有云:

内腴。』又云:『子 德 不 日 新 則 時 予之 『木晦

於根,春容

曄

敷。

人

晦

於身,

神

明

凛乎惴惴, 惟 + 四 年甲子,十五 歲。 葬章 齋 先生

將 其 夫里之西塔山。」《遷 按《吏部行狀 年譜》從《行狀 里 殁,欲葬崇安之五 靈 梵 院 **\*** 側。」 》,今姑仍之。 以 與 卒 夫。 墓記》云:「初, 吏 之明 卒之 部 年,葬崇安 行 明年, 狀 洪 本并及 不 遂窓 府 同。 君 Ŧi.

堂墓

表》云:

聞

涪陵譙公天授

當從

程

夫

傳」,蓋識父、師之誨

也。」李、洪本同

按《

草

歲

,猶書門符

曰

『佩韋遵考訓

晦

木謹

師

顔

曾是

畏。」

其

期望之意

如

此

先

生

晚

恥

で」「言

而

思

忠,動

而

思躓

子遊

兼邃《易》學,即

往

扣

焉,盡

得

其

學

之本末。」《籍

溪行狀》云:「既

又學《易》

改葬,今删去。

二十年庚午,二十一 《文集》缺。 亦有 增入,於《文集》、《語録》,其事皆無所考, 則 且 略。 也,今從洪本。 詩文,而卒歸重《語》、《孟》,與反 年譜》「先是 大本已立矣。 日 學者所急」云云。 删 與内弟程洵 削 ,止云「有 婺 虞 前 源 李本 集《 歲。 按 帖 以 復 帖, 與 以 與内弟 春, 按朱子此時 下, 田記 程 意 李本 如婺源 允 從 删 》,此後 夫二 洪 削 程 木 洵 本, 求諸己, 載 非元 展 帖, 論 後 人所 墓 頗 李 今 本 事 本

狀

》,及《

少

傅

劉

公

碑

於

後。

又

以

此

條

而

並

李、洪本

-皆同

或

元

本

所

有

故

附

見

於此,

去,

而

載

屏

Ш

É

水

兩

墓表

()、《籍

溪

而言耳。

《年

譜

 $\forall$ 

所云,恐皆未

確,今删

矣。

晚

歲「

晦

木

師

傳」之云,獨

指《字詞

聖人合,故

作《

聖

傳

論

**>**,

墓

表

**>** 

明

載

之

得

伊

維之

學

也

屏

Ш

學佛

以

爲

佛

與

吾

於涪陵處士譙公天授。」初未嘗言譙

公盡

二六六

删 本 元 不 前 本 其 知 附 所 首 虞 有 論 何 之。 後 按 所 據 人遂 虞 也 集 無從 作 李  $\wedge$ 考 本 復 尚 證  $\mathbf{H}$ 存 記 矣,今姑 其 真 句 仍 洪 則 李 似 本

于延平。二十四歲。夏,始見李先生

生「往 至《再 往 李、洪 以今考之戊寅《與 延 門」,今改正 不似受學,有云「不審尊意 丈,不稱先生;《延 考之,當從《行狀》。 〔平先生」,而《行狀》言「歸自同安,不遠 見,庚辰 百里,徒步往從之遊」。 來 題 本皆 受教 西 又往 林 作 達 「始受學 ○按《年譜》言「 則 觀 見,而《行 、范直 受學當 軒 平答問 但自 詩 於 閣 序 同安歸後,戊寅 以 延 狀 在 . 》載 書 以 》不指: 平李 庚 》,稱李 庚 趙師夏《跋》 戊寅 癸酉,受學 爲 辰 辰 何 先 始 也。 其 間 如 愿中 生 稱 <u>₹</u> 語 年。 先 今 之

> 受學 此 失, 洞 云:「初,先生 不我 云 得 學。」壬午距 遠有 《答書》云: 濫於釋老者幾 癸酉計, 云:「所幸 據《行狀》、《文集》 云比 明 亦 由 日 道 庚辰受學之一證也。 欺矣。」庚辰 無 質問。」 是專精致 要, 疑 前 年」也。 則已十年,即 矣。 比 所聞 頓 一得 庚辰三年,故云「比年」,若 此 年 學 悟 + 誠 ○《續 非 於西 以 吾 異 無 年 ,朱子見延平寓 以 剖微 從 來,得 元 改 學 常 此 學 林 晦 正 之 師 集 年二十四, 戊寅 語 而 窮 非 書證 吾元 不鄙 出入於經傳,泛 未之 也。 深 ○洪本《年 與 亦 盡 延 羅 之,則 已五年,不 晦 畫 孤 契者 壬 能 平 宗 見 夜不懈, 西 陋 掊 午 戊 相 約 林 延 寡 [,●皆  $\sim$ 與 庚 寅 譜》 平, 書》 其 冬

<sup>■「</sup>日」,原作「目」,據《文集》續集卷五《答羅參議》改

歲 仍 盡 爲 爲 按 至 時 附 棄 太 陽 此 忘 見於 非是。 重 明 條 寢 異學在 故 之學,以「道 必元 食。 此 別删之, 庚辰, 本 而 故改從《行狀》, 非 道 所 敢 非 有 統 效李氏之妄删 而《年 有 之傳, 統 非 之 所 後 傳 據 譜 始 人所 也 》屬 始 而 有 有 之二十 今按朱 增 年" 所 世 所 歸 譜 歸 矣。」 四 語 子 則 李

二十五年乙亥,二十六歲。

恭 恭 T 隋 不 官 鄒 丙 倉 侍 交始 中。 部 於 子 福 H. 本《年譜》「春,建 皆 州 福 歸 爲 應福 婺 六 ,朱子以 州 在 福 此。」按《 月, 建 福 州 建 **一**條, 提 州 轉 歸 刑 據 東 檄書白 運 其 注云:「時 福 司 此 司 萊 與 州 幹 經史閣」後,有 舉。 年 則 朱 官 事大都 譜》云: 十月 子 東 、公隨 1 相 萊 伯 H 見 Z 恭 倉 春 督 侍 必 亥、丙子、 父倉 部 試 是 於 府 在 晤 秩 年 福 此 部 與 日 唐 滿 春 部 數 伯 伯

> 辨 行 癸未 萊 都 本 録 云上 月 年 春 考 未 也 亦 在 年 督 間 IE. 有晤 訂 譜 府 語 至 不 但 初 月 言 任 **\***: 較 召 南 9 兩家《文集》皆無 張 也 其 似 以 舊 軒」云 魏 敬 是 檄 用 譜 初 公公, 夫 此 年 同 爲 相 書 於臨 先 未 安官 云 春 見, 白 詳 召 詳 事 今俱 則 倉 其 安 其 南 書記 大都 部 鄒 有 所 軒 所考。 「 條 附 官 所 據 訛 中語 督 福 見 據 某 誤 府 州 於 也 時 按 又 亦 此 赴 鄒 白 包 據 加 不 然 揚 本 則 事 召 悉 於 東 大 鄒 包 至 録 IE

夏、縣有盜、分守城之西北隅

定釋奠禮。

條,今從閩本。 李、洪本皆附注建經史閣下,閩本另立

申請嚴婚禮。

歲月可考,今附於同安任之末。婚禮狀》。又此狀與《蘇丞相祠記》皆無李、洪本無,鄒本有之而不詳,今載《申嚴

二十七年丁丑,二十八歲。春,還同安,候

代

不

至

能

歸

誤。 李 今據《畏 戌至漳州,始來受學。 本 閩本已改正。 館於陳北溪,洪本館於北溪陳淳,俱 壘 菴記 按北 記》改正 溪,漳州 《年譜》之誤甚 人,朱子 明 庚

生于延平。 二十八年戊寅,二十九歲。春正月,見李先

李 耳。 考之《文集》也。 通 按李本不載此條,而《續 愿 鑑》必本之《年譜》,此 中丈, 戊寅《與范 庚辰 謁 此 李先 爲 直 於庚辰,又書再見,其意 確 閣 生,故 證。 書》云「 李氏 通鑑》載之。 李蓋 删 頃 自 據 戊 在 以 寅, 西 意 延 林 平 而 删 未 見 續

薄矣,不知修譜者何意改之?

頃見《陳

意删改類如此,今從洪本,閩本同。以爲癸酉受學,此爲再見。凡李氏之率

在,辭。 二十九年已卯,三十歲。 秋八月,召赴行

也。 鄙 在」。 陳康 同。 而 之,不知俊 伯。 卿之薦朱子,而 名。《年譜》必以 公之先,自《 年譜》云: 日 意合,是固 按是年陳俊卿未 **念**孟 伯於紹 康伯以二十八年九月參知 《本傳 近 子 讀 或 卿 用用 行狀 與與爲 \*\* 《陳 問》論武 方 德 執政陳 爲殿中 人之言 不知有康伯,遂以 名臣 影略 實 魯公集》, 以 書,後 輔 爲 不 王不 俊卿 ·侍御 臣 執政,疑 載,但云「召 其 也。」其 薦 來者 薦朱子當 泄邇,不忘遠, 有論 薦 史,未爲 也。」李、洪 亦 祇 於康伯 政 當 此 不 知 事 作 者, 意 陳 載 在 執 赴 陳 改 不 與 俊 政 其 行 康 本

休。 相 111 閣 何。 事 我 正字。 字召 伯 僞 Ш 由 有 魯公家集》,其 年 老 知 只 對 風 ? 日 -譜》舊 只恐先生 自 其後 麽 静 月 此首 新 元本由 也 漫 心 據《籍 青。』 要 儀 我 祖 元本不 將 知 門 又 年譜 人 刑 獬 本 餞 行 不 「司直」改「正字」,誤。 溪 陳 生, 寄 看 五. 秀 必云 衣冠滿 行 袖 載,據《文 作 止 俊 **※**云 詩 浮 峰 冠 裔 狀》,除 此 騐 手 功 日 : 卿」三字,今改 雲 胡 0 康 孫 甕 其 歸 天 名 公宏 「是歲 留 伯 所刻, 偽 牖 大理司 道周,此 可 「先 集》補 機 。』「渾閒」、《文集》作 計 任 薦,故 取 前 笑。 0 日 閒 幺 生 頭 祇 猿 直 籍 舒 去上 翠 人 未 爲 然 啼 後 撰 行 先 執 溪 一此 卷, 臥 作 行, 蒼 人因 於 生 胡 朱 鶴 我 誰 作 芸 空 屏 詩 萬 子 怨 與 送 改秘 仇 生 公 此 谷,一 香 有體 古 未 話 行 以 之 渾 仇 陳 序 可 晚 閣 書 來 端 一因 閒 詩 見 及 敢 康 詎 正 而 省

> 附 赴 譜 李、洪 今 溪 皆有諷 溪 洗 爲 之 召 溪年已七十餘 而 先生書》。 删 塵埃 之 召 解 證 》載 爲 是 無 大理 於 去 在 用。」 嘲 青 耶 此 兩 此 ? 焉。 Ш ,於《朱子 庚辰,見《跋 Ш 亦 本皆 門人 以 司 大 更好。』似 青 復 Ŧi. 其兩 直 賡 籍溪 不 何 峰 載 矣,耳 · 未 之日 子弟皆疑其行,朱子 老。 意 詩 行狀 此 年譜 本俱 ? 行,改 Ŧī. 見 條 爲 . 》敘 Ш 峰 又 朱子 載,或元本有之,故 贵 籍 詩 中 此 幽 亦 重 是 以 秘 溪 頗詳。 雲 無 X 聽,見《文集 題 時 爲 書 解 載 出 偏 所當 跋 朱子不 省 嘲云。」○按 是 籍 愛 雨 但不知《 中。 正 歲 溪 青 太 且 字。 家 亦誤 虚 Ш 四 籍 爲 赴 與 居, 好, 溪 籍 召 年 籍

平,始受學焉。三十一歲。冬,見李先生于延

《年譜》作「再見李先生於延平」,今據《達

言 平行 子」,而 端 羅 也。 按《 相 非 亦 按 絶 懈 觀 在 「壬午 端端 先 有 是 承 元 明 軒 年 午 與 如 生 本 自 狀 以 蓋 應 詩 所 明 删 譜》「 首 ·俱 ·俱歸 言 一、延 此 所 例 龜 前 其 序  $\forall$ 據 「嘗言」二字及 辰 歸 每 中 E 改 有 輩 Ш 延平」下,「云」作 云 也。 道 平李 句 改 延 語 然朱子之學受之延平 然 達 先 統 平下, 不當 正 語意不合,李 去 不 生受學 每 今以《 之傳 不 0 先生,以 E 先 Ė 而 「蓋其上達不已,日 如 稱 達 生 復 去 日 洪 ^ 先 始 而 延 不 來 師 程 行 而 新 本《 生, 此 「當」,稱 平. 有 己 事 及 子 狀 復 如 則 條 所 行 年 朱子 日 李本 延 **>** 本 來 此 所 所 則 歸 譜 平, 狀 新 亦 先 以下 傳 敘 聞 削 **>** W 語 稱 新如此 以 云 其 之 語系 指 之 久 生」作「朱 而 去。 李 必 朱子, 意 本此 益 豫 發 爲 的 必 延 益 删 一句 平. 之 緒 得 明 章 果 延 超 汪 不

非 故 爲 朱子 辨 體 體 發,而 言 識 淑 南 序》 平不合,其後 安,於是 盛 已發、未 宗 戊子 吕 後涵 之列 認 求中 ,更定已發、未發之分,以 認 軒 大 敘 卒 未 氏 指 共講之, 天 又以 道 有 諸 求 發氣 從 其 理 未 養」 往 見 統 不 中 爲 書 南 發之機 發 問 盡 大指 直 己 與 之説 不然 象 之 軒 甚 南 不 朱子自 於 之南 程 所 亦 受 論 接 悉, 軒 允 及 延 亦 悟 小 默 胡 夫 見 蓋 反 平 延 見《文集 可 軒 合之 不 而 書 程 氏 相 語 悟 深 所 平. 識 見 同 之學 反 近 録 以 心 傳 而 矣。 龜 而 延 而 迄 則 廖 延 爲 者 而 心 胡 Ш 與 子 平 求 與 己 及 平 與 已發,性  $\wedge$ 氏 以 吕 晦 契焉」, 以 胡 之, 所 丑. 延 延 至 默 胡 問  $\pm$ 之 下 大 氏 傳,其 平. 平行 艮 瞻 潭 氏 語 坐 又 未 學 皆 學 書 一先 異 齋 澄 州 先 悟 得 又力 則 在 爲 與 章 銘 其 與 所 而 察 與 未 延 私 句

失

前

卿

商

不

後 、廖子 氏 則 説 氏 量 E 養 口 論 辰 狀 後 之門 異 求 移 戊 作 出 龜 不 庚 在 亦 涵 易 寅 中 端 同 Ш 申 專 其 晚 致知二二 不 晦 中 而 分始 一之説 延 之 年 主 倪 之 云 及 和 所記 與 年 來」, 非 故 語 延 於 爲 平 以 舊 拈 延 方 譜 平之説。 所 録 不 則 自 説 語 静 尤 平。 出 亦 而 賓 》所 則 然 已言者 延 學問 是 序 爲 楊 詳 程 大 謂 Ŧ 猶 載 平. 》,謂「不 本 略 道 子「涵 龜 書 至 而 體 時 之 則 中 夫、 甲 Ш 於 可 癸巳 認 大 所 而 附 又云「 人 考 明言 亦 辰 未 指 未 葉 庸 未 養 處 論 自 矣。 未 發 ^ 得 發 定 言 或 以 須 於 出 味 與 免吕 未免 從 程 仍 奉 於 氣 問 道 此 後, 者 用 也 吕 故 子 象之 静 而 此 守 未 敬 > 可 士 今 氏 陳 合 之 往 質 力 此 中 延 推 從 説 諸 其 辨 安 有 瞻 來 進 而 漸 平

書

講

則

李

T:

學

也

之

識

漸

學 節 議 其 定 書 夫,而 書》及《 家之説 H 寅 軒 盡 内 無 有 後 者立 於 拈 次 矣。 進 口 講 棄 積 外 志 之 ^ 據 此 異 累 口 出 論 爲 君 而 兩 於《語》 汪 中 考訂 考。 程 學 之 孔子 以 進 己 逾 子 尚 漸 子「涵養」二 爲 其早年進 四 之 不 和 以 自 書 而 自言 朱子 Ŧi. ×, 及 説 者 學 而 舊 爲 於求 幼 書 講 程 年 也 知 説 《孟》、經 何 己 其 貫 -, 迄己 亦言 子言, 者 至 序 吾 如 中未發之旨 然 9 學 學之序,於《答江 口 庚 ×, 薛 蓋 + 也 蓋 禪 語 安 寅 自 士 ? 無 因 聖  $\pm$ 有 此 史, 非 IE. 生 歸 以 敘 龍 一始定 其 人 所 Ŧi. 後 是 後 及 後 日 書 平 極 近 未 謂 以 來 周 從 按 ×, 爲 其説 不 學 似 必 至 未 再 生 之 所 朱 心 自 分明, 問 然,特 七 達 知 用 程 見 謂 陳 所 地 子 其 安 延 與 能 獨 大 至 張 著 IE 元 少 平. 功, 其 己 爲 擬 滴 庚 今 南 即

《與象 集》、《 離 聖賢日 家 又親 見 以 地。」又曰:「某覺得今年始 録》有云:「只今六十一 以 位 敢 取《文集》彷彿之語 自覺得無甚長進,於上 説 爲 語録 一、又某年至 某 蠡 何敢妄下 輒 故云爾。 Ш 證 測 法, 如 炙之久,於明 爲 語 書》: 是 新 海,恐識者之有 此 龐亂之説,而 之 録 應 某 説 不已,望道未見之心。 学中 不 無復向來支離之病。」此因 病 又 一語耶? 也 可 煞 某地 與 痴 多 泥 川工 藥,又 謙 明 道 看。 位 前 己 以爲依據,又雜 道 尚 夫。」 未 斷之曰 不 誨 間 謂 若以 以 孔子嘗言「何 有 面 得 歲,方理 免 人 或 議 謝 以 不 猶隔 之解 説 無 有 於以管窺 其 顯 及 顯 一己所 某年至某 夢 疑。」又 後 爲 知 道 道 象 也。 之高 矣。 者 Щ 一膜。」 而 日 大 若 會 譏 「,後之 見,而 : 7有於 遂 率 得 日 取 其 ^ ^ 天 一支 大 文 據 此 恁 語 地 諸 賢 如 :

> 所當 之君子,望有以 無 我」,又言「我無 能」者哉? 知 也。 故 因《 訂 此 能焉」,孔子豈真「何有」、 其 又 年 是非 讀《文集》、《 譜 語 焉 而 附 論 語 显録》者 之,世

三十一年辛巳,三十二歲。

删 舛誤 言恢復 起 《年譜》云:「 爲自治之計 按《文集 用舊 去。 若 人爲 也。 此 與黄 其於 《年譜》元本出於果齋,不 要策,而 疑 是歲貽 此三字或後 樞 恢 密 書黄 復 恐敵之復來,未嘗 書》言敵 ,蓋慎言之。 樞 密 人 退 增入, 論 後 恢 末 當 復。 今 應 專 以 先

禪,孝宗即位。復差監南嶽廟。三十二年壬午,三十三歲。 六月,高宗内

月, 封 年譜》云: 事 孝宗 不 即 報 位 五. 是 詔 月 月,予 求 祠 直言。 秩 祠。」《 滿 復 以 行 月 爲 狀》云 應 請 詔 六

監 子 會有 在 祠 祠 潭 E 秩 封 州 在 詔 滿 南 事 上封 求 嶽 直言,遂上 之 再 廟 前 事之後; 請 則固 按封 孝 宗 封 已得祠矣,今從《行 據《行狀 事首言「左迪 事 即 位, 據《年 復  $\approx$ 大 則 譜 其 得 功 任 郎 祠 則

六日, 士 孝宗隆 ,待次。 狀》。 奏事 興元年癸未,三十四 垂 一拱殿。 十二日, 歲。 除武 + 學 博 月

殿 不 月 元 辰三字。今改正。 洪本《年譜》云:「冬十月辛 元 應授 履 不 。」則《年譜》之誤無疑,今依鄒本改正 年十月戊午朔,辛巳爲二十四日 書 . 得 十一月戊辰,除武學博 官 有 戊 如 六六 是 辰,且辛巳 日 之 登 遲 ○按《孝宗本紀》,隆 對,十二 也。 一距戊 據《文 户, 人 日 辰 士。」李本 四 除 集 + 武 對 + 七日 學博 與 無 垂: 魏 戊 拱 興

鹽 尚 缺不 朱子《 當獨載此,今削去。 云: 當有姓名,如替馬大同成資例,而《年譜 資闕。」則「成資」爲闕滿之名,「成資」上 丁未《 日計之,登對當 鄒 亦從之。 在 曰「填某人闕」,其待次者曰「替某人闕 除武 替成資 區區已審察,一二日當得 法 書 鉛 又據《與 「是歲 미 書》,論 載,今無可考,姑仍之。〇《年譜 Ш 學博 南 辭 不 到 康 江 闕 載 有《與 臨 李 任 西 士,待次。」考宋官制 也, 龜 其目、與汪尚 除 先 提 滿 安後、《答吕伯恭書》有 山 武 拜 在 生書 狀》云:「已係 陳漕書》,論 刑狀》云:「替 語録 十一月,非十月也。 命 學 博 遂 》,九月二十六 歸。」《 士。 李、洪· 書 對。」以 鹽 一書》爲多,不 行 年 本同 法 馬 成 除 狀》云 , 大同 資。」 程途 見闕 日尚 與汪 按 云 論 成 今 時 又 而

歸劉氏田。

年 成 安 按 洪 虞 集 猶 戊 當 謚 耶 按 元 久 中 既 矣,不 編 朱 甲 本 存 戌 本 集 × 則 在 ? 屏 也 之前 子 去 歸 申 所 乾 ^ Ш 語 則 忠 在 復 之後 一按乾 以 = 有 則 卒 道 岢 録 知 亦 忠 肅 H 蓋 並 於 中 + 以 後 非 》皆 木 何 肅 《風 記 元 紹 在 乾 乾道 學」名 五 本 X 戊寅、己 道 時 殁 W 無 還 作「忠 興 朱 之 歲 無 道 後 中 何 [學詩》之作 所 子 田 + 中 所 類 還 田 人 考,然李 殁後, 其 定」, 在 七 所 考正矣,今仍李 券跋 所 忠 田 但 卯 燕 隆 年 跋 跋 誤, 困 肅 不 間 居 興 丁 矣。 而 學 其 云」八字,則 卒 也 閩 知 也。 則 之室,必 卯 必 ^ 恐聞 ? 去 亦 於 本 年 何 且云 據 朱子 已 淳 在《恐聞 不 則 譜 ^ 人 此 舊 改 編》成 木 熙 在 田 增 於 正 本 本 學 在 誤 乾 券 時 至 Ŧī. 恐 似 同 文 E 今 年 載 渞 如 稱 不

先 子 疑《江 京 先 斷 訓 亦 以 按 耳。 聞 生 先 人 未 所 受學 以 皆 生之卒矣。 來 書》參考之,尤 生。 君 然 於老釋者 其 蒙 朱子少禀學於 據 編 **十** 一 ()獲親 爲 子 知 序 口 書》 年 成 在 之餘 老 義 此 佛 又《 **>** 譜 不 編 學 月 庚 書敘 釋 学之 不 有道 延 著 必 十餘 誨 亦 拜 辰 之 及 也 平 後 其 紅 在 ۲, 非 缺 次 武 而 延 0 。」又云 **√**, 答 年, 劉 甲 學博 非 而 年 最 平. 矣。 爲 附 『問》之 書》及《垂 獲 年 不 癸 申 之卒 爲 可 而 胡 記 自 譜》序 親 (西之 及 《答江 後 分明。 ^ 士 據 於 三先 庚 文集 有 劉 命 當當 録 此 0 辰 但 道 確 一、胡 晚 歸 其云: 於 生之門, 受學延平 拱 無 元 **\*** 自 在 親 證 更以 次 甲 者 奏劄 適 序 自 即 T 癸 有 也 申 於《 以以 聞 文 指 書》「以 H. 未 道 ^ 近 何 延  $\equiv$ 至 論 延 可 必 而 後 先 自 平 歲 癸 朱 或 則 平. 有 語 叔 考 出

後 在 一,歲月 歸 後 已遠 非 必 偶 癸未 未之及耳 也。 其 或 在 ^ 叔 京 書

職 乾 道 元年 夏 四 月, Z 酉,三十 至 一行在, 六 復 歲。 請 祠 春, 五 省 月, 劄 趣 復 差 就

監

南

嶽

廟

禮 罷 院 傳》誤。 省僕射、 至 月間 洪适是年八月參 不合, 就 按《行狀》、《本傳》皆云「既 本傳》: 事 職 首參, 丁, 十 二 是歲 至行 所 而 書未 歸。」與《年 同 錢 請 在 既至 平 則《 端 月 月, 祠 明, 矣。 章事 禮 除 以 年 前 以 陳 參 今依《行 歸 普 ※ 知政 因 甲 康 譜》不合。 洪 知 四 耳 執 是也。 伯 申 月間 政 适 事 政 罷, + ^ 爲 事 ,十二月爲 復 狀 年 相 未 至」,則朱 時 主 譜 次 月 爲 改 〇《年譜 , 復 未 考《宋史》, 和 年 **>** 簽 相 正 置 亦 主和 議 1 書 也 相 云 月 尚 樞 · 故 子 載 方 本 既 密 書 論 按 不 川

> 於後 議 和 爲戊午,盡失其意。 議」,李、洪本皆妄改。 八年; 云云。 年譜》不考全文,略 戊午讜議 , ,癸未再議 而 朱子 癸未,孝宗隆 「戊午之議」,據序文當作 序》曰 序 和 中 所 元 「戊午之議,發言盈 極 今削 載 履 興 論 數語 所敘 按戊午,高宗 元 者,癸未之議 去, 年。 次 ,又妄改癸未 而 者,戊 戊 别 癸 載 午 午之 未之 序文 紹 初 廷 也 議 興

一年丙戌,三十七歲。

按與張 時 書之後。 答張敬 往 又收入之。 還 書 夫 欽 稿 夫 其 兩 書,與 無 兩 編 書、朱 然《 注 」,則必不 者或 中 前 子 兩 和 朱子 書 自 舊 意 注 説 止 所 甚 同, 序》云 兩 自 明 書 而 删 其 也 在 得 前 别 而 當 前 後 卷 兩

●「論」,原作「議」,據《宋史》卷四二九《朱熹傳》改

一七六

問 贵 姑記 第 自 以 以 叔 氏 無 無 不 求 未 欽 人之者 中 之學 年敘 指 京 指 所 往 中 夫 四 注 得 定之論 和 未 書 書 書注 書》「未 書 然 考, 「已發 來 於 舊 問問 在 ·發之 然 此 甲 ,三十二卷所 》、三十一卷《答張 則 詳 説 皆 而 故 三二自 往 戊子,今以《答羅宗約 申 未 往 朱 未 其文義 序 講 説 發、已 來 晤 從 子 疑爲 發説」及《 敢 論 **>** 未 南 朱子《文 云: 兩 有 而 而 未 定 達 軒 問 辨 一發渾 非 書自注甚明 朱 發之旨 也 實皆 聞 於 焉 説 而 載 至 子 豫章 中 潭 甚詳 延 則 張 所 然 集》三十卷《 爲 平 州 和 不以 敬夫 欽 也。 按 自 時 舟 舊説 殁 至 時 致 朱 夫 删 語 潭 中 年 也。 今未之見 ^ 得 子 書》 求 而 書》考之, 别 世 南 州 序 敘 受 與 卷 後 自 衡 其 ^ 軒 時 鄭 答 此 是 説 延 與 Ш 人 且. 大 白 兩 何 故 復 書 書 平 多 四 胡 以 概 張 而

發,性 見 書,反 識 述伯崇 之在 崇過 舊説 有 云 後 書 南 悟 亦 雜學辨跋》,其 超 迹 軒前 後 非 正 意 本根。」 講 然 建 **始** 丙 相合; 序》所 相 陽 復 涵 語 謂 論 受之南 爲 會 戌 書 合 可考。 在 知 發 養,不言未 未 無 之 太 一皆以 而 丙 尚 太 明 發 復 云 極 語 戌,《 又言 非 在 而《何 有認 極 於此 軒。 何 無 丙戌冬無疑。 以爲 而 未發 戊子 更 許順之書》亦及之,第三書 藴 眼 存 所 南 程 不 爲 命中 書》自 要 底 考。 門記 蓋 發 少 軒 確然矣。 爲 分 兩 無 和 妙 作 從 無 惟 太 物 時 舊 與 全 難 録 南 在 失 異 胡 説 極 之 節 應 朱子 彼 牛。」 名 序 丙 之誤 軒 傳 論 氏 疑 栖 此參考, 》及《與敬 即 此 戌 論 其 贈 而 也 之學,先 所見 酢 朱子 朱 以 以 %何 朱 行 不之信 處 與《 子 心 子 謂 心 至 詩 略同 書》言伯 夫 爲 特 别 再 所 爲 四 中 潭 有 云 未 書 詩 察 書 及 已 達 州 寧 與 自 和

蜀

異。

此

在

丙

之,延平

所

未

明了

故

於

此

特

詳論之,

已發之幾,默

未

發之後。

此

求

中

而

未

111

門

下

相

傳

戌

冬,此

最

明

證

言「未發、已發渾 又卒於戊子之四月,二 未發之旨, 略 京 傳 戌 指 又言 達 無 之 ",亟以 識 書》言 以 州之所 ௱ 之冬。 與 若《 異指 訣 學 之時 答叔京三 而 不言 然 龜 ", 延 宗 心 而 書 Ш 與 體 平. 當當 契焉 講 有 約 此書及 致, 察 也。 此《 門 報 四 謂 認 論 書 識 在 愧 欽 書 F 學者 中 未 書、答宗約二 故 一書必 則 則 《雜 丙 汗 與 夫 同 指 發 後 和 宗 今斷 戌 以 在 沾 及 朱 學辨 訣 當當 氣 涵 舊 之春。 約 己所 既 意 當 子 衣」之語 於 象 養 説 跋》跋 遠 亦 在 悟 以 所 H 未 序 在 性 爲 往 似 悟 雖 見 几 同 至 發 在 其 龜 書 於 潭 書 若 皆 西 爲 己 少 内 之及。 以 考》已 書爲 此, 注 雖 書 以 然 州 前 書於往 戌之冬、丁 又言「衡 林 年譜》 所 後。 多 者 俟後之君子考訂 處」,自指 二書、《文集》 時 一,其 朱子 聞 乃益自 則 劉 覺 皆 而《閑 訪 既 與《 其言「欽 共甫在 意 其 亦 Ш 不 尊德 潭 終 誤 未 中 之學,尤易見 亥 我 州 信」,亦 切

闢

録

》反

以末

卷與張

敬

夫

兩

時

其

意

未

明

~

通

辨

亦

不

性

之證

,尤爲

大誤。

^

E

學

而

以

川

書

載

於

戊

子

敘

説

繫之。

叔

皆

在

丙

戌

丽

潭

州

之行

有

省,後

得

胡

氏

^

與

曾

吉

父

Œ

相

合。

則

此

書

或

内

之

春

夏,

未

可

知

也

李

本

不

載

洪

本

雜

敘

與

欽

夫

諸

和

舊

説

序》

所

云

敬

夫

告

1

不

同

而

實

發

性

爲

此

論

則

潭

口

而

胡

氏

H.

始

悟

其

非

丙

戌

之悟

又言「

所

聞

於

西

夫

書問

往

來,

近

方

覺

有

脱

欺一,

與《

叔

京

書

亦

相

合。

功,近

乃

覺

知

如

二七七

潭

州

乃

Z

西、

丙

戌間

編

次

於

論

程

集》改字

其

是

非

焉。

朱子

戊 子 亥 之明 則 召 證 還 也 矣。 此 亦 四 書 在 丙戌 而 不 在

奉府檄行視水災。 三年丁亥,三十八歲。秋七月,崇安大水,

《文集 故。 疑 中 誤。 子春夏之交,建 正 饑之後,重 Ŧī. 网 按 有 與 也。 水 此 夫 日 秋 何叔京書》言「早稻已熟, 以 後 禍 見 七月,亦不言崇安之有 獨 條 及考《續 林擇之以丁亥從學,而水災爲第一書,此亦在 此 方聞 至此 李、洪本 不 《社 與 參考, 及 倉記》。 、林擇之書》言此 遭 1,極可 之耳。」 也。 集 此 則 人大饑,必 皆載 • 水災,書 與水災 李、 傷 行 與 是此 憫。此中幸 視 蔡 於戊 洪 水災之在 季通書》云: 兩 不合, 水 子。 大 中略 最 本 所 水 E 可 詳。 皆 及 年 災 向 是 無 不言 無 不 亦 他虞」, 崇安大 水 年 T 疑 注 遠 無 亥 災 其 五. 而 及。 前 他 之 無 戊 邑 有 夫 而

> 密院 《社倉記》亦不 所請 應縣 此,後之人得以考焉 災自在丁亥,今爲改正,而 子 府。 爲 州 寧府者徐嘉, 嘉 意於民 丁亥之證。 之用。 秋 ,蓋避之而 嚞 官 即 編修官, 奉 方以 從 之 祠 難  $\wedge$ 委, 至 去, 與擇之書 而 與 檜黨 次 不欲 則不 其 陳應求、劉 圖 而 欲 年,崇安 乃秦檜之黨, 實 事 没 社 不自安,而 與 得 未嘗相 其 倉 其 而 不與 極 名。 之米, 事 朱子 大 言州 共甫皆 也。 饑 合 其 反 附 及於 八 朱子 事 也。 縣 朱子自 實 復 是時 著 月 而 官 始 . 執政, 參校,水 其 ·已爲 嚞 即 以 漠 於 Ŧī. 説 請 不肯 往 以 知 然 夫 戊 如 故 於 建 潭 樞 無

八月,訪南軒張公敬夫于潭州。

按朱子以 極略,洪本所增爲多,而不 ,於《文集 九 月八 》、《語録 日至 潭 》皆 州 無謬誤。 無 留 所 兩 考。 月 今僅 講 本

旨 平 以 聖 酬 載 夜 德 衡 未 名 冰炭,從君 極 論 則 遺 之語 侍 發 李 也 論 可 酢 未 Ш 而 眼 經 先 本 之旨 胡 詩觀之, 兹 處 〇洪 發之旨 不 行 得 底 能合, 又《中 0 生 謂 數 。嘗言二 氏 源 無 紬 無 本《 學 語 學, 未 特達 有 識 全牛 繹 所 受《 寧 達 曠 則 蓋 乾 年 其 則 和 丽 考 有 然 見 \_\_\_\_ 先 其 坤 普》云 未 心 後 往 中 舊 洪 而 見。 遠 迹 本 生論《 往 相 先 事 本 先 從 説 先 庸》之書 莫禦, 根 復深 契也。 謂 始 生 生卒 兩 則 生 序》云: 而 南 一答詩 知 無 别見 綢 中 問 殁。 留留 軒 萬 相 太 復 繆。 焉 惕若初 贈 更定其説 庸》之義,三 9 化 長 契者,太 又云『考先 極 何 \_ 於 聞 求 『余 行 從 藴 沙 存 是 超 此 張 喜 之詩 此 ? 兩 早 昔 時 然 敬 怒 不 而 要 流 月 范 夫 從 極 妙 我 會 附 哀 煩 惟  $\Box$ 生 得 樂 之 千 難 抱 講 論 然 日 念 延 應 太

> 旨 皆 敬夫 書 發 爲 與 與 中 心 也 朱子自甲 太 通 有 敬 敬 太 極 和 爲 以 性 專言 天下只 而 極。 書 夫論 書 條 之旨,此 È 夫 爲 爲 以 》,皆是此意。」〇 書 又 而 而 人 未 心 太 詩 申後 以 中 論 不紊』云云,及《與 日 自 是 發, 爲 極 和 所 之, 有 以 已 浩 近 與 云「太極 兩 則 贈行 生 幾 一發,性 則 箇 復 浩 先 南 不 即 + 體 性 大 天 生於此 軒 年 識 詩 有 情 化 機 察, 爲 往 與答詩 而 其 之德, 知 )按洪 之中二云 活 見得 未 復 始定, 意 識』云云, 則 物 無異 發, 皆 矣。 \frac{1}{Z} 指 湖 本 中 此 臆 蓋 講 所 南諸 未 初 論 和 理 云 云 度之耳。 心 發 未 與 以 云 之妙, 發之 深 公論 爲 敬 未 須 至 最 後 又 而 已 發 夫 契 後

<sup>■ 「</sup>應」,原作「兹」,據《文集》卷五《奉酬敬夫贈言並

尚 是 妄 言 生論 此 説 旨 分 不 年 非 南 絶 與 書 州 明 然 説 堅 久 間 」,李本 故 未 南 當 軒 無 報 在 而 ,後卒從朱子説 講 中 相 也 所 軒 欽 必 不 書 以 己 論定 惟 據 共 又 論 契 夫 同 載《 ·無此 報 爲 庸  $\overline{\mathbb{H}}$ 載 其 先察識 爲 者 及 講 在 》之義 欽 歷 敘 初 中 己 當 此 矣。 語 洪 之。 Z 夫, +真 悟 **H**. 論 和 丙 日 本 西、 則 (妄説 年 後 論 已發、未發之分時 舊 戌 -云「其 灼 同 ^ 以 欽 指 中 而 説  $\equiv$ 丙 爲 心 爲 夫 0 涵 然 日 己 後定 也 和 學 書 序》 戌, 此 + 以 養 雖 夜 <u>H</u>. 可 後 舊 爲 論 年 爲 》所云, 不 之 證 已發、 而 至 書, 中 先生 范 説 初 者 而 然 説 詳 己 不 和 念 序 未定之論 而 後定者 以 其時,大 欽 能 卒 不 H. 德  $\forall$ 則 之 未 謂 則 云 爲 合, 指意 夫 即 指 更 言 過 發 未 至 ,尚多 定 定 悟 執 説 發 潭 几 此 兩 哌 論 之 不 約 其 之 則 亦 其 Ŧi. 與 而 語 先 州 以

本皆 也。 隨 説 果 也 則 所 常 + 耶 未 而 如 與 中 太 筆 ? **>** 齋之舊 言 不言 感 不 有 陽 定之論 論 然於《文集》、《語 庸》之義 極 明 載 勝 故 餘 亦以  $\sim$ 是 書》, 洪 語 感 圖 之。 於 祭 年, 其 ; 説 時 而 爲 《譜》蓋 解 此 南 引 即 口 × 末 朱子 常 如 與敬 李爲  $\forall$ 多 此 范 軒 疑 如 <sup>②</sup> 乃 Œ 以 寂 所 文》云 定論, 或 念 也 仁 日 夫 同 静 相 誤 删 陽 説 元 最 德 中 以 夜 中 歸 反 姑 認 明 與 後 削 学之 本 侍 鼠録》皆. 静 爲 而 知 而 附 此 之學,自主《 所 年 行 書 贵 爲 略 類 覺 不 静 其 語 蓋 譜 以 有 能 致 可 本 而 不 嘗 説 無 也 爲 繳 非 略 義 諸 不言 合。 據 昧 辨, 言 非 於 所 紛 指 同 此 Œ 論 爲 以 此 後 而 凡 兩 往 恐 爲 李、 皆 統 中 平 復 人 爲 皆 先 中 此 反 而 湖 言 動 羅 和 未 定 增 洪 皆 生 者 洪 和 後 而 寂 讀 説 之, 盡 整 洪 論 論 與 网 本 舊 非 幾 來 然 菴 而 朱

平,亦 考之: 矣。 曾裘 學,各 致 以《 學,其得胡 書 澄 宗約書 或 性 以 又 本 非 力 在 所 思」,蓋指 心、體認 以 爲 艮 父 ^ 未 爲 於 自 辨 未 聞 自 與 書。 齋 有師 朱子 告之, 此 與 吕 發 未 南 可 林擇之書 銘》爲宗指 氏 先 延 發之旨 證 氏 軒 天 而 承 《與  $\exists$ 此 從 其 察 平 求 則 理 合之延平 亦 曾吉父書》, 時。 後朱子 發 延 不 識 專 中 爲 至 延平 未 平之 各 合。 未 主 己 之 不 **>** 有 後 侕 有 後 衡 相  $\overline{\mathbb{H}}$ 然,見 相 非 殁 戊子 卒從 省。 涵 學, 契者, 時 意 與守 始 來 所 Ш 而 與己 養, 見《 節 其 傳。 所 問 語 E 南 諸 而 悟 南 之, 所 文 意 之南 見 則 而 録 軒 書 非 以 軒受衡 以 而 合,必 見 集 云 不 與 於 見與 廖 朱 從 性 延 與 是 絶 同 不 軒 子 何 未 與 延 平 子 衡 爲 不 在 程 合 晦 叔 吕 發 不 平 未 及 默 自 南 竊 此 Щ Щ 允 問 京 士 之 夫 時 仍 發 復 之 嘗 延 型 語 쓰 軒 悟 羅 膽

> 定 後 守 也 異 延 一,今仍 同 平之説 大 李本 概 又 如 ·, 存 深 此 以 此 竊 先 察 語 以 意 識 以 俟 擬 爲 考 之 非 焉 而 未 其 敢 先

冬十 之同 其 最 序 李本 湘 與 自 載《 本 唱 軒《序》亦 伯 群 又按 》,其 注 間 爲 長 酬 \_ 南 從 月,偕 舛 沙 歸 語 集 無 嶽 别 紋次 昆 朱子往 序 誤 兩 直 此 往 擇之同行,伯 唱 然 條 弟 止言三 條 削 栖 南 視之,至己 時 朱 今從 ^ 今依 而 下 去之,  $\approx$ 軒 年 訪 子《 日 0 來 ^ 張 譜 人。 南 東 兩 洪 道 遊 洪 公登 | | 同 軒 亦 歸 本 家《文集》 里 本 Ш 登 崇 范 不復 卯 亂 范 别 後記 極 南 與林擇之俱 Щ 有 伯崇至己卯 稿 而 念 立 爲 嶽 群從兄弟 後 德 又 此 於 詳 按 衡 考正 來, 侍 與 條 悉,李 往 Ш 南 東 行,疑 朱 置 潭 軒《 然 而 歸 子、 辨 行 州 未 始 本 在 注 而 亂 南 也 擇 有 湖 本 别 南 洪 略 嶽 語 至 稿

大來, 削 櫧 果。 考 别。」洪本敘 崇來,始聞 范念德至 去。 州 也 爲 而 餞 趙 南 ^ 雲 南 醇 軒《序》謂 同 水 嶽 峰 次断 叟、胡 登 簾之勝 唱 寺, 山。」朱子《後記》謂 酬 續 廣 酒 集》,尤爲舛 不明,而以 : 仲、 欲一 Ŧi.  $\exists$ 行, 伯 一卯,胡 逢、季 往 劇 觀 論 自 謬 實 以 立 所 . 線 廣 宫 疑 甘 今 雨 仲、 伯 至 不 而 口

是月 除 樞 密院 編修官、待次。

施 疾 官、檢討官皆有「官」字,今補 李、洪本皆闕「官」字,誤。 省劄》: 速 元之官期未滿 前 來 施 供 元之因 職 故 則 磨勘 此 待次於家 除 改官,别 替 施 考宋制,編 Ē 元 之闕 行 〇己丑 注 也 授 修

四 年戊子,三十 、賑之。 九 歲。 夏 四 月,崇安饑, 請

栗于府以

年譜》本《社倉記》,而 不及縣官之委,甚

爲缺略,今載《社倉記

程氏 遺書》成

《蔡 則其 信之傳 己。 出 本,窮 出 按 用之間,且將 以進其知 録序》『時有先後』以下一 〈續集 時 <u>m</u> ,欲更之云,先生之學,其大要則 程子「涵 `有先後」之云,亦不 書》 所更改者,又不止 讀是書者,誠 戊 · 與蔡季通書》云:「近看《遺 理 可 不 以 子《遺書序》 ,兩者交相 坐 詳 養須 進其 判 有以 何 矣。」 時 用 知」,即 默 能 敬二 贵 則 主敬 契 爲 已 此 見 是序文後有 用 乎先生之心, 在 此 語 也 於《遺 云「主敬 而 庚 以立其本, 節,説 二語之指 寅 不已焉 庚 以 書 寅 序》中 後 道 以 始 更 書目 耶 立 則 窮 理 特 可 뻬 改 也。 ? 疑 其 不 拈 H 理 知

其宗指 其 微 及其 書 以 從 然 合。 云 未 湖 達 指 語自是。 萬 猛 化 本 F 已發 見 行將 知 謂《答叔京書》易爲 也 「天心 ^ 之源 手工 本 IF. 11: 省提 與 非 是 《正學考》不 處 去爲 心 爲 根 大 何 而 格 抵 識 但 皆《 始 誠 夫 粹 與 撕 於 叔 以 物 得 IE 意,却 以 講 凡 至 京 然 而 艮 與 審 未 心 致 使 1 格 戊子諸 善 論 書》: 學 發,故 察見 齋 誠 知 心 爲 道 事 物 都 多 聚 . 載 銘 意 9 己 不 義 全 致 理 不 所 異 得 問 学之 ,亦仍是《 發, 昧, 與 俱 日 不 知 用 當當 書,皆是 爲 因 反 學所借 辨 允夫 全 指 以 致 用 默 覆 格物 惟 其 之 專 然之極 會諸 性 知 也 IE. 應 良 是 指 以 似 書 格 爲 艮 心 致 尚 怬 心 皆 日 察 不 心, **石** 物。」 誠 未 齋 知 酢 發 至 識 意。 注 類 未 則 似 意 處 發 銘 子 端 見 善。」 以 以 又 得 未 有 美 之 其 平 特 要 泰 重 立 不 其 倪 其 見 所 0

> 要領 也 故 附 論

趣

就

職 五 年 魏 按 職 墓 辭 來 施 狀 月  $\equiv$ 鑑》因之,今改正。 再 表》 罷 掞 供 樞 已 促 ,今又準 元 也 辭 之磨 之以 H 歸, 職 密 就 五五 年月 0 朱子《 院 職。」據《 Œ 四 《年譜》 月 勘 四 編 俱 省 秋 + 前 内 改官 修官 年十二 七月 魏 劄 歲 可 件 兩 考。 趣 元 指 次 别 文 載 係 省智復 履 行 揮 準 於戊子年之末 集  $\bigcirc$ 月除太學 替 行 年 時 夏 墓 , ° \_ | 尚 ,朱子 注 施 • 五 行 譜 誌 書 年 授,省劄 元 月, 》誤 口 狀 趣 省 之闕。 譜 南 申 <u>\*</u> 行 劄 所 省 載 録, 軒 催 劄 以 . 子 辭 而 促 五五 再 催 催促前 魏 大 五. 誤 是 供 續 年 促 是 元 歲 年 也 力 供 履 職 通

<sup>0</sup> 全」字,原缺,據《文集 》卷四 二《答 石子 重 補

<sup>0</sup> 」字,原缺,據《文集 》卷四 二《答石子 重 補

及當 定 矣。 博 夫 無 大 不 指 程 於今 H. 未 書》皆在己 按 復 與 八答 問 之論 概 當 子 定 已 土 心 不 趣 湖 得 一發 時 中 説《 言 體 自 之論 车 行 中 南 中 年, 節 未 百 也 之。 以 Ŧi. 流 中 和 書 凡言 · 贵 爲 發 爲 月 即 行 舊 不 又 庸 丑之春, 説 此 ^ 第 如 則 又 又以 未 即《 似 而 及 説 中 或 心 論 ~ 謂 凡言  $\equiv$ 當 言, 前 删 序 明 和 問》 者 與 與 者 次 爲 涵 尝云 諸 却 白 舊 湖 而 非 心者 湖 指 也。 養 力 蓋 説 已 無 説 此皆 已 南 今其 指 南 之 乍易 辨 赤 發 疑 序 發 諸 1,皆指 則 以 諸公論 事 子 功 其 亟 I. **>** 未 其 有 公書》耶 書 戊 之心 物 在 至 舊 失 夫 以 發 子 所 不 所 八,皆早 思 壬 書報 説 E 説 則 見 見已 未 而 中 末 辰 而 慮 發 於 其 則 猶 此 安。 和 之交。 言 欽 而 與 距 年 以 條 發 以 多 第 不 夫 言 欽 既 百 吕 但 爲 有 己 未 爲 移 也

静 發 與答或 末 也。 感 静 者 之 説 解 如 如 勉 書 此 囚 後 淡 齋諸 序 自 語 心 以 第 以 可乎? 感 例 今若 亦亦 静 是 語 之道,而 心 E 年 \_\_ 蒙 而 爲 發 又云「 公而 當 書 亦 中 人 兩 中 己 印 常 未 日 主 爲 自 在 知 時 ·爲静 **H**. 可 寂 則 類 發 又云 E 前 覺 平. 即 敬 答 静 尚 不 説 質問 ,此皆編次之失, 發 爲 説 義正 書 心 者 也 而 有 中 感 必 以以 小 復 而 體 編 之 心 第 注 之也。 者 當 互 凡 常 其 次 流行之見。 静 後 之貞也」,後來 動 爲 已 説 在《 未 此 中 已 於 來 爲 書 動 發,未 發 恐皆 動 亦 自 六 與 本」, 改之,而 與今解 又 也 中 多 第 明 + 湖 與 云 未 之静 言 未  $\equiv$ 南 四 寂 亦 發 張 恨 定 Ż, 定 書 又云「仁 諸 卷之末 似 者 寂 而 欽 不 之論 相 之論 矣 公 太 常 未 都 偏 而 夫 得 而 反 書 動 極 發 於 E 常 無 起 此

以 言 於已 定之論 皆辨先 此 贵 漸 論 荷 不待 自珍。」正 漸 書 ,恐皆有所 可 得 體 發 與 據 後 其養, 察 陽 出 此 工. 人創 别求」,陽明之學 而 夫 識 這 明 書 謂 後 未 而 端 以 辨 爲 未 後 是爾 來 無 倪 爲定論 異 免 察 涵 平. 所 物欲之昏, 説 來 少 養 也 湖 不 者 之非 略 陸 耶 似 陳湛之學似之。 取 氏 乃 之。 ? 如 答林擇之三 也 亦 拾 而 云 以 是皆早 於涵 整 前 自然發 羅 人 菴 此 從 一之所 整 書 羅 涵 養 菴 又云 見 年 爲 特 氏 養 棄 嘗 昭 定 引 未 中 重

六年庚寅, 與 墓 日 年 日 一側 望,閩 居 譜》云: 朔、望 相 墓側 近, 本已 四十一歲。 然 改正 則 先 ௱ 以 歸 生 不言何 奠 居 按李、洪、 精舍」名, 几 喪 春 筵。」「 正 盡 所。 月, 禮 閩 朔 則 寒泉 葬祝孺 望」,李、洪 三本, 既 是 葬 講 精 論 舍 皆 日 本 之 當 居 云

明言 其爲 力言 去,而 皆日上 望 然 望 朝 側 相聚, 崇書》云: 有不同者矣。 子 地 答葉 或 歸 也 饋 固 前 夕哭,不奠。 朔、望 語》「日 撤 奠 厚 食會哭。」 嘗至寒泉與 味 附見於此。 非守墓之所也 亦有一一 食。 朱子 答李繼 几 几 道 而 一方歸 筵之不 筵 祀」之文,謂 「比攜 書 又 居 此後來 無 善問 則 考《文 一友朋, 喪, 奠 小祥,止 則 按《禮記 朔、 友朋 嫌 · 可 几 二子過 據 自 於僭 所 筵, 謂 望 按《書儀 左氏 而 集 用 講 初 講定,與《 朱子 主復 饋 於 恐 • 論 不 寒 \* 書 朝 朝 食 「特祀 且當 朝 答 未 廢 泉, 夕哭。 夕饋食,不 儀》,故 朝 庚 於寢,三年 陸 夕 然 講 小祥前當 **\***: 而 奠日 寅《 從之。 饋 子 招 也 謂 論 書儀 於寢」 壽 食 始 與 季 日 惟 出 或 今 則 書 則朱 范 居 通 朔 亦 其 内 與 害 未 削 伯 亦 慕 來

其親 同。 據此 奠逮 行於正寢,但經文不具 兀距孔、賈不遠,其 既夕」記云: 朝 列則 日 事之如 卒哭後罷朝夕奠,而下室之饋,自仍 至 注 殯宫朝夕之奠,與下室之饋 徹 疏 夕奠。 生存 ,説皆不分明。 「饋 朝 時 夕奠至 進 或有 夕食也, 爾 徹 , 所 之 儀禮》猶 傳 徹 時 孝  $\sim$ 開 子 也 朝 如 元 奠。」 其 不 禮 朝 鄭 絶 忍 頃。 開 不 注 死

禮》。 禮 祥禫 日 洪本《年譜》云:「先生 年譜》有「《家禮》成」一條,今削去。 居 墓 又推之於冠、昏,共爲 既成,未嘗爲學者道,易簣之後,其 参 側 酌 朔、望 古 今,咸 則 歸 盡 奠 居 其 几 喪 變, 筵, 盡 編,命 因 禮 自 成 始 喪、 既 日 死 [《家 葬 祭 至

> 曰 : 禮 禮 禮》,爲一行童竊以 後人增益之耳。 憂, 0 之倅郡 語不合者,故 出,今行於世。 之。」然其後亦多損益 擇焉。」李本略。 書始出於人家,其 不合者。 ,又推之於冠、昏,共 **%** 「嘉定 《年譜》,李氏所輯 居喪盡禮 乾 出 道 黄 辛 Ŧi. 示《家禮 榦 黄氏 未 未 年 直 多酌 ○《家禮附 歲 然其 嘗 九 卿云: 爲 嵤 間 疑 月, 逃 過  $\forall$ 古 學者 間 有 ,先生易簣,其 曰:「先 此 ,未暇更定,覽者詳 温 編 先 今,因 有 《年 爲 與 『《家禮》 陵, 云: 生丁 録 道 與 先 譜》本 先 編 先 生晚 也 成 生 母 生 生 語 李氏 此 喪、 既 命 而 祝 往 晚 世 季 歲 陳 成《 葬、祭 日 其 子 歲 書始 方子 年 孺 之論 多 氏 ^ 他 敬 之 家 家 僧 淳 用 人 則

哭,不

奠。

不奠者,但

謂

不

行

喪奠之禮

勺

書儀》即

以不奠爲不饋食,考之或有

未

詳

也

<sup>0</sup> 原作「令」,據《文集》卷九四《先妣孺人祝氏墳

内

少

增損之,正

欲

商

訂

須

俟

開春稍暇

乃

季

通

書

| | | | |

祭禮》只是於

温

公《

書

儀

各

爲

篇,

比

之昨

本

稍

復

精

密。」《

與

蔡

者,爲《

祭説

**>** 

篇

而

^

祭

儀

**>**′,

祝

文》

X

參以諸

家,

故

特

取

先生説

今所

承

用

祭禮

少修

定

處

甚

多

一,大

抵

多

本程氏

而

矣。」陳淳。 其詳 君 也。 得 Ŧi. 將司馬 目 之書,參考諸家之説,裁 寅 巳、《張 俟詳議 之,或者 口 ○《語録》云: 家禮》爲朱子之書無疑。 祭禮 後。 子, 六段, 以 以以 爲 前 具 顧 《書》則 也。 附其 ^  $\approx$ 其 跋 公書 以 其 也。」答汪 只就 不 頗 甚 尚 病 大 在丁 程 懂 後。 以 一家禮 簡 有 衰 節 減 按《 氏 温 其 亥、戊子間 僭 「某之《祭禮》不成 以 不不 易 却 冬至、 略 公《儀 難 使覽之者得 年譜 日 E 範 曉 幾 成吾之志 能 行 其 爲 》 云 : 書 《處。」 之者。 繁文, 及已。 》及《 後 在 疑 立 中 蔡書》不詳其 壬辰,又《答吕 亦亦 被 葉賀 春 「嘗 訂 間 家 而 考之《文集 也。」 增 不 嗚 雖 提 行 孫 禮 欲 竊 不 祭, 損 禮 爲 其 呼 貧 失其 附 因 去, 書, 甲 、要,以 處 H. 無 (時,大: 某嘗 昔 舉 録 司 寅 書》在 賤 理 分 只 嘗 後 本 八 綱 馬 并 約 月。 作 修 是 之 則 及 意 亦 張 氏 爲 癸 庚

考其

實

而修之,

續奉寄求訂

E

也。」又《答

遭

此

春

喪,

勢須卒

· 哭後

乃可

權

宜

行

吕

伯

恭

書》云:

祭禮

**>** 

已

寫

納

汪

丈

處

别

録

呈

求

訂

Œ

也

答

張

欽

夫

書》云:

託

以

轉

寄

然

其

間

有

節

次

修

改

處

俟

日

夕

俟之一

兩

年,徐

於

其

間

察

所未

· 至。

今又

《答吕伯恭

書》云:

 $\sim$ 

祭

禮

》略已成

書、欲

以行

於私

家

而

連

年

遭

喪

1、未及

盡

試。

云:「嘗因

程氏之説,草

具祭寢

之儀,

將

來

因

得之。」〇《

文

集

.

答

汪

尚

書

書

寺

所亡本

也,有

士

人録得

會

先

生

葬

日

攜

二八七

言其亡 甲 祭 耳。 禮 林 俟 時 乃《 禮 類 未 有 行 集 暇 應 後 寅 而 哥」之語 「已取《家 狀 經經 也 而《 録 之 諸 更定。 推 氏 年譜 而 傳 月, 〈序》絶一 録 及《家禮 作《家禮 人 而 非《 於冠昏」,《 通 所 經 則 及《文 考而 復 **≫**, 傳 解 家 云 有 跋 水禮 ツ四 既 得 通 不 此丁 学中 家 禮》 ^ 三家禮 訂 解 被 不言其 祭 集》、《 辨》, 及居 後 是皆 禮 》中《家禮》六卷,此 一之《家 焉 也 禮 X 序》中 已後 序 》成 卷,并附 竊 × 謂 憂 ×, 有 語 範 居 ^ 於 唯《 去 但言 禮 書 文 祭 所 録 亦 明 庚寅 喪 語 亡之 **\***, 與蔡 公先 不 説 》諸 邱 無 時 其 疏 亦 所云《家禮 可 1 氏 此 正 所謂 所 者 説 後 以 非 而 者 某 曉 季 生 意 濬 前 輯 一卷, 於此 多 無 今之《家 「,亦《 者。 於 居 通 四 日 損 云 卷與之 欲 亦 紹 勉 因 書 13: 益 ~ 武 姑 因 巸 不 納 祭 齋 喪 喪 家

乎 公集 己。」 耳 并《 雖 則 勉 之,姑以 世 或 益 先 舉 及」,豈於孝宗乾 公已於《三家禮範》自言『顧 司 之遺 是 齊 儒 ? 成 王 ,更爲《家禮 綱 馬 家禮》序文, 中 按 書 朝 公之 先 勉 而 之書,本 張 既 ,有與 之 應 非 齋 未 目 生 恨 無 年月考之。 禮 氏 文 先 以 盡 也。」 亦 此 此言 用 生《 公所編, 云 門人言及《家禮 未 末 附 書, 參 **%** 미 今且 及 詳 家 其 考 此門 未 則 也 道 迨其 謂《 脱 略 後。 禮 諸 及 己 胡 宋光 以 乃 不 藁 家 家 後 脱 猶 爲 丑. 其 晚 顧 併 待 之説 禮 序》云: 編 藁 有 己 而 宗 而 年 以 書 以 辨 有 先 爲 可 有 以 衰 紹 之 一)已成 而 爲 討論 而 疑, 此 生没 未 衰 熙 裁 病 此 出 以 文 無 明 文 序 病,不 甲 訂 成之書 不 書 爲 公没 不 家 此 矣。 斟 寅 四 損 張 可 公 此 酌 能 鄉 益 且 本 口 文 況 能 置 以 文 百 侯 損 及

旨 應 爲 經 自 至 不 謂 朱 氏 出 語 爾 非 爲 序 亦 邱 氏 此 其 與 爲 子 生 自 非 未 謂 張 ,所引已成《 文 **須**年 朱門, 氏 言 妄 所 之説詳 又謂 及參 所 決 元 本 無 家 謂 意 謂 其 編 非朱 至 謂 決 見, 無 禮 增損《 序 斷 未 正 附 考諸 学不 是 亦 親 w 但 不 文 間 及 矣,然以 注 子不能 也 斷 書 淺妄之甚矣。 授 所 然 脱 家 合, 決 穿鑿 乎 家, 三家禮 也。 指 據 禮 藁 也。 非 ^ 出 旦 勉 教 三家 裁訂 勉 朱子 者,指《 尤甚。  $\forall$ 作, 愚考之,則 於 乃 黄、陳、李、楊諸 3、皆 四 齋《行狀 況 齋《 門 肆 範 卷, 禮 而 其 增 不 不 意 跋 》之文, 範 謂 經 所 損 能 亦考之不詳 噫 附 辨 以 語 序 門人編 傳 引 》及《跋語 爲 作,然序文 1 會 論 使 應 按 通 勉 殊乖 疑 所 無 則 邱 應 無 以 E 解 齋 疑 云, 非 氏 氏 而 遺 子 所 爲 >  $\dot{\sim}$ 也 其 之 禮 皆 以 疑 辨 跋 FI. 非 應 恨 是

遂 後 别 禮 曉,疑 焉 人已 於淳熙甲午,《 勉 因 正 H. 邱 不言 不言成於居憂時, 年譜 與《 之人 於所 敘 失 齊《行 氏 與 年 其 家禮序》無年月,豈應所見之本有「己丑」 有 所引應氏 於 有 之語 而《 應 》、《家 錯 譜 編 但 後 傳 疑 其 氏 家 ?狀》序 誤。 ※不 知 次之中, 所 於 而 口 禮》 甚 合, 至《宋 又《家禮 語「今且以其書之出不同置之」,語 禮附 有《家禮 得之,故并附著於此 也 此 解 미 跋 朱子 故 者,以 與《 删 惜 語 應 録》皆不合,凡 之 删去《古今家祭禮 》,《年 史》本傳 又不言其亡 家禮 也。 通 影可 所 氏 耶 》,而《古今家 俟後之君子 解 之辨 編 考。 譜 合古 範 次 抑 皆 成 應 今不 今家 於庚 以 跋 其 有《古今家祭 氏 則 後 其 之誤 語 而復得, 寅 以《 此 祭 增三 未 應 以 可 考 也 俱 」字,後 則 祭禮 禮 家 成 見 以 一》,故 而 見 其 略 》成 卷, 禮 書 爲 不 質 前 大 與 失 而

禮》成 禮 書,幾 譜 書,而 僧 不 非 録》。 又何 朱子之 待七十子喪, 見 序》 宋史》之誤,蓋 附 >,其 寺 紀 朱子 於《 家 載 年 . ] 録 所亡本,有 自宋 於庚 無 獨 馬 禮 與 》陳安 户, 書 哉 之 於《文集 書 口 氏 削《古今家祭禮》不  $\approx$ 鄭 亡 書 也 而《序 寅 疑 以 景 而 通 卿 也。 者。 而 居 來 而 望 考》載之。 士 ^ 古 述 》, 復 附《 亦 祝 大 書 学中 家 遵 人録 李公 朱 今家 乃今反復考之,而 由 得 孺 義 禮 家禮考》: 而 敬之 絶 成書之歲 此。 之由 E  $\forall$ 用之,其爲 後 晦 得,會先 不 祭禮 喪 乖 載 語 及居 又 此 敘《 ^ ·者」,於後之人 時 載 於 年 增 以 朱子所云「不 載 类 ^ 於《 年 譜 喪 其意 月載 行 《家禮》 ^ 生 爲 譜 文 書 卷, > 事 家 狀 朱 葬 此 歷 集 ×, 口 於《 ₩, 禮 子 日 往 知 敘 共 以 序 廢 攜 家 家 之 年 非 決 附 年 其 諸 爲

爲言 書》、《 考據 甚 後》亦 喪時 乃《祭禮》,而 成 已《張書》不詳其年,計 多有 儀、祭説 安卿,皆朱子高第弟子,而其言參錯不 狀》,但云「所 辰、癸巳,距 亦 來 語録》自《家禮 簡 書,何 不 大 耶 損 言 而 如 與 然。 亦不 得 易 ? 益 此。 其 爲 張 之。 往 曉, 未 得 陳 敬 絶 復 言 敬之,朱子 庚寅僅二三年、《家 按《文集》 非《家禮》也 夫書》、《吕 今 安 及更定」。 不 甚 輯《 之 其 其亡 序》外,無一語及《家禮 已亡之矣。」 卿 之及,而 詳。 何 録 家禮 録 得 所 而 汪、吕 攜 云: 也。 復 ×, 季子,公晦 來, 伯 朱子《答 既 亦其前後也。 得。 僅 明矣。 世 恭 不 黄 向 書 所 不 以 則 言 書》,其論 勉 其 作 言 祭 在 遵 是 成 ^ 齋 禮》 儀 壬辰 其 用 祭 汪 所 書家禮 文集》、 勉 於居 作《 何 亡者 尚 禮 祭 既 其 説 壬 癸 行 有 後 祭 書 口 母

宗 託 所 跋 成 故 忘之, 絶 君 以 氏 卷 者 卷之四 巳、戊午間 八 此 月, 法 子 語 之朱子所 之者,蓋自 年 附 之書,參考諸 納納 云「居母 唯 必 ,此程、張 前 言之,以 其後。 必 至 庚 ^ 跋三 · ; 而 答蔡 於《 有 是 有 寅 哥」之語 此《儀 喪 因《三家禮 以 而 己 非 自 家 家 顧 季 附於後之君子 時 乃 跋 有 成 今所 作。 禮 禮 以 通 司 家 爲 所作」, 成 吾志 禮 語 範 衰 馬 是語 裁 書 反 書 所 經 傳之《家 見 其序文亦依 病,不 後》云: **>** 氏 傳通 未 有 範 也。」甲寅 《續 訂 有 朱子 耶 所未及 則 有 不 》跋 增 集 ? 已 合。 解》中《家 或者以 也 能 損 雖 嘗 禮》 而傳者 語 在 取 竊 及 舉 蔡 耄 己。 ^ 其 仿《禮 距 ^ 至 而《序 而 嘗 欲 也 家 老 家 綱 道 意 庚 依 推 因 年 禮 遂 禮 州 禮 張 附 贵 寅 後 甲 仿 求 司 後,丁 範 **>** w **>** 目 益 中 以 盡 之 馬 寅 重 以 其 JL

應 邱 徒 未 之,不敢少致 三山 盡 傳 後,其 後之人以朱子家季 成,爲百世之遺恨。」則其 之 馬 年譜 譜 三家禮範》跋語 有 録 仲 氏 П 季 爾 餘 楊氏 能 作《家禮 其《 故 年 思 深 相 於 **>** 而 行 刻 敬 傳 所 所 書 其 勉 早 不 以以 E 載,廖 之 者 温 刻《 齋《行 家禮 時 欲 年 公書 但 其 饒 辨》,其 熟 故 家 公言 家 固 據 疑。 周 於 子 後》 文 禮 之比。 ,辭多疎 禮 所 狀》之作,在 所 氏 公《 其 晦 子 儀 其 》已盛 傳,不 不詳, 祗 謂 然雖 文 復爲 中 所 非, 節 家 陳 亦 . 謬誤, 公晦 傳, **>** 禮 安 略 之 微 云 不 加 行, 中 但 **>** 尊 傳 考 卿 意 經 深 0 又見《行 其 敘 云 未 又 朱 從 亦不 訂 傳 僅 皆 用 亦 考, 其 辭 所 有 爾 爲 子 遊 其書, 爲 尊 미 通 辨 以 略 聞 見 敬 殁 此 在 及察 刊 見 解 專 惟 解 於 狀 而 之 後 以 戊 如 而 刻 世 據 元 明 實 用 × 所 爲 不 申 司

禮 午 條 損 邱 載 雖 按 云 前 後考》, 八之惑 距距 之非 庶來 前 益 朱 余亦 氏 俱 「有能 子《 語 後 折 庚 附 行 摘 衷 絶 得 者有 《家 朱子 仲 寅 跋 亦 於 狀 遠 免 采 共 禮 深 後 並 古 ₩, Ŧi. 於 書 集 以 亦 成 附 年, 及 而 今家祭禮 舛 而 鑿 附 知《家禮》決 不 焉。 誤 禮 朱 此 其 然之。 不言 空妄言之罪 益 凡 俗 子《 亦 意 數 通 他 十條 詳 大 其 校 文 與 所 概 注 文多 集 故 而 有 在 ~ 摘 相 跋 之。 非 廣 余今偏 ^ 淳  $\approx$ 謬 家 傳 司 不 焉 朱子之書 ^ 誤 熙 之,相 禮》。 載 語 家 其 也 爾 元 亦數十 禮 應 録 考《 年 ^ 另 範 氏 家 其 龃 甲 V 所 年 有

秋七月,遷 梵院 葬崇安之五 文集 側 韋 遷 熹 齋先生 墓 幼 夫。 記 未 **※**云: 卒 更 墓 事 之 明 初 1 年 地 府 遂 不 君 室 其 詳 將 既 里 懼 靈 欲

之乎? 墓 遷 僧 卑 體 側、鵝子峰 年 墓 之明年, 室其 日 建 狀》云:「卒之明年,熹 H Z; 府崇安縣 距府 一,豈西 遷於白 於 奉 陽縣崇泰里之後 濕 遷 葬於崇安縣 舍之北。二〇 魄 一距 之不 白 君 前 懼 於 府 水 君白 然 塔 白 遷 非 里之白 水 五. 獲 鵝 不 皆 水 於武 久計 Ш 水之兆 無 夫 其 得 在 子 之兆 即 里 五夫里之西塔 疑矣。 汝《遷 里之 安, 峰 云 Ŧī. 白 靈 夷 乃 百 水 夫 水 下。 梵 鄉 乃 明 山舖 1 鵝 白 里 西 里 鵝 墓記 以 院 上 乃《行 而遠 年 以 里 子 相 塔 ^ 奉 子 乾 側,至 梅 東 慶 祝 而 峰 Ш 也。 其 峰 距 言, 寒泉 里 道 然 遠 孺 元 下 狀 柩 耶 Ш 不 六 寂 而 某 公 人 乾 此 靈 遠 以 塢 年 所 碩 是 歷 年 葬 而 壙 ^ 道六 梵之室, 故 韋 吏 靈 云 韋 七 不 Ш 某 藏 於 記 統言 齋 言 齋之 别 部 月 梵 以 中 月 建 地 壙 》言 年 遷 記 Ŧi. 明 卒 峰 某 勢 葬 寧 行

與《行 果齋 疑 自 云ト 詞 不 作《 白 地 狀 水 譜 知 不 > 之兆 互. .詳 即 》時,尚 有 果齋之 異 而《行 而 司 可 不 舊 詢 編 言 狀 問 否 次 再遷 之一 前 也 者 亦 此 地 今 略 《遷 勢卑 譜 不 不 墓記 可 w 爲 但 濕 曉。 爲 考

?

之言 蓋 其 有 自 此 節 内 兩 按 訂 尊 兩言 語 自 所 庚 相 德 義 何 獨 寅 距 日 至甲 庚寅 而 耶 以 性 生平學問大指 者 重 以 可 道 方外 寅 與 + 後 行 涵 如 而 日 姑記 Ŧī. 問 可 養須 其 \_\_\_\_ 車 書 與孫 東萊 年 學」、《易大傳》之「 飛 大 問 兩 所疑 矣 者 從 用敬 指 往 輪 敬 古 也 而 蓋定於此 劉子澄 於此 來 不 甫 聖賢 如 其 出 進學 書》云 雖 鳥 言 尤 此 爲 兩 所 因 書,拈 無 兩 則 翼 傳 即 直 毫 在 説 髪 截 若 敬 未 程 致 出 中 法 異 分 晚 有 夫 合 以 程 知 庸 也 明 間 0 年 廢 符 直 子

> 德卒於 ~ 載 以 爲 文集》 通 之。 鄂 此 辨 州 兩 **\*** 補 甲 語 稽 午, 人。 IF. 相 古 學 對 閣 此 ^ 考》 發 記 陳 書 明 × 師 當 皆 福 德 其 去 不 州 書》 庚 載 指 ^ 經 寅 此 意 不 史 尤 不 詳 閣 遠 書, 曉 何 記 然 時 今據 故 IE. 附 師

行 七 以 年辛卯 禄不及 四 養 + = 辭 歲 冬十二月, 省 趣

辭。 或允 按六 六 己。 復 克 俊 月 具 家 具《 年 卿 參 狀 年十二 至 其狀不見於《文集 文、克家之意 元 出 辭 降 七 知 知 但 免召 . 指 年 政 福 以 + 揮 州 月召 事 命狀 省 催 0 虞允 劄 月 促 此 赴 也。 П 起 召 喪 行 文 納 以 發。 雖 制 獨 在 朱子 禄 ×, 建 0 以 既 相 疑 不 寧 朱 胡 滿 是 其 府 以 逮 子 銓 年 閏 喪 養 於 尚 軍 在 之 Ŧi. Ŧi. 辭 制 八 書 資 喪 薦 月 月 年 未 省 中 庫 几 依 而 不 終 亦 梁 陳

事 即 書 省 位 其 辭 相 矣,然朱子於允文、克家皆 召 相 爲 狀 月 而 而 狀》 有 趙 耶 允 赴 再 相 非 七 0 襲參 九 狀》  $\equiv$ 雄 文 年 免 相 行 即 Ě 年 與 申 喪 七 省 關 特 + 統言之,不復 在 有 政 特 王 屢 抑 允 前 年 在 復 同 聽 、周 與 言 文並 不 淮 或 屢 命 月省劄 七年 之耳。 召 奉 改 之, 既 亦 得 ^ 趣 丞 之命 文 秋 聖 屢 起 免 不 相 而 ~本 九年」當 集 宫 旨 與 發,疑 而 喪 爾 素 觀 留 允 也 **>** 乃 詳 復 書 **\$** 之 無 . 傳 復 見 派 文 則 依 召 敘 疾 脱 \* -是 交 皆 召 相 六 則 以 與 作 允文之去位 無書,豈以《 速 往 在 出 年 皆 漏 本 吕 年元 在 八 以 起 南 九 伯 也 克 再 八 1 年 故 傳 禄 恭 ? 月 年 年, 發 康 家  $\equiv$ 年 降 1 不 書 不 之意 與 指 亦 四 浙 月 陳 及 便 克 克  $\sim$ 月 揮 口 去 家 東 自 派 有 申 行 而

> 義 1 》成 年 九 行,八 以 亦 元 年召赴 辭 文 失之。 年 七 甚分明 壬 免召 狀 | 云: 集 年十 省劄 辰 年 **>** 行在 乃 命 省 今考 四 趣 諱 狀》 劄 行 + 月 李本止 四 言 再 爲 IF. 凡 Ξ 趣行 年 年 之, 趣 其 五. 歲 太略。 之間 召赴 載六 行 始 加 亦 爲 末 不 八 春 喪 九 行 年、 辭 識 年 洪 年 而 制 正 在 者六。」此指 朱子 附 二月 本 省 月 八 未 七年省 論 爲 劄 年 9 終 ^ 之 之意 趣 得 兩 又 無 論 如 行 之, 趣 召 辭 孟 劄 此 矣 命 行 狀 趣 精 則 而

之本 義 義 次《 義 按癸未 》,後改《精義》,又 論 兩 蓋 也 孟 書 其 編 皆 精 名 ~年 次《 義 不 偶 傳  $\approx$ 譜 論 同 庚 語 **>** 而 誤 子 而 要 存 改名《 認 刻 非 其《序 義 以 即 於 ×, « 南 前 集 此 **%** 論 康 義 書 論 語 至 先 改 語 壬 訓 名 以《 名 要 蒙 辰 ^ 義 書 要 要 編 П

爲 缺。 以 語 取 草略,故後 亦 X 年譜》之云,蓋未辨此 之序 按 舊 爲 有 孟 及 、癸未《 名 要 未 人其門 自 書」,則亦 以 義 盡 當者,後定名《集 序後》考之,非 要義 非 來編次《精義》不 精 人 癸未之本 義 朋 序》獨 》二字太 友 與《 數家之説 精 意也 義》略] 也 取二先 重 是,今改 復及之,而 南 義 而 同。 補 生 康 諸 > 亦 此 之刻, 輯 但 Œ 家之解 Ŧi. 以 訂 字 其 此 元本 IE. 蓋 别 書

行,再辭。 夏四月,有旨趣行,復辭。六月,省劄再趣

月 月、六月, 按《 行,二月 誤 省劄催 解 也 免 具 召 省劄 ,亦非是。 夏 命 狀 四 狀 辭 又 月, 》,以 免。 兩 次 有旨 今俱改 洪 去冬十二 趣 本 行 疾 以 速起 正 趣 洪 月 行 本 發 省 止 敘 至 劄 載 於 五. 趣

《資治通鑑綱目》成。

言耳 者 《凡例》,當以《蔡 不類 及, 書,則 按《綱 矣。 本,乃 伯 澄 目》 凡例》修立略定,極 書》云:「條 余大 據延之、恭 公皆未之及, 故故 恭諸 尤 於《 雅録 《年譜》、《綱目》成於壬 行狀》所云「每 ,恐記者之誤。 成 重修 延之書,以 E 目》序於壬辰 通 書 ○《凡例》 編 恐 在戊 鑑 於丙 叔 則 也 例 爲 一癸巳、 W 書 或 戌後 改 亦 干 申、丁 又 以 則 IE. 己 書》爲據 古之 刻 見 據 ()當是 甲 據 甚 定 後 有 以 丙 於 其 若 敬夫、 西,至 午 條 矣。」 午 未 多, 恨 出  $\pm$ 陳 概 季 理 及 以 至 爲 魯 淳 重 也 通 而 又云: 修 後 Z 意義。」則元 疑。 伯 齋 辰,以 庚子 録 修 朱 猶 今 欲 未 補 伯 恭 栢 則 時 子 ○又按《 載 有 方 爲 重 諫 今 方可 李 於 未 與  $\overline{\ }$ 勉 序 修 寫 自 而 恨 考 擇之、 壬 及 濱 劉 綱 齋 文 分 語 而 校 也 綱 改 有 蔡 諸 意 未 老 寅 明 而

常 而 例 年 以 朱子 以《 而 爲 孝宗 居家五 恨 綱 也 目 顧 **>** 置 爲孝宗言 年, 之, 竟 則 亦 反 未 之, 能 不 蓋 再 如 欲 修 神 仿温公之 宗 此 遠 所 矣。 以

《八朝名臣言行録》成。

樂之。 有《後 此 Ŧī. H 處 刻 按《東萊 朝,《 业 早 否 頗 年 書, 多。 ?」是書 後 -之書, 見 集 名《五 集 沈 近亦 A 僴 是 0 録。 書吕 朝 與 與 朱 往 朝 故 汪 問 名 元 論 而 許 總 尚 元 晦 臣 朱 孟 日 公事 言 書 所 晦 子 八 或 未 書 朝。 編 行 問 後 切 \*\frac{\times}{\times} 録 來 直 吕 報 同 其  $\forall$ 亦 公 故 不 也。 間 此 所 未 東 當 見 知 前 近 修 集》, 者 萊 前 曾 考 建 改 集 訂 不 過 寧 前 又

冬十月,《西銘解義》成。

當 按《年譜》 在  $\pm$ 辰 據《 前 西 ^ 跋 銘 **※**云: 解 後 跋 「熹 \*, 既 然 爲 考 之作 此 解 解  $\approx$ 

> 銘 記 道 寅、 解 後 語 . 得 兩 辛 以 尹 後 解 卯 録 庚 氏 皆 來 寅 間 書 迤 得 成 在 據 雲 邐 於 則 雲 作 壬 吕 谷 非 谷 ^ 東 辰 壬 西 則《 作 前 萊 辰 銘 也 書 明 西 天 **>** 矣。 等 銘 地  $\sim$ 太 解。」《 解 之 又 極 **>** 塞 作 考 × 雲 於 兩 葉  $\wedge$ 庚 西 句 味

説 九 解 年癸巳, **∀**, 通 書 四 解 + 》成 四 歲 夏 四 月, 太 極 占

改定《 銘 日、 記 月《 按《 太 通 而 解 太 年 張 書 極 歲 後 太 成 譜 後  $\approx$ 極 兩 月言之, 成矣。 記》: 極 集,則《太 圖 《通 於 壬辰 解 圖 庚 書》,不云 **>**′</br> 説 寅、 而《 「戊申、始出《太 + 解》之云, 通 又按 辛 極 通 月《 書 卯 圖 書》 解 己 西 有 解 則 》成 銘 Н. 東 》成 解 則 附 解 萊 己亥 也。 必 於戊子 見 書, 成 此 不 馬。 極》、《 據 皆 Ţ 壬 至 癸 兩 , 未 訂 於 考之 E 辰 西 有 西 後 IE. 几

後

據

此

諸

夕玩繹 書》云 E 疏 學者 與 玩 : 則 用 前 與 所 所 示 \* \* 呈。 若 示 論 於 朱 味 疑 先 説 張 人 未 太 \_°...|≪ 淺 解 子 别 伯 後 丈 也。 稍 下 發 極 則 重 紙 書  $\overline{\sim}$ 恭 此 商 有 年 之 比 ^ 陋 處 蒙 圖 書 \_ 0 太  $\stackrel{>}{Z}$ 太 昨 量 前 所 譜  $\equiv$ 論 又 不 益 解 在 其 極 極 書 日 未 未 本 足 云: w 》成 多。」 : 以 戊 書 定, 得 解 當 達 啚 益 窺 則  $\sim$ ^ 鐫 子、 × 於戊子 覺 在 通 在 見 在 太 後 又 向 當 而 誨 ^ 辛 精 戊 精 辛 己 匆 承示 極 猶 來 云 西 卯 子 藴 解 卯 匆 疑 丑. 所 銘 則 啚 黄 授 解義 之。 譜 《大學》《中 考 亦 西始 矣。 確 爲 月 通 後 學 訂 學者 也 中詆《易》、《 成 H. ,故未之及焉。 跋 敘於癸 者。 於壬 》成 成 其歲月先後 而 象山 , 通 》,各以 也 李微之《序》 言之, 又戊申《 西 於癸巳」,豈 書 辰 通 云 戊 銘 庸 後 E, 以 書 梭 申 解 其 考訂 記 章 張、 前,至 解 西 Ш 疑 跋之 》作

亦

大

太

極

圖

解

>

附

及

亦

云

 $\overline{\sim}$ 

太

極

 $\forall$ 

通

書

亦

非

T

未

始

成

也

^

年

請

教

亦

不

敢

以

解》,

當朝

又

云

 $\sim$ 

太

極

多

未

曉

處

已

解

近

方

得

本

跋

》「未

敢

出

以

示

人,

歲

月言

非

成

書

之

歲

吕

二公

則

未

嘗

不

共

商

注

釋

似

亦

見

啚

解

成

於

庚

寅、

辛

卯

兩

在

包丑

又云

附

焉

東

萊

^

銘

影兩

解

以

示

以

改定《

太

極

啚

西

銘

**>** 

發

昔

人

分散

少少

暇

當

理

《太極

圖

解

昨

朱子

與

南

軒

書

不

多

别

紙

間

南

軒《

太

極

説

>

中

體

九

如此

李微之性

傳

語

今姑

依《年譜

所敘

而

銘

 $\approx$ 

而

通

書

**>** 

尚

未

有

詆《

太

極

圖

×

^

西

銘

林

月

則

出

兩

解

非

并

1

未

始

作《

後記

**>** 

别

有

所

據

乎

竊

句》之比,《

章

句》

菲

至

於丁

未,

此

如

己

西

序

拜

命

不及《 極》、《 不 未 本 書》附焉。 録 -義》以 盡 同 序》序 然也 通 西銘 則 書》, 爲成於乙巳、丙午之間 成 非 今據 書歲 盡 兩 而 同《年 解 李、洪 鄒 月,大概 本删之,前説 以 譜》 示 兩 學者」, 本於戊 也。 同《年譜》, 「戊 明 申皆 亦以 與《 申 出《太 以《通 年 意 而 兩 度,

觀 五 月, 再 有旨 特 改 左 宣 教 郎、 主 管 台 州 崇 道

傳》語 删 乞嶽 矣。 克 洪 本「進 去 家相,申前 今從洪本, 廟 劄 重複 呈乞嶽廟劄子」下,有「是 子 不 命,又辭」十一字,誤用 句, 可 而 曉。 則 是年」以 克家 而李 之奏 本并 下十一 爲 無「進 無 年, 字 所 則 本 大 呈 梁

 $\equiv$ 淳 月, 熙元 有 年 日 甲 不 午, 許 四 辭 + 免, 五 歲。 復 辭 春 二月, 夏 六 月 復 辭 始

> 揮。」 李 Ę 之下,亦非 按《文集 本止 第 一太略。 〇《行狀》辭者四,則據《 云: 九 狀 辭 是。 省 辭 年 洪本得之, 免 告 劄 今依《行狀》、《文集》 再 改 命 免」, 凡三 秩宫 辭 實 則 而 下 觀 元 以 僅 狀 年 趣 事 第 統 **>** 辭 依 凡 敘 又 也 免 狀 於 已 再 四 狀 拜 降 辭

改

命

編次《古今家祭禮 禮 儀 卷,爲 非誤 儀》第六、 朱子自爲之跋甚詳, 《年譜》云「三具辭 鄭景望書》言 官, 》第十三、范氏《祭儀》第十九,其 第十 十九 一、孫 孟 卷。 詵 : 第七、徐 日 以 增 用 書 孟 第十二、杜公《 考 詵 而 不 潤第 之, 徐 載 則 潤 其 八、《政 賈 目。 孫 項《 日 其《 祭 此 確 家 用 辭 和 然 享 Ŧi. 則 改

祭禮》,故後人但知有《家禮》,而《古今家

家禮》人於編次諸書之内,而删《古今家

禮

》則

後

人

僞作,勉齋以《古今家祭禮

同

爲編次,而《家禮》

則 别 出

,至《宋史》

以

即

是耶

?

此朱子手自編次之書,而

《家

禮》、温公《書儀》、《書儀》今刻無《祭禮》,或是《涑

禮》,又有韓氏《古今家祭式》、横渠張

祭禮》、伊

川程氏《祭禮》、吕氏《家

祭

氏

時享禮》、劉

岳《書儀》、陳致雍《新定

寢

祀

儀》、唐鄭正

則《祠享禮》、唐范傳式《寢堂

開元

禮

》、《開

寶禮》,有胡氏《吉凶

書

水祭儀》。凡十三篇,正合二十卷之數,或

則又 及 氏 口 曰 唐、本朝諸家祭禮皆在焉,凡二十卷。」 考者七卷而已。馬氏《文獻通考》: "「朱子集《通典》、《會要》所載,以 增一卷矣。 陳

通考》所載計之,有《江都集禮 凡十三卷,蓋莫可考。 ×, 有

朱子年譜考異卷之一終

庶朱子之書復見於世,寧非大幸乎 之家,或當有存者,有志之士,多方訪求, 祭禮》遂以不傳於世,甚可惜也。 然藏書

## 11100

## 朱子年譜考異卷之二

公伯恭來訪。 淳熙二年乙未,四十六歲。夏四月,東萊吕

集 H 寒泉精 李 Z 、洪本俱作夏五月,今改正。 四月可 · 書近 則 來訪 舍,留 證 思 在 録 几 止 後》云:「乙未夏,訪 月 旬 明 日。 矣。 而 ^ 末署云 東萊 年譜》 〇按《文 Ŧi. 子 月 亦 於 Ŧi.

《近思録》成。

洪 添 洪本《年譜》云: 本 書 人數條,刻 一,則 何據? 添 數條,在 於學宫。」按 李本無之,今删去。 其 後 丙申 先生 令文 一守漳 丁酉間 集 州 不 與 日 張 按 知

> 静來 偕 梯,亦 東萊吕公至 不合。 有 讀。 徒彼意耳。」此又讀《語 録》四子之階梯 勉 近思》、《小學》皆已得之,《後 此 齋 語。 先《近思》而後 不 集 程子云:「若不得某之心,所 知 0 陳 何 復李公晦 鵝 安 所 湖 卿 或非 據 復 所謂《近思》 而 四子,却不 齊陸子壽、象 云。 書》云: 朱 録》者所當 子 據 海,亦 此 語》亦 几 見朱 真 則《 知 子 丈 Ш 與 也 陸 記 葉 近 之 先 得 所 子 階 生 録 思 拜 刊

無 最 正。 象 子壽兄子美號 至其辭 李、洪本皆作「梭山陸公子壽」。 及 Ш 悉,朱、陸 此 辨《太極》 者 按 氣之悖,覽者當自曉 鵝 湖之會 異 象 也 同 書, 山 皆 年 屢言 《年譜》不 子 見 譜 壽 於此, ×, 梭 號 語 Ш 復齋 然,無庸 故 ௱ 録 詳 附 誤,今改 , 按 譜 所 著之。 語 梭 載爲 蓋 録 Щ 辨 大

譜》、 於 鍵 數 譜 言之,亦必李氏所 口 IF. 無 非,而子静終 云: 大 子 也 果齋 考矣。 此 + 按 》,則在鵝 也 此 於 别 Ш 俱 皆諱 《語 語 鵝 折 離 朱子 鉛 年 載 朱子 議 此 今依《通 湖 Ш 元 録 譜 又如 鵝 和 而 載 論 之會,朱、 本不 必 不言, 詩,在 湖 追 皆 年 湖 者 謂 而 李 身守其説 諸 與二陸講 9 無 譜 言 和 會 歸 本 辨》補 可得見,李 不 公各執 之誤。 改也。 鵝 可考,《 後 己 所删 故載《文集》諸書并張 知 其 謂「 湖 亥春 陸  $\equiv$ 是 實 年 人, 詩 其 異 不變。』」今《年 非 何 所見, 論 而 象 後 韻 三月,子 同  $\bigcirc$ 議 幾旬 也 乃 丽 洪 爲 據 Ш 是 子 其 論 本 學 和 以 陽 語 於朱、 然 作 壽 與 他 日矣,《 亦 此 蔀 贈 録 明 口 口 譜 頗 王 語 不 詩。 壽 子 後 惜 通 證 **>** 子 大 所 悔 陸 能 則 訪 譜 ^ 壽 也 年 歸 其 云 是 年 蓋 朱 並 不

吕書,俾後人有考焉。

秋

七

月,

雲

谷

晦

菴

成

= 年 名其 李 無 南 箴 鄒 譜》云: 得 未 堂 按《雲谷記 考云: 本 箴》, 子 · 已六 一,榜 軒 疑 月,誤。 丙 Ш 洪 也 卒 弟講 申 地 北 一,今删 於庚子,當 綴 按《敬 年 姚 「秋七月, 本不 晦 非 四 其 矣。 學 氏 今改 指  $\equiv$ + 菴  $\leq$ 遺 於汪 **載** 地, 月 去。 齋 七 乾 草堂三 意 蓋 箴 歲 正 道 望 則 故 至 考滕 是 》前 氏之敬齋 後 晦 庚 晦 作《 作 是 間 按 庚 春 菴 寅 起行 菴成。」 題 記 敬 亭 三月, 子 洪 璘 與 也,今姑仍 之 始 云 以 臺 齋 滕 通 後 本 成 得 . 識 箴 有 始 作 書 璘 在 其 蓋 如 年 其 此 讀 加 具 一先 在 游 地 庚 婺 以 以 附 譜 南 成。 寅 丙 之。 源 晦 自 生 爲 而 即 條 **>** 申 軒 敬 警 菴 附 俱 與 又 至 作 ^ ^ 齋 作 併 主 會 鄉 統 年 7

譜 此 序》,今《文集》 或元 本所 有 ,姑存之。 缺。 ○《答吕 ○按《茶 伯 恭 院 書 朱 氏

《文集注》 此 在 婺源 . 所寄,余《文集注》有 此書 有 「頓 進 之功」 説。 語 距 附 己

丑八年矣,仰窺古人精進,刻刻用力,所

以 謂 爲 上達 定 不已 也。 日 又按 新者,固 九月《 不 可執 答吕 己丑 伯 恭 悟

云:「前月至昭武,見端明黄丈,旬日而

歸 詭 激 而 黄丈端 指 意懇 莊 渾 切, 厚,老 亦 自 而 難 不 及,見之不 衰 議 論 不 覺 爲

黄端明矣。《年譜》俱缺,今附見於此。使人心服。」據此,則朱子自婺源歸,再見

月,復 夏六月, 解 并 授 秘 請 書 祠 省 許之,差主 秘 書 郎 辭 管 不 武 允。 夷 Ш 沖 秋 祐

其辭不詳,其《與韓无咎尚書書》最爲詳按《本傳》「以手書遺茂良」,今考《龔書》,

觀。

不 盡 即《與韓書》也 明,今全載。 ^ 年譜 ×, 僅 與 汪 汪尚 一字閩 删 取 本已 書 其 書 前 改 **\***, 數十語 汪 字誤 而意

= 0 =

冬十一月,令人劉氏卒。

另規 室時 條 菴 凡 如 石 里大林谷 按《年譜 大林谷。 側 以 大 此 或 守 皆 壽 只 閩 林 依 閩 從 墓 藏 本 舊本 谷。」「 存 本 》,明 也。 李、 乎? 一可證 唐石 作 作 東 而 洪 畔 年二月 名其 左 嘉 9 炭 别出 是墓 位 本 里名也。 \_ 閩 禾 如 菴 本 里」三字衍 ۰, ^ 旁 葬 日 語 是 : 疑 於建 閩 有 或家有 順 録 同 當 亭, 葬 本二 後 **※**云: 寧。」豈墓旁有 穴 嘉 朱 陽 作 而 又有菴矣。 月 禾里 所傳 子 縣 文。 在 「某葬 睪 别 之 葬 左,非 之 亦 立 如 唐 唐 未 唐 宰 石 石

<sup>● 「</sup>主」字,本《年譜》正文無。

四 年

酉,四

有誤,此附録

書耳

令人卒以

勉齋集

某月」以記疑。

未

及

修

改,

而

南

軒

所

 $\bigcirc$ 

與

許

順

可

日」三字,此

更旬

日

間

」, 且

出

伯

恭

可

用

即

就

近

於令人卒之下,而「二月」兩字, 下,不當遽改也。 是年秋,伯恭來書,葬 如《年譜》令人之卒在十一月,而閩 書》有云: 行狀》云,卒以淳熙 自有所傳也。 乾道丁 終,然當仍閩 則令人之葬,大約在丁酉秋 刻本之訛好,而辨者未及考 卜日。」此 謝親 西,小 兩 ○李、洪本附 今仍從李、洪本,附 書,而改「一月」爲 雨 鄒考云:「按朱子《與 夏六月、《論孟集註 知, 多,卜葬至今未 地 注辨 并看 丁酉二月書 已有定卜,安厝 本 而 其 録《行 丙申,未嘗 注 兩處。 誤。 本增「十三 則 所 改 今考 狀 疑 一是 也。 於 注 肯 謂此 合也。 學章句》與《論 定。」其書在丙戌、丁亥間。 得 《或問》之書,大抵固不 不知即以「章句」名否耳。 之書》有云:「《大學》之説,近 云 然、却恐使之輕易趨薄耳。」按朱子之不 轉 去取之意,與諸 南軒戊戌《與朱子書》云:「《論 章句」,疑作「集註」。 年譜》從洪本,李本太 了,又是 盡,只使之誦味《章句》,節節 刊行《或問 而 書却未須出 趨 薄 或 一意,今附見於此 ,似用 是果齋 》,以 語 南 訓蒙 家之偏,自能見之。 蓋

歲」於丁酉

冬矣。」鄒考蓋

據

莫須有

期。

日

義》

同

時

所作

· ', 但

據

此

り則《

大

日

多

所

更

南

軒

書「《論

有得

則

極

力

與

辨説

,亦不能

簡確精嚴,足以詔後學。

可易之論

但某

意

元

本

所

有,

姑

仍之。

語章句》,

軒

書

中

語

與

朱子意

略

其

謂《或問》

恐

考同 譜 此 意 註 得 無 作《 而 吕伯恭書》有云: 辰《答孫 今上納二册 又己亥《 本言之。 集 刊《年譜 更修 学, 欲 兩 句 訓 即 註 異了 篇《論語 得 《集註 蒙 詳 改耳。  $\forall$ 《語 酉 敬 與吕伯恭 乃 説 口 此云 此即 尚 省 方爲 甫》云: 一》、《或 初 也 義 解》定: ,餘却續寄。」則 語」或當作「大學」也。 未 或問》, 》,亦自黄直 **>**, 本, 十年 成 四字,今從李本 折 或 即 楊 問》成 書 後 本,此 書》云:「兩 「《大學》、《中庸》皆有 中。 常詳 「南 問 前 道 疑 也。 與《集 來 》稿。 正指 夫録 説》也。」誤。 康《語 據 改 於 亦 後 卿 註 此 在 T 訂 欲 書 洪 先 1 初 司 酉 極 則《論 × 有 己 又 爲 月間,只 西已成 本云:「又 本 刊 删 《孟》,是 也。 多 修 一西後 云: 看 也。 止 去。 改 過 ○≪答 孟 李 據 不告 書 處。 盛 此 年 本 丙 集 初

> 苦心矣。 數改方定今說,前說皆不如今本之的當。」可 本,必 後 無 過 也。 集》答歐陽 後,是其修改 與今本不同。 有改定,而諸家問 己亥、庚 及下手。」按《集 考。 來 庭 此 所定本,然比讀之,尚有合改定 所 在其後, 書丙 嘗謂 聞 希 子 遜 此 距 是 問 辰 等 語 直至没 敬 丁 距 處皆宜 丽 考其年,則 · 孟 註》成於丁 之有 酉二三年 刊 1 語 子》四 於南 抄 ,西二 所 身 此 出 而 以 書矣,今《語 一十年 康 體 舉《集註 示學者。 後 不 耳, 在 非 酉 言 已 Z 在 矣, 而 後 在 也。 卯、 喻 南 》,往 來 尚 知朱子之 南 〇朱 」句: 康 丙 所 按《文 云 處 康 類 時 凡 在 合 未 辰 往 定 時

《詩集傳》成。

傳》 按《年譜》 集傳》蓋 舊 序 據《 有 則 綱 後 集 領 來 傳序》,而 而 ^ 無 集 序、《文集 傳 朱子 不 用 明注 注 此 》辨 序 云《集 也 此

記 有 前 T 朱子之意益 篇》考之,其爲 略而未及。 十六矣,又二年 不注明,而《大 有 頗 斥言《小序》之非,而「雅」、「鄭」之辨,亦 而惡者改焉 序》言「自邶 小序》,後來改定,遂除此序不用。 詩 坊刻 西 改 明 傳 舊 ○按乙未《與 7,今附 Ē 非 遺 序 乃 邪 並 説 致其疑,甲辰作《桑中後記》,則 亦 然《 正之不 除《 **≫**, 載。 後 以《讀詩記後序》及《讀桑 遠矣。 讀 前 來 舊序 集傳 全》遂冠 綱領》,而 則 詩 T 下,國之治亂 附 所 齊」。 亦 吕 記》皆載 酉 ^ 不用,至壬 無 今考《遺説 序》乃舊序 文 不純 伯恭 ,作《詩 疑 集 此 又云「善者師之, 止 注 用《小序》,但不 書》, 序 編《文集》者 朱子 載 **\***: 傳 於《 ,人之賢 一寅《書 舊 此 朱子 序》, 按 舊 **>** 序 綱 加 時 朱 説 其 領 今考 讀 年 附 則 子 仍 》之 既 失 中 必 几 明 而 正 用

此 改。 考《 説》久已成 《答潘文叔 記 吕 也。 作。」 於甲辰後,而 歲 所 於漢儒」,無 三十 五 盡 文獻通考》云:「南康本出胡泳伯量家 後》 十五. 伯 時 修 斥《小 與李 以《文》 不詳其 而 歲, 恭 讀《 也。 遺 及《記 《葉彦忠書》 書》,已力辨《 説 詩 序》之非是。 ,公晦 斷 「到三十歲」四 》作周謨録,但云「其 《語類》李 壬寅,朱子 書,則 潘 集》考之,其爲記者之誤 》,便覺《 然 時,然當 桑 恭 書 丁未《與吕子約書》言 知 叔 中篇》,皆  $\sim$ 其 ^ 小 書》考之,則 义 成在 則 小序》 煇 小序》之非、《 字。 年五 在 序 今本 有 甲 録云:「某自二 甲 **>** 新 丁未以前 寅 後斷然知《小序》之出 之 本 寅 十三,甲 無 蓋 本 又按 以 出 後 於 意 自 後 舊 也。 於 今本必 此 義 甲 庚子《 本之異, 漢 更有修 辰 書 也 辰 之後 讀 無 儒 後 而 ^ 詩 又 修 到 以 詩 與 疑 所 年

之臆 則 爲 齋 按 中 厚之教。」與《年譜 所 更 而 年 序》亦言《詩 亦 可 舊 元 得 果 定 更 譜》之誤。 知 本 本 説 間 詩人之本意,盡 定 齋李氏 幾 此 ,妄言美刺悉就芟夷,以 也 有 + 不 (序) 同 之 爲舛誤。 但 云:「其於《詩》 二可 處 非《 集 。 不 未 一。皆不 傳》成 集 考 疑 傳》所 T 然不載《 語 處, 知 削《 可 西所序《詩 於淳 略同 即 亦 得 《小序》 此 有矣。 無 而 熙丁 也 新 則 從 詩 見 深 本 以 此 復 考 集 西, 集 否 李 ^ 傳 疑 温 破 矣。 玩 詩 傳》 ? 微 蓋 序 後 出 柔 辭 之 本 果 敦 儒 今 氣

《周易本義》成。

微之《序》言成 T 按《年譜》:《詩 序》爲正。 酉十月,《 易 又 於乙巳、丙午之間 本 馬 傳 義》則 氏《文獻 **>** 成。 不 據《 知 通 傳 所 考》: 序 據 》,成 當 也  $\sim$ 以 李 李 於

> 無 傳》 焉。 不知 焉。 敢 丙 菴 不 列 之異,後來 集》、《語録 易經》爲《本 傳》十一卷、《 通 人寫 **擽** 出 能 辰 初爲《易傳 之考》説 初以未成書,故不敢 後 法 首列 復 陳 ○按《文集 ,則《易本義》久已刊 得,只有 有 氏 又書名《本義》,不名《易 則 所 蓋 何 九 纂 諸 》,皆未嘗言有《易傳》、《 進, 未可 據 圖 義 本 輯  $\approx$ 書 **≫**° 而 諸 ·答孫 頗 義》十二 所 用 末 信,今 本,不敢遠 云然 欲 書, 同 王 列 其 一弼 傳之於 揲 然實 亦未 也 敬 大指 姑 本, 一卷。 法。」今考之《文 出。 甫 載 有言 非 前 復 行,不 書》云: 略 於 寄。」 近覺衰耄 陳 朱 以 列 傳 此 同 氏 及 九 吕 子 >, 且 其 當 而 而 而 之舊 曰 圖 此 本義 氏 「《易 書在 俟 加 云 私 古 居 考 末 詳 晦

❶ 「經」,原脱,據《文獻通考》卷一七六《經籍考》三補

若

子

亦

亂

焉。 例, 書。 傳 自 坊刻 合程《 己變其 詳 失。 未 而 有 孫 載 王 與 本。 而 不 不 坊 矣。 季 出 不 輔 程 元 又一以 同。 滿 文宗 刻 之妄,亦 復 朱 嗣 和 子 後來 傳 於《易· 於 則 子《本 口 例 乃 鄭 按《古易 答 楊 》、《傳》用 朱子 是 去 天 見 至 伯 張 程《 改 康 朱 程《 曆 明 矣。 至 閎 起 本 不 訂 成 義 子 傳》爲主,反以《本 時 度 殁 永 中 書》考之,殊 義》, 傳 經 至 足 所 》從 王 宗 己 果 樂《大全》,依 未 語 鄱 亂 置辨 》二篇、《傳》十  $\approx$ 輔 永樂《 幾,而 IE. 齋 咸 吕 略 以答孫 陽 嗣 而 之《 作 本。 淳 氏 同 董 至 改《本義 也。 譜 時 宋 大 氏 古易》, ^ 門 其 ,天台 時 以《 季 從 本 晁 不 全 人 見 義 和 其説 相 又 節 節 别 兩 於 吕 義 而 **>** 篇 類 按 從 劉 齋 遂 董 爲 董 始 齋 論 集 極 朱 附 淆 本 蔡 説 後 程 氏 氏 IE 而 台

小

乃

者

氏

其

不

爲

語

儀 説 所刊 却 如 逸 跋 此 也。 刻,前闕 朱子明《文公易説》第十 通 房、 文集》,考其 董 嵩 於其 窠臼 程子《易序》、《上下 亦 後 篇 》載 注》之 楊伯 氏 皆 多 但 Ш 易後》,附 朱子辨 而 則附《 古易 後。」據此 自 非 矣。 而《文集》竟 不 已不可 起 精 以 朱子之作, 盡 板,當是《書 諸 跋 其 當 辭 E ○《易本 吕 則 書考之, 朱子 語 未 耳 意 考。 氏、 下 ),則此 亦  $\sim$ 及 斷 篇 明《吕 晁 恐 無 先公嘗 修 謂 按《會通 義 義》 篇 斷 乃 氏 未 之, 其 篇 補 臨 則 》於 義 非 九卷 語 後 然 説 乃《 改 氏音 漳 所 沈 則《文集》之遺 》,不 程 人誤 程《 折 訂 道 所 不 附 莊 書嵩 子 論《 衷晁、 載 刊 知 理 如 訓 傳 九 仲 見於 作 增 古易》今 所 太 易後》及 跋 圖 周 山 所 書 章 多 從 尝云 日 古易 易 鄱 臨 録 句 而 出 統 之 會 天 翻 是 漳

於《文集》、 朱子於《易 之上,各加 則 蒙》 邵子所傳,止 雜 絶 子 而 略 易 以 邵 之作 又三 = ^ 不 以  $\sim$ 》,有《本 本 ^ 其 者多 語 語 大傳》之文,故云:「自下 嘗 子之説 致 易 己 義 附 以 録 及 有 序 倍 疑 也, 八 意 九 九 矣, 》、講 之。 成 辨 也? 桂 其 **>** 後 圖 附 啚 義 0 八 而 書 説 門 有《先天圖 以 焉 之人以《 論 卦。 至 九  $\approx$ 盡 論 ^ 極 朱子 以 統 成 皆 **>** 圖 者 失 有《啟蒙 詳 啟 贵 . 六 儀 成 三畫 之不 其 甚 據 ^ 蒙 不見 ()) 於《 + 於《本義》 六 易 詳 今 本 啟 所  $\leq$ 畫 DL 已具, ·合於《 系  $\gg$ 本 指 蒙 傳 此 則  $\stackrel{\checkmark}{>}$ 本 而 挂 者 》依 義 於 即 其 九 義 此 而 而 後 **>** 也 本 敘 見  $\leq$ 於 而 圖 本 九 放 九 Mi 不 蓋 孰 以《先天 此 修 所 圖 掛 序 語 子 啚 州 卦 云 一,其説 伯 作 明 圖 受 方 其 圖 於下 所 王 置 「、其《八 令文 道 「》、《伏 位 氏 長 之 慎 自 邵 而 敘 |圖 重 作 則 丽 氏 圖》 伯 以 皆 王 漢 而  $\approx$ 康 横 如 得 孰 義六 爲 出 不

 $\sim$ 

伏

羲

六

+

四

掛

方

位

置

是

+

四

卦

次

序

圖

**\*** 

伏

羲

傳

之

耶

?

又云

伏

羲

几

邵

氏

按

邵

氏

止

有

汽先

天》

者

何

以

畫

卦

約

卦

圖

後

來

所

推

六

横

圖

朱子

義

啟

啚

未

·嘗

有

爲

又

啚

非

朱

亦

其

類

也

附

周

八

掛

啚

 $\approx$ 

 $\sim$ 

啟

蒙

**>** 

因

之。

至

朱

圖

六

則

注

大

傳

>

語

及

邵

子

此。

今

乃

直

云《

伏

羲

八

卦

次

敢

題云《伏

羲六十

几

掛

置

Ŀ

朱

氏

^

易

×,

皆

載

^

伏

羲

八

桂

考

其

真

僞

董

氏

X

并

邵

子

前

不

敢

參以

掛

長

得

之

希

夷

先

生

陳

摶

啚

南

之李

之才挺

之,

挺

之

得

之

. 穆

皆

出

邵

氏

是

誣

邵

氏

矣。

又

節

學問

源

流

如

此

漢

1

朱

氏

屬

之,

已

無

所

據

今

乃

以

移

桂

Ė

成

1

再

倍

四 卦 方 圓 圖 也 以 ^ 其 經  $\sim$ 世 伏 演 義 易 圖 卦 **>** 推 圖 M  $\ll$ 得  $\Rightarrow$ 文 之。 王 八 同

一〇八

必

以

奇

偶之

彰

彰

明

矣。

此

今此

圖

季

魯

問

易,

曰

此

即

答袁

機

仲

文。

又

其後

云:

此

乃《易》

中

乃後

人勦入之,以

爲

九

圖

張

非

黑

白之位

故

竊

疑

^

袁

而

易

見

者

黑

白

之

位

元

非

分

陰

陽

後

而

孰

傳

明之象,與《本義》不 詳、 之耶? 文王 爲《文王 爲 至於「乾天也,故稱乎父」一 易 皆文 坤 希 多 書》 以 畫 啟蒙》别爲之説 八 爲 乃 「揲蓍以求 夷 也。」是皆以 因 前 卦 推 求 問 所 已 自 八 以 於 圖 王 明 云 伏 有 不 卦 爲 周 説 伏 觀 示之, 乾」與「乾 羲 可 黑白 此 説 子《 次 掛》 羲 於已成 以 之 几 序 爻」,《 太 畫 黑白 明言之、《本 畫 啚 同, 圖 之位」,當 意爲之。 龜 而 極 桂 前 者 以 Ш 墨 之次 之卦 放蒙》 蓋 置 爲 之位代 奇 先 不以 又孰受之 是 塗 首 **>** 兩 偶 生 以 并 以序,其 其 存 前 朱 乎 亦 於 黑 以 入於 誣 節 半, 之。 義 子 ? 詹 白 推 乾 爲 類 希 書》此 袁 六 本, 非 圖 黑 奇 卦。 袁 黑白之位 至 卦 雖 以 黑白之位,亦非 書》凡十一,論 横 偶 淺 是 書》 次 甚 黑 以寓之。」後 而 等語,與今圖 古 序》、《 啚 相 白 中 又云「三白 愚 至 非 止 有 生 乎 所 知 而 近 節, 本 有 此 ? 次 言, 其 有,考其

啚

只是今日

以

意

爲之,

寫

出

書云:「僕

之前

書

E

自

謂

古法,今欲易曉,故

爲

此

序

,令人易曉

矣。」

則

又

明

今乃以一

其

未

爲

馬

兩

節

本

義

以

乾

求

於

坤

本

義》。

以

爲

未

伏

義六十

四

排

次序

×,

而

皆

不

可

也

今直

題

爲

伏

羲

則

以

黑

É

之位

爲

伏

之

畫

又孰受之而

孰

傳

之

耶

?

^

八

卦

黑白

之

位

而

無

六

+

四

=

黑、一

黑二

白、

白

亦

有

不

同。

此

書

云

之

四

圖

若

夷

矣。

黑白

僅

見

於

此

而

他

文

義

都

不

相

屬

傳 法 故 其 也 此 義 通 久 既 數 臨 皆 惟 九 文 掛 一考》載 有 没 嘗 爲 可 百 卦 無 訟、晉二桂 遯 以 元 疑 而 明 而 諸 謬妄尤爲 變爲 即 年 反 以 疑 奇 所 等十二 本 不 永 九圖、《筮 以 復參考九 爲 偶 也 筮 陳氏説《本義》前 篡 儒 知 所 樂《大全》出 六 來, 論 儀 説 多 人 ^ 有 十四四 爾 本 以 爲 其 卦 辟 未 學者 亦不 顯然,必 義 後之言《 其 爲 合,餘十七卦 變 有 桂 圖 卦 儀》遂爲朱子不刊之書 今圖 意 》之未 圖 有 覺 而 遂以 復 改《易 斷 所增 彖、傳、  $\ll$ 其 來, 以《 辩 非朱子 卦 斷 誤 啟蒙》詳之、蓋 嘗 本 九 以《 變, 列 非 損 本義》 者 本 圖 義 有 馬 九 改 朱子之作 卦 皆 本 義 ,則皆不 九 端 之舊 揲 圖,後著 變,偶 易 者莫 蓋 ×, 自 義》考之, 圖 改 臨 法 自 流 復、 而 附 爲《 明 不 揲 文 傳 朱 舉十 非 矣 合 姤 據 本 獻 法 揲 既 子 本 而

謬若是 失其 余故 以 璅 人以《 禮 禮 故,則學《易》者但 注 矣。 法」者,皆爲 子之作,而《通考》所云「前 在 儀 儀 説 有云: 廟 0 儀 禮 禮》「筮宅者北 觀 有 本指者也。 士冠 統 日 筮者皆 今詳《筮 啟 禮 》,此等瞽説 相 而 耶 蒙》依 业也。 者北 ^ 筮 審擇其是非 發 ? 禮 易》 明 相 西 **>** 者 由 儀》之文,絶 面 九 者 傳 朱子 放 面 特 是以 今考其 北 0 **為**為之, 圖 之誤, 别附於後,世之君 牲 惟 見《漢 今直 面 非 贵 面」之文, 不 令士 饋 言。《筮 焉。 朱子之作 不 見《 又雜 知 食 丽 大 云 見《 喪 上易叢 不 略 不 禮 另有論後數條,文多 何 列 儀 禮 筮 儀 口 以 儀》亦 來 類 如  $\approx$ 九 禮 丽 签 者 ? 己 以 禮 朱子 此 圖 少 並 也 説 意 據信 北 其 後 牢 未 者 推 宅 斷  $\forall$ 按 面 語 子 嘗 饋 後 有 著 非 求 以 碎 而 而 矣。 得 義 盡 引 其 朱 疎 考 見 食 儀 其 不

不 載

FI 年戊 戌 四 + 九 歲。 秋 八月, 差 知 南 康

軍

旨 按 辭,乞宫廟差遣。 不許 八月差 辭免,令疾 知 南康軍,即具狀辭。 速前 據《 與吕伯恭書》,十 去之任,又具劄 十月 月 奉

至十二月,堂 後 又有三劄,託 帖 又趣 袁 機 行, 仲 爲 亦 投 見《 而 與 未 吕 之投 伯恭

在鉛 書》,故次 Ш 候 年正 命,又具《乞宫觀狀》。 月復具狀 請 祠。 至二 三月,省 月,

劄又 洪 趣 本。 行,三月三十日赴任。 ○《行狀》云:「差發 李本太略

今從 軍 事 辭 者 四,始之任。」此 謂 八 月 遣 辭 南 免, 康

四 也。 本 傳》「再辭,不許」,誤。

· 月 請

祠,

正

月請

祠

一月

請

祠

辭

者

凡

六年已亥,五十 五 日 啟行 候 命于 歲。 鉛 春 Ш 正 月, 復請 祠 0

> 言漕 云 書 海 除 自 軒 南 南 十三卷。 按 年 許以 在 與 東 軒 南 語 爲《年譜》之證 譜 出 詹 自 康 丙 司 則 萊屢書勉行,今《東萊 》 爲 趙若 儀之 别 戊 申 此 處 圃 南 有 戌 以 據 與《年 之計 此 軒 海,其 兩易其任 秘書郎 書 Ŧi. 書 集》 月 如 譜》所載 所言皆 而 按《 移 無之, 何 非 在 集 之除 知江 莫須 也 南 丙 軼 一當在 申 軒 弗 静 或 而言,非 陵, 意 無 集 載 脱 江 集》可考, 略 疑。 T 朱子 耳 事 出否?」 漏 酉 同,然此 與 也 朱子 己亥也。 若己亥, 八月 或以 而 又 趙 今以 書 而 在二 書》 此 方 中 南

陸 子壽 來 訪

譜》 從 李 Ш 洪 本 年 繫 譜 附 本。 於 載 謂 鵝 候 湖寺 命鉛 歸後 按 ^ 兩 和 三年, 山下,洪 陸 鵝 詩 湖 之後, 乃 寺子 本另立 和 此 壽 非是。 詩」, 韻 一條,今 ×, 此 ^ ^ 年 因

朱子 静 贈 耶 方 指 無 自 謂 極 量 在 故 訪 别 别 更有 子 猜 悔 各 論 》,戊戌 候 ? 鵝 子 在 日 離 四 離 [三載 其前 壽者。 壽 降 執 多合,《 命 無 湖 己亥,中 故 句 三載 猜,降 深望焉,庚子 之來 於鉛 所 載 斷 心 則 則 説之誤 正《祭子壽文》所 見,乖 而 以 從善」者也。 今改 祭文》所云「 Щ 又」字 鵝 云 此 承 間 蓋 心從善」者。 湖 詩 鵝 隔 鵝 偶 「又 然 異 Œ 會後 爲 故 湖 湖 丙 扶 不合, 考 下 五書,皆有 鉛 在 言 申 之 枉 藜 其 不 1 三年 鉛 山 會 杖 藍 實 故 按《 得 朱子 志 來 又 Ш 在 出 云「志 輿 西、戊 亦 曰 若 也 口 訪 也,子 答 追 安得 Z 寒谷 度遠岑」 非 此 道 在 時 和 未 又 東 招 也 時 其 合, 鵝 枉」。 鉛鉛 前 同 戌三年 作 舊 萊 徠 壽 湖 道 韻 學 第 引 於 論 蓋 此 則 極 詩 Ш 商 若 子 語 則 自 之 頗 以 與 則 云

其 俱, 氣 非 詩 壽 之意 相 年 也 不 乃 於是知其 此 "; 而 實 下一之 口 子 0 四 詩 乃 同 其 誦 按 」其時,二 而 句, 言 也 ,子静以 以子静之言爲 前 卒 東 壽 及將 象 壽 其 子 後 攻之,以示 萊 過 從朱子 朱子 語 既 Щ 惓 壽 是 不 苦 稱 訪 會 語 卒, 惓 早卒,《復 子 可 之, 心, 陸 爲 東 日 鵝 故 録 壽 之 以 而 之説 萊 與 然。 湖 鉛 有「著實看 學者不 與 挽 心 子 乃 「子壽早已上了子 朱子辨論皆不合, 子壽 學者,俾 Ш 子 是,遂 口 子 故 静 可 之訪 齋集》不 幡 也。 静 静 之  $\sim$ 鵝湖之會,子 想 與子 然以 祭文》所 之學, 可以不之考 再 潰 作 見 亦 至 書講 不 決 静 鵝 矣。 乙巳、 孩 惑 傳於世,後 辨 益 不 始 學 湖 論 於 提 云, 論 甚 與 終 問 所 癸 知 其 丙 本 子 蓋 見 後 静 壽 朱子 心 而 卯 元 也 爲 静 紀 平. 舉 子 船 有 以

李、洪本無此兩條,今從鄒本增入

請祠,不報。

狀》以 在四、五 吕書》及《自劾 按《 己亥兩請 《與吕 疾請 一月間 伯 皆 祠者五 恭 闕 書》云: 狀》, 不 六月,以 載 , 而其 文集》 故 已走 無 疾 狀 所 介 請 止 則 考,今據《吕 請 祠, 皆 載 祠。 其 闕 亦 見《 其  $\sim$ 其 與 行

書》補人。

作臥龍菴、祀諸葛武侯。

三月,省劄

復

趣

行。

是

月

晦

,赴上

見稱於世,豈亦有

幸

有不幸

郭

壽之亡,於後學大有關

係

,而子壽

乃

不

衰

其

痛悼幾與南

軒

同

矣。

東

萊

亦

以

而

與吕伯恭、傅子淵

書,皆

以

爲

吾

道

之

《祭文》,並附以

卒後三書,以

見

其

概

俾

後之人有考焉。

 $\sim$ 

祭文》敘

述

最

爲

詳

明,

者,甚

司

惜也。

今盡載《語

録》、《

文集》及

生

平,遂

爲

子

静

所

掩,

迄

今未

有

發

明

之

但

據

鵝

湖

之會,同

稱

陸

而

子

壽

之

三月,

省

劄

復

趣

行

此

於《

文

集

**>** 

無

考,

月而誤 之庚子冬,此 改 而 書》及南軒《臥 按 作菴 Ē 起亭又在其後、《年譜》未明、今據記文 也,今改正。 在己亥 因《臥 龍 五、六 菴 龍 詩 月 菴記》在 間 菴成,即祀武侯, 最 明。 見《 庚子十一 與 年 吕 譜》 伯 載

六月,奏乞減星子縣稅錢。

修

李、洪本注皆不明,其以不合用劄子自

復劉屯田墓。 夏五月,遣使祭唐孝子熊仁贍之墓。

也。」

則三月晦

赴任

,必更有省劄趣行矣。

乃可去。

蓋已報本軍官吏,以

嘗

請

祠

與呂伯恭書》:

一欲

某赴官,須

更

得

朝

今從李、洪本

三 三 三

考。 納 年、五 如 顔 其 得 從 交納,近一年 也 劾 此 ,俱見《文集 提 以 民 與 又 便,送 李、洪本皆不載,今仍之而 舉 輕 王 今從鄒 年 是 師 減 漕 未 魯劄 商 師 納 起零殘 事 本 税 -改撥 愈 錢 \*, 改 子,言本 劄 李、 絹 兩 正 而 子, 入都,乞仍令赴 之數,悉 條,已載 」,又「乞 洪 其 乞 本 事之行 軍 將 皆 按 米 從 淳 附 其 鄒 減 斛 蠲 熙 否 於 目 移 本 存其 舊 免  $\equiv$ 增 於 用 其 則 建 赴 ; 年 庚 錢 下 乞 大 未 康 又 建 9 子。 額 略 有 交 康 聽 與 几 非

冬十月,復 皆從 於 敕 《文集》、《行 李本太略,洪本 朝 額 ,得賜敕 及 賜 建 李 御 白 狀》補 本 書 額及御 鹿 無 石 洞 ·爲 經 詔 書 正 詳, 書石 監 院。 皆 然 從 本 0 經 焉 亦多未合,今 洪 九 經 本云:「請 監 兀 以 本 字,云「言 鎮 九 經, 詔 考 賜

亦 其 有 删 嘗 先 始 留 明,今改正 僅 之 於其下是也,而 兩 並 額 則 而 聖先師 偶 間 議 於冬十月,次年三月告成。李、洪 後 南 去。 本 實 録 載 得 亦 復 像 言 假假 康 語 本 日 東 同 洞 〇朱子是 設 年 之 焉 也,其事 朱 萊《白 兩 事 洪 之稍 主 -譜》未 也。 爾 以 子之意 不 語 當 本 廢 落之,則 詳,今止 在 世 鹿 凜, 〇告成,率寮屬 官 洪 此 朱 1: 又迄不行,今亦删 洞 本 明。 概云「累數月」, 乃 也 略 子 使 時 寅 考《 書 所 去郡後 若 如 屢 得 ^ 是行事 院記 乃《辛 載 曹 載亦不全,今全録 ^ 白 祠 請 罷 備 白 其 立 鹿 官之人」 郡 員 祠 鹿 》,是東萊之文, 一之墓 目 事 洞 故 丑. 時 洞 亦 與 可可 云。 諸 學規》,李本 延 旋 賦 未 學 與 表 生 等語 和 不 立 》,李、洪 去。 其 徒 時 必 釋 載, 主, 奏劄 能 宰 是 講 辭 本 菜 云 未 附 役 賜 道 於 不

申請賜晉太尉陶威公廟額。

後 教,而 載。 乞賜 公狀》, 法。 按《狀》所 陶 乞賜 今從鄒本補人。 威 誤 公廟 也。 廟 額 額 稱 鄒 不 《文集》作《乞加 本已改 發 更 明公之忠 别 正。 賜 李、洪 爵 號, 義, 本 有 尤 封 皆 陶 補 可 爲 名 不 威

縣税錢。● 二月,復奏免星子

南軒張公計至,罷宴哭之。李、洪本無,今從鄒本補。

之耳。 軒張 今從洪 道 文》,洪 洪 人欲之間」語 》,洪本太略,文義不明,今增入。○按 碑》有「疾病 本「疾革時」以下語,李本無。 公計 洪 本 又 至,罷宴哭之。 ·, 而 本 載 略 與 兩《祭文》 則 載 垂死,而 吕 必 兩 伯 舊本  $\wedge$ 恭 祭文》, 口不絶吟於天 書》, . 所 則全載。 有,而 李 李 删 亦 今按《神 李 《與 後 删 氏 去。 吕 祭 删 理

> 十四四 書所 今以 知 書 即 對值 集序》,其前 而《 在 至二十四卷頗有 率多論事之辭 年亦可考。《南軒集·與朱子書》二十卷 卷皆以年敘,三十二卷則 朱子《文集· 也 焉,此甚 亦不載。 如《太極 南 . 卷明依《文集序》,或後人以定叟本改就序文,未可 舉 兩家《文集》參校,其問答不甚 軒集》今刻本非 中 朱子《文集》自 南 和 軒 一不可 圖 後同異之迹,較然分明, 舊 南軒於丁酉後,尚有十餘書, 語,多 與南 解跋》,明言敬 説 曉。 耐 序》及《南 錯互,然其年亦尚可考。 軒 發明道要之精語皆不 不見於《南 豈朱子《集》多所 書》,三十卷、三十 朱子所定本 Ţ ,西後 不 軒 夫以 以 祭文》、《文 無 年敘,而 軒集 書, 書來,其 郭? 分 而 而考 遗, 中。 明 其 四

● 「奏」字下,本《年譜》正文有「乞」字。

六

考》: 故 矣。 摸 後 别 王 軒 載 丁 之《文集》,反不 几 又 後覺其 同,與《祭文》、《文 石子重、范伯崇諸 巨 節 帙 + 出 爲 ž 語 不之察,便 者, 及之者 西 以 遂不 甚 編次,正 四卷,見於《文  $\overline{ }$ 語 . 無 而 古 略。 誤 後,所謂 一敬 南 流 卷 類》 不 少,而 復 即 軒集》三十卷、《奏議》十卷。」 傳 數 夫 足 蓋 以 售 爲 已 加 廣 未發之云, 據 南 南 〕改之。 -得其所 甚 此耳。 模 同 ^ 黄子洪輩 文 軒早卒。《 也 與《方書》合。 軒 刻, 歸 集 書 集 可 集序》亦言 序》 丁,其 序 爲害不細。 恨 胡 ○《文集 但舊 致 據。 然誤本先行 也。」朱子 乃其 氏 者 無 早 又 語 而 門人 説 不 今録 年 非 録》多 定 則 相 初 已 論  $\exists$ 足以 絶 串 馬氏 中 合, 傳 年 何叔京、 與 議 一用 所 往 所 無 學者 在 議 方 其 此 知 之 别 貽 編 而 日 所 論 異 南 通 曾 賓 本 本 所 考 至 四 次

注語 姑記 本,而 言此 摸 載 + 義》,亦引朱子 氏 證 與 咸淳後,馬氏 之本,定叟之本,未可知 侯傳》及《語 書》七十三首,今本其數亦合, 文集序》所 南 朱 朱子 印 其 日 四 也 軒集》刻 朱子 先 於 卷, 子所編次不合, 抄》,其 中 馬 行 此 序文,而 氏 頗 而 所 者,是馬氏 語 有參 以 獨 於《文集序》亦 未及, 於梁溪華氏 定 録 編 俟 相去不遠,不應黄氏 此 未 **%** 本 次 是從《文集序 不 錯 質 之見,此皆 言所自 黄氏 則 與今刻 焉。 故當 而 黄氏 疑即定 固 武 《黄 既 不 凡 也。 疑 侯 》來,非《南軒集 所 來, 不 略 氏 未 見 有 傳 之。 見 日 載 叟四 四 同,《 之考 朱子 黄 又 抄 未 其爲 **>**, 但 十四四 卷 》,於 氏 無 末多《 又 可 數, 巨 與朱 所 也 見朱子 他序 語 在 考《 一卷,止 帙 曉 經 編 又不 朱 度 録 着 者, 筵 子 武 黄 今 口 几 而 此

三月,請祠,不允。

李本。明。洪本以三月爲二月,誤也,今從班正月請祠,三月請祠,兩《乞宫觀狀》甚

申乞頒降禮書。

儀式 儀 書狀 兩 祭之禮,則 書之後,免致 後狀只以 祭祀儀式,其云未詳 索,精加校勘,不須 昏喪祭之禮,鄂州見有印 臣民以下冠昏喪祭之禮,元有兩 按《乞頒降禮書》: 。鏤板 狀 》中小貼子。 而 而 E 頒降 所 前所 皆有 敘 至 則 疑 故 未 欲 禮 惑,復 所未及 禮部符下,止《政 明, 兼 申 部 别行鏤 有 審 請 故 備 兩 者 州 有更改,而 編 而 附論之。 也。 項 言之, 本,只乞行下 縣祭祀儀式, 欲申審者,祭祀 類 板。」見《乞頒降禮 圃 《年譜》 州 其 縣 庶編 項,其 書 和 〇又按 臣 冠 未 五. 本 民 香 類 成 禮 禮 之 喪 成 取 冠

> 學之下,今依 降禮書》當 增修禮書狀》在淳熙七年三月,則《乞頒 在 鄒本,别 其前 矣。 立 洪 本敘 條, 而統 於三 敘 月 其 修

事,不更分析也。

夏

四

月,申減

屬

縣木炭錢

文蠲 千 任 今從李、洪 而 按 劉,已送使司指定。」則是 司 緍」, 其 , 未 ( 論 之初,即 狀 減、《年譜》 蒙 木 見《與 則闕,今據《文集》補人。 行 炭 本。 具申泉司,至庚 下, 錢 王 利 漕劄子》、《與吕伯 此 不免具 害劄子》云: 必 有據。 申 已嘗具 朝 子四 其云「歲 廷。 0 月, 狀申省, 朱子 恭書 今準 已 方奉 申 減 到 省 使

應詔上封事。

●「錢利害」三字原脱,據《文集》卷二○《論木炭錢利宝

若天 監 熹累 平茶 軍 甚 雄 禍 間 亦力言之,乃止。」○李本《年譜 自見矣。」上以 不若因其長而用之,彼漸當 守金陵,過 也 知。」上讀之,大怒,曰:「是以 本傳 0 一。」熹以疾請 利病 司、郡守條具民間利病,遂上 ,則人之譽之愈衆,無乃適所以高之。 言於上曰:「士之好名,陛下疾之愈 ,必至之憂,近在朝夕,而 『熹 熹極 鹽 涵地育,置 召不出 公事。 ,遂上疏言云云。 狂 論 夏,大旱,韶監 生, 闕 時 雄請處 入見,●薦熹甚 詞 事 爲然,乃除 祠,不 〇《宋史 而 ,上怒,諭雄令分析 窮理 不 問 以 報。 短 外郡, ●命知 可 0 ,罪之適 司、 且 熹 也。」 趙 陳 事 曰 : 陛 提 郡 雄 俊 力。 任 會 傳》: 舉 下獨 守條 **\***: 卿 「莫 成其名。 則能 疏言云 周 我 江 宰 以 時 必 南 爲 未 大之 相 舊 西 具 大 雄 詔 康 朱 常 之 相 否 趙 民

> 舊職 語 解 能 則見於《本傳》。 「上讀之,大怒,曰:『是 趙雄令分析。 知南康軍朱熹上 增「時大旱」三字,「大怒」下增「日 云「宰相 令其分析。 云。 ○《續通鑑 是以我爲亡也。」熹以疾請祠,不報 似 ,則見《趙雄 否自見矣。」帝以爲 與《行 候旨。」〇按《行狀》止 是後人竄入,未必果齋元 趙 雄」,又改「詭 狀 》:「六年夏,大旱,韶求直言。 》所 趙 載 雄言於帝 傳 雄 略 **>** 詭 而令其 疏,上讀之,大怒,曰: 同 中。 詞 而 詞」爲「力爲」,餘同李本。 然,姑 小異。 救 ^ 曰:『士之好名至 年 分 以 解 是以我爲亡也」,句末 譜 析 載 乃已。」洪本首 我爲亡也。」 置 上 > 疏 不問, 熹仍 讀之大 雄 兼 本 語,其云 詭 也 採 詞 兩 怒, 傳 救 諭

0

<sup>●「</sup>入見」二字原脱,據《宋史》卷四二九《本傳》補。

<sup>「</sup>處」,原作「出」,據《宋史》卷三九六《趙雄傳》改。

其 也。 雄 實。 知政 之「除 上 政 疏 之好名」等語,亦 蓋嫌於自 陳 屬之「除江 書》,相距 子 本道守令五人,其 請 語 意 事 不 見 丞 事。 降 處 李本所云 應消 前 ,故皆言之。 於 雄與南 相 付後 以 江 本 陳《行狀》。 判 贊而隱之也。 是時,趙雄 朱子聲望已高 西 外郡」,正 改 詆 建 已三年, 省。 常常 一詭 西常平」之上 一趙 軒 康 如 記詞 爲 平」之上,皆誤 雄 此 人 不合,其爲 中書、門下外 詭 或或 指 詞 在 見 薦朱子見於《 爲 「力爲」, 而 至 《行狀》云「某人」,疑 而 救 出家 在 丞相 此,而《本傳》并以 知 本 八年,罷 解 雄 淳 南 一, 傳 9 詞 上 此言 蓋 傳 熙 周 誤 省謂之後省,宋 康 以 過 不 於《雄傳》,而 增增 意 也 五. 時 也 識 甚 必大爲 過 1,亦以 改 亦 判 年 其 與 未 頗 闕 建 趙 意  $\wedge$ 似 朱子 其 陳 也。 即 雄 向 雄「士 康 迎 非 之 可 參 薦 師 朱 改 傳 不 子, 此 薦 知 知 屬 薦 朱 其 中 載

近例 者。 或宣 集 是 求直言」,又以 其 文字,乃送後 定從《行狀》,而其他一切削去。○《東 大抵《宋史》本傳、《 候旨」,絶不 愈不相合。 年譜》本之,至《 一字, 封 令監 虚 • 與朱子書》 事 觀之, 傳,此 似聞 付  $\Rightarrow$ 續 宰 所 司 條 揆及新參,皆常於榻 執 通 載 縱 間 成 具 又云「 鑑 甚 略 使 省 却 民 并 語 雄 明, 看 無 看 不 云: 續 間 訛 好名等語爲救解之詞 却 姑置不問 以 人調 詳 聞 趙 而《本傳》 通 利 降 移之六年, 以 也。 雄 病,乃 復 鑑》,舛誤益甚。 若 護, 益 傳》已 進 深 付後省之説 訛 尋常條 人, 亦不 於此 可 某 誤增「大旱」 一爲淆 前 可 議 少 至有 者, 爲 且云「詔 調 臣 有 陳 仍 護 雜 之 外 有 舊 利 笑。 萊 付 時 害 必 今 職 而

「問」,原訛作「間」,據前文改。

0

語 不言 實。 之意 言,不以爲 聖主,有 揆 言,亦不 甚 今考李本, 所云,當 相 虚 得之邸吏,其《與 疏 及新 「,傳聞 傳也,東萊 出 不 朱子《 新 雄 也。 於 相 ,幸密以 書云: 參,周 傳》 諒 參,皆常調 忠 以 未 假 不 或 者 憤 與周 必 借 忤。」此必得之周子充,乃 確 爲 言 則有之,洪本又增入《本 云《宋史》所 懇 必 然,而《行狀 既 之語 偶 件。」按降 見告 不 納 趙 大, 切, 有 參 過 未聞耳。 用 雄 江 調 政 也 以 之意。」則《宋 護。」 東陳 詭 固 初 護者 後 爲 。」東萊後 劄 參 詞 不 書云: 付後省 好 揆,趙 子》亦云: 知 帥 救 可 載 影元 前書云:「似 名耳。」 即即 政 書》亦云爾, 遏 解, 當 是嘗 非有 事 因《 E 雄 1,朱子 書云: 而 上 史》 庚子六月。 容 不 一容納 時 年 「似 有 所 · 著 譜 垂 爲 兩 納 審 以 避 譴 · 傳 》 聞 其 讜 讜 奏 怒 गां 傳 諭 其 派 罪 爲 非

也 薦 欲 傳》 於 悚 偶 命。 《宋史》之襲《年 又朱子至南 之,故江 知 中 書 吕伯恭》、 不之及。 以我爲亡」 其 建 惕 與 所 因 書》云: ,以證《年譜》之誤。 以爲出於史浩, 本 (遠去, 康爲 罷 不 傳聞 以 臧否支郡及之。 假 判 · 傳 西提舉之除、《行狀》以 知所言。」 《與江 借 明是《年譜》之用《宋史》, 支郡,故云爾 嘗污丞 試 建 》敘 以書言之,則 康,以 稱 語, 康 郡 道 次亦未爲誤, 之 至 譜 東 者,過實 相 無狀,幸及終,更復 薦 疾請 周必大 按 陳 》也。 薦 混 亦以 師 帥 墨,是 比歸 祠者五,諸 而 ○《文集 **∀** 中 今附載朱子《 爲 殊 不 亦 陳 南 與 福 甚 見 以 言 分,則 而 以 相 康 周 公子 一,使人 有此意者 劉平父,乃 陳 過 以 爲 之除,《 則 0 參 相 闕 過 與 書所云 H 兩 非 政 之 愧 闕 意 力 叨 南 而 陳 本 是。 之 薦 薦 與 本 除 不 康 懼 皆 師 非

年

丑,五

+

歲

月,

陸

子

極明,而《本傳》以屬之上疏言事之下,尤

非是,今并附論於此云。

請祠,不報。

閩 禱 李、洪本無 本 丽 載 備 於 災, E 則 封 按南康最後《乞宫觀 當 事後,今從閩 在 六月 後 ()而未 本。 詳 狀》,言 其 月。

大修荒政。

狀 亦 别 南 則 李 法」者,必 目 本 於後。 》, 立 康言, 舉 删 ,而以《文集》補 本略,洪本詳,而 其 去。 條,今從鄒 以《文集》、《奏狀》、 略,而 今亦删 一考於《 所謂 推 廣 節 一設 御 文集》而 去。 目 筆 本。 施 IE 則 指 次第, 修築沿 大概 揮二 未之詳, 其已見《行狀 口 按 則同。 、《申請 知 人争傳録 事,則 荒 江. 也 政、《行 石 今據《行 堤, 不 今據 具 以 列 鄒 專 》者 狀》 其 本 洪 以

來訪。

甲 敕 稱之。 子之論 静《白 常有 其 以 静卒 意; 有深 感動 鵝 按 表 未 (前後 令所 辰,因《曹立之表》,遂與朱子忤,然 博學、審問、慎 裹 湖 相 陸 不變。 望焉。 之會 得 氏 招 不 識 鹿 而 一二,實 删定 壬 殆 敘 之學,與朱子合下不同,故朱子於 徠 時 人, 洞 請 寅 無以異,而 即 詞 勸誘之意,蓋於 講 書 可爲吾道之助。 議 見《年譜》。 子 其後,子壽從朱子之説,而 斷 官,名位 極 義》, 墓誌,疑亦 有 論 其 爲 静 爲己之功; 不合,然察 、爲「禪學」。 謙 思、明辨、篤 人爲 力言義利之辨, 下,故 平 略 南康 或 日所言絕不之及, 與 子壽之遺命 子正 朱子 來訪,或子壽之 陸 朱子 其 故 又 與 氏兄弟 行,其於朱 操 **八張、** 吕 精 雖 跋 侔矣。 癸卯 持 不 神 語亦 而 書 謹 合, 氣 終之 惓 可考。 魄 質, 遷 亟 惓 而

皆辨 爲子 説 程 説 衆。 極 矣。 天實 攻之, 遺 子 對 子 至 以 丙 合也。 壽 此 餘 氏 午 静 不 Ŧi. 則 詳 爲 説 朱、 壽之亡,於後學大 之 既 劄 至 力 復 戊 亦有 亦 之,亦 盡 得 然 程氏《閑 盛 所 申 歸 書 陸 在 朱 判 子 子 其 行 能 未 而 異 講 雖 子 Z 然 遂 壽 静自信 大 挽 然者 始 吾道 後 已 學 有 同 與 有 與 前 概 口 同 闢 之説 象 不 書 來 朱 無 在 丙 0 終 録 樂 之 而 子 Ш 極 可 甚 假 ,子静末 午之後 明 異 × 今不暇悉 不 間 無 爲 一篇 中 聲名 而 爲 使 太 謂 有 陳 幸 有 敵 異 亦 子 極 有 其 氏《 關 自 誤 也 年 矣。 同 未 之 益 功 静 自 係 待 之論 年 疑 處 學 知 肆 辨 於 甚, 先 葱 論 甚 信 蔀 蓋 未 其 朱 東 其 吾 卒 高 嶺 也 陳 先 萊 必 必 子 詆 徒 相 矣。 辨 通 道 帶 氏 見 亦 猖 訾 黨 半 辨 則 誦 不 亦 吾 者 來 説 之 之 益 以 迨 此 其 非 狂 口口 不

者 之, 没 昔 能 謂 銘 子 卒 朱 亦 無 言子 子之説 壽 去 湘 盡 其 自 ,朱子以 以 ,其爲《白 静於此 以 短 亦 無 粗 故 濤 言 舊 異。 静 舍 則 辨 集 提 有 心 亟 舊 鵝 子 陳 日 亥三月 長」之言。 撮 浮 已 取 稱 説 庚子 湖 其 亦 習 静 規 處 文祭之, 極 氣 轉 焉 其 鹿 之 年 無 矣 模 所 詳,見所 步 ^ ,子静 書堂 ^ 來 非 異 徒 終 講 見 蓋 而 癸 祭吕 矣。 論 訪 致 在 於 義 而 亦 卯 未 著 講 T 參原, 明言 0 **三** 朱 來 約 猶 以正學 **\***, 非 曾 ^ 東萊 義 未《 明 子 而 訪 來 與 以 而 曩 移  $\forall$ 頭 年, 於 朱 鵝 考 時 遊 與 項 於 望 贵 時 文》 身」,見 幾 学 兩 子 湖 廬 鉛 子 平 其 於 矣。 E 足 與與 自 緒, 於 所 阜, Ш 静 子 與 父 逆 酬 朱 來 南 見之非 《答 書 書 符 東 壽 料 乞 追 子 子 義 遂 而 又 康 吕 之説 者 復 出 書 壽 惟 從 其 子 按 伯 又 仲 不 蓋 墓 壽 朱 有 望 西 曩 既

未

施

行

則

所

去。

至

人

尚

未

推

按

延

和

奏

諸

語

則

在

延

洪本最

爲

姑

夏四月,過江州,拜濂溪先生書堂遺 於光風 《文集》、《語類》無及此者。 極,又 作 説《太極 爲 洪本 李本附注於去郡 也, 詳 洪本附《太極 悉。 與《太 説 霽月之亭」, 按《文集 圖》義,爲 中 《年譜》 止 極 言 圖 一説 V 陰 . 下,洪本另立一條,今從 説 劉 濂 Ш 陽 子 語 解 溪曾孫、元孫等設 北 按《太 動 俱 澄 紀 絶 静 來 舛誤,今改正 行 不 極説 南 謁, 無 詩 相 軒 》,敘 請 應, 有《 》非朱子 語 像 爲 朱 太 及 諸 次 太 食 最 極 生

陸 卯《 《答符復仲書》,庚子後;程注 前之所 有 攻之。 言 矣,故皆附 正 寅後多稱其官,此只云陸丈,當是庚子、辛 之吴茂實書》,庚子。 其 矣。 向 學亦未嘗不取其善。 大之心,而惓惓引誘之意,亦具見於此 舊 來 舍短 與項 説 支離之病。」其 而子静後來聲望 所 論 凡子静 ,日以横 幸 集長」之言, 平父書》、乙巳《答陳 尚 載 邇 未 於 來 前後之異同,又有若此 盡 H 肆,朱子不得已而 其 用工 所 曲 是時,子壽尚在 益 以 折 以 夫頗 可以 招 高,徒黨益盛,恣 也。 戒厲學者, 見聖賢 不詳 膚 仲 H. 何 間 書 時, 也。 公平 耐 然壬 也 於 俱 癸

誤,今亦删去。

待次。 三月, 此 條 除 從洪本,而第三事以李本删數語,末 提 舉 江 南 西 路 常 平 茶 鹽 公 事

《仁説》,見《文集・ 子《集》耶? H. 説 李本删去。 收 》,當 藏 刊 以 於高安、朱子與 俟考訂。 浙 仁説 本 以 デ 豈此 南軒《仁 注。 南 書, 此 軒 謂 或其類,今從 作 一説》爲 其未安, 而 誤 朱子 入朱 須

月,東萊吕公計至,爲位哭之。 篇 竄 自 洪 此 譜》李、洪 李本《年譜》云:「吕公定《周易》爲十二 法削之,存 又載「昨見 《序》謂 公本改 條 成 ,朱子深喜而從之。」又謂: 書,末云「其 乃 據 一家之言, 此 大 之, 「舊本之猥冗左謬不合法者,悉 兩 ,則非特以 相 奇卿 者十之七」,而 亦 反。 本, 未 切磨之意 詳 敬 知 有補學者。」 李 孰 略 本於 扣 意 是果 不同 以 删 東 比 削 如 不言其 齋 萊 日 而 此 也。 以 元 若 講 無 《大事 <u>L</u> 本 大 授 有 與 有 洪 也 洪 異 按《 次 譏 本 所 本 記 焉 當 年 同 改 獨 李 以

東萊 未可 諸 而言。 年 去。 本 有 誣 之書,遣詞 戊子、己丑 山教授時,其年在戊子、己 東萊祭文》及《與劉子澄書》,其傷悼之 論》、《孟》之説」,竊疑 與 敘 則 所 生讀《左氏》及諸賢奏疏 書,在三十五卷之末,當是 東萊,並 東 〇朱子《文集》三十三卷、三十 自 頻頗 知 卒之下,若欲 附 ,明是 萊書》,皆以 《東萊年 也 見 來,非妄改者。 有 於此。 命 有書言「向見 後 淆 誣 且 來續 譜 意 亂 朱子矣,此 此 『》,《博 亦頗 洪 書 以 年敘,三十五 李 本 議 在 此 本 載 傷 早 或 》成於戊子。 蔽 今定從 所 丙 此書 與諸 巧」,蓋 中《與 年 有 其生平者,不特 載 而 不可 **H**. 所 「昨見 而 在三十五卷 生論 。 三 十 三 東萊居 增 吕公帖 洪本 不讀諸經、 李 指《 卷 不 損 本 無 説 則 辨也。 改易, 博 奇 》,亦 系 但令 左 四 明 不 而 議 卿 於 氏 招 以 卷 卷 李 之歎

見

與與

流

傳

意

相

能

矯

耐

夫

説

箴之者尤力 之弊,故 處。」 與 張敬夫 之弊 革 有 同 今掇 南 有 細 東萊充養 子當自言氣 東 又云: 太 朱 所 書 軒 如 萊 東萊每 亦是剛 子 ,然東萊之學多 書 至 取 快 不足。」又云: 無 書》三 此 嘗 如 東 以 處 朋 見 「氣禀與家學之説 温 論 異,而 萊 故 功 南 以 友 其 明不足耳。」此 遂 湘 厚,多所 卷,具於《文集 與朱子三書,及朱子 追 利之説 軒 質之偏,多有 真 此 概,俟後之學者考 啟 中 原 書 不易 爲 李 流 學子 云 其 規,與南 本 伯 傳之弊, 始 於 得, 包含,朱 自 頗 之弊, 博 有 恭 近 是 失 旧 雜 皆 拖 後 却 來 奮 其 凡 軒 處 與 亦 與 誠 伯 來 子 發 旨 泥 有 事 語 此 用 此 朱 謂 帶 曾 恭 直 所 不 浙 然 似 相 焉 功, 略 水 學 子 容 與 復 欽 講 前 以 朱 於 百 而

果

斷

論

詳

也。

載

南

軒

朱

子《

情

與

記 哭東 日 後 月 + 此 卒。 與 情 華 集 偶 有《祭文》, 月 同 暴亡也 誤 九日卒, 軼 如 間 俱 不可考, 之行,今既 . 古 公劉》章。」而卒以二十九日,蓋 東萊 與 之 十二月,朱子之任 往 此 萊墓,是所謂「不爽前 東 也。 朱 非 耶 一哭伯 劉子 萊 子與 盡 獨哭東 ? 文 聞計當 日 姑記 文集 以 而 澄 恭 集 聞 記》 抑 東 東 爲 書》言 > 以 於 亦 伯 有 萊 東 萊 萊墓,《 . 在八月、《年譜》系之七 此 祭 恭 不 萊 與 有 墓 答 計 南 東 爽 約 之 親 書》, 浙 十七 軒 前 萊 文集》無祭文,豈 直 過 往 決 東,明 東 而 墓 書》, 約 約」者,生死 卿 當當 也 日 在 則 萊 七 來 也 乃 如 卒 月 以 無 在 年 春同 修定《 遣 約, 前 之耶 東 是 七 七 Ē 奠, 又 久病 月 月 月 萊 歲 某 爲 ^ 詩 故 望 几 交 往 别 金 E

是月 使令趨: Ψ. 薦 集 得之,今從《續  $\pm$ 是 浙 按 本傳》之誤 茶 》編 八月 東 時 朱子《上宰相 改除 而《本傳》云「王 鹽 憊 爲 次者諱言之耳。 爲 臥 公事 走之末。」此 甚 提 右丞  $\blacksquare$ 舉 間 Ľ, 浙 兩 通 續 相 東之饑, 則 而 浙 書》云: 鑑》改 此 通 非 明 東 迁寅年 淮改除熹提 鑑》云 公金實 路常平 矣。 宰 浙 Œ. 相則 紹 「去歲諸路 洪 東之除 推 一 王 興 書。 李本 茶 挽 本《  $\pm$ 爲 淮 鹽 之, 無 淮 舉 甚  $\Xi$ 年 公事。 Ŧ, 薦 字 浙 也 淮 使 譜 熹 之饑 相 東 淮 熹 得 以 **>** 王 爲 常 文 辛 於 所 承 與 淮

冬十一月已亥,奏事 間 説 見 洪 本《年 E 云云, 極 凡 兩 一同《行 譜 陳 劄, <u>≚</u> 災異 大略 狀 之由 先 延 謂 上 生 和 爲 去 與 陛 動 或 夫 下 容 <del>-</del>+ 臨 修 竦 德 御 聽。 年 任 + 人 既 大 之 條 年 得

薦先生」至「先生以」二十字。●

言 劄 條 劄 劄 劄》。 次言 前 而 疎 三 不之及,其 陳 陳災異之由 紹 七 劄。 救荒 陳 又失之。 末云「所奏凡七事」,意自 也 也 非 興 救 爲 紹 按李 首劄 七事 和 荒 因 之策,首 加 興 本 之策 條 買 四 和 ·傳》 意 本 也 劄 陳 洪 買 最 則 則 以「任 兩 獨 救 以 本 次 均 第 非 略,第一 劄 語 荒 敘 下 前 首 陳 敷 是。 五. 畫 以該 之策, 第二劄, 劄 人一 兩 則皆 之 劄 爲 畫 劄 説 重 李本蓋 之。 七 劄 另敘 爲 不 畫 語 事 而 則 詳 用 七 蓋 及 分明,但改奏 爲 後 第 即 而 事  $\wedge$ 見 次 七事 舉其重者 ,此李本之 其 用《本傳 兩 第 本 可 几 <u>~</u> 陳 · 傳 劄 此 F 延 該 劄 \_  $\approx$ 第 乃 亦 則 劄 和 第 説 次 及 不 第 極 則

<sup>■ 「</sup>薦」,原作「改」,據本《年譜》卷二淳熙八年八月條記

略,其誤處略爲補正,載《行狀》於後,而 洪本則删去。 不同,不知所據何本也? 今從李本存其 及。其所增入奏劄,多依《行狀》,而間 有

詔行社倉法于諸郡。

譜》載之九年夏,此因《勸立社倉榜》在九 按詔行社倉法在八年十二月二十四日, 之者,亦沿九年六月榜文,今削去。 年六月而誤也,今改正。台、婺有應時行 《文集》所載《敕命》及《跋語》最明。《年

朱子年譜考異卷之二終

## 三八

## 朱子年譜考異卷之三

淳熙九年壬寅,五十三歲。

洪 苗 所 助 甚 李 云 奏在 多 本系於辛 人等, 本 丁錢并行 并 非 有 正 乞借撥 又請 止 月, 此 月 Ħ. 住 非 將 奏, 視 條 催 官 IE. Ш 事 僅 奏 會, 月 西 陰等 按 載 救 也 興之下,今亦不 給 此 荒 其 縣 降 復 事 救 下 度 П 宜 荒 户 亦 牒 紹 事 夏税、 爲 推 興 宜 條 太 官 賞 條 取 略 次 奏 秋 獻 注

按《奏 然 寅六月 也 狀 廓 学言 罷 然 正 正 以 丁其 辛 月 親 丑. 間 戚 IF. 方 月 在政路。 在 口 政 知 路 樞 密 或 此 院 疑 謝 指 廓

奏劾

衢

州

守

李

臛

與此同 分 岬 皆 日 己 書》云: 擬 路,由此去官以還家 婺州 遵 云: 而 首攻之。」 曉然。」詳 不 王 也。 赴 逼 之 示 凛, 朱子去官 淮 「先生 人替,其 當 如 皮 任 復回紹 復還 反 按救荒 更考。 名,抑 刻 則 此 朱 「李嶧 遭 李 此 子 其 在浙 李 後 紹興府 中 峄 興 以 語 語 嶧 此誤 守 E 傷 事 事宜,全在 之事 府界」。 俟 必 己 意 東, 自 沈 時 朱子 故 有 朝 亥 也。 界」。 而 以 崈 宰 則 陳賈、謝 命 所 明 任 在 也 顔 不 書 非 , , 據 初奏 公意 《文集》目 滿 蓋婺、 南 可 己 漕 王 又狀 自 《行 王 得人,而 詳 疑 解 康 於 E 淮 劾 衢 淮 所 罷 考, 爲 廓然、趙彦仲 , , 燭 衢 狀》、《年譜 也 云 狀 州 言 廓 左 答 月 非 其 而 一臣  $\stackrel{>}{Z}$ 爲還閩之 守 録 右 然 : 妄。」 吕 號 洪 輒 别 倅 作 三 自 所 + 令州 伯 有 以 本 又 按 攻 李 恭 己 處 或 意 自 後 劾

荒 及。 狀 郡 不 趙善堅、許令令佐自 狀》,增 年 而 之 於李 又 미 ,皆爲具文矣。 譜 敘 所 以 今依《文集》悉載於《譜 在  $\forall$ 救 或 重 嶧 入賈祐之、朱 視 按 遺者 荒 事 劾官 事《 至於措置 太 未蒙 乃 略 西 吏畏 備 朱子於浙 施 興

三

注 而 載 陳 行 (懼,不 於 事 熙 其 嶽 宜 按 績, 目 屢 廟 科 劾 大 以 於後 兩 東 而 爾 **》**,而 概 皆 爲言。 多 條 條 其 則 本 不 云 詳 所 白 并 他 以 之《 之 密 按 及 亦 方 見 有 行 措 留 救 未

永康陳同甫來訪。

顧 寅 界,同父來見朱子,則 Œ 考,同父壬 、洪本皆系於壬子,今據 通 ○按朱子於壬寅二月十三日人婺 丙 即即 午亦有「來春命駕」之語,其 在其後,朱子 寅 書 亦 言之。 在 與 巡 壬寅 同 兩家《文集 婺 父 州 歸 第 時 後 也 書 有 **>** 見 州 改 口 王

> 也? 子 問 月皆 疑 Ш 集 兩 同 遣使,丙 朱子《文集》,次第 以壬寅爲壬子,而未詳考其 與之,亦不言壬子之來也。 否 語 來訪 父凡十三書,其 也 書皆答同父,不 則 書,見《續集 集》與朱子書凡 》俱不之及。 一可考。 無 故 又有戊申 口 則 不 午 考。 俱 載 以 其通 無 文 後,不應無答書, 若壬子之來訪 所 兩書 同 較《 集 書 見。 知《龍 父以 丙 八, 俱可見。 在 W 龍 午以 耳。 <u></u> 見二十八卷, 自 ^ 111 癸丑第 年譜》之誤 寅 ]]] 壬 集》爲詳。 朱子《 後, 集 相 寅 實 但  $\sim$ 年 丁未、 朱子 見 至 耳 則 何以 疑 同 文 譜 後 兩 丙 其 父 蓋 集 午 W 家《 每 辛 缺 癸 以 蓋 有 而 ^ 無  $\overline{H}$ 歲 龍 誤 文 與 考 通 歲

蝗災在七月、《修德政狀》在其前,故狀言夏六月、旱。上《修德政以弭天變狀》。

早 言之。 捕 蝗 而 ,復上疏言 不 文 言 蝗 集 令行 編 事」,誤 次 狀 小 **>** 誤。 也,今改 蝗 早 ^ 相 年 IE. 譜 仍, V 有 蓋 概

條奏諸州利病。

焉 存之。 明 年 利 至今台 狀 納 亦間 縣第五等人户,今年丁絹 奏免台 年譜》本之《行狀》,而删去差役一條, -,其 **%** 也 亦或 而 此 有不同,今從《行狀》。 **年** 利 蠲 又考《救荒狀》, 錢半 必 州 小 放 州 指 譜 小 又 元 、《行 丁錢。」《 T 此 〈按《行 本 》又云:「其 民言及先 絹 絹 ۰, 狀 僅 年譜 然半丁 與 ~ 五等以 狀》 所 年 奏 載 生 . 譜 》「 所 有「許 免 總 錢半 未明,似當從《年 奏免 無 丁錢 有 下人户 特 敘 〇《行狀》云: 據 與 五. 絹 不 而 將 台州 奏,台 蠲 不 狀 以 台州 所 爲 又止 合, 放」,《行 所言 指 手 永 1 久之 加 等 故 州 亦 之 額 并 許 中

> 興 之,其云首言、次言,尤非是,今並 帥 云 事 和買 守 (年 則 同 似是 狀》與本府同 上,首 譜》 因之。 狀, 言 云云,次言 非 其 而 上,其他 實 李 矣。 本 首言、 云云。 洪 四 狀 本 削 及 更 皆自言 考《 去。 言 增 紹 與 云

秋七月,奏蝗蟲傷稼。

筆 會 則 稽 縣 其 蝗 事 蟲 重 傷 矣。 稼 其 其 打 災 撲 爲 焚 小 埋 亦 而 皆 П 口 奏 御

後法,故不可以不書。

奏劾前知台州

唐仲友不法

~本 據《 官體究」。 究」,據《文集》、《 ゴ事下 十一字當 年 傳》 文 》送 集 補之。 紹  $\forall$ 作「六」, 補 紹 ○按《年譜》本之《行狀 興 興 人。 府鞫之」,與《文 ^ 鞫實」, 行 本 「乞令 刻 - 傳》作 狀 本 **>** 無 誤 所 浙 「提 司 也 載 西 刑 理 章十上」, 集》不合。 無 司 院」三字, 行 》,兼 礙 委 狀 官 清

院 蒙朝 嘗 蔣 官體究,❷其 + 彊官體究」,●《文 云 **石** 紹興 本 根勘 下紹 輝等, 傳》「都 月 「九月, 廷委别 + 興 **⊗** □ 非 府 府 H 浙 已 司 路 П 鞫 得 紹興府見勘 勘」云 西 辭 陳庸乞令浙西提刑司委清 準 監 之 明旨 提刑 免 省 口 也,《 集 進 劄 體 盡 司  $\overline{Z}$ 0 唐 職 究。 劾 行 下 則提 行 已招 狀》云: 狀 唐 紹興府 仲 釋 即 仲 友 舉 蓋 放。 僞 其 罷 友第六狀》 司 小 造官會 事 也 新 送 是 更不 誤 也 任 并 司 . 已 其 未 差 理 而

毁秦檜祠。

載 秦 至 檜 於 温 直 李本不載移文,今從洪本 祠 州 此 在 徽 温 猷 移 州 閣 文毀之,未詳 永嘉縣 之前,亦 學,朱子 無 其 所 時。 據 巡 歷,未嘗 今姑 ^ 年 譜 仍

九月十二日,去任歸。

按《本紀》: 淳熙八年十二月癸卯,出南

蓋 備 貫。」此 聖旨,給 朱子巡 萬貫」。 使浙東,又蒙聖慈賜 各三十萬緡 萬 庫 七月二十五 云一臣 疑 貫 賑 錢三十萬 其 付 糶 昨 即 歷 重 續 奏請給 浙 降 九 至台 出 九 通 東 度 俱 年 緡 年七月辛巳, 鑑》止 删之,此《 日, 降 提 付新 七月所出 牒 州、《奏奉行 緡 緡錢 見 舉朱 錢 三百 朱子《奏狀 準尚 載 三十萬貫,以 百萬貫,已蒙開 某備 浙東 九年, 通鑑》之誤也。 道, 書 南 提 出 賑 省 官 庫 事 而 舉常 糶 南 斗錢,而 **%** 劄 給 會 件狀》云: 八 庫 子, 年 允應 + 平. 路 錢 此 Z 則 副 賑 五. 恭 前 朱 兩  $\equiv$ 糶。 缺, 臣 三十 奉 又 狀 萬 某 條 備

② 「更」,原作「并」,據《文集》卷二二《辭免進職狀》二. 陳庸等乞令浙西提刑委清强官究實」。
① 「都司」至「體究」、《宋史》卷四二九《朱熹傳》作「都

③ 「偽造」,原脱,據《文集》卷二二《辭免進職狀》二補。 ●「專」原作「身」 並《文集》卷二二《辭免進職狀》二補。

4

官次, 歷合奏 二百 溪 劾 奏 知 貫 Ŧi. 今減作 度 所 十八日, 奏救 修 洲 年 密 朱 後 此 萬 牒 人 德 譜 K 歷 克 萬 貫 衢 熙 來 **三** Ŧi. 荒 非 政 婺 自 已 勤 聞 應 并 績 貫 道 州 百貫,亦 别 至 畫 疏 衢 劾 蒙 副 陳 官 者 有 嵊 救 劾 價 聖 十三日 如 乞 + IE 事 支 會 朱子 縣 荒 Ŧi. 李 見《奏狀 錢 慈 七月,奏《蝗 何。 七 事 月 件 降 + 月, 0 事 支降 嶧 日 Ŧi. 件 几 Ŧi. + 件 ,人婺州界。 百 及 劾沈 **%** 以 本 萬 日 而《奏狀》所云「凑 哭吕 九 + 貫 張 劾 紀 貫,合之共三十 = 七月, 日, Ŧī. 出 大 崈 唐 丰 0 東 白 巡 蟲 日 無 月, 聲、 至 仲 元 萬 道 萊 所部 價 П 0 考。 新昌 至 出 友 復 孫 墓 合之 貫 奏御 六月, 去任 + 嵊 巡 干 П 孜 者 縣 Ŧi. 縣, 奏《 所 四 筆 紹 由 鄒 得 百 部 也 劾 巡 成 興 貫 奏 蘭 不 本 萬 +

> 利害》。 辭。 劄 辭。 界, 荒 辭 罷 日 П 月 劾 唐 九 拜 避 事 日 仲 職 1 唐 具奏《台州 受職 <u>+</u> 仲 月 宜 + H 事 九月十二日, ,入台州天台 友, 辭 十八 友。 畫 準 仍 九月四 奏《 月七日,準 月十四 名 省劄 具 是 日 八月十八日 狀 巡 狀 H 仍 除 奏行 **%**0 歷 日 **\$** 辭 辭 日 降 江 沿 與 在 縣 免 二十三日 江 準省劄,進 到 事 路 準 省 西 衢 界 江 新 東 件 直 提 州常 災 省 劄 東 任 提 劾  $\approx$ 徽 劄 點 離台 傷 梁 不 刑 還 王 奏《 猷 事 許 刑 總 Ш 不 新 家 辟 許 閣 到 獄 縣 職 宜 辭 兩 州 任 處 綱, 候 台 辭 告 界 **%**0 徽 免 易 己」按 州 即 命 命 并 其 州 免, 猷 奏《 準 差 處 H 閣 任 此 免 救 + 復 解 省 役 續 即 州 +

<sup>●「</sup>貫」,原作「文」,據武昌書局本、《文集》卷一七《奏

依《文集》諸狀序次, 日月 最 爲 詳 悉, 然 於

例 不合,故 附著於此

十年癸卯,五 十四 歲。 春正 月,差主管台州

崇道

《行狀》、《年譜》略同而小異,故併載之。

冬十月,如 泉州

李、洪本無,今據鄒本補人。

一年甲辰,五十五 歲。是歲,辨 浙

李、洪本同。 「洪本增《 答潘恭叔》 李本載答吕子約、劉 書。《潘書》今削 子 澄 去。 兩

有 所 按此 偏 重,不 條 語 雖本之答吕子約 知是果齋 元 本 否也? 諸 書 浙 而 意 學

指 子 約、應時、德章輩,而推 其 由來,於 東

矣。 今雜 採諸 論 浙 學語 而 附 辨 之。

有不滿

焉。

《年譜》竟似以

浙

學

爲

東

萊

本 附《大紀 論》, 此 不 可 曉,今削 去。

洪 辨 浙 學始於癸卯、甲辰,而乙巳、丙午

> 學皆仿 其志 虚 以 蓋 先 劘 唐,比附三代,以便 文老佛之説。 過者,病傳注誦習之煩,以爲不立文字可 後 亦必講磨辨難,以一 而 南 説並立,高者陷於空無,下者溺 生。 識 靈 甚至,見於兩家《文集》,蓋 亦 凡辨浙學 不 軒 之 心 同道合,樂與之友。 與 可 張公、 見性 識 此例。 南 其殁後深爲 以 紀,故 而 軒 不 先 昧 東 者悉 〇朱子 立論 萊 天理 生 假修爲 類 同 吕 附焉。 聚 悼痛,而 也 公同 其 愈下 之真,借儒者之言 其歸。 ,早年 於此,後 計 可 者,則 勉 出 以達道人德,守 至或識 功 蓋 與 齋《行狀》云: 其 以 謀 歎吾道之衰 至若求道 不後於南 東萊先 辨 時,先生以 年 利 又 陸 分 見少異, 崇 之私。 學、 於卑 獎 生切 則 以 漢 而 軒 陳 散

0 私」,原作「思」,據《行狀

竟。 之約 及。 之域 類 力, 所 立 泛 鶩 金 也 稱 至 陃 年 傳 谿 文 濫 於 亂 界 譜 以 其 而 字 蓋 該 吾 與 博 至 畫 閑 序 陸、 害 汪 則 而 鶩 學 勉 治者 果 司 可 雜 道 判 **》**,言 憚 先聖之道 贵 又 於 勉 者 齋 齋 以 之 陳 張 以 於觀 然。 淺 不 齋之説 該 既 則 所 識 惑 歸 則 則 淺 劉 知 知 洽 斥言 天 云 11) 獨 理 以 謂 哉 何 張 所 其 下 見 黄 吕 之 聞 則 : 殊 傳 指 宣 ் 而 之, 性 溺 子洪《 爲 煩。」 見 似 以 士各 而《 矣。 僅 公、 是 於 先 積 别 指 其 而 徑 及 大 累 以 生 溺 日 類 而 語 矣 東 大 陷 亦 以 全集 中 約 自 力 於 南 成 百 萊 指 類 於 或 意 陸 身 排 徑 也 矜 軒 父 公  $\forall$ 魏 悦 曠 分 爲 之, 約 學 著 則 陳 編 口 又 東 鶴 以 蕩 明 平. 而 學 者 南 爲 謂 沭 自 持 空 次 1 不 萊 俾 流 Ш . 口 問 協 軒 靡 作 知 指 敬 虚 其 不 於 按 並 不

遺 父何以 沖 朱 語 罷 會 於 卷 叔 止. 陸 力 往 口 司 議 昌 辨 子 並 甲 知 有 爲陽明 復 胡 陳之學等語 則 則 陳 論 語 於 辰 也 辨 氏 不及? 謂 孫 近 不 不 於《太極》、 載 東萊者。 門 浙 特 君 之學,自爲陸 言 於果 季 此 加 舉 朱子 學、 人 書 和 道 江 辨 詩 , 葉 中 然 力 齋 輩 陸 無 西 陸 謂 之辨 辭 果 辨 而 之言 言 學, IE 而 頓 0 由 又云「名爲 而 齋 ^ 陳 則 云 氏 浙 東 通 之, 悟 得 浙 於 爲 語 諱 之 而 各 而 矣。 萊 學之非 書 明 李 學, 同 其 而 學。 同 不 永 不 自 O 氏 解》下 父附 持 《序 父 及 及 康 推 專 今李 爲 則 所 崇 所 來 同 伯 其 爲 事 焉 同 而 卷 删 元 亦 父,豈 略 見, 訪 恭 吕 父 功 所 於 本《 於 矣。 本 言之,不 陸 與 始 歟? 其 子 不 當 若 略 敘 鵝 而 年 氏 陳 約 末 李 元 實 諸 合 湖 有 不 載 譜 葉 氏 知 主 潘 未 本 之 無 書 卷 辨 極 載 數 而

易

似見李氏

未

删

改

前

之本

前

於

此

不

能

象

則

有

大異。

洪

本

於

李

本

時

有

所

增

删

改

解》下,

亦

不

載

諸

書

惟

於

聞

東

萊

計

其下

後出

,其敘浙學、陸、陳,大略

皆同,其《太極

耶

李本之謬,蓋大失朱子之意。

洪

本

1

胡

季

隨

輩

後

來

盡

從

君舉之學,朱

子

亦

欽夫言自

有弊

,

又豊

可以

上

及

於

南

軒

萊

與

司

父

同

類

而

並

譏

之也。

如

湖

湘

學

此

口

父」,

故

辨

浙

學

與

辨

同

父同

而

非

以

東

自

推

類

悉

Ī

其誤,甚

爲

可惜。

然洪

氏

所

見

劄

之本,亦未

必

是果齋元

本

也

十二年乙巳,五十六歲 淵 意以 墓 象山 表》亦 往 爲如何?」象山《答 時與立之一 年 好 譜 通 **\*** 但 朱元 敘 類 書,敘述立之生平甚詳 履 道 歷 晦 甚 亦有 書》 不 書》云:「《立之 以 辨 <del>Z</del>: 未得 陸 爲然,不 學 ~ 實 之非 立 處。 知 之 墓

癸卯 之,《 攻子 午,大 之書》 時 以 以 子 子淵之來見 之書》,則《 奏劄》及建昌 而 答 開 朱子書, 必必 「頗 Z 項 學 闢 Ħ. 淵 又《續 病己,頗 巳七月《與 在 約 項 所 平 不 蔀 録 月, 有 能 書》 乙巳七月後也 云 乙巳七月後 \* 在 父》第 通 「顯 平」爲 論《輪 集 誠 丙 ^ 辨》 在 在丁 競 學 道 不 . 傅子 之書》 午。 乙巳冬,朱子 辨 甚 劉 答 蔀 四 又 能 對 不 指 未 之端」,則 劉 以 平, 通 子 書 淵 以 誠之見 奏劄》在 象 自 爲 澄 爲 晦 辨 「以《答誠之 也。 則《誠之書》自 語 Ш 0 然」之語 在 書》,言象 伯 指 \* 則 甚 見《陸 皆 》,有 乙巳 亦 指 詳 門人,皆 象 以 與 乙巳 IF. 非 按 顯 集》。 山 爲 象 指 七 而 是 「爲 ^ ^ 道 曹 癸 閑 月 Ш 七 不 子 Ш 不 陸 象 書 表 非 《陸 卯 及《 | 輪 月 静 至 後 闢 學者 山之 知 在 **>** 録 也 傅 在 寄 誠 譜 誠 何 力 丙 非 對

之者故舊 文 二月間 往寺 也 附 不 太極 之語 文集 淵 告子。』」湯泳 論 實 激 子十二月二十 從周 /卿《從 其 盡 子 距 怒 之故,皆未可 説 ,此其 淵 或或 中哭之, 此 載,今兼 之辨焉 》無答書,至丁未,朱子再 録 也。 如 事 已四年 語録 周 因 解 此,後之君子,當有 之私 恐 激 「葱嶺 録 湯 此 傳 怒 **>** \*\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\tin}\ext{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\tin}\text{\text{\text{\text{\text{\text{\text{\text{\text{\text{\tin}\\\ \ti}\\\ \text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\texi}\tint{\text{\text{\text{\text{\text{\text{\text{\text{\text{\ti}\til\titt{\text{\text{\text{\ti}\}\tittt{\text{\ti}\til\tittt{\text{\text{\text{\text{\text{\text{\texi}\tilit}\\ \tittt{\text{\texi}\tilit}\\ \tittt{\text{\text{\text{\til\tii}\}\tittt{\tex{ 氣 既罷 以 説 ^ 泳 四 矣。 情,譏之者斯文之公議」, 在 聞 《陸 知 頗 與 미 得 帶 録 日 丙 之誤。 知。 慢,至有勢力不 象 之文 良 ,其聞 乙卯 來」之云, 丙午攻子淵 譜 午 象 但 Ш 以 卿。 》、《文 久 以《曹· Ш 至戊申,遂 書》,朱子《文集 後,此 卒,先 固 曰: 信 閑 按 當 不 象 集》考之, 表》爲 闢 以 或 可 值 與 在 事 書。 録 考 因 Ш 生 (書,始 其 癸 \* 7 不 惜 有 率 而 能 卒 力 時, H 見 於壬 門 死 象 攻 正 無 相 其 E 哭 於 T 之 而 答 敵 極 Ш

朱子語 此 口 語 謂 固然,然謂 矣。 可 惜 死了告子」, 年 譜》不 其 學 同 載,今録 於告子, 則語 太 於此 而 輕 辨 之 而 必 則 附 非

辨陳學之非。

論

譜 集 事。 同 字,今削去。 生嘗曰「海内學術之弊」一條,不見於《文 譜》有「往歲」二字,末又有「至是 譜》云云系於其下 則削之。其《年譜 父以壬寅 按 、》、《語 (李、洪) 父第六書,今亦 辨 者 故於 陳 學 類 以 兩 壬寅補 見朱子於婺州,而 》,此 兩 此 本, 洪本 條 推 同 自公晦 之, 而 同 删 0 父 以「風 》云云,則移於此。 辨 父來見,而 則 去。 今考 以 陸 先生所 壬 學 切」之下 年 兩家《文 子 則 譜 按《年譜》,先 來 王: 爲 記 當 壬子 訪 李 子 載 來 略載 古 有 則 集 於《 訪 而 沖 辨 來 無 <u>~</u> ^ 年 陸 年 訪 其 所 與 四 百 年

> 以 見,姑記 學,自果齋已失之乎? 書,實與《行狀》亦 洪、語 陸、陳辨爲 也。 約、孫季和輩言之。 永 良 删 朱子《文集》以汪、張、吕、劉問答爲一 萊,愈非 主同父,亦 康 正 亦 耳 事 勉齋《行狀》敘此 竟 0 之義 古沖 類》頗 功, 删 所 其實。 去。 疑於此 序 略 自 耶 類,亦自 》亦自言之。 有 有 明 ? 贵 異説 此洪本 指 不 若 抑 有 同, 同父,浙 雖云名宗吕氏, 劉 不 竟 最明 較 元 合, 以 其辨 而 皆 今其 而 然分 城 或 浙 正本 果 不 豈 所 學 陳學,不 學 遂 能 元 齋 明 以 謂「子 則 當 以 本 敘 有 浙 朱子 歸 爲 之 不 次 獨 所 學 可 爲 朱 黄 是正 之 吕 而 耶 産 知 類, 得 吕 東 實 子 立 何

蒙》成。十三年丙午,五十七歲。春三月,《易學啟

李、洪本同,而洪本有「《易》自文王以前」

《與吕子約書》。 缺。 至 於《啟蒙序》之後。 從李本。 亦未然。 和之失,《行狀》、本傳皆 郭雍卒於丁未,其成書當在丁未後」,此 啟蒙》之後,而未 「未行於世」四十字,李 鄒本附注於「《啟蒙》成」之下,而 今存其目於此 ○《易五 而 編 詳 集者多遺之,今録 ○≪蓍桂 何 年 以 附《啟蒙》後,見 所著 本 列 考誤》辨 删 於《本 《年譜》 去爲當,今 義 郭 以 皆 附 × 

易 太多 如《離 樂府及杜子美詩意 爲之編 按癸卯《與 諷 が、兼 詠,●易人心,最爲有益也。」至乙巳, 騷 類, 奥 **>** 一篇, 八澁難 其 劉子澄書》、《小學》蓋託子澄 中有云:「文章尤不可泛, 讀 已自多了 ,非啟蒙之具。 思好,可取者多,令其 ,敘《古蒙求》亦 却是古

> 篇。」 編入《 於此 於兩 禁。」 於梱 凡 小小 又曰 義 後 又 日 小 成 與 剛 0 此 學 當 據 則 録 録云: 也 可 書 ,内言不出 處 小學》? 「《小學》多 時 . 云 又 見其次輯之意,又 此 如 亦 是衆 實 今本所定,已 又 口 不 則 「《小學》見此修 明 按 安卿 見古人著書得其大者,而 編 屑 編 倫 ^ 於梱 語類》 類 티 : 屑 類 篇 説 問 或不 尋究 來 **>** : 那 這 何 **^** 陳 一删 一條甚 恭敬 止子 樣 偶 曲 以 也。 淳 歷 去文章 處 禮 缺 無 録 處,少 改,凡定著六 丙午、丁未而 澄 漏 此 》 外言 朋 切, 云: 今并附 爾。 落 友 何 説 也 「或問 類矣。 以 多。 又黄 那 不 條 載 於 不 防 而

秋七月,除江南西路提點刑獄公事,待次。

0

參知 右 説 此 郡 直 其 罷 樞 本 不 使。」皆以爲 獄 -按《本傳 主 此 密 0 丞 番 亦 感 卿 云「緣上 狀》敘 此 是 政 相 也 院 盡 是。 書》云: 其 Ě 年 除 事。 施 出 T 事 命 言, **\*** 未 據《年 再 上 則 與 **※**云: 封 而 師 蕭 戊 七 故 除 命,②或者以 周 周 與 此,更有 點 事」, 書 申 月 燧 江 江  $\stackrel{\cdot}{\sim}$ 有 相 必 表》, 知 所云 Ė 參 西 本傳》、《 西除 是 之功 大相,除 王 周 樞 則 月, 知 少曲 命。 淮 必 密 於 T 與洪本合。 命, 政 似 也。 未二 大相 尚 施 院 周 折,甚 指 事 爲不當 諸 緣 師 事 相 在 年 某  $\sim$ 周 點 相 月 公 上 頗 譜 續 提 可 議 Ŧī. 罷 八月, 不 位 周 封 有 疑 初 **>** 集 點 除 月, 黄治 皆不 力辭 指王 怪。 遺 姚 然 事 李本 只 必 江 轉 議 云云。 王 欲 淮 大 留 大 與 西 運 也 合。 删 其 E 淮 知 爲 或 抵 IE 與 黄 刑 副

> 狀》: 皆不 命, 命、 年 五. 疾 洪 朱 不 不 楊 許 許 辭 本 某 按 十月遂行,蓋承《本傳》之誤, 年三月十八日 辛 萬 此皆見於《文集 載其告辭,載 不許 久 壬寅改官宫觀 ,遂行。」 「除提 H. 里 遂行。」《本 而 間 附《與 直 封 遂 秘 事 可 點 此 薦 與 閣 直 拜 江 誤 監 告 起 傳》: 命 卿 六字, 西 也 司」, 之自此 命、 書》以 行 告 刑 據《 辭 + 可證 獄 命、 **一**十 王: 只云 失 免狀 Ħ. 記 公事,待次。 寅 辭 丙 其 四 年 年,又以 疑焉。 直 申 《 年 Ē 免 實  $\leq$ 年, 始 狀 徽 秘 矣。 而 以以 今削 譜 諭 以 ×, 猷 書 年  $\overset{>}{+}$ 疾 疾 宰 後 閣 郎 以 今從 譜》 多 告 四

2

<sup>●「</sup>只」,原脱,據《續集》卷一《與黃直卿書》補。

盡出聖命」。《續集》卷一《與黃直卿書》作「此者

載 罷 皆無 而 亦 告 有 缺 者 今以 一, 如 其存者悉 知 漳 州 準 告、 著 封 於篇 婺 源 男、 落 職

行,在道再辭 促行, 五年戊申,五 劄 安,且有促 任 月,促入對 按 兩 在 此 次 子》二,一見 日,起行在道 道 則 復 造 條 三王 似爲 請 見於《辭 人 洪 以 祠 淮 復 本 ,并請祠。 疾辭, 闕 行 則《辭 罷 申 所 則 十九歲。 略。 之命」,是 相 於《辭 免 前 凡 書爲 依《文集》增「再 不允。 ,遂力疾入奏。」 提 請 免狀》所云「行 今定從《年 兩 刑 9 詳 夏五月, 凡 請 免劄子》三。 劄 春正 祠,一 三月十八 其 歷 子 Œ 明 几 **>** 月,有旨 月 見於《 證 旬 復趣 譜 0 趣 也 至 而 幸 奏 入對 日 信 至五 月 而 事 不 而 辭 趣 ^ 9 十 及 之 於 行 稍 啟 免 奏

六月壬申, 奏 事 延 和

年 譜》用李録,而 少 有不同:「後 殿 班

癸酉

除兵部

郎

官,以

足疾

在告,請祠。

傳 則 語 卿 末 同。 以 苒,無尺寸之効,可以 乃言: 百二十字,盡用《行狀》補 下,有「其二言獄官當擇其人,其三言經 渥」五字。 見 引下, 總制錢」十六字。 其五乃言:陛下 卿, 又用《本傳》。 有「是行也」五十字, 天理人欲爲言, 州縣,獎諭甚渥」十字。 洪本又有「時曾覿 其下又言「置將」云 而 卿亦 有「 年 陛下 譜 老矣」十七字, 力 與清要差遣」下,有「不復勞 即 疾 異 奏 位 今録李 同 即位 「第五劄讀至」,洪 事 規 二 十 則 ·, 上 諷 仰 附 二十有 則又皆用《行 已死」二十二字, 切 録及《行狀》、 云, 栅 有七年,因 迎 載 而 不 至 聖 謂 於 皆與李 删 志。 之 此 李本 可不 七 「上慰 與 曰 年」凡 洪 因 理會 録 「其 循 本 反 勞 本 狀》 同。 復 荏 作 甚 不 五.

亥,詔依舊職名江西提刑。

哉 言。 《奏狀》,故 耳。 言 即 侍 狀 併 併 聞 和 生 祠 按 Z 進呈 如 似 初 郎 》二所 奏對,孝宗 有 郎 進呈。」《 併進呈」者 過 兵部 今依《奏狀》、洪《譜》 以 似 官 劾 林 朱子 封 足 本 栗 15 之 非 事 敘 則孝宗自以 郎官之除, 疾 曲 部 除 章 之移 ,》所云 指林 洪《譜》 年譜》 甚 折 以以 郎 移告,繼 疏 明 褒 蓋 官 疾,當 栗 , 
行 疾 子 乃 所敘 洪《 者 章 以 岢 亦 在 甚 以 亦 申 譜》云: 疏 聞 狀》 滿 告, 不 林《 亦以 至 足 與《 非 省 兵 也 重 有 朝 疾 但言 未 疏 所 略 給 0 而 部 載 辭 皆 劾 此 請 爲改 》與 供 以 假 實 郎 上 免 駭 世 章,遂請 故 祠 盡 職 日 未 笑之。 官 以 宰 狀》合, 而 申 正 事 其 0 : 遽 能 所 相 足 省 用 次 有 辭 得 用 按 言 請 已 林 無 疾 者 祠 日 林 載 之 栗 其 先 請 其 免 延 祠 以

> 孝宗知 又贵 朱 狀 後, 策 必 道 用 命 也 未 非 栗 之意。 之刻 子 無 學 》專 乃 必 世 然 可 之 是 爲 得 就 迨 以 謂 復 辭 語 邪 公議 孝宗 君 後 周 職 受盡 歸 辭 召 朱子所 矣。 氣 疾 行 相 咎於 即 葉 故 蓋 之 道 亦 言 則 許 雖 ^ 適 依 廟堂之上,賢姦雜 所 微 大有爲 封 有 自 周 而 之辨 云 舊 以 而 在 窺 事 栗 所 施 相 不 不必 徘 提 9 E 以 w 言 不 胡胡 蕭 之上 而 似 徊 刑 之 意 爲忤 得 似 其 以 輩 未 而 江 晉 時 已 過 前 所 盡 來 而 不 西 臣 哉 也 遂 言 出 又 也 而 然 敢 而 之劾 ? 爲 有 之之 度 實 遂 亦 用 而 經 兩 於 朱 進 未 詳 至 不 周 如 此 於 · , 有 觀 帷 太 於 全 子 以 此 指 見 遽 是 行 嚮 之 之 爲 前

閣 足 在 疾 道 主 辭 辭 免 并 西 新 京 請 任 嵩 祠 有 Ш 出 磨 崇 勘 趣 福 轉 之 宫 朝 任 奉 秋 郎,除直 月, 七 月, 轉 寶文 復 以

辭職名,皆不允,遂拜命。

之後。 子以六 熱度 又《 耳 誤 西 用 郎。 宫 前 祠 足 洪 福 李 《行 提 疾 本 官 本 辭 轉 辭 亦 其 有 在 刑 請 止 免 非 狀 朝 磨 而 一七 其《辭 道 在 其 月 月,受職 載 祠,除直 提 足 **>** 奉 八 勘 其 道 辭 八 而 七月 月, 啟 疾 刑 轉官 月,在 郎 餘 辭 免新 日 失 狀 免 行之日 又 皆略之, 除 之, 新 即 除 心》三在 磨 轉 頗 名。」較 及 寶 任 兵 轉 任 道 直 勘 官狀》云: 發 今辨 職 此 文閣,主管 部 官 非 辭 寶 轉 無考,大 動 七月, 名, 郎 七月,二 其 免 官 文 李 」,當 六月,非 非 IE. 云「七 官 皆 新 閣 在 本 於 兩 不 爲 任 而 是 再 「今月二日 + 約 後 直 主 事 許 云「歸 詳 七 西 日 月」是 以 管 寶 八月, 七月 月 京 依 洪 兩 文 足 轉 西 而 還 崇 本 閣 舊 按 途 疾 日 多 朝 京 也 也 家 蓋 之 請 福 崇 踏 間 江 朱 以 姑 奉

集》改一 傳 月。 録 較《 懇 當 之策 林栗以 召 修 古 進 而 命 七 在 《解 辭 撰 七月。 命之前 已受職名矣。 其 月 在 降 行 語 以 此 不 狀》云:「去秋 是 九 到 狀》、 Œ 書 免狀》言「遷官進 而 獲、祗 月, 條 是逆計 七月 也 告命。」今月 在 除 録 注 ^ 必不 直 召  $\sim$ 八 與 辭 出 上 皆 本 按 受無 赴 寶文閣 月 周 之, 轉 與 知 無 傳 奏 又己 在 行 + 丞 官、 泉 周 之,未 事 V 則 名。 方蒙聖恩,直實文閣 在 四 爲 + 相 相 州 延 拜 職 主 主 乃 西正 詳 月 日 書》 、《行 語 和 受 以 自 職 名 八 詳 管 可 也。 職 殿 九 皆 頃 月 皆 i 則《 月, 曲 據 西 所 狀》所謂 名,當· 月 · 至 不 崇 本之李 賜 京 今俱 則 據 行 年譜 二十六 今,曾未 許 辭 福 光 ^ 崇 轉 狀 宋 疑 免秘 其拜 請 寵 在 福 官 依 \*, < **>** 史》 閎 出 所 九 兩 已 宫 自 ^ H 本 文 月 元 祖 敘 五 受 閣 則 罷 拜 亦 在 :

,在六月二十六 敘 於《 故 州 次 云爲 本 在 亦 · 傳 不 七 日 兩 前 合。 月, 胡 月」字。 省劄,則 趣 卿 辭 即 對 與《 乃 爲 至説 具 + 封 十月,而 狀 事 辭 書之除,以 月 免 并 初 在 E 七 封 + 日 據 二月 十一月三十 也 續 之上 集 今 至 改 0 增 己 與 +

+

月

日

進

黄

直

胡

晉

臣

之

疏

,林栗之出

知泉

朱子之除直

實文閣

亦

七月,

其

「韶某人對」等語

本

而

葉

適

E

疏

以

下,

則

具

疏又增

數

語

晉

臣

本

傳

亦

無之。

而

兼崇 史》: 狀 撰, 月 + 明 仍 政殿 云, 舊 日 义 疏 説 宫 月壬 書。 祠。 準 之明 午,除 省 與《文集》不合。 前 劄 日 後 朱 可 除 某 亦 依 説 主 自 所 書 一管西 乞 分 、《宋史》之 除 明 又《 太 秘 0 Z 閣 酉 ^ 宫 宋 修 IF.

誤 出 ,於天下 蓋 無 疑 事 也。 無 不 孝宗 語悉, 天資 聲 色 英 毅 貨 利 聰 無 明 所

污染。 不 能 成 但 其 以惑溺 大 有爲之志, 近習,不能 此 爲 信 根 用 本 E 之蠧。 人,卒

除主

一管西

太

乙宫兼崇政殿

説

書

辭

李、洪

本

趣

對

在

+

月之下,《

文

月

日

召

赴

行

在

辭

免當

在

十月,不允,

再

,非十一

月也

朱子

準省劄

九月二

+

· 封

事

\*

月

日

則

趣

對當

在

冬十月,

趣

對。

+

月,

復

辭

遂

封

事

黨,最人之所惡聞」,餘

俱同

某,所言

不實。

胡

晉

臣

論栗

狠

愎

自

用

無事

而

指

學.

者

下,定從

洪

本。

李本

僅

云「葉

《適《疏

》極

言

栗

以

私

意

劾

年

譜

倒

其

次

今依

本

傳

改

IE.

葉

適

以

主管西

京

嵩

Ш

崇

福

宫

栗

亦

罷

蓋

略

相

前

後

也

而

《本傳》敘

次

極

明,《行狀》除直

寶

文

閣

故 陳 俊 卿 作 相 僅 二年而 去 不 復 人

於 正 汪 人,皆不 應 辰 張栻 能 盡 其 劉 用 珙 ; 陳 龔 良 茂 翰、 良 以 王 首 + 參 朋 迄

四

則 未 非 邁 謀 哉 奇 蒼 品 深 调 隆 再 而 屢 不 K 昔 顔 臣 能 謀 品 怒 此 見 興 於 辭 得 其 如 介之初 於 一之意 其 有 時 於 召 相 以 其所 臣 ]][ 愚 又嘗 矣。 間 此 臣 以 命 此 之得 裨 之 亦 而 獨 得 安 使 遐方下 蓋 曹, 以 聖 流 口 論 古 見 臣之鄙 得 臣 爲 至 迫 見 聽 之 事 與 嘗 亦 陛 不 釋 而 國 於 遲暮 矣。 曾 陛 以 輒 往 ±, 下 深 然 古 而 屢 家 今歲 此 下 覿 以 數 滯 陛 有 而 而 欲 然 之 進 田 忤 近 不 感 忘 下 於 加 不 計 自 攻 野 三見 不 故《 固 習爲 過三 今 二 遂 其 H 竊 復 而 之 頃 合 之人,豈 不 而 封 至 新 仰 反 夙 重 而 以 以 能 前 言 不 事 貶 + 之 昔 自 天 來, 不敢 快 不 别 敢 所言 矣 自 学之 死 盛 顔 有七 之 悲 有 惟 己 歲 始 自 有 德 憂 乎 悔 末 忠 私 亦 臣 積 辛 月 爲 又 見 朱 年 也 亦 之 覺 逾 身 於 世 怨 H

事 文 存 李 有 申 比 以 愚 朱 徂 蓋 口 至 謂 行狀》之所 沙,故 八武 所不 之歎 數 以 洪 録 俟 昧 子 一所 封 忠 通 狀 語 質焉。 高 傳 舉 事 本 篇 誠 與洪 於此 周 爲 能 ×, 有 不更及。 弟, 之 陳 懇 其 日 而 孔 得 則 所 違 久 説 本同。 惻 贵 有 月 庸 於 之。 朱 删 發 遠 雖 之聖,顔、曾、伋、軻 有 謬 其 所 忠 逾 削 子 至 李本《 明 多 而 重 不 不 誠 邁 所 今 無 所云, 詳 今 無 除 得 而 能 也 懇 베 定 附 識 讀 矣 數 窮 大 其 朱子之意 如 深 惻 延 兵部 楊 依 蓋 者 語 指 雖 而 大 是。 以 曉 文 和 復 何 不 猶 則 於 指 爲 語 堯 奏 郎 則 有 足 故 爲 集 不 此 歸 李本 頗 事 官 哉 不 論 舜 姑 者 之 時 異。 全不 結 ×, 過 之賢 誌 以 有 全 涕 而 在 洪 删 大概 禹 年 而 之及 録 至《 下 於 發 發 勉 下 此 本 削 往 後 實 湯、 此 者 封 戊 學 依 僅 用 而 則 所

李 行狀》 本 孝宗 删 語,李本亦 去,今仍 朝」至「孝宗 附 删去,今載《行狀 内 除 禪 説 矣」,洪 書 注,自 本悉 先 載

授學者。是歲二月,始出《太極圖説》、《西銘解義》以

删去。 之,增 發,非 發。 後 未 必 義 故 以 此 西 題 以 方明。 成於丁未,而學者傳習,亦未必定 系 正 在 後 黄 之於後耳。 月、三月 二月,後題 》寄 然 學者前 通 也 中 重 朱子 辨 兩 書」二字,未有 在 解 論 戊申二月,始出 使 通 皆 此 ,已在 題 在 廣 甚 書》 皆未之見 敘 後 戊 增「是歲 其 明。 趣 申六月, 以丁未 蓋爲 傳,且 戊申前 奏 ^ 事 年 所據,今從 陸 二月 也。 - 譜》置: 其 作《後記》, 子 事 矣,至象 兩 而 意 美、林 各 解 其 **^** 亦 年 四 於後 論 以 有 則 譜 字 類 易 Ш 黄 鄒 在 爲 見 者 敘 辨 中 於 非 其 本 大 而

論,則在戊申冬也。

子 明 抵 甲 養爲 發渾 樂《性理大全》略載 程 識 楊、葉、陳、沈、 來之論 有 悟已發、 也 既殁,求 朱子從學 令於 偏 辰《 初年《答何叔京 子二 後 即 後至 非 然一 與吕 處 涵 涵 静 戊申《答方賓 無及此者。 事 其説 未 養, 而 養 致 潭 延 中 應 士 仍守延平 發之分,則 須 前 平, 則 體 州 物 瞻書》,乃 而 廖諸 用 與 從 認 於求中之説 不 受 敬」 自 延 書 得 求 南 大 數 録 然 ^ -之説 平之説 王書》,亦再言之, 學 兩 中 皆確 本 語 軒 中 又以 乃 語 明言延平之説 蔀 未 李先 未 胡 節 自 混 發 通辨》云:「 然可 發 氏 已 先 悟 不 逮 ,未有所 而 之旨。 此 時 生 之學,先 不主延 夫 同 察 不 庚 乃 考。 教 識 明 未 寅 氣 龜 人,大 己丑 發 象 後 Ш 自 拈 擬 而 延 平。 朱 爲 察 後 永 而 出 涵 議 已 平

皆 也。 詳 分明 及 其 早 於戊申,而《 後,與《答方賓 取 下 曲 以 年 其 也 此 相 類 《方書》在戊申,今以《方書》爲 年,其 ,始以爲 亦主此説 説 折者,而其 傳 附 後來 指 表 訣 而 及《 語 出 乃 不然。」其説 録 以 王 朱子作《 南 之。 (所發 以 》楊、葉、陳、沈、廖諸 書》,其 軒 爲 爲 ○《答吕 集 人道指 不 明 然。」 則 延 後, 頗 先 固 平 詳,雖 又云: 訣 後 本 昔 行 士 則 自 狀 瞻 人之所 晚 未 在 **>**, 書 年 有 據 甲 可 未 見 朱 亦 載 録 未 盡 道 知 辰 不 子 深

撰,依: 今見任 六年己 仍舊宫 按《辭免 除 舊主 秘 閣 主 觀 酉, 秘 管西京嵩 修 管 閣 撰 西 ^ 六十歲。 修 辭 京 撰 免 蓋 嵩 山崇福宫, 狀》云: 江 失 Ш 東 其 崇 春 運 實。 福 正 「除 使 官。」 月, 辭 狀 洪 秘 李本 学云 職 除 本 閣 秘 -依《行 修 閣 止 撰, 臣 修 云

狀》,仍奉外祠,今據《文集》補正。

《中庸章句》。二月甲子,序《大學章句》。三月戊申,

《詹帥 考耳。 中 及,不知兩書刻 註》於廣西,而《大學》《中 巳前,至己 庸》已有本矣。 而 按與張、吕 所 後刊 必 改 有 書》 極 行 不 多一, )已及《 也。 告 西而 書, 而 是時 距 《與 則 於何 刊 後定耳。 中 甲 甲午、乙未《大學》、《 者 庸 詹帥 午、 . 诗 門 序 但 徒 ? 》,則 乙未 書》在乙巳 於《文 各 詹帥 庸章句》則 度必不至 有傳 兩 + 刻《 序 集》 餘 録 語 作 年 一,尚云 無 書 己 未 於 孟 所 坊 西 Z 中

習獎諭。 夏四月,復辭職名,許之,依舊直寶文閣,降

閣 按《 修撰告 奏 狀 **\***: 命 四 月 ^ 年 <u>二</u>十 譜》 不 載 日 以 吏 其 部 力 降 辭 到 不 秘

八月,除江南東路轉運副使,辭名,亦不云更有告命也。

是時,留正爲右丞相,王藺爲樞密使,胡 一字,今從洪本。○按朱子自被召以及一字,今從洪本。○按朱子自被召以及 一字,今從洪本。○按朱子自被召以及 一家本删「先生以江東漕」至「不敢受」三十 秋八月,除江南東路轉運副使,辭。

朱子年譜考異卷之三終

力也。《傳》蓋失載,考其時則可知矣。

晉臣簽書樞密院事,必留、王兩公薦引之

三四七

## 朱子年譜考異卷之四

條畫

經界事宜,申諸

司

錢 縣上供 光宗紹 凡 萬餘 能 熙 元年庚戌, 緡 科茶錢 及 蠲 六十 減 本 州 歲。 無 額 經 奏除 總 屬 制

别 不曾除,而本州自行解發,不更派諸縣 几 須更令州縣 錢言之、《奏狀》以貫言之,其實 上供錢七千六十四 按《行狀》云: 云:錢十一千八百 年譜》云「凡萬餘緡」。 干 行 七百餘 應 副 收簇 貫 其 所 錢一 而 解 已。 乞除 發, 貫,本州通融支遣,不 一十八 千一 據 豁者 亦 又按後《奏狀 此,則 不 百 貫。 了, 止 當 萬。 E 上供 經 ^ 也。 行狀 **一**煩 ^ 總 奏 朝 錢 制 狀 》以 廷, 錢 故

至任 力,其申諸司 誤: 令朱子相度,漳州先行經界。 以爲不可行,故但云得泉州回 議,泉、汀之言略 漳、汀三州」。 改正。 奏請專以三州爲言。 之泉、漳、汀三州 末「疏於朝,久之未報」七字,亦當删去。 司行下諸郡,在是年二、三月間,朱子未 今俱改正。 李、洪本俱作「奏行經界法」,今依《文集》 也。 其云「 〇按 比 行 四月,朱子至任,三郡各上 此 當 「奏言」,當作「申諸司言」。 按紹興 於閩 條 在 有 未行,見經界諸 洪 五、六月間 異 中」,當作「行於泉、 本 同 朝 中推行 報。 最 泉州 廷 詳, 而 行 朱 以 下 狀。 經 計其期,當在 而 爲可 子 諸司, 界,獨 後 亦有 建 故 奉旨, 行 臣 議 汀 最 諸 僚 閩 州

+ 六、七月間。 月二 + 八 月,朱子具奏《經 日,奉旨 日, 漳 州 經 界狀 界 先 下 行 措 至

劄 置 時 次年 已正 Ė 月中 月 九 旬 9 故 方 П 被 申 轉 轉 運 運 司 司 所 乞 候 省

冬 初 打 量。 此 其 前 後 次 第 確 然 可 考 者

也 李 本 統 敘 於 奏行 經 界法之下,其 語

之, 略 而 則 不 · 明 不 知 其所指, 又 /謂「 幸其 又前 有是 無 所 奏,亟 承 於於 啟 文 義 從

亦有 所 不 通 矣。 此 蓋 大 陳 安 卿 録 而 誤。 今 俱

削 去。 條,爲得之,而注語 洪 本 後 别立「冬, 詔 則複疊 先 行 不可 漳 州 經

皆後 至「幸 人竄改,必非果齋元本也。 其有是奏」, 則 又仍李本之誤。 此

九月, 奏劾黄岌罪

官 按《 官從事 劾黄岌狀》,不言其官 然《劾狀》不 郎一, 縣 令、丞、簿、 狀 應不指其官,此不可 尉,皆 狀 内 止 稱 縣之 縣

> 僅 又《與 洪 仍 弛 陞 巖 以 之, 遷 本皆無 爲 慢 縣 補 不 此 主 (陳憲書》, 非 而 尉 虔」及「州 狀之闕。 簿 略 罷 此 而 陸 記 朏 一發,凡 條 槐 所 也 鄒 對 疑 0 則 郡 而狀内言已 移 於 本 其 此皆有不可 明言漳浦縣 差使不行」等語 此 狀 依《文集》補入,今姑 以 及 尉 書 而 内 將 對 曉 所 尉, 移 黄 者。 云官 主 岌 此 簿 與 似 可 非 龍 吏 據 乃

刻 四 經、 四 子書 于 郡

六十歲 本只 李本作 命,六十 今年方無 有獨覺其 生教人」以下一條。 一六十一 載 語 前 五經,誤,今從洪本。 歲方 而 進,而 錯 録 疑 耳 三條, 用 \_ 順 理 I 此 非 一會得 相 夫, 與 人 似 而《行狀》「先生教 之所能 恁地。」 孔 到此 聖 子 按《語 賢 言 方 進學之序, 窺測者,非 又云:「覺 Ŧi. 悔 李本 録 + 悟 》所云: 圃 也。 ·無「先 知 得 天

三五〇

考也 本,略 編 以 尤 本 李爲陽明後 加 《行 既 爲 **>** 下 行 無 則 有異 晚 狀》 識 不 而 年定論》之計 載 所 同 元 無 人,其 云, 蓋 本 所 而 以 遂 發 亦 則 發 删 不 明 不 以 明《 削《年 可 能 爲 讀 圃 見 晚 致 非 者 辨 更 年 譜 是 不 洪 詭 定  $\approx$ 而 可 刻 出 近 論》之旨 即 削 以 之。 閩 似 之矣。 《道 不 新 見 詳 此 刻 舊

列上釋奠禮儀。

祭禮 乞頒 李 所 版 增 儀 民 修 禮 敘 頒 並 本 亦 賜 者 儀 儀 賜 無 行 故 式 鄂 未明了,且 禮 鏤 此 釋 版 書 條 莫之省。 奠 州 其 數 則 見 原 今 朝 禮 有 從 事 有 廷 一以同 部 印 州 洪 而 以 李 己。 之 本, 縣、 本。 州 本 安臣 縣 故 臣 删 當 祭 禮 民 此 民 按 時 而 部 儀、 條 兩 禮 想 朱 南 符 項 儀 臣 以 子 而 康 下 雜 所 民 洪 E 因 所 臣 其 鏤 欲 禮 只 本 申

> 之,而 條 增 中, 揮》今無 書 同 申 修 析言之, 按 釋奠申明指 禮部檢狀》,見《別 非 此所考正, 禮 南 以 其 康 書狀》,❷見《文集》。 漳 所 實 有 考,故《 州 以 也。 請 有 揮 則漳 狀 頒 今 指 後》 年 系 賜 以 揮 於後 州 譜 但言 集》。 禮  $\Rightarrow$ 在 所 文 **>** 書 止 前 Ŀ 列 集 狀 考兩 云 也 也 F. 漳 \*, 0 **>** 數 0 參 數 州 狀 事 令文 ^ 考 事 又 有《釋 申 略 有《乞 改 集 姑 明 有 而 正 奠 仍 指 不

十一月,韶先將漳州經界措置施行。

於 敘 採《本傳》及李《譜》,語 李本無,洪本另立此 辛 經 界 亥 後 П 事爲詳, 申 轉 運 司 今 亦 條爲 之 删 後。 複 得之,但 取 疊 數 不 語 按 口 經 而 解 注 界 别 語 系 其 雜

①「乞」、原脱、據《文集》卷二○補①有①有②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②②<l

其

陳某疑

即

轉

運

司

故

朱子

口

申

只

轉

運

相

度

介,而

先

申

尚

省。」據

司

而

不及諸

司

也。

**^** 

光宗本

紀

紹

匝

0

員

同

知

縣

「,候打

量開

措

置

施

行

仍

**\$** 

福

建

轉

運

司

舉司

奏:

相

)按《尚

書

删其

申

諸

詔

且

需

後

漳

州,

泉、

汀

非

其

所

屬

而

則三月不得

有

此

当

奉

旨

當

劄

多

如

此,不

足

據

也

丞

相

書》言

明言委轉

運

司

非

提

罷

而

不

敘

於

奏

疏

之

下

事

**\*** 

行

狀

所

詔

福

建

提

刑

司

陳

公亮、

同

泉、漳、

汀

州

經

按

準

省劄

除

秘

閣

修

敘

於

庚

戌

最

爲

謬

誤

由」,原作「回」,據《文集》卷二八《與 留 丞 相 書

申

轉

運

司,

則

以

被

受

轉

恐

朝

廷

或

從

陳憲

之請

殆

必

爲

此

然

周

漕

相

由

亦

有

所

聞

",●深

不

則

是

陳

憲

請

改

送

轉

運

陳

某

監

督

是

陳

憲

非

漕

《宋史》之誤,亦有自 運 司 所 下 省 為,而 提 刑 來,然亦 則無,故 以 意 不 擬之, 及 耳。

二年辛亥,六十二歲。 不可詳考,姑闕疑以俟知者。 春正月,申轉 運司,

經界乞候冬季打量

狀》及《與留 早無及」語附焉,亦復 「冬,先行漳州經界」一條,而 李、洪本無,今依鄒本補人。 奏行經界法之下,略 丞 相劄子》以詳正之。 而 不明。 不明。 李本總敘於 故録《 以「明年春 洪本另立 申 司

奏請褒東溪 高 公登直節。

於此 李本無此條,洪本有之,而載於庚戌到任 三月間,非庚戌也。 按狀言「今幸踰年」,則在辛亥 今從洪本,而改置

奏薦. 知龍溪縣 翁德廣。

秋七月,復辭職

名,不允,乃拜命。

按朱子在光宗朝,與孝宗時不同:孝宗

李、洪本無,今補人。 〇李本有「二月,與

> 三月,復除秘閣修撰,主管南京鴻 之。 乃極論 陳録 注於與 録。 趙 不可詳。 帥書,論 末「即爲允之」,依李、洪本作「亟 最明,李、洪 招 陳 李、洪本所載未明,今删 州軍募江戍之不 君 招州軍募江戍」一條 舉論學之下。 兩《年譜》俱誤,今載陳 可行,其行否 今按《趙 慶 洪 宫。 去。 一啟從 本附 書》,

夏四月二十九日,去郡,再 辭 職 名。

李本去「嘗申孝宗是命」句,今從洪本。

五月,歸次建陽,寓同 孫橋

《與 陽。 之,不可執 刻本之脱誤多如此,讀者當參考而互證 留丞相書》云: 五月二十四日 《語録》「五月二日」,脱「十四」二字。 説以 爲 據也 抵建

郡 以 切 朏 復言陰陽 合,今亦删去。 皆本之《行狀》,然揆之朱子之意,疑未 得賢爲重。」似皆以得褒語而後受之。 敢 譜》云: 朱子亦 有 至 之知朱子甚深,而 不能 下載《 邪 辭。 故故 見其大指 召用之意,其 爲 往往堅辭 諷, 後 止於 盡 與 詔 湖 消 録 而 留 云。 論 長、否 再 南之除,又云:「長沙巨屏, 不 丞 撰之職,以寵名儒。 辭 録 除 以 録 相 ○李、洪兩本皆於四 四 書》論 其 命皆由留 ト上意 朱子之望於孝宗者亦 泰 蓋 月、 書。 相乘之幾,其言甚 以 七月、十月三書, 爲之兆 黨禍,且 ; 按《與留 派 至光宗,元 相 耳。 所薦, 以 書》 黨 月 ^ 未 雖 反 去 爲 年 正 而

是歲,與永嘉陳君舉論學。

云:「老病幽憂,死亡無日。」不似在郡時《與君舉書》,《年譜》在辛亥春。 按書

集 語 但 書 此。 器之來,●不免極力爲言其學之誤,●又 考。 也。 乃繳之云:「朱某素來迂濶,臣所 録》: 門人問: 生一秦矣。」後 書君舉蓋未之答,後書想亦不答也。 譜》只載 一陸下進退人材,不當如此。」而《行狀 0 又與黄直卿書》云: 更相切磋,未 今並 葉 君舉蓋深不以爲然,故置不 今作「是歲」。 録 前書,而 載 在辛亥,疑是在建陽,非 後 永嘉貌敬甚至,及與宫祠, 書所云「曹器之來訪」 書, 曰「後 見其益」之意 而 删 按 無聞 此 0 後 四字。 書 「君舉門人 焉」, 所云, 答, 也。 蓋 不取 亦前 未之 在 則 文文 ^ 語 指 曹 前 漳 年

<sup>■《</sup>又與黄直卿書》收入《續集》卷一,故此「文集」當作

<sup>「</sup>器之」、《宋史》卷一七五《曹叔遠傳》作「器遠」。

③ 「誤」、《續集》卷一《答黃直卿書》作「非」。

之後 學」,而正則則不及。 同 謂 亦 録》,陸、陳各立一 訪,略載 類》,以陳、葉爲 朱子固 遂從而 父、正則 Œ 云 則 也。 始 乘之。」蓋指君舉而 辨 附焉。 終不合也。 時 論之語。 今《 異議之臣,忌 一卷,陳謂君舉、同 語類》則書 《年譜》載「與 條,而 同父於壬子書其 今據《文集》、《 〇按黄子洪《 正則 言,則 其 陳 則附於君舉 君 軋己, 陳 舉, 君 君 父,葉 舉 而 舉 權 語 語 來 與 論 以 姦

考亭。 三年壬子,六十三歲。 始築室于建陽之

成」句,非是,今從洪本。 六月,始落成而居之耳。 父書》,辛亥五月已定卜 按《文集 與吳伯豐書》、《續 居之 李 本删 集 計 0 「六月落 至 與 是 陳 年 司

冬十二月,除知静江府、廣南西路經略安撫

使, 辭

丞相薦也,故附著之。 與留丞相書》,李、洪本皆不載。 此亦留

是歲、《孟子要略》成。 李本無,洪本附注除 知

録》,以見其概 指》,蓋 條。 一書也。 ○《要略》又名《指要》,一 其書今不傳,故附載《語 静江 府之下,今立 名《要

任 四 復辭 年癸丑 六十四 歲。 春 正月, 有旨 趣 之

録之。 他 二十三日到 按正月六日奉聖旨,七日尚 狀有 不詳 建寧,《 敘者, 辭 可 免 以 、狀》敘 類 書省劄 推 矣,故詳 次 最詳。 子下,

冬十二月,除知 之《語録》,《行狀》、《本傳》俱不載,《語 《年譜》云「或傳是冬使人自 潭 州 荆 湖 南 路安撫 虜 中 使,辭。 回 本本

是。 字 録 蓋 》亦 據《與留丞相 今從李、洪 疑之也 云聞朋輩 説 書》,則此 本 閩 ·, 而 本 非 删 有所據。 並 可或 載 條 留 王 傳二 過 丞 「或傳」二 録 相 字,非 所 於 薦

而《語録》所云未盡確也。

月,有旨趣之任。 五年甲寅,六十五歲。春正月,復辭。二

詔 李本無「二月」字, 遂拜命」, 語 II,則可 仍之。 餘 俱 删。 注自 今從洪本。 部 長 沙 巨屏」 其 平 列 至

奏劾將官陸景任。

李、洪本無,鄒本有之而不詳,今據《文

集》補。

修復嶽麓書院。

按 額 嶽 本云改建,洪本云更建,今俱 南 麓 渡 書院 後 廢 創 於開 乾道 寶 Z 九年,祥 酉,建安劉 符 不 共 從。 八 甫 年 賜 知

賜 錯 去。 建矣。 潭州 即 學之人」。 别立 彦忠所説未定之議,而 在風雩右手,背負亭脚,面 七月已有召命,八月去郡, 也。 至潭 今載《委教授牒 兩 亦曾一往,而 知集 不合。 聞 本 一言。」又云: 俱 言 移鎮。」 員 重建,悉還舊規,南軒爲之記。 ,牒委教 ○又按《與 又牒言: 《語録》有「至 額 與劉智夫書》云: 又《與 改 增增 王謙 與 建 亦不言改建。 授與黎、 廪  $\Xi$ 於爽 到官 樞 ·
蔡季 湘  $\approx$ 給 仲 樞 使 而 非 使 西 書 通書》,言嶽麓 塏 而 一嶽 兩 兩 毁 書》: 鄭 扁 [ **\** 末言「代者乃毀道 之地, 月 絶 麓 道學者,是又參 年 榜 未未 二君同行措置 未有 講 亦 饒 譜 饒 湘西精舍,得 對筆架山 「去郡二日 書」之云,是 年譜》李、洪 不 及 未詳 ※語 宰爲 改 宰寄示。」 及有所 往。」 則 建之議 事 所 作 皆 據 湘 改 删 而

耳? 寺菜 者 未 去 似 前 後,以存 未 遂其役,千萬之幸。」❷《續 廳 後 此 不 云 西 湘 求 乃 堂 差 皆 改 兩 容 兩 便 精 西 示 建,而 勝 有 乃 畦 H 别 毁 正 舍 日 嶽 與 精 ·可詳考。 之 右 爲之名,又 已 口 而 道 彦忠  $\pm$ 麓 0 舍 疑 中,背 邊 成 但 未 容 即 學之 饒宰 漕 謙 事, 横 云。 地 至,俟其 耳 聞 仲 到 臺 按 嶽 盤 0 前 别 人,未 大 云: 負 今附 想 麓 掩抱,左邊 直 却 已 ○《文集 書 爲 不 纛 (亭脚 已 乃 屬 淺 説 「熹 奉 容 作 移 來當 禀 載 朝 廷 知 合 而 報 湘 别 鎮 聞 蔡、 廷 以 老 横 其 面 在 , 有 西 集》書 别 是 敕 乃 收 更 濶 對 得 坂 風 Ξ 能 精 扁 邦。 遣 答 額 廷 召 畫 雩 賜 筆 舍乎 亦 榜 不 恐 劉諸書於 蔡 去郡 老 圖 右 拱 架 云: 即 敗 又云 須 贵 一言,俾 季 所 揖 來, 手 111 改 此 但 作 嶽 通 定。 建 代 納 湘 曾 勢 僧 凡 否 排 面 麓

> 成 與 西 劉 扁 恐有合求 智 榜 夫》云: 饒 宰 助 寄 處 示 廷 幸 得 老 留 以 爲 念也 仰 作 觀 湘 西 ^ 精 别 舍 集 E 0

申請飛虎軍隸本州節制,從之。

李、 去 姓 本:「申 此三句,今從洪 害,郡不能禁。」此必元 洪 本 教 俱 令,嚴 作 「奏 武備,以 請 本 」,誤,今改 本 飛 所 虎 有,李 軍 IE 人 爲 本 洪 删 百

六月,申乞放歸田里。

狀 李、 陳」,殊不 言 天下 学 天下 洪 語 國家所以 本 載 國 同 成 家 在《文集》,而洪 語 而 所 長 李本 以 洪 久」以下, 長 本「乞 末 久」,以 句 歸 改 亦 乃《乞歸田 下 田 作 不 里下 闕 能 遂 文。 有 也 里 按 有 此

<sup>「</sup>幸」、《文集》卷二九《與王樞密使謙仲劄子》作「望」。「曾」、《文集》卷二九《與王樞密使謙仲劄子》作「行」。

洪 能 洪 本 本。 是 較李本爲詳,而於訛 Œ 而李本異 李 本 則 同 率 亦不能 以 意 删 誤缺 改、故 盡 著也 深漏處, 今多 亦 從 不

秋七月,光宗内禪,寧宗即位。召赴行在奏

事,辭。

七字,今從洪本。

立忠節廟。

從洪本,李本删「又考譙王本傳」以下二

十九字,非是。

考正釋奠禮儀,行于郡。

「僅畢而行」下,僅有「則」字,無闕文也,李本略,今從洪本。據《申明釋奠指揮》,

洪本誤。

八月,赴行在。

十五字,●又無「以天子之命」十四字,此李本無「必有惡衣服」至「非吾之敢當」七

除焕章閣待制兼侍講,再辭,不允,仍洪本。

趣

前

來供職。

(年譜》「超躐不次之除,恐有冒昧之譏」

受」。

九月,奏乞帶元官職奏事。

按此奏乃離長沙在道所上,李、洪本

晦丁亥,至自潭州,次于郊外。

鄒本有之而不詳,今據《文集》補

狀》,云:「聞南内朝禮尚闕,近習已有用見,必《年譜》元本所有也。前條用《行按上饒語,見《語録》。六和塔語,則無所

事改。 事改。

無

奏事。 冬十月已丑, 事 語稍涉重複,不知果齋元本何如 事 御 者 I,故預· 筆指 有 揮 入國 是言。」此又云: ,皆已有端,故先生憂之。」 門, 申 省 乞帶元 時 也? 近習用 官 職

十月朔,誤,今改正。《申省狀》在己丑入國門後,《年譜》系於

辛卯,奏事行宫便殿。

T 壬辰,申省辭待制職名,乞改作説書差遣。 西 載 殿 李本太略,洪本爲詳 奉御筆 奏劄》補之,其兩本異同,亦不悉著也 ,亦非是。 不 允,乃拜 今據洪 本 命、係衡 9 而 加 湖 以《文集 南 供  $\equiv$ 劄 全不 • 便

狀》並《行狀》,李、洪兩本略同,俱不 申省,又仍作「臣」字,誤也。 爲「奏狀」矣,蓋 按此《申省狀 》,《行狀》改作「臣」字,則 以 從 便。 兩 ^ 今載《 年 譜 申 既 載。 省 云 以

> 疑於此。 之《行狀》,然恐與朱子之意不合, 寵名儒,乃拜命」,「長沙巨屏,得賢爲 朱子之意矣。《年譜》所云「論撰之職,以 乃拜命」,及此手札云云,乃拜 術淵源」、「崇儒 ○《文集 . 洪本於手札下,增「皇恐拜命」句,尤非是 係 銜供 重道」等語皆略 職狀》,其敘 命 御 之,可 筆 姑誌 雖皆本 於 所 知 經

上《孝宗山陵議狀》。

更化覃恩,轉朝請郎。1 服 誤。 轉 朝 請 賜紫金魚袋,從李本,洪本作「紫章 郎、從洪本。 李 甲辰,賜紫金 本 作 朝 講 魚袋。 郎

奏乞令後省看詳封事。

兩 按 乙巳也。 詳。」●十七日,甲辰,則此 注合,今改正。 集》元注:「十七日,著沈 李、洪 日,人劄子面奏,當即 兩本皆系於乙巳晚講之下。 《宋史》亦云甲辰 〇又 按 此 在 奏 有開、劉光祖 事 辛 在 與《文  $\dot{\mathbb{H}}$ 元 甲辰前 也 係 面 集 奏 ^ 非 文

請討論嫡孫承重之服。②

畢更 其禮。 元二 祖 此 給舍集 三年喪, 宋史• 服 兩 年 服 時 月。』於是監 已過春矣。 既 光 六 議 兩 胡紘 宗不 月九日,大祥。 耐 月 釋 紘言止當 親 服。 傳》:「寧宗 티 : 能 饗 執 太 察 徙 議 喪, 但 服 廟。」 御 紘 者欲 期。 欲 爲 史 寧 禮 太常 胡 ○《禮志》:「慶 宗 八月十六日, 更持禫 以 詔 制 紘 嗣 孝宗嫡 侍 言 全 少卿,草定 服 從、臺 盡 兩月,不 欲 孫 大 孫 諫 爲 較 祥 行

> 之喪。 孫爲祖 給舍 躬 請 知 令禮官檢照累朝 大 引古據經,别 爲服,昨來有司失於討論。 升遐之初,太上聖 服,而陛下又行之,是喪有二孤 多以 祥禮畢, 用 日,皇帝 亦 集 已 何 皇帝受禪,正 典 議 服,何嘗有此禮 康復,於宫中自 典 禮? 故 皇帝 御 吏部 嫌明微,委爲 ,六月九 正 若 殿 及 禮 尚 體 日 百官並 例施 饗 違 書 適 宜 日 祖 葉 孫承 豫,就宫中 ?」詔侍從、臺諫、 倣 行二十七月 元 行。」 翥 廟 允當 古方喪之服 純 今胡 等言: 9 重 本作「六日 吉 四 將 服 也。 則 來 月庚戌, 紘所奏, 欲從 行 太 禫 之 七月 自古 上 所 年 重 聖

<sup>■「</sup>著」、《文集》卷一四《乞差官看詳封事劄子》作「差」。

② 「請討論」,本《年譜》正文作「奏乞討論」。

<sup>》「</sup>喪」、《宋史》卷三九四《胡紘傳》作「服」。

又 冠 官條 蓋 後 從 + 聞 而 白 依。』〇按《宋史· 年 詔 皇帝 一之制 一有所 不 視 官 追 月 紘 不 。」「乙卯,攢孝宗於永阜 行孝宗三年喪制 明 去國 所 知 朝 具,必有定 皆 用朱子之 群 以 若 止 之 請 百官皆純 以涼 宜 未 臣 太 當 何 制 禮 從 所 E 而 安, ? 服 否 皇帝 議 志 所 衫視 趙 以 議 期」,「 早 議,不 此 雖 議 W 汝 典 所 來 合禮 吉服 皆 雖 次 愚 事」,當 故 本 載 ^ 奏 無 命禮官條 朕 未 年 禮 集 猶 知 爲詳 紀》: 於 明 躬 知 經 康 三月 志 議 在 葬 太 六 文 則是大祥以 奉 ,然於朕 愈 》所 釋 後 在 位 陵。」朱子 皇 + 可 慈 月 官 服 此 葉 用孝宗 汝 云 太后 考。 永阜之攢 訓 九 時 中 翥 具 愚 月辛亥, 日 詔 其 等議 典 敢 亦 追 也 罷 中外 布 語 胡 禮 幕 以 不遵 行 面 前 相 祥 衣 禮 以 略 紘 里 之 奉

傳疑 紀》、《 服, 名也 所議 志 史 名 急 位 用 寧宗亦未 竊 則 制 但 禮 孝宗 明言 意 也 不 皆 韓 志》以備考。 止言百 雖合禮 如 如 本 追 純 韶言「只欲禮制 禮志》皆不合, 爲 侂 此等處 至 若胡 紀》 用 成 其 用 不 闕 胡 胄 法 吉 經 必 朱子之議 用 **禪祭**,令禮官檢累 官以 紘 略 用 僅 然 紘之請,葉翥之議 如 ,然亦皆 孝宗之制 服 事,群 於追慕之心,有所未安」,皆 孝宗 葉 所 9 涼衫 今姑 語 耐 翥 全盡,不 不 而 未嘗 必必 等 暇 而 實 小 ^ 或元 視 無 録《 年 議 ; 行 及 洶 不 事 始 灼 較 用 譜 似 奏狀 詳 三年 洶 本 而 此 於 然 因 孝宗白 》所 小祥、 而 兩月」, 釋 所 其 朝 汝 可 以 不 而 \* · « 喪 有 典 服 愚 據 禮 云 云 攻 不 則依 禮 耳 ,汝愚 之文 大祥 又言 制 本紀 寧宗 特 僞 改 衣 亦 與 施 欲 學 冠 録 存 ^ ^ 群 存 也 行 胡 本 何 禮 之 去 仍 其 而 其

也。 傳 公言也。」此後人以《續通鑑》改入者,今 果行」,以《禮志》考之,亦未嘗不 未嘗言之,當以《本紀》爲正。 事,而朱子書奏稿後,及《文集》、《語 年之制,中外百官皆以涼衫視 ※年 今姑録以 《 禮 譜》云「詔禮官討論」、《行狀》初 志 **>** 傳疑。 所 載, 若閩 以 具 本云: 事 之 事。 其云「後 始 部 存 蓋用 末 録》皆 其 用 無 云。 名 文 不 其

瑞 並 免。 慶 節 9 奏 乞 却 賀 表, 並乞三 年 内 賀 表

削

去

却瑞 改正。 貼 稱 權 李、洪本俱作「奏乞三年内賀禮並免」,今 黄》: 賀 免 事 慶節 其 並 〇按《宋史》: 丙午,以朱某奏請 前 表 賀 依 亦 日 表。 此 不 賀 例。」又《留身奏 收接,三年之内, <u></u> 表,雖蒙退出,而未降 文 集 四 凡 事 劄 有 .: 合 子

> 言之。 改正。 言。 所請 免。 揮。 上《劄子》在乙巳,李、洪本皆誤。《宋史》 百官拜表 丙午却賀表,以 **劄子**》改 《年譜》合兩劄子爲 專爲 其節 今後 至《四 正 按《劄子》云: 稱 合 序變遷,並 却 賀,臣已前 稱 事劄子》,方專以三年之内 賀表,而三年之内,以 賀事,三年之内 瑞慶節 合進名奉慰。」 來祗 概言之耳。 「瑞慶節 一,非其 赴立 前 實 並 班。 也,今 今據 例 是 與 日 則 推 權 日

庚戌,講筵留身,面奏四事。

^ 文集 行狀》略有增入,惟洪本爲詳。 四 事 》補 奏劄》,《行狀》所載最 入,而 前 後則 依洪 本。 略, 李 今定從 本 依

以 里 進。 李、洪本俱無「晚講次日」四字,今從閩 + 月 戊 午 朔, 晚 講 次 日 9 編 次 講 章

下二十八字。 本。 末後數 其 注 語 語 則從 李本 洪 删「是 本,而 日 以《 講 進 至 一盤銘」 德 疏 以 補

庚申,早講。辛酉,晚講。

條。閩本無早講,李本俱闕。 洪本附注於「戊午朔,晚講」下,今立一

上《論災異劄子》。

敘於上《廟祧議》之前。 集》補。此在閏月五日後,不詳何日,當李、洪本無,據鄒本增入。注語則以《文

甲子, 丁卯,宣引入對。 E 準 上《 廟 封 祧 婺源 議》。 開 或 是 男, 日 在 告。 食邑三百户。 Z 丑,直

《年譜》,廟 持之,不以聞。」又曰:「先生所議,頗達 甲子也。 云 「昨 日 今補 不 祧 及 集 正。 預 議 議。」 在 〇《行狀》云:「 六日 則 上 癸亥。 議當 在 按 議 廟 次 堂 狀 日

> 以議 詳 被宣召,未見上之語也。《年譜》「榻後取 之上,廟堂初不 劄子並行降出。」 以議狀與劄子並言。 行。」《進擬詔意》云「廟議 廟 《行狀》不合。今考《面奏劄子》云:「 云:「蒙恩特賜宣問, 『此卿所奏《廟議》也,可細 申尚書省,不知已未達聖聽否? 乞宣 上聽。』《年譜》云: 劄 卷」,與李閎祖録「文字既上」與「出 賜覽觀 及入對,上於榻後取文書 狀進呈矣。 子》云:「未將 並 下此 《面奏劄子》「已未達聖聽」,蓋 以 則尤 奏 聞,及 字 臣 付 至《辭免待制奏狀》 爲明白矣。 即以臣 相 元 外 上 詳 劄、 狀並 不 奏 有 陳 聽, 議。」又《議 劄 所進議 所 其説。』 子 復奏 聞 付 蓋 啚 卷 文 則 議 狀 外 疏 日 所 書 亦 狀 並 施 問 已 與 祧

戊辰,入史院

桃僖祖云。

李閎

説

, 乞且從

禮官

初

議,爲

樓大防所激,卒

祧

?」再三

以

爲

不

可。

既退

而

政

府

持

之

益

堅,竟不

行

惟

謝

中丞人文字

· 右 先

生

字既 爲是。 《行狀》而 陳 奏疏 日 ◎無語 誤增無疑 狀》語略而不詳,遂啟《年譜》之疑。 進文字」,皆指議狀,非别有奏疏。 議桃 「高宗不 君舉力以 録「文字既上」之云,因 上,有旨次日引對。 既不見於《文集》,而《 録 廟劄子》皆無及此者,則《年譜》之 今從閩 **\***: 附 也。 先 論 爲不然,趙揆亦右陳説。 敢祧 閩本删「復奏疏論之」五字 生 於此,李閎 本 獨 ·删去,今並載《年譜 ,壽皇 建不 可祧 不敢祧,朕安 上出所進文字, 祖録 謂更有 面 僖 亦 奏劄子》、 祖 附 之議 奏 於後 又因 疏 敢 文

> 也。今載《語録》。 據洪本,則《年譜》以《語録》增,非本文 洪本有「按《語録》云」,李本删此四字。

庚午,面對。乙亥,直日。

李本無,洪本注於「除寶文閣」下,今立

條。

下,附奏謝,申省乞放謝辭,遂行。 丙子,晚講。是日,御批除宫觀。戊寅,付

之下。 譜》止云「樓鑰、鄧驛、劉光祖、陳傅良皆争 無,閩本作「申省照會」,今依《文集》改 省乞放謝辭,得與放 徑遣内侍」,亦閩 閩本參補。○「汝愚因求罷 本、李、洪《年譜》無。 李、洪本皆不載,而注於「丙戌,除寶文閣 ○「中書舍人」以下,皆用閩本,李、洪《年 今依《文集》改正,注從洪本,而 本、李、洪《年譜 謝 「越二日」、「韓侂 辭。 李、 政,不許」,閩 洪《年 無 譜》 以 申

留之」。

還 除 午, 待 知 制 江 除 職 陵 寶文 府、 荆 閣 湖 待 北 制 路 與 安 州 撫 郡 使 差 遣 並 辭 乞 追 尋

《文集》,朱子以二十一日戊寅 辭 狀 道 寅 陵 文閣 改。 乞追 最 此 陵 年 塗 奏謝 間 府 爲 條 府、 即 譜 也。 待制 謬誤 還 合 ○《年譜》 E 湖北 新 兩 起 即 辭 舊 發 遂 申 至壬午乃除 朱 與 安 職 閩 免 前 行」二字誤,今删 子 州 省 丙 撫 注亦分爲二條: 爲 名 本 以 郡 乞放 戌,除寶 路聽 使, 綴 已正之,今悉依《文 差 戊 9 辭 於 寅 而 遣 謝 候指 實文閣 一,遂行 丁未 因 奉 辭 文閣 李、洪 以 御 揮 還考亭之下, 復 奉 批 ; 待 待 奉御 資辛 旨 道 是啟 去。 有旨除 本 己 制、 制 前 與 除 同 卯 批 命 行 放 知 知 集》 亦 具 按 寶 仍 謝 庚 江 按 江

> 閩 之間 文閣 日 旨 在 日,二十九 丙 本。 示 《年譜》「丙戌」, 戌晚 + 允,仍 除 待 制  $\equiv$ 講 四 日 繼 除 與 」,皆誤。 間 下。」則 也。 知 州 也。 江 郡 李 陵 差 本「是 當 去 府 遣 今考《 + 壬 是 车 又 Ŧi. 除 奏 日 申 日 狀 之除,不 文 知 晚 省 壬 云 集》, 江 講 辭 午, 陵 定 洪 府 及 旬 除 從 本 H 寶 奉

云 下 思 體」之語,與 洪 按 即 年親切之訓 ·, 今另立一 而 果 果齋元本否? 本附於除實文閣 「抵家遂力 齋李 自得之」,蓋指《玉 氏所 讀 此 條。 辭 云 意 者宜 新 合,意 晚 〇李: 果齋有 命 下,李本 年 深 指 本 味 Щ 必 按 無「此 示 之二 講義》,答陳 晚 果 末二 本體,令人 附 年頗指 齋 於還 乃 句 句 元 先 本 考亭 示 未 而 生 本 知 别 晚

月戊戌,至玉山

講

學于

縣

庠

性》「人之所以 新 喪,而大義已乖者」,豈不信哉! 門久自開之矣! 朱子所云「不待七十子 自得之之意。陽明《晚年定論》之作,朱 者七」之例,非 性善之指,説出 之、林德久諸書而言。以今考之,皆發明 命,亦不在抵家後,李本亦誤 爲 有指示本體,令人深思 地 性者五 頭 名目。 ,人之所以爲 如韓子《原 〇力 而 情

慶宮。十二月,詔依舊焕章閣待制,提舉南京鴻

日」,考其詞意,非隔歲也,當是十二月十《辭免焕章閣待制奏狀》二云「今月十一

日。

寧宗慶元元年乙卯,六十六歲。●

「今月十一日」,蓋以爲正月也。考《奏允」一條,李、洪本同。《辭免奏狀》二言《年譜》有「春正月,復乞追還舊職名,不

册去。 删去。 删去。 別方言:「照去年明矣。今依《文集》 第二次《辭免奏狀》,早賜施行。」則第一 狀》六言:「照去年申省,及後來第一次、

删去。

夏五月,復辭職名,並乞致仕。 《年譜》:「遇遯之同人。」《行狀》同。按 《別集·答劉德修書》云:「得遯之家人, 爲遯尾好遯之占。」若遯之同人,則止占 改正。○閩本「蔡元定入諫」下,有「亦不 改正。○閩本「蔡元定入諫」下,有「亦不 從門人朝奉郎劉炳」十字,不知何據? 「朝奉郎」三字尤爲無義,今删去。

秋七月,復以議永阜 費陵自劾。

分,其待制職名,亦云未敢祗受。《文集》按此《奏狀》,專以議,儹陵自劾,乞賜處

● 「寧宗」二字,本《年譜》正文無。

三六五

乞鐫職 是,辭 乞鐫 也。 本「九月,乞鐫 韶依舊充 官,不當復帶侍從 本 乃批答五月奏狀,非七月也。」亦誤。 俱依《文集》改 題《乞追 云「十一月, 以 屢 本 無九月一 辭職名」包之,凡李本之以意删改,類 嘗妄議 李本 李本 職 删一七 職名,不允」,則 辭 名。」考《文 還 則《文集 秘 統敘於「十二月,以 職 删「七月 待 山陵自 條,而 閣修撰,宮祠如故」之下。 謝 月 再 制 職 Ē 事,非朕優賢之意。 復 辭 職 》無 名」,蓋爲李注 辭」, 職 名》, 職 + 注 集》無之,今删 劾」,則七月之奏 0 此 名」,則 名」, 則 洪本又云:「九 語。 Ŧi. 非 以 日, 兩 六狀 則十 是。 月之奏也 本同,其云「先 又言「已罷 再 可 屢辭 辭 例言之耳 洪 正 一月之奏 所 李 本注 誤 去。 職 不許 而 本 也 其 又 之 洪 講 李 ;

如此。

罷祠 二年 十二月,韶依 閣 傅伯 遣。 譜》俱誤 待 丙 |制|條| 壽 慶元元年十二月。」 辰,六十七歲。 行 載 詞 舊秘閣修撰,提舉南京鴻慶宫。 下, 閩 於「甲 . 依 本已改正,今從之。 寅十二月, 舊 秘 歲月甚明 閣 冬十二月,落 修 詔 撰, 依舊 宫觀 而《 焕 年 差 職

字。 下。 改正 語。 行除毀」四 本亦作「聞之」,而 是衍文,「之」當作「知」,或「之」字下另有 李、洪本 知」字。 ○按洪本疑是《年譜》元本,李本略 行狀》、《本傳》俱 蔡元定」以下 ○《年譜》「省闈 俱作 葉翥、劉 十四字,又無 褫 職」, 無 德秀,倪未詳何人。 九字,系於「從之」之 「葉 云「落 此 聞 「臺諫」以下十一 倪劉」以下 本 之, 沈 職 繼 「聞」字或 罷 祖《 祠 至 並 疏》

據

合 祖《 職 從 于丁 朱 余 幾 劉 有 云: 疏 載 罷 嘉 御 李 未 削 子 疏 某 謫 M 沈繼 艻 爲 本 Ė 祠。 史, 甚 落 傑爲言官 E 耳 疏 **>**, 如 道 詳 續 疏 紘 别 分 職 今頭 州 祖 語 宋史》所 乞斬 诵 筆 年 元 罷 蔡季 明 《宋 章 爲 鑑 大 按《 定 祠 譜 似 較 亦 監 誣 之命 罪 通 ^ 寒泉精 史 漫 見 粘 連 ^ 與《 行状》云:「沈 宋 以 察 之 詆 有 年 於《宋 採 不 0 疏 在 沈 史 貶 御 日 六, 譜》 語 胡 人之。 載 頸 詆 落 繼 史, . F 上之 紘 舍之下,非 録》 某,並 今所 以 與 祖 職 又 史》, 蔡 , , 傳》 沈 誣 稿 罷 小 加 傳 語 宋 閩 某 繼 爲 異 詳 祠 傳者 亦 語 **\*** 及 而 録 史》 本《 + 祖 胡 明言 繼 焉 **>** 元 語 沈 罪 紘 可 ^ 年 + 祖 疏 是 洪 不 至 定。 本 繼 考, 録 所 罪 選 本 繼 爲 沈 知 詔 傳 **>** 繼 亦 監 系 不 何 祖 落 未 今 與

删

本

所

《宋 林 今存 條 去。 有 乃 施 攻之,後 止 通 臣 陽 今 大罪 先生在 年 明 栗 鑑 或 增 並 康 至 據 一條, 譜 史》本 後 改 極論 年 第 学 深續 續 其 削 元 一文氣 人 有六」爲「論 詆 並 四 非 依 本 去。 大 愚 以 浙 通 洪 倣 之。 · 傳。 爲『僞學』 條 載 所 陋 略 撰 提 東 鑑 元本之舊,今悉删 本 沈 至此 日 載 沈 有 造 時 而 刑 繼 增多三條, 其 卑」 今録《行狀》、《本 以 以 繼 董 謝 祖 亦 附 召 但 後 改 、余嘉 詆 銖 祖 可憐 大 辨 人,人 語 韓 朱子者。 李 廓 同 語 ^ 罪 之。 疏 多 然、 本,甚 李 也。 胡 侂 兩 + 疏 錯 亦  $\approx$ 紘 本, 胄 恐 陳 其 皆 近 雜 而 口 與 秉 其 賈 以 爲 閩 不 第二 人 洪 改《 删 沈 政 此 去 陟 不 無 知 下 疑 本「先是 趙 ^ - 傳》, 繼 皆 所 識 清 譜 續 則 知 則 誤 彦 條 據 惟 祖 後 輒 要,唆 林 所 通 同 後  $\forall$ 竊 以 仲 全 共 此 李 云 人 據 ^ 附 疑 詆 削 用 妄 續 本 爲 之

采、施 載 子 以 學 先 制 有 東 不 、時、祗 合, 考。 程 也 京鎧、 林栗友 生之罪 此 0 頭 皆傳聞之誤,今悉不取 康 劾朱 林栗 趙彦 、王安石之説取士,其攻 年、 僞 人稱朱待制, 何澹皆附 學者鄭 汪 子, 自 仲 京鐘、何澹 義 以 有 非 端 與 疏 爲 丙、陳 和 余 朱子 攻洛 人 之。 嚞 所 朱子此 又特 論《 學, 賈、 俱與史不合,又 唆者。 易 亦 謝 按 請 時 非 朱  $\approx$ 廓 朱 斬 未爲 其 直 然 子 子 以 西 敘 則 攻 乞 在 絶 朱 林 未 無 浙 僞

是歲,始修禮書。

禮》五 禮 定 邦 文 經 集傳 献 唯 傳 國 禮 卷 通 通 集註》者,即 書 , 0 解》者 考》載《 **>** 四 數 卷 \* 鄉 · ○ 王 ,凡二十三 禮》三卷、《學禮 中 篇, 興藝文志》熹書爲 此 缺 朝禮》十 書舊名,凡 而 未 卷, 補 四 熹 \* + 卷。 晚 + 其 歲 -四卷。  $\Box$ 其 所 卷, 儀 親 日

> 此,則《 今依 爲《王 藉 狀》、《本傳》皆不及。 康, 以 仲書》云:「向 未 本 康,則敬之 亦本之《跋語》也。 ○《乞修三 跋語》,不 官司 耶 及 有在 無據 ? 删 鄒 切皆 朝 之力 年 改」。 於《行 禮 本 或 而 譜 禮劄子》,以 知 自  $\forall$ 録 仍 余 略之也 爲 鄒 人, 有《 所 而 家 其舊。」〇 陳 在 狀》、《 之, 本 載 長 所 氏 1 跋語》、《藝文志》所云, 而 從何得之,豈 亦 爲 沙、 有, 但今刻《通 筮 日 並 本 是。 未 **>** 按《文集 臨 去 傳 載 今 按《通 及 (國,不 安、皆嘗 篇 其 刻 ^ 》之外者,未 開 凡《 通 子 亦 偶 口 年 解》本 解》 考》 缺 在 脱 . 及上、《行 猶 而 譜 與 有 刻 罷 刻 漏 熹 及 於 應 所 朩 意 見 於 於 耶 後 此。 增 據 欲 載 舊 口 南 ? 來

「五」、《文獻通考》卷一八○《經籍考》七作「三」。

0

餞

别

蔡

季

通

於淨安寺。

三年丁巳,六十八歲。 午 别 當 官, 事 兼 此 未嘗 云: 按《謝 書之來下,恍 表》即 미 後竟 别 及 春 立 在 也 即 誣也?」李本 蔡 依 戊 方 落 謝表》云: 無 閲 且又不 無 元 表》以正月二十七日 在 前官 條 午 有 職 告 時 告命,蓋 定」下, IË. 告 云: 罷 正、二月間 既 命 月 故 命。 祠 久, 祗 也。 在戊午冬,今削 歲 落 也 《兩《謝· 無據 律之還周。」則告命之下, 今從 遞到 省 Ţ 掖 秘 今從 命惟 李 劄 巳 垣 閣 春正月,拜 表》語: 洪 月 本 落 正 不 修 落 李 新。」又云: 日 本。 不 職 月 人撰,依 敢 秘 閩 本 告命 準省 載 罷 奉 秉 有不 閣 去。 删 本 洪 省 筆 祠 修 命謝 於 去。 而 前 劄 本 一、公論 同, 劄, 撰,依前 告 戊午冬 官。」 道 附 文云 則《謝 表。 非 命 至 整璽 注 表》 戊 按 則 則 兩 焉 於

表」,而 陵 譜 西 條,李本與洪 仍載之以存 增人之,今録《蔡本傳》、《 皆用《蔡本傳》,而 亦 同 通 寒泉也。 通之行,州 寒泉精舍在後山 精舍」,今改 李、洪、閩 〇《年譜 八月言 契》, Ш 》則删去。 於淨安寺,不言會宿 以 蔡 下, 以「前 即 元 餞 | | | | | | 皆從 在淨安寺中。 本皆作「别 定於寒泉精舍」之下,李本 别 今據《蔡 縣 Ē 疑 蕭 防 數 州 本大異: 李本 明 洪 寺, 衛 日之夕」等語 縣 天湖之陽,地非 日獨 本。 〇按《 其 甚嚴,未 以《語 逮 本 而 二次 西山 捕 傳 與 無 寒泉。 語 年, 季 **×**, 會 按 録 至 宋 蔡 録 語 通 必 拜 宿 》會别淨安寺 史 季 語  $\approx$ 兩 ·删「拜 會宿 與朱子共宿 元定於 録 系之於「 命、 寒泉之 其 0 通 録 朱子 得之矣」, **》,**而《 蔡 孔 時 》改正 餞 卒 寒 道 本 問 命 别 於 泉」, 别 寒泉 語。 傳》 誤 别 謝 春 年 參 季 兩 季

譜 《疏 人,未 行乎 是。 祖 雜 慟 巾 處 而 益 删 下 也 續 本傳》不 一,則 **\***, 李本 採 譁 通 李本 信 非 李、 自 諸 患 又一條 至 疏 必果 鑑 李 州 則 過 其 也。 難 書 切 洪 **>** 止 本 時 李本 後 同 本之《宋 有 則 齋 , 載 俱 明 悉 本 州 而 今略 按 竟 删 削 本 數 不 改 又一條, 同 删 縣 不 今大 與 無 削 知 去。 也 語 爲 去。 洪 無 逮 不 與季 告 出 史 自 廣 本 而 載 概 命 舛 捕 其 然 於 又末 信 同 誤 從 季 甚 按 載 通 洪 義 何 胡 續 則 而 府, 洪 通 急 本 謝 季 書 疑 理 本 紘 附 以 閩 通 本, 從 宋時 深 洪 **>** 大 通 亦 條 傳 李 辨 曰 : 本 鑑 至 先 宋 甫 本 原 以 , 》, 而 係 之。 耐 本 以 「爲 史》 載 生 語, 乃元 止 沈 後 其 素 以 時 删 補 遊 此 名 之 沈 繁 繼 黨 患 無 亦 人 去 下 ^ 信 繼 按 增 有 年 皆 冗 與 禁 祖 難 以 俱 爲

鑑 合。 亦與《 其文,且 遣 其 元 考之,落 蟣 自 以 謝 於《本傳》,自 州 疏》、《文集》亦 宋史》本 以以 今 本矣,今皆削 》語以補之,是皆後 益 書 絶 深 相 閩 僞 甫 與 小 厲 宋 語 傳》: 本 臣 講 學 疏 其餘 移 史》 職 同 傳論 大 明 学云 乃敢 之 且 罷 列 其 概 不 「有 在 逮 指 廣 祠 日 與李、 學耳 某大 合。 狂妄 去。 可 沈 : 信 捕 蔡元定爲僞 余 與 考,《 繼 續 季 竄 嘉 鵝湖之寺 罪十,此云 朱 又選 果 如 祖《 洪 通 通 人 者 季 元 續 此 有 本 鑑 改竄 之 F 疏 通 晦 人 當當 通 同 何 前 一疏,乞 》後。 本 余 鑑 罪 皆 蔡 黨。 並 相 此, 譶 而 大 此 乎 以 以 季 與 所 採 ? 《宋 非 斬 罪 甚 上 ^ 沈 加 通 深 奏 云 李 語 朱某 書, 有 可 續 稍 之 多 甫 史 繼 余 不 録 疑 洪 見 改 不 嚞 擲 通 祖 過

四年戊午,六十九歲。集《書傳》。

默 説 善書》, 也 師 誥》、《洛誥》、《武成》諸説,皆早年作 李本。 已命門人分爲之,至己未冬,乃專屬之仲 百餘段,則《文集》無之。 據《文集》乃改訂蔡《傳》,至《金縢》、《召 成,而後命蔡足成之。 未冬,先生命沈 李本有「按大全集」四字,洪本删去,今從 書傳》於戊午,意朱子先自爲《書傳 耳 説 》,亦朱 ,凡此皆所 不 論《書 ○按蔡氏《書傳序》云: 復 子所 識 未詳。 别 解》甚詳,而李時可亦有《 命 亦 作《書傳》。」《年譜》 ,其書不傳。 不言别 ○按《文集·答潘 其二典、《禹 蔡《序》言 有 親 當是 稿 「慶元 百 戊 謨 引 載 餘 親 》,未 書 午 子 段 用 稿 集 己

李、洪兩《年譜》皆以《楚辭集註》成於乙《後語》、《辨證》成。 五年已未,七十歲。春三月,《楚辭集註》、

輩 註》成於乙卯,在《韓文考異》之前 節 色, 相 辭 漢 所 録之。」李本云:「 庸》四書,次而六經,又次 憂時之意屢形於色,忽一日 『慶元乙卯,楫侍先生於考亭精舍。 卯,今改正。〇洪本云:「楊楫《跋》云 居教學者,首以《大學》、《語》、《孟》、《 廷治黨人方急,丞相趙公謫死於永 文集 韓文外集考異》曾帶得歸否? 取 亦不敢 以 》解釋,其 趙公謫 釋《楚辭》一篇。 因注《 楊《跋》也。 後詞章,特餘論及之耳 • 與方伯謨 楚辭》以 死 竊 義何 有請 於永,先生憂時之意 也? 按《年譜》皆以《楚 焉。』楫之言婉 時 書》云:「今子聞已 見志。」 楫退而思之: 先生平 朝廷治黨 然先生終不 而 而史傳,至於 删 ,出示學者 人方 乃 楊《 獨 而深,故 便中 跋 屢 急, 爲《 先 辭 形 時 歸, 考 集 楚 中 於 派 楫 秦 以 朝

據《方 要未 也。 決 辭 無歲 更送 早 姑 莊 楫 成 己 異 又 及考《文集・韓文考異凡例》、《 不錯誤 介前 仲 爲 非乙卯成《集註 |未三月」,《集註》、《辨 有《楚辭 從《年譜 ,在《韓文考異》之後,與《年譜》不合。 寄 録 門 以 月 口 示 去詳定, 書》及《辨證》前題,移之己未, 在 據 此 可可 人,不見於《文集 ,而《文集》編 楚 考之, 戊午,或《考異》之成在 正 一辭後 》,系於丁巳, 又《楚辭 歎 **\***, 年譜》爲楫《跋》所誤 集 也。」據 抄 莊 者 語 得 則《 仲 Ë 數卷 》,而 序》、《楚辭 寫了 辨 爲 年 此, 次 證 點 譜 則 己 證 則《 而《 》前 大抵 ~》、《語: 勘 更得 》之誤 以《韓 未始 》皆一時之作 已 ( 楚 辭 楚辭 題署云「慶元 世 集 頗 此 録 作《辨證》 註 書韓文考 間 文》居《楚 無 詳 集 補 戊午,今 集註》之 》,其 耳。 序》,皆 文字無 註 疑 細 足 矣。 須 矣 加 則

> 然也。 譜》不 成 依《辨證》前 題署「 後語 語 楚辭 年譜》所載並皆删去。 於 録 慶 序》謂 》、《辨 合而删之,《 慶元己 集 元 註 Z 序 證 題 未三月」, 卯 楚 耐 》當在其後。 無 9 辭 統系之於此。 以 集 歲 集 ^ 註 月 註》、《韓 方書》考之,亦 此 疑 》或  $\bigcirc$ 其 成 後 今無所據 楚 確 於戊午。 人 文考異》 解 然 ○李微之 以 辨 口 與 據 證 仍 》前 未 皆 年 而

學》「誠意」章。 三月辛酉,改《大

説《太 諄 諸 洪 甚 西銘》,李本 諄 詳 生説《太極 本大書三月己 爲學者言之,其示人以 極》、《西銘》注云:「己未之夜,爲 書 蓋 無 圖》,庚申之夜,復説《西銘 先 ,今從李 生奉 未 説 以終身, 太 本 削 極 原始 圖 去。 而 反終之 至 庚 是尤 洪 申 説

諸 此 次 修《稽古録》 及 本,大抵皆後所增修,未必果齋元本 改「誠意」章注同 説《西銘》甚詳, 是,己未 己未夜, 書》云:『《大學》又修得一 改「誠意」章下,云:「戊午歲、 意,甚深切著明矣。」李本無此條,而注於 楚辭 大學》『 西銘》, 夢奠記 (第可 不復 生論 時事甚悉。 説 出 以 夜爲諸 説 誠 又言 段。 矣。」是朱子辛酉之前 絶 其縱言及於《太極》、 書 意』章,寫 「丁巳,看《 筆。」是 ,而去「先是爲諸生」二句,閩本皆 段。 至《太 戊午,改《集傳》 爲學之 午後、大瀉 且言爲學之要云云。」洪 生説《太極 日,改『誠 是夜,説 極 畢 要 書集 圖 又 云 **%** 還 番, 圖 改 云。 《傳》說: 也。 數 書 至 庚 兩 意』章。 簡易平 與 庚 按 字, 數十 ^ 樓下 申 每 辛 章, 西 數 蔡 申 廖 酉 夜, 夜 又 又貼 + 仲 夜 德 實 百 修 説 先 自 改 條 默 復 明 洪 本

> 終,而 蓋 皆未之辨也 等語,皆不之及, 意」章爲朱子絕筆 文不合。 爲學之要數 極 圖 亦論説之常,今洪本乃大書己未説《太 [》,庚 以 此 申 勉齋《行 書爲 語 説 於改 末後 西 足訂《年譜》之誤,而 狀》止 前 銘 一誠 ×, 傳 於《太極》、《西銘 似 意」章後 付之秘 載 朱子 改《大學》「誠 者 前 明 知 其 與 又 世 記 截

甲子,先生卒。

《行狀》爲據」,今兩 時 按 Ш 本 與《夢奠記》所載 人所改。其一,「 所辨《年譜 」,則洪本有之,而李本 從《夢奠記 方入請 治喪大事,朱子無遺命,而門人於病革 則朱子已不能言矣。 兩  $\forall$ , 事 未 不 是日 知 : 一同,洪 本皆同《行 其 孰 大風 爲 9 本從《行 元 無。 拔 本? 作 木,洪 狀 書 又李 《 行 先 7狀》,李 祝 本從 流 後 穆父 疑 崩 後 以

曉。 近,諸 辨,略一 按 枕 字。 疾 多 之乎」十四字,下接「乃頷之」。 有 無 憾矣」及十七字。 几 並 後 「令更 增 李 ,葉味道 誤 字,有「告之」二字。 來 存之以 亦 日 「當用《書儀》乎」下,云「朱子揺 方子 X 所 觸 摇 生 加勉力。 疎 記 不及此,豈洪 又 而 改 揖 首。 巾 略」三字。 述先 按 與? 無 俟考焉。 ,目門人使正之,揮 清 而 明 删 周 然則 退」二十二字。 曰: 與《行 削 氏 生《 且曰吾道之託在此,吾無 今録 此 復《 0 「先生之疾革矣,萬 以《儀禮 年譜》云 「當用《儀禮》乎」下 條 本 「補緝」二字作 洪 家 狀》不合, 李本 乃元 删 本 禮 削 而 附 **∀**, 與黄榦」下,有 無 本, 爲 附 洪本 録 先 『諸生 多 書儀》參用 李 婦 而 而 **>** 又有「就 生 本 曰 較 穆 亦 李 人 起 於後 人 本則 李 無 父之 首, 不 坐 問 復 得 本 口

子在 幹書 此異 也。 齋書》載二十九卷 蔡 元裕 朱子卒前 近之,而考之祝 本皆後人所改,而 本則從《行狀》。 今李本大概 何 不 夢奠記》, ?? 沈 諱 《行狀》云:「先 與門人范念德、黄幹 ,敬之與 同,當悉著之,而 復 請 當用《 請 日 額之。」 曰 而 日,與子 與 書儀 . 伯 用 元  $\sim$ 疎 崇書 穆父所 ^ 本合, 據 儀 以 論 儀 略 》乎?」曰 非 周氏 此, 禮》乎?」 生 禮 事 不 在 其 不 辨,則 書 \*, < 疾 載《 一字 〈真矣。 、門人 則《 而 敢 所述 中 , 尤惓惓 且 書 以 詞 ,此編 則 文集》,惟《 年 革 : 質也。 語 又不合。 考之, 手 范 用 譜 儀 先生摇 然李本 疎 則 ^ 念 次之 參 以 書 行 異 略 元 德 勉 則 囑 用 狀 本 、黄 首 學 勉 其 按 爲 凡 洪 用 如 范 兩

也 道 傳 學次第 此 絶 爲 託 語 衣 衣 詳 H 洪 本 及 元 如 並 ·, 補 在 則書所 也 兩《年 修 奠記 其 與《 且 綫 本。 朱子 所 此 〇又 Œ 微 封 緝 而 在 著 吾 宋史》同, 遺 宋史 ·譜》本 成 意 而 一卷,往爲之式」。 言 今録《 晚 無 所 此 按朱子臨 書授榦,手書與訣 論 之,其書界行開 亦 無憾矣。」」此本之書,而 者,吾 有 ,其於孔門之顔、曾未 記 年 程 . 爲言。 可 也。 與 略 最 門諸公,未 黄榦傳》云: 文集》 見 詳 而 同 矣。 無憾」之語,然 卒《 李本有「吾道之託」兩 書, 洪本 以 而 書 其 與 於此 每言 勉 此 無之, 語 勉 云「令收 齋 有 具 書 前 齋 日 最 斯 則 「病 口 逐 較 書》,有「吾 則 抑未 道 又較 後《祭文》 附 當 項 吾 之相 革 略 之 禮 止 論 合 知 衣 傳 以 知 寄 書 鉢 何 道 修 以 書 之 授 孰 深 之 底 如 如 深

> 厚,而 言末 是 無 如 今日 無 慮其學之無傳,而 微言之絶、大義之 未間、《祭文》蓋 此 續集》有《與 以 疑 所 此。 期望 乃親 爲 據 年之付囑,將 不敢謂 蓋 至《宋史》,言 證者,不可 之厚耶? 年 見 譜 暗 此 直 用 已 雖 境 禪 得 兼 卿 界 未之及,而 家 以 乖 其 用 至於感泣 殁之丁 書》言: 今考此 也。」 不 衣 以 傳 此 也。 辨 鉢 深 意 也 其 也 蓋 亦 寧 之説,其 榦 衣爲寄,考之 「古之 書, 書 流 獨 後 只云: 古人之審 則 在 涕 却 何 戚 者,不 戊 禪 無 必 爲 期 戚 家 此 有 附 望 然 而 會 慎 有 於

冬十一月壬申,葬于建陽 者幾千人」。 康 洪本《年譜》本之《宋史》本傳,而「正言 「言者」,未嘗指 年」,則又 用《 按《續 續 其 人 通 也 鑑 縣唐石里之大林谷。 通 補 鑑 李 | 載 本 本 止 右 傳》 굸 Œ 會 IL 施 施

《續 士子攜 公季 位 非 從 知 嚴,燔率同門往 室,不少怵。」 不知 也 不合。《宋史 敢送葬,惟李 信府,鵝湖寺在焉 康 (疏》前 其實, 遊 何 而 年《 通鑑 子敬之謂「《家禮》久亡,葬之日 之 聚哭焉 據 又《續 疏 續 士 也。 後皆 來,因得之」,亦 當以《年 續 》所 通 與 通 通 凡 載 鑑 禁錮 考之《行狀》言:「訃告所至, 夫 云「會 鑑 與《年》 燔率一二 鑑 數百 李燔傳 似本之此,而 聞 所 會葬,視 譜》爲正 雖 風 雖 蓋 載 於 言、《宋 本之《 譜 慕義者,莫不 嚴 出 信 浙 以 》「會 一同志 有 **\*** 可 <u>F</u> 於 江 封窆,不少怵。」 李 是門 知 何 所 史》止舉 人 葬 又有增改,不 某既殁,學禁 往會葬,視 燔 會葬者 書 不避 閩 信 幾千人」又 傳》, 生故 必 州 也 相 也。」 今之 由 其 然恐 固 與 舊 之路 康 有 略 多 爲 而 封 廣 年

> 果 不當删,今並據閩 譜》原序,李本不載。 全》者所删 反 條, 躬三條,後 齋李氏語,見《性 向 每 而 疑 止言居 之,考新 洪 亦不 本補 理大全》,洪本作 敬、 能 其首言 閩 補 窮理 本 也 居敬、 乃 而 後 知 兩段 缺 纂 窮 反 二年 亦 大 躬

朱子年譜考異卷之四終

# 朱子論學切要語卷之一

静之間

、無一毫之隙、一息之停哉

此

書

以

癸巳

故存 得之半, 心 動、 間 存之於其 而 之全 隔 未嘗離 語 則 答楊 默、出 所謂 體 孰若 有 是 又必待 其 流 也。 揠 雖 子直》云: 主 行 所 苗 得 處之見於外者,亦即 心者,固 今於其空虚不用之處則 得 運用之實, 助 其 有所安 一於敬 之半,又 長之患, 半, 在於内, 而 大抵 而 排 失 則棄而不省, 將 其 此 否 布 身 心 不 則 置 半 心 而 卓 足 然 矣 。 有 内 凡 然 以 舍 此 後 外, 視 内 自 然 而 心 能 聽、 外 存 其 之 不 此 操 初 存 芸 所 動 於 而 用 言 無 而

> 至矣。 熟讀 **《何** 樂 在 我, 一叔京書》參考,自在癸巳 而 深味 答王季 聖 但讀 而不容自已, 賢 其旨 垂 書不 和 訓 \*\frac{\times}{\times} 前 可 又 貪多,今當且 皆 嘗 則 反之於身,必 懇 謂 下學上達,自 切 道之在 明 Ė, 以《大學》 有 但 當當 以 能 初 信 有 非 虚 所 外 其 心

所 蓋 各致其功耳 存 非 稍 《答游誠之》云: 無 有 以 所 盡 知,無 義 理 一之奥。 以 致 窮 涵 理 Œ 養 涵 當交相 之功; 養,要當 爲用 非 並 深 進 有 而

而實人欲者,次第可見。今大體未正,而便所見去之、存之。工夫既深,則所謂似天理《答吴德夫》云:去人欲,存天理,且據

改讀

後段。

如

此

庶易

見功,久之浹

洽

通

貫,

則

無

書不可

讀矣。

此書未詳何時,疑在癸巳

爲

先,

逐段

熟讀精思,須令了了

分明,方可

之譏 欲 察 及 也 細 癸巳後 微 恐 有 放 飯 流 歠 而 問 無 监 決

見,不 然 不 H 雖 及 空 影 易 如 目 會 好,且 看 玩 一之自 如 之内 提 費 底言 躁 便 二論 應用 味 然 要主 此 督 急 日 答 雖 明 未 語 語 脈 然 學生工 力。 》,今日 當 要 方 是 日 切 胡 看。 意 好 却 寸 暗 身 寬 切 常 事 看 味 之 中 處 如 夫 | 云: 直 亦 存 看 後 喜新,專揀 夫, 又云: 浹 間 待 想像 何 到 體 段 心 名妄想。 此 此 洽 按 察 ; 皆 段 頃 段 日 伏 格 分 倫 刻 須立下一定 杜 用 更 大 漸 即 曉 得 目 凡 之際 此 專 類 須 撰 抵 次 下 事 之外, 説 心 主 穿鑿, 從 貫 接 自 等難 ? 皆 得 致 手 通 續 淺近平易處 如 意只 家 反 癸巳後 之漸 此, 復 不 所 頭 枉 理 勿令間 不 看 格 切 以 要妄 看 差,仍 萬 此 用 會 類 不 也 目 段, 文 緒 推 心 無 可 之 字, H. 後 想 神 斷 若 格 容 形 理 口 段 盡

《答陳師德》云:當聞之程夫子之言

巳後 易於 哉 ? 然 不 涵 以 已 未 者 也 不 曰 懈 養之實, 0 過 整 嘗 則 實學者立 近 皆 抑 讀 衣 不交相 ,從容於句讀文義之間 故 雖 涵 者 冠 讀 非 書 養 程 廣 非 齊 史、 書之法,要當 如 須 子 求 然 知言 發也。 近 應 容 用 一身進 又 博 後 世 貌 事 敬 日 取 心 者 荒 物 爲 步 静 進 然夫 誕 也 日 之間 先 之要, 學 善 理 怪 誦 循 則 學 此 明 子 誦、 Ŧi. 序 求 而 在 言 者 教 車 而 所 而 漸 不 而 其 致 求 殊 人 有常 謂 近 亦 見 體 理之 知 言 有 持 者之功, 致 奚 意 人 騐 ,敬,不 味 必 知 情 益 於 致 所 此 味 也 者, 操 之 於 在 近 説 學 存 蓋 不 過 而 而 又 癸

人。 JII 夫子 足見 此 又《 所 必 答 嚮 謂 來 陳 道 書 窮 師 不 舉 經 忘 德 程 應 之意 \* \*\frac{\frac{1}{2}}{2} 子 事 語 尚 示 持 論 至 喻 敬 古 於 格 正 格 人之屬 當 物 物 持 從 敬 此 則 伊 無 Mi

搜 新 不 非 索 矣。 學之病 用 窺 力 壬辰 伺 之地」。 將 於 、癸巳間 無 必 形 神 若舍此 無 疲 迹 力 之境 殆 平易明顯之功, 而 竊 非 恐 所 陷 以 進 於 於 思 而 日 而 必

### 考異

之謂 然後 大 則 答吴 指格 抵 却 H. 德 與 要簡 就 物 又《答吕子 夫》 致 此 E IE. 節 知 面 同 疎 講 仔 按 目 細 此 約 明 檢 書 先 \* \*\frac{\times}{\triangle} 義 點, 所 整 理 頓 云 是亦學不躐等 非 李先 得 I. 徒 大 夫 反 體是當 生之意 既 觀 深 内 省

#### 甲午

《答江德功》云:格物之説,程子論之

故 之 民,有 當 IE. 廓 物 所 傳 説 詳 即 理 人 六 則 三十年,近歲 八之生也 矣。 然 則 必 極 是 則 謂 未 記 時, 實 物 矣, 貫 物 至 理 形 物 物 易 讀 本 無 則 内 而 此《 通 以 盡 其 而 理 · 其意 物之 以 是 其 有 外 以 求 極 下 所 大學》本經之意 盡 固 則。 書 順 無 本 之, 者 者 而 不 就 意 謂 性 ,然亦非 理 朝 末 而 有 後 也, 句 也 命 能 物 實用 不 蔽 有 知 卒 反 格 者形 曉 己。 之 無 俱 然 未 求 礙 理 復 物 Œ 是 功 格物之義,往 到 至 其 窮 立 者 苟 證 而 物 也, 此 也 處 理 不 而 説 理 所 同 意 騐, 皆 而 矣, 求之,而 所 處 矣。 破 之也 則 謂 口 前 吾 無 盡 謂 事 格 乃 者 也 移 而 形 之 不 物 物 格 程子 則 而 不 知 理 誠 而 知 之當, 而 物 吾 不 明其物之 夫 此 參 來 蓋 也 亦 F 至 之説 至 之 心 天 説 而 以 於 自 熹 者 未 一於物 至 無 知 夫 故 生 形 之 他 之 心 也。 於 識 物 然 的 必 烝 經 餘 Ŧi.

三八〇

之所 太輕 所以 理,或 之功 心之知 知 以 地 亦 知 微 知 亦 也 無 以 )則 病 以 無 細 而 猶 然與其 訓 謂 易 此 不合, 粗 離 竊 有 窮 之 後 其 矣。 窮 字 食所 「接」者。 求 間 意 理 毫 宏 於 世 理 理者,事 所 訓 而 者 所 蓋 彼 物 之 聖人之言, 不究其 未 綱 之不合。 以 以功用 當 則 主 特 字 固 學者也 明 者 實 然也。 出 爲 以 賓 也 物 於主賓之分有 未可 0 於 此 之理。 用 義 極, 次 飽 聞 人 同 訓 今日 也。 聲 第,文義 理言之則 求之則 是 莫 尤 年 固 今不 格 悟 必不如 以 不 而 以 非 E 道 雖 又 與 物 語 此 今不 是。 與 與 物 洞 也。 見 謂 深 以 知 物 又 物 接 色 然 訓 彼, 接 考, 接 格物 佛老之學 所 不 接, 是之差 且. 明 無 夫 但 詁 無 自有、 考之他 通 物 未安; 心 闸 而 或 格 可 而 之餘 口 理 不 徒 詳 下手 物 則 主賓之辨,不 以 而 無 必 疑 能 接 殊 書, 密 論 不 訓 於 欲 自 可 知 而 者 知 窮 疎 精 · 之實 其 而 不 詁 謂 乃 究 訓 以 格 者 9 略 非 則 理 求 當 致 致 考 有 致 字 極 而 吾 吾 亦 之 其

> 甲午後 離 知 飽 知 者 格 窮 則 之 物 病 其 失 也 所 知 以 0 者 若 致 妄 而 日 其 不 也 佛 知 足 , 老之學 不 爲 故 食 知 所 而 知 則 欲 自 者 庶 致 以 不 乎 其 爲 免 其 知 飽 於 可 蔽 則 而 隔 不 其

# 乙未

得 來,無 要 只 則 傳》所説 約 爲 是 却 窮 要 是 處。 所 答王子合》云: 理 添 識 疑 也。 若 知 却 惑 得 説 其 如 耳 乙未 須 不 事 何 要識 善善 也 非 爲 是 以 學者 則 得 此 端 速 如 又云 心 改 I 倪 何 又 夫 以 爲 識 : 而 從 非 窮 則 心 善 心 只 理 體 事 之 如《 口 然後 物 此 學, 識 之 易

<sup>■「</sup>隔」、《文集》卷四四《答江德功書》作「陷」。

力處。 相欺 反 教他依本子認得訓詁文義 復 ,其實都曉不得也。 不厭,日久月深,自然心與理 答黄直卿》云: 今人多是躐等妄作,誑誤後生,輾 近日 丙申後。 看 分明爲急, 得後生,只 一會,● 自 有 轉 是 此 得

## 考異

字 明、「爲學」只當「教學」二字,「立本 按 意全不如此,以此書證之,愈見分明矣。 訓詁文義分明」也。 義」,「立」字疑 少涉疑似 此書與「爲學先要立本文義」一 ,遂有立本居敬之解,細 有誤, 即 只爲「爲學」字、「立」 所謂「依本子 書相 看語 認 文 得 發

### 丁酉

近讀此書有緒,甚欲相與商訂耳。 觉,近細考之,所當改定者什過五六。 知 知《答程正思》云:《論語》舊嘗纂訂諸

記》,當在己亥後。 又《答程正思》云:《論語》三篇説甚仔知,當所訂《集註》中一二字甚善,如「三事」之爲「三」者,當即改易也。此書及《濂溪祠記》,如爲三二者,當即改易也。此書及《濂溪祠記》,

- 「會」、《續集》卷一《答黄直卿書》作「熟」。
- 「定」、《文集》卷五〇《答程正思書》作「易」。

三八一

朱子論學切要語卷之

#### 己 亥

聖 言 放 見 求 兩 捨 得 求 書,何嘗有 判 太 用 公, 更没 賢 訓 高 爲 道 語 脚 常 近 不 都 求 用 發 詁 物 也 虚 行 理 語 一物,何 之間 不 遠 心 心 明 懸 更不 依 收 録 著 以 處 道 今如所論,却只於 空 懸 舊 處 殺 **>** 觀之,久之道 地 0 理 口 在 空 ·看 緣 在 下 放 聖 見。 聖 説 得 其 大 窺 得 開 如 更 人 一賢意 底話 有 路 爲 高 稍 此 示 言 無 惟 諸 上 害 高 學者,使激昂 捉 語 則 能 己? 思 ? 行。 反 摸 向 甚 與 審 理 甚 不 所以二 只爲漢 懸 身 處 實, 求 渺 自見,不 期 於向之未 只 今之學者 中、 經 空説了,扛 渺 〈看《論 將 H. 今日學 茫茫 義 程先 儒 來 H 即 向 必 用 如 將 吾 上, 語 處 知 者 向 求 生 自 何 聖 身 得 却 求 賢 尋 乃 不 然 想 尋 頓 日

> 求捷徑,❷遂 至鑽山入水。 余大雅

#### 庚 子

學 求 深。 直 其 至 己分修習,隨 其 顏 截 不 病 定之門户以示衆 間 、曾明道 恐 至, 痛 答曹立之》 答林擇 無 亦 而 亦 所 明 箴 不 隱 難 道 可 藥之,則又自 之》云 見古· 己 秘 得樸 與 謂 見觀 口 不  $\overset{\sim}{Z}$ : 此 實 互,令人理 X 明 人,至 爲 書,學者只得 頭 此 用 道 聖賢 雖 負 間 心 不 有 於 則 荷 底 見 (之教, 中 逐 曲 在 得 奇 有 會 不 人 折 其 者 特 朋 不 遠 分上, 未 人 I 然 友 如 得 者 夫 嘗 數 功 此 亦 大 也 也 力 思 各 不 人 分 而 講 淺 明 其 隨 有 H 别 隨

0

2

行」, 原 脱, 據《朱子 語 類 《》卷 補

却」, 原作「即」, 據《朱子語 四類》卷 一一三改。

弊 都 只 理 益 所 間 亦 在 前 只只 有 會 如 講 講 得毫毛 舊 陸 相 此 論 成 其 都 切 子 病 似 講 説 門 檢 不 只 壽 與 學, 點 得 話 是 氣 此 不 兄 至 力。 有 口 力,此 漸 間 相 氣 弟 説 相 學 習偏 似 涵 於 近 今方 訪 者 就就 自 人 日 不 不 者, 處 能 倫 議 曾 口 却 此 欲 人 氣 論 不 H 實 是 痛 意 與 德 用 深 象 與 體 朋 下工 欲 却 懲 最 皆 渠 於 萌 友 不 肯 切 好 而 夫 相 處 説 身 謂 向 痛 近 反 末 講 但 庶 與 H 故 警 處, 流 其 學 平 初 幾 用 在 巾 之 亦 謂 間 有 之 己 日

豁 此 是 自 自 而 戰 會 然 明 下 而 兢 頓 曾 偶 步 答包詳 悟 無 臨 步 子 然得 似 履 本 然 踏 此 之, 後 實 心 道 是 蘄 漸 **※**云: 終 非 漸 般 向 次 身 是 次 作 必 修 事 别 解 古 捺 行 欲 有 剥 扭 人 中 得 也 人 爲 間 揑 此 節 學, 底 曾 欲 然 功 子 唯 I 自 只 後 夫 夫, 去 I 蓋 是 做 施 夫, 天 必 升 下 得 不 只 高 學 期 要 到 理

之功也。庚子後

亡 謂 効 然 憤 力 下 方 1 ·手處 一寸間 後 也。 立 徒 莊 而 政 志 可 答 勞 敬 期 庚子 爲 以 而 於 若 把 陳 持 亦 此 加之討 後 捉 便謂 有得 養 有 超 須 也。 宗 箇 略 而 必 夫子 如 \*\frac{\times}{\times} 惕 見 若 論 無 有 此 然 義 但 精 玩 事 口 所 愧 理 爲 索之 悠 明 焉 以 謂「志 懼 大 學 悠 的 者 平. 概 雖 功 奮 確 泛 做 規 存 泛 有 學」,所謂「 然 將 亦 親 模 階 勇決之志 去, 且 切 無 養省察之 漸 若 於 箇 至 則 到 存 發 自 恐 然 端 發 合 所

# 壬寅

周 孤 徧 0 詳 答 若 密 如 項 今説 不 平 靠 父》 只 云 邊 恃 聖 故 箇 人 H 指 敬 敬 示 字, 義 爲 立 學之方, 更不 而 德 做 不

之處 就 究 符 致 放 頓 此 物 物 不 粗 集 義 契。 縱 法 未 知 ? 可 義 名 而 本 惺 數 理 耳 也。 言 講 乃 末 不 I 惺 心 一要歸 但 夫 此 ? 有二 訓 爲 隨 理 1 講 程子 持 兩 詁 善 處 若 未 其 處 學 守之 識 句, 主,自 學 照 E 指 明 德 云 · 更 須 得 即 著 乃 也 管 9 與 亦 此 . 未 要,大抵 記 亦 爲 到 從 寬 不令工 孤 心 相 發 得 有 涵 此 有 E 攫拏 則 平 立 錯 時 養 補。 則 心 聖 不 其 不 而 不 認 須 固 識 賢 只 知 成 ۱Ľ, ·, 聖 夫 易 若直 昏 人欲 是 用 要此 者 次 相 所 少 窮 昧 深 敬 聖 賢之教 記 第 傳 識 矣 有 草草 賢 作 沈 者 耳 指 心 已 所 進 空 詳 天 本 常 復 發 記 闕 訣 學 須 理 領 領 細 時 自 恐 是 指 是 如 則 不 略 處 合 然 以 在 整 何 不 無 何 到 精

玩 味 中 答 尋 庸 陳 繹 膚 目 平 仲 \*\frac{\times}{\times} 易 下 便 明 可 白 且 踐 讀 而 履 ^ 意 論 也 自  $\forall$ 深 ^ 陸 孟 遠 學  $\approx$ 古 只  $\sim$ 有 大 要

> 其 於自 也 擇 似 0 善 禪 非 壬寅: 處 己身心 要得 欲 後 其 然 鄙 兀 身 全 然 意 心 無 無 稍 近 I 作 覺 稍 夫。 端 婺 以 静 州 冀 所 朋 於一 以 方 友 於 每 專 日 勸 義 事 豁 學 理 聞 然 者 知 見 大 所 兼 悟 決 取 베

E 只 是 要 閉 壬寅 應 目 又《 事 合 後 答 接 眼 陳 物 如 膚 處之不 仲 土  $\stackrel{>}{\mathbb{Z}}$ 偶 : 失此 然 所 謂 後 心 ~, 謂 涵 之 養 得 涵 I 其 夫, 養 理 也 而 非

話 亦 心 則 放 是 於 過 用 學 無 爲 過了 生 用 問 又《 學之道 功 更於其 實 爲 處 時 排 答 憂 矣。 地 Ħ 陳 遣 須 此 之 間 膚 何 但 但 固 見 仲 念 偷 以 得 每 無  $\stackrel{>}{\mathbb{Z}}$ 得 此 加 少 事 則 可 平 小 間 此 看 : 理 奈 日 工夫,看 ? 承 得 隙 事 何 病 道 以 時 却 者 若 痛 理 家 成 起 不 然 不 痛 務 些小文字, 兩 可 亦 叢 截 加 脱 令容 閒 只 委 剪 去之 讀 此 坐 除 説 書 易 便 妨

枝 窮 葉 究 自 聖 賢 然 張 所 説 旺 耳 道 理  $\pm$ 乃 寅 口 以 培 植 本 原 庶 幾

## 癸卯

下。 語 不 所 性 兩 子 要 仔 以 事 思 事 爲 爲 爲 細 ^ 以 而 短 復 答 而 熹自 己爲 用 彼學者,多持 來 集 爽 熹平 項 教 力之要。 分别説 長 然 平 覺 人上多不 庶 父》云 日 人之法,唯 ,所警於 雖 所 幾 於義 種 論 今子 不 . 杜 守 墮 昏 所 理 却 得 撰 口 惰 上不 是 静 以 諭 道 觀 力。 邊 者 道 尊 所 曲 理 耳 爲 而 敢 問 説 德 折 今當 遮 厚 看 專是 亂 性 學上多 及 蓋 得 矣 説, 反 道 陸 不 義 身 尊 却 肯 問 理 大 或 德 用 放 學 抵 於 全 正

只 日 用 答李 十二時 叔 文》云 中 常 切 照管 求 放 不令放 心 不 出 須 注 即 解

> 摸 久 力 自 索 也 處 見 矣。 若 功 添 效 癸卯 著 義 一「求 理 自 明 字, 持 即 守 自 轉 固 見 支 不 離 費 氣 無

覺。 其 記 所 當 邪 起。 時 未 正 答廖子晦 、公私 能 如 但 操 何 如 此 説 存 加 有 即 然亦 <u>₹</u> 施 此 功 克 即即 非 心 復之功 察 應 謂 念 私 平 物之際,不 慮 ·居 心 也 之 所 無 萌 從 事 癸卯 起, 可 無 而 後 不 不 亦 伺 其 知 不

## 考 異

然 故 處 正、公私 Œ 居 表 廖 敬 是 裹 子 初 窮 内 晦 理 學下手工夫,不可忽 即 外 原原 所 都 按 耳. 謂「 是 此 相 考之 説 發 齊 似 事 淺 此 用 條 功。 却 也 雖 之著」者, 有 似 審 實 淺 其 下 邪 手

甲 辰

諸 耳 功 理 收 説 爲 拾 甲 佳 持守之中, 〈答董 是 辰 人欲 讀 就 叔重》云:示 書 自 亦 取 己 是 就 此 分 如 思 舍 上體 此 彼 慮 喻 萌 當 先 以 處 日 出 自 致 用 來 看 察 敬 大指 其 義 庶 夫, 孰 幾 夾 却 是 得 持 更 究 力 之 天 於

之域 得 動 而 者 静 伊 涵 矣。 洛 又《答 只 始 養之, 終,不 於 拈 甲 此 出 則 董 辰 此 處 後 又 叔 越「敬」之一 字,真是聖賢真 著 不 重 實 必 **※**云: 用 如 功, 此 來 0 字而 則不患不 喻 IF. 所 的 惟 己。 謂 要 操 深 妙工夫 則 近 至 體 自 方見 聖 大 存 賢 原

省 覺 提 又《 撕 答 處便 董 叔 是。 重 只要 人就此 發 見 之端 接 續 只 向 平. 下 推 H

> 究, 夫 也。 其 開 甲 濶 辰 後 即 不 曾 説 等待 尋 討 將 來 做 此

急之序, 放心|處 力,方有 事,今日 答 周 最 進 愈 步 所 分 舜 宜 處 見 明 弼 深 也 亦 親 玩 只是 切 之。 ^ 示. 向 如 甲 直 子 時 此 辰 是 》説 每 先 但 説 要 性 覺 居 持 善及「 得 敬 守上 先 後 窮 著 求 緩 理

思自 要 自 放 生 家 心。 然開 説 與 又《答周 堯 然後 却 明 舜 Ė. 却 持 原 就 舜 看 是 守 日 弼 自家 亦 同 用 **※**云: 不 與 間 本性 費 實 不 且. 力 下 同 元 矣。 須 持 虚 若 敬 是 甲 信 心 善 I. 辰 一夫,求 涵 得 與 及, 泳 不 取 未

言。 處 甚 甲 多 答程 辰 小皆是 後 Œ 要 思 切大 **>** 云: 頭 諸 項 書 處,令人恐 再看 義 懼 理 未 不 安 口口

大 一二朋友看到 又《答程 IE. 思 此,疑 云 其説之不明,方 所 喻《 孟 子 ×, 略 前 改 H

定,正與來喻合。甲辰後。

之適 泛然 捨 病 别 接 明 哉 ? 走於途,其不北 私 人言 辰後 是非 去 求 物 道 越 無 古 理 句, 則 答 求 程 夫 者 ,而察之於 人 所 亦 其 夫 或 天 古 王 不 言 決 何 當 欽之》云: 子 論古今人物, 是 理, 知 擇 句 患 否,皆 日 也 東 道 入燕, 夫 循 雖 西 與 應 然 欲 循 理之 窮 南 1 窮理 古 事 亦 爲 Щ 來 則東人齊、 北 理 人背 接物 贵 不 出處、語默 進 書 之殊 亦 别 也 明, 미 謂 \_\_ 多 馳 其 之 無 盡 窮 前 夫 端 是 是 際 也 i白 捨 理 非 講 非 西人秦耳。 ? 切 僕 或 以 古 不 之察,譬 之不 道 僕 陵 若 克 或 讀 必 人 明 然奔 欲 言 節 去己 應 書 泥 别 理 盡 之 古 事 講 句

意 經 濟 則 維 恐 答路德 持者 亦 未 一,别 章 免 爲 · | | | | | 有 累 事 於 謂 東 而 東 萊 異 萊 也 於 遺 平 言, 龜 日 有 111 道 嘗 學之 涉 譏 於

> 得矣。 夫矣。 議 毫此 孟 見 處,亦 天下 無 又謂 王 復 得 氏 子果然迂濶 論,乃以枉尺直 此 等 ·, 而 之學, E 儻 是舊 甲 等意 當 古之聖賢,以 見 遇 · 辰後 經世之務皆私 道 識 漢 時 離 思 理 祖 便 内外 意 而 , 雖 分明,不 唐宗,亦 思,尚 是枉尺 公孫 尋爲 欲 判 枉 宛 在 心 尺 智之鑿, 衍、張儀 根 轉 容 直尋底 須有争 迹,使 直尋 本。 方寸之地, П 些兒走 護, 若果 爲大病,今 真可 不 道 根 0 亦 作 E 得 常 有 株 如 謂 謂 無 且. 所 只 即 此 此 大 用於 直 放 自 有 不 耳 丈 H 即 然 須 過 口

而 而 與 萬物各具太 答黄直 貫之指、川 卿 極 \*\\ \frac{\times}{\times} 見得 上之歎、萬 所 道 論 不 可 太 物皆備之説 極 須 散 臾 離 爲 之意 萬 物, 相

<sup>■「</sup>病」、《文集》卷五八《答王欽之書》作「弊」。

❷ 「之務」,原脱,據《文集》卷五四《答路德章書》補。

見 各具 先 陽 耶 當 胸 既 此 合, 力 氣 須 Ŧī. 此 而 得 + 先 ? 時 説 中 先 後 亦 天 Ŧi. 行、 徐 而 之 逐 ; 四爻,而 行,許 只説 只 大 萬 有 有 愈堅牢 蓋 者 觀 中 2 箇 旋 箇 是大 太極處,又便有 説 概 理 皆不 既 Ė 事 立 安 自 洞 亦 此 得 日 理 多 仁義,及《通 體 概 脚 然 排 家 是。 之。 開 各具一 不不 但 道 句 此 法 處 親 卦一爻,●莫不具 濶 通 爲 理, 象,若 文 意 足 其 切 太 但 可 矣。 透 塊 太極 隨 要 極 矣, 周 須 只 活 能 造 然 散 要 處 約 子之意若 就 若但寸寸銖銖,比 絡 論 次 由 許多 自 何 書 隨 爲 運 處 圖 日 此 顛 用 守之計 則 **>** 而 不 六 用, 處 E 用 推 道 更説 沛 一部 其 此 + 想 考 I. 亦 理 可 立 處 不 四 像 只 證 夫, 須 必 種 許 須 處 脯 便 太極 卦 盡 如 可 騐 思 虚 要隨 自 待 種 多 又 則 己。 間 維 得 此 諸 陰 有 則 心 見 不 所 斷 也 費 平. 其 白 圖 然 其 守 陰 如 説 陽 處 則

> 耶 凑 合 ? 此 逐 書 旋 未 將 詳 何 來 時 做 疑 在 夫 甲 辰 則 後 亦 何 由 有 進 步 處

三八八

#### 考 異

考也 維 亦 銖 可 答黄 不 比量· 珠,比 只 可 - 必待 就 見矣。後之言 直 圖 一凑合, 量 見 卿》 上 凑合」, 啚 想像 而 其於朱子此 按 後 思 此 逐 何 太 維 書言 旋 由 極 安 有 者 又曰 太 排 進 極 大 步, 若 最 8 率 亦 詳 又 未 想 則 但 日 像 大 寸 其 指 寸 思 H

<sup>■ 「</sup>一爻」,原作「之爻」,據《文集》卷四六《答黄直卿書

③ 「不必」,上文《答黄直卿》作「不可必」。 ② 「見」,《文集》卷四六《答黄直卿書》作「盡」。

E

失其宜 不講 穩 究 而 Ë, 只 竟。 事 加 物之理, 有 答劉公度》云: · 下 至於持守,則 默 反 梢 以 默 持 方册 弄 加 得 守 功 之事 聖賢之言 無收殺,只成得杜 著力向 無許 講學不 爲 多 講説之資,是 前 事 皆 耳 . 厭 0 須 其詳 今 若 仔 撰 聞 覺 細 担 乃 廢 得 凡 反 合 書 復 天 兩 未

《大學》所 及,却 得 來 或問》前 又看 奉 久無工 寄 答 得 得 潘 評 可 何 改 後 夫修得 端 只 量 如 尤 不 叔》云: 耳 也 用 多 相 7,只《 舊 應 比 義 今年 本 矣。 集 理 看 承  $\exists$ 無 諸 註 需 Ш 極 有 》屢 窮, 書 ^ 間 詳 不 論 都 精 無 密 改 穩 語 修 神有 人録 不定,却 處 或 但 得 仔 問 未 限 得, 細  $\approx$ 知 過 將 喻 不 與 此

> 不 此 滲 知 當 漏 年聖 也 賢 如 何 説 得 如 此 穩 當 精

> > 無

須 身騐之,乃知 始終、日 者今日大病 妄 於 於 聖 意 日 此 賢 答胡 用 思 究 處 用 常 想 竟 用 親 季 行之處 頓 地 力 切 向 伊 隨 悟 位 之妙 洛 來 **※**云: 而 懸 所 拈 亦 讀 (反不 絶 講 出 書 處 不 大 近 出 窮 敬 近 抵 · 得 徒 與 此 理 覺 ご字,❷ 欲 其 使 朋友商量 以 亦 速 所 坦 X 發 未 好 安 然 顛 真 揮 免 徑, 也 平 狂 是 之。 此 白 不 粗 學 是 率 問 若 真 學 以

此 然此 遠 説 方士子得 恐但 答高 而 不 可 教 應朝》云: 所 爲 以 未聞 初 日 學 用 平 計 所示 時 常 必 之計 意 有 講 思 感 義, 八涵 動 若 發 何 養 興 明 向 玩 起 深 只 切 如

而

到

只

- 0 則」《文集》卷五三《答劉 公度書 作 一却一。
- 拈, 原作「指」,據《文集》卷 五 三《答 胡季

0

三八九

朱子

論學切要語

卷

之

話, 病,久之茫然, 看了 夫, 互. 即 相 日 恐學者將家常茶飯 逐荒忙 恐 嚇 無實可 而 陷於欲 終 無 據 補 速 則 於爲己之實 做做 助長、 又只學得 箇 怪 躁 異 率 奇 自 也 場 欺 特 大 之 事 Z

巳後

者固 平. 則 IF. 自 高 故 理 來 以其説 穩 當 亦亦 標 明 以 教 失之。 7,今時 置 有 耳。 循 反 答詹 非小病。 躬下 ,便是不 規 有太快處,以 以救之也。 Z 矩 已後 學者大抵 體仁》云: 學,讀 爲要, 又有 欽 務 夫往 除 書 實了 種 爲 却 啟 則 亦 學 湘中學者之病 許 只 多 流 以 時 是 更 多 謹 蓋 如 傳之弊,今日 説 説 分 懸 訓 謂 踐 此 内 其言 空 甚 説 履,而 救 事,纔 閒 底 爲 此 説 先 不 而 種 修 見 Œ 庶 今 務 誠 不 幾 身 H 高 賴 行 窮 如

## 丙午

庸 不 費 》、《語》、《孟》諸 ^ 答潘 注 解 處 恭 意 叔  $\stackrel{>}{\sim}$ 味 書, 深 : 近 長。 頗 年 勝 修 讀 舊 得 書 本 大 頗 學 覺 × 平 中

見得 是不切,亂 下 答劉子澄》云:《大學》 手用 道 功 誤 處路陌 人 也 徑直。 近 日 前 再 看 看 得 過 誠 方

業 德業 若以 是 進 也 德 又《答 者,却初不 俗學言之, 修 近 覺 業 劉 向 地 子 來 頭 誠 在 澄 爲學 不 **※**云: 日 是 必 用 如 實 編 之外,只押文字, 此 居 有 綴 官 向 異 若 無 外浮泛之弊 同,②乃爲 論 修 聖門所 業 之 益 修 謂 便

❶ 「諸書」,原脱,據《文集》卷五○《答潘恭叔書》補

❷ 「同」、《文集》卷三五《答劉子澄書》作「聞」。

别 緒 不 有 惟 似 自 差 心 誤 簡 處 約 而 恨 端 誤 未 的 人 得 亦 始 面 不 論 知 少 也 文字言 0 方 别 語 尋 之外 得 真 頭

叢 求 亦 苦其説之太高 持 然於緩急先後之間,終是 人不少,今方自悔耳。 雜 義 敬 分却日 都 ,乃其間之一事 集 答潘 義 無 用 Ι. 恭 玩 實 夫, 叔 味 功 與 真 \*  $\perp$ 不可 太多 是 夫, 耳 要 學 不 耳 不 大抵 得 問 唯 戒 不 舊 念 根 如 也 失 覺 今日學者之弊 來 念 本 却 此 有 雖 省 聖賢 倒 只 知 在 察 置 見意 此 日 本 處 義 讀 用 意 9 緒 誤 間

物 東 確 下 極 言 邊 實 精 I. 綽 夫。 微 語 答胡 得 乃可見 古人 曾見 幾 近 季隨》云: 句 日 所 理 得是非 學 謂 西 會 者説 邊綽 格 得 物 道 得 得 理 知 書 理 太 幾 會 至 何 高 無 者 極 事 T 形 仔 都 不 影 徹 細 意 過 不曾貫 頭 思 惟 是 即 徹 都 就 道 大 尾 穿 不 此 理 事

> 戒 浹 洽 也 此 丙 午 大 病 0 有 志 之士 尤 不 可 不 以 深

## 考異

方見 朱子 緒 約 力 F 此 澄 答 端 段 箴 兩 好 0 劉 自 得 但後 其 書, 編 的 似 則 子 道 失。 類文 非 下 差簡 鄒 向 之 書 手 澄 截 (字,有 外 用  $\forall$ 前 語 譜》皆載之, 另 約 載自 浮 功 書 有 端 而 按 處 泛 所云《大學》近 不 的 其 向 「近覺, 路 此 言 指 意 外浮泛之弊,故 陌 此 云 不 未 「編 徑直, 而 語 向 爲子澄言之。 明 方 綴 余 來 Ι. 7,今并 别 異 注 夫 以下, 即 尋 語 同 也 再 所 得 載 亦 看 謂 而 居 附 似 以 過 子 官 其 按 簡 此 頭

- ●「義」、《文集》卷五〇《答潘恭叔書》作「意」。
- 「一」,原脱,據《文集》卷三五《答劉子澄書》補。

朱 7 年 譜

非另有不言不語工夫,其意愈明白矣。 乃 有用心處」,●即指「押文字」之類而言, 謙 己誨 人之辭。「文字語言之外,真 别 而

也。 考》以「丙申至丙午十二年爲一大關鍵 非 不辨也。 書》,則似朱 著實用功,所謂 即云「病其説之太高與太多」,②其意可 乃其間之一事」,此爲恭叔言,欲其 此,主敬工夫益親切」,皆是誤認,不可 向來先後緩急,果有倒置 鄒 《答潘恭叔》○按此所云「讀書求義 ^ 《譜》僅 子至丙午方自 載 因人說法、應病與藥者, 前 段,而合之《與子 悔者。《正 處 也。 其下 向裏 學 澄 見

> 此出 本。 乃覺看得愈見親切端 ,方有據依。 涵養省察,格物 平時講學,非 致 的 知,種 耳 種 不知此, 工夫,皆從

處。 《章句》似已詳備,更熟玩之,自見工夫。分 别處日用間常切提撕,著實下手,方見得力 若只解説,無有了期,不濟事也。 《答王子合》云:大率「尊德 性」一條,

則謂 共 垢之蔽,則 夫婦、朋友之間,圖而其實無二物也。丁未後。 由 之理。 又《答王子合》云:心猶鏡也, 而言,則謂 又《答王子合》云:道即 心體自明,●物來能 其目則在於君臣、父子、兄弟、 之道。 以其各 理 有條 也。 照。 理 今欲 但 以人所 而 無 自 塵

0 真」,原脱,據《文集》卷三五《答劉子澄書》

2 病」、《文集》卷五〇《答潘恭叔書》作「苦」。

在於」、《文集》卷四九《答王子合書》作「不出乎」。

心」、《文集》卷四九《答王子合書》作「本」。

8

答潘恭叔》云:「敬」之一字,萬善根

丁

未

無 識 猶 書 所 此 此 其 論 心 理 體 欲 則 是 識 不 非 猶 端 可 别 欲 倪 不 以 以 識 未 鏡 心 自 免 似 又 助 照 亦 識 長 而 未 見 者得之矣。 離 心 夫 窠 而 鏡 臼 何 也 也 然 既 後

#### 考 異

未後。

適、汪 率 知 後言之不一,蓋 用 説 而 切之妙,於庚寅《答林擇之書》已言之, 答潘恭 者 敬 其 己 爾 批 確 H. 兩 尚 之 判 雖 據 書、 叔》 語,終身守之不易。 其 欲 悟 也。 鄭 擬 毋 則《 景 朱 至 其 乃 所 望 子 庚 中 近 輕 謂 寅 早 於立 似 和 陳 獨 拈 年 舊 覺 而 IE. 言乎 出 説 爲 不 己 其進,而 程 序 學,於答江元 可 諸 而「敬」字 Ě 子 ? 得 書 略 發 涵 人不 而 可 養 未 輒 考, 及 是 親 發 敢 須

#### 戊 申

盡、 也。 擇者,但 舍未盡者 向 答符 後 見 意 復 得 不不 所 仲 親 疑 **※**云: 解有 切 以 爲 過 却 所 近 當 看 喻 利 也 舊 義 者 事 利 即 只 便 間 有 舍 見 誠 去 未 可 有

難

後 更將 此 遣 須 過 見 便 「得」,誤。 常常 數 不 教上口。 漸 大指,乃及他書,此 更元 《答黄子耕》云: 段 得 去,方是 大段分作 時暗 力也。 之後,心安理熟, 本 不 作 思 誦 未通 「便」, 此 索 默 小 近 時, 思,反 段,字字句 日 透 段了 誤。 此 時 看 意 示 要 得 意 復研 9 須 甚 又 諭 純 覺 常 朋 教 换 善。 且 友 得 在 熟 究。 句 通 間 看 in 工 段看。 不 透。 但 ^ 一夫省 直 未 病 胸 大 可 看 Ŀ 之 痛 待 已 學 容 時 力時 間 口 元 通 令如 易放 尤 須 本 時, 更 透 是 俟 作

三九三

其 能 草 親 益 率 反 事 切 矣。 此 粗 不 都 淺 能 如 是 戊 申後 前 貪 本 本 所 多 欲 欲 云, 務 多 速 廣 知 試 成 多 反 用 匆 能 歲 遽 成 下 涉 月之功 虚 梢 躐 度 歲 所 當自 事 月。 以 不 凡 知 見 但 事

玄

妙

高

遠、

無

形

無

象

處

0

方

肯

理

會

如

此

體

無

用

之

只

守此

此

箇

不

敢

放

開

, 每

看

義

理

亦

只

揀

取

番

交他

真

箇

通

透

無

疑

礙

處

方

是

向

淮

若

將

世

間

道

理

精

粗

表

裹

從

頭

至

尾

理

會

奇

特

想

只合趁此

心

地

明

淨

處

大

著

胸

甚

慰

0

但

此

亦

是

依

本

分

事

IE

不

須

把

來

作

字 脱 期 者 分 末 雜 夫 善 所 説 先 明 又云 處 離 但 惑 本末 要 盡 約 又《 其 便 恐 而 須 生 曲 : 而 依 其 答 始, 更 格 易守 認 始終之説 折 此 功 出 須 黄 物 取 後 夫 實 重 故 看 子 致 本 其 實 下 乃 重 又 耕 知, 意 **\$** 終 處 佳 工 立 障 簡 一夫,方 只是 却 耳, 只是窮 耳 而 此 礙 潔 無 0 名字。 就 添 不 欠 明 要 别 示 中 見 枝接 必 闕 人 白 理 紙 喻 看 許 先 如 · 聖 親 兩 爲 今人 得 多 業, 此 其 條 切 學 許 賢 名 戊 多 本, 之 無 反 欲 亦 \$ 申 多 字 説 曲 有 爲 爲 覺 意 並 後 下 也 皆 了 名 學 其 甚 折

耳 粗 以 學, 者 竊 勉 則 矣,勤 若 驚 於 以 遂 而 爲 見 世 規 成 答 與 矩 儻 其 而 偏 老 勞 陳 準 坦 得 駭 枯 佛 抑 半 易 繩 當 俗 之》云: 無 世 倒 之内 明 世 者 以 白 向 明 汩 異 之不 達 獨 没 卒 矣。 曩 邊 秀 幸 於 無 亦 妄 穎 章 戊 年 高 將 嘗 申 而 之 來 句 奇 爲 後 有 必 士: 於 訓 深 有

可

行

私

相

與

講

聖

賢

遺

訓

答楊

志

| | | | |

兩

書

所

喻

存

養

工

夫,

2

一只一,

原

脱,

聞

於

先

生

詁

之

間

黽

渺

之

見

口

<sup>0</sup> 甚慰」、《文集 》卷五 八《答楊志仁書》作 「甚 甚

據《文集》卷 五八《答楊 志仁書

平 抑 彼 之 戊 申 過 强 此 之不 及 吾 道 庶 其 明 且 行

於 亦 格 人 全 求 此 物 此 體 之 其 意 而 答 此 른 放 也 地 心 汪 心 而 長 戊申 者 未 己。 自 孺 可 能尋 0 **>** 如 説 云: 蓋 云 得 謂 向 太 涵 大 聖 E 深, 去 賢 養 抵 千言 本 下 明 亦 原 道 不 學 萬 先 是 以 而 語 生 教 爲 H 達 致 所 只 止 謂 要 知

格 以 是 者 條 的 日 》之序 今 兩 觀 當 物 所 而 爲 白 事 講 之, 答方 今 而 之 非 自 日 旧 不 别 恐 誠 也 其 所 失 賓 作 前 格 意 内 講 其 王 日 不 正 物 外 操 序 \* \*\frac{\times}{\times} 講 段 識 致 心 淺 存 明 不言 貫 甚 爲 知 : 深 涵 之 者 慰 是 以 示 養 以 自 鄙 功 喻 不 至 者 即 爲 有 懷 語 爲 於 又 猶 悔 如 次 工 學之意 誠 有 未 前 第 但 何 夫 意 未 免 ? 以 H 耳 IE. 也 之 究 離 所 ^ 0 心 致 親 延 非 其 却 謂  $\sim$ 平 知 是 不 大 前 切 極

> 所 行 今 謂 以 狀 入處 聖賢之言 中 語 ~, ◎未 乃 進 免 是 修之, 更 當 有 日 商 所 實 量 、驗之, 聞 也 其 用 戊 恐 功 申 亦 後 之 自 次 其

專 I. 夫 在 静 又《答方 乃 2坐時 無 間 須 賓 斷 於 耳 王》云 日 戊 用 申 : 動 後 存 静 養 之 之 間 功 無 亦 處 不 不 當

之 理 吾 便 邪 頑 居 私 所 然 獨 非 心 則 以 IE. 古 處 又《 而 然 非 應之 之 不 理 執 答 只 邪 合 不 時 方 此 妄 動 者 又 E 賓 亦 物 而 理 乃 如 則 是 王 有 何 如 應 者 雖 不 來 ? 此 事 云 無 合 感 實 接 . 恐 邪 則 IF. 該 ^ 物 理 不 心 易 理 雖 動 處 所 口 傳 未 静 而 理 當 專 **>** 既 必 只 而 當 應 所 以 出 有 此 言 云 如 莊 而 不 於 不 彼 有 敬 合 動 此 雖 如 持 意 E 而 處 心 燕 無

<sup>■「</sup>全」,原作「會」,據《文集》卷五二《答汪長孺書》改

❷ 「所謂」、《文集》卷五六《答方賓王書》作「一時」。

其 所謂 於存 申 以 世 敬 古 狂 識 不 此 妄 得 識 心 人知益崇 心者,蓋 心 之弊? 心 恣 行 既 睢 者, 然 存 也 乃欲 則 將 後 爲 愈 而 深 推 爲 無 甚 禮 中其 恃 此 有 一,則 邪 益 此 妄 以 心 卑 其 失。 之那 而 ·,●今人則論愈高 窮天下之理。 而 得失亦可 外天下之理。 古人之學,所 必 心 以 也。 未 見 免 所 紛 今之 論 擾 是 貴 戊 而 近

爾。 步 學之本末終始, 而 , 聽 其 非 方有 又《答方賓 自 謂 爾 前 文 段 也 脚  $\mathbf{I}$ 處 王 崇云: 戊 夫 無 ,做得後 中後 未到 非 己 《大學》 事 即 段 都 但 工 不 夫 須 次序, 了,真 照管後段, 實 進 有 效騐 得 亦 謂

#### 己酉

《答陳膚仲》云:《大學》近修得益精密

平 極 × 實 ^ 恨 西 未 銘 有 × 别 ^ 通 本 書 可 解 寄 ×, 去。 義 ^ 學 易 記 啟 蒙 **>** 各 × ^ 太

謾

往

脚。 也。 佳。 然不放,踐履自然純 明,不是上 儘待《大學》通 若信 近方 若奔 答方賓王》云:心固 答吴伯豐》云: 得及 覺 程 面 此 走 欠 貫 脚 限 病 却 (浹洽, 踏 痛 向 Ι. 實 不 熟, 夫, 乃 攢了 《論》、《孟》、《中 地 是 無可 非但讀 如 小 . 不 此 事 得 是 則 可 元 做 看後方看 書一 F 雖 不 去, 面 來 看 識 事 良 道 元 如 也 然 學 心 無 庸 不 不 静 自 乃 看 根

然矣。 而 有以存之,動 近世之言識 而 有 心 以察之, 者則 異 、於是。 則 其 體 蓋 用 其 亦 静 昭

<sup>■「</sup>知」上,原衍「則」字,據《文集》卷五六《答方賓王書

③ 「走」、《文集》卷五二《答陳膚仲書》作「趁」。 ② 「步」、《文集》卷五六《答方賓王書》作「等」。

妄,不 或 事 做 實。 理 思 思 也 不可以不戒 一,便 便 小有 耶 天 初 過, 來 ? 但 能 以以爲 顧義理 無 大事 於 效驗,然 所 使天 此 持 流 以 本心之妙 用 養之功 看,不知 行 之 下 爲 便 己 . 發見 其 酉 弊,已有 事 亦 息 後 學 事 不 ; 處 贵 者 此 離 不 物 其 有 認 物 此 只 過 於 動 不 只 是 得 無 處。 如 巾 可 其 據 心 是 不 頃 勝言者,此 I 此 各得 之 又 刻 而 夫到 擎 頃 無 其 間 用 · 奔作 輕 其 刻 體 耳。 IE 處 間 當 肆 當 騐 真 狂 之 意 此 意 之 亦

裹亦 功,切 未 疑 只 互 是 相 都 須 爲 非 不 比 須 事 曾 用 量 實 李 只 事 難 做 而 下 晦 易 I 表 是 但 I 叔 計 夫。 裹 夫,不 不 **>** 各用 事 云 可 較 今 且 o 0 取 得 可 持 力 彼 失, 徒 逐 耳。 又云: 敬 而 爲空説 徒 日 舍此 讀 然 著 若 書, 持 紛 實 有 耳, 擾 敬 做 所 表 0 2 其 將 偏 讀 然 裹 去, 濟 書 實 便 表 用

> 事 理 都 反反 不 害 見 事 有 他 要 物 **\$** 日 方 有 用 得 之 力 間 處 只 耳 見 己 本 西 心 義

當 T 語 是 更下注脚。 反之於心,只就放去 ,只看「操 處 ,不須如此著 放去收來頃 又云: 便存。 又《答李 罷 己 則 却 只 要 一西後 晦 存」一 許 刻間 叔 意安排 多 Ι. \* 閒 事 句 夫 收 安 是 接 來 只一「操」字已 也。 排 如 時 續 操 體看 何 不 除 則 〇又云: 小亦 却 存 令間 只 許 不 多 此 此 可 斷 此 閒 自 操 處 重 耳 須 時 多 只

若 蓋 且 人心之病,不 《答林 以 持 敬 伯 爲 和 先, \* 放 縱 而 即 爲 加 昏 老 以 昧 講 兄 8 學 今日 如 省 賢者必 之 察 計 之 助 莫 無

3

<sup>●「</sup>空」、《文集》卷六二《答李晦叔書》作「虚」。

❷ 「取彼而舍此」、《文集》卷六二《答李晦叔書》作「取此

<sup>「</sup>昧」、《文集》卷四九《答林伯和書》作「惰」。

學 程 昏 間 之序 悠悠 愧 放 每 不 亦 力,然後 語 先 通 縱 未 互. 般 惰 於吾心 包 務 之言 生説 意 之 大抵 相 加 也。 晚。 矣。 **念孟** 以 成 患 態 察。 發 後 以 誦 整 己 得 見 明 今不 》者, 講 而 考諸 則 酉 次 則 齊 但 在 善 親 其 後 學 戾 勉 嚴 恐 漸 爲 心 必 切 善 但 須 於聖 又 厲 莫 學 先 讀 不 肅 品端之 爲 日 處 乃 預 須 之本 而 先 免 諸 儒之説 自 聞 用 爲 可 直 賢 逐 力行之; 有 書 於 持 發 應 過 加 之訓 悪 須 章 立 昏 嫌 接 ^ 旁 常 計之憂, 省 必 看 熟 語 惰 矣。 以 通 加 去,不 察 乎 思 得 讀  $\approx$ 發 處 則 之 警 當 其 吾 爛 慮 異 明之。 果 切 世 策 邪 功 熟 孟 隱 心 以 若 時 使 決 之務, 己 志 微  $\leq$ 失先後 蓋 漸 即 H 與 有 而 而 之萌 之間 深 合於 如 用 與 而 經 不 有 頃 速 思 蓋 去 講 文 之 餘 刻 讀 至

答汪叔耕》云:所論周、程傳授次第,

2

游」、《文集》卷五

九《答汪叔耕

書》作「柔」。

之哉? 恐 之 易 耳。 説 恐 天 見 爲 密 復,❷以 天下之耳目 人之不 真之 深 明 下 道 付 亦 沉 是 之三 台 與 體 溺 有 則 以 一之處, 又云: 之實 弊 未 味其 膠 來 理 但 不 也 昧 易言者 解 世 擾 自 患 知 少 了 立言之意 明,行 虚 則 而 學者 不 其言丁 其 幸 夫道 也,豈有 又 心 發之言語 自 味 且. 俟其 ; 平 近 知 未 在 之篤 而 置 氣 世 而 寧 覺 以 嘗 目 單 此 學 故爲不盡 妄 反 ^ 而 前 熟 虚 傳 則 者 太 文字之間 意 復, 是 而 妄 玩 力 11 密 背 極 初 以 乎 即 以 而 自 静 付 明白 置 形 無 言 聖 聖 己 躬 進, 慮 而 之言, 隱 逐 賢 外 意 人 行 爲 後 切 影 蔽 之言 持之以 之 因 之。 優 以 輕 有 口 至 别 爲 游 以 開 其 指 單 以 而 平. 傳 之 惟 衆 玩 得 愚 所 妄 傳 反 悟

<sup>●「</sup>天下」、《文集》卷五九《答汪叔耕書》作「學者」

生常 之間 規 親 模 切之傳 亹 談 及今 矣。 亹 而 而 白 不 忽之 大 E 用 學 待 達 也 功 章 單 焉 次第, 句 傳 此書及《大學章句 密 則 **>** 盡 道 付 本 體 在 而 附 精 此 已了 往 矣 微 》在 之妙 古 然 勿 己酉 於 以 1 後 爲 聖 爲 心 老 學 H 賢

將 放 在 知 同。 知 纔 次 行 語 教 這 來 又 放 之。  $\equiv$ 多 後 做 散 裹 亦 下 則 者,便是涵 須 日 語 由 須 愈支 不 恁 或 力 録》: 如 力 自 箇 涵 困 地 行 何 行 家 時 事 離 養 睡 也 做 則 並 無 則 今人多 得 若 既 這 養 1 許 心 如 要皆 敬 便 無 做 致 事 多 涵 昨 不 ? 主 自 頭 事 知 養 便 來 以 是 先 宰, 致 ,古人已自 明 所 無 只 而 敬 今 要安 又 問 是 不 人 知 爲 H 如 這 須 涵 力 做 提 做 次 本 涵 裹 致 養、 行 主 起 事 養 之,力行 箇 便 知 敬 這 説 須 致 窮 都 與 却 明 敬 用 心 知 1 理 由 不 既 不 H 字 是 莫 致 致 又 知 别 力

> 爲學· 是了 物, 見 次第 便行 得 當 將 初 如 去 此 無 許 便 多 是 今 不不 且 屈 曲 將 當 ^ 大 如 楊 學 道 此 夫 **>** 便 己 來讀 不 西 是 便 既 見

## 庚 戌

其 説 是 信。 使 欺 者 不 前 爲主,而 者既 謀 爲 流 盡 察 句 丽 矣。 哉 害 於管 内 道 每病 答周 復 愈 以 無 理 又驅 以 切 讀 商 當 甚。 自 大 欺 南 字 不 誤, 世 抵 之以 者但 學 仲 道 可爲 之不 不 聖 者 而 術 有明 云 賢 能 文字 其 既 遂 分 人大言 通 : 之言 虚 以 好 各 裂, 者 熹 則 愈 心 自 高 以 頑 上 孰 其 其 T. 欺 欲 相 已 鈍 者 意,循 能 道 所 速 ; 是 之 誑 辨 舍其 後 之 理 近 學, 明 説 於 者 如 無 便 心 序 白 愈 佛 九 舊 既 先 晚 致 真 巧 老 毫 爲 是 方 而 X 乃 9 泉 者 下 以 新 所 自 而

相馬之説者,而妄意馳逐於語言之外也。

主 作 主 見 之意 不 之 得 至 0 意 别 義 蓋 無 放 答方子 主 有 肆 耳 適 理 以 之云: 主 分 怠 學者不 即 明 持守得定, 惰 實》云: , 主 是 故 庶 敬 只 欲 知 幾 ", 只 是 之外 其 持 心 示 持 是 而 先且 守 定 喻 守 又 展 不 而 得 主 身心 别 習 馳 轉 理 定, 敬 有 鶩 爲 相 明 敬 之説 散 走 端 解 不 耳 也 作 漫 莊 馳 0 非 整 先 鶩 無 程 即 無 肅 緣 賢 滴 是 走 子

次 致 步 川 知」, 夫 第 處 卷 自當! 專 分 但 答 用 只 明 説 故 如 李子 應 於 程 此 此 見 接 可 此 先 事 用 得 各 細 能 近 生 用 力 門路,立得 考之。 有 **>** 力 説 云 修定《 頭 條 緒 自 涵 理 承 然此 養 太 依 矣。 大 多 須 喻 根 學 此 7,令人 是 心 及 ^ 本 節 解 近 敬 常 爲學之 也 次 思 存 紛 做 進 亦 録 衆 學 説 擾 意 前 則 网 得 理 無 年 此 自 在 進 其

> 物 也 者 妙 物 神 也 所 所 然 下 道器之間 理 曰 合 後 形而 千 有 之會者, ·非 謂 謂 也 , 之生,必 天 所 者,形 百 有 「天地之中 而 則 人受以 地之德 答黄 形 謂 形 凝。」所謂 餘 也。 下 分際 則 0 周 年 道 氣 之 禀 而 其 者 之 子 生, 也 者 器 夫》云: 上之道 此 《禮運》之言,亦 性 間 日 \_\_ 性 甚 也 理 所 理 其形,雖 真 : 所 言 明 也 0 也, 謂 者, **^** 然 謂 不不 詩》 也, 無 天 生 者 動 後 所 命 理 極 地之間 物之具 其 可 生 非 日 作 者 有 謂 不 也 之真 日 亂 物之 . 威 外 性 物 9 人, 理 也 儀 所 天 自 乎 者 陰 9 也 也。 本 有 之 必 謂 生 陽 有 記 形 若 也 理 Ŧi. 則 身, 之交, 非 禀 精 烝 分 者 是 也 劉 , 有 之 者 者 民 别 此 氣 非 以 然 康 氣 氣 有有 也 氣 其 其 E 鬼 性 氣 也

❶ 「器」,原作「氣」,據《文集》卷五八《答黄道夫書》改。

筆 而 强 而 庚 使 其 戌 之齊也 説之同 0 此 如 義 合符 理 之 契, 原 非 學 能 者 牽 聯 不 配 口 不 合

静 時 理。 是 口 無無 不 只於文字上作活計 静 蓋 然,但常存此 中欠却工夫,然 處 答吴伯豐》云: 人之身心,動、 不 是用 力處矣。 心,勿 静 也。 欲 學 令忘 二字,循 舍 問 且. 庚戌 動 臨 一更著 後 事不 求 失, 静 實 環 則 得 用 反 又 隨 力 功 復, 無 動 不 隨 此 古 無

費 文字 治心 註 處 於文字語言上著 此等處且當缺之,却於 力, 即即 》之作,只是解 修 也。 然所 痛 答曾泰之》云: 己 加 未 處,反 謂 矯 詳 革 玩 何 , 如 味 時 復 説訓 省 力 以 此 玩 察 編 也。 所 味,深 詁 方是爲己工夫,不 次 I 分明 喻《鄉 文義,免得學者 之例 一夫,却 ○又云:《論 自 易 考之,當 黨》卒 省察, 曉、 在當 切切 在 章 人,不 有 於 己 疑 語 可 酉 汎 不 日 義 在 只 用 觀 集 庚

戌後

之虚 恰地 字不 去。 聖人説話,也不少一箇字,也 若或去年死也則枉了。 不得一毫杜撰。 事 字是一字,自家 ^ -吾欺。 ,如今方見得分明 語 今且與之説 而 好,都不用一些穿鑿。 録 委蛇。」既 **\*** 只今六十歲 讀 書須是 箇樣子,久之自見 某向 虚了,又要隨 只 平著 時 虚 自 ; 方見得 也 心 心 今夏 0 杜 去 方得,他 方理 不多 莊 撰 稱 子云: 來 他 聖人一 分,説得 停他, 會得 ,覺得纔是 一箇字, 曲 楊道 聖 折 吾 恁 言 終不 人 恁 都 夫 地 使 説 地 與

濟

某覺 得 今年 始 無 疑。 章伯 羽

澈, 易始得。 無有 道 理 不盡,真 不可只窺見一 要 見 得 真 見 得 須 是 是 斑 如 表 半 此,決 裹首 點 便以 然 末 不 極 爲是。 其 미 移 透

0 六十一、《朱子語 類 》卷 〇四作「六十一」。

惡 可 如 爲 須真 爲 X 父, 善 見 子 得 須 須 是惡 真 須 直 真 見 知 之 方 知 得 得 得 是 是 始 是 善 決 決 然必 決 然 方始 然 11: 不肯做 於 便 止 決 於 慈 然 孝 而 必 擇 善 陳 做 而 不 淳。 不 口 ;

皆 谁 做 IF. 知 學 齊 1) 方 與 則 頭 誠 擇 能 行 著 在 善 意 互 耳 力 致 修 而 相 相 知 古 身 不 發 發 執 。」下「須」字 口 便 道 是 程 知 日 致 子 古 得 知 執 日 T 知 格 之。 : 方 與 物 在 始 涵 行 淳 字 行 養 須 舉 是 須 是 南 便 陳 用 是 齊 軒 敬 謂 要 頭

做 處 明 要 而 句, 就 今 前 將 且 辟 看 只 去 自 面 道 要 角 1 漸 家 理 裹 看 句 漸 面 日 須 天 透 開 行 地 用 就 理 道 濶 步 底 那 只 人 窄 理 大 與 管 那 欲 小了 處 他 在 簡 步 看 義 勘 壁 大 騐 利 角 便 增 便 陳 公 淳 裹 觸 前 場 須 私 無 面 縱 漸 不 去 開 分 理 漸 夫 處 濶 會 别 有 E 不 1 得 得 面 見

> 做 事 定 定 定 工. 長 不 夫 合 如 T. 得 夫。 何 做 天 而 下 今日 做 其 又有 陳淳 若 萬 底 指 事 只 事 事 樣 定 自 ; 都 君 事 聖 家 事 是 來 親 日 人 合 只 教 用 做 日 明 而 人, 間 底 用 日 又 間 看 又 有 也 而 甚 看 不 事 今 甚 樣 事 曾 長 也 事 來 事 教 ; 不 來 來 指 便 能 人 便 定 預 做 煞 煞

若 地 件 天 只 如 讀 就 下 陰 事 書 何 讀 陽 不 個 皮 做 無 書 如 膚 書 做 處 書 細 理 遇 不 Ŀ 得 不 而 這 會 讀 看 來 是 昆 件 裹 合 蟲 0 事 件 當 便 事 這 讀 草 亦 1 缺 方 裹 且 木 不 底 此 理 又 便 就 口 會 皆 理 缺 無 這 只 事 别 當 會 此 事 事 就 之 理 不 皮 件 理 件 會 書 是 膚 思 之 合 E 量 書 大 不 理 做 理 物 而 不 合 止 ; 底 天 當 口 是

# 考異

轉 宏濶 節 句 段 徹 朱 處,凡道 自 安 窮箇孝根 極,極者至善」之謂 心 分明 於内, 卿 子 》於此, 7 無 如 道理 初未嘗言尋其 何 朱子 蓋 蓋 在 有 漳 知 而 理皆從 不盡 要見得真 欲 於朱子所言不無 只云「究其精 用 州 爲 原 語 而 其 云: 來 安 心 奉養之宜 脉 」,此即 展 於内者,故深望之,所 處 卿 根 拓 只 南 前 須是表 論 根 原 得 是 所 事 來,吾道 補《傳》「窮之以 開也。 慈 原 來 安 録 理當然之極也, 微 須 來 如 處 卿 云: 錯 之藴 處 何 窮 窮究。」此 裹首 意 認 而 箇 而 得 指 處 慈 如 安 孩 爲 末 也 提 論 卿 温 程 根 安 極 如 之童 恐 至 凊 孝 子 第 專 原 其 言 卿 ^ 章 是 亦 其 語 用 多 來 須 透

> 朱子 却不 慈湖 借徑, 也。 此 閩 來處 之固 根 兄 原 無 奥 來 原來處,只是就性上看否?」所録答語 也 也 不 覽者可以參考其得失焉 故終是展 今所録 語 自 甚分明。 所 處 知愛其 有 一何以 此 而 敬長,義 率多 云 自 以 性 是自然 而 有 異 識 中 性中 非 五段,與《正學考》所 親也,及其少長, 雜 哉 拓不 時 性 之義來,則 外 於此可見安卿本指,而 以己意,後 ? 父 也 中之仁義 如 之仁來; 鑠 開 召急趨前,不 此 耳。 安卿問日 於此 前 何 若 是以 無 可 於敬 須 爲 於 來 識 窮 以 極, 所 事 事 副 究 無 長 見 親 朱 知 . 義 ? 看 則 親 不 録 尋 亦 爲吾 子 道 不 其 知敬 尋 有 事 其 親 之 覺 與 所 長 其 理 不 不 根 同 録 其 望 出 尋 楊 爲 性 根 原

朱子論學切要語卷之一終

## 朱子論學切要語卷之二

### 辛亥

是以 其精 品 《大學》、《論 精 格 意 於此 物 正 切 然欲 頃 藴 致 心爲本, 而 先 答曹元 ,則已 年 ,所以望於當世之友朋者蓋 至 知 後 亦曰 嘗 其 到 其 耳。 刻 簡 語 説 具於聖賢之書,故必由 而 可》云:《大學》之道 四 × 丽 窮 必以 夫天下之物,莫不 又略述鄙 古 帝中 易知,約而 盡 經 物 格物 庸》、《孟子》之篇 於臨 理,使吾之知識 致知爲先 意 漳 以 易守,則莫若 而 附 復 書 ~,雖 已切矣。 有理 是 刻 後 此 以 所 以 無 也 品 求 四 謂 而 不 誠

> 講 分,0 能 爲憂也 而 學,却亦不 不待刻 就 便有 其 間 曾 一分工 公苦加 講 光 論 得不刻苦加勵,不 祖 勵 省 一夫,節 察, 而 後 大 便 節 得 綱 進去, 是 也。 且 致 得 須遽 但 知 自 以 目 見 敬 知 以 欲 下 自 得 持 罷 助 守 守 不

感即 却 夫,方見所存之心,所具之理,不 根 本田 亦與釋子坐禪攝 應,自然中節,方是儒者 又《答曾光祖 地。 既 能 如 念無 此 向 異矣。 求其 上, 須 放 事 更做 業。 心, 是 兩 乃 窮 不然 事 爲 理 隨 學

然見 見成 更 欲 得 説底便是道理,只 别 答劉公度》云 實處,自是不 求 見 解 即 . 是 容 此 要 離 邪 事 叛 虚 説 别 心 便 鮮 無 熟 是 奇 不 玩 到 妙 流 頭 於 之自 只是 異 若

■「知」,原作「如」,據《文集》卷六一《答曾光祖書》改

受用 間 守 救 世 循 省 誣 有 是 其不 處 序 察 又《 民 亦 耳 何 信者, 漸 無 其 能 劉 有 久 干 信 爲 合 公度》云: 漸 岐 之者, 有 又 下先求 熟 萬 亡 無 徑 自 耶 IE. 既 然 雜 定 頓 究觀 陷 貫 物 趨 悟 通 於 並 向 之 聖門 出 而 即 理 偏 泛 自 皆 教學, 濫 圃 但 足 有 於 不 以 要 安 其 惑 穩 持 循 口

於 注 不 儕 沂 馳 種 本 其 幸 本; 支 可 間 稍 原 不 離繁碎。 答 則 其 處 矣 自 平 吴 徑 外 加 正 反 伯 趨 然 馳 T. 也 小 豐 簡 也 者 差 其 亦 約 **>** 所 詭 處 云: 覺 過 寄 不 譎 脱 高 欠 疑 難 狼 略 却 者 近 義, 見 過 狽 固 涵 世 但 高 爲 蓋 養 爲 更不 有害, 多 本 學, 却 得 原 欲 可 則 0 之, Ι. 賢 然 不 專 夫, 猶 者 過 己 務 略 此 吾 爲 外 更 网

《答陳廉夫》云:爲學工夫,不在日用

朱子論

...學切

語

之外。 然後 矣。 淺 能 虚 處 切 至 窮 而 而 列則 度 近 去 真 師 理 ,❷方好 用 若即 有 之, 7 用 至 彼 則 即 益 難得 力 易 讀 檢 取 亦 日 今 7,則目 身則 今全不下手, 書 也 尋人商 此 無 之力, 則 便 講 底 耳 積 即 辛亥 當 動 義 少 下蹉 累 今 無 静 用 壯 量 大抵 憑 便 他 便 語 力 時 過 藉 有 則 玄 可 默, 節 必 之 却 只 其 用 妙之可 莫 要分 資 居 合 待 E 日 長 力 更 做 家 他 口 之效。 使 進 ; 遲 受 底 别 則 日 言 他 論 通 疑 鉗 親 遠 事 達 其 H 也 親 箇 錘 切 求 别 得 不 且 至 I. 是 事 師 未 聖 隨 急 論 可 有 夫 長, 友, 賢 量 其 必 疑 深 至

事 處 用 答 力 周 爲 舜 難 弼 此 W 亦 常 所 理 諭 敬 但 字 看 聖賢 工. 夫, 説 於 一行 應

<sup>●「</sup>近」、《文集》卷五二《答吴伯豐書》作「今」。

<sup>「</sup>别」、《文集》卷五八《答陳廉夫書》作「到」。

設,須 克己 盡 篤 力舍死向前 敬 亦 向 執 别 事 難 無 處 敬 巧 力 法 而 則 已,尚 加 譬 敬 持 如 字 守 何 孤 本 問 庶 軍 京 哉 幾 猝 爲 ? 動 遇 默 强 静 辛亥後 然 敵 如 無 只 爲 耳 得 時

本既 他 無 他 事 ? 求 立 答鄭 其 放 即 只 是此 子上》云: 自 心 然 本不立 而 尋得 己。 《孟子》云: 路徑 贵 却 是 進 無 此 口 進 事 下 「學問 不已耳。 手 之外, 處; 之道 更 0 無 此 辛

禀物 其 得 病,又不 近 以 世 心 所 心 彼 見 雖 欲之私 與 又《答鄭 以 種學問, 空 處 理 可 心 而 爲 不 與 不 故故 萬 同 子上》云: 理 察 9 物 其 雖 爲二, 而 咸 彼 發 説 彼 見 備 亦不合 又云: 心 以 亦非 得 也 與 心 儒、 心 理 與 空 釋 雖 固 理 吾 前 理 説 之異 欲 而 以 却 爲 心 無 如 與 心 不 與 此 理 9 察 耳 與 釋 正 理 此 乃 乎 爲 理 氏 見 是 爲 然 吾 氣 口

> 有 而 此 不 病 察 乎 此《大學 氣 禀物 》所 欲 之私 以 貴 格 亦 物 是 也 見 得 辛亥後 不真 故

行? 行 耳。 日 力行。 ? 鄭可 日 : 但 語 學。 行 録 只持養便是 如是?  $\forall$ 有 遠 蜚 近, 則 卿 問 今日 治國 行 致 致 平天 Ē 知 知 心 後 下 誠 明 須 日 意 則 、持養方 持養, 贵 行 之 不 遠 · 是 力 後

歲 年 將 紀,不 謂 去看 月易得蹉跎,可 某今日 下 這 梢 知 道 理 老之至 會 理 且 勸 得 某 諸 多 畏如 此, 年二十時,已做這工夫 公屏 小 道 也 此 去外 理 只 葉賀孫。 理 今忽然有許多 務,趱 會 得 辛亥後 這 I 些子 夫 專

#### 考 異

夫」,此 悟 本原 煩 矣」,又「或悦乎持 論 答吴伯 涵 ,與此恰相 似 養 處 本此書,而 Ï. 加 爲 豐》 夫 功」,後來據 伯 八,豈非 豐言之。 〇此云「 反, 亦 夢語 敬之約 末 不 云 此 末云「 欠 知 ? 乃謂 其 學者 前 却 何 涵 欲 果 朱 憚 所 則 養 賢 於 齋 子 指 知 本 者 李 晚 觀 也 氏 原 理 所 更 年 之 傳 於 所 始 I

#### 壬 子

子 頭 緒,不可 細 玩 論 答 味, 語 胡 爲 × 逐 季 **念孟** 人所誑,虚度光陰 句 隨 逐字, 子》、 云: 不可 願 中 深 庸 放 省 × 過,久之須 察, 也 近 且 思 將 》等 ^ 見 大 書

> 揑 覺 大 ,明,空自苦 造 得多是不曾寬著 作、務定 答劉季章》云: 爲 切 而 無 所 心 得 所 賢者比 胸 也 以 心 細 意 玩 來爲 急 義 迫 理 學 如 便 而 要 理 何 扭

?

非 會 本文上下意義,字字 讀聖賢之書,既讀聖賢之書, 得 可 聖賢 《答項平父》云: 以 懸 空白 (立言: 指 撰 趣 而得之也 識 融 大抵 得 釋, 如 爲聖 無 今爲 須 室 看 賢之學, 學 礙 得 İ. 處 他 夫 方 所 説 古 是 須

#### 癸 丑

功 分 義 須 又 明, 理, 以主敬立志 見諸 答鄭 無 則 實 雖 行事。 仲 踐 盡 之志, 禮 通 爲  $\forall$ 諸 先, 云 若 經 而 平 方可 讀 但 居泛然,略 不 書 欲 就 錯 固 曉 此 不 解 字, 田 可 文 無存 地 廢 義, 亦 上 何 説 養 然 推 所 亦

深 益 .講 戒 論 世 況 多 未 不 必 得 能 力 涌 其 而 不 病 誤 皆 乎 由 ? 於 此 近 0 見 朋 不 友 口 讀 不

實 蓋 知 窮 釋 世 非 來 熟 提 能 誦 地 之 理 之 衰 亦 所 諭 思 9 讀 撕 之 以 參之事 間 有 爲 似 道 存 地 以 乃 達 誨 其 答 大禁, 謂 自 古 微 爲 此 飭 書 以 許 應 謂 切 讀 於 於 先 亂 中 徼 異 務 物  $\Xi$ 精 書 得 後 聖 常 是 論 應 倖 孔 接 一之實 逐 求 之者矣, 人 以 欲 物 立言 **>** 孟 蠭 於 其 者 云: 騐 既 學 日 之 起 文義 則 義 無 其 深 近近 者 實 恍 無 垂 夫 得之, 歸 愚 注 者 而 然 考 教 玩玩 所 道 年 事 有 其 察 獨 不 之 之 自本 之 以 則 索 所 其 其 見 心 備 吾 而 體 來 不 墮 H 不 容貌 於 法 慮 心, 然 至 用 切 用 於 知 茫 學者 首 乃 後 後 末, 意 於 之 其 辭 昧 以 以 有 盈 世 間 見 己 爲 説 求 氣 讀 假 不 IF. 所 之 於 也 之 其 當 口 書 佛 諷 以 天 而

> 也 戒 過 判 凡 正 來 間 大 耶 似 而 而 IE 大 0 不 懼 謂 彼 歷 然 處 近 ? 者。 慧 無 修 ·安者 之 若 見矣。 道 之所以 年釋 循 於 非 或 語 夫 體 是 如 愈 左右 此 有 讀 一治人之際 録 謂 存 安, 彼 來 流 氏 矣。 不 書 **>** 養,不 獨 賊 諭 行 若 者 所 於 睹 則 既 不 戒 恩 謂 此 日 又 則 初 不 亦 悟 求 其 懼 害義 儒 看 疾 聞 如 不 道 人 無 説 文 無 於 話 乃 之 之 所 所 不 間 待 釋 義 甚 乃 龃 隱 頭 徐 斷 共 欺 謂 後 傷 他 之 詳 亦 聖 者 微 玩 乃 見 求 寧 風 妙 試 惑 吾 一賢 是以 索 之 壞 夫 有 而 恐 其 益 之 而 世 本 都 處 教 取 忽 人 其 説 中 信 學 無 邪 俗 自 間 無 略 皆 未 庸 聖 所 正 其 書 有 而 觀 斷 意 得 免爲 其 》之言 賢 爲 未 不 是 有 大 多矣 司 見 之 致 見 顯 非 能 幻 則 所 不 之 好 其 己 妄 所 則 其 謂 忘 此 相

0

<sup>「</sup>由」、《文集》卷五〇《答鄭仲禮書》作「出」

高欲速之尤者也。

得 説 以 以 與 今就 八今别。 無甚 爲 前 年 只 長 死 如 勳 前年云: 録 進 却 此 業 ,於上面 不 亦 E 漢 覺 是 一説 卿 老 枉 「近 ? 問 猶 死 了 0 覺 日 方 了 0 「前 得 . : \_\_\_\_ 看 還 不 隔 今先 年 得 是 如 · 侍 坐 這 以 膜。 此 道 生 前 所 理 忽 自 就 葉賀 發 透 聞 是 道 歎 孫 覺 似 理

學 其 痛 粗 知 者 炙 率 病 病 脚 亦 便 根 根 時 多 病 是 舉自言常苦於 也 何 來 病 在 在 求 潘 這 在 病 時 曰 : 這 上, 舉。 根 上 某向 不 癸丑 只治這 便 粗 要 更 後 対討 率, 他 加 甚 上 説 無 仔 便了 病 精 頭 細 根 痛 密之功,不 便 炙 7 但 更别 頭 知 脚 今 到

考 異

《答許中應》〇熟讀其書,精求其義,考之

令深思 諸 七十子 諸 難 句,玩 來 未 書 則 吾心 朱子之意矣。 己 不是兩事」,蓋屢言之。 讀 其 一務實, 八書,其影 異 書 生 致 公、又何責哉 嘗不三致意焉。」 知 所 於讀書 論 繳 不 以 知 9 其辭,求 喪 皆自 平心易氣, 繞 離 爲 處 而 、發明 辨别義 求 於 學 而 自 於 即 也,必 其實; 文義 \*, 於此 大義 章 是 得之」,其失朱 此 至果 其 句 力行 理, 意 有 ! 義,研 之間 也。 已 訓 使之辨其 甚 爲 參之 以 毋 齋李氏, 則已 乖 詁 詳 學 聽 非 自欺 噫 , 之謂 故 精覃 而 寧有 者 事 其 有 始 ! 勉齋《行狀》云: 説 不 所自 物, 曰 於 子 音 成 謹 ,朱子晚 此 又 思, 頗 自於讀 事 「持 釋,正 饒 意 以 所 指 謂 兩 其 皆 得。 以 也 騐 謂 尤 截 敬 晚 獨之戒 示 得 胡 究 甚 其歸 本 年 窮 書 見 年 以 然 其 其 夫讀 而 不 9 理, 者 後 待 非 所 章 與

者 其 故 知 聞 此 所 渦 朱子 家 欺 語 有 謂 而 無 學全 雖 世 以 於陸氏之學 或 託 其 遮 睹 但 有 於陸 出 譏 掩 不 不 於 其 聞 其 睹 睹 氏 異端 共 顯 之 不 不聞 ,而實非陸氏之所許 著 見 欺 聞之地 迥 之過 也 處 之 而 然其 多 数。」 猶 若 所 不 而 真 不 失於 此 良 間 反 同 有 知 斷 是 以 矣。 無 前 家, 爲 真 不 所 (實語 己 故 睹 不 則 不 也 良 借 謂 至 不

甲 寅

讀 格 也 必 兩 物 輪 以 致 敬 敬 又必 答 如 之與否,只在當人一 知,莫先 鳥 孫 而 敬 循序致 兩 進 翼 甫 學 、未有 <u>\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\</u> 則 於讀 在 一,積累 致 程夫 書講學之爲 廢 知。 其 子之言曰 漸 念操 此 而 進 兩 口 前 言者 舍之間 事。 行 . 後 口 至 飛 可 如 涵 而 以 於 者 車

有功也。

也 立 K 趨 收 甲寅 嚮 得 答胡 放 即 心 季 所 隨 謂 然 未 後 有 自 致 能 遺 知 書云 尋 而 向 不 先立 上 在 去, 敬 根 亦 者 本, 此 意 又 後

懸 於 豈 道 之也 者 用 夫 習之間,而於 以 之者至爲卑近,不 大 之 不 以 想跂 以 遠大自 細 全 而 能 微 狹 夫 答林退 道 望 略 體 切 若 子之聖,諸子之賢,其於道之全體 言 於 雖 之勞,亦終不能以自達矣。 之 其 期 近之間。 細 盡 傳, 高 高 所 思》云: 之以 然觀孔 第弟子,多 則 謂 且 畫 大,而 無 學問之全體, 過孝、弟、忠、信 人之志 苟 相 漸 授納 悦 門 學者之志, 次經 其 其 之教 實未嘗 亦 高 由 何 而 僅 而 哉 之實, 則 顧 初不 得 忽 爲 固 其 不 其 於 而 是 貫 蓋 持 察 所 不 近 故 乎 拘 徒 所 察 守 從 可 體 聖 有 慕 謂 誦 H 拘 不

爲 差 後 第二書同 其 斃 亦 有 益 約 至 而 崇哉 、 之 教 謀 獲 寸, 小小之 非 所 然 之以禮 而 則 利 爲 循習 可 後 心 後 得 計 린。 仁,又 以 中。 循 失 道 尺 功之私 必 而 甲 以 其 循 之 則 詣 寅 而 漸 博 以 嚴 有 全 E 後。 守 其 口 而 之 先事 其 序,不過 體, 矣,仁 其 所 能 預 雖 以 0 踐 造 按 期 尺。 乃 文, 有 後 履 此 之淺 自 也 鑽 有 何 得 書 之實,使 以 是 使 如 堅 與 所 自 爲 開 故 深 人 而 是 Ŧī. 繒 仰 崇德 而 + 夫 往 其 反 久 高 所 望 得 四 子 之得 講 而 之, 之志 卷 蓋 ? 就 俛 而 嘗 學 求 答 之 焉 漸 日 德 之 於 以 寸 之 Ŧ 孳 廣 口 此 滋 先 何 而 至 季 則 孳 狹 識 和 自 難 反 小 月 守 近 9

若 顯 口 之分 學 向 問 外 答余國 之 理 功 會 初 不干己 時 則 秀》云: 無 且 要大 内 事 外 所 及 身 綱 謂 求 心 持 貼 之 知 守, 裹 間 於 者, 勿 人之類耳 無 令放 但 粗 謂 細 逸 不 隱

> 此 句 而 常 久 逐 之, 字 切 提 自 撕 當 理 漸 見 會 加 得 從 嚴 分 頭 密。 明 至 尾 更 守 讀 得 不 聖賢 要 純 揀 熟 之 擇。 書 如 逐 甲

寅

後

出 放 甚 類 也 心 善善 於動 \_, 答杜 亦 凡 只是要 聖 不 静 是 賢 間 仲 識 閉 之言, 都 **>** 眉 得 云: 無 此 合 走 皆 眼 心 良 失耳 貫 之正 死 仲 動 示 守 静 甲 如 喻 此 寅 敬 惻 如 心 字 隱 云 工 令放 求 羞 其

## 乙卯

但 矯 來 1 亦 太 覺 偏 未 重 補 如 答劉 免 ,亦是大 此 敝 此 私 季 而 下創 今又 章 趨 病 **※**云: 於 文 相 顯 條 子 合 明 所 貫 約 打 正 太 諭 成 自 大之塗 爲 多 有 ),指擬 學之意 片, 此 病, 恐 也 安 賢 非 甚 排 者 聖 所 之 從 以

昏 迁 白 進 教 曲 步 處 人 耶 繚 自 但 自 繞 可 於 有 平 百 本 成 行 種 原 法 直 安 其 親 達 排 切 間 反 提 迤 又自 撕 邐 令此 向 直 有 上。 心 便 至 不 簡 向 何 虚 約 前 必 轉 著 如 極 見 此 實 明

論 曉 訓 身 釋 得 也 心 逐 爲本, 句 答王 下 句 消 文 晉 更 詳 意 將 輔 未 **※**云: 聖賢之言 逐段反復 可 爲學 便 肆 虚 大 從 己 概 心 頭 見, 量 熟 Ħ. 讀 力 妄 以 起 且 收 逐 浮 要 字 拾

亦 諸 居 尚 生 符 遠 未 答任 到 能 來 奉 如 伯 無 行 舊 起 可 難 流 **>** 遣 云: 以 竄 去 遽 放 之 熹衰 自 殛 理 匆 久已置之度 病之軀 朝 匆 廷若 世 飲 欲行 外 食 遣 起

所 心 操 望 一,但云 舍存 答林 亡,只 德 著力便覺 久》云: 在 瞬 所 息 多 間 諭 事 日 本不 此 用工 恐 須 未 夫, 大段 然 甚 著 此 慰

> 實 是 若 中 形 爲 義、 須 此 底 云: 力, 後,不覺自浹 便是,雖若 理 有 不 性 知 不 象 如 亦 識 禮、智之實,如 然又不 · 曾 箇 如吾儒之言,則 性 此 能 ,後方旋 無 此 方 得 之爲 曉 虚 他 論 四 無 所 箇 塊 疑 得 法 空 可 可 無 意 竊 自家道 體 之物磊 ,又纔見説 底 撮 生 不 洽 大 只 思 恐 不 物, 著 此 貫 可 頭 日 情 非 離 段 間 力, 通 摩 几 老佛之言 裹 狀 晚 理 磈 . 正 者 增 讀 此 也 性 定 面 只 如 其間,皆是錯 似 四 出來。 四 益 書 之本 包得 須 欲 此 者 有 者 見 然 應 但 别 速 久之,自 界 前 爲 事 他 於 體,便只是仁、 几 則 求 不 亦 限 不然 處 性 説 渾 者。 先有 捷 四 得 只 之 得 然 而 者 也 是 每 徑 看 體 然見 熟 今 實 又 箇 積 亦 事 便 了也 理 非 累 故 亦 人 虚 説 理 效 之 有 疑 却 又 久 空 會 窮 性 如

0

<sup>「</sup>久已」二字,原脱,據《文集》卷四四《答任伯起書》補

孟 得 用 有 乃若 此 識取,不是本 子 墻 處 亦 看 物 壁 其 出 只 遮 (情,則 便 於 來。 欄 省 發 分 力 可 但 處 别 體 耳 以 本 言 處 中元 爲 體 之。 也 善之 無 來 著 如 然 有 摸 言 此 類 此 處 處 如 是 四 何用 極 故 端 於發 難 只 言 處 處 可 又 發 故 於 教

間 本 吾 論 弟 者 無 不 所 恐其 · 往 在 以 忠信、收斂身心爲先務 心、講端 然觀古今聖賢 而 答 使吾 爲 以 無 然 不 1曾景 如 往 ※後 意誠 所 得 緒 是 訓 方寸之間 歸 其 者 建》云: 之指 而 宿 IE. 所 無 笑矣 心正 (立言 者。 不 反 非 得受用 學 讀 一、身修 虚 復 若 垂 書 如 明 推 然後 訓 但 固 是 洞 窮 泛 前 吾 而 亦 而 徹 然 以 即 反 未 事 無 推 博 爲 求 無 之 吾 始 非 以治 觀 毫 其 不 日 彼之指 不 道 髪 而 理 用 以 可 之 之 則 之 孝 概 已

又《答曾景建》云:主一、窮理,此二事

若 清 玩 煩 切 知之甚 易一,誤。 將 話 鶩 提 味,不須貪 於高 撕 、欲求休 聖 不 易, 賢 而 遠 令間 守 遺 而 之爲 歇 涉 多 書 爲 但 獵 斷。 之 而 從 領 尤 實 要詳 反 頭 解 窮 難 成 難 循序, 理 躁 則 熟 之事 主 爲 自 亂 又不 一之功 就平 也 之 又 然見得 免 甚 實 在 如 難 明 向 細 古 意 元 白 心 須 本 之 處 常 耐 作

已矣 之説 不 姝 虚 審 自 心 問 唯 、慎思、 以 不 而 答趙 以 審 無 足 爲 衆 疑 以 詠 足 理 明辨,不先自主於一 得 道》云: 之是非 若 便 天下 得 謂 天 之正 天下 乃可以 先 下 ·之美 人之言 理,亦 有 IE 無 自 理, 易 偏之説 歸 而 [得於一 於 惟 於 媛 此 博 陋 媛 定 則 姝 而 而

《答吴伯豐》云:近日看得讀書,别無

<sup>■「</sup>審」、《文集》卷五九《答趙詠道書》作「察

是 花 他 声 聖 賢 亂 法 賢 墜 則 所 只 真 説 久久 亦 是 實 白 只 除 意 是自 自 直 却 思 然 自 曉 家 有 會 家 如 得 不不 杜 私 其 撰 意 敢 不 見 凡 妄 而 然,縱 識 所 亂 逐 也 悟 字 添 解 使 逐 Z 説 91 何 句 後 得 閑 只 寶 皆 雜 依

深 是 惰 激 無 懸 決,更無 時 理 不 之病。 害 發 説 自 别 空 如 元本作 E, 此 法 也。 杜 識 答 偏 撰 全不 「但」,誤 温 此 文字 劉 只 若 見, 之失。 欲去此 固 厚 仲 有自 只解 又云: 似 未 和 便 升》 血 聖 平。 論 自 己 脉 務存 義 病, 云: 賢 主 而 其 有 更就 更 别 張 平 則 氣 所 養者,即 差 大 無 向 無 象 説 又不 日 · 抵 他 自 自 證 矣。 之 以 不 學 人; 字 佐 己 是 以 爲 免有妄意躐 曾 不 問 身心 考 不 季 非 爲 只 仔 只有 免有支離 專 章 是, 騐 穩 有 細 而 意 守 此 L 猶 玩 更不 剛 旧 其 文字 理 思 做 索 未 據 粗 猛 工 聽 IE. 厲 剖 更 義 香

> 勿 天 不 夫 令差 理 凡 至似前 耶 誤。 是 念 悠 慮 人 悠 觀 欲 , 9 書論 度 耶 動 日 ? 矣。 作 理 仔 亦常 便 Z 細 須 卯 辨 後 如 著 别 此 實 剖 體 勇 判 猛 認 斷 自 此 然 是

也 教 傳, 先 也 落底 氣 生 夫, 象 而 乙卯 於下 功效 「灑落」兩字 其 答胡 以 久遠須自 後 弊 自 學 判 季 亦 乃 考 處 著, 隨 是 至 其 用 有 学云 且 且 於 力,至 自 ,本是黄 得 此 要 做 得 . 力 學 不 之淺深 處 於此等, 此 者 五 要 太 古之 識 年 所 思 史語 辛 箇 謂 想 9 聖 不 深 苦 則 先 進 賢 謂 未 造 後 難 不 擬 之嘗 所 不 自 來 快 而 融 以 得 延 後 活 釋 只 底 再 底 平 獲 灑

敬 之 彼 病 專 而 務 不 答余 而 集 知就 所 義 正 謂 日用 叔 而 義 \*\frac{\times}{\times} 不 者 間 知 主 念慮起處,分别 或 敬 敬 非 義 者 其 I. 義 夫 固 有 不 然 虚 口 其公 專 驕 偏 言 急 廢 私 主 迫

得 然 謂 病 分 昏 義 助 有 無 這 功 明 集 破 不 下 集 憒 利 蓋 E 矣 義 如 認 義 雜 所 有 恐 蔡 所 之 此 得 擾 謂 IE. 不 若其 體察 其 所 在 功 天 物 是 而 待 謂 意 理 欲 要 所 而 著 以 一去 本 亦 之 觸 之 得 謂 決 意 謂 袪 領 正 却 誘 手 看 敬 取 此 安 利 木 則 便 舍 破 者 事 也 排 亦 欲 合 作 固 之 那 事 不 之 有 做 當 幾 兩 邊 而 Z 待 物 非 蔽 片 焉 底 物 卯 以 無 物 痛 其 後 敬 欲 事 昏 則 則 敬 恐 加 之私 頭 爲 憒 於 則 谒 天 矣 亦 主 頭 敬 雜 未 於 理 絶 處 擾 益 用 却 但 H H. 免 베 處 之 敬 有 見 來 所 於 更 自

策 是 便 教 求 虚 息 本 加 通 又《 念 閑 持 根 貫 答余 養 所 務 但 動 在 要 以 立 静 IE 箇 親 不 不 叔 口 主 切 但 口 **>** 自 宰 是 香 云 向 己 : 無 惰 其 專 前 事 雜 實 靠 然 者 時 擾 只 其 書 所 只 是 册 論 無 是 故 事 又 箇 故 未 之時 直 欲 提 稍 嘗 撕 就 如 稍 欲 警 此 此 尤 放 專

不 毫 非 細 則 則 竊 用 兩 差 處 則 影 彼 外 持 0 黑 是 意 子 辨 須 但 釐 之 養 截 便 儘 不 運 白 不 别 其 是 别 是 能 也 絲 儒 口 高 答 有 水 所 謂 各 見 者 徐 搬 語 忽 明 **\$** ·曾 陳 搬 事 非 嘗 得 以 柴 有 未 間 行 則 無 脱 日 柴 處 見 衛 以 見 格 運 不 要 條 免 所 後 用 灑 得 話 道 動 便 不 龜 實 水 見 有 見 物 長 理 間  $\forall$ 静 有 容 裹 而 Ш 得 致 來 方 云: 病 非 即 見 是 真 略 許 但 先 證 用 知 是 是。 此 得 是 如 爲 非 何 有 却 釋 真 生 孟 處 者 il 神 釋 天 判 取 便 也 差 實 只 引 氏 若 七 子 此 然 理 氏 舍 通 是 ? 便 舛 是 龐 道 所 顛 理 疾 見 流 妙 要 是 徐 從 見, 居 理 所 行 蓋 元 物 纔 八 處 用 行 就 行 士 外 順 以 先 倒 較 如 是 也 不 此 後 説 行 所 得 面 有 而 之吾 長 釋 若 用 相 長 以 等 無 見 其 此 神 處 直 Z 儒 氏 處 離 卯 處 即 得 中 打 有 見 内 通 理 義 者 説 儒 後 微 是 便 方 妙 成 雖 是 處 簡 有 ;

欠,非 道 言 也。 之性 以 蒸 礙 天 非 盡 民 下 此 者 所 而 微 非 性了 有 性 凡古聖賢 或 虚 無 以 便 之 家 有 物 語 便 餘 纔 是 理, 可 言 是 塊 也 有 能 逆 性 得 盡 然 則 至 著 , 格 説 只 而 得 著 養 物 此 是 性 物 理 只 性 此 之事 致 理 理 命 生 君 可 0 亦 知 便 皆 命 以 臣 此 , — 不 胸 是 便 父子 是 其 爲 民 是 中 養 以 能 性 時 就 在 洞 兩 得 貫 實 誠 人所禀 然 便 事 而不生不 之, 此 事 意 綱 已是 無 也。 道 IE. F 略 五. 纖 説 心 故 無 而 常 命 天 毫 餘 不 之 滅 謂 生 如 他 疑 而

所 不 命 在 之 處 謂 著 必 著意 理,只 意 實 樂 又《 向 處 答 又 思想 却 低 自 在 陳 好 平 别 日 衛 處 但 不 且 用 道 講 每 拈 間 **>** 似 究 云: 事尋 向 零 此 踐 碎 動 履 欲 邊 得 蕩 去 爲 H 攪 處 儒 箇 求 遠 聒 者 是 亦 其 到 之 處 無 所 也 得 學 未 不 即 真 是, 至 是 性 實 却

> 間 此 也 理之實,不 乙卯後 比 禪 家 見 處 ,只 在 儱 侗 恍 惚 之

命 者 其 以 摩 了、零碎、 間 字 餘 數矣,今幸粗 垂 ^ 答 無 世 自 無 項 F 立 不 剖剔, 可 落 平父》云: 教之意 言。 患 處 不 及 所 見 有 若學 枝 此暮年, 入德 幸 生 熹 意 枝 者 門 生 相 能 户 辛 病 杜 略 對 虚 苦 門 四 見從 葉 心 讀 屏 五. 遜 葉 書 + 息 E 志 相 日 聖 微 聽 當 賢 游 細 天 危 所 泳 無 所 揣 死

要,四 行之 善。 測 未 加 親 意,元本作 也 但「敬」之一字, 切 地 字 答孫 亦 處 恐有誤 乃 敬 佳 乃 「遇」,誤。 甫》云: 耳。 知 今 義 謾 理 使 大學 乃學之 往 示 有 無 諭 所 窮 **>** 本 爲 據 向 綱 學之意 未 依 來 近 領, 易 改 看 以 須 處 覺 爲 淺 甚 得 無 更 致 見 於 善 亦 甚 知 多 緊 窺 力 此 其

考 異

空杜 支離 痛 昏 有 答劉 " 訾議 戒 昧 於 操 者 香 仲升》 此 所 者, 昧 實 不者,蓋 也 無 則 以 以 其 自 異。 按朱子所 多 信 據 有之。 地 愈 此 篤 頗 有 高 而 志之士 若妄 説 其 而 兩 病 人 意 種 則 亦 不不 躐 病 與 不 等、 痛 可 支 敢 離 懸 其 不 輕

丙辰

功利 I 此 功 非 見 利 之語, 之見。 即 只有 答劉 彼是,不容並 義理,都不 而 季 蓋天下只有 下句 章 所説 立。 見 細 曾 有利 看 故古之聖賢 無 理, 來 疑 害可 此 事 是 方 計 即 即 論 較 依 心 彼 舊 董 非 存 是 H

> 思之。 枉 能 乎 否以 若 向 此 信 用 互 加 ? 端 如 後 之 不 推 理是非,昭著明白。 此 他 間 及,即在 爲語默,只 若信得及, 的, 以 然此 是 及 人須有信得及底, 所論 説 故 應 人 亦 時 不 事 我 無 則 接 能 吐 病 他 此 在 亦 即 物 10 痛 真 意思 我者,未 無 相 只是 吐 知 直 乃 爲 與 膽 是 是 今日 是 人 自家 俱 何 非 謀 亦 判 非 見 免 之 由 斷 但 此 只 而 處 聖賢 看 能 視 辨 得 人 如 不 病 得 使 人 、雖信不 直 時 盡 此 之域 痛 而 道 彼 顔 之計 底心 截 信 義 色之 也 爲 更 分明 此 自 得 無 及, 也。 及 而 若 試 П 不 口 口

事 續 誠易 要 之大小,理之淺深,但 行,打成 常 間斷, 自 答方賓王》云: 提 片耳。 撕, 然纔 分 覺得間 寸 講 積 學工 累 所 斷 將 諭 到 夫 便是 去, 涵 目 亦 養本原之 前 是 久之自 相 如 即 續 此, 與 處。 莫 然 理 功, 論 只 接

到底,久之自然浹洽貫通也。

間 之 是 旧 地 將 如 時 只 自 著 此 諸 静 無 华 張 間 做 今若 相 斷 敬 元 從 處 德 件 無 字 **>** 只 不 功 事 云 在 , 須 夫 通 學 固 如 貫 明 則 是 中 此 動 道 却 只 分 静 教 無 是 得 别 其 人 釋 則 静 也 子 静 外 於 坐。 坐 事 华 禪 者 若 故 蓋 矣。 之 特 教 爲

告 多 以 則 病 敬 病 朋 所 致 而 友 向 知 杜 知 也 盡 坦 心 門 實 孫 之不 交 閑 敬 其 相 無 甫 中 大 口 非 發 **>** 見 云 不存 概 大 而 得 路 敬 似 此 所 常 恐 此 意 聖 諭 不 爲 意 頗 賢 因 主 出 甚 端 事 胸 此 善 的 業 所 次 也 居 隱 雖 要 故 既 樂 之 微 未 年 廣 . 持 之 易 以 來

與 輕 常 而 年不 答 日 月 劉 同 甚 季 章 亦 **>** 是 又 云 年 氣 紀 體 熹 催 衰 今 促 乏 年 之 精 理 病 應 神 如 昏 發 此 耗 作 不 雖

> 後 者 足 地 賢 相 步 爲 之 浸 聚 有 怪 餘 日 耳 但 而 夕 恨 日 切 平 月 磋 生 有 I. 恐 限 夫 此 又不 意 只 到 得 日 此 血 斷 地 朋 絶 頭 友 之 更 前 賢 面

歲 徊 明 得 討 爲 用 虧 來 死 目 矣 月 者 前 = 論 始 遲 前 欠 牛 豈 ^ 筆削 又《答 却 疑 文 常 Ŧi. 聖 答問 隨 们 等 字 肯待人? 若 理 事 賢 處 不 使 待 只 提 未 劉 肯果 遺 南 可 則 \_\_\_ 無 ? 如 撕 定 仲 日 季 以 訓 日 足 此 何 学云 章 決 之 深 積 隨 隨 纂 立 具 恐不 用 間 向 分 計 **>** 月 集 處 箇 在 云: 淮 前 累 發 未 收 此 題 整 免爲 方 但 擬 明 成 拾 熹 心 真 自 目 頓 册 恨 安 聖賢 不 此 衰 實 得 爲 自 在 然 隨 排 理 若 能 學 欺  $\equiv$ 病 F 純 面 時 ? 遺 日 果 自 手 前 熟 體 不 未 五 元 意 只 耿 誣之流 有 益 次 究 副 無 則 又 自 從 垂 耿 沈 夙 悠 却 間 然 理 隨 今 亦 耳 痼 心 悠 低 會 後 光 事 H 何 斷

而終無得力可恃之地也。

《大學》亦有删定 手。 處。 所 定 然 義 本, 答 又 理 孫 然 只 無 敬 比 是 窮, 甫》云: 讀 目 玩 數處、未暇 之,尚有 前 之愈 事 南 , 久, 康《 合 自 録 愈覺 改 語 當 去 定 \*<u>`</u> 面 有 處 孟 蹉 説 未 過 **>** 是 不 及 也 後 到 下

著 與 看 實中意味 講 得 之 轉 答方賓王》云: 覺簡 也 愈長。 約 精 又 云 明, 非 舊 病 昔 書 中 時 讀 却 比 之, 於 詭 覺 恨 僞 得 不 舊 平 得 聞 淡 相

説

得

此

言

若 作 都 理 横 無 如 渠 但 T 輪 記 何 成 夫 答張 亦 不 流 誦之説 也 須 且 起 通 是 元德》云: 是 處, 念 須 專 收 最 是 方 而 得 爲 都 可 精 覈 此 徑 别 通 研 之不 近 心 捷 使 透 换一書, 有 與 後, 精 歸 學者講 蓋 著 書 又 則 未 處,不 乃 通 却 亦 論 為有 透 論 未 如 看 爛 此 免 至 得 尤 益 枉 走 覺 温 義

省,乃爲佳耳。

得 箇 落 说 最學者之大病 説 慮 郎當, 一人處。 字不相 ,依傍文義 又《答張 何 得 如 事 古 與 都忘了從 古 人 怕見如此 略 肯 意思 元 人 用 可 推 德》 對 , 也。 今人言 此 出 面 尋 云: 外都 來,先 初 説 丙 句 棄却本文, 因 辰 話 大 脉 語 後 甚 無 0 抵 教自家 彼 話 閒 體 讀 看 此 頭 雜 貼 書 定 説 肆 説 對 替 須 心 此 得 爲 話 答, 裹 换 句 且 到 浮 方是 無 分 指 虚 説 此 明 意 心 兩

字

是

歷

静

之,則 者之通患也。 近, ❷而不足以 答孫仁甫》 又反爲 所 所 語 使,而 以 云 上。 古 . 人 人 其 不 設 肯 無 或 教,自 英 遜 有 志 氣 之, 於學 灑 固 而 掃 安 無 應 於 此 以 對 制 學 卑

●「尋」,原脱,據《文集》卷六二《答張元德書》補。

② 「近」、《文集》卷六三《答孫仁甫書》作「陋」。

積 隋 使 粗 程 則 使 進 用 可 階 累 耐耐 間 後 之 立 時 以 退 亦 而 做 抑 隨 致 未 爲 口 之 煩 而 不 得 處 其 今 節 有 攝 以 心 得 著 有 既 三五 省 伏 消 益 下 下 實 禮 有 口 皆 學之 身 磨 首 也 據 所 覺 年工 心 無 而 樂 0 其 之 就 收 以 之 此 飛 功 故 勿 地 也 從 射、 斂 夫 助 矣 求 今 揚 : 事 爲 倔 御 丙 讀 速 而 然 則 不 庶 於 辰 賢 强 書 然 幾 毋 解 唯 不 其 書 後 者 之 計 窮 ; 循 心 有 間 恐 操 計 氣 數 理 意 䜣 序 讀 徒 之文 存 而 漸 功 書 而 爲 則 且 而 持 不 馴 致 當 爲 此 細 事 守 敢 謹 如 必 就 根 氣 立 忽 此 德 皆 本 課 出 所 則 H

極 極 知 博 精 更 考經 ^ 切 答 是 在 説 勉 孫 由 史, 之 是 敬 得 參 充 甫 箇 而 稽 之, **>** 己 題 云 事 目 使 變, 然《 存 所 若 使吾胸 養 示 大 欲 講 ^ 學 從 大 學 事 **>** 所言 學 之 中 於 廓 功 其 數 格 然 各 實 條 無 物 盡 皆 毫 致 其 須

> 哉 平 賢 髮 有 象 日 之 箇 讀 因 牽 베 疑 强 修 無 書 欲 方 禮 辰 窮 所 費 速 後 書 理 不 力 之 到 通 處 意 知 非 見 底 勝 止 得 不 此 意 也 有 此 精 猶 象 定 詣 意 是 可 地 其 頗 心 而 位 不 分 實 有 於 戒 明 未 未 平 哉 不 必 虚 常文義 然 又 通 氣 見 口 只 也 得 不 有 是 戒 未 却 前 想 近

## 考 異

明 決 别 時 答 偏 法 劉 更 見, 但 無 季 只有 前 温 章 便自 厚 與  $\forall$ 自 和 劉 主 按 平。 仲 張 更 此 升 無 季 書 以 書 章 他 剖 爲 云 意 斷 只 直 有 思 只 正 此 截 據 有 是 理 自 最 別川 如 爲 己 更 猛 此 無 分 剖

<sup>■「</sup>自己一時」、《文集》卷五三《答劉仲升書》作「一時中

未 以 以 敢 矯 此 參詳 自 其 必 偏 一,姑 而 則 救 記 此 其 所 書 弊 疑 似 也 非 與 或 季 編 章 者 次者之誤 蓋非 所

丁巳

時 得 循 不 自 行 ,不成便休也。 要倚靠 解 ,莫説道 做 ^ 得 語 得 録 人,道 徹 事 \* 去。 下 亦 且 便要做成,今日 得,只不要 自 若 待 輔 勉做 有 廣 去 疑 問問 Ι. 處 他 夫。 間 且 斷 須 若 學者 知 自 積累之久, 無 得一事 去思 人 最 可 怕 量 問 亦 因

去年, 假 之年, 某當初講學也 去年 許 又勝 多 道 似 理 前 在 ],豈意 年。 這 裹。 林 到 這 孫 今年 裹? 頗 覺 幸 勝 而 似 天

上 做 又 諭 夫。 輔 廣 若 云 無 今 主 講 — 工 學 如 夫 此 則 所 更 講 須 於 底 主 道

> 覺 精 義 理 所 孟 但 有 謂 放 子 得 散 明 理 無 不不 ,方爲 心 求 説 收 緩 安著處;●若 便 斂 放 時 然 在 心 時 學問 我 更緩 但 此 者, 多 有 纔 之 散 非 覺 散 輔 道 才主 有 是 緩 廣 便 消 主 别 時 無 收 索 求 他 少 斂 了。 工 求 便 箇 便 將 覺 夫, 心 又云: 其 是 來 意思 來 則外 放 長 漸 存 心 進 著 漸 好 固 面 處 而 做 已。 不 卓 許 只 去 免 纔 故 多

復,庶: 謂 但 見 逸 前 學者,舍是 得天道 於日用之間 於聖賢 答度周 於 其 性命,真 中 無 卿 之 隨 <u>\</u> 隨 有 教 事 别 時 漸 不 觀 用 隨 外乎此 理 歲 力處 有 處 ,講 月 默 提 易得 矣。 求 相 撕 身。 思 契 此 處 索 義 心 而 理 吾 則 沈 勿 難 之 自 潛 \$ 明 所 然 放 反

《答楊子順》云: 夫子乘桴之歎,獨許

■「道」、《朱子語類》卷一一三作「義」。

禮 次 擾 子 此 郭 擾 等 路 ? 之 處 直 如 聖 能 是 若 白 賢 從 干 此 無 氣 交 蚊 等處 而 象 涉 蚋 子 是 鼓 也 路 放 發 如 聞 不 何 之, 狂 下 ? 開 果 何 更 世 以 説 間 嘗 爲 甚 許 人 喜 克 得 多 己 他 紛 且 復 胸 紛 看

求 不 友 寸 休 自 而 所 爲 謹 以 移易,孔 之之理也。 至 能 戚 X 即 守之, 之理 此 者 即即 爲 幸 答葉 待 亦 也 當 見 與 得 擇 孟 不 生俱 所 可 其 切 父》云: 此 所 此 以 聽 香 説 可 理 生,乃 凡 是終身立 棄 而 天 極是分明。 故嘗 爲 受之; 所 人 人者, 爲 若乃身外之事 天之所 有 以 而 脚 此 此 其 只合講 無容心焉 地 身, 自 不 付 品 位 勉 至 品 便 而 者 早 不 亦 明 非 有 從 不 榮 可 則 此 所 人 其 敢 分 悴 力 師 無 理 以

然欲 專務静坐,又恐墮 答潘 子 善》 云 落 所 那 論 爲 邊 學 去。 之 意 只 善 是 矣。 虚

> 懼 只是· 著 著 之 箇 此 力, 略綽提撕,令自省覺,便是工 一戒 心 謹 隨 則 恐懼 自 動 然 隨 主 静 四字,已 宰 無 分明 時 無 是 義 處 壓 得 理 不 致 昭 重 夫也 著 了。 其 矣 戒 謹 恐

須 所 比 耳。 利 是 9 者 達 施 品 耳 此 伯 ,今人少見 何足道 答吴伯豐》云: 品 處 豊講 期 立 望 學 得 能 之意 精 脚 出 言 詳 定, 脱 真 不淺 議 得 上蔡 然後 如 論 者 鸚 9 非 明 須 博 先 鵡 決 更 文 生有言: 是 約 於 朋 此 小 禮 此 言 事 游 之 加 少 深 意 見 富 可 邇 有 其 畏 來 0

蓋 學 非 之 使俯 他 際, 又《答 人之比 不 仰 吴 患 之間 伯 所 見 豐 無 但 之不 所 願 愧 更 精 於 怍 伯 所 豐 品 而 聞 明 品 胸 深 敏 屬 中 體 有 望 之 而 之 餘 浩 力 然 行 講

者 真 則 足 以 品 配義 之 願 與道 也 不不 但 爲 誦 説 之空言 而

品

#### 戊 午

静 謾 也。 之偏、思 論 是 動 動 死 著 T 往 而 不 他 物。 去年嘗與子約 答 忽已爲古人, 可 此 觀 慮 恐 孫 即 必 深體 所謂 此 敬 未 待冥 云 爲之擾 知 然。 甫》云: 存養, 味之, 覺 然 人之一 烱 論 深 都 耳 非有 然 便自 之,渠信未及,方此 口 無 所 不 歎 知 論 心, 當 昧 安排造作 可 恨 覺, 纔 此 ·, 但 見 ! 説 本 之時 然後 也 無 自 存 今録 喜 -, 只是 何 光 養, 謂 怒 其 明, 之 即 嘗 哀 語 辨 静 樂 不 是 不 不

者 所 以 亦 懶惰 只 答 消 劉 者 得 季 只 此 章 緣 \* 病, 云 見 此 便是 道 來 理不 諭 無 謂 藥 透,所以 病 可 只 醫 在 0 懶 向 之 惰

> 實 提 知 至 何 磨 存 至 病 容 太 ( 疎耳 。 所以 前 有 得 矣。 者 掇 動 無 更 下工夫 幾, 有 得 去, 不 朋 亦信 爲懷。 便 起。 懶 他 此等人便不 友間 此 敢 又 ? 惰 未及, 誠 處 謂 若 如 時 未 年 可 季 見得道 海 此 節 則 歎 有 來 章 内 斷 況 耶 便 大 千 頓 善類 自 置 ? 有 濟 若 可 萬 覺 理分明,自住 以爲 事。 鐵 鄙 竊 所 望 消 勉 衰 輪 旃 者, 意 恐 謂 憊 無 若 磨摧 頂 乃 所 則 此 殊 \$ F 使真 謂 以 則 外 甚 所 轉 落 自 其 無 憂懼 之後, 深 不得 旋 有所見, 死 纔 省 有 難 望 期 見 者 亦 者 除 消 不 將 如 亦 將 所

應 隨 與 爲 時 俱 是耶? 處 往 答林德久》云: 一,便是 無 非自己 Ι. 夫。 身 心 事 無 運 物之來 事 用 静 但 坐 贵 常 有 自 以 事 提 漠 撕 應 然 酬 不

至 尾 答林 逐 句 E 玩 卿 味。 \* -看 上 讀 字 書 時 之 法, 如 不 須 知 是 有 從 頭

聖 透了 字 意 理 口 漸 ,於己 賢 方 隨 日 進 言 見 其 看 意 庶 又 前 語 看 穿 純 分 幾 却 意 句 熟 此 鑿 Ŀ 心 從 脉 時 段 亦 與 頭 排 若 不 時 有 理 如 看 布 差 只 何 會 不 亦 此 硬 如 H. 知 不 自 説 此 是 涉 段 有 知 然 耶 匆 自 則 令其 後 有 浹 匆 三分 不 句 後 檢 惟 段 首尾 閱 上 錯 看 也 非 會 身 得 惟 遍 通 1 心 都 會 如 貫 便 經 義 得 此 通

之自 章 較 得 之 文 與 立 説 句 否 句 時 别 玩 以 然 取 只 答 尋 玩 做 鄙 勝 味 心 在 劉 路 索 此 意 見觀之, 也 地 著 此 季 脉 文 平. 趣 心 章 底 實 理 自 夷 尝云 基 心 底 又云: 等説 都 深長 力 趾 見 I 無 夫 理 此 來 須 積 許 趁 明 諭 是 累 多 换 不 又 此 徹 實 所 將 須 閒 T 是 光 云 有 去 如 説 庶 許 陰 病 用 此 幾 多 只 只 書 根 未 力 此 杜 將 著 不 能 至 又 處 學 撰 排 晚 只 實 曾 益 有 計 久 暮 是 依 除 比 人

傳,不至虚負平生也。

#### 己未

者 以 以 剩 語 若 識 病 能 此 平 跋 實 意 敬 如 南 其 用 者 Z 軒 其 益 不 主 力 然 深 矣 則 則 箴 雖 言 **>** 誦 云 程 愈 敬 子 多 夫 兩 敬 之 心 言 之 箴 愈 之 者 雜 訓 字 要 猶 而 所 爲 學

做 敬 附 便 此 之 是 T. 夫 體 静 答熊 坐 ? 只了 時 似 夢 不曾 此 兆 得 支 安 > 敬 云 離 排 杜 病 静 敬 撰 坐 痛 則 也 只 愈 而 是 多 不 未 敬 能 詳 更 遣 何 不 更 時 思 曾 尋 以 慮 甚 得 類

精 性 粗 又却 全 語 體 録 説 **>** 説 : 道 盡 先 問 5 生 學一, 0 語 如 淳 這 今 日 Ŧi. 所 : 句 子 説 是 思 却 爲 説 只 學 偏 用 尊 功 在 德

之事 得 做 做 了 情 友 I. 作 節 應 有 尊 是占 夫做 夫,依 變 許 講 便 不 天 又不 德 却 事 成 多 理 只 明 怕 性 如 ? 成 得二十分到 事 不 便 日 處 ·知古· 吾 舊都是錯 何 人 又不 間 杜 宜 L 得 我 通 説 輩之責 撰 去 事 若 或 得 只 今人事之變,這 道 接 變 自 事 應 許 管 便 無 天 不 無 四 T 變 變 多 得 下 了。 只 乎 能 之 道 方 窮 不 H 是 終 事 自 事 應 學 賢 問 合 新 吾友 人 不 情 家 業 變, 學 士; 若 義 欲 足 恁 身 而 出 若 做 也 只 理 無 底 僻 有 以 門 地 又 又 出 將 牽 是 窮 許 多 許 在 應 動 不 則 邊 有 此 許 强 自 多 多 遠 變 步 安 知 平. 易得 誤 都 樣 多 S 去 事 方 便 T. 知 遠 日 學 認 到 要 事 應 夫 有 許 他 問 暗 方 便 業 與 無 那 礙 恐 欲 待 去 多 應 ? 他 家 昧 事 師 時 日

先生語淳曰:不是塊然守定這物事:

陳

淳

學 門 不 篤 子 以 那 在 無 理 牛 不 0 焉 獨 求 所 知 箇 曉 行 賢 室 不 之者 之。 不 事 坐 先 事 須 是只就 然 學 學 者 底 生 底 關 是 理 也 聖賢 ? 識 子 聖 語 門 博學之,審 也 會 理 事 \_ o 賢 其 獨 日 淳 不 會 而 事 : 文、武 大 坐 日 件 亦 時 亦 得 聖 理 者,不 我 却 事 何 無 ? 便 賢 會 天 是 常 非 問 上 不 口 之 無 過 所 下 生 逐 之, 通 理 師 賢 以 道 所 萬 以 變 件 會 之 而 無 者 爲 慎 不 物 底聖賢 聖 H 有 知 見 未 識 聖 思之, 通 之者 賢 理 得 之 墜 當 賢 其 會 便 無 教 於 然 不 聖 小 去。 了 明 所 講 X 之 者 地 好 自 亦 辨 不 9 要 這 古 古 學 則 雖 無 陳 博 夫 歸 無 時 道 在 敏 便

● 「人」,原脱,據《朱子語類》卷一一七補。

是

理

所

以

然

底

便

是

原

頭

處

但

聖

平.

H

❷ 「未墜於地」、《朱子語類》卷一一七作「布在方册」。

第 沿 有 是 破 這 也 病 來 是 到 巾 次 流 放 塊 無 天 説 那 却 所 陳 第 水 不 泝 理 曾 頓 眼 有 那 要先見 立卓爾」, 吾友 銀 得 源 不 説 處 前 見 邊 致 放 事 笛 處 滚 合 也 知 那 合 下 下 天 箇 教 來 下 恐 有 邊 學 下 理 又 天 相 滚 然後 X 便 攧 多 來 上 也 在 平 去 理 日 似 要 破 少 達 説 無 那 把 平 . 在 這 尋 次 捉 話 裹 頓 博 自 前 恁 如 其 第 那 處 天 文 箇 有 便 吾 面 地 方 源 不 理 約 空 有 次 方 力 做 教 放 友 著 鑿 説 第 禮 底 此 去 行 工 人 這 所 來 得 病 物 做 夫 做 有 邊 説 下 也 又 整 蕩 去 去 多 學 如 從 也 是 放 此 去, 漾 凑 少 中 恐 若 水 這 先 原 自 IE 次 又 終 把 似 攧 邊 見 是 頭 不 然 只

便 玾 都 只 管 先 無 守 生 事 定 目 口 在 淳 做 這 申 T 裹 前 9 所 説 則 謂 相 似 : 潛 Ш 若 心 林 把 大 苦 這 業 行 此 何 子 般 有 道

穩 要 看 且 及 必 T 時 T 哉 夫,只是 + 書 慢 讀 利 夫 云 世 處 揀 景致 單 自 底 ? 篇 E 底 粗 只揀 放 間 擇 是 便不 達 説 日 : 説 要 底 只 淳 不 ~ 要 粗 ~ 下 平 得 論 做 箇 揀 粗 曰 論 告子 如 可 讀 底 讀 如 此 常 高 粗 語 鈍 : 那 吾 纔 語 書 風 ^ 心 底 恁 × 底 恁 孟 精 曾 友 **>** 乎 看 看 理 何 如  $\sim$ 地 都 知 子 平 地 點 底 所 來 孟 舞 會 用 去 盡 何 掉 揀 > 病 平. 便 段, 底 説 雩 看 子 從 説 理 I 地 心 擇 痛 恁 理 細 意 下 去 **>** ~ 會 許 便 看 詠 不 會 底 來 梁 地 思 學 恁 多 得 今 大 就 便 得 不 而 説 做 做 來 惠 粗 地 也 ? 事 日 段 這 自 歸 要 細 揀 涵  $\pm$ ? 底 緊 下 把 欠 只 見 把 如 又 底 \* 擇 泳 學, 便 要 文 了 段 ^ 以 是 得 只 日 理 做 而 了 論 不 便 字 下 上 消 都 下 差 今 做 揀 明 會 語 理 讀 要 來 都 理 史 異 做 箇 要 學 那 而 H 思 書 有 W. 今 看 蓋 不 閒 川 不 便 尖

看

看 和 中 性 只 初 量 中, 反 」,若只反 之 H 到 倒 恁 亦 謂 極 節之和 且 天 地 道 要 平 平 尋 命之謂 了。 着 看 倒 見 了。 過 過 這 原 去,便看「發 去, 性 喜、 頭 未 陳 便 淳。 處 發之 怒、 看 句 如 中一, 哀、 率 便 性 天 而 樂 無 便 皆 命 之 T. 未 謂 之 又 中 一夫看 發 謂 節 道 無 之 謂 性 T. 若 謂 率 之 夫

自《學 要 出 許 此 説 何 自 E 如 行行 來 見 名 T 如 得 淳問 與 滋 此 也 喫饅 而》 要 平. 點 好 在 味 如 事 生 至《 都 面 此 頭 君 便 不 向 前 今 不 堯 都 要 將 只 愛 説 見 來 日 許 如 是 得 撮 若 人 所 ×, 此 多 好 個 説 多 都 白 呈 都 都 用 尖 掉 T 事 此 來 是 與 掉 處, Ι. 7 長 話 此 做 點 7 都 夫 等 9 要 不 工 説 只管 是 處, ^ 無 如 夫 喫 聖 論 好 此 下 通 處, 人 賢 説 段 笑。 語 曉 貫 面 言 説 不 如 與  $\forall$ 得 浹 餡 點 要 近 事 成 何 部 子 説 只 來 如 如 親

考異

了。 朱子 是 旨 多 先 是 又 是 成 意 於已分上 他 見 却 安 頗 展 病 世 所 晚 意 如『有 要 件 有 拓 處 卿 未 謂 先 錯 年 朱 物 不 可 所 做 倒 開 己 子 雜 吾 概 於 見 事 見 所立 廪 I. 自見 0 云 友 箇 見 陳 於 又 而 傾 夫 所 合下 語 天 也 安 每 所 卓 利 底 録 得 卿 理 脉 如 事 歸 爾一, 朱子 若 羅 然 屬 來 亦 在 中 吾 必 重 安 列 説 望 前 不 在 友 不 尋 然 未 語 卿 甚 話 뻬 面 所 説 敢 討 几 後 免 進 至 自 便 方 説 累 向 與 原 面 轉 者 博 守 去 之, 有 從 百 他 凑 頭 故 却 所 説 千言 做 合 文 此 原 處 朱 訓 又可 其 見, 約 病 將 頭 此 此 吾 語 子 云 禮 來 來 意 語 惜 終 只 友 最 IE

《正學考》有不 廖 明 件 尋 其 段 書 少 來 天 後之君子 盡 故 明 那 世 後 件 究 異 理 得 曉 子 亦 尖 几 ,失載所言安卿 日 而 未 講 又 原 朱子之意者,則未 之,無令久 本 晦 便 利 面 又 而 嘗 凑 謂 原 頭 明 書》云:「安卿之病, 要 底 日 實 合,只 考而 望 安卿 説 以 Ŀ 也 於 無 而 以傳付之任 達 件 吾 爲 粗 異 後 朱子《 之病, 擇 同 件 凑 指 成 做 自拘繋。」蓋 鈍 友 者 焉 皆 事 合 之病,而 底 T. 所 切 上 件 其 夫。 與 都 説 而 亦 中 尋 廖 件 件 物 附論 掉 正 之辨。 下 安 也。 其 究 之 朱 子 件 事 T 學 坐此 卿 於 ,於前 本 講 子 之如 病 晦 已 亦 地 也 ^ 安 初 原 書 明 已 Œ 逆 正 今 今所 \_, 意謂 卿 所 0 後 者 來 力 學 此 坐 日 料 蓋 説 只 録 論 重 考 來 處 闢 其 此 下 指 是 總 以 先 録 有 此 雖 不 之。 ^ 學 × 此 若 見 在 俟 與 揀 最 爲 與 未 Ŧi. 大

之,非 子之 明。 間 而 功 是 録 成 知 事 E 爾 Ι. 戦 也 樣 道 後 朱 要 夫,只在下學處 日 得 指 道 施 兢 子 箇 却 思 其 個 . 理 其 如 也 語 云 下 物 原 量 臨 理」之云,此 原 又 件 初 學 安 事 頭 日 亦 頭 到 履 祈 件 卿 朱子 每 處 否 : 之功者 處 極 不 嚮 知 中 ? 所 0 有 致 可 逐 到 要 得 間 録 嘗 與 E 事 知 纔 此 此 四 尋 箇 前 云 自 達,蓋 就 乃 都 看 地 面 可 恐 見 原 唯 語 安 這 是 凑 見 位 如 非 頭 原 正 段 卿之意 合將 曾子終身, 此 事 安 祈 乃 處 頭 未 朱 而 相 E 卿 理 嚮 不 可 子 處 後 便 反 凑 便 會 來 之 到 期 易言 語 施 就 前 便 意 合 此 偶 見 安 語 下 便 這 來 地 聖 · 學 之 卿 件 然 非 只 亦 得 自 而 位 門 是 便 件 段 得 只 朱 又 這 分 所

傳 舉 安 行 其 卿 如 所 概 冉、閔,文學如游、夏,皆不 後之人皆 録 如 有得 此 ,俟後之人訂 在 有失,今亦 冉、 閔、游、 正 其是 未 夏之上 能 與 非 細辨 ハー貫 焉 哉 之 姑 ?

#### 庚申

者 中 以 愈 望 聽 純 咸 《答楊 見 熟,亦頗 天 以 告。 命 爲 可治 耳 子直》云: 此 0 有 間 不 實 但 却 知 用 服 亦 近 不不 藥 熹 讀 日 殊 專是空言 病 得 更 不 舊 日 得 見 覺 書 何 効 沈 安 異 也 但 書? 重 鍛 坐 9 鍊 拱 而 醫 得 便 手

神 書 謂 間 之酋 所 别 無 引。 有 極 答廖子 長 之真」,所 物,光 也 所 學者 謂 晦 無 輝 合下便要識 位 謂 閃 真 「谷神不死」,一 爍, 詳 人」,此釋 來 動 喻,正 蕩 流 得 此 氏 轉 謂 物, 語 語 是 日 正, 正 而 用 皆 即 後 之 谷 來 所

> 學問 無 費 都 此 得爲 仰 截 將 極 捉,要常在 此 夫。 致, ,特著《中 此 向 物, 事 無 心 日 高 則 ,與此 想象 力 就 實 此 鑽 等玄妙 至於學 聖人 思 教 而 耶 枝 見 堅 説 辨 其所 人 ? 耳 照管,要得常在 葉 粗 而 目前,以 設教 瞻 但 著 問問 0 庸》、《太極》之書, E 之談,雖 説 篤 細 只 緊 前 論》、《孟》之言,平易 一零碎 此 踐 用 迥 行之,只説定之以 教 首 體 忽後 其 履 然不 功夫處 人格物 察, 零碎 意 爲直截 處 先 以 則 便合 做 亦 同 子思、 然 要 是 工. 凑 , 只説擇 目 致知,克己 令實 根原之計。 矣。 夫, 豈 痛 未 合 前 雖 見 下 以 周 以 則 乃 然若果 (見,著 言 此 顏子之初 不誤 子 明 中 自是 善、 爲 語 物,故不 明白 喫 道 正 根 復 古 緊 體 緊 仁義 直 是 下 本 而 執 之 枉 爲 把 指 如 功 古 却

「緊」,原作「謹」,據《文集》卷四五《答廖子晦書》改

0

實 之 間 若 作 旧 分 説 講 理 能 而 見 聽 事 以 流 言 體 學 會 論 爲 推 只 也 È 事 出 全 日 庶 必 是 察。 其 静 體 應 此 心 用 功 物 動 求 幾 而 蓋 故 夫 本 人 即 出 事 事 物 之 之 君 實 其 見 處 原 心 亦 皆 外 間 之 曰 則 中 則 無 子 無 此 則 之中 此 非 外 許 非 見 修 0 形 皆 天 有 只 收 天 理 捉 以 也 之吉 其 多 不 是 命之 象 擇 之 從 實 斂 命 取 許 應 合做 出 善。 别 之 善 天 理 所 整 此 雖 多 事 如 於 而 有 性 可 古 命 自 物 萬 合當 齊 接 説 如 底 人 已 此 指 執 中 來 事 無 物 求 段 心 仁. 藏 説 道 不 來 未 故 萬 做 極 也 中 義 其 9 雖 根 在 理 雖 使 嘗 而 化 之 禮 放 底 似 須 IE 極 原 胸 漸 心 使 非 來 真 微 智 仁 道 心 知 中 次 功 無 念 皆 無 人 X 書 義 之 理 妙 夫 分 病 顔 自 向 亦 力 然 極 而 日 又 性 明 而 之 外 此 然 古 用 曾 只 便 後 又 云 耳 是 所 守 之 視 是 中 其 在 别 走 洞 口

> 之實 物 其 對 也 則 異 貫 善 只 處 不 亦 病 0 是 之 語 若 塔 然 其 通 用  $\check{+}$ 皆 則 自 舊 理 至 脉 渾 不 功 而 説 其 而 是 論 説 謂 病 前 曾 然 究 韓 未 而 直 而 中 相 所 H 根 捉 也 其 未 公見 以 特 見 零 而 輪 鄙 原 以 得 意 嘗 意 以 以 碎 仁 者 爲 意 且 此 學 指 就 識 道之用 前 洞 查 義 何 學 IF. 物 E 問 其 想象之耳 見 滓 禮 以 亦 爲 未 洞 身 各 則 全 藏 是 韓 異 之 智 見 嘗 心 有 體 又 在 哉 物 以 公只於 之 全 而 上 不 懷 爲 天 性 體 未 講 種 初 袖 在 功 命 是 窮 得 究 來 功 視 平 不 治 與 而 全 間 其 格 持 喻 夫 聽 事 異 體 後 凡 程 也 或 體 守 者 又 言 以 事 事 於 者 平 此 子 疑 耳 以 待 前 動 物 爲 所 無 似 此 天 此 之 説 爲 考 其 亦 物 是 非 F 亦 訶 不

改。

<sup>■ 「</sup>别分」,原作「分别」,據《文集》卷四五《答廖子晦書

然 觀 未 容 騐 得 學 愈 幸 遂 至 須 推 大 就 之, 白 無 此 易 當當 深 甚 不 亦 其 來 問 博 ,説得 放 功 無 曉 以 喻 由 類 是 自 而 形 文 與 過 之 夫 此 亦 恐 小 去 見 盡 之極 詳 象 約 曉 也 既 事 道 口 亦 徹 得 將 處 之, 禮 千 自 愈 只 不 終 上 論 平 東 安 實 遠 相 是 見 徹 亦 勿 如 撈 生 萬 卿 事 舊 至 得 合,渠便 未 也 令久 下 有 所 詳 西 之病 E 今以 矣。 來 覺 未 摸 認 看 細 看 意 其 自 契 此 密 9 有 蓋 思 爲 病 如 亦 正 拘 藏 説 緊 更 相 之 捕 性 恨 好, 其 縶 但 亦 切 T 宜 關 在 命 風 明 請 坐 也 處 反 處 繫 之 細 是 更不 或 白 此 只 个,今幸 覆 影 理 尋繹 大 就 向 與 雖 説 詩 不 用 IE. 前 向 使 著 意 不 説 勘 見 亦 來 口 更 不

學 原 處 問 某 語 别 初 録 有 不 曉 廖 塊 得 子 物 後 晦 事 得 來 模 書 看 來 得 云 他 聖 : 們 人 有 都 教 本 是 人, 原 把 只 本 有

> 是 肉 塊 致 專 水 上 銀 知 自 格 樣 物 有 走 不 來 箇 成 走 真 無 去 箇 位 那 真 是 裹 人模 有 這 便 樣 箇 是 物 禪 黄 事 義 家 剛 説 如 赤

那 見 只 問 此 立 胡 物 不 是 裹 得 則 思 事 是 説 顧 理 見 但 安 蜀 有 黄 諟 其 如 見 卿 所 想 日 笛 義 天 參 問 此 得 謂 剛 物 之 幾 於 道 操 操 不 事 明 曾 前 存 前 則 理 , 按 成 命, 捉 此條 閃 只 存 H 在 有 在 定 閃 先 是 面 畢竟 又見 舍 輿 生 前 教 有 爍 則 塊 則 與 箇 你 爍 亡 是 物 見 百 不 廖 物 收 在 + 其 事 箇 被 七 畢 子 斂 那 事 物 倚 甚 卷 光 竟 晦 裏 不不 麽 在 於 事 教 輝 也 知何 裹 遮 ? 衡 那 輝 古 云 須 障 皆 心 是 地 有 . T 是 莫 在 V 箶 如 道

考異

黄義剛録○按此兩條,發明《答廖子晦

問 之 同 是 不 文》 剛」 此 晦 癸丑 語 書 得 真 録 則 凡 意 在 以 預 所 可 蓋 其 此 尤 癸 考 己 以 謂 在 誤 皆 Ħ. 也。 未 淳 ^ 其 確 晚 無 不 廖 冬暮 以 録 後, 年 疑 可 故 書》 《廖書》在 後 在 定 矣。 考。 書 附 據 至 己 論 爲 中 著 建 未, 問 者。 録 有「安 而 之。 寧 言一侍 安 義 此 庚 安 未 卿 剛 記 申正 卿 卿 久 舉《 録 教 者 據 在 向 辭 多 半 之 廖書 安 建 來 去 與 年」, 誤。 月 卿 至 寧 淳 與 ^ 此 間 時 爲 當 義 祭 録

之説 字 力。 之功 頃 生 存 硬 以 若於 做 細 見得 固 答或 求 理 得 學者之切 理之所 成 會 聖 世 人 ? 賢之言 見 間 在者, 得 道 如 作 道 務 理 《答劉 所 有 謂 歷 理 然此 亦 公度 所 都 歷 齋 恐徒 忽 分明 1 未 亦 略 致 分 要 云: 勞 方 敬 明 不 得 而 肯 曾 於 講 所 却 無 平 逐 如 學 如 論 補 日 何 句 此 窮 主 也。 著 敬 捺 逐 理

> 操 求 若 拾 要 作 並 人 塲 成 効 古人 之平旦之頃 又云 欲 存 事 閒 次 較 更 異 兩 兩 却 死 問 第 聞 之學,欲 舍亡之間 説 物 相 般 能 答或人》云: 義 矣。 何 話 倚 理 交相 思 生存亡之分, 以 知 理,聖賢 由 靠 矣。 會, 前 讀 得 然 得 筭 則 其 爲 互 多 而各 如 所 ,則只此 如 後 其 助 造 取 相 此 謂 此 又云: 指意 也 他 次 勝之謂 推 博 博 是 盡 而 則 時 顛 非 病 託 文 打 其 至簡 節 毫 是 沛 約 則當 成 學 力, 則 釐 泛 即 騎 之不 禮,學者之初, 是勾當 者 至 之間 此 然 彼 驢 便 片。 則久之見得 極 約 講 此 離 覓 又 不 廣 其 論 不 覽 擔 驢 如 便是 若合 甚 無 博。 今 閣 思 可 雜 此 事 許 只 乃 索 都 是 不 記 耶 多 天 若 成 下 獨 掇 藥 知 理 以 便 功 須 比 論 不 求

作 不知 答 此 或 心之妙,是爲 人》 云 近 世 萬 學 事 者 根 多 本 是 其 向 知 外

此 是 操 便是良心本性, 者,又只是撑眉努眼,喝罵將去,便謂只此 存踐 私 不可不深察而遠避之也 意 人 履,講究體驗,則只此 欲。 自 無有不善。 信 愈篤, 則 却不知道若 其狂妄 撑 眉 努眼,便 愈甚。 不

循有序,而日有可見之功矣。未詳何時。 其大端宜亦無不聞者。要在力行其所已知, 事接物,無非義理之所在,人雖不能盡知,然

昭揭 附刻於《年譜》後,分兩卷。 猶 浸劇,竟至大故。 丑. 未盡脱稿也。 ,至庚申,爲《年譜 ,脈絡聯貫,實與《年譜 右《朱子論學切要語》,先君子手定目次,起己 蓋先君子絶筆之書,雖有未完,而 前後凡六年,尚缺 》附録。 男箴 》匯爲大觀。 既纂集盈帙,適 聽 謹 而 識 未補,而 今敬因 會 己 其 意指 定者 有 疾

朱子論學切要語卷之二終

# 陳文節公年譜

〔清〕孫鏘鳴 撰

目		跋(黄羣)	陳文節公年譜:	校點説明	目
録			年譜…		録
		五 五			
		五七		_	

## 校點説明

二) 擢 鴻 同 續行日 十七年充會 + 弟 天 侍讀,擢 言,十月劾 十九年主試 田 治 章 劾左宗棠 論 晚號 三年 年 延 孫 侍 讓 中 鏘 請 講,三年 左 止 讀 叔 鳴〇一 留 進 E 右 學 罷 袁 廣 月 親 試 主 士,入翰林,二十四年散館授 士,二 庶子、侍講 穆 清道光十五年(一八三五)中舉人,二 老人、止 西 IE 被 信 同考官,薦拔李鴻 八 去 彰 1,留督 門 誼 勒 職。 阿。 書 令休 生 年 七 院 温 庵 九 學 六年, 咸 ——九〇 光 致。 學 月 退 州 政。 豐 叟,浙 任 士。 知 緒四 元年(一 三月, 遷 武 府 三十年七 翰 周 會 同 章、沈葆楨等。 一),字韶 年(一八七八)正 江 治 林 開 試 應 瑞安人。 1 錫 元 院 内 江 遭 年(一 月,應 五 場 侍 蘇 公編修 駁 講 副 甫 洲 考官。 斥, 八六 撫 後 疏 韶 衣 號 於 李 轉 言 請 陳 蕖

> 成《止 席。 鳴 足 多爲 復 月應兩 後 全祖望、章學誠史學及魏 記》等, 主 還 和 歷 門 工 興 名 金 任 庵讀 辨 生衆 校刊孫希旦《禮 書善學,著有《海 流。 瑞 陵 江 女學,主 總督 惜 安 書記》,整理永嘉文獻,貢 多,如 鏘 陰 玉 鳴 一尺、平 書 沈葆楨 院。 曾 張 黄 推 學 紹 陽 十三年,主 廣 聘主金陵 習 記 箕、 龍 日 種 集解 源、 顧 湖、 黄 樓 牛 炎 馮 詩文集》、《 痘,主 紹第、 武 》,又校讀 永嘉 桂芬經世 鍾 講 王 Ш 獻 上 東 孫 夫 張 書 海 甚 之等 詥 Ш 解 文史書、 院。 龍 東 燕 等 之 放 門 學。 書 甌 等 實 婦 五 書 子 大 院 學 女 後 事 鏘 來 和

此譜 作了 此 良具有基礎性 名臣、學者陳傅良(一一三七—一二〇三)的 譜搜 不分卷(或 \_ 陳文節 定的 集了 和 事 公年譜》是 作 陳 實 云「一 用 傅 梳 編 良 理 卷」),約 相 和 成 關 後即 事 鏘 的 蹟 鳴 受到 考 大部分文獻 兩 的 辨 萬 遺 學 五千字,是 稿 對 人的 於 藏 研 重 資料, 於 究陳 視 其 年 南 傅 並 宋

年三至五月),未完。又有抄本傳世,黄群(一八八此譜首次刊行於《國故》一至三期(一九一九

洪澤據《北 入《宋人年譜叢刊》《四 鏘鳴集》(上海社會科學 今人胡珠生據温 館 節 月印行。 手稿,刊入《敬 三—一九四 藏 五 公傅良年譜》, 輯; 珍本年譜 北京圖 臺灣 京圖 五)曾 鄉 商 叢 書 書館亦將此本影印編入《北 樓叢 州市圖 編入《新編中國 務 刊》和《宋明理學 館 據 印 藏 以 書》第二輯,一九二九年十二 書館 川大學出版社二〇〇三年) 珍本年譜叢刊》本標點,收 校印。 院出版社二〇〇三年),吴 書館藏稿本標點,收入《孫 據 此本 名人年譜集成》第 黄 影印 家 氏 年譜 得 孫 續 京圖 氏 編 陳 家 文 藏

筆 影印《敬鄉 記及《宋史》等書。 鳴 集》本 此次校點,以《北 樓 爲校本,並 叢書》本 參 爲 京 底 校本書引用 置 本,以《 書 館 藏 或 珍本年譜 之宋人文集、 故》刊本、《孫 刊

校點者 楊新勛

## 陳文節公年譜

孫 鏘 鳴 蕖 田

古

高宗紹 公生。 興 七年 丁巳,十一月二十 四 日 壬 子,

陳氏。 爲 《行狀》: 德。 氏,贈令人。」 鄉,至公八世矣。 長者。 考彬深於《易》學,潔 其 蔡幼學撰。 先自 以公貴, | 閩 徙温 累贈 「公諱傅良,字君舉, 曾 祖 州 朝 靖、 行 瑞 請 自 祖 安 大 晦 縣之 邦 夫。 皆 鄉 帆 有 妣 里 徐 隱 遊 姓 稱

安縣 靖 神道 祖 帆 碑 邦、父彬 游 鄉 樓 湗 鑰撰。 皆 村 不 里 仕。 一, 至 其 、先自 公八世 父以公貴,累 閩 徙温 矣。 曾 州 贈 瑞 祖

> 朝請 帆 《易》,教授 福之長 文集 游 大夫。 鄉 溪縣 族 義 鄉 叔 里。 勸 妣徐氏,贈令人。 里 祖 儒 以 元 鄉 繼 擢 篤 壙 行 秀 志 稱 里 徙 **>** : 温 維 朝 州 請 瑞 陳 安 邃 氏 縣 於 自

九月 興 則 朝, 君幸 按: 州。 按 行 媿集》二《送陳君舉舍人 俱不載公生月日。 鑰與公同生於丁巳,少我 日 七年十一、十二兩月皆不書朔日 作 《行狀 + + 長溪,今爲 湯 録 齊年,先後 湗村,在今邑三都 餅 Ŧi. 四 會。」 日 H 《日録》云:「十 》、《神道 時 生,見《攻媿 也 乾 福 道 才九 ~ 九 甯 宋 年 碑》、《 府 惟 史 也。 日 尚 福安縣, ^ 月十五日 集》百 東歸》詩:「 神 後攻媿 墓 高宗紀》, 攻媿 仍舊 道 九 一志》葉 日。」《 碑 + 丁卯 以 名 宋屬 <u>≫</u> 九 T 適 晴 ^ 日 紹 生 北 與 攻 撰。 E 福

就其 傳《建 年前 叟兄 朔 月戊子朔《本紀》得三十 余姪 + 朔(《宋史》本紀),望戊午, 月 開 地 亦 元 申 月 年 一月爲戊午朔,上距十一月己丑朔 閏 日 或 值 還 Ŧī. 四 當 書 時 詒 表 日 炎以來繫年 以 壬 年 值 送 是 日 月旦 IE 》所 所 是 讓 行曆法言之。 庚 何甲子,但取 曰:「張世南 己 或 梅 則 戊 月 子,故公詩有「壬子恰 列 日,毫髮不差。」考建炎四 申,己未之明年又在庚 庚 未十 壬子 戊 南 開 午 》詩:「壬子恰同身墮地,庚 渡初月朔甲子覈之, 朔 子 申還值 基。」《宋史・寧宗紀》, 要録 + 朔, 也。 》,得二十 《遊宦紀聞》一:『欲 月己丑朔,二 九年 嘗以 逆 或 公《己未生朝 推 日。 月當 推 -前次 錢 開 得 少 而 後 世 基」,蓋謂 月 詹《 九日 南,紹定間 是己丑 上,七年 九 (史不載 望 一一不爽,亦 宋 年 一、下距 日 年 紹 遼 同 + 即 Œ 金元 興 知 申 朔,二 八年 據 月 每 七 是 身 謝 太 四 人,此 李心 四 年 甲 後 也 歲 祖 墮 慶 莘 H 辰 九 逐

> 奇 也

學,而 又云 按: 不知葉《 年辛酉,卒開 錢辛楣《疑 有此乖舛 史無 志 **>** 卒 並 年, 不 不誤。 年録》謂 禧  $\equiv$ 可 據 年丁卯,皆大誤。 解 葉 錢 也 適 :公生紹興 氏 撰 精 考證 墓 志 之 **%** 

卒。 十五 公幼孤,能讀書 年乙丑,九歲。 ,夜達旦。 朝 請 公、徐令人 相

贈父□□□□□□又云: 死,❷皆有 按: 父母。」又《乞祠 「伏念臣九歲而 之同第進士者,獨 《文集 永恨。 · 承事 禄 前 郎徐公墓志》: 余不幸早孤 歸 此 □□貧 展 幸 萬 墓焚黄狀 值 八賤,養 溘 郊 霈 先 不 朝露 始 生 逮 吾 送 事 友 0

0

<sup>0</sup> 歸 四 全書》本,下 孫 鏘 本、《止齋集》(影印

親語, 言 之,前兩缺處皆當連言父母,故後 即 而 其 兩親竟不霑 早孤」,《乞祠禄 下字佚不 則 朝 請 公、徐令人皆是年相 存。 狀》有「九歲」之文, 然 |澤。]據《墓志》僅 以 上下文義考 有 繼 兩

焉,曰 愛。 良幼 君遂 作云。 母吴,而公之孤苦勤學,亦見於此。 仰視,但泣 又按: 卒也。 君之賜也。」據此,則 之有志也,當卒以 良嘗聞之祖 得 也 《文集 日, 孤 族居二百年, 有其西偏,與先君 \_\_\_ 而欲存此否乎?』 下。 挈傅 能 妣 . 讀 吴,舊廬 族叔 府 良 書,夜達 歸汝。」舊廬之全, 君 手至 祖元 歎曰:『吾 公幼 或舍 所 蓋 日, 成墓志 時 謂 共 而 周 尚 傅 一礎。 改 府 西 顯 作 逮 固 君故 良 德 廳 事 期 , 不 者 間 府 祖 汝 問 傅 傅 能 見 府 所

> 《易》、胡《春秋》、范《 時,人 也。」以上二條,公自記 時,三書所在未鋟板,往 鄉 又《跋胡文定公帖》:「余記 淺。 又按: 何年,姑系於此。 能 先生學。 辨 諸老先 鄉校, 鼠 《文集 豹, 有 生往 不 同 . 以《 跋 識 舍 往 爾雅疏 數 蟛 爾 驚 雅》命 蜞 十兒, 唐鑑 歎 幼學時事,不 爲 \* 往 以 題者。 對 「余憶 兒 爲兒時,從 多 爲 各授 本。 手 博 其 鈔 也。」 余用 爲兒 事 誦 是 程 至

内禪,孝宗即位。三十二年壬午,二十六歲。是年六月,高宗

第一人,來爲司户參軍,攝學官,❷得公按:《神道碑》:「興化劉復之朔以南省

- ●「作」、《止齋集》作「築」。
- ②「學」、《止齋集》附録作「教」。

試擢 其 來爲 臨 墓 高 程 夙 志》及《水心集》十六《著作正字二 兄夙 因 安 志 司 孝宗 乞與 甲 ¥, 教 劉之識 以 召試 户,當 授 科 朔 爲 温 即 紹 絶 調 館 州 公,不 位 會 興三十年試 在 出 温 職 教 一,召 朔 0 紹興末。 州司 時 授 迎 詳 公之年 夙 英沖 也 母 何 試 户。 游 年。 館 易任 禮 夫 其 甚 時 職 部第 人於永 攝 少 考《 朔兄 學官 便親 是復 福 而 夙 劉 名 建 從 嘉 之 廷 即 公 己 通

南茶院,從者數百人。 孝宗隆興元年癸未,二十七歲。授徒於城

科 未 奇 未三十,心 墓志 意芽 曾 舉舊學,摩 有 甲 皆 初 思 新 相 盪 講 挺 語 號 鼓 城南茶院, 出 楙 召 舞,受教者 長。 , 陳 雷 編 動 宿 士 從之。 時諸 説 蘇 無 醒 披 老 異 起 剥 先生傳 雖 辭。 V. 潰 縻 敗 他 駭

> 癸未。」 屨 師 又《文集 師 闐 亦 而 集, 籍 紹 》曹 名 片 興 陳 言 之 叔 氏 落 遠《 文 筆, 丕 序 由 變, 尝云 傳 是 其 誦 . 則 文 震 肇 執 擅 響, 於 經 於 户 隆 場 當 外, 興 屋 世 之 相 方

聚徒於 集 累數百 吴子良《林下偶談》四: 0 林安之壙志》:「余在 城 南 茶 院, 其 徒 止 數 城 百 齋 南 人。」又《文 年近三十, 時, 羣 居

心、陳潛 寺東,毛 康熙 温 崈 室繼之,今廢 州 延 府 陳 志 **>** 止 . 齋 南 講 湖 學 塾 蔡 在 尚 府 書、 城 葉 茶 院 水

南書社。 乾道二年丙戌,三十歲。薛公季宣來,過城

<sup>0</sup> 水心 語 集》《影 原 作 詞 即 文淵 據《 閣《四庫 孫 鏘 鳴 全書》本,下 集》本、《 止 附

亥間授徒城南,●公間來教督之。」●《文集·薛公季宣行狀》:「傅良丙戌、丁

三年丁亥,三十一歲。

前 謂 表以 西挹 之,蓋在 仲自城 自 頸。 所居東偏 余卒業。」元章 至。」又《文集 屋宇財足,而 爲兒,嬉同 按:《水心集》十六《林正仲墓志》:「余 刻 明林氏祠。 「新造廣宅」,以 琢 梧 元 三港諸山 ,聘請 章 南書社從余。」又云:「間嘗 柳、檻以芍藥、行者 邑城西 江月樓之下,集其疇人,以待 能斂 縣 陳 林元章家。 ·林懿 元章新造 喜散 ,曲樓重坐,門牖 即正仲、懿仲之父。 是公初授徒茶院,其後 南隅望江 君舉爲 銘、祠、望江之宅考 鄉 仲墓志》云: 師 黨 廣宅,東望海, 時邑俗質 橋側,今尚 樂 咸 州文 附 流 洞 達, 土 諸 睇 儉, 所 有 虚 懿 畢 子 延

邑人林元章又延致於家,皆此數年

中事。

四

年戊子,三十二歲。

屏居仙巖僧舍,師

事

鄭先生伯熊、薛先生季宣。 語》二書,求古聖賢所以窮理 《易》、《論語》二書,求古聖賢所 《行狀》:「宗正少卿鄭公伯熊、大理正 性之要,近思深探 見二公,必孜孜求益,脩弟子之禮 又《文集・薛公季宣行狀》:「傅良丙戌、 日,與薛公語,恍然若有所失,乃獨 公季宣,皆以經學行義聞 ,弗造其 於天 潛心《易》、《 盡 極 性之要。 致弗 下。 以 措 窮 公每 也。」 潛 理 薛 論 盡 心

<sup>● 「</sup>間」、《止齋集》、《浪語集》(影印文淵閣《四庫全書》

<sup>「</sup>來」下、《止齋集》、《浪語集》有「過」字、

<sup>「</sup>達」、《水心集》作「徹」。

其 天。 問 挂 明 何?』公釋 公曰:『毋不敬。』士龍曰 吾子之累於得也。』即 T 神道 眼。」 要 治 年, 亥 見兄梅 祭薛常 日 間 何業,竭己所 碑》:「薛寺正士龍見公,問所安。 謝 0 損。 徒 授 束 然 州 潭,忽若墜淵。 徒城南 自 書, 增 文》 《易》、《論 進, 已得 Ш 間 「我昔自喜,壁立 歸 、公間來教督之。❷ 詔 對。 屏 心 曰:『宜若是。』」 居,公又過之。 薛 公曰 語》,❸餘 梅潭 『比參倚 氏。」又《文 語音懼 謂 何 倚 如 ? 勿

房,又館黄文叔家。是冬,薛公季宣差知 五年己丑,三十三歲。游新昌,寓石氏藏書 《序》「丁亥」當爲「戊子」之誤。 末注: 此,艮 子丞。 考之,則屏居 乾道之丁亥。」今以公自撰《薛 按:《文集》曹《序》云:「屏居梅潭,危 而龍 坐覃思,超詣 見求益,或在未召之前歟? 圖 齋自武 赴召, 又兩踰時, 乾道三年 昌 絶 則當 梅潭乃丁 軼,學成道尊,則邃於 令歸,正在 四月二十七日。」據 景 爲二年冬。 元赴由 亥之明 此 拳從事。」 數 公行 公之請 年, 年間 狀 平 曹

■「間」、《止齋集》、《浪語集》作「歲

《浪語集》六《送鄭景元赴秀州判官詩

景元二鄭兄弟。

居數年,景望召爲

或

序云:「走歸自

武昌,始

獲

交於景

望

耳。

艮齋生紹

興

四

年,長公僅三歲

年,長公七歲,則龍圖當

不過

+

年

·以長

江

府常熟縣,往從卒學。

按

龍

圖

爲景元之兄。

景元

生

建

炎

几

❷ 「來」下、《止齋集》、《浪語集》有「過」字。

) 「論語」、《孫鏘鳴集》本、《止齋集》作「魯論」。

從予學。」
《文集·林安之擴志》:「越數年,寓會稽《文集·林安之擴志》:「越數年,寓會稽

故《新昌詠歸 樂也。」據此,公之屏居仙巖,又去而客 木落霜 游新昌 之,兩翁意未易與兒 輩,視張子 視家居,良爲未便。 昌,亦欲 按:《文集•與林安之書》云:「比來 生猶幸一官遲」語 口,皆謝 空水見涯 漸 與 房、 》 詩 絶舊習, 人疎,稍 揚子雲真 有「回 萬 然每 女道,故雖未 覃思 事 П 頭 自 鞭策自警, 念吕 三十二 自苦者。 憐多 絶詣之意。 后、劉 譽 年 非 便, 要 歆 督 新

與公語合,喜甚,益相與考論三代、秦、漢《行狀》:「薛公客晉陵,公往從之。薛公

其中。」 狀 》: 學。 講 以 異之際。 ,經年而後别去。」《文集 還 茅茨 興亡 「歲 己丑冬,遂往依 蓋 否泰之故,與禮 間, 於書無 聚書 所不窺 千餘卷,日 公具 樂政 • 0 薛 品 亦 刑 公季 考古咨今 無 損 滆 宣 所 益 卒 不 口

學,國 其學。 辭,遂謁 漢張公栻、東萊吕公祖謙友 六年庚寅,三十四歲。 子祭酒芮公曄 告去。 從容天台、 將命 東還,過都城 爲 學諭 雁宕 善。 ,以非 間 秋, 益 故 與 太 廣 事

承條 《宋史》本傳:「及入太學,與廣 多 東萊吕祖謙友善。 序 神 道 圃 碑 主 敬 集 乾道六年,始入太學, 祖 義 謙 之 爲言本朝 功 得 漢張栻、 於 文獻 杜 爲 相

●「窺」、《止齋集》附録作「觀」。

八

謙。 居 清寺西庵者數月。」 天台、雁宕間,益究其學。」又《文集 事 都 爲學諭,❷俾爲諸生講説經義。公以 名,親訪公於所 其秋,人太學。 二公亦喜得友之晚。● 士 一子下交於齋序,余懼 城 士墓志》: 固辭。 無賢不肖 數請 ,始識侍 間 芮公不可,公遂謁告去。 ,扣以爲學大指,互相 ❸「余初 斂衽 講張 隸 或 下 子祭 齋,見其二子,且 公栻、著作郎吕公祖 人 風。」《行狀》: 弗堪,走天台之國 太學,芮公祭酒 是歲乾道六年 酒芮公曄 雅 發明。 非故 從容 還 以 聞 • 也 挾 洪 過

《林下偶談》四:「止齋 居父, 憲聖太后猶子。 已昏夜矣。]又云:「淳熙間,永嘉英俊如 江亭,未脱草屨。 而 求 見者如雲。 吴琚,貴公子也,按: 冠帶執刺,候見於旅邸 方外 初赴補 士 及太學 試 諸 纔 生迓 抵 琚字 浙

> 叟 出 語 嘉新俊,不可不收拾。』君舉訪東萊,東萊 酒,吕東萊爲學官。 同 陳 以二 . 時 ,●猶有唐人之意,似 ,其從弟 君舉、陳蕃叟、蔡行之、陳益之六七輩 漏 此題,君舉徑用此 之賢肯以 者妄爲 按:陳、吕二公慕名相悦,理則有之; 示試 並 起,皆 《春秋》』題,且言破 臆 題,必無其 也 是示私 測、 赴太學補試。 誹 遂皆中 謗之辭 於公, 破,且 事 東萊告芮公曰:『永 私 · 榜。 而 此蓋 而 耳 以 意。 實公也 英 蓋 芮國器爲祭 語 當 邁 曾 以 蕃 就試 日 譽望 如 謂 叟。 被 公又 東 果 萊 黜 取 蕃

0

<sup>「</sup>友」下、《止齋集》附録有「恨見公」三字。

<sup>「</sup>且」下、《止齋集》附録有「即」字。

<sup>「</sup>居士」、《止齋集》作「君」。

必藉此以進身乎?《偶談》載此,無識

甚矣。

授,與公游。是歲,張氏令人來歸。●七年辛卯,三十五歲。樓公鑰來,爲温州教

録 子,揚州泰興 諱幼昭,字景惠,永嘉人。 《文集·令人張氏壙志》:「令人姓張氏 士第三世矣。 煇之孫,主管禮 縣 以乾道 主 簿 兵 東 部架閣文字孝愷之 七年歸 野 之姊。 草堂先生小學 於我。」 蓋 登 進

《神道碑》:「八年,公之高弟蔡公幼學爲郎、泰州州學教授,未赴。

省元,公次之,徐公誼又次之,薛公叔似、《神道碑》:「八年,公之高弟蔡公幼學爲

盡 情 是 累 慕 以 既 非 其言深婉切至。 新進士。公對言:『陛下有無我之量,而 鮑 以 。」且以太宗求 於自喜 猶欝,公論 唐太宗之爲人,於是臨 歸。」《行狀》:「孝宗鋭 登甲科, 公之友,則其 君潚、❸ 十有一 ; 劉君春、胡君時等皆鄉郡人。 朝野 年於兹, 有知 猶 想望 徒 沮, 諫、崇儒等事 有司奇之,將請寘第一, 人之 也 風 加 士 治 大 明 采。 尤爲一時之盛 河,而 績 夫 志 軒 未 授 猶 以 事 累 進 反 泰州教授 有 太宗 功 於自 覆 於古,下 懷不 6 規 事 慨 諷 恃。 0 敢 策 然

3

<sup>●「</sup>令」、《國故》第二期(國故月刊社鉛印本)作「夫」。

<sup>≥「</sup>齋」,原作「齊」,據《攻媿集》(影印文淵閣《四庫全

<sup>「</sup>潚」、《止齊集》附録作「繡」、《攻媿集》作「潚」。

<sup>「</sup>盛」下、《止齋集》附録、《攻媿集》有「事」字。

<sup>「</sup>宗」下、《止齋集》附録有「方」字。

驗 於乾道之壬辰。」 教授,未赴。」《文集》 或 下,其文流 ,洞礙融窒 議不合,猶 人夷 一對策 在 甲科。 貊。 初 授迪 曹《 第,懇盡 當是時,公名 序》 功 郎、泰 : 獨 到 博 州 震天 交 州 則 徧 盛 學

黄定榜進士及第,治詩賦。」《南宋館閣續録》七:「陳傅良,乾道八年

詞 蔡治《春秋》浸出己右,遂用 秋》應舉,與門人蔡幼學行之游 葉紹翁《四朝聞 賦 與進士詩,爲中興冠。」 見録》甲:「止 詞 齋 賦 太 早 取 科第。 學,以 以 春

孫奕《示兒編》:「陳舍人君舉未第,●作

省題詩

極

時

之妙。」

州講 《林下偶 舊藁,獨從 集》,板行,人争 經濟之學。 談 鄭 **>** 景 四:「其時,止 誦之。 望 其後 講 義 既 止齋文學日進,大 理 登第後,盡 之學, 齋 有 從 ^ 待 薛 焚 常 其 遇

與曩時異。」

公爲經營葬事。 以書幣招,不赴。是歲七月,薛公季宣卒, 九年癸巳,三十七歲。江西運判龔公茂良

之禮,不行於世有年矣。」善辭之,未赴。」 幣招之,願與定交。公曰:『此古人羔雁 神道碑》:「參政龔公茂良帥江西,以 會兄 招 期 按:《文集 党员不 秋夜。 來歸,我棲旁舍。 欲 我嗟我命,爲此 往 • ? 祭薛常州文》:「霅 有婦 方 當暑之袢 娠, 瑣瑣 契闊。 羈 1,0相 矧 川之 鞅。

<sup>●「</sup>第」下、《示兒編》(影印文淵閣《四庫全書》本、下同)

❷「義理」、《國故》第三期(國故月刊社鉛印本)作「禮

③ 「濟」、《荆溪林下偶談》作「制」。

<sup>●「</sup>袢」,原作「袢」,據《孫鏘鳴集》本、《止齋集》改

二年乙未,三十九歲。

求志 遂卒 爲 復 同 招 虐,復我 甫、周子充書中 也。 墓、書丹、碑 公往 公爲 一,不及 中 奪。」 料 赴 理 額 據 葬 而 事 此 地 常 · 見 《 并 常 州 東 先 州 爲 萊集》 守 歸 其 湖 子 未 時 沄 與 幾

淳熙 吕公於金華。 元 年 ·甲午,三十八歲。 **十** 月, 訪· 東萊

陳

冬也。 月公離吉,則公與東 譜》淳熙元年十二月召赴行在,二 想徒御, 按:《 萊《與子充 殊不落寞。」又《集》五《 月末,❷偶 君舉相 東萊 既 聚 陳 集》四《 書》 次 數 君 H 近道」語,考《 )有「比 舉 [,近方] 來, 與 周 萊 聞 口 與 相 子 相聚 趣召 永 陳 充 聚 嘉 書》: 同 Ш 周 當在 之命 也 中 甫 益 書》: 數 0 0 一年正 6 公 元 Ħ, 年 年 東 前 竊

> 薦,除太學 三年丙申, 四十歲。 以參知 政 事 襲公茂良

闕,而 所 問 者。』除命一下,果 闕,初官不堂除,陛下良法 公實行宰 神道碑》: 推 爲 者 誰 睥 越 睨 以 相 者衆。 拘 公 「會太學録闕,求之者衆。 事,奏孝宗 孿 對。 而 無異辭。」 用 臣 上 之, 欲 日 擇取 則 : 日 也。 是 名儒 自 朕 待 太學 服 所 次 矣。」 爲 素 ± 録 不 上 林 知 改 龔

敝 按:《墓志》云:「其録太學也,議 法,頗櫽括之而已。 然 而 拘 於常 科 而 舉

此 同)卷九。 書 在《東萊集· 别集》《影印文淵 閣 ~四 庫全書》本

<sup>「</sup>末」、《東萊集 . 别 集 》無 此

偶」下、《東萊集。 别集》有「得」字。

回 」、《東萊集 . 别 集》卷十作「還」。

東萊集 别

《集》中《答林宗簡 時 於 必必 故者 有 以 ^ 科 爲 舉 異 (矣。」 議 書》 及《策問》諸 據 而 此 今 ,公爲太 Ľ 矣。 然 學

學,改承奉郎。四年丁酉,四十一歲。二月乙亥,上幸太四年丁酉,四十一歲。二月乙亥,上幸太

可。 求 五. 外 年 碑》:「就 上幸太學,監學官 宋史·孝宗紀》:「 十月 補 戊戌,四十二歲。 ,添差通 時吕 職幾月,車駕幸學,改承奉郎。」 公祖 判 福 謙 州 襲公茂良既 淳熙四 進 在 三館 秩 年 等。」《 欲 二月 留 罷 公,不 乙亥, 政 神 力力 道

浸有 館 月龔茂良罷,七月責授寧遠 居歲 神道 河, 0謂 相 碑》: 餘 嫉 公曰:『盍 力 者,添 「龔 求 公既 外 差 補。 少留?』《墓志》云: 通 罷 軍節度 判 吕 政,按:《孝紀 福 公 州 使,英州安置。 祖 。」《行 謙 方 》四年 狀 「使告 在 亦 六

謹其始也。』添差通判福州。」❷公,將以爲編脩官。」公曰:『出處之義,不敢不

之稱。」 云: 蔚 撰 中 殿 閏六月,撰進 四《周益公神道 按 使 記 進》 : 「淳 召 引 ×, 文 蓋 卿 又命 至 集 熙 即 觀 碑 五 是 • 覽。」 下, 書之。 選 記文。」又《攻媿集》九 年, 歲 碑》云:「得旨 德 所 傳旨 得旨撰《 既見, 殿 作。 後内 記 . ^ 代 上又 直 周 記 選 周 宣 益 文 子充 德 .撰《 對 公年 有 詞 殿 博 内 采 選 别 贍 + 翰 美 德 **令** 

七年庚子,四十四歲。右正言黄洽以專擅事,得公喜甚,以政委公。

<sup>● 「</sup>祖謙」二字、《止齋集》附録無。

<sup>)「</sup>州」、《止齋集》附録作「建」。

劾公,罷之,歸瑞安。

直,一 以 黄洽引王安石事劾公,罷 公、罷之。」《墓志》:「通判福 其私,始忌且怨,州人有 政 神道 丞相梁公克家 **公委之。** 專擅論罷 凡一 裁以義,無 碑 公亦悉心裨贊,不事 路若郡 一帥 ,時淳熙七年也。」《行狀》: 相 領 所 梁公克家得公喜甚,以 帥 所 口 事,委 當 屈。 興 方在 廢 成 彊 及 禦者 於公。 州 諫 形迹。 訟 省者 獄 右 不 公爲 之 Ē 得 曲 論 卒 售

未幾 謗。 問 僕 決,梁 林下偶談》 詞 0 0 論 連其主之女。止齋 囊橐枵然,僅餘白 丞相一委聽之。 「傳艮」二字不可 諸 去。 寓 公營救 四 後 : 止 止 齋 解。 不 爲 獲, 齋 《木 有富 郡守、 金數十兩,以 倅 必 於 筆 福 叢 人 欲 是 鈔》作 部 州, 訴 逮 有 使 僕 其 傳 聰 得 者 竊盜 女 艮 明 死 斂。 銀 之 以 果

> 其 子 貧 止 齊 木 得 謁 謗 先友黄文叔 如 此,至今猶 於建 有未 康,3頗周 盡 知

可歎也。」

公至明招寺,往哭其墓。 八年辛丑,四十五歲。吕公祖謙卒於金華。

語 潘 按: 龍 友》,云: 故公《祭東萊文》有「 今年上 置 叔度》詩。 令文 鄭 又公詩 萊 溪船,濡 集》有《哭吕 廬 一去 墓、讀 有 龍 明 年 圖 《哭吕 招 上 露 卒於建 書 Щ 溪 金 在武 大著 之地,卒 華 船 望新 伯 草。」 落 恭 義,爲日 寧 至 阡 日 舟 官 建 明 即 建 而 行 安當 所。 招 吕 葬 安旐 長 寄 寺 氏 號 謂 據 祖 簡

- 「其」、《荆溪林下偶談》無此字
- 「傳艮」、《荆溪林下偶談》作「索賄」。

2

③ 「叔」下、《荆溪林下偶談》有「尚書」二字。

并護 此,公於去年 其 喪 以歸 罷 也。 倅後 然則,公於師友之 必 由泉往哭, 或

誼

九年壬寅,四十六歲。 《行狀》:「居二年,主管台州崇道觀 主管台州崇道觀

十年癸卯,四十七歲。

赴。 年甲辰,四十八歲。差知桂陽軍,未 日覃思於六經,將有所述,以開後學。

《行狀》:「又二年,差知 將有所述,以 年,乃之官。 居間 開後 學。 既 久, 日覃 室蕭 桂 陽 思 然,與士友 軍 於六經, 又三

終日澹然也。」

十二年乙巳,四十九歲

三月,有《重脩 石岡 斗 門 記

十三年丙午,五十歲。

十月,有《重脩瑞安縣 學記

按:《文集》有《病餘久不趨郡且遷仙

之地。 必 狀。 餘 偏,今未就工,後月足以奉盍簪之歡 已。」據此,則公自閩 又《桂陽 又云:「近諸友爲遷 謀遷書院於先人 巖 又《答賈端老書》云: 次,題中亦間有書年者,皆可按先後而得其大略 復有講學城 日,始達 書院於屋 丙午之間。 П 入春便下手,春 憶閒居 與 林 官 西 懿 下。 士友 南仙巖之事 有 公《集》詩 仲書》云: 壠 懷 團 下,以 仙 同 歸後,從游益衆, 聚之樂,◎不可得 冬雨 雖分體,各自依年 志 巖 暮 懿 書 當 爲 仲 雪, 某 詩, 塾於 諸 奉 來 艱 凡 當 約 友 歲 八 阻 屋 矣。」 過 已 在 從 也。 萬 + 決 西 Z

+ 四年丁未,五十一歲。冬,始赴桂陽軍

然」、《止 齋集》附録作「如」。

聚一、《止 齋集》作「頭」。

三月,有《温州重脩南塘記》。

却 則 《文集》曹《序》 埽 備於淳熙之丁未。」 勤十寒暑,●紬 「官 繹 太學, 倅 文 獻 閩 宏 綱 府, 具 詆 劾

旨 懲。」二言:「恢復之計,非 按: 糾察苛而官不 勢,日趨於偏 戎功之謂,而結人心以祈天 人心不起,人心不起則刑賞 復爲諱。 劄子》四。 三言重斂養兵之害。 ,免奏事 是歲六月,公將赴桂 論説定則習俗成,習 言:「比 盡其力。」◎丞相王淮取 煩言勝 者, 四言: 而 事 士 陽, 論 不待其成, 大夫 命 不 邊 「天下之 擬 足 俗 之 事 調。」 以 以 成 以 奏 勸 則 恢 事

政,民無饑者。十五年戊申,五十二歲。是夏小旱,力講荒

《行狀》:「治桂陽,首爲教條,戒其吏以

及期 力。 又聽 未 德 徙 助糴,公益以郡 旁郡,置數場 所容姦,郡計 明條目,簡 意,不 善遠 入者,凡 民無 民 不復索。」 罪,諭 以 嚴 飢 薪 文 廩 而 者。 易 自裕。 以 移,縣 藏受輸 化。 其 官 糶 錢,立式貸之,約歲登償 民 連 栗, 糶 蠲 以 帥 得達情 歲小旱,預出錢 以 民 孝弟 或 已 潘 例 宿 復糴,循環不乏。 公時 就 取 負 睦 役 於郡 贏 及 以緡錢 婣 於官, 者 縣 而 悉裁之。 人 月 食其 糴 吏 輸之 感 五千 於 無

湖 稱 十六年己酉,五十三歲。二月,孝宗内禪, 南 壽 是歲,作《潭州重修嶽麓書院記》。 路 皇,居重華宫。 常平茶鹽 事 0 光宗即位,除公提 就遷 轉運 判官。 舉 奏減 荆

<sup>「</sup>暑」,原作「署」,據《止齋集》改。

<sup>◎ 「</sup>察」、《止齋集》作「禁」。

者 州 衡 講 櫧 永、 道 州 道 嶽 酒 麓 課 州 錢。 月 椿 時 補 率 糴 諸 諸 生 郡 與 常 同 平 僚 米 之 好 減 學 潭

爲尚 妄。 當 減 非 白 桂 文 國 聖 陽, 金 三分之二,且乞不推賞。 集 得旨 ,疑不能 朝 書,奏桂 三千兩 是歲孝宗 9 所以 跋 可 張 惠遠民之意 吏 其 陽 決,但批 魏 奏 壤 内 率 公 地 禪 取 南 而 褊 賞 諸 狀 軒 小 故 具 民 典 送 兀 事 視 以 益 守 版 是 以 它 應 臣 曹。 桂 箴 時 質言 郡 陳 令。 陽 : 某 周 會 守 定 請 益 余 臣 余 电 擅 不 公 懼 貢 守

以紹 <sup>《</sup>行 鹽 運 而 自 遷 判 守 熙元年十 按 狀》: 軍 官 去郡,老稚 刑 壘 據 就 按: 光宗受禪 此 月二十 除 公《 本 則 路 將 辭 遮 九日,三省 監 漕 免 送 司 之命必 浙 之任 不 除 西 絶。 提 提 同奉聖旨不允,是 先 刑 歲 舉 乞祠 明 年。 而 湖 遷 年 申 南 將 公辭 就就 漕 省 常 狀 免 又 除 平 \* Z 遷 提 轉 茶 歲 提 刑

> 代 所 額 酒 民 諸 寡 數 潭 況 輒 民 司 刑 紓 ,使者 當 0 課 與 輸 其 州 絶 州 養 没 無 將 在 \_° 公 折 各 常 少, 遺 輸 人 子 歲 漕 元年之秋 苗 平. 攝 棄 之。 留 孫 同 嘗 職 無 錢 是 粟 歲 固 者 郡 至 州 也 以 重 有 運 告 且 公 其 緡 歲 事 率 備 法 粟 事 乏 刀 錢二 爲 遷 既 以 ? 耳 歉 + 按 以 將 . 者 損 掌 異 漕 歲 萬 益 舊 + 此 其直 存 漕 使 必 姓 減 常 云 萬 其 在 額 而 爲 人 其 公 平 明 + 猶 後者幾 頓 全、 絶 遂 六年 後 年, 送 日 潭 攝 以 減 以 祀 漕 永、道: 州 庾 吏 秋冬矣。 恐 潭 配 之, 司 事 誤 非 利 二千家 移 之 於 櫧 之錢。 政 其 民 常 多 等 民 乃 州 湖 貲 世 蓋 得 平 **\$** 州 爲 益 市 湘 監

劉 宰 ^ 漫 塘 集 **>** 廿 八 ^ 故 兵 部 吴 郎 中 墓

0

所」,《

請 以 爲 自 減 減 者。 諸 之當減 矣。』光宗 扣 志 公所謂 亦亦 ,民以大寬,咸刻 此 來 無 **\*** 先?] 陳 公所學,以『毋 生 薦之 草 以 未經蠲 陳 與 故 者,計 -奏。』❸ 贍 以 不 同 朝。」按: 非 中 軍 咨公,公以爲: 可 御 僚 公喜 苟 書 賦 賦 極 之 概 一萬 公即爲 知之,亦 前 舍 減。 好 2 有旨 起, 吴名漢英,字 自 學 人 諸 厥今惟 石 四 陳 不 欺 者 縣之版 裁 條 執 紀 Ŧ 公 減 講 允蹈 湖 公手, 上。 對。 上德。 Ŧi. 傅 無 『封 道 衡、永、道三州 長卿 南 百緡 以寬 良 帳尤 嶽 凡三 之。 月 椿 陳公歎 江 日 將 麓 椿 誠 陳不俟 , 民 漕 陰 : 重 報 吾 州 之 不 力,概 盍 時 得 月 便 可 太 日 下 日 煩 如 椿 以 不 友 率 重

是歲 補 迪 功郎 長子 福 師 轍 州 羅 以 源 進《賀 縣 主 太上 皇 帝登位 表

《文集·令人張氏壙志》:「令人初得女,

以余兄子師轍爲己子。」

文仲。 光宗 不允。 太守治狀 紹 秋, 熙 薦 元 改 年 湖 兩 庚 廣 浙提 及戌,五 遺材吴獵 點 十四四 刑獄 蔣 歲。 辭 礪 免, 乞祠, 楊 刺 舉 炤、宋 列 郡

乞祠 宋文仲並 又《薦士狀》:「有旨: 王公弼各減二年磨勘 文集 紹熙元 申 . 省狀》: 湖 年十 赴 南 都 提 月二十七日 堂審 舉刺 「十月二十九 察。」《 列 6施 吴獵 郡太守狀》末注 辭 廣文與宫觀。」 有旨 免 蔣 日, 礪 浙  $\equiv$ 楊 西 趙 省 提 謐 炤 百 刑

3

此一下

《漫

塘

集

有

「意」字。

<sup>■「</sup>封」、《漫塘集》(影印文淵閣《四庫全書》本,下同)と

② 「減」下、《漫塘集》有「則」字。

<sup>●「</sup>以」上、《止齋集》有「遂」字。

<sup>「</sup>磨」,原作「應」,據《止齋集》改。

八

在。奏事訖,之任。」奉聖旨,不允。依已降指揮,疾速赴行

山,則驗於紹熙之庚戌。」 疏滌拊摩,民信有古,百年之思,鬱乎湘 《文集》曹《序》:「起守桂監,持節湖南,

部員外郎。朱子書來論學。 二年辛亥,五十五歲。以奏事赴闕,留爲吏

陳君舉,尚可使外補耶?』奏留爲吏部員於君舉,尚可使外補耶?』奏留爲吏部員養如雪。丞相留公正一見,歎曰:『幾年《神道碑》:「至是,以奏事再入脩門,鬚

作「消鑠」。

羣慝,訓詁章句,付之諸生。』

愚見欲以雅頌之音,簫勺今集

嘗落筆。

『來徵《詩説

**%** 

年來或與士友言之,未

《墓志》:「公去朝十四年,至是而歸,鬚寒無黑者。都人聚觀嗟歎,號曰『老陳郎髮無黑者。都人聚觀嗟歎,號曰『老陳郎

正,間欲以書扣之。念長者前有

長

又謂:『二十年間,❷聞見異同,無從就

均無可考。然以去朝十四年推之,公按:公至行在年月,《宋史》及《文集》

0

「二」、《止齋集》作「三」。

説》,●以書問之。 按: 資治通鑑》一百五十二書於紹熙元 引《洪譜》云:「先生往聞君舉嘗有《詩 年譜》:紹熙二年,「與 年辛亥恰得 自淳熙五年戊戌由太學録外補,至 三月,誤矣。 王懋竑康熙進士,官翰林院編修。 十四年也。 至是,遣書報云: 陳 或 君舉論學」, 朝 畢 <u></u> 沅《 朱子 續 本 年

1 「往聞」、《朱子年譜》(影印文淵閣《四庫全書》本,下

年 Ė 悔 之辨 齋有 未 所 此 辨 答 未 啚 須 且自言 心 動 之争,後 云:「考亭注《 請 字, 五 離 即 雖 之答」。 耿 扣,未蒙開示。」《考異》以爲「君舉 數千言, 之懷, 耿, 猶! 以 湖 償 見 也。」又《文集 所未安,獨 又引《與君舉第二書》云 至於遭 湘 此 未嘗注《 ,❷究此衷曲 爲:『某之自 有 十六 時 願」之語,是公之遣書在 合 恨 更 臨 考葉 而 異 相 其言之未盡 讒 (毛詩 川 歲。 藏其 同 朱之答書則 詩 切 之辨,至 取 紹 之趣, 磋 **%** ・與朱子書》有「必 >, 辱,然至於今日 便殿 翁《 説 不數月 信 蓋 未 ·不與考亭辨。**●** 兀 去《序》文。 已萬 賜 見 不欲佐 而 如 ,不足以 對,上 朝 其益。』先 在 永 不 プ,還浙 聞 向 此 二、「前 康 敢 年 見 陸、 往 問 來 以 庚 暢 也 録 還, 所 戌 陳 止 蓋 之 生 口 爲 此 書 彼

> 著 兼 實 書 録 以《 院 檢 周 討 禮 官 説 **>** 旋 進 除 秘 六 書省 月, 以 少 監 吏 部 辭 郎 中

不允

監 公敬 汝 時,朕 詞 有 著書,進 神道 也 郎白首、 傅 \_0 訓 謝 良 欲 碑 詞 而 來。」 見卿 也。」 》:「初對, 日 退 色 . 久矣。 夷 時 朝 以 朕 而 E ^ 列 周 日 氣 臨 傳 上曰:『卿 禮 知 御 温 朝 誦 卿 説 9 便 淵 儐 學問 》進 殿, 默, 實 者 黄 贊 延 罕 深 擢 去 其 見 公裳 有 醇 國 秘 名 郎 聖 書 有 幾 吏。 語 之 則 少 所 何

以下,靡不研究,一事一物,必稽於極而《宋史》本傳:「傅良爲學,自三代、秦、漢

<sup>●「</sup>與」,原作「爲」,據《孫鏘鳴集》本、《四朝聞見録》(·

② 「必」、《止齋集》作「要」。

苗 斂 格 窮 方 州 引 今爲 制 類 始 及是 永,在民力之寬不 面 歲 後 测,則 縣 盡 起 别 頒 取 E 爲己任 今之患, 、折變、科敷、抑 、斗斛十八 額 以愛惜 於宣 無以 額 太 歸於都茶場 ,增於祥符者 ; 因 之天 項 熙 祖 而 輪 封 寧 折帛、 推行太祖 供 和 約 於 民 椿 對 何 以 下,率增 束, 太 力 九 總 則 常 但 言 而 祖 和 爲 制 豪 歸 平、 四 無 日 寬 配、贓 買 鹽 開 本。 切 奪 於 夷? 倍。 月 耳。② 額 : 之 鈔 未泯之澤, 寬 創 至 紛 於 綱 『太祖 椿 上 盡 類, 熙 剩 + 本 更之。 民 運 罰 供 起 寧 歸 - 數倍。 蓋 肾不 原 陛 崇寧 又不 禁軍 於 起 以 而 於権貨務,秋 天 皇帝 於是 F 尤 紹 於 來, 民 命 與焉。 諸 以 宜 重 爲 興,皆 在 木 元 之 闕 取 其 爲 以 路 垂 修 用 豐, 潛 州 極 永 之斛 它 額 萬 救 裕 事 矣。 心。 不 世 民 茶 迄 之 雜 供 經 供 後

> 嘉納。 體 轉 在 分 前 無 軍 兵,而莫甚 力, ⑧其 制 運 錢 軍 疆 而 則 粮 馬 置 之休。』且言: 司 事 寬 時 司 道 雖 雖 權 民 無 時 無 版 朝 於 不 由 異 無 力 曹 江 廷 異 不 可 上 則 , 不 誠 施 得 一之軍。 得 總 得 内 『今天下之力,竭 使 與。 行 外 領 知 都 而 不 所之 爲 ; 統司 議 於是, 專。 總 都 矣。」 財 統 體 領 之 與 雖 所 司 兵 中 帝 向 欲 謂 謂 内 與 外 從 者 外 向 寬 之 之 之 於 勢 者 大 容 在 民 御 養

云: 郎,幸得 文集 是 . H 吏 賜 E 部 對。』上云: 殿, 員 外 方奏: 郎 初 對 \_ 卿 臣 劄 去 子 不 或 肖,蒙恩 第三》末 幾 年 , 朕 爲 注

8

❷ 此句下、《宋史》本傳有「豈不甚可畏哉」六字。 ● 「者」字、《宋史》本傳(中華書局一九九七年,下同)無

<sup>「</sup>力」、《宋史》本傳無此字。

第 暇 生之望 來。」 望 書 朕 懼 與 嘉 下 顔 日 欲 經 2 目 説 ? 欲 殿 甚 收 士 從 下 見 奏: ? | 劄子 慈 上云 謝 喜 未 子 莫 卿 拾 學 不 特 有 恩 顧 見, 急 課 久 Ŀ 過 常 編 是 賜 臣 又 讀 成 矣。」 於 習 臣 云 講 數 録, 可 蒙 劄 寬 何 上云 藁 處 此 自 説 舉 知 : 百 盡 假。」 睿 置 候 子 舉子 讀 遠 卿 業。 人。 只爲 以 進 畢 經 慈 成 大 遭 來 劄 應 學 上云 來 説 略 次 曲 所習 褒 逢 處 問 過 奏 且 子 明 0 乍 第, 更 垂 如 嘉 置 蒙 説 深 容 至 詔 : 奏 對 好 褒 經 此 一臣 再 難 奏乞 話 款 醇 清 . 清 諭 看 ? 義 寬  $\equiv$ \_\_\_ 容 但 曲 問 著 無 撰得 光 奏云: 民 隨 臣 投 **令** 聞 敷 何 臣 然 所 書 奏: 不 力。 贵 進 奏 守 卿 進 已 所 足 臣 長, 幾 甚 勝 官 有 敢 仰 在 所 踰 委 多 是 習 著 悚 永 容 臣 只 進 塵 欲 平.

> 妨 字 是 即 不 前 逐 以 進 旋 妨 此 進 終 臣 來 是 按 不 踧 令行 日 妨 踖 狀》,公 0 入奏,便 未 又 安。」 奏: 進 周 敢 E 禮 在 僭 連 説 越 廷 在 儒 云 投 遷 臣 秘 進 書 文 不 11

安:易讨下月,《て怎》下無月て。後、《玉海》亦云「紹熙三年進」。

監

對 以 少 用 温 是 按 其 也 語 免 監 0 年 爲 秘 厚 便 臣 年 小 賜 曾曾 監 之 皇 殿 爲 + 月 惟 是 監 對 子 公 除 不 狀 其 館 不 初 肖 月 年 在 嘉 **>** 由 閣 即 數 無 有 ^ 月 郎 王 員 續 歸 封 在 建 日 府 舍 外 録 乃 事 ^ 以 便 明 文集 幾 費 擢 》公以 郎 畿 因 **>** 殿 云 逾 讀 而 貮 遷 節 賜 賜 : > 天 郎 册 對 對 亦 吏部 留 年 據 顔 府 陛 中 之後 之 無 有 此 開 F 郎 明 郎 而 則 此 懌, 又 過 後 則 文 無 中 舍 故 未 超 聽 玉 秘 從 除 賜 擢 幾 辭 考 對 書 賜 不 考 秘

講 選 兼 生 一》詩 子 嘉 王 府 纂 贊 次 讀 建 隆 八 以 月 來 行 王 生 事 辰 王

諸 先 革 誦 爲王者之學, 掌。」 大指。 知,乃纂次 損 狀》: 益 附 每 選 至 見 建 經 兼皇子嘉王府贊讀。 立 其 隆 世 或 下, 以 爲 規 來 要, 模, 本 行 祖宗 事之 末 必 粲 歷 )要,爲 成 敘 然 憲 累 如 朝 尤 公以 王 示 當 因 講

+

月丙

戌

日

南

至,

上不

朝

重

華宫。

0

言 謹 Ē 頌 攻媿集》六十九《 臣 對」。 0 時 一呈翊 各授 仰 『二公之詩, 官 既 惟 寮、皆出 而 善 文 皇 因 置 請 帝 書 酒 其 問 陛 高 遴 F 所 通, 雖 一 三 上 宴, 選。 恭 龍 以 因 初 題 致 潛 謙 爲 謝 酌 嘗 賜 嘉 賜 壽 呈 黄裳 逢 陳 再三。 邸 之 贊 而 誕 傅 作 由 讀 辰 毓 良 次 咸 德 宸 其 皆 陛 酌 進 翰 寓 下 獻 御 陳 學, 爲 詩 名 日 傅

> 秘 以 贈 誨 通 南 鑑》是年正 書 吏部 之意 ,以示 宋 少 館 監 郎 閣 不 月 中 輒 志 續 即 十二月,爲起居舍人。 兼 依 以 録 實 所 起居舍人繫銜 裳 > 録 九 惠 與 院 傅 親 檢 陳 良 書 傅 討 跽 亦亦 官。 良,三年 謝 誤 本 而 是月 退 復 續 六 以 資 月 爲

封 事 情 身也 郊祀 李皇 告,邊警 阻 亦 疏 宋史》本 稍 節 不 接 平 某 辛卯 壅 時 大 后 威 妒 風 過 底則 不 Ė 於 雨 傳 而 即 重 福 聞 遂震 初 是 殺 致 有 華宫。」 之 朝 傅 之。 禍 姦 疾 柄 重 良 且 華 憸 懼 下 光宗 光宗 不 奏 移 今日 宫 得 乘 測 日 時 110 其 矣。」 之妃 既 遷 爲 疾 極 聞 延 利 至 一帝悟 之, 黄 某 自是, 或 於天 則 事 氏 之 内 而 有 會 勢 變 外 視 明 復 寵 疾 之 章 日 猶 大

降指 撰 按: 日 自 語。 日 云:「光宗更自命公。」既進入,宸翰遂出,於 令人撰入。』《水心集・題陳中書孝廟聖 居舍人後《直前劄子》也。 也。 ,却付出《聖政序》,内翰李巘獻之所 ,駕不出 先一月長至,駕不出,公上 本傳所載,以《文集》考之,乃除起 揮 云 + 翊 一是 日,丞相進呈。 ,宰執以下不勝 月十 時 , 壽 四四 皇聖 日 進 上云: 有「臣待罪右史」 政》書成, 呈。 憂 一封事 忽長 懼。 司 一政序 藁 别 是 至

讀,命轉一官。旋除起居舍人,又辭免,十二月癸卯、《壽皇聖政》書成,詣重華宮進是過宮。」

皇在御,務行聖人之政,二十有八年,傳壽皇聖政轉一官》:「勑具官某:朕惟壽

衆? 道山 欽哉 容進 以 盛 後世者,2别爲 祚菲躬,●懼弗克堪。既已申飭史臣,謹 事 事繫日之書,又掇其大端可以爲法 付 也。 讀,冠 命增 以史事,奏篇來 爾以 一秩,以示儒者之榮。 佩 嚴然。 代名儒 經,追儷二典,真我家之 兹 晚 焉論賞,盍 上,奉之慈極,從 登郎 省,親 尚 先 惟 於 於

宫進 按:《文集 秘書少監、《聖政》書成、③被旨 久。」以《宋史》及《館閣續 在是歲十二月四日癸卯。 讀首篇。 . 寄僧 壽 嗣清詩》序云: 皇色甚康,顧 録》二考之, 公除起居舍 詣 視良 晚 重 爲 華

<sup>●「</sup>祚」,原作「祥」,據《攻媿集》改。

❷ 「後」、《攻媿集》作「萬」。

<sup>「</sup>聖」上、《止齋集》有「會」字。

<sup>◆「</sup>宮」、《止齋集》作「殿」。

「二十四日,三省同奉聖旨不允」也。人,當在十二月下旬,以《辭免申省狀》

起居 乞祠禄,歸展 四 人,辭免,不允。 年癸丑,五十 郎,復辭 止帝。公引裾 墓、焚黄,皆不允 免,不允。 七 九 月甲 歲 力諫,不聽。 是歲,兩 申 正 月, E 將 兼 十二月,遷 朝 乞補外, 權 重 中書 華宮 又 舍

嘗 聽。 班 是 開 下 者,特誤 良 往。 宋史》本 陛 即 不 無 亦 立 端 既 草 陛下之心,反 丞相 下 而 以 之釁; 許之矣。 自 詞 方 俟 有 貽 召 以 傳 所疑 帝 Ħ. 禍 内 下 . 出。 以 E 也 侍 至 而 未 明 疑 疏 於 陳 (覆論、 積 至 幾 爲 書 年 日 太 源 憂 御 奏,帝 真,而 中變,以誤 學 重 爲 成 之,自謂 屏, \_ 明節 諸 内 疾 陛 皇后 侍 以 生 將 成 下 , 省 皆 至 從 不 之不 復 深切,②陛 爾。 押班 力諫 挽帝 之,百官 療之疾 爲實,而 以 過 疾 口 臣 傅 宫 不

> 號泣 酒。 乃明年 後。 傅 陳 耶?』●傅良下 屏,后挽留 傳》:「是 后 此 宋史》二百 傅 益 良 何 百僚、侍 遂 而 后 良 五月 理 趨 隨之。』后益怒,遂傳旨 叱 趨 也? 反覆 日, 傅 上引 進 日 帝 良 6 極 . 四 衛 白 入, 曰: 傅 諫 裾 殿 下 引 相 + 官 不 此 后 殿, 良 聽 慟 帝 顧 **≡** 班 曰 : 何 後 哭。 ,莫敢言。 裾, 叱 徑 事、《史 列,俟 地 『天寒, 光 之。 行。」 子 ? 請 宗 后 》蓋終言之也 毋 諫 傅 使 秀 慈 按: 帝 罷,還宫。」 父 良 X 才 官 懿 出 中 「下殿 不 哭於 問 欲 李 家 因 書 聽 皇 至 且 斫 舍 至 徑 : 庭 屏 后 行 飲 御 則 人 頭 6

⑤ 「后」下、《宋史》有「復」字。

<sup>「</sup>至」下、《宋史》本傳有「此」字。

<sup>「</sup>自」上、《宋史》本傳有「竊」字。

<sup>「</sup>趨進」二字、《宋史》無。

<sup>「</sup>秀」上、《宋史》有「爾」字。

按: 此 事 互. 見 葉 紹 翁 四 朝 聞 見 録 及 周 密 齊 東 野

語

遷 若 以 尅 之 讀 公 應 將 率 有 封駮,是謂 竄 内 行狀 対還 復繳 其官 疑 此 以 以 士 逢 内 信宿之間,遂有 遠 矣,公言: 警之, 原 過 爲 方 侍 **\***: 伍 除 論之。 是是 就 舉。 非 籍人 五 省 咸 月 除 目 押 給 則當 官 逢 初 非 怨。 都 班 乞令裳依 四 家産 事 守。 改 原 不 十二月二十 源 統 日 給給 罷 兵 中 明 懼 淮 奏人,留 僭 制 若 朏 遷 兼 部 事 而 西 、公言 侈 賞 以 及許 擢。」詔依 侍 嘉 自 總 中 專 罰 舊 中。 今陰 爲 郎 劾 王 六 領 駮 横 供 倒 是,則當 日 : 逐 府 之, 鄭 池 職 奏。 方詔 置 廢 公言 便 得 翊 湜 逢 州 不 其言 不 已降 以 罪 善 以 姑 陳 原 副 放 來,間 可 高 謂 黄 釋 按 聽 源 專 都 罪,不 宗, 指 公 清 從 給 其 横 在 除 而 已 統 揮 裳 舍 陽 掊 廷 時 書 偏 制 投

> 詞。』七月二十五 闈 節 言 詔 實 恩 謹 陲 相 年 輕 親 -,待 度使,公言: 命 9 迫 ? 重 擁 起 當 於天威, 子 帥 不 恤 兵 罪 則 報 矜憐後裔, 倫 此 終不 江 + 郊外, 臣 答 仁 先 時 西, 萬 僚 勳 係 也 可不至, 黽 後 相 抱病 日 勞, 吴 勛 而 「留 繼 勉 失 奏人,不 乃 珽 臣 孰 去 序, 書 論 告終, 遂 物 子 留 與 孰 IE 讀 奏, 加 而 故。 專 臣 未 報。 輔 與 臣 屏 可 恩 悉 帥 竊 決 而 相 輔 去申奏,以 與 於 内 蒙 閫 爲 必 , 恤 初 初 擇 書 勳 開 批 不 聖 趙 者之爲 典 政 政 將 行。」 舊 張 敢 雄 納 明 不 者 之家, 不 於 子 奉 借 及 以 之 公又 仁 詔 之。 미 今 今 爲 重 前 9 爲 Ŧī. 除 瑣 不 草 失 宰 西 ?

0 0

<sup>「</sup>珽」,原作「挺」,據《止齋集》附録改。

<sup>「</sup>將」、《止齋集》附録作「代」。

<sup>「</sup>遂」、《孫鏘鳴集》本、《止齋集》附録作「遽」。

<sup>「</sup>勳」、《止齋集》附録作「舊」。

在 羣 陛 疆 疑 下 場 冰 儻 則 釋 下 察 亟 末 事 須 議 關 處 廊 置 少 廟 霽 庶 威 則 幾 嚴 立 或 賜 天 家尊榮, 施 意 行 豁 ; 然 朝 憂

虚月。 按 然 陳 公爲舍人,遇 源 此數事,尤其榮榮大者 竟不 命詞, 事 不可 張子 輒 封 還 亡 詞 亦 頭 反覆 不果授鉞。」 論奏,始無

野

欣

豫。』八月十三日奏人,

留

中。

奏雖

不

報

《攻媿 登 功? 於 意 於修門,寖擢 學,發六經之文,身方在 右 郎 П 之記 海 之異; ,秉心無競。 鳳 内。 「勑具官某:言動之屬 試之加詳,旨則 集》三十八《起居 池 注之司 共二,●能 外庸 朝 居 廷之用賢 既訖 於清 稍遷 螭 震 陛 衆 貫。 厥 耀 有 直 職,以重此官,庶 望 舍 ±, 在。 於王言。 前 於布衣,名 吅 一愈歸。 人 其 贵 史官 善 陳 爾窮 著 以 開 傅 述之業, 日 執 明 比 良 百 固 義 於 再 己 月 氏 起 有 朕 傳 之 爲 左 居

劄子》,繳上告

,勅出

城

待

罪

忠告。 之典, 幾 朝宁之間 仍陪 元 猶 子 見 之 儀 遊 刑 之 益 舊 啓 9 乃 載 心 纂 毋 高 忘 皇

月丁 次請 允。 重華使,不允。 五年甲寅,五 《文集》曹《序》: 揮,則著於紹 侍立代言, 對, ,已,請 Ŧi. 頗竭 月 四 愚 以 日 忠。二三上章乞守 親 贊 + 按:  $\pm$ 熙 八 翊 復 、之癸丑 執政,或近上宗戚 歲。 公《再乞致仕 儲 反 召對 覆 邸, IE. 極 次第藴 月, 諫 光宗,驟 壽 本官 狀》云:「自今春 即 皇 畫 面 不 致 納 庶 遇獎用 豫。 一人充 公仕,不 休 將發 致 几

騰 時,自大臣 神 奏,或同 道 碑 **>** 班 而 叩請 下 紹 - , 更進 熙 末 公自以受不世之遇 年, 讜 宗言,從 龍 樓 班 問 寢 多 連名 不 以

❶「二」字,原無,據《攻媿集》補。

又從 賜 戀 以 臣 倫 贊 而 有 之感,必不能勝 E 切 不如家傳之法。 必 在 不 言 厚 出 等講 (嘉邸 敵 可 觴之禮,長 痛  $\pm$ ,天地之正 欲身任其責,請 回,遂上 而 恩,未忍 ,又令傳旨 己 亦不用。 邸,於古今父子、君臣之際,人 憤 公即 草奏, 若 以 讀,皆爲 爲中宫言之,又嘗奏疏謂 不 下所 陳利 申省致仕,宰輔留之,不可。」 垂 曲 決 挂冠之奏。 義,以 至 不能 聽 盡 去。 害, 於廟堂,而 空言矣。』其餘 躬行之化,紙上之習 虧 日,奏云: 今既上失三宫之歡 事 則 對直 稱 開 無 堪者。 節 容 有 賀之儀。 導賢 所 臣 前,幾 致 犯 不 E 退 爲 復不 顔 王 用其 陛 上 雖 思 臣 極 終 骨鯁 不受,玉音 無 補 下屢 然 品 論 而 而 不 過 虚 去 品 會 之言 加 月 之大 度 臣 許 臣 耳 慶 蓋 更 口 譴 F. 闕 圕 等 臣 則 耳 嘗 剴

> 密院。 ~ 日 休致 文 五 解 月 集 官, 劄 四 • 子 日 奏 繳 ×, 事乞休致劄子》末自 讀 納 得旨云 前《 告 劄 奏事 Ŧī. . 件, 「甚 劄子 好, 申 》畢 尚 甚 書 好 即 注 云 省 面 納

字。』臣 致 門 院 是 對 殿 甚。 白 ^ 寅 審抗章 文集・ 敷 又 來 Ŧī. 金 上皇,論 奏,反 清 會 百 忽 月 乍 約 就 從 -得請 臣 四 遠 星 對,庶幾 發 跋皇 ,令隨衆 官 榻 , 倍 日 玉 聊 復 事 趙 前謝 音: 暫 充 久之,天 潛 子 不合,乞休致, 加 彦 感 贐 爾 嘉 邸 保 ,且辭,下殿 逾 悟 班 儀 閒 所 愛, 王賜贐 甚 以 佚。 賜 好, 意 下 至 俄 是 輕 也 弗 日 祝 有 亦 浼 啓行 0 甚 金劄 順 午鼓, 旨 同 爲 再不 好, 臣 再 班 右 愧 有 遂 是 子》: 獨 拜, 奏 期 指 留 再 趨待 \$ 允。 歲 紹 事 退 乞 嘗 臣 留 輒 熙 文 漏 於 閤 數 甲 幸 以

臺 賜 或 一,及 贐 門 金 奏 具 恩 知 以 出 潛 聖 意 邸 語 外 H 申 請 尚 不 書 獲稟 省 達 諫 之罪 院 御 史

波 干。 天 螭 龍 遂 瀛 龍 牛 奔 窮 皇天 攻 放 居 躔 同 高 樓 F 泝 虎 頭 媳 始得 紫微 飛黄 麟 沿 榜 闕 0 屢 聽 氣欲 列 生 集》二《送陳君舉舍人 直 問 臺 聞 亦 徑 空 人物, 寢 0 道 欲追風 前 垣 白 美賢。 慚 高 E 摩青天。 首 更 授 萬 鵷 顔。 歸 危言 去天真尺五 獨 簡 始 干 鷺 П 袂 早, 游 爲 君 載 争進言。 聯 況 夫 破 何 郎 兔 雖 君 短褐 復 非 自言 人膽 翩 園 未 勤 中 乃 偶 翩 必 間 東 著 其 見意 若 然 = 去,一 ? 擢 海 惟 朝 幾 鞭 人 墜淵 東 人 爲 濱, 緇 流 進 君 ? 高 沖 已 歸 柱 落 最 賴 加 風 和 去 名 傳 文 扶 下 > 勤 勇 勝 激 兼 清 出 貫 陣 己 詩 拳。 決, 顛 史, 九 頹 登 湘 登 31. 早. 萬 百

既

行

詔

改

秘

閣

修

撰

仍

兼

嘉

王

府

贊

讀

不

受。

遷 隱 篇 煙 君 欲 中 所 君 幾 君 將 得 公傳 0 思 年 幸 去 0 途 8 若 夢 處 俱 若 恐 齊 我 何 未全。 於陵, 契闊 魂 傳 年 欲 涌 或 篇 心 不 留 宣 泉。 史《 輒 挽 可 先 孔 班 我 高 0 歸 聚散 建 制 不 後 戣 耕 心忽差肩。 妙 Ŀ 船 隆 然 綿 才 隨 ? 有 房 編 不 隗 遂 君 九 上 懷 可 **%**0 草 始 墮 嗟 成 田 日 不 料 愧 數 ^ 我 中 别 9 周官》 得 余 制 相 ]]] 餞 生 判 0 君 專 先。 \_0 與 别 花 行 何 F 孤 授 同 同 無 滄 爲 房 帆 ^ 況 代 大旨 春 氣 疾 江 詩 渺 我 邊 秋 驅 庖 與 風 自

●「瀛」、《攻媿集》作「臨」。

「若」、《攻媿集》作「如」。

「詩」,原作「時」,據《孫鏘鳴集》本改

● 「成」、《攻媿集》作「能」

二八

之以 善 使 遄 厭 商 撰 П 攻 其 高 直 矣 嘉 Ш 引 媿 行,庸 秘 承 帝 王 集 去 羽翼之功,千古 明之廬 撰 阚 能 府 》三十 甚 之寓 以 以 費 副 呗 卑詞 讀 虚 子 世 九 職,來爲 佇 阚 名 厚禮聘之,以 ^ 亦 起 與 儒 敕 閔 吾 居 具官某 .稱之。 羽儀 勞以侍從之事 見游 朱邸之賓僚 郎 陳 於 舊 傅 朕 朝 輔 矣。 漢 良 其子 則 祕 抗 兀 歉 阚 閣 議 皓 焉 尚 寵 既 則 不 起 修

按 用 不 公已先一 辭 可 免劄子》有「人心不同 秘閣 奪 ; 月 修 時 撰 歸 事 之除,在 矣。 難 濟, 省 則書生之才不 | 劄遞 五. 月二十八 則 到 兀 温 一夫之 州 日 足 操 公

六月 爲 旋 除 寧宗。 中書 皇崩 七月 舍人,俱 光宗 除 再解,不允。 起 不 居 能 郎 執 喪,禪 兼 權 中 位 書 嘉 舍 王 是

> 是纂 得《 來 海濱 説 推 從 真。 邸賢僚, 豈容 舍人》: 多先儒之未 攻 歸 兩 祖宗之本心, ,將行其言,●首畀故官,洊 媳 春秋》之旨,謂《 是將 載 承之始,尤 具官某:學 集》 式 之餘,信 「勑 遄 兀 焉 爾 發, 十 朕 居 往 驅 資 明 爲 行 外? 嗣 新 ? 探 以 膺 政 除  $\equiv$ 播告之修。 藏 聖 周 舊 副 大統 益 起 惟 事之要道。 官 原,文追作 紫 學之遯 朕 居 之友。 L》實爲· 古人之與 垣 望 收 郎 老 陳 攬羣 手,宜 荒 加 太平之書。 大老之 謂 傅 野 者 新 昔信 稽 左 良 才 渥 俾 其 氏 中 論 居 遂 矧 其 真 相 議 爲 朱 書

鴻 又《 稱 祚 見 任侍 祇 百餘 遹 從該覃 燕 年之業,得人乃興。 謀 九五 恩 轉 Œ 官 位 **\***: 一之尊 勑: 何 朕 眷 惟 德 嗣 禁 以 膺

❶「其」、《攻媿集》作「所」。

海 優 路 垣 横横 恩。 之英 期 鼓 經 八,皆我 具官 風 朱 雷之 邸 陳 慈 傅 號 遂 皇之舊。 依 良,學貫 日月之光 爱因 九 流 覃 霈 名 首 制 滿 兀 示 西

八月 供職曲 體 同 攻 首 集。 媳 命 闢 集》 兼 其 謝 侍 經 思 宣 四十 講 帷 忠告, 答 嘉 詞 六《 + 舊 以 月 侍 學 有有 副 講 赴 之來 疇 陳 闕 咨 傅 供 制 歸 職 良 喜 朕 宣 耆 務 赴 儒 明 經 之 政 筵

介 朝 若從游之舊 又《 至 又四日 首頒召命 一,命兼 廷。 狀》: 初講畢 知潭 侍講 除 一今上 渴 中 案前致 州 ·書舍· 想忠 克諧 朱公熹 時 受 方 詞 人,公三辭 内禪 猷 朕 博 降 志 召 聳 延 .殿 三日 益路 爲 聞 名德之士,進諸 曲 焕 講 謝 而 章 詔 乃 貫 **\*** 後受。 閣 L'S 之詳 公歸 有 待 制 制 班 未 恍

觀 直 閨 學 恐自 月,孝宗將祔 當 加 直 鹵 時 弟 明 駁允當,望追 兼 美,參酌 見 任 士院 特給 兢 降 遵 莽 爲給事 行之。」 斷總攬 ,首言 便 懼之誠,凡宫禁請 此 内 守 之罪。」 居 批 浸 法 全俸 : 兩 住 中 詔 之政 開 或或 度。 朝 ·, 封 陛 因言: 倖門。 知 與差遣 廟,上《 寝前 不 治 封 ()兼體 下 近 閤 體 還 今 允。 還 嗣 大 門 「擇其 命。 百 録 一唑 録 守 願 臣 事 僖 或或 知 黄。 上皇 朱公熹 黄, 丕 陛 下 謝 祖 求 下 臣 樞 添 爲 圖 斷 F 妄 淵 太 臨 公言: 失於論 密 隆 請 天下 請 有 祖 念付託 院 御 勿 以 係 寬 宜 留 給 陳 廟 未 事 垂 内 皇 不 後 上 熹 人從。 乞 奏、乞 久,每 議 『樓 樓 聽 批 稽 太 自 世 之重, 公鑰 以 除 往 鑰 用 孝 便 后 慰 宫 兼 深 往 事 IE 所 親 之

侍

經筵,與公同

日

造朝,班行相慶。

<sup>■「</sup>良」下、《攻媿集》有「朱熹」二字。

公從旁力贊其決,而事遂定。」 極論之。 至再,始正百年之禮。 神道 碑 丞相趙公宣旨,鑰 藝 祖 東 繒, 而 宗廟大典,集 臺諫 又執 有異 不 論 可。 議

賀,以爲得人。 几 内 進易退。 日宣引。 在外宫觀。 行狀》:「兼直學士院。 日,詔朱熹進寶文閣待制,與郡 批之下,舉朝 公連疏言: 『朱熹三朝故老, 欣慕 公請 聖明,幡然一出,天下相 則進 失色。 對,將陳其不 退之間,豈宜 臣不 會有詔: 敢 可 書 詔 行。 一容易 朱熹 俟 後 ? 難 别 與

公適自代,不允。十一月,兼實録院同修撰。● 薦朱公熹、葉

土,上始自重華宮入居大内。公首請增公以史事宜有專官,再辭,不許。阜陵復《行狀》:「未幾,以公兼實録院同修撰。

陳文節公年

忌之。」 <u>F</u> 置 爲跋語刊石。 詩皆以開導德性,冀 邸,寮案誕 公意,各親書其詩 諫 雅敬公,每對,必虚 員 (), 收 用 日以詩爲壽,❷公與 恬 同進者以上眷公厚,始多 退之士, 謝之。 有所 己 以 詔 規 於是上屢 聽 問 益 民 翊 始 間 上 善 上 疾 感二 趣 黄 在 公 潛

十二月,提舉江州太平興國宫,遂歸瑞安。 舉江 言路以排斥忠正。 《行狀》:「知閤門事 《宋史》本傳: 言不顧行,出 州太平興 提舉興 國 御 宫 史中 有上章詆公者, 詔提 韓 國 官。」 侂胄浸竊威福,倚 · 丞 謝 深 甫 論 傅 良

按:公《泊釣臺灘下》詩:「今歲纔餘今

- 「院」,原作「除」,據下文改。
- ❷ 「寀」下、《止齋集》附録有「因」字。

是又歸 日 夜 也 月 0 公是 此 凡 舟三 年 過 Ŧi. 泊 釣臺 月 此 去 江 一,於 或 沂 是 十月 蓋十二月 歸 瑞安,不 赴 闕 至 望

氏 寧宗 邸 是 講堂 卒。 歲,次子師朴,以大饗恩補 慶元元 復出 官 轉 年 朝 散 乙卯,五十九 大 夫。 八月丙 歲。 承 務郎 子,令人 六月 以 張 潛

登門 將 使 處。 其 先 幼 薪,行飯分茗, 水心集》十四《張 繼 夫 夫 生 昭 字景 聞之。 有 室 自 夫人獨挾 請業,③通日 學行、文詞, 而 幼 不 陶 惠 新 得 染 温温 有 皆令得 具 詩 婢 田 夜,歷 禮 禮 令人 州 經 Ŧi. 治 夫 間 永 世 畝 爨。 潔 寒暑,室内常 嘉 墓 事 之業,遠 人 夫 絶 志》:「夫 日 貧 饌 之 甚 有 異 伯 父兄皆 「霧 糴 於他 無 近 氏 宗 熈 此 X 未 米 無 從 女。 也 Ш 嘗 儒 坐 諱 市

> 行不 財物。 崇釋、老,不畏 統 大言 喜日 耳 不安,以爲罪當逐 夫人率男女歡笑相隨,曰:『以爲 不聽,●乞致其 人皇駭,夫人笑曰 庭,管押者忽告 及 ,急召使至,俄 他 \_\_\_\_ 曲 後 親 耳。 若貧 『士方窮 折 夫宜頗 友, , 倣古不 今而 或 即即 遂, 巫 仕 不 得 日 時 日 下 鬼。 復 則宜爾 怬 失矣。」 直 不 循 : :『某所行李有盜 欲 罷。 即即 取 至 俗 殿 豈 凡 有 數 乏。 即 非 夫 其 往 如 夫仕 + 施 行。 是,所 夫 不信 來 幸 人 白 稍 與」云云, 業業 耶 所 上皇, 萬 經 新 ?!過 欲 切 方 錢 誉 高則 天子 失 (術,不 順 向 數 。』家 不 屢 夫 兄 承 月 意 余 諫 過 洞 爲 嗣 姊

屢

一、《止齋集》作「力」。

<sup>● 「</sup>惠」下、《水心集》有「姓張」、《止齋集》作「僅」。

<sup>「</sup>業」、《水心集》作「義」。

乎? 者 色。 皆 游 使 銘 布 日 至。 在 元 不 得 耶 也 帷 葬。 ? 元 告。 同 人 ,夫人則亦 久,士之品 無 其 夫人 焉 亦 年八月二 以 不 問 吾今死,不 額之再 記 女問 夫以 過 又 知之乎? 子 如 但 疇 曰 時 日 夫 是 之 寫 往 書來, 何 昔 : 而 人 儔 與 疎 , 曰 三而 是 十二日且午,曰:『伯 後 愛 以 所 新 其 高 墓 月. 常 突之, 吾 能 可 其 . 得 婦 偶 曰:『吾 下,皆能言之。 宜 志 易 瞑 日 忍 不 弟 不 歸 於 相 欲 不 往 謗 有 能 與别 特 矣 慟 ^ 視 之衆 得, 日 見子 年 從 不 論 以 0 甚 絶 遇 Ħ. 夢景 樂, 其 0 故 求 語 夫 如 我 謝 + 也。」 遂 夫。』然 薄 不 弟 知  $\approx$ 撫 娣 未 贵 惠 得 死 暮 於 之, 姒 ^ 嘗 意 夫 某 與 盛 無 孟 疾。 阚 天 破 年 伯 伯 所 夫 屬 服 久 憂 氣 而 子 諱 性 出 氏 慶 樂 與 閱 月 何 每

然則,夫人之期於後遠矣。」

按:是年八月癸丑朔,丙子爲二十四

日也。

屏 年 居 杜 丙 門 辰 榜 六 所 + 居室 歲 日 夏,降 止 齋 三官 罷

《行 謝 故 間 意 舊 而 韜 部降 狀 之在 已 賓 晦 **\***: 至 三官 榜 朝 則 所 慶 者 相 罷 元二 居 或 與 室 宫 大 講 曰 年夏,言 觀 人 論 問 止 經 公屏 起 齋』, 史, 居、公皇 者 亹 居 日 復 亹 杜 徜 交 不 章 徉 厭 遜 其 詆

舉 在 神 四 太上 思 江 朝 道 之, 州 聞 碑 一朝奏 太 \* 見 語 平興 録 韓 對 「言者指 \*: 侂 狂 國 胄 率,降三官 宫。 止 曰 齋 其學術 慶元 實 爲 陳 二年, 不正 寧 某 罷 皇 今 舊 復 何 罷 學,上 劾 爲 在 提 其

却

是

好

人。」院

胄

對

日

臺

諫

曾

論

其

心

:

術

不

一,便不 Œ 是 恐 好 不 人 是好 耶。』遂不復召。 人。」上日 : 心 止 齊 術 立 不 峴、

朝大節,俱無 正 愧 於師友。先皇以 疾 缺 以 北

宫禮,其 舊學,有贊策功,● 諫 諍 有古風。 而 阨於韓氏,遂不得大 嘉王之立,止齋

拜云。」

公熹等五十九人,公與焉。 三年丁巳,六十一歲。 籍爲學趙公汝愚、朱

王藺 從之。 龜 二月,知綿州王沇上疏,乞置僞學之籍 《續資治通鑑》百五十四:「慶元三年十 年、陳傅良、薛叔似、章穎、 四人,待制以上則有朱熹、徐誼、彭 宰執則 有趙汝愚、留 正、周 鄭湜、樓鑰 必大、

> 遠三人,士人則有楊宏中、周端朝、張道、 林仲麟、蔣傅、日徐範、 十一人,武臣則有皇甫斌、范仲壬、❹張致 吴柔勝、王厚之、孟浩、趙鞏、白炎震等三 澹、黄度、張體仁、❸ 范仲黼、汪逵、孫 蔡幼 元 蔡元 卿、袁燮、 學、黄 定、吕祖 源、 陳 周 武 泰 南 田

人, 共五十九人。」

四

年戊午,六十二歲

此,則公之同産凡四人,至是皆無 母分身四白頭,從今家事付兒流。」據 按:《文集•戊午壽國舉兄》詩云:「一 恙。

林

大中、

黄

由、黄

黼

何異、

孫

逢吉十三

徐官

則

有

劉

光

祖

日

祖

儉、

葉

適、

楊

鴻、吳獵、李祥、楊簡、趙汝讜、趙汝談、陳

芳、❷項安世、李臺、沈有開、曾三聘、游

仲

<sup>0</sup> 有」上、《四朝聞見録》有「亦」字。

<sup>0</sup> 〇〇四年,下同)改 「芳」,原作「方」,據《續資治通鑑長編》(中華書局二

<sup>8</sup> 張」,原作「詹」,據《續資治通 鑑長 編

<sup>0</sup> 范」、《續資治通鑑長編》作「危

<sup>6</sup> 傅」,原作「傳」,據《續資治通鑑長編》改。

而 國 舉 但 知 其 字, 餘 名 字 均 無 可

水心 張 令人志》 有 經營兄 姊

公殆有兩姊耶

五年己未,六十三歲。

《文集》有《己未生 朝 謝 幸 叟兄 送 梅

等詩。

六年庚申,六十 ·四歲

《文集》有《庚 申上巳》等詩

嘉泰元年辛酉,六十五 歲。

二年壬戌,六十六歲。 弛 僞 學禁, 復 元 官,

提舉太平興國宫。 閨 十二月, 有旨 與 郡

免,不允。

三年癸亥,六十七歲。 三月,差知泉 州 以以

疾力辭,授集英 殿 脩撰。 疾益 請 謝 事

授寶謨 閣 待 制

神道 碑 \* 嘉 泰今本作 定 」,誤。 三年 集

英殿 脩 撰 陳 公告 老於朝。 天子歎曰:

> 此 吾舊 且 書 命 之臣 也。」除 寶 謨

閣

待制

四 朝聞 見録》乙:「寧皇每飲不 過三

宫中 動 卻 呵衛,●黄衣至不之避 自 以 補

革舄 、浣紬 衣爲 便。 左右至以語 激

則應以『毋作聰 明,亂舊章」,蓋 舊學於永

嘉 陳傅 良, 嘗導上以 此,故終身不忘。」

+ 一月十二日丙子,公卒。 遺 奏聞 贈 通

大夫。

《行狀》: 六十 有七。 計 屬 聞 纊 以以 贈 酌 積 通 酒 其年十有 階 議 與 至 大夫。」 兄 朝議 訣,凝 一月 大 大夫,爵 然 丙 而 子, 逝 永 嘉 卒 年 縣 止 於

神 道碑》:「十一月十有二日, 終 於 里

0 衛 原 作 殿」,據《孫鏘鳴集》本、《四 朝 聞 見 録

2 「上」,原作「之」,據《孫鏘鳴 集》本、《四 朝 聞 見 録

故 奏聞 第 永 典。 嘉縣開 享年六十有 贈 門弟 几 或 官, 子哭之失聲, 男,食邑三 録 七。 其 後, 積官 白 所 里 户。 至 以 朝議大夫, 飾 聚 又云:「遺 其 而 終 相 者 弔 如

癸亥。」 傳 《文集》曹《序》: 龍飛急召, ,疾疢漸 臻, + · 旬 梁木竟殞,則終於嘉 乃罷, 「宛 轉 爰抒 極諫,徬徨乞身, 舊 志 著 泰之 於訓

四方士夫聞之無

不

衋

傷

者

與《攻 喪合葬於所居前山令人之兆 朔 並 開 申」,與《攻媿 以以 改作 禧 媿集》作 四 元 月 庚 年三月 戊戌子 寅」。 集 「庚申」是也。今從之。公子 同。 朔推之,三月無庚寅,則 攷 《宋史 庚 <sup>《</sup>行 申, 狀 . 》及《墓志 按: 寧 宗 IE. 紀 德 開 》作 本《神 正德 禧 庚 元 師轍 道 年 寅」,今杭 本 碑 Ξ 神 月 等 作 道 不 奉 碑 庚 本

《行狀》: 臨 安府鹽 :「子男二人: 官縣買 納 鹽 師轍 場 ; 神 承 道 務 碑 郎 作 新 迪 功

> 《行狀 子; 頃。 疇 縣 熙 卒 郎 E 子 Ι. 雍 攻 部侍郎 饒 ; ; 尉 ; : 順 安 林子 **嫂集》二十六《乞録** 縣 次 0 長 豐 其葬也,資友朋 ❷一作「燕」。 徐 次 事 次 軍 燕,直 、未行。 徐 適 適 冲 雷 神 壽 適 誼子宜子。 「卒之日,室 焕省之子 ; 迪 道 迪 春 從 龍 次 縣 功 碑 功 圖 主 政 孫 適 閣 郎 次適 作 郎、 簿 女一人。 郎 林 進 ; -0 見《文集・令人張 新 季 薛 監 士 處 之 迪 仲 福 師 師 鎮 光 張 無 懿 膊 功 州 雍 朴, 州 江 化 成之族 紹 餘 户 以 郎 用 儒 府 按 連 軍 承 貲, 集 凌 陳 學 部 江 次 新 司 務 潘 廉 П 事 侍 傅良 教 縣 田 夫子; 氏壙 子 適 福 茶 理 郎 郎 順 授 不 叔 進 派 庫 參 州 志 似 之後 過二 知 連 林 薛 軍 徐冲 女 象 信 張 七 江. 先 潘 師 先 州

● 「先卒」二字、原無、據《孫鏘鳴集》本、《止齋集》附

❷ 「處」上、《孫鏘鳴集》本、《止齋集》附録有「新」字。

黄 旨 樂石 思 大蒙 望 不 其 朝 誠 京 知 爲 夭,長子 置之從 疏 《宗羲《 〈學問 绿绿 下 振 聖慈俯 爲 秩 嘉 泉州,不 俱 臣嘗 嘉 年 敢 邸 可 以 掌 其 故 竊見紹 賞 文 直 憫 列 過 師 南 慰 以 嗣 内 中 賜 再 章 講 爾 雷 傅 親 及 墨 Ŧi. 轍 子, 睿覽, 外 拜 書舍人 臣 良 後 赴 最 文 +, 本 過 窮 御 源中 制 而 與 上 定 沈 蒙 困 及臣 而 臣 匱 翰 爲 傅 栖 泉 以 興 情 卒。 於 恩 前 遠 墨 孤 之 陛 陳 良 遲 之 見 念 排 集》 義 遇 甚。 跋 獨 跋。 傅 下生辰,傅良獻詩 寫 逆 痛 爲 聖主 簪 其 至 抵 曾 語 良 其詩 七 旅 布 家索 陛 履之遺 厚, 實 口 奎 幾 ~ 0 經 衣 以 甘 下 陳定 以 不忍其 墨 至 真 篇 交,後 所 踐 然,次子 一任,改 盤 既 E 危 是畏 少,特降 世 向 阼 遯 生 反 進 殆 E 不 名 之 後之 先 野 刊 又同 以 友。 偶 初 儒 之 Ě 生 恩 伏 之 賜 起

> 宜 墓 興,遂 志 銘》: 爲 望 陳 族 氏 爲 止 齋之後 由 永 嘉 遷

贈 興 討 少 余 讀《定生 村 明明 保 維 兄 陳 少 崧 子 保 勤 氏 時 爲 於 西 於《行 遂 墓 鮮 然則 定 庭 爲望族。 志 甌 有 生 與 海 狀》者, 君 聞 先 楊 軼 子之澤遠矣。」 則 者 生 聞 止 貞 左 天啓 尝云 有《毛氏詩解 或 齋之後,實 慧,定生子 諸 言 公皆人黨 時 . 「今我 止 左都御 齋 無 爲 徙 邑 史 湗 檢 宜

公所著書,見 一十卷。

爲 按: 未 亦 行 脱 云「方 令文 於 藁 世 ; 集 行 9 宋 於 ^ 曹《 史》 四 世 序 朝 本 建 聞 **>** 傳 作 安 見 ^ 作 袁 詩 録 申 詩 訓 作 儒 義 解 序 詩 詁 其 傳 以 以 傳 爲

0 遲」,《 攻媳 》作 栖

與考亭辨。 期之所 之彤管與三代之學校,以爲淫奔之具、偷 極」,又與 止 以彤管爲淫奔之具,以城闕爲 爲畏友。 《詩》説 四朝 一齋 皆附 得 聞 其説 私 録 見録》甲《 於後 止 陳同父争論「王霸」矣。 考亭晚注《毛詩》,盡 竊有所未安」。 齋以『公近與陸子静 考亭微知其然, 當移 而 病之,謂『以千七百年女史 止 齋陳氏》:「考亭視 獨 藏其説,●不 偷期之所。 去《序》文, 互辨 書求 且某未 無 其

> 漢人,③不可憑 言,是歟非歟? 《曹》、《檜》之詩於《國風》之末,即其 秋之終,豈 謂周之東遷,豈專關 亦是説者之談。 道、思治之語,爲傷 之始,曹亡爲春秋之終,乃 建安袁氏 舉子講義,今皆毀棄之矣」,蓋不欲滋陸 陳埴《木鍾集》六:「止 陳之辨也。❷ 嘗注《詩》,所以 中儒 專 今《止齋詩傳》方行於世云 係 爲公門人,序其傳 據。 説《詩》者,不過與門人爲 於 案 : 聖人作《春秋》,決不解 **春** 一曹之亡? 無 以上問。《詩 於一 王、無伯之驗 一齋謂 秋》傷無 檜之亡? 以 檜 爲 Ľ 序》出 末。」 伯之説 止 聖人 爲 一齋之 東周 而 思 於 係 春 愚 周

**2 0** 

<sup>「</sup>獨」、《四朝聞見録》作「猶」。

<sup>「</sup>滋」、《四朝聞見録》作「佐」。

⑤ 「人」、《木鍾集》(影印文淵閣《四庫全書》本,下同)作

切 之時 或 主 1 觀 ?,是以 張 船 世變,非 伯道 惟 聖 0 小 人 或 但 以《 謂 、繋《詩 止 滅 由 詩序》證 齋之言, È 此 最 × 二國 作《 先, 致 意 故 春秋 春 禍 謂 小 秋 也。 無 或 》,每 王 自 思 於 是 患 無 小 船 最 伯

筆

誠

有之,當於長者有

隱

耶

品

品

愚

?

見

但

以《雅》、《頌》之音,

簫

勺

羣

慝

訓

之? 懷先王、先公之世,有 衛 世 爲是二《南》之可 《文集• 困 ~ 而 而《國 南》之正 學紀聞》三: 是 諸侯 答黄文叔 故 風》 浸 以《 變矣。 以 無 栩 之終始。 止 統 復。 》終。」」 紀,及 齊 邶、 如 世 日 鄘 曹、 無 其 按 蓋 《國 周 曹、 檜 厭 邶 《紀 公, 亂 然,君子 風》作 檜 聞 鄘 思 誰能 特 自 所 治 微 别 引 以 追 正 於 或 而 見

諷 爲 甚 文集 一荷 講 誦 義 偶 . 之類 包。 與朱元 有 興 所 ? 發 見 晦 則 或 何 書二》: 削 與 藁? 藁 士友言之,未 久 贵 矣。 「來徵《 向 年 時 詩 聚 來 嘗 》説 時 徒 落 時 所

> 以補《 又《與 觀 客, 有年,❸久欲爲發明之,因 章句,付之諸 綱 廢 目 矣, 吕塾》之缺 張端士書三》: 爲 住。」 未 期 生 其 成 尊意以 自 就 今夏 「毛 也 附己 爲 氏 落 有 何 暇 詩 筆 見其 如 丁,近緣 見 傳》 過 下, 汩 過 略 没 且

逍 詁家 又《 答趙南紀 頌》亦未落筆。 遥 書 解 嘗 四 説 駮 **\*** 類 節  $\overline{\ }$ 一百篇 推 淺 書》: 詩》 此 迫 非 書又看 説 ●「三百篇 易其 人 盡 ^ 天 意 心 网 命 而 有 風 何 後 往 遠  $\approx$ 如 語 往 矣 ^ 耳。 雅 者 爲 不 謝 訓

<sup>■「</sup>船上繋船」、《木鍾集》作「船上繋奶

❷「何如」、《止齋集》作「如何」。

③ 「汩没」、《止齋集》作「淟汩」。

此篇名、《止齋集》作「《答趙南》」。

四〇

能 雅》索之。 此 義 足 聖賢貴寡怨、《詩》至於可 可三復。 公餘 但於《南 以

《易》也、《書》也、《春秋》、《禮》、《樂》也 皆有無邪思也;●而 也。 也 世 之風,非 出 思 又《文章策》:「昔者,嘗疑 怨,必有道 下之化厚, 三百篇,斷之一辭,則 「於數人之手,非 也。 而 ; 或 得之。 而 出 或 其 於 出 辭 也 國也;出 固 暴 小 聖人謂是以 其 如 政 夫 義 此 虐 賤 也。」 粹焉 一人也; 世,非 隸,非止於學士大夫 聖人獨及夫《詩》,蓋 於數百載之間,非 日 爲 『思無邪。』夫 軌 止 夫子於《詩》之 天下之文也, 出 於寬時 上之化深, 於數十 暇 或 日

又《收民心策》:「昔嘗怪宣王咎己之急 者,顧 甚微 《雲漢》,宣王之仁不加損 皆曰 主如 之惻怛忠愛,一旦而 猶淺,則亦難乎遽 微,而澤之及人者尚 未有係天下之心也。 天 爲文、武、成、康之心也。《車攻》未作, 此 古之業就矣;不然,遇災 王之仁亦不加益,而 也。 則 速 此 ,❷非力久則未易 以爲 者 而 中 『《雲漢》之旱, 中 總 興之功,未可 中興之根 興之雅,實先是詩 總 也。 乎。 彼其令下 大彰彰焉,天下以是 自 本,何也? 以著 宣王之機 中興之機也,是詩 《雲漢》之旱,宣 中 淺 以言語 ;有《雲漢》,宣 興 而懼,漢、唐 也 ; 之 而澤之所 而 福 藏 及 所 民 序《詩 乎 藏 彼 也。」 也。 玩 中 其 者 心 而 復 及 者 無 人 甚

辭、罪歲之觖望。

夫咎己之急辭,生於自

治之不足,罪歲之觖望,則又窮焉

而尤

有」、《止齋集》作「其」。

<sup>0</sup> 者」字,原無,據《孫鏘鳴集》本、《止齋集》補

心 聖人之仁,不外假以 實 也。 扇 則當有俟 興 暍 於 9 故嘗爲之説 宣 解  $\pm$ 網 也。」 非 9 興 周 於 非 曰:『商 遇 興 收 災 於 天下, 扇 非 而 暍 興 實 而 於解網 興 而 天下之歸 於 實 遇 興 災。 於 而

採人。 説《詩 者,却有 化者、《江漢》是聞文王之化 又:「君舉《 爲 自 朱子語類》八十一 君子之仇 謙 ,不敢當 》,可謂《關 意思。」按: 匹 詩》言《汝墳》是已 君 子 雎 這 **>** • 便是后 謂 如 此 一問 條 何 如 《欽 ? 此 器遠: 妃之德。」 定 之淑 曰 詩 而 : 經 被 未 君 傳 女, 「謂 文王 被 説 其 方 后 舉 彙 澤 之 妃 所 口

之勤 《欽定詩經傳説彙纂》引説《葛覃》詩云 1/2 知稼穡之勤 誠 者 愛而 衣 不忍 服 者 則 棄 思 飲 也 女功。 食則 念農 親 執 功; 其勞,所 知 絲 麻 以

> 既 用之於祭祀,其未 六二乎 遂事,惟 又説《采蘩》詩云:「《采蘩》,其《家人》之 事 則 舒遲 飲 食薦 『无攸遂, 以言歸 享 事 而 而 릲。 則 在 己 夙 中 夜 采 饋」,言婦 以 蘩 致 于 沼 吾 力 澗 人無 其 而

於枉 患難者 於忿怒,求心 又説《雄 於忮。 己。 ,能不忮則 雉》詩「不 故忮者常至於嫉人, 生於 或人於求,能 貪慕。故 忮 不求」云: 人之耻貧 求者 不 「忮 求 常 心生 則 賤、 至 或

或 事之時 又説《泉 皆衛女思 已亡之日 故故 水水、《 其 歸 ,故其 也。 辭 載 緩 《泉 辭 馳 以 **>**′ 切 婉 水》、《竹竿 以 , 竹竿 怨。」 ^ 載 <u>\*</u> 馳 》作 賦 詩 於 於 云 故 無

■「詩」字、原無、據《朱子語類》(中華書局一九九三年)

有所 又説 肅 以足之耳。 不 縱也。 廢雝 ^ 謔 淇 而 澳 雝 善 古人 一,僮 詩 E 僮 張 是 善 不 不 中 戲 廢 廢弛 節, 謔 祁祁,有所拘者必 兮, 特言『不 屏不廢 不 爲 爲 虐 逞 京肅 兮 虐

引共 頌》以 氏 又説三《頌》云:「别 商 説 八條,不 頌 則 影以 諸侯而後於周; 陳 氏少南 先代 知採自何 而 《詩 後 書。 解 於 也 ○ 吕 以尊卑之禮,故《 魯。」 間 氏讀 以親 按: 詩 記 以 疏之義 》所引 上《彙纂》所 「永嘉 故故 魯 陳

《周禮説》三卷。《神道碑》作《周禮進説》」,《國史經

籍

志》作「十三卷」。

之,且 刊於《 右 趙希弁《 朝 按: 奉郎、 止齋 爲之説。」 《文集》有《 讀 集》中 書 祕 附 書 志 少 進 Ě Ł 0 監 曹 周 陳 叔 禮 傅  $\sim$ 遠 説 良 周 别 自 所 禮 爲 序 説 進 書 也 而 卷。 舊 刻

證 言,今以 均 《文獻通考》一百 曰 : 説》三卷。 心」、『正朝綱』、『 中書舍人永嘉 國勢也。 田 齋書録 《周官》之綱 制 , 釋《周禮 漢  $\wedge$ 解題》二: 鄭 中 官 注之誤三: 陳 興 制  $\ll$ 均 八十一: 傅良 藝文 領 皆 或 一司 三,養君德,正 勢」,各四篇。」 襲 君舉撰。 志 《周 馬 秦,今以  $\forall$ 念 王 陳 法》兵制,今以 稱 禮説》三卷。 傅 一制》漢: 君舉《 曰『格君 良 比 朝 之言 儒之 周 《周 綱 禮

●「齋」下、《讀書附志》(《郡齋讀書志校證》本,上海-

按: 海》三十九 官 微言 》。』徐筠學於 徐筠字 孟堅,清 傅 良 爲 江人。 傅 説 良 十 二 《周 記 禮 所 篇 微言》凡 П 專 授 論 + 而 卷, 緇 爲 見《 領 書 0  $\Box$ 玉

善文叔 别 獻 《水心集》十二《黄文叔 以 以 永嘉 之。」 之紹 前 後 準 陳 準 君 論 前 熙天子,●爲科舉 後 舉 議 由 由 亦著《周 頗 本 春 相 朝 秋 出 至 人。 漢 戰 禮 周禮 或 説》十二 遡 家宗尚。 所以異 至 圃 序 本 通 \* 之 朝, 篇 者, 君 同 沿 文 君 舉 蓋 . 時 叔 舉 Щ

《説》有 次》: 王 與之《周禮 小永 一集及《經 嘉 陳 訂 氏 義 進》 序目 傅 四 良, 篇 字 編 君 類 姓 舉 氏 世 其

傅 邱 良,字 葵《 按 周 《周禮 君舉 禮 全 一,永嘉 説》今亦未見,然王與之《訂 書 . 治 人,有《講 周 禮 姓 義 氏 集説 **>** : 陳 氏

未見

按

春

《春 秋後 數 附麗,其爲 領。 志 篇 義 君心』、『正朝綱』、『均國勢』者 名辨物 歟 序目》謂 氏 今以《訂 秋後傳》今刻 瑣 之外, 1 H 》所引獨多,及見於《朱子 謂 傳》十 如 屑繁碎者, 抄》 『《周 余姪 最 釋《考工記 者,皆 義 殆 其《説》有 Ŧi. 別有 入納 爲 シ
所 詒 禮説》十二篇, 即 卷,《 詳 讓 蘭成 邱 引核之, 可 亦 審 日 氏 集,殆 考 《德《通 掌車 多 左 一,而 其 所 考覈,似 氏 「案: 集」, 制 於 志堂經 謂 大 章 無 其 綜 原 略 ^ 指 疑義 説 專 講 在《  $\sim$ 目 貫 語 解 中 **>** 論 於 不 義  $\equiv$ 所謂 》中、《章指 羣 經 惟 類 興 則 名 綱 止 + 集 經 進 無 訂 藝 論 物 領 ^ 説 卷 **>** 格 文 黄 釋 義 絀 度 几 口口

■「熙」,原作「興」,據《孫鏘鳴集》本、《水心集》改

考證 絶人, 萊吕 伊 本朝, 彰 此 斂 學復傳,學者 石之説 樓 初,高宗皇 (序》所 春秋》之學不明 外 義 者 ,②公是劉 然 書, 洛之餘, 鑰 公祖 尤詳 布 嘗 誦 殆 而後 序 故 而 該 衣 盛 涉 其 書 無 中 伊伊 謙 聖人之大 曰 行, 帝 聲 屬 推 獵 有 學 書 餘 又有《 . 先 復 ]11 以 諸 名 泰 尤 文, 藴 明 舍 此  $\sim$ 生 程 爲 振 四 深 斯 人 公之書, Ш 道 久矣。 春 0 敞《 出 先 標 斯文,胡文定公安國 於《春 集 道 孫 陳 法 秋 幾 日 止 生 準 解 權 先 公 六 備 後 廢 迥 勸 齋 頤 傅 生 經之説 > 衡 啖、 傳 可 矣。 非 秋 出 講 行 生 雖 復 良 》、《意林》等 × 謂 建 不 諸 於 於 經 趙之後,至 無 之所 尊王之 自 炎、 大全矣。 筵 明 老 世 東 左 全 鑰 流 王 一,《春 白 先 嘉 書 氏 著 然後 紹 非 荆 行 天資 生上 章 説 也 然 深 興 公 耐 萬 秋 指 東 其 之 安 書 亦 於 里 承 彌 於

> 江 隨 焉 道《春 也 者 此 經者 不 西 齋 不 炙之者跪 湖 。」未幾 遇 首 加 游 掖 見 過 日 前 其 時 體 隨 有 欲 秋》之所以 胡 得 ,始以《隱 文 雖 統 朋 所問 著 説卓然。 宗、 蔡 一去國 辨 不 所 以 友之 書。 君 得 釋 在 請 日 幼學。 執 其 於諸 來, 周 間 則 而 公後 經 應 作、 鑰 勉 且 有 其 日 必 鑰 如 自 0 生中 前 日 左氏 傳 門, 蔡 : 以 亦 響, 客 : 游 後 既 數數 此 歸 授 嘗 9 此 宦 相 之 而 擇 書 自余之 壯 之 篇 深 爲 某 必 所 此 其 雖 爲 加 初 相 發 身 以 書 又 以 若 問 能 之, 明 示, 後 得 未 有 有 即 相 誦 之書 易 從 雖 忘 得 同 功 因 親 於 成 自 傳 於 於 爲 在 止 亦

餘

」、《攻媿集》作

遺

<sup>●「</sup>彰」、《攻媿集》作「顯」。

<sup>502</sup> 

復 不 之《 者 哉 於笥 桓 重 秋 秋 來 秋 窮 年 也 桓、莊、閔之《春秋 微 競 川則 公之後,齊不競 》終矣。 書 而 春秋》,有所謂 中 而 後, 既不幸卒於嘉泰三年 ; 自霸者之令行,諸 鑰 夜 蓋 究 日 始焉猶知有天 0 老矣, 吴 楚 切 讀之,始 變例 經旨, 長 未有此 霸 出 切 自 子 其 而 然, 杜 如 壻 師 悼公再 盟 詳 征 竊 獲 林 書 轍 以 盡 諸 ×, 南 閱 以 而 希 與 也。 子 爲一 襄、 得 夏, 子 有 爲 以 世 晉 世 其 燕 霸 之命 來, 所謂 不安。3 霸 侯 其大意。 變, 昭、 言 先儒 之珍,屏 徒 最 於 而 不 0 得 謂 汪 越 蓋 不 又衰,楚興 復 Ŧ, 定、哀之《 僖、文、宣、成 文公既亡,晉 平王 龍 其 有所 差, 以 而 X 知 一室猶 公之書不 友 傳 此 吴 例 去 有 嗚 有 以 東 書 言言《 而 謂 王 他 呼 周 甚 不 又 始 矣。 春 春 春 威 可 盛 書 几 而 出

> 間 之家 或 《春秋》,皆東遷之史也。 年。 際,惟齊多特筆。 石門」, 侯  $\pm$ 以 始 桓、莊之際,惟 志諸侯之散。 有 改 爲 有  $\pm$ 有 弑 元 其 ,隱公遜國之賢君,其説甚詳 古者,諸侯 世 弑 其 不 前 説 以志諸 而 其 君者矣; 爲 爲 無 所未 君者矣。 有 平 年,至記 鄭多特筆,襄、昭、定、 是《春秋》之終始 據 王,亦 侯之合; 有 無 依 諸侯專征 齊、 私 大夫 史,《乘》 不 厲 宋、魯、 又 魯諸 爲 王 專 書 其 書 奔 隱 將 大 前 大 『齊、 盟 衛 與《 彘 公, 國 節 於 後千 而 陳、 目 也。 後 鹹 鄭 檮 始 耐 比 蔡 乘之 哀之 盟 杌 有 數 爲 白 如 而 隱、 爲 乘 威 於 世 紀

<sup>0</sup> 0 既 不幸」、《攻媿集》作「殆」。

於笥中」、《攻處集》無此三字。

<sup>3</sup> 不」、《攻媿集》作「未」。

年 其爵 從始。 大夫。 階。 之盛衰矣。 書、蓋逃楚 以其背夏盟 帥 莊 下、《春秋》治在諸 陳,遂侵宋,以志楚莊之霸。 齊桓公卒,鄭 亦莫甚於五 而 前 師」,書『公子季友卒』,皆見三家之所 ,宋、魯、齊、衛次之,而父子、兄弟之禍 後諸侯之師 黨,齊、 ,勸懲著矣。 狄鄭,又五十餘年而狄晉。 侵蔡,遂伐 於干戈無不貶,●於玉帛之使則從 有天下之辭,有 首止之盟,鄭伯 鄭 也。 書『公孫兹帥師』,書『公孫敖 也; 爲 國,是可 遂 衡行於天下。 夷夏之辨嚴矣。 楚,以 朝楚,夏之變夷,鄭爲 黨。 文十年而狄秦,又三 厲 侯 之役,鄭 公會齊、鄭於中邱 爲不臣者之戒矣。 志齊 逃 國之辭,有 自文而 歸, 桓之霸 罪莫甚於鄭 足以見 伯 不 · 盟 下, 逃 自 狄 歸,不 則書, 鄭 隱 治 夷 在 夏 亂 而

> 指 首尾 尤前 始作 也」者、蓋據史舊文、非必皆合於《春秋》。 臣 之所書者,皆《左氏》之力。《章指》一書, 經 望,極言魯之用天子禮樂,以《明堂位》之 言爲不然。 之三十一年,四卜郊,不從,乃免牲,猶三 餘 可 》,謂: 實録 而 ,❸然多 也,狄晉甚矣 專發此意。 作,惟公以爲著其不書以見《春秋 頌 所 未聞 而 而已矣。 『「君子曰」者,蓋博 以 曲 也。 郊爲夸,引祝鮀之言爲證 惠公始乞郊而 從 其 ! 昔人以 此皆先儒 若《左氏》,或 説 貶不於甚,●則於 非 杜 忠 征 所 也。 不常用,僖 採善言; 南 未 以 爲 發。 公之《章 左氏 爲非爲 至 事 忠 此 公 僖 端

2

<sup>■「</sup>無」下、《孫鏘鳴集》本、《攻媿集》有「所」字。

<sup>「</sup>於」下、《攻媿集》有「其」字。

③ 「氏」、《攻媿集》作「明」。

撫 得 多 H 凡 或 莊 卷三 卒 無 而 例 四 公元 口,其間 業 嗚 傳 義 知 後 明 歎 人 於 其 呼 淺 樓 年 疑 而 其 增 1 惡 而 尚 鑰 至 有 益 不 門。 者 不 有欲質 序 與 佚 七 能自己 取 年及 止 乃 墜。」 既 或 或 齋 所 興 疑 以 日 游 公之 以 十九年 也 殄 而 例 後 爲 前 瘁 非 人 不 忠 開 求 之 後 可 依 左 禧 以 也 於 悲  $\equiv$ 得 氏 傚 一。」又言 後訖終  $\equiv$ 傳 + 之意, 之, 年 此 而 者 年 冬 後 或 所 得

哉 帖 得 刊 江 將 周 帖 陵 其 於 脱 勉《 還 編 藁 書,俾傭 春 於 勉 增人 而 從 始 秋 編 病。 先 後 而 得 是 生 傳 增 書傳 朋 Œ 期 於桂 跋 X 友 者 歲 **>** 寫,其 是 訂 或 日 而 陽、於衡、 正 ΙĒ 揭 病 者 之。 出 已 革, 先 不 弗 削 生 學者 可 然 存 者或 於潭, 爲 復 已 也 ^ 求 削 有 後 者 日 勉 欲 傳 其 口 速

> 指 推 所 樓 經 十二卷、《左氏章指》 函 嘉定元年七月 面 直齋書録 沙之所 參 丈,不 見 不 授 政 其 書 勉 大 以 及《 所 果 使 以 實 防 不 後 解 質 盡 作 其 爲 書 傳 題》三:「《 質 也 朔 之序 所 今 所 而 書 日 H 訂 疑 若 就 左 ,公羊、 門 IE 而 其 氏 大略謂 先 後 他 實 止 周 猶 卷 生 穀 出 齋 發 録 先 勉 每 梁 . 明 矣。 春 謹 生 陳 語 左 已 以 多 一之志 秋 傅 友 其 氏 而 新 此 後 朋 良 所 存 暌 傳 云 書 其 帰

良 十二卷。 四庫全書 Ž 舉 兩江 號 總 一總督採 止 目》 齋 <u>-</u> + 進 温 州 瑞 宋 安 陳  $\sim$ 傅 春 良 秋 乾 撰 後 道 傅

序》文略見之。」

<sup>● 「</sup>求」下、《陳氏春秋後傳》(影印文淵閣《四庫全

四

八

之例 者,左 文,而 其 門人 經 合 每 名 推 不 去 文 汸《春秋 E 而 年 難 家 書 所 傅 弗 不 削 節 而 病 進 良,稱 皆 不書 求 書者,皆以爲夫子 疑 存 者 周 士 氏 得 不 史 之, 以 而 或 官 學者欲 勉《跋》,稱 事 知策 亦未之見。 學《 集 法 不 實 惜 留 蹟 是今所傳 殊 其以公、穀之説參之左氏,以 傳自序》於宋 至 書 也 其 春 其 見《 書 失 其 中 一發 速得 誤 秋 所 非 有 其 宋 帖 書 義 書,以 》之要,在三 體 以 筆 本。 史》 於 舍 其 己 夫子 傅良 左氏 實 削 左氏 編 人, 非 書, 本 所筆削 之旨 與 其所 故 增 人説《春秋》,❷最 傅 左氏 八爲 傳。 寶 俾 所 書 於 所 X 良 謨 傭 此 録 首 左 書 0 是 據 完本矣。 公羊、 傳 異 閣 書 書, 爲 氏 所 推見 則 IE. 是 以 後 師 [傳寫 待 魯 載 其 所 者 將 編 加 制 穀 不 陳 史 卓 其 或 筆 録 不 脱 有 梁 氏 書 削 舊 然 趙 謚 而 所 揭 其 意 其

> 大驗 秋 傳 者 稱 據 傳 似 傳 秋》者日 談《易》者日 足 於 2》二家 非事實 》尚 聖 舊 》, 3 爲 爲 非 其於諸 矣。 人 文, 傅 . 得 有 爲 者 良 著 盛 切 經 傳 研 策 傅 亦 中 録 病 況 意 聞 生 書 求 增 多 良 故 其 獨 『不修《春秋》』二條,《公羊 中 或有之,必以 作 聖 ; 於 云 不應左 失耳。 解 惟 擇 多 自 傳, 臆 云。 人 Ŧi. 以 啖 説 空言 之 能 其 經者 助 ^ 考左 蠭 微 氏反不 熟 公 所云 自 廢 易 起 誦 当 王 三傳 氏 之 騁 惟《 爲  $\equiv$ 弼 『某 爲《 傳 見, 穀 H 别 樓 廢 易 兹 9 發 故 者三人, 而 春 象 **>** 鑰 **>** 獨 亦 恐均 合 與《 史例 談 數 不 秋 ^ 明 能 序 ^ 書 **>** 左 春 不 根 效 而 作

6

傳」、《

四

庫

全書

目》作「氏」。

<sup>0</sup> 作「具 見、 四 庫 全 書 總 目 中 華 書 局 九 九 五 年, F 同

<sup>2</sup> 秋」下,《 四 庫 全 書 總 目

<sup>506</sup> 

典》中 必 謂 朱 貶 日 三十卷。 亦 不復裒録焉 自隨 者, 蔡幼學、日 彝 爲 注 至 詳 尊《 至 曰 尚 庶有豸乎 博。 (經義 此 遇 存 樓 又其書多 有 據某説 梗 以 鑰 胡宗、 考》注 所 概 是立 所 問 1 然 別、『此 ^ 序 傅良 出 其 日 日 制 己 新 周 應 『未見』,今《永樂大 ×, 殘 别 世之枵腹 勉 意 如 據某文』,其徵引 蓋兼 闕 有《左氏 不 耐 游 二書言之。 能 每 宦 其 成 傳之下, 考究 而 必 章旨》 帙 以 談 口 褒

衰弱, 之前 書,可 文集・ 某 近 如 藉 漸 更 此 復 論 與張 加 漸 手 浸 苦 删 T 見 惟 久 泄 得《 潤 端 古 **^** 瀉, 春 是 士第二 人 春 則 秋 結 今 無 自 秋 後 幸 裹 作。」 有《春秋》來 **\*** 傳 之 稍 書》 書, 證 又《 愈。 垂 及未 也 成 第 以 某 四 年 病 尚 啓 萬 未 書 事 例 有 軀 手 此 删 論 足 己 日

讀書譜》一卷。《神道碑》作「二卷」。潤,不免就病中勉强。」

^ 陳 之,共和 直 書》、《詩》、《 傅 齋 良 書 撰 以 録 下 解 自 始 春 題 伏 有 秋》諸經 義, 年 四 數。」 迄 .  $\overline{ }$ 春 9 讀 考 秋 書 世 終 以《 譜 代 **>** 而 易 附 卷。

《文集 近方脱 輩 發 也 出 在 方 未 處 此 可。 藝 卷。 祖 曾 ,定不草草 書 · 答丁子齊書》: 稿。 以 提 譜 若 來 掇 從 自 諸 又 中 賢,又 畫 頭 辱 間 易 商推 爲 以 至 之敘,文意 及邵 此 獲麟, 得 益 下 處 氏 要 到 未 問《 專 聖 分 經 穩 灓 數 賢 讀 世 俱 調 書 更 書》, 盛 則 如 度 譜 删 來 異 定 前 前 諭 時 盡

■「裒」,原作「褒」,據《孫鏘鳴集》本、《四庫全書總目

改

四九

建 隆 編》 卷。 名《開 基 事 要》, 名 藝 祖 通 鑑 節

讀 書附志》及《玉 海 》皆作「十卷

按 《文集》有《嘉邸進讀 藝 祖 通 鑑 節

略自序》,即此書也

刻之。」 之末。 讀 卷。 趙希 陳傅 右朝 弁《讀書 良 亦 所 奉 曰 郎 進 ^ 附志》上:《 建 也。 秘 隆 書 自建隆之初,迄 少 編 監 **%** 、皇子嘉 開 曹 基事 叔 遠 王 要》十 序 開 府 而 寶 贊

慶 筵所上。」按"《文集·自序》有 隨 陳傅 直齋書録 元初所上也、《書録》所云蓋 事 考 良 訂 撰 併及 解題》 蓋《 長 累 四: 編 朝 太太 始 誤 末。 祖 建 嘉 隆編》一卷。 邸進讀 慶元 朝 節 初 」字,則非 略 在 也 經

宋史 藝文志》二:「 陳 傅 良 建 編

玉海 **>** 四十七: 「《建隆編》。 陳傅 良 摭

卷。

名《開基

事要》。

考累 太祖 亦曰《建隆編》。」 又四十九:「陳傅良 之初意。 朝 政 沿 事 起 革得失,疏於 以『建隆』命編, 建隆 一、迄開 有《開 下, 寶, 基 蓋 凡 書 繫 事要》十卷, 以 其 表 之始年。 綱 見 要, 立 或 又

 $\wedge$ 照林本。 卷、文集十九卷。 本,併爲二十八卷。 言從秘閣録出,今尚有傳本。 明弘治間 卷、直齊書 集》五十一卷,《文獻通攷》、《宋史·藝文志》並作五十二 制語 集》五 王瓚本五十二卷,❶與曹《序》編次合。 録》作五十三卷,宋三山 卷、《文集》三十卷。 道光陳石士少宗伯重刊於杭 國朝乾隆林上梓本,又分爲 同 時 又有坊 本五十 曹《序 刻 卷。 小字安 州 》作 今未見。 , 卷數 王《序 詩 集 正堂 止 悉 Ŧi.

序、記、雜著、祭文、墓誌、行狀,總五十 按:《文集》曹《序》云:「 律詩、内外制、奏狀劄子、表、啓、書簡、 凡爲歌 辭、古

<sup>0</sup> 弘」,原作「宏」,避清高宗諱,今回改。

本與 卷,四 + 卷,四十。跋二卷,四十一、四十二。 德 五卷、《文集》三十卷」, 卷,三十五至三十八。 + 辰 十九至二十七。 内 廷 外 本 卷,即 四十三。 行 制 對策一卷,二十九。 尚 十五 啓三卷,三十二至 狀 九卷,十至十八。 存 先 四 曹 卷。 生 雜著 + 講筵故 編 燕坐之齋 六。 五.十 之舊 一卷,四十四。 記 誌 事 銘 此 三 十 以 卷,三十九。 一卷,二十八。 奏狀劄子九卷, 詩 几 蓋尚 表二卷,三十、三 名 卷,四 九 四。 集。」●今正 卷 未定之初 制誥 十七至五 策 書 一至九 祭文一 簡 問 序 集 壬 兀

記 兵 制 見於《文集》曹《序》者, 影、《皇 防 》、《宋史 秩官志》,未脱 朝 白 藝文 官 志》作 公 卿 拜 《漢 罷 又有《 兵 表》、 制 **2** 周 ^ 皇 漢 皇 以 朝 朝 來 大 財 賦 事 兵

> 按: 守 ^ 歷 Щ 代 閣 兵 叢 書 制 ♡,餘 今 尚 俱 有 佚 傳 本 錢 氏 刻

皇祐、 《春秋後傳》,已著録。 大旨。 知 而 制,親衛 之得失,於宋代言之尤詳,如 相維,發兵、轉餉、捕盜之制,皆能 遂之法,及春秋、秦、漢、唐 四庫 戰 至 給給 精,逮咸平後邊境之兵 初兵已一 全 天一 其總論之中,謂 書總 殿 漕輓、服 閣藏本。❸ 禁,戍守更迭,京師 目》八十二:「《歷 百四四 T. + 宋陳傅 役、 繕 是 萬。 祖 書 河 以 良撰。 增至六十 宗時 上 防、供寢 謂之兵 太 來 府 溯 祖 歷 代兵制 畿 兵 撮 傅良 成 躬 代 (而不 雖 舉 内 定 周 兵 廟 萬 其 外 少 有 軍 制 鄉

0

<sup>「</sup>名集」、《止齋集》曹《序》作「以爲集名」。

<sup>「</sup>表」、《止齋集》曹《序》作「譜」。

本」。
本」。

數,而以百萬之兵計之,無慮 養 之本,可謂切於時務者矣。」 其言至爲深 給,又浮費 睹主弱兵驕之害,故著爲是書,追言致弊 廂兵,十萬 兵,未有猥多 國 馬者,皆 而 數 切。 兵 給 如今日 倍 也。 蓋 散卒。 傅良當南宋之時,●目 何 疲老 者。 得 而 而 總 其兵職衛 不 坐食, 户 十户 大蹙云云。 口 而 歲 前 士之 資 人之 世 之

十七卷。今佚。 見於《宋史·藝文志》者,又有《西漢史鈔》

《未子語類》八十六:「於邵子服處,見《玉海》三十九:「陳傅良、徐元德撰。」卷。《經義考》一百二十三注曰「未見」。

陳、徐 徐 朱子 元德 語 二先生《周禮 作, 類》八十六: 上 半 册 制 即 度 陳 「於 精 君 華 郊子 舉 >> 2 所 進《 服 下 處 周 半 册 見

> 一条。所派成立三军营市衰火。 見於明高儒《百川書志》者,有《論孟古義

卷。府、縣志並作「《經書古義》」。

《百川書志》二十:「《論孟古義》一卷。 或曰止齋著,又曰王從之著,未詳孰是。」 或曰止齋著,又曰王從之著,未詳孰是。」

鷄。 六一 代,人才逐世 刻陳君舉論 陳獻章《白沙集》七《復鄧御史公輔寄 ,争得見 古義昭 昭 孟古義 昌黎 低。 對, ? 市 終 朝 詩》云: 篇 成 短 畫虎,文字 短 題。 兩 漢 不 大 笑 非 新 醯 歐

《書録解題》八:「《長樂志》四十卷。府見於《直齋書録》者,又有《長樂志》四十卷。

説

<sup>■「</sup>宋」,原作「渡」,據《四庫全書總目》

❷ 「精」、《朱子語類》作「菁」。

③ 「進」、《朱子語類》作「奏」。

<sup>●「</sup>稟」、《孫鏘鳴集》本作「藁」。

益信 手。」按 日: 帙 縣,動訪 永 Щ 帥 多,不 財 嘉 清 外 計 陳 源梁克家叔子撰。 9 舅陳 同 果 傅 而 官 止 薛 書 良 累 齋修 朝 師 録》 君 然 雍子 詔 五. - 舉 圖 則 令申 然,几 長 經 通 此 時 明 樂 判 《志 , 欲以 沿革 財 案 州 シ編 間 賦 淳熙九年序。 事 甚 爲 志 有 輯 詳。 大大 財 書 下云 之力 賦 問 編 略皆出 多 : 門,後緣卷 所 大略 「往 從 出 公手, 得,薛 在 述 時 其 鄞

秋類説》。 見於元程端禮《春秋本義》卷首者,又有《春見於元程端禮《春秋本義》卷首者,又有《書鈔》。 見於明焦竑《國史經籍志》者,又有《書鈔》。

所 説》、《後傳》三書。《章旨》、《後傳》前 按: 名氏」「永嘉陳氏」下,載 據 一著録,《類説》別 程端禮《春秋本義》卷首「春秋 也。 此 外尚有《經筵 無 所見,不知程 有《章旨》、《 孟子講義》, 氏 類 傳 何

> 史 書。 江 策》見《續通考》一百七十九,蓋因《 集》二十八。又《伊洛遺禮》見《雍正 百七十六,更不可信。 人之書。 卷」相連,而失其 有述及公語,遂 見《續文獻 以中書舍人兼侍講時 見《經義攷》二百三十四,蓋 ·藝文志》著録偶 通志》二百四十四,《伊洛禮 《陳龍 《高士送終禮》見《續通考》 JII 通 集 考》 致誤 撰 伊 一百七十 人名 洛禮 收。 與「漢兵制 所上,已入《 説 氏 書補 並 又《 遂 四, 詳 即慶元 亡序》中 書補亡》 備邊 余姪 以 均非公 爲 詒 宋 文 + 浙 初

2

<sup>●「</sup>縣」、《直齋書録解題》(上海古籍出版社一九八七

<sup>「</sup>山」下、《直齋書録解題》有「一郡」二字。

局一九九八年)、《止齋集》改。「經」,原作「講」,據《孫鏘鳴集》本、《經義考》(中華書

讓《温州經籍志·辨誤》。

亂 之旨。 謂 舊 彌 本 遠 浙 Ŧi. 談 按 千 遐 藁。 卷, 面 江 頃堂 或 跋 四 公少 陬 鋒 一鮑士 今姑附 要皆當 混 見 一者,此 公登第 **>** 文肅 幼 書目》 作 城 一恭 四 相 俱 作 尚 見 時 南 庫 佚。 傳 家 編 其 後 或 有 類 舉 集 全 以 藏 集 目 業 ×, 是 雜 書 今世 + 爲 本 待 輒 於此 嚴 也 真 程試 見《文集》卷 總 九 公作 ; 遇集 深 贋 目 所傳 加 自 奥論 之用 無 釐 又《永 悔 詭 ×, 並 歸 尚 别 題 百七十 見《林 有 而 大 有 八卷, 叢 用 嘉 賢 文 《論 末 明 盡 帙 述 肅 先 熄 焚 時 曹 下 四, 祖 其 作 淆 誕 所 見 偶 刊 生 叔

嚮 力,據六經 文集》曹《 以 趨 於 ; 《序》: 奥 會 披剔文義,躪 「先 執 九 生稟 經 百 抱 家 藉 天 衆糾 之 穎 轡, 研 俾 究 環 明

> 斯焉 於化 衰之故 後 食, 者 之承續,千載以來,不 廣 帝 考來,默 而 誘 聖 志 王 審玩 其 裁推 念 耐 經 ! 其 綱 不 口 世 任 熟復, 嗚 領條 察當世 惑也 行,不 皇 獨 宏 呼 重 揭 模, 道遠,終老未嘗 與 目 盛矣! 源 庶幾 動聲 物 靡 丕平之機 雖言 要, 而 委 放 不 對 色,使 不 於 蛇 該 知其能幾見也 論 越 鄒 牽多 秦 未妥, 具。 左推 天 魯之統緒, 漢 人回 地 深抱 歧, 以 蓋 右 幾 百 日 嘗 由 下 心 挽 世, 大業 進 敢 忘 是彰 治 而 輒 旁接 以 忘 寢 河 嚮 亂 沮 俟 於 廢 道 往 至 興

兄 必 約 企及 學先於致 行狀》:「公剛 貫 恭 以 謹 兢 精粗 業 而 終 篤 爲 知 不 老不 於 · 充 先 躬 倚 蓋其 毅 以 懈 行 於 涵 洞 周 養, 達 所 自 偏 於 寬 自 奉 默 人 用 清 博 與 識 情 功 約 樂易, 口 自 事 處 志 得 物 閨 世 論 門 其 不 兼 博 肅 事 口

倦。 然 汲 長 引 後 誘 士 其 掖 多 進 接 不 如 琢,以 遠 委 恐不 數 曲 千里 成 周 及 其 盡 樂 小 材 人 人 從 善 人 公游, 曲 得 藝 其 公隨 獎 歡 子 心。 其 無

所

磨

意 字 已,年 理 薄 者 爲主。 而 **贖**,蒐斷 而 而 墓志 身折 經制 刑 欲 後 也。 ,然後學之,本 吕公爲言本朝文 廉 止 耻 期 減 經 **▽** 公既 旋 敬 ,千載之上 ,三代治法 爲 於 簡 重 月 其 德集義,於 「公之從 人才 采 富 征 緯,畫驗 實 間 厚 究 吕 異聞 捐 地 9 治 末 末 珠 而 鄭、薛 公以 以 獻 又 體 利 貫 夜 稍 内 張 待 與 相 脩 而 索, 故 事 還 爲 公盡 外 上用。 薛 承 也 取 絲 之 常 其 備 所 公 詢 組之, 於 長 物 本 以 矣。 以 心 反 世 法,養其 民 原 必 不 克 其 焉 覆 垂 一舊 於 省兵 公猶 祖 若 稽 獨 己 論 世 宗 繙 至古 兢 在 目 其 立 德 義 德 畏 文 見 極 吏 或

> 之而 之致 周 民 内 之 治 並 其 所 已 詢 則 也 君 以 迭 欲 爲 諫 非 内 按 盛 朝 止 耐 皆 以 外 以 無 上 氣 廷 可 壅 三條 爲 力 以 塞 負 行 ,皆總論公學行、 人主一 不 荷之、華 於今世,視 .通 之情 體,羣 藻 志業大 凡 潤 昔 臣 成 伍 庶

附 載 止 齋 弟子:

略,

謹

附録

譜

末。

宗、太 平陽 申甫 淵 端 陳説 石 之,大亨,新昌 黼 蔡 樂 己,子 幼 叔 文昭 樂清。 清 ,習之,永嘉 學,行之, 初 林 懿 平陽 益 居實,安之,瑞 仲 陳 周 平. 弟 沈體仁,仲 巖,仲石 勉 陽。 瑞 胡 吕 瑞 安。 明 安。 沖之,聲之從弟 時 林 章 叔。 平陽。 沈 用 伯 頤 曹 安。 瑞 正,樂 昌 E 叔 中, 叔 綽 林 安。 林 端叟, 遠 叔 懿 清 載 成 阜 仲 大備,百 錢 器 叟。 平 新 瑞 林 瑞 瑞 文子,白 遠 安。 安。 安。 陽 子 吕 瑞 燕 順 林 安 胡 洪 陳

弟子。」 居父。 長。 東陽。 木天駿,德遠,瑞安。 袁申儒、建陽。吴漢英、長卿、江陰。 霖,天台。 賈端老,張端士,滕璘,德粹,婺源。 《水心集》二十二有《墓誌》。❶ 胡大時,季隨,崇安。 徐筠,孟堅,清江。 高松,國楹,福寧。 《宋元學案》曰:「止齋再傳 黄章,觀復,新昌。 沈有開,應先,無 倪千里,起萬 薛仲庚,子 吴琚,

則亦止齋弟子也。省,深造理窟,學者尊爲蓻堂先生。見《萬曆志》。補:湯建,字達可,樂清人。少爲陳止齋所知,篤意兢補:湯建,字達可,樂清人。少爲陳止齋所知,篤意兢

官至實謨閣待制,謚文肅。百家之書。紹熙四年,試禮部第一人,登進士第。」傳》:「少穎悟,❷從陳傅良究名物義理,以通史傳、傳,邦憲,字文子,義烏人。《宋史》四百四《徐邦憲

誼。」官至安德軍節度,封信安郡公。改賜今名。《宋史》四百十三本傳:「學於陳傅良、徐趙希館,字君錫,舊名希喆,登慶元二年進士第,

「少」、《宋史》本傳作「幼」。 心集》卷二十一。 「二十二」、《孫鏘鳴集》本作「二十九」、《墓誌》在《水

五六

黄 羣

年十一月,黄羣記

初, 文 節 余 公年 友楊君志 譜 林 卷, 得 瑞 \_\_\_ 寫 安 本, 孫 蕖 見 田 詒 先

寫 滬 ,過余談,先生之孫 本先付印,告成矣。秋九月,孫君公達 也 言行 篋 中 有 此 來 書

藏

之十數年。

今春校印《叢

書》第二輯,

此

生

達 家 所 藏 攜 寫 稿。 乃 先生 余喜甚,輒以 晚年定稿,精 印本 贍 求 過 于 覆 志 校 林 所 公

得 亦 者 遠 樂 甚。 其 余因 藏 稿 悉棄去先所印 假 余重 印 即 此 成 卷是 者,而公 也

先 達 生 生 清之中 以 葉, 同 治 間 官 至 侍 讀 學 士 與

兄 太僕琴西先生 皆 篤 志 宋 永嘉諸 儒 之

其

跋

詩 學,以啓迪後進 Œ 嘉叢書》,極爲 所著尚有《止 × 文集》等書,凡若干卷,藏 東 甌 大 庵 事記 精 讀書 審。 嘗彙刻鄉先哲遺籍爲 》、《浮沚年譜 記》、《吕 生平嗜學,至老不 於家。 氏 春秋 ×, < 高 民 海 或 日 注 ② 永 樓 補

Ŧi. 七

## 象山先生年譜(存目,見《象山先生全集》)

〔南宋〕李子願 輯

## 慈湖先生年譜

[清]

楊新馬爾

校 撰點

目		慈湖先生年譜光慈湖先生年譜光	目
録		生年 譜卷 二	録
	-4	八四 : : : 九 〇 一 一	

校 點 説 明

修

明

志書院,二十

年

· 轉

任

臺

灣

縣。

是

年,因

清

朝

知

臺

灣

淡水縣,十八年十二月

調

新

竹

縣,二十

年

重

堂」藏 十二卷及《 四 作藏書 佐 文》,校刻《慈 正 慈湖 晚 修 君 卷、《浮碧山 號 馮 年主 書樓, 先生年 因 馮 室「匏繋齋」。 可 編 舸月,浙江慈溪人。 鏞(一八三一一一八九〇),原名可針,字 氏 講 畫 纂 祖 家 湖 德 匏 縣 館 父馮 善 遺 潤 志 齋 駢文》二卷,箋注《國 藏 書 書 詩 有 雲 書 院。 稿》 功, 可 濠 兼 曾 鏞曾任光 又創 輯《 若 由 可 祖 干 揀 鏞 補 咸豐元年(一 父 卷 著 選 醉 編 馮 等, ×, 有 知 經閣 緒《慈 元 縣 與 领 仲 編 朝 葉 加 至 有「天 繋 有《 溪縣 駢 意 或 八五一) 體 齋 子 深 句 可 正 詩 志》 合 益 章 監 鏞 宗 鈔》 撰 徵 總 學. 復 Ш

浙 江 慈溪人。 葉意 深 字曼卿(一 光緒 + 四 年(一八八八)舉人,次年 作「縵卿」),生卒年 不 詳

校

點

説

明

藥物表目》。 馮 割 合撰《慈湖 可 讓 鏞 臺 總纂光緒《慈溪 灣予日本,奉旨 先生年 譜 内 縣志》,葉 此 渡。 外, 葉意深 後曾任 意深 自 任 金 責 編 分編,二人 有 縣 一中 知 縣。

視, 傳、 探 既 思想都具 簡相關 同 其 慮 長於 時。 (編成 到 賾 錢 至今仍是楊簡研究的 索 馮 時撰《行狀》、《慈湖遺 四 慈湖先生年譜》由 的 隱 事 此 應 可 **———二二六**)的 實統 大部 鏞 有基礎性 在 ,尤見功力。 譜 共 卒於光緒十六 光緒十五 理,又長於人物、事 分文獻資料, 兩卷,六萬餘字,是南宋理學家 意義,編 年 此 前, 馮 重要參 譜 年、 年 可 對 全面 成 書》等爲 譜。 似與光 鏞 葉意深 後即 於 考。 和 研 翔 蹟、 此 葉 究 緒 受 實,剪 譜 本, 意 楊 地 + 到 以《宋史》本 慈 深 簡 五 點 學 搜集和楊 裁 溪 合 的 的 年 人的 撰,考 合宜, 縣 生 考 赴 楊 志 臺 重 簡

此 譜 最 初 有 馮 氏 毋 自 欺 齋 光 緒 年 間 刻 本,今

新刊 年譜叢刊》(四川大學出版社二〇〇三年)第十册。 明 (一九三○)重校印,稱「毋自欺齋校本」,今中 家年譜》。 收入《北京圖書館藏珍本年譜叢刊》和《宋明理 家圖書館和南京圖書館均 有上海圖 叢書》四集,據毋自欺齋刻本《慈湖先生年譜》重 刻。 本次校點以《北京圖書館藏珍本年譜 李春梅據《四明叢書》本校點,收入《宋人 書 張壽鏞民國二十五年(一九三六)編《四 館 藏本。 光緒 有庋藏。 刻本 曾於民 重印本後影 或 叢 + 刊》影 九 或 印 學 年 或

校點者 楊新勛

並

參校《慈湖遺書》、《宋史》等相關資料。

印

毋自欺齋校本爲底本,以《四明叢書》本爲校本,

## 慈湖先生年譜卷一

後學同邑 葉意深輯

宋高宗紹興十一 累贈 父宗 祖 錢 廂望之,以爲 有異禀,清夷古澹,淵乎受道之器 慈湖 宋史》本傳: 自 時撰《行狀》:「先生家 グ,猶居 遺 輔。 甯 通奉大夫。 海 廣 大父演。考庭 徙明之奉化,後 事,祥 居賦 火 年辛酉正月二日,先生 「楊簡字敬仲,慈溪人。」 也 妣臧 光外 ,輒集衆環 四 明 楊子,家本三江之口。」 燭, 氏,碩人。 顯,故任承 耳 世 又 天台。 天 向 徙 而 鄞。 先 E 奉郎, 生 曾 + 誕 生 世 降 生 大 几

於此。 雲山。」 林頤 嘉靖奉化 Щ 曰: 始 生 縣 「依今時憲術,以雍正元年 時, 志》: 有 「縣 Ŧi. 色雲 東 起 百里 Щ 上,鄉 爲 瑞雲山 癸卯上 人異之,因 ,楊文元 推

於此。」

全祖望

甬

L

族

望

表

**\***:

=

江

П

楊

氏

慈

湖

先

生

生

公生

得 紹興 九 第二十九日五三〇五九〇五三除之,得積朔七千 萬二千五百七十一日。 四,加本年冬至日分〇八三九〇七五六,得積日二十一 五百七十一日〇三八六三二四四,減氣應分一二二五 分,加一日,得紀日四十二。又置中積分二十一萬二 +  $\equiv$ 六十,餘四十一日〇八三九〇七五六,爲天正 六十去之,餘一十八日九一六〇九二四四。 相乘,得中積分二十一萬二千五百七十一日〇 五百八十二。與歲周三百六十五日二四二三三四四二 十八,餘數二十四日九三五六九五〇六,爲首朔 通朔二十一萬二千五百八十六日一二六三三。 四四四。 + 萬二千五百三十八日九一六〇九二四四。 年辛酉,相距五百八十三年。 減氣應三十二日一二二五四,得通 加朔 應一十五日一二六三三, 減 年 轉 得 冬至 三八六 減 滿 積 宋 以朔 紀 分二 高宗 紀 積 百 H 法 法 加

年, 七千 宗重 天二日 願 小餘 也。 日。 餘 朔策七 月 高宗本紀》: 滿紀法六十去之,餘三 一八 朔 自 Ŧi. 加 初 統 七千 詔 初 朔 丙 日起甲子,得紹興十一年辛酉正月己亥朔。 策 H 一六百 元曆 七千五百以 購 《宋史• 日 策 五 改 自 寅 官以 得之。 故 次 ( 朔。 十 造 起甲子,得 兩次,滿紀法去之,餘三十五日 Ŧi. 初 法 百八十,少三百二十,乃爲 滿 九 八十,太史不進 又置餘數三十五日 日起甲子,得三月戊戌朔,較《 九 新 《紀 由 曆。 日 又置餘數三十六日四六六二八五 ,爲正月朔。 》當進作 律曆 紹興十 於當 紀法去之, ①餘二日二四一 Ŧi. 五三〇 元 上者,進 年,日官言,今太史立朔 曆 賜 志 十月乙丑朔,較《本紀 時 名「統 乙丑朔」。 一年正月 推 V Ŧi. + 東都 三年,丁 朔 九 距 故 ·六日四 有 元」,以六年 0 日。 冬至日 訛 十 《紀 五二七四六六六五 Ŧi. 不紀朔,三月庚子朔,十 然則 遂  $\equiv$ 元曆 亥歲 紹興 一六六二八五 月 至後 數 得 小 進 高 》亡,紹興二年 加紀 + 四 Ŧi. 盡 五二七四六六 頒 《本紀》 朔 宗 天 年 》丙寅朔 有訛 + 行。 六〇〇三六。 南 日 月 四 十二月 今年 四 渡 》庚子朔 四 日 甲 月 元 Ŧī. 日 《宋史 Ŧi. 十二日 %後天一 子 乾 曆 或二日 大 Ŧi. 九。 四 九 遞 朔 小 定 學 盡 道 月 六 小 餘 後 自 散 朔 高 加 六 虒 六

> 失,至 頻大,所以三月立朔 庚子朔,越二日辛丑矣 憲 1 正月大爲庚子朔。 術或 年三月庚子朔 朔率後天 紹 後天二日 興 六年 日 始 尤 前 ,後天多 改 先生 差數 非 日 用 官不自 日 統 誕 如此之多。 至 官 降 元 所 之辰 新 日 知 及 其 知 知 曆 當 訛 也 較 是 二月大爲 在 東 年 其 都 統 本 Ė (甚者 紀 月、二月 元 紀 曆 》紹 庚 • 較 元 午朔 Œ 興 今 舊 必 + 時 月 曆

+ 十七 + + + 十三年癸亥,三歲 十二年壬戌,二歲。 六年 八年戊辰,八歲。 Ħ. 四 车 年 年丁卯, 丙寅 Z 甲子,四 Ή. ,六歲。 <u>元</u> 七 歲 歲

去巷陌 行狀》: 隔 「入小學 牖 紙,凡 了,便儼 遨 遊 立 事 一若成 呼 譟 人。 過 門, 書 聽 堂

<sup>■「</sup>滿」,原作墨丁,據《四明叢書》本補

若無有。朔望例得假,羣兒數日以俟,走

散相徵逐。先生凝静如常日課,未嘗投

足户外。」

《遺書·家記三》:「簡自總角,承先大夫訓迪,已知天

下無他事,惟有道而已。」

案:《遺書續集·祖奠馮氏姊辭》云:「憶昔世父合居

武康,諸姊俱長,❶簡輩幼行。」據此,先生幼時曾居武

康,其年月與世父名氏俱無攷。

十九年己巳,九歲。

二十年庚午,十歲。

二十一年辛未,十一歲。

二十二年壬申,十二歲。

二十三年癸酉,十三歲。

二十四年甲戌,十四歲。

二十五年乙亥,十五歲。

二十六年丙子,十六歲。

二十七年丁丑,十七歲。

二十八年戊寅,十八歲。

三十年庚辰, 二十歲。二十九年己卯, 十九歲。

清潤 候熟寐 《行狀》:「既長,任幹 終日侍通奉公旁,二親寢已,弇燈 峻整,務 ,始揭弇,佔畢 明聖 經,不肯規時好、作俗 蠱 或 主出 漏 盡 五鼓。 人家 默 用 爲文 外, 坐,

下語。」

三十一年辛巳,二十一歲。

《行狀》:「踰弱冠,入上庠,每試輒魁

聞耆舊言,先生入院時,但面壁坐。日將

若 西,衆鬨鬨 波注 無 競 字誤。 寸晷,乃方舒 寫竟, 復 徐 袖 展 卷,舒 卷 寫, 徐 筆

俟衆出,不以己長先人。」

● 「諸」,原作「詣」,據《四明叢書》本、《慈湖遺書》附録

陸 九淵 《象山集 楊 承奉墓碣》: 「仲子簡尤克肖、人太

學,治《易》,冠諸生。」

遺書・家記十》: 「簡初人太學,聞太常古樂,莊敬中

正之心,油然而生。」②

相觀而善,皆吾叔晦之賜。」 從求其人,遂得從其賢遊。 學校,四方英俊所萃,正當擇賢而 又《祭沈叔晦文》: 人太學,首見吾叔晦,●始聞正論,且辱告曰: 「簡未離膝下,③知有先訓而已。 相 與 切磨講 親,不可固 肄, 相救以言 閉。」簡遂 『此天子 及

齡爲友。乾道五年進士,通判宜州 《宋史·沈焕傳》: 字叔晦,定海人。 益 試入太學,與陸九 品端憲。

三十二年壬午,二十二歲。

《行狀》:「紹興末,虜突淮右。 考庭顯 避

地慈溪,因占籍焉。」

州、汝州、 諸州豫備敵兵。 來攻,兵號百萬 《宋史·高宗紀》: ⑥紹興三十一年,命兩浙、江東濱海 順昌府、 ,遠近大震。 九月、金主亮造浮橋於淮水之上 陜 八州、虢 州 三十二年,金人犯壽春、蔡 河 州 海 州 淮 甯府。● ,自將

命張浚專

措置兩淮事

務

《象山 集 楊 承奉 墓 碣 \* 紹興 (末,北 虜 犯 淮 又 徙

慈溪。

《遺書·廣居賦》:「徙居西嶼之麓。」

孝宗隆興元年癸未,二十三歲。

二年甲申,二十四歲。

乾道元年乙酉,二十五歲。

一年丙戌,二十六歲。

真德秀《西山集·袁燮行狀》:「乾道 初,

書》本,下同)卷二十八改。 諸」,原作「詣」,據《象山集》(影印文 淵 閣 四 庫 全

而」,原作「面」,據《慈湖遺書》附録改。

下」下、《慈湖遺書》卷四有「時」字。

0 改。 首」,原作「百」,據《四明叢書》本、《慈湖遺 四

6 「占」,原作「古」, 據《四 明叢書》本、《慈湖 遺 書 附 録

6 改。 紀》(中華書局一九九七年,下同)改 「宋」,原作「大」,據《四明 叢 書》本、《宋史· 高 宗 本

0 淮」,原作「惟」,據《宋史·高宗本紀》改。

74

簡、舒璘亦皆聚於學,以道 變人太學,陸九齡爲學録。 宋史. 袁燮傳》: 「字和叔,慶元 府 義相切磨。 同里沈焕、楊 鄞 縣 人。 初 人 太

袁僑撰燮《壙誌》: 「乾道二年,人太學。」 學士。

學者稱絜齋先生

益

IE.

獻。

學,同里沈焕、楊簡、舒璘亦皆在

學。

燮

累

官

寶

文閣

直

年進士,官全州教授。 宋史• 陸 九龄 傳》: 字子壽,居撫州之金 學者稱復齋先生。 谿 乾道 Ŧī.

遷知平陽縣,秩滿 謙講學於婺,璘往謁之。 又《舒璘傳》: 字元質,一字元賓,奉化人。 通判宜 州。 乾道 淳祐中,特謚文靖 八年進士,爲徽州 朱熹、吕祖 教授

三年丁亥,二十七 歲

几 一年戊子,二十八歲。

畔 僕以燈至。 有八,居太學之循理齋。  $\Box$ 遺書續集 . ,三才萬物,萬化萬 時復反觀。」勿覺 僧炳求訓 簡坐於牀,思先大夫嘗 事 空 》:「簡行年二十 , 時首秋人夜, 洞 出 無 明 有 内 無 外、 有 無 通 訓 爲 際

體,略無縫罅。」

《行狀》:「先生在循理 復反觀。 訓,默自反觀,已覺天地萬物通 遺書・ 片。」 家記 後於循 九》先生曰: 理 齊燕 齋,嘗 坐,反觀,忽覺我與天地 「少年, 一人夜, 爲 聞 燈 體 先大夫之誨, 未 ,非吾心外事。」 上。 憶 通 澄 宜 奉公 然 時

又《永嘉郡治更堂亭名記 「簡年二十八而覺。」

五年己丑,二十九歲。

《本傳》:舉進士。

張津《乾道圖經》:「乾道五年,登鄭僑榜進 行狀》:「以一 經冠南宫選,登乙 榜。」

薛季宣《浪

語集》:

季宣《抵楊敬仲書》。

嘗識 《書》云:「季宣景嚮有年 弗及詳款養養之至,然 具道問學之妙、行誼之美,及所以提誨之甚寵,顧 面 爲恨。 鄉來幸會,獲合并於武 面 矣。 而悔吝釋,接奉而 姪子每自庠 林。 序 雖 歸 承 羣疑亡,❶ 省,輒 教 匆匆, 以 未 能

0 淵閣《四庫全書》本,下同)改。 而」,原作「面」,據《四明叢書 一》本、《 浪 語 集》(影印文

之言,足驗天有顯道,義命之重,非仁賢惡所望之? 乃蒙尺書下問, 何日之官。 晦 諸 L. 所 第。 雞鳴,乃今見其人矣! 施爲,未能絶意於時,①尤爲善類喜 得 固 雖 已多矣。 爲宏材本分内 有家姪便可 情 幸甚! 親 意厚,愧荷 寄聲,時蒙發藥是 事,然而 幸甚 僑居荒僻,新除尚未知 ! 兼之! 藴 分決之後,竊審擢 蓄之富 也。 寵 幸。」 可以 論 占 不 賀 可 次第 何 方 曉 阻 地 雨 知 榮

於朝,除大理正。出知湖州,改常州。《宋史·薛季宣傳》:字士龍,永嘉人。樞密使王炎薦

子。 案 寵」,當是先生在太學時,溶、沄從之問學 早失所怙。 宣書云「姪子每自庠 《行狀》:「子二人:長季隨,次季宣。」溶當是季 《浪語 吕祖謙撰《薛季宣墓誌》:「子沄,補太學 集》坿 義方之訓,❸賴有叔父。」又季宣撰 載季宣姪溶寄季宣文: 序 歸 省」,又云「及所以 也 ❷「溶少不天 提 生。」據季 父徽言 誨 隨之 之甚

《本傳》:「授 而 不知學,簡興 富 學養士,文風 陽 主 簿。 富 陽 益 民 振 多 服 賈

誠以接物,衆畏信之,相戒奉約束惟謹,走吏持片紙入《行狀》:「授迪功郎,主富陽簿。簿於邑號閑冷,先生

民自化孚。」市,可質數千。日諷詠《魯論》、《孝經》堂上,不動聲色,

尤俗 縣,而土俗繭 習也。』先生惻然。 秀。』民由是欣奮,恨讀書晚。」 先生日詣學,相 何?」宰唯唯。 例 左右曰: 『是邑多商 又"「先生之至富陽也,閱兩月,無一士來見。 主學事,無以風動教化之,絃歌吾邑,予坐靡廩稍, 吏, 束 溼 陋。 程 遂 講 賦, 習。 學道愛人,宰其職 破 即日詣白宰,謂: 人肥家,不利 役 食, ●補生徒, 文理 又約 事笞捶,吾 宰: 凡 爲 食且 一大故 稱 矣。 『兹壯邑於今爲赤 進 不 稍 ± 且 相觀望,莫之 得 優 優 僚 下 即 佐 怪問之, 以 收 咽, 繋銜 示 之。 效 勸 奈

六年庚寅,三十歲。

七年辛卯,三十一歲。

《遺書·永嘉郡治更堂亭名記》:「簡年

補

六

❷ 「寄」,原無,據《四明叢書》本補。 ● 「絶」,原作「絲」,據《浪語集》改。

③「訓」、《浪語集》附録作「教」。

母 「破」,原作「□」,據《四明叢書》本、《慈湖遺書》附録

## 八年壬辰,三十二歲。三十一而又覺。」

其兒時 甚力。 他 再見,始自失,久乃自知,就實 心,初不以語人,後 富陽簿,訪余於行都。 象山集·楊承奉墓 適 余既 所曉,始庸 自竭,卒不能當 儒 乃 碣》 爲余言。 無足采者。 余敬 象 誦 Ш 其 據正 所聞 云: 如此 意 此 又 其 簡 無 謂 反 復 腹 皆 主 覆

賜同進士出身。」 李子愿《象山年譜》:「乾道壬辰,春試南宫。夏廷對,

教焉。」 至不得寢 「象山在行都,與 者。 踰四 + 諸賢從游,朝 H 四 明 楊 敬 夕酬應,問 仲 主 富 陽 答學者 始承

翁,學者稱象山先生,謚文安。《宋史‧陸九淵傳》:字子静,乾道八年進士,自號象山

契,遂定師弟子之禮。」《本傳》:「陸九淵道過富陽,問答有所

《行狀》:「陸文安公新第歸,來富陽。長先生二歲,素生舉是日扇訟是非以答。簡忽省此心之清明,忽省此心之無始末,忽省此心之無所不通。」
《遺書・象山行狀》:「簡時攝事臨安府中,始承教於象

者,必 澄 甲 雙明閣上,❷數提 者, ①平時願 日 心?』③適平旦 相呼以字。 行狀》:「陸文安公新第歸, 然清明 是、某乙非矣。 『更何 有 呱 是,有 有 爲交友,留 問 也?』先生不 嘗聽扇 見莫可得, :「止如 『本心』二字, 非本心而何?』先生聞 非。 訟, 半月,將 若見 斯 眼 遽 象 耶?』公竦 他 Ш 語 來富陽。 得 孰 語 揚 因 離 别 去,則 即 聲 乎? 是 從 孰 答 容 長先生二歲,素 然端厲 非 問 揖 復留 念天 即 之,忽覺  $\vdash$ 而 Ī. 之。 歸 決 地 一何 復揚 彼 間 定 此 夜集 爲 訟 爲 拱 無 達 某 扇 本 礙 心

- ❶「礙」,原作「□」,據《四明叢書》本補。《慈湖遺書》附
- ② 「上」,原作「土」,據《四明叢書》本、《慈湖遺書》附録
- 「爲」、《慈湖遺書》附録作「謂」。

8

「不」,原作「下」,據《四明叢書》本、《慈湖遺書》附録

七

E 疃 先 日 生 欲 而 曉 沿 由 明 檄 是再答 忽覺灑 正 宿 北 山 面 谷 然如物脱 而 間 語 拜 觀 更 終 故 云云便支離去。』八年秋七月 身 去,乃益明。」 書 猶疑 師 事 焉 ,終夜坐不能 0 每 謂 寐。 簡 天 感 也 疃 陸

之? 清、 閣之下, 簡問本心。 簡機,此四 遺 瑩然之明, 書 舉天下之人皆有之。 祖 一方之所 象 Ш 匪 先 思 知。 生 匪 先生舉凌晨之扇訟是非之答 辭 至於即 爲,簡 「壬辰之歲,富 實 扇訟之是非,乃有澄 有 之。 此 春 贵 之簿 惟 簡 解 「實觸 然之 獨 雙 有 明

庭。 數問 之。 斷 心。」敬仲忽大覺,始 本心。」對日 義之端 敬仲可 象山年譜》: 扇訟 問 敬 ,象山終不易其説,敬仲亦未 仲斷其 是 也 如何是本心,象山 謂 者知其 辭 :「簡兒時已 日千里。」 讓,禮 曲 「敬仲反富陽。 直,訖,又問 爲是 之端也; 北 面 非 ]曉得。 納 日 者 弟 如 是非,智之端也。 知 「惻 子禮。 三月二十一 初。 畢 其 悟。 隱,仁之端也; 竟 爲 象 非。 如何是本心?』凡 象 偶 Ш 山 有鬻扇訟 日 嘗 此 日, 語 即 一聞 即 象 敬 人 羞 仲本 至於 此 日 適 Ш 惡 來 是 過

昭 陸 九龄《與學 應之,諸葛誠之、胡拱達材、高宗商應朝 者 書 **\** 「子静入 浙 則 有 楊 簡 孫 敬 應 仲、 時 季 石 和 崇

> 至家。」 從之游 二十九日 皆 復 亹 如 亹 富 篤 陽, 學 七月 尊 信 初 吾 九 道 日 甚 舟 可 離 喜 富 也 陽 以 象 + Ш 六 六 月

八

子上南、 葉紹翁《四 廳 舍。 宫。 晨起,揖 朝 舟 聞見録 泊 富 象 陽。 Ш 而 ❷「慈湖 出 慈 湖 ,攝治邑事。」 宿 主 聞 富 其 陽簿, 名, 至舟 Ш 次 猶 迎 以

留

間。 符, 案: 七月間事。 當 《行狀》言「象山 聞見 由傳 聞 録 《象山 異 則 辭 以 年 也 象 新 譜 第歸 Ш 》則以 至 富 來富 象 陽 Щ 在 陽」,與 由 未 行 第 都 以 過 先 前 富 生 問 陽  $\equiv$ 在 答 三月 説 在

學。 羅 濬《寶 施之政事,人笑其迂,而 慶 四 明 志 ×: 「楊 簡 自信益 師 事 陸 篤。」 九 淵 自 爲 家

《遺 舍雙明閣下,❸侍象山 書 家記 = \*, 先生 先生坐, 日 簡年 問答之間 三十 有 忽覺 於 簡 富 此 陽 心 簿

翁」,原誤 作「聞」,今改

2

本作「上」。 下」,原作「丁」, 據《慈湖 遺 卷 九 改、《 四 明

<sup>0</sup> 附録改。 事 焉」, 原 作 「專 爲」,據 四 明 叢 書 本、 湖 遺

此 清 心乃 明 澄 我所自有,未始有間 然 無 滓,①又有 不 疾 斷。 而 速、 不 行 丽 至之神用。

《黄氏日抄》:❷「象山門人,傅琴山之外,學象山而名

已後 變化 不動。 用其 形不露,如 玄妙,❸往往遂足,不知進學, 世者,是爲慈湖。」琴山名子雲,字季魯,金谿人。 復遺書 力,虚度歲月,終未造精 雖 IF. 墮 但 家記九》,先生曰: 動 謂 斯 澄 而 病。 此道,無所復用其思爲,雖 止 非 動 不 動 IE 而實流行。₫ 猶 流 水,日夜不息,不值 「學者初覺,縱心所之, 一之地。 而舊習難 予自三十 日 自覺 遽消,未能 用云 有二 有 爲, 過 石 一微覺, 險, 自 無 耐 念 流 謂 不 念 不

叢子》,至『心之精 酢門人,敘述碑記 四 朝 聞見 録 「慈湖參象山學,猶 講 神 是 説經義,未嘗舍心以立説。」 謂聖」一 句,豁然頓 未大悟。 解 忽讀 自 此 乳 쨈

雙明閣 杭 州府志 址。 後 「富陽 人改建,祠象山 觀 山 上 有 傳心堂,亦 、慈湖 兩先 生。」 名傳 心 亭,即

越二 他日 錢 石 塘 魚偶記 相 與與 似。 潮 、同官俱 忽過 於是悟看 「嘗官富陽 出 邑 而 西郊,至看潮村,皆訝村何以 西 潮村得名之由 噴 始至 浪 如岸雪 一錢塘 潮惟 聲 古亦以此記異。」 如 震 至 廟 宛 得 Ш 此 而 名。 止。

九年癸巳,三十三歲。

淳熙元年甲午,三十四歲。

學。 朴茂。 《行狀》:先生在富陽,「有自 夜 既數月, 不厭。 後擢第, 來問 曰:『可矣。』與之語,孜 先 生憂去,輒提篋 學,先生曰:『子姑學拱。』• 爲名儒,邑人争相慕 以 Ш 隨 出 6 孜 效, 窮 願 文 卒 日

風益振。」

者 E 遺 7,不踰 龍門。 書。 祭孫元禮尊人文》: 五 富春 + 人士 其能 絶 務 少,國 實不務文,求諸 「孫明仲 家三 歲 舉 生長富春 内 士 不求諸 能 秉 Ш 筆 外,有 谷 具 間 文

「滓」、《慈湖遺書》卷九作「畔」。

1

「氏」,原漫漶不清,據《四明叢書》本補。

「玄」,原作「元」,避清聖祖玄燁諱,今回改

8 2

「止」《慈湖遺書》卷九作「沚」。

「學」、《慈湖遺書》附録作「習」。

6 0

「隨」,原作墨丁,據《四明叢書》本、《慈湖遺書》附録

九

志 於道 其子弟從其教,烝烝於善。」 者 ,吾於龍門 見二人,日 明 分仲,又 列 仲之尊 行 E

案 鳥 語邊。」先生當 又《富春龍門詩》云:「竹輿 亦時 至孫氏居 也 漸 近 鐘 鳴 處。 詩 句 來從

室院進 詩 潛 説友 和者甚衆。 月堂詩》。 《咸 淳 臨 安 又 志 有 題 楊 華 一蓋仙 慈 湖 在 Ш 院 富 默 陽 齋詩 有 《題 》、《洪 浄 氏 土 院 浴

變虚 後營 思 中,始大悟變 春, 屢 明,不 日 壙車 喪 妣 廄 偶 氏, 動 更覺 如 化云 去官, 事 鑑 相 中 日 爲之旨, 象矣。 提 用 居 觸 幡 堊 應 室, 縱横 呕 學不 未 起,旋 哀 能 交錯, 毁 疑不 無 盡 礙 草 進 禮 廬 萬 沈

《楊 《墓碣 承奉墓碣》殘石: 》承 奉卒於淳 庭顯娶臧氏,先公十四年卒。 熙 + Ŧi. 年。 據此,是臧氏 當當 卒

既

屢空屢疑,於是

乎

大進。」

又案:《象山 集 . 承 奉 墓 福 作 莊 氏」,與 殘 石及《 遺

遺書續集》有《臧蔣氏墓志》、《醫痊臧公墓志》,先生

皆

書》、《行狀

》異

於是年。

既久,略察曩正 稱 慈湖易傳》二十: 爲「外家」, 則 當以 哀 慟 「居 石本爲可據、《 時 妣 乃 氏 亦 喪, 寂 然 哀 象山 不 慟 動 切 爲之妙。 集》誤 自 痛 不 然不 也 可 自 云 知 喻

一年乙未,三十五 歲

方悟孔子哭顔淵

而

不自

知

IF.

合

I無思無

三年丙申,三十六歲

往 告身納之,争愈力。」 立 端默以聽, 《本傳》:「爲紹 曰 怒帥,令鞫之。❷ 事置之法, 簡不敢奉命。」帥大怒, 簡取 『吏過 ,簡中立 詎 無 使 能 頗 自 興府 免? 0 簡白 吐 惟 露 司 理 今日 無辜,命 之從。 理, 越 陪 犴獄 實 都 無 鞫 皋, 必 平. 臺 府 親 日 必 府 史 臨 簡 擿 鼎 觸

《行狀 就 養。 犴 「服除,以通奉公畏浙 狴必躬臨之,囚情烱燭,罔失豪末。 江 濤 受紹 賱 府 猾吏僅 理 掾 便

0 立」、《宋史》本傳作「平」。

2 「令」,原作「今」,據《四明叢書》本、《宋史》本傳改。

勘之。 先生 旨,不 守 文案,手膠拳莫敢 白事上官,必從容陳述。 「是尚 無所 憲使嘗舉職官。 詎 趨 能免? ·暇問 可 撓。 先 庭 爲 抗 生 乎? 口 或 Ħ 辯 若今日 否 大礙不見聽 捧 「無 歸 先 舞。 還 取 [則實 罪 生 削 日 告 公平 越 可 憲莫能 無罪 緣 身 陪 勘。」命 有不合即退思,思之而 則決 納 無頗。 都。臺 兩造是非 也。一帥, 之。 育,改 去而已。二 勘 府 帥 平 鼎 府史 大怒,先生歎 知 容 H 壓 立,大抵 不 ·謝之。 先 先 觸 可 生 怒帥 生 屈 就己意。 日 每 遂 承 審 日: 謂 送 媚 『吏 己。 獄 風

# 四年丁酉,三十七歲。

案:先生爲紹興司理凡七載,此文未定作於何年,姑隸《遺書》:紹興府元日,譔《釋菜祭文》。

又案: 《遺 書 續 集》: 秋 祀 禹 廟 文》、 晉 王 右 軍 祠 祝

於此。

文》,當均作於官紹興司理時。

五年戊戌,三十八歲。

六年己亥,三十九歲。

七年庚子,四十歲。

八年辛丑,四十一歲。

《本傳》:「丞相史浩以簡薦。」

移注。 乃不敢違,差浙西撫幹。 「性學 政,其民心敬而愛之。」得旨,任滿,都堂審察,僅 行狀》: 通 先生不欲。 明,辭 「太師 華 史越 一條達。 文安公書來勉之,不可。 Ŧ. 薦引諸賢 孝友之行 ,而先生 闖 内化之。 居第二, 親庭 施 有 考即 於 謂 命 有

九淵 審 宋史·孝宗紀 察。」 陳 謙、 葉 適、 「六月戊辰,史浩薦 袁 變、 趙 善 譽 等 + 薛 Ŧi. 叔 人, 似 楊 詔 簡 都 堂 陸

鄞縣主簿薜叔似等十五人。」《寶慶四明志》:「史浩淳熙八年八月罷侍讀歸,露章薦

誤也。 「史浩薦象山,六月二十三日得旨,都堂審察。」羅《志》 案:《宋紀》作六月,羅《志》作八月,《象山年譜》云:

忠定。 登進士 泉觀使。 宋史. 第。 史浩傳》: 請 拜 老, 尚 除 書 字直 太 右 僕 保, 翁 射, 封 明州 除少 魏 或 鄞 (保,觀 公。 縣 人。 薨, 文殿大學 紹 封 興 越 + Ξ, 土,醴 四 年 謚

端明殿學士,謚恭翼。 又《薛叔似傳》:字象先,其先河東人,後徙永嘉。累官

九 年壬寅, 四 十二歲。

《本傳》:「常平使者朱熹薦之。」

《行狀》:「朱文公持庾節,薦先生學能治己,材可及人。

居無何、關陞。」

《朱子文集·答劉晦伯書》: 「浙東學者多修潔可喜,楊

敬仲、孫季和皆已薦之。」

其家。 不便。 家業,子來訴其情。朱子遂委楊敬仲。 黄氏日抄》:「朱子爲浙東倉。 不與根治,其父得不銜冤乎?』」 朱子告之曰:『父死,妻輒棄背,與人私通, 有繼母 接腳夫,破蕩其 敬仲以子告母 而敗

生。 《行狀》: 求腳色狀,例遜謝不敢答。 「先生自入仕,固未嘗祈人舉,亦不效尤 輻集 ,溢數削 而諸公争推擁若恐後 稱 門

宋史·朱熹傳》: 字元晦,徽州 婺源 人。 紹興十八年

輒從部中

得

去。

剡 章

,返之。」

進士,官焕章閣

待制

益

日

文。

早,七月蝗 IE. 東路常平茶鹽公事。 王楙竑《朱子年譜》: 巡 歷 紹 ,巡歷紹興府縣。 興 八屬縣 、婺州 十二月六日 「淳熙八年八月,除 、衢州 八月,留台州,乞賜罷黜。 視事 二月 · 回 於 ~西興。 紹 提舉 興。 兩 六月 九 浙 年

> 此,薦先生當在是年九月前 改除江南西路提點刑獄。❶ 九月十二日,去任,歸 據

《朱子文集 吕子約,所聞者沈國正、袁和叔,到 修身亦皆可以取 以從游。 可 以廉勤 從游也。」 愛民 不惟可 答滕 爲先。❷ 以咨決所 益。 德 粹 熹所 幸 書 四 疑,至於爲學、 》:「大抵 識 明多賢,圖可 者 楊敬仲、 彼皆 守官

**一**西山 來歸 敬仲、吕子約、沈叔晦、袁和叔,此四人者,皆子所宜 八年中乙科,以恩陞首甲。 游者也。』」 ,教之以親仁、擇善,爲講學、修身之助,且曰 集•滕璘墓誌》: 「字德粹,世家徽之婺源。 調 鄞 縣 尉。 子朱子自 寓 淳 『楊 里 熙

案:《朱子年譜》:「是年九月十二日,歸里。」此書當

<sup>2</sup> 0 且。 提 點刑獄」,原作「提刑點獄」,據《朱子年譜》卷三改。 晦 庵集》(影印文淵閣《四 庫全書》本,下同)作

<sup>8</sup> 賢」下、《晦庵集》有「士」字。

寧宗即位,除太府丞。《宋史‧吕祖儉傳》:字子約,祖謙之弟。監明州倉。

十年癸卯,四十三歲。

攜二孫至臨安。來訪,留月餘而去。」《承奉墓碣》殘石:「象山爲國子正,承奉

之勝、欲往、未果。

今年夏四月,至定海,舒元英亦自大

鹹

來,即登候濤山

學。十年冬,遷敕令所删定官。」《象山年譜》:「淳熙九年,象山除國子正。秋初,赴國

案:據此,承奉至臨安當在九年七月後,十年十月前

《遺書》:「遺奠舒元英。」

相訪 矣」。 明之奉化, 簡官浙 英舒兄: 奠辭》: ,道子約之語 和仲兄謂❶『傳聞多失實,尚須審問」。 昨晨,家僕以書 「從政郎浙 西,應朝又自越來,同哭於此 亦 西安撫司幹辦公事楊簡致奠於元 然。 來,轉得之陳氏姑,謂『元 鳴 呼,元英果 往 矣! 既 元英居 丽 應 英 朝 往

共學於陸子。家居,教授,慈湖雅重之。」 黄宗羲《宋元學案·廣平案》:「舒琪字元英,文靖弟。

居 舒璘《文靖類稾· 明之奉化。 子 主 承議公壙誌》:「先君黻 日 琬、 曰 琰、 日 球、 E 字德 琳 日 濟。 琥 世 E

湖先生年譜卷

璘、曰琪。」

吕祖儉《游候濤山記》:「壬寅之冬,逐禄甬東。言候濤八年侍學,尤與楊敬仲、舒元賓相契,任邕川教授。《宋元學案‧槐堂案》:高宗商,字應朝,浙江人。乾道

作、當 春 楊敬仲方在 案: 有撫幹之命,但未及任事 生以十一年八月始領 初轉 是年四月間 在十年四 承務郎。 浙 西 月 ,元英尚在。 文稱 ,蓋淳熙十 後。 浙 「從政 文云 西撫屬 也 年 郎」,則元英之殁,祭文之 簡官 《學案》言宗商之官邕川 以 事 前 疑 浙 西一, 當 而先生以 都堂審察後,即 據《遺 書 + (), 先 一年

十一年甲辰,四十四歲。

《象山集·承奉墓碣》:「壽聖慶霈,以子

簡官,封庭顯

承

務

郎

0

親屬推恩有差。《宋史·后妃傳》:壽聖太上皇后,淳熙十年,年七十,

「仲」,原作「伸」,據《四明叢書》本、《慈湖遺

0

子,車駕詣德壽宮,行慶壽禮,大赦。」 畢沅《續資治通鑑·宋孝宗紀》:「淳熙十年十二

承務郎隸之十一年,蓋於次年始行恩霈也。案:據此,是壽慶在十年十二月。而《墓碣》以慶霈封

《本傳》:「差浙 因 修,衆大和悦。」 恩信,出諸葛亮正 X X 歲戒不虞。」乃令簡督三將 西撫 兵法,肄習之。 幹。 白 尹張 兵, 构 軍 一政大 接 宜 以

領事。」《遺書・莫能名齋記》:「爲浙西撫屬。淳熙十一年,既

信: 每 徒恃詐 武 戒不虞。』遂 穰,類多戾契,聱牙不 中 會,莫不服爲 (行狀): 論: 侯 本無事,及是多所 ❶人心至靈,至易感動 Œ 『元帥當以 力相 兵 「大尹 法, 委督三 籠 神 絡 調 張构雅 明。 四 ,若虎豹 肄 將 習之。 海 畿 委賴, 兵, 易 敬先 爲 甸 可 接 7,然,日 灾, 億 辦。 家, 吏 生,先生 衆 以 意 贖 恩 萬衆之心,一人之心 大 撫士卒如室中人,習正 憂 先 忷 信 日 和 其將噬,大不可。 生 忷 相 亦 悦 得 雍 口 銜 渠渠與之盡 其 容 測。 在 先 心 V. 庭。 腹,出 決, 生. 白 於 尹 的 天 是 諸 府 中 也 故 益 葛 宜 腠 幕 澔

> 《宋史· 正兵不可敗」,與孟子不嗜殺人之訓若合符 於不殺,講求諸葛武侯、李衛公陳法 袁甫《蒙齋集。 承奉墓碣》殘石: 張 後傳》: 慈湖先生陸君墓志跋》: 浚之子构,字定叟,孝宗朝知 「先生爲 浙 甚 詳 西 慈湖 節。 帥 謂: 臨 論 屬 安府。 『古者 兵,主 迎

案:《象山丰普》:「象山於享熙十年冬赴效局,至上承奉以來,與象山卜廨爲鄰。」

確知其月 年冬奉祠歸。」其與通奉共居 案:《象山 日,姑隸於此 年 譜 「象山 一於淳 臨安者 1熙十年 此 冬赴 三年 敕 局, 中 事 至 以 +

《遺 又案: 疑 Ш 作於其時 爲國 書》有《 先 子 生與 《侍 Œ 象 遷 象 Ш 敕 Ш 遊 同 局 西 在臨安者,前 湖 居 舟 中 中 近 觀 Ŧi. 胥 年。 則 必 乾 先 先 道 周 生 八年,後則 元 亦 忠 官 弈 浙 詩 西 象

忠,建昌南城人,象山門人。《象山集》: 胥訓字必先,臨川人,象山連襟。周良字元

● 「是益信」三字,原漫漶不清,據《四明叢書》本、《慈治

遺書

一》附録

補

十二年乙巳,四十五歲。

《咸淳臨安志》:「創莫能名齋於寶蓮山,

二月爲之記。」

《遺書》有《寶蓮官舍偶作》詩。

十三年丙午,四十六歲。

《象山集·承奉墓碣》:「光堯慶霈,封庭

《續資治通鑑·宋孝宗紀》:「淳熙十三年春正月顯承奉郎。」

書云:『汝勉吾爲西湖之遊。今日無處《遺書・紀先訓》:「淳熙十三年,通奉家朔,帝詣德壽宮,行慶壽禮,大赦推恩。」

有己。及問其所以爲己,卻又不識。人不西湖,無時不西湖。人朝夕區區,皆由

好思量,於此思量。」」

十四年丁未,四十七歲。

以歸。 爲? 不及。 踵門就見。 《遺書》:正月二十二日,書《與張元度》。 書》云:「臨川張元度,以鄉舉至禮部。 書於寶蓮山官舍。』」 簡堅謂 簡乃敘其略而告之曰: 『元度好賢樂善, 孜孜如 接其詞氣,知其誠恪可敬。 元度自賢自善,何所更 疑 告别,復求數語 持陸先生書, 而 猶 待 他 人

《象山 傳》,事在建武前。 書》云:『「精舍」二字出《後 應天山 ,講學,建精舍,居焉。 「淳熙 儒者講習之地,用此 十四年, 象 漢 Щ 與 登 . 楊 包 敬 貴 咸 仲 溪

名,甚無歉也。』」

庚

辰

《象山年譜》:「十五年,易應天山名爲象山。」

傅良等三十四人於丞相,後皆召用。《宋史•葉適傳》:適除太常博士,薦陳

葉適《水心集・上執政薦士書》:「近歲,海内方聞之士,●

●「方」、《水心集》(影印文淵閣《四庫全書》本,下同)作「名」。

陳傅 既得外遷,因不復人,況其自安常分,無所攀援, 爚、舒琳、●林鼐、袁謇、廖德明。」 德、戴溪、蔡戡、岳甫、 同、吕祖 王謙、豐誼、章穎、陳損之、鄭伯英、黄艾、王叔簡、 多,無裨萬 頹年,永絶榮進者乎? 能 可 當國家之用 ,嘗預薦聞 良、劉 儉、石宗昭、范仲輔、 清之、句昌泰、祝環、石斗文、陸九淵、沈焕、 未蒙旌擢 者不少。 謹自陳傅良以下三十四人,冒昧以 王柟、 適 而 濫膺朝列,聽聞短 其 亦 游 開 徐誼、楊簡、潘 有 九言、 雖 己 罹 有已經選用,不究才 憂患 吴端、 、恐致沈 項安世、 景憲、 狹,知賢不 徐元 馬大 聞 復貽 淪 劉

云: 輪對 故以適之薦士隸於是年。 六月即位,越二十六年爲淳熙十四 「陛下嗣位二十六年於此。」孝宗以紹興二十六年 適之薦書,年月莫詳。 ,除太常博士,薦陳傅良等。 《適傳》云: 年。 攷適《上孝宗劄子》 遷太學博 輪對 實在是時 士 因

至實文閣學士,謚忠定。 宋史•葉適傳》:字正則,永嘉 人。 淳熙 五年進士,官

文節 又《陳傅良傳》: 字君舉,瑞安人。 官至寶謨閣 待 制 益

十五年戊申,四十八歲。

本傳》: 一改知 嵊縣,丁外 製。」

六

宦焉。 《嵊縣志》: 《行狀》: 坊有慈湖書院。 縣西 「改宣教郎、知 「改知嵊 北 里有楊公橋 明 嘉靖三十三年,提學副 縣,未涖任。 紹興 嵊 以 縣。 簡得名。 而嵊 以外艱,不 人重其名, 使阮 北 門 内 鶚 檄 祀 桃 知

縣吴三畏爲簡立。」

案: 葬於縣之石臺鄉句餘村孝順 疾卒,享年八十有二。 ト以十一 承奉墓碣》殘石:「秋 《嵊 縣志. 官師表》作「乾道閒任」,誤也 八月戊寅,承奉以 里。 月 庚申

平生爲學本末,無不爲余言者。 《象山集·承奉墓碣》:「公諱庭顯,字時發」,「長不滿 四 日 人恭謹精悍,不屑碌碌,視天下事無不可爲者。 志益厲, 賁、育不足言也。 五尺, 薾然臞儒, 明爲多。 「畏夷狄,憂用財 自余未識公時,聞公行事、言論詳矣。 而 徇道之勇不 ,此宰相非才之明驗。」少 余獲遊甚晚, 可 四 回 方士友辱交於余,惟 奪, 血 而 氣 知公特 益 其言 時 衰 公爲 蓋 而 深。 有 此

0 琳」、《水心集》作「璘」。

心 心 嗇 每 自 嚴 有 嘉 功 督 有 改之耳。」一 意爲學, 自 發明 其子識 言善 止 一、公捐 精 過 雍 而 樵 益 過 視 亦 安其 嚴 無過, 如 童 旋 止 密 相 ൬ 以 此 及 如 行,不曠耳 養以 讀 財 又 吾 此。 事 止 子 念 得 示 若 於夢寐 書聽言 獨 夕被 張 取 謂 ,未嘗見公有 監 慮之失,智識之差, 道 無。 視 二三,已而 無 JЦ 燈 余 戒, 善 人 调 視笥 盗 明 日 則 自 博 或 ,怨艾深 ,必以自 人患 士 꽢 歎 書 有 而 0 族 ,告所亡甚多,吾 其不可 吾 日 知 過 紛 之盈室, 忿 殆未之思 多 過 諭 所 誨 省。 然。 躬 懥, 切,或至 汝。」 子 擇。 行 所 及,公曰: 0 孫 日 每 乃 有 自 著之累 毫 我 公容物 舊  $\Box$ 見其過 大恐 聞 也。」於是 É 感 責 釐 習 亦 念 者 「婢 泣 公家 之間 日 當 心 懼 曰 : 帙。 『昔甚 若 遠 敬 止 類 内 痛 初 積 新 尤 如 聽 虚 非 一世 告 無 思 訟 懲力 嘗 時 之。」檢 此。 形 之, 不 功 有 苟 既 不 日 人 其 見。 盜 然 置 改 日 自 久 今吾 患 即 闔 人 如如 著 恕。 門 吾 吾 身 其 程 刻 得 則

釐 宋元學 不宥 ,至於泣 案 下。 山 案 是 慈 錢 湖 融 過庭之教所 堂 謂 通 自 奉 省 出 過 也 最 嚴 毫

《象山年譜》:「淳熙十五年,象山作《承

辭 奉 墓 故 碣 不 ×, 苟 每 作 謂 余 銘 志 南 墓 非 慈 古 溪 而 銘 君 子 多 溢

墓,海内名識謂無愧辭。」」

進,當今所 行狀》:「陸文安公碣承 識 四四 明 楊公 奉 人 墓, 而 己。」 謂: 年 在 耄耋, 而 學 H

《象山集•黄世成墓銘》: 南豐黄世成,卒於淳熙丁未。

十六年己酉,四十九歲。

先 記 沚 遊 元 全 是 於碧 祖 在 北 史 如 望 文元 忠 雲, 沚 ^ 鮚 定王 袁 木 埼 之 鐸之 正 亭 館 講 獻 集 沈 學 聲 時 端 外 於 相 亦 憲 編 碧 聞 來 於 預 沚 竹 竹 楊 以 洲 洲 湖 文元 史 在 F. 又 氏 四 書 延 也 文 院

- ●「常」、《象山集》(影印文淵閣《四庫全書》本,下同)作
- ② 「而吾獨」至「一過」十八字,原無,據《象山集》補。
- ③ 「懥」,原漫漶不清,據《四明叢書》本、《象山集》補正。

鄞 縣 志 碧 沚 書 院 在 西 湖,文元講 學 處

竹洲 結埼 宋史• 亭 史 集 曲 〈浩傳》: 外 0 編 忠定最與 淳 竹 熙十 洲 書 端 年致仕,晚治第鄞之西湖 院 憲厚 記 ,割宅以居之。 史忠 定 歸 老 御 上。 賜

精 開 士 至官,去以丁未,凡六年。 宋元學案· 舍、惟 講 ,學者遂以祖儉代文靖,亦 於碧沚 舒文靖 、沈端憲講 東 以 萊案》: 宦 遊 於竹洲 出 日 時 祖 祖 稱 明 儉監 儉 緊察則講於城 州 四四 於 諸 明 先生」。」 諸 先 州 講 生多 倉 院 ,以淳熙壬 里 無 南 日 居 之樓 不 會 慈 氏 Á 湖 寅

官。 幹。 案 西 去宰樂平, 未及用」。 庚戌二年閒《學案 《 西 先生於壬 逮戊申八月,始丁父艱 Ш 則 則 集 其 先是亦 寅 八講 學 袁正 ●癸卯 於碧 未 獻 》誤也 歸 行 狀 沚 甬 官 歸, 而 上。 》亦 紹 得 興 0 以 與 先 紹 而吕子 司 、絜齋 生於紹熙二 熙 理 初 往 甲 ,約已先 「連遭 還者 辰 差 内 年 浙 當 外 年 服 西 在 艱 翼 去 撫

忠獻 遠。 忠。 案 殿 大 史氏從學於先生者,凡七人: 學士 宋史》本傳: 桷 浩幼子彌堅。 謚 延 文靖。 祐四 明 字 ₹志》: 詳 同 見下嘉定二年 叔, 延 以子嵩之爲丞相 拜 祐 太師 志》: 左 字 浩 注。 丞 固 從 相 叔 弟 累 封 與 浩 漸 衛 諸 之子 之子 除 Ŧ, 兄 資 彌 並 政 彌

> 《史氏 傳: 以資政 旨。 《學案》: 之,詳見下嘉定十七年注 州 學 文獻》:字子應,少 於慈湖 君定之、皆楊、袁門 字 嘉定閒 結埼亭集 家傳》: 南 殿 「從慈湖 學士卒,謚 叔,嘉定十年進 以 知 彌遠久在 饒 字 外 州 振 遊,好 編 一時 叔 忠 《學案》: 扶 人之傑然者。」一 相位 甬 宣 祖 學 戴 東 士,官至直文華 浩 彊 表 勸 静 記。二 造朝。 浩孫 元 定之, 清 漸 歸 之子 書 剡 不聽,遂 彌 院記 孝宗 浩弟 源 亦楊門 正子定之。 彌 集 浩 鞏。 涓 奇之,且 食祠 題 閣, 孫 高弟 之子 跋 和 彌 知 宋 禄 大 旨 史》本 婺州。 於 彌 四 子 勉 字 與 林 以 明 和

光宗紹熙元 年 庚戌,五 十歲

本傳》:「 服除。」

案"先生以淳熙十五年八月丁 艱 則 除服當在 是 年冬。

### 年辛亥,五十一 歲

- 0 「一」,原空缺 本)補 據《四 明 叢 書 本、《結埼 亭 集外編
- 0 丁」,原作墨丁 寅」原作墨 T, 據 據 四 四 明 明 叢 叢 書 書 一》本補 本 補

8

奠辭: 任 几 袁燮《絜齋集・沈焕行狀 官, ①不得執 以三十年 致奠於叔 月戊寅,終於寓舍。 也 先生 宣 是 相與 晦 一教郎 時 通 紼 當 判國 相 新 而從柩。 E 切之情,三十年相與 差知 録。 膺 新 饒 十二月丁酉,葬 叔 別州樂平 差樂平之命, 晦善言善行,奚可 奠哭别,嗚呼哀! 叔 縣 晦年五十三,紹 主管 相 鄞 勸 至明年 切之義,遵 縣翔 農公事 悉數 鳳 春 熙二 鄉 楊 始 制 簡 之 赴 年 簡

三年壬子,五十二歲。

本傳》:「知樂平縣。」

《遺書·樂平縣學記》:「紹熙三年二月閏朔,始領

《樂平縣志》:「以奉議郎任。」

邑

事。」

郎。 案: 二年,《 兀 「年《祭沈元禮尊人文》,故亦 祭沈叔晦 文》稱 「宣 教 稱 郎」,是 奉 議 郎。 年 始 轉 奉 議

「興學訓士,諸生聞其言,有泣下者。」

苟旦暮。先生曰"『教化之原,可一日緩乎?』撤新之。《行狀》"「宰饒之樂平。故學宫逼陋,甚危朽,相支柱,

湖

先生年

譜

之心。 無不 往謂 倦 猶欲使舉吾邑人皆爲君 者所薰灼, 簡竊惜之! 即 匐 求,不待外學。 開 於高 使進於科目,非具 求真 首 白 至 堯、舜、 將 剗 一靈,人性至廣、至大、至高、至明,人所自 ]明學者之意,亦大失國家教養之意。 登 聽之者人人可曉。 科 講 入井,誰無 知敬其兄。 取經義、詩賦 賢實能,共 除氣習、脱落意蔽、本心本自無恙。 人人皆有此心,而顧 他 席,邑之大夫士咸會,誨之曰:『國家設科 禹、湯、 何以 爲? 理 往救之心? 孩提之童, 見牛觳觫,誰無不忍之心? 文、武、周公、孔子之心,即天地 文而 天 、論策耳。 下。 持此 異 已。 敢先以告。』每謂: 子, 況學者乎?』 時 設 無 心讀聖人書,不惟大失聖人 爲 學校,亦欲 然士之應科目、處學 是謂仁義之心,是謂 善爲是,雖 汩 不 庸 於凡陋,視道 知愛其親; 庸逐逐貪利禄 教養真 人性 士行 誨 其 『教養兹邑 有,不 及其長 掃 至善,人性 之諄 爲 言 見 賢 盡 高 患得 孺子 坦 校,往 目、欲 良 實 鬼神 諄 待 深 易 無 心 也 能 失 匍 不 出出 明 害

- ■「制」,原漫漶不清,據《四明叢書》本、《慈湖遺書》補
- 「稱」,原爲墨丁,據《四明叢書》本補。

2

九

遠 寢 自 食 位,遠 自棄 日 得 近爲之風 自 聞 聖賢 顛 冥 動。」 與 而 我 不 同 知 有 心 日 泣 下 用 者 平 常 無 人 非 齋 舍 大道 畫 夜 而 忘 我

訓》, 有古今, 王 應 麟 日 性無 摭 「學 餘 者,孝 古今。」聞者興 編 . 而 慈 已矣。 湖 先 生 起。」 時 傳 有 古今,學無古今; 字 ·樂平, 爲 講 時 堂

湖 宋元學案· 於縣 庠 聞 其提 慈湖 此唱,旬 案 有 「曹夙 四 Ŧi. ,字叔達,餘干人。 日 而忽覺。」 見 慈

案: 平之講堂 餘干、樂平 ·俱 屬 饒 州。 其云「見於縣庠」者, 當即 樂

記

懷中。 君 遺書 「備言 · 奠曹叔達辭 比 裕甫遠 裕 甫、 來 叔達之洞達。 即 訪 「思念吾黨之士,叔達 動 静。 使 裕甫莫之知 君報緘,曰 適通

未嘗

不

在

一叔

達

物

史

使

史使君 指定之,時 知 饒 州 故矣。」

江 楊、石二少年爲民害,簡置獄中,諭 西通志》: 「舒益、字裕甫 ,樂平人,楊簡門人。」 以 禍

恥。 福。 夜 咸 感 無盜警,路不拾遺。」 悟 願 自 贖 由 是 邑人 以

訟

爲

《行狀 贖, 狀,趣 警,路不拾遺。」 誰 或不才長吏,反利之爲鷹犬,挾借聲焰,生 恫喝官 何。 由 **\***: 提 是 交事未久,果狺狺然來 府,姦人無賴 足不及公門。 圄中,加責罰 「初入境,訪求民 淵藪歸 諭以 邑 瘼 人化之,以 禍福利 八則聞 之。 ,摇牙庭 楊、 害。 起 訟 事 下。 石二 咸 爲 感悟 其爪角 先生灼 賊 恶 恥 少 我 願 夜 以 莫可 良善。 見 無 嚚 終 盗 自 健

遺書》:「八 月, 譔 樂 平 縣 重 修 社 壇

《記》云:「春二月 庭,而修築其牆。 閏 仲 秋訖 朔,簡既領事,命 功。 乃秉筆 而 新 縣 社 之門 與

四年癸丑,五十三歲

遺書》:二月戊戌朔 遺奠孫 明 仲

簡謹遣 奠辭: 聞 其 対執 專 如 事敬』之一 「紹熙癸丑二月戊戌朔 致 此 奠之禮於明仲至契: 閱 兩 言,日夜從事,至右手運用 旬 忽大喜。 奉議 自是 明 ,發言頓 仲 郎 純 知 饒 恪 異曩 州 其 進 樂 左 德 昔。 平. 有 縣楊 拱 證 及

其

<sup>0</sup> 「八月」、《四 明叢書》本無此二字。

爲里正,公移方急,奔走應辦 而 實未嘗微 動。

簿,從學。 宋元學 案 紹熙三年卒。」 慈 湖 案 明 仲, 富 春 先 生爲富 陽

遺書》: 新樂平縣學成,記之。

同官協謀,邑人丕應。 廊翼之。 無以起 記》云"「三年,簡領 人崇敬之心。 因廊爲齋,學者有安居之所。」 縣 思徹 越明年,中殿崇成,戟門 事、敬 而 新之。 瞻聖人之宫,❶隘 縣計 大匱 前 不 陋 甚 可

爲記 金谿宰 以紹熙三 象山 月九 年 主大 一年十二月卒 日 有建象山 象山 撰《二陸先生祠堂記 弟 復 、復齋二先生祠。 於 齋先 荆 門 生, 軍 四四 淳熙七年 年 Ē 六月癸丑 月 柩 卒。 歸 於 象 簡 Ш

無 濟 損 内自任 樂平縣 可貸,請之倉臺; ,次第具 令楊簡憂盜起,講聚民之政 ,稍采鄉譽,分鄉 志》: 舉: 「自夏 邑 無 可 徂秋,不 邑 糶 無 職 責 可 糶、曰 之民 濟,移之上 雨 年 以 貸 穀 關 邑 日 郊 大

> 供。 歲 雖 饑

之意。」 境 錢市米,山 案: 斷刺則 董煟《古今救荒活民書》: 邑之父母,不勝痛切。」又有《諸 肅 《遺 然。 復爲盜,配 書 此 路遇亡命,縛 雖 祈 苛 雨文》:「東作 切 去則 之 政,然 逃歸,斷 而取之。 「紹熙四 深 方興、民 廟祈 合周 足 邑宰楊: 年,樂平 雨 筋, 公『荒 田 文》、《 傳 盡稿。 簡 部 政 謝 日 示 除 雨 簡爲此 村 山此 盜 文》。 民 賊 曹 攜

陂澤, 匆 除 萬家之邑,雖饑不害矣。 實惠不及民耳。 憂,良深欽歎。 别累年, 趙汝愚《忠定 粗 截撥上 此 一二條目,極爲切 占報,惟爲民社 惟 一供三萬石外,更賜僧牒六十道。 有悁 集 異 企。 有如 時 與 遠 州 楊 誠 加 示書 縣 當。 奉議書》: 心軫惻,先事 來諭 意 舉 解,想 以 行 足見學力深到 即 荒 需 政,率 異用。 與丞相 懇然 「汝愚悚 而 不 以 圖 不宣。」 言之。 滿 伏幸照悉,匆 募饑 境 ,爲政 息 人意,顧 内早 上 聞 民 啟: 有 閣 以 歉 方。 興 郡 以 爲

- 0 聖人」、《慈湖遺書》作「先聖」。
- 2 復齋陸 齡 實爲陸九淵季兄。

年 鄒 遺 秋,予 生夢遇者 鄒 視旱, 德 顯 初 過 聽 墓 予言, 一銘》: 其 鄉 「金山之桐林 未以發。 接 遇, 稍 紹 異 熙 於 有 几

滌其滓。」 首 冒襄《辟 一,得 鄒 夢 疆 遇 園宋文選》楊簡 ,簡字之曰『元祥』。 鄒 魯卿 元 墓誌》 祥 自 有 覺, 「簡爲樂平 簡 從 而

曩

矣。」

『今之令有慈湖否? 稱爲直友。 斥。」慈湖 諸文告。 弟 宋元學 樂平縣 ,喜怒不形,處事 案 志 王 亟改,自謝 \*: 其門人鍾季 一琦謂: 慈湖案》: 夢 遇 『良知良 不敏。 ~,字子 於義,不可 今之友有先生否?』」 「慈湖爲樂平, Ē 祥,以 有 王琦,字表文,樂平人,慈湖 能,人皆可爲堯舜,無 《慈湖 奪。 辭 謝 賦 從邑宰楊簡遊 以『訂 過 薦 遺墨跋》, 於 鄉。 頑二 爲 字 以 人 云 用 孝 頑

曰:「武城宰得人矣。」叟。子燮,字敬叔。俱受業於慈湖,許以「有得」,且史。子燮,字敬叔。俱受業於慈湖,許以「有得」,且又:馬樸,字季文,樂平人,主廣昌簿。猶子應之,字定

嘉定進士,官貴溪丞。袁甫表諸朝,稱其學有淵源,實《江西通志》:「鍾宏,字子虚,樂平人。從邑宰楊簡遊。

康,以 溥,字成大。 得 官 故閣學 知 蔭入仕 茶陵縣 楊簡之傳。 余元發,字永之,以辭賦 ,篤志於學。 曹正 ,字性之,官 同 邑 皆簡門 又 有 洪簡 永明 人。」 薦。 尉 字子 學 王晉老,字子 有自得。 斐, 以 蔭 方 補

簡。 《樂平縣 湖 薦於鄉,簡 廷本,以 嘗 曰:「塤敏,不踰 吴塤,字仲和,與 志 經學薦於鄉,簡嘗器重之。 稱 「鄒近仁,字魯卿 其 樸 茂。 月而 弟 坰 劉 至,坰 俱學 九 思 叩 於簡。 踰年 字, 道於楊 得 彭椿,字 亦 之, 坰,字 當 簡 知 以 德 春 易 仲 卿 程 郊。 數 以 廉,字 吅 慈 賦 於

犯禮 羊 求 官》禁飲法,斥侑飲官婢配之,官民 疵 樂平 牧芻之説 多 癘 福 所從起,爲禱 縣志》: 因 郡 以 官督 告,守不 甫 脱 誄 征 數 M 乃 荒 百言, 敢罪。 援《 復 大旨: 大 孟子》受 疫。 又行 使 無 民 簡 ^ 周 4 敢 自 求

《遺書·誄辭》:「禍灾之來,惟人自取。於大道太和之

0

中,起乖戾悖亂之氣,薰蒸流注,疫癘斯起。今兹禱祈,

葺樂平主簿廳,爲之記。

衆

心

誠

可

以變禍灾爲吉祥。」❶

考者。」 早暮 所回。 有址於縣之東,久爲荒墟。 記》云: 徒 簡喜於得良友。 步 「是邑丞、簿咸寓蕭寺, 可 以 相 過, 屬 縣東堂幾 簡記 簿君 廳壁, 周 而 <u>二</u> 簿 正,字仁甫,質 且追 楹,請 廳之廢 書 前 葺 特 而 官之可 甚 居焉 直 無 舊

十月,裘萬頃任主簿,初見長官楊簡,拜

爲道德師。

《四庫全書提要》:「裘萬頃《竹齋詩集》三卷、《附録》一

卷。楊簡誌其墓,以默識稱之。」

士,爲樂平簿。清聲播聞,遷大理司直。」 凌迪知《姓譜》:「裘萬頃,字元量,新建人。登淳熙進

《遺書》:奉檄往哭象山,復會葬。及歸

自金溪,留宿本縣仙樂觀。

《象山年譜》:「冬十一月九日,葬於貴溪延福鄉朱陵。

門人奔哭會葬者以千人。」

《遺書》:譔《祖象山辭》,代李伯誠譔《祭象山文》。

然? 我聞 宵 案: 生官樂平時,有甘 水 膏 繞 《遺 此言· 丹 露降濡 我之審嘗甘如 爐 書 半 葉 濡。2 疑 明 留 信 潤 宿 踏 露降之瑞 仙 夜來輿從留 樂觀 旁 破曉 飴 ●是誰 觀 光 復 詩 上 折 云: 孤 取 執 Ш 峻。 道 此 以 觀 變化 前 此 巍 ± 然古殿 瑞端 清 連 晨 日 呈 喜 祥 據此,先 漢 邑 告 應 大夫。 余,昨 天師 詎 偶

五年甲寅,五十四歲。

《遺書》:二月,譔王珪《節庵記》。

《記》云:王珪,字玉甫,樂平懷義鄉人。

《象山年譜》:「二月十六日,譔《象山行

狀》。」

人情 《文靖類稟·答敬仲書》: 能 閒 成載子伊 辨 欺蔽,道心不著,不知者徒 敬仲以爲何 JII 事甚當。 如? 然鄙 「《象山行狀》,洞見表裏。 意謂 此 生矛 等事,未易輕以 盾 既知之,彼自 告 其

- 「吉」、《慈湖遺書》作「福」。
- ② 「宵」、《慈湖遺書》作「朝」。
- ③ 「之」、《慈湖遺書》作「亦」。

賢之。」以公議所與,楊簡、劉仲光之流,世皆《絜齋集‧樓鑰行狀》:「鑰薦士於朝,必

各舉通亮公清、不植黨與、曾任知縣者二人。《宋史・甯宗紀》:五年八月丁巳、詔侍從、兩省、臺諫

所推 楊簡 之政,著於劇邑。 聖旨,●令侍從、兩省、臺諫各舉通亮公清、不 此二人者,實可應通亮公清、不值黨與之選。」 有 曾任知縣人二名者。 樓鑰《攻媿集·舉楊簡劉仲光狀》:「准尚書省劄子,奉 立。 ,學問深淳,操行介潔 曾 朝 知 請郎監 隆 興 府 登聞鼓院劉仲光,純粹而 是臣鄉人,素爲畏友,非敢私薦,公論 奉新縣 右臣伏覩奉議郎 ,議論堅正,皆有本原。 甚 有政聲,又 知饒州樂平 有 能 關 剛 植 決之譽。 , 疏通 黨與、 -縣事 愛民 而

《宋史‧樓鑰傳》:字大防,慶元府鄞縣人。累官吏部

《遺書》:新饒娥廟,碣而記之。

尚書,謚宣獻。

聞於帥 而 記》云: 雨,疾禱 請奏於朝,求錫 「饒氏孝女。 而安,事禱而應。 邑 命焉。 人祠 簡脱遷 而祝之,歷 簡忽叨 别 祠 **胄學之除** 而 年 新之。❷ 數百 早 將 又 去

邑。邑人請碣而記之。」

《樂平縣志》:「簡教民以孝弟爲首,新饒娥祠,朔望拜

之,曰:『吾以教孝。』

道,庸示百里。」 雖無舊文,當啟新儀。一獻爲禮,神豈需此? 昭明孝雖無舊文,當啟新儀。一獻爲禮,神豈需此? 昭明孝《遺書續集・祀饒娥僊聖文》:「簡長斯邑,首訪而知。

《明一 不食,死。」 娥碑》: 統志》: 饒娥,饒 「饒娥 人。 廟 父醉漁 在樂平縣東三十 溺 死。 娥走哭水上,三日 里。 柳 宗 元 《饒

譔《孚惠王廟記》。

聞。 《記》云:「樂平之所崇敬,旱能致雨,禱焉而應,靈感 忠烈王。 遐邇 宜刻石,昭 畢趨者,曰 紀事 鳴 Ш 節。」 一之神 神 之號 E 威 惠 善 濟 廣

案:《記》不詳年月,姑坿於饒娥廟後。

曾熠《己易序》:「删訂《己易》。」

案:《序》云:「先生宰樂平時,嘗删訂《己易》。」以年月

- ■「奉」,原作「奏」,據《攻媿集》(影印文淵閣《四庫全
- 「脱」,原空缺,據《四明叢書》本、《慈湖遺書》卷二補。

2

未詳,姑隸於此

樂平縣志》: 題小甘巖詩。

宰樂平時作。 蒙澤亦甚」。 案:《遺書》作《題樂平明巖》。 詩十章,有云「洎陽爲邑,實惟所臨」, 四章,有云「幸吾樂平之民兮」,《上耿泉使 》詩十二章,有云「洎陽爲邑, 《詩序》云: 「樂平令楊簡獻。」據此, 又有《賀王使君 罹 早 則 Ê 甚。 鄧 生 故 憲 朝 南風 維 生 雲 私 知皆 辰 臺 邑, 》詩 岷

其别圃

而

16銭馬。」

《本傳》: 縣民隨出境外,呼曰:『楊父。』」 召召 爲 國子博士。二少年大帥

苦旱,②赤地 綬,去作國子師。 楊父,泣拜戀戀,不忍離。」 洪邁《野處類稾 行狀》:「楊、石二人者,大率衆相隨出境外,呼 無餘遺。 邑人十萬户, ❶遮道 送楊簡遷國子博士》詩: 饑殍千百輩,上山争採薇。 要兒啼 楊 君 楊 先生 採 歲 解 天 墨

有時 明 爽 偷兒紛 年 出 廳 盡 事,日 詎 狗 登 鼠 能 比 鋤 暮 救 治 長 屋 忘 饑? 無 如 過歸。❸ 流 平. 移。 時。 慨 然顧自任,舍我將 史牒 大家儲陳粟,出 意手 載循吏,於今親 摩 撫 如子 糶 告 得 不 誰 見之。 母 敢 慈。 遲。 昧

> 我亦受一廛 述路 人頌,持作送君 惜 哉 語 詩。」 離 橋 Ш 未 訖 役, 酌 餞 疏 酒 巵。

德彰,所居伊邇 遺 書 舒德彰 墓銘 節 朔 相 「簡爲樂平。 過。 暨拜 博 舒同 士之命,4 年之弟揚,字 延 2簡於

遺書於此。」 簡嘗爲邑令,既去,門人袁公輔 明一 統志》: 「遺書閣。 在樂平縣儒學講 提刑江東 ,肖像, 堂 後。 藏其 宋 楊

惓於其遺書如 生嘗宰斯邑矣,邑人沐先生遺化,歌思至今勿忘 君溥、許君應龍與夫有職於學者舒君益而下 人,薈萃先生所著羣書於閣 蒙齋集·樂平慈湖 此。 閣 書閣 既成, 記 而甫爲之記。」 **\***: ,而率學子日觀習焉。 「書閣之建、邑之令佐 凡十 蓋 有 故 先 四 謝

- 0 十」,原作「千」,據《兩 全書》本,下同)卷一百五十七改。 宋名賢小集》(影 印 四
- 8 2 苦旱」、《兩宋名賢小集》作「旱苦」。
- 遄」、《兩宋名賢小集》作「旋」。
- 4 暨」下、《慈湖遺 書》有「某」字。
- 肖」上,《明 統 志》(影印文淵 閣 四 庫全書》本,下

楊

詩書之邦。 ,以崇教化。 文元公之宰 向之蒙公惠澤者,由今觀之,皆其 未幾、民翕然應之、嚚訟馴 服,至今號 高 曾祖 爲 父

愛人。」有以哉! 餘澤在人,尚感念之不泯。 袁正 肅提點江東刑獄,乃創 孔子曰:「君子學道 書 樓 於

學

則

於縣治之東,爰築宫其 廟之後。 人本朝,至元十九年,縣尹翟衡得魏氏之隙 人上,率 諸 生舍奠焉。 事 聞 賜 地 額

曰「慈湖書院」,設官如令式。❷ 孫 同 翁 來爲山 長。 素使過 是 州、 至正辛巳,公之五世 既 拜 謁 祠下,同 從 翁

朱文公爲 求爲之記。 浙東常平 予惟楊氏學出於陸文安公,其爲樂平也, 使者之所 薦 也。 不 知 者 以 爲 朱、 陸 實

異學,可勝歎哉

今學院有田,母以養學者於其中,

他

日

出

而

仕

於時,當以是爲師

範矣。」

元公遺 趙 偕《 書 《寶峰 》詩 當 集》有《送楊大章往江 指 往 樂平遺 書 閣言 也。 西 因尋訪 楊 寔《 成 先世 化 四 文

者稱 谿 明 志 人。 寶峰先生。 嘗讀文元 ⑤芮,字大章,文元五世 烏斯道《春草齋集》: 書 恭 默 自省 悉棄 孫。 舊 趙 芮,號小隱 業,尊崇之。 偕,字子永,慈

(行狀》:「未三考,以國子博士召。

紹

熙

常服 之舉; 孝宗 之制 以往、則堯、舜、三代之盛復見於今日。 妙、欣欣然人自慶幸,謂:『先聖贊《易》, 五年, 但臣深恨上行而下未效,羣臣衰服之餘 後未之聞 乾》繇,反 下順聖心行之,破羣臣 復 則 寧宗即 此心,堯、舜、三代之心。 紫緋 古,且謂 先生奏:『陛 也。』御筆遵孝宗成規,復三年 禄,大 復數千百言,發人心 位 金 之初 主 非 下此舉,堯、舜、 亦 禮。 年 欲 也。 非禮 虜 依 人 仿 既 久例, 曩 而 赴 順 固 日嘗歎 行 監 亦當 此心 三代 有之 今 講

0

明叢書》本作「實」。

<sup>0</sup> 也一 四 明

四庫 令」原漫漶不清,據危素《説 全書》本,下同)卷 補。 學 四 明 稿 叢書》本作「今」。 》(影印 文 川淵閣

<sup>8</sup> 使」《説學齋稿》作 一始

寔」、《四 院」、《説 學齊 稿》作「書院」。

溥及四夷,心悦誠服,豈不益光明偉特爲

萬世法歟?』」

月前 禮。 案: 宣 獻薦之。 《宋史·甯宗紀》: 先生始上 也 十一月,韶 奏。 據 此 行孝宗三年喪 八月丁 則 博 士 已, 韶 之召當 制,命禮官條 舉 在 通 八 亮 月後 公 清 + 具 典 樓

祖 周 自 一儉等道 密 長 沙 《齊 召 東 學諸 人,爲待制 野 語 君子。」 **\***: 趙 0 汝愚拜 侍 經筵。 右 相,「以 及收 召李祥 朱子 有 、楊簡、 重 名, 吕 遂

第一,召 宋史• 試 趙 館 汝 職。 愚傳》: 甯宗立,命爲光禄大夫,右 字子直,居饒之餘干 縣。 派 相 擢 進 士

《文靖類稟》璘《答國博敬仲書》

得 否? 道 風 雖 盡 書》云: 哀,退 羅 ,無治人之法? 未易返。 少定,然 子 集賢果 有、 與 「壽皇 鄧 諸 傳 敬仲爲 夢 相 生 聞 敬信 崩 真、 坐 猶 棄。 哭 伴 我若 國 汪 明 奂。❷ 得 行館、 子 憂戚之懷,正 倫 無 展 師 堂 虧 盡 戴泳 下。 吾 如 底 隨 藴 何 友 處皆應。 當是 端 否? 人 皆 如來 中 居 有 時 静 朝 啟 璘 事 、输。 念, 發 學 與 可 方岌岌, 或 中 有 諸 公庭不 自 諸 進 治 公數 蔽 生, 己之 但 萬 自 能 頹 人 後

> 致文靖,文靖答之如 案: 語 悉空。 壽皇孝宗崩於六月 0 璘 日 來 灼 此 見 此 戊 弊,不敢 辰。 先生 不 任 勉 博 ± 更 後 望 見 當 教。」 有

《遺書續集》:冬抵臨安,祫享。

學官。 《祭文》云: 宗,謹以清 及其高祖」、「支子不祭、祭必告於宗子」。 敢不敬之承之? 兹豈 酌庶羞用薦給。」 「簡進 簡之所 《禮》曰『大夫士有 德 自 未純 致 ? 未能寡 實 惟 過。 上 省 世 叨 於 蒙 之 其 簡 遺 君 新 既 命, 訓 告 則 未 備 於小 於給 泯

慶元元年乙卯,五十五歲。

《遺書》:正月,記内訟齋。

《記》云: 見其人矣,先公有焉,仲 「孔子曰 吾 未見 兄 有 能 焉。 見 其 簡親 過 而 見 内 先 自 公自 訟 者。」今 悔 自

■「待」,原作「侍」,據《齋東野語》(影印文淵閣《四庫全

②「伴奂」、《舒文靖集》(影印文淵閣《四庫全書》本,下

③ 「悉」、《舒文靖集》卷上作「皆」。

◆ 「豈」、《四明叢書》本作「其」。

之,而仲兄樂之。 仙 齋,亦如今國學有 知 怨,至於泣下,至於自拳。 林寺之北官舍。」 古訓所謂 「内自訟者」,予有過,實自訟。 簡起敬起恭, 齋 日 「自訟」,有大過 仲兄當告簡日 謹發其義, 則 居 書於行在 『吾今而 是以 焉。」士 内訟名 後 所 恥

承奉墓碣》殘石: 庭顯次子篆

仲當是篆之字。 案 篆,家於慈溪。」 齋。」吕 《遺 祖 書 一儉《游 張 兼信 則篆又字希度也 候 濤 雍 墓銘》有云「簡得 Œ 山 記 慈 **\***: 谿 縣 「史丞 志 **\***: 相 「篆字 之先兄 館 賓楊 醇 和 希 仲 仲 度, 號 名 訟 和

義,臣 將潰 忠 愚 《本傳》:「會斥丞相趙 屬 抗章辨之。簡上書言:『昨者危急,軍 冒 日 陛 (亂,社 萬 以義訓 下 恥 死,易危爲 所 之。 稷將 心 諸 知,不必 未 生。 傾 幾, 安,人情妥定。 危。 若 亦 見 深辨。 汝愚。 陛下所親 利 遭 忘義,畏 斥, 臣 祭酒 主 爲 汝 見 管崇 害忘 祭 愚 李 酒 汝 之 民 祥

> 祥、博士楊簡以黨趙汝愚罷 愚爲觀文殿大學士,知福 宋史·甯宗紀》: 二月戊寅 州。 以 三月甲寅,國子監 右正言李沐 言 祭 罷 酒 趙 李 汝

二八

事,請 が拚 亂。 之何?」楊簡亦以 稷,精忠貫於天地。 族之既,奉太皇太后 洶 洞霄宫。 罷其政。」汝愚出 士 爲正言。 又《趙汝愚傳》: 行狀》: 一,知福 洶。 兩宫隔絶 列 死耳。』遂上書言: 留 劄 州。 趙 國子 奏:「汝 正 不 汝愚斥,李祥抗章辨之。 棄 臺臣合辭乞寢出守之命,遂以大學士 . 許。 監 相 國 韓侂胄欲 祭酒李祥言: 浙江亭待罪,遂罷右相,除觀文殿大學 位 八爲言。 人愚以 喪 告 而 命 無 乃卒受黯 同 去, 同 飒 主。 『臣與 列,人人相 李沐劾祥、 姓 陛 官 逐汝愚,擢 汝愚以 居 下以 僚 相位 黮 、汝愚,義 幾 「去歲,國遭 而 登 欲 去。 簡 樞 將不利 九 顧 解 臣 「先生案 其黨將作監 Ŧi. 語 罷 散 合者 天下後世 獨 難 , Ø 勳 不 大戚, 於社稷,乞 也 先 避 軍 勞 學 著 隕 生 民 館 汝 李沐 日 其 於 身 將 中 提 愚 舊 謂 社 滅 爲 外 舉

贵

每

事

盡

善?

至

被

不

韙

以

出

則

舉

天下

皆

能

亮

其

忠

2

道宫。」●

<sup>0</sup> 宫」、《宋史》作 觀

解」,原作墨丁,據《宋史》補。 《四明叢書》本作「涣」。

之。 也。 而 汝愚往 時 未幾,亦遭 端 士正人,例 矣,不當復來。 斥。 誣以 諸 生復激於義,爲先生辨,又斥 僞 今日之言不爲汝愚發,爲 痛黜逐 埽 地,不 留 根株

留汝愚,李沐又劾之。」宋無名氏《慶元黨禁》:「二月二十八日甲申,楊

而

其旤

滔

滔矣。」

讀。 激 中、 又《章穎傳》: 趙汝愚以言去國,祥上疏争之。 宰執四人,待制以上十三人,餘官則楊簡等三十一人。 俞文豹《吹劍録 上,韶宏中等悉送五百里外編管。 罔陛下之聽。 知邪正不兩立,思欲盡覆正人以便其私 宋史·李祥傳》:字元德,常州 李沐論罷 續資治 ,力辯其非,即遭斥逐。 周端朝、張 謚文肅 通鑑 趙 汝愚,中 字茂 臣恐君子小人消長之機,於此 道、林仲麟、蔣 外集》: ●侍郎劉 宋甯宗 獻, 外咨憤。 臨 紀 江 六館之士拂膺憤怨。 ×: 軍 傅、 四 人。 章穎、李祥、楊簡發 除直 無錫人。 珏 月 徐範六人上書, 時 官 庚 請 龍 號爲六君子。」 禮 申, 置 圖 ,於是託 部 偽 學 逆 黨籍 閣。 遷國子司業。 太學 尚 一判。 書 謚 生楊 朋 李沐 肅 升 於 黨 簡 疏 侍 以 自 宏

通鑑輯覽》:楊宏中,字充甫,福州人。周端朝,字子

福州人。蔣傅,字象夫,信州人。徐範,字彝父,福州侯静,温州人。張道,字用叟,福州人。林仲麟,字景冲,

一年丙辰,五十六歲。

官人。

《遺書》:王子庸請書。

簡

上

疏

得罪去國 皋旅次。」 書》云:「錢塘王子庸,予爲浙 ,將行,子庸請 益。 慶元二年三月朔,書 西 撫 屬 時 Ė 識 其 人。 於 子 江

四載。」《行狀》:「先生歸自胄監,家食者

願摳 是謂 見爲僞學之尤者,而渭 爲國子博士,以言事罷 人,與之語 曰『僞學』,舉子文字由是大變,不敢爲禮義之言。 遺書·張渭叔墓銘》: 衣焉。 聖」 渭 無 叔 從容累月,未嘗及舉子事業。 他 領會無疑。」 説,大旨惟 歸 叔 「越之新昌張渭,字渭叔。 不 遠 韓 本孔子之言, 侂 數 胄 百 方用 里,與 事 其兄弟皆 曰「心之精神 簡於是信其 時 論 誣 如 簡 善 至 簡 之 類

■「劍」,原作「斂」,今改。

+

 $\equiv$ 

宋 元學 案》:

案

慈

湖

渭

弟汾、字

清

叔

案:《宋史• 甯宗紀》: 禁用僞學之黨,在是年八月。

《遺書》: 記磬齋

記》芸 「恪請 以磬名齋,又請 書 其 説。 立 秋 H 書 於

西 嶼竹房。」

行狀》:「恪,承務郎 沿沿 海 制 置 司 准 備 差 遣。」

宋元學案·慈湖案》: 「恪,字叔謹 ,號磬齋。

八月,譔《 東 Ш 賦

《遺 書》又 有 《廣 居 賦 南 袁 賦 蛙 樂 賦 月

作,要莫定其 年 月 也

**賦》、《心畫** 

賦

賦中多自

稱

西

嶼

楊

子」,當皆里

居

時

賦 蒙齋集. 廣居之室後 跋 慈湖先生 轉 而 之他。 廣 居賦》: 先 生之猶子 「慈湖先生既 叔 IE. 作 能 廣 復 其 居

問 以 、見意。」

事

且.

日

『更

爲

我

敷

暢

廣

居之旨。』②余不得

辭

設客

故

物。

端平三年

夏,余屏

處

Ш

樊。

叔

IF.

過

余

求

紀

其

王梓材《慈湖從祀 録 「叔 IE. 疑 名 惟

+ 月十三 日 過 庭 書 訓 付恪

記 連 理 瑞

> 事,而 衰 是 然,二弟羣姪,勢便 橘實 天通 鄉 追 連 見 連 示簡, 有 言同。」伯兄喜,持詩以 曰:『未之見也 記 理之瑞 風 里以 連 而 惟先公實德義訓 理。』悔曰:『嘗見之,誠異乎常果 籬楊連理之異乎? \*Z 益 靡 實混 ,其狀與悔之所見同。 ,連理蔬莖瑞鬱蔥。 亦不 日 潛 ,吾家遂爲 四 藩蒙賚,舉 然者。』簡又省,伯 動 慶 『後 又念伯 於其 完二 雖 畦 ,果異矣!』作 儒 所 砥 年 心。 兄忠信 所以 者罕言祥瑞 力可,顧視之若無,不惟 子蠢 産, 仲冬之月 柱 此 殊本而同枝。」於是恪 示仲兄。 亦 簡竊 自· 蠢能冒 造化神機 雖常 啟 天成 異 佑後 簡 兄嘗 哉!! 7,伯兄 詩 德 退 嘉 以 進 喜, ,所至 俄 細 人,深入潛化。 耐 攜 非 呈 德 行,不 禾作 簡 而 念: 簡 命 駢 先公流 又曰: 曰 : 於内, 遠近,不當言異 而 受 圭 蒂比 手 吾家 書 是。 持 而 徐 足爲言 弟 古 諦 蔬 而 『弟 化之效, 行 實 不 日 兄 而 莖 視, 聖 東 者,未之 世 年 作 亦 吾 和 連 莫 一献 圃, 往 不 於 家 而 而 知 氣 駭 理 知 廢 歲 其 寂 有 視 亦 復 又 與 而 以

2

<sup>0</sup> 余」,原 同)卷十五 無據《蒙齊 一補。 集》《影印文淵 閣 ○ 四 庫 全

旨」、《蒙齋集》卷十五作「義」。

同。 得復 也 不 口 致 弟行仲孝友篤至,❶ 於内,而人未之知。 也 顧 簡 枚數 話 可 自白 每 兹嘉祥 自言 怠 而 卦之旨 明,書於竹房。」 其 諸子雍雍,羣 兄安而 ,而其大較,質而 惟勤 八過。 Ë 來集,不可 ,於方寸之中 惟 『兄真三代人物也。』仲 行之, 猗與盛 孔子曰:『吾 精。 訥 此 孫濟 又其聞鐘 外索。 於外一 2 簡所以 不浮,從容乎先公道化之中 作圖 濟 矣! 未見 而 雖 祥 一發省 不敢 敏 記 人德先後之序不齊,不 不可 過。 於 能 叔 荒 自 中 見 弟機 特,所 前 人皆 兄文雅 其 此 内 過 仲 亦 吐 心 恥 先訓 而 恃惟德; 用 論 發 於聞 灑 改 内 超 光,不 然,而 之本旨 越。 過 自 過,兄 之力 訟 則 德 可 季 者 深

案: 則 權 冷籌之孫 承 五篪 奉 墓 當 也 碣 即 機 殘 仲, 石 六籍當即 庭 顯 長子籌,次篆,三 文仲。 悔 當是篆之子 即 先 生

《遺書續集》:誌趙師䢼妻陳夫人墓。

案:

奠辭

當

作於是年

官 誌 舍。 **※**云: 既踰月,共 共甫夫人陳氏以慶元二年九月乙丑卒於鄞 甫以告四 明 楊 簡 將 以 其 極歸 + 之

科 攻媿集 目 以 修 趙明 職 郎 道 主 鄞 墓 簿 誌 師 **郑**,字 共 甫 台 州 人。 起 家

月壬

申

葬

於臨

海

屬

銘其

墓

# 《遺書》:遺奠吕子約。

同。 合, 對清 奠辭: 丞: 約,敬子約不以 ൬ 以 如 哀 明之神、 心 風 所同 「承 哀 同。 轉 子 蓬。 議 者何? 子 約 雅 郎 約 Œ 利 不復多述,惟哭簡同。」 楊 我 之容。 奪其 誠 簡 心 其 意 謹 則 好 義之胸 篤 遣 病質 善 同 志 致 同 深 莫奔 中。 學 見 知 奠之禮 問 義 乎 夫是以 緘 雖 忘利同 簡 辭 略 之心。 於 寫衷。 異 承計 吕 學 兄 3 望哭,如 子 簡 我 中 不 約 敬 閒 心 以 子 離 則 寺 П

遇 趙汝愚,罷之。 宋史・ 赦 · 量 日 移高安。 祖 儉 祖 《傳》: 二年卒,詔 儉 奏汝 甯宗 愚未至如 即 令歸葬。 位 韓 言 侂 胄 者 用 所 事。 Z 貶 李 韶 沐 州 論

流人吕祖儉等於内地。❺祖儉流高安,尋卒。」《續資治通鑑・宋甯宗紀》:「慶元二年七月戊子,量徙

■「至」、《四明叢書》本作「志」。

❷ 「房」,原無,據《慈湖遺書》卷二補

③ 「學問」、《慈湖遺書》卷四作「問學」。

● 「我心則同」、《慈湖遺書》卷四作「大致則同」。

「人」,原作「入」,據《四明叢書》本、《續資治通鑑》改。

三年丁巳,五十七歲。

《遺書》:「取 曾子之書, 參古本而 釐 正

《遺 之,釋其疑 書 續 集》: 邑人求譔《春 四月序。」 秋 祀董 孝

君

義。

辭》。

縣令朱堂率僚屬致祭漢董孝子云。』」 慈湖先生代撰祭文、云: 董華鈞《純德編》: 「慶元二年,邑令朱堂重新祠 『維慶元二年三 月三日 宇, 慈 楊

德編 巴、重陽行三獻禮。」❷文或作於是年九月。 慶元二年,令朱堂增修孝子 先生於慶元二年三月朔日,有江皋旅次 》謂是文即作於是月三日,誤也。 祠堂。❶ 《寶慶 與 邑之士 書。 四 今慈谿 明 志 而 夫上 純

重九,縣令朱堂主祀。」丁巳實爲三年,文當作於其時。 本祠,士夫舉行春、秋祀典再,自朱令君始。 慶元丁巳 徐家巷張孝子祠有漢《董孝子碣銘》殘石。

其

碑

陰

Z

母憂,是三年九月已去任矣。 而 《寶慶志》云: 朱堂慶元元年十一月任,三年二月 今據石 刻姑列 於此

漢人。 《寶慶四 孝行著於鄉 明 :志》: 唐崔 邑。 殷 和 撰 帝 《董孝子廟記 召 拜郎 中,❸不赴。」 》云:『黯, 又 後

> 董孝子 純 德 君 廟, 縣 東 北 里, 建 炎 閒, 縣 **\*** 林 叔

豹 建。」

四年戊午,五十八歲

《遺書續集》: 盧氏葬於鄞縣 桃 二月甲 源 鄉 西 申 Ш 會從妗臧 萬 隩 誌 從 孺 舅

翰林醫痊 一臧賓 卿 墓

其墓。」 娶盧氏 雲叟,補 其兄師顔 誌 月卒。 ,紹興 醫學, ,翰林醫候,累贈從義郎。 明 簡外王父臧師文以文行,升上 年 + 累 二月 轉 年 至醫 甲 卒; 申 痊 再 合葬 娶 賜 盧 Ŧi. 焉 氏 品 女弟 服 從 從 義 慶 表 隆 仲子 兄 興 元三 賓卿,字 貢 Ŧi. 某 年 禮 屬 年 卒。 部。 銘 +

五年己未,五十九歲。

0 本,下同)卷十七作「帥同寮」。 孝子 祠堂」、《寶慶四 明志》(影印 文淵 閣 ○四 庫 全

0 重 原殘泐,據 《寶 慶 四四 明志》卷十七

6 叢書》本作「桓」。 和」,原作「相」,據《寶慶四 明志》卷十 一六改。 四 明

《遺書》:奠舒元質。

《文靖類稾》:誌舒元質墓。

三曰銑,簡女女焉。 又:璘遷宜州通判,拜命便歸,未果行,卒。璘子五人,

六年庚申,六十歲。

《本傳》:「主管崇道觀,再任朝奉郎。」

任滿矣,其轉朝奉郎當在是年。 再任則六十月。先生以慶元元年奉祠歸,至是年則再「承議郎」。《宋史·職官志》祠禄之官以三十月爲任,「承議郎」。《宋史·職官志》祠禄之官以三十月爲任, 案:《行狀》轉朝奉郎無年月,據《遺書》四年譔《翰林臧案:《行狀》轉朝奉郎無年月,據《遺書》四年譔《翰林臧

嘉泰元年辛酉,六十一歲。

之以『勇者不懼』。」 不動者,此猶未可言得道之全,故必終繼 用變化不動,忽臨白 常覺、常清明之謂。然而亦有常清明,日 《石魚偶記》:「十一月九 仁者不憂」,必繼之以『勇者不懼』何也? 也, 恭敬之心, 禮也, 是非之心, 知也」, 子曰『惻隱之心,仁也;羞惡之心,義 日未昧爽,又忽醒孔子之言『知者不惑, 貢曰『學不厭,知 『知及之,仁能守之』。知,知道,仁者, 二子之言仁,異乎孔子之言仁矣。十一 也; 刃鼎鑊,猶未能 教不倦,仁也』,孟 日清晨,忽覺子 寂 然

二年壬戌,六十二歲。

《遺書續集》:祖奠馮氏姊。

房。 父合居武康,諸姊俱長,簡輩幼行。 奠辭:「從父弟簡謹致奠於亡姊百十九安人: 旦 日 |
肅
揖 歲 時奉觴。 姊雖有 行,歸 男女則别,同 甯 則常 憶昔 常 對 世

涕滂。」 平。 依 孤 里,❷家道寖艱。 居, 以 遽告啟期, 行? 眷 深 姊七十, 愛 長。 力扶而來,哀不勝矣。 昨 簡亦六十二。 問姊疾,姊猶 日 月 如 車 轂 爲興。 俱 哭遂 焉 **撙哭忍** 夫何遽 鬢 疾 霜 作,踰 痛 然 三千 棄 執 月 奠 未 諸 數

三年癸亥,六十三歲。

慈名。」 《遺書》:嘉泰昭陽大淵獻,築 孝而得名,縣 祠之西,下有湖焉。 又以 是名, 簡日 「渓溪 則 是 湖 室董 以 宜 董 孝 亦 君 以 慈 君

光、詠春之閒, 《行狀》: 「築室德潤湖上,更名慈湖。 丽 啟迪之。 館四方學者於熙

《春草齋集· 西有熙光、 詠春之門,其流 周 皓齋墓銘》:「楊夫子舊業面 風 餘 韻 可 ,想見。」 湖 際 Щ 東

跨其 爲名。」 雍正 上。 |慈谿縣志》:「慈北有談妙 楊文元公有『澗水簷旁 》澗,南 談妙理』之句 流 入湖。 野 大 航 以 橋

案 徐 兆景《四 蒙 齋 集 明 談 題慈雲閣詩 助 「慈湖宅旁有談 「不見 慈湖 妙澗 <u>二</u> 十 連 理 年,憂 圃 心

> 不 如 知其處。 醉 復 如 顛。 鄭 た の 句 我 來 忽 章摭逸》云: 見 慈雲 閣 「在鶴皋定水寺中。」 恍 若 慈 湖 現 我 前。一今

遺書》: 譔《先聖大訓》。

六卷而 《四庫全書提要》: 上,始取先聖大訓 爲 解。」即 此 間 書 錢 見 也。」 諸 時譔《簡 襍 説中 者, 行 刊 僞 『築室 别誣,3萃成 德 潤 湖

几 年甲子,六十 四 歲

曰 ; 又辱 《遺書續集》: 翟之光,4 奠辭》:「具位楊簡謹奉奠於故安 知於尚 夫人淑德懿 退 書。 而 得 行 大 諸 譔《安康太夫人奠辭 某 尚 親 書 夙 知 而 昔 獲修登 又 而 尚 不得 書 堂再 嘗 備 康郡 道 知, 拜之敬,望見揄 其燕待之言 太夫 而 辱 人 在 祖 州 里 筵

- 0 常」字、《慈湖 遺 書》卷十 八不重
- 2 千」、《慈湖 遺 書 》卷十八作 遣
- 8 訛剔誣」。 年)卷九十二 刊傷别 誕 作 刊刊 庫全書總目》(中 訛 别 誣 慈湖 華 遺 書 書 局 附 録 九 作 九 FI 五
- 4 揄翟」《慈湖 遺書》卷十八作「榆
- 6 待」《慈湖遺書 》卷十八作「侍」。

因

列

於

此

所未知。」
 今又獲尚書所狀行實,啟讀,益視其確乎不動於勢利。今又獲尚書所狀行實,啟讀,益視其

柔,鄞 攻媿集 人。 嘉 安康郡汪 泰四 年 太夫人行狀》: IF. 月 ?癸酉 以 疾 €汪氏 薨於畫 錦 ,諱慧,字 坊 Œ

時

作。

案:安康,爲尚書樓宣獻母。

《遺書》:春、記昌國州申義堂。

湖先 願申之。」先生爲記 令,建縣庠之講堂,名曰 大德昌 生於慈溪石魚 或 州 志 其後。」 ,語及邑 「嘉泰三 中 學, 義』。 年 日 東陽葛容 : 越 『名學之堂以 明 年 春,容 夫洪 爲 夫 申 訪 昌 義 或 慈

劉 築 戴 以 八亭館 良《鄞 厚 奥學峻 南 執經座 ,招文元 遊 行, 集 與 下 • 講 楊 沈 道 文 明 其 元 大 中 爲 墓 忘 誌 命子民獻、 年 **\***: 交。 沈 嘗 文 壻 别 彪

麓,名曰 時 句 官 章 四 摭 明,遂家焉。 逸》: 「槃隱」,招 「沈文彪 文元講 自 其 號 清 道 先吴興 遐 其 居 中 士。 人。 嘗 遠 築亭館 祖 陵, 吴 石 越 魚  $\pm$ 

案:此不著年月,據《申義堂記》,先生以是年居石魚

記 形。 案: 今山 雍 書當著於此。 Œ 慈谿 有 靈 縣 志》: 巖 《遺 庵 相 書 石 傳 . 魚山 登 爲 石魚樓 石 在 魚 縣 樓 西 (詩》三 舊  $\equiv$ 址 里,有石 首 ^ 當 石 亦 如 魚 魚 偶

進士,官至知台州,朝請大夫。」《成化四明志》:「劉厚南,字子固,慈谿人。 嘉定五年

全州。 本傳 以言罷 賜 緋 ,主管仙 衣 銀 魚 都 朝 觀 散 郎 權 發 遣

明,四 白漢 天下 起 起 得 得 行狀 利 意 此 此 道 心焉則 則 而 道 惟 時 失之。 則治, 下,襍之以霸,故治 則 以 有 「權 利 此 此 差,起 失 失此 行,人以此羣居於天地之間 道 發 孔 此 而 遣 子 私 道 E 道 全 心 日 則亂; 州 則 毋 天以 焉 害。 則 意 將 H 得此 差 此 少,亂 陛 意 此 元起 覆 解 萬 不 道 權 古斷 可 則安, 地 日 擬 術 微 多。 以 心 斷 起 此 劄 失 焉 而 不 此 載 況 則 此 不 可 心即 大起 差。 道 其 日 亂 易 則 月 之理。 道 言: 乎 作 危; 是故 以 惟 好 此

■「攻」,原作「枚」,據《四明叢書》本改。

❷ 「於此」二字,原無,據《四明叢書》本補。

旨。 恨 對 先 生 廷 帥 意,不受私謁之人,則三軍之鼓舞,士 讎,❸溢 爲 即 天下,有所不爲」。 是爲湯、 也 盡 南 家舉大事,必上當天心。 庶 不 E 北 之 民 哉? 議 政 先生言扼 生趨脩門間,慫慂修尺 大賢大智習知將 離 未可則 堯舜之道。 起意之心以行,勿損勿益 願 作惡焉 想 臣願陛 方易茶摇, ●邊瑣口 自理、民自安自化 苟亟 陳 於聽聞。 武之師。 必民 勿戰。 之。 自 ,凡有不安於心焉皆差。 戰 也 不上聞,爲之痛惜。 下 後 心 惟 願陛下無安於漢、 刀 . 成湯、 ,使南北無罪之民肝腦塗地,豈上帝之心 兵連 盡 《易》曰 筆小 陛下 無道 故《志》曰 離 《公羊》九世 略者 如 禍 武 吏,狐 亟 獨夫紂 結 甚則誅之; 事業。 四 訓 語 一罷 上帝以爲可 牘,答曰 肝 「天地之大德日 籍 尅 [夷自 治諸軍 「行一不義,殺 ,自然無所不 鼠 腦 籍 剥 ,帝乃震怒 弄 復讎之論,非《春 主管建 塗 之帥 服 ,莫敢遏 又 唐規模。」其二言: 威 地 未至於甚,人心猶 數數 0 軍 「我 臣 福 擇用 一氣 百 戰則戰,❷上帝以 語 帥 年 願 昌軍 此 若合 冒 其 無是也。」 後 尅 前 照 陛 即 生。上 倍。 節 端 庶 不 剥, 下即 ,賢否自 不辜,而 仙 三王之道 徒倒戈矣 鉞 萌。 其 以 都 諸 官 司 更 此 秋》本 觀。 張 未 得 軍 帝 故先 職 用 虚 甚 及 得 視 元 爲 怨 明

> 妣贈安人。告廟,更題神主。」 《遺書續集·焚黄祝文》:「考贈朝散郎

奠馮氏妹。

食損十 始知靈 質靈 慟莫繼。 送,忍哀寫此。」 意德言,具有薰漬。 亡妹百念八娘子: 奠辭》:「兄朝散郎主管建昌軍 明。 覺天然 九 疾作累日 比 薾 偕甥輩 爾 ,爲萬古鮮 瘠 甚。 簡 中 暫寓於吾室之西偏,閒 天胡 自 既 祝 總 儷。 奪 復 告 角 常,僅 吾妹之遽? 以 以 方謂 翼 至 仙 日 於 能 嫂 都 帷 朔哭。 婦婦 六 觀 一十,不 荒 輩 簡 就 慟 朝 得 祇 哭不 道 今復甚 夕 款 知 奉 不 伊 話 吾 祖 勝 話 邇 可 奠 妹 再 德 病 於 遠 次 性

0 「夷」, 改。 原作 「更」, 據 《四四 明 叢 書 本、《 慈 湖 遺 書 附 録

❷ 「上」,原作「北」,據《四明叢書》本,《慈湖遺書》附録

「讎」、《慈湖遺書》附録作「讟」。

8

「茶」,原作「爾」,據《四明叢書》本改。

「始」,原作「姑」,據《四明叢書》本、《慈湖遺書》卷十

八改。

其妹。 知即 請因 案:《承奉墓碣》殘石:「庭顯三女,次適馮象先。」當即 象先子。 水 《遺書 爲銘。 銘之曰「知樂」。」又馮甥 知樂亭記 「馮甥恭 叔 請 作 書屏。 小樓, 恭叔未 臨 水,

始省偏與黨相近,而微不同。」黨。』説者曰:『黨,偏也。』簡年六十四,《家記四》:「子曰:『人之過也,各於其

開禧元年乙丑,六十五歲。

《象山年譜》:「開禧元年,象山長子持之伯微編遺文爲《象山集》:六月乙卯,序《象山集》。

一十八卷、《外集》六卷、楊簡序。」

卓卓,視文安有光。 官富陽時,獲見文安。 得其傳。 悟 且署『門人楊簡』於後,非有得於心學之傳者,若是乎? 在富貴」之語,蓋亦心學之所發耳。 由 《鄞遊 以中庸 人爲究竟,所謂傳心之學是已。 集·題楊慈湖所書陸 》尊德性而入,故其用功不以循序爲階梯,而 浙江之士傳之得其宗者,惟楊文元公。 文安此帖有『家之興替在德義,不 立談之頃 象山 語 即 斯學也,江右諸 》:「陸文安公之學 文元書之以自厲 領道要,故其 文元 公多 所

孟子始」,予亦謂『求觀文安者,必自文元始』。」夫文安之學,聖人之學也。韓子謂『求觀聖人者,必知

二年丙寅,六十六歲。

《遺書續集》:祖奠姪婦母

《奠辭》:「叔舅簡致祭於亡姪 以分嚴,有 革,又覺。」 來相姪懌。 願 近懌有覺 陳 於 叔舅之前,當 轉以告婦 婦 舒 迺 益 舒氏: 有 克領會,且曰:「特 啟明之意。」❶ 婦,西 美之子,

學於象山。」按:舒璘之弟。《宋元學案‧廣平定川案》:「舒琥,字西美,鄉貢進士,

孫應時《燭湖集坿編》:撰《孫季和壙

志》。

《志》云:「孫燭湖先生應時,字季和,越之餘姚 與季和承學於象山陸先生。 十二月庚申 相 與 八講切: 進德,而開禧二年二月甲 • ,葬 於龍 泉鄉。」 季和· 由是信此 戍卒,壽五十三。 心 本善。 人。 久 簡 方

《浙水舊聞》:「孫燭湖讀書處曰『時齋』,慈湖嘗爲

❶「益」、《四明叢書》本作「亦」。

之記。」

用。 勝 帝堯能是,是謂己不能也。 稽衆、舍己從人、不虐無告、不廢 禹謨》,未省及此。」 己從人矣。 遺書 歎息。 · 家記二》: 日,偶觀《大禹 時簡年六十有六。 每見他 「簡自 人多自 謨》, 以 知 用 三復斯言,不 爲 平時讀《大 舜 ,簡不敢自 能稽衆、 困 以克艱 一窮,惟 舍

《遺書》:代馮似宗譔《壽樓文昌詩》。 祠家居。 卒,年七十七。 案:《絜齋集 (序)云:「壽宮使閣學樓公。 詩當作 樓 據此逆推 於是年。 鑰 行 狀 :: 則 開禧二年,年七十,時 鑰 表弟馮某作是詩,以獻。」 官 吏部 尚 書, 嘉 定 鑰奉 六年

梓材曰 慈湖高弟。 宋元學 案 從弟國壽,亦師 馮似宗 慈 湖案》: ,未知即國 「馮 事 興宗,字振甫, 慈 湖。 時 號二 慈 馮」。」王 谿 人。

2

壽

仁叟皆與宣獻爲表兄弟,當是一 《攻媿集》有《馮仁叟表兄請婚任氏書 家人也 8 則似宗

# 三年丁卯,六十七歲。

《遺書續編》: 誌孫孝子之翰墓

甯。」文舉以嘉泰二年壬戌六月 禧三年三月壬寅,葬於五磊 疾,病且革,文舉刲體取 誌》云:「慈溪之金川雞鳴山 肝,爲粥以進。 Щ 孫孝子文舉,名之翰。 庚 寅卒,年六十六。 越夕, 迺 底 開 於 母

卒,楊敬 攻塊 集 仲識 • 林 其 碩 壙 墓誌銘 **\***: 四 明善士林碩

有四。 家。 於鄞縣通 誌 || 云: 里 間敬之。 力學而不見於用,言議 遠鄉。 「碩字興祖、開禧二年十一月七日卒,年七十 金谷里。」 其亡也,弔者盡哀。 亦無以 明年三月丙申,葬 表暴於外,躬行於

宋濂《文憲集・葉秀發傳》: 字茂叔,金華人,慶元 丙 辰

慈」,原作墨丁,據《四明叢書》本補。

0

- 梓」,原作墨丁,據《四 明 叢 》本 補
- 「氏」,原作墨丁,據《四 閣 四 庫全書 》本,下同)卷六十八補 明叢書》本、《攻媿集》(影印文
- 0 一谷」, 原 據《四 明叢書》本、《攻媿集》卷 百

進士。 器重,秀發與之交,而於簡問難 時鉅儒樓鑰、史彌鞏、婁昉、鄭性之、楊簡、 初授福州長溪簿。 丁父憂。 尤切。 服除,轉 簡自 謂 慶 袁燮 有 元 所 府 皆 啟 教

間,姑坿於此。 案:南坡官教授,與先生交,年月無攷,當在嘉泰、開禧 軍。

學者稱南坡先生。

發,得邊、詹、顧、葉爲喜,葉蓋指秀發也。

累官

知

高

郵

溪集• 詹、楊所傳授,欲因其偏而爲之救,絶口 所言漸近、頓悟,絕類慈湖語。」顧,當指平甫。 民,字子南,遂安人。學於文安。《槐堂學案》:「子 又案:邊,名貫不詳。 與黄寅仲書》: 「平甫資質莊静, 詹,當指阜民。《象山 不 叩其所學,乃 出 言累。」 集》: 陳淳《北 南 阜

三九

#### 慈湖先生年譜

## 慈湖先生年譜卷二

後學同邑 葉意深輯

嘉定元年戊辰,六十八歲。

《遺書》:久旱得雨,詩呈張令君。

老人,曰:「此地龍潭靈甚,名湍水巌。居士胡不祈於嗟失時,孰不徬徨? 邑人余崇因幹到縣石臺鄉,遇一《遺書・湍水巌禱雨詩序》:「戊辰之夏,天久不雨,農

香,可有更介之型。 查见广西方式。 岳上东大重之人。是聖迹。 檮而歸,告於邑之士庶。邑令張君聞之,齋此?」崇回視閒,老人已不復見,其神矣。繼到湍巖,果

崇號湍巖居士,一力經營,刻立碑記,裝飾神像。龍天宿,同詣潭所化龍。隨見甘雨沛然。吾邑無不種之畝。

感應,歲斯上熟,不可不記。」

《寶慶四明志》:「慈溪令張義和,開禧二年十二月任。

嘉定二年十二月,滿替。」

《遺書續集》坿録:門人曾熠刊《己易》、

《孔子閒居解》。六月六日,趙彦悈書後

十月六日,又書。十一月,曾熠書後。

轉致於先生。」四月二十三日,先生復熠書云:「《己《録》云:「曾熠得《己易》,思鋟諸版。吉水縣丞趙彦悈

易》、《閒居解》並收已。」

從楊簡游。重修象山精舍,刻《慈湖遺書》。」室,受蔭官,復登進士第,吉水丞,累官吏部尚書。壯歲

《遺書》:遺奠徐子宜。

《奠辭》:「别去辭色,惟十五年。謂當合并,繼以訃傳。

道阻且長,而遽永寂。哭以遣奠,匪邇匪遠。」

《宋史·徐誼傳》: 誼,字子宜,一字宏父,温州人。乾

《水心集•徐誼墓誌》::「嘉定元年七月朔卒,年六

道八年進士,知隆興府,謚忠文。

十六。

誌舒德彰墓碣。

文云:

「德彰子綸以

計

告。

卒之日,

嘉

定元年季

春己

四〇

科舉

取

浮

薄

其

幾

以

虚

籍

臣,

集

羣臣

詳

財

賦

徒

費於送迎

擇

賢

久

任

則

社

稷

安

不

擇賢

久

任

則

擇賢久任

則

百

事

成;

不

擇

賢

久

公義。

辟

非

其

人

并

罪

舉

主。

此

**\$** 

諫

知

社

稷

安危在

此

, 共 堅 守

此,不

陛

下

爲

民

父母

淮

民

相

食者。

鳴

呼

痛

且

一之論。

臣

自

知

學

以

來

熟思

治

務

惟

其

屬

先

於

本

貫

人,本

貫

無

人

乃

及

賢

監

司

使,

監

司

各辟

本路郡

守,守

辟

娅

而

餘

風未殄。

陛下

宜汲汲爲

計,

勿

也。

元

凶妄肆,小人道

長

風

得賢

則官庫無公取竊取之盜

, 財

不

口

又

自

死

婦以

舅

食,妻食夫屍 「上厲精更化 城之東,有婦 變之道 是年 香妄、 之費 議 食者乎? 嘉 日夜長慮 哉 而 郎 舅 或 姑及夫俱死,又經 轉 ÷ 定 内 有 知 濟 而 之要。 背理 外 遷 此 姑死,又自經 對 饑 不 0 ,弟食兄屍,以至父子 近 元 月 思 多少財賦 在輦 ,首訪耆德 祕 民 羣 北 閔舅 傷 有 年 甲 擇賢 無路以 極 臣 首 勢不 書 道 何 境 辰。 轂之下, , 之罪 奏: 言 姑之窘 之時文? 爲 久任 省 寧 傳 陷 能 不 墓 告於 經 宗 一唑 死 除 著 誦 也 俱 可 没 在 死。 或 公於贓 而 生,沈子若女於 更 作 饒 下 祕 ,爲之涕 子 上,輪 請 多 書 致 娥 之要 亦知 又 佐 化 望 歸 聞 諸 鬻身助 ル 郎 此 廟 吏之手 陛 相 有 財 淮 軍 授 郎 知父母 遷 極 當 冢 都 取 民 下 食 虚 賦 右 面 泣 之 急 其 小 城 著 費 給 籍 弭 ,多少 祕 兼 對 兒烹 之 作 屍 又況 饑 壞 不 詔 死 灾 權 姑 内 者 知 於 大 江 遂 佐 其怨當 支。 常, 親 社 任 邑。 從 俗 勝 無財 政 恨 昏 濟 欲 縣 有 或 聞 大壞。 不可 舉 稷 令, 用 含怨 黜 渡 故 士 官 而 公取 則 大夫 債 以 私 危 東手 江 既 策 矣。 生辰有送,子生若孫 聽 陟 守、令各 百 何 嘯 情 得賢,必久任。 吏 郡 或 竊 勝 無 事 此又不擇賢之故 如? 多多 臣大懼 聚 宰 每 庸 今 敗 無策。 、響産 守遏 取 所 廢 紀。 雖 執、臺 申 路 國 庸 懷 告 對 家 辟 擇 Ŀ 苟 誅 之, 私

者乎

都

有

餓

奪

市

聞之,自

經

死;

郎。

先生平

時

行

狀》:

極

言

時

弊,

陳

經

厲、

消

禍

甚

者鬻妻賣子。

陛

下試

思

民

情

至

是

重以今歲旱蝗,郡

守

不

肯

蠲

税,

害

民

弊

此

不

擇

賢

之故

也

在

外

官

司

以

汙

爲

送

互.

送,

會至

一送千

緡

彼

此

本

庫

自

有送

,子弟又有送。

今國

家

患

訴

税

已

納

者

復

追

伏

則

人

則

絣

訊

養

寇

危

社

稷

也

!」又奏:「今之守令多

而

狥

利

詞

訟

反

人是爲非

,反非爲是,

司

,累累

查

不

報。

昏繆若

此

而

朝

廷

結怨

饑

民,

是

激

之使爲

亂

又

聞

賑

兵

部

郎

官

郎

轉

朝

請

H.

葬之日,

本

傳

四

賞諸 人 國祚於泰 下 將 行 益 主三代之隆矣。』又奏:「古者六軍,軍 下,人知仕進 比 舍僞從實,吏姦頓 劄恫 争 率從事 以 宜 禮樂之實德 道藝,興其賢者、能 間族黨之制,書其孝 傳 司 卒之孝者、忠者、善者 精 誦 切 擇文武俱 馬 Ŀ 餘 Щ 武 流 卒, 在 勇,未熟復乎古先聖王之訓 數俯 之路 人北 則 0 此 通之儒 首 整 境,見 以 掃 悉本實 而 諦 備 己。 齊諸軍,●不過射刺 民悦 者 視 Ξ 友睦婣 法古司 者輒 司 殿司 肆 至 則 財 行,不用 則 成 讀 豐 雪涕, 十三 惡 書 人 矣。 饑 其 馬 者 有 民 勢 其 ",以尹 德、小 軍 舉 潛 虚 相 自 均 敬 大盛 一將皆 文 兩 化 此 食 敏 典 手, 可 擊 處 正之,訓 祈 为 子 任 則 未 , 宜 戰耳。 蹙 以 命 天永 有 恤 舍 日 保 防 踐 卿。 析 甲 惡 額久之。 書 造 後 一此 修 小半, 命,鞏 導之, 從 患。」 今陛 平 今諸 舉 其 漸 善 江. 詩 明 德 修

月上 案 詩 所 陳 ž: 《行狀》: 皆 弭 去 灾厲、 臘 「二年早蝗,先生上封事云: 陳 消禍變之道。」」又二年 三劄。」據 此, 則三 劄 皆 九 『臣臘 屬 月 是 明 年 月 堂 + 劄 成

南

楊

夫子

也。」

《西山集·慈湖行狀跋》:「嘉定初元,先

生以祕書郎召。德秀備數館職,始獲從

之遊。」

於著庭。 西 Ш 集 • 楊 慈 湖手 書 孔壁孝 經 跋 ×: 嘉 定 初 獲 侍 公

案: 庭 書 也。 郎 《對 庚午 越 爲 申 稟》 祕書郎。 注 西 此三 Ш 戊 一年間 辰 爲 先生 太學 與 博 西 士; Ш 己 蓋 巳 口 爲 在 校 著

慶 二年,拜參知政事。 宋史 元進 主 真 第 德 秀傳》: 嘉定 初 謚 字景 曰 遷 文。 博 元,後更字希 士; 累 官 起 元 居 浦 舍 城 人。 端 登 平.

之 抵 制 謂 宋 鎮 建 置 史 蜀 康 使 江 復 亂 俟 兼 初 楊 命 引 知 平 輔 咎 成 著 傳 不 都 如 作 前。 輔 府 郎 未 召 楊 再 宜 上召 簡言 輔 被 去 赴 召 輔 輔 闕 乃 益 踰 嘗 復 堅, 年 棄 議 以 乃 成 者 財 爲

0

<sup>「</sup>整」,原空缺,據《四明叢書》本補

③「前」、《宋史》卷三九七作「進」。
②「司馬」、《歷代名臣奏議》卷二四一作「馬司」、義較長

#### 都,不當召。」

川宣撫使,安丙爲副。」「四月丁卯,召輔詣行在。」《宋史‧甯宗紀》:「開禧三年三月庚子,詔以楊輔爲四

《續資 還 還,以吳獵爲四 都,不當召,遂命 闕。 治 輔 通 抵 鑑 建 康,引 ]1] 宋甯宗紀 輔知建 制置 咎 不進。 使。 康。」 時朝廷察安丙 開禧 著 作 佐 三年 郎楊 四 與輔異,召 簡言輔 月,召 楊 棄 成 輔 輔

案: 畢氏併事書之。 元年輔始抵 先生爲著作佐 建康,時 據 郎 先生已 輔 在嘉定元年,召楊 傳》,則召輔 起爲著作佐郎 在 開 禧 輔 在開 年 禧三 至嘉 年, 定

## 《遺書》:銘宋母墓。

歲。 沆。 元十二月壬申,葬隆興之新建 文云:宋母 三十而寡,長子 開禧三年十二月己巳卒,壽七十有四。 者,嚴 陵 王氏。 甡纔十有二,次林字修叔 歸 縣 金華郴 白鷺嶺。 守宋子華之子 既 葬,始 嘉 定 生 爲 改 Ŧi.

## 《遺書續集》:受誥,告廟。

今兹拜誥命。 文云:「介曾孫 又考功 朝 請郎行 增 秋,皆 祕 書 前 郎 世 簡 積 昨 善流 准 1 光。 一旨,除 前 職

## 《遺書》:「日本國僧俊芿求書。」

書》云:「日本俊芿律師請言於宋朝著庭楊子,楊子舉

案:文稱「著庭楊子」,故隸於是年。

聖人之言而告之。」

#### 奠高處約。

哀處約 勤 作。 里。 度再 盛解近在關外,而自坤 楊簡,●奉奠於故同 《奠辭》: 奠告哀,斯哀至矣。」 報 簡被 訪。 集不可往返。 近暮,俄承訃 幽 同 自 命此來甚 明 是 舍弟朝請 判 矣! 獲,再 於邑子。 久,不 哀哀處約, 簡與處約同 舍兄 德 奉周 祖 郎祕書省著作佐郎兼兵 性 知處約官於 艮,亦既數里,不 處 虚 念即奔 旋 約 靈, 高 而 公運 曩 處 小計,而轎 登生? 約 众此,納 幹 遽至於此 齋舍,又同 知處 哀 卒已 謁 今豈死? 哀 既 約 部 處 散 晚 有 郎 約 去 嗣 州 官 哀 疾

二年己巳,六十九歲。

案:《奠辭》不著年月。

據先生署銜、定爲是時作。

# ● 「祕」上、《慈湖遺書》卷四有「行」字。「兼」下、《慈

書》卷四有

權

一字。

《遺書》三月,譔《著庭記》。

扁,❶有著佐楊簡贊孔子語。」《咸淳臨安志》:「著作之庭,在道山堂後。 胡銓書

澤、未至宏濟者、旱 人心。 盛 其 孛,海不運,❷ 言 近 縣 軍 應 則 聞旱者,灾厲之氣。 官,兼禮 (行狀): 宋史·甯宗紀》: 本傳》:「韶以旱蝗求 贵 人而 者凶 官所 興殺 而 四 體 爲 不感動 陛下雖 至 乖 無德教 早蝗 頭 人謀爲大逆,天佑宗社,幸 人及流移死者多,而其 「二年,早蝗,韶求直言。 厲。 贓汙,怨 目亦爲之不安。 部郎官,授著作郎、將 天地 河不滿 請 時 孔子曰:「聖人有國 根 禱於宮中,❸又分命備於羣神,略 而 本, 文取 讀 「五月己未,以旱韶羣臣上封 蝗之根本未除 爲乖厲、爲旱蝗? 三才一氣, 充 溢 近 士不考實行,故 塞,豈不 川澤不竭。」連年早 人事 在 餘 直言。 人心。」 乖 如 感 人事 即 厲 人一身。 也。 動 先生復 敗 日月不食,星 天 亦大 則天地之氣 獲,乃 早蝗 放僻 作少 臣 地 簡 兼 E 臘 而 有 -蝗,雖 上 根 腹 考 月 姦 封 官 爲 乖 監 本 臟 事 封  $\equiv$ 邪 司 早 厲 事 功 作 劄 之 降 近 多 蝗 或 辰 亦 事 臣 楚 郎 風 所 雨 在 非 郡 由 不 感

> 之道 先生 陳,皆 自舉之。 亦牒兼本部郎官。 忠不孝,天下大亂,胥 言。 臣母之説行,是驅天下人子不母其母。 意乎!」吴以是奇之。 日 姒 誘人使不念其親。 之。」天官汪公達、小宗伯章公穎咸 爲國薦賢 爲 「率土之濱,莫非王臣。」其子 案 誰?」吴曰:「武王母。」曰: 也。」孔子曰: 汪牒兼考功郎官。 弭 灾厲 剡章既 『吴有云: (,吾其 消 職 上,然後 禍 先生舉 「以孝事君則 也。 又其子觀先儒 變之道。 「安社稷 而 竊惟 江 而 爲 取 一賢不 先 西隱士吴姓者, 夷狄、爲 有婦 部 私 而 願 示牒 照牒於 可梯級 以 忠。」 人焉 陛 「何 語 ⊟ : 庭 相 下 照 禽 亂 故母 幃 一既違 敬 ,當是武王后。 與二三 所舉 獣。」難 「是尊 取 臣十人,問 人,且 在 不孝則不忠,不 禮 念,不 ,漕司 亦爲臣?」答 先聖訓 實知 者 願 大 又剡 無二上 議 親 申 嘗 其 知 臣 謚 接 請 章 人即 且 日 爲 熟 聞 一太 謚 付 之 使 章 啟 臣 計

6

<sup>0</sup> 二〇一二年,下同)卷七改 銓」,原 作 詮, 據 《咸 淳臨 安 (志》( 浙 江 古 出 版 社

②「運」、《慈湖遺書》附録作「溢」。

改。「請」,原作「精」,據《四明叢書》本、《慈湖遺書》附録

敗乃事矣。」除著作郎 生者問果否,當路笑曰 之使自上,此 至再三,終不許。 何 理 後 乎?』西府 欲舉某氏,某未審 遷 :「此老欲舉 將作少監 爲 親 故 並 問 宜 兼職 京狀,先生難 囑 自 舉, 如舊。 當路 吾 有 原 言 善 之, 先 即

案: 郎 羅 《宋史·甯宗紀》:「 日愿謀 爲變,伏誅。」先生奏「中 嘉定二年 五月戊 近者凶 戌 借 人 謀 補 爲大 武 訓

逆」云云,當指此事。

士第。 宋史・ 仕至吏部 汪 應辰傳》: 尚 書 應辰,信州玉山 端端 明 殿 學 士 人。 子 達, 繼 登 進

文元公署薦剡曰:『質直而才,遜德無《延祐四明志》:「史彌忠監文思院門,楊

競。』宰廬陵。」

官鄂 以 宋元學案· 慈湖薦,宰廬陵。」《成化四 州 咸 寧 尉 慈湖 歷 案》 宰 廬 陵, 彌忠 有 明明 能 號自 名。 法》: 「齋,鄞 「史彌忠,字良叔 人。 第 進 士。

案: 先生署薦剡,當在是年官考功郎時。

《遺書》:八月,書「參前」二字,又記。

記 其 八參於前 「子張 在 問 輿 則 行,孔子告以『言忠信 見其倚於衡」,夫所見者何 ,行篤敬 也 立 言 則

> 指誨 則支則 慢,敬 利 用平 不照 明』、《書》亦曰 曰『學有緝 吾 純 뻬 白。 忠信, 害 有 學 知 愈明,是 庸 知乎 而已 者 離 曾子曰 直實無他 所謂 如 以 則 〕矣,無 哉? 熙于光明」、《易》曰『光大』、曰 此 此 非 放逸,則 切的 事 見者,見此 「光」,皆謂 愈白。 皜 無知 意 親 皜 著 事 也 無意也 明,故奉同舍之命 急荒 無 也」,即孔子曰 大哉 親 即 也。 説 純 如 文王 ,則僞 一無説 日 也。 聖 白 此 月之光,無 示 言 見非 則 此 以 也 欺; 無 識 此 「純 思 行 意 不 事 簡深感聖 不 非 德 而 無 而 君 知 輝 思 書。 爲。 孔 動 説之妙 篤 明』。 光」、 事 乎 敬 無 即 君 意 爲 動 孔 人 純 虚 意 E 所以 則 或 而 子 白 光 詩 焉 H 無 E 明 敢

九月,明堂禮成,獻詩,未上。

郎兼 禮成,館 序》云: 權 兵部 職 「嘉定二 祗承 郎官臣 舊比 年 楊 秋九月辛 作詩以奏忠。 簡上 進。 丑,皇帝 後不上。」 朝請 祀 郎 E 祕書 帝 於 省著作 明 堂。

大赦。」 宋 史 甯 宗 紀 **\***: 九 月辛 Η, 合祭 天 地 於 明 堂

案: 同 欄 官 相 著 與 遺 謀 作 書 郎 荒 者 政 和 第 陳 詩 大 當 著 言 作於其 無 追 罪 九 日 歲 時 之集 饑 又有 陳 》詩 大著 《送章大著出 七八句 名 無 굸 考, 憑 守 意

序,南嶽佩 陽》 詩 云 魚符。」玩 濟 濟 詩 衆 意,亦 賢 俱, 當 徐 時 徐 送同 Ŧi. 馬 官 驅。 而 中 司 親 雁

十月,譔《昭融記》。

陽月書。 説。 記》云: 簡銘之日 「循 理 昭融」, 鄭 同 舍 取 命 諸 簡 銘 其 醉 所 一》之詩 居之室,併 『昭 明 有 屬 融 記 其

十二月,記達庵。

記。 亭,扶侍先後。 峰拱翠,壽親大觀,又時節展墓,策杖周 「名庵 流。 之序,自 記》云: 簡於除夜之前 久 日 而 達 謂: 「慈湖楊簡 有樂,融融怡怡 斯 一幼 其 善哉 所以 侍 嚴 ,變化之妙 爲 日 君 日訪 達 謹 ,則於今不知始終也。」簡 朝 記 也。』仲禮言: 達 Ŋ 庵趙 翼 至 翼 於 仲禮 惟 此 謹 旋 ,從容語 不 庵 足倦則 仲 依 禮 知 祖 屢 歲 及 塋 進 屬 憩 月 日 羣 爲 於 之 德

銘鄒魯卿墓。

後數款 文云: 累 H 「簡爲樂平、魯卿 歸 語 未 益信其 幾 而 疾 八果覺。 作。 來 仲夏癸卯, 嘉定二 訪 道 與 年 語 春 召子 至行 良 ,曾與 久,忽覺 都,又從 (語,言 厥 訖 容

而

瞑。

三年庚午,七十歲。

《遺書》:正月、銘張渭叔墓。

日。以庚午正月戊戌葬於其鄉之董隩。渭叔父汝弼,文云:「渭叔年僅三十七,而不禄,實嘉定元年二月望

簡嘗銘其墓,今又銘渭叔。」

王隩。」 《志》云:「籌字伯 卒,壽七十 遺書 續集》: 有八。 明。 二月,伯兄籌卒,譔 月 甲 晚 申 而 0 頓 覺。 葬 於 嘉定三年 慈 溪 縣 封 石 志 臺 月 鄉 庚 之 申

《本傳》:「人 院檢討 上目送久之。 官。」 對,答問 兼 或 史院 往 編修 復,漏 官 過 兼 實 刻 録

聖, 乎? 先生,特格下左曹。 行狀》:「三年,面 孟子曰「仁,人心 舜 日 道 心 對, 明 先 也,此 心 有左曹郎 生首 即 道 奏: 心 虚 孔子 官者 「陛 明 無 Ē 下 爲 體 心 已自信 前 廣 之精 班。 大無際,日 L 神 有 是 大 眷 道 謂 記

■ 「月」上,原有「日」字,據《慈湖遺書》卷十八删

州、 事 擢 心 本 近世士大夫多以改過爲 民 深 黑出 基 盗 言 肖 兢 有 禍 道 日 用 而下多非其 有 念時 類 敗國之人,不足深恤。」又次言: 不照之處。 不 致 陟 業業,無起 變云云者 月之光,無 、又聖性澹 云爲,無非 使 委州自擇 洞 『今江淮 進 疑 非常之譽,諸 監 凡 見治亂之機 禍 陛下 務,莫先於擇賢久任 司 建 守令。 及國 議 而 而 當精 人,是 臣 湖 堯、舜、 不遂 決策 意。 思 知縣,仍 然,無所好 變化,故《易》曰「變化」云爲,虚 舜、 家。 湘 恐 無 昔 擇 非 賢 非 之寇 不 常清 禹 不 意 爲, 衆所 先 禹、 陛下 競 顛 相 或 飾 П 起 臣 久 而 議 倒 者 並 告 微 辭 意 湯之大道 八其官 推 常明 嗜 恥,故人亦 范 萬 取羣臣 作, 新法,決於去位,安石 ,猶以 対 動, 重於改過 宜 則 服 則 物 仲 IE 可 畢 守,異 虐不恤,故下民怨咨 淹 自 如 集 由 所 清 賢不 衆 照。 直不撓之人,巡行天下, 然 雲氣之興,故 精 之改過 以消 明 任既賢 富 復大明於今日矣。』先 智 『改過,聖賢之大德 知 舉 不敢 政者 弼 一」爲難。 陛 也。 肖 歸 柔 天災 亦言 下 無失策 溷 知 於 服 忠告。 則 就 已自信 故其 淆 剛 義 ,弭禍 委路 餘 與 是 者,表章 明 陞 監 願陛下 知 不肖乃 日 末 或 汎 贵. 王 自 月 賢 擢 亂。 司 而 有 流, 1,聚爲 應, 安 之光 家 不 擇 守 知 猶 此 動 陞 石 何 害 臣 知 今 次 不 如 有 大

> 家、列 頓 官。 問: 簡 也。 先生 心 年某月某日某事,人讀之以爲是者道也,以 静定 先 生 日 陛下 至善,至善。 廢先聖 不敢 生 曩 即 冒賢 『止學定耳。』先生謂: 請 澄 如 出,上目送久之。 日 日 傳, 意念不 是 當口 荷 此 改史法,從編年之舊 明。一上 否、是非已 從,以 道 法 使後世 而 如 度。 書,大道 此 起,已覺 不起 略 日 壞聖朝大典。』後不果上。」 見事、見 陛 無 後 則天下 歷 一日 意,則是 疑 人又靡 下自 自 歷明照否?』上言: 兼國 貮 如 用, 明。 · 幸 人而 之 太 信 甚。』問 「定無用 但 然從之,故 一,謂: 史院編修官,兼實録院 色。 非、賢否自 虚 司 此 不見道。 勿 馬 乎?』上 心 起 問 『孔子作《春 遷 即 答 意 學, 大道 改 往 而 明。」此 H 編年 道 曰 : 遷不 但 復, 已。」先 『朕 不 用 不 乎?」上 爲非者 『是 明 知道 爲 漏 起 如 日 秋 已 紀、 於天下 意 過 何 生 如 復 照 ? 故 八 爲 非 破。」 此。 檢 奏 贊 自 日 刻 世 某 1 道 然

見其 四 朝 誠 聞 實 見 而不忍欺之者。 録 慈湖 爲 館 職 同 列 率多譏 玩 亦 有

行狀 以 所 面 陳 對 久未施行,遂力求去,得 先 所 生 陳未行, 凡 兩章引 年, 求 外補 丐 温州。」 祠 知 皆 温 不 允 州 已 而 面

《遺書》:七月,記詠春堂。

又請 於慈湖。」 永」,又其别室曰 恪又請 記 × Z 銘其 銘 「恪 其 東 (堂之東· 院 請 日 書 『喜哉』、曰『止所』。 「熙 詠 房日 春 光二, 以 一時 銘堂,又請 其 齋」,請 左日 銘其 昭 三年 敷 融一, 明 西 其旨。 敦胖相 房日 其 右 勿 日 月 他 齋一 「修 書 H,

案: 案 官 汝 薄,不以生死爲畏,甚不易得。 切 沿 《遺 尾云「書於慈湖」, 宜 海 置 克艱 書 制 司 以 送子之官》文:「汝既 差 守中 遣時 庸 作,不詳年月,始坿於此 蓋當得 敬之敬之。」云 温 皋陶 州 於道 後 猶 暫假歸 云。  $\Box$ 有 『兢 覺 此 义 就業業』 時 文當是 嗜 也 欲 淡

《遺書•半亭高祖墓記》: 奠拜半亭高祖

考墓

考,獨 道 者 子 府 記》芸 奉化 亦 孫 嘗 閒 多環 徒 縣之忠義鄉半亭 有 命仲兄甃 而 「簡高 ൬ 居 居 暨 鄞 先 之,叔子 祖 ,故曾伯祖考及曾叔祖考之子 大夫始 一考九府 九府君墓 無嗣 殁 又 君 諱 而 ,刻石爲望,屋 自 葬焉。 仲 鄞 倫, 子諱 而 居 徙 於明 宗輔 四子,伯 慈 溪。 州,今爲 其 即 先 孫 簡之曾 與 大 從 季 夫乾 今門 交 慶 而 其 徙 祖 元

> 坎坎。」 圮。 本傳 北 赴 \* 東 嘉 移文首罷 奠 拜 墓 下, 妓 思 籍 復 修 尊 興, 敬 賢 新 俸 士 無 幾, 方

是, 書惡, 判 無 達,先生架大鑼 朝 同 鼎 訪 矣。 羣 列 事 至執至殺。 行狀》: 乃 待。 賢 暮, 賀 肆 雖賤 有 濯 首行《鄉記 者,禮致之,示 異 倡優下賤 願與 即 導淫釣利 喏 行 清波,如 至是寂 、時,督 每受詞 隸 戒之具 於 黑出 「先生每 必敬 八士夫軍 陟。 庭 後世雖甚 無 賦之吏,星馳火駕 者 從寒谷中 人道 聽 採訪 戟 》,效《周 傷 狀 文 無 門外,令訴者自 良 歎:『風 移 迹。 來 風 於理 間 所不齒 縣官賢否,以 共 僚 表 敗 衆 不 誰 由 官 率; 屬 歷 生春矣。 俗,莫此爲甚。』到 善, 未安,雖至親不爲 亦 何 斯 参書 縣 俗之壞 例 未 庭, 道。 順 首 即 尚 諭 一敬敏 書 崇 釋 ,上下相束,皇皇不 貨視之,以 賜 也。 獨 上下 名 至不 鳴 孝 詞 筆 酺 自 首 不 養 任 訴 拱 至 鳴 移 有 上 呼 押 恤 類 答 時 啟 文,罷 即引 舞 明 則 字。 問問 二之類 局 不 媒 載 宗 郡之明 撓。」 皆 揖 於日 之,言 問 周 飲 路 據 族 縱 人 判 妓 如 書 者 禁 · 立 言。 爲 案 分 相 從 籍 (日,妓 羣 方 人 剖 難 脱 善 恤 能 羣 良 冶 飲 人 苟 書 決 澽 湯 不 之 首 以 去 容 飲

《遺書》:冬十二月,譔《鄉記序》。

則惡。 婣。 邑之士夫軍民共由 道 序》云: 藝,則尤其善者。 今姑做《周官》,書其『敬敏任恤』,書其 有學邑官之賢者,與主記之賢士,又能書 日 「簡深信,人心皆善,皆可 用平常,實直之心,無非大道。 斯道。」 書善不書惡 ,其敬其審。 以爲堯舜,特 此固 簡願 不可 孝 其 動 與 德 友 得 乎 意 兀 睦 行 而

集日 温 州 鄉 府 志》: 記 鏤 「楊 版 於 簡 知温 學 以以 州,善 勸 民。」 政畢舉。 採 士民善行

銘蔣秉信墓。

青嶂。 笑, 毋 寢疾。 文云: 訝。」七 秉信名存誠 故 舊 訪 日而殁,實壬寅十 問 必必 世 謝 居 EI : 四 明 「萃聚許久,今告違矣。 郡 有一月丙申。 城 中。 嘉定三年三月, 葬於韓 溪 毋

友,聞 鮎 埼 亭集内 歌有省,德性 編 蔣 清明。」 金紫園 廟 碑 存誠 爲 楊 簡 講 學

四年辛未,七十一歲。

頹 水心集·社稷 缺。 嘉定 四 年, 記 守楊 「温 簡 州之社 始 加 甓 稷, 土上。 壇

公胃子莫先於土畟。」於是灌莽尤盛,刺壯城卒專修平之。

楊

公謂守莫先於社稷。」

《謁廟》文外,皆不能定其年。 詞》諸 案: 文、《奉安聖水》文、《祭海神 聖》文、《到任謁諸廟》文,又有《諸廟祈雨》文、《祭社稷 玉 醮青詞 《遺 作,俱 書續集 後 守 雨作改用》文、《禳火青詞》、《上 温 》有《知 州 時 事 温 州 自《到 到 祠 任謁 山》文、《永嘉季春 任 社稷》文,又 謁社 稷 元 謁 有 設 祈 先 《謁 醮 雨 青 碧 宣

序,命 亂 郡。 寨兵捕之。 《行狀》:「有私鹺五百過境 尉庭下,召劊手兩行夾立,郡官 是不嚴天子命,違節 幹官檄永 久,得釋。 本傳》: 貽 簡 斬之。 朝廷 驚 巡尉 「私鹺五百爲羣 嘉尉 曰 : 奏罷 憂。 儇佻易事,先 郡官交進爲 及水砦兵捕 分司。 兵之節 是 可 内,分司幹官檄 制 輕 其紀 生驚 制 應 動 在 斬。」 過境 乎? 之。 日 致 律 郡 悔 如 將 賊 建 「盛服 内。 巡 永嘉尉 皋 此 徒 萬 旗 尉 違 意, Ŧi. 分司 立 立 節 百,合 不 及水 Ė 良 西 巡 制 召

四九

家族 懇 亂,百爾其 致 悔 何 翅二千 罪意,乃 死, 奚 口 得 贖 ? 釋。 也 拒 捕 相 且 殺 違 傷 節 制。」 變 在 命 頃 斬之。 刻 耳。 郡 萬 官 爲 召

案: 巡 鄉 鹺 記》」,其《鄉記序》自署則「三年冬十二月」 先 與 八償負 生 任 諸 温 州 事隸之四 月日 無可 年。 攷 惟《 行 狀 云 到 也 任 首 故以 行

償 城 寓官置 中 所 讙 負。 踊 民 ,名楊公河。」 勢家第宅障 田 負其 直 一,簡追: 官 河 其 即 隸 日 責 徹之。 之,而

《行状 書狀,尾 膠 府,二子新喪 寓公爲動, 其家,語 也 十八人,同所 行也,文何以 古 禁甚 名流有文,且 出 嚴 日 日 幹 「或訟 商 者屬 則 「簡知 母歸 訴 為 人 不得 楊 庾 售産, 寓公負其 吏。」 長 語?」 簡 即 上位 税 老 公必 E 輒 命 闌 寓 繆,不 吐 衰 對 吏籌計官 尊顯, 出 公靳 實。 無 衣造 白 海。 是 益苦,受其狀 堪 之,竟 也,是在 先 何得 庭, 爲郡 時 生 帑 直 挺 副 日 爾?」對 若干。 追 人給之。 身自 端 預 斷 幹者。」精 方 乞 簡 冒。 以 償 先 知 日 威 所 既 章, 袖 生 公必 先 福 負 而 誠 衆 『今所訴 日 : 生. 放 奴 麇 詞, 所 從 無 至 歸 視 瀕 『是 容 是 即 者 田 官 海

> 遂即 前。 不得 里。」竟 日 吐。 EI: 巷 徹去。 居者苦溉 坐 『汝不食天子粟,不爲吾用耶?』科 有言者,先生命 犯 者 滿城 如 濯, 法。 讙 而 踊 府 官 勒 第 廂官立毁之。 失虞火之備,累 石名楊公河。」 障 官 河 立. 廂官 僦 屋 致 首 懾 氣 扼 械之往 怯 咽 舟 莫敢 人 0 咽 喉

遺書續集》:譔《祭伯兄文》。

敬。 文》云 日 H 惟 新 又日 兄易簣,今已 新。」 周 星 禮 雖 有 制 而 中 心

案:此爲除服而祭,當在是年二月。

(遺書》: 譔《半亭高祖墓記》)

《記》云: 興 兄名居立石,使 才、子富、子祥,合計 慕 ,以書於永嘉郡 「半亭高 億 祖 以 墓,曾 齋。」 書 協 來,欲 力,作 伯 祖 簡 新門 下 識 族 .墙,邑 其 兄 事 百 里 六府 簡不 改 觀 君 勝 之子子 興 又族

譔《勸農文》。

耕者,常情之所賤, 文》云: 「舜,大 聖 君子之所 也 而 敬 耕 尤爲本 伊 尹 朝 聖 列聖之所敬 人 也 而

<sup>■「</sup>致」,原作「政」,據《四明叢書》本改。

肯耕? 暇 之實情。 老太守諄 其二風 故守令皆以 日 審 俗俗 思詳 然大患 諄 好 争, 爲 勸農繫 慮 虚文,非真 以 有 切 好争 勿以 銜。 其 故 奢 今争田 情 雖 爲榮,切 風 耕 俗 此 而終於貧。 之訟累累,豈 好 實 奢,故 勿以好 老太守愛汝輩 雖 争爲榮, 願 耕 父老 有 而 終 田 切 從 勿 貧 而 至 容 不

## 更永嘉郡治堂亭名。

子曰: 見 又郡 《記》云: 『澄光』,即水之澄光,明 矧古者堂室名不三字? 失其時, 日 光』。 一詠 圃 堂 春』, 『心之精 有堂名『夢草』。 前 其 「郡宇之東有堂焉,名清心。 良 道 詠 有 水,孔 光 • 春,孔子之所與 彖》曰 神 明。」是堂, 是 子 謂 日 聖。」 此心之澄然而 二知 夢草,蓮社之所 時 今更 憩止、 止 既聖矣, 者樂水』。 則 也。  $\Box$ 止 之所 『燕堂』, 更『企 時 何 光照。 也 簡心 行 更『燕 俟乎復清之? 不 則 燕居之堂 賢 瀕 納 不安焉。 行, 堂 水 也。 衎 小 動 堂 日 今更 亭 静 也 孔 H 知  $\exists$ 不

更永嘉郡學「養源堂」曰「永堂」。

也 記 | 三 所 以 事 「皋陶 君 者 此 日 也 「謹 所 以 厥 從兄 身,修 者此 思永。」所 也 一,所以 以 友弟 事 親 親 者 此

> 婦、與 之,非聖人之言也。 郡 是 學 謂 有堂日 聖。』人皆 朋 友交者此 「養 有是 (源」, 也 心 簡 有 ,皆具 懼 人謂之心。 源 誤 有 學者 流,分本 此 聖。 ,更名『永堂』。 孔子 百 與 姓 末 E H ,裂大 用 心之精 而 道 不 间 知。 神

生立鄉校於此,故名。」 嘉靖 浙 江 通 志 温 州 永 嘉 縣 慈湖 橋 宋郡 守 慈湖 先

譔《平陽陰均隄記》。

年,汪 親 之民世世子孫無 害。 鄉農 且 德,今將立石陰均 窮大恩。 請 山 仁 記 記。 墨 賑貸平 之麓,以 四鄉父老而 <u></u> ≥ Z 大 自 田 令君 有江 北 書 「天府 今承計,巷哭路弔 陽 距 防 八 惠 十鄉 大海 以 字 漲 撫 來至於今,由 下, 府 溢 吾邑,建埭 忘 細 西西 併 刻曰 銜 庠 民。 紀 又經理 林 枕 哀 君 子 興 其 長 雅 君 「令君汪 ,君雅 事 江. 敬 等 雅 八十丈於陰均,又造 念 其 10 水利不治 深 凡 暨父老而 以 旁之塗 簡 ,合平陽 無以 知 四 請 公遺 使 於 + 於 仰 是 君 萬 州 愛恩 地 ,歲告饑。 層 東、 好 平. 餘 下,受汪 守 汪 以 善 畝 惻 楊 西 令君 波 樂 爲 然 簡 被 社 義 金 爲 日 令君 使 嘉 不 石 鹹 , 敢 倉, 舟、 : 之 門 報 + 潮 定 書 求 之 於 鄉 無 奏 四 親 元 巨

林 景 熙 白 石 稾 陰均 斗 門 記 **\***: 平 陽 瀕 海 而 州 水 利

季良所 多斗 創 也。 爲 大斗 今故 門 碣 人 猶 陰 均。 在 爲 大斗 門 者, 嘉 泰 汪 令 君

未知 縣。」 案 又《平 孰 姓 是。 譜 陽 縣 志 汪 季 亦 良, 作 開 廣 禧 信 人, 年 以 任 開 林 禧 記 年 作 知 嘉 平. 泰 陽

## 譔《陳規守城録序》。

知德安 遂大敗之。 郡 大夫罕見 (宋史・ 守城 序》云: 庫。 録 府。 簡即 陳 》,其言條 「簡 此 規 升 李孝義 命多 書。 傳 有 徽 志 爲帙 猷 待 理至詳。 於 規字 制 閣 張 武 待 ,分遺士夫,以廣 知 世 備 元則 簡 制 以 踰 愛此書 待 有《 北 四 密 制 騎 + 攻守 州 數 陳公初鏤 年。 安 取 萬 方 邱 諸 薄 前 國家武 略 人。 九 城 數 版 江 傳 年 規 建 於 以 於 備 始 炎元 亟 九江 納 得 世 爲 陳 東 年, 備 乾 嘉 規 士

#### 誌鄒元祥墓碣。

道

八年,詔

刻

陳

規

守

城

録

頒

天下。

祥與鄉 次近 文云: 諸 弟。 覺 其舅 貢 饒 自 簡 之樂平 謂 隨 是 元祥 通 相 之,自是 鄒 與 色 夢 從 温言約 容。 遇,字元祥。 益 後簡以 澄 明。 神 定氣 元祥 職 楊 事 和 簡之宰樂平 事 至 喜 親 蘭 愠 若, 至 上孝,篤 不 元 形 祥 元 動 愛 見

> 平。 殁。 容周 白厚 德 厥 來 計 旋 孟 效 至永 莊 請 夏 迺 誌 爾。 肅 嘉 其 日 閒 哭 泰。 嘉 扶 於 定 坐 燕 其 四 艮 處 年 堂 齋 春 事 遣 還 赴 奠。 於義理,不 中 禮 堂 闡 臘 與 月 罷 家 ,其子自 而 可 疾 奪。 茗 作 得 飲 歸 别 罷 使 後 而 而 進

## 五年壬申,七十二歲。

階 從 簡 客位。 步 命 有 驅 也 先世契,出郊迎,不 本傳》: 足 則 西 辱 某 亦 車 常尊。」 翼偕進。 趨 反。 後 踧 臨 不 簡聞之不 出 踧莫敢 敝邑。 敢 及 將 簡 帝 立 不 降車 階 曰 : 遣 肅 使 禮 天 就 使 \_ 者 莫 北 敢入,往來傳 使也 主 至 外 某 使 使者趨 敢 敢 面 席 郡 者 守 升 東 當。 某 頓 譏 日 臣 上,簡行 首言 E 使 出 察。 不 從 者 乃 使 敢 閒 契家 立 送 日 日 者 口 使 不肅 道 戟 數 則 . 升 銜 於 走 天 常 門 四 邦 自 天 簡 州 外, 西 君 遂 子 禮 使 乃 西 爲

既就 之庭 數刻 創 不 天使乎?』持之益堅,使者辭益 敬 雖 見之,莫不瞿然竦觀,屏息立 ;使者 微 館 也 承 遭 例 簡 執 事 乃 知 書大國之上,尊天子也。 有常尊。」簡 尊 以 不 賓 天子之義?』 可 八禮見。 變,乃曰 三: [《 儀 : 典 『某 即 曠 春秋 揖 力, 絶 不 敏 而 邦 如 況 出 王 X 是 今 敢

後臺 告訐 異,天使升阼階西向 創見之。 子下使者郡譏察,使於先生爲先世 《行狀》:「楮券之秤提也,所至嚴酷 成風,破家者相 憲亦以 使者反,告於朝曰: 譏察奉朝旨行郡 踵。 坐,不終辭。」 先生寬平不迫,市價自 , 先生禮 『秤提若永嘉可爲法矣。』 契。 遜之如 以柱 儀 典 後 初 曠 惠 絶,邦 然事 登。 文從 天 體 事

癸未則二十九日也,故以使至郡事隸之五年。折閱不行,遣官體訪江浙諸州。」攷是年十二月乙卯朔,案:《宋史·甯宗紀》:「嘉定四年十二月癸未,以會子

簡 吾 敢 在 以 郡 赤子 廉 儉 膏 自 血 將, 自 肥乎? 奉 養 菲 閶 薄, 巷雍睦 常 日

> 子任撫字,敢以郡爲樂,羞赤子膏 士咸向 去。 朝路 《行狀》: 止 謁 卿治第甚華,中 地難畏, 大感悟, 詣 自將,不費於無藝,中孚感物 賦 無忿争聲,民愛之如父母,咸 之,願阿 庭受杖,杖之終 而 間 ,特委蛇延之别 食用 財未嘗匱 ,號土物名品 巷 方,知 一翁壽。」 雍 相 「故事,歲擷朱樂蒸罄木 甚 睦 先生 戒 菲,設 務己學。 曰 : ,無忿争 ,不設法、不立額而課未嘗 無怨。 繳 有堂尤偉麗 『老子無乃 館 納出身。 厨 又蠲 猶 生 聲。 軍民 有冒 埃。 愧 楮 諸邑訟 發 懷戀有父母慈 同 真柑 ,固常日交賓之所。 閒 語 聞 顔 耐 貴 姓 家 閒。 乎?』悉 游 人 登 介饋 人曰: 丽 者 血 自化服,不 狃 科 化 雖遠涉 豪侈頓 自 聲 者 費,大苛擾,悉 之,日 畫 肥 既 吾 樂 庋置之。 虧。 乎? 像祀之。 ,家家肖像 事 甘甘 消 儒 數 柑香,分 蓋 素 年 忍 敖 雖 先 兼 心 由 矣, 放 欺 爲 到 并 生. 不 廉 也。 忽 郡 往 名 蹐 督 天 削 祀 儉 衰

以其勤於奉職、奏之、累階禄秩 天啟 慈 谿 縣 志 劉 厚 南 調 瑞安尉 皆有 能 楊 聲。」 文元 守 温 州

溪。 水尉 永嘉縣 紹 熙 棄官從朱晦 志 庚 戌 用 戴 閤門舍人戴 蒙,字伯養,其 庵於武 夷 因 勳牒改名壄,中 念假途易名之非 先 由 閩 徙 永 第 嘉 調調 居 改 吉 柟

名, 於 前朝 應 後 鄉 用 舉 御 史王潁 再 試 不 叔 雋 請 日 詔 : 司 以 原 以 名復官。」 止 矣。」 郡 守 楊 簡 薦

慈湖 於郡 温 州 塾。 南吹臺塾 府 志 地 有 「吴濼 湖,亦名之日 ,從游甚盛。 字子 量 慈 楊 一,永嘉 湖。」 簡 知 人。 州 事 淹 禮之, 貫 經子 大 講 易 名 學

案 相 後 《浙 近三十 江. 通 年 志 1 >: 疑 誤。 吴濚,永嘉 人,淳 祐 元年 進 士。 則

之門。 東崑 仰 止 録 **\***: 周 坦 9 字 亚. 甫, 平 陽 執 經 慈 湖

刊 劉 白石稟・二 華 元承受業於程門爲最先 據實 猶程門緒 薛 先生文序》: 餘 薛 小永 氏玉 嘉 成學 自 許 於 少 慈湖 伊 周 楊 敬 恭 仲 叔

《吹劍録外集》:「薛疑之,字季常,號玉成,永嘉人,作

《伊洛源流譜》。」

《平陽縣志》:「薛疑之卒,慈湖誌其墓。」

堂,温 朱 彝 尊《 州樂清 經 義考》: 人。 交於楊 胡 慈湖 桂 日 有 湯湯 《周易 建,字 統 傳 達 山 號

《遺書》:贈陳伯量書。

話 書》云: 別次 復求數 都 昌 陳 語 以 伯 行。 量 È 平陽 簿 同 寅 兩周 星 從 容

盡

舉

敝

政

盡

除

民

怨

自

消

禍

亂

不

作。」

入對,言:

盡

掃

喜

順

惡

逆之私

情

政

有八。」 定十二年,給筆 而 鄉 西 威。 明年 Ш 集 更三太守 中進士,教授温 徐 鳳 墓 札 ,皆敬之。 誌 於 \* 玉堂 「字子 州。 之 慈 廬 年甫三十 儀 湖 楊 浦 以 公謂 + 城 餘 人。 七 可 善善 年 與 年 卒, 開 語 + 迪,不 年 道 九 四 舉 + 嘉 嚴 於

案:《 時 定元年子儀年三十二,先 同 官 温 也 州 ,故坿於此 府 志》, 徐 誼 爲 生 教 知 授 温 無 州 年 在 月 嘉定 以 墓 三年,當 誌 推 之, 亦 其 嘉

道,傾城哭送。」《本傳》:「遷駕部員外郎,老稺扶攜

緣

《行狀 談邦人去思未艾,且 積 白 書 有 扶擁緣道, 日 別先 機 老人以 懽 户 沸井里。」此 生 嘗 「五年,除 爲 云: 遭 徒, 前 「執事二年勤治,公私交慶,惠利 此 『我阿 亦手 未 實 駕 有。 謂 録 織錦字爲大帷,頌 翁去矣,將 部 當 也 員 載 時 外 於竹 後十 真 郎。 有三代之風。」 帛,形 奈何?』 餘 去之日 歲,上 德 於 庠 政。 傾 啚 老 知 城 繪 名 稺 葉 出 所 雲 侍 纍 士 及 盡 聚 纍 猶 郎 戴 争 極 Ш 滴

#### 改 I 部 員 外郎

拂其屬 於前 爲恥 雖於同 《行 之,後世罕 堯舜舍己從 過 明 卒 習 民 煩 以 策 而 告於陛下。 諭 以成 能 怨吏卒、怨官 至中 盃 困苦,小 而 ,受成吏手 不 狀 水救 改 大臣,有 敢 不敢 夫吠呼,從之者如 御 此誠 姑姑 外 ,特表章之,布告天下 俗 官 革 史、 獄 行 容之。 知 牢 改 民萬狀 恐 明 監 治 車 人,成 世 以 吏 除 拂 末 長官能受逆耳之言,小官喜於聞 ,同官拱默 知 亂 薪 筆 司 一俗常情 非 員 可 其 T. 不 繩 之火。 安 楚 遂 多闕 部。 Ŀ 破。 表章布告,使天下 過 湯 同 肖者之情 之於 危所 取 怨 一官剛 改過 路 官 而 及 喜 少、恐 故 £ 不復 後 繫。 雖 節 歸 不 朝 德 順惡逆 殿,言: 以 雖明 不吝。 知 節 市。 敢 廷。 直 庶 ,始或案奏,其 切切 不敢告 也 不賢 盗 言 審聽 幾 爲 知 性 今聖 起 勿以 故 臣 吏部 恐 改過 曲 願 雖 臣 者不 本 ,皆乘 大懼 囚 聞 明 拂 長 其 ·改觀 善 一朝 冤 爲 辭 有 過 注 之善, 知 其 和與 朝 雖 苦 任 小善 官 擇 當 授 意 民 求 有 (漏網 無 而 州 亦 中 廷 今第 則 怨 賢 八。率多 終將 不 忠告者 而 視 拂 善 縣 告 惟 重 問 衆 外 久 忽之也 過 政 者多矣 其 爲 承 積 賞 當 任 賢 以 孔 願 奉承 帖 害 常 情 導之 或 怨之 不肖 改 子 陛 猶 急 職 爲 多 Ē 也 知 知 调 以 恐 F 吏 憚 務

> 禍 盡 亂 掃 不作。」上嘉納之。」 喜 順 悪 逆之私 情,善 政 盡 舉 弊 政 盡 除 民 怨 自 消

六年癸酉,七十三歲

器監,兼工 本傳》: 輪 部郎 對 一,以 官 轉 擇 賢 朝 奉 久 大 任 夫。」 爲言 遷 軍

嘗試 説 已」,況告君乎? 無 行狀》:「六年,輪 行,天下事自 出擇賢久任之上策。 具 奏贖 簡 無不治。 不 複詳劄申 能 將對 是 也 既累告於上 先 此 斯 生謂: 而 いる。」 君子 未竟,又將 H. 矣,他 於 其 + 言 旁舉 年 何言 深 無 思 細 所 務, 熟 荷 即 慮 姑 此 而

又遷將作 監 兼 或 史 院 編 修 官 兼 録

院檢討官

故舊自 省 討 行狀》: 官。」 乞 寢 爾 免, 「先生不樂用 相 除 料 理 將 作 此 監 日 磨勘,初 亦 兼 部 或 長 史 貳 員 院 白 郎 編 時 堂 修 轉 , 遲 之。 官 數 歲 實 先 不 録 生 轉, 院 猶 檢 申

案《遺書 . 題將 作 軍器二監 》詩 ,當作於是 時

遺書》: 夏六月, 冢 婦 馮 氏 卒。

墓 銘 馮氏,名媛安,字婉 IĘ, 恪之妻。 孝友,篤 至

Ŧi. Ŧī.

静 病。 專, 無 生如死,死如生。」以嘉定六年六月十七日 故 不 出 户。 病 久,語 其子 埜 日 我 雖 病 實未 卒。

《遺書續集》:銘王德高墓。

鄉 定六年三月丁未卒,年七十九。 墓銘 施隩 貢,繼登太學,登進士科 王 鎬,字德高 世, ,尉江 爲鄞人,後 <u>+</u> 州湖 月 徙 П 慈溪。 丙 調 申 會 稽 葬於金 弱 丞。 冠 JII 與

七年甲戌,七十四歲。

《本傳》:「轉朝散大夫。」

《行狀》:「七年,以兩院進《御集》、《實録》,轉朝散

大夫。」

《遺書》:二月,葬冢婦馮氏於象山縣之

崇仁里。

《墓銘》:卒於嘉定六年六月。越明年,祖奠遣而歸

里。● 至二月丙申,葬。

萬計。 《本傳》:「金人 得土地易, 邊 吏 得 臨 人心難 淮 大 水 饑 射 來 之。 歸 薄 者 海 簡 内 日 戚 外, 以 然 數 皆吾 日 干、

> 言之。 靳 赤子。 直寶謨閣主管 相 升 上帝 斗 不報。 綏 中 粟 土 四方之道哉?」即 而 迎 故 玉 殺之,蘄 民 會有疾,請去益力。 局 出 觀。」 一塗炭, 脱 死 投 日 乃 慈 上奏, 速 父 得 母 死 乃 以 痛 贵 顧

《行狀 者 非其人,軍 肖者前後踵 萬計。 擢 廷又憚改作,甚 守例二年 文,大壞士子心術。 味,云且 上 戚然,即日上奏。 不 用 策,無過擇賢久任。 將 可 邊吏閒不知大體,列弓弩臨淮水射之,退。 帥 謂 有驗矣。 「虜大饑,北 爲 無。 人懷怨,有語 全才固 任, 接,故妄作害民,致怨招禍, 非 楮 知 祖 縣三 但 不 券大失信 難 宗 吏部注授專以資格,不考才德。 報。 朝 得 民 累白廟堂,亦已浸知擇賢久任 所 年 廷承襲 謂 襁 其 後十日 餘 望聖子神孫之意。 屬歸 用命者無恩澤,不 有 京官、 民 智 久 對泣 我,蜂 勇、 當當 例 選人各有定 科舉 不 面 痛 聚蟻 對,復謂: 刻 怨 大盗 剥 取 壅,日 後 士; 得 今兵 戰 累 雖 起。 例。 專 士 而 「方今 稍 數千、 卒心 先生 帥 走 尚 寬 不 郡 者 多 朝 虚

之義 幾年,三人修門,四經陛對,言無可採,澤不被於天下, 道 假。 聞 徒綴班列,不去,義乎? 有家者由乎道義,則上可事君,下可臨民。簡踰七十又 曰: 此 亂安危所繫。 遣 論爲迂闊,以 未根刷收拾。 萬緡,不知己未支還, 鈔 舊以年月日 而 過 義 道 目 幾於無用,客子怨深至骨。 有 愈明愈確,而 『吾益老,當去矣。 心願改,君臣同心,則天下被如天莫大之恩。」已乃歎 先生自永嘉後,告老丐祠之章又十餘上,每切切乎 前 秤提。 ,謂: 『有國者由乎道義,則上當天心,下合人心"; 、民畔如歸」。 ,而人心不服,上帝不與,禍在其後。 次第支鹽,今定舊鈔二分、新鈔八分,故 州 趨時苟且權譎之術爲通才。 孔子曰:「一物失理,亂亡之端」,「苟違 最有一大利害,習俗常談,以大公至正之 郡 過嚴、民甚冤苦。 請 惟陛下明察静思,大臣亦虚己求言 愈力。 又放散軍人,失所深怨,不知己 猶未已耶?」會有疾,遂連乞 不義乎?』至此,又極言當去 遂除 軍器物料尚欠客子若千 直 寶謨閣 又鹽 權術苟且 法累改失信 主 管 此國家治 成 都 暫 府 舊

八年乙亥,七十五歲。

玉局

觀。」

秋月獨明。始傳《古文孝經》、傳《魯論》,生,巋然天地閒,爲斯文宗主,泰山喬嶽,方僻嶠,婦人孺子,亦知有所謂慈湖先《行狀》:「其領玉局而歸,門人益親。遐

而釐正其篇次。」

九年丙子,七十六歲。

《貴書》:夏,《禺書》詩二字

措焉。 《遺書》:夏、《偶書》詩二首。 有孰虚孰實,無高 狀,變化離坎坤乾。 其二云:「行年七十有六,隨世名言則 先聖爲是發憤忘食,簡也 無下無邊。 人情曲 折參錯,動 清明 「何敢空度歲年!」 靡所 然。 静多欲後先。 不 照 應酬 語不 衮衮萬 孰 可

十年丁丑,七十七歲。

《遺書》:《偶書》詩二首,《詠春偶作》詩

二首。

峰,可詠不可詰。」 空,有無混 偶書》詩一云:「新年七十七,是虚 然 比 日 腑 臟作,示病 而 不是實。 無疾 我心 憑 欄 包太 拱

又《家記九》:「孟秋朔日食,望月食。曾

五七

害道 算 精 曆 歟?』先生日 汲 每 前 古云:『日 家亦莫能 中, 行 不究 所 皆 月 中十 其 中。 日日 薄 詳, 食, 僅 食 曆 遂 七 雖 或謂天之定數, 家 八。 歸之定 因 咸 日 服 諸 月交會, 唐 儒 數 汎 行 此 聞 之 曆 非 而

作,皆汲古自爲之記。」《遺書》:「《復禮齋記》爲汲古之父作,《安止記》爲汲古《慈湖從祀録》:「曾汲古,字子濬,廬陵人,慈湖門人。」

十一年戊寅,七十八歲。

自言: 前 興 中 女,歸 《遺書》:誌葉祐之妣張 讀之,知此心明白廣大,自謂讀書行 文云:「葉元吉名祐之,母孺人張氏,故將作 、見天地萬象、 聞 當 有 更 司農寺薄 『弱冠志於學,而未得 鼓 物。 聲 而 及 覺, 大顯。 萬 物 H 再 萬 聞 簡至 變, 此 先 非 生 明 其 吴,元吉 鼓 警 暗 方。 氏 聲 誨 虚 墓。 也。」終 實, 三不敢. 得先生《 此 來 皆 訪 此 物 夜 起意。 執 方 絶 監 不 聲 事 泯 丞允恭 寐 几 甚 然不 復寐 碑 而 恭 Ħ 凤

> 之墓。」 月乙未。 矣!』垂絶,神 孺 吉,孺人已疾病,命二女聽於屏閒,盡記簡之言以 見。」元吉弱冠與 言,且謂『若不見先生,止於半塗』,於是喜甚。 人舉 手曰:『幸甚,吾 以 明 . 氣清明 年 貢, Œ 孺 月 無 人不 庚 兒 午, 得 語 以 祔 差。 此 爲 於 喜。 於 時 先 旲 嘉 及見 生 縣 定十 至 簡 德 吾 年 鄉 死 簡 歸 無 寺 + 道 訪 告。 簿 憾 簡 元

亦慈湖 Ш 於吴,即朱長文樂圃 宋元學案• 菊坡 高弟也 習 庵 慈湖案 ,皆從之遊 故 址。 一張 而 端 尤 時 義,字正夫,鄭 服 耆艾,如慈湖 膺。 其 中 表葉元 州 説 人。 齋 鶴 居

《遺書》:《吴縣講義》一章。

年。 慈湖 案: 陳世 先生 一崇《隨 《誌》亦作於吴地。 祠 至吴年月 ❶當以其講學之地 隱漫録 無 慈湖 致。 E 題 整 玩 而 平 姑 葉 祀之。 江府 母 蘇志 墓 泰 》「吴縣學 誌 伯  $\overset{>}{+}$ 廟 》詩 語 舊 當 首。 有 在 楊 是

<sup>■「</sup>鏊」,原作「鼇」,據《四明叢書》本改。

《咸淳臨安志》:「譔《臨安府學記》。」

明年 稱 宫與 事 記》云:「嘉定九 寒?! (講學之所,卑陋不足使 簡 孟春 行 經 年 始 t + 越 年, 壯 有 月告成,始克鼎新大備。 京 庠典 H 夜兢 人興 入教 袁 兢, 敬,告 肅、 黄 於 無 灝 帥 所 顧 瞻 屬 知 請 簡 先聖之 於 曷 識 朝。 以 其

十二年己卯,七十九歲。

《本傳》:「升直寶文閣,主管明道宫。」

《行狀》:「十二年,除直寶文閣、亳州明道宮,再任。

《遺書》:誌錢子是妣徐氏墓。

傳》,請誌銘其墓。槱,字誠甫,近於嘉定十有二年元夕礙,遂清明無閒。後遣其冢子槱奉書至,并其妣氏《家文云:「簡於淳安錢子是至契。子是先已覺。簡剗其

《天專》,下三二方,不過去名? 或前人比氏言含之。 後一日有覺,至晦日又大通。嗚呼! 子孫皆覺,載之

《宋史‧錢時傳》:慈湖門人錢時,字子是,淳安人。以《家傳》,亦垂不朽,奚假誌銘? 誠甫以此紙告於父。」

《易》冠漕司,官史館檢閱。

背馳 李德恢《嚴陵 知 其 幾。 志 惟子 時 遊 是 慈湖之門,慈湖喜曰:『人 超 然有 覺, 又 能 啟 迪其鄉 人

士。」大書『融堂』二字贈之。學者稱融堂先生。」

堂同登慈湖之門。」《宋元學案‧慈湖案》:「洪夢炎,字季思,號默齋,與融

《遺書·默齋記》:「季思請名其齋,簡名之曰默。」

《嚴州府志》:「洪夢炎,字季思,淳安人。寶慶二年進

士,官差知衢州。」

門,故淳安之士皆爲慈湖之學。」人。淳安,自融堂爲慈湖高弟,而賾之族祖夢炎亦登其人。淳安,自融堂爲慈湖高弟,而賾之族祖夢炎亦登其

譔《敬止記》。

記。』明日授以此文。」
之曰『敬止』。求説,先生曰:『敬止無説,簡當爲之之曰『敬止』。求説,先生曰:『敬止無説,簡當爲之

又《贈錢誠甫書》:「誠甫遠訪,從容近月,問答亦詳矣。

十三年庚辰,八十歲

十四年辛巳,八十一歲。

《本傳》:「除祕閣修撰,主管千秋鴻禧觀。」

《行狀》:「十四年,除祕閣修撰、紹興千秋鴻禧觀。」

五九

《純德編》:「嘉定十四年,邑令趙崇遂屬

鄉先生楊簡題純德廟額。」

享亦可 孝君以我章聖朝膺純德封號,業蒙椽筆,採純 《純德編·趙崇遂與 先生早費以襄其成。」 君子立子極同,臭味必合,或别立 邇者進士李伯英請 也。 今諸 搢紳定議祔 (慈湖 并定神龍張孝子之祠。 先 生書》: 人董 廟内,行禮 廟固 「崇遂 一善,即 拜 有 德字 啟 同 伏 日 室 題 漢 念 而 兩 董 希 廟

年孟秋朔日記。」案:張慮撰《張孝子配董孝子廟記》,尾云:「嘉定十四

《寶慶四明志》:「張無擇,句章人,性篤孝。父卒,負土

營葬,七日絶漿,三年不櫛。」

又: 慈溪縣令趙崇遂,嘉定十二年五月任,十五年正月

十五年壬午,八十二歲。

離任。

《本傳》:「特授朝請大夫右文殿修撰,主

管鴻慶宫,賜紫衣金魚。」

《行狀》:「十五年,授右文殿修撰、南京鴻慶宮。」

十六年癸未,八十三歲。

《本傳》:「進寶謨閣待制,提舉鴻慶宫

賜金帶。」

《行狀》: ①「十六年,除實謨閣待

《成化四明志》:「陳塤丁父喪,從慈湖

制。」

讀禮。」

不怠。 忽歎曰:『俗學不足學。』乃師 調黄州教授。 《宋史·陳塤傳》: 累官國史編修、實録修 喪父,考古禮 「 塤字和仲, 制 撰 事楊簡,攻苦食淡,晝 時 鄞人。 出 祭、 知 儀 温州。」 嘉定十年進士。 制、 祭器行之。 夜

處州教授以去」,時在理宗即位前,姑列於此。案:和仲學禮慈湖,不詳年月。而本傳言「免喪」後「注

正肅外,習庵其最也。」 《宋元學案·慈湖案》:「填號習庵。慈湖大弟子,自袁

昌明師門之緒者,莫如鄞之正肅袁公蒙齋、侍郎陳公習以南,《宋史》舉其都講爲融堂錢氏。予嘗考之,其最能《結埼亭集外編·石坡書院記》:「慈湖弟子遍於大江

● 「行狀」至「今慈湖東」二百四十三字,原置下文「誌云

履大類 子三省。 慈湖 並 石坡之語 庵及慈之桂公石坡。 一於蒙齋、習菴,其 東 慈湖 Ш 其言樸質 之麓 悉 本 師 石 有 坡 説 石 道之尊 晚 無華葉、蓋 坡 Ħ 顧袁、 年 書院 明 最 誠 如此。」 爲耆壽 陳以名位著, · 日 0 以躬行爲務 |孝弟 即 東 當 · 日 年 浙 所 顔 推 而 講 子 ,故其 爲 桂 學 楊門 四 稍 勿 之 (生平 晦。 地 碩 日 也 曾 今

是謂 深。』先聖日 《遺書續 聖,此 集 聖人之言, 改 遺 而 桂 止,謂 夢 協 何 書 改 敢不信? 過 ❷「夢 即 止 協 無 但 謂: 庸 學 他 二心 者 求 所 造 之 有 精 神

元二年 張 歸 時 ,築石坡書院, 徹 進士。 《嘉靖 甯 由 波 講 南 府志》: 學其 康 守 中。」 進 「桂 直 萬樂, 祕 閣 遷 慈谿 尚 書 人,字夢協 右 郎。

案: 石坡從學先生,無年月可攷,故附於此。

十七年甲申,八十四歲。

《本傳》:「理宗即位,進寶謨閣直學士,

賜金帶。」

閣直學士,提舉南京鴻慶宫。 《宋史‧理宗紀》:九月乙亥,詔褒老儒,以楊簡爲寶謨

袁正獻《從祀録》:「十二月,誌故龍圖閣

#### 學士袁燮墓。

簡銘。 《誌》云:「燮薨於嘉定十七年八月癸巳,年八十 簡不勝 年十二月丙 簡與 興 一年,葬 和 叔 同 於鄞 講 學。 縣 陽堂 和 叔 鄉 立 穆 朝 嶺之原。 光 明 臨 諸 孤 不 泣 是 請

《真西山集・袁燮行狀》:「公之葬,慈湖楊公實爲之

銘,於公大節摹寫盡矣。」

爲。」楊敬仲 羅 大經 《鶴 林 深愛其 玉 露 語 袁 故銘 和 其 叔 云 墓 日 非 木 和 非 叔 之覺, 石 無 思 所 無

未知。非木非石,無思無爲。」」

案: 今《從祀録》載先生所撰《墓誌》而軼其語。❸

《鮚埼亭集外編‧楊文元書院記》:「史

- ●「山之麓」至「並於蒙齋習」八十五字,原置下文「學士
- ② 「遺書續集」至「無庸他求」、《四明叢書》本置下文「袁
- 0 得此 案》,皆云『未見』。 不載《慈湖 四 明叢書》本作: 志於封土之下,因 遺書》」, 道 「《從祀録》云「楊文公所撰《墓志 故 光間 黄 録 南 而 雷、 還 IE 置之墓上。」 獻裔 全 山謝 孫 山 萬 先 經 後 修 輯 治 《宋元

牙籤 子仁復 未就 子仁受文元之教,終身不 忠定既 甚 而 卒。 逝 富,文元因 請 端端 文元 憲、正獻 講學,故 思 修 亦下世。 羣書, 其居 應 召命。 碧沚甚久。 以 忠定之孫 Œ 邪 碧沚 説

父彌遠當國 沚二字賜之。 宋元學案・慈湖案》:「守之,字子仁,從楊簡遊。 一; 心 子仁居碧沚,不與時諧 弗善 也 退退 居 月 湖之陽, 甯 以 道自任 宗 御 書 碧 仲

理宗寶慶元年乙酉,八十五歲。

《本傳》:「寶慶元 奉朝請 縣男,尋授華文閣 詔 見 簡 年, 直 屢辭。」 學 轉朝 士 議 提 舉 大 佑 夫、 神 慈 觀 溪

疾, 朕心 學士、奉朝 行狀》:「慈溪縣開國男,食邑三百户 素所簡記。」令所 控辭至於 請 五六。 親 灑 宸 在 翰 軍 屢 州 以禮 頒 詔 津 旨 -發赴行 謂 ,尋授華文閣直 「先朝 在。 先 耆 生

元年進 宋史·傅 士 授明州教授,累官 伯 成 傳 伯 成,字 景 寶謨閣 初,少 直 從 學 朱熹學。 ±. 寶 慶元 隆 興

年,與楊簡同召,以老病辭。

又《真 遠者,不如此。』上 疾,乞放歸田 奕棋。』上 日 高字泰《敬止録 一開 德秀傳》: 師 默 相 然。 幼 受教於卿。』 「朝廷之上,以耆艾裦傅 罷 曰 「穆陵即位 朝 「何謂 以 語 一慈湖 彌 ? 一,慈湖 遠 對 對 對 日 H 以  $\Box$ 列 彌 臣 伯 卿 遠視 之所 成、楊 臣 召 師 對。 素 其 以 簡。 上問 有 君 教 心 如 彌

計告辭 行,俱奉朝請 案: 史言史彌遠欲收衆望 云作 覲 伯成 來歸 、簡辭不至。 胡 疾不愈」 一,勸 帝 」,則 召 ൬ 傅 據 先 伯 《敬 生 成 固 11: 楊 曾 録 簡 應 》云云,及 及柴中 召 也

《遺書續集》:誌臧孺人蔣氏墓。

酉,葬鄞縣之桃源。」《墓誌》:「蔣氏名處定,簡妣氏之姪婦。 卒於寶慶乙

二年丙戌,八十六歲。

傳; 長嫁將 公諱 無遐 來歸 大夫。 三日 《行狀》: 賢 不 者觀之,爲之悲慟。 鴻慶宫。 虚 者信之愈篤 學, 洙泗家法徒存 異 制 死 哲 置司 愧 異。 端 明 ,洞照古聖於千 嫁 不作。 孔子遺書,不 邪說争鞭駕於天下。 璘之子銑。 邇弔奠者交踵。 變化,無非 而先生 胡疾不愈? 進 屬 准 官其後如 仕 於正寢,享年 「二年,授敷文閣直學士 1: 纊之日,恰然如平常 郎 備 即即 韓 孫 娶林氏,封 陞寶謨閣學士、太中大夫,致仕。 差遣,克承家學,勉進未艾, 憶,早亡。 又挺 誼 變。 妙 所 宣 格 孫男 從言 以 載 用。 紙上之空言,穿裂剥 出 賻 士歎 曾 教郎 之上, 鄉 遺害者愈深。 諸 五 四朝耆舊,百世宗師,生榮死 八十有六。 孫 間孺 銀 語 令人。 斯 儒 明 金。 知湖 絹 道 L 埜, 尘, 基, 在, 堂。 後。 其後傳 無是理 師之失,國奚黄髮之詢。」 :慕走哭者交道,公卿大夫 二百。 得。 也 嗚呼 州 二子: 時。 ,堯以之安安,舜以之無 伏 德 本心 一,累 義肇 先生清明純 注 ! 也。 清縣童居善,宜 以 求其 計 加 以爲經,章句 恪,承 告 遺奏聞 三代衰,聖教 本 蝕 畫 於赫我宋,篤 中大夫,仍 辭 聖 真得我心之同 舛 有 無 初 務 特 於稂莠,學 云: 孫 三月二十 無文義 郎 體 女二: 贈 沿沿 作 無 以 無 提 倅 IE. 熄 方, 哀 舒 女 + 學 覲 生 舉 爲 口 生 海 奉

> 者歟 習久益熟, 杓,❷而先生得之,斯道於是 秉彝之則。 武王以之訪洪範,周公以之師 爲,禹以之行其所無事,湯以之懋昭,文王以之順 發,終身以之,勉勉 襍,是故立 羣迷之浮論,有功聖門大矣! 爲定、爲繫、爲筆削褒貶,是之謂中,是之謂 ! 遂 志 茫茫千古,智探巧 造 也 剛 神 明之 進 兢兢,無 學 盛。 也 勇,而 須臾微 若先 大明 索, 保萬民,孔子以之爲 蓋 行 開 生 由 如 之也有 懈,且又克永厥 天資醇實,渾然不 聵 後學之夷 真 商 所 律, 謂 力。 極,是之謂 天 塗 既 民 如 帝 先 大 月 6 壽 删 省 指 覺 掃

馬 閣 案 圖 敷文閣 端 直 陳 陳 臨 學士楊簡」、《先聖大訓 氏誤 直學士 振 《文獻通 孫《直 也 終,《 考 齋 書 . 行狀 經 録 籍 解題》: 淡 類 寶謨閣學 》仍之。 崇 **※** 注 龍 溪甲稾》下 攷《本 士終, 圖 閣 傳》,先 未嘗 學 士: 注 楊 游 寶 簡 歷 生 以 謨 龍

- 「聵」,原作「瞶」,據《四明叢書》本
- 「月」、《慈湖遺書》附録作「膜」。

0

8

「後」,原作墨丁,據《四明叢書》本、《慈湖遺書》附録

補。

記》、《西魚家記》、又有《己易》、《啟蔽》記》、《喪禮家記》、《家祭記》、《釋菜禮記》、《喪禮家記》、《獨認》、《釋菜禮》、《四記》、《香

等書。」

《直齊書録解題》:「《慈溪甲稾》二十卷。」

《乙稟》之佚久矣。「溪」疑「湖」字訛。

案:今本《遺書》注

有出

《甲稟》

》者,而不及《乙稟》。

蓋

禮家記》一册、《喪禮家記》一册。」楊士奇《文淵閣書目》:「楊慈湖《冠祭家記》一册、《婚

《經義攷》:楊簡《冠記》一篇、《昏記》一篇、《喪禮家記》

一卷,俱佚。

《百川書志》:「楊簡《家記》十卷。」

案: 今本《遺書》目卷七至十六爲《家記》,注云「《家記》

三卷,分爲十卷」,即此書也。

天地我之天地,變化我之變化,非他物也。私者裂之,爲天地變化,不以《易》爲己之變化。故面牆者比比。《行狀》:「謂人皆以《易》爲書,不以《易》爲己,以《易》

私者自小也。先生是以有《己易》。」

《宋史・藝文志》:「楊簡《己易》一卷。」

也。」桐江詹阜民子南刻之新安郡齊。」」也。」桐江詹阜民子南刻之新安郡齊。」」也,以《易》爲書,不以《易》爲己,不可包羲氏一畫陽一畫陰論起,至八卦、六十四卦、爻辭。也。」桐江詹阜民子南刻之新安郡齊。」」

《四朝聞見録》:「慈湖改周子《太極圖》爲※,以 之説。 精神畢備,厥功益大。 其機之動,而體驗推放之,雖馴造聖賢之域可也。」 理渾然之中,❷知其萬物森然,莫不具在,反諸吾身,覺 地爲一家,而《己易》一書悟 而未發者,乃有横渠之《西銘》。 之書,言天下之義備矣。 之説詳, 簡之説易。 前,而先生不復加 同志。或者猶謂先生復有所改,近趙公爲轉致先生之 加删訂。① 曾熠《己易序》:「楊先生《己易》,曩先生宰樂平時,嘗 自孟氏没,更秦歷 熠得其本,因謁知丞趙公是正之,鋟 損,則 其 學者誠能沈潛而反復之,其於一 意蓋不取『無極』之説,以爲道始 此爲定本矣。 迨孟氏興,而復出性善、養氣 漢,以至於今,前聖之意隱 天地爲一己,其流行發見 雖然、《西銘》之意認天 夫六經、《論 爲周 木以貽 子

● 「删」、《慈湖遺書》卷十九作「改」。

0

其於」、《慈湖遺書》卷十九作「於其」。

於太極而已。」

意説,紛呶簧鼓,疑似支離,坐崇其中,卒莫見道。先生《行狀》:「學者不反其所自有,而或陷溺於諸子百家之

是以有《啟蔽》。」

《經義攷》:「楊簡《易學啟蔽》,未見。」

《四庫全書總目》:「《楊氏易傳》二十卷。」

《遺書》有《周易解序》。

錢謙益《絳雲樓書目》:「《慈湖易説》二十卷。」

《經義攷》:「《慈湖易解》十卷,存。」

汎 等所妄改歟 凡刻古書,多以私意竄亂之,萬曆以後尤甚。 與此本卷首題語 解》十卷,書名、卷數皆與 家藏本。 四 論 「庫全書提要》: 《易 》學之語,亦間 明劉日升、陳道亨所刻。 其 相 八書前 「《楊氏易傳》二十卷。 同,而無其前數行,亦爲小異。 有 十九卷皆解經文,第二十卷則 此本不合。 與 、序文相複者。 《經義攷 所載《自序》一 今既不 浙江 》載《慈湖 此或 吴 睹 日 明 玉 篇 簡 皆 升 人 易 墀

傳》,惟 故。」』故其傳《益 蔡國珍《慈湖易傳 愛「無 思 也,無爲 》則 序 以善之不能爲、過之難改皆始 \* 也 慈 ,寂然不動 湖 先 生 ,感而 云 少少 遂通 讀 天下之 《易 大 於

之原本,亦莫詳其何故也。」

學者哉 能爲、 是。 矣,待今而始傳,❶信大寶之顯晦 操之迹,遂謂其不操舟也? 櫂隨之,瞬息千里,是不操之操,操更力耳。 其所以致者,在何思何 於其本,而不泛用 日 意,意本於我知,我本無體,復何遷 二人惟 持是見者不惟不知易,亦不知 日 難改、 知 吁,此與《蘇傳》均《易》之羽翼也。 恐 懼 日 修 1恐懼脩 者 省,學 也。 慮而不失其 省, 者 譬 事耳」, 則 之操 審然者,不惟益 何當 舟 有 不 恐懼脩省」。 謂 而 者 寂然者耳。 時哉!」 『易 何改? 1然,順 責人之致力? 道 精 流 《易》, 庸 顧 微,不 帆 蓋用 夫曰 可 湮 《震》又 風 没 以 且 楫 特 久 益 無 不 力

《五誥解》四卷。

《文淵閣書目》:「楊慈湖《五誥解

册。

牙。』宋儒 (夏》、《商書》,蓋先通 四庫全 書 如 提要》: 吕 祖 謙 昔 書 其 説 韓 難 通, 愈 亦 稱 2 先 則 釋 其 周 周 餘 誥 誥 易於究尋。 而 殷 後 盤 及《虞》、 佶 屈 簡 聱

- ●「今」、《楊氏易傳》(影印文淵閣《四庫全書》本)卷首
- ❷ 「難通」下,影印文淵閣《四庫全書》本《五誥解》書前

萃,惟闕《梓材》 傳,朱彝尊以爲未見。 作 釐爲四卷。」 惟 解 康 譜 篇,餘皆章 淡 今從《 下 五篇,亦是意 《永樂大典》各韻中 句完善。 也。 謹 依 此 經文前後 書世 案條 久失 益

慈湖 詩傳》二十卷。

遺書》有《詩解序》。

經 志》俱作「《慈湖詩 《文淵閣書目》: 志》、 黄虞稷《千頃堂書目》、張金吾《愛日 傳》二十卷 「楊 慈湖 《詩 解 册。 焦竤 精 廬 《 國 藏 史

經義攷》: 「《慈湖詩解》不傳,亡其卷目。」

《千頃堂書 今從《永樂大典 藏 慈湖 攻媳 四庫全 書 咸 集》所 遺 集祕府, 書》内 書 提要》: 目》尚載其名、《經義攷》注曰已佚。 載樓 補 而 》所 鑰 録 是書之目 「是書原作二十卷、《國 《與 《自序》 載哀輯 ( 簡 論 成 缺 詩 篇, 編,仍勒 馬, 解書》附 ,則彝尊 總 爲二十 於卷首 論 所説 史經 四 條 卷,又從 爲可 籍 其 今海 志》及 他 而 信 内 辨 以

於事實、

制

度、名數、◆不盡合於禮典。

先王皆在

商

者亦不可據、爾雅

》亦多好異

(音。❸

詩

人諷

詠

或或

有

斟酌 文義 之旨,天人同心,大道至平,古説難 餘、恨未得 博引,可 正訓 耶 以病故相仍,近始讀竟。 文》、《爾雅》、《釋文》以及史傳之音注 攻媿集 ? 詁 去取 間 是書大要本孔子無邪之旨,反復發 謂 則 有附會穿鑿。 旁徵 答 自 折 遂請 楊 衷同異,自成 齊、魯、毛、韓以下以至《方言》、 敬 遠 益於門 仲 引 論 曲 然其於一名 詩 下。 荷開 暢其 解 家之言。」 書 若夫發明 發鄙陋至多,感歎擊 説; 盡信 「鑰蒙示 其攷六 一物、 ,無不悉蒐; 無邪之思、 明。 雖載之《左傳 書, 教 字 襍説 其 《詩 則 他 句 自 服 其 解 無 箋 必必 説 貫 之 不 訂 釋

- 0 卷十五改。 篇」,原作 編 」,據《四 明 叢 書 本、《 四 庫 全 書 總 目
- 0 全書總目》卷十五作「詩」,當是。 非」、《四庫全 書 總目》卷十五作「 亦」。 「書」,《 四
- 爾雅」、《四明叢書》本作「釋文」。 有」、《攻媿集》卷六十七作「自」。 亦多誤大學所引亦有牽合詩序多失經意釋文」。 《攻媿集》卷 「包」、《慈湖詩傳 六十七

書

記

獨

闕

《公劉

以

下

諸

篇?

0

抑

在

明

初

即

E

殘

闕

卷首附録作

F

詩

·六篇

則《永樂大典》不

載

豈非

如

吕

祖

謙

之《讀

4

頌之篇、《永樂大典》此卷適

缺,

無從採録。

其《公劉》以

論若干條各附本解之下,

以資考證。

至其

總論

列

國

雅

8

易 難 厚,非愛此書之深,不及此 陳其甚明者。 自以爲足,而欲人之言。 概舉,皆前輩之所未發者,尤 拘 以周禮、文王 正欲反覆 以 服 事 論辨, 鑰 商,不應作 也。 亦 不 以 用 能自 服膺。 歸 至 禮樂。 已 當, 然惟 欲 非 放所 如 恃相與之 尊 此 意每 類, 見 未 不

《直齋書録解題》:●「《孔子閒居講義》

卷。

有《閒 《行狀》:「人皆徇目 生不可見聞之妙、不 居解》。」 明夫禮樂無體 爲見、徇耳 爲聞,而 無聲之妙,先生 不 明 夫 哀 是 樂 相 以

訓 《文獻通考·經籍志》: 熠《孔 卷 遺書》卷二十爲《孔子閒 子 閒居 延祐 解 四 序》: 明 志》亦 《孔子閒居講義》一 熠 作 居 間 教 解》, 於 居 知 解 亦 丞趙公,嘗言: 卷,楊簡撰。」 見於《先聖大

學者講誦 誠足以開 『楊先生著《孔子 ,人猶未之盡信。 、《論》、《孟 示後學。 至若《孔子 》者,人所尊信 閒 居 大 惟 録 解 閒居 本以傳之。 大學》、《中 》,熠請 》,昔賢未嘗留意。 侍 惟襍 之而未獲也。」乃寄示 出 庸 夫孔子之言見於六 傳記 光 出者,雖 儒 所 推 今先 戴 尊, 聖 故

> 苗 首 一裔發見於心端 一發明 而 誨 解之,得 誠 非 可 :所謂 體 察 而 Ŧi. 用力者歟? 至、三無皆斯人 彼 坐 良 知 談 良 高 能 遠

而不隱諸内心者,可以自省矣!」

宋史·藝文志》:「《春秋解》十卷。」

《遺書》有《春秋解序》。

《古文孝經解》一卷。

《文獻通考‧經籍志》:「《中興書目》:『楊簡《古文孝

經解》一卷。』」

案:《延祐四明志》作《古文孝經傳》。

《延祐四明志》:「《論語傳

《文獻通考‧經籍志》:「《曾子注》十卷。」

《遺書》有《曾子序》。

《直齋書録解題》:「《曾子》二卷。凡十篇,具《大戴

禮》,後人從其中録出别行,楊簡注。❷」

●「解題」,原作「題解」,今改。

後,據《四明叢書》本、《直齋書録解題》(上海古籍出登「中録出別行楊簡注」八字,原在下文「以是爲驪淵矣

《行狀》: 「始傳《古文孝經》、傳 《魯論》。」

摭餘編 慈湖先生傳》: 有《詩》、《易》、《春秋》、《論

語》、《古文孝經傳》。

《直齋書録 解題》: 「《先聖大訓》六卷。」

遺書》有《先聖大訓序》。

文獻通考・經籍志》、「楊敬仲取《禮記》、《家語》、《左

傳》、《國語》而下諸書凡稱孔子之言,類爲此編。」

曆間 經傳諸子中孔子語,分列篇第,加以注釋。 鍾音《浙江 焦弱侯所藏 採集遺書録》: ,明州守 張翼軫得而校刊者。」 「《先聖大訓》六卷,楊 今本爲明萬 簡輯 采

其精純 核。 學者愛博嗜奇,不 誕之説,無一 互亦皆參訂 四庫全書提要》:「秦漢以來,百家詭激之談,緯 求洙泗之遺文者,固 ,刊落瑣屑而存其正大,其閒字句 斟酌,歸 不依 能一一 託 於一 先聖爲 當以是爲驪淵矣。」 抉擇。 是,較之薛據《集語 重, 簡此 龐 襍 蕪 書削除僞 穢,害道 異同、 文義 安而 頗 道滋深。 候怪 爲 典 舛 取

鄭 氏 老 閣 書 目 **\***:  $\sim$ 石 魚 偶 記

案:

是

書

爲慈谿二老閣刊版,計載經解、襍説五十

卷。」

六條

《百川書志》:「《記先訓》一卷。」

《浙江採集遺書録 「《慈湖 遺 書 》後附《記家訓》七十

條。」

案:

今本《遺書》卷十七爲《記

先訓

《遺書目》: 「《誨 語》」、「《訓語

《遺書》: 語》二書,皆與《家記》大意 曾汲古所編《誨 語》,并 相 同 傅 Œ 夫所編 《慈湖 訓

**西** 尊。 心爲正,言德以直心爲主,則其爲論至平實,既 自 學」,然則先生之學其果泯心 妙,思之正亦甚妙」,又曰『徒思不可爲學,不思 守、 空妙者不同,而於當世之務討論區畫若指諸掌, 可廢守」,又曰「敬以守之於意態未動之先,守定用力、 然光明」,先生之學,其果廢持守也? 談空妙、略事爲也。① Ш 顧嘗側聽諸 集 跋 慈 湖 公間 訓 語 ,或不能無竊 》:「慈湖先生之道,學者所 今觀正夫所録,有曰 思耶? 議 曰「學未純熟,不 者, 至於言道以 泯 心 思、 無 與 如 又非 談説 何 思 廢 脱 本 是 其 持 共

0 泯」上、《西山集》卷三十五有「謂」字。

至矣! 微 録又有功於先生者也。」 不失其真哉? 戒君。」蓋 孜孜、曰 日 略 動 事爲者 白 成身莫 I 兢兢、 過隨之; 非 灼知 也。 Ë 如如 夫之心與先 不 日 是四 敬。 然則先生之言固 勤 敬 此 恤。 則 ^ 者 心不動,常一 書》曰 此 既 三五 心 生 皆異乎所聞。 易 欽、 通 盛際,君以此 動 貫 日 敬 有 爲 常明。 敬、 功於後學,而正 則 贵 此 日 心 謹 至其 嗚 能 命臣,臣 不 傳之簡 呼 日 動 爲 ! 克 説, 艱 夫所 斯 此 以 牘 言 心 此 日 有

語》。」當輯簡議論經籍,又訓誨弟子之言,爲《慈湖訓弟子。當輯簡議論經籍,又訓誨弟子之言,爲《慈湖訓弟子。嘗輯簡議論經籍,又訓誨弟子之言,爲《慈湖訓

慈湖遺之書云:『道夫昆仲俱覺。』」《宋元學案‧槐堂案》:「正夫之兄道夫嘗問答於慈湖,

學。 《蒙齋集・ 皜之妙。 朝大節 先 答,忽省此心之清明,忽省此心之無始末,忽省此 興宗、周之德取 生 居 或者 IE 處 直 先生嘗 病 無 書 光明,臨 所取 慈湖 惰容,接 訓 侍 太少,甫 語之要,聚爲一編,屬甫刻梓,以 遺 象 政子民真如父母,是皆先生 稟後》:「 Ш 人無 發 語 本心之問 之曰: 先生之言多矣。 長 語 『先生豈多言 作字無 舉 扇 訟 草 門 是 純 筆, 心之 非 哉 純 人 惠 馮 以 皜 後 立

> 言辭, 覺,覺 無所不通。 變化。」嗚呼 的 此 的 心 真實, 澄 後守永嘉,謁 然 先生之學, 虚 編已多矣,奚其少?』 明無 體 先聖, 師 廣 先聖, 大 謂: 無 師 際 自 象 日 Ш 幼 用 學,壯 云 先 爲, 生 耐 吐 無 於 始 非

陳著《本堂集》:「《語録》。」

稟》及所刊《語録 本堂集·與曹久可 》、《别 \*書》: 集 》與 「近全本心所求慈湖 八時議梓 本 堂 所見 《詠 春 久 歸 詩

《成化四明志》:「陳著,字子微,號本堂,鄞人。於燬,今則無從訪得之。」

登

文天

楊文元私淑高弟。曹漢炎,字久可,慈谿人。慈湖、杜《宋元學案•慈湖案》:「全晉孫,字本心,學於和仲,爲祥榜進士,爲著作郎,官臨安通判。」

洲二院堂長。」楊文元私淑高弟。曹漢炎、字久可、慈谿人。慈湖、杜

陳第《世善堂藏書目》:「《律解辨疑》

一卷。」

《四庫全書總目》:「《慈湖遺書》十八卷,

《續集》二卷。」

末一卷《遺文》。」《直齋書録解題》:「《慈湖遺書》三卷。前二卷《襍説

六九

孝經説 己易》,二 浙 江 採集遺 卷爲《詩 四 卷爲《四 書録》: 》、《書》、《春秋説》,三卷 「《慈湖遺 書説 》,五卷爲雜文,六卷爲詩 書》六卷。 卷《易 爲《禮 記 説

書後

附

記

家

訓

半十十

條。」

案: 案: 題 抱 日 經樓 錢 此 曾《述古堂書目 慈湖 本明萬曆間 書 目 遺 書 徐乾學《傳 節 慈 鈔 略 谿 》作《 楊世 《慈湖集》二十卷,四明盧 是 思、陳 潘 樓 汝楨宰慈谿 書目 光弼 作「《 刊,楊守 ,爲之序。 慈 湖 勤 書 校 氏

此集,仍總以『遺書』名之,猶之王質《雪山集》有三 乃錢 史治 者,疑先有《遺 寡 閒 前爲襍文及詩; 記》、《石 《乙稟》、《冠記》、《昏記》、《喪禮家記 直 四庫全書 居 不合,而 齋書録 《時《行 解 道之説, 魚家記 狀》及 卷於後, 集中《家記 解 提要》: 題 如 書》三 語 》則 七卷至十 》及《己易》、《啟 真德秀《跋 録之體; 謂 稱 『宋 一卷初 》内 簡 之《續集》。 史》本 《遺書》止三卷。 本 各條 六卷爲《家 别 十七卷《紀先訓 **\***; 行,後 又 傳 又編 有别標 蔽 與《直齋 載 襍 》諸 簡 》、《祭記》、《釋菜禮 又哀輯 記 所 文一 書,其 日 》,皆 此本自六卷以 著 》所記 「見《遺 卷及《孔 有 諸 ×; 襍 目 軍 編 卷數多 + 録 甚 一卷之 稟 共 書 論 多。 成 子 卷 經

本,有四十卷之本歟!」

《本堂集》:「《詠春詩稾》。」

世 《鶴 隸 幾,至於草去古遠矣。 隸 樸、和平,近於隸。 無句 絶也。」 又六言詩云『浄几 他物外機」,又云『萬里蒼茫融妙意,三杯虚 遺 ,庶幾乎三代莊敬 者篆之變。 通行之書,不用篆、隸, 林 書 ,轉煩門外青山」,句 玉 一露》: • 過庭 楊 書 横琴曉 慈湖 篆 訓 詩 極 **\***: 云山 意清圓,足徵所養。」 寒,梅花落 蓋今之楷即 善, 中正 「吾字畫惟 禽説 孔 隸 之遺 故 門 在 庶 我 子 之 絃 胸 幾 間 風 中事 爲 所 白 隸之訛 方正、古 楷 不 楷 惡 我 浴 欲 煙 遂 猶 天真」, 而 柳 清 泯 庶 似 今

也 又《心畫賦 隨 物爲形,爲圓爲方,爲正 硯 者,天池 也; 墨者,玄雲 爲旁,如金如 也; 玉 筆 如 者, 齋 如 龍

<sup>■「</sup>徵」、《鶴林玉露》卷五作「覘」。

本云。」

而 不 莊 望? 可 0 窮 變 盡 化 之妙, 萬狀,衆 豈 鍾、 善 Ξ 中 藏。 歐 虞諸 然之容,燁 子 所 能 夢 然之光 而 見、 其 覺

篆隸出 字。 神 志 洞 府 日 远 是謂 徹精 立 元 》載之,有以 俞兩 額 石 聖」者 人,於入法外别樹 微 於太學循理齋前之臺」,刊者余逢 IE 高三尺二寸, 浙 書『參前』二字,字大尺餘。 金石 此 ,全是此 也。 刻全講心性,觀其告桂萬榮所 録 文元不以 廣二尺二寸,正書十六行,行 注 楊 腳。 簡《多前 幟。 書名 當時立 此 碑 石太學、《咸 文元師 刻端莊 末題『重 辰 謂心 流麗 事 碑 陸 淳 陽 在 九 皆從 之精 臨 後 杭 淵 安 州

方書問 觀其 生未嘗 於翰墨 藏《孔壁孝 西 故形 Ш 學者即 書者,即 集 草 尤 於 無 書, 極 楊 經 心 此 嚴 畫 知公之爲人。 慈 字作行押 雖 謹。 而觀 又其 湖 亦 造 絶類文正公,而 手 次 嘉定初,獲 書 得 顛 猶 孔 體。 意 沛 足以 壁孝經跋》: 書 間 慈湖 也。 窺大賢氣象 侍公於著庭 蓋 道德學問 點 清 其 嗚 齋 呼 勁 畫 過 莊 1 司 必必 中 ,見其 追 先 馬 而 Ė 媲 如 生 文正 傅 知 前 法 立 不 君 表 酬 修, 度。❷ 公平 可 裹 答 德 侹 作 所 惟 四 而

> 道 《蒙齋 足迹未嘗 心見焉 集 至 慈 湖先 庖 廚二 生 陸君 語 注於旁,筆 墓 志跋》: 力清 慈 勁 湖 志 藹 陸 君 生之 有

亦足以見所存不惰而隨寓有則。」杜範《清獻集》:「慈湖字畫端嚴清勁,使人望之凛然

嚴,典 之尤喜, 輩 自 **憲**,張君 Ŧi. 咸淳 書,以 捧 月,三山 鄞 慈湖 型 臨安志》林 檄 名 即 秦碑、晉碑寶之可 如 垂芳可 興 捐 在。 實 張 能。」 楮錢 君實 爲 先 袖 百世,●莫能 希 以白 Ŧī. 來, 生 逸 + 故 追 萬,俾 府公。 幹 里,遂 企 辦 也。 前 公事 勒 修, 訪 名 府公少嘗問 石以 廨 求 雖 慨 廳記》: 室,先生 遺 復其 移 借 墨 此 闕 以 舊 典, 「 淳 道 烏可 歸 自 於先 且 府君 祐 扁 廢 曰 癸卯 鉤 ?! 秋 生,得 自 名 畫 一向 記 與 端 夏

《慈谿縣新志》:「慈湖書院東西二坊,西曰熙光,東曰

- ●「齋」、《慈湖遺書》卷六作「齊」。
- 「押」、《西山文集》卷三十五作「狎」。

8

● 「□□」、《咸淳臨安志》卷五三無。

篆勢,當是先生手作。」 詠春,並無年月題識。字畫端勁朴茂,原本漢隸,參以

傳世。」 生大夫求者,欣然落筆。有《石本横枝》 是文彦《圖繪寶鑑》:「楊敬仲喜作墨竹。

琴也 音。」自 響颼寒空。 案: 古情。」又《喜雪》詩: 鶴 驚起舞, 《遺書 注 流 . 月明夜氣清人骨, 乾道撫琴行》:「蕭蕭指下生秋風,漸 水咽復鳴。 時 琴 撫 「暫停枰上猶賢弈,來作絃 合白 雪 唱三歎意未已,幽 「操 》。」據 何處 仙 此, 珮摇 則先 T 幺 東 生 間 話 又善 太古 出 漸 野 太 发生

一曰謹擇左右大臣、近臣、小臣。」《本傳》:「其論治務最急者五,其次八。

此而 知以 而言之,其情狀切至至於此。 **賁爲出治之本。** 作《立政》之書,專言王左右常伯、常任、準人、綴衣、虎 《遺書 不 是爲憂恤 · 家記十》: 在彼,在近而不在遠,的然無疑,確然無易,故特 一者鮮 至於默然良久,太息曰: 甚休,而 「何謂謹擇大臣、近臣、小臣? 哉! 蓋 周公深知 近治而後遠治,近臣賢而 熟語 治亂之機 人主 周公 在

> 心興起,則小人無隙可投,君子可以安,民安,宗社安。」 後遠 内侍、内人有一語 容問答; 自乎近,可不謹乎? 居室出其言不善,則千里之外違之」,治亂安危之機皆 左右親近,孔子謂[居室出其言善,則千里之外應之, 臣賢。 又使忠信秉正之士得應奉,代内侍之雅事 小 臣 雖 卑 事之善,上即稱善或有賞。 講筵宜擇有道盛德之士,使得從 賤,而人主之德性 實 薫染漸 宫閩善 漬 於

二曰擇賢以久任中外之官。」

之切,故不復深思; 行。 《遺書·家記十》:「何謂擇賢久任中外之官? 民、治國,非徒欲給養天下逐逐羣羣、無德 任,則何以處夫至多之員? 人三年爲京官,二年爲任,吏部猶病其冗,❷ 士大夫不念夫下民被害,怨及朝廷,苟曰 不復長思,輒以爲不可行。 不擇賢、不久任之害,人皆知之,所患員多闕 蓋不以 國 事爲家事,視國之利害終不 亦其人自度其德之非賢、其才之無 不思家國設官分職將以治 故士大夫一 聞 無行之士也 久任之不可 如 久任之説 而況 己 少。 今夫官 家 利 於久 今選

- ●「人」、《慈湖遺書》卷六作「入」。
- ❷ 「冗」,原作「冘」,據《慈湖遺書》卷十六改。

596

身可 朝。 有功者,有褒焉, 盛 屬 本末 已時 新更 方諳 雖 擇賢久任 軱 家既 居官不爲長久之計,貪墨以 幾,不肖者滿天下,望不肖多臨  $\Box$ 能 久遠安固之備,其患不可 夫大呼,同 衰。 非 潰 ,知其必不在選用之内,故決然以久任爲不可。 懼失士大夫之心。 也 苟 世 無考,吏弊滋蠹 訴 物 選 簡乃僚。 非 故必 民知 繼,亦幾於古之侯國。 而 使久任則不敢矣! ,幸新至未諳情僞,❸姑肆其欺,擾 情利病,又已將代而治歸裝。 其 爲 用之,其不賢無能 縣 其不久於位,不服從其教令。 人則罷 急。 聲 升 先王令典 相 有 爲 宜 應,禍有不可言者? 賜 去,無古者諸 州 升 ,民病滋深,怨積於中,安保他 焉 縣 大縣 吁 爲 縣 '勝言。 有 ! 州 贈 官 爲待闕之資,雖 即 稱百里,奚 者奚足惜?❶ 事力不可太厚,立 士大夫之賢者、能 焉 司數易 大州,凡 大縣爲 民,故多 6 侯難制之患 送 往 有 守禦無 荷 迎 貼 人止百 監 是故當今治 州 來 怨 且 職 害善良, 奸 司,4各辟 皆 嗟。 焉 圖 里? 素備 徒勞徒 頑 間 得 賢 雖 好訟, 書 有 者甚 專 其 法當 郡 F 賢者 散 者, 終 甚 達 久任 無有 寇 或 日 邑 費 務 其 賢 歸 其 於 俟 至 又 無 無 無 國

一罷 科舉 而 行 鄉舉里選。」

> 者? 集。 文。 華藻。 心,不 里 色、惟苟且 得 君 以 高 而 選 其 科 德行爲? 而 虚 文陋習 人,而 善矣,任選之官牽於私、壓於勢,賢者不舉 君 前 幼 六經未嘗 務實 獲其 十八 列 能 漢以 多 就 德 ,甚者民思寢取其皮而食其 亦無幾。 忠、 市 尚 學 學士以 文華 來,古 )踵餘 皆 井 啟卷,三史皆同 使 唐 無賴 而尊 誦 臨 鳥 風。 詩 道 仕 民 當 潤 子弟,篤 榮,相 宦 道 詠 滋喪,學 而 行 士子所習惟 之詩; 爲 大概惟羣飲、 民 君 事 不 帥 臣 挂 業。 實端士反見黜 被 成 徒 長 相 壁。 其 風 陷 與 而 劉 害 淪  $\Box$

遺

書

٠

家記

+ \*:

何

謂

罷

科

舉

而

鄉

舉

里

選

賢

者、

能

溺

於

經

説

琢

壞

道

博

文,不

越

諸

家

考

功

加

進

士

以

襍

其

勢

競

趨

於

粉

飾

本

朝

雖

不

廢經

史

舉業,不

日

德

業

自

慈湖

遺

2 0

3

6 4

肉。

或

日

鄉

舉

半,不肖

者

惟

求

舉、

惟

貨、

惟

口

得

哉?

雖

間

肌

浹

髓

欲

使

事

於

有司

一,何

六改。 下」,原作「不」, 惜 慈 湖遺 書 據《四 丰 六 明 作 叢書》本、《 恤

諳」,原作「諸」,據《慈湖 遺 書》卷十 六改

縣」,《 慈湖遺 書》卷十六作 州州

慈湖 遺 書 》卷十六作「增秩」。

考,惟 哉? 嚴之所。」 今若未能 省 比 爲 論 平 鄉 官賢 舉  $\exists$ 矣 奉其 興 士 策 舉 駢 雖 里 而言辭太不成文亦難 矣, 其賢者、能 考 況 或 能 書 儷之文,大不典 選之制,天下士心 實德、 不 É 監 自 者 獻 遽 必 司 不 於上。 無 行拜 於廢, 詩 賢 選 實行 私 賦 察 禮 者 無 《周 言 經 言賢 ,以賓禮 私 則 而 能 義 則 聖 襲 雅,惟助浮華,不 者 辭 禮 今時 罷 論 躬 選 敢 不 即 斷 禮之。 朏 矣。 宜 拘 策 「王再 私 趨 亦 終 文可 不可 興 平 鄉 於善, 以敬受取 無 哉? 日 其 里自 拜受之,登於 笑之式 害於 獻賢能之書於朝,二 糊 身 名、棘 既 而 有公論。 況 不 取 擇 可 況 今日 得 書 賢 不罷 士 於舉 圍 則 復 ,奚必革 藏於至 則 罷 月 用 亦 天府。』 選之官 科 舉 書、 經 不 歲 舉 敢 選 可 義 大 平 行 之

#### 四曰罷設法導淫。」

蓋自 口 民羣飲,又縱 其禁,謂之酺。 飲,至於殺之; 遺 沿 書 襲 夫犒設 不不 家記十》: 知 軍 官 愧 將之法嘗用 漢 恥 婢 至 律 五 盛 殊 何謂 猶 代猶 妝 可 禁羣 麗 怪 罷 有 官婢,今乃 服 飲 設 歎 酺 法導 飾 罸 知 而 花 其 金 淫? 木之 進 猶 儿 用 言 兩 有 以 之臣 房, 禁 導 周 也。 施 導 民 書 未 大 羣飲 民 敢 恩 今 痛 爲 既 請 禁 則 官 淫 革 縱 弛 羣

> 寬,而 設法 者必頓 罷 設法,支 者 循 「,亦 課 酒 仍到今。 有 減,課 費 課 利反少 説 無損 多。 人必大匱 行 諸 然簡究知情狀利害 簡 都 繁 爲樂 店不 麗 平 淫 ,大軍乏支,禍 設 侈之 法 爲 東 課 地 嘉 利 恐 曲 顧 皆 在 折 多。 麗 日 甚 朝 設 人,行 不 夕 以 法 故 設 飲 法 都 酒 者 不 禁 憚 諸 敢 則 亦 庫 庫 輕 飲

五曰治五法,修諸葛武侯之正兵,以備

爲首。 後,以 其 法 大 何 衛 虞? 《遺書· 四 修,空談不詳 以 即 粗 謂 面 公入對,太宗 制 也 也 後爲 此 夫遇明主於三代之隆, 兵 敵 圖 家記 向 故 八 衝其 靖 也 前 皆 陳 井分 慮,爲  $\Box$ + 取 中, 本 臣 進 **\*** H 準 兩 教 四 無 焉。 也 諸 宋襄、爲 「陳 何 閱 頭 道 速 ,分爲八焉。 葛 皆 必 奔 謂 ,八家處之, 陳 數 亮以 救。 先此 退 教習 間 有 成安, 貽笑百世 容 無 九 石 數 陳  $\pm$ 諸 陳 縱 遽 起 中 君 葛 世 走。 黄 於 横 隊 心零者,大將 武 子 其 所 帝 Ŧī. 布 間 至 侯 形 傳 始 几 爲 容 之正 而 願 井 握 頭 立 八 隊。 終於八。 字 邱 奇文,蓋得 不不 八 行 间 兵 開 尾 井之法 方 以 以 武 可 觸 握 方 陳 前 備 備 之 九 之 此 爲 李 處 不 不

法。 法。 子善用 韓信 焉。 他 軍 首 古 以 T. 而 正 也 孟 孫子》之書非 里。 將 平 則 H 法不可用者,❶ 士之法 獲者,此法 不習觸 得君行道 皆 簡屢問 Ŧi. 正兵者,不可 涼 將 反力攻其前,三面受敵,故 尾 若非 1命卿。 州 兵者,譬如率 敕 爲法天,四爲 至 也。 圓 處 謂 兵將官 陳,咸内嚮者。 爲首之法,故爲孔 正兵,安能 擊 也。 奇 有有 孔子 有 無善者,而率然之喻,驗 其 兵 日 敗之法 文事 所至如是也。 今州 在 尾 İ 9 弩 法 陳 然。 鬭 知此 則 而 郡 致 「我 地。」靖 内。 首 鎗 無武 也。 遠 教閲 率 至 者。 戰則克。」學者不 法者殊不易得。 諛 唐太宗善用兵,猶 然 馬隆用 備,不可。」 此 佞特改舊 敗也。 日 者,常山 費 擊 猶 項 今七書 法 有古 其 羽 臣 也 將 此 所 中 武侯之七擒七 制 軍 以 討 法 制 一之蛇 ,首《孫子》。 其不達 顧 則 夾 敗 突 ,以三千 日 其 知 首 厥,西 可 攻 於 古者六軍 捉 也。 圓 者 尾 不講習 將 其 垓 不 Œ 陳 解 俱 團 兩 下 兵之 擊 知 行 餘 以 此 旁 至 其 此 孫 數 爲 非 法

「其次急者有八:一曰募兵屯田,以省養

兵之費。」

《遺書・家記十》:「何謂募兵屯田,以省養兵之費?

兵。 可 兵多死亡,補以屯田 補 古者兵出 用 籍之兵 今將 也 況 理 而 於農,無坐食之費。 諸 新 財 州 罷 其 守 制 横 久任 斂,不. 兵,則費可 日 則 『吾授 屯 守禦 田 今國家財計,大概十九 何 漸 爾 自 省。 田 備 以 省費? 以 大軍 得 良 爲 將 衣 亦 糧之資。」 ,善教之 可 法 當因 漸 募

「二曰限民田,以漸復井田。」

言井田 救 母 幾年,則又 析 田 遺書·家記十》: 井 産異户 死不膽,奚暇 俯不足以 田 一詳矣。 己漸 無 漸 時 也。 析 育妻子,樂歲終身苦,凶年不免於死 田 治 漸 無之,漸 不井 均 初 禮 「何 矣。」 限以 義? 則 謂 貧富 析 寬 限民 則 無 在 不均, 漸 禮 田 限外 義 均 以以 矣。 則 貧 者 漸復井 亂 民 可 再 亂 仰 減 立 不 不 則 限 田 足 口 或 漸 以 危。 增 減, 諸 事 又 民 限

「三曰罷妓籍,從良。」

心 遺 莫此爲 書 家記 甚。 + 盛 妝 「何謂 麗 色, 罷 羣 妓籍 目 所 俾 矚 之從良? 少 年 血 壞 未定之 亂

- ●「解」、《慈湖遺書》卷十六作「鮮」。
- ② 「問」、《慈湖遺書》卷十六作「聞」。

七五.

酤,而 襲循 八百。 禍,皆 爲怪,人心蠹 時 亦 四 沈浸其中,不知愧 ,風俗久壞,其 流俗,重於罷去,致國家受末流之禍 基於人心之不善。 後世君臣,胡得 漸 罷 壞,邪僻悖 和買、折帛暨諸無名之賦 能 寂然不動 恥 無懼 每 亂, 周 每 家德行道藝之俗成,而 ? 發 何所不至? 者有幾? 諸歌詠 而官僚士夫中懷大欲 舉 至於名卿 嗚呼 世 前 代亂亡之 律 痛 及権 哉 不 オ 緜 祚 +

取,而 導之羣飲 於民。 國家方資以給軍,未能省費,未可 夫當愛護邦本,愛護人 折爲名,實强取,多焉此類,●奚可 百 及権酤 遺 ,其價大過於絹 書 壞人心爲甚。 又不止於直取 家記十》:「何謂漸 而禁羣飲? ,世以酒爲 直。 狂 所謂 酒 而已,又俾納折帛,每 藥。 心,使 至於夏税折帛 誥 》諄 和 罷 民爲邦本,本固邦甯。 買 毋 和買、折帛暨諸續 諄 ,初未嘗不給錢,今直 致於壞。 禁 省賦 殫 羣 舉? 飲 ,則每 次第而 右 至 榷 疋 於殺, 所 疋 七貫 酤 舉 條 增之賦 六 雖 可 邦 今反 非 貫 士大 也 賦 以 Ŧi. 强 取

故次於省兵費之後。 禁羣 一飲。」 禁羣飲,不禁禮飲

教成,使各分掌其邑里之學。」 州之學,又使各擇里井之士,聚而教之,

正。 必失之。」惟大賢可 道其亨乎! 未至背道,至於無忌憚之中庸,雖亦罕見,而不 華 静 成,使各掌其邑里之學? 不勝其紛紛, 一二十年來,覺於道者浸多,古未之見。 遺 ,議論者自議 ,楊者自楊,墨者自墨,任 書 不得大賢教救之,則刑名者自 家記十》: 似 孔子曰: 『知及之, 仁不能守之, 雖得之, 論,其孝弟、 是 而 「何謂擇賢士、聚而教之於太學,教 以 非, 司教。 似 自孔子殁,學者異説,到 、忠信、 E 俠者自 而 邪, 修謹之士 刑名 任 各 俠,文華者 徇 幸多篤 偏 清 孤、罕 雖 静 未 可 者 實,吾 知道 謂 自 自 於 由 無 文 清 中

行於世者行之。」 六日取《周 禮》及古書, 會議 熟講, 其 口

其可行於今者,三公定其議 進書 • 家記十》:「何謂 取 而奏行之? 周 禮》及古 書, 不以 會 堯、舜、三 議 熟

0

五五

擇賢士,教之太學,教成,使分掌諸

十六無。 「焉」,原爲 空缺 據《 四 明叢書 少本 補。 慈湖 遺

方,以 志 唐 末學,不 唐 同 政 要 屬 此 知。 治其 夫孰 代 讒 厥 況 以 規模。 治 一,周 甚 説 猷 於以 王 所 事 政 治 道 頗 如 也。 不 少 盛 事 民 深 惟 或 以 之以 冠 知 周 觀 有 道 亂 者,皆 也。 后,人 治 知 利 者 周 敢企望三代 官 驗 如 其 正 襍 新 始 多 略 此 治 心 民 效 履。 利 之説。 之。 知 IE 》有 物。 亦不 爲 國 可 舉 者 司 害 1極乎? 主 中 於 恥 數 漢 本乎 市 比 治 國 周 敗 士大夫不能 訓 本 霸 敢 端 則 之屬 是 間 之規模, 唐 民 職 其 六 士 以 殄 益 族黨之教, ? 自 無 夷 無 諸 則 官 民 國 賊 利 行,不 如 必。 舜 不 信 有 狄 此 聖 如 者 分職、皆爲 此 上 其 特 人 其 政 王 賢, 顧 訓子 代 帝 也 民 曩 命納 可 民 民 漢 事 以 又不 中 舉明主 而 而 降 宰樂平,後守東嘉 與 者 而 行, 不 義。 也 唐 弟。 有德行道 IE. 由 足 上 衷於民,若 其 言 也 獲 中 逮 諸 之行。 又信古者『成 漢 民極。 財 其 市 職 義 心所安,終不 兩 漢唐 皆後 君 於三代之隆 耐 不 官以 用 漢 所 利 方 井 安 下 以 者矣,漢 而 氏 九 小 藝之書 知 襍 世 訓 殊 堯、 漢唐 治 其規模皆 下 其 一未之識、 穀、六畜 人,皆教之以 此 有 施 可 方 讒 舜、 任 恒 猶 氏 惜 其 説 君 人 甚 性 略 不 肯 規 唐 布 漢 也 而 漢 臣 有 殄 重 可 之數 行 爲 模 未之 代 襲 訓 克 無 唐 所 唐 本 德 行 己 漢 簡 漢 此 其 以 綏 不 無 四 + 而 所

> 小子 其 道 也 有 造し 固 自 亦 有 非 其 高 政 絶 也 不 可 舉 企 及之 而 措 事 之 爾 考 諸 心 古 無 古 自 有

「七日禁淫樂。

之斯

應。」

《遺書 生。 幾? 之妓 俗,莫善 個與 移風易 簡初人太學 家記 於樂。」蓋 大夫雙 俗,於是 + \*: 韻 聲 鼓 聞 乎 音之感-何 板 太常古 切。 謂 之屬 禁 是 人也易 淫 樂 其 故 樂? 氣 淫 莊 樂宜 志不 其 敬 孔 中 入人 子 爲之 IE E 之心 心 浮 也 移 動 深。 油 者 風 然 有 ıті 今

八曰修書以削邪説。」

教之, 平 自 心 孔 衰 史、集差失已久 《遺書・ 思無 夷 熄, 子 發見於詩章之中, 不 讚易道以 可 邪 反 IE 固 得 家 疑 」。』此『思無 道 E 而 惑 リ明聖 記 不 已。 開 + 莫之解。 朏 其 明 道 孔 八 人 「何 之大 索 惑亂 子 邪」至 無 心 曰 : 述 謂 庸 體 乖 孔 人 職 修 爲 亂。 子 簡 心 書 贅 方 至 詩 不 已 指 以 而 深,不 易, 自 作 異 除 削 心 説 能 序 九邱 邪 百 老 乖 之謬 興 説 修 正 師 亂 起 以 成 以 宿 言 誤 人之善心,奚 則 思 儒 其 書 夫 以 禍 害道 無 不 則 而 聚 蔽 作 邪 知 邪 經 賢 之, 或 之道 大 壞 説 士 子 危 道 日 X 不 而

集是非 歟? 月 多非聖言、害道者多。《左氏》、《公羊》、《穀梁》三傳 有 行』之先,皆衰世小人之言,此類奚可不削 此 詩 宏必欲求其説 道 見《序》而 必 春秋 就 斯 究其 爲 無邪之情 章 ●其爲《曲 一甚明。 甚,使學者皆 任 是何言歟? 》雖 何世 混 至重 淆 因是有攷, 不見詩,見 前 何 宏不詳 , 蠹人心爲多, 可 # 禮記 人? 曲 曲 得 取以 推穿鑿 面 是何言歟? 》首言『傲不可 觀雖失時 有道盛德之大賢, 江其《序 牆。 丽 及 衛 爲『及時』。 失聖人之旨不一。 《芣苢》平常 可可 宏作《序》,冠諸篇 》説 削者甚多。 笑。 而 而 不敢萌淫奔之意 又敘 不見思無邪 長」,亦 《摽 此 『博聞 有 無説 類 同 可 不 梅 寅協心, 掃 2 大道 强 有 》男女失時 端, 雲翳 之大旨,害 諸子、 《易 識』於『善 而 戴 不 而 大傳 不 自 學者 難 聖 昭 可 史、 明 乎. H Ę 漢 明

又《統領

胡革墓誌》:

「慈湖楊公、今之師

表。」

高 及,施諸 本傳》: 年,不究於用,豈不重可 有政,使人百世 論 티 : 楊簡之學, 而不忘。 惜 也哉 非 世 然 儒 雖 所 享 能

《朱子語録》「今浙東學者多子静門人,類能卓然自立,《宋史·傅伯成傳》論:「伯成晚與楊簡爲時蓍龜。」

不振。」 相見之次,便毅然有不可犯之色。自家朋友,又卻覺

《絜齋集• 學始大興於慈湖。 然獨見,開明人心,大有功於後學,可不謂 又:「子静之門,如楊簡輩 書贈 傅 正夫》: 其初雖 「自象山 ,躬行皆有可 有得於象山 既殁、 耐 之後 觀。 自得乎?」 日 用其力,超 而 自得之

閨 《蒙齋集• 澤冰瑩。」 之學,秋霜 文天祥《明 慎 者,言此而已。 之學,久而 門如對 ,未嘗須臾放 大賓, 州 樂平 融 肅 四 貫 凝 學者之所以學先生者,學 先 佚。 益 ·慈湖遺 在 生 瞻 闇 久 \_ 費 》: 彼 此 室 而 慈 先 如 書 純 湖, 生之實學 閣 臨 廣平之學,春 記記》: 雲間 E 生平 帝 ❸、先 月 踐 也 年 澄; 履 登耄耋, 生自 凡 無 此 風 瞻彼 先 而 和 生之所 幼 己。 瑕 平; 絜 兢 志 玷。 定 聖 兢 ]1] 處 人 敬

《句章摭逸》:「文元丁宋祚之末,閱事孝、光、甯、理四

<sup>●「</sup>演」、《慈湖遺書》卷十六作「志」。

<sup>3 「</sup>遺」、《蒙齋集》卷十四作「先生」。

言雖忠,而措之無用,君子惜之。」朝,始終五十四年,立朝僅三十六日,四經陛對,逆鱗之

#### 三年丁亥。

先生《行狀》。」《遺書》:「正月十五日,門人嚴陵錢時撰

之游。 有日 世以 高遠,自 色稱之。 期功之戚,下洎緦麻, 念嘉定初元,先生以祕書郎 君正夫不遠千里訪予於粤山之麓,亦以是爲 命德秀曰: 『先君之墓,子其銘之。』 先生之門人建 人内閣 西 行狀》:「時受恩師 常雙然。 Ш ,乃弗獲已,奉同志之命,姑誦其所聞。 俟聖人而不惑,初不以 先生德業建諸 集 見其 目 不可及。 平居接物,從容 跋慈湖行狀 /齋明 「《慈湖先生行 日 盛服 同 見 僚 天地而 謂 門 服 非禮 有過 曰 至深至厚,自 制、 和樂、未始苟異 「慈湖先生將 『希元 喪期,一 不動 召。 ,微諷潛警,初不峻 人言 不悖,質諸 狀》 德秀備數館 , 燕私 而輕 有 卷,嚴 志 以 儼 重 顧 禮經 於學,顧 鬼神 葬,叔 可 陵錢時 恪, 庸淺, 於人,而 否 爲 謹狀。」 而 如臨 職,始獲從 請 也。 則 謹 切 無 撰。」 何 未 書 疑 君 能 既 能 昌 清 竊 而 而 來 師 伏 忘 容 聽 葬 明 百 發

> 也。 矣。 亥七月朔日 蓋有得於先生之道 故書於《行述》之後以俟。 輕 先生之門,賢哲甚衆。 雖然,有一 聞 時方繆直禁林,役役語言文字間 生之道,而欲傳其心於百世之下,此德秀之所不敢 欲 語道。』先生之於德秀,可謂愛之深而教之篤矣! 富貴利達,何也?』德秀怳然,莫知 「子嘗以 而 一二,而終未獲探其精微。 可 吅 德秀復何所據以爲進德之地 如德秀者,或使之序其梗概而表於墓門,則 勉。 函丈,求其 焉,蓋今傳後之文,有狀有銘,而又或有 Œ ,建安真德秀跋。」 日者,❶故知之。 夫幸以爲然,則 指 者也,故其 歸 今狀其事者既 而 《行述》 不 可得 願復於叔 憂患以 言言皆實録 夫必去是 》者,正夫所纂。 ,故於先生之學,雖 也? 矣。 所 有 來, 謂。 嗚 謹 人,非高弟不 夫未能深知先 呼! 粗 心 而 云。 先生徐日 還 知 而 向 以 寶慶丁 先生 其責差 後 命 道 正夫 惟 可 思思 表 可 E 竊 其 以

案此是先生《行狀》有二:一爲融堂譔,一則正夫譔也。

「予」,原作「子」,今改。

## 《行狀》:「四月乙酉,葬邑之五峰。」

隩。 天 啟 先 慈 葬 谿 Ŧi. 縣 志 後 遷 於 慈 此 湖 先 生 墓 縣 西 四 + 里 車 廄 王

旁。 旬 章 蓋 摭 先 逸 生 始 葬 Ŧi. 處 峰 也 寺 前 有 先 生 衣 冠 墓 叔 謹 築 則 菴 於

妙 是、非 之事 所 敬、興 烝 蟲草木之 月 兄 通 也 不 者 錢 之所 則 烝 弟 學之良 也 時 畚 自 底 耳 則 乍 此 ൬ 而 自 贊 融 以 友 大哉 豫, 自 見 名以 心 堂 乃 知 能 至 惟 所 運 羞 孺 無 夫婦 非 溷 集 爲 堯 以 行 惡 子 此 於 則 體 ,天經之旨 者 溷 法 則 者 將 泣 變 生 風 自 不 H. 滔 則 於 之 此 下。 人 慮之良 雲 化 化 别 滔 此 名 菴 天 井 也 之 其 無 下, 故 也 記 朋 自 耳 嗚 則 所 方 平 堂 睦 ×: 古 以 友 呼 陷 自 知 以 宜 1  $\Box$ 九 文 自 通 今, 此 爲 惻 ! 鼓 天 辭 慈 族 Ŧ 此 事 於 信 愚 孩 隱 經 舞 É 湖 包 是 則 君 神明 萬 岢 提 和 者 爲 辭 吾 先 宇 之, 自 占 屬 Ш 無 萬 外 夫子 不 生. 宙 人人所 忠 此 時 宜 邦 ]1] 光 不 鷾 故 肖 葬 也 記 之 U 遜 於 知 孰 īfīī 無 者, 所 Ŧi. 之。 惟 愛 所 自 取 此 四 非 憂; 見 望 司 峰 舜 其 無 遜 以 之 海 臨 Ħ. 口 有 於 時 哉 則 他 流 親 民 孔 此 是 羞 無 之本 爾 嗣 不 之 不 峙 者 自 子 經 自 所 後 口 勝 子 愛 則 故 之 昆 惡 知 H 知 不 11 此 圃 人 恪

力 謹 吾 也 則 不 事 祭以 統。 之, 君 而 其 世 實 發 民 子 其 勉之! 志 學 揚 歟 則 П 必 子之志乎? 明 愛 ; 也 時 發 故 乎. 處 吾. 是 者 平. 聖 戴 禮 ,父没觀 其 非 老安少 反 父,是 歷 ? 念, 則之, 乃 鄉 不 是 性 如 處 觀 朝 孝; 慈父母 謂 1\_\_\_ 黨 己 出 實 斯 時 直 内 譸 年 則 得 則 其 況 X 吾 懷 也 勺 履 H 言 張 敬 省 之 天之 廉 斯 標 是乎 夫 勉 言 行。 其 平. 無 於 īE. 之、 久 儉 之 不家之子 的 子 曾 日 是 而 改 異 念兹 論 經 而 行 清 : 順之,不失 ? 後 則 子 端; 不 非 也 無 峻 年 風 之,故 屈 世 則 在 此 非 空言 改 日 事 無 節 之, 若孫 於 處 吾 不 弦 爲 乎 雖 之則 改於父之道 凛 必 權 則 宗 ? 昏 先 故 吾 然 大 皜 Z 豪 凛 反觀 乎 族 於 所 君 子 明 也 知 也 皜 後 發 ? 守 夫之心 則 利 子 愐 孫 斯 伐 純 處 之 教 内 欲 者 之 無 天下 不 念, 道 白 孔 朝 之、 視 省 定 行 愆 月 木、 窮 子 狂 不 處 以 前 可 矣, 之 學 無 於 乎 撫 出 日 日 則 謂 處 可 家 續 殺 則 之, 如 改 ? 去 者 終 啟 射 孝 郡 則 洙 了父 言, 也 燈 則 就 沃 身 此 矣。」 可 思 不 縣 冠 泗 潤 之 之 取 孜 之 山 月 T. 在 吾 行 則 殊 昏 之 不 孜 義 影 之 恪 則 ? 不 先 今 觀 萬 軍 喪 己 以 IF.

案 廣 信 府 志 貴 溪 縣 羅 塘 有 楊 慈 湖 墓 當 是 先 生

曾訪 道至其 (地,而後人葬其衣冠,以誌景仰者。)

摭

餘

編

慈

湖

先生傳》:

一益

文元

時。 案: 事 霖 也 撰 先生《祠 行狀》不書謚 宋史 堂記 舒 璘 》始 蓋其 傳 稱爲「文元楊公」,則予謚 云 「淳 時猶未予謚也。 祐 中,特益 文靖」, 淳祐二年 當 疑 在 鄭 時 其

慈湖

祠

二,當

鍾

君

蓋

是

時

周 密《 癸辛襍 志 »: ¬ 祀於太學循理 齊

《襍志》: 「太學諸齋,各祀 本齋先 有 德行者。 循 理 齋 祀

慈湖楊簡。

延

祐

四

明

∵志》:

寶

慶間,

邑士於慈湖之

與

憲、
提

刑

陳

塤

建。」

濱建祠 以 祀

習之地。 志》云: 嘉 慈湖 先生没,邑士大夫始祠 制 閫 趙公與篡改祠於中 於 湖 沚 濱、未 有 講

紹定四年 辛卯

甫 先 甫奏建象山 象山 生,侑以 至書院釋 年譜》: 楊敬 菜 書院於貴溪之徐 「夏六月己亥,江東 乃 仲、 禮 袁和 慈 湖 叔。 門 人錢時爲 巖, 明 年三月 祠 提 象 刑 袁 Ш

> 長, 主 一教。」

慈湖 笑步 案: 《蒙 百。 脈。」玩全 **齋集** 幸 瞻 在樂平。 詩 慈湖 江 所 東巡 祠 紀 風 部 正 聲 紀 肅 行 此 尚 堪 詩 行 **\*** 憶 由 樂平令 宣 浮 鍾 歙 梁與 君 而 我 (樂安, 江 所敬 右 此 Ŧi. 能 云 + 續

官兵部尚 宋史・ 袁甫傳 書 兼 吏部 字廣微,燮之子。 尚 書 卒 謚 正 肅 嘉 甫 定 少 七年 服 先 進 訓 士 累 又

從楊簡問學。

宋楊公簡。 姑蘇志》: 紹 吴縣 定 間 儒 學内 簡 門 舊 有 知 慈 平. 湖 江 祠 府 趙 祠

日: 宿? 與 宋元學案. **懲於學問** 『心之精神 乃起意,反害道。』與憲奉教終身。」 、應酬 慈 湖 是 案 謂 都 無 聖」, 趙與德當見慈湖 是 心 只 未 嘗不 未知 聖, 歸 宿 何 之地 必 而 更 問 求 慈 曰 歸 湖

遺 書》有《書雲萍録 趙德 淵 親 書 後》。

教官。 命諸子 東 野語 一錢之前途,且各出《雲萍録》,書之而 趙 見 趙 即 忠 異 肅 人待之,出三子,俾執師弟子 開 西 京 閩 日 鄭 丞 相 去。」 清 之任 夷陵

官觀 不遠千 宋史・ 雍 Œ 文殿學士 慈谿 里, 趙與 因 縣 從弟 志 贈 **\***: 與 少 師 與 明 字 1 懲初 詣 德 門受業 淵 寓 太 青 祖十 田,慕楊文元公道 ,遂自 世 青 孫 田 居 就 湖 居 州 慈 谿。 歷

淳祐二年壬寅。

方,上 慈 像 其 節 哂 鄭霖 朝 天台 以 錢下縣,委令曹邰 成德堂之右。 人太極 寶 水德 以 惠。 助 徒各尊 奉 慶四 祠 中 教 《慈湖先生 圖 紹孔子千百年不傳之統 鄭 大夫直 潤 興 化 源 斯 》發先天之妙,於是河南之學有所傳授, 其師 以 湖 霖 分 文可 厚 明志》 來,推 派 超 風 作記,●先生之姪 别 力足 然口 一祠堂記 俗 謂 寶章閣 厥 吾 示 盛 朝奉 〉續增: 以 道 耳之學。 後 哉 儀 請 能 扶 制 爲 植 於 以 桂萬榮書蓋 郎 禮 也。 閣 朝 或 所 慈 È 學 有 蚤從象山 脈之功 0 ●下破漢 自 郡 文 湖 亦 管 功 得 我朝 元楊 核 有 守 先 者 建 祀典,● 德則附祭於學,所 愉 與與 教 祕 自 生 公,家於 康 文安陸公游 於鄉 濂 書 人專門 天 撰 創 府 溪周 丹, 地 隨 鳴 崇 陳 祠 並 四 所 元公以 雷 角 塏 堂 於 熙 邑 明 寓 詔 立 動 以 時 觀 於 發 之 之 肖 加 四

> 門爲 吾夫子也。 焉。 道 然則即學以祠慈湖 公諗於士友,曰 陳公塏壬寅 又 之,此意美矣 而以 於民,古良吏不能先。 尤深於《易》。 「心之精神是謂聖」,⑤ 必必 病於規模奢 重。 始,慈湖後 「慈湖」。 指闕 雖 里 春 闕 尊夫子, 爲 見諸日 開 廣 里 没於寶慶二年。 夫子 人欲 閫 展轉一 相 官 郡 布 地 用 牆 亦 之道 而侑祀於夫子之側者,未嘗 倣 湖中 宣 邑 猶 何 由覺入道, 三四 天下士宗先生之學,不以 立 四 有 彰 舊, 在 不 朝 書 學,顏、 及 可 年,無定 是, 善 院 大節,浩浩 龍 而 ? 以 以 桐 是 虎 至今誦 勸 藏 推 道 軒 孟 鄉 識 家塾所 地。 誠 問 俎 不 其 既 而 乎 體 调 豆 小 祠 其 牽 已矣。 制 物 堂中 不 未 書籍 侑 一於道 著文學 研研 使 祀,所 設、志 可 祕 奪 輟之故 祠 旁 幾 無 先 撰 於學, 「不尊。 察 疑 爵 以 適 生之 可 而 分 稱 阻 至 漝 非 尊 齋 牧

6

6

以

<sup>■「</sup>熙」、《寶慶四明志》卷十六作「禧」。

②「制」、《延祐四明志》(影印文淵閣《四庫全書》本、下

<sup>「</sup>傳」、《延祐四明志》卷十四作「繼」。

<sup>◆「</sup>核祀」、《延祐四明志》卷十四作「該謚」。

下《延祐四明志》卷十四有「爲」字。

疇能 孔傷,❸ 兮洋洋。 茫,母大音之寥寥兮瓦缶宫商。 古有德兮侑於庠,闕里俎豆兮胡爲未遑? 即 實顧 兮堂堂。 詩 日 而 先生之書 間 尹 友翕 日 祠 庠 而 曹 於 前 忘? 『子爲我記之。』霖再拜辭,公曰: 非 然無 祠 念?』又 民 君 書 邑士祭 軒 大中程公珦 不 邰 院 繭 郡侯之尊所尊,非令尹之敏於事 奉祠歸 興 其書存兮人未亡, 跂望不可及兮心皇 知 異 ,以心會理,以 過 遽 同 佩 起 廡 詞 公而歌曰 其 相 徑 人之良善兮是爲 經始 稱 慈湖 高 龃 名 雪巖山 是。 乃 勉曰 家 潔兮 撥 於 ,其事同 2 也 也 孟 緡 慈水之東注兮泱泱,夫子之楹 遺 中, 士庶子來祭 身率教,毋 錢 秋癸巳,越月庚午告 能 『祠既立,吾徒居先生之里 九 芳。 六十 成公 京 ,其意合。』秉筆敬 日 可作,必爲余肯。」於是 慈溪之 九 尚 萬、 志 謁公於鄮 雲車兮相 原 爲先生羞。』公聞 米二十 洋洋如 不 Ŀ 『予昔分教横浦 鄉 作 口 此 作 山之堂,謂 耐 鳳 斛下邑。 羊,想 郡 下承 在 分 秋 鳥不 成。 書。 闕 相 墮 萬 皇。 典 0 至 歲 緒 爲 與 堂 自 之 止 茫 兮 霖 之 誰 頌 役 \$ 士

知 慶 祐 元 四 府 明 兼 志 沿 海 陳 制 塏 置 中 副 使。 大夫, 祕 閣 修 撰。 淳 祐 元

度宗咸淳四年戊辰。

成 志 垂示 先 張亦文行 之
先
賢 丽 里自行訪求先賢事迹,繳赴史館, 黄 震近因分修附傳,妄意若在局官各於 生侍 附 **>** 易集,亦足少裨 氏 傳。」 將來,法合立 軸、 日 郎 有慈 鈔 ^ 表表,皆先皇帝 張 壽 公諱 湖 . 張 繳 先 行 申 生閣 虚。 傳 狀 今日 慈 **>** 湖 學 慈 謹 史事之成。 壽 册 湖 楊公諱 訪 朝 , 乞賜 張 名 爲 求 行 時 法 到《 從,皆 儒宗, 實 簡、 委官 慈 庶 (狀): 湖 壽 震 幾 修 張 徑 鄉 挂 鄉

案: 館 檢 原 閱 注 時 也。 二咸 淳 四 年 五月 H 申」、蓋文 潔官 第 五 任 史

0

8

<sup>「</sup>承」、《延祐四明志》卷十四作「興」。

② 「過」、《延祐四明志》卷十四作「後」。

<sup>「</sup>鳥」,原作「鳴」,據《延祐四明志》卷十四改。

<sup>「</sup>墮」,《延祐四明志》卷十四作「墜」。

八四

行狀 必 黄 有之。 震 或銘誌,千萬加 與 曹 萬 東墟求楊 書 告 以 意 文元公行實手柬》: 沒搜訪. 鄉 曲 先賢 ,以授去人。 爲 念,囑 令姪四六哥 其早早見付。 0 慈 湖 先 位 生

士,官至宗正 《宋史· 黄震 冷傳》: 少卿 門 字 東 人私謚曰文潔 發,慶元 慈溪 人。 寶 祐 四四 年 進

《本傳》:「制置使劉黻即其居,作慈湖

殿學士。 學,咸淳三 除 《宋史· 知慶 劉 元 年 府 | 黻傳》: 拜監察御 事 請 字聲伯,樂清人。 建 慈湖 史, 四 書 院。 年 改 ĪĘ, 年 淳祐十年 召還 丁父憂去官 ,官至端 試 人太 服 明

之請 + 案《寶慶四 當當 日交領府 在 咸淳七 明 志》,劉 事,八年 黻 交割 以 咸淳 離任。 六年 據 知 慶 此,是建慈湖 元 府 ,十二月 書院

侵奪 副 延祐四 使 書 侍 其君 院地,毁先生像。 明 (志): 佐巡按至縣 「至元乙酉,普濟寺僧恃楊璉 乃 諸 占先 生 訴於官。 生舊宅遺 至元丁亥,按察 趾 復建 真 伽 禮殿 權 勢

祠

宇,越五年壬辰落成。」

易泯 年重修。」 户 王元 誦聖人之言,述聖人之行,求其 名,因以自號。 院於舊宅遺 牖 也。 而有分裂聖人之道者哉? 恭《至正四 距今且一 址 世謂先生從陸文安之學者, 明續志》: 邑 百有餘載, 有 湖, 先生 「至元二十 居 祠塾訖 止乎極而已, 惟先生學力所至,則 焉。 四年, 湖 不可毁。 隸 復 邑 人自標異 豊可 而 建 延祐 慈 得 慈之 各 湖 六 未 開 書

此心 中 心 此心也; 後,未有經籍以前,闡道之祕,惟《圖》與《書 學孰爲大? 也 未來,管攝於心。 曲學也。 文及翁《慈湖 合之外,思之即至。前乎千百世之已往,後乎千萬世之 也; 虚、《洛書》五位、心之本體也。 曾子、子思謹其獨,此心也。 也; 湯慄慄,此心也; 周 堯兢兢,此心也;舜業業,此 不大於心,淺學也。 公無 心爲大。『心之精神是謂聖』,不至於聖 書 院記》:「慈湖 逸,此 若不識心,何以爲學? 心 文王翼翼,此 也; 孔子、 楊 心 《易》説心、《書 文元公之學,心學也 太極,此心 虚靈,其大無對。 孟子 心也; 心 也; ,操則 自 武 禹 也 有 存,此心 孜孜,此 王 [》傳心 天 無貳 皇極 河 地 圖 六 以

先生家 今玉 象山 不必言 乎? 塵 語 衷,❷信 此 此 守 然見 年。 心 無 森 以 先聖 禮 意。 籀 先 永 之清 象 羅 爲 心 帝、王 天地 ,心字必 生 澄 嘉 陸文安公,發本心之問 與 制 一大訓 先 謂 慈 於四 侍 然,虚 日,冠 花 理之分。 知 日 明,忽省 心 而 牛 湖 是 自是 香竹 樂治 讀 謁 萬物 終 有證。 精 先 所 文昌 「明之慈湖、《詠 終 象心,學 理 明 神 帶 生 以 先 條 影 之 無體 聖, 此 流 貫 萬 揖 昔 爲 心 · 山 治 劉公嘗執筆於太史氏,爲先生延譽於 不必言象,不必言理,亦 其 終 片。」此 動。 心之無始 事  $\Xi$ 通 謝 在 務 又謂 色水光 注 《詩 事 太學 同 聖 最 廣 字、教字皆從孝,又 疑 萬 舍郎 肅 《孝 也 》聲 大 賢 象 理 急 先 肄 觀 經 **①** 自 無際 春 心, 與 澄 所 鶯 末, 日 先 者 先 舉 生 》諸 以 業 理 然 生 生 Ŧi. 述《己易》、 知至至之始 日 吟 忽 扇 春 「簡 循 爲 詩 未 手 幼 忠 鶴 次急者 片。 省 訟 聖 融 秋 理 有浴 用 筆 而 信 悟 舞 是非 》誅 此 齋 賢 學,長 云爲,無 道 篤 皆 齋 0 沐 向 心之無 足 焉 心。 敬 晏 、解《春 八。 心 莊 以 者 不 澄 道 詠 事 不 有 近妙之形 畫 中 對 必 然 而 所 歸 坐 發 · 踰 閾 也。 非 故 心 之發 忽 遺 始 言 所 見 ΙË 反 灑 秋》、 言 變 外 其 文 覺 片, 觀 不 萬 本 然 必 化 省 及 萬 之 者 帝 揮。 通 古 覺 訓 見 出 由 亦 更 學 此 象 忽 所

> 其 允平。 利 萬,手不停披,口 先生片言隻字收 先 是,反以 精 不 神 昭 佩 世 皆 神以 後。 禄、 遇 生 知 昭 鏘 0 心爲何 者。 前 醉 靈 鳴 膏 即 執 言往 劉 秉彝 失 其景 靈之心 心學 脣 噫 ! 公爲 獨 虚 先生舊宅,創書院於慈湖 吻 物 行 好 醒者以 靈 爲 行前 永嘉 德, 飾 者 爲 也 非, 驅 俗 竿 不 拾 詳 總 修、 血 流 誰 絶吟, 至 知 爲 相 牘 殆 總 失,世 氣 無 狂? 名士,又嘗爲 有 盡 而 與 風 而 也 而 此 事 及 疵 厲 己 以 知 角 心? 敗壞,學士大夫童習白紛 翁平生讀 者 先生之學爲禪 矣。 後 藏 此先生之所以 功 是爲學, 之、好之、樂之又若心 • 學 Ш 名 出 開 一之卷 懇 縣 決 人 太學 創 宰 之濱。 懇 書以 性 於  $\Box$ 亦 切 九  $\pm$ 前, 耳 祇 千 命 循 切 君 學者 以 之學,各 之心 本心名 而 理 愉 規 太息復 正 插 釣 饕 齋 模 望 提 架之軸 聲 富 軒 長 何 增 管 即 譽、 貴 齋, 豁 交 太 是 習 異 先 益 陳 息 謾 其 梯 喪 於 聞 而 於 君 生 襟

0 0

<sup>「</sup>又」,原作「文」,據《延祐四明志》卷十四改。

<sup>「</sup>衷」、《延祐四明志》卷十四作「忠」。

<sup>8</sup> 延譽」、《 奏請 于朝乞爲 延 祐 四 先 明 生賞延」。 志》卷十 四 作 作 傳 及 開 闊 府 于 四

<sup>◆「</sup>與」、《延祐四明志》作「其」。

堂徂 宅心 及翁 明、 墜。 其大者 金 逢 址 士 漢 見 熟 書院之設,意 朱、吕治教之地,文獻 有塾,里 E 也 一,游 石 ,爰契我 ,合志協力,舍 炎爲山 道 應 而 ●篤敬爲主,立言以 紀其 基,輪奂新矣 知訓 凝, 麟 東海之濱 知之,後 . 絲竹之音, 莫不 於斯、習於斯 經之席 衣使者侍 以以 院 盛 居又有父師、少師之教,是以 重 長,而堂 事,不幸 Ŀ 有 龜 德清 念同 建 規 鳩 肄 進 接 慈湖 猶 其公行 ,有大儒 洙 聞 風 廪 志。 近 I 業之舍 舊 録 泗。 聞 書 稍 而 厄 古 如詠 庀 耐 知之。 院記 於浮 咸 桂 有 油 材, 陟 者興 尤 新 淳 部 E 此 降 君 籍 然 睢陽、白 孝弟、忠信 盛。 規 舞雩之風 經之營之。 慈湖 喟 九年良月吉日 書 屠 應 庭 而 是 起 模視昔 春 院 氏,鞠 古者 魁 止 樂、 謀 然 春秋》之法 天典民彝之統 先生文元楊公,立 之所 可 木之芚兮,其 鋭 太 相 惠 躍 鹿 謂 以 攸 息 如如 不 鄉 我光明 如 爲 爲 爲 爲 百 爲己 先 禮殿崇崇 荒 道 而 選 作 本,躬行實踐,仁 升闕 世 稱 愆於素。 有庠 生 德 常 悟 榛。 一之師 也。 首。 任,乃 舊 事 鄉 盍 里之堂 宅 人若存兮 紀, 恃以不 黨 咸 愐 不 天 亦勉 古涪文公 矣。 若 宿 日: 理 有 書 不 祠宇 倡 冠 煕 周、 望 心 義 遺 序 曹 椓 淮 光 率 新 以 敢 一自 程 明 德 聞 奕 斯 間 衣 遺 善 君 老 誠 書

神,江 非仁。 參諸 恪 在《書 何 生之文章皆性與天道之昭著, 强 居 天下,若君實之在西洛。 將 天有 萬古 應麟 卷懷,不 儒 而 中 凉廢,則 賦 以 不息焉 以 進 非 庸 哉 百聖 》見先生廣大高明焉,於《過庭訓 四 道 耄,未知學,辭 新 漢秋 禮 》爲至誠 》爲 仁則 時 道,萬化 得 知 不動 汩 正色讜言,不回 於 無不合。 乎? 民,師 精 風 陽之皜 由 於勢榮。 純 事 《講 雨 明静 篤恭。 親 言 在 心。 於 霜 以 堂訓 性必 從 露 賢 皜 是 《詩 於《己易》見先生潔 弗 虚 耄期稱 足, 也。 得 屬 獲 》之言孝見先 》爲 地 曰 惟 與 仁,人心也。 民。 應 於羣 敢 載 ൬ 本心明 居 先生 堯舜,論 無 天 麟 盡 神 道 先 貮 地 誦 師 著 枉; 氣, 性 若 乃無意而自得之,齋 生 言賢 俯 同 所 在 至 石 而外 之居 聞 JII 流 風 治 武公之作 命 道學之復行,則 章 《大學 流 生 霆流 不言 人者,天地之心也 必 切 物輕。 在《易》爲不 以 》之言學見先 學 浄精 日 仰 磋 由 永 貫之道 》爲 三代。 形。 道,身 究之。 先 灑 高 教 懿戒; 微 生之學 Ш 行藏 毋 掃 思 焉 無 應 ,心之精 自 即 於 嘗 焉。 道 於《 欺,在 遠 語 道 無 生 見 學 名 莊 物 謂 復 默 也 窮。 先 廣 則 ൬ 而

Ξ 有 精 院 道 於尊德性,以達聖人之域。 約之以省察克治,深之以 合而觀之,知人德之門矣。 性,❶學者多持守 存 講 和 可以欺 之有愧,可 達,不求人知 月。 復建 其 人焉 體,去先生之世 義入神,由 冷論 訓 良 詁章句云乎哉? 語 者 於 其 》於白鹿 濟 心。 在 至 以欺其 濟多士,克 元丁 此。 内省不疚,而 而 無體之禮,此心之敬 求天 亥春 先辨 可觀。」又謂先生之學有『爲己之功 朱文公亦云: 若 鄉,不可 此其 知 廣德心 其 庶 先生之學,文安之學也 越五 志 薰 未 以 極無聲、無臭之妙。 覺 陶 遠 岳 幾 聽 欺 凡 年 有先後,學無古今。 也 識 峙 涵 者 从其家; 陸 十二月 海 濡 其 我同 竦 得其 大者。 涵 無聲 問 子 然 志 所言 可 春 津 (學之傳 動 成, | | | | | | | 以 於辨 融冰 之樂,此 心,收其 夫一 欺 歲 專 志,尋 其 哉 0 釋 在 於 下學 ì 家, 1 必 默 有 專 心之 放 文 安 辰 書 將 不 契 源 能 德 F. 而

先 焉 舒 出 黄 翔 公,慈邑則 因 以 龍 以 理 先 自 重 學 生得象山 號 相 修 有 倡 慈 慈湖 故邑之名昉於漢董孝君 和 湖 書 陸文安公之學,千里心契。 先 吾 院 生文元楊公。 明 本末記》: 有 IF. 獻袁 公、 宋 邑故 、端憲 乾 前 淳 有湖,先 湖之名昉於 沈 間 公公 文安殁 鴻 文 儒 生 靖 居 輩

> 旁翼 魁主 禮 奠饗廪士之資。 之右,負 辛未,永嘉蒙川 隘 尊 學者尊而祠之,有象山書院,至今爲東 1 繡 邑 是不足與 Ė 衣使者真 殿 〕士夫夫始祠 不可久,既又祠於邑 间 其 猶闕 兩 吉,於是命 未 役。 明。 廡 Ш 也 較 面 因 始崇禮 定 嘉 也。 其 湖 陵 侍 熙間 於湖之濱 前 劉 創 舊 書 谷變遷 其公君 公黻 先 貢 爲 院 殿 精舍,肖 制 士曹 生舊 齋 之名, 中 庠,邑人以 闢 來 四 ,浮屠 佐 耐 君 宅 嚴 帥 節齋趙公與篡改祠於中 漢炎爲之長,而堂録 行 未有 祠 日 遺 得 像 明 忠 庭 部 氏壞之。❸ 而 捐 址 與 講習 信 後 至 鄰 祠 故 不得專奉爲 郡 邑, 之。 闢 郡 在 篤 帑 之地,先生之道 1 講 敬 問 南 盍 得 蔡、 撥 堂 故,愀 至 重。 即 明 濟 民 外外 稽 而 元丁亥春 通、 歉 民 地 先 植 圖 山 然 於 桂 莊 公 門 ム 生 諸 沚 米 僧 咸 君 日 壝 爲 應 然 淳 地 雖 寺

作

<sup>0</sup> 0 其,《 專」, 改。 四 原 四明文獻 延 作 祐 「尊」, 四 明 集》(影 據《四 志》 卷 明 + 印 叢 四、《 文淵閣《 書》本、 四 明 《延 四 文 庫 獻 祐 全書》本)卷 四 明 卷 志》

<sup>0 10</sup> 

<sup>0</sup> 四明叢書》本作「攘」。

著。 倍 任 閫 功 旁 先 夫天將 實 塗 道 處 廢 亦 數,復其身。 而 生王公復大書以紀其成 本心先生文公爲之記 爲 司 之。 岩郡 勞。 無阻 賴 聖、 歷 ,始定弗 丹雘, 未 過 興 既 横 閣 元 發 以 化之地 是 本末之莫詳,復令 經度 Ш 庖 先 皆 竟。 其 興之,必有 富 天幸斯文,上 郡 邑長吏請 撓 外 温 師 不可 精 書 君 **廪既不復繼** 故 摇 是諸生之力,故 侮 皆 士之捐 德 之所 ,必建 藴 咸 先是,蒙川劉 力省 者桀,中 有 無記。 庸 足以 具 是 舍。 成其 於 像 慈 役 書 而 來 貨 朝 設 惠 院 也 恩寬大,臺省交勸 歲 - 畔者疑 成 昭 學 昔 終。 多 資 之師 前 易。 緡 ,使學者 翔 往 於 王: 吾聖 而 今 長 用 二令尹 錢 龍 辰 而 是 趨 令 金穀 凡 也 公之創 有 粒 今興 記 無 淑 八 者 人於道之行廢,必 署 文元心學之要 明 事 尹 重 觗 所 月 粟 其 來 濮 尊 六十 勇 智之長 不 建 攘 録 出 皆 矣。 落 廢 通 慕 粗 者 可 水 义 始 謀 出 植 成 敏 而 有 馮 堂 以 自 IF. 度 縣 學其 竊 鄉 得 前 壞 廉 有 È 君 督 緡 基 賓 資 堂 官 維 人 前 又 正 人, 序 士 張 显 遭 石 而 沈 懼 度 7 學。 前 政 后 ,躬踐之實 尚 録 規 計 構 綱 實 時 君 知 俱 代 後 書 殿 地 桂 維 歸之天。 隨 謀 方 無 土 迄 漟 蓋 名 率 儒 來 大 厚 君 得 講 其 其 艱 科 有 其最 者 學 義 於 實 先 齋 其 占 堂 由 心 上 始 率 祠 我 之 11 既 身 # 於 亭 先 + 名 後

杜

其 亦 益 惟 昌 我 乎 同 ! 志 之士 相 與 緝 熙 廣 於 無 窮 文元公之道 庶

於李聳、 學學焉。 爲 洲 III 童 嘉靖 鮎 洲 慈湖 氏 得 埼 童先生居 學者稱 朝 累 甯 亭 祠, 命於其子桂。 波 代不  $\pm$ 集 登嘉定 府 衍 休。 . 杜洲 志 替。 易 旁爲六 杜 家 洲 十六年進 先 馬 書 日 六 生。 先生 童居易,字行簡 院 先 參楊敬 甬 慈 生 L. 則 祠 湖 書 + 書 先生 # 院 彷 仲 院 累 嫡弟 記 彿四 之孫 官 與 以 知 語 子 杜 大 廣 副 慈 慈 書院 洲 大奇 東 尉 石 谿 谿 爲 坡 德 金 人。 最 縣 規 之,遂 始 慶 而 制 盛 鳴 府 肇 外 嘗 鶴 造 舍 從 其 即 歸 鄉 居 所 學 中 推 杜

曹 案: 先 生 先 六先 鋐 生 ~漢炎; 號 生,首 聲 伯 次 杜洲 黄先 亦杜 生 洲 次童 震; 子 先 次 生 嚴 鐘 先 生 號 畏 松 簷 號 草堂 杜 洲 子; 次 童 次 案:《遺書》作「論」,今據

奉化縣忠義鄉半亭。」

石本作「倫」。

陸九淵撰《楊承奉墓碣》殘石: 「楊氏其先居台之甯海黄壇,九世祖徙明之奉化。」

錢時撰《慈湖先生行狀》:「楊氏家世天台,十世祖自甯海徙明之奉化。」

案:慈谿縣北一 里慈湖書院,今爲楊氏家廟,其木主奉十世祖諱鑑爲始祖。

倫 《楊承奉墓碣》殘石: 半亭高祖墓記》: 顯曾祖倫。」《慈湖遺 「倫居 書 「庭 . 宗輔 《半亭墓記 徙居鄞。」 「倫仲子, 演 《承奉墓碣》殘石: 至演、皆隱德不仕。」 「自倫 庭 顯 《半亭墓記 自 鄞 徙

八九

庭顯長子,詳《年譜》。 《遺書·伯明封志》: 李氏,子五。

娶

籌

恬

慥

名慥、舒廣平稱之。

録》:

叔中,慈湖從子,疑

王梓

材

撰《慈湖

從祀

怟

惟

詳《年譜》。

圭

《伯明封志》: 籌 孫圭。

不詳所出。

孫圭,蓋二人而同名者。 案《慈湖學案》,慈湖七世

從曾孫同翁來爲山長。 記》,至正辛巳,公之五世 又案危素《樂平慈湖書院

是恬、惟諸人之後。

同翁名與系屬俱無致,當

九〇

子

,姑列於此。

恢

偷爲之書。 湖先生祠堂記》,先生姪 袁桷《延祐 祐二年, 三:長適 舒鉞,三適李竦。 伯明封 天台鄭 四 ) 顔衮, 志 》: 明 霖撰《慈 志 ¥: 次 適 女 淳

壑

垕

案:《承奉墓碣》殘石: 孫男十三人,恬、恢、惟、 每、懌、怟、恪,共六人石 悔、懌、怟、恪,共六人石 与已泐。《象山集》作十 二人,恪下有慥、愉、憺、 一之,恪下有慥、愉、憺、 。 據《伯明封 志》,恬、惟、怟、慥、愉皆 壽子,恪、愷則爲先生子, 所出,當是籌與篪、籍之

> 案:《承奉墓碣》殘石: 庭顯曾孫三人:壑、垕、 養孫,則壑、垕二人當是 籌孫,則壑、垕二人當是

愉

九一

悔

詳《年譜》。

慈湖先生年譜

憺

惿

庭顯孫女十人。《象山 案:《承奉墓碣》残石:

先生女三人,其四人當是 集》作九人, 攷籌女三人,

篆與篪、籍女。

尘

埜

簡

恪

詳《年譜》。

《行狀》: 娶林氏,令人。

庭顯三子。

《冢婦墓銘》: 三:埜、尘、基。 馮 氏子

金

《行狀》曾孫金。 出,姑列於此。 不詳所

九二

察"《楊氏譜》:基,儒林郎,安福縣尉。子沂孫, 郎,安福縣尉。子沂孫, 迪功郎,沿海制置使。沂 孫生通甫,通甫生芮,芮 生伯純,伯純生圭。自圭 四世至淡,淡生三子,今 居慈谿。承文元祀者,皆

場實《戎化四明志》:

得實《成化四明志》:「芮 宗大章,文元五世孫,文 宗大章,文元五世孫,文 宗大章,文元五世孫,文 完善,以病不行。芮子伯 起之,以病不行。芮子伯

身安原憲貧。」 大章詩》:「家紹文元學,戴良《越遊集・哭慈谿楊

先訓,不喪所守。」

案: 芮,一作苪。

九二

憻

適進士孫誼,次適宣教《行狀》:「簡女三:長

善,三適宜州

通判舒璘

郎知湖州德清縣童居

堂

在、堂、當是恪之繼娶在、堂、當是恪之繼娶

九四

庭顯五子,詳《年譜》。

籍

庭顯六子,詳《年譜》。

《承奉墓碣》殘石:

庭

適馮象先,三適王洽。

顯女三:長適孫楷,次

其六人恢、悔、懌、憺、惿、 《承奉墓碣》殘石:「庭顯 籌出五人,先生出二人, 集》作十二人,其可攷者 孫男十三人。」案:《象山 □俱無可攷,列於篆下。

九五

# 宋仁山金先生年譜

〔明〕徐 袍 撰

#### 校點説明

文安。 友之説 靡不 剛 時 柏 告 博 者 嫌 凡天文、地 字) 名,更 士 以 因 溪(今屬 議 正 畢究。 者 稱 爲學 似 移 金履 屢 履祥 謝 以 易 書 言賢 爲 仁山 良 爲 之方必 祥(一二三二—一三〇三),字吉父,婺 名履 形、 浙 金 嘗從 幼 佐 何 官 氏。 者之賢,理欲之分,便 江)人。 先生。 基之清 禮 而 履 祥 先 王柏、何 敏 樂、 祠 祥 初 立 客, 履 自 名 則 田 志。 本姓 介 祥 號 元 父兄 祥, 乘、 親 純 統 次 於 基學,得 何 兵謀、 得 長 劉,後避吴越 鄉 初 農。 實 稍 基 似 學。 之二氏 而 授 里 謂 嘗 # 更 陰陽、 之 朱熹 人吴師道 之 居仁 焞 名 元至 書 當自今始 日 開 王 之傳。 而 律 Ш 祥, 即 IE 「會之(王 錢 並 柏 之下 中 曆 能 爲 充 武 之 後 之 記 王柏 於己 或 高 賜 從 肅 書 誦 州 子 明 學 E 謚 師

者也」(《元史》卷一八九《儒學傳》)。

等。 地 考證》、《 並 的 此 學 柏 大 面 E 王柏影響頗 四 噫稿》,今多亡佚,後 論 浙 紀》 《四四 提 ~ 推 加 ,柏勇於改 外,尚有《尚 的 先生」 語 東 《要》卷 詩 通 動 以 金 書 學 之 孟 鑒 個 訂 文集《昨 3 人大學 集 子 派 例, 祥 前 共 重 E 朱學 注》, 四十 集 深, 編 生 四 要分支和 同 同 章 經, 損 注考 》用 發 書 書 發 王 在 句 七 益 對 如 非 履祥 學 展 柏、 表 元 體 疏 ) 0 稿》、《 證》、《 四 朱 折 邵 的 了 注 義》諸 初 現 注 庫 何基及弟子 衷, 他 雍《 人輯 組成 代 \*\ « 一浙 亦 出 的 多能 館 敢 仁 表著 大學 好 皇 創 發 通 臣 東 書 於 部 爲《仁山 持 Ш 以 極 造 展 所 鑒 學 提 以 疑 分。 新 新 指義》、《 有《大 經 性 和 前 派」, 言, 出 經,《 注 尚 世》 説 稿 和 深 編 許 有 疏 金履 》、《仁 集》。 書 創 惟 化 使 謙 理 論 曆 學 方 W 新 履 中 有 式 之 (時 語 四 章 祥 爲 濂 胡 精 於 祥 成 據 注 孟 庫 山 庸 句 作 金 主 宏《 神, 洛 稱 史 解 子 履 標 爲 的 師 爲 全 蜀 疏 風 下 皇 學 事 北 有 朱 集 祥 注 朱 懷 書 稿 元 雅 及 代 王 方 力 喜 總 E 受 子 山 疑 注

九 訓 自 釋 唐 以 禮 以 裁 下, IE 其 接 春 義 於《 秋 ×, 多 通 旁 儒 鑒》之 採 先 舊 所 史 前 未發」(《 諸 子, 凡 元史》 所 表 年 引 繫 書 卷 事 輒 加 斷

儒

學

傳

有《 徐 袍 事 五 編 = 宋仁 典考略 次。 四) 山 舉 徐 金 袍 先 楓 字 生 Ш 博 年 仲 實 學 章 譜 紀 高 》等 蘭 行 以 溪 下 從 人 游 簡 稱 者 明 嘉 數 年 靖 百 譜 = 著 年 題

龄 行 録 表之,俾 述 民 门,「自 事 年 顯 師 以履祥 記 友 列 而 袍《仁 沭 相 世 敦 德 較 目 弱 詩 之 行 祐 爲 詩 文及 有 學 之 明 Ш 文, 簡 難 事 儒 誼 先 略 文 遂 其 則 之 學 生 末 與 詳 節 者 高 年 儒 附 監 無 舉 猶 譜 林 録 焉 事 不 若 序 門 往 則 屈 有 來 X 言 只 未 敘 情 年 記 履 白 述 況 譜 年 顧 祥 者」,故 貫 對 號 其 爲 穿 按 履 和 名 全 年 宋 祥 履 獨 記 譜 之 祥 其 以 事 他 遺 間 年 而 著

明嘉 靖 就 + 金 履 九 年(一 祥 年 譜 五 而 四 言 古 時 後 唯 曾 有 多 徐 次 袍 刊 此 刻 譜 明 成 代 於

> 等。 刊《率 氏 本,詳 本(即 本、 履 付 補 印 祥 清 刊《率 今國 裔 下)、 祖 清 乾 版 孫 隆 堂 雍 内 本 金 祖 光 九 正 叢 尚 應 有 堂 年(一 書 緒 至 存 晉 明 叢 乾 本 十三年(一八 郡 嘉 重 書 隆 東 七 靖 刊 及近 間 藕 四 + 清 金華 塘 四 代吴 九 代 賢 年 金 郡 其 祠 1 刊 興 律 十八 東 義 七) 本、 沈 刊 藕 學 世 氏 鎮 塘 明 刻 率 抱 孫 海 本 金 祖 謝 經 和 祠 應 金 堂 樓 晉 律 鎮 駿 德 抄 學 海 重 重 本 補 刻 FI 梓

光緒 重 緒 其 基、王 本,二者 賢 學 刊 中 印 + 祠 刻 内 了《率 本 包 任 清 故 簡 柏等 卷 年 括 職 雍 此 確 稱 首 時 正 婺 爲 祖 鎮 本 乾隆 題 袍 至 學 堂 初 先 海 亦 款 乾 宋 著 刻 叢 謝 稱 後 |本」)。 及 隆 書 仁 述 本 作 駿 FI 書 間 與 德 郡 + 刻 Ш 版 簡 3 金 重 據 四 東 金 大 行 先 律 印 稱 藕 種 藕 金 書 款、 履 本 塘 在 塘 生 版 名 光 祥《仁 字 年 的 腎 賢 金 FI 爲《 緒 體 歸 譜 華 祠 祠 刻 本」)。 率 完 東 係 ×, 義 於 義 Ш 全 學 於 祖 藕 學 金 文 較 回 乾 堂 藏 塘 刊 華 經 之 於 版 賢 本 東 比 光 乾 補 藕 書 及 九 祠 對 光 緒 隆 塘 刻 年 何 義

本 本,乾隆本除了 清晰,光緒本漫漶不清 刊 刻 時 間 的 更早外,字 地 方,乾 隆 跡 本大 也 要比 都 清 光 晰 緒

辨,不存在描、補字的

問

題

序》。 胡鳳 原因 參校。 同治退 藜 聚者,凡數次。 今於東湖原本之外,搜捕 又其次之萃散補 先生、柳文肅公也。 生文集序》,云:「先生文稿凡 書》本《仁 卷,附録 不大,故在本次校點工作中, 丹據 在於,此本係同治十三年(一八七 也。」由 由於乾隆本與光緒 書前有雍 以 補齋《金華叢書》本《仁山集》(簡稱「退 退補 山文集》重 雍正九年(一七三一)金律刻《率 此 卷」(胡 可見 其初 齊《金華叢書》本《仁山 遺 正九年本王崇炳《重 此本内容之豐富、 而傳之者,東 鳳 其次購而 輯 刊, 丹 而付之其家者 本 遺 同 内容包括「文三卷, 同 脱 治 四 以 出 而 退 藏之者,吴禮部 種 乾隆 彙 湖董 補 聚 集 源,互校 齋 集》爲 本 傳承之一 之 道 門 而 刻 本《 四)永 爲 卿 散、 金仁 人 底本, 先生也 仁 祖 的的 蘭 許 散 校 Ш 詩 本し 溪 白 堂 意 Ш 康 本 而 脈。 也。 先 集 雲 復 以

> 此本以校之。 且《年譜》所引録内容十之八九可見諸此本,故採

校點者 宋學立

\_

### 仁山先生年譜序

之。 也。 關 廣 屈 生,宋之遺民 俛焉臣之不顧, 繹,以開白雲之傳。一時間里學士彬 之學,所以昭 風,婺以此稱小鄒魯云。 授之文憲。仁山先生並 、泫然有餘悲焉。 ,而《前編》之敘、《 洛爲宗,而文定親 元之變極矣,爲宋臣 婺之學蓋始自 而當時章縫之士,非惟 也。 揭 可謂儒者之道如此 人文、蹈 自德 Ŧi. 斯其 亂 炙勉齋,得考亭之奥, 先 生云。 藁》之題、《箕操》之 祐之難,遂高 師二氏,而充拓 然余嘗聞之,儒 脩聖 心可與 子 莫之傷也, 宜 軌 成公世學以 皆 汩 而 乎! 憤 汩 王 然 汶汶 彬 世 先 乃 傷 者 衍 風

> 俾世之學儒學者監焉 誼之節,猶若有未白者 者道哉 0 顧 其 名獨以 著 余是以 述 顯,而 譜 而表之, 敦 行 明

時嘉靖庚子五月五日邑後學徐袍撰。

「皆」,退本作「其」。

編》(光緒刻本)引此序作「汩汩没没」,應從之。「汩汩汶汶」,於義不通。清戴殿江輯《金華理學粹

#### 宋仁 山金先生年譜

明後學徐 明 明後學徐學聚 裔 孫 應 晉 袍 編 重 較 次 刊 IE 清 古婺後學李 瀔水後學黃乾山 十 1 世 孫 旦参訂 律 重 校閱 梓

蘭 宋理宗紹定五年壬辰三月丁酉 谿 縣 純 孝鄉 桐山之第。 先生生于

翁以 祖 先 熊 娶童氏,生四子,先生居其三。 王嫌名,從文更爲金氏。 口 維 ,後徙家蘭谿 而 天錫,祖世臣,父夢先,是爲 生名履祥,字吉父,本 羆 真 事 ,男子之祥」,吾殆得男也耶 虎 留 復 蘭 介屋 邑。 三峰,又徙今桐 大 夢家塾壁間 吼。 覺 劉氏 居三 而 自 畫虎甚 桐陽散翁。 將娠,●散 衢 避 Ш 語: 下。 錢 桐 『維 武 Ш 文, 歸 曾 峽 肅

> 後 而先生已生,遂以 從 師 友, 謂 開 祥 祥名,長 非 學者 而 名 更 名 遂 開祥。 名 履

祥 云。

六年癸巳先生二歲。

端平元年甲午先生三歲。

**二年乙未**先生四 歲。

三年丙 申 - 先生五 歲

嘉熙元 年 j 西先生六歲

**一年戊戌**先生七歲

三年己亥先生八歲。 記 先 琳 生幼 ,❷因命後其長子章,散翁許之,遂往 ,智若成人,宗黨咸 而敏睿,父兄稍授之書, 出繼從兄章後。 愛異之。 從 即 伯 能 爲 父 誦

- 娠」,退本作「産」。
- 父」下,退本有「三七府君 韓」五字。

#### 之嗣

四年庚子先生九歲

淳祐元年辛丑先生十 歲

二年壬寅先生十一 歲

三年癸卯先生十二

五年乙巳先生十四 歲 四年甲辰先生十三歲

六年丙 午先生十五 歲

七年丁未先生十六歲。 補 郡 庠 生。

八年戊申先生十七歲

九年己酉先生十八歲。 試中待補太學生。

且 有 能 悼其所志之未定,益折節 文聲,而先生反 自 悔 其 讀 所爲之非。 書,屏舉子

業不 至後卷,即覺前義之淺。 事 取《尚書》,熟習 而 時 詳 同 解之,然解 郡  $\pm$ 相 字

序。 元章者,幼爲 先生取友得之,而元章亦深相器 童 子科,學 問問 詞 章 望 於庠 許。

> + 年 庚 戌先生十 九歲。 欲 往 見 北 Ш 先 生,

不果。

時 基得文公朱子宗旨、⑥欲往 先 生知 向 濂洛之學,聞 北 從之,而 Ш 何 文定公 莫爲

之介,故不果。

十一年辛亥先生二十歲。

十二年壬子先生二十一歲。

寶祐元年癸丑先生二十二歲

山先生之門。 二年甲寅 先生二十三歲。 受業 魯齋先 生及北

先生謀諸元章,將求 蓋欲偕之以踐 敬巗,名監司,能 北 Щ 收 一之庭。 接 書 後進。 往 調敬 元章 巗 時 曰 方里居, 王公佖。 「見

遂上,退 本有「八年」二字。

<sup>0</sup> 庠生」,退本作「博士弟子員」。

<sup>8</sup> 「文公」,退本作「紫陽」。「子」,退本作「氏」。

嚮 截 内。』又 本。 學之方,文憲 焉。 與 其 敬 文 Ш 少 已。」又因 公有云:『居 王文憲公柏,而受其業焉。 矣,亦必 憲 斷 小 爲 巗 之禮,復起言 相 獲 日 漂流 字 志立 爲 生同 令兄 覩 姪 今欲請 2 | 會 不若 也 王 有 問 顛 魯 先生《文粹 乎 也。」元章即 年 以 冥之故 讀 齋 之 自 併 教 事 而月長, 見 敬 曰:「立志。 處 是 以 書 以 屢 于左右 物 魯 吉父 以 所 之目, 言 進 從 爲 齋 之 持 願 以 遊二先生間 於北 學之 賢 表, 也。」 序 兄。」先 其 仰 者 爲 蘭 有 吾兄 **>** 曰 : 志, 慕之意, 要示 之賢 Ш 敬 以 書 而 谿 於是 昔先儒 之門,既 教 初見, 竊 行 立 曰:「金吉 生 學者莫 求 之也 便 之。 慕 自 乎 志 亦 獲 賢 講貫益 之, 日 四 事 且. 以 自 胡 見 弟 請 會之, : 或 今日 0 歷 定 物 定 文 不 書 問 魯 子 序 其 定 先 北 東 始 之 齋 父 知 曩 爲

密,造詣益精,而知學非身外物矣

初作《讀論語管見》。

其 立之見 開 翫 編 自 之外者則 觀其立 奇之論,爲害不小。 索之病,非 魯 金吉父來 八髣髴 齋先 儘 而 得,欲自 示後學爲甚明,其 益 有 説 生 見 深。 也。 而 則 處 書。』余竊 訪,以《讀 題 謂 然得於深造之餘 欲 舉 求之于言意之内, 9 日: 脱 Ē 求 日 世 落 : 宜 于言意之外, 誤 凡 寶 先 用 惑焉 論 認 且 間 儒 祐甲寅立冬日 力, 有得 語 | 集 包涵 自得之意,紛 之説 管 奉 夫孟 註》之書, 于《集註》言 見》一編 以 無 必必 而 歸之,不 口 窮之味, 尚 有 子之 無 乎 未 超 强 能 雖 紛 所 蘭 然 探 敢 謂 意 溪 此 得 新 獨 日 力

- ●「有」上,退本有「先生」二字。
- ②「北山」,退本作「文定」。

註》之内, 有 隱 荷 他 能 日 俛 必 焉 有 孳 驗余之言矣! 孳 沉 潛 涵 泳 于 ^ 集

三年乙卯先生二十四歲。

四年丙辰先生二十五歲。

五年丁巳先生二十六歲。仲兄彌高卒。

後 彌 五. 高 年 字 爲 與 作 瞻, 行 狀,與 以 是 季 年 弟 四 鹏 月 卒,年三十。 同 請 銘 于 · 魯

齋先生。

**六年戊午**先生二十七歲。

開慶元年己未先生二十八歲。

**二年辛酉**先生三十歲。寫真自贊。

更。 以 序 Mi 爲 日 之費。 驟 頌 「景定辛酉之春,桐 爾 也。」 壯 齡,樂 贊之爲言佐 詞 日 : 爾 純 幼 清 也 阚 一, 佐 陽 冥行, 爾矯 叔 爾 子 弗及, 而 長 肖 輕 爾 其 以 非 及 容

> 古 答之云: 成。 此 肅 獨 深衣小傳》。 如。 書。 爾 以 小子識之,毋忝 威 養 儀 莫 以 維 把 深 存 律 衣 敬 0 王希 之門。 大帶 2 詩 較 爾 夷 非 戒 聲 爾 以 今 士, 視 爾 所 病 絶 爾 生。 弱 句 聖 踐 考禮 索 以 修 賢 和 毅 I 是 談 維 以 夫 歲 先 德之 經 弘 不 盡 生 作

歸宗,執散翁喪。

先 先 散 魯 承 生 父 家 齋 是 翁 幹 還 命 日 章已生子,散 疾 蠱 歸 承 革 之事 斬 昭 IE. 命 衰 穆既 宗 ,, 即 之 緒 歸 重 極 不 翁 宗。 夫 意 順 以 命 亦 彌 9 歸宗, 畢 耐 E 何 縫 葬 彼 而 不使 疑 祭 復有子。 奄 問 耶 之 ?! 至 至 于 少 禮 大 魯 有 故 齋。 是 闕 凡

重

而

敦

爾

警

而

慵

以

敏

而

勤

阚

謹

爾

<sup>● 「</sup>以存」,退本作「而存」。

失。 服 齊 衰 未 期 幾 以 章 報 夫 婦先後卒。 先 生皆 爲 之

齋 先 生 自 金 華 來 視 壙

質。 蔚,丘 俗 于 死 來 親 淪 世 然 大 魯 ],維久 哭翁, 其 沄 翼 反 齋 積累, 淳。 夫,升沉 學敏 我既 負我 識 峰 有 沄 翼 壑 挽 無斁。 亹 渾 亦已 鍾 是 求我 哭 我之 而 教 桐 亹。 融,確 入翁,亦 此 丘 子 博 日 陽 遂分。 晚 散 ,負人 道 永閟 識 散 選舉 會 心 矣。 翁 峰。 翁 翁 經, 相 廣 不 雍 詩 非 幾 佳 法 聚落 因翁 維 而 昭 良才 散翁 匍 翔 云 壞, 城 見, 實。 明 寬 匐 舞 . 上 一子。 美德, 翁 取 而 之義, 惟 頎 而 千障 瀫 兩 迺 征 遽不 士以 栗。 金之宗。 頎 東, 語 孝 水 之 矗 迺 垂 真 生有 林戀 所 萬 典 教 起 文。 訓 睦, 西 矗 甘 口 刑 媿 隱 盡 萬 我 異 Ŧī. 沄 是 決 迺 蓊 巍 風

> 三年壬戌先 沄,千障 矗 生三十 矗 子子孫孫 歲 載昌 |載毓

几 年 癸亥先生三十二歲。❷

五 農 其 步 力 中 年 Ŧi. 几 分,●今之浙 有 百 等。 説 步 等 甲 食七人,中 田 爲 爲 子先生三十三歲。 白 疆 或 畝 畝 畝 百畝 弱 自 宗 0 0 也 上農 諸 均 周 今 尺當今官尺一尺一寸三分。 古 次食六人,下 侯 也 以 班 然 者 夫食 而 ,而若是 禄 官 古 周 下 尺 者 之 尺 自 九人,上 凡六等,其 制 Ŧi. 以 號 當 自 尺 次農 周 差 今浙尺七 爲 食五 尺 8 天子 次 步 六 地 人,亦 尺 食 下 有 而 爲 維 肥 寸四 白 下 農。 步 磽 凡 几

<sup>0</sup> 「丘」,原 避 孔子諱 作「邱」,今回改。 下同,不再出

<sup>2</sup> 作 ,據全書體 例 改。

差」下 退本有「之」字。

<sup>「</sup>七寸」,原作「七尺」,據退 本改。

哉 者 公田 耕 能 仕 予 文 唐 非 或 夫 風 後,去周 畝 絶 ,少自 之制 志 以 以 有 家  $\overline{\mathcal{H}}$ 耕之,其 之,余亦 有 世 長 可 爲 ,宜其 禄 是 卿 人而 奇 補 昔 謂 一、夷狄 數 仕 大 嗟 有 也 短 顏 室 君 振 乎 黜 取聖 夫 志 亦 力 子 遠 屋居 贵 心 則 亦 奮 家 未 1 以 以 有 瞻 可 矣。 勢 可 古 能 人之經 興之。 遇, 責予 今三十 則 貧 屏也。 者 餘 與 有 簞 IE 者 品 也 學先 其 親 有 食 志 一、公卿 也 食 百 品 老 九 租 未 司 使 畝 然 群  $\equiv$ 亦亦 副 而 王 子 人 遇 駭 税之人,古又出 者以 瓢 子 當 較 畝 試 士 一之道 字 非 者 生二 而 之, 飲 得 今東 得 甚 大 有 有奇之田 儷 有 無 不 爲 失 百 時 病 以 夫可 司 庠 將 語 不足, 千 畝 未 田 焉 也 改其 爲 以養之, 餘 夫之目 能 之 類 三十 謂 以 非 齊、 非宗 忘 之程 措 載 知 弱 而 田 度。 子 民 者 未 禄 諸 之 之 而

> 灌 子 力 田 食 畝 事 孔 歲 下,公卿、大夫、士忘私 月》之詩、《 原之間,爲 然,予何求哉 者! 耘 高 進 育 子 三十三畝有奇, 人之食則多愧, 賢之。 穡 2 擬古遂 無代耕之人, ●退 安知 喌 事不 予也上無可官之禄, 公劉 雞 舍八楹 Ŧ 彼 擾,則 種 献 ! 載 顔 》之雅 蔬 0 子 。 **8** 上 之下,其 子 予負 擬 擬 自 子 嘗 猶 古百 食其 古二 欲 也 有 以 笠 養 願 無 于 簞 爲 固三代之農也, 而 下 畝 空 天 力 畝 可耕 公。 桐 食 荷篠 教 之 田 ; 下無 又 子 則 半之宅; 瓢 Ш 清 有 無 之下、 之計 間 飲 甚 使 可 耦 源 地 歌 注 時 植 足 耕 于 以 ^ 也 下 求 厚 七 顏 以 而 不

<sup>■「</sup>人」,原作「禄」,據退本改。

② 「耦耕」,退本作「深畊」

③ 「喌」,退本作「畜」。

<sup>● 「</sup>士」,退本無此字。

葡 殊 易 殊。 曾枯 之所 易求, 不 潛 更清 啚 次 中 夫 他 不癯 能 \ \ \ \ 圖 農 何 夷 讀 又云 癯 不 求 會 中 事 花 0 安得遂吾之所 釋 0 可見者耶 哉 渾 不 到 人 噫,三代之治 浮 也 太 庶 能 ? 神 於 氏 涵 白 屠 極 幾 圓 妙 徂 聖 釋 書 爲,爲中 心 原 哂 予力貧 運 可 其 聖伏 氏 處 淵 融 上 巷 惟 行長 立 ? 次。 皆 以 知 源 無 書 深 太 薝 爲 端 際 全體,大 有 人何在 涵 居 是 求 不 而 自若,❷ 極 次 葡 次 縱 大 取 處 世 有 歲 耶 體 可 口 齋 不 其 焉 在 無 己 弱 包 有 ? 見, 古 矣。 記 能 餘 有 9 9 疎 羲 用 往 在 六 義 不能 後 和 復 白 爲, 同 子 元 故 古 經 萬 書 周 皇 書 安 畝 魯 吾道 少 云 不 芳 命 庶 流 向 今 齋 象 中 得 齋 之 爲 也 潤 森 之 來 與 非 幾 自 上 出出 見  $\mathbb{H}$ 上 涵 自 薝 農 今 幾 不 未 可 洂 雅 遠 古 吾 其 曰

> 之記 之, 子 歸 予 蓋 足。 何 何公權昆 也 比 釋,使 公權 之淫 書其左。● 亦 懵 故 一,予舊 雪菴 焉 況 亟 不 昆 聲 其 稱 辭 我 弟 弟 美 佛者翠 可 不 之。 而 親 友 輩 色, 立 同 爲 舉 何 黨 可 6 登 E 之 不 間 立 以 君 大 大 人, 竹黄 書。」 敢 一峰詩 上 俊 示 師 儒 物 觀 人, 予 游 以 文 君子 喻 花之 九 也 爲 爲 薝 理 我之自 讀之爽 日 少 跋 葡 語 且 9 薝 彼 其 名 有 辭 葡 亦 我 余 後 齋 與 然, 出 之 而 各 蓋 先 説 闢 麟 暇 生 且 有 屢 逃 自 及 儒 夫 子 嘆 要 得 日

謁 度 嚴 宗 先 咸 淳 生 元 祠 年 乙丑 先生三十 四 歲 如 京 師 過

- ②「長」,退本作「常」。
- 3 「我」,退本無此字。
- 母 「要」,退本作「請」。

槐。」 歲 自 佳 北 思 樓 沉 句 義 瓣 夫 乃 讀 洒 有 之石 有《 0 註 浮 時 新 香 贵 心。 玉. 作: 知 制 子 詩 後 樹 嵐 居 扁 嚴 云 陵 長 事 굸 敬爲 何 魯 小 次 儼若羊 先 此 表 權 往 君 如如 如 生,優 齋 敬 題 新 0 人。 家 月 先 立 對 誰 攻。 改 功, Ŧ. 見羊裘 懷 生拈 轉 . 義 槐 寂 青 齋 云 - 裘翁 云 立 東 輔 漢 到 獨 孟 蔭 Ш 然 个 故 齋静 西 聖 存 道 裹 氏 比 静 兩 相 俯 有 翁 灝 縹 陟 賢 言 體 死 車 終 處 功 家 仰 嘉 ,此道 玉 緲 氣充。 彼 邊。 用 攻。 夫 感 襍 吾 自 樓》 韞 慕雲深。」❷ 崔 時 自 而 覇 道 油 治 藏 歸 門 巍 爲 末 詩 0 通 不 無古今。」是 然。 亂 温 出 來 本 文 前 更植 云 同 無 生 且 釣 心 句 叔 又 Ш 想 我 傳 栗, 清 德 死 3 新 先 儼 徒 窺 樓 末 此 來 關 江. 他 若 層 種 生 前 南 幾 義 我

> 年 耄 服 東人 文公 蒼。 此  $\pm$ 時 ^ 新 子 華 魯 而 丙 而 宫。 之子,其來秩 教行 之高 有車 孫 維 獻 寅 齋 將 子。 華 先 是 年 閉 0 生三 班 降 》,美王子 詩。」詩:「金 七 于東。 嗣 新宫 班 神, 天子 +, + Ŧī. 有 自 嚴 生及 歲。 先 是師 思 古 來 秩 嚴 也 生 樂 在昔 自 八 何王。6 爲 珮 月 東。 東周 是追 斯 華 于 詩 玉 壽 文 聖 是子王 翩 壽 之高,其 6 魯 是 子 之紀。 賢 之。 翩 齋 維 琢,是進 日 舞雩之風 有 予耄, 先 王 作 子 毋曰 序 生 及何 翼 色蒼 年 H 是 翼 Ė

退

本作

落」,

退

本作「樂」。

Ш

不

須

八

徒」, 退 本 作 度

嘉, 退 本 作「佳

東 西」,退 本 作「西

及何」 退 本 作「何及」。

周 」,退 本 作 州

進 詩 介眉 休。 穆 岱 論 嗟 翼 及 或 屹 晦 書。 爲,亦顯 心 十之龄, 、帝民 一,亦審 王 不踰 離 比  $\Xi$ 其 在  $\overline{\pm}$ 子, 子。 東。 字, 贈 壽。」 吉甫 索 巍巍 于時 寤 明, 來 蘭 寐 孔棘。 二壽 亦度。 其 毋 德 而 是 亹亹 作 毋 出 王子 六籍 尚 歲 君。 聖賢 靳 左 父,猶 烈 歲 頌 然 人 時 作 方恪。 八,旌旄 右 我 其 有贈 爾 遁 毋信 王子,毋遏 是正,三千 盍濬 時 武 問 答。 猷 思, 詩 到 磻 人所宗。 公九十, 學 0 諸 幣帛。 其言, 之居。 歲 其源, 貴 孔 孤 視 以永 明明 于 友詩,云: 陋 寒。」歲 先難 彼 我 時 其徒。 帝祉 來學。 覇 省其 懿戒 斯 而 天子, 阳 于 維北 相 北 侯 沛 文, 衡 寒, 時 彼 Ш 0 歸 退 其 維 之陽, 兕觥 有 宣尼,從 邦家 宅 是潔 帝 魯 與 臨 澤 私 曾 百 新 斗, 德 心 此 何 里 齊 休 别 0 先 之 孔 其 用 哦 穆 是 足 屹 何 之 几 毋 維

生書院名也。

Ξ

年 是 鄉 卿 矯 衷。 翼 我 時 朱,亦躋 子,文公是祖 志 不亢。 好 北 士 夫子,令德 東 北 師 T 爵 即 率 北山之陽,盤溪 底 賢 卯 山之高》,美咸 Ш 命 連 而 年八 先生三十六歲。 吕 昔在 于 聘 玉 維 百 張 家, 几 何 十,先 Ш 辟 在 導 夫子 理宗, 降 長 是師 咸 謂 揚, 躬。 神 此 譽 爾 ·焉。」 生 淳天子 壽 之將。 黄父, 泮 夫子 生 維道之崇。 道 爲 **燕翼** 北 宫。 咨 何 詩 廣 Ш 爾 夫子。 是托 以 也。 壽 纘程 心 先 以 北山 夫子 夫 振 之。 平, 生 子 處 天子 我 之高 設教 朱之緒 以安,不 既 不 維 明 緒 序 辭 表 外 能 明 何 程 此 于 表 天 翼 夫 繼

- 「侯」,退本作「佐」。
- ② 「玉」,原作「王」,據退本改。

文。 子, 年。 障 師 以 陽。 伯是 隨 耄。 歌 子 子 子宫祠。 夫子曰道,維帝之蹈。 夫子,汝予交修。 士各有志。 賢,有 此 匪傲 樂 眉 丕承皇考。 )將,鳳 東南 饑 都, 北 充之保四 天子曰吁 東 壽 Ш 是 觀 咨爾 永 匪 明明 無 之陽,優優 石 歲 ,利欲之瀾 求。 無 寓 凰 《題 愆 亦既 渠,夫子 夫子。 我 怠。 于飛。 鴻 天子,肇域 海,6 云受奚爲,孑孑干旌 渠渠,夫子 日  $\pm$ 毋 耄只,天子 講殿 飛 求 巗 立齋矩 金 好 夷夷。 多 冥 巗 亦集爰止,北山 日 爲 玉 敢拜 冥。 臣何 經 聞 德之端。 北 世 止 爾 彼 帷,❸爾 。 ② 守 Ш 軒記》詩云: 曲 日 音, 盤溪之流, 罔終 稽首,天子 四 容力,亦聿既 日 儒 答 由 其 海。 臣 0 猷。 有 高 非 棄予 優 以 敢 道 來 匪 極 爾游 素 樂學 永 拜 答 詭 游 天。 隱 萬 斯 夫 侯 阚 天 可 來 匪 8

縣

祠

勿欺 侵四 讀 云 以 軒 立 矩名軒義已諧, 惟 壁籓 齋 狹且 記 暗 籬 室 暗 誰 隔 謂 聖 ,**©**不費 門 顔 居 所 方方尋 樂 陋 只 天 哉。」 靈 | 丈自 風 臺 日 題 來。 恢 F 盍 恢 學 自 朋 者 註 但 勿

真紀勝》、 四年戊辰先生三十七歲。 游 小 洞 諸 詩 是 + 歲 有 一月,八行公人 登 嚴 州 北 峰 》及《棲

「守」,退本作「宗」。

- 「止」,原作「山」,據退本改
- ❸ 「經」,退本作「幄」。
- ●「禀」,退本作「廪」。「子」,退本作「於」。
- 「域」,退本無此字。
- 「之」,退本無此字。
- 「毋」,退本無此字。
- ❸ 「矩」,原作「短」,據退本改。下「矩」字同。「記」下,
- 9 「隔」,退本作「限」。

縣 子 天 官 隱、 行 郡守 立 董 諱 祠 景 少舒俱以孝義 祀之,先生有 韓 文,先生從曾祖 元 吉名其 鄉 奉 重于 旦 安 也。 祝 鄉 純 文 孝 時 與 稱 日 至 鄉 是 孝 陳

先 十二 生 議 月 Z 服 未, 北 Ш 先 生 卒。 與 魯 齋 思 誠

俗 端 思 張 經 冠 魯 行 不 不 之。 人之 自 伯 用 爲 用 用 武 齋 非北 素 勉 詭 素 謂 誠 加 細 麻 冠 先 服 俗 純 白 先 有 Ш 乃 帶帶 之事 布 生 而 生 一之意 以 不 加 而 非 議 日 發 用 謂 絰 以 布 古 . 用 明 也 細 于 帶 即 爲 死 北 苧。 白 則 内 北 古 然 加 爲 而 無 Ш 布 之素 葛 Ш 之 吾 而 吾 魯齋定議, 深 以 9 絰 日 當 以 黨 輩 學可矣,不 示 衣 委 : 生 者 世 之 几 9 及 貌 北 絹 而 方 巨 服 先 以 也 Ш 純 加 矣 殊 生 學 用玄冠 之生, 于 以 子 詭 往 問 必 深 今 問 于 其 制 躬 衣

> 海 統 往 玷 進 庶 云: 友 服 是 友 曰 孤 緒 之 爲 : 北 服 退 可 在 黨 魯齋 失 表 Ш 糾 也 非耻 道 惟下實工 齋 0 斯文端未 耳 矣。」于 節者, 此 彈 自 服 已 Ē. 生絹 朱 與 之可 慮 可 而 且 黄 先 也。 曉 亦 伯 白 是 見吾 其 生爲 夫。 逝,人多 也 霜 喪 不 誠 衫 魯 耻 先 稀 甚 干 丈之 加 齋 輩 粹 黨 與 朋 0 生 駭 布 0 約 德 之 載 吾 友 説 名 于 有 耻 帶 服 氣 日 起 中 人 兩 俗 利 存 挽 與 運 廉 朝慕 黨 成 有 亦 而 之, 履 趨 子 隅 乎? 服 服 嗟 義 白 祥 且今爲古 何 伯 辰 之, 巾 利 3 清 獨 以 子 歲, 不 如 昔 輩 先 則 傳 爲 誠 風 詩 明 常 天 朋 生 年 真 朋 反 几 不

<sup>●「</sup>進退」,退本作「出處

<sup>「</sup>丈」,退本無此字。

<sup>「</sup>載」,退本作「古」。

<sup>「</sup>霜」,退本作「星」。

已 總 令人俗 文 哀 處 是 動 堪 少 痛 言 慮 傷 微 隔 空。 處 敬 出出 素 瑶琴聲 天 隱 帷 然 憂 兄 惟 萬 並殯,丹旐 更 里 世 希 變, 中 卧 每 0 侍 病 子 亦 置 容 同 春 書 今永 歸 右 融 0 0

先生。 五年己巳<br/>
先生三十八歲。二月丁亥,祭北山

授, 此 者 年,而 其 殊 事 堯 以 日 文 事 理 知 舜以至于孔 而 故 (日: | 散 物 得 此 存 後 廣 本, 物, 其 于 一般 關 有 探 傳焉 事 而 嗚 莫不各有 程、 精 衆 物之間, 世 呼 本 不知 擇 、曾、思、孟,又千五六百之 朱。 人將謂吾言之爲 道 ! 而 以 之隆 萬 先 求 前 所傳 恰 俱 殊 生 • 者 污, 好 真 問 日 而 者 之處 先 實 是 學 篤 以是傳之, 何 生 惟 得 而 事 信 蓋 聖賢 非 迂。 知 與 恪 所 德 灼 虚 ? 守 謂 見 自 者 之 以 後 乎 萬 故 夫 足 傳

> 及 實 繁 決 其 此 誣 以 實、存養之腴。 居 乏 吾 蕪 性 精 及 其 0 惟先 門 心 勉 命 傳授之符 藴 著于語 以 齋之 地 以 可 爲朱子之言備矣,學之者惟 生 與刻苦之工 也 而 干 慕 既 文 好 默出處之義 進 師 名 徂 0 乎 又間 何 言 , 口 假 ! 有 世 以 真 傳 指 于 然 滔 夫。 發揮, 剔 者,6又 紙 開 自 前 滔 此 授 朱 以 皆 門 能 者 粹 子 示 利 而 此 務 于踐 之夢 門 受 者, 欲之塗 衆 外 徒 人 説 雖 以 浸差 履 衆 也 奠 之 不 真 多 之

決」上,退本有「方」字。

<sup>「</sup>子」,退本作「弟」。

<sup>「</sup>傳授」,退本作「正傳」。「里」,據退本當作「理」。

<sup>「</sup>探」,退本作「採」。

<sup>「</sup>真」,退本作「實」。「紙授」,退本作「耳受」。

<sup>●「</sup>慕」,退本作「纂」。

寺。 澤、 恰 先 愚 耳 已夫 却 之 近 之書。」 何 府 雖 爵 然 而 ,其敢 非 未 不渝 生 之 禄 好之妙旨, 病 見 如 廣 童 之終, , 雖朋 有 有詩 ? 老 Ш 躋 此 外 之 厦 俱 9 先 攀 鈞 于 品 細 昔 忘諸 及 時 生之 云 Ш 氈 尚 石 而 品 從之 甚 先生之論 弟 同 于 聞 林, 有 與 矣 祭者 ? 歸 來 产 今 有 召 其 以 有 真 吾 蓋 然 與 始 惟 關 風 繼 往 實 傳 聞 道之衰矣 Ŧi. 0 斯 祭 隆 至 于 者 先 玩 師 先 刻苦之訓 ,奈晨星其 其 冬之 世 世 畢 ,足以 滋 索 世 門 生之志, 生 教 一,每 其 張必大、童偕、 懷 而 道 猶 + 者 退 有後 若 憾,不 懇 不 也 Ŧi. 不受也 游 廉 疎 有 舍 , 謨 切 年 北 而 何 益 枯 竟 天 以 以 見 益 言 隱 此 Щ 讀 世 下 知 孤 嗟 先 智 聖 道 之 Ш 服 今 然 朝 猶 爲 而 吁 曾 生 者 余 賢 以 也 貪 學 行 在 抑 王 況 而

十一月,再祭北山先生。

心 故 物 拘 截 魯 今此 文 凡 容 拓 日 斷 ? 得 事 匪 翁 用 指 開 謂 曾子終身, 爲 祖 物 懾 各 已 昔 人,一語 有 我宗 不 鳴 有 程 常 子 同 秖 魯 呼 恰 子 亦 以 言 先 師 翁 好 謂 爲 臨 夢 曷 微 生 處。 子 重 蔡 淵 云 覺。 昔 意 甲 道 萬 初 履 於 我 則 寅 萬 德 來。 殊 冰 謂 此 季 念 光 侑 殊 之 古 昔 秋 奠, 可 或 隆 然所 聖 日 多 進 越 理 本 時 能 賢,一 此 岐 所 始 言 敬 口 0 維 難 謂 孰 通 受學。 敬 敬 中 能 乎 凡 之 蓋 畏 有 展 事 匪 師 形

0

0

8

聖」上,退

本

有

一盡

一字

<sup>「</sup>而不」,退本作「以弗」。「然」下,退本有「而」字。

文淵 昔」下, 閣 退 四四 本 庫 有墨 以本), 丁。 脱中 岐」下, Ni 據《 漾 79 Ш 文

録 恪 拓 以 寧。 殁 卒。 教 常 定之論、精切之語 蒙》、《大學 義 公、成公所 極 Ш 發揮」。 (,我始 守 不辱 報 一之南 所安。 圖 弘 、文集、諸 戒 一》、《通 師傳, 多 稱。 伏哭柩 今喪夫子,嗟 爾 先生 , 成室。 師 所 先生 尋恰好處,存敬畏心。 已 愧 輯 病 參 門。」按柳 中 書 書 前 負 與 訂 庸 周、程、張 》、《西銘》之外,凡文 決缺此 所 商確考訂之所及,取 曰然,大書仁山 諸 師 揭 出 章 訓 盤 言 書 揭 悔 人 9 句 義 彙 何及。 師 並 庭顔、依依 ×, 文肅公狀云:「文定 一奠。 ,于《易大傳 南 敘 間 門 傳 子 Ш 論 關 而 餘 之 于 之北 孟 哀我 悠 類 比歲 微 世 十五 次之, 集註 悠,緒業 言, 矣。 典. 斯文, 終期 卜居,求 先生 先 本 則 年。 **×**′ 日 名爲 若 其 公 義 生 《近 曷 既 文 語 北 受 H 太 啓 展 所 未

> 俞卓續 舊。 又 詮 解 、 按 仁 定 者 且爲 而文定殁,先 亦隨 Ш 抄 校正 書堂當爲 製序,而屬之文定之孫宗玉。」❸ 文箋 篇 義 生乃 八,爲《 次前 是年所築。 近 與 後,2 思 同 門 録 發 之友汪蒙、 仍文定之 揮 未

**六年庚午**先生三十九歲。

生手 凡 自 校,自手筆册之外,增 題 三卷云。 昨 四 弱 日 非稿 《昨 集, 筆 冠 以 》者是也 今皆散落。 非 又按是稿 册, 後至是歲,襍詩文彙爲一 存 皆己 稿》,共三册 巳 其 中 惟 後董 以 有《篆老母扇》云 人二 吴禮 前 東湖 所 + 部家 按 作 餘篇 先 遵 藏 即 生 重 集, 共爲 文 所 得 加 先 稿 謂 自 編

思

録》者,宜爲宋之一經,而

顧

未有爲之

③ 「玉」,原脱,據退本補○ 「前」,退本作「先」。

且昌 其 後 奕 之。 不 桐 知 則 陽,穆 知 卒 散 宇 翁 何 穆 既 年。 北 殁, 姑 而 識 清 童 于 安 風 此 人 其 長,既 尚 以 在 俟 也 攷

而

補

七 先 以 年辛未先生四十歲。 地 運 邑,下至巨 無異者 攻 重 不 忘 先 曰 自咸 之利 兵 敢 斯 生 生進策當在 行,宋終莫能 而 「先生嘗 救 世 自 由 負 經 解 海 淳 然 而 濟 道 先 時 洋 四 後 所 大 直 生 襄 且 别 年 由 人 略 此 樊 備 大 趨 用 舉 島, 被 服 海 數 敘 之 燕 進 雖 至京 道 其 進 圍,至九 年 難 海 薊 師 牽 及後 不 精 與 ·之間 士: 則 易 舶 制 日 事 師 先 確 不 遠 所 擣 急,人皆坐 朱 進取,亦不 進奇策不 生所 襄 利 年陷入于元。 近, 虚 瑄 經, 樊之師 之策, 遂 凡 歷 按 張 上 許文懿 絶 襄 書 州 歷 清 樊之 意 咫 郡 將 請 忍 用。 獻 視 可 公 尺 進 據 縣 遽 海 不 以 而

> 濟,爲 傳, 取 宋季世, 然當 以 布 在 時 衣遊諸公間,率以 睹 位 計 或 所 畫之士 勢 沮 阽危 議 咸 格 嘆 慨 弗 其 然 上 文義 策 欲 不 以 其 相 用。」 語 奇 處 秘 策 當 王 不

八 年壬申先生四十 歲

九 年癸酉 先生四十二 歲

治喪 + 车 如 甲 北 戌 先 山 之 生四十三歲 禮 七月, 魯齋先生卒

北 考亭。 文 繫于倫常之重 文運 制 憲 Ш 之陽。 服 殁 重 如 考亭之亡,道 先 明, 前 生相 鼎 猗 議 與 0 盛 如 其 先生, 此。 乾 鄉 家 淳。 散 以 始 四 師 治 又 集厥 知 方。 資 其 爲文以祭曰: 師 就 喪。 大 弟子之義 鼇 正 成 峰 率其 之傳, 越 有 惟 門 的

- 0 前 議 退本作「初
- 2 之 重 如 此」,退本作「不 可 闕也

即 其 傳 事 9 即 立 物 志 無 居 理 敬 不 窮 攻 堅 究 鈎 其 深 分 殊 高 視 萬 旁 通 俱

門,今二十春。 所 融 不 具。 會 諸 度其 理 大用,隨 轉迷 天 然 起 有 弱 舉 中 而 0 弘褊 措。 見 其 0 矯 全體 輕 履 祥 進 登 靡

視其 升。 之北 愆 卒踐 昔 山,館 壙 我 師言。 大 引 我 故 義 貧不 歲 返 涵 寒。 正 養 師 克 拓 施 葬。 充, 訓 及 有 雖 其 先 嚴 未 徒 生 克 賙 鱗 始 稱 之, 次 拘

寧 E 揮 微 0 竟聞 方期 疾 淵 卒 爲 冰 業 我 遠 坐言 哀哉 遊 兹今, 來 不 歸。 踰 其 有 時 問 則。 夏 無 請 謂 徵 益 喜 介 至 堵餐

蔬

罔

敢

越

隕。

勉

我

力

學,

以

大

發

環

謬

復

朋

魯 有 魯 |齋既 齋 所 與 Œ 殁,凡 定。 北 Ш 先生悉 往 所著 來問 書 爲 答之 讎 僅能 校 詞 以 脱 傳 集 稿 爲 又 而 ~ 嘗 私 未 淑 取 及

編

\<u>\times\_\times\_\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\times\_\circ}\t</u>

帝 㬎 德 祐 元 年 Z 亥 先 生 四 + 四 歲 召 爲 史 舘

編校,不果用。

言,每 弗售 陽、律 嘗 先 及 天 于 文、地 遊杭 生夙 用 9 而 曆, 矣。 都,諸 有經 以 退 形、 迪 歸。 靡 設 功 禮 世 不 公貴 8 教 郎 大志, 研 樂、 至 釣 究 史舘編校 是 臺 人 刑 其 書院 争 或 而 法 微 勢 相 尤 阽 田 肆 引 以 召之,則 乘、 危, 力 重 充 于 兵 極 乃 學。 及 謀、 于 進 思 用 其 陰 策 凡

旁郡 輔 故 義 事 之説 嚴 來 聘 陵 有 攄發仁義之藴,學者始 先 釣 生爲之一 臺 書院 郡守 出 0 以 舉 文 子 憲、 知 陵 有 懷 Ŀ 蔡 義

●「舉而」,退本作「其舉」。

◎ 「難」字。

「退」,退本作「謝」。

8

「至是國勢」,退本作「迨其」。

⑤ 「言」下,退本有「之有味」三字。

爲 道 免焉 親 齋 燎黄,致告几筵。 數次第舉矣。 不及之意 理之學焉。 曰 先 表章風厲之意,尚歆受之。 而 而 0 册 不可 遁者,雖宰執、侍從,自負 生 朝 , 自 廷 得 思得先生 心,使聞 復, 以 贈 題 外 承 日 諸公以某 自辛 是用 風 患孔棘 <sup>|</sup> 仁 事 先生不亡, 者莫不 岡 郎, 未 追 Ш 明正· 以 贈 ,叛降接 先 新 後 逮事先 興 京 稿 生 大之賢,挽 秋,以 至是歲 起 爲 其體朝 謹告。」 、崛强, 也 焚 踵 生 黄 寓 是 節 告 俾 或 廷 歲 襍 惠 求 棄 П 所 奉 賢 文 異 世 君 魯 詩

歲。 遂 **年丙子**五月以後,爲端宗景炎元年。 避居金華 居 宋將 Ш 元兵入臨安,以帝 猶 中 改物,兵燹 與盜 驚 Ш 悸 近 中 稍 息 乘之。 因 則 . 挈 㬎 上下 其 及太后 所 妻孥 在 巖壑,追 繹 ",避 北 〇先生四十 騒 去,先 先 之 逐 金 生 之 雲 華 生 五.

> 者 月 初 探幽討 不 以 亂 勝 寄情 離之瘼嬰拂 嘯 咏。 之也。 而 是心之泰 久之,始 然

端宗景炎二年丁丑先生四十六歲。

歸

就

寧宇

三年戊寅五月以後,爲帝昺祥興元年。〇先生四十七

歲。爲思誠先生賦《洞山十詠》

晚 序,當在是年以後作,故繫于此。 + 有 几 曰:「思誠子張君 好 雙龍 詠 桃 五疊泉,九老梅孍,十中峰。 者 逾 源 洞 之心 極。 高 <u>Ti.</u> 丁丑、 焉 椒 石 巗 庭,六中 朝 少游 戊寅 夕 游 朝 之間 金 真 處 澗 華 洞 其 • 三冰 中, 攬奇 避 七 據先生詩 小 地 始 選勝, 龍 是 壺 序 盡 Щ 洞 略 其

<sup>■「</sup>或不免焉」下,退本有「是謂正學之故」六字。

②「復」下,退本有「作」字。

③「猶」,退本作「尤」。

<sup>「</sup>澗」,原作「洞」,據退本改。

予相 事。 必 約 嫡 美。 辭 此 處之裕 能 布 也 Ш 孫 爲 行 與 不鄙謂 表微 衣 端端 觀 謂 此 勉 如。 蔬 綴 之。」又 洞 Ш 澤勝。 食,薪 平、 冰 左 輕 予,各課 山 方, 雪孤 淳 之 重 水或不 勝, 祐 日 諸 思 : 松 而 所 誠 文獻 有 一端操 思 絶。 品題,終爲 思 子 + 繼 誠 誠 其幸教之。」 景 靈 子之命,不 自維鄙 子于 凛 光。 焉 凛。 堪 朱 值 暇 Ш 拙 其 門 中 其 亂 日 · 未 容 故 于 爲 邀 處

**帝昺祥興二年己卯**先生四十八歲。宋亡,先生

詩

不

録

歲 先 以 生 後 以 其自署 ,所著 宋 室 則 一遺 文章 日 民, 一前 耻 止 聘 復 書 士二云。 屈 甲 身異 子 代。 而 不 及 自 年 是

作《廣箕子操》。

宋季爲相者曾聘先生舘中,先生以策干

賦詩 欲作 光。 波 之,不 世,聞者徒悲傷 之意留 田 横 湯 孔 横來者 此 湯兮,翠華 一章,云:「炎方之將,大地 果用 明,無 志 滄茫,穹壤 未就 而去。 地 王。 空 死 重 翺 無窮 不 矣死 宋亡,先生感 省方, 翔。 學 幼安 矣 此恨長。千世萬 惟 獨 死 餘箕子,仁賢 立 南 歸 回天 荒 激 死 之洋。 其 舊 天 不作 鄉。 知 無

質。 帝堯 説。 記前 先 之元年,實平王之四十九年也。 秋 》,繁年著代。 生以司馬氏之作《資治通鑑》取法《春 是 夫子因魯史以 以 事 非 前 顧 不經 既 其 謬 志 于 夫子之所 不 秘 聖 本 書 作《春 人,不 于 丞 劉 經 ·足傳 秋》,始 恕 定, 9 心作《外》 而 古 信 信 野 于 百 王 紀》以 隱 家 朝 而 而 之 公 自 列 無

涕 必 淹 鑑 子,表 解。❷ 書之意,蓋在 舜之治,③而吾不與焉,則命也。』」先生 之書,志在 自 下,接于《資治 主,下及《詩》、《禮》、《春秋》,旁採舊 或 書,聖人 國之事 王大紀》之例,損 因 有 日 續經之作,疾 闕 前編》。 題其編, 『生民 或誣。 疏、朱子 年繫 乃用 9 人之問 筆 非 凡十有八卷、《舉要》三卷。 獻 邵 削 有曰:「 事,復 有 凡若 于《論 于 厭 替,而 氏《 何 玉帛之使, 通鑑》,勒 此。 有 亂 病 由 益 皇 此 所 加 久矣,天其或者將 而 而 遭 荀悦《漢紀》、《申 語 折 極 類,皆不得 更定。 聞 見? 訓 值建安之季。 》、《孟 衷,一以《尚書》 經 江都之變,泫 釋。 爲 先生以 世》 則 況 其 子 斷 魯 〉曆、胡 書,名曰《通 左氏 問 自 以避 史不 》製 古書 所 唐 氏《皇 集 所 不及 堯 得 有 興 然  $\pm$ 史諸 經 註 作 堯 且 流 仲 爲 爲 而 以

> 無從 《尚書表註》。 家言,名曰《 爲 者 概,考正文字之誤,表 段,⑥提其章旨,與其義 盡 書》,章釋註 非要而 斥諸 ,容有未備 考據,姑附 説 略 , 獨 解。 之, 論 也。 推 〇按二 于此 迺 孟 本 考證 及其 皆 既 父 爲 成 書不知成于何年 諸 師 之修 于 書 理之微。 四 事物 之意。 矣,一 早歲 闌 補 之外,名曰 名數, 附 嘗 日 益 事 註《 有悟, 成成 句 爲 或以 尚 畫

十八年辛巳先生五十歲。

十九年壬午先生五十一歲。

二十年癸未先生五十二歲

8 8

<sup>●「</sup>何」上,退本有「亦」字。

<sup>「</sup>避」,退本作「解」。

<sup>「</sup>蓋在于此」,退本作「而人不與知之」。「興」,退本作「啓」。「治」,退本作「運」

<sup>「</sup>註」,退本作「句」。

<sup>「</sup>一」,退本作「正」。

宋仁山金先生年譜

二十一年甲申先生五十三歲。

二十二年乙酉先生五十四歲。

二十四年丁亥先生五十六歲。二十三年丙戌

二十**五年戊子**先生五十七歲。 二十四年丁亥先生五十六歲。

二十六年己丑先生五十八歲。○是歲有《告魯齋先

生謚文》。

二十七年庚寅先生五十九歲。

二十八年辛卯<br />
先生六十歲。○自丙子以後至是歲樓

詩文二册,自題曰《仁山亂稿》。

二十九年壬辰先生六十一歲。〇子頡卒。

先生娶徐氏,子男三。長穎,次熲,次頡。

名《噫稿》。且題其端曰:「自丙子之難,頡有志于學,早卒。〇是歲以後襍詩文

而生前之望觖。自壬辰哭子之感,而身

三十年癸巳先生六十二歲。

後之望孤

 $\Box$ 

亂

E

噫

所

以

志

也。」

三十一年甲午先生六十三歲。

成宗元貞元年乙未先生六十四歲。

二年丙申 先生六十五歲。○編次《濂洛風

雅》成。

常如 自 爲序。 時先 曠 道 期 世 以 洛諸 須學,萬 E [與常· 天 南 事 蒼 延先生者。 窮, 此,只合無 浮雲 生館 又 頭 公,下及何、 真 人 北 我 動 道 事 迥 按齊芳書院乃唐良驥德之 變, 黑 于 處 交情 由 窮 不 頭 唐 氣 來 何 汩 同 德之有贈先生詩云: 氏 初 心任去留。」 又見 要 處 兩 汩 王二先 齊芳書 融 適 更 情 人 求通 夏還 常 中。 生 百 得 逝 生詩 院, 般 物 秋。 守 水 佳 欲 此 清 是 流 詞 趣 命 盡 生 幺幺 編 可 難 時 未 有 堪 行 唐 類 形 老 所 窮 天 止 紛 載 一公 良 始 意 紛 應 何 築 瑞 時 濂

**大德元年丁酉** 先生六十六歲。○是歲有《祭葉養

**二年戊戌**先生六十八歲

四年庚子先生六十九歲。

**五年辛丑**先生七十歲。○白雲先生許謙自金

請 猶 生日 謙 鹽 耶?」謙聞之惕然,時謙 夫 既 聞先生講道蘭江上,委己而學焉。 不拘常序,就弟子列。 加 :「士之爲學,②若五味之 酸 也。 醎 頓 豈 異。 吾 之 子來見我已三日 學 無 年三十有一矣。 以 感 在 發 和 于子 而 先 醯

六年壬寅先生七十一歲。○設教金華吕成公

,謙從卒業

殊。 先 由 生嘗 是致辨于分之殊,而要其歸于理之一。 理 不患其不 語 謙 티 : 一,所難者分殊耳。」 「吾儒之學, 理 一而 謙 分

宋仁山金先生年

事求夫中者而用之。數年、圖盡得其所傳又曰:「聖人之道中而已矣。」謙由是事

之奥。

《大学指義》成。

先生在 《疏義》 之書矣。」〇二書白雲爲序, 克紹鋟梓以傳。 雖少浮,而大義已著,固 于是取其要者筆之,名曰《指 執經問 .難,皆爲之毫分縷析, 一編,曰:「此予少年所 金華,以《大學》爲 可 第 即 門人 是 義》。 開示 義。 而 成 東平陳 觀 也 藴 又出 朱子 諸 生 詞

七年癸卯先生七十二歲。〇三月壬辰,先生以

先生疾革,門人許謙自金華徒步冒疾終于正寢。

雪來

- ■「榮」,退本作「志」。
- 「學」下,退本有「者」字。
- ③「數」上,退本有「居」字。

 $\equiv$ 

定 是 于 編 省 于是授之白 可 本。 泛 此 書,固欲 》之書, 一,吾所 傳 先 此 也 生 子 吾 將 以 得之學 吾且 他 用 易 開 日 心 簣 後學, 殁, 或 三十 亦略見于此 謂 能 宜 爲 殆 餘 子 命 我 不 年 許 熲 傳 可 謙 平 穎 不傳, 此 編 矣。 生 日 書 次 精 : 乎 亦 吾 録 力 \_! 成 未 爲 盡 前

大德 官 翁 吾道 方寸 志莫 出出 É 兩 本 調調 十年 雲 峰 誠 誨 竟 涵 舒 先 對 先生道 何 Ŧ 人 生 文 丙午九月 存作 如 古,襟懷 沛 爲 其 治安》 中 挽 時 後 德 聖 有 詩 禮 雨 無 功 圓 甲 對 云 部 忝 統 湛 曾 墩 申 緒 于 吴 遺言 獻 太 客 前 地 傳 德 先 虚 策 藹 葬于仁 朱子, 名 修 粹 生 猶 春 私 論 哲 身 小 在 師 風 淑 常 人今已矣 釣 耳 道 <u>Щ</u> 淵 著 幸 潤 一後壠 移 有 志 源 遺 既 立 裨 文 繼 時 慟 學 閟 修 魯 艱

> 濃 行 贵 運 有《奉 許 或 Ŀ 恨 後 碩 徐 後 泝 一乏方 自 並 朝 鬢 熏 異 師 鉱 Ш 世 衣 書 真 特 祀 成 毛 世 冠 安先 世 窮 院 蒼 化 傳 來 爲 瓣 日 列 色 經白首 流 自紫陽。❸ 中 申 星 秀 之 IE 香 歲 動 芳 生 德中, 至 光 請 傑 祀 春 禮 敕 神 道 正 端 列 姿。 典 秋 問 成 郡 主 中 德 祀 藉 先 祀弗替。 時。 誰 郡 建 詩》云: 特 義 祠 于 生 廣 策 知 守于 IF. 叶 · 先 賢 文 永 謚 仁 0 祕 2 服 學 古 崇 文 配 Ш 當 膺 邑 鄉 祠 之祠 今。 諸 安 教 千 時 Ш 私 曲 城 我 君 與 事 年 桑 下 淑 論 天 里 于 宣 何、 祀, 海 故 遺 公身 福 相 堂 是 化 變,道 書 編 看 學 堂 學 Ш 王 文 禮 藏 在 殁 建 及 明 不 部 有 Œ

派」,原作「沂」,據

退本改

<sup>■ 「</sup>問」,退本作「竟」

② 「芳」,退本作「風」。

#### 附録門人敘述

終不 先 其 鄆 篤 星 生 則 候 性 口 不 後 人 時 生 盎 海 明 謂 于 讀 自言 分配 李 某 與與 何 分 潔 然 許 而 義。 某者 貨營構 和 世 文 次, 同 平 融 不 一懿公謙 爲 澤。 通 居 舍 會 相 其 倦 隸 有 儒 於 嘗 見 獨 生 分 子 卒 故 閨 四 勞 侍 處, 夜 治 野 **三**: 又 門之内,相 人子坐事 母 贖 書 問 坐 步 身 當 終日 日 以 不 辛 于 一先 庭 接 有 貫穿于六經 . 完。 相 先 苦 中,指 物,蓋 某 儼 先 生仁山 知 生,言 而 變。」 其子 母 然。 生 死 己。 敬 謂 生 子 神 無 如 已 于 次 之日 至 後貴,先 者 俱 勁 方從 賓。 及 與 而 垂 繫于官 而 毫 書 窮 『某 果 其 物 + 清 王 生平 歉 理 無 鄉 然。 年。 接, 生 氣 盡 所

> 先 類 如 如 指 生 諸 大 此 掌 歷 某 歷 爲言 大 驚 其 服 Ш 川 先生之于學 風 土 物 ·, 其 産之宜 博

之微 造 歲 玄、 禀, 無 無 踐 平其心、易其 自 履 探其 0 韜英蓄鋭 之充 得 書 理 , 濟之 柳 乎 歷 文 不 不 賾 優 加 致 肅 考 闡 精 前 點 體 游 傳 識 公 氣 勘 驗 厭 致 註 研 貫 不 鉛 其 而 飫 窮 得于 曰 : 爲 參 以 之域。 不爲浚恒之求 經 人 黄 臆 伍 服 十己 義 朱 義理之涵 「先生之學, 決 錯 襲 墨,所 之無 綜 以 儒 迨 白 究 所 先 夫 之功 證 以 窺 以 識 晚 濡 聖賢 發 約 暮 鑒 以 自 古 其 而 其 之 其 凡 意 心 成 其 鈎 確 深 壯 其 術 于 絶

<sup>「</sup>一毫」,退本作「毫髮之

<sup>「</sup>絶」,退本作「純」。

<sup>「</sup>凡」,退本作「機」。

DЦ

生則 浸灌 察製 有 誨 者 苦之訓 慰 于 公之高 何、王二氏, 胸 几 見 而 文定何公早嘗 司 言, 也 時 補 方 無 凝 轇 自 學者 以 脉 磨 瀉 扞 П 動 轕 0 其 護 盤 作 明 之 謂 礱 格 劑 固 糾 和 溪 盛 剛 宜 |各消 揜 6 語 而 何 而 纏 體 承 未 之步 年 覆 生 文 正 6 公 默 不 適 莫 舒 嘗 風 之弊。 之 憲 È, 之間 同 其 動 師 親 似 依 無 能 趨,歲 所 里, 清 悟 浮 王公則又得之何公者 事黄 承 謝 則 益 正 發 自 沉 自然 乎 隱 介 上 同 寬 皆醉 而 解, 學之成己,蓋若 格 滑 純 僻 氏 蔡 肅襟造 志于 公勉齋 寒之講 以 錯 濇 實, 軒 之教 時 而 養之, 施 不俟終 盎 之候, 丕 露 親 道 似 之 稱 0 請 冒 與與 其 所 切, 以 尹 也 知 同 徐 太 軌 趨 如 方群 充之 言 聞 日 而 和 時易 和 皆 而 人 範 立志 中 靖 真實刻 又 制之。 領 之 疾 此 寬 于 其 夫 疑 而 ; 日 也 内 疢 平。 也 持 Ė  $\pm$ 或 攻 其 先 塞

> 者 起 者 芳澤之流 誣 而 志 赴 之 也 其 不 深、所造 失 訓 所 事 會 謨 也 願 簞 滋 瓢 爲 9 ; 嚅 者 樂 魯 退 而 豈不 嚌 遠 道 仲 猶 崔 道腴 矣。 著書忘老 連 得 州 足以 爲 平、 張 雖 而 陶 子 表儒行之卓、繫師 進 徐元直之 游 房者 元亮之任 不 泳 爲 聖 英 尚 諸 涯 華 知 葛 8 皦 運 之敷 爲 然 孔 其 歸 偉 明 所 而 遺 資 不

本

8

一,退 本 無 此 字。

固」,退本 退 作 作「聆」。 困

僻」,退本作

製 脉」,退 本作「脉

慰 退 本 作

切一下,退 本 有註 文「盤 溪 文定所居 歲 寒文憲 堂名

游」,退 本 作 河涵

<sup>0</sup> 不一下, 退 本 有「得

一,原作「簟」,據退本改。

彼,孰得孰失,必有能辨之者矣。」之重哉! 一世之短,千世之長,❶以此較

仁山先生年譜卷終

「世」,退本作「載」。

三五.

# 高忠憲公年譜

〔明〕華允誠 編撰

目 録			高忠憲公年譜 一	高忠憲公年譜書後 一	校點説明 一	目録

#### 校點説明

輯

有《高子遺書》、《高子全書》等行世

《高忠憲公年譜》,明崇禎乙亥年(一六三五)

允誠編定。

與顧 職。 豐,有《朱子節要》、《邵 三月中 典史、光禄少卿、 七年(一五八九)進 憲,江蘇無錫人。 六二),卒於明熹宗天啟六年(一六二六)。 春秋集注》、《 東林黨人」。 爲官正 憲成等 高 旬從容投 龍 直敢 人講 初字 (毛詩 遭 閹 學 言,不畏權貴。 刑 水 生於明世宗嘉靖 雲從,後字存之,别號 東 黨迫 集 部 士,授行人司行人。 自 林 注》、《困 右侍郎、 文 殺。 書院、首善 害,天啟六年(一六二六) 莊 公年 明史》有傳。 學 都 譜》、《 記》等著作, 察院左 生持主静之學, 書 四 + 院,形成 周 景 曾 都 易 年(一 逸 著作 萬 御 任 孔 益 後 史等 曆 揭 義 所 其 陽 + 五 忠

誠

奏稿》

一卷及《高忠憲公年譜

卷。

濂

同

被

斬

於

南

京。

^

明

史》有

傳。

著

作

有《

華

允

餘

日

即

引

疾

歸。

清

立

或

後

不

肯薙

髮,與從

孫

華

尚

職 十餘日不懈。 子,傳其主静 與 明 禎二年(一六二九)冬京 五 ,上疏陳「三大可惜」、「四大可憂」論。 高攀龍 年(一六四 神宗萬曆十六年(一五八八),卒於清 允誠 同 里 字汝 之學。 八。 後 ,從之講學於首善書院,爲其受業弟 爲 立 明天啟二年(一六二二)進 南 號 曾任 明 師 鳳超,江 福 水司主 王 戒 吏 嚴 部 時 蘇 事、誉 驗 分守 無 封 錫 德 員 繕 世 曾於明 人。 外 勝 主 祖 郎, 事 生 順 士。 崇 + 等 於 治 四

之學 譜 刻 主生平 高忠憲公年譜》的 本年譜 書 後》一文,稱「(華允誠) 《高忠憲公年譜》前收 昭明於世・・・・始輯《忠憲 事 往 蹟 往 的 比 介 單 紹 動 表 行 彰 機 本 其 是 能 功 更好 録 以 惟 績 有 年 當 譜 和 更久 張 譜 竭 釋 思 夏《高忠憲 力表 》」,表明 想。 遠 地 章, 通 而 流 文 调 華 使 傳, 公 氏 忠 對 集 年 又 譜 作 附

術性 著 想 思想 子遺 能 二》時將 學 述、 起 六八 書》的 説 到 誌 學 人格魅力。 較 九), 功 銘 華氏《高 術 强 名成 附 演 神 的 録 高 變 道 從 導 就 氏 忠 作 碑 引 和 後 不同 憲公年 華氏《年 文、行狀、祭文等 了 社 作 人高 深 會 用 方面 交 X 芷 譜 譜》特 往 所 的 反映 生、 附 對 以 詮 高 刻 清 釋 别 7 譜 於後 嵀 康 高 注 主 共 重 有 熙 重 攀 學 同 刊《 與與 較 龍 説 譜 構 强 高 + 題 主 的 成 經 的 的 學 詠 子 1 歷 術 高 贊 學 思 年 遺

忠 獻 價 致 此 揚 刻 《年 憲 讀 值 的 氣 所 公 者 單 節 明 高 年 有 在 述 人 一》不僅 倡 譜 重 吾 導 較 龍 書 氣 爲 IE 黨 高 後》 記 節 準 義 讀 揚 録了 確 之, 故 的 的 之 地 言 後 氣 高 興 殆 展 論 人 節 攀 歎, 未 現 所 華 和 龍 有 T 這正 作 忠 的 不 氏 高 義 的 個 ^ 興 攀 是 年 的 明 人 起 龍 華 史料 品 譜 人 者」( 的 氏《年 年 性  $\forall$ 也 内 也 譜 和 張 131 不 家 都 多 夏《 譜 世 例 族文 有 有 界。 高 的 深 弘

高攀龍三子高世寧亦編有《高忠憲公年譜》

憲 子 華 據《續 誠 所定 各 公年譜 譜 有 爲 修 詳,亦 所 爲 四 長 藍 庫 本。 今 有 全 據 華 書 以 譜 總 校 所 目 所敘 點 有 提 的 要》 而 正文之下附 是 此 稿 華 獨 缺之 本),「是 允 誠 者」。 編 定 以 譜 小 的 兩 實 注 高 個 華 允 本

行世,光緒二年重 三)初刻 書 譜 人陳 》所 叢 刊》 本 附 次校 龍 華 影 清 所 允 印 點 康熙二十八年(一六八九)又有家 輯 誠 清 所用 高 光 高 刊 攀 緒二 底本是《北 忠 龍 憲 文集, 年(一 公年譜 明崇禎 八七 京圖 **%** ^ 六 書 五 高 館 年(一 刻《 子 藏 遺 高 珍 書 六 刻 本 子 一》爲 本 遺 年

錯 印 鑑 所 錫 簡 等輯、 誤 的《 附《 稱「《錫 山》本錯誤較 較 校本選 錫 高 少 忠憲 民 Ш 但 山》本」)。 或 先哲叢 用清 校者所 公年 + 光緒二 康熙二十八年家 刊》第三 譜 年(一 》(簡 見 康熙 上 年刊本 九二二)上海 海 稱「康熙 本 輯 置 時 所 書 收《高 爲 間 館 多 本」); 刻 較 藏 ,時 早, 本《 忠 本 中 高子 間 憲 殘 印 華 民 製 也 缺 公 書 或 精 年 遺 較 不 局 侯 全。 美 譜 排 鴻

二校本皆無張夏《高忠憲公年譜書後》一文。

導,在此表示感謝。 校點時,得到業師劉韶軍教授耐心細緻的指

校點者 高 山

 $\equiv$ 

## 高忠憲公年譜書後

錫 大 明 儒 邵 也 文 莊 顧 端 文、 高 忠 憲  $\equiv$ 先 生 吾

譜 末 吾 年 後 憲 I黨讀 譜 出 儒 與 並 其 於  $\forall$ 起, 初 古 感 之,殆未 入室弟子,尤得諸 始輯之者 始 文莊 以 應 道 相 讀 相 既 與 者 感 有不興 補 没,久無 爲 贵 而 成之。 華吏 盡 能 知之乎 、起者。 見 部 年譜 親炙 其 其 鳳 大。 爲 超 而 然作 譜 先 若夫《 至端 能 出 生。 見 於 譜之始 其 文、 忠 私 其 真。 爲 憲 淑 忠

言之,未 廡 亟 崇 繕 禎 允 疏 初 數 千 吏 而 言 部 吏 起 部 將 補 仲 請 Ι. 兄 於 曹, 龍 朝 超 念 公自 忠 會 杜 憲 家 黄 當 貽 門 秩 書 先 文

> 爲 忠 得 京 己任 書 憲 邸 喟 之 謂 學 ,始輯《忠 非 昭 爱取 今 明 H 於 疏 所 憲年 世 稿 宜 藏之,而 言 譜 而 後 \* 惟 口 當 議 力 竭 以 及 力 表 此 表 章 章 師 吏 部 傅 使

証諸 莊 諸 既 赴 心 也 與 相 + 遺 不 語 0 印 止 也 具 而 書 天下, 囑 其 餘 水 同 先 更有 心 載 家 譜 舟北 是, 年 抑 記 也 相 劄 人,獨 學 感 録 光 吏 共 諾 吏部 記 拜 也 真 上, 歟 部 聞共 也 表 中。 者 故 爲 者 亦 心 從 手 謝 應 此 見博 請 復 悦 至 學 題 闕 必 編 祀 較 殉 誠 是 東 焚香 真? 其 諸 水諸 節 張 帖 服 乃 林 譜 顧 本 訣别 以 以 告祠 及 若 年 同 也 方 平 高 爲 登 門 也 先借是 忠 昔 吏 兩 此 幾 第 而 知 部 憲 莫 獨 公之譜 則 於 外 契, 後 非 聞 知 吏 無 譜 執 乃 不 譜 密 逮 部 獨 行 閲 文 心 作 而 學 見 不

忠憲從孫楚培氏及其子象姚, 夙奉學

伸吏 訂 既 而 憲公庭訓 捐 將 於後,俾學者讀 來祀議之準,又何俟他求 部 橐 重梓《 表章之心,一 ,孜孜於紹明忠憲家學。 高 子遺 其 書即 書》,復搜是《年譜 則著 思 師 知其 弟後 也 哉 先 己巳冬, 之 跡。 》附 則

皆卷中 吟》,辛 私 壁而 又 於忠憲入 因 在 如 識 憶 高 門,如 末 吏部 壬 行 而吏部 余向謂 簡 酉 矣。 加 寅 爲讀 人京 孫 意處。」斯言也,夏中心藏之,併敢 輯 道之序皆遵《困學記》,提挈分明。 鳥翼車 陳 竊歎先獲我 旋以乙亥成《年譜 ^ 何思大令嘗語予 朱子 以 儀部幾亭以崇禎辛未訂《 譜者告焉 東 輪不可缺 林 節 ·講席 要》 心, 》成,戊 拜 故 一,宜令此之合 託 日 泚筆 葉、吴兩公, 午有《戊午 「先吏部 兩先 備書之。 生功 遺

時康熙己巳嘉平,同里後學張夏拜手

敬

書。

### 高忠憲公年譜

受業門人華允誠謹述

午時,先生生。 世宗肅皇帝嘉靖四十一年壬戌七月十三日

静成 德徵 有異 大 雪樓公生静成公材,舉孝廉,令黄巖 後字存之,别號景 省軒公翼,三傳雪樓公適,代有 公,始居無錫。 以 爲 有弟 配 政 先生姓 祀 嗣 陸 静 名宦 夫人,貳 高 逸公校,配 先生之生也,有盆蓮之瑞 氏,諱 一鄉賢。 傳耕 逸。 邵 攀 夫 朱 樂公如 龍。 其先 静 人實 夫人。 成 初字雲從, 生繼 人日 生 圭 隱德。 先 一,再 無 成公 孟 子, 生。 永 傳

> 出 也。 爲君子,乃所以報 官,君子心超 紙 多子者也,子以 于六尺,君子神充于宇宙,亦若是矣。 静成公詩以 中 于汙泥, 汙能 發于盆盎, 捧誦 珍悼,跋 志喜。 于 及子,吾兄弟子孫 小 萬 潔 吾祖、報天之休也。 能 也。 物,亦若是矣。 後先 云 大 也。 常人心役于五 蓮 生得 一,花 常人神局 手筆 之君 于冗 相 蓮, 率 子

四十二年癸亥,二歲。

四十三年甲子,三歲。

四十四年乙丑,四歲。

四十五年丙寅,五歲。

穆宗莊皇帝隆慶元年丁卯,六歲。就外傅。

人。●母授果餌,敬而受之。或命自先生神采奕奕,善讀書,言動如成

●「言」、《錫山》本無此字。

取,必如所常授數。

三年己巳,八歲。二年戊辰,七歲。

四年庚午,九歲。

五年辛未,十歲。

六年壬申,十一歲。

神宗顯皇帝萬曆元年癸酉,●十二歲。工

文章。

二年甲戌,十三歲。

三年乙亥,十四歲。

四年丙子,十五歲。應童子試。

餘 ,以學行相 師 事 邑 中 砥 茹 礪 澄 0 泉,兄 暇 則 默 事 孝 探 廉 討 諸 許 儒 静

語録、性理諸書。

五年丁丑,十六歲。

七年己卯,十八歲。

八年庚辰,十九歲。

九年辛巳,二十歲。補邑諸生。

十月,娶王夫人。

戚沈 所以先生爲 女續 初聘王抑所女、 好。 天 下 先 生 第 佩 繼 流 德勿替, Щ 人 孫 品品 女。 終 即 殤, 身 抱 無 内 抑

一色。

十年壬午,二十一歲。舉于鄉。

天下士期之。闈中原係落卷,將發榜爲沈龍江、徐蕳吾所識拔,一見以

矣,蕳吾就榻不能寐,鼠齧其足者三。

呈主司,遂得中式。

蕳吾異之,暗

中

抽

落卷,即

公卷也。

十一年癸未,二十二歲。

十二年甲申,二十三歲。丁嗣母朱夫人艱。

■「曆」,原避清乾隆帝弘曆諱作「歷」,今回改,下同。

# 十三年乙酉,二十四歲

令此 有 行 之敬怠義欲分注 稽 處 壁間 心 ,月有考。 每 放 日 悉黏 嚴 逸 7 又有 課程,自卧榻至日逐 一圈,期 于天時 一日日 于觸目警心, 鑑 人事之下, 篇 以德 業 無 經 日

四年丙戌,二十五歲。始志于學。

門 躍 陽 心 起,孜孜以全副精神用于止敬慎獨、存 母 然喜 矣。 養性、 爲 先 嚆 生講學于黌宫, 邑令李元沖延江右羅 曰 矢, 遷 : 吾學其 善 吾夙 改 有 過 有興乎!」于是 志于學,今得 間, 士紳 而 雲 止菴 學 集。 始 與 有 縣 先 顧 人 蚤 父 生 涇

十五. 十六年戊子,二十七歲。 年丁亥,二十六歲。 可 成 趙定宇略師生之分,結忘 入南 服闋 雍

> 十七年己丑,二十八歲。舉進士。廷試三 卷似知學者,當拔之牝牡 同門有薛 分考高 以 身敷教、歐陽宜諸東鳳、 邑趙南星儕鶴 驪黄之外。」 評云:「此 甲 Ŧ.

七月,丁嗣父艱歸。

中

嵩述古。

翻 理 襄 經 閱 事外,惟定省生父母 讀《禮》三年,孺 史爲日程,他 無 慕 所 如 置 與 念 講學會 日。 也。 自 友、 料

+ 八 年庚寅 ,二十九歲

十九年辛卯,三十歲。 二十年壬辰,三十一歲。 服 翼

謁

選

京

師

例,仍 觀今日 復,當改京職。 先生廷試三甲,當 與外。 時事 日非。 先生喜,寄父書曰:「男 值 選 天下事無一 司 爲 鄒 令,丁 乎 如 議 憂。 可 申 做 起

否? 兒 兒 取 後 自 老 稍 自 意 ,兒亦量力能爲之。 歲 州 口 酬 所 量 迎 官 月 生 既 取 力能 平. 刃 起 mi 不若乘 法者 而 惟 鄒 脚 爲之。 解 有 議 邵 守 不 厨 此 文 嚴 行。 志 年 莊 不 愛民 耳 力, 如 至  $\pm$ 邑 此 激 做 中 好 部 繼 士**;** 官 豪 和 未 Ш 傑 出 悠 不 審 公, 雖多 至 悠 頭 介不 得 隨 遂 坐

上《崇 六月,授行人司 亦疏 Œ 學 闢 異 行 説 V 疏 0 尋 上《 今 日 要

第 龍 先 人 欲 生 心 改 所 要務 言 易 以 不 時 端 勝 有 有 傳 憤愕, 》疏,言天下之大本與天下之 歸 IE. 四 注 世 本 111 F 教。 愈 上《崇 疏 所 事 不 著 張 1 旬 IE. 書 世 嘉之日 日 學 求 則 闢 · 尋 頒 疏 異 行 Ŀ 詆 説 天 程 今 高 以 F 朱 攀 日

> 先 規 古 仲、 大 可 理 機 生 志 財 稱 講 徽 有 若 究 郡 莫逆交。 欲 力 語 洪 性 聊 焉 甚 命 平叔文衡 城 法 剴 祖 逯 詢訪 切 後諸 與 操 留 心 人 權 先 公皆蔚 物,善 中 中 講 不 生與之上 立 學 下 然爲 相長 勤 江 政 右 時 名 下 陳 過 僚 發 臣 相 今 彝 友 帑

物 誠 編 此 坐、 録 討 閑 矣 反 **%** 0 更不 〉,手自 邪 \* 躬 取 司 存 尤 日 中 實 ·須覓。 誠 多 讀 程 摘 無 踐、 書 用 句 朱 鈔 事 會 尊 子全 覺 作《日 藏 德 友 時 得 日 談 性 書 書、 快 當 静 甚 心, I, 省 然 下 坐, 薛 多 夫, 編 無 如 種 文 久之, 脱 邪 以 得 種 清 集《崇 渾 纏 半 無 恣 ^ 縛 非 讀 意 然 忽 H 是 是 從 思 静 探 IE 書

十二月,齎詔金陵。

謁 鄒 南 皋、 朱 虞 葑、 瞿 洞 觀 諸

先 生

年癸巳,三十二歲。 Œ 月,自 金陵 歸

鐙夕前 抵家 朝 夕 娱 親 外, 益 務

親 師 取 友、考德問業。 往 毘 陵 謁 錢 啟

新 先 生,往 蘇 州 謁 王 少湖 先 生。 嘗

節。 日 : 「王先生謂『士君子須是立得箇 居鄉 勿爲 鄉愿 ,居官勿爲 鄙 法,方 大

有可 説處」,語不多,令人惕然深省。」

十二月,復命。 人都三日,見鄭材、楊應宿附閣 建言,謫廣東揭陽典史。 攻

常君 部,掊擊衆正 相 同 心 惜 甚 才 力。 遠 佞 先生憤 以 臻 至 激 治》 不平, 疏,語

侵閣 非 輔 臣,遂 臣 欲 除不附 有 此 謪。 己,則内侍不利用 大要言諸臣 罷 朏 正

吏部之名,致

211 徇 閣 而 臣 應 一之實。 宿 等 `反借 閣 臣 不附 聲音笑貌間 雖

> 十二月,辭朝歸 未 中 從 勝 開 千仞。」海 慶,忘其一官之去。又遺 在 大 類 有皇 融 實 作 危疑,喜國本大定。 坐 誠 行義 物 ,●其道 究問,先生侃 空 好 布公之意,而 不 長子明春 ,云云。 作惡之私。 非 洲 可 難 亦爲先生建言削籍者 著 不光矣。 ,所安爲難 何處 奉旨著部 出閣 精神 侃 以 話問 著 了 之論 致機權 心 與 此 術之隱,實不 官。 不少 吴海 相 院 便 先生 此 知 會 鳳 潛 心 若 酌 洲 同 凰 諱避 清 用, 也 河翔于 雖 該 念 酒 净, 身 科 善 相

顧

涇陽

亦

以言

事

黜。

先

生貽

書有

一十二年

甲午,三十三歲。

七

月,

赴任

廣東。

0 若」《錫 Ш 》本無此

吾曹一時退處,共得閒身,何修報稱」

臺 吴蘧 不 九 天 者 規 徹 心 未 主 不 畢 龍 静 0 地 此 有 反 程 著 + 取 事 見 菴 溪 領 覆 之學,先 氣 至 境 聲 總總 八灘 志 武 其 象。 行 前 此 自 鳥 之。 遠 勝 林 無 所 生 談 韻 在 生得 謂 險 受用 與 真 爲 論 當 憩 路 茂 絶 得 廣 負 數 半 九 心 樹 奇 兩 其 Ш 東 此 日 峰 月 氣 H 水 絶 修 發憤 提 陸 身 澄 書院 静 之 處不 篁 古 醒 矣。」 如 古 助 清 坐 曰 樵 武 種 自 樵 不 半 : 時 미 粹 舟 登 夷、天游 歉 種 潛 小 日 屈指 明 子 中 悦 有塞 此 干 10 讀 陵 嚴 道 白 行 心 嘉 釣 平. 靡 V. 尚 Mi 不 沙 善

> 皆 平 化 綿 平 此 地 中  $\vdash$ 常 本 日 融 見六合皆心 : 义 斬 位 自 深 洽 原 萬 如 然 知 腦 來 變 電 無 遂 神 從 學 如 俱 際 光 絶 而 者 此 在 此 更 〕, 腔子 明之, 張 方 閃 忽 實 無 皇 好 無 天 透 如 其 説 總 是 下 人 體 百 實 其 悟 無 I. 内 事 斤 無 誦 夫 方 品 此 外 擔 明 也 耳 宇、 所 時 之 事 子 可言 方寸 只 隔 0 頓 遂 看 與 爾 念 猛 也 作 亦 大 落 纏 省 至

情 其 所 + 鄉 集《朱子要語》 日 罪 吏 藴 于 紳 弊,悉心 衙 Ť. 邑令爲 至 竟置之法。 地 揭 齋 起 方 陽 課 滅 官 不 同 ±, 啟告。 報報 府 刊示 年 以 IE. 莫 睚 朱 謫 文體 敢 之。 眦 任 臨 官 誰 宇 占主 行 閒 釋 何 生徒 先 散 殛 書義 生 女, 怠 先 興 于 生 訪 起 X 細 職 窮 兼 者 民 知 X 事 治 數 陳 編 至 民

務、兵

革

白

萬

之衆,飲

水

曲

肱

樂

在

其

程

書

偶

見

明

道

先

生

日

百百

官

萬

過

汀

州

登

旅

舍

小

樓

甚

樂。

手

持

别 爲 祠 麓 諸 矢: 故 以 生 口 諸 得 發 自 學,所見 君 相 韓昌黎、 君 繼 麓 自 見 遠 成 露 遊 努力,自 0 諸 自 麓 蓮 百 就 請 心故羅 君 則 今 花 先 里 耳 教 甚 陸 皆 脱 不 輩 相 峰 。 曰 正 克 派 鄙 皆 日 , 先 送 念菴先 當 謁 : 相 :「公當 砥 背 生 X 署事 相 文 礪 祠 毁 誠 臨 深 地 遇 丞 然 如 廉 用 别 生門人, 厭 三月, 中 所 相 此 蔑 潛養 依 之。 厭 得 原, 祠 盟 陣 依 簡 世 友 假 苦 數 啟 俗 周 與 以 無 謂 爲 行, 差 年,不 諸 立 蕭 元 亦 以 日 敬 公 君 自 無 見

庸 學》格致之旨, 非 之 源 》明善,所以 至漳 分 極 剖爲 州 要 使 己 謁 謂 此 使學者辨志定業 爲 李 心 人之界 見 「《大學》格 光 羅 明 先 洞達、 精研 生, 辯 致 直 義 論 即 截 利 絶 ^ ^ 大 利 中 痛 是

> 精,止 實 自 非 千 之後,意誠 意拒之前,不爲 快,無毫髮 贵 止 切 無 目 如 欺之主。 欲 欲 用 此 至 穿 古知之。 次 口 其 修 窬之念,夜 斯 能 第 平 也 所 力矣。 鋪 累人, 以 而 爲 雖 放 學者辨 心心正 含糊 敦 知至。 氣 夫然 非 只 在 禀 厚 今日 知之不 緣 且 疑 物 而 惡 説 必無穿窬之夢? 後 修 知 0 義 似 身修 欲 古 得 而 致 身爲 爲 誘 于隱 利 此 拘 都 也 更 至 善 物 是 明 工. 蔽 無 無 也。 善所 而 化 本 非 微之地 日 夫 萬 不 氣 欲 更 之極 然 不 端 喫緊 聖 誠 力 爲 何 無 以 能 訓 ? 之 然著 以 純 不 恐 非 沈著, 反 昭 意 以 必 知之 日 爲 粹 不 且 不 躬 然 引 之 爲 能 欲 箇 條 書 而

「斯」、《錫山》本作「期」。

0

先後字,亦有意義,不宜如此籠統。」●

朱夫子 蕭 力已三轉手勢。 身世,雲水孤 過 延平,拜李先生祠。 祠。 過 崇安,拜 清。 自 謂 趙 出門至此 清獻 往考亭,拜 祠。 學 蕭

序《王文成年譜》。作《陽明説辨》,共

四首。

一十三年乙未,三十四歲。二月,抵家。

無 而 具言之,總 之,總不出『無極』二字。 而 與聖人所争毫髮,其精微處吾 益 不 生民之類。 覺 再取 知聖道之尊。 也。 釋、老二家參之,謂:「 不出『無理』二字。 即二氏亦飲食衣被其中 若無 聖人之道, 弊病 觀 處 儒 先 釋 具 氏 便 儒 有 氏

偕壽七十,先生同昆弟稱觴宴客。一十四年丙申,三十五歲。繼成公、陸夫人

三月、六月,連遭父母喪。

餘置義 生推 竭 力襄 以 遵喪禮,不二斬,稱 租 讓 事。 諸 贍親族,分贍祖妾之無子者。 父遺 兄弟,不得 命 析 盡 其 降 産 出 服子,居喪 而七之,先 爲 喪葬費

二十五年丁酉,三十六歲。

讀書計。 二十六年戊戌,三十七歲。作水居,爲静坐

遠 致。 言無 訪 刻 而 近 廢 動 相 同 謝 所 中 數 與 客 于 煉 心 不 年 瞑 水 習、 棲 間, 如 可 目 也。 居構 息 歸 静中 . 焚香、 徙 季思、 其 居、 中 茅檐數椽, 一可可 温 閉關 婚嫁, 吴子 養 動 樓」。 以 Ι. 趺 往 夫 旬 歲 坐, 卒未 諸 極 月 無 坐 先 湖 計 可」者, 寧 山之 始頃 必 生 息, 以 來 偶

武 居課程》。 上,與管東溟 復七 林 日 諸 規 遊 Ш 程》。 陽羨諸 則 辨無善 坐弢光 是秋, Ш 會 無惡之旨,作《 黄 則 同 坐 龍 志于二泉之 龍 荻 秋 池 頂 Ш 作 遊

二十七年己亥,三十八歲。

故 令巖時,民 嗟歎之,云:「此高 云。 偶至黄巖縣謁 無滯獄, 一合孫 静成 只帶 公 也。 祠。 合米可 蓋 父老 静成 咸

一十八年庚子,三十九歲。

之,大害事矣。 念只是誠 息最微,若 云 <u>二</u> 乙 — 日 與吴子往等静 日覺 逐只是 ,無爲著些子不得 有 氣 若 次 在 顧 無 日 諟 胸 便 誤 44 膈 明 覺 認 水 稍 命 多 居。 氣 滯,思調 爲 也 卻 爲 工夫。」又 令日 調 息 息 而 記 調

二十九年辛丑,四十歲。

宗》完。 三十一年癸卯,四十二歲。注《張子正三十年壬寅,四十一歲。輯《朱子節要》成。 三十年壬寅,四十一歲。輯《朱子節要》成。

三十二年甲辰,四十三歲。 爲 陽 放白 朔 道 所, 時 朱陸之辨,文成文清、真 與顧涇陽先生弔其墟 成《記》可考也。後復變爲 時 己 望 南 殁,先生獨肩 廢爲僧院。 拈示 一爲 小 鹿 祠 錫東 人、義 會,春 洞 構講堂、書舍,相與講習 洗 爲 林者、宋龜 會,約先生爲之序。 秋 發痛 利 邵文莊公所修復,王 大會,歲以 公 其 快, 私 責。 Ш 欺 令人 ,聞于當道。 東林書院 每 楊先生講學之 謙 悟 會,取 爲常。 僧院。先生 劃 真 邪 然開 修之辨, IE 儒 成 之 其 自 涇 油油 中。 涇 陽 葺 文

變易其 然得。 俗根難拔。 數十年静力方得厚聚深培。 同 IE. 處,在自幼 在 不 尋常 心 可 正氣 無端 大聖 俗 H 尤謂學者雖得朋 乃可 大 腸 用 居静定之力。 無小學之教,浸染世俗,故 必埋頭 賢 俗 中 耳。 0 必 骨 學 有 9 讀 澄 者 大 書,使義 神默 神 精 蓋各人病痛不 短 神 友講習之功, 其主 氣浮, 坐,堅凝其 而最受病 理 浹 便 静 須 只

宫。一旦叛入異教,著書數種,多抑儒先生遊武林,遇一僧,原係廪于學三十三年乙巳,四十四歲。作《異端辨》。

四條。刻《遺書》。 因摘取其言,各剖破之,分

有《虞山書院商語小引》。● 善」之旨。同顧涇陽先生會于虞山書院。三十四年丙午,四十五歲。實信孟子「性

四

十年壬子,五十一歲。

實信「中庸」之旨。

析諸子産,有量入約。魚躍」與「必有事焉」之旨。立《家訓》。三十五年丁未,四十六歲。實信程子「鳶飛

會。爲大水災條議救荒。爲同區設立三十六年戊申,四十七歲。赴毘陵經正堂

三十七年己酉,四十八歲。赴金沙志矩堂役田。

毘陵經

正堂

會

三十九年辛亥,五十歲。實信《大學》「知 三十八年庚戌, 院。 Ш 本」之旨。訂古本《大學》。三月,講學于 金沙志矩堂。 ,段幻然主會。 秋,赴毘陵 四 四月,講學于荆溪明道書 經經 十九歲。 赴嘉 IE. 堂 會。 禾天心書院會。 六月,講學 焦

■「有虞山書院商語小引」、《錫山》本作「商語小引」。

九

歲

四 沙 十一年癸丑 易》東 静 志 坐説》。 矩 林 堂。 九月 ,五十二歲。 月 静坐武 延 錢 林 三月,講 弢 啟 光 新 山中, 先生 學于 講 著 金

四 十二年甲寅 贍 鰥 寡 孤 獨 五 中 十三歲。 有節 孝 者尤 春,舉 加 惠 同 之。 善 會 赴 以

荆溪明道書院會。七月,作《困學記》。

四 氣質説 三年乙卯,五 》、《未 發説 + \*\ \!\ 四 歲。 朋 黨 著《 説 理 義 説

四十四年丙辰,五十五歲。赴毘陵經正

堂會。

四十五年丁巳,五十六歲。 赴荆溪明道書

院

會

几 四 + + 七年 六年 · 三 未 戊 午,五 五. 十八 + 七 歲 歲。 有《戊午吟

四十八年光宗貞皇帝泰昌元年庚申,五上

再泣 内 月,神 起 先生方講學 廢 廟 賓天, 籍 朝 光 政 宗 東林 清 即 位 [X] 甫 0 問 罷 至, 月 商 鼎 税、 爲 湖 發

輟講

十月,少司寇鄒南皋先生疏薦。

十一月,御史方孩未疏薦。

熹宗哲皇帝天啟元年辛酉,六十歲。正月,

作《壽戒》。

老人 筵、演戲、 樂似之乎? 文壽詩、壽巵壽 減 年日增 之過 澄 先生云:「人生六 事當 當。 然 集分、 無 以 事 日 矣。 目 減。 迎賓等禮 服、壽畫 前 無 最 患 事 切 減 + 者 之樂,更有何 壽 之未 老矣。 屏、壽 減 守 之, 盡 此七戒 鐙 戒 老 不 人 壽 患

舉鄉飲大賓。

三月,韶起光録寺丞。九月,啟行至京。

爾位 事 林草深也。」到任,作一 原 精白厥衷 殉『君親』二字。 屬 一勿昧 是 葉 畢 冬, 閒 竟 其 此 適 别 可仕可 率其 事 東 吴 爲 林 覲 不損 吾輩 諸 Ŀ 미 華 本 友 歸 聯 不加 主 究 心。 北 即 黏堂 盟 竟。 E 歸,不 真 性 中,云 弟 再 以 ,靖共 使 此 拜 會 東 行 囇 講

亦如之。 贈嗣父母奉政大夫、宜人,移贈本生父母一年壬戌,六十一歲。正月,陞本寺少卿。

疏

太廟春祭,執事。著《乾坤説》、《心性説》、《寅直説》。

用,旨 索,先生 夕 ,上供九般茶飯,●缺 時寺官正貳皆 下,帖然 唯 唯、密 疏 援累 缺, 備 朝 天 鵝 例 極 以 煩 勞。 家鵝 群璫 代 恣 元

裁無名供費。發鋪行物價,革諸曹鋪墊。

又以餘糧振士之貧者。

請 矣。 不管。 事 去。 寧失陷,❷人心皇皇,先生獨鎮以安静 事 破 格 但 不 先 初 用 不 Ė 間 此等職事全算不得也。」既 生 可 甚,遂帖 尚 人,以備 云 便 有 . 中官 光 以 此 不 服 禄 聒 爲 測 不 擾 事 盡 敢 雖 職 動 事 多 7,今益 事 他 9 不 儘 事 放過 做 沛 ௱ 切 廣 然 得

法。俱允行。 繼,及慎畿内守令之選,行保甲防禦之 薦孫愷陽、董應舉、李之藻、鹿善

疏請逐鄭養性。

籍,李如楨、崔文昇明正典刑。庶危疑疏内云:「乞將鄭養性等發回原

寧」,原避清道光帝旻寧諱作「甯」,今回改。

0

<sup>「</sup>茶」,原誤作「茶」,今據康熙本、《錫山》本改。

可釋,隱禍可銷。」報聞。

議方從哲無君之罪。

祀 爲 力持 也。 口 Ħ 丸 作 事 典 閒 鐵 今日 得旨 多 百 案。 IE 時 論 所 年人。」未幾,轉太常寺少卿 先生見之,日 孫 釐 ,不少顧 莫 又嘗黏 下部院 淇 思 澳爲 IE 明 九 日 大宗伯, 忌。 聯 卿 事,當做便做一 科道 于室,云 一此 議 具 疏論從哲 會 别刻 部《 議 春秋 得 先 年 紅 閒 以 生

疏陳務學之要、致治之本。

路 京 争 清 黄之戰 中賢 争日 吾亦 年, 疏 者稍 内 再見。● :「此人有重望,若處 汲 與 復及方、鄭,傳旨欲重處 之 引 動 同 後 争端 于起 去。」 進 之賢 便 廢之後嘗謂:「 僅 力止之,不使玄 充 罰 滿 俸。 朝 先 宁 滿 生 朝 默 言 在 必 福

> 泯之。」 然 融 者 化 天 乃是 壤 不 道 侔 理 并 煦 然 調 調 停 停即 之意, 屬 世 情。 切

九月,轉大理寺右少卿。

先 戒。 善 先生請 天,乃具揭以 顯 罷 生三 詆 書院,立講 商 指 先生欲 時 税 掌院 意 疏 告 》揭 歸 歸 抗 具 重 鄒 辭, 學會。 明其是非。 詞 東 疏 南 不 林 辨 林 皋、 文湛 允。 適 欲 給 副 事 奉 天 院 有 持 已 朱 明 下 馮 ^ 亦 而 童蒙騰 論 旨 以 少 抗 鄒 學 講 墟 如 疏 **>** 學 建 馮 H 揭 歸。 疏 爲 中 兩

八月,奉命慶陵掩龍口祭告

十一月,晉太僕卿。

疏辭復,不允。中有「講學何罪,

■「玄」,原避清康熙帝玄燁諱作「元」,今回改,下同。

氣所干 之世 頓 空 法 」,又有「陰陽交争, -,元氣大伐」等語,以身疾 紀 之臣 ; 禁學何 名, 上下隔 欲 行 塞 喻 聖 邪 朝 明

除夕,太廟陪祭。

政

也。

義。《周易孔義》成。 三年癸亥,六十二歲。乞差歸。明討賊之

啟

行

隱 亂 外 罪 當 爲 劍 倫 %,先進 共 ",爲 亂 賊 杜 忍 設 知 先生 也 漸 賊 給 君父 事王 護 防 立 |熱藥,後進 微、懲前 身之符, 孰得諱 致書駁之,略 箝 種 一志道 口 禍。 之法。 之! 疏 夫張 加 毖後,不宜 泄 論 以 藥,彰 『諱』之一字, 大義 兩 三誣 差制  $\frac{1}{2}$ 朝 : 謗』二字, 人 所關,不容 事 明 梃 爲 較著, 美女,美女 臣 淆 亂 雜 爲 賊 代 中 不 脱 或

向著《周易孔義》,舟中卒業。

四月,抵家。復尋東林之社。

几 年甲子,六十三歲。 十一月,陞 然 皇子 日 誕 生, 「君恩」 刑 部右 推 渥矣,其何 贈 侍 三月, 代 郎。 廕 疏辭 以報? 同 子。 門人華允 不允。 先 生 誠 慨

學于 學。 謁 先 明 理 王 生爲之記 范 學 途中 至 心 寶 文正公祠。 齋 **搆興** (應,與 兩 祠 閱 讓堂 月 余兄 心 相 齋 一,爲 燕 對 燕 子 諸 超 講 超 王 生講 教 學。 公、劉 泰 諭 留 習之所 寶 至 先 清 應,倡 維 生 之講 楊, 講

六月,進京。

旨 切責 時 楊 舉 副 朝争之不得。 院 論 魏 璫二 + 杖死工部 几 大 罪 郎

月 輩 寺 萬 其 以 直 用 官 E 爲 競 燝 和 而 和 敵 緩 先 疑 緩 韋 中 都察院 宜 生 而 其 其 逮 庶 官 如 疑 御 内 日 門 激 幾 用 歸 其 閣  $\Phi$ 縉 3 左 事 德 林 媚 外 當 紳 外 天 都 9 相 之禍 汝 未 廷 借 下 廷 御 公勸 翥 如 能 當 用 大 史。 法 此 口 拔 責 外 用 柄 疑 化 減 乃 其 成 廷 IE 若 諸 駸 萬 相 不不 毒 内 直 璫 福 駸 分 成 閣 清 可 盡 且. 内 勿 忧 寓 耳 0 以 與 須 不 累 歸 吾 殺 又 īF. 法 宫 口 中

部 貇 亦 中 口 院 堅 以 越 IE 辭 爲 次 乎 執 人 曰 總 憲 然 用 ? 也 不 某 從 員 太 大司 而 乎 業 缺 宰 卒 饒 注 ? 是房 寇 公資 舉 以 饒 又 喬 先 朝 矣 勸 師 公、 俸 共 生 推 名 深、 推 而 可 左 馮 上 與 先 河 受 司 少 南 門 生 寇 墟 杖 次 道 人 饒 更 日 袁 先 太 公, 得 生 化 宰

端 萃 愛憎 皆 旨 之安危係之。 帰 先 陰 難 起 空 納 家 習之漸 御 振 之氣。 無 不不 私 ,公論之明 調 畛 得言之, 史 礙 則 先 則 一心,惟 陰 之情 域 爲 而 故各 有 真 有 生 後 藩 私 好 靡 古古 難定 難 心 益 籬 惡 以 可 而 難 成 洗 臣 修 之 跼 通 後 請 所 之志。 言 之習 隔 工. 君國之是 無 晦 御 則 職 蹐 必 託 可 以 端 矣。 之邪 礙 由 有 業, 史 不 爲之長 隔 銷 難 爲 之; 0 而 難 大 自 礙 者 人 悠 古 必 謬 陞 臣 皆 起 清 夫 安 陰 皆 然 悠 殉 持 居 弓 子 得 同 遷 之見 者 也 至 私 斧 忽 此 蛇 異 糾 具 壅 不 緣 以 毋 御 寓 爲 忽, 聯 位 滯 之, 鬼 疏 真 貨 自 人 天 身家之苟 史 者 内 是 豕 E 心 心 無 賂 仰 心 然 則 下 非 : 先 端 各 之 筆 自 爲 則 屋 相 有 而 方 誤 朝 無 有 有 而 書 結 難 或 世

九

明 如重大! 海、災荒孑遺 所謂『覆餗』者也。」疏上,不允。 史之失職 近 貪 巡 而 殘 方 後 **%** 之 可 之 即都御 乃以 弘 使 豺 劾御史崔呈秀。 尚 濟 當 虎 于 臣之薄劣當之,是《易》 獲 使 史之失職,此之關係 皆 艱 少延喘息。 循 投 難 良 有 0 之 0 北 麟 今者 庶 鳳 乃就 不然 大計 木 悉 窮 耀 職 何 御 光 在 几

榜《 詳 濁 謂: 揚 史張 貪 人 禁書儀 中 八酷吏。 之事 П 此 部 「院 道 臺 掛 先生謂 衙 覆 一,即有《禁絶 九 中 門 贓 欲吏 褫 適 門, 總 私 頗 有 :「今日安民之計,只在 職 六 可 鉅 令知 魏 無 部 遣 救 萬 璫 貪,先從輦轂 之 得 戍 穢 清 私 書儀》榜行, 事 世 明之 聲 人崔 輿 職 流 撫 論 其 朝 呈 傳 按 決 秀 要 稱 相 快 巡 始 不 7 不 Ŧi. 貫 職 按 容 疏 城 通, 除 糾 其 又 淮 穢 御

> 若撫 閣 之。 矣。」又謂:「天下 寓 不 不入,竿牘一字不出,不言 博 1 貪酷害民, 銓 無 ,各省之賢者 内 而 第一義 少 按 同 共 易 補 督 心 如一 真。 學 做 撫 在立 選 堂。 今只 得 按 澤 人人答之,事 不 身上 盡 事君 京 答 半, 糾,于 皆得 師 訪 部 守法,苞 Ŧi. 相 監 院 方 同 置 司 同 心方 雜 而 守 1: 郵 事 心 處 人自 習 中 苴 記之。 次 做 民 詰 于 見 之。 凛 毫 問 風 聞

廕,奉旨下部,不行。 十月,頒曆,陪祭。疏請挺擊案三臣謚

父告變,執法賈罪,竟抑鬱齎志以殁。李俸、張庭、陸大受三臣也,爲君

<sup>●「</sup>弘」,原避清乾隆帝弘曆諱作「宏」,康熙本作「弘」,

先 生特請謚 廕以旌其忠魂,會朝局 大

變,不行

覆《吉人及時宜用》疏

奉嚴旨切責,下部院參看。 朝薦、徐大相、馮從吾、李炳 力薦之,亦不行 御史喬承詔 疏 薦王紀、 鄒 公諸正人。 先生復 元標、 疏 滿

申嚴憲約》疏。 未及上,罷 歸

豈能 民 法 不 州二百二十 縣者,奉法守職之權 上。故朝廷恩澤至州縣 必自上 安,州 可 職 欺 盡 疏云: 出 得賢者用之? 而率下,循法守職必 也 縣不賢 于 三臣 心所不容已,非有所爲 視 一,爲縣 民 觀天下之治,端 則 如子,不忍傷 民 一千一百六十六, 不 輿 賢者視君爲天, 安。 也。 始致 顧天 自 之民 州 本澄 也。 縣 下 下 賢 而 也。 爲 則 州 源 奉

禁約 中人。 越思 因 賊 不敢 其 **蠹釐姦之法,纖悉** 散、保甲防禦、聽訟 道,約府縣者 事 才、正人心 五十餘條,凡農桑 約之使人人守法,如農之 不失爲賢者。 以爲 「會推 次 也 爲不 別有 ,則天下治矣。」 度 北 天下惟中人最多,約之于法,皆 巡 故 欲 爲 顧南邵復見云 撫 爲政 所慕 行 善。 厚 何物, 事起,不果。 當 風俗、刑名錢穀、積貯 也 太守,約州縣者也 者 而 行 其 ; 恣其 勉 之事, ,拔賢才, 下則不 備 水利、敦 撫按 恤 于爲善,有 列 具。 刑、 欲 州 則 將 掌憲 而 · 知 彰善癉惡、 巡 縣 有 次第 無所不 除民 教 職 方者另有 所 畔 僅 業 化 當 是 焉 所 舉 月餘, 賊 育 民 爲 畏 行 而 剔 給 者 無 約 之 何 司 而

先是 ,魏廣微夤緣人相, 久與正

諸賢 懼 臺 傾 櫤 省 正 不 齒 同 能 魏 時罷 容 廓 至 是 袁 歸 大 以 與 網 中 云 頒 呈 打 曆 秀 李 盡 不 共 仲 計 至 達 閹 應 廟 先 幕 昇 祭 生 後 等 與 合 交 期 謀 太 宰 以

十二 月 送静 成 公人 鄉 祠

Ŧi. 年乙 IF. 月 H. 舉 酌兑荒 六 郡 + 鄉 區 飲 四 漕 大 歲 賓 米

辭

不

赴

月

合。 斃 兑爲償 水 災 杖 借完本 + 下 時 爲 之 署 先 印 福 年 生 王 無 漕 匀 惻 通 窮 兑, 派 然 判 高 追 各給 爲 鄉, 比 之設 荒 票 每 品 以 畝 法 兑 來 不 米 約 年 调 代 計 勺 至

語 四 五 月 月 削 送 籍 别 爲 魏 民 廓 袁 追 奪 于 許 高 命 橋 有 ~ 高 橋 别

毁 公。 林 得 群姦 院。 福 切 以 剥 生 游 理 冢 訊 若高 小,估價 聽 東 忻 鳳 免。 刑 宰等 遂爲瓦礫之 死 而 居易俟 天 南 既 然 翔 吴 所 鄒 已 春 老先 切齒, 0 脂 而 日 疏 孟 + 六 夏 要 入官。 馮 詆 月 間 張 明 膏 Ŧi. 屏 典》出 切 命 生 素不 訥 所 非 跡 靠 削 金 先 逮 必 坐 謂 俱 品 謝 造 湖 所 此 天 籍 星 楊 欲 生 贓 東 識 之日 矣。 提 干 值 爲民 晝 坐 副 9 坐 亦  $\mathbb{H}$ 異 林 何 問 先 僅 見 院 以 削 産 日 以 日 乃 自 : 有 生 追 以 等六 移 重 籍 無 淮 無 追 與 無 吾 稱 爲 贓 宫 服 四 數 百 禍 撫 以 奪 腻 日 湖 先 天 百 輩 先 毁 即 李 見 誥 П 争 上 案, 生危者 下 金 今日 奉 保 首  $\equiv$ 地 有 命 生 明 後 老 旨 才 日 下 錦 最 善 先 而 南 日 享 刻 諸 先 始 爲 東 拆 道 衣 書 趙 拷 進

列則

正言直諫

于

朝

退

則

明善淑

錢子,玄臺薛子

,我素安子

,本儒

劉

客 欲 況 光 嘯 水 扁 決 臣 江 柬 不 居 舟 引 我 陰 不 至 相 詠 見 Ш 潭,袁生自 罪 住不成矣。 相 中 老矣病 自 能 者。」手書示 知 而 訪 歸 見客, 賓客,不 之義,息交入山 曰 娱。 者 客 : 何 1,堅不 矣,荷 「弟 謂「大 至 囚 何 如 在 談 土 惟 如 不 諸 此 臣 出 明主不誅之恩,守微 室 不 汝 出 子 時 實 一; 曰 見 輩 門 人 彼 一,自是 曰 有 廢 事 謝 爲 Щ 0 固 : 事 「此端 罪 安。 爲 時 「屈 各 做 花鳥爲伴, 義當 道 而 便。 以 , 非 已。 子 理 兩 其 若 者 游 然 浪 開, 時 有 聞 若 擲 勢 于

野 是舉 年。 0 今日 丹 心 講 矢竭 壇 既 于 毁, 少 壯,素節 恐 年 久 事 不改 湮 故 于 暮 有

三月十 逮,不辱,赴 日 謁 水 終。 道 南 祠 + 七 日 丑. 時 被

的。 通自 生死 見 如 袁 聖》文,隨 俱 六日之早,以 日,又有緹騎 歸 亭 藏 顔 一門生 先 吴 道 耳 爲一。 色。 初六日,逮 顔 生微 0 門 南 西它 心 談 季 焚 至,傳言頗 祠 意 笑曰 若臨 同 弟從 笑自若。 其 往 悦 東 特 太 草。 林 繆 蘇,先生自度不免。 虚,原 肅 . 死 Ш 旁 拆後會講 西溪、周 衣 歸 轉一念,便 中 此 異。 冠 午 則 信 無 友 往 合言 城 後 想 生 看 先 季侯。 謁 花 死 的 久 生 門 相 後 輟 墮 吾 此 無 生 何 與 袁 有 神 信 暢 幾 華 阬 得 + 視 落 微 仲 别 視 死 未 飲 與 主 几

六年

方

寅,六十五

歲

月

仲

丁,奉六君子

從

祀

道

南

祠

六子者,涇

陽、

涇

凡

兩

顧

子

啟

新

郡 作 官 黄 贍 容 即 欲 坐 鄰 道 X 生 H 極 塹 款 矣。」 中 旗 紙 字 赴 覓 稍 從 復 恐 晚 分 不 IE. 田 舟 有 明 往 語 京 置 料 傳 酌 睡 是 容 晚 百畝 京 事 理 几 半 覺 H 先 明 無 得 立 上, 紙 汝 飯 不 晌 出 中 早人 多 命 開 無 書 問 後忻 鎖 使 ,售之可完緹 門計 信,諸子 之學。 言 少力。」 輩各歸寢。」夜半, 歸 齋 曰 官 指 出 郡 篋 及 復 家 . 然就 旗 示 中 家 諭 相 网 諸 可 信的乎?」 到 日 無 是 平 事 見 孫 暫 子 不令先 曰 榻 家 夕 被 復 生 期 . 趨 後 退 0 之内 講 逮 呼 騎 止 明 侍 嚇 隨 祖 事 諸 費 學 云 丁 吾 日 生 汝 但 孫 即 寢 日 蕭 , 子: 寧 整 明 以 取 曹 知 壻 亟 父 此 歸 汝 秦 H 此 封 耳 命 吾 子 與 衣 然 處 者 從 付 家 吾 從 夫 先 有 口 起 君 明 就 有 看

> 駭 生 使 或 諸 無 見, 云 未 只 案 不 臣 學 報 生 者 寂 聞 子 四 急從 故 雖 急 力到 字 死 然 動 候 僕 執 結 北 削 發 静 齋 得 此 奪 旁 願 白 日 先 何 前 此 外 從 報 叩 來 扉 祠 幻 紙 舊 推 無 . 李 亦 頭 生。 皇 鑪 奔 質 係 觀 户 貽 方 得 元 E 之足 香 池 人 從屈 大臣 之, 祖羞」。」 商 禮、范 少 臣 \_0 拂 第 畔 略 力。 高 乃 復 平 拂 見鐙 0 戀 赴 攀 則 遺 然 之遺 孟 有 大 乎! 心 京 龍 因 先 表 臣 博 别 如 事 命 垂 生 火 熒 然, 一受辱 覓 遊 則。 也 友 太虚 絶 仍 諸 己 先 矣。 人 書 暫 赴 子 則 生不 四 君 云 本 書, 退 惶 水 恩 辱 几 刻

2

0

田 錫 Ш 本 作 固

諭 錫 Ш 》本作 謂

<sup>8</sup> 候」,《 錫 山》本作 俟」。

矣。此三月十七丑時也。

傍岸, 我。 爲 急 有 異 先 潛  $\vdash$ 會 魏 洞 意 腹 者 生 龍 廓 醒 于 光景奇 康 桃 袁 先 云。 切 臨 衣 先生平 先 深 是 聽 數 先 節 闇 源 世 履 時 要 生 詩 日 衣 修 于 深 急 嘗 門 整 絶 便 打定 成 點 天 云 處 來 寄 問 幅 有 一齊, 汙 立 手 巾 頭 急 殮 語 姓 . 華 友 水 欲 忙 有 闇 來 汝 氏 以 闇 問 中 何 E 面 脚 箇 泥 修 師 修 麈 避 不 色 不 天 曰 亂 大 「或 左手 覺 不 會 : 夢 可 尾 得 如 亂 . 生 主 沾 機 確 而 遊 揮 不 别 之策, 生。 我 意 護 身 吾 乎 異 無 睡 桃 能 H 有 之, 失 不 周 于 袁 . 若 安 上 應。」 隨 滴 衡 可 洞 先 于 天 咸 急 當 無 地 水 右 見 拔 尤 天 以 告 死 相 此 行 生

> 言 矣。 死。 事 攝 故 必 理 惑矣。」知言 生 臨 説 相 10 E 其 若 劉 又 示 歸 化 矣。 念 有 以 生 其 虚 時 我 佛 臺 平. 友 問 做 有 形 哉 之言 極 氏 得 朝 几 化 叩之,先 臨 主 聞 字 而 終 先 如 張 嗚 夕 神 此, 顯 生 如 死 呼 不 幻 此 平. 忽 生 是 何 之法 化 以 日 日 可 先 以 爲 攝 學力堅定, 亦 以 生 爲 求 常 氣 吾 古 觀 當 口 Ż, 談 歸 儒 以 死 微 常 則 生 便 先

課 閨 者 É 愉 几 兩 門 幼 藹 晨 不 之 藹 得 先 無 起 生孝 其 狎 内 盥 于諸 邪 歡 雍 庭 漱 友 之 如 草 姪愛之如子, 性 待 游 謁 木 肅 生 諸 家 如, 除 綺 兄 怡 廟 麗 終其 弟 帷 怡 畢 之 委 帳 色 好 身 教之如 曲 不 扃 養 户 懇 飾 無二色。 家 嗣 觀 至, 居 者 敝 硯 功 愉 牛

祭宿 先忌 忙 復 以 秃 交無 約 生而 世 極 糧 以 轂 獨 有 千言,大要言色欲 筆 者。 生計 氣 其 不 大 寒 愛 里之困 爲德梓里,又 廢 終 于宗 誠。 齋 齋素謝 伸 是 民 土 不 日 終 于 相 非 好 不 生殖 日 儼 親 五. 至設 遺 始 師 託 每 得 士 舉 客 更 子 然。 有 者 先 砥 生 餘 相 同 一, 時 復 不事 自 夜 通 養 生 養 則 歡 力。 善 名 起 其 之終 品 奉 起 飯 死 極 祭致 而定,有 贍其 會 礪 漠 迷人, 臨財 坐 餘 役 後 極 坐 鄉 殯之,于友髫 力 節 卹 田 矣。 身者, 菲, 必 紳 代 然 謂 齋 謂 貧, 遠 相 瞑 宦 籌 無 初 一日,東 通邑役米,蘇 祭祀 大利 此 近 勸 作《家 坐片 覺 遊 誉 卹 之鰥 有 時 至 勉。 其 者 誤 時 賓 害得 及 可 捐 而 刻 甚好 孤 訓 齔 其 貲 師 林 想 諄 親 寡 地 來 之 踐 先 方 諄 再 友 則 極 便 數 推 孤

> 辟 難 名 游 誠 不是 然 事 須 與 臨 善柔 實 節之隄防、●詩書之滋味、 爲 消 庸 是積,積小便大。 取 ,便足爲賢 之差,有 君子爲仇,是大利害處。」又曰 可 事 俗者。 狂 做 爲 人 好 以 讓 之友 狷 高 先 消 人 人 人 意。 第 明 道 息。 以 因 敗 出 之意 0 步 讀 子弟。」又云: 而 義。 壞 狂狷 而 子 所 書 人, 喪 用 自 弟 與 窮 身亡家者。」又云 皆與世俗 嘗言 有餘 世 須 若 皆 一念之差、一言一 理、 以 憎 妨 庸 便 地 慎 孝 惡 : 俗,己未有 人 與 「子弟若 言 弟 此 誦 小人 稼穡 不 臨 語、擇 爲 等人, 讀 相 要 財 本,以 之功, 「善 相 之 知 放寬 艱 識 交 便 聖 不

❷ 「意狂狷」、《錫山》本無此三字。 ● 「子弟」、《錫山》本作「弟子」、下一「子弟」同。

求。 見。 福 子 法者 君子。」邑 非 想 然 非 不 覓 東 師 者 而 分, 自· 此 嘗 已。」 一,反己 林 可 常常 細 知 真 赴 小人所 物 心 寂即是真心,真心一放即 最 絕之善脈,賢子弟不可墮之家聲 只看『義』、『命』二字透,落得 真 事 時默 時 在 又曰: 也 講 好 也。」又云:「 昧成妄、 所 有 時 左 中諸先達有一 會,手 人 不可 以 坐澄 右 餘 向 以 不善用工者 頭 味。」 免 坐 諸 「人生爵 爲 除,真 心,看 禍 札 子 妄 小 又云 大 晌 勖 稱 醒 人,只 衆 但 葉 聽 日 述之。 有 不 成 位分定, 肯 會 教 . 年 言一 要驅 妄想 可 真 反 此 伯是 集 見 見過 得 求 又云 別 時 乃天 動 在 除 也 是妄 汝輩 滿 京 非 反 人 所 善用 妄 道 無 叮 堂 聞 做 以 覆 地 爲 不 想 可 理 想 求 另 真 諸 箇 自 間 妄 肅 到 間 師 是

> 傳矣。 精 之。 耳。 身不 多 過 勞 不 汝 益 日 窮 一受用 苦 聞 輩 拂 静 此 神 外 一急做 經 静 可 意 功。 得 獨 日 倍 也。」待 功 ",●苦 向 此 歷 天 加 方不 無 少有生 者言 少 非 意 下 I. 外 鈐 盡 年不學,老無受用 夫, 受些 静 三四十 臧 惟 馳 ; 束。 到 做 不 有 獲 而 9 此 又曰 東 1 事 不爲汝輩收拾 相 見 疾 曲 事 嘗 林 人 年静 道 病 斷 父 加 云 事 實 П ,苦,到 不 體 斷 : 做 即 訣,不然此 此等苦皆無之。 吾在此 不 恤 能傳之子, 久之, 終 不 來。 假 夫 日言之, 家 知 老 汝 借 爲 其 全 其 何者 方 死 服 靠 體 飢 輩 事 味 不 如 虚 事 平. 無 渴 無 面

● 「多」下,明崇禎刻《高子遺書》卷十《勗早做静功》文

四

傷 不 立 體 測之變,多 由 岸 此 也。 以 故 。」家人亦兢 供 兢 生

守 使令,給灑埽。 法 兩之官 僅 即 郵 蒼 筒 頭 報 四 復 五 親 人 隨 自 啟 行 閉

隻字不落其 手。 人 總 憲 即 遺 書 歸

德 云: 色 便 「居此官,家人愈要兢業。 生意 外事 5,勿以 圖 利 反 至招禍 家人有

勿 以 恃 勢 反 至 失 勢。」 又 嘗 云 「士大

夫 居 閒 得 財 之 醜 不 減 室 女踰 牆 之羞

故 流 生 俗 平 滔 未 滔 嘗 · 恬 輕 不爲怪 受一錢、妄説 一,只是不曾立 事 志。」 有

知 交 坐 不平, 許 爲 代白, 其 人 以 賄

乎? 來 鉅 萬 每 日 謝 歲 弗 預 厚 不 聘 聞 有 士 達尊 以 人 講 得 學爲 主 錢 席 名 如 高 日 女 者, 失 教 身 家

> 夫 驛 菰 力,故 用。 毫 雖 揭 時 身享用著一 有 仕 弟 買 有憐 蘆 即 陽 交 所 X 口 所 歸 船 際 中 橐, 不 嘗云:「凡 得 鄉 處 隨 歸 不 萬不 後 走 在 俸 其 亟 風 遇 了,有以 驛 難 户 不 出 俸 波 而 容絶、 曹 。」❷予告時, 曰 9 敢 荷字 爲 薄 僚 安。」 地 以 自 臨 卹 俸檄 屬 資 俸 留 私 事 可 貧 便 醵 以 掌 見 朝 著 以 濟 妙 致 路 厚 院 必 遺者、 日 狂 難 義 者 費,峻卻之,僱 貺 以 以 時 則作 風 苟字便壞, 通 吾一 者,概 奉父。 大臣 刊 柬 太常 起 亦概 同 書 亦 一生得 日 未 不 吹 志 廣 罰 不受。 不受。 常分 賜 我 教 謪  $\Box$ 事 俸, 此 自 之 馳 官 X

以

爲

己,學以

爲

人乎?」辭

弗

往。

初

<sup>2</sup> 中」《錫山》本無此字。 弗」、《 錫 Ш 》本作

非 黨 患 世 致 談 護 行 舜 説 去 真 侃 何 樂,勢、 而 不 紫陽、 開 誠 之不 特 其 有 氣 侃 邪 得 得 汲 虚 ? 臨 <u>ÿ</u>. 太 Œ H 君 氣 引 無 象,燕居 無 或 煙 之教 也 平。 不摇 下 下 象, 顧 則 同 行 利 先生 亂 寂 雲魚 隄 心 得 ,天下非 不 兩 真知 涉 民 滅之説 必 防 弘也,真 也 其 與、 件 扶 真 世 7 窮 欲堯 鳥 一家非之不顧 日 廓然 進 而 綱 有 真 朝 循 氏 無 無事 樂。 爲 己。 退 得 植 申 有 直 之不 舜 循 非 行 存亡 不 往 混 紀 申 有 不 其 善 樂 不 藏 迷 聖 也,真 吾 流 斷 使 夭夭氣象,設 民。 顧 誘 樂字 憂。 事 之外,恰 人 繼 而不失其 精 斷 不 支 氣 倚、不 絶 休 以 離 其退 其 惟 象。 上 廟堂 廟 學,爲 博 此 休、 (危言 訓 堂 必 、約、 Ш 然 詁 欲 其 争 而 誾 爲 人 林 Ē 禍 格 之 力 危 堯 進 説 説 萬 或 教 誾 樂

> 于 深, 曾 也。 有 相合之害不可言。」不謂 内省 云 廣微 死 嗚 . 見 呼 不疚、 魏 遂 Ţ 其 忠 起 、真矣。 先 賢 何 而 生之學于 與 憂 乘 客 何 其 氏 懼 間 最 氣 崔 生平見其 卒 象。 口 如 魏 慮 先 之 在 生 毒 太 常 女妓

部尚書,錫謚忠憲,廕一子,送監讀書。毅宗烈皇帝崇禎二年己巳,贈太子少保、兵

著書總記

E 書 高 春 録》、《同 》、《朱子 秋 氏 古 家 集 注 譜 本大學》、 **>**′< 節要》、 善 ^ 毛 會録》、《 疏 詩 稿  $\sim$ ^ 集 東 Œ 揭 注 議 林 蒙 邵 集 講 文 **△** 注 義 木 莊 周 劄記 學記》、《三 公年 易  $\wedge$ 孔 四 譜 義 子 × 就 × 要

●「得」、《錫山》本作「作」。

十世從孫光照恭較高忠憲公年譜終

# 黄梨洲先生年譜

〔清〕黄炳垕 撰

二四

四

695

### 校點説明

《黄梨洲先生年譜》三卷,清黄炳垕撰。

定》等。 學案》(全祖 先生年譜》卷首「自 副 餘姚 爲 諡「文孝」,明末清初史學家和思想家,官至南 三十四年(一六九 黨 都御史,入清未仕。 人,繼指之爲游俠,終 人,生於萬曆三十八年(一六一〇),卒於 譜主黄梨洲 望 續補)、《明夷待訪録》、《南雷文 ,即黄宗羲,字太沖,號南雷,浙 五)。 題」語)著有《明 自云一生有三變"「初錮 學者稱梨洲先生, 厠之於儒林。」(《黄梨洲 儒學案》、《宋元 門 明 人 康 之 左 私 熙 江

光緒十九年(一八九三),同治九年(一八七〇)舉亭,别號矜翁,生於嘉慶二十年(一八一五),卒於作者黄炳垕,係黄宗羲七世孫,字蔚廷,號蔚

儀象》、《誦芬詩略》、《忠端公年譜》等。

人,賞內閣中書銜,精於天文曆算諸學,著有《方平

落到 從兄 《黄梨洲 梁,擬 亭集 叔祖 藏」,家 繕 寫 黄穉 炳垕身上。 兩 直垕欲承其志,然身染重病,因 • 梨洲先生神道碑文》,《四部 據全祖望言,黄宗羲曾「自著《年譜 請 份,一 藏 他 圭打 先生年 本也 撰 寫 份藏 算 因「臶 碑 編 譜 銘。 在家裏,一 輯 • 遭水火,並 年 敘 後來「鄭氏不戒於火,失所 **%** 譜,未及 乾隆 份交給 始 副 年 叢 此 而 本 間 年譜 他 刊 逝。 亦 黄 的 (》本)。 》」(《結 歸 學 炳 的 炳 鳥 編 垕 垕 有 並 的 的

廣,「公之一言一事,與夫文詩目之有年 年(一八四五)。 成」(《黄梨洲先生年譜・敘》)。 生年譜》之例,事 家文集、明末野史以及省府縣誌等,「倣《王 案》、《文定》、《詩曆》、《行朝録》、《思舊録 黄炳垕據《行略》、《神道碑》、《三大儒 初稿完成 節其要,文取 後,因 其 簡, 紀 時 事 在 再易 概 道 要, 可稽者,据 光二 寒 傳》、《文 陽 流 + 明 傳 而 先 其

即 林祥 得以 繁,取 三)刊行,這 黄 蹤之 摭 跋 向 初 ( ) ° 炳 在 殆 譜 刻 姚 垕 論 經歷,有足見性 盡 其 自 本 删 世 道 龍 謝 言行之大節 有 久 光二十 繁 知 山 高 體 爲 就 就 人 書 樹 例, 同 是《黄梨洲 已 簡 院 的 志 1 曷 耳」(《 講 資 從 鈔 以 到 師 學 助 情 四 傳 誇 \_ 的 下,於 卷定 黄 學 友之 + 矣」(《黄梨 多 宗 先生年 問 へ梨 九年 爴 滌 爲三 者, 結 洲 同 靡 樓 契, 先 治十 間 編 爲 譜 請 卷, 生 ? 而 際 黄 洲 教 最 年 二年(一 並 遇 X 先 遺 炳 宗 早的 譜 之,使後 之轗 在 生 獻 垕 氏 朱 . 年 事 就 版 跋 軻 建 鎮 八七 實 初 譜 本 夫、 議 行 其 稿

康 於 康 意 年黄宗羲出 題 康 熙 和 熙 明 熙 世 清 三十八 初 年(一 易代; 系 九 刻 年,止 圖 本卷首 生,止 年、 ,正文計 六六九),是年黄宗羲六十歲, 卷中 於 五 載 康 於 始 + 黄 熙三十 明崇禎十六年(一 有三卷: 六年、 於順 炳 垕《叙》、梨洲 治 六 四 元年(一 + 卷上始於 年 黄宗 年、 六四 義 先 百 六 萬 辭 生 治 四三), 四 曆三十八 世, 小 + 卷 像、 下 後 止 年 於 寓 自 列 始

> 各條 生 譜 平、 爲 現 記 交游、著述等具有 存 載黄宗羲 最 早 的 黄 入祀之事 梨 州 重 年 要 譜 價 卷 對 值 末 於 附 研 作 究 者之 黄 梨 跋 洲 是

例」。 年」中 聯「留 最 本」)。 先生」、「仿王、劉 改 種 譜 北 動 閣 後 刊行後,黄炳垕 則 附 集》中 之 同 補 增 容 天下讀 以 處 治十 與 注 城 加 高 如 初 -,於是 留 之 孫 桐 初 一年,黄炳垕 刻 書 書 處 夏 刻 碑 本 種」之意),作 種 峰 如 兩 有留 本 相 記 又 閣 先 在 先生年 ~ 敘 比 加 的 生」、「 初 書 》中 以 結 刻 閣 種 建 構 補 譜之例」二 閣 本 本 提 仿 留 充 本 爲 最 及 在 繼 書 王 行 和 後 内 觀 以 種 陽 修 北 世(以 容 象 一光 閣 明 改,收 則 F 讀 條 語 先 緒 范 取 書 有 下 同 生 黄宗 六 閣 陽 之 所 簡 年 治 年 本 孫 稱 增 + 譜 改 夏 留 羲 條 改 之 爲 智 書 年 楹

局 補 充 和 出 刊 修改,並於光緒十八年(一 版 本。 光 3 緒 王 這次校點惜未得見。 年 政 間 堯 黄 點校的《黄宗羲年 炳 垕 之 子 黄 八 維 九二 瀚 九 譜 對 九三年 **%** 年 刊行 譜 據《前 進 是 行 言 書 爲 補

改「太原」爲「山 世 積 六年冬」條云「邑侯太原 中 吟 從 改 置 交代,王氏點校本乃以光緒 憲儒 八〇)後的 里圖》並行世」; 爲 草》若干卷、未梓」 點校本來看,其 部 衡」,著述 山由 分,黄炳垕 、第二十 廪生考取 任 中「《縣 右。 六世 職 的 情 底 優貢」,官 出 黄維 一改爲 啟 況; 身 本 境 由 桐 與 瀚下則 高 此 開 \_ 閣 ~ 「廪 公 外增 方 條。 職 本又 燹 十八年補 桐 膳 積 補 餘 補 撰《 生 加 閣 里 存 有 入光 入「奉旨賞 同 T 碑 置 本 稿 所 黄氏第二十 IE × 記 緒 刊本 治 不 己 文中 庚辰 庚 同 一样,《 縣 午優 爲底本。 補 境 加 如 年(一 光 刊 開 燹 内 世 貢 本 緒 五 閣 系 方 餘

種》本 淮 著匯 元 系 洲 一刊》本 置 歲 遺 等 書 刊》本。 此 卷下 在乙亥、敬 内 十種》 後,年 題 容, 同 爲「七 譜 文字 治 本、 這 + 的 兩 撰 世 民 刊 上 個 聯語 孫 或 年 本 略 刊 炳 四 還 條 本 有 勒 年(一 垕 有 後 品 只 編 於 光 有 注 别 輯」(參 神 緒 九 敘、正文和 日 座 如 三十 後 《黄梨洲 旁」,《 五 見王政堯《黄 三年,光 的 年 梨 《梨 跋, 的《 洲 遺 書 遺 緒 無 洲 黄 著 + 紀 梨 世 遺

期)。
梨洲年譜考辨》、《北京大學學報》一九八六年第五

考中 集》 次校 而 系 補 去取。 本又較 圖 閣 刊(據《世 》點校 華 凹的 本 點 從 書局 各 是 内容,對 閣 補 本。 即 年譜作者黄 刊 本 刊 以 點 系 爲 本 本 閣 校 詳 的 置 \_ 黄宗羲的 本 本 》末 歸 來 其 爲 和 係 難 他刊 尾 底本,以 炳垕修、 浙 看 以 署 尋到 江 事 閣 本 名),所 古籍 蹟 本 則 二來 初 補 只是文字偶有 較 均 出 刻 的 初 補 據 版 本 用 刻 這 主 主 社《黄宗 爲 力 本 要 要 = 校 所 爲 是 爲 個 在 本, 詳 充 黄 刊 故 改 羲 並 實 維 本 補 變, 此 全 參 世 瀚 而 刊

範 大學 校 點 劉 韶 過 軍 程 兩 中, 先生多方提 承 蒙 北 京 示,謹 大 學 李 致 峻 謝 岫 忱 和 華 中 師

校點者 李瀋陽

獻 先 所 富 軒 生 文孝公也 聲氣之應求 , 輊 或 初 於 西 所 則 其 稱 盩 間 維 三大儒 厔 、公視孫、李有 然 時 李 身世  $\equiv$ 峰 者, 曲 鼎立,宇内景從 先生, 北 則 邅 加焉。 容 東 著 城 南 述之 孫 則 我 夏 宏 峰 無 遺

乾 乞師 世耶 遭 屬 公之嘉言 水 隆 居無 ? 諸 火,并副 公嘗自作年 間 大案泯 抑其 何 叔 懿 鄭 祖 行 待 本 穉 氏 没 與 忌 亦歸 譜,貽 圭公裒 不 夫 其 諱 戒於火,失所 跡, 茶苦蓼辛 甚嚴 烏 鄭 有。 以 集 高 避 欲 遺 嗚 州 无妄之災 使 書 之狀, 呼 起 豫以 遗遗 藏 欲 軍、存亡、 輯 昭 志 天 敝 示來 公 耶 銘 不 廬 年 ? 欲 臶 相

> 得《行 革; 闕, 譜 焉 没 輯 雷 於扶桑,冒 變姓易名,潰軍 然,陽明、 文章,海 思 而 舍子 尺者, 且 1 益 踵 公尋兄萬 ,未及編 腰 兵革之後, 祖 百 顯 況遺 縆 略 志 餘 固 内宗 虞淵 × 其 子 蕺 + 當 ^ 鯨 獻 次, 旋 誰 山二 則 神道 里 年, 波 學 大 運 仰,夫 抱 屬 遺 得 遽歸 繼 焚寨,崩屋絶糧 書 於 T 沉 先生年譜久行 未 哉 獻 碑》、 包董、鄭,行 以 滄 以 七世 陽 疴 有 七世宗子 道 何待後人之表 水火。 彰 海 九, 年 Ш 宗子 所謂 炳 招 三大儒傳》、《文案》、 苦 普, 黨 炳 節 日 錮 其 厥 謂 也 後 一件夷、 遺獻 野 也 後 之 間 之 於世,而 人 遺 葛之味 以 , 餘, 韋 於 曰 之 年 獻 敬 公表 及 揚? 魚 城 是發篋 繼 咎 譜 錐 旃 灑 捕 之 奚 從 不 性 仇 章 昔 以 遺 血 辭 止 淚 兵 編 兄 獻 雖 理 魏

「容城」,初刻本作「范陽」。

敘

之,已六世 書成 世 譜》之例,❶ 日 生 書,信者采之,疑 本,旁搜 文定 丽 於 餘,有足見公梗概者, 不足。 嘉 君子之澤,五 × 嗚 慶 各家文 呼 詩 Z 耐 事 則夫抱 1 亥 曆 有 節其要,文取  $\approx$ 公殁 孟 餘。 集、 者闕之,倣《王 秋, 殘守 行 世 明 於康 以 花 朝 而 末 卅 謂 缺 録 甲 斬 野 年 熙乙亥孟 非 其簡 × 僅 搜 史、 遺 一世 ^ 以 再 輯 思 澤尚 ,再易寒 省 父 陽 周 於 論之, 舊 子 府 耳 明 風 存哉 録 秋 繼 0 先 微 縣 **>** 計 孟 世 暑 志 爲 人 距 生 ? 往 論 等 藍 Ŧī. 子 炳 而 年

至 乎 明 暗 賊 鄉 處 將 中 僦 舉 至,居停主人曰 辛酉、壬戌間 火 乃 賊 居一 使 焚 移 疑 賊 室,寢 廬 書 有 寶 南 覽 朔 物 牖 風 而 處 藏 下, 炳 大 在 知 . 焉 攜 「南牖 作,餘宅皆燔 南 爲 而 者 此 牖 奔 書 譜 避 書 也 明 而 暨 他 必 置 群 北 庶 毁。 所 書 籍 牖 免 北 暗 北 於 盍 避 牖 置 蹂 牖 置 亂 而 下。 賊 於 躪 書 北 亦

> 孝公在 之 年 事 高 慂 共 加 明 不 燬 用 火 ,庶後 次未詳 書 付 知 紀 樹 群 釐 爲鄭氏 延 而 哉 梓, 也 書 訂。 事 謂 及 南 之書, 天之 人得 公 屋 且 牖 不 者。當别 今春 每條 之續 一脊, 賊 實 便 僅 願 出 靈 覘 備 存 助 貲 次第 海 下不 矣。 有 其 朱鎮 貲 注 各 内 譜 遽 以 爲 覶 焉。 白 鋟 梓 注 竟 退 寇 即 補 縷 夫 出 世 且 出 無恙。 氛 護之 矣。 夭 遺 既 孝 之 以 卷。 處 既 亦 所 師 而 廉 者 迺 熄,文 卷 耶? 若 反 普 林 引 復 過 嗚 而 坿 夫 因 風 君 之 博 留 呼 於後 公 岩 事 祥 書, 教 書 採 不 1 生 黄 條 口 居 然 純 旁 聿 種 平 氏 徵 博 中 此 人 稽 閣 興 之 謝 鮮 信 多 出 雅 非 家 行 慫 所 參 牛 殘 文 重 有 救 IIII

日 日 治 孫 癸 炳 酉 垕 斗 謹 指 識 未 申 兩 辰 之月大 盡 前


<sup>● 「</sup>王陽明」,初刻本作「王劉兩」。

### 像小生先洲梨



 $\equiv$ 

### 圖系世



+

世

世

世

+

四 世

+ Ŧī.

世

世

七

世

又號梨洲

Ŧi.

邑庠生。

崇禎甲 有《縮

宛四

又號鷓鴣

六

七傳, 沒 恩 。 以 爲 一 矣。故繇 宗子七世 小雷公至 小雷公以 七世 義爲 《學箕文稿》、 不字 失餘詩稿 生,有《留字棄疾,廕 勾股矩測 草》。 字直方。 学》。今無 《黄山行脚 方直方。有 十八世 Ė 誼 ,聘 有修 解 江蘇沭陽 十九 字天英 庠生,贈 縣知縣。 邑庠生, 頃 世 縣。遷居 從化縣知 東 林 邑城官 號管村, 武 <del>-</del> 111 字穉圭 教諭 沭陽知縣, 大俞山· 國學生。 奉洪温, 廿 字瑞書 字允彝。 球 琰 乾隆 陞 嘉 善 蘇 世 丙子 號 華 號菱午, 號 世 捷算》四卷、《交食要》四卷、《交食 卷、 芬詩 字蔚廷, 貢, 年譜》三卷、 緯捷算》六卷、 《忠端公年譜》二 娶而亡。 業儒,未 西曆歌訣》 早》若干卷,未以已梓,《燹餘縣境開方積里 廿三 炳垕 源垕 同治庚午 《方平儀》 是科舉人。 《遺獻梨洲公 世 《測地志 《誦 象》 有優膳 治庚午,同 字與安, 與父同 未娶而亡。 廿四 維 世

## 黄梨洲先生年譜卷上

七世孫炳垕編輯

明 鉦 姚 萬 洲 以 佳,然須聞金鼓之聲乃驗。 庚戌、乙酉,得日 徵不起,大江以南之士多從之。 子,居餘姚通 公諱宗羲,字太 字。 擊鼓,而公生。 太夫人將分娩,忠端公預推禄 先生。卒後,門人私謚曰「文孝」。 副憲從亡。 曆三十八年庚戌八月八日戌時,公生。 見《文定 德鄉黄竹 鼎革後,講學甬、 沖,號. . 時 孔 日 子生卒 者 庚辰、丙戌, 南雷,忠端公之長 浦 謂 歲月辨》。❶ 與 明 孔子 適有 魯監 越間,屢 世稱梨 ,生物 配合 里 命 國時 優 年月 乳 名 只 鳴 極

> 悲」云 黑 嶷 日 · 壯能舉 痣 麟,太夫人夢有麟瑞故也。 如 錢,左右各一,或曰 鼎,貌古而 口 微吃, 額角 公生 此 日 有 丽 月 紅 岐

三十九年辛亥,公二歲。

四十年壬子,公三歲。

四十一年癸丑,公四歲。

一月丁丑, 二十三日。曾王父贈太僕對川八月乙未, 十日。曾王母章太淑人卒。十

公卒。

四十三年乙卯,公六歲。四十二年甲寅,公五歲。

■「文定孔子生卒歳月辨」,疑有誤。清乾隆程志隆刊馬《答陳士業論孔子生卒書》。

秋,忠端公舉於鄉。

四十四年丙辰,公七歲。

春,忠端公成進士。七月辛未,三日。仲

弟晦木公生。諱宗炎。

四十五年丁巳,公八歲。

忠端公授寧國府推官,公隨任。

四十六年戊午,公九歲。

叔弟澤望公生。諱宗會。

四十七年己未,公十歲。

天啟元年辛酉,公十二歲。四十八年庚申,公十一歲。

二年壬戌,公十三歲。

自寧國回姚,赴郡城應童子試。過空樓,

倉 聞 皇急 笑語 避。 弈棋 聲,遂登 公追躡 惟 樓 睇視,見 見 五 通 神之像設 有 五. 六人

馬。 化寿公以瓜身產子, 疑見弗布也。 倉皇急避。 公追躡, 惟見五通神之像設

七月庚戌,十六日。季弟司輿公生。諱宗轅。焉。此時公以孤身童子,凝視弗怖也。

忠端公考授御史,懸缺假歸。

三年癸亥,公十四歲。

忠端 京。 補仁 夫人以告,忠端公曰:「亦足開其智慧。」 義,公於完課之餘,潛購諸 好窺群 . 和 公授 見朱公未孩大典於李皇親 籍,不瑣守章句。 博士弟子員。 Ш 東 道監 察御 秋,隨侍忠端公至 史。 忠端 小説 公在 袁 觀之。 公課以 中。 京 邸 制 太

四年甲子,公十五歲。

光斗、魏 得 夜過 時逆奄 盡 邸 知朝局清濁之分。 忠節大中諸公與 寓,屏左右,論時 竊政,黨論 方興,楊忠烈漣、左忠 忠端公爲 事,獨公在 同 側, 志 毅

五年乙丑,公十六歲。

公娶葉安人,爲同邑廣西按察使六桐先籍歸。季弟孝先公生。諱宗彝。十二月,三月,忠端公以劾奄媪魏忠賢、客氏,削

生諱憲祖。女。安人時年十七。

六年丙寅,公十七歲。

痛哭。 廉 閏 忠端公分房 芥子,堅不可 蓋 月 忘勾踐殺 惠 曰 至,太夫人痛 生諱宗周。 繆文貞昌期、周 三月,忠端公與高 殉 對 餘 宜 六月辛丑朔,忠端公卒於詔 起元先後被逮。 「汝欲 太僕 蘇 渾,與 冬,書 或 所 爾父乎」八字,拈於壁,公受 鯤 日 餞之蕭寺,忠端公命公從之遊。 解 得 徐 溟公嘗於公出入處大書「 我,第 +; 破 窗油盏 哭 公石麒 忠 此草 至 來弔 竟 毅宗建、李忠毅 公送至 暈 忠 、朱公天麟均 毋忘大父拈壁書耳。」 夕 燈炷 舍 絶、公勸 憲 痛 可 利 攀 得 一郡城, 時 哭 龍 也 圭 吐 而 係 周 青珠, 撮 解, 戊午江 去。 吴 (應昇、 獄 劉 忠 縣 太 如 介 念臺先 後宰 南 夫 金 是 X 細 周 順 鄉 昌 教 問 孝 者 於 爾 人 忠 英 試

七年丁卯,公十八歲。

來弔, 檇 成。 書」之意也 本。」此猶蘇 隨其性之所 利、人情、 李徐忠襄公寶摩 無 流行, 亦 物 將 子 謂 近,併當 理, 兵、 公日 瞻教秦太 可 農、禮、 以 : 石 佐 「學不 麒 廟 路, 樂 忠 虚「多著 謨、裨掌 端 以 可 以 公門 至 雜 爲 生。 天 實 用 雜 故 時 用 世 渡 則 張 地 江 無

崇禎元年戊辰,公十九歲。

使 造 興 袖長錐 恨 興 疏 陳眉公先生繼儒,公出疏,先生隨 載《頌天臚筆》。 謂 人 甚 奄李實爲張永,授以 (獄,而忠端公被禍。 噍李實,令出 三吴諸 嗾 草疏,人京 曹 欽 君子謀 程參之。 先是,忠端公三 疏 頌冤 翻 自 秘計 解 局 削 0 至 籍 過杭, 是,公頌 實 忠端 後 劾 魏 遂以 奄大懼 魏 筆 訛 公用 遇 ·改定。 奄, 奄 言 講 冤 華 織 亭 學 繁

答、顔 與 親 作 請 欽 Ш 前 應 親 體 官 京 盡 親 元。 程 、應元 之條 夏公子承之令公子。 乎 死 Ŧ 元 谏 娅 已入逆案。 賜 則 則 ? 其手 公對 一究問 高 逆 胸 又與吴江 顯 文仲, Z 祭 魏 承 拔拔 煦、 純 黨 卒 丙 葬 ,當與 奄 順 自 曹 簿 被 論 宸 公謂 其 逆旨 訴 Ŧi. 已 應 欽 録 六 難諸 二人 濠 鬒 出 月 磔。 時 周公子 程 後 月,會訊李實、李永貞、 謀 尚 爲孝定 所 9 李 如 拷問 而 刑 斬 公皆其 歸 不 逆 袖 顯 斃 有 例。」公 同 部 免 加 實 妻子流 錐 純 廷祚、 詔 共 於戮 皇 會訊 忠 科 祭之忠端 等, 錐 與 : 蓋 捶 所 端 后 手 奄 上 顯 顯 夫謀 公。 所 外 許 得旨 死 忠毅 況 徙 害 純 搆 純 甥 疏 頭 顯 奄 皇后 者 難 葉、顔 公子。 爲 獄 逆 謝 純 公神 難 流 公又 律 刑 也 卒。 大 恩, 者 之 則 忠 有 崔 血 理, 葉 揕 外 劉 光 位 以 良 議 部 并 被 應 贈 時

> 先 饌。 之, 公柩 哭, 若 獄 以 墨 曰 賄 求 出 勿質。 生 賂 在 。忠賢 中 錐 愚 有 觀者 公痛 來 南 門 錐 公行,其所辨豈 硃上,陰使舉人袁某致三千金於公, 忠臣 神 弔 讀 之。 П 奄 取 位 亦 寒帷 哭而 公即 於 孤 文未 過 其 書 哭。 獄 子 中 京 印 忠 拜,一 竟,偕 奏之,謂:「實當 以 府。 里,魏公子學濂爲文。 信 端 口 左 甚 空本, 右 袖 公姓 惻 有 寺皆驚。 足 李 同 拂 人 朕 寺 信 實 難 棺塵 告 懷 名, 作 令永貞填之,故 辨 諸 莊 佛 前 原 ,痛哭而 子 復 烈, 事 秋 冬,劉 設 弟 疏 於 今 莊 伊 莫不 公 奉 設 H 不 對 念臺 蒲 烈 自 祭 猶 忠 簿 之 觀 歎 端 己 詔 能 狂 時

年 己 巳,公二十 歲

獨 郡 石 梁 以 中 慎 之 劉 弟子授受皆 念 獨爲宗旨。 臺 先 生 與 禪 至是,講 石 梁 且. 陶 流 學蕺 氏 人 奭 大 山、公邀 果 龄 講 先 學。 生

病革 八日。 别。 錢 H 訪 石 陳 御 梁之説,惡言 越知名之士六十餘人共侍講席, 1 又見 眉 冷 也。」冬, 長子 謂 葬忠端公於隱 公 士升 張 「公氣 先生於 棄疾公生。 相 侗 或 旋 初 不入 求 里。 清 先 來 生鼐於其家,時先 儀 先 他 鶴橋 於耳。 + 堂精舍, 諱 公 日遠 百 墓文。 藥。 月丙 到 六月辛未,十 之嘉 留信 午,二 勿忘老 之雲 游善, 謁 宿 生 + 間 夫 E 摧 而 Ŧi.

年 庚午,公二十一 歲

社 隔 京 公季父白崖 H 時 南司 國子 ·太母 南 大會於鳳 牆 中爲大會 一、公昕 盧 監 空何 公時 丞左 太淑人之南 爲 凰 匪 夕過 經 遷 金壇周 臺 莪 歷 照 南南 喬遠 從, 磨 番 中 又招 其 京應 孟 儀 禺 詞 部 郁 韓 署 人如 公人詩 仲 始 天府經 孟 與 馭 授 郁 汪 經 鐮 公詩 上 遺 社 招 歷 桂 歷 民 署 以 署 法 逸 九 南 但

> 業、萬 道傳 也 其 勸 文 倉 日 口 會 行景賢皆與公相契。 林茂之古度、黄明立居中、林若撫雲鳳、閔 者,楊 當 肅 以下第與者,公與眉 張 公理經生之業,始 詩: 遇文文肅公震孟於京 周 見 以 天 年 「延連黄竹浦。」竹浦之稱始此 儀 公落 如 大 少壽祺、 維 部 先 著 斗廷樞、 生溥爲 仲 卷 作 - 馭來姚 後 蔣 名 場,嗟 世 鳴 會於秦 陳 玉 宣 人 卧 ,訪公於黄 場 城沈徵 生 歎 彭 子 時 П 屋 淮 同 昆 燕 子 久之, 得 舟 龍 仲而 又、吴來之。 失,不 舟 榜 君 中 吴駿 竹浦 至吴 ·, 發 眉 謂 E 後 生 足 時 公偉 門。 壽 計 異 南 在 太 柳 民

四 年 辛未,公二十二歲

也。」公至是發憤 溯二十一史,每日 不 忠端公被 通 知 史事 逮時, , 將 途中 架 自 丹鉛 上《 明十三朝《 謂 公日 本 獻 徴 録 遲 實録 學 W 明 涉 者 而 略 不 起, 口 口

檟 未 之孝乃實事 曰 王 雞 敦,步 計 :「汝後 父 鳴 封 方 直二 太 己, 行 僕 日 四 百 兩 耳。 鯤 . 封 百 年 金。 溟 贈 里,冒暑 而 公卒 及我, 畢 太僕 五 公 亦是 至 先 月 摩 是,公 諸 辛 挲 虚 暨 卯 久之, 一, 購 名,今日 + 因 歸 匠 八 喜 日 美 事

五. 年壬· 申,公二十三歲

遠 震 爲 始 豫章四子序之。 几 是 城 與 青 時 甬 至,晚 東 天麟,忠端公門 上訪 市, 甬 E 林、 潮 不乏四方之客。 陸 公兄弟 落 復 文虎 日, 社 生。 之舟 争 符、 孤篷人 相 萬 見公詩稿 也。 依 履 港, 附, 安 兩 崑 泰 先 公 見 Ш 兩 所 生 者 朱 册 先生交。 歲 居 文 咸 靖 知 率 雖 即 其 公 囇

六年 癸酉,公二十四 歲

月。 讀 書 張秀 武 林 初 南 岐然,後改 屏 山 下 濟 與 義 江 即 道 仁 菴 闇 師 浩 口 後 學。 改 濟

> 夫人 天驚 秀初、 未有 月。 沈徵 瞿 陸 就。 林, 同 而 論 升及 文 御 去 語 與 開 當 虎 也。 君 四 史 江道 ×, 沈 公 堂於净慈寺,一 時杭 蜀 稼 旬 秋 眉 兩 眉 同 生返自 周 軒 先 壽 人劉道貞新得法, 叔弟澤望公補 有 闇邀公定交,公與 生、 眉 寓 生刻 讀 式 易 辰,十二月二日。 耜 書社、小築社、登樓社 生 孤 ×, 崑 作 暨 崑 海 Ш 僉 銅 詩 外, 銅《 蕪 謂 諸 數 讀 湖 時 鑿 文 章 壽 訪 書 博 沈 土 空 龍 爲 啟 公於竹 社 士弟子員。 崑 新 同 象之盛,前 甬 馮儼公宗 ₩, 諸 江 銅 上 義 往 至 子 右 萬  $\equiv$ 士 期 浦 皆 真 劉 柱 履 峰 來 室 來 進 與 石 至 不 安、 即 太 破 講 張 武 卿 此 相 遇

七年 申 成,公二十五 歲

仍 與 讀 書社 諸 子 讀 書 武陵。❶ 時 公講習

<sup>0</sup> 武 陵, 據六年譜文,疑爲「武林」。

册 見 中,盡 呈 至省 嘉 生。 殷勤 絲 律 遊 示 迂 姑 爲 教,於一 日 其先 公。 【腐者?」時《高忠憲遺集》初出,公在 ,方廣皆二尺餘, 先 善 牛毛 吕 楚,不果。 蘇 + = 万迂 會 寓 「與張 聞 生,先 下 而 日 返 某家 葬魏 律及 别 人雲淵 腐。」先生久之曰:「天下 適陳 翻 時 非 乾 郡 秀 名 閱 沉 Ш 城 生 有藏 太倉 忠 四 中 默者 初 士 管 覽 先生 節,公即隨劉念臺先生還 清 書 邂 取 先生 占皆 氏 訪 書,公與天如提燈 聲,吹 畢付 [幾亭 餘 逅 譏 鑨家。 張 難 述學《 欲 周 杭竹管肉 摘 以 貶。 天 盡 公,公一笑置 仲 龍正 其闌 之以 承 如 抄 神 於木 先 當, 以天台之學 溥、受先采兩先 以《 其 道 生 定 人釋氏 拳拳 所 大 蓮 與紹守 好均者 中興天 黄 有 編 菴 誰肯 鐘 於公, 往觀 者 會 數 架 書 之, 台 仲 舟 上 以 爲 繭 截 往

> 八 年 乙亥,公二十六歲。

九年丙子,公二十七 正 月丁丑,二十六日。 歲 太母盧太淑人卒。

二月,過 署閲 於隱 聲,儒 文 試。 赴杭 錢宗 有 或 忠端公於化安山。 出 其門下,而卒不相值,論者惜之。 文 表 御 林 公兄弟五人,仲叔兩弟,公自教之,不數年皆大 肅 章 鶴 偕 卷。 伯。 冷 有「東浙三 忠義、 公爲銘 爲 橋,門人徐忠襄公爲狀,嘉善錢 長 仲 既 馮 銘 洲, 弟 之事 公留 而 晦 一黄」之目。 馮 鄉 謁 出出 木公、 公 人之在逆案者, 妬 仙 文文肅公。 初, 以 元颺 而 勤 當時 叔 爲 忠端公喪歸 招公 王行 難 弟 考官皆欲搜公兄 + = 澤望公應 入太 、公遂 過 至是遷葬, 月 虞 倉 , 辭 Ш 遷 守 天 相 葬 解 道 訪 弟 有

十年丁丑 ,公二十八歲

武 林 馮儼公惊來訪。 二月,分守道 南海

公雲 秋 士 來 偕澤望公之杭 饌 虬 者 奉 雲 命 集,公應之, 諭 祭 忠端公, 不露 府 縣 寒 僚 儉 屬 之 暨 紳

十一年戊寅,公二十九歲。

單。 書。 時 辭 有 朗 重 知 留 之宛上,訪沈眉生徵君 治 餘 慶,徵君弟治先壽國 三朗 之, 賄 中 先 人 + 不 凡人 受。 官 家 新 朗三 出 日 謂 Ŧi. 中、 聲 迎 復 治 窘 + 之池 招招 麻孟 用 於 公卧 贈公以《 至 先曰:「此子 金 則 路,遂 事 朗 摇 舉會, 置 逆 州 璇 三家, 白 後 其 訪 三衡 下。 黨 寓 陳 中, 治 知之, 奈 劉 徐 共 與 旅 登三層 先 鎖 伯宗 何 乾 徐 七 冀 會銀 集》。 發 一,不遇 月,金壇 以 如 然 岳 律 拉 公 城 餉 故 家 灰 時 公 也 匣 樓 將 阮 人 信宿 余乎?」 0 律 顏 其壁上有 行, 遲 城 時 空 發 欲 周 庭 大 父。 明 而 出 其 仲 抵 鋮 無 生 則 别 馭 公 款 以 所 宿 藏 + 安 梅 會

> 羽《 言 爲 諸 泥 武 陵 子直國棅、二人忠毅公子。 方杲,端文公孫。 據 大 銅 鑣 南 《神 滑 序 刻《 鋮 士 與 林 死 西 柱、 都 宜 鄭 道 大鉞 奄 黄 臺慟 忠端公集》,楊 碑》及公所作《陳定生 防 元 魏 興 返里,曾 難者之 同 竹 亂 子鉉 子一 陳 來 哭記 浦 銜 揭 定 之刺 沈 古 與 ₩, 學 孤 與 生 》、《冬青 波 難 長 馮 集 濂、忠節 公爲 大 貞 臣 骨 於 生 儼 諸 慧、 會 鯨 維 登 公悰 不 名 來 首 貴 於 先生墓 此 斗 公子。 沈 龍 引 能 士 姚 條 池 桃 先 渡 門 令行 眉 次 攻 插 吴 葉 生 江 寫 誌 ?略》作: 生 之。 也 等。 左 腳 次 過 渡, 忠端: ~ 來 壽 碩 尾 訪 訪 民、 元 此 十二年,兹 注 公 以 齊 X 遂 年。 公像 應 村 子 聲 謝 又 沈 國 顧 箕 柱( 笑 路 署 與 崑 泉 金 子 出

十二年己卯,公三十歲。

子 以 其説 劉 子 竄 講 學之時 人,子劉 員 子 澄 每 臨 員 講 悟 席 兩 而 家 歎 子 孫 公

切,不 以 豈 襄、 畢 求茅 以 鐮。 於是 謂 不 錫 右 周 爲之消沮 王 浙 宜 相 爾 顧子方果、宜興陳定 集,而與公尤密者, 張 公子長生廷祚。 元 天界寺私室寓 商 東文統》之選。● 至金陵,金僉院 山道 有 爾 然。 公 徵 趾 至 丘 ·忍虚 此 日 毓耆 郡 公自烈舉 逐 侯朝宗方域、 事 ? 城, 士, 也 詳 其 等十餘 赴南 朝宗 公所著《思舊録 吾輩 來 邀 得 朝 或 意, 藥一丸,公念朋友之真 公。 京, 宗 之大 門 過 不言,終爲 時 人 桐 侑 些少服之。 天樞光辰之弟天駟 句 廣業之社 應 彼釋學之點者,其 進 知名士 公病瘧,吴子遠 宣城 城 生貞慧、 人 酒 容,訪 解 方密之以 尚 於 試。 必 梅 書 函 王士 恂 損 以 朗 廣 周儀部 丈, 過吴江, 陵冒 紅 四 友。」爾 是時,江 方 智, 方名 朗 退 美 裙 在 中、 辟 仲馭 業 無 而 獄 道 光 洵 公 疆 無 士 氣 爲 日 訪 凝 房

> 年 庚辰,公三十一 歲

謀 生 先 諸 歲 台、越間 員 寂寞,老 台岩紀 誼 叔皆相 於倪 超 生 大侵,邑中點 函 輝 寺, 前 鴻 卧 其 過 僧 遊 向泣 寶 雪 事 剡 刺 其 元璐 得 者數日。 溪 暇 血 是 鄧 集。 解 字 遊天 公告糴 祁 年 模 南糧,充是 世 使 9 過 仲子直 台、 一培彪佳、 糊」之句。 君 公有「大雪封 臨 黄巖,遏 雲 雁宕諸 海 中 訪 方公生。 王 錫 役者家 陳 蕃 莪 名勝, 禁暴 公往 館 木 ?雲□三 之 Ш 叔 嚴 於 來 作 城 諱

十四年辛巳,公三十二歲。

IE.

之南中,主黄比 至 是 繙 閱 殆 遍。 部 明立 公自 庚午迄辛 居 中 家 已, 嘗 干 頃 主 於其

<sup>0</sup> 浙 東文 《稱心寺志序》作「東浙文統」。 統 四 刊 印 熙 刻

言 諦 英 生 孺 磯 古 公 家。 城 干 公引燭燒之, 過 看漁 急往 人 ,真古文種 梅 畫、公與 涉 施 朝 訪 邀飲 朗 Ш 天下 副 天 謂 訊 三共晨夕者數月, 111 八宮有《 舟集岸,斜陽 院 吴 者, 將 朗 公日 大 邦 危, 子 三往 次 悉手抄之。 曜 不受奇零之值 道 笑而罷 也。」冬, :「君文 吾輩不 題 尾 藏 觀 袖 主, 》,公自《 出 掛 公 知 葬外舅 有 更而 網, 都 祀 聞 税 紙 師 御 日 易》 焦 駕 后 有言某 而 返。 法, 史 欲 出 氏 何 葉六 土 學 止 方孩 所 步 拘 書 不落 陶 以 顧 欲 副 桐 家 與 禮 燕 外 未 媚 先 宣 院 多 世 部 有 震

建 五. 太 録 常 室 忠 年壬午,公三十三歲 卿 用用 端公祠,卜地邑西之西 嗾 口 官 其 籍 價 黨争地,東 者 白 蔣 金 某 買 萬曆 之。 浙 辛 士大夫皆爲之不 H. 百 進 石 ± 邑 Ш 事 在 詳 逆 爲 《兩 案 吕 朝 以 氏 湿

諸 後 + 中 薦 甯 未 月 以 虎 京 逆 平. 出 明 而 飇 疏 應試 幾 杪 者 弟 公爲 先 0 一月 經 進 + 疏 補 陸 請 聞 遊 或或 生 咋舌而 凡十 時 謚 文 鐸聲 京師 月 得 金 月 一讀 四 丙 中 徐忠襄 虎 兩 夜, 謚 抄 愈 戊 書於 款 明 子,十日 書 馮 符、 一忠 參 戒 院 餘 公中 走 申 洞 死。 日 爲 端 舍 嚴,不 不不 萬 天 人,會哭 : 萬 蜜巖,探石質藏 人, 節 十二日 爲 天 履 樞 公有《忠端 止 駙 榜後 派 目 遲, 此 安泰 司寇,客 力辭 過 果行。 自 馬 留 非 臺 訪 沈侍 晦 北 祠 京 仙 兩 吉聲 遂令促裝 陽 不 疏 木公不至 湖 下 口。 孝 文. 元 祠 羨周 後十七年,管侍 就 如 公。 郎 颺 袁 神 廉 索公疏 也 祭 絃 馬 中 滄 尚 越 文 相 曲 劉 書 公 培 嶼 書 數 遽 傳 或 瑞 中 與 處 繇 日 原 時 也 上之。 卷。 鄴 日 南 播 延 當 等 遊 朝 陸 儒 仙 歸 御 應 宿 約 市 文 黨 溪 或 欲 中 紹 期 元

十六年癸未,公三十四歲。 冰記》。 爲《遊録》,公則爲《 鞠侯巖,至過雲,識 於卧子,出死罪二人,多傳頌者。 陳卧子爲紹興推官,姚邑有疑獄,公爲言 雪竇,觀隱潭冰 甲寅,抵家。 柱。 四明山志》。 所謂木介。公有《過 晦木公爲賦,澤望公 大雪,登芙蓉峰, 俱已校梓。 雲木 歷

記 長公伯繩內至竹浦 之高第弟子也。」及期,蕺 赴召,先期來祝,云:「余友黄太沖,蕺 夫人五旬壽辰,同邑副院施忠愍公邦曜 六日。季子主一 即來訪。 之崇德,寓東寺。義士孫子度爽聞公至, 之杭,與沈崑銅同 , 派長江, 至金陵而 至 椒 翼日,過子 Ш 寫 公生。 本 寓湖上。 時,太夫人不覺 爲 别。 度舍,遂要之出京 壽。 諱百學,後改百家。 Ш 十月丙戌,二十 張樂演《 先 秋,與澤望公 生製 序, 失 鳴 鳳 使 太 Ш

## 黄梨洲先生年譜卷中

七世孫炳垕編輯

大清 復 闕 未 也 里 蝻 E 杭 川 子 冷。遂 中 録 寓 孩 順 下 月 而  $\forall$ 繼 有 大典、 治 福 則 吴 廣 聞 以東 奄 時 元 而 Ŧ. 祁 揭 Ш 京 里 監 年 黨 沅 熊 海 都 中 林 師 中 申 或 大 某 公 爲 會寺, 御 失守, 之詔 奄黨徐大化 申,公三 鋮 蝗, 雨 史 姓 首 以 復社 名,共 殷汝霖 世 糾 與章公羽侯 至,公遂之南 定 即 培、 念臺 爲 策 從 蝻。 章 爲 功 Ŧi. 百 劉 先 之姪署 給 召 驟 欲 四 歲 念臺 生 事 十人。 募 起 及 正宸、朱公 羽 網 義 中 先 光 其三大 思 侯 殺 造《 旅 生之 修 禄 與 之。 蝗 派 報 書

> 沈崑 生亦 者 幾,大兵至,得免 有 軍 姻連,故 ,公等惴惴 復 銅 逮 特 至 疏 命。 糾 周 遲其駕 不 仲 公遂 左 保。 馭 一碩 帖 論 與 時 ,公踉蹌 死 顧 鄒 子 沈 子 掌 直 眉 方 院 兄 歸 並 生 虎 弟 逮 淛 臣 吴 東 與子 次 寧 陳定 尾 南 未

年乙酉,公三十六歲。 返 支 中 水 邑 承 越 返 几 而 睫 不 徑 别。 城 杭 熊 望 月,之嘉興,晤 吹,自序 公雨 奉 己 晤 進者已二十日 人 風 太 楊 降,先生避 六月,徒步二 训 熊行 塴。 殷、 夫 附 其 人避 九江 人魚 來, 先 閏 生 徐 先 六 居 道 居 Ш 卧 可 月 生 矣。 中 一僉事 白 楊 開 寇 王 , 我 頷之,公復 村 元 里 塴 牀 寶摩 公不 孫 至 感 ,公遂自 手 邑前 大兵 公碩 劉 慨 石 敢 揮 先 時 麒 吏 哭, 東 生家 膚 羽 事 徒 科 繞門 嘉 渡, 扇 Ŧi. 淚 步 嗚 給 績 月 郡 以 事 IIII 痕 勺 Ш 時 明

録》。 耳。 備 赭 殺 孔 息 蒿 餘 馬 月  $\vdash$ 合 士 監 蕞 也 子 + 黄 姚 浙 壩 Ш 旅 英當 頒 或 公遺 公日 進 贵 英 H 竹 東 駐 之 縣 此 之浙 爾 魯 師 熊 竄 之 浦 師 事 能 非 元 甬 軍 誅 公 事 子 王 府 而 年 殺 加 上 江 畫 東 方 總 謝 弟 大 正 陸 以 於 諸 Ŀ H 士 熊 江 國 明 焉。 數 兵 供 於 《小 統 中 行 ,人呼之日 陳 臣 英 年, 而 公 安營 王 百 + 曆 之仁從子。 江 恒 力不 人文虎訪 腆 時 守 恐 計 十· 二 之 萬 1 ? 音 紀 0 欲 其 之衆 仁 宜 年 有 放 亦值 能 步 公 但 月 》隸 挾 詔 船 日 使 朝 殺 迎 與 世 不 是 或 鳴 九 優答,宣 其 見 公, 表 耳 兵 日 監 仲 得 北 月,今 安爲 鼓 忠 進 立 部 兵 謂 群 因 或 叔 一 十 營 等 公 功 即 攻 春 主 臣 相 魯 其 网 從 患 其 不 所 秋 自 言 不 付 事 與 不 Ŧ. 弟 月 也 歎 作 贖 發 當 有 從 史 攝 + 於 糾 朝

> 官兵 泫 有 江 崇明 然 司 矢, 屯 之 無 西 勢 江 所 年 0 海 石 致 之 Ш 之 聞 祭。 忠端 門 後 者皆 户 公方 公祠 亦 盍 是公言 何 以 馳 抽抽 能 兵 驅 支 擾 屋 王 ? 而 材 之, 事 爲 不 又 亦 能 聞 足分 火, 用

二年丙戌,公三十七歲。

爲 忌 縱 行 李 曰 職 柯 援 ",渡 公夏 李 IE. 將 兵 方 月 縣 中 大 泌 監 軍。」 事 如 海 者以 卿 掠 張 客從例 或 遣 此 至 與孫 或 監 兵擊 以 姚 則 諸 此 柱 或 公爲 營 益 公交薦 聲討 虜 以以 劫 從之。 之, 横 大 掠 王 兵部 布 矣, 振 鳴 鄉 鄉 衣 謙 聚 公謂 廷 聚 何 參 陳 改 職 議 犄 以 軍 總 由 監 方 王 待 欲 不許。 角 定 司 察 兵 職 梧 殺 後 封 御 Ì 海 梧 方 之見 梧 以 史, X 敗 正 伯 内 行 請 仍 尋 於 中 地 朝 檇 署 公 兼 方

卿 計。 得 德 偕 而 錫 至 百 乃 壇 盡 以 疏 犯 而 歸 **等**,微 結結 閩 前 義 里之 武 Ш 太僕 付公 衆 所 跡 返。 救之,乃止 安人。 皆 部 捕 ,公歸, 士: Ш 怒 寨 民 一、公與 孫 内 從 寺 之檄累下。 六 適 西 也 Ŧī. 自 服 上,牛酒 、畏禍、 月 爽 卿 尚 月 行, 浙 汪 固 潛 八 等 爲 朔 陳 9 寶 Œ 西 涵 孫 出  $\pm$ 攻下 潛 四 日 來 字 司 中 公有 公力 突焚 日 公 正 叔 内應 會 夫、 欲 明 卿 爲 淛 至。 度,梅 中 嘉 海 奉太夫人 師 四 訪 朱 Ш 或 其 職 河 陳 鹽 合 績 明 監 會大兵 大定、兵 保 寨, 兵潰 方查 谿人。 整 將 西 Ш 餘 軍 以 或 軍 寨 渡 民,不當 軍 由 兵 部 所 記 消 公, 監 得 弱,不 之策, 繼 抵 海 願 部 徙居化 死之。 將 息 三千 已 佐渡海 寧 乍 部 茅 從 或 火 公駐 纂 浦 取 主事 爲 者 翰 攻 能 罪 由 熊 嚴 約 海 公歸 安山 扈 誉 軍 五. 海 前 公 字飛 鹽 崇 杖 吴 從 道 劄 百 遂 卒 進 再 H

丙舍。次年返故居。慈水劉瑞當先生至,唁

慰憑弔,悲嘯震空谷。

四年丁亥,公三十八歲。

著有 撝 年 股 曆 流水間,布算簌 居 中。 圖 假 自 Ш 如》、《 説 ~春 郡 中 秋日 甘露 城來,受之而 回 開 回 食曆》、《授時 方 層假 鞍,自謂: 命 降,注《授 算 如 × 》、《西 層 測 曆故 去。 曆 睘 龍 時 假 》、《大統曆 要 之技,無 義 如》、《氣運算法》、《 公在 曆 》 諸 窮 可 書 島 推 王 與 空 法》、《 約 侍 語 Ш 在 者。」所 御 此 授 古 仲 勾 松 數 時

五年戊子,公三十九歲。

劉瑞 + 月辛丑 有七 當 + 先生訪 日。 季 公於竹 弟司 輿公卒。 浦, 信 宿 公有 而 去。 年二

六年己丑,公四十歲。

監 振 史,再晉 國還 由 南 田 至 左副 復 海 健 上,公赴 都 跳 御 所。 史。 行朝, 七月壬戌,公與 六月,定西 晉 左 愈 侯 都 張 大 名 御

肯 北 史 學 貢 注 兵 侍 乃 優 翊 則 師 巒、李公向 中 王 | 授 堂 授 其 張公煌言扈 乃 稱 不 師 韋 士沈公宸荃、 朝 郎 E H 文 亦 爵 由 ,發 聞 如 心 侍 健 以 時時 與 臣 跳 己  $\pm$ 勝 不 時 右 郎 、吴尚 使 ×, 使之總 得 室, 都 達, 稍 或 公 愈 或 蕩 中 貢 有 泰 事 都 聞 異 遺 胡 不 御 頗 書 方 監 侍 所 盡 臣 西 百 御 而 史, 伯 忮 物 霞 臨 自 劉 或 豫 郎 × 歸 其 史。 不 歎 之。 阮 於 舟 諸 張 公沂 武 定 孫 間 ^ 順 次 日 進 監 口 鍾 誉 大, 諸 則 明 公 , 西 命 健 救 公上言 戀 或 以 立 口 春、 帥 稱 延 主 侯 年 而 者 正 跳 **>** 致 捍 0 之悍 卻 將 襟 兵 龄、 所 尚 張名 E 晉 海 即 \$ 禍 軍 之。 講 又 曆 書 以 右 有 閣 Ŀ 翊 學, 最 甚於 都 壬 諸 吴 公 \_0 振 忠 兵 愈 臣 王 司 午 强 督 公 暇 既 誉 部 監 以 張 都 臣 翊 録 方、 mi 失 惟 文 表 之 家 則 公 右 宜 卻 北 御 鍾 或

歲。 外 第 時。 里 請 E 後 是馮公第二次乞師 或 奉 之。」又案: 但 不 而 云 歷 西 載 外 仗 亂 慟 得 長埼 由 太 副 一行兮 間 馮 孔子 是年 哭紀 請 夫 不 我 健 公奉使 澄 先 嗚 行 與 公爲 跳 人 波 胡 蕯 公 能 我 歸 所 懸 咽 **%** 徙 神 至 斯 爲 將 殉 始 家 爲 所 濤 弧 作 道 瑪 平 舟 居 末, 案: 軍 或 姜 碑 賦 以 兮, 中 詩 易 泥 Ш 园 事。 阮 餘 吴 伯 中。」 而 0 ^ 栖 全氏祖 所 方粉 城 式 於 名《 美 三載, 公 復 載 約 辰。 八 栖 有《 己 則 微》之章 乞 召 駕 矣。」 飾 月, 有 無 不 窮 明 是 望 夫 日本乞 公偕 與。 師 年 贛 公 曰 忍 隆 島 公禄 忠端 四 板 乃 返 嘗 日 州 平。」又 去 集 惟 「公《日 故 + 失 偕 馮 船 陳 本 命 公 居 **%** 也 事 馮 避 侍 師 以 與 殉 初 情 × 以 日 地 送之二 至 難 度, 本 郎 紀 感 監 抵 + Ш 行 賦 時 今方 聖 乞 紹 × 躋 將 或 月 中 長 只 四 返 武 而 有 師 有 仲 +  $\sim$ 埼 争 换 後 余 亂 日 海 7 句 斾 京 V. 諱

爲《行朝録 皆此 紀 數年 舟 Ш 間 興 所紀,後合《隆武》、《魯監 廢 又 》、《沙 有《汰 定 存録》一 洲 紀 亂 卷。 《賜 國》、《 姓 本 末 永 》各 曆 紀年 卷

+ 年 時 安、高 即 被 熟,館錢 家。 陸 返 偷 傷 庚 調 (結埼 行名 大帥治浙 獲, 庚寅,公四十一 至 麗 心 寅 護 生 亭 崇 公有 憶 京 於 至 而 待 日 集 捕 陸 德 脱 聞 枯 Z 氏 中、 . 死 之。 公至, 圻。」熊公夫人 句云:「桑間 未 樹 鷓鴣 絳 訪 牢 公弟 東,凡得名籍 馮 之詩 也。 雲樓 孫 户 冬, 先 濟 生神 子 中。 强 晦 歲。 道 宅前 爲 自 下, 度<sub>,</sub> 木公以 之人城,同 道表》。 ^ 諸公以 西 公潛 老 向 方 因 隱 袁 有老柳, 柳 欲 將 得 與 跡 移 參馮 至 集》,猶 三月,公至 逮 與 計活之。 海 盡 懷 居 甬 之 爲 繙 E 孫 入京,公爲 柳 宿 侍 大風 劇 爽,藥 其 有 下, 吴子 與 郎 昔 談 書 連 拔去三 萬 軍 詳 故次 籍 常 虎 事 籠 履 而 見

> 株,僅 存其 故 云。 外 舅葉 六桐 先 生遷 葬 园

東 西 黄 浦 ,公送

辛卯,公四十二歲。

年 間 住 翁 洲 使 柳 人海告警。 下,王侍 即 舟 Ш 御 城 仲撝 陷,監 九月丙子,二日。大兵下 來訪。 或 再 夏秋之交,遣 閩

季 子 壽 生

九年壬 辰 、公四 十三 歲。

著 去。 ^ 律 吕 新 義 >, 王 仲撝侍 御 來,受之

十年癸巳,公 四 + 几 歲

而

訪 Ŧi. 先 破 史,山人 陳 月,華亭申 寂寞。 生以 少保于庭、定生貞慧父子皆有詩爲 梅 雨 所 間 太夫人六旬 作 連 戲爲 定 正 緜, 山 江湖 人 蘇 氣 自然浦 堂壽 氏 相 述 壽 士,膏 讌 其 南從 辰, 序 昨 甬 汴 夢 唇 來 梁 上 調笑, 祝 有 萬 蘇 裨 陽羨 氏 履 以 來 舊 安

年甲午,公四十 Ŧi. 歲

天台 以 義 與 朱氏,公第三女,適諸 兀 神 以 草 、董次公守諭、高 夕 道 答之。 廬《易 ,悼周 ,公於是又招 碑 銘》。 侍 纂言》爲 馮 者 行 日 人 生朱沆 定 名 中斗魁兩 問 愷章乞中 捕 四 一、公即 侯 間 寓 冬,送女之甬 使至 先生話 萬氏寒松 疏 派 其 留 卦 被 仙 下 執 重 之 公 東 於

十二年乙未,公四十六歲

賦 壙 從化安山至門士魏己任 志 除夕, 故 括 季 丙 申 子 年 壽 之詩 殤,公最 爲《杏殤集 一思澄故 鍾 愛, 居 集 愴 中 然 有 有

十三年 化 李二君救之,乃得 木、澤望、孝先三公均 二月朔 安山 方 申,公四十七歲 Щ 三月, 燒,將及禁塋,夜同 墓祭戴 放 歸 爲 家 因 Ш Ш 避 賊 亂 所 公 ,澤望 縛 與 城, 弟 公 沈、 寓 晦

> 返故 月 雅淳,其子 霖。 外 捕、公頓足 公遭名捕 去半,十 家。 秋,返 居 孫 四月 而 諸生,林 年 以 心故居。 脱 日 屋 亂 痘 : 崩 死 殤。 次 世 公之長壻 子婦 毫 尚 死 繼 慈水寨主 公詩 矣! 釐間 無 而 央。」 孫 糧 也 云 -孺 絶。 賴 仲 紀 人 諸 故 沈爾緒禍 弟 卒 太 其 1 雅 人 晦 夫 於 事 口 六 朱 木公被 人徙半 寓 旅 也 救 湛 作, 之, 侯、 旋 Ŧī.

得 免。

+ 裒 蘿 碧霞 作 四年丁酉,公四十八歲 春 虞氏,即 至 杭 生 巖 前 詩 一、公於 訪 誌 元 鳳 上高 君 慨 館 汪 鳴,其遺民 祠。 孝 於其家。 是 日 去年 廉 得 公爲 中 魏 爲 過 與 美渢 Ш 往 訪 爲 仲子直方公就 兵 上虞之名 0 來 縛 顔 即 至 遊 花 敘 此 寓 覽 伯、 朝 地 孤 前 懽 陸 Щ 山 登 爲 宿 然 苞 蘿 婚 講 金 道 甫 石 壁 范 古。 井 虞 Ш

八

調 息之法,各賦三詩契勘

莊 年戊戌,公四十九

慶寺。 T 生。 同 生消息,因作詩寄之。 酉、戊戌兩年詩名《金罍集》。 澤望公之郡城,過 登柳橋, 弔王元 吴門鄒文江 來 海聽 趾 訪, 先 時眉生已返故園 生。 軒,弔倪鴻 始 得沈徵君 之杭 寓 寶 先 眉 集 昭

十六年己亥,公五十歲。

黄琮。」 句云: 於蹂 者 師。 日 雜詠詩》,公謂讀之横 二月,之杭 往 也 來 躪 海上亂 「傳死 **定省。** ,乃移居剡 晦木公奉太夫 孤 ,防海之師 傳 Ш 明年冬,返故居。 一,訪汪 生 中,即化安山 經二載,果 人寓 身苦楚、淋漓 孝廉雲 望門 哭沈 而食,故 溪 居 然 有《 崑 П, 烈 訪 銅,有 火 公間 滿 Ш 居 療 苦 紙 居 菴

> 亥,五 討方以 猶 至玉 與 章 居龍虎 松 净 也。 林寺尋《虞永 康,辛未入山,拜李忠毅公祠,宿開 遊 日 一寺,晤、 龍 坪 E 嚴羽儀夜坐。 一,過 妙寺,歷凌霄 東峰 虎 雲龍寺, 川門,與雁 遇 日。 智 Ш 蕭 時 堂。 狀 Ш 徐 高 Ш 已爲 類虎,西 返 堂。 一,訪徐 且 州 八月 南 探雨 僧,改 興 中。 閻 康。 四 峰 巖, 碑》,歸宗寺辨 Ш 明北 古古爾梅, 遊 甲 狀類龍、公丙舍 徽之,不遇。 名弘智,❶字 九月丙寅,十 花洞,遂之金陵。 夜話,即 庚子,舟發 登 午, 萬杉寺,訪白 麓有化安山,故宋所 五老 + 限 峰 H 東方密之。檢 無 韻 絶 適 可。 五老峰下, 真净元社 四日。 渡 爲 當 賦 頂 鹿 其間 十月丁 錢 詩。 匡 先寺, 洞, 謂 復買 下萬 抵 塘 廬 大 剡 大 經 南 天 之 名 中

十七年庚子,公五十一歲。

<sup>0</sup> 出校。 弘, 原作「宏」, 避清帝弘曆諱,今回改。 下 一同,不

舟 宿 丑,返姚江 其 ,至崇德,適高旦中、 寓。 刻人叢書 + 有《 月 王 己巳,十八 廬 行腳詩》、《匡 澤望公在城中,入 日。 發崇 一廬遊 德。

十八年 辛丑 一、公五 十二歲。

録

撝欲 故居 之偕 已爲 天官 甬 斯禎、 仍居 昆 全書》,新安門士校梓。 仲 Ě 道 至武 居 壬遁 龍 賦 寓 季 士 剡 詩 野斯同、貞一 虎 高 之學。 林。 、共學。 自 話 山堂,著《易學象數》。 氏 角 舊 小 歲 返 樓, 盡 過 常熟鄧 王 公方著《緯 元夕,甬上門 一避盜 言訪公山中。 與辰 侍 訪, 御 孝廉 倡 仲 四 出 斗權、 撝 和 龍 書三史》, 起西大臨, 旬 來, 虎 士萬 日 日 鈔人《四 Щ 春暮 公授 公公 中斗 允 權 與 仲 以 誠 寓 魁 時 庫

康 熙元年壬寅,公五 元 夕,甬上萬子貞 十三歲。 一來訪。 越數日,郡 中

> 埠。 際 子,八 著《 又著有《留書》一 故居又災。公詩所云「半生濱十死 劉 伯繩 一年」是也。 明夷待 約是年詩 日 先生 龍 訪 卷。 虎 一汋,忠 録 爲《露 Щ 九月,徙住 一堂災。 正公子。 次年冬削 車 集 Ŧi. 》,誌 來訪。 筆,二老閣校梓。 藍溪 月乙亥,三日。 不 市 安 處 月 即 兩 也。 陸 王: 火 公

一年癸卯,公五十 四 歲

劉 斷 仍 鈔》。 月癸卯,八日。 書水生草堂,與公聯牀分檠,共選《宋 草堂唱和》詩。 四 太夫人七十壽辰,公有 伯繩 集》, 向 月,至語 學,浙 踰月,以弟澤望公報 用孟 先生問律吕,公以書答之。 河此 溪 襄陽「心斷脊鴒原」之句也。 ,館於吕氏 澤 吴孟舉之振暨 母尚安全。」是年詩名《心 望公卒。 句云: 梅 花 詳 病 公所 猶 閣,有《 「白首有兒 子自 馳 作 歸 壙 水生 牧 志 詩 讀

年 甲辰 、公五 + Ħ. 歲

其 道 虞 靈 開 訪 序》,一《顧雲華 月 西 公,款對 即 金 而 完於烏 門 送 巖 家 侣 杪 月, 李膚公遜之,忠毅 畢 Ш 導公入室,反 , 使 訪 真 公 益 病 也 心山言: 弘 同 人代草 周 越 於 革, 繼 數 Щ 目。 以 弟 子 數 尋 城 起 人, 吕 吅 晦 封 佩 與 日 「顧 西 時 儲 用 翁 首 木 見 茂 張 顧 不合 熊 集 楊 墓誌 鎖 晦 同 蘭 公偕 稱 鹽 即 泛受法 雪崖 公子。 公子 於外。 文蓀 忠 弟 忠 謝 ×, 臺 吴 以 我 烈 介公子。 於 晦 一《雲華詩 高 求 喪 孟 意 符、 玉 靈 祠 於 顧 木 鄧 日 文三篇, 事 舉 巖 書 公急欲 下 赤 公 石 起 秉,文肅公子。 繼 知 中 同 相 兄弟 岸 麟 公。 暨 賓 西 非 之 序》。 生,裕 至 涕 託 訪 皆 以 高 兄 語 常 泗 返 出 一《莊子 起 精 公未之 日 潤 即 熊 不 熟 溪 愍 棹 而 中 公子。 西之 舍 筆 主 可 漁 别 E 鼓 徐 於 起 館 千 適 Ш 刀口 注

> 二月初 净慈奯· 病 是 其 杭 堂 公詩稿零落,許 月,返里。 沈眉生,文江失約,公亦 遂乞公作《三峰第二 昭 見之,嗟賞 一,取蘇 留郡 年詩, "、寓湖上,遇 縱 癸巳同 法 枋、 談 旋 堂 繫 周 文忠行記之意, 七 城 里 來 爲 之《吴 \* 甬 畫 子 不已,謂 之客 公燒 潔、 月。 上 夜。 申 門 寫 霜 鄒 Ш 艇 豬 公篋 + 士萬公擇 净本,公因 一此 文 集》。 沽 碑 月 霰 自 江 酒 真 中 初 將 日《 然 悵 震 有 問 王 公約 痛 盡 復 於 文 |I|南 雙 劉 然 斯 飲 之語 南 選 相 數篇 也 汰 白 伯 雷 文 而 而 過 視 屏,公問 其三之 於 繩 詩 江 11: 歸。 謁 唏 先 曆 同 繼 天 昭 嘘 生 見 返 訪 起 法 Ш

四 年 乙巳,公五十六 歲

嘏、 春 ,角上 變獻赤衷、董在 萬 充宗 斯 中允瑶 大、 季 野 巽子 斯 同 道權、 陳 吴 仲允 眉 錫

卒。 美卒。 溪。 共八人。 蒼水》、《劉先生伯 哭之,作《八哀 日 璘、 江 事 碑 公 南 擇 ,家信至, 記 周 ,有句云:「弟子 而 樓 仇 十月,又聞 長 逝 斯文。」公未刻 登 而 滄 范 月 龍 建續鈔堂於南雷 生,不果行 返。 柱 元 日 Ш 嘉禾巢孝 兆鰲等二十 則 長 公之語 拜輔潛 用 繩》、 詩 叔 自 晦 申山 **%** 父季真公亡矣。 《錢宗伯 江 自 稿 朱門 《八哀詩 右 廉 以 溪 有 平 庵 餘 人自然 《輔 至,傳 長 端 湖 先 人 虞 同 無 潛 明 箋致之, Ш 至 生 咸 》合《甲 晦 庵傳 鳴 立 墓 來受業,信 木 客 陳 傳 盛 傳 議 公 死 晉 訪 汪 菴 辰 公 州 欲 憑 義禪 哭張 孝 公 長 暨 重 類 越 於 訪 1: 生 誰 爲 萬 廉 師 可 業 語 未 吴 立 魏 好 宿 而 子 馬

五年丙午,公五十七歲。

仍 初 先 館 生 語 溪。 又 之海昌,同 偕 至 朱 康 陸 流 冰 先 修 生朝瑛家 嘉 淑 訪 陳 乾

> 夜 化 載 檇 讀 此 至 載十 其所 鹿寺,公過 ,閱之殆 李 而 金 高 陵 記 耳。 嘗 氏 梱 書歸 五. 遍 人何 而 Ŧi. 經 出 郡 月望,東歸 祁氏 於 元子楷署 劇 與 吴 談 書 曠 氏 澈 賈 園 之振,公 夜, 中 人 之書,亂 討 Ш 旋 謂 復 生 在 論 翻 之 平. Ŧi. 語 閱 後 語 大 經 溪 遷 溪。 觀 至 至

六年丁未,公五十八歲。

心 公表 姜定 裹 有 虚 舊 萬 之所 對 其 物 月,之郡 四 之總 待 顯 菴 子劉子講 席者二 希轍、 存 言 師 日 名。 門 不 非 城 静存之外 張 + 之學,發前 所 以 詳公所輯《子劉子行狀 奠 學於證 邂 餘 發。 前 大應鰲 年 逅 後 王 0 際言。 — 曰 無 人書院,正命之後 一仲撝 九 兩 人 動察。 月,公與 已發未發 所 先 侍御 未 生 發者 復 日 悽 爲 日 太 同 董 大大 講 意 門 吴 以 極 愴 端 仲 友 表

疑 而 書,禹梅聞公之論,自焚其稿 公,公授以《子劉子學言》、《聖學宗要》諸 以 也。」詳見《答吴仲 明 疑 近作求正。 良 名是年後之稿曰《見黄稿 意爲 知 謂 是 心之所存」 未 「先 發 五月,慈邑鄭 書 之中, 師 未 意 萬 爲 爲 子貞 其宗旨 得 心之所 也,作《 一至自 禹梅 不留一 IE. 存 相 劉 梁始見 南 印 與 字, 子 潯 質 陽

七年戊申,公五十九歲

乃大闡其傳, 中 得 也。」公次壻茂林 殭 始選《明文案》。 於證人書院 始學 室 餓 聊 礙 深 於子 備 解 Ш 蕺 盡 而公之學問 剥 Ш 劉 有《 發 始 門人之一 子, , 蕺 藏 知 Ш 其 至郡 證 書 冢 才思,復足以通暢之。 曩 時 人 孫 而 日 也。 志 會 城,仍與 數 讀之近二十年 之孤負爲 在 語 公從其 耳 舉 一業,不 天 家搜得 公自 同 移 不可 門 地 海 能 會 謂 遺 内 轉 書 贖 有 講 胸 翕

> 《授書隨筆 經爲 月 上 寒村之文章,其著焉者也。 獻、萬充宗、陳同 橋 講 公擇之名理 **编於大江以** 然 ,鄭子 有 ,又會於延慶寺,亦 席 推 講 根 爲 劉門 柢 經 三月,公之鄞 禹 張 南 游腹 會。 董、 梅 孟 ,而瓣香所注,莫如江 旦 子師 一亮、仇滄柱、陳介眉之經術,王文三、 薛云。 以 復、 公深於經術,所著如《易學象數 空談 古文謁 説 董吴仲之躬行 》等 甬 終 與與 公謂 書 上 以 公於竹橋 皆 無 諸 諸 證 發 撈摸。」 門 子 東。 人名之。 前 ,萬季野之史學,鄭 學問 士 大 人所 門下士 請 會 未 於 必 於 主 公講 如陳 是 以 鄞 廣 論 甬 六 几 濟 萬 城

八年己酉,公六十 歲

之,且 子,議 先生日初來,以 勝,有《雲門紀 春 至郡 論 曰:「今日 城,仍 不可以不 所 遊 寓 著《劉 知 一》詩 證 先 人 八首。 生之學者 子節要》書 書 唯於先師 院。 毘 遊 陵 言 雲 唯 欲 惲 意 公序 仲 門 我 所 諸 與 昇

在,稍爲圓融。」公曰:「先師所以異於諸儒者,正在於意,寧可不爲發明。」詳見《答[神异書》。同弟晦木公及從弟道傳公諱宗裔。之語溪。八月,公六十壽辰,鄭子禹梅、萬子貞一欲徵文相寵,公謂:「某不得遇先公之五十,以申其一日之愛,何敢之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之例辭之。冬,觀海達蓬山,有《達蓬紀之》詩八首,并作《海市賦》、《香山寺志》。是年,季弟孝先公卒。

## (梨洲 先生 年 譜

## 黄梨洲 先生年譜卷下

七 孫 炳

康

拜 諸 閨 熙九年庚戌,公六十一歲。 相 曲 壽 Ш 證 墓 、烟霞諸寺,遂上 ,求爲其 人書 公宿 聖院,返 <u>+</u> 越 月 數日,泛西 院 石 丙 湖 井 午,十九日。 祖 宿 船 ,賦 雲淵 山 鉢 而 陰 詩 池 П 湖 周 先 紀 菴 風 作 至南 允 生作傳。 事 同 篁嶺,酌 長 華 明 邛 歌 率 在、 日 秋, Ш 紀 子 之郡 冒 晦 之杭 龍 歷 弟 井泉, 木、道 雨 高 升 麗、 城 冬, 披 寓 階 爲 勾 尋 法 吴 再 寓 傳

> 荒 收,從 次 選定,題 得 遂 Ш 適 十年矣。 沈 曉 ,景象慘澹,聊 同 遇庚戌,其支干爲 眉生手 本 至 前猶 晳 呵 日《 特 育 勝竟沉浮。」時 冬盡,雨雪十日不 爲 書,有 庚 王 E 戌 寺 堂 集 取 觀 句  $\forall$ 平 言 舍 云: 以 日 再 利 之文 值 生 、公力 眉 韓 春 於 也 生不 盡 文公來 庚 自 止 來 辨 戌 娱, 通 書 四 其 今編 音 歲 大 野 也 誣 爲 問 暮 X

十年辛亥,公六十二歲 矣。」 觀 之郡城 公文, 歎 張 郡 ,寓古小學。 侯 日 來, : 請 修郡 JII 魯 以

庶

常

韋

菴

桌

來

訪,

後

白

年

無

此

作

+

年壬子,公六十三歲

志

、公辭

焉

選 鄭 凡十五卷,已校梓。 歸 子禹 涉 姚 本 江逸詩》。 邑者, 梅隨父秦川先生溱謁公於續 必 後又 爲 公平日 輯 記 别。 姚 江 於諸家 文略 是 年 》、《姚江 文 始 選 集, 鈔 瑣 凡

堂

文允、高

辰

四斗權、元發泰初邀

公人天童

甬

高

日

中

題

主

至烏

石

Ш

明

日

其弟之子銘爲 尚 未梓。 作《贈少保施忠愍公傳》,并議 後 議 載《文定後集 立

二年癸丑,公六十四歲

部 公取 先 者 祝,公有《謝祝壽諸君子》詩。 著《鶴齡 寫 適 生奇 并 而 流 甬 以其流 傳。 去。 上,范友仲引公登天一閣,發藏 壽詩 逢 録》爲壽,巢孝廉端 時 通未 崑 太夫人八 年 一章。 Ш 九十矣。 徐 廣者鈔爲書目,遂爲 尚 李徵君 + 書健菴 寄 ·壽辰 到 映  $\wedge$ 理學宗 孫 乾學 碧先生清寄 明 徵 亦爲文以 使 門 君 傳 夏 生 好 **>** 所 峰 謄 事

十三年甲寅,公六十五歲。

寢竈 略 屯嶴 時 群盜 臨 九 圖 徵來聘書室。 泊 Ш 以 滿 九 觀 咸在焉。 山,奉太夫人之海濱第 龍亭,觀 海。 發篋,得半山 室容一几,三几之内, 石 暇則泛汝仇 壁鑿像 訪 、諱嘉仁。 湖,歷牛 辺 東 門,寓 Ш 景

> 集。 州 明名勝者,莫不淵源於是。 九題考》,并各繫之以詩。 有《 諱 四 皆爲之校正 一尚質。 明 Ш 諸公詩藁、《 信 個 和 詩 作序。 》,分爲 縮 唐 九 陸 齋文集》,澤望 題,後 公作《四 魯 望、皮質 之言 明 襲 Ш 四 美 公

十四年乙卯,公六十六歲。

過 二卷,亦鈔入《四庫全書》。 楊慈湖先生墓。 南 十七卷。 五月三日 來,接沈眉生四 訪 Ш 遂同 亂定,閏五月,還故 鈔人《四 逝世,此書蓋絕筆 遊永樂寺。 月二十日手 庫全書》,後廣爲《文海 《明文案》選成,共二百 八月,有客 居。 書, 也。 秋, 而 巡百百 車 孫 眉 自 廄 生 千 長 於 洲 頃

十五年丙辰,公六十七歲。

夫胥會於北寺。 令,以公曾主教 二月,之海昌。 安陽許侍 於 崑山徐果亭秉義宫詹來, 越 中、 甬 郎 東,戒 酉三三禮 邑士大 爲 邑

六

之寺 雲岫 觀 仇 君 美《 公囑 呈 甯 江 出 百 网 日 健 日 滄 一請 北 仇 人 》,公嘗謂 月 Ш 菴 哭 與朱止 中 柱 門 鄭 先 月並升記 殘 滄 評 Ш 「諸公 大 師 而 照 柱 子 生 彈 即 司 Ŧi. 邵 覲 至 魯》 鷹 已 F 禹 炎 愛 更 寇 陳 歸 蓼 谿 范 窠 武 梅 六 時 詩,次 民 終 頂。 子棨、 寓 先 遣 奈 文 作《 月 作 身偲 起 盡 書 生 許 門 何 清 陳 觀 墓 己 觀 於公, 遂至胡考轅先生家 留 職 公約 心 嘉 人 東 子 彝 合 其 未, 誌 之, 偲 徵 别 事 籬 即 彭 文、 仲 朔 韻,《 銘 剪 之力,眉 海 + 菊 八 遇 以 時 羨 至 燭 有 查 昌同 日 月 花 雨 習之學也。」 所 門 其 前 哭沈 九 論 句 夏 邊。」 朔 著《 孫 有《 地 月, 葉 學 云 重 文。 生 日 遹 日 安 序》。 日 鷹 許 眉 與 讀 至 范 復之海 來。 九日 人 知 窠 生 公 陸 公 海 蘇 文 如 卒, 録 徵 觀 遲 鹽 文 此 袁 留 頂 與 公 顧

> 濠校刊 上全 儒 氏、 郎 惟 公祠 藏 案》成, 晉重 慈水 書 學案》,尚 甬 謝 E 墓 板 梓 Ш 鄭氏續完萬氏 其 萬氏 太史祖 一碑銘 之本, 共六十二卷。 旋燬 子令修 各刻 道 未 爲 亦 望 數 有 **運**正 州 又續 成 卷 賈氏 爲 何子貞編修 所 編 而 修 未 氣 公發 輟 遺 之,共 攙 刻 故 録 人 鈔 命主 爲 處 城 入《四 其 善 紹 賈 刻之。 百 故 本。 基 氏 後 卷, 庫 重 篋 所 公成之。 又 全 厥 慈 刊 刻 輯《宋 後 水馮  $\sim$ 雜 莫 明 集 以 安陽 寶齋侍 Ŧi. 儒 忠 臆 橋 見 端 元 學 甬

六年丁巳,公六十八歲

傳,皆 添 行 公日 作 海 仍 昌凡五載,得公之傳者無聞 得 數 主 講 墨 義 海 是糊 條 音講. 各人自 以 令司 骨子, 心之具。 附 席。 講 會 則 用 公每 宣 障 得 先 讀 着 朱子 T 拈 生之言 焉。 的 讀 路 所 四 惟 畢 方 謂 書 光 勾 是 股之學,陳言 辨 明 譬 則 或 學 難 也 之 聖 問 0 燭 蠭 五. 經 公在 經 起。 賢 尋 揚

誰 無 荐,以元 倣 堂先生文允至,爲 誌 得其 没,停筆追思,不知流涕之覆 傳》,公謂: 子 淺 道 夫。」乃告於世之爲郭元 告以不出 訒 余若水、 葉水 一、公即 在 之。 ?」公乃按《 萬充宗 土,公聞之,泫然 庵 傳 者, 耳。 杲堂 心 甬 士方 荐 次 蒼 甬 董 山之意。 周 併 E 又謂 同 其 二十年 水 E 丁其事 藹 唯 誌 錢 仕 韻 張 董 Ŧi. 奇 陳 魯 於 公曰:「文山 司 古 子在 會稽余若水 勉 零草 齊曾,甬 同 恭 行 且 馬 陸文虎先生之喪 三百 其 歎 來乘桴之事 父、 煌 帳 來,求《 憶 中 **>**′ ≪ 言 承 曰:「是余之 也。 其生平之崖 人。 王 振者, 自 五 莊 北 之銘 道 + 渠 京 今行 兩 屬 忠 增遠求銘,公 面也。」李杲 征 字, 夫之例, 來 之 先 銘 而 介公 録》 絶 ,若滅若 非 帳 生 使 慫 寄 於 學 次 子 之 墓 契 尚 鄧 罪 思 到 略 肅 作 臣 弟 誌 而 葉 元 也 在 就 而 樂 而

> 之,以 梅 作《忠端公集序 爲 銘。 司 馬葬 杭之南 囇 鄭 禹

十七年戊

午。 韶徵 拜 公石齋先生,諱 辭 先生爲疊 公門人陳庶常怡庭錫嘏 以公名 授時》、《 徐 乃 至海昌, 忠襄 博 止。 學 午,公六十九 面 公墓 西 Ш 奏聖 鴻 行狀》作己未年事,今從《神 洋》、《 、九靈之 道周 許公酉 儒 祖仁 亦 掌 口 謚 院學士 三從,受漳 皇帝, 殺 歲 忠端。 回》 身 大驚 也 《三易洞 H. 葉 曆。 -! 因 日 移 文 海 道 「是將 敏 登龍 文 黄 代 碑》,係戊 公方藹 璣》及 吏 忠端 爲 部 使 力

十八年己未,公七十歲

侍。 天 庸 來求《藏書記》。 閣 泉,拜忠端公神 秋,之杭 范左垣重訂書目,介門士王 與與 陳 之海昌,季子主一公隨 子 位 夔 獻 六 同 寓 泉 吴 有 兩 Ш 文三錫 朝 忠 烈

史鈔 兩 監 祠 言 學 修 尋 同 》授之,並作詩 改 明 修,公以《大 爲 一徵 史》 廣 公門 化 總 寺。 士 裁 萬 南 徐 以送其 事 處 屏 立 記 士 尋 齋 季 張 元 忠端公所 野 文、 蒼 斯 水 葉 司 司 訒 記 明 馬 庵 經 方 墓 貞 藹

正月庚子,十日。姚太夫人卒。年八十有七十九年庚申,公七十一歲。

於史學 先 勘 館 公本 以 聘之修史。」乃與前 V. 正 凡 一。」李方伯士貞 生清 月 如 禮敦請。」公寓 齋 黄宗羲 个 展,代 者,着 徐 庚子,十日。 干册,使胥 嘗欲 兩 公謂 人特舉 重修《宋史》而 以 該 有 老病 地 「公非 所 因 吏 遺 方 姚太夫人卒。 論 書 數 招 疏 官 獻 大理評 著 制 可召 未就。 十人 季 辭。 鈔 及 府李公之芳、撫 子主 奉旨: 録 所 使就 繕 有 已又奉 事 來 見 《叢 寫 興 京 聞 公至署,較 試 目 進 着 化 補 有 者 宣 特 遺》三 該 李 資 付 旨 軍 督 映 或 卷。 七。 碧 史 明 李 撫 口

亭宫 夫人 核。 公審 案,總 舊 值 浣 壞。 湯 隨 師 斜 陋,公謂 又 公斌出 輯 一老託 陽 牛 題 花 文文肅 公參史局,公以 愴 地志亦多取公《今水經 IE. 裁 明 立 事 今我 跡 詹 也。 而 然者久之。 詩 必 史 《明 板 辨 略 孤 後定其 訪 公書以 公從 咨於公, 案》二 於壁云: 史》不當 門。 荒 公黄 於尚父,遂得 於 遣 子。 秋 子 村。 史 百 示衆,遂去之。 論 暮 如 適 從 四 竹 館 仍 開 ^ + 《曆 海 公, 其 宋 先 浦 天 四 法 書戲 謝 例 志 人《明 史》 生 短 卷 童 於 弔 可 謂 》爲考證。 出 仗 别 故 乘 時 能 過 Ш 之日 三年食薇, 以 於吴 至於死 史 朱 立 雖 拄 勝 過 興 郡 曉 《道 檢 置 不 泥 檢 桐 看 於 列 1:「昔日 寺 城 討 赴 本 我 學 女傳》。 徐公又 討 忠之籍,尤多 彝 徵 溪 深 過 花 皙 傳》 矣。」 任 公相 適 尊 書 尺 去, 過 柴 臣 方有 休 爲 聞 顔 輪 而 許 訪 之手,乞 桑 元 史 陽 見 徐 Ŀ 色 首 延 惆 菴 此 儒 局 遠 間 主 不 果 太 陽 汪 禪 悵 之 確 大

子 詩 氏 稿 充宗校 子 求 序 時 鄭子 僑 寓 自 桐 訂 溪 禹 梅序。 南 周 雷 青、 文案》, 甬 晋 F. 賢 門 士 授 季 校 門 出 萬 其

+ 年辛酉,公七十二歲

七十。 调 九 彿 銘 行狀》、《熊公 滴 草堂,以 、公謂 月,公與慈 海 其六七也。」作《 昌,徐 甬 上 箑 功爕 白 萬子公擇 書 邑 雨 髪 壽 劉 殷 爲 青 吏部 序 汝霖行狀》,上之史 其祖 鐙 自淮 規訪鄭子 祝 侍 П 忠 其 郎 理 歸 襄 父 章 前 公 秦 過 公格 緒 禹 求 111 猶 梅 神 先 菴 於 道 口 生 館 IE. 黄 彷 碑 宸

<del>十</del> 年壬戌,公七十三 歲

遇 俟 來 見 至 八蔣 贈 ,求其父子 十月之望 賦 遇 萬 白 詩 爲 歲 誌 又 洪 翁陳孝廉 謝 先 暉 賦 吉 七月 生 詩 各 學 濂墓 賡 既 賦 章 卿 望 詩 銘,公謂 箴 嘉 與 以 善 章 門 所 魏 用 士 旋 允札 拄 陸 里 杖 鉁

> 守求其 十年前以身所 恨,集於筆端,不覺失聲痛 錮 之也 之大 父司馬 節 因 四 爲 + 澹若 見 之發 年 聞者 尚 公履端家 其 然 ,銓次其 沈 沈 屈 滯 哭。 傳,公追 華 則 事 亭 黨 家 張 人 國 憶 孝 餘 廉 論

十二年癸亥,公七十四 歲

穴 禪師 陽 觀 之 公。 之楊 墓。 佩 從萬子充宗來問學,公謂 正月杪,甬上後 郡 》、《宋六 和 徐 先 書院 作《 城 平陽寺天岳詣 生 文集序》。公詩 迪、朱門之蔡沈也。」 文 千 長 金 同 里 陵 題 門 陵 時 來 》懷 懷 壁, 唱 友 訪,上 學 董 舊 阮 古 即 陳辛學 詩 無 黄 大 第三卷,天岳評 詩 次 + 休 鋮 竹浦,求公作《 化 其 瑒 同 安 詞 章 韻 四 門 人 汝 輪 寄 Ш 月 (咸,介) 日 其 菴 並 人 昊 : 語 點。 仲 拜 飲 施 有 眉 多 忠 門 子 虞 是 勝 ^ 先 Ŧi. 尋 端 咨 Ш 直 周 程 刺 吉 生 子。 牧 東 禹 翁 門 方 子 敬

傳是 丐墓銘 霜 月 林 於寓,往哭之。 嚴、王 一之杭 公公 樓書。 有 ,公迺按狀而 廷 ,王九公邀集 句 獻 云 朱之銓以 賦 至崑 詩誌 故 銘之。 翻 感。 Щ 湖 其父《文靖公行狀 黨 舫 主 錮 聞萬子充宗卒 徐 司 作 司 毛會侯、 新 寇家, 題 觀 許 七

一十三年甲子,公七十 乞詩,還天台 之杭,遊南山 ,過法相寺。 Ħ. 歲。 童、王兩校書

一十四年 里 法 往 相 甬 至 鄧 託 萬 東坡 姑 上 破 丹 並 蘇 子 弱 邱 之丑 坐道堂 ,訪周子 公 問 即 出 起 擇 陳 見。 ,公七十六歲。 西。 自 子 四 佩 介 語 傳 往 十九 先生。 眉 溪 崑 請 返, 日,厚 病,介 Ш 公志 過 時 顧 訪。 之。 自 先 眉 景 生在 鍊養, 范 即 八月, 歲 以 以 僧 干 所 因 秋 返 作 公

> 十五 年 丙 寅,公七十 ·七歲

居 弟 祀事 舊。 浦,公謂:「在瞻 《姚江春社 祠 同 督 公留城數日,值 一、飭即 學王 周 晦 甫 家埠。 木 、公有記。 王明府嵩 路上人物。」六月丁丑,二十五 公卒。 公顓 故里官埭 賦 菴 **%** 詳 伊委沈 掞 賽神 三月,忠端 全太史《鷓鴣先 如劒客奇材,當是稼 淮 致 浦 Ŀ 圖 口 之會,舉 顧 教 經, 老 在 諭 屋三楹 知 瞻 公 辰令煋攝 忠端 生 提 或 神 人 自 道 若 祠 ,肖像 公故 表 甬 日 狂 鄉 過竹 一月 作 軒 遷 仲 存 有

十六 年丁卯,公七十八歲。

據。 田 冢 底 王 孫 日守典 草 顓 也 有 菴 與 家 來謁。 刻子 伯 督學刊《子劉子文集》。 藏 繩 此 劉子全書啟 先 本。 聞 生 陳 逐 原 本公次女壻茂 子介眉、陳子 》,見未刻 校 勘 稿 必 以 林, 公取 淮 夔獻 手 念臺 陽 門 蹟 家 先 計 爲 藏 +:

喜 諷 物 音,作二律。 流 ,宋丁諷,人傳其死,京師 故者,公以 傳似子 膽。」子瞻 衢 詩 州 戲 葉 之日 静遠 在日,人亦訛 諸 人致奠,美醖 贵 書來, 邀 傳 美 有 其 盈 傳 死 醖 室 公已 同 卻 T

二十七年戊辰,公七十九歲。

也。」 中 句云: 爲。 潛菴 武 留 口 Ш 大 生,時爲五河令。 女 崑 者 林 禹 孫 讖 若道 觸 追 語 導 壻 ,公曰:「爲 斌,文正 Ш 土 在 健 暑 水導 甬 爲 硃 Ш 菴 學,任人 來 月 上 點 潮 果 訪,公令寫忠端 尚 萬 而 四 退謂 Ш 神 五月,之吴門,晤湯 書 亭 承勳 書 返 圖 朱 脈 徐 盜 座 人曰:「黄先生論學, (可講 》,及蕺 陸 六月, 公自 絡 自 賊 急 有 分 Ŧi. 同 突 誰 有 來 明, 河 異。」 Ш 畫 如 來謁 爲 對 相接, 公《正 夫子「泣 吾黨之斗 蓋 師 的 而 證 有爲 黄子 問 證?」公有 一人不 遂 文 道 父貞一 言 命 期 正 學 至 之 别 詩 自 也 敢 崑 異 杓 如 先

> 定 夢 崇山 敏彪 鈎 文案》、《吾 古 稷 公爲首 顓 九 名 像、太夫人「禮 ,其師 辰 菴 哭 除 蘭 》,後復欲芟爲《文約》。《文定》前 日 下,有 佳 議 督學行部 亭, 其 王 ,拜六賢書院。 次劉忠正 重 周 爲 一仲撝 建,未 不必存者三分之一, 華表 土 文忠鳳 謝文侯,文侯師 東浙, 悔 人張敬 侍 萬 及 宗周 翔。 集》、《撰 舉 御 曆 斗 表章啟、禎 行, 時 施 誦 咸 醒 徐 吾導之, 豐 坿 忠 經 貞明 即六賢祠 曾 而 其 辛 愍邦 波 杖 主 西 衾 忠節,立六賢 立 臣。 集 燬 於 曜 溼 像。 於賊 四 × 始 在 + 倪 九 賢 日《 文正 ^ 得 月 子 自 書 南 蜀 宗 院 羅 期 其 訂 月 集十 祠 元 南 Ш 門 寓 以 滌 地 璐 以 几 樓 畈 傳 雷 南 遂 集 郡 祁 觀 日 神 忠 文 雷 尋 城 在 察 端 Ŧ. 忠 著

0 按 」,乃湯 黄 宗 羲 四 中華 斌《答黄 晤 年 湯 Z 書局校點 斌 丑 事,在康熙二 公公 太沖書 七 本《黄宗羲年 + 》(《湯子遺 六歲」下。 十四 書》 此 》相關 「文 段 卷 正 應 五)中 校 退 係 謂 於 康

言 卷,山 於 卷,慈水  $\equiv$ 後 一卷,主 集 忠 DП 陽 端 卷 小 鄭 公 公 門 武 南 編 人 谿 密 隴 戴 輯,仁 先 靳 畔 唯 熊 生 9 編 封 和 内 梓 西 使 沈 洮楊 君 設 其 荻 校 板 林 石 禹 刊 廉 存 江 牀 訪 諸 = 老 授 先生 集 有 梓。 閣 四 ^ 校 卷 令文 築 築 刊 四 墓 約 牛 Ŧī. 集 雜 塘 四 集 四

一十八年己巳,公八 十歲

往 實 潘 老 清 乎哉?」因 元 呈徐立  $\exists$ 某 人 道 來。 . 夕,公會講 作 三月,之甬 年 觀 召之爲賓, 某蒙聖 齋 皆 T 遇 紹 歲 百 相 守 作 馮 國《 歲 會 李 於 令儀 書 天子 ,餘六人亦 則 姚 上,送萬 公 鄭 辭 述 之。 貪其 鐸 江 近 之召 懷詩》三章, 留 書院 11 以 宿 養 主一公自 子 鄉 陳 張 而 則 九十,公八十, 季野 飲 邑 賡 鍊 飲 避 侯 卿 大 師 食 其 即 北 康公如 房 賓 邵 京 衎 勞 次 E 請 歸 衎 陶 而 韻 集 叔 覲 諸 寄 口 不 公 璉

> 之兆 爲 最 少云。 作《 獲 麟 烏 解 Ш 胡 氏 産 麟 公 謂 是 大 水

一十九 月 聖祖. 年 庚午,公八十 皇帝 問 徐尚 歲 書 乾 學 海 内

乾學 南公諱 弟 問 按 有 釜 歎 人才之難 任 知 姪 前 》,仲簡公任剞劂 博 仲 臨 以 元 淵 爲 景 業以 對 事 學 州 東浙 文 竹 簡 博,行年 韶 治聞、 公 公炳 奏薦。」聖 橋 半 老 諱 如 Щ 畈 以 尚 病 舟 欲 來姚 公諱 頭 質 臣 辭 次 口 文 如 八 之支。 之事。 嘉仁、 即即 所 蟄 恐 竹 +, 章 訪 此 祖 菴 知 浦 爾 不 遣 公 類州 尋 日 猶 訪 字 三月,之杭,次子 雅 公集族 止 能 官 : 祖 督 手 伯 公諱 可可 可可 就 有 公山 送之。」乾學 墓 學 不 III 浙 一、公展 道也。」聖 遺 晉 嘉 釋 備 祖文僖公諱 召 江 稿 愛、丁 中 陵 卷,曾 至京, 顧 爲 黄宗羲 周 問 閲 黄 雲間 Ш 公清 者? 家 公諱 氏 祖 對 朕 經 珀、 攟 直 學 族 不 臣 大 殘 道 源 元

作《姚 蔡九 爲先覺祠,並祀 學洢生於浙,周 劉子請 端公神位 方公隨 至 也。 神,徹城 邑當沈,父老 大 如 鶴 姑 雨 也 一五夫,見大 蘇 魯之鸜 震、張 點,文肅公孫。 ц Ц 建 沈記 弔 侍 五君子祠於西 公謂 樓 水驟 劉 一,先覺 鵒、 廣 茂 「餘 講 龍 忠毅宦於浙,高 化 至,忠端 鳥 學諸賢,今移附六一泉廣化菴 天 深,賦 思 姚 洲 十月,復之杭六一 寺 祠 東 滿 津 門 [縣]三大字,投之江。 爲 先 门湖,先 謁 田, 浙 之杜 士裘殷 拜 壓勝之術,祭告城 生 詩一 講學諸賢。 無 忠 公祠圮。 墓 初以爲 忠端公與魏 忠憲 鶴 端 鵑 章,五 同 玉 公神 乎?] 七月 講學於浙 海 璉 周 鳥 鸛 遊 子 姚 位 忠 泉,謁 月始 之來,其 察之則 崇禎 虎丘 潔 節 X 也,尋 後。 及其 訛 文 遂 初,子 杪, 返。 遇 隍 忠 公 往 與 子 改

得吴公及裔之,霞洲先生子。手書,公感四十三十年辛未,公八十二歲。

三十一年壬申,公八十三歲 《水經》 不襲前 將《明 學 所 年 公病 月杪 滄 封 三年 海 栗亭《黄 派 爲黄山之遊 落成,公爲記 首, 柱 治荆任 作文曰《病 書 牧 鹽李 成 旋旋 前 幾 仲 都 儒 注 口授季子主一公書之。公平日 遂 作, 明 中 犖 革,文字因 航  $\forall$ 里。 學案》梓行,公暫徹呻吟,作序 新安,招公遊黄 Ш 以詩贈、公次 府 來 海之事 序 條 參考各 續 一,龍 書,言北 梅墅請公主講,不果。 復建 榻集》。 之。 貫 志》告成,公即 諸 鍾曳杖,一步九頓。 , 賦 緣, 忠端公祠於新城 桐川 省 水,名曰《今水經》, 地 今人《文定》五集 詩二章。 通志,多不 鮑 韶 賈 以 切 山,公遂之新安, 即 文校梓。 醇 屏 寄。 庵若水子。 爲之序。 除 靳 相 秋 是 使 接 南門。 合, 七月 年 宋 適汪 君 仇 修 文 中 是 讀 子 熊 乃 几

三十二年癸酉,公八十 应 歳

《八絶》,使讀者可追尋也。《 皆公所著,攷核頗詳,而《人物》一門,爲 擇其尤者若干篇,授汝讀之。」於是有《明 後來妄增顛倒,公恐言之則招怨,因作 寄萬子貞一五古五百字。 公又有《續宋文鑑》、《元文鈔》未梓。 文授讀》六十二卷。 不足存一代之書,顧讀本不須如許,我爲 苑英華》百本,有明作者軼於有唐,非 百八十二卷選成,謂主一公曰:「唐《文 四明門 《姚志》底本, 士張子錫琨 冬,仲子直方 明文海》 校 ル梓。 此 几

三十三年甲戌,公八十五歲。

公遊,而公擇、充宗、季野三先生最稱高座云。 甲子, 俟其家人之請而銘之。 八月,卒。公思之,如陽明之於曰仁,不 正月杪,萬子公擇冒雪來訪,信宿 萬履安先生八子,多從 而去。

> 八月二十九日。 疳,博學强記,著有《留窮草》。 長子棄疾 公卒。 哭徐 立 棄疾公幼 一齋相 或 患 背

三十四年乙亥,公八十六歲

《梨洲末 階級、拜壇,其下小田,分作三池種荷花。 串 抽出、安放石床。 次日之蚤,用棕绷擡至壙中,一 制或問》。 中,斂以時服,一 諭家 土要緊,切不可 土,非三百擔不可,此吾日夕在心者也。 身遭家國之變,期於速朽而 覡、銘旌、紙旛、紙錢,一概不用。」作《葬 棺槨,不作佛事,不做七七,凡鼓吹、 七月癸亥三日。卯時,考終正寢。 盤、魚腊一盤、果子兩色、麻餈一盤、饅首 毫人之,隨掩擴門,莫令香氣出外。 人曰:「我 命》 載《文定》五集。 以 壙中須令香氣充滿,不可用紙 篇。 兩擔 死後,即 被 循 略云:「余壙雖成,然頂 故 不欲明言其故耳。」又 褥,安放石床,不用 被 事 全氏祖望曰:「公自以 而 一褥,不得增益,棕 於次日 릲 墓前隨 其 吾死後,即於 春秋祭埽,培 一盤。 祭品 异至 疾革 宜 塊、錢 上墳 乾肉 未淋 分爲 書 巫 壙

能於墳 其 次日 我壙 更 之,高州 亭於其上,尤妙。」主一公謹遵末命,即於卒之 鈔 俗, 來弔者,五分以 須擇天氣 曰 著 補爲之, 日 億 ,厓海之孤 壙前片石,平時 述 前 萬 禮之至 , 昇至化安山, 安卧 魯國 作望柱,上刻: F. 同 年 植 晴 .虞喜之傳文。」若再得二根 卒,未及成文。 明,第 - 吾銘 梅 也 而 五 至 株 儒 臣 ^ 一不可殺羊。 凡世 梨 者 則 兩,并紙燭 不 『不事王侯,持子陵之風 稽首謝 洲 泯。」梓人《結埼 嘗求 俗 寒芒熠熠,南雷之村。 人, 矧其爲甘陵之黨 先 所 行 之。 生 盡 鄭 擴中,即 折 後 天雨 神 齋、 行 有 高 鄞 卻 石條 道 ,架以 做 變爲 州 之。 人全太 七 亭集 碑 兩 梁 塞壙 堂 木梁,作 相 文》, 根 爲 祭, 概 厚之至 可 節 文 史 掃 門。 此 移 銘 勒 除 祖 小 詔 至 流

五. 三十八年,學使黄岡 十六年,學使休寧汪 园 祀 通 府 德 庠。 鄉作字號 田 張公石 四十一 公荐 虹希良 洲 畝 漋 捐 有奇,爲 如 俸, 詳 置 批 姚 進

> 子後 公曾孫 户 汀 田 本慈水鄭徵君 畝於公祭, 毫,永不易户。 公祀,奉憲永不準易户 藏於家,惟户管仍屬 其三之一,各人於私。 公玄孫穉 查 蓋 祀 管開 係 南 穉 編 田 汪 谿 圭 修慎 嗣 公捐 請之也 汪 諸 列 某 雪 黄文孝 公係鄭寒村先生甲戌會試 公訟諸 助,豈 行 圭公璋、●清遠公璘 以 汀公儲文以原 霜露 《書常孝廉勳 書丹勒 賤 官 紹 有可 祀,作字號 值 時 守古 以 淒 私質 分 土論: 私貲 石 (然, 烝 裂 滇 祀 入私之理? 通德三 贖 於族内,畝 田 故 譁然,雪汀 田 質價 越三十 俞 歸 雪汀 記 四 嘗未能 也 公卿 未取 + 後 分房 贖 跋 公并 都 以 贖 同 畝 餘 有 其三之二, 繇  $\equiv$ 費 治 原 所得 案: 備 僅 記 於公祭 年,公仲 出質後,雪 二年 公歸 里 分 移 質 土,此 物 十緡 文孝祀 文 碑 價 清, 海 矣。 釐 因 孝 四 贖 昌 石 1

● 「玄」,原作「元」,避清帝玄燁諱,今回改。下同,不再

l|≪T 耳。 Ŧi. |8文 兀 也 畝 據 시) 기 Ŧi. 四 , 魁五分四二,紋 九 其 畝一 分 \_\_ |해 Ŧī. 田 後 録字 Ŧi 畝八。 而 順三 賢 三; 文8川 收 畝 有 所 號 一分五 九八 入以 能 畝 六五四 七 畝零七 八、198 償本息 復 分於後。 , 峠三畝一二, 嶋 畝 其 \_\_\_ 四 觚 舊 , 総二畝二四, 当 Ŧi. 畝 延 者, Ŧi. 四 滯 畝 作字 |xi‡ 至 ) 三 畝 八三,姚二畝二三七 亦 一今,後 五 XII 分九二, 网一 九 畝 八 人遂以 分八 原 四 九,例 畝九八七 所 ||型||三畝 Ŧi. 爲 深 , 1|x8= 人 畝 慰 畝 私

桐

撰《

碑記

附録於左

息

,爲祀

事之資。

七年秋,

邑

侯

太

原

高

六十 口 治 之所 天下讀 甲 敬 中 浦 生梁之志也, 題 兩 + ,祀公及其祖秦川公藻,成其父寒村先 一年,慈谿 朝 周 聯 閣 書種」之意。 語 夕 愧 年,晜孫 於神 凡三層,上 膽 ൬ 今運 仰 座 旁 春秋致祭,至今百五十年矣 ··, 用 轉三元,趨步難追 鄭 云: 次 烟 星 建 於舊 一層爲 子 動 南 耄年終乙亥,距 紹 觀 居 象樓。 谿性 留 衣之志云。 西 書 北 建二老閣 種 謹 祖 閣 爲 奉 武; 誕 取 ·公遺 觀 光緒乙 生 公楹 幽 象 小 閣 於 子, 六 像 讀 聯 建 於 書 留 4 <u> I</u>:

> 光緒六年冬,晜孫 畝 家聲。」 申 於竹 溯 繼 序 Ш 大宗,七傳 橋 西 助 炳垕 遞 嬗 人公祭,俾 以 願 己貲置 此 後 祀 延 各 絲 百 字 房 世 號 詩 輪 書 田 年 弗 收

姚江 像 生 公漋視學兩浙時捐 而 桐 亭孝廉炳垕 浙,立算學局 是邦,下 者,莫如黄公梨洲 竊 有 蔚 勸 作 駕 亭 國初遺老中, 爲人物淵藪,立德立 歎 以 字 源 車 大 號 先 遠 主 之初,適南 得 祀 生 流 於省城 其 登 ^ 田 長 年 事 留 几 先 ,蔚 廉 譜 理學文章 遺 書 + 請 生。 所置,紹郡 澤 種 亭辭 昌 見 至今未 閣 先生七世 畝 示 梅 丁 丑 功立言,代不 公啟 奇 不 敬 - 爲 知 往 夏, 瞻 海 爲 康 泯 守古滇 照 梅 先 宗 内宗 休 熙 桐 忧 巡 生 寧 間 公檄 子 撫 承 遺 先 既 蔚 仰 乏 汪 乏 兩

寓 安 易 價 玄 汀 公卿 通 廉 每 孫 德 贖 户 1 也 畝 目 歸 受 故  $\equiv$ 穉 + 舍儲文以 者 几 記 之。 + 都 圭 緡 也 歷 畝 四 大令璋 私 勒 於 數 畝 乾 里 質 諸 原 公 + 奇,各人於私 時 黄 隆 於 質價 石 祀 與 年 文 季 族 士 0 0 弟 孝 論 年 族 因 乾 贖 清遠 桐 是 大 祀 隆 二十六畝 先 人 奉 爲 譁, 烝 初, 生季 利 上舍 嘗 掩 雪 憲 其 惟 有 草 卷 永 子 汀  $\mathbf{H}$ 户 不 璘 草 奇, 太 遠 之 管 以 肖 美 1 息 孫 者 不 原 先 不 不 仍 而 者 堪 質 準 自 生 雪 價 以 係

或 資 於 則 蔚 縮 亭恫 酌 有 食 西 田 六畝 勸 北 定 以 念 其 È 祭 里,俾 向 先 助 講 規 贖 祀 X 川 之不 田 豐 各 明 公祭,並 之 房 儉 所 後 克 輪 滴 如 修 年 中 V. 追 儀 收 脯 黄 期 復 也 息, 梨 置 於 舊 爲 洲 頫 絲 勿 産 祀 公 年 字 者 替 「祭户 事 節 號 焉 H 衣

始之心 厚 各後 者 於册 之, 事 積 良, 亭 土 田 倉 勵 久 耶 ,爲 遠 者 箱 風 日 所 口 1 且. 慮 相 彼 嗣 資 穫 之 俗 援 并 事 去 余 維 今秋,乞 將 ,是又桐之厚望也夫! 皆 饒 守 桐 購 揮 昔吴 之周 請 有 風 何 老 自 霍 竊 有 土 産 裕 舉 注 敦 如 矣 致 之 惟 也 以 而 口 莫 贵 俗 小永 康 哉 諸 桐 分 助 供 觀 興 廢 乃 無 之 齋 撰 尋常孝 之公, 公 舉 遠 感 享 之義 痛 能 以 《增 也 蔚 祀 桐 用 不 先 爲 而 助 祭 雖 亭 産 準 也 靈 助 以 矣。 視 油 子 田 噫 譾 之幾 推 維 祀 世 後 然 尤 非 慈 介寒 訟 陋 付 持 田 一之貪 夫 生 願 有 嗣之賢 孫 弟 别 之, 餒 碑 人 其 其 腰 後 亦 口 儒 户 記 各 時 樂 報 利 纏 用 俾 H 口 而 字 本 記 忘 之 非 以 有 宰 心 論 而 先 以 H 鼓 訾 反 生 此 其 硯 充 樣 語 天 本 有 垂:

跋

友之結 爲? 乎 見性 殆盡 各 之作,將弁諸遺集 知 先 滌 ? 標標 生 樓 言 、已耳。 情學問者 티 : -先 ,久爲同 乙巳 年 一事,與夫 遺獻 炳 契,際 生講 次, 因 長夏,輯成 年 删 事 丽 瑣 學 譜 繁就簡 遇 實 志 編 屑之事, 盍從芟削。 復 吾 文詩! 甚 之 自 鈔 次 而 繁,取 也、《文定》、《詩 姚 轗 傳 有 其 人之,使後 龍 ,合爲三卷, 啊,行 目之有年 矣。 此 體 目 稿 山 例,曷 其言行之大 於 書 戊 蹤 卷 院, 譜 申、 分 之經歷 以 可 中 人 就 己 爲 稽 誇多 兵 得以 曆》諸篇 四 而 酉 者 燹 毋 且 有 一、公之 節 間 正 乃 鬭 時 年 論 捃 宗 譜 存 贅 足 靡 世 師 摭

> 以 今剞 矣。 歸 於 志 牖 老 師 劂 不 越 下 告 違 者是也。 承之自云。 中 成 陽 炳 明、 而 復 先 蕺 繕 歲 生已歸 Ш 癸酉仲秋 清 丙 二先 乞正 寅 重 道 生年 先 Ш 加 · 炳 屋 又 釐 六稔,爰書此 生 譜 訂 曰 之 : 例 時 矣。」 得之 先 生

此 題 原 無 爲 整 理 所 加

## 顧亭林先生年譜

[清]張 穆 撰

何紹基顧先生祠詩	神道表	國史儒林傳	顧亭林先生年譜	校點説明	
		•	i		
	57		:	•	
	$\circ$	$\bigcirc$	•	:	
五五	九	〇六			

目

録

## 校點説明

後,顧 或 倖 員了 生。 字 試 王 林先生。 繼 臨 得 庠,得爲 陽 不 氏 五)、炎武十三 寧 紳 第, 堂伯 脱。 撫 遂 顧 炎 終 後仍 未 炎武(一六一三— 前 武 亦 退 婚 蘇 常 顧 與 諸 叮 僉 或 名絳,字忠清。 而 守 同 州 熟 都 崑 生, 囑 自 讀 古 節 府 御 炎 Ш 署 崑 書 炭 撫 聘 崑 並 史王永祚之抗 縣 武 顧 ıL 諸 山(今 加 祖 令 炎 而 圭 相 生王 勿 楊永 X 甲 父 武 年、 繼 爲 復 爲 以 申 江 一六八二),初 述之女王 淪 異 社 蔣 清 言、 其 爲 之 蘇 陷 兵 或 納 嗣。 Ш 變 好友歸 省 弱 臣 清 傭 X 穀 E 嗣 崑 子」。 冠 寄 關 義 天 母 起。 Ш 氏,未娶而 學 後 軍, 學 啓 後 王 莊 市)人 者 次年 改 名 五 氏 清 炎 南 事 等 尊 年(一 名 絳 武 明 絲 敗 兵 稱 X 炎 更名 唐 後 南 考 明 食 輔 爲 應 卒, 武 六 E 殉 僥 佐 鄉 取 亭 K 諸

> 受萊 終 篤 晚年 到 擒 交通 世 母 監 而 H 相 商 等 身 之 作 勾 陸 僕 之 賈 或 賴 未 處 大 州 始 四 思 遍 喪 結 南 於 陸 好 仕 多 方之遊, 力 明 恩, 未 閩 黄 1 友 遊 數 以 墾 培 居 誉 遥 葬, 清 朝 多 見 沿 重 其 陜 廷 詩 田 救 廷 方 江 授 門 金 罪 不 度 案 之 方 爲 炎武 遍 相 祚 果 行 而 地 牽 華 得 把 帶 歷 行。 救 賄 沉 日 連, 以 陰。 出 柄 爲 關 乃 當 微 諸 爲 縱 獄。 炎 塞 兵 此 得 道, 水。 協 生 觀 康 武 叛 部 謀 計 脱 後 屢 舊 熙 求 投 炎 再 職 葉 數 奪 謁 禍 都 殺炎 里豪 七 多 武 次 方 方 年, 取 明 畿 年(一 次 司 X 恒 此 陵 顧 輔 武,炎 生 獄 葉 炎 拒 主 後 遂 家 之 持 武 方 絶 事 歷 六六 經友 炎 與 勝。 田 守 官 恒 , 炎 變 經 武 武 陸 産 母 幾十 員 衣 八 以 被 思 人 遂 顧 武 薦 訓 冠 李 離 繫 之 炎 炎 氏 以 多 婿 武 武 作 嗣 所 天 天 家 有

於各地 制 韻 訓 郡 詁 顧 邑掌故、 結 炎 金 武 交 石文字之學,靡不究心。 名 生 天文儀 賢 精 義 力充 士、 象 尋 沛,凡 河 訪 漕 碑 兵 出 板 農 游 遺 及 必 炎 跡 經 以 武 史百 書 凡 治 卷 或 學 家、 相 斂 家 隨 典 華 音

儒 要、 言 之 顧 朝 有 就 炎 學 風 詩 ※ 天下 實 學 而 武 業 集 識 不 其 邃 與 之 晐 以 論 於 郡 世 黄 盛 貫 措 文 經 一,其 國 宗 亭 筆 卒亦 則 術 利 羲、 中 林 非 病 又 多 所 王 先 有 無 書 傷 通 著 夫之 生 能 × 關 達 時 宏 實 金石 及 於 當 感 富 先 並 牖 經 世 事 文字 啓 稱 生之大者。」今人 旨 有 之 之作。 之, 爲 世 故, H 記 務 而 明 知 者 等 洞 張 末 録 反 幾 古 穆 清 皆 明 今、 稱 + 初 音 謂 末 種 Ξ 多 之 空 明 學 大 本 將 並 治 五 巧 疏

仍之,已所增 吴 張 僅 容 在 本 崑 穆 後、又結 衍 + 較 縣 IL 爲 生 所 吴 餘 錢 顧 詳 之 編 邦 炎 映 頁 撰 彦等 武卒後 贍 譜 奎 合自己的 頗 者 上 的 補 書 爲 基 最 元 稿 簡 爲 辨 礎 皆 其嗣 車 成 俩 F 詳 析 未成 對 中 而 實 之 加 年 子 謙 其 未 以 可 處 之稿 衍 譜 後 刻 增 靠。 湖 悉 生 有 桐 訂 州 注「謙 曾 重 所 車 城 蓋 而 周 校 爲 加 守 吴 胡 成, 中 增 補 其 案 虔、 謙 映 孚、 增 編 訂 用 在 奎之年 以 平 大 力 訂 寫 獲 凡 别 興 頗 定 年 得 相 而 之, 徐 勤 張 譜 其 譜 尤 百 松、 穆 是 然 凡 處 稿 内 以

書

重

刊

初

印

本,

而

將

年

譜

析

爲

四

卷。

九

\_

1

年

後

印

本。

咸

豐三

年(一

八

五

三)伍

崇

曜

粤

雅

堂

叢

將

所

編

習

潛

丘

先

生

年

譜

與

顧

亭

林

先

生

年

譜

合

刊

爲《

顧

閻

年

譜

合

刻

×,

其

中

所

收

顧

譜

實

爲

初

刻

之

劉

承

幹《

嘉

業

堂

叢

書

V

再

次

重

刊

卷

末

附

繆

荃

孫

校

記

此

後《

叢

書

集

成

初

編

本

文

據《

粤

堂

\*本

排

印《

續

修

四

庫

全書》本

影

印

或

家

啚

書

館

所

藏

初

己所 完 衍 在 穆 六七 較 松 而 謙 所 大, 成,故 善 生 書 案 增 中 年 所 譜 編 註 歷 代 以「元 此 撰 而 明 之 補 編 代多 資料 作 指 之《 後 譜 内 長 剪 成, 初 者 車 容 裁 次 譜 顧 之 重 刊 出 守 亭 豐 道 重 新 於 處 代 考 以 謙 林 光十 印、 富 編 文 道 指 所 訂 先生年 徐 較 排 光 吴映 增 重 文 雖 譜 九年(一 字 =+ 前 字 刻。 補 繁 句、 文字, 代 奎 密 譜 而 之 四 道光 指 所 擴 ×, 而 凡 年, 譜 編 八三九) 徐 充 又 有 其 以 更 \_ 内 松 文字(其 綜 流 條 他 勝 穆 容 + 所 合車 傳 理 援 一、考訂 七 案 編 較 引 刊 體 籌 年, 文 守 廣 品品 中 諸 行 例 字 謙 張 + 説 别 混 張 史 影 有 徐 穆 響 分 亦 自 以 穆 實 張

刻本等等,若溯其源頭,則皆出於張穆所編算

批 明 所 館 生年 批 初 筆手書於初刻本上,行間 行之後,曾多次 校 徐坊將其 刻 館 勘 增 對 對 條,足見其 本。 刻本之錯誤,又大幅 語 所 價 補 應 應 〇以 據校點 譜》之上,此 價 藏 本次校 值頗爲 後來 或 位 之 道 值 下 過 光 删 置 不 簡 者 除 整 録 重 點 二十四年 大, 稱 用 可 則 於《顧 刻、 底 粗 整 觀。 力之 理 穆 由 加 僅 略 本原 本文字處 理 影 批 校 爲 以 偶 統 所 此 印、 勤。 校 閻 點 重 作 張 合計 計 選 次校 件 年 者 記 度 訂 參 排 穆《 今藏 用 及上下方皆滿,又有黏 光 徐 譜 推 考。 增 印 均 有 點 之 並 顧 其 坊 合 緒 詳 諸 補 適 八千餘 亭林 底 將 整 於 所 + 中 刻》本之《顧亭林 惟 語 本, 其 當 修改 本, 理 中 部 過 九年(一八九三) 張 意 内 註 先 既 或 録 分 穆 即 而 即 容, 明 字, 意見 生 張 繫之。 科 在 爲 批 將 字數, 此 年 潤 不 學 穆 初 或 語 穆 以 出 譜 色 並 之 院 刻 批 僅 家 朱、 》之 改 其 凡 未 删 按 重 啚 本 因 置 先 穆 註 其 文 改 訂 墨 刊 初 而 書

> 者查 案語 免 原文處若前 有 考。 錯 以 漏之處 析 之。 校 點 後文字數 尚 者 因 間 校 請 或 點 各位 有 量不等,亦予 者 需 水平 方家予 要補 有 充、 以 限 指 以 改 IE 訂 註 理 之 明,以 過 處 程 中 備 則 加 讀

校點者 王傳龍

## 顧亭林先生年譜

乃 帆。 攷 徐 詳 先 守 何 鈎 謹 能及先生之大者。 之,而洞古今、明治要、學識 於斯。 謙號秋 丈欲 案 不自揆度,比而敘之,綜兩譜之異同,6 大賢之本末,6世之景行先生者尚 太史紹基 稽各書,❷依 生撰次年譜,●惜未 而 蓋 吴氏 更事 本朝學業之盛,亭林先生實 車 舲。 道光二十三年五 氏 又本之先 釐訂,以出守榆 自 本之崑 所輯 金 年 陵 排 譜 聞 來,攜 Ш 纂, 之見。 互用 桐 生 吴 已寫 城胡 廣 撫 月朔 有 勘 文 子 晐貫,卒 上元 林 有定 雒 大 、映奎 校, 衍 日,便平 未 興 君 生 車氏 車 遑。 徐 本。 虔 9 其 也。 嘗 明 丈 亦 牖 有 松 穆 差 經 爲 啓 會 無 銀 0

後學張穆記。

生生。 明萬麻四十一年癸丑五月二十八日,先

字忠清」。 清。元譜 超 先生初名絳, 更名繼 宗書》作「炎午」。 乙酉後更名炎武,徐譜 穆案: 穆案: 《復社姓氏 ○ 山 紳,後仍名絳, 東 通 》崑 志》采先生文, 山弟六人,「顧絳 閻 百 詩 字忠 《與 亦作 劉

「桐城」上,穆批增「儀徵阮相國云」六字。

- ②「丈」,穆批改爲「先生」二字,又改「各書」二字爲「:
- ③ 「氏」,穆批删。
- 「氏」,穆批删,又改「無」爲「嗣」
- 6 甚奇, 乎?』爰綜兩譜之異同」共六十 於京師慈仁寺西偏。 改爲「道光二十二年、穆與太史謀知貲爲先生建 徐丈欲更事釐訂」至「綜兩譜之異同」三十字,穆批 學 或 不 盡 知。 既考,太史謂穆 子 盍 比 四 字。 而 敘 曰: 『先生蹤蹟 以 後 祠堂 進
- 務求詳,事期覈實」十四字。
  務求詳,事期覈實」十四字。
- ☞「道光二十三年」六字,穆批改爲「歲在昭陽單閼」六字。

堆。 亭縣 寺。 名曰「圭年」。 名 殿 記 海 寶雲寺其事適同 物 煇 云。 譜 网 無「林」字。 顧 林 顧 炎 《記」,此 鹽下否? 》弟 見 有 詩 野  $\Box$ 亭林」,傳鈔誤倒 2 午。 一字,亦誤 華亭 ,皆不作「亭 云『昔 王 唐詢詩云「平林標大道」,似乎華亭、海鹽兩 東 南三十 亭 唐 坡 嘗居此 穆 行題 詢 東南三十五 因 年, 《顧 案:《 「顧亭林」三字之見於 字 時高士宅,今日梵王居』云云」。 詩 野 又「海 五 云「大宋秀州華亭縣顧亭林法雲寺重 也 林亭 云平 修《輿 謙 寧 元 里。 王 輿 又 案: 林」。 譜 不知煇 納 地 案: 至宋 人, 》詩 鹽 作 舊 稱 林 紀勝》嘉興 地 歙 里 三字 縣 康 經 煇 然據下所引東 標 宋 0 孝 「林亭」爾。 志 瀕 有顧亭林湖 東 熙中 即 云: 學 嘉 「梵王 大 廉 水 》,因以 有 指 道 祐 林豈舊物 程易 則 者 題 顧 黄 華亭故蹟 (府古 六 居」云云 吴縣 日 曾 林 門侍 稱 石 年《法 爲 疇 亭, 是 刻 顧 近 蹟 名。 瑶 其 亭 李 野 、坡詩 者。 志 亭 有 郎 有 田 灌 Ŧ 歲 林 三雲寺 湖 南有 則 ,而象之誤繫之 於 陳 顧 其 云: 6 「顧亭湖 溪 居」云 云平 晚 野 又與 顧 地今爲 先 「林亭」字凡 一湖 室扶 侍 顧亭林 重 傍 嘗見 野 又 Ŧ 御 生。 修 華 林豈 云。 Ŀ 樹 居 縣 E 嘗 詩 疏 大殿 修 萬 亭 並 則 境 此 寶 讀 在 稱 之 大 云 年 增 舊 宋 H 内 書 華 雲 陳 元

> 神烈山 蔣 承 或 謂 少 Ш 記》: 顧子 自 署 崑 「傭」。 跋 Щ 蔣 先生嘗僑 所 名「圭年」。 「庚寅, 人,同 作《秋 Ш 又《鄒平縣 傭 時較 有 江 0 怨家欲 居 别 公編 自 元 思圖 Ш 志 譜 云 F 》前 疑 陷 也 余 謙 之, 送先 俑 列 案: 修志姓氏 再 即 僞 生 轉 穆 作 蔣 傭 案 由 注 商賈」, Ш 淮 而 一字之譌 即 6 有 陰 得 江 鍾 渡 此 顧 藩 Ш 江 變 名。」 《漢 俑 歸 姓 後 亦 唐 4 或 字 名 學 更 市 亦 名 寧 爲 師

❶ 「字寧人」後,穆批云:「梨洲《思舊録》原本作『迎人』,

2 穆批: 此 詩實爲王安石所作,爲《次 顧 林亭》,惟 「《東坡集》無此 「室」作 詩,詩 空」。 亦惡劣, 韻 唐 彦 殆 猷 贋 華 作 亭十 也 0 詠 案 其

8 寧 以 人,晚於濯錦 林 穆 碑記 批 X 南朝顧亭林 亦以名其集。」」 「秀水盛百二《柚堂筆談》稱 》,頗精」,又曰 江 野 上 王 築 所 居 小 『明華亭顧 圃 日 亭 ,林木清 林, 故 正 『趙 仲芳 幽 誼仲芳官中 松 自 以 雪 號 自 有 日 號 楷 亭 書《 書舍 而 亭 顧

4 氏還 此 大 尹 句 後,穆 香 令 嗣 室,今歸上元蔡友石京尹處 小 批增 石 處 見之」 「穆案: 共四十二字。 秋 江 别 思》 卷 穆 子 於 初 T 歸 未 休 冬從 寧 程

● 穆批"「《觚賸》有書『蔣山傭』一條。」

宅,不 案 墩 十四四 崇明 以 袁 堂。」「徐元文宅在 復 圃 關 與 儒。」慶次 姚 署 滁 千 構傳 别 外 徐 E 劉 踞 墩, 州 在 株 保, 、縣」。 業居之, 金 健 復 西西 蘇 馬 元 世 傭 沙 是 童 在 庵 州 郊 譜 與 因 鞍 地名花蒲。」自注:「今太倉州六都。」 一居縣之花 橋 樓, 也。 城 南 比 府 顧 名得 之勝。」「徐乾學 Ш 子伯 北 東南三十 鄰 見先 氏 崑 志 又《鈔 殆 宋 聚 0 北 樹 初 》崑 爲 Ш 指 書 麓 見 時 生 顧 爲嚴 半 縣 鄰 袁 金童 其 善 書 《憺 Ш 《顧 矣。 有 Щ 之千墩 氏 中。 自序 縣 六里 蒲保《譜 又 蓋 橋 徐 袁 氏 袁 名 系 氏 第宅園 東塘 厥 園 徐 秉 集 徙 亭 宅後 宅 譜 **\*** 慶 出 後 氏 浬 義 歟 人。 . 在 徐 系攷》。 崑 者 鼎 健 JII 内,有含經 「炎武之先家海 吴郡 第 舅 有 半 坦 林 貴 鄉。 庵 在 謙 Ш 園 母 系攷》: Ш 齋 内 兄 後,父子兄弟各營 自 自 案 富 橋 朱 誉 載 弟 姚劉 日 遂 西 慶 春 滁 孺 Ŧi. 欲迎 爲 堂。 憺 堂 橋 徐 别 崑 爲 人 一崑 代 而 徙 妙 沙 袁 譜 西 墅 壽 先 日 新 崑 喜 下 園 後 之 海 Ш 一,荷 自 序 Ŀ, 生 冠 合 又 有 康 先 中 + 徙 縣之二 一,世 門 際 Ш 注 南 志 Ш 培 有 有 池 在 生 堂 千 縣 之 徙 古 林 遂 竹 穆 家 爲 今 四

> 中,江 公《諫 祖 濟 小 司 H. 崑 紹芳皆 世 東 譜 類 進 爲給 涇。 參 Ш · 全 姓登 按 系攷》: 士。 政 縣 西 垣  $\mathbb{H}$ 察 事中 注 譜系攷》: 尚 E 明 科 貴 進 饒 疏 歷 書 使司 大太 德 士; 州 致 州 Œ 官行 浦 ,當正德之末。」又衍 章志,字子行 庚 府 》於顧 倉 卷」。 Ш 西蔣涇。」 德 午 知 歷 州 僉事 東 人,行人司 舉人,辛巳進 府 官 閒 人。 按 溱注 濟,字 又《蘇州 行 察司 湖 溱 人、 日 刑 廣 崑 舟 ∘≪譜 號觀 刑 按察使, 南 穆案: 科 廣 副 Ш 卿, 府 科 西按 京 行 生 縣 系攷 志 給 海 號 士。 人, 生 I 兵 事 人司 察 南 思 繕 鈔 中。 科 京 嘉 部 司 寫 軒 刑 書 顧 給 IĖ 靖 光 副 書 給 侍 濟 溱 事 自 刑 科 丙 禄 使 目 IF. 中 序 郎 字 事 何 寺卿 午 顧 給 貴 部 德 顧 紹 舉 有 章 章志 梁 中 員 丙 州 濟 基 事 人, 志 卿 子 外 先 思 應 布 第 中 廣 癸 郎 舉 政 軒 顧 號 在 高

俑」之名,注云「字寧 穆 人,又名俑,又名絳,又字亭林 鄒 年《鄒 批: 平 縣 平縣 子貞 志》 卷 志》已更爲「崑 云: 前 所 俑 羅 字 人,崑 列 不 歷 誤。」 山 山 代 人,同 布 修 案: 衣 輯 顧 攷 者 時 炎 校 姓 康 武」, 編」, 氏 熙 Ξ 確 注 + 而 云 有 四 嘉 年 慶 顧

檢討。 作紀遠近交游四十詠 之。」侍郎 泊萬麻初,而 序》:「嘉靖間家道中 靖年買地文契」,蓋 南 府 穎 集》十二卷」。 善公文集至數百篇。」衍生繕寫書目,有「學 歸,不兩年卒,年四十七。 左春坊左庶子。」 經筵日講官、左春坊左贊善兼翰林院編修,管理 甫,號學海。 清介之操,雖一錢不以取諸官,而性獨嗜書,往往出 而倭闌人江東,郡邑所藏之書與其室廬俱焚,無孑遺焉 寫書目,有「觀海公《船 行之」,據《譜系攷》作「子行」,當是車誤。 萬麻元年,先曾祖官廣西按察副使。」 ,矜鍊以出之,頗有近於孟襄陽, 京 尹 朝天宫後有侍郎公祠。 南京兵部 父喪,服 生左贊善紹芳、譜系改》: 萬麻丙子舉人,丁 先曾祖歷官至兵部侍郎,中 《静 除, 右 志 侍 進 車 在 居 郎 一譜: 落, 侍郎 ,紹芳其 經 政疏》一卷」。 詩 贈 筵 先曾祖繼起 話 紹芳選庶吉士, 公時。 日 都 穆案: 察 一也。 講 又《日知録》云「余家有嘉 丑進士。 「實甫 院 官 又《浯 高蘇門者。」又王 右 《鈔 遷 《蘇 又車 都 工於 左贊善。 爲行人,使嶺 書 御 州府志》崑 間歷方鎮 翰林院 溪 穆按: 自序 史。 譜云「章 移 五. 碑歌 「紹芳, 又《鈔 海公《寶 律 疾歸 制 序》云: 檢 後 不 衍 徐 志 誥 討 書自 移 字 俸購 生繕 祖 世 露 起 Ш 譜 四 表。 字 貞 新 庵 贊 疾 贈 實 補 0

> 攷》: 亡之餘,猶數十帙。」 唐人,性豪邁不羣,然自言少時 字艸書, 攻門户之人,兩黨之魁,皆與之游。 祖之官廣西、山東、南京,一 先生《三朝紀事闕文序》:「臣祀生於饒州官舍,❷隨 《崑新合志》。 拔、在太白、長吉間。 紹芾。 有 九月,共二十五帙」。 不出户,猶日夜念廟堂不置。 人國子監。」 「遺清 「紹芳子二,長曰同德,生員; 堂,在柴巷内 譜系攷》: 紙至二千餘字。 車譜: 穆案: 贊 紹芾天才俊逸,工詩、古文,奇 又《鈔書自字》: 紹芾,字德甫 尤善書法,爲 ,宫贊顧 紹芾又號夢 善 切典故悉諳 自萬麻四十八年至崇禎 生官 閱邸報,輒手録成帙 紹芳所居」。 日課鈔 次日同應 廕 を庵・ 臣祖 號 董 ❸ 先 蠡源 生 古 見《儋園 香 年 光 書數紙 日 而當日 七十 及國 祖 稱 字仲從, 應 生 許。 書 餘 員 集 法 門 矣,足 子 增增 譜 今散 七 户 臣 詳 奥 蓋 生 與 逼 年 曾 又 見 秀

<sup>●「</sup>檢」,原作「簡」,避明崇禎諱,今回改。穆批時亦回改,

<sup>「</sup>祀」、《粤雅堂叢書》本《顧亭林年譜》作「祖」,可從。

<sup>《</sup>粤雅堂叢書》本《顧亭林年譜》已更爲「鈔書自序」。「鈔書自字」,攷顧炎武原作標題,當作「鈔書自序」。

弟之可考 健庵太夫人爲先生弟五妹,又有仲姊適馬氏。❹ 皇士太僕》詩注「太僕夫人,余從母 字子武。先生一女兄、一女弟,皆嬪於徐。 先生,次曰舒,字子嚴, 雲自出、 又字 女弟生健庵兄弟。又一女兄,嫁陳皇士濟生。 生其仲也。 以未亡人支持門户,茶苦百端。」《家兄孚若詩集序》: 師。」《舅母朱儒人壽序》曰: 先妣顧太夫人行述》曰: 卒之日,戚友哭之,幾於罷市」。 售,兩中副 望。《蘇州府志》文苑門: 生,萬麻乙卯、戊午副 外王母何夫人知書,有識鑒。」❸同應之子五,先 ,獨愛讀書。」又曰:「自外祖賓瑶公未仕捐館 《明詩綜》引「王平仲語云: 長而穎 瑶, 山泉泠然之致」。 者 榜,卒年四十二。 見《憺 亦四 敏好學,精舉子業,工詩文。 穆 人 案: 園 也 集》, 榜,恩廕人國子監。」 同 次曰 應五子,長日 「母何夫人,淹洽書史,爲 紹 日: 娶何氏。 同應「生十歲 ●「何夫人性嚴重,嘗竟日 芾生同吉,早卒。 纘,字子叟; 性闊達,家雖貧 「公清 所著有《藥房》《秋嘯 仲從詩 也也 修篤 緗,字遐篆; 穆案: 是 爲諸 而 詞澹意 也。 學, 次不知其 女兄生履 孤、哀毁 穆案: 《儋園 生,七試 然元 負 · 好 健 外外 遠 則 東 施 庵 次即 女工 譜 祖 有 如 南 同 集 與。 忱 寄 白 稱 母: 不 不 成 應 重

六歲。 譜: 譜。 頗 (明史》本傳及《餘集·先妣王碩人行狀 饒。 貞 謙案: 《孝之歸顧,當在萬麻二十九年 聘王 車 : :: 同吉字仲逢、《崑 一氏,未 貞孝,太僕寺卿宇孫女,諸生述女,事 婚 守 新合志》謂其早卒無子,産 節 撫 先生 辛丑,其年貞 爲

嗣

徐

孝

+

載

四 十三年乙卯,三歲。

元譜。 譜 邊黑,見者異之」,不言眇也,或有雲翳 先生患 係 衍生所作,不應有誤,故仍之。 謙 案 痘, 全謝 頗危。 山《神 道表 及 脱 》謂 痂, 先生 左 未 雙 可 目 瞳 知。⑥ 子 中 眇 白 弟 0 而 元 6

- 0 園文集》卷二十四,標題當作「舅母朱太孺人壽序」。 舅母朱儒人壽序」,攷清康熙刻 冠山 堂印 本徐乾學《憺
- 2 詩集序」後、穆批增「日 一字。
- 6 穆批: 幼幼 即 「魏敏果《徐母顧太夫人碑》: 訓 以 《列女傳》《孝經》諸書。」 母 何 夫人,博 明
- 0 穆批: 生仲姊 「推詳衍生語意,馬右實所娶乃衍生之姊,與先 别一 條。
- 穆批: 「『眇』字殆衍生不善屬文之誤。」
- 黑、《觚賸》云親見之」十三字。 或有 翳 未可 知 七 字, 批 改 爲「先 目 白 外

縣 是 陳 進 年 1: 君 本 履 祖 生 歷 父 苞 便 覽 賓 拜 於 瑶 公中 貞 祖 苞,字令威 孝之廬 式 副 榜 海 0 穆 鹽 據 元 人。 譜 行 萬 狀 麻 補 知 癸

四十四年丙辰,四歲。

丑進

士

歷

官

順

天巡

撫。」《明

史

》附

《顔

繼

祖

傳

妣行述》:「吾母生於萬麻 七月,先生第 Ŧi. 妹 生。 丙 辰 0 七月二十 穆 補 八 H 憺 未 袁 時 集 先

四十六年戊午,六歲。

撫 氣 紀事闕文序》:「自 百 1,白氣亘天,自東而 順 天。 明年三月, 七月,克 臣母 覆軍 清 授臣命 河 殺 堡。 將。」夏四 《大學》之年, 北。 徐譜 元 譜 月, 而 東方兵 大 穆 案 清 兵 起,白 克 朝

試 貞 西己 孝 李 又 碩 中 以 《大學 人 副 卒。 榜 ,》授先 元 徐 譜 譜 生 穆 冬十 元譜 案 碩 人有兄 月, 賓 蠡 瑶 名箕 源 公 八,見 公 鄉

ヨー 13三 J. テ・コマ・ 先生所作《先妣行狀》。

四十七年己未,七歲。

二月,經略楊鎬誓師於遼陽,總兵官李

清 兵敗 寅 柏 杜 松 兵克開原 劉 杜 遇 於斐芬 綎 松、 大 深 清 劉 綎 兵於吉林 Ш 馬 阳 林 馬 兵 布 敗没。 林 備 達 分 里 愈 崖 道 尚 事 徐 戰 出 潘 譜 戰 死 塞 宗 死。 顔 Z 戰 六月, 酉 月 死 甲 馬 申 庚 林

先生就塾。元譜。 徐譜:《日知録》云:「愚幼

時,四書本經俱讀全注。」

四十八年庚申,八歲。

立。 秋 爲 請 泰 以 七 月 昌 七 時 月 朝 ,神宗崩 元 以 議 年,從之。 前 欲 爲 以 光宗 萬 明 年 麻 元 立。 譜 爲 四 + 泰 甫 昌 八 年,八 元 月,崩 年, 月 左 以 光 熹宗 斗 後

絶意仕 志 本 生 舒,字子 母 進 隱 弟 居 紓 嚴 千 子 墩 同 舊 嚴 應 廬。 弟 生。 居 子。 喪,哭過 元 譜 少 負 哀,目 謙 經 案: 濟 才 遂 崑 盲。 明 新 秉 後 合

● 穆批:「第、弟錯出、未畫一。

如

王 砥 性 宏撰 耿 礪 介。 稱 甥 其闇修於不見不聞之地,不媿隱君子。」 徐 兄炎武講學秦、晉閒 乾學 兄 弟 勢 望 方隆 屢徵 ,紓獨 不赴, 紆寓書 養 高 自 重 益 華 陰 相

天啓元年 辛 酉, 九 歲

三月,大清兵取 瀋 陽、遼陽。 徐 譜

先生讀《周 易》。 元 譜 季 弟 纘 子変生。❶

年壬戌、十歲。

徐譜:案,子叜妻朱氏

,健庵有《舅母朱孺人壽序》。**②** 

正 月,大清兵破西平堡,取 廣 甯。 徐 譜

及《左傳》《國 蠡 源公命先生讀古兵家 語》 國策》、史記 孫 子、 吴子 元 諸 譜

亂。 明、安邦彦並反。 穆案:《三朝紀事闕文序》:「天啓初元,遼 日,臣祖 指 庭 其 明 中 - 艸根謂 年,廣甯陷,山 臣 日 國爾 東白 他 蓮 日 陽 教妖 陷, 得 食此 奢 民 崇

先 王 生 父,其終 程 IE 夫 日 言 詩序》: 而 無 擇者 「余自 皆 少 祖 時 考之 侍 於 先 世

語》、戰國策》、史記》。」

幸矣!』遂命之讀古兵家孫子、吴子諸書

及

《左傳

|| || || ||

德、鄉先生之行事。」徐

三年癸亥,十一 歲。

觀《 中, 案 劉文成、方忠烈、 書者,莫 《資治通鑑》,曰: 蠡源公以《資治 史記 《鈔書自序》: 晝則 先生所作《先妣 入病乎其 紡績 通 以 夜 『世人多習《綱 鑑 先祖 前 淡及 通 教。」 人之書 觀 于忠 自 鑑 書至二 本 行狀 炎武十 朝 肅 授 改 **\***: 竄 目》,余所 諸 先 政 而 更乃 歲,即 紀 生。 人事,自 爲 吾 諸 自 息。 母 授之以 作 不 元 取。 居 也 炎 而 尤 别 凡 温 武 於 穆 好 室 作 公

+ 數歲 時即 舉以

四

年

申

子,十二歲

序》: 始習科舉文字。 一臣 祖 故所與 往 來老人,謂 元 譜 穆 臣 案: 祖 日 朝 此 紀 兒 事 頗 闕 慧,

0 穆 批 「変、叟錯出、未畫 ٥

作「舅母朱太孺人壽序」。 「舅母 朱孺人壽序」,致徐乾學《憺 下同。 袁 文集 》原作 標 題當

何 不令習 帖 括 乃 爲 是 闊 遠 者 乎?」於 是令習科舉 文

字。 已,遂得爲諸生。」

五年乙丑,十三歲。

時 謙 穎 案 異,合早取科名,遂爲 有納穀寄學之例,蠡源 明 時寄學,亦經提學考取歲試 先 公以 生 後 準 應 先生天資 作附 例。 生 元 譜

六年丙寅,十四歲

0

四,以童子見公,被 讀《 城 繼 寇公墓志》,謂 周 紳 通鑑》 0 提 學邦 元譜: 畢 ,讀《 基取 「天啓六年,寇公爲蘇 先生入學在十三歲。 言之獎」云云,則 人本學二十二名,庠 書》《詩》《春 州 入學當是 秋》。 謙 知 案: 府, 某年 先生撰 十四四 名 麻

> 報。 十三四歲讀《資 先生《答徐公肅 徐譜 書》云 治 通 鑑 》後 幼 時 即 侍 示

> > 邸

語 傳、『架空結 庠」, 批: 也。」共五十五 又陸 穆 批删,又批云: 潛研堂集》有《次山墓志》,其所作 燿 撰, 《切 問 全非事 字。 齋 集》稱 實」。 「庠 名不典,删去可 有劉九畹 未見其傳,不 者,爲 也。」 崑 先生 知 作 Ш 一傳未 顧 何 氏

6 穆批: 早慧,非謂 禮 文,本不可訓 以 蓋 父畢,泛舟巴城湖,過黄繙綽墓,兄左手持巨觥,右手 孚若詩集敘》云: 也。 權 筆,作七言長歌。」以孚若九齡推之,當在是年。 會葬外王父之日 以元譜致之,賓瑶公卒實在孚若未生之前二年, 厝丙舍,久而後空也。 「徐譜謂賓瑶公卒於崇禎十年,引健庵所作《兄 『杞孝公卒,晉悼夫人喪之。 爲鄰國闕。』 持觥操筆、九龄童 ,並坿糾之。」穆再批: 『九歲能作歌詩,猶 而 縱 酒 狂 且九齡 子輒能作此 歌, 越 「《左氏傳》襄 作歌,亦但追述其 禮 憶一 平公不徹樂,非 實甚。 狂 日 態也。 會葬外王 健 公二

志居

詩

話

寧人早年入復社

,與

同

邑

歸

莊

齊

名。」

有傳示

同

社

名氏者,感觸之意遂

見乎

詞

穆

案:

静

名在弟六。

先生乙卯

歲

孫徵君葬

詩引》云:

「適吴中

所編《復社姓氏目録

》前

卷,崑

山縣

入社者十八人,先生

「年十四爲諸生,入復社,有名。」❷松案:

吴

應

箕

復社,有名。

徐

譜:

常熟王

峻

次

Щ

作

先

生

賓瑶公卒,❸先生居降 服 憂。 元

先祖 之以 自

陝 西 饑 流賊 大 起。 徐譜

祇 歲 試 取賞卷蔡復襄以下十二人,先生未 ,惠安陳提學保泰未 發落 即 告 病 與。 去

元 譜。

先 生 與 潘 次耕書》云: 「自庚 申 ·至戊 辰

邸 報皆曾寓目。」徐譜

危迫之意。」「又當先帝頒《孝經》《小學》 天下翕然以爲中興更化之主,無復向時 穆案:《三朝 紀 事闕文序》:「先帝即 位

釐 正文字之日,臣 乃獨 好 五. 經 及 宋 人 性

理 而 臣 祖 乃 更誨 之, 以 爲 士 一當 求 實

之故,不可不熟究。」 學,凡天文、地理、兵農、水土及 代 興 革

三年庚午,十八

六月,流賊陷 府 谷 徐譜

六 月科試 上 虞李提學懋芳拔先生卷,列

亭林先生年譜

等二十名。 元

天鄉 是 年先 試 生 題 當 「舉直錯 應 鄉 試 諸 枉 ^ 能使 日 知 録 枉 者直 載 是 年 應 以

媚 奄諸 臣 初定逆案也。 徐譜

穆案: 徐君應聘之孫開 是年先 生弟五妹歸 法 應聘,萬 同 麻 邑太僕少卿 癸未進 士 林

院 檢討 開法,字兹念 號 坦 齋 恩 貢 生 一,時 年 Ł

四 [年辛未] + 九歲

八 孔有德反。 月,大清兵圍大淩城。 閏十一 月,登州游

擊

徐

月歲試,李提學 名,仍更名「絳 連任 先 元 配 生 太 卷 倉 列 王 等 孺

來 歸。 元譜

是年甥徐乾 學生。 徐譜: 乾學字原 號 健 庵

官 至刑 部 尚 書

Ŧi. 年壬申 二十歲

IE 月 孔有德陷登州 九月,流賊 連 陷 Ш 西

九

州 徐 譜

三月歲 等十 四 試 名。 鄰 水 元 甘提 譜 學 學 潤 拔先生 老

列

六年癸酉 一; 二 十 歲。

掠 二月, 旅 順 南 陽、汝寧 流賊 十一月,流 犯 丁,遂犯 畿 南、 賊 湖 河 渡 廣 北。 河 徐 陷 七 譜 月,大清 澠 池 諸 兵 取

越」,晚 卒。 譜: 京賦 鼐 元譜 IE. 元 静 譜 月 見 志 見 緗 》将 先生 科試 居 際 謙 健 以 平子、《 詩 化 天下 案 庵 本 話 楚 離 舅 **\***: 生 僧 多 H 崑 時 出 母 故, 4 元 陶 提 務 新 監 朱 瑛 汝 合 軍 策 兄 孺 好 學 談 志 鼐 事 言 緗 人 比 丰 連 捍 字 壽 兵 長 遐 仲 任 禦鄉 序 事 沙。 年 緗 篆 調 來 天才俊 先 邦 舉 中 年 事 緗 壯 有 鄉 未 生 式 有 詩 歲 力 試 四 逸, 口 名 順 好 注 + 年 游 列 世 天 上 長 傳 舉 公 自 沙 穆 其 吴人 車 案: 陶 兩 汝 而 徐

> 七 年甲戌

賊 月 七 正 自 陷 月 月,大清 陝 夔州 賊 西分犯河 自 兵 鄖 六月, 人 陽 上 渡 南、 方堡, 漢 賊 江 降 連 北、湖 復 至宣 陷 叛 紫 廣。 府 陽、 陷 所 徐 平利 + 譜 過 州 月

是年 巡 行狀 按 -甥徐 御 》補 史 元文 祁 彪 君 佳 字宏吉 生。 彪 佳 徐 表於貞孝之門 浙 譜 江 元文字 Ш 陰人、《明史》 公 肅 號 省 立 傳。 齋 據

八 年乙亥,二十三歲

官

至文華殿大學士

穆 批: 學 潤字 元宏, 見《江 陰縣

0 討。 古 舉 由 積 分法, 批: 集》《寄雲樓 翰 於 韶 鄉 林 旋 題 兩 院 薙 名 被元年 祭 沅湘耆舊集 待 髮 中 勒 酒 潙 韶 會 石 顧 集》《褐玉堂集》。』」 Ш 改 拔貢。 試 太 九 授 號 學 副 疇 兵 忍頭 榜, 部 奏 以 會上幸太學,廷 先生文甚 職 『汝鼐, 官 五 陀。 方 廣 品 郎 著 東 官 志》。 中、 新 秩 有 字變 佳 留 會 五 廣 省 教 監 文友 莊 西涯 臣 監 諭 肄 烈 請 號 軍 帝 樂 復 南 密 府 復授 特 高 渡 癸 庵 皇 後 酉 第 寧

官至内

閣

學

士:

是

年

甥

徐

秉

義

生

徐

譜

秉

義

字

彦和

號

果

亭,

賊 IE 復 月,賊陷 六月歲試,上虞倪提學元珙置先生卷二 東犯。 鳳陽。 月,賊陷 六月,賊復走 陝州,攻洛陽。 陝 西。 七月 徐譜

九年丙子,二十四 歲。

元譜

五月, 賊 復 陝。 七月,大清兵入塞。

元譜。

六 月科試 倪提 學連任 9 置先生卷二 月

東歸。

徐譜

歸」。 是年 陽 天 元譜。 鄉 比 思陵,非所宜言,大不敬。 試《 先生當 先生譏其 春 秋 應 鄉 以 題 試 公孫彊比陳 「宋 0 **日** 公 人 知 曹, 録 啓 徐 以 載 新 曹 是 伯 曹 年 伯 陽 應

其 生康熙十八年《與史館諸公書》,《縣志》亦同 洲 入十年,誤。❶ 門 按 報報 御史王 山 君 元譜。 鶚 謙 具 案: 題貞孝 貞 文孝 受 旌· 事 在 狀 九年,見先 元 奏 譜 旌 列

·案:先生所作《先妣行狀》: 貞孝請 旌

> 之歲、「已齒文會,知名 且. + 午」。

十 一 年戊寅,二十六歲

九月,大清兵入塞。 徐譜

一月歲試,維 十二月科試 亓 元 提 學 提 學 煒 置 連 任 先 一,仍置 生卷三 Ξ. 等。

牧齋 史》。 以 佐 《井中心史歌序》。 其 穆案:是年冬, 鄭所南 憶昔 證 寧 書 分明。 後 可 信 時 又爲 説 爲史兆斗所 其 所 聞 邸 有者,莫過史彬之《致身録》、 苟一言及, 藏《 諸 報 所 曹 , 心 秋 南 至 撰, 蘇 岳 史》 立 輒 崇禎十一 云。」又《 州府 閻潛丘 譁 祠 爲 鐵 然起,被以大不 姚 堂, 函 承 ± 日: 與 天寺浚井, 粦 詳 巡 所 年方有 公 「有 見 撫 撰,前説 肅 鄭 先 僞 張 甥 書 所南之《心 韙之名,且 生 或 活 出 書 余徵諸 所 得 維 近 版, 代 作 宋 刻

- 0 批 行狀,未詳
- 批 字選 浦,見《江陰縣志》。」

自 此 以前 並 是寫 本。

年己卯,二十七歲

正月,大清兵入濟南,德  $\pm$ 由 樞 被 執。

月,大清兵北 歸。 徐譜

七月,城固 張提學鳳 翮 覆試科舉,先生 取

遺才二等。 元 譜

先生撰《肇 又《郡國 利 病書序》云: 域 志》 始於 是 崇禎 年, 見《自 己 卯 序 秋 閳

十三年庚辰,二 一十八歲 徐 譜

被擯,退

而

讀

書。」徐譜

九月,張獻忠 荃、歸 劉宗周、徐石麒、陳 水修,由諸生入太學。 几 ,爲亂民所戕。 月, 乙酉夏,以父権杭州 元譜 秀 邑 才 中 謙 陷 莊 修 案 劍州。 覓其尸 重 葺 龍 崑 正 新 文 性剛直好義,工詩、古文詞 新 不得, 講 關 兩 廟,先生 合志》: 求性命之學,尤究心邑 ,遇國變,藝星往省 廡 以衣冠葬之。」「莊字玄 木主,而 「奕荃字 戸與 葉 元 秀 正 暉 還 其 才 至嘉 政 師事 位 奕 利 字

> 思賈 博 恭, 節 間,國步阽危,方州瓦 明 先生《答徐公肅 提學連任,置先 名祚明,工 穆案: 頭 雅獨行 矯然,下多 ●爲 陀。 誼 諸 先生《書孔廟 相 後乃廬 之言,每 生 艸 推 隸 博 許 ,爲東吴高士。」 涉 金 折檻之陳,上有 而 羣 潼里先墓 俱 書》: 生卷二等。 書。 兩無位次致後》: 不諧 聞 乙酉後 於 於俗 「憶昔庚辰、辛巳之 一側。 解, 諭 有『歸 亡命, 旨 生平最 十二月歲試 而老成碩彦品 元譜 ; 薙 奇顧怪』之目。 轉圜 歸 烹弘 善 髮 生名莊,更 顧 僧 一之聽。 炎武, 裝, 羊 張 稱 之

十四年辛巳,二十九歲。

論,**②**屢見於封章。」徐譜

州 IF. 月,李自成陷 城陷 知 州 錢 河 祚 南, 徴 殺 不 福 屈 王 死 常常 洵, 張 獻 遂 忠 犯 陷 汝

<sup>0</sup> 玄」原作 出校。 「元」, 避 清 康熙諱, 今 回 改。 下 同,不 再

<sup>2</sup> 弘」,原作「宏」, 出校。 避 清 乾隆諱,今回 改。 下同,不 再

陽 襄 殺 陽, 唐 殺 王 襄 聿 王 翊 銘。 徐譜 是年大旱。 月,李自成 陷 南

月 於司馬賜塋之穆位。 年七十有四」。 抱 穆案:《三朝紀事闕文序》:「臣 火作於門,里人救之,得息。 ( 舅 臣炎武 母母 ,葬蠡源公及元配 朱孺 爲 人 源 孫。』《先妣行狀》: 壽序》述此 公卒,先生居承重憂。 則 蠡源公之卒也,年七十九矣。❶ 事 云: 周碩 元譜 貞 「家難 祖父某年五 多請 人、繼 將葬,既祖 徐譜: 旌之歲,「先 復 作, 配李 + 室 元 按 廬 健 碩 失 而 庵 奠,  $\pm$ 火 作 始

十五年壬午,三十歲

陷。 忠陷 東 二月,大清兵克松 州 縣 十一月, 廬 州。 徐 九月,李 大清 兵 Щ 人 下 自 薊 成 錦 州 決 州 河 連 下 灌 Ŧi. 畿 月 開 ,張 南 封 城 Ш 獻

兄 遐篆卒。 弟子叟生子洪善,嗣遐

> 合也。❷ 卒。 卒」,若卒於甲午,則先生之年且四十有二矣。 至交,皆不當 先生暨兄孝廉 元譜 生子洪善之年爲遐篆 故,元譜蓋譌歲壬午爲歲甲午耳。 禎六年癸酉 士,官中書,年未四十卒。 記遐篆卒於順治十一年甲午。 歸玄恭《送先 謙 舉 有誤。 捐館 洪 生 健 又《崑 善 溘 北 庵 健 字 逝之年,與 游序》稱崇禎之末,「祖 稱 庵爲 達 遐 新 夫, 篆 合志 顧 早 氏甥,玄恭與先 號 今爲删 各書所言乃 》稱遐篆 穆案: 柏 鄉 亭, 試, Œ 康 遐 年 即 上 熙 篆 丙 推 未 公 中 生 父 以 式 子 四 辰 尋 總 車 叟 其 符 角 進 源 而

十六年癸未,三十一歲。

正月,李自成 八月,陷湖 陷承天。 南諸郡。 Ŧi. 十月,李 月, 張 自 獻 忠 成 陷 破 潼 武

<sup>0</sup> 0 卒於是年。 見 公卒於天啓六 穆 背已二十有七年』、《敘》作 批: 而孤,逆推之,贊善公卒當在萬麻二十二年。」 徐譜作「贊善公卒」,引《鈔書敘》云「念先祖 穆案: 年,年 此誤 四 以 嗣祖 於康熙 爲 蘇 本生祖也。 州 府志》稱 丁未,逆 數之當 瑶

即 以子叟」至「一一符合也」共二十八字,穆批删

弱

遂

陷

西

安

延

安

諸

郡

徐

譜

案: 萬麻 夏, 健 釋 間 庵 始 承 《舅 重 13 服 朱 子 孺 叟 循 人 壽 生 例 序 次 人 成 子 教二子 均。 洪 泰 元 達 譜 夫、 元 案 來 例 白 貢 皆 穆 自

先 輒 有 生 所 譎 筆 觚 記 序 **×** 徐 譜 僕 自 + 以 後 讀 經 史

有

聲

鄉

校。」

來

白

當

即

洪

泰之字,蓋

亦

諸

生

二歲。一十七年甲申十月朔,爲大清順治元年,三十十七年甲申十月朔,爲大清順治元年,三十

祖 Ti. 閣 鬍 原 崩 IF. 再 章皇 蓋 月 於 月 生 遣 建 紀 宫 帝 以 别 張 略 中 月 時 日 復 將 獻 謂 甫 内 萬 陷  $\pm$ 操 七 在 犯 忠 壽 龄 者 Ш 師 畿 京 寇 之 Ш 駐 師 南 紅 几 四 蹕 巾 閣 月二 睿 陷 盛 111 帽 徐 京。 御 親 譜 真 局 元 + 定。 王 九 0 色 攝 月,入 九 月 鑲 元 九 邊 政 李 譜 日 H 李 Á 關 謙 緜 李 元 自 成 明 綢 案 譜 賊 + 成 半 莊 陷 月 西 陳 恭 臂 朔 烈 陷 寧 走。 濟 案 武 太 帝 # 紅 生

> 等 年 極 定 迎 以 鼎 V. 京 明 嗣 師 年 福 Z 是 王 酉 月 由 爲 初 崧 弘 於 光 日 南 元 明 都 年 鳳 仍 陽 元 稱 譜 總 崇 督 禎 馬 士 英

生手 若 鄉, 弟 之,朝夕討 庵 武 濂 千 人 几 元 則 奉 尤涇 詩 行 譜 月,先 涇 墩 去 札 集序 狀 馬 母 縣 學 云: 僑 謙 被 東 元譜  $\pm$ 居 案: 語 論 南 生 刼 所 穆 常 醉 濂 三十 舅 熟之語 案: 故 率 云百 0 涇 德 常 0 謙 氏 詩 去千 家 無 里。 昭 案: 先 亭 日 + 憂 何,忽云 人 合 生 林 益 濂 墩 熏 又東 志 撰 侍 先 涇 常 I 八 心,三冬少 **\***: + 先 月 生 昭 介 母 改 南 避 餘 合 妣 兩 歲。 遷 唐 則 又 志 兵 復 里。 行 縣 案 崑 市 常 居 之間 狀 遷 兄 語 暇 熟之窮 Ш 舊 又《憺 常 今其 濂 界。 居 名 望 「兵 涇 熟 雲樓 尤 又 往 常 脱 東 村 之 涇 H 人 黄 從 熟 集 一之舉 帖 兄 南 涇 月 唐 愈乎? 在 叔 之 京,炎 東 刻 兄 往 雙 父 市 犯 北 語 歸 平 穆 鳳 先 依

<sup>0</sup> 口 刼 通 後 穆 改 批 處 以 不 朱 再 筆 改 爲 註 「劫」, 後文皆 同。 字 原

敗,祝 後,走 元譜: 列, 附記 首。」 節 華 及。 未更名炎武 爲扇焰之謀 雖 佃 而 誤 武 屋 不校,逆 陵門之戟首誅乎元濟。 歸 薦先生名於行 所云「黑夜縱火」,不知即 布 士之恒 於 陳 滇 髮 永言 諸 此 所。 珠涇 墓 卒。 左 獸 談 詗 字岑立,昆明人,崇禎癸未 右, 弟 則與葉方恒構釁 包 萬 已無所用 既 事 ,火攻則兵家之下策。 藏禍 勝 壽 憑楮 彌月,知 崑 蕩 朝 庵 無 Ш 徇 心 中 愴 其 節 日 日 令楊 然。 釋 椽,僕 朝, 人魚然。 不可 録 甚一日。 名嬾雲。 燎原之惡已盈,自焚之禍 玄恭仁 稱 爲,復 指千墩 詔 君 輩 其 案無涉 今乃黑夜令人縱火, 亦 用 徇 永 瞻 入黄 公宫之火先告於寺 旋 乙酉之難 爲 被 兄 况於臨池之畏, 言 鳥 入中 劫事 也。 足 進 兵 浦依吴 靡 應 下。 1: 部 集。 -峯,後 未得 否? 南 追 司 弟 崑 夫行 帥 都 其 益 絳 人 城 務 時 實, 詔 金 忠 吴 破 尚 頓 實 焚 行 强

首 先 心。 日 生編 · • 角 膺 感 南 符早,天枝主鬯臨 都 事 年 擁 詩 》詩 文 起 福 六首。 王之事。 是 年 , 徐譜: 有《 其年 安危宗社 大行 四 按 月 《感 計,擁 Z 哀 西 事 詩 立大臣 魏 詩 國 云

> 家。」 角帶 督師 收 流」也 官于永綏等兵也 無 王許之。 監國之寶。 徐 聽 告天傳玉 雙。」 漢卒,分陝寄周邦。」又云: 弘 律音非吉, 標下兵者,先生 標下兵與浙 基等迎 哭。 謂 詩又云: <u>I</u>: 史可 Ŧi. 册 寅,即 王受訖,大赦。 月 福 ,哭廟見諸 庚 焚 法 王 旗 江兵関 寅,王行告 「上宰 以 於江 皇 火 東閣 《聖安皇 帝 乍 浦。 承王 位, 於鎮 侯。 紅。 大學士 改 T 戊戌 天禮 一命,專 帝 江 自 一登壇 韶令屯雷 亥,百 元弘 本 西 注 督 **奉**臣 門外, 紀 升 光。 云: 師 征 推 殿 官 》所 指 揚 迎見, 大將 動 勸進箋三 先 「六月壬午 焚民 大江 徐 州。 Z 恩 標 生 弘 國 居 又云: 波 王 詩 下 基 總兵 數百 士定 素 出 解 所 跪 歸 澤 謂 服

出走。 五. 一年乙 月 春 著 從叔父穆庵 穆 庵 初 ,膺楊永言之薦, 時。 名 ]酉,南 十五 九 | 蘭服 明亡後,棄儒業。 日 日 ,字國馨,紹芳從子。 都 王 赴南 Ŧ, 弘 師 師 光 渡 京、元譜 江 元 至 南 年 永 京 都 ,三十三歲 麻 初 稱 口 謙 十日夜, 以 明亡。 號 案: 諸 南 生人太學,才名 《崑 中, 四 元譜 新 遣 弘光帝 月 合 使 授 偕 冠

大清 歲。 主 十七 之義,先生 譜 堂 巷」一 南 六月二十 其 貞 拜 辛 部 帶 從 事 軍 卯 流 都 爲 孝 祠 侍 叔 辭 事 夏 駐 兵已定 履 年。 與 首 父穆 陷 年 畢 郎 見 母 及 疾 允 沿 忱字孚若 健 一、足證 《吴同 不 彝 六日 壽 海 從 六 公祠 穆 庵爲再從兄弟。 所 先 庵 赴 門 即 江 吴 案: 十 叔 終 府 人也 松等 浙 生 辛 退 歸 初 身秉 而 遁 君 父 此 卯 從 行 先 稱 語 而 顿 大軍 行 跡 年 Ŧī. 處 穆 年 元 狀 生伯 觴 軍 承 狀  $\blacksquare$ 飲 拜 譜 再 濂 兵海 月 乃 庵 者 至 野 祠 駐 有 至 至 涇 在 姊之子,生 朔 也。 事 謙 明 金 金 上。 蘇 以 寓 將 Ŧi. 姊 夜 穆案: 案 江 陵 陵 有《 醫 州 月 復 其 同 朝 半 八 子 南 又 而 朔 濟 金 沆 字 天 總 詣 邑 有 再 詩 者 介 軍 徐 人。 字 陵 穆 拜 元 於 日 兵 十將官 闕 歸 集 宫 駐 履 雜 譜 同 蓋 崇 臆 之, 吴 狀 日 先 蘇 即 設 詩 莊 初, 志 禎 補 》貞 忱 未 大 生 》 記 生 别 何 編 者, 葵 少 孝 持 0 旬 日 嘉 拜 拜 徐 云 者 年 餘 軍 去 先 屯 誕 不 譜: 誤 得 祠 觴 定 是 日 先 駐 集 吏 受 兵 時 生 辰 也 尚 詩 杭 年 登 吴 兵 而 時 年 智 七 爲 徐 有 書

> 之璵 俟其 文 先 侯 江 江 曾 生 倉 史 監 書 守 日 湖 橡  $\Xi$ 峒 則 檄 生 中 兵 與 軍 中 進 起 明 一永祚、 曾 退 以 攻 詩 楊 總兵 動 道 聯 土黄 獨 兵 兵 駔 死。 三百 杭,嘉定、太倉兵攻 荆 ,擊之,殲 江 云 永 吴志葵先進 松江 絡 科 湖 張 東。」 言 本 (淳耀 編 士大夫。 給 旁 人先 「千里吴封大,三 先 ± 徹 吴其 修朱天麟,吴江 事 與 諸 一儀,宜 即 牛 中 中 生 焉。 登 總兵蔣若 遂 赴 陳 沆 書 陳 斬 吴時 陸 歸 湖 華亭 子 向 興 舍 既 歸 世 兵 胥 蘇 則行人盧 人 龍 合。 莊 鑰 而 而 事 門而 州 李 則 舉 沿 等, 崑 松 皆 來, 也 待問 總督 江 俟 海, 則 州 佐 Ш 允 人 人。 各 崑 兵 破 蘇 Ŧ. 職 徐 震 彝 志 兵部 宜 象觀等, 有 永 Щ 嘉 起 澤 州 葵 方 乎 又 大清 陳子 興 吴易、 則 衆 死 祚 捷 定 遠、 既 通 兵 人 侍 鄖 千 音 軍 則 志 薄 趨 郎 者 龍 兵 陽 章 餘 耳. 至 左 戈 匿 總兵 蘇 葵 四 南京 沈猶 走 爲聲援。 撫 簡 諸 通 矛 剋 萬 騎 州 軍 臺 閨 聞 軍 政 連 於 嘉 日 王 龍 參 約 爲 謀 僉 南 六 司 學 定 海 蜚, 司 吴其 將 下 之 伏 以 月 都 侯 都 陷 宫 外 發 魯 松 先 馳 太 御 峒 江 + 不

<sup>0</sup> 歸 五 拜 字,穆 語 祠 濂 畢 涇 批 即 删 歸 又 語 濂 批 涇 云 IE 文 印 1 林 字 日 及「 接 字 壽 穆 母 臆 小 則 注

才。 葭、 爲 髮 事 日 派 並 洲 六 仰 後 Ш 不 出 中 月 沆 主 閻 月 取 撫 日 與 視 諸 與 安亭 院 士: 且 居 閨 帥 + 謀 焉 茂 啚 初 盡 月 土 縣 自 仍 親 遣 民 民 六 Ŧī. 或 籍 七 放 食 六 才 並 歸 持 諸 聞 故 楊 郡 + 月 H 月 日 獄 閉 偕 寶 谣 村 王 名 後 起 永 人 語 + 永言 至 七 囚 統 邑 城 貢 得 豫 鎮 師 聞 刺 言 義 唐 於閏 H 兵 濂 紳 奸 E 牛 認 親 至 拒 免 火 遁 荃 兵 日 棄 涖 耆 於 涇 楊 人 陳 礮 自 縉  $\mp$ 月 之 印 來 守 民 月 蘇 老 南 薙 難 云 永 大 守 0 蘪 方 杪 紳 崑 潛 乘 髮 於 無 言 都 任 駐 谿 安 機 元 逃 新 郡 令下。 云。 0 而 初 夜 及 等 元 金 紛 譜 撫。 於 刼 郡 中 余 惟 譜 不 城 1 陳 議 陵 閏 泗 紛 掠 守 大 是 以 先 與 按 中 日 宏 推 橋 移 + + E 遣 吏 先 六 崑 母 生 陳 先 大 赴 動 舊 陳 縣 八 遁 鏌 三 刑 及 邑 是 在 與 君 月 牛 譁 等 胥 狼 宏 **今** 刀口 日 發 守 守 日 部 歸 露 門 亦 Ш + 獨 勳 楊 鄉 Ŧi. 餘 焚 茂 安 **\$** 城 侍 莊 坐 以 以 總 納 家。 屏 月 集 永 縣 民 郎 皆 Ŧī. 事 得 而 水 茂 所 兵 才 款 》有 言 初 居 治 榜 李 先 邊 張 脱 1 H 募 Ŧ # 水 以 先 七 水 至 期 樹 延 浦 云 + 兵 佐 殺 知 示 利 日 生 鄉 一吴 崑 龄 遁 崑 下 六 數 縣 オ 茂 薙 縣 菉 以 不

> 月。 譜 糧 濠 縣 百 西 移 人 見《日 按 檄 人 真 甲 爲 城 義 六 申 久 村 知 永 日 守 無 兵 録 言 閏 計 丙 》「星 出 遂 當 迎 申 爲 七 是 戰 隕 監 月 記 如 月 紀 敗 初 憶 雨 食 績 仍 偶 H 注, 誤 既 知 初 縣 耳 Ŧ 而 Ŧī. 事 星 師 系 H 東 流 以 偕 黎 下 甲 城 竟 明 申 中 越 夕 年 Ŧ 紳 里 師 士 日 六 渡 惠 元

或 譜 聿 明 先 集 刺 子 鍵 靖 七 魯 其 叟、子 生 月 六月丁 如 虜 舅 王 生 伯 喉 初 閩 13: 以 母 朱 六 鄭 武 海 僵 黄 太 未 何 鴻 H 孺 並 亦 卧 道 太 巳 逵、 人 遭 稱 即 周 瓦 壽 孺 刻 監 位 難 户 礫 序 張 **\*** 或 於 部 王 中 被 肯 於 子 福 主 師 歲 游 得 紹 堂 叟 州 事 在 下 騎 興 免 妻 等 Z 蘇 崑 斫 改 西 朱 奉 觀 Ш 元 徐 右 王 穆 氏 聿 牛 城 譜 臂 隆 師 補 引 鍵 奉 南 武 折 刀 稱 唐 1 元 憺 譜 自 弟 監 王 衆 袁 元

0 縉」, 不 再 穆 批 以 註 朱筆 明。 改 爲 搢 後 文 皆 回 案 後

改

議 登 陴 守 禦 紛 紛 挈 家 避 去。 何 夫 人 日 老

死 於 此。」子 叟、 子 武 兩 舅 與 舅 13 俱 不 敢 去。 未 嫠 幾 婦 城 必

破 兩 舅 並 遭 難 舅 13: 朱 夫 人 知 事 急 引 刀 刺 其 喉

氣 息 纔 屬 僵 卧 瓦 礫 中。 死 者 纍 纍 何 夫人守 婦 尸 不

去, 俄 游 騎 過 斫 何 夫 人 右 臂 損 折。 久之,朱夫 人 得

甦 起 覓 其 姑 悲不 自 勝 手 裂 舊 襦 爲 姑 裹 纏 重 傷 復

出 自 城 寒 外 其 頸 外 相 祖 抱 13: 匿 嘗 廡 稱 下 H 破 孝 屋 婦 以 孝 免 婦』云 越 H 越 扶 掖 九 登 日 舟

偏

元

譜

王 食 師 復 至 F 常 + 熟 日 貞 終, 孝 於 + 四 日 聞 變 即

仕 絶 元 穆 案: 乃 先 生 撰 《 先 遺 命 妣 行 先 狀 生 ×: 勿 七 更 月 出 Z

卯,崑 者十 有 Ш Ŧi. 日 癸亥,常 至 己 卯 晦 熟 陷 而 吾 吾 母 母 卒。 聞 之, 八 月 遂 庚 不 辰 食 朔 絶 粒 大

斂,又 明 日 而 兵 至 矣。 遺 言 日 我 雖 婦 人,身 受 或 或

恩, 恩, 無 與 忘 或 先 俱 亡 祖 遺 義 訓 也 則 汝 吾 無 可 爲 以 異 瞑 或 於 臣 地 子 下。」 無 負 世 穆 世 案

元譜 字誤; 九 日 7 作 三旦 四 日 作 ,以《行 三十 狀 四 Z 日 卯 至癸亥 以《行 狀 推 之, 癸

知

至己

卯

推之,知二一字衍

也

「只有 初 九 唐 行 月 月 王 狀 延 遥 + 》,先生 陵 至 授 九 心, 嘉 先 日 凡 定 生 尚 9  $\equiv$ 挂 權 兵 過 過 姑 部 厝 其 蘇 吴 職 居。 貞 樹 其 方 孝 戊 流 亦 司 柩 子 謂 家 主 年 於 其 事 寄 沆 司 徐 薛 也 譜 馬 元 宷 譜 詩 據 云 東 + 同

也。 時。」 史可 是年 女, 州 百 雜 口 兵 厲 千 高 Ŧi. 法 兵 詩 至 黄 皆 里》一首、元譜: 又「正 、秣馬 進 法 日 傑首 此 旗 詩 是年正 次 駐 几 年 下 遥 河 揚 有 殿 首 奉 祭 駐 四 石 上。 州 《京 虚 + 命 防 月 頭。」又云: 月 椒 高 =徐 渡 河 事。 又 先 寢一 泗 口 傑 陵。 譜 生《京 選 淮 水,所 移 即 ^ 於 克 先 京 屯 首 謂 事 各 元 口 瓜 生 「大將 期 是 闕 詩 部 蓋 **\*** 即 輝 州 年三 進 皆 王之綱 謂 金 篇 事 殿 弘 五. 師 陵 首、 弘 臨 詩 **>** 月 光 月 雜 規 光 江 癸巳 云 : 可 以 前 命 詩 諷 自 徐 首、《 日, 前 法 去 驅 口 之 譜 白白 作。 中 遥 薄 年 檄 法 意 祭 原 諸 羽 命 諭 案 金 深 睢 ^ 望 諸 重 選 出 鎮 几 是 矣。 陽 秋 陵 淑 聞 陵 捷 揚 出 鎮 年

葬》詩一首。是年作《軍制論》《形勢山》二首、《表哀詩》一首、●《奉先妣稟

論

 $\times$ 

田

功論》《錢

法

論

殺之。 州 鐭 總督 王 肇慶府,以 執,不屈死。 三月, 遮留,不得行,乃 三年丙戌,三十四 殺聿 師 於 廣 下 1 唐王 元譜。 魁楚、 建甯、延平等府,唐 州 鐭 一督師 明 改元紹武。 明大學士蘇觀生又立唐王 年爲 徐 唐王將 廣 譜 黃道 西 駐 永麻 歲 巡 於延 人 周 撫 元年。 贛 舉兵至徽 深瞿式 十二月,王師 平。 州 王 耜 等 立 鄭芝龍 一走汀 徐譜。 十月, 州 州, 戦 + 桂 明 使 一弟 執 王 敗 兩 軍 月, 廣 於 聿 而 民 被 江

地。 日,命 葬,不果行 五. 月,先 家 將 生祖 往 趙 閩 元 庶 和 譜 中 母黄氏卒。 等 赴 遷 職 居。 方之召,以 元 譜 十月 未 詳 母 遷 喪未 十二 居 何

0

江頭送伍員」,「員」字 首、《不去》三首、穆案:《池 是年詩有《 延平使至》一首、《海 用 韻 有 據 北偶 條。 談  $\wedge$ 》有 老 上》 論 鶴 落 四 萬 H

里心》一首。

作《吴同初行狀》。

四年丁亥,三十五歲。

祖庶母黄氏柩,葬於司馬公域外之西偏。秋,至海上。 十月十日,命家人趙和迎

- 0 也。 《表哀》之例,抒其無告之悲,孫綽之序即先生之自序 序曰: 也夫!」共一百二十九字。 之常語也。《日知録 悟 此 句 以申罔極之痛。』穆案: 或 朝復見孤棄。 後,穆批增「先生自注云"晉孫綽作《表哀詩》,其 者乃欲爲 『余以薄祜, 先生諱 夙遭閔兇,天覆既 不勝 》論之詳 滅 哀號,作詩 諸 《曲禮》『居喪不言樂』,禮 矣。 詩 其 先生 亦少乖 淪,俯憑坤厚,豈 首, 一遭 敢冒 極 論 變 世之指 諒 闇 援 之
- 撰《顧 字,寫作「原譜」,非張穆後來所 元 譜 亭 」,此處指 先生 衍生所編 年 譜 》 以 譜, 下簡 道 加者。 稱 光十 九 譜 年 本 刊 原 車 有 持 此 謙

督吴勝 舟 咸 難 奠禮 兆 武所逮 赴 匿子龍之嘉定侯岐曾及同 玄恭時 葬 禎丁丑進士,兵科給事中。 主 江 時辛亥。 先生廬 元 一人,咸 水 Ш 建 譜 貞 事 陳 ,各以詩弔之。 死,岐 、舉 黄 元譜: 廷 太 孝王太安人於 斌 赴 兆 事。 人咸受先已 安府推 僕 墓。 通 卿 樞 貞孝之葬,干支悉同。 吴興, 覓兄德 的曾等 謀。 其亡 案 子 案少 屬 及 十二月二十一日,移家 元譜 官。 其轉達,爲邏卒所獲,以告提督吴勝 同 龍 推 先 是年夏,勝 也 被 司 生《答王 官二子 馬葬 徇 殺 口 丙 葬之域外。二一十 節。 於松 戌 元譜: 清 邑 時 四 教諭 送 邑顧天遴、天逵。 賜 受魯王 顧 用 Ш 聞 江 月, 兆反,事 歸 唐 天 歲丁 史書》: 子龍字卧子,青浦 推 坐 繼 自 咸正字端木,天啓甲 王 莊 遊、天 二十一月 官 登 關中歸, 東 立 部院職銜 亥,月辛亥,日 泄 往吴興。 骨。 於閩 咸 仲逢 一先 逮子 Ę 逵先 日 哀執 祖 艸 知弟錢 語 龍 與與 有二 子 亥 府 吴 密 龍 八松 濂 并 疏 徐 時, 君 縣 友 後 具 一妾,炎 人,崇 丁亥, 塘 乘 江 附 逮 兆 松 之 死 楊 子 4 間 提

> 阮當國 庚午南 血 搜 爲洪承疇 勝 索得之,絶食 兆 書之,終以不屈 祕之。 抑抑 京 解 所 不能用,罷 殺,後二子之死僅 元,福 及是年六月 Ŧi. 被殺於蘆墟村中。 日 王時薦授兵部 不死,作 歸。 勝 至是年四月,遁 兆 反,密 絶 月。 主事 命 詞 疏 兼 廷樞字維斗 遂 監 發, 居 察御 一首 Ш 逮 史。 隝 至 當 金 衣帛 馬 陵

《義 首 所謂 上郡 譜 閨 或 又先生之從軍 貞之挾潞 是年詩有《贈 六月 ,難與秦風齊」之句。 《塞 詩云「大海天之東 還,始 士行》《秦皇行》各一 崎崎 朔,殺之。 嶇 下曲》二首、《海 王 結 出 周 同 於吴, 降, 旋」者 盟 顧 契。 詩 顧 中「杲 咸 推 咸 ,其處有黄金之宫,上界帝 即 崎 其後 IE 建 官》一 指 嶇 必 棄官 卿 從 戎 《哭咸 同 血」云云,蓋 軍 馬 行, 去, 首, 上行》一 首 耳 間 Œ 追 故 周 》詩 徐 及 有 旋 譜 墟 大 之於 曰: 句 止 述 首,徐 里 漢 吴 案 「及乎 此 吴  $\forall$ 歲。」 古 行 張 事 江 子 F

<sup>● 「</sup>亥時」二字、穆批删。

<sup>「</sup>村中」二字、穆批以朱筆改爲「泗州寺橋下」五字。

澤句 行》一 朝 末夏初 務 天啓壬戌進 後、《塞下曲》云「即今三月鶯花滿」, 謝 先生之意 去持 舟山 不可 事》一首,《推官二子被執》一 其子成功 鯨魚出没,鑿齒 海 居其中」,又云「或言有巨魚,身如十洲長,幾化爲 去秋闚 幾豫吴勝兆之禍,欲赴 招 Ш 水爲 ,爲禮部侍郎 引 云「道梗不前」,仍非實録。 魚竿」, 非 當,一旦失水愁旁皇」, 撫 時,尚 叛賊 首,元譜: 可 金湯,舟楫爲宫殿,終於淪亡也。 江 東溟」,尤實至海上之顯證。 始 也 以圖存,故又云「東浮大海難復 西。 士,媚 謝 則 未赴海上耳。 以 穆 附 遷 順 後 磨牙」,先生知鄭芝龍之負恩喪 等 明 案 閩 乞歸 奄得 陷淄 治二年六月升兵部尚 決 爲孫之獬作 繼 據元 不宜 里 官侍講, 則 海上,道梗不前」者,似未知 ĴΪ 中。 附粤,終不爲 譜 往之意。 明年戊子《將遠行 蓋謂 擒之獬,支解 則先 是年 名在 也。 但 魯王之人海 詩 生 九月 此詩 逆 之獬 首,《 編於《塞下 實 神 家中。 魯王 《哭楊 曾 道 書 難 又云「但 死。 土 淄 當作 表》以 至 總 不 賊 用 淄 海 》詩 JII 于 結云 督 如 徒 T 人 國 曲 上 主 111 國 可 軍 春 爲 歸 而 見 以 龍 云

> 推官》 洪承 作《王時沐墓志》。 誓。」謂 楹》一首、《精衛》一首、《吳興行》一首。 葬於侍郎公墓左》一首,《墓 曰:「汝知史可法在乎,不在乎?」咸 取 檻車 汝 疇 赴白門,忠孝詞色属。 此也。 死 頭 乎,不 謝 首, 元 《哭陳 元」,當 徐 死乎?」洪 譜 太僕》一首、《 咸 由 之獬 Œ 默 至 竟作 然,遂 嬰 江 寧,總 衆怒耳。 戎首論,卒踐 正答曰 殺 後 督 之。 結 奉 洪 承 廬三 先 妣 詩 哭 汝 捐 疇 云

生

知

顧

問

五年戊子,三十六歲。

已三秋。」蓋自秋迄冬泛五 秋,至湖 去秋闚東溟,今年泛五 是年語 Ŀ 濂涇家中又被劫 元譜 湖。」《偶來 湖 徐 也 譜 案 》詩 《將 元譜 冬,抵京 云: 遠 偶 行 來 詩 П 湖 云 上

0 穆批以朱筆改爲

是

年

詩有《越鳥巢南枝》一首、《江介多

《薛開 録》: 丿,因姓米氏。 之頗備。 易之論。」 所著《水利全書》。 塘 寸不遺,而其開浚之法,區畫周至,約束嚴 講求水利,東浚横浦、 侯水利書》一首、元譜。 筆》明素志也、《渡瀘》《聞雞》以不忘恢復望諸公也 案: 六詩皆非泛擬、《乞師》悲往 悲風》一首、《擬唐人五言八韻》六首、穆 人」者,曾膺唐王之韶,受其冠帶也 ·耿橘字蘭錫,獻縣進士,萬麻三十二年以調繁至。 《歸里》則知時之不可爲而倦飛思還也。云「擬唐 ,西浚奚浦、三丈浦。 薛名寀,亂後歸釋,謂去冠故去心,去髮故去 封寀》一首、元譜。 《偶來》一首、《浯溪碑歌》一首、 穆案:《耿侯水利書》,《郡國利病書》采 自號米堆 其立説以水利用湖 横溪、李墓、鹽銕塘、北 凡土田 Щ 謙案: 《將遠行》一首 高低,宜蓄宜泄,尺 謙案: 事 也、《擊筑》《投 《常昭合志》: 《常熟縣耿 不用江 略見《人心 明,具載 浚福山 1, 尤不

> 春,登靈巖山 至吴江,過八尺。 字似非地名,所未詳也。❷ 投水死,仍磔屍示衆。 八尺」一節,然此「八尺孤帆一葉舟」云云,「八尺」 七月據南昌叛,是年正月爲官兵所破,聲桓中二矢 糧盡力亦殫」,指江西金聲桓事。 山。」」《春半》一首、元譜:中有云「洪州七月圍 「《吴郡志》:『靈巖山,在城西三十里,一名石射堋 是年詩有《石射堋山》一 首、《八尺》一首、穆案:元譜有「至吴江 清明,封墓樹。 《懷人》一首、《秋鷹》 納妾韓氏。❶ 《桃花溪歌贈陳處 首、先生自 聲桓以去年戊子 元 注 秋 過

「納妾」上,穆批增「是年」二字。

君墓志》。

《瞿公子玄鋗將往桂林不得達

士梅》一

首、穆案:

梅字鼎和、《餘集》有《常熟

删,又批云:「八尺鎮在吴江縣南二十里官塘之西。」「穆案元譜」至「地名所未詳也」共三十六小字,穆批

州。 廣 而 西巡 歸》一 式 撫 耜 爲 首。 南都 文 八淵閣 陷 0 ,與丁魁 元譜: 大學 士: 玄鋗 楚等 留 守 常熟人,父式 立 桂 永明 林  $\Xi$ 王 由 師 榔 於 耜 破 桂 梧

## 七年庚寅,三十八歲。

與總督張同

敞俱被難

衣冠 元譜。 正 奄 也,殊誕 月 Ш 五 謙案: 在 僞 縣 日,韓氏生子林元,名之曰 作 南 崑山張元賡著《卮言》,謂先生無子,蓋 商賈, Ŧi. 時 里。 怨家有欲傾陷之者,乃變 游 再 至 金 鎮 壇 登 江 登 顧 北 龍 古 詒 111 樓。 穀。 元 天

已,復往嘉興。

轉》一首、《秀州》一首。 有、僧舍三 迂,雲林鬱 譜"元末丁酉十一月, 是年詩有《顧龍 望東南,隱隱神 重至京口》一首、《榜人曲》二首、《 鬱,風 間。 他 壇。 竹 日 珊 山高皇帝題詞》一首、元 偷閒 獨跨征車,信步登 珊。 明太祖 花 塵不染、 鳥娱 駐 徐譜: 蹕 《情,山 浮生九寰,客 此 Ш 案《流 Ш 水相 題 煙 詞 弱。 寺 굸 流 中 迂

至此乃欲北至中原,故《鈔書自序》云「炎武之游四云云,蓋先生自乙酉以後展轉江浙之境,於今五年,

● 「玄鋗」,原作「元鋗」,穆批改爲「玄鋗」,「玄」,原作「元鋗」,穆批改爲「玄鋗」,「玄」字缺末

0

忠宣 月由 人也。 公贈 玄錥 集》本有玄錫所刻作行狀,近刻删去,遂滋疑實, 亂 埕 文猶未歸 寅 月十九日,與昌 檢討,撰 穆批:「穆案:瞿公字起 + 海 年謚忠宣。 兵所害。 叔父玄錥 昌文稱 一殉國 道先 一月 海道入粤,已丑六月達桂林。 詩所謂 玄鏡。 忠宣有孫昌文,字壽明,於順 有《粤行紀事》三卷。 初 後 也 玄 玄銷爲仲 五 孝 錥 自家鄉泛海入粤,已抵惠州長樂 此所稱玄銷、未知爲錥字之譌、抑别 其子之可考者玄錫、玄銓、玄鑑、玄鑰、 玄鋗即 轍 日 廉曇谷之長君者也。 而《粤行紀事》載庚寅 殉 文相見於梧州之雞 而 始 親,忠孝 安事略 艱 此玄錥,則 叔父,又疑即玄銓改名。 難更甚。 田,永麻朝謚文忠,乾 門,可謂極古今之盛美 記忠 當爲玄錫之子,别 是終完其省親之志。 未幾,至永安縣,爲 宣 籠 永麻褒授翰林 治五年戊子十 玄錫 殉 八月十五 洲 節 ,叩其狀 事,其 亦撰有 隆四 《忠宣 日 時 Ш 塘 昌 庚 院

志 詩 方十有八年」, 決矣。 云 「將從 馬 伏 亦 波 以 田 此 牧 年 邊 爲 郡 始 北 也 蓋 至 穆 此 案 而 北 秀 游之 州

八年辛卯,三十九

痛飲 略、 穆案: 至金 滄 繡 畫,又工 Ŧ 桑後 起田 粗 八月十 徐州 食 而 陵, 此句元譜 肉如 ,罷公車 抵清 寫 墓志 革 美人,他若琴棋刀劍、百工技藝,細 萬 I 故。 初 四 縫 年 江浦。 謁 僧 邳 紉 壽 日 本 少 孝陵。 徐之亂, 祺字年少,崇禎庚午舉人,工 有,車 冠 無不通 壽祺定交。❶ 僧 至 元譜 服 淮 君 移家公路 曉。 自 删去 元 安, 名明 譜 風 與 非 志道 流 拜 浦 豪 也 Щ 元 侍 宕, 辩 人、 譜 陽 著 郎 沙 見 有 傾 《文集》 王 耐 Z 門 公祠 | | | | | | | 動 詩 女 起 酉 慧 西 紅 文 下。 時 田

宫 是 陵 利 病 附 年詩 後 於其 書 祠中》一首、《 有《恭 (側。」《 孝 陵 拜先曾王父 在 謁 南都 孝 陵》 贈 外 城 萬 内 舉 首 鍾 木主於朝 Ш 穆 壽 之陽 案 祺 懿 郡 天 文 或

乎? 悲矣。 君平 爲寧 問 居真處士,枯坐老頭 刃屠 後 秋 隰 念未轉注時 年,而子隱於商賈,余隱於沙門,雖 寧人乎? 抱 日 題 屋 此 此 心異顧子,至是 題 日: 顧 屢 布爲 五年也」共三百四十 西 :『余再轉 在河下, 句 句 隰 子 寺 沙 後 如 畫 人者乎?』是日 割之間,余與子亦幾不得免。 後 西草 抑將終身焉,與監市屠 經喪亂,天下之賢者不能須與忍,多成 辛卯 在 門 有客,夜半 册 今子操奇嬴於市中,宰天下之平於此始 商賈,繇 由 穆 自題 浦 唐 慧壽。 堂 方少 隰 批 批 春 昔之名者安在? 西寺之東, 市 注 一》詩 增 增 西草 始 日 至 而得此 乃詳 年 唐市之淮之浦 年少作 日 程瑶田《跋》 淮 穆案 遇顧 渡黄河。」 堂在北門 『君平 時 之 也, 陀。 知 一雖 操 浦 六字。 子於舊 名。』余心異之。 余 顧子之爲 筆 西 薄 顧 少冬 (秋江别思圖》送之」十 茶餘客話》: 隰西草堂在焉。』 挾 子 過 游 西岸。 水 狗 日: 策 都。 余草 欣然鼓 穆再 淮 西 則 隨 者 論 陰,余 樹 余友也。 余曾 庶幾舍商賈而求所 緣 伍 過余草堂。 堂, 古今之事, 顧子名圭年。 批 事 所就之各殊, 《秋江别思》卷 過 耶? 猶 枻 既不就,行且 萬年少溪 是 爲 見 餘 是年秋, 「靳 渡 江 其 沙 壽 古 子歸 日: Ш 江 今言 門於 爲 道 薜 應 而 X 名 昇 沙 或 余始 人 夢多 了子非 東 唐 茶坡 辛 普 爲 於 門 志足 步 顧子 东 去 市 卯 之 應 既

曹縣。 死。 也。 清爲 首、 族誅之。 三年戊子,陰 二年五月,福 福 ●《淮東》一首、元譜: ^ 得功先於乙酉六月王 贈人》一首。 十月,英親王討平之,詰 王時 詩中云 四 王出 與 鎮 曹 之一 「地下 走。 縣 叛 開 寇通 七月,澤清 逢 府 師 黄 淮 侯」,謂 許 據 東, 江 其 爲 以 口 由 劉 率 内 頗 時 靖 應, 澤 所 事 知 迎 或 部 聲 清 戰 出 遂 公黄 納 色。 作 澤 作 中 降。 也。 清, 亂 得 順 流 陷 矢 乃 又 功 澤 治

九年壬 二丈許,石上古 越來溪上。 Ш 忠 經 以 濟 京國子 臣 亂 廕 生、 郡 文莊名仁錫,字明卿,號芝臺。 歷 展 義 歸 濟楨奉詔 城 辰 監 士 田 官 拜 四四 像 緝 至太僕寺丞。 祭 ,奠姊壻陳皇士之父文莊 遠 酒。 ,裝以 盧襄《石 啓 十歲 祖 禎 建祠於卧 松 福 黄 爲册 如 兩朝 E 湖志 蓋 門 時 可 遺 贈 穆 公墓。 \<u>\times\_{\times}</u> 龍街關 湖 詹事 稱 詩,又命工 案: E 好事矣。」至 望見之, 「墓上有 《静 謚 廟之右。 元 文莊。 志 天啓壬戌探花 譜 傳 居 即 寫明三百 詩 E 墓 一吴縣 濟生字皇 弘 知 話 公祠。 在 石 光 爲 横 元 横 野 之横 皇 年,子 卧 Ш 王 年 東 慕 口 來 士 南 元

0

也。」先 嘗,與 穆案: 歲《贈 人,故 市 故拜黄門墓,而 手,去去焉所極。」蓋所送之人北行, 元 贈人》詩 譜 仍 感總督 返 時 先生有 萬 舍 生 壽祺 屈 人時 干 是年六月,弟子嚴得 云: 時 伸,吾 [皓月公之長子。]又《廣 尚 墩 《送書小 》詩 攜 「路旁多行人,一 如故。 《路 家 不如 云 : 奉 澤溥 母 帖 「會待淮 至清 路安卿。」 遇路舍人澤溥於虎丘 寄居 詩 亦 江 湖 云「相 路 Ŀ 水平, 南 浦 注 安卿 師 Ŧ. 而 逢 子 渡 以 篇 清 見 徐 先生 名 金 \*\frac{\times}{\times} 秋發吴 北。 詩 洪 河 譜 澤濃 閶 下。 慎。 西也 仍 南 抵 按 南 險 榜。」又 北 先 0 自 歸  $\pm$ 元 阻 遂 曲 生去 吴 唐 備 分 居

所出 非壽 事,似作詩時尚未寄贈,後果於秋發榜 淮 此 日 六卷第七期《顧亭林集外遺札》, 濃 : 句 顧氏歸吴,當在 「會待淮水平, 「穆批改爲「溥」。 詩 道 後, 以 人作畫 穆 贈之耳。 批 增 言别 一程 清 壤叟又記」共 時 瑶 夏 江 田《秋江 所 案: 日 發吳榜。』然 贈。 汎 攷宣 漲 先是,金陵 之時 别 統二年《國粹學 此字作 思 一百零三字。 跋》 憶 觀道 道 日 至淮 相 人 人敘 而 見 細 作, 道 翫 乃出 再 顧 見 人反 故 》第 詩 前 情 結

0

Ŧi.

合志 偕衍 當是 後。 成均 花 齋 穆 里 作「十九 案 兩 一,扶槻葬 》詩 志誤。 ¥: 性愛客,就 得 表兄及汝嘉兄 生 百 據衍生元譜, 扶柩歸,不云洪 州 ❶「巖字大雲,好學工 首 日 倅 祖 傳誦 從 坐。 以 謙 所 叔父穆 親 辇 案 居 承 老 下。 則 先 西 遺 辭 命, 洪 慎 生卒於曲沃,從弟巖 偏 崑 歸 庵 慎 也 疏 新 先 以子宏佐爲炎武 泉 時 合 得 從父炎武 壘 生 衍 志 詩,少 在 子 石,與 ₹: 都 生又云以 有 巖。 中、 游 世 洪 故 卒於晉 未 太學,嘗 僕 慎 人嘯 元譜 嘗至 遺 陸 自 字 陽子 書致之立 詠 晉 崑 汝 恩 走三 以 作 甚 Ш 嘉 叛 叛 崑 終。 詒 《落 明 來 穀 千 新 試

作。 案《 鈔 徐 Á 序 **\*** 「年 四十, 斐然欲 有 所 嵋

初

美

札

6

陸恩

作

陸欽」,後刻集仍

改

作

陸恩

重

華,戊

辰進

士, 4太常

少

卿。

望

一雲樓

刻

歸

玄恭

《與

葉

人,順

治

戊

戌

進士,官

至

Ш

東

濟寧

道

僉

事

穆

案

順

治

戊

戌

進

士

履

歷

便

覽

**\***:

葉方恒

0

字

敬

默,

父

投

里

豪

葉

方

恒

0

元

譜

方恒

字嵋

初

,崇禎

1

午

舉

是年

詩

有《同

族

兄存

愉

拜

黄門公墓》

一首、

0

戊辰

一前

穆批增

「崇禎」二字。

於福 字見 云云。 戈 南 愈都 振 縛 癸未進士涇陽武 士 擒二人,竿弼周於法場 捡魁獻行朝 |情徇 贈路舍人 飛上 對 京,河 官 E 御 州 白、天啓 諸 既至,拜 使 疏概寬罪宗,得 史,總督漕運 子職 趣 南 市 者, 召 副 ,鞭八十,檻車 乙丑 方員 振 ,逆黨皆 使 澤 唐 太子太保、 飛 日 愫  $\pm$ 溥》 進 外 爲 弼 制 聿 巡 ±, 郎、又録守 賊防 周 書 戰悸」。 鍵 ,命軍士人射三矢,乃解磔之; 釋。 無淮 爲 有 曾 涇 首、 獻諸 吏 禦使,招 駡 陽 以 Z 朕有 賊 揚 部 罪 西 又云「天子呼 知 南朝 節 元 尚 錮 縣。 淮 ,南京破,聿鍵 守 北 度 譜 書 守 撫徐 功 木 伏誅 使,來 都 陵,中 兼 崇 恩 澤 陷, 廕 沛 文 禎 官 溥 ,故詩中 淵 錦 福 中 代 路 官 恩官,干 父 衣 閣 振 屢 王 振 虐 振 振 大學 自 世 7 飛 遷 飛 飛 飛 Z 擊 於 至

<sup>0</sup> 遺 崑 新合 未按全書 志」前,車 體 例予 譜本 以 原 註 有 明 案」二字, 蓋 張 偶

<sup>0</sup> 順 治戊戌」至「葉 共 删 字, 批

字敬默」三字、穆批

<sup>6</sup> 葉嵋初」三字,穆批改爲「方恒」二字。

乃以 制 户 陷廣西,王 聞》三首。元譜: 追 二首、《丈夫》一首、《王家誊》一首、《 0 赴 間 不及。 悲 順治三年,王師 關 憤成 奔 竄 造 汀 疾 使召定 故 州 而 也 破,走 卒, 國 攻克仙霞關,聿鍵走汀州,振 是歲 粵 居 人 中 衛。 海 賜 永明王在肇慶,李定國 島 謚 蓋 文貞。 明 王爲其下孫 年,將 清 赴 永 江 可 明 望 浦 傳 Ξ 飛 所 攻

其 弗克赴任。 訓導,作興 之説,天下翕 案: 爲 者喜倡 側,爲諸 常常 汪 熟楊 琬 新 《楊 説 人材甚 生 明亡,遂不 ,畔違傳 顧 一講説 子彝 然從風 兩先 廣。 無少倦。 作《 生 注。 稱 居五 傳》云: 出 楊 祠堂記 彝與太倉顧夢麟 載 顧 晚 年 歲 學 擢 萬麻之季,士 七十 目 -0 知 >° € 九卒。 盲,猶令人 都 以 昌 歲 縣 貢 力 元 以 明 之爲 譜 爲 讀 道 松 先 阳 江 儒 文 謙

十年癸巳年,四十一歲。

三月,魯王去監國號,不知所終。徐譜。

御容於靈谷寺。元譜。謙案:靈谷寺,梁天監十春,至金陵。 二月,再謁孝陵,並謁太祖

則不辨 《路舍人家》詩。 自偕。 十月,三 今攝山 言》詩序云:「今復來吴下,感 洞 先生去年自 云: 爲開 人於金陵納姬,置之清 好怨,已如一 三年爲實誌公建塔於鍾山 納 寺於舊基之東五 :庭山 戴 同 善寺。 氏。 所納 「優曇 不待王郎 心初 至江 謁 宋改 何 庵 元 綰 月太常齋。 氏以 譜 孝 在秦淮 中 寧,復自江 王 去迎接 里,而 名太平 亦 陵, 家 謙 有 時 案: 路居於洞 孤 摹本, 誉 舊基 江 并 事 ,西風今送 興 占熊從此歡無既 浦, 寄清江 案之,或是 《歸 仍 作 國 玩珠峯前,❷名開 遂爲孝陵。 会寺, 不知即 至是姬得 歸 玄恭 圖 一寧歸 後 洞 音 入君 集 庭 問 名 庭 吴。 孝 戴 蔣 乖 戲 東 南歸」云云。 懷。」自 太 Ш 陵 也。 詒 贈 Ш 舊 祖 、弋鴈何 中 Ш 寺。 ^ 雖 先 穀 善精 帝 藏 有 贈 是 松案: 也 異 生 注 殤 后 本 納 明 年 九 贈 楊 舍, 謂 御 妨 否? 秋 姬 初 永 由 有 寧 更 今 後 老 婕 改

- ●「彝」,穆批改爲「常」,又批云:「子常名彝。」
- ② 「寶誌公」,穆批改爲「僧寶誌」。

之蹟 諭 又《 F. 》詩亦 津橋 贈 也。 郝 言 將 云: 徐 及 譜 軍 舊 **>** 栖 〉詩序 事 穆案: 遲 + 感 云 此 載 而 :「今爲 段 Ŧi. 口 有贈。」《 湖 補 元譜 湄 醫於吴 二月 贈 皆 後至 在 劉 之 吴 教 九

月之闕 首、元 歸 首 溪。」 譜 游 屢 是年詩有《路舍人家見東 再謁 至,故《 粤詩》 首 高 首、《贈 先 鄔 楊 士之淮 生此 譜: 孝 元譜 賣 贈 明 藥 陵 數 鄔 朱監 舍 揚 府 年 首、《贈 繼 案永錫字欽 人父文貞 上》 州 永言 思 中 市 往 紀 首 詩 先 來 几 云: 首 復來吴下》 鄔 ^ 生 無 公 輔 爾 恭 定, 頻 年 處 在 過 謁 號 贈 士 年 而 閩 之。 賸 金陵、 繼 尋 首 武 劉 高 時 庵 杜 思 皇 教 四先 ^ 特 **●** 監 魏 甫 一首、《 昔 揚 帝 諭 請 縣 一首、 州 有 製 麻 御 永 過 市 紀示 新 崇 錫  $\forall$ 容 浣 井 送 麻 禎 皆 徐 花

詩 見 死。 貸得 旁。 子日 自 河豪傑誰 士,兵後隱 葬於閶 三,遂卒。 哭之成疾,亦死。 有女,許字未嫁,亂後恐詒 自決矣。」皆裂尺帛 拔 氏及童僕二十 其 我中原男 呬 話 者哀之。 劍 貧 百金 永錫 食蔬 ()、欲 初,永錫長 欲自裁,乃止 門下 門 永錫 煩 造子臨 粥。 不 外 子,年二十渡漳河 時甲午秋 欲 1 居 以 久之成疾, 知我? 半 有 抱 相 吏 馳 塘、以 餘 居 ~ 洹 持 城。 事 八九尺,容貌 以 與 三月 人 後大水乏食,家 之, 獻父,星 水遺 握之。 隱 婦 謝 謂 欲見 也。 有 妻 得 歸 還 居 不 其 漸 大吏 女袝 詩 解。 魏。 應。 相 辱 妻日 同 劇, 長 會海 父母 城,大 夜 邪?! 强之仕,袒 時 洲。 之。 ,登大伾 既 甚 臨既 린 南 又曰 有 憂,絶 夕大呼「烈皇 E 偉,至是 下,馬 而 , 吏遣· 署 齊 彼再 Z 童 兵起,乃罷 取 歸, 女、 文人者 酉 E 穆 相 壁 「洹水, 粒 躍 妻 案 驚 思父不 繼 至,我與 之變,率 人説之,永 海 E 裼 而 相 毁 馬 墮 死 \$ 所 疾 死 撫 繼 鳴 形 事 地 静 埋 挂 至性之 視 其 餓 鞘 帝 置,假 骨 被被 其 若 妻 劍 志 骨 永 與 日 一者 喪 死 立 欲 兩 居 傷 道 13: V. 妻

丙子舉人。

癸未謁

選長洲

教

諭

邑令遂寧李

實

廉

知

❶ 穆批:「四輔,寶應人,《江蘇詩徵》云『字監師』。」

徐譜

太極》 廟。 首。 增 三島等經紀其喪,葬之虎丘 子爲盜所傷,亦死。 功臣 今已半就圮廢 元譜。 廟 一首、《孝陵圖》一首、《十廟 祀 謙案:洪 徐達以下二十一人,爲十一,後又增 久之, 洹水殁, 其弟子徐晟 武二年,立十廟於雞 Ш 塘。」 贈郝 鳴 將 山,又 軍 陳 四

十一年甲午,四十二歲。

春,至金陵,卜居神烈 山下。 元 譜 穆案:

神道

表》:

先生

「僑居神烈山

下,

徧

游

沿

江

帶

以

磯 舊都畿輔之勝」。 東抵 蕪 湖。 秋,游 由 儀 真 燕 歷 子磯, 太平, 留 登 宿 采 僧 石

以 院,●至冬始還。 選 貢人成 均。 穆據 元譜 僧 袁 是年,長 /》補 甥乾 弟三 學 甥

詩言 先 生 一此數 一十載違 年 未 鄉 歸 縣 崑 ,三年旅舊都 Ш 觀《 松江 别 可 友 知 矣。

元

文

鄉試

中

·
式
舉

元

譜

是年詩有《金山》一首、《僑居 歸神烈僑居,故明年元旦得在陵下。《范文正 《江上》一首、《久留燕子 平》一首、《蟂磯》一首、元譜: 祠 徐譜:詩云:「寄食清江院,從秋又涉冬。」蓋冬盡又 首、《古隱士》二首、《真 首。 首、《錢生 元譜: 肅 肅 潤 潤 字 楚日, 之父出示 磯院 州》 神 無錫 烈 中》一首、 人,著 Ш 磯 首、《太 所輯 在 下》 有 蕪 《南 湖

十二年乙未,四十三歲。 忠録》諸書。❸

0 畢澤 人陸泓經紀其 先生攜席市中,見者呼席先生。 此 云"【隱居相城,尋 集・ 句 ,四壁蕭然,爲《七護詩》以寄意』。 人也」共 後、穆批增「又王應奎《柳南隨筆》引釋 護詩序》云: 喪。」 百一十 移居陽 應奎 字。 案: 道人鼎革後 城 畢 湖之濱, 澤 又幾年,窮餓死。 近 陽城 隱 妻子織 沈確士爲 湖 於南沙之里 席以 石 陸泓 林《寄 作 友

留宿」二字, 穆批互乙。

6 書」二字, 穆批删

二九

地又震。元譜。

二月

初

五

日

午刻

江

南

地

震。

六月初八日

爲 兵 以 後許 代愬之兵備使者,移獄 法當 水。 罪 Ш 書 H 而 獄 余持之急,乃 有僕陸恩,服事 元 先 備 自 余有 急 謙 沈諸 且 松江 之,其 案 有 生 使 白 刺與之。 囚 其壻復投豪,訟之郡 求 者 戒心, 繫,乃不之獄 爲先生 四謁孝陵。 乃 救 某公亦笑 歸 五月十三 人 水。 元 玄恭 爲愬之,始得 知 巧 欲陷余重案。 先 余家三 先 求 浩 歸 生 集 然有 救於某公者。 高 牛 叛 日 聞 曹 必 士 黨 之,急索刺還,不得 與葉嵋 世 先 日 丽 不 玄恭。 Ш 松 『寧人之卞也 生 復 行千 可 繁諸豪奴之家。 東之行矣。」 矣,見門 江 補 移 **三**贈 余聞 前 府 投 擒 訊 初 路 某公者 松江 懼 葉 以 金求 叛 書 某欲 ,亟擒之,數 光禄 祚 失某公之援 殺 春,自金陵還 奴 氏 H 而 奴 殺 先 》詩序云:「先是 陸恩 微 訟 弟到 事 論。 余。 謂 生 曲 神 叛 解 列 同 錢 自 周 道 之官, 郡 豪計 余既 人不 其 謙 而 0 揭 路 稱 罪 也 時 投 益 於 門 穆 舍 平. 數 不 待 沈諸 里 也。 通 知 乃 案 下 豪。 行 訊 崑 移 其 寍 識 獄 衢 自 面

> 大便 崑 語 人兄窘於事 老輩 稍 激 而 切。 委 弟 曲 輩 ·勢,將 然 相 則 勸 論 羣 其 有 兄 而 (究竟, 不測 亦 誦 動 兄 惻 愛寧 之高 興 隱之心,要於兄之自爲計 論 義 亦多以 亦 所 昨 在 以 兄 西 愛 爲已甚 郊,文初、 兄 也 故 已 亦 而

字,可不改。「擒」,穆批改爲「禽」。案:此處「擒」爲「禽」通假之本

2

0

著述尚 也? 之。 之,以 李 事 暴 瑕 遊 淌 官 士入其家殺之,取其所 書於海,糊 此 因 下 嚴 横 纇 麻燕、齊、秦、晉之間 係徐公肅之母 句 觀 1篇,其 多 寧人有 後。穆批增一《 而 後歸 **弑**幾 乃欲 金與 淫 出 無 多,有《十三陵志》。 法 於傳聞之 顧亭 好 死, 僧 在《金 玄 詐 所 恭《贈 友 我 買 如 賴 也。 冀 林 此 乎?」寧 而 舅 剛 錢 於此 殺 藏之。 陸 類 北 經》後 牧 叛 顧 比 其 清 游 齋救之得 奴 僕, 有,並其所託 如 宏 學 獻 序 與 似 人懼,遂 陽 後 善 而 問 日 》自 博 使 僕 未 張履 其僕轉 盡 明 乃其 記 H 聞之士 日: 盡 明」共二百七十四 取 縱 》卷 以 僧挾之以 案: 免。 足 士 與 其 嫡 淵 據 靠 Ŧī. 侄。 所 擄 徐 博, 相 亦盡 金剛 是《記 : 遂 掠、 葉 有、 封 往 翼 穆 不 翁謀 方恒 鼎 來,如 馬。 瞿 往。 張孝夫 王 經 復 性 》所載 革 稼 言 莱 不 住 初 L 葉 亭 軒 其 夜 傅 諧 之 諸 使 何 訟 居 重 僕 嘗 顧 俗 Ш Ш 子 鄉 於 力 託 通

乎 往 即 即 而 清 量。 人之受禍者, 尋 也 和 甚 贵 H 府 在 佩 構 滅之乎 不 往 灌 有 亦 深 諸 》及三公子之書 議 常無聞 ,今將去矣。 顧 即 而殺之者乃 迫之以 陷 答 老 乎 陸 有 密 及 君及二三遠方友人問及,弟公言於衆曰 ,兄自當 便乎? 而 和 入獄 恩,人 嗟 諸 歸 城 機 葉能 而 ? 公皆 愛 之人,又事 府 寓 必 寧人腹 必 械 每 慕 如 使 有以 奴 欲 機 忽 不 滿 不 擊節 寧 讀 葉 天下後世 也,尚 子 弟 Z 械 能 聞 終 腹 兄能 待之, 嵋 人 芸 無 其 蘭 笥之富 亦 從之事 公, 兄 訟 邪 有 人傳. 稱 無 無死 一變局 初 即 ? 殺 殺 不 寧 賞。 不 親 可 也 日 爲之髮指 屈 前 固 寧 可 崑 唾 人計 子, 謂 讀 同 法 是 ,爲之大驚。 原,姚 此名美乎,不美乎? 文筆之妙,非 知 已諾 殺 罵 人之身,能并其生平之著 四方之士,見其 老 國 其 仁. 殺 弟 而 名 子 無復之,必自 極 [馨去矣,但思兄若 詩、 而 人 寧人 料 蘭 和 賈 \_ 和 雖 迫其主以取 君 背聲裂。 古文者,以 死 議 日 平 殺 H 子。 姚 萬 之人, 後 迫 和 韓 賈 而 萬 之致 必 兄 弟 非,後 人 忽 以兄 實 無 無 嘗 詩、 一人之私言 皆 經 害。 出 陳 亦 欲 與 死 謂 償 平 爲 溝 口 以 戰 最 服 # 古文者 於 一此 申 寧 寧 日 自 如 獨 甫 瀆 兄 難 兄 不 也 讀 冤 自 爲 古 此 不 兄 人 無 肯 爲 之 爲 事 離 畏 小 文 述 文 便 非 疑 就 太 兄 題 城 誤 有

事

也。

鳥

之文

撫

心

而

明

趙

壹

終

憑

公

論

得

脱

危

機

謂

此

窮

鴖

張 之高 於牢 徐 以 1: 親 大夫有 譜 愛兄也 獄 明,何苦 朋 先 死 瀾 生乙未年《答 。二云云。 П 倒 於 亦 桎 而 或 可 梏 爲 有 畏 不 此 核 聞 也。 事 其 得 原 邪 死 語 謂 灰之語 凡此之言,皆 ? 意,松江 公肅 嵋 想兄之意,以 初 殺 兩 流 之。 之獄 甥 涕 書 而 所 吾. 所 **※** 省 謂 誰 由 爲 韓 愛 來 欺 寧 安 寧 歟 奴 人 隸 即 覽 當

即

死

世

土鼎 生 太平 是 其子太平爲卿」。 南 事 太 陳 詶 一芳績 銀 陽 平》一 生芳 年 和 王 嘗 Ŧi. 故 上「規 詩 之子。 百 生 奉 人 兩 目 績 有《元旦 桂 仍 首、 模闊 之。 王 給以 書 先 首、 命 生 來答之》 大,好 穆 如 六品京 徵 首、《 案: 避 穆 路 又案: 兵於外,至樂 陵下作 案: 難 振 彷 錢飲 語 飛 秩。 彿 永 芳績 遠 濂 餘 漢 涇 夜 隔 光 振 光 V 首、《 集 字 明 飛 武 時 昌 亮 吴 末 至 首 與 平 王 I 野 首 或 募 鼎 贈 或 即 ~ 時 史《 常 翰 翰 能 和 H 恩 路 歸 熟 往 比 墓 拜 召 永 舊 詶 光 生 依 志 鄰 相 至 麻 皆 之。 陳 》稱 晟 處 禄 官 亮 以 紀

路 道 T. 光十三 時 舍人》一 猶 少 也 首、《 其 著 鄉 有 人 《歷 錢 張 行 代 觀 察 地 理 大 邦 鏞 沿 寅》 爲 革 刊 表 行 四 首 之。 + 七 卷。 贈

十三年丙申 四 +几 歲

後 孺 春 免。 鍾 及於金陵 一, 獄 Ш ,葉氏憾不釋, 度 解 成歲。 是月 太 口 元譜 初 平 閨 崑 + 門 五 Ш 日 外 遣 月,至鍾 擊 刺客偵 Ŧi. 三月, 謁孝 之, Ш 傷首 所 陵。 舊 本 往 生母 居 至 遇 冬, 救 是 獄 何 在 得 追 太 解

乙卯年 湖》 首 恨不同。」自注: 章字力田,吴江人,稼堂之兄。 是 年詩 友人》一首、《贈潘節 Ŧ. 《閏 首、 處 有《松江 Ŧi. 穆案: 月 士 + 「王徴君 自 日 處 松 别 詩 ± 江 張 潢 有 即 云: 背 來 下 處 士: 口 日 拜 <u></u> 士慤 更 游 同 恭 煙章》一 陵 憶 柵 詣孝 謁 洪 王 畢  $\pm$ 多陵》 符 陵 橋 遂 處 老, 之 行香,今 首 往 士 Ŧ 飄 潢 煒 蕪 零 檉

謫九 會同 就。 鄉。 其黨分伺六倉。 志 摯,不失三百 詩 集 丁父艱 人。 案 人,官户部主事。 小 建 年 賈 綜》引顧 也。 七十七矣。《桃葉歌 坐 首、先生自 倉部 柵 官倪篤 父之藩 江 念世 先是 見《江 柵 幕。 歸 林》: 洪 ^ 橋  $\pm$ 亂親 户户 洪 即 寧 之以 必 俄遷 祠今已 寧 慷 徵 橋 杜門 人論 篇 部 賈 府 老 選 慨 君 温 下》 注 郎 桂 必 必 ,賦 屯 志》及《上 筦西 好 元倬詩 不出 柔惇厚之旨。」《 :「在南京三山 説易》一首、 中 選 潢 無 林 選 豆 義 倪 下獄 盡 字 南 司 迹 具 新 首、謙 理 篤 可 陔 潢 黑 徙 以 倉時,巨 云 舟 **>** 升 陋 之薦 能 尋 南, 講 》詩 必 元 規 城城 城 學 色 「先 選 南 縣 Ŀ 首、《黄侍 以 養。 於 案 著 中 知 志 Ι. 無所染, 西 元 見 生 璫 朝 書 門 部 其 穆案: 攝 金 人,萬 志。 詩 總 崇禎 潢 口 爲 虞 外 冤 陵 以 理 字元倬,上元 深 Ш 楚 事。 衡 栅 閘 據 賢 璫 著 兩 以 穆 **>** 丙 司, 麻 洪 爲 部 有《南 良 婉 事 案: 中 江 子 卒 己 橋 祠 沙 徵,不 未 稍 陳 首、 復 寧 舉 西 和 蓋 祠 任 辨 斂 門 於 遣 府 舉 明 m 謙

介江 如。 應鼎還江 + 詶 七。 陰縣 然則 王 著《松蔭堂學易》行世。」《旅中》一 處士九 志》藝文門 Ш 人信能卉布荷衣,鴻冥塵外者矣。 陰》一 日 采先生 首、穆案: 見懷》一首、《送張 此 詩, 道光二十年新 而 應鼎之名字 Ш 首、 和 翳 修

過 仇 淳集》有《贈 人,明 云 而 作《方月斯詩序》。 陳 與方子訂交自單關之歲,今且六年矣。 以 慰藉,與 家之訟至雲閒 方子亦僑居雲閒,不數 生芳績 7輔臣岳貢之子,甲申後 時 事 攷之,當在是歲 余周 方穀城 追痛 旋 逆, 兩 兩 遺孤 月。 旅 尊人之作》二首 中 数數見。 流 因 困 謙案: 無 落郡 出 不 賣 疑 其 自 卜吴門。 詩 中 聊,而 頃冬春之際,余以 月斯佚其名, 艸 · 詩》。 示 方子時 余,讀之」云 余客 先 夏節 生 鍾 序 時 愍 穀 Ш 城 謂 相 完

十四年丁酉,四十五歲。

顔 元 上,踰嶺走鍾 旦,六謁孝 蓋 先生 是 時 山。」又云: 雖寓 陵。 金陵, 徐譜 而 流 按《元日 非 轉 神烈山 雖 不 》詩云: 居,咫 之居矣。 尺 晨 猶 興 自 天

憲副 行也,而不能 杖而已。 小無非公子人者,乃 提,始出寧人。 軌,將興大獄 適寧人之僕陸恩得 載,寧人請求 人訟,執寧 而箠之死。 迹,居山 寧人,見顧氏世 八百畝典葉公子,券價 蠡源先生暨兄孝廉 曰:「余與寧人之交二十五年矣,其他同學 十年,或十餘年,蓋未嘗有經歲之别 人餞之,歸玄恭爲文以贈其行 春,自金陵 與公子年家,然 公子者素倚其父與伯父之勢陵奪里中,其 中不出 公子忿怒,遣刺客戕寧人。 人囚 其同謀者懼, 以 無 無感慨焉。 仍返 比 除 諸 慮 同 衰,本蓄意吞之。 將官以獄 顧 奴 百 罪於主,公子鉤致之,令誣寧人不 人不平,代爲之請,公子意弗善 捐 移 氏。 心 家,脇 次,乃少畀之,至十之六, 崑 館 獄 知 僅 是獄 奔告公子。 Щ 雲 事 寧人故世家,崇禎之末,祖 當田之半,仍 令自 閒 上,寧人殺無罪奴 泄,寧人 時 冤,又知郡之官吏上下大 喪荒,賦 避 守 裁。 而寧人自母亡 坐 讎 也。 率親 寧人走 寧人殺 同 公子挺身出 徭 人 將 靳 今於寧人之北 友 蝟 (走叩 不與。 元譜 相與, 北 金陵 掩其 集,以 有罪奴,擬 操城 游 憲 産 而 (僕,執 《序 刺 副 閲二 或二 與 後 逼 逢 遺 日。 也 可 客 寧 絶 父 行 鄰 或 田

唐臣 之發 不殄厥 寧人 廣其 其將爲伍員之奔吴乎? 去。 之,强之歸。 爲之序。」至萊 中 知寧人者攜尊榼送之,酒半作而言曰:"『寧人之出 良 同 亂 非良友之情。』於是同 黨受公子指 及之太平門 韻 懷兄士元、士亮、士寬、弟士 後棄家而南,羈栖廢 誰 朝 志 者不在此。 寧人度與公子訟力不勝 生,弟 定交。 復知寧人者? 乎? 而 愠 大其聲施,焉知今日困 0 虞臣 寧人之學有本,而樹立有素,使窮年 外 ,糾數十人乘閒刼寧人家,盡其屢世之傳以 若日 士完故萊之巨 讀 元譜: 擊之,傷 州 夫宣尼 而 亦 怨 校之。 以學 與掖 仇是尋, 人咸曰善,請歌以壯其行,而 今且登涉名山大川 寺。 士完字汝彦,崇禎壬午舉人。 問 大聖猶 首 范睢之人秦乎? 著。 墜 趙 弟士冕官鎮江太守,物色得 族,從兄 非賢 則 驢 一冕並 汝彦士完、任子 且遭魋畏匡,文王之仁 從 阨,非寧人行道於天下 浩然有遠行,而同 會 人之志 唐 以 土喆· 救 才稱。 得 臣 免。 人復社 ,歷聘六國 假吴才老 吾輩 别離是 唐臣字子 而 讀 所 叛 有名 歸 以 書 奴 念 以 良 遭 子 Ш 望 之

> 當不僅 濟陽諸 摭拾遺 云: 麻四十年壬子,長 精 鄭 鴻詞 遂 嵇 名元善 但 劍 徐 停 注句 棄諸 庵。 後 遜 東 喪」二條内, 極 禮 謝 以老病辭。 貽 凝夜、 詩二 讀 謝監嶽之稱許 生。 濟 ,字長公。 ,卓然經師,吾不如張稷若。《日 而 生,南游 Ш 來 南新 已。 東望 什 先 百餘首 書,根本先儒, 襲 後往江 生 城 張 備 絶 正 江 與 悽然,忽報先生赴九泉。 慕嵇叔 稷 先生 韋 一、浙 爲文章原本經史,王漁洋嘗 載稷若之説。 汪 ,付之梓。❸ 前 若爾 束髮能詩。 也。 鈍 西 西西 庵 衡門 渡 夜之爲人, 更名夜, 字 游 歲。 書云: 又與 立言 潯陽 岐定交。 宛、鄧 月 稷 令巢為室 鈍 稷若名爾岐,號 簡 岩 稿 年二十 歸 張 當」,「 庵 一殁,先 穆 盡 君稷若所 論 案 遂 没 知録 師 不出。 九,遭 於水。 元 使朱子見之, 道 生 稷 墓道 寄 譜 書云: 》於 若 去 以 索 作 難 東 漁洋爲 舉博 詩 生 風 東 一喪 《儀 蒿 其 母 哭之 於萬 書 枯 癡 禮 稿 死 庵 懸 禮 學 初

過

即

墨

0

游

勞

Ш

由

青

州

至

濟

南

與

詩。

<sup>■「</sup>韻譜」,穆批改爲「韻補」

② 「過即墨」三字,穆批删。

<sup>→</sup> 穆批"「東癡有《顧寧人見過草堂得張元明書》七言古

林 艸 田 集》不録 從此山 附見 東問三 《蒿 庵集 一禮,康成家法竟誰傳?」此詩《亭 末。

外,丁 《安平君祠》一首、《不其山》一首、《勞 琴》一首、 叔,萊陽人,崇禎甲 則游勞山 山歌》一首、徐譜: 是年詩有《元旦》一首、《萊州》一首、 亦作於游勞山 主 升郎中, 猶在 穆案:《進 春時。 時 戊 寅 也。 戌進士 升  $\wedge$ 按詩云「春日會鼓 士: 張 饒 履 州知 淮 ,户部主 饒 歷 北 州 便覽 府 大 \_° 允 事。 雨 掄 元 丙子升 聲逢 山 徐 首、 掄字 譜 中 彈 此 員

字伯 作《汝州 (衡,歲 貢生 知 州錢 ,官博興訓導,以詩名。 君 行狀》、元譜: ^ 公子大受 (勞山 啚

心。

山陵餘

涕淚

風

雨

罷

登臨。」又以

書

勸

先

生

人書約游黄

Ш

詩

云

:

「故

或

千

年

恨,

他

鄉

九

日

士元善》一首。

徐

譜

夜

亦

有《九

H

得

顧

濟南》一

一首、《

秋

柳》一首、《

詶

徐

處

0

爲昌平、承

天之行

則

先

生

一後此

之謁

天

壽

Ш

處

士啓之也

同。」《儀禮 志序》、穆案: 顧近寄所著《日 鄭 《池北 知録》,内辯勞山三 注 句 偶談》引先生勞山説,注 讀 序》、《齊 一則,又 四 王 前 説 E 不

十五年戊戌,四十六歲。 字記》「岱岳觀造像」下曰: 春,至泰安,登泰山。 四 了最後募人發地二尺,下而觀之,乃得其全文。 」又 元 碑下爲積土所壅,予來 譜 穆案: 《金金 石

文

- 四字。 寄。 濟陽在濟南東北,安得云行旌南指邪?」共一百六十 時所寄, 弟張爾岐頓首。』錢氏大昕曰 録 録呈上,其中與鄭、賈 及陳氏《禮書》十二册、《禮書》近始展卷,脱簡次第具 内 此 請 句 有蒿庵《與亭林書》曰: 穆案: 教。 後,穆批增「海 亦臆揣之詞。 四月中旬,計行旌亦當南指, 此札不得其年, 坿録於此。 鹽吴氏刻《昭代名人尺牘法帖》 異同 實則若蒿庵家居 『春初承示補註《儀禮 頗 多,其最顯白者改定,謹 此 札亭 林客濟南時 詹事云客濟南 而埽 謹 埽 塌 塌相待 以 》數 則 所
- 0 穆批: 琴引》篇自敘學琴始末最詳。」 「牟房案: 張饒州著有《游 勞山 詩》一卷,中《古

生而清 云云。 其祖 爲精博 驌親 補。 鄒 百六十篇,篇爲 其祖矣。」「予至其邑,有諸生二人來,稱景氏之孫,請 延登所居。❷ 謁 之。」」云云。 云,未得其年,謹 景氏之裔,自洪武間有兩舉人,今亦尚有諸生,不 宋董元康題名」下云:「右小石刻在岱岳觀,余既録 字宛斯,順治己亥進士, 而 平. 孔 而 爲誰。 去。 訪 其日 游 還 林。 《金石文字記 其 又《譎觚 羸 時 數 閒 碑 博 人稱 故 張 四。 予取 而録之者。」 雅 往 據元譜,先生凡至泰安者三。 日, 與 中 氏 香古, 爲「馬三代」。 鄒 書 志 道 《通鑒》及《五代史周 色人 卷,始開闢 萬 往 l 侍郎平 於 1: 縣 郊外 》:「鄒平 九精 此 斛 初游。 謂 馬 園。 子 謁 僕 視其墓 章事 仕爲淮安府推官 春秋》左氏學。 宛 日 池 在 周 原始,迄古今人表,其 旋赴兖州,至曲 崑山 北 鄒平與邑 縣南五 斯 元譜: 公廟 『昨 景公諱 偶 碑,雖 驌 談 顧亭林尤服之。」抵 發 訪 世 里 故 0 地 範」字甚明 剥 有 碑 人宛斯 宗紀》示之,乃 明兵部 得二石, 馬 孟 著《繹 落者十之一 一、終靈 景相公墓。」 郊外。 騙 《記》 廟 字 馬 尚 壁令。 史》一 驄 ハ白。 能 君 中 請 書 御 過 云 最 名 問 記 穆 張 觀 唐

> 子 章丘白雲湖上。 章丘,訪張隱君元 業,闢 遠日 省園 少爲名諸生,崇禎庚 以 明。 種樹 藝花 元譜: 自樂。 隱君名光啓 辰 年 亂 四 後 Ξ, 足 不 遂 履 世 棄 城 居

之。 往 鄒 印 縣 林 謁 日 四四 : 了字與 周 公 廟 「周公廟」三字、穆 在曲阜 城 東, 於 鄒 批互乙, 縣 無 灬涉, 又 批

0

2

文字, 平石 孫。」 生所遊 有寄清 以 實居,字實公, 亭家有湄園 於城西 郭外沙溪之側; 此句後,穆批增「牟房案: 集》卷十六《張實居》五首詩序中小注所引《居易録 百 兔柴記 一 十 萬斛名者。 》中並無此條, 經。」案: 穆案:《金石文字記》: 當即此 南美井莊,自署其門曰『桃花源裏人家』, 園,在城中少保府左, 「才」字 字。 可證之。 ,才丘壑之勝,今蕪矣。』《山左詩抄 原文「扌」字不全,經核對王士禎 致少保季子名萬斛,字季量,嘗築 園。 案: 號蕭亭,鄒平 當 有免柴,在黄山 而見於其《漁洋詩話 爲 「免柴」當 元譜以爲 穆又批: 「擅」 張少保有日 字。 先生嘗於鄒平 延登所居者,誤也」共 「《居易録》: 人,明 爲「兔柴」, 有會景園 陰,董香光爲 今本王 少保忠定公 》中 涉 ,在東郭 園 董 士 「内兄 而 張 香光所 禎 氏 作 城 《居 見 延 張 葯 則 西 記 登 作 先 袁 南

謁

孟子廟》一首、《萬斛園

一小集》

是年詩有《登岱》一首、《謁夫子廟》

首、

首

《七十二弟子》一首、《謁周公廟

縣。 云云。 譜: 所 持 輯其先世自上海遷崑宗譜,簡覈有體,爲從父炎武 志》:「熊字非熊,又字爾策,性躭文史,不樂仕進。 從子熊登武 平,登孤竹山, 見過艸堂得 南,元譜。 其家,與之辯析疑義。 餘篇傳之。 市,年八十餘卒。 五經字徵》《范文正公流 稱 緘 隱君名孔懷,號果庵,長山人,精於考覈。 兼致 以元譜校之,必此年事也。 人都,至薊州,歷遵化、玉田,抵 解。 張元明手書》詩云:「江南有客來荒陂,手 訪 至長 徐 我聞 科 有《張仲集詩》若干篇,漁洋爲删存百 東癡。 謁 Ш 進 整衣拜且展,中有故人書及詩。」 所著有《四書字徵》《詩經 夷齊 士。 主 寓 穆補。 長 劉 廟 元譜。 山攷》諸 隱 再赴萊州之維 案東 君 謙 果 書。 是年,先生 案 癡 庵 有《顧寧人 復 家 崑 先生主 至 辯 新 韻 永 濟 元 合

> 十六年己亥,四十七歲。 山海關,返至永平之昌黎,著《營平二 《京師》一首、《薊州》一首、《玉田道中》 縣》一首、《衡王府》一首、《督亢》一首、 首、《詶韭溪草堂聯句見懷》一首、《潍 《仙隱祠》二首、《濟南》一首、《自笑》一 一首、《永平》一首、《謁夷齊廟》一首。 初 謁 天 壽 因著此書,作序應之。 Щ 元 譜 穆 《昌平 至 昌 Ш 平. 水

記》: 州 出 己卯作長陵。 東黄土山。 徐氏崩,上命禮部尚書趙羾等往擇地,得吉壤於昌平縣 成,求先生作序。 州史事》六卷。元譜:先生在永平,適《永平府 「天壽山在州北一十八里。永樂五年七月,皇后 及車駕臨視,封其山爲天壽山,以七年五 自是列聖因之,皆兆於長陵之左右 而 月

矩齋 奉之,名萬選 九月,督學使者 上谷 本,博采勤 鄒 爲 縣 平,訂 志序 順 來,悉授以 域 焉。」 治 己 蒐,進士 其 是 0 丑 縣 出 校之, 逕長 進 施閏章書。」尚 時 居 志 士; 比 馬 庸 宛斯討 部 書 清 由 穆據 關 張 遂 江 奉 成,凡 訪 西 9 仍 《鄒 核詳 之請 參 白 碑 平 返 議 宣城 八 靈 實 告 縣 Щ 召 卷。 而 家 巖 志 試 東。 Ĺ 居 Ш 鴻 順 吴門 號 9 博,授 寺。 治 愚山 元 藏 歳 顧 譜 書 寧 次 施 穆 侍 Z 晚 人 多 尚 補 講 抵 號 亥 自 善 É

> 特 甲三名。 世安民之識,而 記》曰:  $\exists$ 徐元文,榜姓陸,庚子奉旨復姓。」又立齋序《歷 名。 詔 「必 再 有體國 「曩者大廷對策,謬 元譜 行會試。 徐譜: 經 後可 野之心 穆 方藹字子吉,號訒 以攷古論今。」」同 案 穆補 前 順 荷 後 治己亥進 甥元文登進 先 口 帝國 以 登 庵。  $\pm$ Ш 里 士 之知。 臨 履 葉 穆 水 案 歷  $\pm$ 方 便 先 必 代 藹 訒 有 生 宅 甲 庵 勗 京 濟

得異 詩日 題 藼齡 籟 清 有 俾 此 自 潛 之詩。 康 時 注 識 軒 句 籟軒 來。 後, 熙刊本 書來。』」共 + 鄉 『芳草芹城外,幽居虎峪隈。 穆案: 詩 邦故事,且 二歲時 潛籟軒詩》,昌平楊下人先生著, 穆 詩》 萬籟 句最末 批增「昌平王北 - 《曝 所 下 入門寂, 業師 謂『人如吴 書亭 人名自牧,又字謙 百五 日 字作 楊 集》 亭林先生來吾昌平,皆 十 復 羣花繞 「回」而非「來」。 卷十 庵 季子, 堂題 字。 先 所收《題 生 屋開。 案: 先生畫 授 道 以《昌 緇塵 六,號 在 核 家 湯上 魏 像卷子 一吹不 童 四 西 朱竹垞 平 豫 聞剥 部 河 舍 齋。 Ш 寓 到 自 水 日 者也。 刊》景 吾家 啄, 牧 白鳥 竹 記 知 有

張奉之」, 順 治十七 年《鄒平縣志》所收 施 閨 章序 作

天多

河雨,水

決

淮

壖

地

有

魚。」蓋

秋

雨

之

時,先

生

E

南

下

2

揚

州

而與

冶卒。」又

《與江

南諸

子

别

》詩云:

「雲生

岱

北

淮

泗

望

無

高深。」《

顧

與

冶

詩

序》云:

「余行三

一歲

乃

歸

上,至天津度歲。

徐譜:

案

**秋** 

雨

》詩

云

秋

雨

合

爲勝

境、宋、金、元人題字

最

多。

余至則當兵火之後,從

,宋、金、元合

四

在

長清縣

靈巖山

寺

中。

其

Ш

距

府

九十里」,「自

前

代

稱

金石文字記

》「靈巖寺宋李迪詩

下云:

「右小

石

刻

0

十

餘,以後不能

悉數」。

南歸

次揚

州。

旋復北

横

偃踣委之荆棘瓦礫之中,然猶得唐

旋

復北

行

至天津

也

是

年

八

月,

以

雲南

平,

方恒之胞弟也。

江 平驛官宫棋 監 州 首、《重登靈巖》一首、《秋雨》一首、《與 德陵,凡十二陵,合懷宗思陵爲十三也。《王太 隆慶昭陵、神宗萬麻定陵、光宗泰昌慶陵、熹宗天啓 孝宗弘治泰陵、武宗正德康陵、世宗嘉靖永陵、穆宗 首、穆案: 十三陵者,成祖永樂長陵、仁宗洪熙 是年詩有《寄弟紓及友人江南》 廢。」謙案: 宫「門外右爲司禮監太監 陵、宣宗宣德景陵、英宗正統裕陵、憲宗成化茂陵 置 劉 Ш 首、《三屯營》一首、《恭謁十三陵》一 》一首。 南諸子别》一首、《天津》一首、《舊滄 |墓》|首、穆案:《昌平山水記》:大行皇帝欑 諫議書院於昌平縣」者,此也。《居庸關》二 諫 一海關》一首、《望夫石》一首、《昌黎》 議 諫議名費,字去華,昌平人。 祠》 奏請,始爲之立祠。 首、自注:「在昌平舊縣,今 Ŧ 承 恩 墓,以 《元史》泰定二年 從死 元時 三首 | 祔焉」。 以 獻 昌

作《曳梯郎君祠記》。

十七年庚子,四十八歲。

案: 學有根柢云。」 《雪亭筆記》曰: 生。 舉 案 月,仍赴 二月,至昌平,再謁天壽 膺大科薦,力疾 嫁太倉王昊,弇州山人之裔也,字維夏,號碩園 號梅江,吴縣人,明大學士時行曾孫也。 甥乾學中式 詩云「問君何事三千里、春謁長陵秋孝陵」是也。 謁長陵,「念江南山水有未盡者,復歸, 陵,七謁孝陵。 南省鄉試 車君以過六合爲明年由 先生實七謁孝陵,表云「六謁」,誤。 善詩歌、古文、吴梅村歎其才爲天下無雙。 Ш 東。 弟 人試,報罷,旋卒。 順天舉人。 碩園娶亭林姪女,少受業於亭林,故 0 元譜 穆據《儋園集 秋, 浙 南 元譜。 徐譜:《神 回蘇後事、誤。 Ш 歸, 韶授中 人都。 》補。 六謁孝陵」。 過六合。 女甥壻申 先生又有姪女 道表》云: 書。 穟字叔旆 是年,長 前 顧張 己未, 抵 明諸 穟 金 穆 穆 作 既 思

先生是時寓居淮上。案《書吳潘二子事》

州 序》云:「冬,余過六合,沈子 上 云 作《顧 平無攷, 後僑 九 陵》 甥 勇起 編。」皆先生此年南 游 古度字茂之,一字椰子,福清人,時年已八十 在 是 IE. 文學麗 金侍郎 ? 江寧 乾 年 月 **>** 即謂 潘子 寓 義 詩 中, 學》一首、《白 首、《 金陵,著 徽 首。 與 繹詩意 有《再 聲 IE. 是 貢生, 州 刻《 冶 + 煨芋試 幕 歸新安》 年 《贈林 元 詩 府。」案: 當 國 有《茂之詩選》。 月,大兵破之, 譜 也。 河南副 序》。 謁 亦受唐 史攷異》三卷,寄余於淮 天 自 處 新 使 注 壽 0 金正希聲 士古度》一 歸 王 下》 酎。」又《 瑮之曾孫,當選官,棄去。 首、元譜 職 Ш 元 黄 後行 建 譜 既 徇 陵》 師 陽 ^ 敗 難 首、《 於 謙 贈 蹤 遷 Œ 績 前 順 案 黄 首、《 顧 遁 也。 谿 自注: 出 》 詩: 「 首、 案 治 於 職 重 與 與 乙酉 與 ^ 金 冶 職 徐 元譜 送王 陵 方 謁 答徐 冶 「生舊 冶 字 募 譜 方 者。 師 孝 詩 詩 揚 亂 夢 生 鄉

> 州 王 顧 與 爲今年事 倬《今世説 冶 詩序》一 詩 序》爲 則,元譜 ,故誤以序中「明年」字屬之辛 明 述 年 其 辛 軼 未載。 H. 事 作, 頗 今攷車 詳 案云: 8 君 蓋誤 此 穆 過 案: H. 以 六 歸 也 合 車 次 君 揚 以

十八 年 辛丑 四四 + 九 歲

由 是 四 榔 年 月,殺於雲南。 從官。 爲 明 桂 十二月,獻 王 永 麻 徐 譜 十五年。 由 榔 於大軍。 七月, 緬 明 酋 年 殺

輯《山 提要存目》載此書云: 口 Ш 閨 蘇 東通 至杭 七月,仍 東攷古録》成。 志 》,或 州 是時 返 所 渡 Ш 「王士禎《居易録 遺稿 東 江 本,未可知 謁 元譜 禹 十二月立 陵, 也。」 影記 穆 弔 案 炎 案 宋 武 居 六 春 四 嘗 易 陵 預 庫 H 修 書

- 2 0 注中共 與冶字夢游」,據《四 與 》條 治」, 兩處「與 穆 爲 批以 一夢 治」, 游 朱筆 字與治 後 改 庫 爲 全書 處漏改。 「與治」, 總 目 小 提要》之《茂 注 内 同 案: 緑 小 軒
- 0 穆批: 車譜 一段補入。」

明言《通 年 志》修於癸丑,是爲康熙十二 申 穟 成 進 士 穆 補 年 也 穟 《提 由 内 閣 要》誤。 中

改禮 是 蓋至吴江 吴二子事 年適 部主 事 越,往來 即即 崇云 進郎 訪 中 「余往 出 潘 皆由吴江之江村。 力 爲 廣西 田 越 也 提學愈 州, 徐 兩 至 其 書 廬 潘

之。 序》。 案: 不 爲 號 爲 走哭於台州 成 Ш 事 日 秋崖 遑,豈復可 意氣交。 中見 餘 今爲博 訪 禹 「悍將驕 姚 戴易於 ,大學士本曾 元 橘》 譜 陵》 吕 Ш 函 意 爲之日 裁 鄧 煇 兵日 謙 有所 尉 從 案 之章 首、《宋六 首。 事 事 觸 邪?」卒 遇 孫 《餘 紹 寇抄 顧 則 與 成 興 元 炎 姚 惘 薦 陳 譜: 武於昌 縣 作 越 辭 惘 函 陵》 章 城 志 獨行、欲得異 不 <u>~</u> 煇、 Ш 成 中 赴 吕 在 平 爲 張 顛 益 氏 Ш 章成字 躓 翰 明 首 函 都 一辆、楊 慷 林 千 煇 狼 慨 死 狽 待 ^ 人 字 裁之, 顔 賦 詔 救 而 章 體 詩 文 神 章 友 成 死 元 瀚

> 昌平。 卷、《秋 述,日 自己亥、庚子、壬寅、甲 袁 歷吴、齊、燕、粵無 · 日 此作序 崖 此 『予集於夢,誰 詞 無 用 時已 據 之虚 所 再 志 遇, 至,當是與 談 ·辰、己 》載,識 謂 也。」所 乃歸,名其 茶苦者?』 一西、丁 先 存 介章成 生 一於昌平 有 已,先後 藏 病 相遇 《浴 書 中 日樓 後矣。 之室 自 Ш 凡 燬 集》八 六 先 其 E 至 生 著 蓼

康熙元年壬寅,五十歲。

是

年

詩

有《

杭

州》二首、

元譜

指

潞

王

監

或

時

弑 内,移 斬 皇 陳 妃 謁 未 會 無陛,兩 正 稽諸 賊 后周 必謙等營建。 薨,葬悼陵之下,南距西 葬 蓬 天 昌 月, 藋 不 田妃於右 平. 壽 陵皆 氏梓宫至,昌平州之士民率錢募夫,葬之田 而 討 實 無各三 Ш 由 封 Ш 水記 也。 不書葬,實葬而 之。 Ш 日 欑 東 間 實 ,帝居中,后居左, 未畢 後 十九日, 宫 未 有周 入都。 「大行皇 乃 葬 實 前 建 而 陵 碑 都城失守,贼以大行皇帝、 垣 名葬, 名未葬。 而 亭 而 山 帝 名 謁 各 規 П 御宇之日 不 臣子之義 制 懷宗欑 三月,至昌平, 以 里餘,遣 座 以 狹 今之言陵者,名 陵。 田 小。 門 妃之椁爲 未 三道 春 所 昔宋 宫。 Τ. 1 秋之法,君 不 部 殿 Ш 之南 敢 右 帝椁 陵 出 元 妃墓 大行 侍 渡 閒 也 譜 郎 田

記 見 譜: 時 廟 曲 紳 致 故 至 中。 学北 倉 示 從 陽 昌 饋 《日知 卒 其 所 者 平。 新 求 實 廟 嶽 修 謁 廟 樂知 梯 有 而 録》「木 作 北 縣 不 李夐詩」下云: 唐 書 縣 之 可 嶽 時 志 書辭之。 五 林 得 大 也 刀溝」條 恒 華 月 碑 云云。 止就 晥: 五 Ш 下 + 出 凝 右 自 其 元 方 Ш 古 E 譜 讀之一云 穆 注 詩 至真定之新 福 日 層 北 在真 案: 「余過新樂,林 建 爲 П 莆 積 穆 先 定 順 云。 田 案 ± 府 治 生 往 人,拔 所 曲 + 誕 至 薊 蓋 金 陽 1 井 貢 州 辰 縣 君 而 石 年 呼 文 華 北 余 抵 字 有 仍 元 縉 晥 至 嶽

銷 平. 集 陽 案 置 誤, + 補 府 月 至 元 一大同 謫 譜 官 之 鑾 渾 是 儀 源 年,公肅 衛 州 經 歷 甥 度 穆據《有 以 汾 江 河 南 懷 至 奏 堂

首 是 平》一首、元譜 年 詩 古 北 有《 口 有 事 日 欑 首 知録》「生日 宫 時 Ŧi. 聞 + 緬 初 條 或 度 下 之 自 時 報 注 在 介余 昌

> 路 時 録 七十 先生之西征 昔 堯 先生 白。 年 首、《 帝 里, 廟 薊 門 經 王 有 陵 游 井 生 鴈 廟 其 也 日 條 首。 》詩 陘 地 有 以 詳 有 **>** 云二 故 初冬就 金 載 致 元 泰 有 諸 餽 譜 首、 此 和 鴈 者 説 道 作 渡 案 ^ 答以 頗 故 年 汾 臨 以 碑 河 并 鴈 書 汾 記 臨 河 志 坚 W 汾 0 邊 先 詩 志 ^ 積 首、 堯 北 生 云 爲 陵 雪 於 嶽 多 壑 疑 在 徐 日 城 冰 廟 也 是 知 東

辨》。
有《謁欑宫文》《郡國利病書序

一年癸卯,五十一歲。

- 0 談 此 亭 也 日 二共 助 詩 : 句 集》原 宜 後 那 五 白 得 十二字。 穆 悲吟愬我 詩 觥 批 增 偏世 偏 穆 字 辰,三間 案: 當爲 攷 自 四 鮚 徧 哀怨志庚寅。 部 注 埼 叢 亭 此 刊 謝 顧 影 徵 稱 清 君 祝 祇 抄 亭 詩 應 本 林 次 孤 之 孽 鯌 首 充 有
- 穆批:「盧昭弓有《駁堯冢在平陽議》一篇、《後議

北

嶽

中, 案: 上。 先 提 督九江軍 公之它,陽曲 劄 督 不 品 魏 饘,伏闕 主 譜 記 覆杉松 IE. 霍 九 就 記 學僉事 劭 甚 生 月 而 Ш 青 江 在 多,獨未有建文年者。」「乃此文雜於數十 余行天下,見洪 康 廣 廟 元 字 主 亂後 熙己 軍 趙 一句 「老友 自 上書 譜 建文碑」下云: 師 畫 十務,爲 生 巡 穆 城 務 故 平 於 完 案 篇 未 爲 則 縣 按 傅 人。 陽 山 萬 ,白其冤。 好 道 知 云 在 召 巡按 東 御 名 臨 右 麻三十 無 當 士: 登 崇 八 少 試 Ш 史 侯於崇禎 缺, 傅青主 在 装, 受知於 御 字 武、 蕭 禎 里。 張 博學 霍 IE. 然 + 史 故 应 孫 以 永樂以 右 馬 青 月 Ш 張 物 鴻 Ŧī. 年 振 至 亟録之。」游 醫 君常作《 先 主 也 0 袁臨 孫 小石 外 年, 詞 因 七年 丙 初 生 爲 太 振 元 不 請 午 業。 來祭告岳 自 元 誣 侯 字 譜 顧 原 刻 屬 由 穆 應。 得 《義士傳》,比之裴 長 譜 繼 劾 青 寧 在 主客員 不 案: I 天 先 被被 謙 咸 敘 人 竹 訪 霍 應 授中 詩 機 生 女 案 極 述 誣 Ш 崇 文,書 瀆之文及 逮 號 傅 七 金 殊 外 媧 吾 劾 中 稱 禎 書 詩 歲。 嗇 石 舛。 處 之。 郎 中 鎮 不 其 Ш 文字 舍 廬 有 廟 畫 百 如 識 擢 廟 臨 職 1人,復 士 春 碑 潛 字。 人 别 傅 其 Ш 納 侯 它 西 記 瑜 青 逸 之 總 確 雪 總 號 辟 青 丘 又 西 槖 元

> 若旌 九。 譜: 未試 籍,山 置辯 主。 遇 先生之論音不合也。① 生作子德之父 若「汀」,「明」呼若「芒」, 史 有 音,今何忽自 天」呼若「汀」, 汀芒矣。』寧人怪 一商 寺 ,遂訂交。 案 蓋 是子德生於崇禎 鴻博,授檢討 権 幢 潘 E 西洪洞 先 末《遂 焉。 永祚 至代 四四 生 昔顧 」字之譌 於 其下爲 昧之乎 雙塔巍 初 人。 州 墓 康 雖本之陳 寧 堂 元 熙 邃 志 集 而問之,青 人宿 以 松莊 譜: 游 也 己 然 ?』寧人亦不覺 於經學,著有《受棋堂 云: 四 母 未 捎 五 傅青主 老辭 青 傅 年辛 李字天生, 第《毛 出 與 故 崇 雲礙 臺 主 穆 P 隱 君 先 子 太 青 禎 ,不許,表三上乃 案 主笑曰 未,少先生十 德 原 家 日 與 時 主 七 詩 郡 書 《受祺 年,「 戲言 更字子: 以 古 富 晨 見之四 生 城, 失笑。 云 此戲 音 所 未 平 子平日 因 攷 東 居 故 起 堂 李 之。 弟 德 行 集 也。 + 篤 青 先 八 集 古音『天』呼 然 陝 可 里 行 子 生亦不 方 歲。 允 主 外 實 七 = 年 好 栖 康 西 穆 因 呼 誤 八 一十七 談 歲 四 案: 杜 而 富 熙 E 里, 篤 與 己 平 古 + 復 讓 先 徐

●「論音」,穆批改爲「韻部」,又批云:「印林改。

授,官 夏屋 於學。 谣 溟 復 布政使,左遷 秀水人。 相 成 杜 鬯輩,允以古道 圭組之英,蓬蓽之彦,俱與交歡 於塞上,日 友,投契之深有 水 蘇之吴江 鶴徵 出 從 句 立,受業其 炎 祭於旅 因 閒 題 至四 録 留 潘 注 贈 雲驤字訥 者 及棋公備兵 善代 此 崇禎一 因 + 有吴炎、 ĴΠ 力 事 凡 「富 曹 年。」 篤 舍。 門。 Ш 州 提 八 博 田 <u></u> 1 司 路孫案: 同骨 學 馮 相 内 年。」又王 綜 生  $\dot{\mathbb{H}}$ 農 檉 穆 陽 觀 吾 底 愈 元 『文章 (鴈、平, 進 秋 案: 代州 1鄉曹倦 肉。 潘 厲。」 和 察雲驤 九 章 譜 事 士; 子德先生少 岳 經 檉 道 遭 倦 觀 章二子,皆高 人,順 順 天生以是 諸 Ш 來 攜以 裁 翁 在 察 湖 一史《山 ,雅愛其 翁 治 或 史 先 陝 缺 名 大 汾 觀 靡 州 初 1: 生 西 ^, 傅 = 溶 治 候 入代。 司 察三晉 忠 不 ~書 由 州 通 莊 志 乙未 用 字 孤 無内 户 青 淹 陳 風 志 外 吴潘 厚 氏 部 通 Ě, 聞 潔 使 土人物 進 \*: 才。 旋 復爲 與 「天生從 , 先 顧 私 侍 躬, 祖 君 執 1: T 二子 顧 憂, 鄉 郎 顧 祺 生以 田 祺 史之難 又字 當 寧 具 日: 友 就 公視 炎 而 出 居 時 公 事 憂歸 へ
素
資 或 大同 需 武 吴 爲 分 故 益 陳 變 句 秋 廣 嘗 撫 朱 爲 祺 藩 肆 後 赤 游 岳 之 教 不 東 錫 集 力 畏 公 鴈

> 之。」 之,則 遇 斥之詞未經 誌狀 書。 至 日 而 列 而 子 廷 曉古今,以 之後。」「會湖州 年 諸 恐嚇之,得 杭 赦 後 皆已析産,獨 鑨 皆二十 「踵 之榮入京師 得 死 其居鄰 遂謝之榮。 參 爲之置 疏 執莊生之父及其兄 招 閲 出 草, 此 無 致賓客,日 姓 以 而 有 子,家貲 命 史 删 名 嗣。」 故閣 Ŀ 所欲 遷 來 吏教之買 胥 中。 並 削 有『左 仲 莊 鈔 摘 者。 輔 遂梓 盡 之榮告 以 子 棄 氏 録 書凡 夜編 可 朱公國 子 忌諱 去。 死 其 難 凡 莊 行之。 萬 丘 之 此 無 諸 作。 百 輯 數 氏 失 廷 諸 財 金。 語 書 歸 後。 生 植家, 餘 爲 既 + 明, 鉞及弟 密 大吏,大吏 恐嚇 不 安令吴之榮者,以 莊 欲 袟,頗 袟, 《明 巨 慕吴、潘 奏之。 其父允 足 吾哀其 乃 名 富 成 書》, 莊 未 朱公嘗取 以 著 延 姪等 氏。 有 浙 成 給 或 鑨 代 四 忌諱 城 書 人得 盛名, 志 書 語 右 史 大臣 ·, 并 莊 目 不 流 兀 當 而 一之説 書 莊 語 雜 雙 氏 如 涕 國事 其 卒。 列 氏 引 先 盲 欲 大怒 不足 E 以 名於 以 本前 書 派應之, 不 以 刻 臟 繼 廷 往 及 奮 不 吾 其 繫 爲 道 遷 書者 公卿 遣 直 訟 往 人紙 鑨 甚 欲 獄 重 書 也 或 之 絶 官 持 得 著 通 古

<sup>0</sup> 此 也 句 後, 叩 其 穆 所 批 學 增 極 陸 留 清 10 程 H 朱」共二十 記 富平 四 李天 樸

於難。」 袖 陰 帖 不 啚 明 撰 法 州 聞 許 相 録 延予一至其家,予 七十餘人,而 者,亦坐之。 十八人,皆論死。 積 從、稽 倦 之者。 縣 述 諸 美 也 於華 喜縣之裴村,拜晉公祠。 雨 西 》及《山 生。 ,篤於朋 名 蹟 乍 綱 . 織 潼關 開 畫、 云: 其 領,凡志 廟南 康 所著又有 謙 八異同 寒, 淒 至 金石 案 熙戊午,以 志 友,吾 吴、潘 發 王 西 小堡内 》《 砥 1,核其 廷 元 其 無 游 潘 最 乘、文集、 安, 薄 其 譜 秋 力田 異 不如 富。 齋 《松陵文獻 二子與其 西 其 刻書 名弘 E 集 虚實。爲《國史攷異 故 元 嶽 人不學,竟去,以 鴻 Щ 半。」 與吴赤溟同 王 居於華下, 少司 譜 一,焚其 博 史 墓銘 、鬻書 撰,一 Ш 太 徴,不 名 、難。」「方莊生作書 是 史。」先生又 華, 馬 穆 弘 》若干卷。 家傳 丁, 先 骨, 案: 公之子, 字文修 穆 撰 赴。 生 有讀 知 過 案: 艸 籍 字字 以 《廣 徐 有 府 没 訪 創 耆 八 關 是 易 無 號 譜 關 其 推 師 有 學好 明 月 E 廬。 不列 王 史 由 異 家 官之不 中 安》 至西 書, 事 史》, Ш 《送 云: 聲 取 汾 Ш 産 華 史, 古 撰 名 者 時 氧之領 詩 頗 韻 史 安 道 州 陰 以 以 獲 屬 好 收 住 發 譜 所 有 云 也 弘 蒲 歷 實 小 學 象 稱 類 免 客 殺 覺

之子。 急先 譜 沿 精 字中孚, 明宗室 下古今靡 Z; 近 以 處 詩 堅 1七年丁 孝著。 門託 郊,操 神於上下古今之閒, 注 苦 士中孚於盩厔,遂訂交。 游 癸 案先 務 力學 卯 富 存 鉢效貧兒」也。」 也。」吾 又 刀 盩厔人。 生 + 存杠 不辨 平,館 卯 康熙戊午以 欲 西 杠 ·月朔 後 無 少 自 至乾 有 人當 定。 命 師 戕 寄伯 先 東吳顧 而 李子 子 ,始得 少孤,力學,經明 生 元 成 務 既 州 常 烈 之急 鴻博徵,不 譜 + 而 IE 寧 吾 並 四 謝 歎 寧人來 人 及 昔 不 徐 存 原 病 歲。 日 八爲之憮 人所 門 如 自 甥 杠 歸 譜 李中 有 「『堯 人 字 訪 赴 Ŧ 謂 詩 徐 在 伯 乎。 然。 行 太 若 曲 譜 抛 舜 穆 常 寧 當 + 修, 元 集 案: 之 0 譜 却 和 舍 事 往 又 月 見 穆 知 事 自 博 處 强 而 朱 處 受 驪 物 廣 家 ൬ 迫 寡 處 不 子 士 士生 過 之, 宏 士 母 劉 師 無 務 不 斗 Ш  $\pm$ 年 通,上 訪 彭, 名 大 盡 徧 惟 於天 Ш 誼 訪 物 李 史 尤 徐 131

穆批"「顧作『常』,王作『嘗』,蓋各依其本文。」

0

嘗存杠 翁之母 恭。 亂 詩 作讀之,因 及,亭林人青門,特訪其家。 Ш 後數 文集,卓 志 然余固 姓也。」出 年 往 「青門 長於余,以 省之,翁亦喜余,嘗對人有松柏之譽。 爲之序。 然成家。」「余所及與之游者,子斗 尊 事 七子,皆宗室之賢 翁,不敢 觸 今伯嘗 翁與 至太原。 以 (余善 鴈 亦 時翁已歾,見伯嘗 歾 行 而 元譜 進 其子 而 待 也。 篤 余以 孫 於學者 嘗 冒 執 與 楊 友之禮 顧 氏, 京索 也, 翁 亭 翁 而 各 翁 林 子 己。 從 其 伯 有

復述

代許

曦艸

疏

攻

鄭

鄤

事》一首、《

詠

史》一首、《李克

用墓》

一首、《五臺

Ш

首、《酬李處

士因

篤》

一首、《送申

處

士山》

首、《

詶

傅

處

士

首、《

陸

來

女媧

廟》

首、《

晉

王

府

**>** 

首

贈

傅

子涵

光》一首、穆案:

《送韻

譜

小

帖》云:

「申鳧

盟名涵光,永年人,太僕公之長子,今庶常隨

篇 篇》以 學深 事 文生於天啓四年 卷。」徐譜: 云:「某自五 先生《答汪 『不學禮 召 試 術 有 鴻 來 中 博 所 久 授 苕文號鈍翁 得。 無 苕 篇 絶 編修 甲子,少先生十 之傳。 以 治道, + 文 著 今爲《五 以 立』之旨。」又《與人書 書》云:「年過 有 後,篤 ,長洲人,順 ※ 堯峯 下篇 而 别 詩 書 志 博 著《 文 經 聞 鈔》。 治乙未進士, 日 史,其 以 , 共 三 十 Ŧi. 知 續 +, 穆 録 於音 乃 由 白 餘 上 知 主

是

年

詩有《元旦》一首、《霍山》一首、 首、元 理,福 祖弟。 潘 愍。 試 興, 閲四十 赤 集 也。 人關 鴻博,授檢討。 豹,大興籍 隨叔 太僕公甲 破 節  $\pm$ 譜: 京 訓 以 賊 師陷,可程降 名 士 \* 年 識 可 耒字 史庶常 涵盼, · 乃 卒。 法故,令養母 ,祥符人。 介弟於 申 次 徇 受業於先生,又得王錫闡 順治辛丑 首、 耕 或 可 清 難。」案: 穆案: ...贼。 號  $\sim$ 班」者 崇禎癸未進 程》一 稼 寄 堂。 賊 進 可 節 睿 ±; 敗 太僕公名佳 謂 程 首、元 親 康 士 遂 南

可

程

也

《祭吴

熙

己

未

以

布

衣

及

兄

之弟

耒》一

E

致可

法

書所

Z

寓

南

京

後

寓

宜

歸,可

法

請

置

之

士

閣

部

口

法

可

鳧孟

著

有

聰

Ш

允,

謚

節

叔

之兄

譜:

口

程

字

源。 杠 首 年 章之傳、凡詩、古文、麻 華 蒲 丙 於慈恩寺塔下》 《乾陵》一首、《 成,少 山》一首、《驪 州 有《 西 遂 門外 先生三十三歲。O 初 堂 鐵牛》一首、《潼 集 Ш 算、聲音之學, 罔 首。 將 行》一首、《長安》一 穆 去 案  $\wedge$ 闘 王官 次 中 耕 闘 别中尉存 谷 生 不 於  $\forall$ 窮 順 首 首 極 治 根

遺

後,已

都

悉工,而浩 爲 話 烈堂記》《朱子斗詩序》。 作《五臺 富平李孔德所 ₩: 誼 沿 涆不可及也。」 山記》《裴村 秦愍王 稱 九 **覽**其 世 孫,有 祀 記 竈 Ŧ **\*** 集。」「才 穆案: 復 百二十 庵 情 記 静 字 横 志  $\approx$ 溢 雖 居 貞 未 極 詩

三年 · 甲 辰 <del>五</del> 歲

晉 題 相 汾 IF. 小小 俗淳樸 名,多相里 月 州 相二村,相 Ŧi. 元 日 而 譜 Ш 一氏,至今千有餘年,而 至 谷之險猶足以自 里 浦 穆案: 氏之後尚 州之榮 《金石文字記 有 數十家。 河 保、故能累代不遷。 裔孫 游 》:「今汾陽 猶 后 大 居於此 攷北齊 土 一祠 不 寺 有 適 若 碑 大

賴 兵 督 先 魏忠節 宫。 寥 初 П 七 八十三,河北學者 逢,字啓泰,容城 Ш 以全。 生 復 至闕 寥不 師 領 穆案: 東、河 ,諸公遂不免。 求 拮 鄉薦。當參高陽 移家輝縣之夏峯。 月,至昌 援 据 周 可 逆 南,則兵火之餘,人民散亡, 先生 事聞 調 至河 忠介相等 奄 見 督師 護 聞 矣。」② 丙午 特詔 供 之, 南 橐 因 人,今住 崇禎丙子,容城 善。 之宗 平, 饘 輝 繞 年 J: 優嘉。 孫 送送 御 疏 縣 遣 天啓末,三公忤逆 承 師 几 牀 以 自 弟 宗 也。 訪 輝 韻 生平讀 謁 泣 寇 大 邊 督 奇 縣 譜 氛漸 彦 天 孫 事 師 小 同 督 同 帖》云 關 被圍 請 書談 萬 壽 元 夏峯先生 師 逼 至 鹿 門 陛 譜 麻 欲求 方 Ш 移 庚子 監 見 軍 西 設 道 抵 :「孫徴 家五 夏峯先 軍 事 奄 小元 時 方略拒 通 奠 П 務 舉 都 善 相 州 與 懷 爲 門 繼 人。

左

忠

毅

生

年

君

名

奇

今年

宗欑

元

繼

逮

繫

2 0 之博 此 葛氏、主父氏,其裔孫尚多居此邑。」 批 句 治 後 印 余曾於健 穆 林 批 日: 增 =瀚 庵所見之,不誣 陸 近 清 於 獻 蘭 H Ш 記 得 翼 也 王 隋 」共二十八 極 古 口 石 吴 江 題 名多 字。 潘 次 諸 耕

聖

賢

之

順

治

子

馳

書

喧

傳

圃

降

旨

勒

守,

城

年九十二。返至泰安州度歲。元譜。學。兩朝徵聘凡十一次,輒堅謝不出。康熙十四年卒,

是年詩有《后 首、《贈孫徵君》一 自大同至西 土 口 祠》 **>** 首。 四首、《 首、《龍 有 事 門》 . 欑 宫 首、

有《謁欑宫文》。

四年乙巳,五十三歲。

考工 午。 譜。 也。 案長 人攘 謂先生「兵後盡鬻其産,寄居章丘 先生貲若干,至是以 之大桑家莊 由 泰安至德州,復 司 白 奪」者此也。 與顔修來光敏 郎中,著有《樂圃 修 Ш 秋,至曲阜,再謁 來 在章丘、長 字遜 又先生甲寅年有《刈禾長白山下》詩 甫 元譜: 山二縣之交,刈禾處即 田 曲 産 回 訂 阜 一賞焉。 先是,章丘 濟 交。 人, 南 孔林, 康 謙 熙 别治 穆據手 案: 置 丁 人謝 未 田 田 游 《静志居 進 蹟 舍,久 舍於、 長吉世泰 桑家 闕 士; 補 札 里。 官 莊 而 章丘 詩 吏部 見 産業 爲土 話 元 丙 負

是年詩有《酬程工部先貞》一首、元譜:

十年,以: 又案: 以 著有 及手札者皆同 君樑所。 衛太史名 乞教正爲荷。 者,乃衛太史筆也。 采成袟。 I. 先貞字正夫,德州人,明 《詩經》 有與修來手 《復社姓氏》,先貞名列德州弟 丙午札推之,知當在此年, 部 《燕 員外 手 一本,圈注其不合及太瑣碎 扶風 蹟 Ш 年 穆 既齊,字 郎。 於戊 游 向藏修來先生家,頃 六十 札 教 底事 稿 云 : 濟 》《 恵 崇 戌 七 爾錫,猗氏 南 春 「《詩本音》二册 簡 此書未定,不必鈔録 豫製 府 有信,即求示之。」穆案: 獲觀 庵 樸 志 詩 I. 相 ×: 部 艸》若干 勗 録 棺, 人,康 侍郎紹 蓋與修來初 Ι. 勉 副 部 歸 題 里中 存 告病 八郎甲 湖 者置之可 日 之, 送 卷」。 孫 北 休 上,中 節 以 歸 後 荆 辰 息 只 識 義之事,搜 凡 宜 進 庵。 祖 面 家 言 將 施 士 也 有 穆 廕 時 此札 坊 居二 手 道 歷 駁 也 所 蹟 陶 更 刻 正 官

五年丙午,五十四歲。

春,由大桑家莊過兖州。穆據手蹟補。至廣

代州 代 少爲 尊客 走 譜 祠,三 古 適 爲僧名今種 均 竹垞生於崇禎二年己巳, 没青聰 太原,五年 博,授檢討 交。 平之曲 文章 維亭」俟考。 近 州 原 秦隴 亦 守 健 番 》詩 何 元譜。 一月游 爾 Ŀ. 自 晉 庵 晚,霜 將 如? 禺 云 雅, 谷, 有 與 歸 周。 某見而 諸 藩 風 春 0 《懷舅 秦中名士李因篤輩爲友。 宅心 字 再 生 中 峪。 浮 客 謙 署 健 雁 游 靈 案 白 名 來 Ш 庵 門 慕其才,以 氏 和 徐譜: 京 一,後 先 墮 紹 西 曾 過 春 會。 》詩 游 厚, 彝 出 生贈 師 隆。」 春」, 布 坤 游 訪 尊字 太 雁 政 云: 碧 下 加 吾 太 案《竹垞年 元 少 詩言「殊域 則 謙 先 王公顯 原 冠 原 不 吴會,自 白 甥女妻之。 譜 錫 H. 先生十六 相 案: 巾。 疑 如 生 時,秀水朱 復 鬯 見 朱 别 《曝 於 過 元 屈字介子, 是 必 祚 號 維 錫 池 譜 譜》, 滹 書 於 時 金 東 亭 幕 鬯。」 送良辰」,又云 竹 北 歲。 沱 亭 與 陵 春 作 二載 垞 偶 郊 其 自 康 集 也。 先 歸 以 南 談 穆 華 蓋 年 古 熙 注 生 粤 廣 案: 餘 岳 錫 海 布 因 在 原 四 相 風 字 師 三月 **当** 屈 月 攜 年 衣 穆 鬯 屈 與 遇 翁 \* Z: 介子 重 塵 妻 屈 游 秋 試 案: 韻 也 Ш 大 彝 訂 杪 至 驅 徐 至 Ŧi. 晉 至 鴻

> 子德輩 門之北、五臺 元譜: 廬 署。 云。 云 能 尉 也 造 。 又云: 俊 8 北 水車、 亨, 元 京師,復往 唽 穆 案先生《與潘 適 方 譜: 案: 二十餘 開 應 著《 水 彼 訪李子 一之東 Ŀ Ш 碾、 州 據王山 一之利過 地 年字棋公,清苑 韻 水磨之人,與夫能 有 應 次耕 補 人 水 Ш 史《山 募 於墾荒, 德於代 勼 而 墾 正》成。 東, 重 書》有云: 不 荒 貲 通 志 能 游 闢 墾 大同 用 畜 人,順 ,則子 州 泰 草 當 牧之獲 荒 莱, 「近稍 牧 Ш 德即 事 於 治 出 遇 至 遺 披 陳 己 貲 雁 謁 饒 以 貸 荆 兖州守署 人 故 丑. 棋 以 於 門 天慶宫。 是 到 榛 貲 進 耕 代 耕 公上 本 年返秦。 南 士。 之 者。」 耨。」云 而 府 方, 北 於雁 立 與 年 中 求 又 室

0 檢」。 檢」, 原 作 簡 避 明 崇 禎 諱, 今 回 改。 穆 批 改 爲

- 0 塘上 此 句 後, 其 北 穆 即 批 常 增 孰 陳 界」共二十二字。 鑑 案 維 亭 在 崑 14 縣 西 四 + 里官
- ❸ 穆批"「印林曰"後手札云【今以六月至雁門』,蓋

指

任,以父憂歸。穆據《有懷堂集》補。

祖

,貢生,黄安人。

是

年

公

肅

甥

復

原

官

未

嘗 首、《 代 譜 昆 遇 幕 處 是年詩有《寄劉 H 至代。 季」云 代 者。  $\pm$ 首 州 知 州 無攷,玩 日 録 應州 贈  $\sim$ 中 知 》誤 云。 朱 編 尉 屈 李 録》「九族」一 年 寫 俊 處 案: 》二首、《 處 Ш 詩 作 晰,年近 詩 中云云,蓋 ± 人 士 Ţ 集 先生 自 彝 系  $\forall$ 未 處 一首 游 關 尊 此 Ŧi. 條自注「余丁未 耳 士大來》 代 重 詩 十,攷 過 中 Ш 州 於 至 至》一 余於  $\wedge$ 在 左 丙 得 大 出 丙 其 人, 午, 伯 午 世 同 雁 太 而 首、《 原 次,於 年,丁未則 常 嘗客 首、元  $\bowtie$ 門 原 自 歲 中 符 在 關 東 孝宗 首 代 重 尉 合, 大同 **>** 郊 州 譜 書 调 元 未 或 爲 牧

是年先 首 作《聖慈天慶宫記 路 匆 匆 生 未 有 寄 獲信宿之留 顔修 來手  $\approx$ 蹟 以 云: 韻 聆 補 一去 微 言 IE 秋 而商大業。 序 得 接 **%** 光 塵 至 恨

却

寄》

首

又 於四 共六書 『不意永嘉之末 云即 札 誤者 寄 Z 自 札 全 至 詣 有知十之姿、 人是 巳 弱 書 一前 五六年前作,中 云 系 闕 通 )秋謁 之四 奉觀 方同 知 中 ·, 拈 日 里 即 過 云 馳 再 必 歸 所留《詩 兖 過 寫 年 F. 孔 兖,與 是 時 X 郡 更求 兖州」,又云「諸 侍 林、游 事 Ż 捧讀 丙 遥 條 姓 庶 雅 午。 E ,據《送書 氏 相 復 指 幾之品 而 先 附 本 譚 一去 問 大筆 有誤韻 闕 實 ·音》稿 專 居 生 誨 Ŀ 聞 云「去 訊 於 里 閲 址 晤 耳。 正 伻 秋 清 泰 無 也 别 與 小 也 始之音』 幸 過 係 齎 得 安度 不仰 開 率 秋 修 新 帖 容 粘 所 接 仲 爲藏之。 未改定之書 爾 嫵 得 穆 卷内 來 面 刻 》云「孫 《歲、未 光 費 紙,煩 春 逸 接 案 未 相 悉」,必 一者矣。 塵 (宏才 韻 偶 一,逼似 光 盡 付還 晤 過 譜 先 塵 照單 即 徵 也 下 ) 兖署 以以 河 君今年 生 」者,先 修 踐 附 唐 呈 其中 北 舊 分 以 來於 言 它 蓋 爲 案 徐 刻二 人,所 · 未 Œ 致 關 今 耳 前 譜 日 Z 韻 大方 代 中 札 生 八 去 以 當 有 得 册 0 譜 謂 + 書 於 雖 秋 前 此 攜 舛 親 復

● 穆批:「印林曰:此案似未甚晰,如所改訂,不當云前

恐使人 長 不安。 又 路關 通 來取 統 Ш 云: 俟文 ,濁涇清 ,匆匆遂 昨 旌 柱 東 一顧,以 渭 過 不 干 能 面 維珍 主人 詳。 頌 并 重 不在 求 惠 日 率 起 示 爾 作 西 慢 書 征 去, 大 數 千 作 殊 耳 深

案 俱 碑 像 敬 帖 佳 漢 又 之家 佳。 其 # 在 唐 以 官 通 同 俱 字 他若麟 若多印 上 在 云: 府 州 廟 但 不能 碑 西安府學, 札 「魯公書《家 有 臧 》在 游之《九成 得曹、 錢即 致,然多是 當 懷 布 在 恪 政 可買 碑》在 修 虞二碑各 俗 司 來 内《奉使 所謂 不必 廟碑 官 俶 唐碑 碑 = 裝 一碑 西 原 》《多寶塔 用 征 長 惟 縣 洞 幅 官 蔡 之時 武 部 碑 」者。 見 府 州 之《虞 惠 陽 洞 題 中。 碑 最 惟 曹 字 其 感 各 恭 全 》并 所 争 石 州 公 碑 書 經 縣 坐 石 碑 穆 極 刻 郭 位 古 及

否? 收 終 中 又 都 丘 載之行笈矣。 南之勝, 來 而 通 石 敝 云 珍 修 鄉 而 鴻文 沈繹 社 來 一崤 一弟 翁 社 大製 老亦自 想閉 以 翁 Ш 函 今六 在 史兄 谷 户 H 方 之阻 著 關 月 新 伯 楊、 書 中 至 富 署 周 來, 中,不 鴈 有 卧  $\pm$ 門, 交相 秦、 遊 兩 則 敝 Ŧi. 兩 漢 多 時 門 推 岳 會 李 君 人,並 唐之蹟 許。 君 客。 古 胸 天 並 中 計 生 驅 當 得 初 並 太華 自 中 别 秋 見 己 闘 原 貝.

> 堡攷之, 或駕在 候,并 烈 住 矣。 即 者 至 本。」案: 證 大 共 0 福門 之, 西 加 前 甥王 據《 書 與 安 弟 删 六封 蓋 問 存 藩 府 送 頃 穆 改, 太 蓋 秦中 前 楊氏 案: 至岱 杠 司 南 韻 乃 和 楊 各 札 將 署 重 别 八 譜 皆 謙 諸 在 何以 中,則 0 以 送 里大塔堡 處。 小 至 下,俟主人之歸 即 春 受業於 子 徐 帖 新 大 末, 韻 朱 消 爲 譜以 本 獨 求於到 百 存 譜 息。 故 此 就 寄 時 杠 先  $\pm$ 此 札 内。 IE 事。 所 孫? 楊 生 韻 札 鼎 在 本 也 日 留 譜 革 伯 系之三年 冬仲 大塔 所謂 即 所 伯 後變其 常, 》二本者,存杠之子 即 以字伯常及住 詩 諸 遣 云 常則二本 也。 者, 本 名 過 容 人致之。」又云 楊、 楊、 音》乞付下, 兖 謙 慈思 面 名氏 甲 郡。 悉, 王兩門人  $\pm$ 故 辰 所 寺 兩 也,大塔 王 云 以 不 故 先 塔 門 孫 大塔 既 有 此 元 也 也 月 + 譜 E 奉 百

0

<sup>■</sup> 穆批:「石珍社翁攷。」 一 穆批:「石珍乃修來叔父,《山左詩鈔》有小傳。」旁批

則 Ш 穆 批 此 也 札 即即 十月前在泰安寄顔 印 過 林 兖郡」, 日 「頃 即 至 元譜 岱 耳 下 至兖州 非仲冬也。」 即 守 元 署度 譜 後 歲 至 事 Ш 游

治壬辰翰林。❶ 也 云 「伯嘗歾 沈 繹 老」者 其 子 孫冒 沈荃、字貞 又案: 楊 氏 頃 借得王 蕤 喜 臆 號 測 繹 Ш 之不爽 堂 1史《山 工,華亭 志 也 人 順 詳 有

見癸卯

下。

另鈔一 之遺 又一 如 又 容 又 罄 諸 元 家 仙 有 晤 稿 命 願 作爲集中弟 訓 舟 悉。」 通 通 勘 言 返 意, 不 》勘 本,仍乞原本 云: 云 得 上 IE 猶 晤 大雅 畢 其 容於秋仲 略 爲 良豁 穆案: 大 送 年與 昨 耿 之音 商 Ŀ 出 作 耿 數 積 、《思悲 事 文字,識 耳。 并 清 此 抵 將 懷。 見賜 者 勁 用 上二札 暮 復 都 所寄 硃  $\equiv$ 始歸,  $\pm$ 起 翁 以 無 通 面 感 筆 程 於 浮票,未知 奉。 以 書 當 感。」 戰 今日 靡及,不 附 俗 承 版乞付 城 筆。 載 在 便 駕 率 南 西 矣。 -此附 於 左 征 顧 獲 此 亦 覽 去呼、 太華 有 候,不 既還之後 敬 失迓 攀留 有 即 當 服 得 白 否? 通 傅 信 悉。」 《家訓 伊 爲 敬 幸 <del>Z</del> 諷 宿 闕 罪 服 諸 以 爲 諭

三日 筆 又 ? 以 通 想 未、 云 未 見 申 「弟 刻啓耳。 纔 時 至 過 城 我, 附 中 上 則 尚 得 未 紙 晤 拜呈。 不盡 矣。 大 老 才 社 何 翁 藉 須 弟 兩

> 《兖州 之要者 任。 示,以 五十 府 來 編 題 事 套 以 尚 補 春 與 書 署 鈔 知 晤 有 如 後 所謂 言講 卷, 爲 録幾首 留 府 叔 旬 府 便 便 實 先生與 月。 允 伯 正、二月 ,付諸梓人,名曰《近 兖 中至郡 頃兖李劉年 奉 志 習 任 紹 珣 「兖李」,疑即其人。 揚 李 》同 如貴 一、未能 未 , 尤幸事 次 俱 休 知 修來手蹟 子 署, 有 知可 閒 譽。 可 以以 表: 地 時 事 臆 投 友人家有鄴架之藏 删 名 決也。 也 轉 翁 陪 燭 劉 也 延 覓 訂 祀 下 澤 刺, 云: 弟 否? 日下 特 徐 遠 艸 ^ 穆 修 至 譜: 儒 極 近 「弟 授 此 案: 「八年」或六年之譌 署 來 欲借 恩 名 相 壽 大、 儒 即 「大、小阮才名」者, 貢 附 論甲 向 删 企 州 伯 以 名 啓 唐 日 小 慕 取 安化 州 珣 此 荆 不 沅 集》。 録 也 欲 論 其 字 同 年成進士 盡 才 有《古今 111 切 季 人,康 甲 修 名已 新 《稗 於經學治 相 大 就 復 集 詩 編 觀 此 芍 達 熙 明 并 穆 **%** 足 Ħ. 淹 陂 或 乞惠 之當 第 河 八 案: 留 論 先 得 穆

六年丁未,五

十五歲

Ŧi.

<sup>0</sup> 穆 部 批 批: 止 有 先生所刻 家訓 本 則 》疑即《顔 非 小徐 《韻 譜 與 氏家訓》。 李仁父書也。」 未審定 是自 譔 是

穆 批 刻 啓 何語?」

像》七 力臣 序》: 抵 初。」自 有 在 書,信而 則 濟 鶴 淮 陽 利。 貧 臣 「力臣 潛丘 《寄 巾 張 寧 銘 而 ·, 山 曲 箱。 曾 君弨與其二子叶 攷》傳於 耆 主 I 「若夫本《説文》,正字 潘 劄 力臣 方爲舅氏亭林校刻 絕二首,其次章 陽 得 周 注 古 詩、 寄 張 氏 諸 王 記 好古,吾不 對 嘗 多集 拜 生 古文,著 春 力 起 樣 君 謂 詩 刻 世 轉 號 路 臣 秋 本 寧 曰 : 田 之, 靈 金石文字,有 亟 復 來,果 人 篡 文 許 弨父子任校寫 家 人 如 齊,以 有 思 著 而 先 瀚 貞 增、叶 例 張 元 日 所 案 祇 有字 代 博 生 公祠 力 歎  $\approx$ 《音學 傳 賣 芳園 「奇字! 且 時 儒 臣 又 箕。」又《廣 體, 春 書 洒 不 書 開 精 所 宗 《昭 有《濟 廣 Ŧī. 淚 畫 集 著 不 秋 司 酌古今之閒 雕 Ŧī. 揚雲 種 陵 風 爲 書 所 書 健 權 ^ 可 寧學宫 六 生,尤精六書 前 託 多 之役。 向 音 未 庵 及 駿 衡 師 誦 穆 有 力 渺茫,茂先 屬 學 都 也 印 圖 渭 南 案: \* 臣 《題 《受棋 [費》《焦 君 須 陽。」 漢 Ŧi. 繕 歸 而 漢 校 從 金 張 碑 元譜: 寫 手 Ŧi. 精 刻 力 釋 石 自 孫 北 堂 至 授 書 之學 書 正 家 臣 文 Ш 心 注 集 梓。 之 思 行 於 Ш 皇 法 小 六 後 力 瘞

> 讎之忙 刑 德 傳 傳 名 無 令叔先生,并希致知己之言不敢 昨 生 有手札 部 濤 負 諭 州 寫 侍 相 鈔 號 程 以 書者, 郎 期 ,不及親 書 述 一之意 云: 歸 T. 齋 0 部 能 0 也。二札 弟 吅 爲 IE. 城令李霖 元 清 專 弟 爲一二 譜 夫、 苑 覓二 經 詳 陳 李 走送。 疑 人 相 見 瞻浹弟 刑 棋 皆 否?」又 知 鈔 在 所 公資 部 别 書 忘,惟 是 留 紫 自 康熙丙 有 時 之薪 瀾 似 序 努 函 須 通 家 力讀 秋 辰 云: 求 東 杪 水 翰林 書以 投 穆 元譜 方 紙 弟 人 案: 官 可 庶 理 以 行。 È 李 幾 署 校 先 至

案王 是 先 陽 企 生 成 副 年 昭 榜 别 略 昏於王 詩 貢 王 因 略 生 有 先 首 一、 四 時 生之 一氏,見 ^ 淮 稼堂 穆 庫 故, 案 上 稼堂 書 尚 以 别 存 未 企 女妻 一撰 目 昭字 至 王 完亡 》收 淮 生 潘 文超 上 妻王 企 耒。 略 耳 昭 > 漢 孺 是 性 陽 人 贈 年 理 首、 壙 人,順治 譜 耒 蕭 誌 來 徐 文 Ŧi. \* 至 學 特 Ш

● 穆批:「孫思仁,疑即孫承澤之字。」

厦門 使貢 謙 後 或 朝 服之地 道 請 王 程 而 云 次 案 王。  $\equiv$ 不 貢 以 録 其 入境, 大珠 年 復 德 東 》所 因 部 書 蘇 至。 不 王 州 大旨 並 見 禄 貢,奉旨: 爲 達 卒於館 封 通 同 年,西 尊。 國 爲國 京 重 中 在 本朝 首 在 國。 於 師 七兩 東 明 ~ 王。 遂 伸 王 洋 雍 永樂十 拜 Ŧi. 過 遣 相 程 有 留葬, 海 正 年 居二十七日 路 奇。 傳 使 中,地 蘇 朱 Ŧī. 人 其 Ħ. 年 文 而 貢 禄 乃遣 貢。 國 <u>-</u> + -始 年,三王並 闢 貞 近 或 分爲 由 通 陸 使封其長子爲 浡 + 墓 福  $\pm$ 貢 三王 一年,復 E 東、 泥 九 建 墓 W 闍 年 巡 乾 與 西、 率 婆 撫代 隆十 辭 熊 首 人貢 東 其 歸 峒 ,自古荒 賜 妻子  $\pm$ 首。 九 三王 題 履 ^ 13 蘇 其 自 年, 调 來 閑 É 遣 禄 東

王山 是 師 韻 言之陳祺公,託 作《音學五 顧 也 年六月, 亭 史《山 林先 徐 志 譜 生 **∀**: 陳 書序 深 張 案潘稼堂《重 明 「李子德當得 祺 力 音學,實 臣 公  $\stackrel{\cdot}{\approx}$ 爲 程 重 鋟 刻 始 IE. 木 刻古本 表 淮 夫 廣 廣 章此 陰 詩 韻 廣 韻 序 》舊 此 書 韻 》於 唐 刻之淮 序 本 人 <u>\*</u> 顧 2 淮 所 用 亭 先 上。 之 林

> 然其所 等《重修 完,作《後序》以 稼堂、竹垞亦同 見 廣韻》爲《廣韻》足本,故 乃 内 府 此 志遺憾。」 刊 見。 本 E 四 穆 經 庫 案 删 總 削 目 先生蓋 疑 者 提 此 要 久 本 》辯 誤以 而 已 覺 之最 經 其 宋 删 書 陳 削 之不 彭 也 年

七年戊申,五十六歲。

文曰: 響祀 街, 春 灑 非 西 道 春 自 先 以 光二 生 六 偏 事 注 ,在都,寓慈仁寺。 額 馬。 謁 戸贈 名 隙 「先生生 日 十三 蓋 詩 袁 Ш 前 地 「大報國 <u>二</u> 老。 陵 子 Ŧi. 年與 之淚。 德 + 年夏,何太史紹 區 身甘 四 既 韻 一當 先 一,架 年 [慈仁寺」。 **》**有 去之後 叔 生同客慈仁寺,予先别去。」按即 荒 北 落 屋 季 云 遯 征 成,二月 ,業貫漢 慰 楹 初賦 先 憶 九 几 基 生 徐 折 原貞 穆案: 十四四 知貲 策 筵 譜 始 前 唐。 二馬 禮 聞 津 孝之心 爲 日 慈仁 《受棋 黄 器 柳 學堪 辛 先 以 培 悉 生 寺 亥公祭。 可 來 獄 備 爲 建 炊 在 游 堂 事 時 王 歳 祠 古 集 廣 者 際 東 堂 東 春 寺 寧 . 師 雲 行 道 穆 於 羹。 門 奉 秋 此 志 靁 也 既 撰 致 寺 答 大 年

- 穆批"「《德州志》蘇禄國王墓在城北二里。」
- ❷ 此句後,穆批增《鈔書自序》一篇名。

之蹈 啓,觴 抵 譜 連 月二 寺, 堂; 陟 援 祇 之險 肸 之句,下 末 韻 通 蠲 寺 濟 降 往 蠁 流 諧 曾 餽 合天下東 + 雅 聲 南 寓 即 例 虚 來 夸, 鑒 作  $\overline{\nabla}$ + 中 墨 先 八日 慕 於 進 臨 敢 始 星 此 初 榻 寓 發 邊 增 忽 生手 靈 伏 因 突 公, 知 吾徒以考實。 悃 蠲 何 萬 亭親 馳 · 祭文: 庶 而 均 載 波 未 爲 聞 忱 頻 古 恐 脩 幾學 蹟 誕 黔 赴 計 不 厲 Ш 規 同 歷 後 之辰 云 尚 而 偉 識 東 鞫 緬 尚 陋 精 「先 棄 友之懷,思 海 文之要 石 節之遄 無 面 有 雲臺 饗 采 咨  $\mathbb{H}$ 儒 濂 室 ,奉薦迎神之曲 三之姜元: 康 生 異 案 牧。 林, 涇 Ш 民 修 **然熙七** 三月, 行成 凡今代文苑 築室之謀 株連 生之利 錬 儀 眇 0 典 精 行 桑 皋 冶 聞 年二月 司 衡 隆 忠孝,學 展 神 即即 莊 比 適 况 喻 萊 美 石 所 不 效 下 如 病 不 在 乎 出 室。 \* 報 朽。 誣 州 拜 敝 擁 顧 明 + 濟 志 邑 牛 都 儒 經 洞 屣 黄 廬 H 乘 門 懲 專 存 尚 姜 Ŧi. 雖 所 南 林之彦,敬 尚 於榮 古 宛 覬 必 論 元 日 培 薊門 祠 響 東 淑 於三月 惟 今。 府 誦 在 海者 之精 摉 雲 林、 世 式 詩 在 慈 緒 孔 卻 車 獄 啓 京 仁. 懲 復 婁 荆 德 0 究 獄 勤 饋 風 出 吉 師 之古 佩 末 又 炊 社 搆 榛 阳 馬 牽 州 日 慈 元 其 痛 祀 遺 造 Ŧi. 之 乍 書 訂 寒

> 咸正 告,此 曾 又即 頭 此 何 撫親 衣衛 在 Ш 集》二本 審 黄 黄 即 年,握 否? 人親 三,以 時 貞 깷 「握 顧 黑 元 傳 沈 搜 寧 禀 審 鹏 都 衡 縣 髮」 書 皮面 輯 見? 爲 等 中 故 天 稱 指 篇 髪以 就 中 寧 此 到 甫 揮 有 事 兵 此 進 有 E 語 使黄 書之人否? + 部 有 黄家搜 歷 出 人 念忠 終一 刻 黄 有 ± 具 果足 搜 四 尚 首 云 舊墨筆寫 板 御 **外培**、 (游)二 節 載 官 矣。 『晚 書 人 輯 史宗昌,即坦之父。 見 以 録 輯 黄 翰 逆 此 見任 以 初 在 與 爲 發 詩 林 公家僕黄寬之孫、黄 請 書 即 語 無 證 坦 何 寧 《忠節録》字樣 刻 之證 略 且 已故 父不 Ŧ 果 浦 以 處 人游 啓 者。 案。 言 讀邸 涉,忽於今正月三十 江 養 足以 禎 之 縣 親 曾 咨 集》 此 於 報 不 + 黄 П 剃 行 有 書得 證 坦 昔 此 Ŧi. 籍 餘 知 傳 頭 云 原 寧 陳 年 一、見任 書,元 敝 此 年黄御史之不 書已 之 揭 「有 籍 人之即 之何 濟 六 郡 傳 篇 證 告 逮 生 月,奉 (費之子 有 一於六年二月 何 寧 證 衡 鳳 其 有 所 方 П 陳 人 有 陽 人 主 顧 云 作 供: 明 所 授 顧 據 H 旨 府 原 『家 寧 本 卿 《啓 而 爲 推 稿 其 係 撫 發 推 任 人, 剃 就 狀 官 居 所 院 崑 督 官 錦 禎

- ■「尚饗」二字,穆批型
- ② 「尚饗」二字,穆批删。

今元衡 著嚴 經逃 又云 造逆 序,以 JL 前 供 俱 挾 + 夥 六葉者 走之施 内 E. 生 稱 害、大干 室 月二十二日 行 有名之人共七百 僞 程 **》**大學衍義 以 元於其· 是 騙 行 嚴 走,此等奸 編 詩 名,合行查究。 造 濟 い騙詐 壬戌 明、未 所首 實 詩之 生已 詐 審 肆 此 緝 雖 吴中 拿, 中 書 奉旨 擬罪 行騙 删去頗 法 其子見任 探 之書 故 陳 以 假已 紀。 來之吴石林及代主控告之葉大等 獲 花 押 有 書銀二千 濟 》等 詐。 具 將 H 棍 爲 官 赴 生 奏。 挾 故 光 書 多 沈 爾 也 至 百二十 嚇 名 西 久 奉旨: 部 天甫 雖 中 害 陳 著 棍 或 詐平 而 市 經 三 十 即 内 稱 擬 逃走之施明,未來之吴石林 書 之 濟生之名, 施 處 兩 子 詩 物 將 有 明 逆 具。 罪 吴 祭 未給 斬 人,摇 即 夏 餘 故 沈 詩 『沈天甫、 寫 元萊。 者從海外 種 具 一麟 酒 葉 《啓禎 天 序、 奏。一刑 又僞造 行 從 而 奇、 施 將 好 甫 動良民 海外 世。 與 明、吴 從 寫 日 此 而 》之詩 沈 刻 奉 海 夏 詩機 羅 中 書 來 古 夏 天 部 麟 内 帶 旨 其 原 江 石林 、葉大四 出 與與 甫 麟 子 審 書 來, 茫無 帶 奇 誣 傷 卷 任 首、欲 南 之三 奇、 傳 得 詩 閣 濟 稱謀 沈 本 議 吕 有 緝 北之名 即 沈 之 朝 輔 生 天 日 拿未 中 百 資 之人 此 圖 施 甫 天 叛 部 旲 亦 中、 憑 於 葉大 牲 詩 甫 等 以 明 治 議 好 俱 獲。 士 之 閏 品 指 等 V 逃 Ŧi. 行 合 刻 書 通

有懸 之書 侯; 傳 益 又 思 征 爲行 乗筆 通信。 吟 據 明旨,不直曰 夫起義,小 傳 「斬首四千級 元 含章館 有 鐵 禀云: 漢 衡 社 沈天甫 Ŧ. K 欲 以 在。 门,削 高 等 起 嶺 南 南 誅 威 ,有遺清等社 造之人即 人之書 逆,故 書中 義 人之書 皇帝像 事 儀 ,黄培詩有 我 詩 「據各刻 义 北人之書, 此牽事外之人,而翻久定之案。 之所云。 ,有舉事 ,捕虜五千人」,乃子儀敗安禄 紀 廟 集 則謗讟 確 有 **※**友 漢 號, 敢 「陳 慟 載 以 有 吴 昧 陳 春 Z 哭 濟 仍 有 本 我 晉 有 秋; 皆 人 死 ,大則悖 濟 《啓禎集 隱 是已故之濟生 生, 及 存 怨女金閨裏,征夫銕 朝 與 陳 軒 生 日 Щ 係故 勸 叛 人 明 揭 南 爲 魯 詩 斬 左有 衡 與 而 閩 號, 其 藩 東 人之書 集 虜 逆。 王 明 中 加 爲 即 或 ※ 夕 逆 丈石詩 舟 首 倡 廢臣 且 興 以『又云』二 刻 中 黄 等情 忠 海 義 爲 感 職 書, 霏亭 種 有 Ш 密 及迎 節 等 虎穴,以 憤 係 與招羣懷貳之輩 培刻《郭汾陽王考傳》中 聖明猶 兵紀功之語 種 社 不 事。 語 史臣 録 乎 嶺頭。一般 苗 或 罪人 魯 詩 有 問 鴟 又 御 官孽 歲  $\approx$ 王、浙 宜 張,虎 字、『又云』者 可 在 北 有 史 大社 僞 燭 寒 郭 其 不赦 知 人之 平. 握 明 通 其 金  $\pm$ 詩 南 汾 也 微 敵 東 髮 目 誣 擁 爲 奸 豹 江 陽 北 王、上 罔 將 胡 張 福 乎 東 又 北 Ŧ. 或 恭 南 南 通 傳 軍 姬 膽 京 Ŧ 有 考 兀 逆 而 繹 有

膠 札 百 瓚 庶 穆 有 於三月 謀 自 知 必 與 何 也 陷 名 所 詩 又。又: 廪生; 吉 州 案: 其 叛 脱 以 欲 不 以 黄 籍 刻 云: 八名,户 史》 人,尚 之計 士。 人。 以 奴 與 識 得 不 坦 貫 + 一件主 四 行 黄 面 此 知 倣 進 在 陷 俱 「黄 之 辛 順 日東身詣院 挾 遂 氏之十二君 海 文信 元 君 部 容 都 祖 1: 顧 在 害 之罪 治 顧 内 衡 卯 唱 宗 貞 履 時 觀 續 蹈 刻 寧 寧 帶 己 與 和 或 者 麟 歷 極 曉 於明旨 政 布 本 升 已 序 H. 律 來 集 荷 便 中 而 字 弘 潞 一斬之沈 統 之 科 所 跋 子 覽 惓 刻 而 庚子,授 不 投 者 安 文 書 振 惟 會 不 約 等 美 并 惓 覺 所 本 試 到 赦 之愛。 衛 院 詳 在 欲 句 謂 也 有 網 而 察。 黄 經 天 百 編 + 伏 百 陷 即 欲 名之三百 其 嚇 前 甫 江 而 八 歷 修 餘 元 天道 聽 别 此 墨 南 名 游 平 唱 南 江 盡殺之? + 今姜 人。」是 衡 審 起 逃 刻 人。 人 鳳 後 南 父 欽授 章 曾 鞫 神 走 本 則 字 和 墿, 陽 布 元 明 大獄 祖 之 餘 有 順 元 府 衣 啓 衡 摇 施 不 如 元 至 繼 庠 人 名 治 其 内 璿 推 顧 扳 衡 動良 禎 教 以 推 何 出 明 之三百 生 節 戊 翰 僭 北 官 寧 及弟 之 即 唆 集 陷 其 讎 何 戌 林 人頓 不 人 祖 意 陷 民 墨 本 人 何 口 親 會 濫 曾 或 所 則 寬 縣 害 意 ? 隙 何 又 祖 試 史 首 祕 而 餘 不 黄 載 籍 故 手 具. 父 院 别 兼 今 稱 爲 自 其 但 培 而 姓

> 之同 取 僕 共三 舟 遵 剖 陳 書 能 翁 此 出 甫 此 題 止 不 老 明 名分之案。 傳 道 白 濟 另 者 事 請 所 起大獄 哲 書之明 觀 不 書 事,奈何, 此 生 百 指 始 旨 盡。 稱 之訓 中。 事 尚 白 末。 造 悉。」 并 弟 另是 + 屬 餘 陳 , 尤望. 以 E 誣 果有 惟 證 葉 念 六 濟 告諸 又 而 赴 葉, 知 奈何 不 图 也 生 知 書。 大 羅 知 濟 己聞 己 知 逆 此 又 吴 君 却 今元 通 書 而 南 奉 就 書 爲 ! 累。 越 據 中 子 内 投 云 况 之,必 旨 此 之壯 通 之 主 有 餘 元 原 衡 有 到 南 百餘葉中, 爲 名 云 序、有 矣。 今江夏之驕吝足以 衡 冠 同 持 人乎? 書 所 拯 前 之三 沈 已 倍 聲 南 公 首 而 有 天甫 燬 懸切 先 懸 氣 北 之書, 縶, 論 弟 目 百 通 者 有 切 删 來 竟 弟敢 函 篇 指 餘 逆 懸 此 有 去天甫 謹 此 不 無 造之書 篇 人 情 札 想 札 詩 此 不 得 廣 序、 切 有 於 由 致 品 仍乞 E 布 惜 有 韻 出 濟 其 譚 品 徹 無 啓 狀 致 揭 傳 微 中 生 年 之意 傳 即 餘 覽 留 中 目 軀 名 敗 翁 切 語 程 與 已 欲 原 以 前 已 無 詳 弟 尚 借 去 宅 譚 出 故 則 經 業 而 翻 狀 沈 詩 未 价 之 與 候 之 詳 不 年 Mi 即 此 摘 稱 天 主

耳 批 驕 吝 印 云 林 者 日 即 : 後 江 夏 札 謂 所 黄 云 也 黄 氏 以 江 不 夏 照 黄 管 童 也 作 隱 語

0

管 所 黄 頭 院 鄉 有 希 至歷下,必 公,若天生至 每 大 昨 舟 Z: 宅,次即傳至李 齎 先 寫 得 至省城 御 人 垂 債 抵 至 三云但 札 生 德  $\Box$ 審 云: 日 少 至 以 史 供 L. 德 見之,它 諱 州 申 來 丽不 先 主 「客返 自 數 有 當 州 源 北 爲 次辯 諭惓惓,深感愛厚。 取 斷 篇 力辯 文 李 濟 求 點 也 字 歉 宣 當 有 絶, 傳 南 宅。 燒 簡 而 關 百 有 晉 皆 星 《啓禎 内 舟 下 有 事 日日 廿 餅 案中 中 H 拜 所濟 宅。 來, 可 未 書可 無 不 畢 家 川 度 路 先 并 用 到 集 爲 應,弟 原 報 日 書 活 有二李 審 年 艱 悉 生 勿 再容趨 弟 耳. 学 即 任 付 出 ·老者 書。」 弟已 難 牽 取 出 傳 何 觀之。」穆 作 河 報 都 賦 遂 而 别 章 有 歷 以 書促之人京, 津 房 至九 莊 梅 『寧 别有字往 焚之矣。 丘 四 無保出之法。 事 故 前 F 能 令,與 所 封 又 者 田 Ŧi. 地 城。」自 往 支? 稱 人]字, 云屢 源,三 敬 之麥,俱 止 頓 土 人 歷 案: 北 如 弟 通 保 情 有 F 以 有 台 報至 并 欲 交頗 云: 識 關 子 別之。」 四 由 注: 言相 無 復。 山。 如 持 乞 札 黄 德 中 日 爲 顧 德 密 有 答先 矣。 惟 御 Ŧi. 辇 黄 可 姓 致 劉 笥 此 無 州 札 「客」, 問 氏絶 問 中 達。 月 即 上 中 者 棍 中 兩 寄 又 曾 姜 + 南 又 生 先 爲 之事 之書 割 札 Ξ 示 要 不 不 已 九 秋 贈 切 夏 李 到 專 止 去。 也 顧 在 剃 H 有 詩 統 諸 昭 於 通 乞 函 蕭 人 老

之脱

於

急難

竹

垞

當與

有

力

焉

穆

案

顔

修

來

有

送

朱

簿,始 案云: 力,惟 築之, 錢 注: 徐 有 防 憂去,在 史本傳: 楊 德 游 而 是 寧 不識 捏陷; 答 非 譜 局 海 濟 以大桑家 何 撫院劉 先生 已定。 皆 汐輕。]自 南 紹 輯 訟 面 得 有 乃 是獄 基 書 起 爲 得 開 積 任者二十三年。 世 公以 是年春 又賊證未明, 案: 贈 爲 實 因 公之語 旨允行,蓋仁明 釋。 年走空之人,今并行 世 爲 莊 此皆上臺秉公持正及大人君子孚號壯 證, 證 詩 達 尸 順 謝 札 注 小人奪先 房 有 穆 祝。 又 無 官置之獄」, 竹坨 治 中 長 産 云 案: 展 詞 時 吉主 七 所 作 兹因 後 轉 至 以 年 稱 抵 「莒萊矜 訟牒株累多人, 翁 不 來 推 對 Ш 生 唆。 任 撫 者。 嘗 得 玉 便 東,客 刻 田。 出 君 院 Ш 又 濤 奏 蓋 羽 集乃 以 所從 子 東 者 長吉即 是 扳 請 先 初 耳 聽 又云: 也 野 巡 撫院 秋 提 即 緝 食之言 宛平 供 删 竹 得 語 此 去矣。 撫 九 墨 盜 定 書 去 山 月,先 奉 劉 Z 老 赴 不 虞 劉 用 之人爲 讞 康 房 此 聞。 已 公幕 歘 東 諸 得 芮 熙 公芳 節 己 非 詩 櫂 歲 雖 生 豫 + 亂 又 結 詩 話 生 實 中 坑 未 何 杜 勒 江 囂 請 萊陽 躅 與 序 海 事 元 貲 名 波 謂 保 廷 也 聲。 則 年 長 撤 墨 也 F. 也 譜 數, 大 不 出 交 亭 事 吉 先 蹟 始 Ш 縣 拯 衍 此 償 以 生 東 或 潛 自 子 本 以 林 對 生 MI 孫 人

+ 於讀 安同 良,五 元 濟 匄 譜 傷 州 顛 者 春。 時 無 林 錫 Ė, 譜。 天晴。 險 以 尤甚 南。 》亦載之。 、東昌等郡 譚 能 乏 誤 知 經 地 詔 訟 經 吉 自自 出 句。 升 濟 獄 庭 案之人俱已 0 連 進 叩 璁 元譜: 先生手札云: 文廟 在 尚 南 木 震數 士。 其 登 注 元 我行 字 又子德奉答先 濟 有 而 州 書 詩 譜 南。 南 舟 不 後 齋 舟 知 日 時 亦 天下,僅見此人。」六月十七 躓 冠 次 隨 共 石 插 石以 府。 地 客 毁 者 赴 先 嘉 五 震 架《十三經注 攜 穆 院 自 莫向 監 又 皆 生人都。 弟 興 淫 案 鶴 手 + 案 畫 生試 北 知 口 雨。 徴 生贈 於九月二十 河 供 . 燕臺 九 己 録 此 時 而 梁 札 補 扶 想 秋 明 詩: 年 影 處, 悵 + 被 南 中 思 弘文院撰 持 有 Ш 太 亭 去 故 疏》,手施朱墨, 屢 之力 聲 題 從子 月 震 東 沂 僕 經旬 塵 林 稱 結之望。 地 ·日保出 卿 語 州 譚 如 獄 歷 震 當世 昌 文中 喧 熊 云: 自 年 事 Ш 雷 濟 言 解 地 郯 注 ,《漁洋 翁 來 遥 「舟 世 圾 南、 孫 書 得 + 凡 及 望 城 日 省 城 P 嬰 所 始 釋。 遷 父 舟 石 時 柳 祝 戌 於 死 兖 月 垣 以 或 終 延 貞 老 勤 亭 條

> 邪? 拔 案 走領 北上 也。 人矣。 無依 與 不 貢 舟 敢 徐 官濟 以格 П 時,代弟九頓台 弟候命下結案 ,暫寄徐玉老署中,不謂有延安之陞 公,托其致感, 今有 玉老者、《濟南府志》 萬老先生書已投 書。 南通 墨 沍 宣 函乞致之,近 判 矣。 寒不莊 旋升延 而 前 即 墀。 未見 具 詣 幸宥。 近 安同 似蒙 都 今來者玉老之僕,屬 着 况 詩 中 報 詳 知 徐 六 巾 注念,院 長 之函 ,豈其移 蓋即 真 章, 謝 至日弟名正 修,遷安人, 曾 中 其 如 可 徹 批 寓 尚 取 覽 則 或 共 遲 保,一 否 石 此 覽 康 具。」 其 則 頭之沈 中 也 熙 俟 宿 别 屢 無主 中 日 舍 便 旅 有 穆 後 甥 由 發 食 札

南 余 藻。」自 也 苒 是 四 在 省 年 子 Ŧi. 詩 視 難 德 注 穆 H 特 有《 春 於 案: 乃 「先 懷 走 其 至攀 子 赴 生在 》詩 燕 行 德 東》六首、 之第 髯 中 答 難 也 時。 先 告急諸 不 Ŧi. 作 生 章 廢 是 贈 詩 有 訟 時 詩 贈 祭。一《 徐 云 繫 友 有 譜 之》 時 人 云: 當 歷 李 詩 復 節 有 東 子 月 馳 首 云 湖 + 至 德 至 青 通 九 聞 濟 溟 穆 蘋 荏 H

❶ 「撲」,穆批改爲「踣」。

五九

年 排 州 衆謀。 赴 歷 東 Ш 馳 東 救及因 欲陟岱宗俟它日 望 白 雲 [疾先還 樓。 深 事 知 也 將 鄒 觀 子 滄 繫 海 非 難 罪 久 留 敢 謂 詠 魯 此 連

兄以 耳。 不甚 全。 兄乃 從問 等 韻 音 之後,復栖遲何所? 蓋 私 兔,幸脱於羅 歸 八詩已 兩姓 處 心憂 必宗上古,謂孔子未免有誤,此語大駭人聽。 韻之學,著書已成,弟未見及,但友人頗 語 玄恭文鈔》有 語 先 自 確, 憂 得 兄之慷慨 Ш 初非 生 似駭人,實無可駭,❶ 和 之。 左縉紳 詣 患。 交惡而 確 於 惟 得 耗。 獄 此 因 濟 不 未 道 張 上 此 奉覽,其 ,將仍依此 就 委罪於兄,兄身出則事白 幾 復安有所 元節 秋 相 事 惟 獄 間 讎 與 而 窟是實, 而 舉 得 乃 之事 還 先 之亡命, 發, 動光明 中『迂怪不悛』及『江 弟前書中 所寄書 生 ,從令甥 謂 精 窟,抑 蓋 連 書 僻 於脱 傳語者 而聞 及 也 别有爲。 云 , 揆之事 及六詩 雖幸免禍, 禍者 復别尋 處 時 又爲 戲詰 不得其旨 歸 戊申春夏之交, 知兄遂不免 適 君意深可 也。 有 人所 三窟,後 ,讀之深歎兄之 前 窟乎? 理 海 亦亦 書自 但 君 陵之行, 賣 即 傳 事 不 感 未免 子 南 自 察之亦 言精 兄 趯 白 知 譏之。 其 樂 犴 宜 則 於韻 論 趯 出 駭 許 土 笑。 獄 爾 聞 於 身 人 獄 瀚

> 久,怨 也。 篇 此 能 柳 也。 生故 郤 韻 學 索、三索否? 不若馬醫夏畦 之去墳墓十餘年 子厚 殆亦未精。 未 又平生故人所懇怨 歸 子 爲 語 年 兄 人所 向 能 讎 來筆 竄 迁 讀 今欲 盡 已釋,且今年讎 其它議 南 所 以切切憂之,願 單 達 0 耕 方,惟以不 寄 子知 所 歸 僅 弟則 之鬼,猶得享歲 大 Ш 懷,故復及之。 論倘 能 此 陵 其 矣, 其不免,况 詩 餬 屢 度兄學益博則僻 孰 初 或類此,不亦迂怪之甚者 忠義 П 於懷者 抱 禦之? 得 因 家已 雖 Ш L 兄抑賢知之過,以 避 簡 不 丘 感 又加之以怪 讎 也。 盡 閉 之痛, 時之祭。 令子定已長 墓 激 獨 户, 室 勢非 爲恨, 使 和 無 赴 亦 方 益 詩 丘 人泣 任 得 難 深 甚 謂 不免 墓 彼 已 乎? 更 遠 伯 下。 之 以 其 將 遊 無 成 道 局 歲 就 思 得 祖 不 所 之 曾 於 乎? 罪 獨 惟 乎 先 月 顧 中 此 慮 悲 不 曾 既 庸 平. 去 再 短 兄 音

0 同上古之音, 音,字常留,音 語 也」共四十六字,又批云: 似 駭 實 非 無可 遞 誤 也 變。 駭」八 時 孔子用上古之字,孔子不 爲之 字, 「印林自改定。」 也。 穆批改爲「未有字, 先生亦未嘗 言 能 孔 有

0

先生於此

道

一至

「殆亦未精」共二十六字,

詩、 歲 太史北 爲 古文以乏人繕寫 先 太 上,艸 僕 遺 集 此 附 事 不 候 與 能 便 季 羽 遠 侍 幸 寄 御 惠 刻 相 德 商 文 音 首 渡 呈 長 江 耳 立

八年己酉,五十七歲。

妄繫濟 壽 中 源 + 都 春 詩 元 時 記 月 月朔至。」又云: 譜 韻 有 Щ ,寓文昌閣 ,人都,寓七聖 兩 在 朔至 云 詩 謂 清 謁 及懷宗欑宫。 春 南 一、愍帝 天生於甲 明。」是先生 保 穆 日 走 甫 案 定 晤 書 欑 定 保州 報 宮,是 他 《受棋堂詩 節 我 申、 鄉 重 觸 譜 0 每 此 榻 乙酉間 并 暑 會 詢 亦失載 年 庵。 馳 薊 俄 先 與子 邙 是行也, 從  $\equiv$ 門奉答前 視苦疾作 生 邑 集》有 與與 一月,往 詩 樹 E 德 旋 日 文 八先生冒 會合及謁 往 誰 集 《舊 觥 又 薦 辭 詩 亦 山 案 與 昌 年 寢 還 廣 自 未之見 鋒 李子德 東, 寧 先 平. 遠 Ŧi. 江 陵之 刃 注 人先 櫻。」自 + 生 藩 閒 寄 Ŧi. 己 韻 時 先 宋 關 ¥ 贈 生 謁 復 日 學 以 偕 至 生 注 行 首 也 天 燕 淵 以 無

肅 口 起 都 補 或 移 史 寓 院 公 修 撰 肅 旋 甥 進 邸 祕 舍 書 院 侍 元 講 譜 秋 穆 典 案: 試 陝 時 西 公

> 定。 敢乞鼎 飛 隻 先 家報 廉 札 蓬思 案已得 履彌勝,大業彌增。 謝 音,奏《鹿鳴之什》矣。 來手札 身 秋。」 生 案 其 ,并乞於 長 川 經 六十 《遂 息 中 人謹 吉對 月 致其詳 速 雨 是 小 \* Z 倦 初堂 雪 韻 聞 冬抵 結。 次 愿,望 鳥知還 出 之。 耕 簿、案、 遠 詩 集 「夏初匆 在。 雖 都 補遺 以 道 平原 日 詩 至禱 示 陷 沙崎 冬 九仞 至 道 末 П 札 害之情 初 》有《己 令叔先生今在 始 念。 匆出都 順 中 云 諭 咖啡 潘 弟久 至 謁 未 之功 結 德 禱 先 小 緘 詳文於二十日 次耕 未 汶 先生答詩 滯 西冬自 价 生 非仗婁 明, ,以舟老正: 歷 歉 野 安 元 於 Ŧ 然之懷難 邯 黄 德 譜 耒 而 登 平. 赴 淮 都 雲 鄲 霸 往 原 來 侯 仰 云: 門 大名,歸 凍 陰 占之律 莊 一受學。 不 也 藉 值 亦 抵平原 先 返 故另 「蕭 沂 後 文場 能終 洪 以 生 當 章 到 Ш 庇 有 筆 蕭 已 聽 此 不 白 廳 道 呈 F. 章 遣 與 行 Œ 鵲 穆 逕 艸 亭 更 李 潘 敢 丘 起 想 顔 枯 補 簣 保 與 鴈 林 銀 瀆 轉 之 道 修

0 之。」 穆 批 是 年 Ш 史 攜 所 藏 華 Ш 碑 至 京 師, 孫 承 澤 跋

者。❸ 官至 古今,少年 申 訟 寅 可 盧 中 謚清 父陞 譜: 謂 又 其 皆各有 倡之作。 E 月 「真得 候。 事 見 琦 推 述 清 以 6 及刑部 ◎「去膚 矣。 方山 義。 未了,尚 獎不遺 建 方山名未詳。 廕,❸官至刑 至都 意時 待元次 而令兄 又案《鶴 所就 方 極殿大學士。 0 0 Ш 言 宋牧仲、 漁洋 中 惟 主 趙 爲内院 餘 3 存 銀 Ě 缺 復 Ш 鮮 嘯 先 飴 事 微 力。 瓦 験蜚 骨 無扶 其 吅 詩 咏 申 生有 杜 Ш 謝 録 寺 賀 李 部 0 話 儔 清 去 叔 重 不 清 而 古鏡 談 東國, 持依傍,而 湘 郎 兀。 》稱 穆 或 義公之家 與 碧 枝 輝 潘 如 兹有 臨 龍録 中。 旆 北 案 顔 其《 葉 初 薦 其 次耕之試 人 清 事, 屬 凡 徴 修 舉 人, 存 田 又主 德 過銕 》舉 處 汪 陞 方 以 為左柱 來 在 老 又 州 定 Щ 是 灝 字伊 0 嗣 Ш 本 蔭 德 札 嘗序 知 幹 然則 蘠 方 功 佛 相賞於弦指之外。 職 名 謝 送 州 朝 己 翩 Ш  $\overline{Z}$ 诗》詩 鴻 名。」 集中 晉 國 真 謝 詩 重 赴 方 謝年 方 翩文雅 博 其 方 莫不欣 一老年 萬麻 賞 輝 人, 部, 刑 Ш 所 内院大學士,卒 也 蓋 Ш 均 Щ 部 甚 告 0 兄 9 著《杏村 亦 有與 學 方山 稀, 重 池 人都 德州 更 歸 丁未進 Ш 切 忭。 臺 恬 行 由 北 左 輝 存 仰 能 既 方 亦 於 詩 左 重 有 偶 人 之篋 附 弟 晉 祈 約 進 熟 諭 輝 Ш 云 门以 可可 集 士 談 九 於 照 此 有 秩 略 德 取 居 栖 元

> 下。 案: 拂 雍 爲 後 加 札 勁 至 緣 恩 弟夏秋 云 於居官 四 不俟弟言之畢 晉 氏 一秩寅 遷 主 涉 一於其 世 禮 清」者,修 一之道, 部 八家, 昕 儀 也。 制 亦 司 來以 望 夕 冬杪 主 時 對 事 中 時 譚 圖 也 書 提 晤 心 舍 命 云 人 不 所 令兄 恭 悉 歸 貴 中 逢 鄉 依 駿 聖 懷 惟 才 0 蜚 祖 俊 在 東 臨 穆 門 口

「元譜方山名未詳」共七字,穆批刪

0

- ② 此句後,穆批增「字千仞」三字。
- ③ 「廕」字下,穆批增「中書舍人」四字。
- ◆ 「宋牧仲」至「酬倡之作」共二十字,穆批
- ⑤ 「舉」字、穆批删
- ⑥ 「而」,穆批删,又删「居」字,並於「其一」後增「也」字
- 「詩話稱其」至「又嘗」共二十六字,穆批删,又改「其
- 8 之妙。」又批 行 可 雅 税, 醇 謂 雨 粹, 堂《山 至於缺 推獎」至「於進 故 其 云: 左詩 額, 爲 詩 「檢《 鈔》案: 泥 浮 塗 雲 Ш 取者」共 富 左詩 不 貴,恬淡應求 先生居官 繫 卷 四 》小傳。 舒 + 自 不 如 字, 名 品 有 穆 望 錢 樂 批 清 天 監 改 高, 自 崇文 爲
- 9 「之試鴻博也」五字,穆批删
- 「舉」字,穆批改爲「試鴻博」三字。
- ●「然則方山」至「可見矣」共十二字,穆批删。

或 者,修 來 兄 光 猷 以 是 年 秋 領 本 省 鄉 薦 也 是

起 年 次次 田 王 甥 思 秉 龄 義 殁。 中 式 元 順 譜 天 思齡 舉 里 居 出 處 無 執 攷 友 王

書於婦翁 是 耒 宫》 **耒遠來受學》**一 德已先一 去山陽適平原 首、《邢 年 -詩有《 一首、念 Ŧ 略家,六月 月 州》 贈 樓 西 也 李 桑 行》一 首。 首 時 貢 廟 略 當已冬盡 ~ 士  $\forall$ 卒,十 徐譜 首、《 嘉》 自 首 大 案是 月 名至 潘 首、 ^ 耒 有 節 年 妻亦卒, 事 潘 保定子 士之弟 邯 耒將 於 鄲 欑 故 讀

有《謁欑宫文》《王起 田 墓志

九 庚 成,五十八 歲。

年 是 先 王 几 碑 月 元 生 月 刻 人 於 輔 往 都 元 在 家講《易》。 德 北 州 平 九 謙 案: 孫 日, 六 氏 元 月, 與 輔 研 至 朱 號 程 九 Ш 鞠 錫 隱 齋 月 正 鬯及 詳 初 夫、 經 學 講 定 嘉 李紫 湛 畢 深 定 所 陶 藏 陸 即 瀾 庵 古 翼 以 延 弟

0

六卷有 七七一 平孫 也。 武。」蓋 鎮 陸 圖 子 南 云: 日 譚 學術 元 卷 至 0 氏研 知録》八卷。 舍人兄 輔 齊 條,今刻本無 出 研 翼 Ш 東回 志 條 康 Ш Ш 王 都 西,復回 熙 有録 吉璁 行不愧 齋。」是年,竹垞又有《同 、永平申 首 集之後 庚 至 望,最 無書 集 戌 九 曲 孫侍 師 涵 見 月 門。 元譜 是 Ш 周 即 憶 光鳧 全謝 郎研 九 録爲先 出 虎 東 H 孟 都 曝 訪 頭 度歲 Ш Ш 偕 書 竹垞 凝。 嘉興 齋四 徐譜: 路 經 生自定,書 崑 亭 安 史 Ш 集 復 自 律 紀 譚 問 顧 卿 有宴 處 吉 案初刻八卷本 注 》,其 答 炎 跋 士 璁 是 武 李 則 弟 舟 集 映 寧 謂 年 龍 今刻 經 鍾 石 而 人、 首 眠 後 顧 觀 憶 杜 初 歷 及之 人 本 子 尾 太 於 嘉 九 刻 河 删 弟 炎 有 句 史 宛 定 歌

承澤 穆 士皆收入門下, 才 此 相 『炎武之游 案 示者, 敏,所 句 何 後, 觀壬子年先生 人,乃能收亭 穆 則 著 留 四 批 諸 方十 增 。』此實録也」共 書 「《陸清獻 雖 相 有 不 助 八年,未嘗干 林於門下哉? 皆 與 校 精 李 對 日 朱 武 然 記 曾札 多 》翼 錫 百 有 鬯、 王 益 十九字。 則翼王 言 顧 於 鈔 有賢主 寧 學 書 北 此 人 者 自 海 其 語 序 博 學 尤 尤也。 以 學 博 日 誣。 之 而

久閉 民 常 潤 用 無 也 渠 糧 論 來 錢, 》二篇 計 穆案: 一。」「某昨 棄本逐末也。」」此寔本於《錢糧 額 紹 畿 論 也 禮 基 輔、 後 金章 海舶已停、民 百姓 樂、兵農、 按: 宋 ,至爲痛 齊、 E : 齊邱 是 之贏 宗 歲 健 長 年公肅 魯、秦、 對策 鑄 舅 庵 甥乾 有 銀 絀 錢穀之故,上下古今,洞 對 言 切 氏 日 閒 策云: 擢 謂 ,仲長統 晉 亭 而 學 「承安寶貨」,公私迄今用 「錢 之銀 國子 爲之變通,蓋寔本於先生之論 須 間 林 ,登進 得 : 先 非 日耗 監 公忠强幹之臣 漢、 生 耕 衡 昌言》、 祭酒 學 桑 士 時 唐三代以帛爲 而 博 所 論 事 不生,而 得 丁,間 而 崔 甲 識 [寔《政 以 有  $\dot{\equiv}$ 精 憺 悉原委。 一,權 錢 所 上供者 袁 名。 於天 作。 收 論 萬 集 租 税 》之儔 物 文、 元 之有 書 宋 錢 數 是 必 礦 譜 以 始 教 脈 兀 往 錢 糧 河

集》。 譜 柬 是 生 不 諸 年 岳 解 君》 詩有《述古》一 字伯巖, 爲 穆 近 案: 體 常常 首、《輓殷公子岳》 池北 爲 字宗山 睢寧令, 偶談》: 首、《 ,雞澤人,有《留 0 殷 輒 德州 岳 自 Ī 麗 歸 五言 講 耕草 易畢 古 首 詩 堂 奉 平 詩 元

> 皆 賢 多前 業所至不 視今之作者,不啻奏黄 以 來 鉅 其 IE 時 也 故 留 墟,上太行,渡 而 理 之大儒 一、淹貫 細 能 林 精 辯 然 事。 ,爲天下後世之利 黜 失意於時 滯 於齊、 深造 詳以 本 邪, 後 不侔矣。 立 賢所未明,一 爲 乃去。 觀 乃每 余談説 ,於書無所 於經 會 覈 過 理 魯間 軌 其意思 通 其 封 窟 過 ,君子惜之。 而 於聖賢之微旨 假 因 經 黄 侯 吾 折 不泥 立 論 ,皆得周覽其 使 見 史,不憚 河, 而 州 衷 旦 典以 追 不 先 其 輒 略與 止 而 於昔 自我發之者。 讀 大 出 且 生得 著 見 守 要,其 鐘 雅, 塞 孰 其 鄭 習 述之富, 訪 娓 以 之,卓乎 大吕 聞 入關 得 於 以 媒 時 康 娓, 故 如 閑 而 原於 (思平 名 成、 國 抽 而 斯文爲己 北 於秋 僑 或 孰 先 Ш 駕 極 家 關啓鑰, 游 汗 失乎? 王文中輩 札 留 爲經濟 史而不拘於 寔以遠 王 ,將以 自 秦、 典 E 之 爲當代柱 蟲響答之前 4 一之道 信 漢、 或 制 充棟, 歡 晉之鄙 宿 任 歷 擬太史公之 以 之學 唐 盡見其 其 以 皋 今年 或 者 至 相 燕、 以 津 要 浹月 也 義 梁之托 人 石 來,諸 成説 彷 者 逮 皆 趙 情 結 純 折 全。 彿 也 以 夏 將 功 其 崇 之 而 物

年

程

正

一夫有

贈

先

生

序云:

東吴

八顧 亭

林

先

生,

今

0

於此 思少進,爲先生 豫之五爻,疾 欲 峯蔓壑。 道,爲之三歎 觀之,多攷古論 東觀大海、 在 非 與二三 余老 朝 盡 同 而 服 病 細 世 + 夕 膺 人 不 荒 論之。 之學, 洲 講 死,請 所 忽, 勸 三島 得 《易》, 其 書 而 而 康 得 出 卒業 之奇 數 其大指 復得 讀 **原** 九年 以 語 惠 書養氣,十年之後,文 者 則 其 學 發 後 矣。 者。 在 有 其 八 於 月。 附 一日 先 余 明 生 以 此 不 經 知 一所著 自 不 佞 術 録 朽 亭 之全 倘 林 扶 如 必 書 支 Ŧ.

0

是 年爲 路 安 卿 之 舅 氏 王. 君 或 翰 撰

志

銘

從子洪善、洪慎 十年辛亥,五 之修史。 賜履,字敬修,孝感人,順治戊戌進 都 生佐修《明史》,力辭之。 答潘次耕書》云: 原 士 一甥家。● 亦 吾答以 頗 有 十九 傳 果有 之者。 來 「辛亥之夏,孝感特 歲 省先生於都門。 此 命,非 夏,熊青岳閣 耿 耿 此 死 則 心 元 士 逃 譜 終 益 始 簡 原 文端 謙 不 相 學欲薦 案 變。」云云 招 在 座 欲 青 又 與 都 吾 戊 岳 聞 先 午

> 出 都 歷 忻 州 之静 平 定 州

衆音 訣云。 老矣。 氏。 字正 也。 與 既 等篇,大抵皆 證 見於顧 禮樂之類,整片稽攷不耐 此 日 吾於經史雖 年三十, 則 故故 通 作 顧 爲 句 衛 某曰: 便 某嘗以《麻論》八篇質於猗氏衛先生,先生以 文,並增「穆 後, 雖 學 或 顧 共三百七十 於習 則 穆案: 氏曰: 覽。 公精於韻學,公日從之游, 當戒之。 名 書及顧氏音學,乃摘字之習用 寧人先生,其答問 全 補 穆 訪 乖, 尊 顧 或 批 顧 以先生之博學 顧 穆 略 書 氏 闡 氏 增「李晉 猗氏衛 案 麻之是否吾不能 而 能 而 獨 所 明 炎武 是 又 案 記 實 獨 能易人 顧 未 嘗怪文貞極好 按年 譜 字 畔 誦 刊 發, 説, 《李文貞年 公,晉卿 問 乃 小 之 卿 去論 其 音 知 得 譜 矣。 光 至以收聲釐 所 自誦之語,公每 實 文 心,此是大病, 韻 原本, 於 地 音 難 何謂 都 之 貞 庚戌 或 故 從 之語 是 知 學。 仍 晚年所 譜 書 愚 問 古 不 ,論文字則元人之文 公因猗 零 以與 以 者 會試 纂 不 音 韻 知 碎 清 等 爲 韻 顧 韻之學」共 者 麻? 康熙十年辛亥 İ 敢 著 顧 房 馥 而 多。 韻 依依 部、 譜 今悔 以 舉 氏 夫,至 案 氏 韻 所 師 爲 衛 特 以 箋 之 曲 爲 言 也 又 顧 古 學 之 韻 學 附 五 及 讀 公 日 氏 韻 律 字 音 而 : 聲 書 既 誣 文 相 示 也 貞 乃 母 切 又 F 公 論 齊

作於明 序》: 明黄 此書 者。 據班 喜甚 始有 往闌 令樹 所 詩 過 又鮮藏本。 代人作《重刻 令樹字計 樹 至 百令樹點定荀悦《漢紀》。 居 是 刊 一太原 也。 書, 一,假 也。 姬水所 參得失、 題 入行間 言 曝 田 而 誤存疑,遂 唐、 書亭 名 年壬子端午後三日 其誤 他 以 太 令樹 百 碑 歸 所 原 太守延 間 刻 陰 宋 集 元 彌 廣 漢紀序》: ,手自 摭 順 郡 訪傅青主 此獨 及 人題 学 舛 譜 異 重 甚,宋巽巖李氏已言印本多 採 治 城 爲善本。」云云。 兩 聞 亥年 錯 尚 建晉祠 津計 乙未 校 東 以 旁者 名及詩 多, 不少,適顧 讎 南 舌 御 穆 春 百周 行 往 「晉陽 悦 徴 進 製御書, 故 案 ?碑亭記 而 有 本 君於松莊,案間 士。 多刻之古碑陰 頗 所謂 往 君」 七八里」,「松莊傅 志 正文特完好。」云 是年 送 存 與 書 也。 亭 異 周 班 肆 唐 案次耕《雙塔寺 **\***: 「歲之初吉,率子若壻 「往」者,即 太 林 同 穆補 書 郡 之書漫 人無敢刻 爲 「往 後 原 先生 相 丞 又 人 太 知 出 令樹 崑 有 每 府 人。 來,爲 見 碑 原 不 調。 班 爲延 据 Ш 此年 遷 足 陰 遂 有 守 隱 云。 顧 班 書 蓋 字,至 荀 初 太 觀 既 炎 君 雅 點 此 書 所 荀 津 周 事 原 堂 滿, 氏 按記 武 青 集 定 民 本 以 未 書 周 守 集 計 也 書 間 詩 爲 宋 爲 主 載 雖 往 **令** 改

> 晚始歸 坨、阮 崇禎壬午舉人,順治 濤 青 家雙南兄 樹 屏 士,休寧人,入籍錢唐 恒 書 讀 給事中,降補 得 寄園 也。 書太原署 主飲太原 騶 湘 墓田 夫天羽 潘代作書序,皆 從 亭均 寄 翦 里 又次耕《太原守周令樹 挈 所寄 登 燭 笏, 著 與 壺 瑞 中。」 新寺。」是次耕 邀 | | | | | | | 倡 國子監學正。 賦 觴 《薺 光寺塔 營葬足矣。 和 與華亭陸 詩 躬 則 庵 青 ,後客死交城 此敘即 造 詩 閣 八 時 於 》詩 稿 年 元 全 順 廬 事 集》。 譜 揀選 注 治辛卯 代周 也 以 故又號 著 集 貧 此 有《續表忠記 謙 是 一辛亥九日 推 墓 甚,不 作 集生名慶 年客太原 生 案: 訪 舉 官,不赴。 志》云: 也。 笏 一慶臻、 + 青 人, 田 恒夫名天羽,號 克 主 月 又《九日 由 葬 者 「余布 臻 知 周 竹濤 同 交城 ※ 音 上海 爲 其 游 縣 金 假 閻 秦、 郡 親 内 同 名 韻 書 古 衣 Ш 陞 守 泣 惠 **\*** 蔡 湘 晉間 古 時, 衛 IF. 顧 户 周 曰 元 人。 趙 譌 竹 科 吉 校 傅 龍 **令**

之四 功 陸 後 乙共四 清 字,穆 緯 獻日 + 趙 記 四 吉士等 批 》余國柱、徐乾學、翁叔元、王鴻緒, 改 爲「壬子」二字, 謂 之小縴,然吉士任 並 於此 交城 句 後 平 增 京 穆 師謂 頗

海 等,授檢討。 爾器 西諸湖 行端慤,博學深思,兼精天官奇壬之術,又精樂 三、《十國春秋 强記,羣書之府,吾不如吳任臣。」任 臣交游之蹟無可攷見,附識於此。 麻算,著有《大麻統》、西麻啓蒙》、丁未麻稿 冥,號餘不,亦號 師 説》「麻策》、左右旋問答》諸書。 食》測日小記》《三辰晷志》《圜 十八年七月蔵 役》一首、元譜: 是年詩有《寄張文學弨時淮 日》二首、《秋 學究天人,確乎不拔,吾不如王寅旭。」 寄王高 經 》所列不如之人十,而見於詩文集者九,獨與吴任 浙 廣注》等 涸出 江 1 士 者 書。 著有《周禮 和廪  $\check{\mathtt{z}}$ 多錫 功。 招 曉庵,又號天同一 魏冰 闡》 風行》一首、《静樂》一 生,福建莆 民 也。 Щ 案是年奏於淮揚界築翟家垻 佃之。 陽、寶 叔稱當世著作有 大義》《禮通 王倬《今世説 首、錫闡字寅旭,一 應、 ^ 田 雙 高 解》、曉 穆案: 郵、 鴈 《廣師》云: 生,吴江 **※**十國 臣字志伊 上有築隄之 》云: 己未試 **>** 江 不 庵 都 又案: 廣師》云: 可 吴志. 首 春 新 | | | | | | | 人。 四 鴻 少之書 秋 法》、麻 州 「博 博二 字昭 首、 **愛** 伊 步 精 縣  $\approx$ 律。 至 Ш 字 廣 志 聞 交 於 河

識、果然。《盂縣北藏山》一首。當於市上見編鐘一枚,曰:「此大呂鐘也。」後滌視

十一年壬子,六十歲。

札以 伴可 何! 元譜 以十二三出都,往德州,此刻擬 州 導 履忱來 由 日 感,至感! 八 H 未晤,今擬於初四 尚書古文疏證 1奉候。 前曾走叩 即 月,入都,仍主公肅 Ш 同 元 元譜 尚 武孝廉爾策之父。 ?行否? 西至京,主公肅甥。 譜推 與 容趨别、未悉。」又一 省。 但弟日下即擬出 閻 弟在 尋 未 百詩若 晤 情 元譜: 》有壬子冬客太原 退谷先生常問 先生手蹟云: 事、當 初旬 ,既台命諄諄 日 扳 内 駕 平庵名孝 在 璩 亦欲出都矣。」又一 是 相 都,不得 談 時。 通云:「前走 甥。 遇 不 「舍甥 起居,附及。」穆案: () 俾弟 Ŧi. 於 月, 敢 宏, 與顧 由 從兄 造 追 古 太 别 亦 久 河 以 陪 强 至 并問 得 積 原。 平庵、 寧人論朱謀 南 貢 十月,往 侍聆誨 叩 傾 濟 選 敘,奈何,奈 舍甥容另 至 慕, 通 未 泰 貴鄉 南 徐譜 得 云:「五 Ш 昨 興 言, 甥 面 縣 此三 有 奉 西。 弟 徐 德 埠 旅 案 至 印门 訓 1

年 小子感 三僅 潛 云云。 潘 斯其人者,文學中有 和 風」,其 書》、「心花怒生,背汗浹 言先生之書精且博、《與 侯晉境不得至界休之非,又言代四遷,不止於三,江 潛 誉 條 先生炎武 熙 水經 顧 丘生於崇禎九年 在 元 丘 次耕 敏 主順天鄉試 ,從子洪善鄉 年, 知其二,説具載所著《劄記》中。 補 《禹貢》九州外 虚 德 服 奮興起,紹 正 又曰: 始游 心從之」。 一日 來 膺 游 議 先 太原 學 京 知録》凡四十一條,復糾《肇域志》,言晉 「吾與 生 撫 師 至矣 以以 明古學 吴 ,「旋 韓韓 元 丙子,少先生二十三歲 如傅 君所 試 條云: 所 江 案 譜 又《潛 改 元少 撰《 人戴 所 出」,又言「此 中 族 直 共 青主、 歸 載 唐 日 潛 太原故 式 游 丘 出 「余時 子 0 度 追 器書 知 研 者,非一 劄記 其門。 舉人。 金華、 衍 歲 顧寧人其 未詳其人。 録 堂 同客太原 》言讀 生爲 籍 集 於 》有 相 石 • 地縉 然《與 嘉定諸 静樂 與先生 爲諸 有 嶺 質 閻 元 顧 人者 關 摭 嗣 先 即 紳 譜 生 氏 劉 以 生傳》: 其 先 有 爲 面 祭 論 《音 超 南 改 生之遺 使 質 如 松 继 酒 取 寓 乎? 宗 正。 訂 馬 學 後 案 并 副 書 是 書 衷 原 生 宛 Ŧī. 西 穆 數 顧 康

> 集 榜 補 不 及 漢 軍 者, 坐 降 級 歸 0 穆 據 《有 懷 堂

塞,靡 先生 會 精 潘 者數矣,卒自全。 明彊 崎崎 稼 負 堂 險 嶇 古 贈 名世之資, 不經 戎馬之間,顛 先 無 生六十壽 減 而 壯 筋 年。」 客游 學 力不怠。今六十矣 貫 沛 序云 徐 二 十 譜。 天 岸 人 2 獄 : 歲,窮 之下, 而 吾 遭 師 邊 瀕 亭 罹 絶 危 林 厄

是年 案 人,著有《飛樓集》一 寄楊高 廣 詩 師 有《 \*Z 士 瑀 讀 讀 李 **>** 書爲 百二十卷,年七十 處 首、 己, 士 謙 探賾 襄 案 城 洞 紀 瑀 微 字 事 吾 餘 雪 卒。 不 臣 如 武 首、 楊 雪 穆

2 0 北 穆 作「原 元 年 平 批 譜 孫 海 譜」,非 「《茶 少 内者舊於長安者,蘇 此 宰 處 退 餘 張穆後 指 客 谷 衍 年 話 **%**: 生 來所 所 + 計 編 加 王 改亭 譜 者。 尚 門 東 車 書 孫 敬 作 譜 徵 齋 君 本 年七 鍾 原 有 元年九十二 記 + 此 康 字,

顧

君

寧人六十。」

渠、 天官 歸。 行》 臣 也 也 崑 稱 來,德州 南 既 0 太史周 田 Ш 而 健 源 爲 及 顧 地 屯 厚 歸 人 東 庵 穆 首 處 自 理 瓠 兵 和 惕 里 案 林 士 刻厲 、麻律、 後 易 書 李 臣 炎 順 築 此 諸 恬 題 院 君 七十 武 治 ,率諸子 首 即 事 退 退 兵農之書」。 李 聞 墓 丙 如 先 討 庵 一,好 表》: 戌 源 先 是 生 序 土門 論 進 因 讀 鍵 談 者餘 戊 生 尤 「君諱 ± 以 書, 易 户 申 一,授河 精。」云云。 矩 自 數 讀 三十 旅 赴 先 至 號 書 亭》 東 源 出 老不 生 宿》 歎 津 手 植 · 字 年。」 自 少 則 日 令, 蹟 花 經 H 與 倦,於古 江 竹, 首 ^ 所 「今之 惲 史 好 首 有 濟 餘 謂 齊 遜 而 立 購 南 能 北 初 外 謙 圖 府 稱 字 管 今 分 李 講 節 器 志 星 河 學 授

仲 率 樣 謙 本,特寄 秋復人,年 不 好好 先 宣。 音見惠, 生是 上 」據 來蹤 年 手 部。 有 書 亦 跡 《與 墨 復易 大抵 天 蹟 李武 末 補 達 萬 在 曾 此。 Ш 書 頃 中 者《日 | | | | | | 冀 將 讀 覽 退 弟 知 此 谷先生之藏 録 夏五 如 Ž 覿 出 面 刻 也 成

一案:《望雲樓帖》又載與潘次耕手札云:「昨退鈴

於此年 末云: 次 明 見 也 故故 都 耕 召,午 日 門時 賢 有 有與 「時 端 弟 便 午後 也 酌 同 議立族子衍生之書 炎 趨 游 可 往 武 三日, 者, 頓 於 而 又 首。」 晡 有 案: 太史公已 意 時 炎武之弟子吴江 次耕由 以 過 周 時 我 \$ 攷之, 行,不 樹《重 太 後 原 當 遣 得 建 人 在 騎 都 晉 潘 此 送 晤 祠 冬乃 耒。」 年 П 碑 亭 致 南 此 記 月 記 意。 啓

十二年癸丑,六十一歲。

IE 月 由 静樂 南 歸 至 揚 州 0 元 譜 作 由 Ш 西

0

子 李孝 經。 穆 還 甓 陝、在平王 道 濟 舉 源 向 俱 批 南 字。 從 廉 空 重 不 東 建。 方, 逵父業千秋 第 誠 松 康 志 明 起 日 筠 額 熙 年 别 源《自 矩 十三 高 未 日 逾 墅。 亭。 七 改 矩 州 五 年《 題 曩 亭, +, 誠 人 重 矩 載 時 程先貞 明 德 構 獨 朝 亭》 青。」又 此 鄭 字 州 居 重 夕 詩 衆 思 詩 志 觴 開 東 儒 伯 日 **\***: 邨 尋 詠 趙 可 載 其 故 其 考 萬 矩 再 先 「東 建 中。 星 址 亭 麻 知 生 世 和 郊 甲 亭, 所 在 啚 此 馨 詩 歲 午舉 别 城 缺 書 詩 椽、 墅 久傾 東 長 及 敢 在 圯, 守 字 州 詩 道 坰 杜 成 遺

宣。 之推 敢望後 譏 將覓主售 云 之山 可 沂 掌故、《人物 家 邑之書頗備 在 穆 日 座 修於癸丑,當事既視爲具文,秉筆者又鹵 李 局,而 修據《居 概 州 三右銘》 莊 知 四 「弟今年 見矣。 廣 \_, 山 東」,  $\pm$ 録 無芸人之病。 月 穆案: 塵矣。 其 恭簡景三 》八 不 JII 易 ?,至德 教, 之,然後 據手 古 八月,游 録 卷。 通 時 ,弟得藉以 寓 於 跡稍 是 汶陽歸 》及手蹟 並《音 方 通 跡半 札 門,竟將曹縣李襄敏秉、單 人心 Œ 韋 伯 鉅公姓名事實削去,●不存 州 志》之役, 爲 Œ 束 布之士僅 可 施 然以 在 删改,其餘概未 説 前《 世 書 學 惜 我,治之四年 泰 濟 歷下,半 補 自 道 西行,爲 見後。 Ŧi. 瞻 也 視令叔先 成其《山 南。 不 書 天 州 張稷: 無 能 裔 面 志》。 在章丘。 小 居 主其事 人都 V. 元譜。 人 葉 先 若 言 易 補 東肇域 Ш 生 ·, 始 呈 生 經 亦 録 也 一,則真 讀 惟 教。 有 目。 在 ,聘吴 得皆爲良田 **\***: 書 寓 達 與 主公肅甥。 而 局 率 2 記 縣 莽 之計。 返章丘桑 而 修 顔 魯之兩 雖抱素餐之 通志 中,見 此 山 秦襄 滅裂,不諳 近 郡 志之局 修 在 附 字 東 Ŀ 若 H 來 顧 候 ·, 其 毅 通 所 者爲 生不 所 貴 手 局 又 炎 不不 志 作 成 刻 今 省 郡 札 武 餘

> 族子 年次 元譜: 計 菼 程 樂安李象先也。③ 李織齋文鈔序》。 榜: ,設祭於桑 Ē 甥 夫工部, 是年 衍生北 菼字元少 秉 朝議 義 一,號 上。 撤三 登 家 又 李 進 慕 藩 莊 聞從叔 織齋者,即先生《譎 廬 十月,自章丘 士一甲三名。 兵 ,長洲人。4 在京度歲。 衛 父穆 寄潘 都 庵 得 次耕 至 元 及歸 觚 穆補 譜 滇 德 十 事 南 州 玄恭 報 所 是 哭 云

「景」,穆批改爲「璟」

0

- 穆批:「亭林刻座右銘。」
- 6 易 癸丑 役,時 序》, 顧 批 寧人在座,先生謂之曰: 八月,余有事濟上,始識 崑 非 「《蒿庵集》李象先 Ш 爲此公作乎? 顧 寧人、益 都 薛 序: 寧人領之。 儀 先生 癸丑 甫 壬寅於 咸 於紫薇 在 與 一焉。 蒿 陽 庵 丘 署中。 同《省志》之 劉 讀 孔 君 懷序: 《古周 時吴
- 會徐 憂 攷。 此 在籍,陸選授嘉定見之也」共六十四字。 句 後 果亭、徐言: 不 穆批增《陸 必皆宋 板, 學 問不 清 然 獻 宋 在 H 板 多 記 可 積 》記戊午閏 以 書 資 校 然 對 書 Ξ 月 時 可 果 以 # 亭 備 查 E

錢 是 修 東,妻孥盡 名 秉 先 誥 四 史,其《永 主 撰 起 庚 憺 一、采諸 為唐 吏部 、鐙字幼 人授翰 返故里。 生 恒門,公在 亦 日,上 松 年 寅冬,蒙臨 訓 田 袁 詩 在 間 集 領之。」然則 詩 詁 捕 仲 日 Ŧ. 儒 臨 易 飲 林 麻 中, 光 有《 馭 Ш 斷 遥 死於震 學 論 軒 院庶吉士,秉鐙名在 紀 編 家, 後 JII 光於壬子冬人都 授 説 E 乃 煙 親 軒 事 修 贈 謙 大 前 變 馬 愁 改 地 試 自 案 特 》篇 蓋 又 澤,乃爲 錢 極稱 竹 飲 姓 名 理 經 誤 典 阮 唐 撰 注 光 載 名 澄 言 泣 飲 (),改 義 編 方興 藩 疏 予有制 之,字 之尤 蒼梧 逸 三道 云: 乃 穆 光 田 修 授 遥 **※集** 去。 桂 僧裝, 嘗 嘗 間 大獄 授 庶 「永 秉 詳 秃筆 問 鈔 Ŧ. 詩 者。 飲 論 傳 語 古 館 間 南 鐙》 學》, 麻三 得 光 易 釋 》外 士。 才 弟二。」又一 詩 襲 逮 都 歸 飲 道、 悽 名 》於 尚 得 從 失 捕 凡二十家 請 年 弘 以 子 光 文 穆 西 八守,飲 詩 龍 諸 香 書 漳 改 小 來 十 所 首、 光 案: 頑。 出 之彦矣,故 編 鼎 清 Ш 浦 序 二月 漲 撰 時 Ш 孳家,見 修 首 流 黄 首 明 劍 海 譜 光 客 陰 七 條 元 於 先 取中 嚴 南 句 末 走 飲 嘉 謂 年 云 也 之 制 公 野 後 光 編

0

玄恭 首 顧 不 田 几 日 先王道喪,士習 果 自給。」「玄恭嘗邀 首。 矣》一 有 四四 往。 同 自 藏 里 字 穆案:《 玄恭旋 章 閈,玄恭守 Ш 出 首、 於此 閣 丘 稿 **●**有歎 П 懦 微雲堂雜 0 殁, 愞。 至 田 鄉 余 同 德 時 間 曲 以 社 孔 之選。 集 諸 詩哭之,又爲 州 子有言,必 而 記 君子 則 寧 首、《哭歸 ^ 人 程 漁 先 會 出 顧 獵 於影 Ι. 游 妣 寧 也 子 部 四 人與 文祭 忌 史, 狂 園 方 逝 獧 高 H 余 所 吾 貫 之日 穿 歸 以 友 至 郊 奇

舟,旦 殘。 交 横 此 四 泉下别 爲 是 弨 句 人先生 自 再 三旬方訂 挽 幻 後 刊。 程正 視 京 穆 相 交情多愧郅 疾, 口 批 夫詩 繹 晤 南 轉 也。 詩 重 經 覺 過 意, 日 穆 聯 紀 境 《茶餘客話 案 德 榻 其 爲 是 幾 州 喪。 寬。 君章』,指力臣 I 載 康 偶 部 夕 相 熙 詣 新 之 何 招 + 林哭正 正 詩 卒, 欲 期 輯 父,已 晤 力臣 澽 年《德州 力 難, 授 掩 父詩 也」共 如 臣 與 棺。 登 先 正 程工 堂恰 云二十 兆 志》 主 其 涕 息 部 值 百 載 力 家, 臣 久 載 正 泗 此 淮 父 知

「四字出於此」五字,穆批删。

僕 傳 君 文,蒐羅 獨 閉 志 門 高 氣 拾攟。 枯 盛 守 筆 雄 胡 硯 傑 忽隕亡 魁 跅 岸 弛 逝 不 顧 羈 如 游 飛電 四 俗 方, 人 笑 燕 姍 寒 秦 抱 甸 太

有《從叔父穆 庵 府 君 行 狀

耳。 塞,不 也。 再呈。 遂 肺 飛 굸: 之書并十行之牘 是年先生有《答 IÍII 而 維 F 病 中 遠 寄 與 「客 首。 子德於壬子、癸丑 想不復作 我 所 可 交城 有 揚 覺 先 攜台 於 勳 且 春 踰 生 之 頗 人事之不齊 一楚,此 縣 條 樓 《續 年。 黔 共 級刻弟所 札 榻 能 未得 煩、鴈 陽 録 話 甚. 攝 》又得 時 朔 李武 鶯 疾。 屈 高 乃不久而 念之。 兩年 氣愁人, 縅 猶 門之間 黄 Œ 明 指 致 有 奉 未見弟之成 曾 柳 之《七經誤字 駁 六卷,未必 俱 邗 遠 到 候 在湖北 書 如 碧 正 江 弟 承 此 <u>₹</u> 每 間 想 輒 繫 達,又得手 新 注 若頻 阮 者 憶 纜 也 亭 問 癸丑 E 人 乃 江 記 可 匆 來者之不 陽 人 自 又 書 并 黔 鄉 邇 夏 都,爲 室。 匆屬 》,附 爲 至 也。 行 在 中 景 有 謝。」 來 喟 近 報 《得 來 簡 物 數 道 自 然 穆案: 筆 上 天 寧人先 諸 舉 Ŧ 春 恨 至 附 勝 體 後 公所 牛 方 里 爲 驅 李 於 前 何 不 紙 容 歎 《受棋堂 至 Ш 生 貽 耿 車 來 似 能 今 所 改 留 所 錫 耿 H 奮 關 書 比 後 此

客維 年於 巳浮 四 札 首 此 今年 兹書 亥之後。 年 年 來 交城令所。 而 載 序 鬯 相 111 竟 時 云《續録 ,存之以 亦 譜 此 酒 物 則 寄 揚 静 未 由 並 書 集 首 杯 差旋 澄之, 與 惠 辛 面 不 樂度 有 之發蓋 云「客 匆 》亦 静 補 先 遠 致 亥春 則 據 樂 揚 録 匆 有 容 生 俟 音 久 歲 》又得 此 遂奉母 此 與 作 别 南 州 更 冷寄 書 續 春 矣。 云交城 以 復書 故云! 李 在 年 從 征 養 無 句 前 攷 黔 慰 寄 書 第以 癸 武 疴 六卷」, 陽 曹 後 之地 君 修 曾在 元 Ħ. 翹 夫人諱 所 之事。 語 則 寄 澹 俱 切 館 來札 譜 是 縣 云多 歲 武 相 餘 不 也 所 穆 我於樓煩 於 也。 誤 年 貴竹》金縷 札 知必 曾 復 案 侍 相 刻《 不 朱、李 謙 東 家 云 云 之往 其 應。 當 郎 然則 撫 之 相 謙 案 居 又 七 又 在 據 中 指 人 君 符 得 此 Ш 成 漁 此 經誤字》, 兩 如 貴 黔。 知 元 到 武 此 兩 東 洋 鴈 年之前。 一日 家 甚 而 有 者 譜 何 州 黔之次 札 先 曲 曾 耳 門 以 善 元 蹤 先 舛 是 朱 知録 必 生 辛 阮 之間 **±** 秋 詞 也 譜 跡 迕 辛 在 竹 手翰 若 亭 亥 生 就 子 知 於 錦 癸 年 亥三月 垞 》八 # + 匆 夏 既 良 未 先 必 先 好 Ш 丑 壬 有 竹 卷」, 典 以 年 江 月 敢 故 生 在 生 房 風 子, 試 著 辛 於 在 臆 今 垞 湖 集 南

處爲 知所 意此 虎詩 武曾 水李斯 録 年《秋錦 兵部侍郎授貴州 年,朔氣愁人」云云,似是自黔歸後,又作西北之游 當 尤越 作。」攷吴逆以十三年正月反,而 H 遠 筆」之語,札必不作於癸丑,更無疑 比客維揚」語,李書有「邗江 耳。 不敢 游。 在 南 爲《懷崑 卷 終,或云三 天末 札 门, 閒 在 此年冬盡。 曰「李生符自南中歸檇李三年 我楚南 次」,蓋 亦當 年、武曾、分虎三兄弟,俱 萬里外,在五溪、六韶 六七年前,斯年游粤 Ш 遽定。 關 澹餘 不可 房集》,其子 跋 在 Ш 一拳。」 仍 侍 涉 以 一桂疑 Z 顧寧人炎武》,尾句云: 然考健 然 巡 郎 札首又有 以 ]卯、丙 久居,則由 確 編年 撫。 歸。 者,安丘 而 係歲壬子也。 潮 磔之矣。 庵《李分虎 辰 蓋歸 也。 吴三桂反,申吉從賊,後 偕跋云「是編即 間 此 東、武 曹申 金齒 癸丑 也。 繁纜」語, 甫 間。「既 後驅 先生丙 踰 吉 歷 淵 曾游黔中 車 歲 矣」,則武曾之歸 時, 詩 也。 又 春 也, 貴 雅 車 君 九 案: 筑,從 關塞,不覺 砂有《 念家有老母 負傷 遂 因 而 康 辰冬有 序 此 昨 友 西 熙十 先 頃 誤仞爲 以 札或 () ) 詩 者《日 《聞 才, 而 以其仲兄 日 行 借 生 南之變 書 斯 其 止 得 年 與 俱 前 分 知 弟 出 來 良 由 有 好 或

不可 午 六年癸酉,少先生二十歲 復姓名李良年,字 生之札及貽竹 作,則丁巳後徐氏兄弟 序, 話家園 春 亦 庵宫坊集錢遵王述古堂》及《立齊園居落成 家居,或 諸 游 裹。」則於晚秋道出湖南也 歸去,莫令又過菊 兄從嶺南歸營艸堂於長水東村相 又《二月中得 處 被薦人都,與札中云云又一一 應韶北 宴諸作。 」云者,特 無不一一符合。 臆 ~,所謂 推 》詩 暫 矣。 上後無疑。 出 有 「自後驅 П 次年乙卯,歷 分 云 游 良年 垞 憶 虎 以 物,何 往事 一武 自 武曾,號 花時。」《歸 初襲 車 未 次年甲 滇中寄 非 時 陵 遠 關 居 由 虞 烟 漁洋已 沙,故 塞,不 憂時 得 游 处姓,名 孤 霞 秋 指 詩 良 邗 寅家居,有 此年蹤 照 錦 途與 事。 作 年攜 Ė. 省 覺 服闋 詩 江 兆 ,嘉興人,生於崇禎 札之前 符合也。 踰 底,人 亦 分虎 云: 滁 然則 見當在 潢,又名 年 來,此間 改官翰林 不 跡,合之健 州 詳。 也。 家讌 家茅 舟中 約 此 懷遠 一今臘 年。 札必 束 法遠 据 招 其 情 此 及 夜 屋 知 ,竹垞 《偕 飲 龍 坐 事 在 後 同 庵 而 秋 「客 則 先 後 戊 健 或 人 共 Ш 詩

十三年甲寅,六十二歲。

+

德 IE 首、《 者。 州 首 齊碑》 月 口 相 年 載《大相里 炎武其學上繼 李自成之亂 春,崇禎戊辰進 士 是 主弟子。 春秋《論語 郭君碑 里瑞 首。 好 ~ 土 年詩有《廣昌道中》二首、《寄問 回 出 諸 潘 堂 刈 詠 碑 濟 京, 山中 次 ※ 晉 友 ※ 文侯村唐 史》二首 禾 首、元 齊天保三年相 南 穆案: 耕 ,遂與弟 **※大學**※孟 由 長 1天福五 漢、 時 士,由 南 易 白 唐 譜。 戴 徂 歸 州 一首、《 攷 同 度 《路路 東原 年 Ш L. 聊 寄 謝 並 核之儒 謙 往 相里 歲 元三年 里寺碑 城 子 隱 下》 案 示  $\forall$ 修《汾 汾 知 於桑家 》皆有論 居 光 與胡處 一金碑》  $\forall$ 講 縣 庭字 首 州 ,其《金石文字 禄 任 ※ 郭社 學。 擢 州 首、《子房》 《過 》皆身至 首、《歲 君 書 户 季子 志 著。」又曰 莊 碑 部 庭 士庭 來 \* 於《易》《詩 汾陽 村 主 矩 四 「庭父名 敘 其 唐 事。 小 元 亭》 月 乾 相 地 訪 傅 江 記 人, 暮 庭 摹 9 里 封 「顧 》所 北 東 處 至 拓 唐 自 遇

> 注補。 室祁 稷若。 書 亭 書、 案: 書、 從 四 廷 自 自 林 堂 村 Ш 子 年 名 鼎 敘 介竹 將 墓志 之南 彝羅 家。 焉。 東 畫,著有《半 乙卯 洪 詩 起 南漫 歷 云 善 Ш ×: 列 穆據 堂祁之南 元 河 往 Ш 録 來 六十二 左 所著有 譜: 漢 南 右 德 省於章丘 室 蒿 穆 ,人方之倪迂 口 抵抵 州,送 楓 楓 聞 據 集 庵 仲名廷 仲 Ш 遺 儀 **%** 集 《受棋堂集 歲 Ш 博 老,君 禮 戴 淡及 學 與 程 西之祁縣,主 力任 鄭 杖,祁縣 傅 好 竹 I 注 爲 清 青 古, 垞 之。」先 句 築 部 主 閟 . 《詩 所 讀 艸 答 0 赴 葬 人,家多 王 居 亭。」自 戴 話 濟 漁 丹 楓 生 遇 楓 補 洋 陽, 楓 仲 因 崑 仲 藏 戴楓仲 友 閣 見 注 Ш 書 善 之 爲 訪 懷 L 顧 蒿 及 置 築 張 詩 寍 圖 法 庵 顧 謙

0 十字。 此 林先生》詩 鴻 博 句 後 不 遇 穆 批 有『虚名空爾爲 後 官開 增 穆 喜 案: 訓 導。 楓 仲 己 以 實既亦此也』之句」共五 歲 未 貢 詞 科 生 録 康 》稱 熙 己 其 酬 召 試 亭

健 堂於西河之介休,聚天下之書藏之,以貽後之學者。 書,友天下之士尚論古人。』」 寧人「於山 『人則孝, 人,録一 庵兄弟徵書啓。 史暨明累朝《實録》插籤於架。 本,藏 出則弟,守 西 一營書 Ш 西祁縣所立書堂」。 院 先王之道以待後學; 品 十月六日, 盡 取 穆案: 先生又嘗欲作 家中 予嘗分書題其柱 所 《静志居 張帝臣 藏 誦 + 四經、二十 其詩,讀 詩 某 話 云: 及 見 其

官中允。

平。 寺卿。 翰 静 劄招 云 子 閨 張 記 =翼,咸寧人,靖逆侯甘肅提督勇之長子,以 德 卷,又南 Ŧī. 林 又南雲翼 「尚 勇 咸與之爲忘分交。 月,大破賊於鞏昌,收復寧州等衛之陷賊 勇喜與賢士大夫延接,同里若李中孚、王 院學 部 ,勇斬其使,命長子雲翼赴京首奏,勇得晉侯 是年春,平涼王輔臣反。 可 贈 元譜: 得 靖 捐貲刻之。 士 子。」至是 逆 侯,其 八過訪。 先生辛亥在 原一 時 因 謙 又 復元官。 納 元譜: 〈南 穆 案: 妾。 案 太 E 先生著《左傳杜 原 襲 三月,輔臣函大將 帝 衍生嘗寫《 遇傅 爵 臣 矣。 是 穆 無效。 青主,診先生 補 年,公肅 父廕 歷 納 又 者, 解 Ш 代 彦 官 南名雲 妾於 一史、李 補 亂 宅 和 軍 大 爵 正 改 京 遂 符 理 時

> 是年詩有《兄子洪善北 靖 戰 朱 開 撫浚注浦,自刁家 工,至十二年五月訖 Ш 充費,同 府漕折銀九萬 師 月,委蘇松常道參議 江 浦。 云。 佐 知 丈,各於海口 蘇巡撫馬祜奏濬劉家河 一者,是歲以耿、 松江之役》 縣 、王永熙 詩中 董 《閏五月十日》二首、《 藩司慕天顔檄 Œ 有云「那 位 周 兩、浙 申 置 祚昌 詳 閘。 吴二逆之故,天下騷 橋 首、 開 聞 工。 東出吴淞、民賴其 省 韓佐周及蘇 等董濬吴淞 濬 其 父老復 杭 行所 來言 邑諸生朱青以歲旱 瓦 經費則奏 元譜: 嘉 五千 浦 屬 湖 凡三十 愁兵,秦關 督 及近近 理。 案康 松二 百八十丈。 府 准 江 留 漕折銀五 過 六里,是 是年 然,所 (利,改 一府同 熙 年 萬 蘇、 十年 張 吴中 四百 楚塞方 九 松 知 注 請 在多不 貢 月 + 於巡 常 通 月 萬 九 浦 月 1 有 圃 酣 判 E 崑 兩  $\equiv$

元譜:案《李徵君年譜》:乙卯冬,顧寧人書來。寧

太原不

獲執

紼

首。

舍人》

一首、《

孫

徴君

葬於

夏

峯

時

寓

爾

岐》

一首、《送程工部葬》

首、《

寄路

七五

悰也。」 是時徵 卜築平陽,管幼安復見於兹,弟將策蹇渭 訪、丹書之受,必有可以贊後王 今講學之士,其篤信 乎不拔,真吾道所倚爲長城、同 人 自癸卯 君 流寓富平, 盩 至 别 後,雖 寄 而 深造者推先 書 足迹遍天下,而 略 云: 人所望爲 而 「先 啓 生。 生 來學者。 龍 異 音 上, 山斗 德 日 問 而 九疇之 者 時 隱 敘渴 側 也 寄。 聞

十五年丙辰,六十四歲 辰,原 東。 原 於徵色發聲而拒之,乃僅得自免」。 十四之舅氏主於其家,見彼蠅 方者去,今且欲延一二學問之士以蓋其羣醜。 有與潘次耕札云: IE. 月,自 是年撰《陳鼎和墓志》。 甥。 Ŧi. 山西之山東。 元譜。 月,人都。二十八日,先 酒稱 原一「官彌貴,客彌多,便佞者留 祝。 穆案: 原 趨 秋,至 蟻附之流駭人耳 時 二月,人都 官 右贊善。 一薊州, 三月 吾 《餘 生 回 仍 自 主, 主 以 誕 至 集 Ш 剛 六

> 覽》: 崇禎壬午,而《履歷》作戊子,則減六歲 是時年二十三也。 歲,允斌若生於丙午,纔十一歲耳,丙子殆甲子之誤,即 午授編修。 修。」三代同,蓋胞兄弟也。 會試十七名,二甲三名,欽選清書庶吉士,戊午授編 十二名,會試三十六名,二甲二名,欽選清書庶吉士,戊 院祀之。 奠。 年 試士公明,雖勛 康熙丙辰進士,官至閣學。 京。元譜 允斌三曾、沈度汪 太夫人訃到。二十七 讀 書法課士,士習爲之丕變。 「沈三曾允斌,丙午年生,歸安籍. 允斌未攷。 命撫子衍生北 沈涵度汪 謙 貴請 案 然試年多不足據,如下顧 托,弗 ,丁酉年生,歸安人。 沈度汪名涵,一 穆案: 涵昆 許, 以生年核之,度汪是年二十 上,並 日成服, 所 季,附 《康 統志 秩滿去,閩 拔皆名宿。 熙 》稱其督學福建時 丙 字心齋,歸 也 寓 其家眷 鳥 辰 書 越二 程 進 人創清苕書 乙卯 洪 以朱子分 湖 1 又案康熙 善 履 舟 州 日 安人 Ŧi. 壬: 生 歷 名 沈 設 於 子 便

● 「丙子」、「甲子」,穆批分别改爲「丙午」、「甲午」。

都。

十一月二十四日,先生弟五

妹

徐

度歲。 立後、盍擇諸 之序,是使世樞有祖 子洪慎之子世 世 攷之,知必在 寓中度節。 十三補松江府庠生,長洲何焯跋其文,勉以 立 移 訂 云:「歲云莫矣,欲走齋中一 名舉人,❷會試十二名,二甲十六名。」 善,字達夫,戊子年正月十六日生,崑山 改中書 十八年己未會試,允斌、度汪皆充同考。❶ 一十,病瘵卒。」 風雅否? 至達夫寓中也。 爲殤子詒穀後。 [樞,字之曰榮緒,後更名宏佐,字復吕, ,各子其子,爲人之同情。 自夫子之告子游,已謂三代以後天下爲家,各親其 《肇域記 穆 是時。 此間 族兄弟之子以 是 樞 補。 爲 年, 健庵《立孫議》: 殊覺總總。 孫,或者曰: 從子洪慎得子於崑,命名 蓋因 而 》想已閱畢,幸付下。」此啓以 康熙丙 從子洪 無禰也。 元譜: 徐氏居憂,故於成服之日 爲 辰 是則兄弟之子必親於從兄 晤,不知可 弟於二十七日 嗣乎?」予應之曰: 進 《崑新合志》:「宏佐年 『無子 先生即有子而 善成進 土履歷 「舅氏亭林先生 而 得片刻之暇 人。 便 立孫,非 先生有 士。 繩武 覽 子 移 至 子 在 元 手札 立從 元譜 + 顧 昭 年 舍 即即 京 姪 商 四 洪

> 序爲顗 生生。 族祖 荀顗 而 昭穆之倫可立爲子者? 洪慎生三子矣,立世樞爲先生後,不亦可乎? 仲舅子嚴失明年老,唯洪慎 嗣 瑶公諸孫,洪善,冢適也; 生實吾外祖賓瑶公之子,於賓瑶公之子孫爲至 未昬而夭,貞孝王孺 子無當立者,舍兄弟之孫弗立, 之立宗也,自非大宗,五世親 弟之子,從兄弟之子必親於族兄弟之子也明矣。 大夫之承家,其理則一 一子, 贊善公爲大宗, 夢庵公繼禰之宗也 他 ,其於祖若考之意果 傳》: 立 琦 先生方在襁褓,夢 也, 後,封臨 以 顗 禮之權而 爲宗緒 無子,以 淮公。 不絶,若昆弟以 不失經 人服喪衰以歸於顧。 從孫徽嗣。 荀氏,潁川名族,子姓甚繁,豈 無 而已矣。 而 燃好? 庵公撫而立之爲貞孝後。 洪泰孤子,不得爲 溢者也。 獨以從孫嗣,其必不舍親 一子,非支子不得爲人後。 盡則族屬 而 吾外家顧氏侍郎 中興 孫若曾孫後之,理宜 有國 立 何琦之從父以 疏 絶。 (初,以 者之繼世 遠 又十二年,先 族屬之子爲 夢庵公有 苟謂兄 顗 人後; **一**晉 一親。 兄 與與 古人 弟之 元 書 公 孫 吾 先 屬 紹 無 孫 賓 有 +

- ■「同考」後,穆批增「官」字。
- ②「子子」,穆批改爲「壬子」。

視含飯 名洪 先生 然也 故詳 衍 其 無當 爲子,亦先生 本先生立爲殤子 詒穀之後, 竟立以 其 以 未之聞。 知禮之君子,其言鑿 祖猶父,無改父祖之差,同三年 是《小記》所謂 後者,三年,或爲子,或爲孫。 父,或後高、曾,凡諸 《儀禮》 生,復 昭 一,以爲殤兒之後」云云。 爲不悖於先王之道矣。 瑞 穆之倫,毋亦勢之不得不然而聖人之所許與?」予 《與李霖 論之,以 立者,不得 》「爲人後者」之文,以爲不言所後之父者,或後祖 為子。 恩 爲 又不詳 然試以 緣 義 立 事 洪 亦 初意,且 瞻 告吾母 加 而 非 「爲祖後者」也。 瑞邪 洪 書 已而立從 崑 各親其親之常情準之,則 興 泛常。 瑞之所 **\***: Ш 鑿 所後皆 黨云。 不 相 猶 從 如 必 弟 抑 隨 子 乃稽其家譜 出 此。 孫 拘 故昭 洪 子 衍 五六年,並爲之授室,以 先生之治 備 豊 甥 爲 常 湯即 所抱: 嚴 生 惟庾 若荀大尉養兄孫以爲孫 於其 孫 徐 以 穆 也。 先生 連 祖 稍 乾學 ,如父子之誼 相 爲 者即 得 衍生之改名邪? 所 蔚之謂 知 中。 礙 續,其 何 既殁,家人乃斥 養 ,立爲先 命 禮 道 琦 也 洪慎之子宏佐 孫,又令荆 孫 也。 法, 議。」 庾純 猶子, 常 間 庾 必喟然發 故 不 代取 也 純 生後 而 云: 雷 好 仍 衍 如 而 謙 次 嬉 嗣 妻抱 者 至 生 不改 所 爲人 親 宗 案: 孫 古 戲 寤 於 稱 均 退 别 立 奉 屬 釋

> 手蹟也 舍出 勢阻 最晚。 口 曾 之殁已九年。 年十七,至康熙丁亥,衍生年四十 熙四十六年,距先生之殁二十六年矣。 讀之泣然,因追想當年,多所不符。 血誌。」案立齋以 記 不 涣 無異説,豈有家人斥退之理? 可 》後 攷矣。 然釋矣 而録之。」云云。 有衍 無 甫 ,跋云:「歲丙子,不肖衍生於 能 脱 稿 往索,至 生跋云: 府君 又元和 穆 康 案 **涿熙二十** 相 捐 「先府 丙子爲康 顧 洪 或 館 歸 徐 瑞 廣圻家藏先 田後 君 九 蓋 相 年 著 衍 始 或 **冰熙三十** 書俱 九 生 獲檢還。 遣 得 月 之 有三矣。 人取去。 此 丁亥冬,於宛 舊 生 有 譜 致 自 簏 著書目 名。 五年,丁亥爲 仕 康熙壬戌,衍 證 序 中 歸 不肖衍 抱 里 檢 兹編 車 自 歷 業 得 録 君之疑 距 念 代 稱 此 雲 陵 告 先 本, 衍 生 宅 孤 4: 旅 生 生 泥 成 京

符》 談 是 自 前門 先 湖 年 生 下雀》 詩 南 首。 送子 詩 有《漢三 獄 事 + 徐譜: 德 一首、元 畢 年 歸 至 君詩 來 符字分虎,良年之弟 此 關 年 事 中 譜 重 》三首、《 **\*** 作 至 蓋 四 京 首、 居 師 絶 徐 徐 氏 句 楚 譜 寓 寄 僧 邸 四 子 李 時 元 德 作。 生 瑛 蓋

吴江人,潘稼堂之師。● 大人,潘稼堂之師。
● 大人,潘稼堂之師。
● 大人,潘稼堂之師。
● 大人,潘稼堂之師。
● 大人,潘稼堂之師。
● 大人,潘稼堂之師。
● 大人,潘稼堂之師。
● 大人,潘稼堂之師。

成,如 得 指 爲《日知録 人復起,不易吾言, 時 徐還也。 之未嘗無人,百王之敝可 無恙,因出大著《待訪 正 今,然後知後 文士之後,注 至北方十有五載, 先生是年有《與 陳 林 冰迹,而 有道。 者或無其識,古之君子所以著書,待 而 ,便思東渡娥 、國家治亂之原、生民根本之計 師 何 但鄙 之。 · ; 如 離 頃 天下之事,有其 **羣索居** 著 過 然而《易》『窮則變,變則通,通 何 蟲 海 書,竊自幸其 恒 薊門,見貴門人陳、 ! 魚、吟風月而 江,謁先生之杖履,而 黄 先河,爲 自 流覽山 伏念炎武 幾 太沖書》云: 改竄 可 預信 録 同 未刻 **%** 傖 Ш 川,周 識 以 八中所 於今日 父。 覆 者 復 自 讀之再三,於是知 E ,其已刻八卷及《錢 簣 未必遭其 起,而三代之盛 中年以前,不過 行 「辛丑之歲,一至武 論 年 邊塞, 萬 積以 漸有所窺,未得就 也。 而 同於先生者十 逾 兩 於聖賢六經之 六十, 逡巡未果。 君,具 歲 炎武 後 粗得古 時 月,窮 有 則 迄無所 久二, 念 以 王 而 管見 一者起 當 天下 從 可 探 人之 起 糧 ż 其 以 聖 居 古 諸 及

> 耳。 東 據? 者,陳 地 林,並 興 下 論》二 中,兹從黎洲 萬 生於萬麻三十八年庚戌,長先生三歲。 志之末,賜以 案云: 認 嵊縣,❷未渡娥江 者,不敢 謂季野先 人,以幸萬 即 禹陵 未 介眉 篇,乃數年前筆也,先附呈大教。 然先生實有謁 東至紹 渡 先 也 强 江 錫 生 生,時客健 解 前 所著《思舊録 世、曷 嘏,定 抨彈,不厭 興,仍 丙辰 此 闕 元譜 言「一 疑可 歲 海 非未渡錢 可説「一 禹陵、宋六陵諸 任 《與 乃 人,以 禱 庵 至武林」者 謂 也。 往 尚書家。 切 黄 学中 復 抵 ! (太沖 至武林 是年 紹興、 許 補 以 塘江 謙 瀚 人。 開 書》,是 成 案: 案 謁 固 末學之愚 也 詩 猶 進 又車 禹陵, ,又似 娥 言 ±, 此 無 穆案: 倘辱收諸 陳、萬 書不 年 害 江 ·君於辛 曾 親 未 至 其 在 翰 載 浙 抵 紹 履 知 至 兩 棃 以 林 武 江 紹 興 其 何 H. 君 洲 集 貽 同

## 十六年丁巳,六十五歲。

- 穆批:「戴笠字耘野,又字曼公,原名鼎立,字則之,吴
- ②「嵊」字,穆批改爲「上虞」二字。

之。 與王 寺。 穆 附沈度汪家眷至德州 霑 德州, 見撫子衍 正 於 月 平,六謁 至是相見,行父子 , 、張簡 元譜 山史偕 自此以下,皆衍生所親 與 甥 可 天 原 穆 家。 壽 案: 山 生及衍生之師李既 ,將人都,先生預留 元譜: 寺在 四 禮 彦和、公 及懷宗 月,出 廣 先三日 寧門 見,故記述頗詳 謙案: 横宫。 都。 一肅 張 衍生及 話 十三日,至 簡 書 别 可 張簡 是行 二月, 師 於天 未 攷。 李既 可 足雲 家 也 訪 率 足 11-

先生中 譜: 耳。 之計。 誤 生已抵 陝,主 於丙辰冬,致衍 華陰時 **駑鈍**,收效桑榆。』」云云。 止,關學不振已久,斯其爲大興之日邪?」予 丁巳秋 時至卧室盤桓 弟年近五十 陝,十一月始訪 也。 李徵君年 訪李中孚於富 蓋 寧人先生未至一 秋 Щ 頻陽郭九芝明府聞之,以 王 九月 抵 衍生雖南 居,寧人命 Ш 華下 始歸 初三 一史家。 生 語 譜 阻 一日,亭 元 山史於華 正學,今幸寧人先生不棄, 一來,尚 必 雨 譜 世 達 尚 寧 宿 日 宿而行》二首。 稽 丙 林 人自 穆 留 儒,道 平 辰年 \_ 入關 省 一陰,以 補 德 東 《受棋堂集》有《承 視悵 訂 案 Ш 州 未嘗 · 主 駕 書 右 南 未 王、李所記核之, 然 儼 於予 來曰 來 微 軍砦之北。 入秦 隨 有 然, 訪 王 君 作 行,故所記 元譜 非 Ш 年 10密 ,其至富 巡 一聞 史《 無 將 譜 記 首 IE 復 所 顧 同 》系 彌 Ш 先 **文** 問 欲 期 寧 之日 徵 志 此 平 寧人 稍 知 生 策 人 買 而 君 元 則 差 譜 厲 先 至 Ш

0 年 訪 Ш 非山山 譜》本《二 右」, **及民國**十 在一。 曲 先 生 七 年 年 譜 Ш 陽吴氏默存 此 處 作 寧 刻 自 山山 中三李 左

汾

州之介休、

霍

州之靈

石

九月,入

寓

廟

中

延

既

足

暫

留

課

子

即

去之山

西

道

福

廟

元譜:

主僧名晏如,

時

當塗令賀宣三應旌

亦

先於旅寓。

五月七日

「移寓

曲

周之增

耕《陶

庵詩序》:

「先生雅慕靖節爲人,築

室

E

陶

庵

庵,德州

人,順

治丙戌進士,延

慶知

州

芮

城

知

縣

潘

次

日

哦

其中。」

是月二十一

日,自

德

州

至

鄭

家

口

<u>一</u> 十

四

日

抵抵

曲

周,主路安

卿

家

祀

李霖

瞻

浹、李星

來源。

元

譜

霖

瞻

名

浹,

號

陶

之祁縣 譌耳。 之妾乃祁 謙 已遣祁縣之妾。」以時考之,去秋即 又泉無攷 手澤,以長子 從弟子嚴,欲立世樞爲殤子詒穀 人書云: 名之曰世棠,字曰 山 居於山下。 登堂拜母。 史於華陰。 系丁巳,當時衍生已隨侍往 ,亦名月明 世守焉。」嫁妾於李又泉。 《崑新合志》:「世棠以諸生人太學,喜蒐 西洋之學。」疑 李子 「於静 縣人邪? 炯 Щ° 穆案: 德 穆 樂買一妾,立嗣議定,即 徐譜 穆訂。 詩 是歲 案: 來 爲 一日 宏 《受棋堂集》邑里絶句 《餘集》有與潘次耕札云: 迎, 又泉即 十一月,游太華, Щ 佐 一思召。 復 知録》「月食」條下 從子洪 在 後, 因 口 富 一來,應 鱸之字矣。❷ 構 平 過 Щ 縣東北 遺 後,並屬 元譜 所 慎 西 無 指 清 居 此 舉次子, 誤 堂 元譜 此 度歲 年 七十五 記,①李 月明 貯 出 達 下曰: 有 從 或静 夫致 而 詩 云 嫁之。」 於 重 先 祖 里 注 Ш 羅 即 生 譜 樂 炎 詞 去 先 太 訪 子 先 寄 所 規 武 或 生 原 Ш 秋 友 頻 遺 世 偶

監宗》一首、《陵下人言上年冬祭時有是年詩有《有事於欑宫》一首、《贈貫太

無或 生年 敗賊 一月 四 穆 守 敗 路,旋復引川 道中懷關 聲自實城 云:天生「與亭林、 介休》 案: 朝 朝 詩 首、過李子 丙 亂 小 於峻 那」云云。 朝 用 命 《受祺 者」。 辰 於顧 韻 命建 招 年 領, 奉 一首、《 撫,乃率衆降, 叛將 答 堂 復 故詩 朱 寇 威 西諸 出》一首、《郭林 影四 集 加 Ш 將軍吴丹略地 犯 王輔 着 陽縣, 首。 云 長於良年二歲,雖 雨 通 竹垞 德》 君》一首、《河上》一首、 介之推 渭。 中 臣 《寧人先生 「及門初拜 踞 暨李良年 四 至 故 皂帽》一首、《采芝》 是 而 陝 詩 華下 年 首、徐譜: 賊 西之龍駒 有「去年方鬥争 祠》 華、 輔 黨吴之茂 肯 臣爲 母,讓 宿 商 - 爲布 訪 宗墓》 在 副 大將 Ш **当**,断 首、《 客所及私 衣兄弟。 案《鶴 寇 都 村 监 Ш 留 忝 秦 軍 統佟舒 一首、 史家 爲 州 圖 商 宿 徴 見贈 兄。 海 掘 寓 録 天 渾 + 所 濠

<sup>「</sup>當時衍生」至「應無誤記」共十三字,穆批删。

字,改「之字矣」三字爲「即一人否」四字。「疑」字,穆批改爲「未審」二字,又改「即」字爲「與

## 首、《寄李生雲霑》一首。

燈,寧都舉人,弟名傳燦,字青藜, 有《答曾庭聞書》,元譜: 雙丁」之目。 作《華陰王氏宗祠記 庭 皆 聞 駿 名 雄 畹 自 初 命 名 有 傳

## 十七年戊午,六十六歲。

至多。 爲公親 耕書》曰: 婚之計,雖 人千里來迎,可稱重道之風。 午,傳芳轉輸有法,民不告勞。」又《受祺堂集》與九芝詩 發,傳芳偵賊 陽、長安篆,俱有聲,遷 芳,字九芝,大同威遠衞人。 春,由太原入關中,富平令郭九芝傳芳元 二十里外。 陳情歸賦 大同人。 介初 九芝一字 雲中曲呈郭明 未可 頻陽令郭公既迎中孚而僑居其邑,今復遣 度 將入境 觴。 元 必 獻素 穆案:《陝西 譜 然,中心願之矣。」又《受祺 前 ,乘霧搗巢 ~,明年 年 富平 、府》詩 是 穆案: 日杯相 升 ·知縣。 由選貢授咸寧縣佐 通 而天生遂欲爲我買 EI: 任 《餘 斬 志》令長名宦: 達州。 一晨 集》先 屬, 獲 滇逆之變,涼 有 起呼童秣 左有東吴右二 功。 生 迎先生 有 時 堂 《與 軍 「郭傳 集》有 吾馬 田 潘 寇 攝郃 書 於 旁 結 次 竊

> 家。 古文疏證》卷八:「余戊午應薦至京 與既足次弟故友遺詩。 長源,故宣府巡撫都御史之馮子,長齋 關中,故云「跡稍遠」。 庵,旋移寓朱公子樹滋齋 接衍生及既足,期會於富平軍砦李 之篤矣。❶ 迎青主傅先生至。」案:明年先生出游嵩、少、冬仲始 曲。」自注: 云"「今此二妙 四 「謂 月朔,九芝邀先生至署, 跡 閏三月, 遺子德家人至曲 寧人先生、中孚家兄。」正此年秋事。 稍 遠 而九芝又迎青主人關,信乎好賢 ,太原徵君聲光續。」自 元譜 中。 師 繡佛以 崑 元 穆 Ш 譜 案 顧 終其 注 樹滋 炎 中乎 《尚 寓 武 身 又 旋 時

傅山 忍聽。 令頻 穆 京師表,恒服膺乎其罄欬之微,即爲 不爲。爲予言其二人終天備嘗茶毒,飲泣卷舌,不 批: 記。 陽 因 「《霜紅 予爲悲其志而書之。 有所不忍,遂有所不 顏其讀書之處曰 龕集》書郭九芝慎廬箴後曰: 慎 敢; 廬 九芝尊敬二曲李子爲 緣 此四以之言矢 有所不敢,益 政 可 知 九 芝郭 有 老人 所

年

有《春雨》一首、《寄同時二三處

史箋。 庵侍郎 都中。 徵 都 韓 時 八時 熟吴龍 門 慕 朝 舉 在 不 廬 候 議 到 海 欲 富平,有自富平來傳其新論 元譜 底不曾 錫有詩云: 舉 可 侍 試 内 以 亭 講 屈 名儒 纂修《明史》,特開博學宏儒科 林,亭林 先生同 ,欲以先生名應薦,已 書鶴 乃已。 穆案:《己未詞科録 ,官爲資送,以 板,江 ❷『終南山 固 邑葉 辭,致 南惟有 於是先 下 訒 書者三, 艸連天,种放猶 顧圭年。二日 者。」云云。❶ 庵 生絶 閣 》賈崧按: 是年冬齊 遂不列 學 迹 及 而 長 「葉 知 薦 剡 先 至 集 洲 古

0

分巡潼 譜 狷 議 王 任 庵 何 張又南廷尉 元譜: 華爾謙 戴 商 狷 庵 道 未詳。 過 有 張靖 來 「胡 同 訪 戴仁,北 州 穆案:「何」 逆 欲 時 承父命來聘往 之華 元譜 提 聘 督 直 一陰,達 至 爾謙 蘭 容城 乃「胡」譌 署, 州 ,常熟人。 人,康 亦 華州 辭 熙十 蘭州, 潼 《陝西通 不 ·四年 商 止 往 一
吏
目 道 堅 以 胡 元 辭

> 《夏日》一 篇》一首、《和 士被薦者》一首、《 首、元 王山 譜 史燕 井 時 中 秦 中對菊》一首、6 心 隴 史歌 苦 早。 一首、 梓

月十二會萬貞一云: 續《日 則先生之殁二年矣」共八十字。 李天生,言顧寧人亦住富平,其學亦尚 此 句 後, 知 録》多論學之言,與前 穆批增《陸 清 顧寧人《日 獻日 記》戊午十 刻 知 不同。 録》已十倍於前 月 程 又記 # 朱, 癸亥十 近 會 日 所

② 「吴」字後、穆批增「蒼符」二字。

③ 「圭」字,穆批改爲「書」字,並於此句後增「自注:謂

0

此句 木石居。 此句後,穆批增 又有《病卧昊天寺僧舍述懷 支寒菊度 或 德是年皆有贈幼南歸娶詩。 舊書。 薦賢新效狄梁公』,自注: 後,穆批增「穆案" 二詩俱見《北行日札》」共一百零三字。 三人者,山史、子德及豹人也」共六十 游岩兼痼疾,栗里失耕鋤。 人重陽。 故人卧 穆案 明月 臨 風 每 遥 山史詩云: 孫豹人、閻 憶陶元亮,恐負東籬 爲惜躊 》詩 豹人詩『用法早齊于定 所薦同 日: 躇。 御 百詩、 競 多 水橋邊秋葉黄,一 自 喜夔 鄉博學 注: 朱竹垞、李 羞 龍滿 長劍 謂 晚節香。 五字。 詞三

渭之間 關 中 首。 ,早棄帖括,以 雜 詩》 元譜: 五首、《 建常字 著 述 自 過 ,仲復 娱, 朝 邠 著 邑王 州 有 長武 《律 處 吕 士 圖 建 説 河

德致 二卷。 學士,謚文定,著有《容齋集》。 内閣學士,子德之舉鴻博,是湘 北名天馥,合肥籍 有《答潘 與友人辭 書。 《與 次耕 往 李 書》《 教書》《答李子德書》《與 星 ,永城 來 與 人,順治戊戌進 書》《答李紫瀾 李 湘 北 所薦, 北 徐 譜 書 故先 ±, 》元 湘 生 北 官 譜 爲子 至 時 官 大 湘

友人書》。

十八年己未,六十七歲。

原。 生 五十 知府 正 移 穆案:寇公名慎,字永修,同官人,墓 月,往延安,抵同官縣 《餘集》有《寇公墓志》曰:「天啓六年,寇公爲 有 、炎武年十四,以童子試見公,被 寓 四 [年,而 華 下 始 Ш 得 史所 至 同 官 構 ,拜公於 新 ,拜寇公墓。 齋。 墓 下。」旋 元譜: 言之獎。 在 縣 東 案先生 南 元譜 攜 於今 蘇州 義 衍 興

故,未竟其業,故先生《與李中孚

書》

E

不不

欲

再

起

所、 先生《 子祠堂。 門,亦有建 構 住。」 持清議, 寔與他省不 書院之事,雖 元譜: 先生《與從子書》云: 堂,兼營 而哀之,且多山翁之敦夙好也,爲詩紀寔云爾。」然則 華下,借居之。 異先生初輯是廬,學易其中,因以顏之。 案:《受棋堂集》有 於淳熙乙巳寄禄 歸 7,人山 穆案: 新齋,即 、水田 中 與從子書》則 雜詩》弟 又元譜 四 一守險,不過十里之遥 Ш 祠堂於辛酉夏始落成,書院 史但 瓴之勢。」 五十畝爲饔飧之計。 山史之讀易廬矣。 書院 皆 是年二月 五. 亭林 能 秦人爲之,然吾 首 以 割 《題 自 同。 先 謂 地 居,先 注云: 無異 耳。 《餘集》有《與潘 生既 華 新 攜 華陰 IE 州 衍 先 經營之事,吾 「新正已移至華下。 殁, 己 生 山 雲臺 生 生 綰 先是,山 移至 往華 若志 Ш 亦 顧 轂關、河之口,一旦 秦 因 史 翁 廬 須 人慕 華下 新 陰 遷 觀 改署今名,李 在 三首 則 自 主 次耕札 構 四 經學, 買 人山 欲 當 將 顧亭林先 方,則 小齋, 史以 E 堡中 據 因 ,序曰 Ш 身任 爲 Ш 正 ₩ E 重處士 史家。 史家 書 將 史 朱子 建 祠堂 [:: 「朱 出 室 南 生 生 延 有 所 無 穆 而 余

授 便覽 聽 有《少 維協 字記 今第 距少室山 子 注: 先 支,管席諒 南 太室神道 出 院」,蓋不欲借祠堂之名自營菟裘也。 北 一,髣髴 德 生 姊 關 抵 直 治 自 「先生有 詩 室神 元 氏 汾 ,作嵩、少之游。 廣平 開 京 日 暮 譜 近 馬 停車 師還 州 春 母 尚十餘里」。 石 赴任, 道 不割。」謂 箭 嗣 知 闕銘》,云「在 廟石 嗣 余親 曾 栝。 約 石闕銘 光 縣。 華 潘 光 居 論 闕 榜 Ш 無 雲 至廟下 雲臺紫陽 稼堂 徽 陽, T 名剛 記 馬 攷 時 臺 祀 先 亥, 與 云「在 右 生 贈 觀 虚 右 字 「今在 登封 視此 君等膠漆。」又云: 調 在 朱子 詩 籩 豆 實 几 穆案: 實已 祠 湖 華陰 右 有 元 月 登 嗣 縣中 石 氣象甚 廣 云: 實 祠 嵩 封 譜 許 至 闕。」云云。 辰 光 内。 時 《顺 縣 Ш 睢 患 岳 一吾 傍 溪 事 掣 西 啓 州 曲 廟 病, 新 治 知 《受棋堂 宏豁 也 母 師 + 穆 人。 南 H 宫 縣 丙 周 徐 案 顧亭 里 廟 百 戌進 自 止之, 譜 肅 旋 南。」「 吾 餘 I 邢 又 築 戊子本省 見 《 金 林, 部 道 家 步。 有 集 堂。」 君 師 ± 是 由 觀 鋪 省 《嵩 月 樂難 履 名 歲 石 年 築 政 弗 欲 西 河 又 歷 屠 文 自 Ш 書 德 李 奉

> 式 三,河 寧 旨 驗 同 張 也 馬 知縣 右實 改 封 考, 庚寅考察, 己亥補 又南 吾 + 名。」又庚 司 南 月, 及平 吏 馬 主 長 籍 廷尉 部 剛: 事。 洲 分 Ш 陽 孚朐 戊戌同 口 庚 東 巡 毛 夜半造 臨 戌 華 肅 王 錦 河 會試同考,本年升稽 考、吏部 州 胸 陰 九 銜 人。 南睢 詩 江 如 今 訪 又 南 州 0 鳳 驗 時 順治十八 懷 人。」又《受祺堂集》有《送 封 十二月二十七日 子 元譜:二人 來受業。 寧 清 德 知 吏 應 縣。 是年,葉訒 司 鴻 年《縉 勳 主 博 戊 司 俱 事 試 申, 員 紳 馬 無攷。 外 升 在 剛: 郎, 吏 京 庵 王 部 師 懷 裕 奉

穆批:「案:右實蓋衍生姊夫。」

0

子舉 學 永命之别 檢《府志》無所謂 候 官遷安知縣,有治績,遷安人生祠之。 垂 批 者,因往訪之,云九如是其高 補 棘 主 》所載特緒餘耳。」 事 「穆案: 《晉國 臨 是 九如名永命,字 汾人 由 垂 王九如者,以 一棘》載 知 縣 至今稱 推 其 升。 修修冷 其 訊 穆 孝。 劬 其 口 祖 兄 庵, - 麗 鄉 其 邊 臨汾 暹 《垂 後 平 I 官 裔 乃 棘 著述甚多 紀 平 知 陽 略 尚 九 目 訓 如 治 知 録 導 爲 戊

閣 史》,九月赴闕。 力卻之。 學充明 元譜 史館總 穆補 裁、欲 公 肅 甥二月召 招先生入史局 監 修《 明 復

思理 城也。 氏 漏 地 首、《 面十之二三。 臺存焉。 首、《雒陽》 者》一首、《雲臺 是年詩有《寄子嚴》一首、《寄次耕》 少林寺》一首、《嵩 表,其長八尺,是謂 ,其長視臺之高,廣可二丈許,刻水道其上 《通典》。』《卓太傅祠》一首、《梁園 ,視水所至以定時, 首、謙案:潘耒《游中嶽記》: 精微,非 次耕書來言時 周 臺高五丈,縱廣三丈,形體正方,而 公卜洛 周公不能 以 一首、《嵩 ,立表測景,以 懸 壺 土圭。 一觀 俗謂之「量天尺」。 滴 作。 **\*** 漏 貴 山》一首、《測景 當 臺南一 Ш 此 有求觀余所著 首、《 缺 唐 此 會善寺》一 處 「告城鎮即古之陽 儀 爲地中,今 鋪 石高 鳳 西 中 平 鵶 規制 丈許,上立 所 石 立 路 缺其 有 以承帝 見杜 古 首、 行於 測 書 北 景

峴詩云:

「東吴披裘翁,足跡天下徧。

掉臂凌

遠

有答先生書

通。

穆

案

《受祺

堂

集

》有

與

湯

荆

卷,以

書

來

詢

答之如

此。

謙

案:

湯子

遺

書

》内

載

修《明史》,文正分編《太祖本紀》四

卷、

《列

傳

¥

餘

譜:

案文正謝

病里居

心時,先

生曾以

書

通

問

既

開

局

書《 潘 革 李因篤 爛溪之濱,少治經義有聲,别著《句吴外史》,編記 作《廣宋遺民録序》,元譜:明德字不遠 作《寇公墓志 李生雲霑方讀 道 考核爲學者推重」,「其至汾陽 吾於汾州天 臣》一首、元譜: 首、《海上》一首、《五嶽》一 ·時事 而 次 來也 與 耕 甚悉。 「與崑 、史館 書》《 《寄次耕》四首、《歲 Ш 《書太虚 顧 諸 寧寺》 與 銘》,爲吴江朱 炎武、太原閻若璩、皆以 鹽 君 時力臣北游。 公肅 鐵 書》《答湯 論》 Ш 首、 甥 人象象譚 書》《 因 穆案: 首 《子德 顧 首、《 荆 炎 與 處 暮 武 峴 汾 葉 後》《 士 游 贈 西還 西 博 州 書 汾 明 訒 歸 張 古、 隱 志 時 與 庵 省 德 時 力 元 鼎 居 取 精

林。❸

四

月,

Щ

史有諸母卒,爲

議

服

及

Ŧi.

月,送馬右實喪,

出

關

魄。元譜。

穆案:

寅,❷江西清江人,康

熙

癸丑

惟公接游燕。」《與人書二十二》。 爲作《嵩陽書院記 時 居 順 封 武 福 以 講 治壬辰進士,登封 舉 昌 宫在登封 學。 人,順 -鴻博 相 質 時 治丁亥進士,康熙中授延平推官,改知登 ,報罷,人爲兵馬 登封令爲長洲張燻,此 縣 故答之如 北嵩陽書院之旁。 人,康熙十八年以兵備 此 指揮。 其 明 年 井叔氏,葉名 書疑 介石氏,耿名介, 功 竣 元譜: 張於 湯 副 文正公 未 使家 竟

十九年庚申,六十八歲。

平。 歲,三千里外孤忠未死之人。」以明神宗、 光宗俱崩於萬 服設祭。 元旦,作一聯云:「六十年前二聖升遐之 月,先生仲姊訃 三月, 麻庚申也。 Ш 西 鹺 至, 使曾章 IE. 間 月, Щ 寅 日 至 成 富 致

> 堂事 既 將軍 譜。 往 拔善類,建朱子祠堂,春秋奉 寧人,康熙十九年任華陰令。 於董明府。 先生。」又《寄答孟謀嶽麓 禄,新宫兼致艸堂貨。」正 又字誾生。 陰令遲屏萬 富平令郭九芝將親 「雲臺樹接紫陽祠 汾 足附之南歸。 ,李自成之亂 遲欣然 州之陽城 穆 案:《汾州志》有朱敏濛,字龍澤,慶 」董號 《受棋堂集 維 裕 捐 適 ,罵賊死。 庵。 · 城造 里,訪 俸 館 》有 爲 陶 》詩注: 謂 二十八日,先生誕 《贈華 訪, 來致祝,力止之。 又《陝西 倡 此 潛 敏泘當即其兄弟行 祀。 前 歷任 事 附 因 陰遲明 中 「朱祠 元 與謀 通 次句 枝。 Ŧi. 谱 尉 十月,攜 志 載,嚴 朱 倡 府屏 自 隔 於遲 建朱子祠 注 代 敏 穆 禁 遲 萬 虚 成府 案: 泘 刁風 維 明 ※詩 謂 傳 衍 府,成 城 寧 提 屏 志 鎮 云 生 元 既 國 獎 廣 X 舉 萬

<sup>●</sup> 穆批"「案"先生仲姊蓋即陳皇士夫人。」

❷ 「寅」字後,穆批增「字以人」三字。

史,河東巡鹽轉冀寧道」共二十字。 (翰林」二字,穆批改爲「進士,由庶吉士改山西道御

穆補。 擢左. 元中 至,次 貢。」 署。 汾陽人,由貢官 祭奠,焚帛 縣 録 東 先 南 生 -翰家。 元 都御史,原 十里 詩於藝文,乃不詳 日 + 譜 出 如常 署。 月元 元 兵部 穆 譜 汾 案: 職 儀 + 州 配 以贊善充明 方司主事。」 《汾 守周 王 敏 穆案: 浮出 日, 安 州 度歲 西 志 《汾州志》: 人 成服 處,何 **\***: 水于漆 卒 於王 也? 於 于 文館 設 是年,公肅 漆 崑 祭, 王 位 延 陽 總 Ш 江 城 請 沖 逢 德 浦 里 元 德 計 七 拔 在

岳,游 是 絶 康。」著有《莘野 以 之,康以 首、元譜: 第 年詩 》二首、《送李生雲霑 Ħ. 慈恩寺,見 人冠 此得 有《送康文學乃心歸郃陽》 乃心字太乙,郃陽人。 其 名。 經。 集 太乙《題 學 長 使 安 ^ 陸 友 語 儼 秦 云 人 庭 莊 德 南 來 開 襄 元 Ŧ 渔洋 歸 座 中二李,不 拔之充貢, 墓 中 寄 》絶 奉使 戴 口 句 祭 笠 占 是 告 如 呱 Ŧ 科 稱 西

樞也 傳》; 懷 模》 譜 進士,東莞知縣,行取 鶴 錫 畢而飲》三首。 同 諸儒之解, 孺 曰《愚庵小集》,又注 合,俗儒又以 爲《毛詩 冬至寓 里 ,吴江諸 闡 顧推官》一 齡寄尚 湄字伊人,太倉人,著有《水鄉集》。 五首、穆案: 陳 以胡氏傳《春秋》多偏見鑿説,乃合唐、宋 世樞 首、元譜: 啓 朱子掊擊小序太過,乃集諸家説,疏通 通 高 源 撰《春秋集説》; 生。 汾 義 以 相 書埤 林 士》二首、《酬 丙辰 州之陽 友善。 甲申 注亂之,撰《讀左日鈔》。 首、《華 以 生; 詩 侍御字子木,吴縣 傳》 蔡氏 後 杜 有 遷 自 I. 至明年 云 哭 城 河 釋《 號 部、 「送汝黄泉 又以 陰古蹟》二首、《 南 李 愚庵,絶 里 首、 李義 書》 道 族子 送 中 侍 杜氏注《左傳 御 未 碩 元 尉 史。 Ш 御 精 意仕 譜。 人葬,六 湄》一首、元 六歲孫 詩。 敏 灌 人,天啓乙 ^ 《朱處 撰 進 泘家 華下 谿 與 自 鶴 《尚 專 著 先 龄 歲 先 》未 序 謂 生 詩 以 字 書 心 矣。 祭 有 義 悼 生 世  $\pm$ 長 文 盡 來 埤 經

乎禮 父母 特 有 母」及「庶母慈己」之服 具 申 不 亭林已在予家,仲復貽 苦節五十六年,意不忍 授生徒,足不入城 之,故仲復長 有矩矱。 Ŧ. 春,予治先君側室張 有《音學五書後序》《答王 以 以 耆 敢 一公之從子也。 仲復書》穆案: 義 此 俱存,其父攜之人都。 太史兆洛,太史曰: 少 忘好友之規也。」 與 義 ,幾若山史爲撫於張氏者 ,非賢者所爲」。 申 昔司寇爲逆黨誣 駁  $\pm$ 數 Ш 先生者,然書 語 Ш 右 而家貧。 寄 史書 致 市。 書 其學 啓 氏 王山史《山 羣 關 贵 書亭林,謂「發 之喪。 遭亂 **>** 薄爲之,加 時 疑 復 元 元 西高 王山 以 僅以 稱 害 子 譜 耳 譜 詳 張 考亭爲師 諸 追臧,仲復先君舉 事已舉,未之能從, 棄諸生, 見 蹈 史幼 雖其 袒 母 謙 又 案 志 當推 如如 ^ Ш 免從 與 嘗以 禮 是 史 山史書》《答 南書》 嗣 古 出 此則 時 集中。 絻 乎 「王仲復,司 友 非 叔父,其 也 弢 獨 事 持 此 Щ 情 以 慈母 乎? 有 微, 迹渭 步。」「庚 史 事 從 躬 而 慈 客 質 念 事。 兩 與 辭 不 處 比 濱, 游 後 13: 本 之 能 至 槖 物 書 毛 也。 祝 然 於 如 未 生 止 時 孝 申 教 助 悉

> 華陰時 錦 譜 肅 答公肅 書中詳及時 銜書》與公肅甥書 虹 友名 作。 甥書 時 攄 事。 三藩 號 汲園 扇 元譜 動 原監 秦 隴 以 **※與王** 生,太 間 上三 輓 常 輸 書 旁午, 1,疑皆 時 虹友書》元 敏第 庚 故 七

中在

一十年辛酉,六十九歲。

城,元譜。 案 袁 康 黄菉園斐來會。 龍 使梅、汾州太守周西水于漆、州 二月望,先生去汾 熙庚戌 視 溪 劉梅字訓夫,故城人,順 鹽 生 河 員 翰 東 時 林, 詩 官汾 穆 0 案: 與健 晦 州 運城在 通 元 日 庵 譜。 判。 州 可 往 年。 答, 鹽 治戊 往 元 池北 司 3 穆案: 譜: 曲 即 馬 戌進 憺 路邨。 黄 沃 延 去 斐,浙 袁 伯華良驥 ±; 汾 先 集 至 州 生 》有 良 江 H 鹽 解 鄞 驥 送 别 州 縣 運 黄 福 劉 運 使 建 穆 學

- 0 批: 邨 村 不畫 0
- 0 史,河 翰林」二字、穆批 東巡 歷官副都御史」共二十二字。 改爲「 進 士,由 庶 派吉士 改 Ш 道
- 3 批 删 又 删 「同年」二字。

先 氏 13: 運 來。 餽 Ŧi. 宣又字裕齋,康 宣之宜 康熙十八年任。」《進 至 元 Ш 旋 生、江 譜 里之韓 鏡 城 出 M 日 史先於二 順 兀 命 落成朱子 治己 家。 問 先 抵 署 月 輿 左大儒 東。 河 穆 曲 八月二日 五 一亥進 生 星 至 攜 里。 案 + 沃縣 H 夜 患 候 千里 次熙己 衍 元譜 士。」候 户, 許 月南 馳 歐 曲 馬 祠 菉 生 齊 未進 沃 瀉 造 歸 士 又 驛 袁 燕 堂。 志 X 馬 訪 履 縣 游 0 自 移 士。」《曲 穆 相 1 韓 關 驛 歷 挾圖 案: **\$** 華 + 吴、 寓 旬 在 迎 内 便覽 熊 公 熊 陰俶 八 九 縣 至 《進 下 僎 人 艱 書子僕,館之宜 越, 傳 七 沃 西 月, 日 江 耐 華 坡 城 士 月, 南三 志 日 先 裝 遂 徒 陰, ¥: 履 韓 西 僎字 移 既 寓 生 新 歷 + 至 僎 既 出 村 足 寓 吾 韓 淦 里。 便 訪 匪 元 Ш 人 聞 足 菉 師 村 韓 得 1 莪 帝 弔 西, Ш 袁 顧 在 先 自 袁 其 旬 坡 進 寧 清 縣 史。 廟 畢 ± 父 生 之 公 韓 由 南 韓 江 顧 人 南

> 學 里之曲 以 昌 聞 霖 曲 奉 集 殁, 石 并 詩 總 樓。 沃靳 瘖 祚 維持還里。」穆又聞 師 省 先生視含斂, 兵劉 報 引錐自 初,以恩 五首。 元譜 《亭林先生寓 衛 村。 氏爲 賊 進 處 望後,病 意 刺 漢靳彊 忠 媒 士 少 貢 爲 叛, 解。 餓 授 穆 高 四 撫幼 衍 案: + 鄖 急 之裔 曲 縣 生議 羈 陽 稍 返 子,收 沃卧 曲 賊 日 程 通 曲 令熊 ,代有名人,世居 沃人云: 減 廣 巢 判 沃 鄉 婚靳 病 者 遷 其 賊 東道 志 小 元 爲 四 遣 ¥: 君 愈 潮 譜 邏 年 氏 黨 方 0 僎 走 州 昌 仇 者 先生 來 遺 書 潮 祚 府 視 所 貲, 貳 君 相 平. 元 字 同 穆 終不 獲 館 縣 問 昌 走 知。 振 案 尹 于宜 得旨從 東 即 逼 先, 書 徐 祚 北 《受祺 遺 發 受 將 告 朔 袁 使 9 二十 穆 君 僞 抵 其 優 賢 之白 起 言 職 潮 嘉 里 Ŧi. 居

0 又」,穆 批 删 又於「聞 」字後增 一諸

0 名村」,並於此 館 字上、穆批增「又嘗」二字、又改「于宜 句 後 增 IE 德 間 白 石 Ш 人李 鑌 袁 所 爲「景 構 也

6 廣東」,穆批改爲「惠

嘉 瑞鳴,以 敘,授惠潮 興 晚年 居 闢 兵備 母 喪易今名字。 Ш 道,旋以 書院教授其中,人稱絳山 製歸。 與 汾陽 蒿字匪莪,初名麟貞,字 曹良直、 先生。 、太原 傅 Ш

注 大 月易簣之日。 穆案:《洲子德 是年詩 云「重光作噩」,此題下復注歲 《贈 衛 毛 處 錦 有《寄 銜》 士 一蒿》 集本於 》詩據子德哭先生詩 首 題貞孝 未知 首 《寄題貞 當 在 墓 詶 何 学墓 後 時 陽 李子德 歲 四 故 後 注 名 仍 四 當 柿 類 柿 知 **>** 在 次 》題 是 明 於 誤 首、 年正 下 首 此 也。 E

贈 毛錦 銜 首

有《朱子祠堂上梁文》《病起與薊門 當

事 書》。

<del>一</del> 年壬戌,七十歲

地 刻 早起,將答賀 正 实疾作, 月 四 館 日 1,旬 竟日 韓、 熊 公設宴會賓友。 熊、仇、衞、徐、郭諸 夜 令及諸 歐 瀉 官紳, 不止。 八日,先 初 馬 九 失 君 爲 日 足 墜 丑. 生 經

> 詳。 未經此 位而哭之慟」。 亭林亦有山 生扶 譜 彼,深以 安,見張力臣,云『亭林之柩 在 爲文獻之惜。 秋,予至嘉興,訪 斂,並典秦氏之室停柩,而 紀棺斂,并典邑人秦氏之室停柩其 海州 云: ①不肖衍生煢煢孑立,侍奉而已。 極歸。 三月, 大事、賴韓、熊、仇、衛、徐、郭 ,接閻百詩手札,云『亭林於春 不獲撫柩 西之行。」秋岳且驚且 子 元譜 先生 秋,予西歸,取 曹秋岳司 日 : 哭爲 『亭林 從 穆 憾」。 弟 農。 不 案 無 尚 肖廬焉。 巖 恙,尚 道揚 未 相 又怪亭 Ŧ 自 喜。 歸 見,即致 Ш 州 不 史《山 崑 諸 在 初歾於曲 逾年,壬戌夏,予 林 將 子 公經紀棺椁、 知 Ш 穆 年 未歾 家。 往 悼亭林之歾 何 志 案: 來 · 雖 十 崑 以 江 子 Ш 沃,予爲 淹 郭名未 平 偕 七,目 來 南 滯 過 時 衍 西 於 淮 含 何 元

- 0 昭位」下,亦冠以「元譜」二字。 作「原譜」,非張穆 衍生之語被張穆截 元 譜 此 處 指 衍 後 生 爲 來所 所 兩 編 部分, 加者。 譜 車 後 譜 又, 部 本原 車 分繫於「府君之 譜 有 本此 此 二字, 處所
- 2 張于寧云:名可圻」共九字。 未詳」上,穆批增「元譜」二字, 又於 此 句 後增 趙

九二

表 不肖 圖 慟 齋 前 司 以 鳴 哉 兩 居 抵 遽 東 字 表兄 入關 喪 曲 有 元譜 偏 次。 · 圩,計三十八畝三分六釐 沃 此 惜 及汝 嗣 問 哉 簡 取 所 ? 父 閱 向 有遺 嘉 穆 仲 遺 所 搦 兄。 案: 寄 管 書 書、 謙 逢 各 文 偶 案: 衍 此 府 文券皆攜 稿 姓 記 文《遂 忝 處 君之昭 , 涕下 **塋**在 爲 書 之後 + 籍。 初堂 崑 沾裣 往 四 Ш 門 位 集 都 嗣 日 曾 六 中, 大雲叔 元 茶 保 不 衍 葬 尚 得 致 從 載 潘 於 譜: 之 書 關 耒 於三月 司 寓 健 終 浦 中 爲之 馬 目 庵、 旋 七 爲 焉 沃 賜 望 Ŧi. 立

崑 道 光二 名實 覈 抄 實 111 炎 科 册 於 出 武 抄 鄉 撫 不 到 結 砥 出 歲 + 賢 能 學 礪 部 江 底 具 相 政 廉 蘇 祠 彙 題 副 隅 每 洲 臣 年 題 請 年 撫 等 及 辛 匡 旨 八 禮 會 議 僅 又 扶 丑. 月 同 部 得 以 崇 名 奉 前 江 謹 定 人 祀 教 旨 奉 品、 具 蘇 題 例 名 旨 題 題 學 爲 宦 該 各 學 政 請 題 顧 鄉 並 部 省 問 人 疏 請 賢 將 議 舉 炎 空 祀 人 事 奏 稱 言 報 武 應 鄉 祀 實 崑 譽 名 賢 確 欽 鄉 准 册 Ш 美 宦 核 祠 此 賢 結 縣 其 鄉 事 事 並 送 造 先 賢 人 欽 **\*** 蹟 無 部 具 儒 遵 祀 倘 禮 實 詳 該 事 顧

> <u></u>二十 告》 題 卷 字 祠 鄉 水記》二 E 有 復 經 江 跡 日 《岱岳 H 賢之處 記 請 》三卷、《九經誤字》一 周 世 蘇 者 再 音學五 天下 知 營平二州 之學 旨 》六卷,《 崑 即即 卷,其 流 記 此 録》三十二卷,《 Ш 西 》八 史表 卷,《十 郡 本 行 於 係 歷 縣 北 書》,考 指 向 或 道 他 卷、北平 先 屬 Ť 求 駁等 利 歸 覽 偏 光二 雜 史 儒 名 古 病 天 彙 九 行 卷,《 著 事 顧 書 古功 實 題 下 語 + 録 陵 邊 不 シ六 炎 》,别 相 府 圖 可 古今 塞 歷 合併 Ŧi. 武 深, 今 副 卷,《 0 枚 志》 年 卷,《 代 經 州 卷、《吴才 查 有 記 舉。 植 + 宅京記 聲 百 斟 得 六卷,《 該 臣 茀 ¥ 縣 躬 明 石 之 異 酌 百 省 等 志 所 清 録 月 經 目 卷,《 允 卷 送 謹 峻 有 及 + \* 考》 臣 當 騐 萬 老 日 事 + 册 擬 顧 歷 七 等 建 砥 實 歲 五 韻 + 准 肇 炎 ~ 成 代 H 未 其 册 康 行 卷,《 卷,《 其 Ш 卷,《 左 補 武 域 奏 題 敢 古 餘 端 考 人 IE 題 傳 志 百 疏 内 + 擅 今 所 方 詩 昌 祀 請 金 杜 開 便, 記 著, 文 + 九 平 鄉 律 人 解 又 講 石 E 卷 \* 卷 集 謹 H 祀 蒙 賢 Ш 文 卷 補 有 求 故

●「偏」,穆批改爲「徧」

穆 奉 旨 依 先生著書 議 欽 此 之可 攷者 : ^ 日 知 録

成 先生刻。❶ 十二卷,衍生云: 集 篇。 釋 本,云曾得 坊 四 間 庫 潘 有 次耕 潘 書 大、小二 以收 稼 堂 删 入子 先 飾 版 生 元 部 袟。 攜 本, 雜 至 ②又 家 許 閩 類 瀚 中 有 案 嘉 口 吴 有 定 汪 黄 縣 提 晦 汝 要 王 庵

表》三 瀚 親 見之。 卷、《易音》 補 遺 **>** 四 三卷、《詩 卷, 有 袖 珍 本音》十 本 • 古音 卷、

亮

生

藏

抄

本, 3

黄

曾

借

校

其

本,乃

未

經

清

删

者

耳

0 0

唐 五書》,衍生云: 韻 正》二十卷、《音論》三卷統 書 》刻於淮 上,後 爲 名《音 張 力 臣

不得 鬻於安溪 力臣亡,其子以 》詩 序: 李公。 言 板質於人,不可 案: 音 學 潘 Ŧi. 稼堂 書 一有《訪 復 刻 問。」 於 淮 顧 則 亭 浦 以 林 張 爲 先 力 力 生 臣 臣 遺 家 灩 書

要五 之者 誣 也。 ^ 五. 6 經 同 四 異 庫 書 业 卷,有 入經 部 常 小 熟 學 蔣 類 氏 刻 有 本 提

衍 生 目 無 ^ 左 傳 杜 解 補 IF. 卷 衍 生

云 爵 張 又 南 先 牛 捐 貲 刻 四 庫 書 收 人 經 部 春

> 書 攷 秋 類 **>** 业 四 水古 人 有 卷 經 提 部 要一 録 四 Ŧi. W 經 庫 篇 總 書 卷 》收 義 ^ 類 九 人 衍 史 有 經誤字》一 生 部 提 書 目 要 目 録 無 類 二,有 卷,《 几 提 石 庫 要 四 書 經 庫

庵 穆 批 改 爲

八字。 所删餘 此 句 後 也 穆 批 衍 增 生 書 本 目 有《日 作 補 知 遺 録 四 之 卷, 餘 四 蓋 卷 共二 蓋 先 生

8 亮生」 後, 穆 批 以 朱 筆 增 瑬 字 又 以 朱 筆 改

字爲

舊

寫

二二字。

0 字小 補 遺 注 四 卷 四 字 IE 文, 穆 批 删 又 删 有 袖 珍 本 四

6 年 者 有 板 此 日 句後, 亦亦 告 沈 與 顧 埋 公 非 衍 於 書 者 實 穆 生 揚 既 録 所 成 批 公 州 也」共 增 記 爲 坊 厚 「又,《 之 贖 賈 自 歸 時 九 間 珍 十三字。 恰 秘,世 李 傳 坊賈 合。 文 布 於 貞 將 劉 無 年 世 削 知 以 譜 者 其 爲 事 板 坊 在 載 以 顧 賈 康 贖 鐫 氏 將 巸 他 五 既 削 四 文, 書 + 其 適 板 六 其 事

6 此 亦多 句 後, 差 穆 誤, 批 增 顧 陸 有 清 改 獻 訂 H 數 記 紙」共二十 》朱 錫 鬯 云 Ŧī 板 經

九三

抄

二十一 書 書》一百 云: 貲 題 有《讀 小學 目 採人《日知 記》一條,見 收 人史部 詩 文集》六 沙地 有 刻 收 《》有 人 卷 已上二種 集 類三,有 提 史 人 理 隋 跋 一,衍  $\wedge$ 目 集 部 類 \* <u>Ť</u>i. 書》 尾 譎 録 中。 目 存 録 生 卷 史 類二,有 觚 卷 徐 録 篇 書 目 提 篇,本 潘 年 類 今 健 金 + 潘 要 目 有 術生 庵《日 稼 有 本 表 作 次 事 石 四 堂刻。 顧 養 提要 篇。 耕 \*+ 無 馬 提要二篇。 有 文字 11  $\stackrel{\cdot}{>}$ 云: 新 誤 貴 卷。 提 氏 此 下 龍 與 録 仞 ^ 要 篇 舊 卷,《四 卷,《天 《譜 譜 氏 己 八之説。 昌 **\***: 篇。 爲 記 聞 聚 L. 則 顧 篇。 系 平 系 攷 珍 顧 川 七 竹垞 作 次 六卷 ^ 致》作 序》。 攷 寧 版 Ш 庫 寧 歷 庫 乃 種 耕 彭 下 本。 人《文集 水 人手 全 **>** 全 有 文 代 E 潘 以 書  $\sim$ 郡 辯《金 書 勤 《顧 記 覺 宅京 《讀 稼 韻 深 知 鈔 四 卷 或 堂 其 收 地 氏 之意 刻 隋 補 庫 四 譜 先 謬 理 人 石 聖 利 書 書 記 庫 略 衍 類 生 矣。」 印 卷 正 文字 經 道 欲 业 病 全 捐 本 生 存 部 齋

筆》三 學 格 《茀録》十五卷 今刻本無 詩 地 平二州 古今記》十卷,《  $\Box$ 許 案潘 闕 史部 記 話 名 :「今存山東二册。」《 周 攷 論》 指南》一卷,《 + 記》一 士主 《 萬 地 稼堂呈先生詩 \*, 二 十 一 )載《詩 卷 一卷,有 作「志」。 理 史事》六卷、四 卷、蘇蘇 政 歲 類 卷, 收 令官 律 家, 四 Ш 蒙 卷。二《十九 曲 庫 蠅 攷》一卷、《肇 告 嚴 田 阜 書 蘇 《詩 人 頭 州 杰 注云「有 目 孔 始 州 建 當 史 小 云: 府 氏 府 條 末 部 楷, 康 岱 歷 務 志》又有 刻 志》云: 律蒙告》 「《肇域 地 代一下 致》 注 陵 本。 古 嶽 書》六卷、《 昌 庫 云 理 筆 圖 平 總 今記》十卷,《 記》八卷、《 類 《雜 一卷,《京 不苟。」《蘇 有 目》又 一域記 Ш 志》手 志 =; 徐 見《 水 帝 》六卷 録 作《歷 譜 一卷,《 等 有 × 王二 菰 有《營平二州 稟,今存 一百 圖一, 提 案 中 菰 卷。 要 代 州 隨 一,徐 拜 當 東 中 都 救 北 府 筆 ^ 經 即 收 城 攷 篇。 文 下 志 隨 平 樓 和 此

有

纂

録

南

都

時

事

×,

近

坊

刻

有

**聖** 

安皇帝

本

紀

題

先

生

撰

疑

即

此

書

見

^

與

戴

耘

野

解

程

、朱各

自

爲

書,

見《答汪苕文書》;

名

論

甲

集

 $\leq$ 

見

先

生

手

蹟

有

纂

録

^

易

9

論 案 卷 攷 精 平. 生 古 地 書 顧亭林原本」,其妄蓋不待辯 書 》合爲 理 華 Ш 古 説 録 目 存 類 無 水 聖 録 **> >** 存 不 本 記 目 \* 采 朝 有 目 一編 謂 卷 書, 入《日 各 此 殆 記 卷 名 有 震 事 乃 其 此 ,坊賈不 提 方 ,此 知 提 文皆 W 書 要 勦 雜 録 要 吴 及《 取 殊 》者,不 纂《 卷。 震 見 篇 别 京 武 炎 方 行 東 斷 知 0 方 《説 武 ^ 但 攷 僞 其 熹 0 所 又 輿 此 古 鈴 立 撰 蓋 爲 廟 学中 近 録 紀 此 書 先 H 宛 有 諒 名 要 也 收 生 也 知 溪 也。」 罶 之。 四 所 **>** 録 著 中 庫 ^ 記 案: 統 題 Ш 書 及 全 ^ W 四 總 志 東 E 其 衍 昌 庫

●「提要殊武斷」五字,穆批删。

2

失名; 撰; 論》; 事 録 兵 月紀 及「卷 二十一人,孫 事 實 著 任 遺 此 孫 變》, 著; 聞》, 崇焕計 録 疏 ; 句 共三百三十三字小 高陽 卷十九《江 ·六《風 卷 陳 》,華廷獻 稿 後 錢 》,許德士著; 卷十三《江 一《做指南録 卷二十 六《始安事 卷 錢 宏 汪 邦 案 前 穆 斬 四《永麻 光復 芒 謙 卷十, 範撰; 後 倒 批 益 毛文龍始末》,李清 撰 近 督 梧 增 慎 一《東 著 撰; 著 陵 刻 師 行 桐 夏 祭文; 略》, 卷 記 卷十八《江 紀 略 海 紀 荆 記 卷十 卷 卷三《癸巳 著 事 事》; 林 跋 二十 甸 略 八《戎 駝 ; 安福康 注 瞿 》,蔡 紀事本末》,失名; 野 何 五 逸 失名; 卷 六《甲 元 卷 五《 是 《兩 + 史》二十 史》, + 徐 錫著; 鼎 車 陰守 非 世 五《兩 范 \_\_\_ 崇 小 撰; 粤 日 撰; 申三月 撰; 溥 卷二十《 此二 生 禎 思 新書 記 春 孫 著 卷 城 著 甲 卹 廣 六卷」 卷二十 X 卷二十四 愷 ; + 紀 七 申 長 紀 諸 + 卷 卷 卷二《 陽 忠 事 餘 燕 東 公志 略 方以 盧 沙 七 九《 + 1 先 逆 三,《 種 ×, 卷 林 記 都 司 字 四 皆 北 生 略 諸 盧 記 事 許 華 續 智 馬 正 東 + 閩 ×, 督 史 公 在 臣 略 重 殉 撰 殉 復 T 明 陽 紀 實 熙 紀 城 遺 游 凡 忠 大

松案:

先生勘定之書,有《

西安府

儒

學

碑

目》,見先生文集;

有

勘

定《

家

訓

\*

近

儒

刻 昂 録 書 録 姓 《發 ×, **%** 漢 袟  $\approx$ 氏 關 見《江 9 紀序》; 0 徐 書 索》詩 見 有 譜 點定荀 何 左十 健 注 義 庵 有《區 引 有 門《菰 顧 五子 與 亭林 悦《漢》 先 言》 生 詩 中 《備 論 選 紀》, 五. 隨 録》。 姓 》注; + 筆 氏書》。 卷、《治 見《 序 又 案: 嘗 潘 8 《詩選 稼堂 欲 有《 河 編 日 事 備 知 輯 重 徐

嚴 身 記 克 合於 極 不 爲文,直入 心 王 **\*** 傳 經 儉 可 Ш 朝 得, 絶緒 術 辭 天 時 史《 詩文矜重,心 野 下 或以 受之際頗 以 胸 Щ 傾 利 中 唐、宋大家之室。 游 志 慕 他 是 病 富 爲 **\***: 之。 所爲 致 **>** 有 隱 諸 顧 怨,弗 有 所不欲 日 者 行 書, ^ 亭 權 日 新 也。 誼 林 衡 卷 知録 顧 甚 不易 袟 丰 古 雖 也 高 四 之 \* 姿 所 百 窺 講 方之游 積 而 金 不 謂 計 居 明 測 與 幾 揚 義 恒 求 石 音 文字 自 於 之 人 下 士 而 韻 終 過 等 奉 筆 不 留

> 又曰: 問 數 與 倫 矣 攢 萬  $\equiv$ 以 之業者 先生 一易稿 ~,顧 卷,巨 字 也 强 眉 1 圖 0 記 如 書 平日之説 景 其 博 矣, 自 客 Ш 或 范 細 顧亭林之於音韻 勤 稽 志 0 退, 隨 之於 咸 尚 而 厲 》又載先 詳 每 0 正 存 亭 有 如 必 研 相反 見 手 尺 地 人, 林 此。 戒 子 所 生論假 蓋 發 理 猶 4 曰 輩 鈔 而 前 係 所 也 以爲未 不 精 或 録 Ш 借 人 著《 爽 史誤記 詳 皆 轉 宴 梅定 所 口 又 注 未 昌 作 不 飲 凡 惜 愜。 日 故故 荷 平. 終 發 親 條 蠅 九 不 論 歷 Ш 日 頭 日 劉 之 未 正 爲 取 極 對 水 行 太 於 也 使 虚 不 見 輒 乖 記 證 楷 室 刺 麻 爲 朽 其 博 度

❶「載」,穆批改爲「戴」。

❷ 「治河事一袟」五字,穆批删。

<sup>8</sup> 此 文, 句 後, 批 云: 穆 批 「夾注。」 增 《序 》言 曾 見 袟, 言 治 河 事 共 +

<sup>4</sup> 字 批 見《四庫書提要》小學類存目。」 穆 案 先生勘 定之書 又 有 别 本 顔 元 孫 二十 禄

者。 之,謂 以 謂 居 不易之言也 謂之三周,親 次 也 母 亭林曰: 0 日舉者,亭林比 喪三十六月 先 王 哀之不暇 制禮,不 「君子有 友 送 9 除 即吉之儀,至 敢 而 之朝祥莫歌之類 服 過 何 終身之喪,祭 也 賀焉?」或有 顧 亭 秦 林 俗 有 馳 以 日 稱 是 書 斯 之 賀 論 H

林頗然之。 挺擊、紅丸不盡同東林諸君子之意。亭 又曰:予嘗作《三案論》,獨是移宫,而於

錢 卒於康熙乙亥,距先生之亡實 即 閻 而 五. 年, 牧 白 愛從 白 齋宗伯也 年,縱横 詩《 即 先生云 海 亭林 南 内 雷 讀 殁 黄氏 Ľ, 書者游 亦 萬里,僅 日 顧 且 上 哀詞 亭 距 + 林 十三年 牧 四 **\***: 僅 博 處 五. 齋 得 當 而 士 年 薨 髪 能 三人焉, 也,及先 蓋 己 穆 精 未 至 案: 三十 燥 是 南 時 下 有 生 H 而

海内讀書種子盡矣。

李文貞 手 有 無 人以 子、集、稗、野、 好爲蒐討 言、黄龍 魏叔子、汪苕文、 人、杜于 潛丘 八者,錢 古 録 不致 蕭 其 碑 劄 究 統 版 《顧 要 牧 記》有《 士,凡 皇、程子 辩 爲 遺 以 齋、馮 寧人小傳》: 騎 聖人之聖,非 歸。 蹟 論之學,十三經、 驢 列代名人著述,微 十四 與 必 走 十餘 Ļ 朱 定遠、黄 戴 披 天 人。 錫 唐 榛菅、 下,所 鄭 歲至 鬯、 器書》云: 汝 自 周 謂 南 顧 器 七 拭 至 幼 孔 之 雷、吕 , 聖人, 梁 + 諸 斑 博 荒 更增 也 汾、 蘚 涉 而 文 史,旁及 Ш + = 老 碎 强 讀 晚 頹 乃 顧 喻 勤 識 村、 阻 聖 唐 嘉 寧

「祭」,穆批以朱筆改爲「忌」。

0

❷ 「潛丘箚記」至「非周孔也」共八十三字,穆批删,又以

厚自 所。 雅 切 然 耳 京 庶 如 之,寧人之學 ?,徑情 ٥ 淹 未 吉 師 然後三代之文可 洽 衞 自 見 日 士 寶 則 漢、晉 先 曾 也 祕 寧人 未 於 傷 生 日 見 物 相 孤 爾 其 . 殁 書 於 以 遇 以 僻 錫 比 矣。 是 爲 來, 音義 是 五. 負 言 半 始 吴 0 氣 其 + 未 讀 聞 H 窺 尤 人訾之。 年 之 地 譏 其 話。 其 雅 有 有 理 後 書已成, 訶 備 獨 頌之音各 書 也 古 乃 又七 得 用 今, 有 然 有 心 書 年 知 近 顧 余 亟 尤 既 我 代 必 求 氏 始 得 復 刻, 者 博 刺 觀 其 來 官

當 約 諸 潘 録 生 以 明 中 長 次 老。 末 奏 略 世 耕 年 報 族 ^ 能 日 奮 然 手 背 負 知 自 憂天閔 誦 欲 絶 録 鈔 有 異之資 序》 節 所 尤 人之志 自 留 經 崑 樹 世 110 潛 Ш 而 要 當 未 顧 心 務 迄 世 嘗 古 寧 不 之 學, 人 少 得 故 衰 試 講 先 , ~ 九 求。 生 實 經 窮

> 歸 搜討 必 明 問 説 書 絶 其 然 關 人各 微諸 者 Ш 於 0 必 而 民 必必 斂 後 曾 出 足 至 Ш 生 無 得 先 衽 止 當 跡 或 必 風 無 質 它耆 其意去。 生。 推 載 俗, 命 倦 半 , 諸 書數 天 者 當 顧 有 色。 先 疾苦 先生 好 下 先 代 必 生; 生 簏 文 獨 有 自 所 窮 利 天下 手畫 自 見 人才士甚多 墜文 少 至 源 病 凡 隨 疑 至 交其賢 溯 援 如 無 制 口 軟 義 旅 本 老 古證 指 賢 誦 度 事 ·, 討 店 未 反 諸 典禮 (豪長 不 有 探 少 嘗 今必 復參 掌 論 然 肖 休 源 不 有 其 皆 竟 知 者, 語 暢 致 日 精 披 不 所 者, 委, 知 能 學 攷 其 必 尋 廢 力 以

0 官 又 韻 此 多而小官少,此論 句 梅 後, 又 言 定 穆 九之麻 批 顧 增 寧  $\sim$ 書 陸 甚好」共二十八字。 言 皆 清 治 世 日 來 大 記 所 官 》李 未 少 有」共 厚 而 庵 小 官 二十七字, 多 顧 之

汪

苕文《答從弟

論師

道書》:

僕宦游

+

Ŧi.

0

句

後

穆批增《陸清

獻

日

顧

寧

人有《日

知 此

録》,多

發先儒所未發」共二十二字。

矣,其有經學修

明者,得二人焉,

曰

顧

先 生爲通儒 也。

悉 律 又《贈· 大 術 而 有 功後學,不在康成下。 至 而 先 體 又洞 名 生六十壽 要,上自 物、 達當世之故。 器 數 序》: 先生之學, 邃于 經 ?,元元 籍、 圖 本本, 其言覈 史、 方 至 輿、 而 精 通 音

用 坐 麻 生品 見 湯 非 Ш 斯 儒 訪 史 象 而 孔伯有答先生書云: 葉舒 同 者 詢 人之幸 言,起而 高 河 也。」 崇 學博,國家典 及交游 字 漕、兵農 吾道之衰久矣,得大力闡 元 後 禮 可見 晤 進 名賢, 甫 士。 諸 之 艸 行 屬 制 俱 即 元 事 吴江 前歲 郡 無 禮 ,真當今第一 邑 不 . 計 Ш 掌故、天 洞 東字甫 吴 往 史自 悉 郡 往 原 明, 言 關 顧 艸 文、 有 先 中 與

> 子 寧人,李子天生

人,有 朱 繆天自云: 長 云 錫 語 清景當 《荇 事 鬯《 静 溪 必 集》。 精 中,天 志 天自名永謀, 當 居詩話》論先 詩 地 詞 有 秋 必 俚 色 古 語, 雅 名泳,又字 庶 生詩 幾似之。 經 抒 顧 Ш 云: 于野 寧 長 老 詩 嘉 筆 無 所 興

輒 典

穆案: 王 生 王 無 屈 名氏 巓 應 漁 難 洋 泉 讀 此 口 問 《隨 事未得其年 昶《與汪 誦 ,學者所 之,不失 筆 樂府《 》記先生一 不經 容甫 附 記於此 蝴 書》: 意者 字。 蝶 行》 日 也 聞 蝴 在 能 顧 蝶 京 漁 記 亭林先 師 洋 行 否 影最 歎 酒 服。 次, 生 先

記》翼王言:

0 理,余最愛其文有根據。」 穆 批: 魏 冰 叔 日 《曝書亭集序》三吴顧 寧 博 學 窮

九 九

00

聽 辯 唐 生 敞 少 論 之, 居 者 時 而 中 復 之。 几 遇 每 始 其 其 年 凡讀二十 計 中 設 以 前 字 春 亦 左 句 夏 日 置 右 不 温 温 經 坐 紙 同 經 書 本。 置 或 再 請 注 偶忘者 使 易 百 文 疏 人。 紙 學 本 中 於 誦 + 詳 聲 前  $\equiv$ 音 兀 問 而 經 己 先 宏 而

於世 江 性不 藩 漢學 能 身本 舟 行食稻 師 南 承 記 好 而 居 炎 喜餐麥跨 北 武 土 生 性 嘗 鞍。」 兀 謂 傲 0 人 不 H 諧

學

如

此

習

熟

而

纖

悉

不

遺

也

畢

接

温

史,

或

南

北

史。

故

亭

林

先

生

李 程 初 融 羣 少 零 子 貫 書 魚 德 門 露 於 躔 其於古今治 胸 晉芳《 哭 浮 中 雲 顧 代 忽 亭 Œ 大 摧 障 林 筆 學 梁木,千 亂 天 先 之 論 生 於 興 **\***: 史 詩 書 廢、 亭 無 春 林、 以 得 IE 百 恨 爲 失之 月 韵 黎 杜 紀 世 洲 鵑 數 世 博 星 朝 法 脱 皆 典 極 熊

> 紫 睹 最 復社 翼 望 印 刑 剖 Ш 徒 起 伯 鍾 勁 陞 丱 庇 節 勞 潛 陌 逸 靈 今 失 頹 爽 血 侍 年 修 探 鳳 殷 連 簪 武 堪 大 頓 乘 郎 勝 搦 密 洽 紱 陵 墜 危 追 不 權 賢 大父贊 地 管 前 躅 還 勿 第 溯 友 同 徐 頻 文 賦 兼 過 渾 名家 上 交 獻 攀 莫 教 善兄 比 誰 難 畫 鄉 遵 軫 客 思 髯 與 懿 爾 美 先? 省 求 或 鄉 石 救 少 逍 緒 敢 焚 俱 孝 舉。 基 雛 留 盛 渚 並 著 全 速 遥 溢 延 廉 藩 翮 都 吐 聲 閱 肩 邅 傳。 久 述 船 獨 牧 好 幾 納 遭 際 閥 挾 步 著 佳 未 蒼 漫 門 鼎 時 彤 海 录 俊 窺 先 採 鞭 忍 江 人 惜 生 毫 詳 傷 芳 湖 涸 哀 厨 香 曾 麗 没 契 頷 失 吾 仍 龍 珥 吴 矩 駢 荃 銜 大 路 約 周 問 珠 御 郡 道 虚 父 招 杯 詞 少 偏 自 渡 旋 員 碎 鈿 後 宗 振 競 尋 才 登 方

<sup>●</sup> 穆批:「鄭堂語本《觚賸》。

吟 捐 髮 爲孝 細 益 攜 盡 相 古 歷 圻 謁 左 **著**《昌平 喬 十三 字 嶽 詠 拜 勉 竹 宣 馬 兆 瓦 歷 0 陵 縣 笈 捫 炳 原 秀 辭 遠 旃 色 故 陵 圖 志 何 經 Ш 分 含 丹 松 懷 逮 舍 蒼 阡 水 曾 搜 立 櫝 鉛 煙 裝 仙 南 夜 記 纖 肆 吅 然 墳 傭 遺 潢 繒 隨 瑕 湯 斯文 展 兢 偓 典 單 身 灑 信 取 勤 特 灑 燒 孫 攻 兢 佺 霜 闊 自 偶 回 誌 埽 書 宿 潺 更 燭 實 琬 箋 執 昭 淮 此 就 惟 甘 寒 森 世 肅 湲 琰 雄 創 穆 豆 111 廛 微 長 淹 譜 郊 從 具 籩。 疊 心 編 萃 征 拂 羈 邑 址 體 仡 事 所 壞 訏 案 灰弗已 北 論 亦 拭 提 旅 漢 邸 著《 皆 班 恭 凡 勳 謨 金 費 來 多 對 懸 祖 詢 利 親 楹 圖 揚 唐 摘 例 華 餘 馴 研 增 病 古 壁 遺 利 注 耻 寢 愁 澄 發 龄 險 虔。 績 似 人 墉 迹 讓 有 病 靦 流 廟 阳 肯 之 驅 學 欲 盈 堧 必 甚 泉 鐫 赫 誤 荒 超 棄 沐 牀 勵 往 車 北 欲

> 將 翻 遊 臺 伯 刊 魄 公 磧 稽 册 甸 郇 音 除 卿 喜 雪 言 略 賴 任 服 廚 祠 垂 坐 學 蕰 資 跨 貞 Ŧi. 杳 群 足 昭 洵 娟 雖 頌 删 領 書 祖 珉 始 鷹 推 藻 倒 鳘 曠 穿 日 味 娟 皎 首 舉 鸇 H 籍 屣 韉 録 專。 盡 轉 觀 屢 桂 邦衢 把 洗 大 厓 著《日 蓽 叶 隰苓聊 遂 到 食 朱 易 贈 辣 藤 恒 竇 六 音 處 逆 不 文公曾 猶 寧 每 側 朝 舊 趨 知 解 何 兼 洪 逢 録 象 安 藏 味。 蔓 愆 囊 知 裔 哂 近 迎 河 主 乾 錢 絃 稿 老 纏 塞 採 備 浪 管 葩 晴 暇 憤 雲 騷 松 踐 力 通 暾 樂 謂 關 鄴 臨 臺 因 晚 王 韻 裝 灅 行 疎 觀 IF. 結 忘 風 阜 架 岐 宜 窮 累 詩 H. 那 澹 指 涉 儘 抽 輕 留 菟 頭 太 倡 遷 白 篇 待 爲 受 澹 裘 層 華 櫂 黍 高 光 顧 主 緣 稷 寒。 計 憐 數 淵 牽 檝 巔 祠 素 爰 遨 著

穆批:「肯、「同未畫一。」

0

草元 上。 鮮 享。 亭 善 助 馭 縣 椽 舷 悽 若 徼 寫 推 貽 誘 其 静 中 宰 形 復 水 喧 出 清 濁 先 潔 0 盍 得 飛 表 泣 抵 乖 便 俯 翩 等 谷仗陶 觴 俗多崇 檄 簪 麟 辟 深 循 絳 澗 翾 生 列 遲 寓 再 穀 恩 初 要 微 依 縱 員 表弟 瀍 神 眺 荷 集 同 奮 鴻 日 談 重 積 州 甄 覘 徑 品 墨 曹 燕 長 華 激 在 郭 鴈 衷 凌 歲 司 0 夢 滿 花 源 銓 0 陰 豪 農 曲 並 家 晨 漸 罷 控 兵 妍 0 嗣 令 衰 去 傾 公 耆 遲 盡 覺 秦, 謀 謬 飲 弦 機 回 蓋 鳳 暫 過 披 半 龔 君 許 嚶 稔 雁 居 税 畋 匣 託 遐 别 宗 及 帷 雜 任 門, 鳴 縈 曲 劍 私 野 寄 伯 狂 其 終 鯉 共 禪 中 沃 腸 侈 盟 晤 事 憶 舒 公 物 焉 顛 0 魚 醉 宅。 宵 余 牒 悲 彌 昨 亭 誅 決 情 俄 聯 眠 於 迷 客 悵 林 登 嘯 意 茅 臘 愚 陳 開 蠲 允 縞 津 殁, 慮 嵩 望 使 蒙 帶 假 謝 堂 霽 杪 0 1 頗 期 煩 遂 君 煎 少, 琴 景 纔 數 叱 宅 沾 曾 歸 鬼 眈 軼 拯 席 陪

> 齎 驚 直 訝 空 陟 芻 翰 逸 呼 途 徐公, 君 拳 陽 志 湮 走 降 布 類 絶 擬 洪 0 贵 鳶 展 歌 秋 筆 蔣 几 善 司 遺 斷 撰 耿 黄 筵 Ш 寇、 使 疇 晨 幸 邊 鳥 介 心 往 起 太史、 儒 使 須 訊 接 休 標 承 輭 抱 真 術 存 起 報 旁 沿 孤 旌 衆 疴 應 相 居 余 即 陰 國。 性, 詩 悲 板 駕 疑 痊 次 二十 茂 冰 蕩 悛。 浩 白 氊 忠 猶 嚴 蓮 漫 彼 四 當 誠 目 子 薄 鏡 網 韻 外 提 視 冠 E 夕 墓 餽 具 欣 招 甥 騰 主 八 爲 卒。 綿 樹 睽 魂 逋 俱 埏 器 鶱 戈 0 想 峰 鶴 稱 雋 2 幽 僝 鋋 葱 壑, 至 **\$** 哲 報 維 末 怨 芋。 德 姪 生 恐 繇 聖 章 巢 屈 謂 中

潘 次 + 耕 韻 己 > : 酉 耆 冬 德 自 何 淮 寥 陰 落 抵 平 人 原 倫 呈 孰 亭 楷 模 林 先

0

綿」,穆

朱

<sup>0</sup> 凌」, 穆 批 批 以 以 朱 筆改爲 筆 改 爲

<sup>854</sup> 

傳注 足 符。 深 典 班 文 掌 單 勞 斯 溢 傾 漢 高 羽 妙 (謨 瞻 經 寰 豪 勞 譽歸 歡 E 塞 車 翼 名 文 楊 緯著, 娱。 仰 雅 區 俊 雲 萬 悲 ,百代掃 知 列 礙 冠 敢 禮堂 痛 隨 擊 未 里 邊 天 海 X 通家自 論 並 微 學 驅 楫 衢 傑 隅 稽 鴈 墜,夫子實 啚 文 謹 論 趨 言 貫 尊講席 榛 盡 阮 秦關 渺 英姿識 築 才猷 北 絶, 天人奥, 先 友于。 蕪 顧 渺 交 古 才 牛 游 版 原 廚 月 欲 深 今 有 高 頻 功 鼎 精 通 0 照 乘 鳳 厚 絳 嗟 臚 昌 名遠 消 五. 鼐 襟懷 桴。 追 , 理 榆 儒 雛 平. 帳 學 身苞 岳 乃 重 陪憶 通 Ш 盛 陳、 術 賈、 契 水 作 器 爻象,鴻 小 胸 躬 廿 風 世 生徒。 殊。 造 心 雷 馬 往 夫 載 德 等 中 賦 耕 雲 略 化 歳 寧方 好 圖 地 幾 推 中 遲 廟 百 1 小 幾 樞 侍 不 郡 堂 事 原 絶 江 聖 小 猷 結 年 聞 渝 志 表 須 紆 從 子 爲 客 擴 犂 見

> 文舉 壯 刺 言 鑪 窮 叔 客 各 明 時 同 兆 懷 綈 射 慷 株 鐙 只 矢 時 來 鵬 6 感 青雲 未 袍 湖 慨 筆 枉 窮 伶仃 鳥 遥 棄 馬 盡 伏 戢 影 共 高 途 讖 知 襦 援 駕 濡 江 志 枕 有 相 堪 悲 0 依 關 詎 岐 少孤 往往 淚 吁 如 宿 秖 橘 情 淹 慈 敢 路 模 四 草 寧 愁 深 歲 母 0 畏 題 壁 糊 到 向 爲 白 等 無 月 一菰蘆 楊 子 鸚 無 素絃哀絶調, 含辛 枳 廖漆 處 日 朱 聞 鵡 流 蹤 變, 奠生芻 徂 鄰 浪 對 跡 那 秋 蘭 愁 笛 調 永 來 0 混 如 堪 到 長 淮 漏 不 叶 奴 龍 泥  $\pm$ 效 聽 思 旅 市 比 杯 蛇 枯 公 塗 落 鷓 蕭 投 食 笙 口 憶 夢 向 飄 樹 魄 筆 把 敷 鴣。 竽 半 范 餘 零 慘 俄 酒

<sup>0</sup> 稽」 顧 亭 林 穆 批 年 譜 以 朱 筆 更 改 爲 爲 「嵇」字。 `「嵇」。 案 粤 雅 堂 書》本

❷ 「紙」,穆批以朱筆改爲「祇」。

<sup>[</sup>鑪」,穆批以朱筆改爲「爐」。

0

刀口

把 遠 汶 經 弧 雕 雖 孤 道 野 服 自 蟲 生 卷 榻 黄 原 涉 幼 難 慎 碩 岢 峻 雲 德 崎 譾 安 呼 壯 窮 **黎** 崛 凍 劣, 俱 惟 牖 0 夫 測 沂 劉 贏 ? 曲 編 肯 汲 捧 糧 學 書 Ш 董 辭 夙 古慚 杖 況 白 非 亦 愚 懷 微 儒 草 早 牽拘 絶 ? 誠 期 修 宗 枯 暮 蒲 綆 遂 負 問 有 命 笈 字 鄭 横 隻 攻 窺 駕 侯 身 冬 經 豹 文 雅 盧 敢 芭 經 曼 鄙 非 愧 志 踟 去 倩 雨 全 願 小 有 龍 惜 雪 蹰 目 輸 巫 懸 傳 月月

> 葵意 遲。 小 追 周 隨 游 天 下 下 0 遍 朝 或 泰 五. 陽 爲 慰 岱 寡 寧 此 搜 岳 峰 良材 平 見 披 0 崢 生 知 歷 嶸 期 成 覽 斧 書 何 環 斤 H 當 藏 諒 觀 裹 名 路 難 垂 糧 Ш 施 險 去 天 巇 故 萬 品 里 地 园 里 歸 有 覽 相 袁 大 何

從 息 影 露 死 几 愚 東 王 桑 + 附 情 昧 0 玉 Ш 兩 榆 輅 春 緬 史 敏 度 訴 景 惟 ^ 同 戚 求 撫 拜 0 連 泣 日 裴 戚 祛 君 亭 灑 蜷 鹿 心 墓。 冥 不 П 林 淚 交, 下 馬 忘 悟 崦 先 歸 大荒 石 故 野 城 明 生 Ш 暮 惠 日 誓 手 去 墓 疇 然 滋 攀 偃 金 長 昔 宿 幺 止 詩 蹇 石 神 辭 夢 草 明 吾 問 烈 : 古 雲 西 事 廬 樹 天 秋 州 闕  $\exists$ 9 年 步 稽 花 路 非 É 古 倏 似 淒 客 9 歎 啓 零 形 生 衣 申 江

又《

呈

一亭林

先

生》

首

:

尼

父志

不

達

浩

9

陶

鎔

付

大

鑪

垂

恩

無

以

報

感

激

微

軀

駑

駘

還

賴

策

蓬

草

或

堪

扶

斧

削

資

良

匠

然

動

歸

思

羣

材

良

斐

然,

裁

成

將

待

誰

?

大

道

以

不

隳

海

内

有

先生

人

倫

之宗

師

回

車

訂

六

籍

制

作

通

神

祇

 $\equiv$ 

年

致

祥

麟

0

萬

木

爲

之萎

孤

根

獨

巋

然

知

天

未

喪

斯

惟

天

人

貫

道

75

汙

隆

宜

嚴

冬

霜

雪

集

0

0 遍 穆 批 以 朱筆 改爲

淚問遺 稔,聞亭林之歾且周歲矣。」 壬戌歲莫,余客揚 已,山史至京師,余一 比 林就居山史之家,兩人皆好學惇行, 生,亭林於當世士多否少可,獨亟稱華陰王山史先生。 外孫? 重來千里餘。 又《哭墓詩》云: 文園 書。 葉封《山 當年羊 爲 州, 憶 獨 志序》:「曩余獲交崑 見輒 Ш ·傅 神 拜 與 史 明 荒 徒 君 心儀之,顧 亦來, 輕 丘 長 恒若存,莫將 爵 淒 别九年矣, 則 何 宿 先 志 恩恩别 是 艸, 相 似 出 得 Ш 游 也。 顧 龍 更 去。 將二 亭 封 門 揮 康熙 比亭 林 禪 老 馬 有 盈 先

平定張 安丘 武 古 順德羅惇衍 道 高 鄞 肅 日 始祝 進 江 照 州 要蘇 寧 縣王梓材 趙  $\pm$ 陳 許 何 黼 慶鏞 振 紹 廷 祚 魁 筠 基 夔参訂 瀚

〇 五.

### 國史儒林傳

自 博 求 子所 言 問 命 善 與 奇 與 窮,天禄永終」,其告哀 曾子 學。 之 心 紹 士: 友 顧 人 其 罕言 則 理著之《易傳》,未嘗 芳 人 怪」之目。 荷同,惟 顧 與 顔 性 論 孫。 炎 而下,篤實莫若子夏,言仁則曰「博 曰「行己有 介門弟 , 前 子 學云 武,字寧人, 性 幾 年 茫然不 與 子言但 與天道,子 + : 於聖人,猶 其論 同 白 四,爲 恥」,其 里 餘 得 學 歸 日 初名 年 其 以 公明 莊 諸 介允 來 爲 博 解 數 貢 相 生, 絳 E 之爲 ?學有 執 學 也。 所 以 善 善之功 崑 耿 厥 博 則 未得 語 學者 相 中 命 恥 介 日 Ш 我 傳 絶 爲 與仁,夫 人,明 以 先 好 聞。 几 往 有 俗 先 文。 之 其 古 海 以 答 不 性 往 費 木 歸 敏 嘗

皆 人,非好古多聞 臣 自 罕言, 《孟子》一書,言心言性 夫子 然,聚 學 而 就、辭受、 與孟子之所答,常 章、公孫丑、陳代、陳臻、周霄、彭 不言, 如之何? 與之閒。 舍多學 有 、弟、友以 一身以 今之君子所罕言也。 而 恥之事 前 篤 加 加 賓客門人數 前 其弟子之賢 志, 講危 今之君子之所 取 是故 至 識 曰「博 也。 一於天 切 至出 與之辨,孔子、孟 以 問 性 、微、精、一」,是必 求一貫之方,置 則爲空虚之學。 士 下 學 也,命 而 人、往來、辭 在 十百人,與之言心言性 于子 而 國家皆學之事 近 於文」, 乎 不 思」。 出 也 先言 愚 貢 恒 亦 處、去就、辭受、取 也 所謂聖人之道者 言 諄 日一 天 今之君子 恥 我 受、 諄 也, 子之所 也 行 四 則 矣,乃 ; 更之所問 弗 以 取 己 其 海 也 夫子之 爲 出 敢 無 之困 有 與 道 無 恒 處、 自 知 之間 恥 至萬 本之 則 本之 高 也 去 所 窮 于 不

之五 之 彌 而 講 遠 經 空 也 ^ 虚 論 之學,吾 又 語 日 **>** . 而 今之理 但 見 其 資 日 之《 學, 從 語 禪 事 學 於 録 聖 也  $\approx$ 不 不 知 取 去

也

史 安 不 機 經 探 商 原 故 華 巧言 卿 与. 確 就 如 榷 賾 、天文、儀 體 師 委,考正 李 也 洞 實、 不 其 不 乎 吾 不 穆 微 論 而 案 自 不 以 如 不 救 楊 文 得 措 吾 滿 傅 拔 如 弊 雪 險 本 非 象、 不 假 失。 臣 筆 集 Ш 張 扶 阳 有 吾 名 所 如 河 爾 珥 備 衰 舉 關 不 楊 作《 故 堅 而 漕 嘗 岐 路 + 於 如 雪 炎 又 苦 人,皆 安卿 凡 廣 兵 經 王 廣 武 與 臣 力 蕭 師 或 農 旨 錫 之學 名 交 時 稱 學 家 然 澤 之 賢 世 其 獨 闡 篇 屈 9 溥 字 典 物 屬 務 無 精 豪 伸 云 獨 大 此 外 党英不 制 者 師 讀 長 : 仍 吾 抵 改 禮 書 者 而 而 自 學 郡 稱 皆 不 主 不改, 爲己, 卓 成 名 得 究 窮 於 如 品 謂 虚 《國 然 路 吾 天 天 懷 究 掌 斂 之 何

> 位 文 書 不 得 信 倦 章 議 其 爾 博 也 篤 미 而 0 雅 聞 稱 於 好 强 宅心 述 古 友 記 者 朋 9 吾 和 羣 亦 吾 厚 不 書 多 吾 如 不 之 有 張 如 府, 不 之, 弨 王 如 吾 弘 然 朱 不 非 至 撰 彝 如 布 於 尊 吴 精 達 衣 任 之 而 心 好 所 學 在

覽 協 本 榛 病 書 關 炎 離 音論 原。 韻 始 蕪 美 於 諸 武 書 」之説,不與吴棫本音争 成 民 撰 史、 炎 餘 猶 武 又《 生 ^ 或 啚 天 未 卷 利 生 合 别 朝 詩 邃 經 下 平精 有 病 啚 稱 本音》十 密 郡 言 者 實 ~ 肇 經 學 一, 至 或 月. 古 録、 力 而 有 利 域 絶 炎 韻 成 周 根 文 志 病 卷 武 者 者 人, 流 柢 編 書  $\forall$ 乃 其 西 者 自 自  $\Rightarrow$ 説 推 炎 書 編 北 明 少 武 以 亦 部 百 主 尋 歷 陳 至 則 全不 之 炎 精 第 經 第 老 考 傳 類 武 + +  $\overline{ }$ 韻 雖 無 索《 用 詩 學 卷 年 爲 探 取 創 9 **>** 補 利 刻 無 討 闢 撰 其 其 歷

考證 平二 禮 音 音 書 音 卷。 預《 積 經 也。 有 録 知 歷 録 補 × 史 三十餘年而 ,分部正帙 卷、《古音表》二卷,皆能 (左傳: 代帝王宅京記》亭林 明 藝文之類 炎武 其 相證 精 於 譎 州 》三十卷, 古音 又《易音 例 他著 學 確 觚 地 集 術 又撰《金  $\approx$ 0 名記》《昌 解 歐、 原 但 世 菰 作 又《 而 皆 作 有《石 後成 道 诗 即 中 尤 <u>\*</u> 趙、洪、 唐 知 是 隨 本 有 疏 爲 其 韻 卷 石文字記 筆 讀 闕 通 ,凡經史、吏治、 經 炎 平. 變,自吴才老 經考》二十 \* 正》二十卷,《 考證之。 失,@作《 之 武  $\pm$ 即 非 Ш 救文格 韻 終身精 不 水 有 周 文集》 追 互考, 及 記 遷  $\approx$ 易》 復 其 杜 **\*** 就 求 炎武 三代 論 詣 精 以 解 Ш 詩 且 》等: 古 而 史年 財賦 之書 韻 故 求 補 證 東 集》 又以 下 以 録 補 古 日 而 IE. 考 以 廓 來  $\wedge$ ^ 表》 **%** IE. 音 古 之 並 杜 本 蓋 如 他 典 日 與

> 耒 皆 臣 勘 既 折 炎 華 康 在 誡 姑 誤。 於崇 敘 陰 争 熙 華 0 騾二 葬 武 炎 有 年, 其 或 武 薦 間 陰 母 爲 初 無 與 之,並 遺 平 勿 馬 兵 平日 子 六 詔 與 禎 炎 遂 書 原大野, 部 出 載 武 + 舉 王 出 + 門 行 仕。 司 書 弘 所 嗣 九 辭 博 遊 年 世 人 務 撰 學 聞 母 未 9 被 遇 以 旋 歷 福 穆 則 不 王 等於雲臺 鴻 赴。 旌 邊 其 案: 遭 Ŧ. 合, 於鞍 氏 儒 以 塞 喪 時 艱 未 先 科 康 及 職 即 亭 歸 生 險。 上 嫁 熙二十 崑 聞 方 於 年 障 葬 又 一觀 默 守 七十 郎 明 Ш 坊 崑 修《 所 節 側 誦 呼 令楊 Ľ 召 肆 至之地 Ш 建 諸 卒 老 明 中 嘗 皆 不 於 朱 經 年卒 史》, 卒 吴 發 永言薦 斷 曲 食 子 未 注 詢 江 書 指 沃 卒 赴 祠 疏 此 於 潘 對 曲 以 療

0

<sup>●</sup> 穆批:「印林曰:此何等語?」

<sup>「</sup>左傳」二字,穆批以朱筆改爲「春秋經傳」四字。

## 神 道 表鄞全祖望《結埼亭集》

之 門 卒 及 刑 廣 人 郡 仲 或 東 徙 科 聘王 子 子 其 徐 生 按 顧 而 達 生 兵 州 察 氏 日 氏 復 者 穆 紹 部 絳 世 使 歸 未 始 芾 爲 侍 , 案: 司 即 婚 於 自 郎 江 愈 吴,遂 守 先 明 贊 徐 東 章 事 節 生 IE 善 乃 志 四 溱 德 也。 生官 以 姓 滁」之譌 爲 侍 間 及 之 先 崑 郎 紹 廕 刑 生 日 Ш 生 芾 , 爲 科 生 I 縣 左 Ŧi. 南 之 生 給 同 科 之 贊 宋 代 後 口 應 事 給 花 善 時 時 吉 中 事 紹 遷 冒 浦 由 中 濟 早 芳 應 村 吴 海

中 署 有 白 大 日 志 先 蔣 而 生字 邊 Ш 不 墨 傭 與 見 學 寧 苟 者 者 人, 異 同 稱 乙酉 爲 耿 亭 介 改 最 林 絶 名 與 先 俗 炎 里 生 武 中 其 歸 雙 少 亦 落 莊 瞳 或 落 相 子 自

粹 分 索《 質 施 人 淳諸老以 周 善 夫、倪石 T 卯 多 書 有 啚 天下 裂, 虞 行 無 流 關 共 之今日 經 後 無 利 而 太太 於民 實 西 所 郡 有 聞 前 遊 病》之餘 始 歷 又一禀於王道 北 之大言 不 若先 國利 林 成。 復社 輩 覽 而 息 經 生之利 且二十 窺 所 得 繼之,葉水心 文編 天 世自 生 可 其 之者多於見 病 + 下 尤 相 之探 合 别 書 乏 故 留 年 害者 命 説 傳 有 圖 史、 **%** 材 者 永 心 部 有 而 · 而 原竟 經 通 經 嘉 隨 然 以 不 + 以 莫 編 行 歸 而 尤 世 不 至 録 爲 猶  $\equiv$ 至 若 如 委 奇 曰 邊 成 永 少 之 精 公移、 之, 泥 言 未 朝 敗 薛 塞 者 顧 康 參 學 肇 陳 悍 古 《實 壞, 敢 艮 旁 亭 怪 之 以 言 域志 冒 之 自 障 齋 子 推 邸 學 録 功 自 甫 然 口 其 之 空言 信 觀 抄 耳. 皆 崇 當 利 以 無 目 則 時 而 宋 證 之 未 其 天 之 見 皆 南 則 禎 王 不 几 類 下 甚 考 欺 道 後 北 1 己 日 務 或 於

0

學 學 洲 於 之失 或 雖 趙 考 有 石 即 則 知 以 者 E 説 、洪、 古 文字 疑 以 蒐 來 以 所 有 世 則 唐 而 其言太過 謂 言 苦 訪 日 今音學之變,其自吴 之音,分部 參之以 以 論 甘. 據 記  $\pm$ 理 節 最 理 學 横 音 所 後 謂 唐 後 學 精 推 學 則 謂 者 浦 其 學 人 未有 者 韻 者 皆 慈 百 理 晚 亦 在 五 以 學 象 是 泉 谿 學者 益 不 足與諸 漢 經 書 IF. 正 若先生之精 能 而 Ш 古 合 黄 篤 學 袟 宋 唐 後 者 非 東 志 據 即 人之失 禪 曲 邪 以 吾輩 性 其 其 發《日 史相 而 六 遺 理 學 前 説 喜 峻 究 書 經 才 以 經 學 者 也 以 老 其 所 金 日 證 以 經 抄 也 謂 者 足 起 <sup>②</sup>下 於 敢遽定, 石 所 而 明 世 IE. ×, 欲 故 與 古 之文 口 則 以 下 六 之 不 學 自 所 追 其 今 古 時 有 蓋 不 廓 朝 學 指 安 本 知 經 復 以 有 諸 同 自 日 如 然 推 南 歸 舍 得 朱 舍 相  $\equiv$ 到 唐 歐 也 其 梨 代 咎 經 金 以 子 經 别 參 處 人

> 詳 粹言 謂 + 其 經 平 具 卷, 學 在 生學業之所 尤 即 焉 爲 理 先 學 蓋 生 \_, 先 終 則 最 生 身精詣 名 重者 書尚 言 多, 也 之書 子 而 不 凡 悉 H 經 知 史之 録 但

言之辟 卒 授 崇禎 以 念太安人尚未葬,不 沆 奉 故 褓 生 酉之夏,太安人 - ,遺言: 公兵 職 故 曰 : 死 中。 我 之, 方 鄖 九 初 則 部 郎 撫 年 太安人最孝 先 後 與 我 太安人王氏 死 直 召 口 王 生 嘉定諸 之。 雖 人 務 永 欲 莫 與 指 婦 祚 事 與 莊 六 王 事 於 人 族 幸 以 生吴 哉 + 是 既 嘗 果。 得 鶚 之守 父 從夏文 姓 先 不克,永言 然 延 脱 避 其 請 斷 0 生 受 兵 次 安 流 指 節 旌 方 次 而 或 常 年 推 忠公於吴, 及 於 以 也 年 應 太 幾豫 恩 熟 官 歸 朝 療 崑 安 養 閩 矣, 之郊, 行 咸 莊 報 君 人遂 Ш 先 中 遁 IF. 姑 共 吴 果 生 可 使 去 之 赴 起 江 勝 不 楊 有 謂 於 至 兵, 疾 兆 其 東 先 永 Z 襁

之禍,更欲赴海上,道梗不前。

之家, 之, 烈 歸 家 勝 謁 禾 家 或 帬 金 會 之疑 賄 欲 之 屐 中 0 中 Ш 人,以是 某公欲先 數 持 太守 戚 落 浮 顧 是 陷 下 先 危 之急 其 氏 衆 華之習 次年 生 甚 罪 焦 叛 遍 求 有 者 雖 不 又 乃 原 投 遊 湛 乃 殺 世 行 生自 獄 謁 之 爲 變 毒 里 沿 世 欲 之 籍 先 僞 嘗言· H 衣 舊 鄉 浪 告 豪 僕 江 水 生 而 而 江 急 稱 都 冠 里 先 曰 鄙 南 日 脃 門下 古之疑衆 不 作 所 有 T 陸 帶 生 僕 焉 拜 無 繫 T 喜 商 顧 爲 恩 通 酉, 9 壻 謁 0 而 甯 以 訟 賈, 不 其 先 海 復 次 孝 晷。 後許之, 見 先 觀 曹 足 姿 生 而 投 年 遊 陵。 者 先 生 舊 求 先 禀 先 恃 而 里 京 庚 生 行 四 即 都 遂 救 生 生 頗 豪 癸巳 日 П 寅 僞 謁 繫 畿 其 既 於 僑 亦 不 项 出 而 之 孝 某 以 輔 往 居 有 甚 類 又 抱 遊 堅 知 擒 陵 之 公 奴 T 神 遊 怨 故 吴 再 厭

浩 以 雁 先 又 史 東 拜 畿 邱 爲 揭 原、大同 而 飛 下 刺 禍 門 幸 遊 謁 之 然 愬 其 念 甸 子 於 以 生 也 之,始 直 之 長 作 地 而 江 長 直 有 也 通 與 必 白 北 陵 溼 之。 不 南 去 脱 衢 以 先 至 抵 曲 僑 以 可 志 Ш 以 Ш 得 不 Ш 周 會 生 人 居 五 甲 下 F 先 水 自 移 路 海 耐 欲 關 稽 臺 之 Ħ. 洞 辰 以自 有 白 生 圖 歸 訊 舍 懼 故 久 之 中 謁 庭 聞 未 外 松 人 失某公之援 留 次 而 孝 之東 東 四 之, 直 盡 某 給 澤 江 記 以 年, 陵 謁 吴、 至 者 每言 公亦笑 溥 之。 觀 急索 思 初 Ш 而 始 潘 復 戊 榆 者 大 陵 復 事 北 馬 先 戌 東 識 林 次 東 歸 刺 故 解 謁 子 伏 生 事 行 兵 年 日 遍 還 相 乃 「育 波 之 畢 是 思 備 六 死 歸 遊 墾 再 於 文 私 之, 陵 不 居 年 謁 使 至 墾 田 北 貞 謁 田 是 自 者 東 孝 昌 先 浙 都 於 人 先 公 田 由 書 平, 諸 章 於 既 牛 太 振 中 牛 列

寒,乃 遊。 有 從 牛 塞 羊 上 但經 未 干, 立 之淮 業 誉 則 欲 江 創 上,次年 南 居 始 代 不 使 北 足懷也。」然又 門 自 嘗 人 Ш 輩 東 日 人 司 : 京 之, 使 師 苦 吾 而 身 其 澤 出 地 中

學、重 者 聞 轂 謁 之遥,若志在四方 生 T 繋半年 録》 連 思陵。 關 遍 已,六謁 親 ,自以 天下之事 指爲先生所作,首之書 河之口 觀 萊之黄 至 處 生 几 爲得,乃以 歷 共 自是,還往 富 在 方, 思 F 平 9 氏 持 京 雖 陵 解 其 李 聞 有 清 足 日 始始 之, 因 心 之, 奴 議 則 有 不 篤 耿 獄 吴 告 實 1 警 出 河 馳 自 耿 人陳 其 他 居 始 北 户 赴 出 京 未 主 陜 諸 白。 邦 而 Ш 關 Ш 中 師 下 濟 所 之 能 所 邊 門 守 東 爲 有名者三百 生 復 作 少 華 塞 見天下之人、 謂 險 亦 告急於有 入京 所 自 詩 陰。 者幾十 秦 有 不 而 輯 請 者 過 建 華 人 師 勘 初, 慕 + 陰 瓴 忠 多 訟 年 里 綰 Ŧi. 力 餘 經 先 節 株

> 則 遊 野 便, 有 老 曰 置 遺忘 以 即 兵、 . 五十畝田於華 别貯 無 乃定居 坊肆 啖 退 足 則 此 留 以 馬 卒 中 於坊 焉。 備 詢 意 發 久不 有 其 騾 書 則 肆 王 事 載 曲 而 肉、 下 於 一徴 中 0 書 折 對 供 鞍 發 君 又 不 自 一勘之。 或 上 晨 書 Ш 餌 茗 隨 默 與 夕 而 沙 史築齋 口 所 平 孰 誦 苑 也 或 而 Ħ 復 諸 至 蒺 東 徑 之。 延之, 經 所 阨 藜 凡 西 行平 注 聞 塞 而 先 開 疏 不 甘 原 先 即 生 合, 大 之 偶 呼 所 生

書 也。 書 先生之辭大科乃二 下 在 詔 葉學 京 下 招 則逃之世外。」孝感 次年,大修《 者解 諸 先 方 大學 生 士 公争欲 日 爲 訒 士 助 庵 一孝感 徐之力 刀 請 明 致之。 答曰: 繩 史》,諸 以 熊 謝 具 身 公之 懼 在 Ш 先 徇, 願 蓋 公又 而 生 無 誤 自 以 旷 以 豫 得 速 任 欲 黎洲 令諸 我 免。 戊午 死 史 特 死 之事 薦之, 謝 事 門 或 大科 公,最 也 例 穆案: 人之 日 先 貽

我 地 横 也 諛 表 韓 林 武 講  $\mathbf{E}$ 下 其 夫 禽 高 先 之中 渠 以 文 墓  $\approx$ 不 學故 諸 馬 心 婦 覆 生 文,約之以 平 公起 其 轍 生請 贵 屈 人 文 盍 而 以生 得名 淮 先 論 文 然 欲 之 不 田 有 力 亦 西 講 爲 見 失 生 不 歸 之教 拒 進 而 聽 所 學,謝 碑》 遂 學, 作 代 知 所 笑 於 名之 之 於 人一 衰 於 天 禮 謂 日 經 招 以 此 則 贵 張 以 若 也 命 : 爲 術、 逼 之日 明 者 日 薦 中 不 禮 ? 也 而 迫 累 節 乎 此 從 ? 但 政 丞 誠 是以 爲 劉 ? 若 所 傳 作《 理 幾 則 \_\_ 則 諸 先 Ш 康 薦 後》諸 之大, 謂 日 丽 近 已 至 吾 君 斗 有 公亦 而 原 有動 盍 甚 終,之死 日 釣 X 未 孔 關 求 乎 不 道 亦 矣。 名 死 之 ? 子 學 篇 文 不 出 云『民 **>** 令人 作、 曲 聞 者 0 嘗言 足爲 之 者, 前 今 諫 矣。」 又 雖 亦 也 其 禮義 餘 靡 受天 猶 佛 況 告 强 名 徒 也 也 博 切 未 骨 之 東 威 以 華 愈 委 今

> 餘 渡 而 由 威 日 ? 河 其 ? 儀 : 之則 至 教不肅 Ŧi. 尋 近 代北 嶽 以 來 以定 遊 Z 講 復 未 方 其 學 命」, 還 將 之 春 几 華 減《茅 矣 出 師 然 下 觸 0 專 則 會 觀 鴟》之不 君 以 年 伊 子 聚 饑 徒 爲 洛 , 不 暇 學, 立 歷 欲 幟 嵩 舍 何 久 爲 問 禮 留 少 其 何

業居 卒 子 且 答 方從 先 崛 饒 每 ·於崑 徘 天 生 起 日 足 小 之,且 之者 雲 仍 試 振 先 徊 霄 之。 生 徐 Ш 其 夢 昔 渭 既 尚 如 夢 乏, 歲 |I|爲 寄 思 負 雲。 墾 書 以 孤 買 詩 至 世 歸 用 田 乾 畢 生 是 田 挽之而 尚 尼 度 世之略,不得 累 學 餘年 以 鼎 父 滔 地 飄 書 兄 養, 貴 之 滔 迎 摇 弟 足 累 轅 己。 皆 先 爲 矣。」 風 致 猶 甥 生 東 恐 不 Ŧ 雨 吾 也 次 至 南 庚 南 近 金 大 年 申 今 當 伯 歸 遂, 人 夫 故 ·, 其 兹 其 士 鸞 或 卒 未 願 隨 而 宗 之 親 加 未 於 見 安 以 遇 所 竈 串 遇 華 君 别 几 即 至

己 吴 洲 爲嗣 爲吴之長洲人,謝 漸 林 九 祀 陰。 江 罕 遠 詩 誤。 誤。 潘 文集》十卷, 可 Í. 讀 立 耒收其遺書 門 哂 洪慎之子 有 先生之書者 無 洪 人 不 子 也 慎 奉 知 乃 Ш 徐 穆案: 先 蓋 世 而 喪 而《 生之從子,先 尚 即 樞 妄 歸 指 書爲 爲殤子後 一,序 《榕 爲 日 雖 此 葬 立 多 知 村 崑 而 立 集 傳者 録》 行 Ш 而 從 生既 》有 此 最 之,又别 之千墩 能 孫 以以 皆 顧 立 言 洪 盛 寧 誤。 旲 慎 先 其 傳。 人小傳 江 生 大 年 族 以 輯 子 爲 節 高 承 歷  $\wedge$ 衍 亭 長 者 年 + 弟 其 牛

書,以 得 使 發,數十年 志於天下,奔走 庵之言曰: 不 後 掉首 起 徐尚 表見屬 少 書之 故 年 靡 鄉 推 甯 訴 冢 以 余沉 甘 流 人身負 之衷 孫 多 於客 離 聞 涵 吟 八,曾不 老 博 持 沉 久 死 而 學 節 痛, 之, ? 無 得 粤 其 子。 思 噫 及 快 中 辱 大 讀 然 9 口 已甚。 其 數 揭  $\pm$ 痛 其 高 千 出出 吐 也 隱 親 里  $\pm$ 安 之 而 莫 不 貽

> 泉 經綸 斯言 拜 以 母 其 也 銘 其 屯 庶 日 足以 被 無 愧 縛。 先 表 作 生 先 渺 0 兀 生之墓矣夫 然 兀,佐王之學。 高 風 家天 鶴 雲

> > 重

苓。 夜燭 庾 閒 辱 恥以浮言 後》五首: 此 郎 熟 卻 吴下風 峨 便唱 自 南 文後, 支天手, 眉六月雪 注: 州 面 當當 流 賦 先 志在 休 穆 直 脆 説 江 生嘗 糧 批 待 南, 薄 鈴。 生 規 祕 技 增 日 魂 多, 种 恢 藏 猶 柱 《待 「又《詩 歸 問 一共 四 歌。 能 先 或 阜 訪 誰 + 試 生 家 録 復 口 年,老投華 計 奴 天畀自 集 百 與《日 後, 此 然。 貞 1 更 》有《題 佐 孝 攀 負 王 知 墳 七字。 裾 嵯 一略,除 録 前 岱 寧 重 峨。 F 》其中 恒 四 與 聽 X 柿 嵩 是 先 痛 洒 蒺 啼 同 樹 華 黎 諸 剡 生 宗 腸。 者十之 行 蒸 中 神 寒芒 公 周 蹤 好 黄 道 可 t 自 器 紋 苗

## 何紹基顧先生祠詩甲辰五月附

罥 奠。 賤 像 趼 卷。 北 屬 廣 偏 誳 年 木 覽 空 僑 慈 譜 餘 崇崇 諸 或 亭 車 承 一 韻 揆 甓 梁 寓 公 平 林 初 爲 徐 蒐 潔 自 墜 置 森 聞 屋 諸 定 先 討 譜 盤 遴 飢 鑪 佛 本 百 \_ 此 老 生 歲 徧 薦 揀 增 燕 殿 扇 楹 載 議 儒 祠 月 益 張 辨 買 合 爛 光 小 當 張 我 肅 删 至 石 IE. 陰 書 爛 作 子 州 然 今 1 子 蕪 時 其 據 若 秋 相 乘 始 雙 寺 重 道 出 隙 博 重 暇 流 誉 且 呼 論 松 宇 義 古 地 秋 精 箭。 忭 宴。 繕 譔 舲 容 樹 寬 下 宏 徐 攜 謂 明 星 落 彷 市 稿 畚 先 緊 江 古 翁 至 我 南 月 碣 彿 集 成 鍤 4: 惟 可 所 Ш 結 塵 夜 萃 奉 猥 靈 餘 見 大 撰 城 東 土 遺 來 見 爽 斷 遺 契 圖 亭 河 四 江

> 權 韅 眩 衍 懷 先 練 恩 H 末 州 復 硯 窳 南 首 命 0 0 來 蒐 慘澹 詞 世 登 得 漢 研 被 阮 餘 小 囀 章 欽 果 啓 苦 程 遺 相 子 窮 儒 惟 力 鬥 或 事 宋 時 萬 熙 龍 復 因 經 獨 次 師 策 世 純 包 里 詩 朝 輕 蛇 调 第 記 史 何 變。 文 指 廟 雷 羣 彦 蒨 文 戰 祠 成 爲 皆 通 頗 電 年 尚 流 羅 多 0 識 未 仰 百 甸 鞭 曠 俗 兵 几 氣 寄 周 先 職 自 勒 時 朗 學 止 鐙 到 庫 刑 節 生 記 非 Ti. 顧 有 天 争 孔 亦 盛 初 禮 誠 月 任 冬 菰 待 人 餘 終 接 相 李 相 編 樂 13 道 霙 中 貞 日, る間 見 眷 矢 纂 戀 煽 尊 隆 堅 倏 珉 線 紹 無 基 兵 九 鬱 干 溯 經 語 倦 孰 驂 萬 儀 奉 飄 數 將 惟 精 積 軸 開 心 靳 古 録 命 徵 主 衆 光 六 執 忠 多 持 隨 係 明 歸 飾 春 濡 試 文 爍 書 H 聖 靷 孝 後 不 代 鸎 陃 老 衡

「蒨」,穆批以朱筆改爲「倩」。

0

一六

瑱。 堰 鍊。 羨。 學,遺書早 傳。 淵 地 分,宋史妄矜衒。 ,正路化狂 ,千士萃祕院。 敢恃 乙覽大稱善。 傳例重班掾。 元氣入人心, 從來聖道大, 君親鑒吾身,學行須貫穿。 惟兹下學事,萬古有繼 再拜别先生,歸來已寒霰。 論學采源 虚 窺眄。 談 狷。 便。 流 史筆 六藝天道 阮師撰《國 青史資爛絢。 全編有冕弁。 先生冠儒林, 且當語黔士 功名與文章, 洎 儀 與脩 徴 非 實後至 私 史儒: 史 樞,班書《儒林傳 禪。 擅。 職 林 儒 狂 庶 因 草創 讀 願 微 小 諸 林、 從 瀾 時 言 弗 傳 子 儒 以 先 實 規 植 見 察 儒 道 生 雖 始 生 踐 爲 厓 學 天 歎 懵 陶 相 林 居

# 陸稼書先生年譜定本

〔清〕吴光酉 編

欽褒大典 一五八	行狀原本 一三八	從祀大典 一三六	有司奉祀 一三五	殁後垂岬 一三五	陸稼書先生年譜定本附録 一三五	陸稼書先生年譜定本卷之下 五九	陸稼書先生年譜定本卷之上	陸稼書先生年譜定本目録 八	例言 四	述言	重輯年譜小引	校點説明	目録

目

録

#### 校點説明

嚴 乾 准 熙 七三六)追 這 畏權勢,多次上 七 正 改 「不稱 然特旨 ()進 守 列 隆二年 樣 時 隴 程 入孔 其, 人,不可 職 稱 陸 朱 重 字稼 稼 士,先後 廟 理 又御賜 天下第 其(一 加 書 贈 棄官 陪 學 任 多得了 先生年 内 書 祀,爲 辨 用 浙 閣 歸 六三〇 疏 祭文 任 别 學 始 鄉, 批 清 嘉定、 江 譜定本》二卷,清吴光 清代唯 陽 士 知 評 次 廉 平湖 康 明 兼 陸 弊 \_ 0 雍 熙三十一年 年 之學 政 禮 氏 靈 正二年(一七二四 人。 賜 任 一一人。 六九二),原 已 部 後 壽 御 四 與程 侍 去世,嗟 清 知 受 製 11 郎 縣,爲 權 康 碑 道 朱不 卒。 熙九 文,表 贈 乾隆元年(一 臣 監 歎「本 排 名 謚 察 合之 官 酉 年(一 次年, 龍 擠 御 清 彰 清 編。 史, 其 朝 處 廉 陸 獻 被 韶 康 劾 不 六 後 氏 公 而 如

> 堂文集》、《三魚堂隨 義》、《戰國 嚴 加 斥 志疑》、《古文尚 絶,清 策去 廷 毒》、《 譽 爲「本 筆》、《三魚 讀 書 考》、《 朱 朝 隨 理 筆 學 四 堂 ×, « 儒 書 H 問 講 臣 記 學 第 義 》等。 録》、《三 松 著 有 魚

究 經 同 物 從 政事 陸 濟、 如如 朱 隴 本 彝尊、 制 吕留 書爲 其 跡 度、學 生平、學 涉及 良 汪 琬、 術、 魏 隴 當 象 其年 施 術 民 時 樞、 及清 風、天文、治河等 里 譜, 章、 湯 些 斌、李 初 重 記 仇 歷史均 要 述 **鳌**等,並 政 陸 光 治 隴 地 有 人物 其 情 重 及 徐 要 乾 況 清 生 和 價 對 初 學 學 值 政 於 術 術 萬 治 研 斯 人 與

林 此 其 公年譜 鉉 好友周 熙三十 又重 列 薇 譜 署 X 後 陸 一編《年 六年 孔 刻 由 梁 隴 其卒 廟 本。 康 楊 編 陪 編寫 開 熙 定 譜 後 祀 雍 五 基 此 後, + 其 正 補 長 由 譜 三年〇一 七 陸宸 訂 吴 泖 子 僅 年 光 陸 有 陸 有 由 徴 同 宸 酉 抄 子 嘉 委託 編 徴 七二五),清 治 年 本。 興 七年(一八六八) 定,定 譜 及 吴光 知 \*, 其 其 府 後 侄 由 吴永 名 酉 陸 陸 陸 重 爲 延將 隴 隴 禮 芳 訂 陸 其 徵 其 刊刻。 年 陸 生 於 清 婿 譜 武 雕 獻 前 李 康

定 吴氏 新 本》。 的 資 遂 料 在 雍 陸 IE 清 六 獻 年 公 成 年 譜 定 基 名 爲 礎 ^ F 陸 重 稼 加 書 編 先 訂 生 年 補 譜 充

本。 徵 初年的祭文、碑文及吴光西乾隆六年「述 書 年吴光西《例言》,封 目 重 此 或 輯 陸 本又 著録爲 年 稼 譜 書 有乾隆 先生年譜 小 雍 引》、 正三年 六年增 面 雍 有「雍正三年重輯」字 正三年倪喆 定本》卷 刻 本 刻 印 或著 本, 首 林《 有 卷 録 首增 爲 雍 述 雍 語 正 言 刻 四 IE 樣, 六年 年 雍 了 乾 諸 IE 陸 刻 隆 家 宸 六

補 郭 良案。 剜 不 字號如「吕 年 除 少 入,抄本今藏 麟 譜定本》中 空 曾就《年 文 陸 字 缺 陸 稼書先生年譜 進 和 隴 晚 墨 行 村」、「 其 譜 凡是 J To 生 中 定 前 央 本 口 吕 涉 乾 黨 改 與 及吕 增 晚邨」等皆 隆 校 吕 定本》刻 但 六 補 酱 氏 留 仍 年 書 來 對 存 良 增 館 往 雍 及 不 刻 成後,發生了 從 較 IE 有 少 重 版 多, 本 弱 空 印 中 删 人物 爲 缺 時 剜 削 T 與 除 對 處 的 墨 避 多 部 形 姓 吕 有 分 成 名 留

本次校點,以雍正刻本爲底本,以乾隆六年增

者 墨 他 或 參考了 校《陸 子年譜 補 刻 文獻 則 墨 本《 印 J 無據 本爲校本(簡 T 出校説 雕 年 有 其 × 的 其年 譜 他陸氏 可 簡 相 的 補 稱 鱪 明 譜 可 簡 者 記 據 \*, 周 年譜 稱 仍 載 校 稱 梁 保 郭 加 九 本、 本し 及 留 乾 麟 以 九三年 相 原 參校本補足, 隆 本」, 校 等。 關 貌 六年 補 著 據 皆 多 中華 底 作 本」), 褚 字 本 出 如 家 空 中 書 校 偉、 周 缺 的 參 有 局 説 梁《 無 的 文 出 張 校 明 據 字 口 長 版 郭 文 依 據 可 空 玲 泖 麟 據 其 補 缺 陸 並 點 增

亦 生 年 年增 祭文」、 有司 附 年 本 補 譜 刻 X 吴氏《年譜定本》後 奉祀》、《從祀大典》、《 以 EP 辨 入,置 御 誤 爲 本卷前 製 參考 》,考辨了 於 碑 附録 文 有《欽 及吴光 之後 《年 褒大典》,包 有 譜 附 酉「述 行狀 另 定本》中 録 楊 開 原 包 語」, 基 括乾隆二年 括《 本 的 有 今據 殁 Ŧī. 陸 後 又 處 乾 乾 清 垂 疑 獻 隆 隆 恤 先 六 諭 × 六

校點者 劉韶軍

### 重輯年譜小引

來, 再三 虎故 臣 聖門宜復宜增者,定議 漢、魏、唐、宋 畢 隴 即 事,爲 詳審,務求至當不易,爲 其遂得邀恩從 今上嗣統之二年三月初吉, 集諸 而已,豈 較盛 儒 以 臣 焉。 來 於 非 諸 彝 異 祀聖 爰 説 倫 數歟 以 命禮 堂,講 之 廡 聞。 同 . 異,視 臣考古之有 皇朝 萬 禮臣議上,復 明 世 經 臨 八 準 石渠、 義 十 雍 繩 餘 折 釋 先 功 白 奠 年 衷

容 益 夕,今得聖天子 彰 造次? 宸維海 ^ (年譜》 往時 内 瞻仰 曾 編,藉 表揚而追崇之,道 以 先 草本屬吴子豐在兄 子道德文章,匪 以信今而 傳 愈 後 者 顯 朝 党 編 伊

> 有榮 《隨記》一書, 責,復 誤, 啻 者,原原本本, 訂 上 之七,其有疎 後學者 以 Щ 不 適 揚 施 斗 無 錦 殫 希 挖 而 數 考 即 州 己 賢希聖之心,非 聖天 年 核 吴 取 哉 誤者,概從芟改。 而間 之 心 夫子初涖 而 ! 子 洵 力, 疎 刊 崇 無 附以遺 行 儒 重 豐 餘 焉 重 憾。 兄 輯 吾禾 道 是 恧 同 文雜録之最 中 於以 之 編 然 小 間 9 意,下 較 嚮往先子 不寧 補 或 大約 懸之國 贵 因 舊 以 徒 據 引 傳 刻 不 鼓 切 先 聞 增 爲 , 門, 肖 要 勵 己

徵百拜謹識。 時雍正四年,歲次丙午八月既望,男宸

■「重輯年譜小引」,此標題原無,據版心補

述言

不 以 之先子 晚 執 者。 自 洛、閩,夐乎不可 娶,又皆先生外 私 少自寬 甚 少即 心 垂 經受業 不克 異 有 先大父獨 天 先 日 於人,皆 壤。 以聖賢 生殁,今卅餘 不 親 : 故 能 焉 聆先 林何人斯 自 世 能 心器重之,延之家塾,俾 自期,不求 已 時 生 孫女,故知 直 由 企矣。 者。 之 但 在 接 於 知 年矣。 康 誨 强 先 先 敢尚 煕 貫 學 不 生 生學 人知 少 之傳 初 勵 知先 先 爲 長 道 論 年 行 生最 · 貫 天 八人亦 余 德 先 間 於過 生秉 舅氏 所 孜 轢 生 詳。 謂 孜 古今, 哉 余 質 未 庭 『参也 矻 道 亦 生 先 有 先 時 余 矻 無 承 子 知 聞 生 顧 也 兩

> 學 至 親 情 讀 不 記 家 正 酒 輒 又 竟 而 IE 淺耳 了 筆 韻 史 待 心 藹 以 亦 不 移 韻》不 可 **\*** 無 亦 明 盡 時 然 年 魯 無喜色, 雖 覆 有 不倦 量 也。 得 朗 而 可 書,每 屬 所 也 每 ·書也 親 誦 起 之, 然過 此余所 契,輒 稿 喜 每 前 ,待人甚恕,又 平居手不釋卷, 必 亦 汝 與 但云 午 先生有焉。 就  $\equiv$ 精 先生亦不以 大 汝 丙午 録 飯 聞 爵 熟 星光之下 父年近 筆 大父 : 而 後 於先 必 乃 『學成 不苟,字 舉 誌 必 Ē. 起 談 於鄉 之,今先 檢 子 矣。 九 論 毅 皆 記 先 不 前 至夜分方寢, 居 旬 或或 執卷 然 尚 不 數 生 常常 輩 患 案 瑣 難 字 求 律 在 頭 飲 故 與 生 書 不 瑣 熟 犯 故故 有 工,不 遇 先 所 身 子 有 食 理 未 玩 家 生 甚 有 遺 有 先 洪 我 所 或 館 嚴 恒 傳 報 武 隨 愧 即 寢 隱 我 世

<sup>■「</sup>述言」,此標題原無,據版心補。

 $\equiv$ 

述者 末 貫,未可 ,及今不 傳、恐 以 爲 細 就湮没, 而 忽之 況道 力 無精 廳 本

還。」 於 余 先 作 喻 飫 人 則》中爲婦 厥 即 先 歲 ^ 見 自 聞 施 後 駕 親 子 生 辛 果 小 其 學 然 教 教 小 迎 再 熟 未 子 後 Ľ 周 舟 類 實 罷 啖 先 誨 於 **\*** 遊  $\equiv$ 茂 所 室 八。」由 就 生出 如 别 之地 李 强 之道 書 叔 官歸 覺 謂 述 此 視余,余自是 有 先 邀 如 語 不 先 如 所 今思之,誠 任 之, 光 生 言 又 可 飲 生 里,足不入城 壬 逐 爲,不欲 邑 風 不讀, 時 屬 醇 動 於 宰 條 申 則 霽 醪 静 至戚 在外父宅, 春 前 曰: 講 月 每 子 解 令小 不 事 ,髣髴 始得 明言 有 寓 月 覺 事 諄 不 始 味 書於 我 在 望 自 市 子 能 可 登 復 乎 也 厭 似之。 彼 ,雖我 醉 知 先 見 師 邀 其言之也 日 不 先 與 家 余 其 生堂, 記 厭 顔 是 子 當 不 又 將 取 其 色 年 數 皆 家爲 足 事 方 謂 ^ 顧 至, 冬, 行 出 往 得 以 因 内

> 親 之不幸,豈 炙之日正 非林之尤 長,孰 意 不 是 幸 冬即 也 哉 捐 館 舍, 雖

意 下 從 能 知 略 譜 志 世之學者 人 皆 ·, 亦 特 先 焉。 云 祀 如 舛 是 患 聖 生之學 今余姊 可爲 誤多 足 何 雖 好學深 廡 以 共 不 示 後 報先 患 而 非 丈吴 勉之,庶 免管窺之誚, 人法。 不 事 道 思 由 先 生 蹟 統 躬 天 豐 生若 略 之有 授 敢謹 行 在 生 不負先 皆 實 重 哉 兄 之 歸 踐 輯 述之簡端,俾 其自 然聞 勤 9 思 是 不 固 苦 生惓惓 今國 初 能 編 矣 所 造 於 刻 如 先 以 家 也 余 先 先 待 子 余 風 以 寔 生 生 後 之 敢 勵 先 然 世 有 ^ 耳 之 大 與 天 生 則 亦 同 年

拜 手 謹 雍 識 正  $\equiv$ 年 仲 冬 長 至前 日 甥 倪 喆

林

言

例

生之爲 問 時 言於外父,且 哂 **壯行之梗概**,豈 枚吉交最 徒切焉。 弟,讀書論 云萎,後學之不 年譜 淵 親 未 源、居官始卒 炙 可 介會有 進 編 久,因 冠 歲辛未,先生 謁 事 侍 顧 往 時 先生。 與 外父倪 先 必 爲 得 先 耳。 時 幸 生 舉 盡 生之 曾 盡 不 也 官 先 幸 在 出 讀 私 無 貽 生 京 此 以 哉 先 謂 賦 嗣 何 然 書,惜 師 以 孫 見 君直 生之書,飫 居 遂 先生即千古, 余備 翁, 爲 示 既 初 高 兩 勖 自 方、 同 聞 翁 君 無 余 Ш 里,生 先生 令壻 故 景 有 嘆 譔 分 因 先 先 末 行 得 流 述 聆 一之緒 哲 學凡 先 李子 傳 生 幼 及 之 悉 生 廖 慕 先 高 海 生 同

> 陸、 特 生宜 懿 竊 内 者 喜 建 行,垂之無 李 l 昔 雖 書院 從 兩 祀 適宗公來守我禾,下車 君 專祀 聖 未及先生之門,今得 知 一廡,再 窮 余 先 固 與 生。 有 執 申 志 經問字 又 請 私 取《年 既 淑 ,何異 者 格 伊 揚 屬 譜 始 不行,於是 爲 付 即 編 剞 嘉言 以 次 劂 先

里後學吳光酉謹識。時康熙五十七年歲次戊戌六月之吉

百

以例言六則附 例,表 此 及今從祀本末,另爲 卷,條理 、今譜: 余原訂 年 秩 繫 仿 刻譜 正 然。 月 李 海 果齋氏所作《朱子年 内 跋 事 至先 之願 語 有 也,今重加 原委,分爲上下一 生 學先生者焉 没後崇奉 册 與 譜 增 一之典, 並 輯 謹

1 「例言」,此標題原無,據版心補。

四

其《行 狀 生族 世 匏 欲 翁 所刊 己 所 翁 嫁 爲 集,此 自 見 先 以 叔 狀》 行《 生 名 而 威 謹 及門 一篇 悦之, 輒 咫 朱子 將 倪 余 先 作 所 謙 之冠 生攀 年譜 者 似 灼 抑 原 可 持 見 弗 · 擬 筆 弗 本 者 歸 例 敢 刊 之朱 録 謂 當 世 附 改换數語 今不 外 但 於後、 門黄 家 父 原 敢 表 倪 本 勉 没 柯 亦 貽 實 齋 兹 刊 近 先 寓 孫

意。 之最 趨 悉 封 者,昭兹來 朱之道賴以 登 先 事 ? 口 至其 之譜 大者 得 雖 原 生大 其 本 未 致 經 許 ·概置 節 得 贵 君 濟 如 復 庶 大 在 澤民之大略矣。 可 與 明 不 則 闢 展 不 不 人 録,今採 此 見 邪 所 失 論 略 學 於 有 先 説 學 存 關 兩 生嘉 以 諸 而 崇 爲 於學 掇 書,縱 規 邑宰 Ē 惠 其 橅 以 術 顧 後 學 最 次 先生 引 及 學 切 不 人 序, 諸 之 要 能 厥

> 如 所 最 故 留 加 心者, 詳 焉 又在 · 曆 法、 河 渠, 原 本 闕

久。 於至 第將 不 例 成 生捐 之日 殁後 故 而 之言猶 程、朱、薛、胡 舊 書。 漢 忍 中 立 本大全》並 先 一人因 翼、漢 謂 醇 夏 聽 也 先 自嘉定罷官後 舘之年所立,先作條 生未 之辨 ,蓋存之以 未 今所刊 其 生 勉録 集遺文 學 中年 盡 湮 廷 遇 者倘 燭 没 一條,未 之 \*, 不 兩 時, 行 本 其 所 () 彙刊 書 君篤 可 名 以爲 蔀,故 輯 思《困 **竣**異 猶 舘 也 正先生 ?,設 爲 未 於 必不 信 几 ,若竟謂之《 行 先生手 舊 日 遍 帳 邑 採 書 殊 世 勉 例 駁 閱 於 本 爲當 中 録 講 一,厥 深。 録 所 辨」。 虞 Ŧi. 講 倪 不 義 陽 謂 澤 》之名, 則 功 Ш 迨 義 氏 年 必 儒 所存 甚 席氏, 先 此 木 所 未 强 者 盡 其 陰 鉅 條 先 名 生 最 勉 與 輯 有 出 時

罪 年 奉 詳 生 録 論 俱進 教 也 於 片 之, 恐 先 ,前後不容相混 衞 失 庶 生有 毫 道 異學 苦 釐 年, 千 心 無 乎 里 度 可 ? 之 必 藉 辨 當不 知 故 口 先 譜 耳 不 生之 以 幾 中 鄙 兩 不 埋 言 學 席 得 没 與 爲 君 先 不

竣,未 增 法 梅 大 爲之點 爲 椒亭公守禾,頗 此 年譜》 先 廳 **芟數**十 趙君 但 本 原本 曾先生於浦陽、名安世 取 生 係 暇 平 授梓 魚 竄 有 郡 出 細 條 日 裳 素 尊 李 參, 而 李 所 手定, 而 君 曹 舛 屬 聞 深 刊 即 知尊崇先生,向 枚吉之手, 君 漏 爲 諸 用 資 以 星 處 不可更改過 校 抱 給 人及舛誤 所 佑 猶 訂 愧 自 草 多 也 郡 創 且 而 時爲浦 刊 公 本 李 爾 T 同 成 顯然者 進 知 刻 多 李 寧 時 參 江 遥 期告 \_0 郡 余 君 者 博 錦 云 ± 愚 質 誦 公 索 則 州

從祀夫子廟庭,名

世

大儒

與

天不

朽。

於資斧,不

克

刊

行

歲

在

甲

辰

先

生得

、是編

已

改

訂

數

年

業

有

成

緒,

因

艱

爲 訛 者 古 、先生崇尚 ,條繫緘 今本,其 夙 蓋 昔 今之 仰 (功蓋 止 示 有 先 實 道 不可 余因 生 學, 而 而 治 不事遊 没 决 以 聞 云 意 不 者 重 得 也 揚, 加 親 0 增 炙 而 不 惜 中 爲 定 糾 恨

遺 漏 者 徵 加 午 向 及 宦遊 一, 固 文,欲垂信史,則 之助我 以至末 出 從外父遊 三紀,而 ,將伯之功,亦 居 所 大異 録 鄉 参互 年 先 文 矣。 日 事 一,得 生手筆《隨 獻 少 一考訂 聞 無 寥寥,鮮 如 非 所 其略, 不 獲 是編 小 以 具,其 棋 拱 補 夢 酌 殆 壁, 記 今復得 所 楹 去留 **×** 庶幾焉 與 倘 徵 之年 奚 傳 或 書,自 据 啻 不 家 聞 外 去 百 煩 蒐 異 今未 弟 酉 朋 不 辭 幸 幼 丙 年 雍

正六年歲次戊申孟秋之吉,光酉再識

因以附見云。

之斤,自不容没,而余輩詳慎之意,亦 間多改定處,因命工重加刊正。匠 既成,未敢問世。丁未初夏,會陸堂太 誦法者 於先生爲難兄弟,而夙昔亦惟先生是 史奎勲給假旋里,持以就正。 馮受之欽中反覆證論,庶無餘憾。 有先生之甥屈學賢兆麟、屈念萱兆 詳慎?<br />
遂發憤又細加校勘,兼得我門 生爲人之詳,則編輯《年譜》,敢不倍爲 海内學士大夫,莫不延頸舉踵,欲得先 也。 浹歲而以丹黄本見貽,中 蓋太史 鳳 刻

七

卷之上

明崇祯三年庚午始,至國朝康熙二十有

一年壬戌止

卷之下

壬申止

康熙二十有二年癸亥始,至三十有一年

附録

殁後垂恤 有司奉祀

行狀原本 從祀大典

## 陸稼書先生年譜定本卷之上

先

生

封

諱

元

後

改

標

錫

字

叔

大

後學吴光西重輯

水 非 夜過 堂,名「三魚」,以父溥 六 鹽 爲 其堂,示不忘也,故址 其 陸 世祖 荇 之當 法 名顧 再就 先 「離 裹三魚塞之,人 生,諱 采石,舟 願 春 湖 京 書堵,去縣治東北 葬 唐宰 師 坡 魚 隴 明 補 公、諱 漏,跪 腹。」 析 職 其,字稼 相 平 也,有所 宣公之後,世居 東,始 漏 湖 祝 謂 忽 猶存。 縣,乃 爲 曰 盛 書, 止 豐城丞,督 居 : 引 德 , 四十 「舟 之祐 泖 原名龍 旦視之, 爲 嫌,改「龍 五. 口 平. 中一 傳 里。 , 湖 浙海 其 因 而 其 錢 則 運 築 地 爲

> 午明莊烈帝崇禎三年,十月十八日,先 生。 察御史,殁後三十有三年,爲今上 先 年,奉旨從祀孔子 生 前 卒年六十有三, 母 鍾 孺 人, 母 廟 仕 曹 庭。 至 孺 四 III 實 道 生生 雍 試 生 Ē 先

於泖濱世居。年,十月十八日,先生生

未四年,二歲。

申五年,三歲。

西六年,四歲。

成七年,五歲。

玄八年,六歲,人小學。

佻,即以大器目之。 塾師爲邑庠生彭元瑞,見先生端

子九年,七歲。

五十年,八歲。

卯十有二年,十歲。寅十有一年,九歲。

展十有三年,年十一,受學於家庭。

生幼 授 讀 詳 先生四 左氏 封 讀 ,詰朝皆已成 年 日 公具爲指示。 内傳節文》,暮 爲 子 一暮自 文,即 書、 爲 五 講 原 誦 經 解 本 既 即覓全本,篝 歸,必就封 經 封公又手録 務 卒業, 術 期 精熟。 醇 塾 而 公 師 後 故 古 燈 問 授 肆 文 其 夜 以

是十有四年,年十二。 齊輩莫不傾服。

時 君 是 也 必以大儒名世,遂以女字焉。 年 師 公亮 事邑學生 見 先 生 朱雲曾,處士 德器 粹 然, 决 其 亮 異 長

午十有五年,年十三。

未十有六年,年十四,丁母曹孺人憂

先生哀痛擗踊,不異成人,動與禮會

蓋天性然也。

申大清世祖章皇帝順治元年,年十五

西二年,年十六。

時兵荒相繼,泖濱地界江、浙,盗二年 年十分

多。先生隨封公倉皇奔避,而讀書仍

不輟。

成三年,年十七。

对五年,年十九。

丑六年,年二十。

寅七年,年二十一。 赴嘉善蔣氏館

賊尤

明 流 不 南 先 也 經 Ė 。」慨然就 是, ,延訓其子道 司 即即 李闔 蔣 己卯歲,先生伯父墨濤 文琢 有隱 門 焉 殉 聞 居 節 先 隆 友 生 教 時 之志。 人品 先 先 生 生甫十 目:「 學 逮 問 公燦 是 歲 是 迥 我 越 嘉 痛 以 志 時 善 濟 傷

卯辛 年,年二十二。 赴 嘉 善 李氏 館

之下, 嘉善處 因作《危樓文》以 士李 荆 樸 延 訓 見 其 志 子, 館 於危 樓

辰壬 九年,年二十三。 封 公家貧,因 命 正月,就婚朱公亮氏 先 生 就 婚。 十二月,長

是十年,年二十四

女生,後適

金

山

衞

庠

生李

午甲 有 一年,年二十 克。 改館 李 氏。

李 延 訓 赤 茂 其 煒 子 亦 光 嘉 堯 善 應機 仰 先 慕 托 先 人道 生 師 意 範 欲

> 生 使 我 E 有 : 以 我 謝 固 主 願 往 但 館 穀 不 口 有 加

先生顧 去 西 就 按 概 以 辭 可 不 少 知矣。 可 而 有 就 加 多 爲 世 約 俗之常 其 審義 情 利 也 决

未十有二年,年二十六。

申丙 有三年,年二十七。 補邑庠博士弟子員。

酉丁 有四年,年二十八。 應 鄉試 下第

進

士也

有《明

史紀

事

本末》行於世

時

學使者爲谷公應

泰

字霖蒼

豐潤

名

先生既 貧 清 領。 哉?」又云: 賤不爲不幸。 取《大全》諸 匪 因云:「大丈夫生乎 異人任。 不 得 志 一自 於 書,反 今日之憂,豈 量 此 有 學 囊 司, 業 覆參 螢 益 映 未 斯 發憤 雪 能 訂 世, 之日 過 爲 攬 得 下 温 轡 其 帷 則 澄 要 讀 飽

陸稼書先生年譜定本

所 範之書,我寔不 九 怨 掠 疇 天 」, 夫能 自 尤 人之 訟 云 日 行 疇 也 能,故天靳之。」  $\overline{ }$ 範之道 書 歸 **\*** 日 途 者, 天 書 乃 錫 籍 錫 爲 禹 以 洪 游 靐 節 兵

+ 月,歲試一 我 字,便如 谷 公評 IE. 以 不 其 爰居 類 文 等第二 賞子。」 之駭 日 : 名, 鐘 胸 是 鼓 補 無 月 矣。 廪 寸 次 膳 書 女生,後 磊 生 落 見 英多 不 適 類

成十有五年,年二十九。復館於嘉善李氏。

邑

庠

生曹宗柱

秋

作銘自警。

戚 以 葬,天下 其 殉 讀 辭 無 又 書, 日 :「《洪範》六極 涯 日 後 變 之慾,而 世 化 待 生 氣 汝 質 者 喪 治 待 當 厥 汝 汝 斷 志。」又因 弱 養, 無 不 居其 或 斷 死 輕 者 爾 爾 待 自 身, 汝 貽 所

> 恕 何 而 而 之學, 自 批 反 點 相 之, 日 去 : 墨 天 自 淵 未 覺 乾 克 朝 己 夕 而 復 而 忘 禮 思之, 之, 主 謂 數 敬 之 日 行

亥十有六年,年三十。

子十有七年,年三十一。二月,子定徵生

赴婁邑周氏館。

松 婁 季 知 郡之士 邑 也 名 處  $\pm$ 聞 趙 周 先 孟 魚 生至 韜 裳 延 鳳 訓 翔 執經者 其子纁,凡三 旂 甚衆 公 慎 徽 其 載 最 昆

丑辛 有 守 題 先 守一心以爲應物之本。 其 八年,年三十二。 生 自 、空虚 因 記 拈 其 無 「告子 篇末云 用 之心,不 日 「告子 作《 不 管外 告 得 蓋 子 於 不 即 陽 面 言二 是 近 明 日 只 如 辨 姚 是 禪 段 欲 家

之執 天資 故 悍 事 大 自 不 絶 之學,然 抵 之心 得 告 不 告子 柔 子 抝 陽 從 處。 有 弱 明 者 言 而 不 不能知言養氣,故未免自覺 者、又爲委靡 天資 應 天 雖 又告子天資 得 ,始乎陽 與 、資 事 覺 事 而 不 高, 有 上照 則 冥 如 不得,終於固 又爲 故 明 然 陽 管。 終乎 但 悍 高, 明, 矣。 介甫之 守 然 待其 故 其 則 而 介甫 成執 遂 心 E, 久, 執 守其 爲 亦 者 抝 抝 介 能 以 亦 也。 矣。 心, 甫 不 應 有 冥

卯二年,年三十四。赴邑中倪氏館。 寅聖祖仁皇帝康熙元年,年三十三。

賓 孫 园 冠 翁得 主 孝 云。 相 廉 先 其 倪 得 與吉甫 生 甚 公吉甫 指 歡 授 公談 延 館 謹守家法,爲 訓 於倪 論 其 有足 子 者凡 淑 垂 則 七 及門 字 教 年, 砭 貽 俗 之 貽 孫

> 其子 年近 瞻 必學 涉 以 所忌 譴 不 亦 此 戒人曰:『莫道 者,悉筆之《隨記 游 開 知 有 詼 至言 此 九十。 戲之言,斷 最 此 守 静 諧 成 孫 孽,莫甚於 便 如 微隙者, 縣 音 利 人便 輕 顯 穆之士, 也。 恨 見言 薄 者 西中丞公之後,賢否不一 静穆,未 口 不 乃 况 輕 甚 0 其 能 語 不 而 爲 在 口 忽,其 是 見衆 可 忘。 祖 可 今已絶矣。 和 尖酸者,罕有不 「我閲 我 詼 嘗 懼 父皆 出諸 衆 無 其略 諧, 不 也。 詼 嘗 亦 耶?」又云: 可 心之言 木訥 諧 見朋友 其實 人多矣。 何取於此哉? 口 見 日 中正之士, 0 便 : 重 者 嗣端 是 嘗 吉翁 爲 於 往 也 或 記 輕 人, 效 吉翁 · 逢 之無 往 薄 , 犯 永 云 人 惟 天 何 有 則 0 時

<sup>■ 「</sup>瞻開」,原爲墨丁,據《三魚堂日記》補

誠 忍 不 皆 甚 時 齋 至 訥 之矣。使吾稍 日 自今思之,亦 在 後 合之時,色爲 聖人論孝曰『色 至 村村 酒 馬 不 時 可 動 爲 也 家灣, 懼 不 能 教 十年前 貴 轎 於此。」 者犯 居 非 0 從 合於理,爲 誨 平, 也。」又云: 其 盛 讀 即 之。」 亦 德 容 人命 偶 書, 漸 真 由 敬 尤難。 觸 事 見能 先 齋 Œ 訥 與 又 嘗 此 謝 八之計 惟 賴 生日 難 真 云 以 乎 盛 之。 漸 秀才,其 「昔趙 人 言者,常自 自 其 拙 」,當親 ! 糖 德 孝道 齋 所嫌 不 較 謝 者 駡猶 亦 食 聞 施 以其 故 可可 過 如 漸 何 粉 必 至廣,凡 之 存 詬 而 人 人大罵 心與 也。」又云: 人當 齋乘 病 不 和 見 日 專 梅 惟 E 及父 恥 止 顔 乎 . 惟 誤 爲 己有 若 自戢 『吾累 色,至 從 轎 不 ? 知 蘸 諸 後 拙 出 母 舉 數 者 漸 硯 生 不 吾

> 之專。」 墨, 此 雖 食 不 竟 可 面 爲 盡 訓 墨 然 不 亦 可 知 想 也 \_0 見 前 先 輩 生 用 云 心

此,亦 酉按: 聊 吉翁所言,皆同邑人事,先 備文獻之闕 耳 生記

增 定《四 書 大 全》成

先生 生 暑 注 疑 多 是 生 1,至是 \*\ \lambda 猶 晩 精 缺 而 者 未 以《 非 年 略 力曾萃 淺説 附 之説 遍 自 耐 四 焉 因 閱 謂 》諸 書 書大 標 猶 嘉 輯 於是,遂 成 其 自 是 書之有合於《章句》、《 隆 未盡燭其蔀 全》 戊 書時 精 先 以 戌年始,凡 要, 生 鏤 後,改 于 書 殁後 採《 版 間 程 行 蒙 、朱諸 7,及門 去 有 頭 世 引 换 繁 六 取 × 蕪 面 閱 猶 儒 然 念 ^ 先 有 寒 集 存 似 先 尚

0

未 序》言之甚 愜 意 者 詳 因 載《 顔 E 文 ^ 集 舊 学 本 大 全 **%** 有

何 然 柢 酉按: 列 讀 説約》耶?」 義門, 於簡端,義 此《序》,幾 日 深厚,何是 亡友趙子魚裳 吾固 語 次 疑 門不爲 及 失先 書去 趙 先 是書。 因 生之學不 生矣。」今此《序》得 取不大遠 出《序》示之,何 無助 云 何云: 云。 「往 止於是,不 時 於楊、 完先 旂 生 公 恍 顧 根 晤

《四書講義》成。

未 見 集。 先 屬 有 明 草 季 定之書 發 生之學,由 閲之易惑」,尤不 僅 數 常言「此 紛 明 然 書 也。 雜 理 章 出 及 博 書所收 ,今所存者 之講 晚年 有 而 待 人。 章 有《 駁 輕 甚 辨 僅 以示 輯《大 亦 困 一雜,若 者,亦 有 靡 勉 「南宫适問於孔 人,蓋 不披 録 全》 中 学之 並 覽 時 先 無 録 作 生 定 間 於

> 子」至《 之不 試 記》 而 木 細 殁 勉 甚 按 容輕假矣。 論 録 詳 所 其 語 ×, 立 作 篇 及 殊 末 作 書 門 失 書 之 册 顧 先 條 係 例 以 生不 例, 晚 所 筆 年 輯之《 手 當亦 之 輕 筆 於 示 曉然於名 未 末 人之意。 講 及 年 義 成 ^ 當 隨 書

釐正制義體。

得 侔矣。 業 志 沉 歸 故 顧 股 先 鉅 也 人闡 今所 諸 生 正 矩 其 宗。 以 家之文,去貌 矱, 鹿 辭 傳四 習舉 然不合時 平。」亦 大 曰 視 先生因 一力追 : 書文 業 初 年 者 蘇 可 成成 細 好 稿 風 雄 錐 想 取 赴 書十二字於寓 弘 奇 皆 氣 人, 函 見其 神 放 以 日 省 理 膽 自 靡 來 就 精 壯 關 之文, 遺試 成一家言 王 法 年 非 塞 老 邁 先 唐、馮、 爲 往 大不 項 壁 擯 民 之 船 舉 不 Mi

展三年,年三十五 《性理諸書彙編》成

《治平略》等書,手自 時 彙 大全》、《文獻通考》、《大學衍 成 制科改八股 編。 古今得 爲策 失 論 抄撮 異 先生參取《性 同 分門 瞭 如 義 指掌 叙 補 類 理

非 僅空言 ,可資實用

已乙 四 年,年三十六。

午丙 五 年,年三十七。 領 鄉 薦

潛 主考官嫌濂、洛 中式第九名,主 江 劉公廣國 ,同考官爲 一考官 、關、閩字 爲 丹 蘄 徒 再 張 州 公玉 見 程 公伊 疑 書 有

趙公耐 孺奎光,常州 人。 力争,以 爲 可元, 華

弊,同考官不能

執

論

幾見

遺。

賴

鄰

房

得 知 尚 雋 實 學 揭 ,前疑 曉後 ,諸公見先生 頓釋,交慶得人。 悃 幅 無

公車 北上

> 記 碣 轄 凡所經之地, 学中 界 或 址 訪 至 之父 流 必 傳 老, 詳誌 古 以 蹟 其道 徴 處 信 又 里 焉 必 遠 按 近 詳 之 及 隨 碑 所

末六年,年三十八。 下第 南 旋

合 出 不詳覈,筆之《隨記 都 ,漕運之古今異 由 水路 南 旋。 同 於水道之 及名人 其隨 處 事 源 留 蹟 流 心 經 分 靡

六月,如慶元。

濟

如

此

路踰 不憚 慶 時房考程公爲慶元令,先生往謁之。 元,路 跋涉 仙霞嶺,歷 極 (),徒 崎 步以 嶇 浦城、至清 轎 赴 焉 役至不肯行,先 河。 自 此 生 至

九月,自慶元 歸

時宅南二 里許爲江、浙往來孔道 足,以其

人之田 免。 客 窘之,客計 從 逼 他 感 於 道 泖 激涕零而 先生聞之曰: 也 行。 而奪之牛 無 邑令設 有 所 去。 上洋 出 也。 栅 「是所 餽 客 以 以 私 諭 譏 角之所 越 里 謂 往 焉 人還 牽 來 牛 有 里 客 所 以 乃 民 舟 餽 蹊 得 大 俱

申戊 月 七 閲 年, 天 文 年 三十九 仍 館 於 邑 中 倪 氏

六

言 地 靡 震 不 故 · 畢 覽 也, 折折 自《史》、《 衷至當 漢》 以 F 星 曆 家

七月,子宸徵生。

西八年,年四十。四月,赴館。五月,有感以

自警。

時 有 刻 者 至 有 陋 負先生者, 在 者, 我 不 在 我 可 第自 以 不 刻 可 警曰: 以 加 之。 陋 處 「人之待 惟 之。 自 處 有 於 至 我

> 盛 若 與刻 責 此 怨尤 即  $\overline{ }$ 若 君 春 何 輩 不 禮 其招 以此 子。 吾平 見 秋》之義: 效辟?』 人亦自 所 口 彼 爲 也。 之 思之,人生何 大《易》 耶? 生 尤 陋 忘 苟 所 斯言 而 與 其 我 不責下責上,不責 自 ^ 叢 刻 陋 傳》 亦 之義 期 可三 怨也多矣。 效 與 但 待者 日 刻, 其 時 戸見 : 復矣。」又 陋 可不戒謹 我 何 不憂衰 但 楚 與 如 之 覺 辟 ? 刻 陋 即 我 我 焉 與 之 小人 而憂 無 乃 日 ! 刻 陋 效 旁 論

八月,有感以警官邪。

其是 造 時 爲 職 斷 邑令 爲 俱 也 彼 先 非 無 徒勞?』是不惟失職 瞭 以 生 賄 而 然,爲 賄 以 者 日 聞 賄 私 焉 先 適 作 心 生 民 縣 失 且 間 所 其 官 不 有 熟悉者,令竟枉 悦 職 爲 矣。 。 日 民 事訟 且 : 斷 乃 忘 曲 于官 我 有 其 直 職 何 兩

矣, 廿 七有 岢 不 感 謬 而言 哉?」先 十日 生 自 而 注 其言 日 . 八 月

+ 月,再赴 公車

戌庚 九 年,年 四十一。 一月,捷 南宫。

肇昌 吉、海 魏 會試 公裔 中 豐 介、合肥龔公鼎孳、高 式第三十五 王 一公清 同 名,主 考官 爲 考官 黄 平 出 田 爲 陳 栢 公 逢 公 鄉

三月,賜 甲 第 七名 進 士出 身。

畢 行禮 位 初 ",隨 軍 畢 日, 榜 東 ,殿 出 殿 雙 E 西 試。 至 傳 東 皆 策問 黎 長 立 明 安門 書 F 9 進 外懸 · 皆 至 初 四 跪 太 榜。 受 日 和 殿 起 傳 初 前 就 臚

黎明

至

午

門

外

行

禮

隨

更便

服

至闕

日

至

禮

部

領

恩榮

宴。

初

+

日,

領賞

左門

候内

院選

庶吉

士;

+

Ŧi.

H

黎

明

爲 臺 監 至 午 F. 謁 釋 設 門 褐 先 酒 外 師 餚 謝 廟 恩 9 拜 退 畢 + 至 六 拈 彝 日 花 倫 辰 易服 堂, 刻 見 而 至 祭 出 或 酒。 是

四 旃 月 後字松伍 出 都 南 不 旋。 遇。 晤 Ŧī. 其 月,至常州, 尊人止 安先 訪 生。 趙 公慎

官, 於逆旅 孫計 縣 常 科 口 趙公名申喬 立 做 以 親 適 州 無 心 官 名 爲 乎?」又曰: 負心。 卓 爲 因 繼鼎,崇禎 特 如 同 ,重其人品 第 異 留 造 做 榜 升兵部 飯 訪 文, 武 進 苟負 事 焉 諄 士; 進人。 要 到 諄 庚 心 端 「官不可不清, 反 主 計 而 辰 不 以 以 方 覆 事 其 未 進 能 古 全官 先生人都時 思 必 談 歸 士 兩 道 見先 維 已 論 全處 「獨不 相 爲 因 歸 契 勖 生 公安 見 合。 又 也 能 爲 藹 其 寧 日 曰 清 子 失 知 然 尊 是 過 遇 :

謬 數 方 挑 時 即 户 無 食 弊 不 時 莫 必 矣 又 而 逃 從 敢 算 用、用 能守 業 以 也 日 佃 臨 义 田 絶 欺 所 辨 法 户 之所 肯 户 比 不 先 之又曰 亦 佃 者 不 其 圖 道 能 皆 支 舉 士 人 可 生 之田 在 差 不可不學, 미 逃 義, 唤佃 吾 莫疑之道 摘 自 傲 不 人 必 逃 與 云: 需 又 出 胥 初 積 包 不 若過 官爲立 人。 清 户 日 一微 吏與 此 願 吾 久 攬 逃 至堂上, 而 官 法 在 輸 便 納 糧 也 算法 於防 彼習 此 傲 須 之關 在 公安 指 户 契以 先 銀 設 不 處 取 公安,凡受 合 之 然 爲 贖 立 荷 閑 知 能 魚鱗 最 禍 説 責 業 時 糧 契 圖 與 逃 熟 錢 知 難 之 X 其完納 户 次 之, 户 差, (穀者, 黄 凡 錢 縣 雖 則 非 道 册 , 可 稱 官 其 此 穀 遂 知 無 故 爲 X 疑 世 詞 府 庶 差 之 無 幾 侵 未 平.

易註 者 暇 訟 吏,何 又 則 地 又 令其當堂具 民 詞 明 1,然後 一、代爲 女妓 某 日 人 日 心 而 必 之出 誤,此 積 去者 一,不優禮 在 上 越 如 吏之 召 「今之縣 公安, 自 陰德 司 訴 昔 具。 起 息 而 與 下 無 之 不 必嚴保甲。 勸 解 異 又 者, 詞。 縣 所 今 積 受而審之, 能 朝 之,告之以 凡 鄉 H 日 提 容 其賢者,何以 陰 令, 不索詐 尤 越 之忿 由 良 人之至者 不能 某 在 德 訴 是 庶 惟 上 者,臨 者 愛 爲 可 人 官反爲之奔 具詞 有 司 保甲苟 吏欲 只只 紳 無 無 愈。 責 與 官 逃 下 衿。 敢 ,皆有稽 其 其 府 在 者 人、 起 縣 息訟 激 往 者之患。 越 受 曲 之 愛百 嚴 提 解 盜 往 紳 口 辱 不 勵 訴 而 凡 時 授 命 案 者 能 越 則 有 於 姓 本 最 审 女 懷 不 明 官 盡

法矣。」 必 服 賢 宰 我 者 坐堂上見之,必服青, 見之於賓館,與之坐。 武進 乎 ? 時,秀才以文章見者,必 昔 君 鄉 先 達馬公培原 必跪,此 以 事 干瀆者 可爲 嘉 使公 植

聖 筮 書 於庭訓者深矣。 君 酉按:趙公之言,字字 祖 仕 子 之一助。 通 之用 ,爲時名卿 於 座 心 右。 也。 而 大司 先 知 有 其 生筆 臨 農慎旃公之受知 淵 民 可 之責 源 之於册 壽 有自, 金 者 石 得 亦 宜 真 力 爲 各 古

自常州歸,家居課子。

亥辛

十年,年四十二。 古一《 説 是 居多 書取吕 四四 書翼注》等書,并 0 晚 他 邨、仇 如 輯《 熊 伯 74 滄 甘 書 柱 講 時 兆 几 義續編》。 藝 書 中 鄞 繹 縣 有 刁 可 蒙 取 之

> 讀者 意 書 者亦録之。 乎 即 能 1 今坊 分别 刻《困 然與《 觀之,庶不負 勉 前 録》之後六 編 總 先 屬 生閑 卷是也。 未 定之 道

子十有一年,年四十三。夏,如郡城。

濱日 晚。 先 生訪 鈔 学中。 時往 吕石門於禾郡 復,皆 遂輯《 關 問學録 學術 彼 人心。 此 恨 相 詳《 見之 衞

《問學録》輯成。

先 同,不可别立宗旨 是與石門 之階,深惡 生 東髮受書, 語,3 益 講家 與 即 信 厚誣 作 知 吾道 宗 文之背注 尚 天下也。 不孤 朱 子 心 者 爲 遂 理 人 本 聖 輯 至

<sup>■ 「</sup>吕晚邨」,原空缺,據乾隆六年本補。

③ 「石門」,原空缺,據郭麟本補。

抉 成 者得不惑於邪説矣 是録。 其 疑 似 而 嘉、隆以 剖 其 是 來 非 陽 遁 儒 辭 陰釋之學,悉 知 窮 而 學

月, 如淮 上,遇張 公繩其。

清節 生 張 公,湯陰人,順 云 名曾祚,海 ,爲今日 聞 張 治 丙 言 中 寧 戌進士。 流 人,先生  $\pm$ 伯 砥 柱 勉 ,使人聳 名。 同 年 東 友 籬 也。 然。」王 字。 之 先

九 月, 南

丑癸 有二 年,年 四 + 四。 《戦 國 策 去 毒 》成

定徵 毒 編 學 先 以 年 者 生病 不 次其 人耳目 見全 既卒業,乃選《 世 此 之 先後,詳 書皆縱横家言,文章之奇足 經 ,機變之巧足以壞人心術, 選《 因 左 手 一傳》 加 録《 國 者 論定,名 左 策》五十篇,以 憑 傳 臆 》,授長 删 日《 節 去 子 使

> 公無 定徵 共讀者 子弟識 以 之精云 鮮 中 婦之道 大有關 矣。 其 次 毒 Ш ),如厚 鵬 當 讀 , 指 也 見 於 未 之。 時 曰 示 世 : 惟 定 有 其 味 道也。」彭公亦深服 跋 後 孟 而 得 中 此書之作,頗 載 官都下 讀 子一人 有 失,庶幾 之,其不爲 大毒焉,故 文集》中 視儀、 嘗語 嚌其 , 愜 莆 秦 取 漸 至 味 鄙 義例 是 爲 染 田 而 彭 命 所 妾 不

寅十有三年,年四十 Ŧi. ^ 隅集》成

深虚 精 年, 殫 僅 時定徵 精 ,故擇此數十篇授之,且爲指 而 十 實、 敝 神 餘 將 賓主反正、提挈照應之法, 切 篇 于 習舉業,乃 經 時 先生云:「吾見 史皆 文中, 不暇 積案盈 訂 是集授之。 讀, 箱,矻 讀 人 點 亦 家子弟 其 不 矻 淺 暇 窮 文 使

聖賢 有 其 序》載《文集》中 餘 因 力讀 此 全 此 舉 擴 學 天 而 亦 下 隅 充 可 應 之, 以 稍 讀 則 隅 救 之書,得從容 時 反之意 俗 文之 學之失。」有 規 也 矩 講 庶 盡 究 幾 是

+ 月,戒酒

弟 酒 先 仲 極 尚 歡 弟 生素能飲 殁,竟終身不復 一字 桓 但 木 於壁, 温克之容始終若 於 親 酒 以 而 朋談讌, 身率 墮 飲云。 河, 之。 先 亦 未嘗 生 不 耳。 遂 數 不 年 時 戒 仲 而 興

卯乙 + 有 四 年, 年 四 十六。 正月, 人 都, 過 郡

城

晤曹公秋

于寇 嶺之脚 曹名溶,秀水人,時 事之壞,皆 使早 夫 萬 由 收 餘 不 拾其 因 能 亂 收 耿 心 無 拾 而 寇作亂 所 人心。 用 得 之, 食 何 曹 如 而 寇之 仙 言 盡 歸 霞 時

> 不 可 平 哉 ? 先 生以 其言爲

一月,至揚 州

養矣。 猶 平 懷。 賴 先生跨騾 常常 如 此 其 方 在 寸, 我 一首云: 家 入都,有 今跨騾 鄉。 養之有 閲 北 亨 此 微 所 屯 感 長 可 萬 觸 随 以 事 每晚 遇 執 覘 正 去, 卷 先 難 對 生之所 遲 量 詩 先聖, 速 以 所 總 寄

公尹 三月,至京 和 師, 赴 部謁選。 候李公易齋、 屠

致大 士皆 帖 經 漢 後 李 名誼 略 家 式 中之變起 莫洛 變。 不平。 於 以 秀水, 下 高 命 蓋 陵 皆 進 又 於不 經 俱 坐 人。 勦 其 略 同 不 漢 能 他 爲 爲 屠 中, 年 待 駕 人 禮 名 同 之 馭, 廉 謁 又 多 見 懷 潔 時 良, 選 不 愠 經 而  $\pm$ 者。 堪 略 錢 ൬ 短 輔 唐 出 於 自 李 臣 筆 應 遂 奉 軍

質,有 忠云。 性,若 顔。 云 責己」,皆御 得好。』於所坐室中, 不多,所 無 豐,歸安人。 爲?」尹和之言,蓋得之其族 外 氣質之中,二而一者也。』上曰:『這 以 吏,外 愛己之心愛人』,右曰 四 『性本 坐 可 見章奏有『德 戕百 氣 處 字芝巖,鄞 環 以 質之性,便不 也。 個 吏以不多 之言曰: 聖 姓以 説 列皆書籍 性 筆 日, 屠言 愚 乎 相 縣人。 自 ? 一樣,但 奉 近。』上 命講『性 書 邁 : 游客, 豈仁人所 對 交京官爲 顔日 「今京官皆仰 朝廷勤 二帝,功 , 尤好《 又述孫 書法 能 曰 : 曰 『以責人之心 『敬天』,左 此 相 : 樣, 亦 學,前 「理 論 理 性 近 給 公屺 髣 過 義 然 理 也一, 妙。 理 事 髴歐 義、 義 即 却 古 中 給 王 瞻 説 遠 對 Ŧi. 粹 忍 在 氣 於 所 又

> 明 謹志之。 解完,方許計及。」此又不可不知。」 集》云: 『存留支給 之當極嚴,又當體 下,則惟 戒 「工食固當蚤發,然讀 屠云:「工食當蚤 羣 聰 語 所 臣 謂 以 在勇斷耳。」先生樂聞 望 語屠云:「居官之道 後不許 二帝三王, 豈 聖德 更進, 如 發、全發。」先 其 項款,必京邊 此 仰 蔡公士英《 振 事 性 朕 朝 俯育之 最 所 綱 一,衙 其言,因 寬 能 以 生 大,最 過 兵 及 撫 一謂 情 役 餉 待 天 江

往見陳公省齋。

熊 問 往 鹿 感人。張幹 陳公爲庚戌房考官,言熊敬修 候 尚 以 洞 簡默 講 寶鷄之政 之,猶惓 義 而 跋 臣貞生、廬陵人。 \*\ \!\ 惓 張 聖 樂以告 陳先爲寶鷄令。 言之不 門 戒 己。 律 人。 皆深 相 大 張 甚言催 示 於 出 病 賜 理 其《白 篤 先 履,孝 時,

言 呼 然。 恐 牌 於 各 糶 能 奉 日 方 晨 布 不 嚴 原 從 事 悉 里 縣 賣 完 行 嚇 少 雜 有 口 有 鄉 司 點 輪修 號 事 躊 長。 物 舊 專 牌 可 民 又云 躇 原 農 欠 愚 皆 逋 事 謂 銷 甚 所 而 糧 寶 牌、 之 魏 者 夜 敲 位便之。 吏 邇 准 而 費 催 貧 公象樞 書 患 半 扑 言 鷄 催 有 尤 收 比 牌 户充之, 做 佐 必 催 當 牌 躍 納 當 當 於 未 先 察 官 未 貮 用 牌 又 設 然 委 字字 里長 必 生後 銷 有 不 皆 數 遇 曲 或 法 日 環 又 有 可 准 千 府 發 極 以 通 勸 . 僅 光 奸胥 有 號 宰 輕 蔚 給 署 諭 夫,舊皆 爲 工 骊 師 什 催 得之矣 兩 易 糧票,皆 傾 食 州 勢不 門 迨 之二。 便因 催 其 如 邑, 人。 出 圮 注 或 牌 極 豆 牌 人 銷 得 之 私 例 麥 隨 貧 有 之 歡 明 原 如 極 又 不 派 應 時 粟 不

訪 利

類

思

講

曆

法。

辨》爲 利 轉 然,深歎西 宫之疑 盤 大 洋 此,若渾天 在 其 數 洋 先 垣 君 卷 從 外外 天 E 以 生 種 人 將 外。 來 置 問 外視之也 半 欲 曾贈 利 贈 盤 十八 爲 會 星 吅 究 利 觀 類 中 在 以以 圖 星 之, 曆 思 渾 儀 法 空白 星 其 卷 宿 大 本 法之 利 啚 天 曾 南 則 下。 故 先 9 吅 在 出 以 黄 未 之 又不 球 懷 生 則 以 其 有 蓋 詳 天下,今却 中 象 赤 紙 易 蓋 仁 時 曾 此 所 時 古 其 星 道 如此。 地 吹 盡 刻 地 亦 因 書 以 學 辰 所謂 製 西洋 簡 平, 於 鑿 本 游 可 歲 相 盤 如 平 其 考。 去 在 天 渾天 差 人。 贈 利 渾天象者 又南 鷄 規 Ŀ, 午 未 在 天 主 及 單 贈 卵  $\wedge$ 知 中 未 閱 天 堂 不 太 球 讀 以 亦 東 曆 敦仁 間 用 數 陽 得 之 内 有 半 今 畫 西 法 見 法 日 楊 豁 外 過 己 時 如 以 却 斜 書 在 西 西

之注,蓋 法 約 象之法」二卷,丘 九分也。」先生因 分,蓋度自度,日自日 分,如何云五十九分?」利云::「西 襪 吅 交」注,而不 日有三百六十五 引數、根數之談,俱爲海 光 云: 日 以 先 及 日分爲九十六刻,一度止分爲六十 Ŧi. 如 躔 + 耶 之説 此? 一日爲 知 表》,始 九分。 穌 平行、實 瓊 太陽 方行, 降生之説耳。 西人之不可信,特亞當、 Ш 取 九十六刻,則疑 知 亦 《堯 在 竊 郭 未 行之説 士子爲《 本道,永久 瓊 思《大學衍 故 疑 八典》天 守敬消長之説, 知 Щ 日 二説 取《詩》「十月之 日 日 度止三百六十, 盡 與 棗 又問《不得 曆 之一 平行約五 日 行 平 屬 法 義 有 何輕易 月 行,一 塵 表 度, 也 補 九十 皆 羹 》「曆 西 左 者 + 法 日 旋 詆 讀 六 西 厄 考 有

> 用指 志 未嘗 圖》,凡一百十七圖。 》, 其 南針,以 不 用。 書 凡 又借 + 其 八尚有 六 得 卷, 偏 南 讀之始 内 懷 也。 仁 卷 知 靈 係 西 儀 法 儀 象

劉公价人來會。

几 月 選 劉 言:「三藩未亂之先,朝廷已決意 與 勢則未能 蘇、松浮糧 生 蔣名伊,常 名始 之言此二事及板 曰:「此 ~授江 恢, 南嘉定縣知縣,蔣公莘田 可可 真 前 熟 惓 作 惜 人,議論 行九分考成之法矣,今 令本 惓 也 以 荒,渠 源 清 前 之論 阿 心 侃 寡 總 亦 侃,君子也。 也 督 慾爲言 深 出京時, 知 來 此 蠲

0 據 字价人,康熙庚戌進 原爲 墨 T 士 江 南 劉始恢與 通 志 陸 四 雕 其 同 始

望 民 蠲。 累 亦 以 亂 而 未 暇, 今板荒 尚 可

厝 君紫芝來見

報,但 多 節 者 方 諭 跡 自 有祭祀乎?」曰:「有客耳。」曰:「汝不 五斤,問之曰: 保甲之法甚善,其人居凑密之地 守于成龍 周名之麟 )則不 「境内 有 如 之曰: 口 查 家互相 事 此,必至匱 測 驗,簡 書「無保」二字於其名下 能清,不能清 可 以清。 吾必 「汝自今以往要學好,他 **●** 論 保,有可疑之人,不責 永寧人,後謚 知,然亦不 輿從,步行,不擾民。 罪及於汝。」往往 及居官之法, 乏。 嘗出,見負販 「汝安用許多肉? 清端。 匱乏必借貸 遽罪也。 則莫肯借。 向 爲 者 因言武 同 呼其 買 多 + 則 ,借貸 知 莫肯 遠 其 肉 其 家 必 日 昌 家 去 地 法 親 舉 四

> 記 借, 能 也?」責之五 不爲小盜 則 取其 凶年無以 實 心心爲 以 板 漸 爲 而 地 生。 至於 去。 方民 大盜 無以 先 生起 生筆 爲生 此 見, 胡 之《 可 則 미 以 隨 長 不

白公介玉來會。

爲

法

也

哉? 約言 言 白 易與爲義,得奉 動 今之盜皆我 其 [名玠 招 言實可施行 願 撫 不然 識 ,清澗人, 延 延 荆 安事 者。 ,大兵未足 安 精 風 非孟 兵也。 先 朝 俗 在 庚戌 生 廷命, 剛 寓 吅 勇 候旨。 浪者。」 同 恃也。」先生日 其 王 易易 榜 往 撫 輔 進 招 與 寇大意 臣 大 爲 撫 豈足平 臣 之,則 盜 多 E 亦 大 傾

 $\overline{\mathcal{H}}$ 月, 関《論日 捐 輸 疏

<sup>0</sup> 「之麟」,原空缺,據周梁本補

都。 月 六 至 先生閲 臺 不 財 所慕 中某 月 但本人不復怯惜 鴻 至 臚 至此日 疏云: 羊 無如 寺, 流, 投 爵 「常人之情 地 位 可 辭 名 朝 即 屬 如 謝 借貸 新 是何言哉?」 捐 恩 泰 銀 摺 所 縣 亦肯相 可 惜 以 遇 領 不 得官 張 過 憑 成。 出 貲

ᄩ

素存 所宜 思 言。 政 塵 張 某 張公,其略 F 靡 爲 拙 欲 當 ,不合於上官而 公諄諄 卑亢之間, 過 蒞任後,實心奉行,然 少自樹 不能 禁 於寬 但 告訐 私 以 Ē; 免於吏議 厚 心 操 立 有誤 竊 最宜著意。」先 當 守 「某 以 懼 爲勖 禁。」又云: 罷 啚 蒙 者 催 報 垂 遂遭 科。 世 後 又云: 稱 一愛, 俗 竟以 罷 年 夙 此 不 不 生 言 黑 夜惕 諒 事 意 守 以 起 風 流 謬 古 才 書 絶 謝 上 俗 傳 厲 分 疎 與 贈 接 侈

> 遠,核 之塵 焉。 聞 故 故 誤,豈不 細 不 而 口 功名之士 敢 能 之矣,豈敢 應置勿論 敲 由 視軒冕,然聖賢 於知己之前 盡 其 至若一身之得失,雖 扑 其民 於學不至, 實 用 少 誣 某 ,其 德 遂 乎? 欠, 教 於 將 以 跡 催 尚 以 此 然 類 而 德 既 科 寬 咎 少 此 論 於 陳 於他 不 退 厚爲 ,較之他 人也 義 乃 者 縱 足, 之, 歸 人 命之學 乃 弛 ? 邑, 殷鑒 心 田 不 知 以 而 耳 袁 氣 能 寬 其 爲 邑 特 , 悠悠之 運 厚 罷 寬 不 其 則 如 勸 方 所 厚之 固 古 朏 自 甚 無 諭 害 關 嘗 之 罪 愧 多 相 匪

之惟 運 是 酉 預 書 所 按 於此 務 關 베 先生 敲 所 知 扑 所 謂 既 以 變計 江 博嚴 去官 湖 不 乎 健 猶 忘 之名者,倘 惓 廊 大 惓 廟 與張公語 於 也 人 亦 心 彼 世 氣

泊江口守風,讀《張文潛集》。

乎術 暑 焦者 將 習,大抵聖人言術 以 治 先 言道必歸之術。 爲 也 寒 術 生 「所以 也,不 也。 不不 將 則 今日之炎 喜其進 欲取之,必 以 引《 以 先 蒸 爲 老 退 霜 鬱 今日之霰雪也。 生 烈 古 子》「將 雪爲之也,金石烈 爲 也 曰 人持 必 固 之也,震 . 歸之道,蘇 與之」。 故 欲 論 此 聖人未 翕 甚 則 之, 風 IE. 蘇 謂 積雪 天之 氏 氏 必 至 有 之徒 之 不 天 固 其 土 將 之 餘 尚 所 Ш 張 論

七月,赴嘉定任。

嘉定爲 侈 鎮 裕 末 貧 以以 名,旅客圖 武 者 故 斷 瀕 舞 城 暴 海 刀 横 居 大 潤 筆 者 邑, 囊彙者往來 相沿 少 喜 事 士 富 成 健 高 俗 商 訟 乏 鉅 水, 如 富 室 又夙 織,胥 者 散 民 多 競 處 有 役 奢 市 饒 逐

> 侈 今且 不能 之也 俱 輸 氣 令率坐是落職 色,故徵 地 土 病。」故 靡、 賦 自 不 豪,倚爲 産米 不 大抵 服 復 變 爲 勞。 比 銀 風 其 飲 如 不 以貧 漕 奸 倍 俗 治 食, 爲父兄者,禁 禁 少年以 利,不可 糧 於 爲 而 也。 而 例 他 以 主 先 子 又 任之他 邑, 鋤 生 游 其 以 督過之,則官與 方物, 豪强、抑胥吏、禁 數月之内, 至,嘆 冶 積 所 飲 傷 逋 其 以 邑 食 其 貧 游 動 號 E 血 抑 風 冶 元 以 稱 輸 氣 末 萬 難 輿 則元 其 俗 民 矣。 治 民 爲 力 折 頌 不

翕然。

墨 俱 冬, 濤 贈 遇 覃 思 公 孺 衣冠 , 封 於餘圩墓 + = = 父元 月 爲 葬祖 文林 左 考泰交公及 郎 妣 鍾 氏、 伯 曹 氏

時 先 生祖 迎養於署,崇禎己卯年 考 名 瀗 長 子 燦 任 , 同 濟 時 南 殉 司 難

其 時 生 傷 衣 流 冠 之久 賊 縱 於 横 祖 墓之旁, ,封公無 至是, 亦 從 以 猶 覓 俸 行 其 餘 遺 古之道 奉 骸 封 也 也 先

辰丙 十

有

Ŧi.

年

,年四十七。

冬,降

級

調

用

定, 自 蠧 聞 宵 比 軍 績 甫 最 是 珍。 鄰 宗 ? 莳 年春 ,於今見陽 興 傾 踐 載 閩 IE. 朝 我 詩 履 君 紳 異 旁 斯 惟 惠 聞 遥 魏 洛 子 午 時 民 天 政 陸 贈 公 貴 江 覘 義 真 春 獨 嘉 「環極 輸 南 其 彝 所 吏 定 利 循 將 財 道 辭 學 好 盥 南 循 别 彌 聞 平 賦 雖 北 手 纖 霖 寧 先 艱 地 生 寫荒 云 此 歡 塵 取 生 辛。 R 甘 雜 熙 聲 心 知 佐 治 面 清 言,始 天 朝 爾 理 動 楓 趨 前 行 相 貧 勞 重 萬 F 宸 向 親 爲 黽 心 守 户 下 豊 天 不 終 留 勉 令, 9 神 其 無 敢 異 又 願 餘 車

> 公舉 不 嫌 號 年 多 報 下 冬,福建按 事 賢 及 先 巡 佐 例 先 陸 撫 能 餉 生 滋 門, 儒 愛民 生 降 某 不 例 術 察使 慕 非 悦 級 不 ៣ 之官, 迁 不 調 應變才」。 及 江 具 緩 自 缺 用 蘇 疏 鄉 安,爲 9 出 適 不 入告, 村 洲 嘉民 徵 拘 撫 E. 先 具 市 資 部 命 慕 大意 大駭罷 生 疏 議 肆 格 九 天 請 如 間 卿 遂 擢 顔 謂 復 例 引 架 會 用 静 市 造 才 時 推 錢 寧 人。 力 册 魏 日 方 天

旦十有六年,年四十八。二月,解任。

我。」 先 讎 殺 滴 巡 未 遇 是 撫 理 其弟 京嘉民 敢 盜 請 而 遽 復 被 察 定 遂 疏 傷 張 張 以 未 俟 姓 亦 歸 下 讎 緝 與 非 謂 殺 汪 獲 部 殺 控 其 兇 人 姓 又 弟 犯 者 引 以 先 定 日 諱 小 生 大 擬 隙 盗 以 疑 報 許 例 張 是 小 訟 落 遣 盜 隙 職 是 殺 面 無 汪

位 然 泗 以 耆 斷 案 即 民 半 則 翻 張 革 以 内 遣 老 議 非 燭 霑 胥 月 薪 扶 殺 職 先 捕 以 而 曰 旌 乃 老 臆 史 士 粟 獲 生 緝 此 黑出 額 幢 原 輿 民 於路, 初 之 攜 盜 己。 饋 而 獲 邑 鼓 不 手 詞 去 臺 不 悉 者 幼 不 有 枉 罪 以 尋 吹 獄 稱 任之 直 宜 詣 知 几 麢 一、奚辨 盜 送。 獲 也 填 果 無 盜 指 迎 幸 督 方 先 至 真 塞 讎 冤 ITT 長 爲 日, 其 撫 歸 人 遠 生 盜 街 抑 諱 亦 吏 先 爲 盜 速 爲 以 士 鄉 古 謂 七 委巷 9 之 市 盜 固 ?」邑民 生 去者 辨 祠 可 之 競 從 疑 人 先 爲 也 宜 悉 謂 爲 者 民 有 0 爲 悉 命 卒 生 讎 有 慰 先 神 日 諱 讞 詩 - 莫省。 案 架 亦 盍 各 而 殺 罪 數 益大 生 而 明 匿 1 文 勘 棚 刻 無 辨 我 0 世 遣 呼 以 結 木 不 不 諸 出 引 且 不 部 之。 震 冤 傳 涕 能 凡 爲 綵 里 夜 虞 出 盜 例 議

完 哭聲 怨尤 子弟 唐 呼 墅 去。 公, 老承 頤 丹漆,匠 羣 之, 云: 謳 課錢 各 老 狂 呼 歌 乃共 彙 「公將 皆實 次日 大震 公意 走 爲 X 人 紀 爲 田 或 邑 位。 掖 略 聞 帶索募 逢 ~ 牧 相 無 録 9 公 · 云 : 出 公聲音 人 公 揮 填 四 旅 販 寧 叙 有楊 巾 歸 九 署 郊 衆 滿 人 夫 晷。 谁 廉 集 助 各 頓 邸 使 街 旅 自 明 九 或 筆客者 急公, 喜 約 迎 退。 衢 退 0 旬 鄉 軼 流 公 長 男 者 日 邑 請 而 事 想 解 生 籃 公 婦 間 數 紳 + 有盲 去。」 留 僑 支 職 位 出 不 萬 輿 許 四 都 公。 居 頤 邨 甫 餘 示 覺 迄 又 兒 之 公 於 各 苦禁,父 及 涕 今父 或 朱 環 既 自 有 時 民 亦 中雷, 此 立 泗 宗 恐 呼 負 俊 助 剞 泣 夜 祠 老 天 病 交 公 販 半 王 大 劂 不 序

酉按:先生治疁善政,不可枚舉,姑採

苦之。 先生益 以 然。 悉 悔 未 汪 薪 於後 舊 娓 而 鎮 妻,賣薪 法爲 少年 晚。」 平日 化 解 則 枷 者 邑 娓 所 汝 中 踰 先 釋,否則 之於門,時 聞 怙終者設 先生 數 又民 汪 汪 遺役捕之,訊 時 ,令汝父子至此。」 生 所 有 於 者來控 其 + 大 自 爲,我 大 涕 先 李 悉 爲 賈 恐,令所識 生 有告其子不孝者 出 是飲跡, 君 不少貸 父泣 廉 朋 一蒞 汪 枚 時 自訟 也,荷 以拳 知之,若毋 汪 得 姓 任, 古、 勸 一,其子 者 其名,遇 得其 也,不匝 諭之,視其情 僕 適 趙 不敢爲 日 爲 ,勇爲 抗 素交結 探 其 君 亦 因 善 實, 意 拘 僕 魚 泣 我 犯 . 委 事 有控者,責 先 置 佔 非。 何恐 裳 月 以妻還賣 1,訊之 小小民 德 我, 曲 長 賣 而 者 大 生 弗 曉 薄 吏, 焉 薪 慰 其 又 自 附 色 曰 出 果 黨 果 畏 無 新 横 而 録

印 訟 生怒 昇弟 猶 陳 汝弟 之。 服 又 使嫁之。 謂 曰 報矣。」訊之,乃其 遣 之,不 有 是 子 而 結 生 而 兄 弟也 因呼 嫌 爲 物 扑之, 曰 退。 汝 不悌,是汝不友 盜 其 即 父 其 以 又 爲 族 捐 能 又宦 不 其弟 兄者 子 壻 又有金氏 有 去 是 人不 俸 爲 長,貸弟不 悌 貧 兄 弟 可 力 人 家子 曰 -前 莫 貧 我 也 弟 肖, 以 而 具文 也 不教 \_\_\_ 賄 弟 爲 不 凂 稱 私賣 女幼 與 得罪,延其父至 責 彼 巡 肖 也 婦 盜 先 申 候 貸 督 爾 。」。」亦 應 兄 檢 不 之。 翁 乎 其 請 生所尊 於 於 子弟 父朋友 孤,育於 而 也 ? 所 可以 卒 來 弟 旂 以 使,遂 徑 乃 責之,咸 取 亦 巡 盗 下 毋 歸 取 不 呼 婣 不責。」 地 聽 檢 報 也, 非 之, 陳 應 戚 其 方 舅 爲 陳 重 婦 官 厚 爾 氏 陷 懲 生 感 兄 妄 先 翁 輒

DU

恩 賢; 矣。 民。 怪 疊 壻 喻 懇 恥 白 衣 貧 侈 不 至 饋 肾 者轉 第 食 以 I 切 靡 欲 庭 金 用是財 遇農夫 教 貨 急 博 嘉 至 市 以 以 多費 犯 則 而 不貧矣。」卒嫁之。 其 相 井 弈 戒 絶 賄 女 告以 贓 邑尤甚 賦 諭 遇 仿效 子 游 之 婚 妻 舞 益 相 俗 税 饋 士 弟 手 則 之。 者 法 無 伎 貴 誇 稍 金 ,婚喪皆盛鼓 獻 子 勸 H 催 富 術 乏。 壅 勝 稍 者 則懲之不 遨 笑 其力 先 我 之宜 科 則 知 室讌 日 遊 生 覓 先 其 今 縗 不 勉 禮 . 耕 第 街 食 待 生 專 經 即 其 煩 法 會 以 受金 之 汝 肆 痛 胥 ; 醉 敲 以 少恕。 勤 又 資 輩 逢 賤 禁飭 嫌 吹 窮 倒 役 扑 學 吴 此 以 事 呼,呼 商 惰 壻 極 亦 俗 以 布 多 金 而 恬 酒 育 賈 游 之, 貧, 皆 猾 希 衣 於 與 自 兩 食 厨 不 ; 華 值 至 吏 若 有 則 聖 番 爲 爲 稠 集 几 尚 故 浩

> 惜 實 無 乎 心 所 不 行 容 實 奸 久 去 政 歸 任 農 口 未 者 謂 見 殆 父 德 母 + 之七。 化 師 之成 保 兼 也 總 而 有之。 之,

+

月 壞 衣 官 爲 録 校 益 博 乙卯 實 武 陸 H 家 敢言, 僕 對 於 君 名元 陸 崑 而 隨 風 多發 學 子也,家多 陸言 山 才 婦婦 君翼 陸 記 人。 敏 也 者。 朱 輔 云 亦不 有 先 孫 錫 曾以 其 其 Ŧ 嘉定 衣 儒 與 博 北 鬯、 來 北 所 荷 所 綢 尤 北 所 學之士多 海 藏 著 見 著 人。 取 帛 彝尊,秀 也 海 未 海 書 書 考 家 者 承 聲 發 雖 澤,字 雖 Œ 先 顧 從其 相合者 怒 甚 出 晚 水人。 不 生 年 先 寧 萃 儉 處 退 而 皆 定 取 鈔 生 人 ",諸子 谷 叱 未 其 精 論 魏 其 問 寫 顧 有 宛 》 爲 之, Œ 門, 者 博 北 平 寧 ^ 環 贈 人。 皆 以 然 多 相 海 日 無 聞 人 極 其 之 布 居 知 有 學 虚 樸 助 炎 按

葉訒菴、方藹,崑山人。熊敬修、張幹

臣也。」

諸君莊甫來見。

寓 文論 諸 年 以 學,二子皆兄事之,其學不從八股人, 籍。」先生曰: 太倉人。 石 静 其 君 内 隱少習醫 友 悟 正 士 所 + 儼 確菴,姓陳,名瑚,太倉  $\pm$ 》二本。 未 石 0 有之書, 年考正,彙 隱 嘉邑 壯 其自 ]太倉人。 石隱 高 耐 友桴亭、姓陸,名世 ±, 喜如 亦 書自云: 寓 成三十萬言, 能潛心 書來 此。 内 人。 不 并 莊甫言: 一此書 理 乃勉 可 致 學者 少之 《説 於 儀 誠

哭之。 勢甚危 君子哉 木得 崑 自 官多不滿先生,獨公陰爲 表》, 大怒,口出惡言 大 己下之,且諷公優禮,公終不見。 山人。 明, 權 要之僕自 疾, 載《文集》中。 有古人之風 錢 以以 語先 然實 爾 此 後 載、 生云: 成 應 自 都 枋,嘉 疾。」先 其 夏 來 撫軍 焉 子 秋 「方公雖 蘇 興 共 以 人。 亦以 生 至 樞 撫 來 是卒, 維護, 嘆 請 軍 丘 憤 相 日 從 以 近 爲 形 下 宜 先 而 夫 作 所 「公真 不悦 其 皆 興 生往 卒 成 採 屈

李生玉如來見。

李名 語 次 偶 實,嘉定 及 近 日有 人。 納銀 先 生罷官後,從 之例, 先 生 學者

如

蘇

郡

哭道臺方公。

m

能

刻勵成

一家言。」

也。

順治乙酉舉人,

起家

爲

蠡

縣

教

諭

方

名

國

一棟,字干霄,明閣臣從哲之姪孫

歷

任

分守蘇

松常道。

先生

在

任

時

j, L

0 甫崑山人,名士儼」 士儼」, 原爲 墨 丁, 據 陸 隴 其 松 陽 鈔 存 》卷 F 諸 莊

謂 翼 有《大學中 酉 失身。」先生甚喜其「不敢失身」四 己之學 子 先生《 按 知 得 納 無 玉 始始 銀之爲 松陽講義》及《遺 意 如 庸 知 乎 能 ? 讀 順 恪 失身,其學已進乎道矣。 文》, 書非 守 李 家法,力學 理 止 日 : 明 爲 編 辭 功 自 達 名, 聞 不衰 ,亦足羽 先 誓 生 不 敢 爲

月,蘇 君 眉 生邀 酌

求 蘇 牧 館 自 時 民 牧 言之,陶菴不可。 齋 於 陸 病 誓 名 巡 一: 錢 齋 所 翼 撫 蓋 緩 牧 王 請 9 追 江 妄取,不二色,不談 頰 齋 在 與 南 思 者, 也 坐,言黄 相 先 取 诗 牧 見 生 陶 齋 甚 張公國 一之德 極言 菴 適 其 陶 歡 觀 别 人不得已,乞太 菴 苛 風 政 有 維,字玉 先生 第 時 比 而 所 有 人 濫 干 云 過。 以 以三事 差之爲 然 公至 勸 千 東 也 其 金 陶

得《左 卒拒 言其 色, 孫 諸 陶 白 每 也。 令取韻書 又言曾在 濂、洛入門,後喜 奉 于「以皮冠」 翁 北 書 菴 自 有 以 而 失 又言 矢,言 之。 妄取 家 海 之學,間 書致之日 餘,孝莫大焉。」 傳 晚 因 (則不 諸 貧 節 不 既第 查得 Ě 浙 徐 加 書 爲 甚 無 必 悦,因 文 有 江 言, 以 九 好,宜其有子昭 以《 力 夾 後 之。 抹 非 某學使 此 雜 踐 卒 於 絶 考 静 句。」 汧,吴 分之財養,不 汝言 婉 獸 不 也 禅 其 坐 IE 不干 陶 商 又言 能 概 署閱文, 人仍 晚 縣 之日 此 陸 菴 又 司 如 移 人。 中 年 **凟有司** 言 喜 日 原」 魏 是。 其 則 批 定 無 發 閲 陶 雖 環 志 我 者 論 《壇 枋 菴 依 同 先 孝 左 溺 極 是 甘 傳 曾 恐 事 於 爲 本 生 太 也 妄 旨 稀 蓋 經 也 雖 從 取 第 翁

然? 誠 視抹 乎? 處此 先生記此,所以示戒也 酉 而 出《左傳》,殊屬 人,縱秉心至公,亦無以服天下,况其不 怙 按 霄壤哉 惡 顔苦孔之卓而歛容謝過者,相 績學之士,其能免于屈 謂宜 可謂 如 以《左傳》爲不雅, 此, 翻 直 適爲下愚之歸而已矣。 然悔 可見司文衡者不慎擇代 而 婉,乃處世 不雅。」先生曰: 悟 ,自咎不讀書之過 之良 則 抑者幾希 何 法 書 爲 翼 去 雅 以 庖 王 不

自嘉定歸。

+ 有 樂 時 其 嘉 七 如 邑 年, 耆 是,徑從安亭過 年 老 四 士民 + 九。 候 送者 IE. 是淞 月, 紛 江 紛, 周 而 君 先 歸 好 生不 生

午戊

來

見

周名梁,●嘉善人,素游先生之門者,攜

會南 若有 最 提撕 收載 靈 記 此 不計 T. 미 相 叔京 云: 得 夫。 靈 初 以 》所 同 IE 魏莊渠遺 之耳。 《朱子 下 軒 意 聞 也 見焉」。 中年以 書》,所謂 年之先 謂『心之爲物,不 使 《别 一,始聞 手處 思。 見得,惟 心不放,便 文公論心學凡三變, 南 前 今亦 後 書來,内有《與余子積書》, 晚年定論》,今始見之,似 及見 此 軒 五峰之學,以 未 、論之異 未定之論, :詩》所 則 存之之久 免 無 延平,盡 少年學禪,見 良 闕 論 是 心 却 謂 其 可 發見之微 同,但合己意 做 平. 他 惟 則 以 Ι. 時 察 與 悟 ,如載《答 應 形 夫本 中 涵 識 其 日 體 栖 如《存 端 和 養 失。 用 得 酢 求 之間 倪 舊 領 猛 昭 不 處 節 爲 後 昭 説 齋 省 即 何

■「梁」,原爲墨丁,據周梁本補。

模。 卓 其 其 發 却 論 特 軒 Z 祭南 然 之 此 未 達 此 人 今日 夫 類 論 尤 有 定 處 見 觀 夫 軒 詳 , 志 也 本 精 者 此 方 文》『始 至 然 Œ 夫。 聖 根 條 切 其 得 於 後 當 賢 庶 ,莊渠之學 後 渾 體 中 大抵 大 幾 皆 ^ 自 所 然 全, 年 用 先 答 有 謂 悟 口 未 生 以 先 何 不 此 所 此 其 嘧 免 後 生 已定之論 叔 偏 其 持 失 也 頗 爲 京 自 , 而 終身定見也 循 方 動 Œ 言 改定 其 終 書 中 也 有 静 語 所 初 和 0 尾 交 文 己 共 而 年 謂 舊 先 定 致 字 發 棄 反 古 説 證 其 未 生 規 己 南

湖 以 於 送 前 古 舟 劉 則 中 漢 朱 朱 閱 中 勝 陸 Ш 教 隆 辨 曉 授 閣 論 萬 廣 口 明 信 以 異 文 序 後 處 選 **>** 則 云 也 **\***, 陸 見 勝 自 信 曾 嘉 異 州 IE. 隆 鵞 撰

如楓

涇

ग्रे

鎮

也

耳 定 得 之 威 揚 又《 之 有 功 爲 存 能 目 與 白 妙 所 亦 方 不 德 人 而 振 著 間 藏 梅 中 送林 然 沸 用 自 交, 稍 甚 能 作 無 知 甲 如 爲瑾、爲 其 朱 之羹 寅 人,獨 + 殺 難 莽, 尼 委蛇 此 必 守 意 如 止 秋 不 序 振 陸 迫帝 産 不 不 却 簡 然, 爲 **>** 調 争 則 成 往 而 文正 能 謂 序 是 命 禄之 忠賢 時 欲 議 劑 以 獨 后 而 成 \* \*\frac{\times}{\triangle} 要 . 計 緹 澹 曲 (()) 史記 論 來, 勝 跌 如 調 者 南 文 昭 灑 師 逆 騎 而 操 負 停 然後 而 恪 代 北 之 不 之 又曹 既 獨 爲 使 各 忠 于 私 »° 沉 以 不 軍 奄 複 不 蕃 有 半 賢 其 朱 可 言 思 能 竪之禍 我 仙 出 0 抽 其 爲 馬 氣 武 典 文貞 掌 尼 雪《 陸 詔 薪 意 子 説 烈。 世 無 運 兵, 之 瑾 之 再 仲 獄 賀 長 謂 得 亦 礙 間 法 跌 室 文 如 頌 施 而 小 而 明

吴公 字 法。」 烏 記 敞 史 位 桐 責 生 不 口 不 而 司 云 禮 攫 及 寇 籍 名 鄉 不 耶 ? 嘆 爲 口 肉,其 也 樂 他 及 訓 邱 之 也 朱邑,朱邑茂矣,然猶不及 馮 跡 其 曰 西 所行 公 文 韓 琢 論 俎 也 . 野 漢 注 又 論 菴 及 延 史曰『吴公』,不舉其 日 生不 不 循 何 存 倪 壽 諸 『治 江 謂 往 先 其 必 事 寄 吏, 陵 鴻 梅 家 事 差 庭 生 平第 必 下 韓 ? Ш 事 皆 所 趙 寶 口 爲 不 日 太傅 神 延 陰 書 無 미 鑒 廣 ^ 處 有 必 . 雀 壽 一,不詳 王 以『抽 又 [》, 最 叙 取 漢 何 銗 用 一,其道 封侯 不 相 此 菴 筩 時 不 惟艾千 及 何 最 公書》、 是 吴 于 黄 及 新 ? 幸 其 善 有 其 其 路 公 慎 張 名 霸 焉 所 河 兩 關 用 袖 跡 死 不 墓 行 敞 子 居 伍 賓 是 南 黄 字 係 不 必 不 誌 ^ ^ 不 宋 張 塞 先 與 主 必 守 何 文 有 霸

皆諸 條 先 景 莊 昌 羅 齋 敬 係 几 終 異。」先 孫 菴《 津、餘干不 薛 例 卷 以 生 逸 者 閣 近 齋 翁 上首輔書 尤 溪、 文 未 雖 象 先 記 攀 齋 9 獨 西 曹 龍 清 生謂 生所 **\***, 善 取 Ш 錢 閱 宛 取 111 三、吴康 月 號 亦最 先儒之言, 也 得與 陵黄 慈 緒 唐 其 梁 ][] 吕 龜 前 自 溪, 湖 ¥, 荆 文 Щ 足 又 涇 六 得 Щ 蔡 焉 是 齋 無  $\prod$ 氣 白 醒 有《 卷 王 野、 語 錫 有 所 虚 騰 Ŧi. 甚 沙 陳 人。 則 人。 龍 載周、程、 用 續 而 編 齋、 後 所 王 峰、 爽 一、陽 賸 去 溪、 之文。 不 序云: 語 纂 四 心 諸 取 夫、 有 魏 南 注明 明 要》 歸 輯 齋 卷 鄒 未 儒 陳 莊 軒 章 之 途 東 則 也 當 語 弘 張、 渠、 六卷 羅 之 姓 語 琢 楓 郭 辨 前 至 要 緒 也 語 氏 菴 念菴 Ш 徐 朱 倪 號 如 析 六 遺 養 卷 貽 文 胡 則 則 後 河 高 口 而

羅 菴 邵 泉, 亦 不 能 無 議

三月 如如 常熟,赴 席 氏 館

席 先 潅 遂 附 依 爲 骨 親 者 不 孺 而 因 爲 者 草 蔡 也。 生 遂 烏 可 肉 孩 君文夏,名啟寓,①常邑之富 葉向 謂 竭 於舟 附 之 因 ,自是剛 有 未 士 掃 友以 敬 間 此 澤 己之 順 木 蕩 論 也 高 中 重 論 奸 者 所 之 不 及 梃 疏 先 閱 最 調 原原 輯 又不 漁 險 留 擊 友 膓 《傃 生, 停,而  $\check{\exists}$ 公平。 貪 種 男子 也。 專 不 東 耐 : 横 當 也 記 因 菴 向 可 林 更 之徒 謂 0 ,然不當 又不 延 天 野 遂 無 爲 事 又 東 發 高 訓 啓 鈔 疑 調 , 瓜 侯 林 女 近 · 當 因 其 時 日 **\*** 爾 蔓之抱 梃擊之姦化 停之法 震 之 者 日 . 子永恂 事 因 此 時 暘 中, 盡 舉 親 不 善 書 不 見 而 小人, 動 論 以 肖 肯 原 處 係 方 好 也 沈 依 多 及 前 似 人 震 禮 而 旲

> 於 居 否 事 地 避 而 委 向 後 Ŧi. 謗 卸 是 何 高 否。」先生日 臣 奸 爲 處 日 如 後 輔 高 多 是,非 毅 向 ,不能行意。』是 有 然 主 播 高 夫 張 擔 弄之行 直 惟 : 任 處 非 在 首 「數語 少 , 揆 無 截 票 徑。 無 可 然 以 可 推 屹 求 剖 潅 潅 以 立 全 分 疏 無 又 砭懦 之 爲 可 ! 云 且 可 丰 智 日 委之 票 歸 미 裁 責 臣

舉 博 學 宏辭 閏 月,赴 京

學人 水人。 士 先 時 不 生 自 纂 聞 修《 酉祖 勉 程、朱之室, 時 之日 耶?」他日 爲 明史》,韶廷 準菴 工部都 : 山此 公, 非 文 水 諱 魏公環 源 余 章 主 臣 起 所 事 登 舉 敢 順 韓 呈 博學宏 極 治 居 辛 薦 語人云 柳 ,然豈可 H. 先 之堂。 進 辭 生 ±, 之 理 秀

<sup>0</sup> 啟 原 爲墨 T 據周梁本

認 乎 語 筆》,摘 先 綽 作《參乎吾 然先生第不 我 生就 道 四 有 語 亦欲 子書 精 陶 統之有 取 道 文章 切 流薦, ), 於是· . 義。 數十條以資 道 風 ·屑 歸 其 格 以 度先 也 十二日 絺 頃 人 者 章 刻不 都。 貫之章經 也 生未 繪 聞 句 忘聖學 過沂 旅 有 見。 必工 次 而 司 関《容 州 偶 義 仍隨 奉 詩 如 然 部 於騾背 而 此 唫 檄 時 齋 止 篇 詠 宜 體 隨 促

四月,過禹城。

以 捶 時 而 誌 之, 同 上 不 行 騾 知 者 即 所 何 斃。 乘 以 騾 異此 先 病 生 ? 不 曰 能 : 思作《禹 行 民 執 力 鞭 城 已 者 竭 痛

至京 師 葉 達 中 聞 ,葉公訒菴 先 能 生 誠 至 心 F 來 先 1: 會 來 如 拜 此 候。 亦 先 僅 生云 見 也。」 葉 先

秋 核。 曲 밆 言 論 IE. 酌 不 加 以 抵 祠 云  $\overline{ }$ 其《序》云: 歸 》,又 皇輿 知,奉 於正 微 ... 頒 學之稱 禪之實篡 以 行 湯 盛 而 近 嘉、隆 刻, 近 之 潛 俎 此 已趨 珍 得吴任 高 加 表 菴 於梁谿,後讀《困 豆 真 示 貽笑後 爲 ×, 因 薛 一、斌 考 及 符 君 信 異 以來講 而 儒 「 始 借得 此 、胡、羅、 正 升,崑 睢 、端。」 張 子 已 史, 臣 書 也以 州 復 然 非 之言。」 人,其害猶淺,倘 字志伊 幹 幹 人。 因 則 以 Ш 先 E 臣 未確者尚 學之弊。」葉又言 爲 臣 其 儒 高 儒 生云: 學 施 之苦節 ,仁和 期 所 之名 而 四先 罪大矣。」 愚 ; 他 知 在 刻 太促,未 托 Ш 有 人。 記 日 坐, 風 於禅 攻禅 生 閏 闢 一此 多 章, ^ 一,其 葉 異 + 知 粹 幹 數語 官 問 先 端之 公 後 若 或 能 既 記 學 有 臣 城 邀 生 遽 春 精 人。 忧 建

之爲 乎? 其 中 日 X 吾甚 講《孟 内愧 蘇氏、 人矣。」公又述朝 先生云: 悔 與 乎?」又諄諄 胡氏 子》,問 此 慕 問 撫 之説 倘 軍 性 此 講 交, 如 官 無善 以 何 問 能 廷 躬 不 退 行 能 無 好 不 可 謂 爲 學 對 不 竭 以 贵 左 仁 善 重 人 知 右 厚 之 章 珍 不 日 注 使 歡 示 :

魏公環極來會。

公素 子 足 縣 陸 丙 御 義 然則吾當先往。」一 學 以 先生必端方 形 俱 史,祚蕃 辰冬推閩 感動 誠 於 好 重 先 色, 學謐 朝 上臺 生 先 議 陸 臬時,皇上 而 生 方 來 對 正直之士,今見之果然 未 無 見, 但 推 以 識 怪 自 避 訓之曰: 而 見 面 也。 嫌 引 參 一問嘉 如 咎 不 大 疏 舊 敢 詢 公因 謂 夕至矣, 定、無錫 相 見,公曰 於 吾 識 率 至 同 言及 向 其 誠 邑 擬 尚 网 陸

> 贊 爲 邵 禮 腕 人。 標 汝輩 新推 所 好賢之懷,真不 性略急。 字 之忠義學問 臨 又津 控 不 西 淄 閩 Ш 可 讎 舊 安陽 泉于 津 不 殺 任 ·奉爲 又贊 海 案 邵 人。 内 成 欲 嗣 閩 部 典 龍 循 可 益 堯,字子昆 作 中 型。」 以 都 良 及。 李 詩 清 諱 王 極 端 光 以 又 盜 線、 公也 寄之。 地 索 論 字 字厚 猗 海 觀 孝 氏 寧 不 先 嘉 齋, 人。 生 許 勝 又 安 邑 蒲 以 搤 極 旧 汪 溪 城

論《大全辨》之失。

廳 較歛 注 約 閱 云 至善』在『 克 非 好因史以証 張爾公《四書大全辨》,先 『慮 然 而 純 其 有不盡。』其説精矣,而必辨之 才 IE 禮 之 明 又 雖 不 書 經 廳 如 也。 是 新 復, 0 其 比之《 如《 外 而 所長,而多 朱子 大 有 學 不 見 生云:「 純 聖 ^  $\equiv$ 或問 編 己 翻 綱 雖 大 領 則 朱

之有 意 盡 不 復。 而 而 目 云 誠意』。 正』、『修』 其 尚 必 足。』果爾 : 不及『正』、『修』,其 IE 如如 大 以 多缺陷,幸 辨之曰 廳 有 極 而 克 在 不 噫 其 無 修』在 粗 官 盡 兩 餘 ! . 精 復 則子 街 不 信 傳 也 之 是未 而 可 · 有 上 雖 不 説 謂 思、 差 如 誠 Œ 屬 亂 知 朱子所云, 克, 1 意 似 修兩 差錯 孟 身 路。」 朱子所謂『必 然後合之有 是 有 子之言 心 外 段可 寧有 而 不 其説 Ι. 朱 非 純 夫 子 以 則 E 「誠 不 精矣, 仍 是誠 乎 補 小 口 身』 ? 析 注 條 在 其 謂

六月 分野 閱 陸 圖 桴亭諸 回説》謂 啚  $\overline{\pi}$ 説 月一 **%** 陰

似 漸 萌 降 於天稷之下, 每 日 有 先生謂 升 降 『雲漢 十一月一陽 不知 何 在 故 天, 生,而雲漢 謂 生,而雲漢 本有定 升降 因 位 月 漸

道 先 説 善無惡 旨 得 隱 而 而 分從青道者, 言月行 知 無 知 IE 而 生謂 月 萬 高 朱子 要在 見言 異」。 極 語 邊。 則謂之青道 丽 而 周 行 象 子 而 謂 不 深 森然 贵 青道也。 此 不 未 此 氣 。」又《性善 始 能 先生 非一 陽 取 知 語 質 離 圖 知《 知 無 明 高 已 太 亦 甚 上 氣 偏 善 以 又 歲 子 洪 備 極 未 看 質 不 善 者 自 古 而 範》 也。 月 非 \_ 也 是 必 無 也 爲 啚 注 無 歷 ; 行 作。」 邊,略 謂 謂 聲 太 注 0 聲 有 先 説 云 九 雖若 知 九 立 陽 善 無 閲 所 聲 生云: 無 w : 道 冲 謂「人性之善 道 春、春 山此 至 立 臭  $\wedge$ 無 云 有 臭 也 1 月 異 漠 聲 即 論 月立春、 春、春分之 臭 者 + 道 不 升降 乎 無 至善 山此 臭, 高、 乎 有 分之時 陽 故 雜 圖 朕 ? 千 九 説 明 是 説 顧 只説 氣 似 而 也 之 歲 春 質 以 未 知 不 無

問 故 閱 冬至 弦 隋 再 是 所 極 不 而 所 下 V 即 百 内 ^ 臨 於 口 行 弦 查 以 看 否 南 歷 能 九 左 未 外,人 前 確 之日 南 於 東 舊 ?」先生 極 徧 而 如 + 甚 傳》 言 井 北 東 猶 似 疑 夏 北 所 八 明 ·, 。」前數 月 也 道 井 未 如 至 桓 抄 日 則 限便食。 與 了,若邵子數言, 之日 ~ 詳 也 此 有 因 必 弦於牽牛 又 + 置 歲之内 又邵 著。 年 。」《隨記 奇 查《 + 九 自 書 語 此 日 九歲 而 歲 注 編 通 大抵 子云 啚 大抵 食 夏 行 惟 云: 耐 考》交食 大 至 ; 内 雖 而 隋 疏 徧 》亦云: 即 有 朔 之月, 道 夏 上 有 張 論 『冬至之月 九 却 桴 功 九 望 云: 9 周 南 弦於牽牛 胄元 道 所 似 亭以 於 非 值 之法 月 也 冬北 之説 所 以 學 月 一月 是 交, 初 未 獨 食 交 行 者 季 兀 之 上 得 自 日 知 年 至 似 初 如 而

> 其 之 則 觀 百 北, 食, 交 有 下 近 交,若月行 黄 此 法 者 驗; 此 道 日 妙 七十三 恐 從 看 無 南 月 口 外十三日 北 來 亦 行 下 由 以 必 知 又 月行外 未 猶 掩 人 有 爲 北 先 閲 日 食。」可 食 内道 確 未 映 高 日 高 生於 莊 有 通 下 行 餘 有 食 道 則 則 在黄道 又 此 黄 + 見孔 曆 多 奇 在 食發於高。」先生云 謂 則 昭 法。」 食 學既 道 不 五. 而 黄道之南 月 日 七 起 年 氏 驗。 在 之北 月 其 月之道 於下。 年 詳 尚 日 日 行 疏 云: 且 食 未 孔 經 南 月 云 盡 疏 知 氏 則 黄 道 . 矣。 月 從 亦云 張胄元 食 食 雖 去 道 交,交 在 每 南 有 隋 遇 多 謂 交 之 H 1 尚 絡 IE. 而

左公襄南來會。

抵 左 皆宗 名 峴 Ш 鄞 陰,謂仇 縣 人。 滄柱講舉業 言 及 寧、 紹 間 則宗朱 學者大

真。」 守夫 之中 性 辨 明 明。 高 高 則 閱 陰 講 Ш 非 陰人。 子 之 則 則 視 雖 之後,如高 學 内有《沈清溪墓 派 所謂 又云 説 似 心 有 明 以 理 先生云: 先 則 亦亦 故 可 周 静 在 性 宗 生 皆不敢 及 朱子 子 心 坐 『析之極 藜 云 朱 不 敬 山 籠 加 外 主静之説 爲 洲 子 景逸、 過 也。」 性 筸 「自羅整菴痛言象山 分八 復指 主 陰之學, 謂 黄 中 高 襄 非 夫 宗 心 其 左 和 南 劉 即 理 羲,字 劉 劉 誌》,言心 條 心 爲 又以 精,合之盡 初 則 心 念 則 爲 削 目 鄞 氣 其病 劉 云 太 説 以 \_\_\_ 性。 臺,宗周 視 而 沖 而 黄 則 慎 爾 也 理 . 9 性 而 性 只 似 太 不 餘 Ш 獨 但 在 爲 皆 姚 在 其欲 沖 陰 之辨 惑 程 特 號 爲 心 10 其 理 失 文 則 子 陽 性 不 於 主 内 蕺 大 其 定 以 專 之 陽 借 知 Ш 之 明 Ш 亦

> 其所 體 宜 孟 誠 西 也 菴 而 格 。」先生 按 先生嘆息 子 書》云: 此 意 Щ 由 發 陰則 也 爲 澄 知皆 太 而 T 然 沖 遂 嘆 以誠意當主敬。」 義 致 朱子 擴 而 明之』 所 而 日 發見,發見者 日 力 而充之」一語 云,不但 : 知之知, 以 排之也 致 如 主 語,作 知 此 敬 説 與 置 乃 致 朱 則 何 太 此 澄 無所容吾 都 子 解 朱子『當 條 沖《與姜定 世 然 背背 乎? 説 目 ; 未 一謬,於 不 之外, 格 發 物, 之 致 大

七月,談君孚上、邵 之, 獄 談 不 滿 談名允 述姚 可 ,意與滿人不合,只默 則曰「公等所 固 輕 問 大司寇文然,桐城 易, 誠,邵名 然後徐發己之所 宜 再 公静 棋 延 論 龄 酌 Ш 甚 善 來 俱 人。 不言。 會 先生 仍 但 之在 見 未 司 所 出 命 滿 部 議 至 邑 以 遇 論 重 問問 滿

其 我 之法。」 定 許 用 詩 盡 無 見 則 朱、陸、陽明 字鍾元,容城人。 留 曰 論 其 萬 色 列 ?」先生聞 職 : 多 張公之爲人矣。 心 差 ; 載 在 **>** 任 物之聲。 服 大 子 處 命 故 我 也。 一邵言 錢 末 也。」 之。 學 寫 能 有 欲 卷補 緒 字, 問 盡 皇 過 但 預 而 張 與 Ш 先 天下 ^ 邵言 慈湖、龍 上 對 知 遺之中、蓋 心 論 熊 幹 切 理學宗傳》 生 之,蓋· 見門 命 以 未 臣 無善, 敬 磋 一之色。 日 無 「不習字」。 賦 又從邵 教 來 修 筆之《隨記 在 : 善 人算 門 之富 溪、近 詩 最 子。 未知《考正 故能 無 此 厚, 耳 亦 惡 命, 對 借得 可 ,直言 子 貴 無 知 書 泛溪、海 盡 然常 爲 以 ·有過 其 聲 貧 日 必 天 其 勸 處 孫 其失 : 非 賤 非 下 故 蓋 皇 不 直 晚 書 奇 異 矣。 門, 萬 目 言 能 能 年 混 逢 重 之 己 何

> 所信 嘆 我 問 懸 忌 事 日 陽 勿 仿《陽明要 師 : 之, 於室 再 陰 知 陽 明 之 惑也。 明 因 善。」 非 座 此 以 以 其 師 而 思 正 日 闢 舉 倖 (正者 禮之,南元善字大吉,渭  $\pm$ 朱 先 鄉 聞 陽 書》例,摘 時 又見其載賀克恭刻 氏 子所謂 尹 試 明。 講學,遂就 生 好 也 諸 彦 云: 耶?」不 高 癸未, 珊 明 弟 篤 嘆 而 後 信 語 此 辨之, 日 南 弟 對 言 直 而 : 人也。」 宫 子 不 流 而 是 我 庶 以 列 好學, 出 傳者 南 放 烏 白 使後 心 先 言 聞 能 學 沙 徐 生 爲 像 則 者 爲 宜 無 昧 珊 世

閲《性理書》。

朱子《論 過 心 裏思 讀 書法 量 過 <u>\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\tilde{\</u> 也 不如讀 書只貴 讀 讀 縱 來 讀 熟

言 非 生 勵 然 又曰 者 少 去, 而 來只是讀,今之記得者,皆讀之功也。」 以 也 ?」又象 越越 日 精 少 所 意逆志 向 思。」 間 有 以 「讀 夫 來 率天下之人 滋 曉 學 此 Œ 先 Ш 書之法,循 味 不 正 問 病 生 云: 得 朱子 在 不 某 曰 的 思之功 「六經皆我注脚。」 能 自 . 舊苦記文字不得 所謂 而 長 愚 然 序 禍 進, 曉得 多 閱 而 以 六 一,而 意 此 經者 漸 何 捉志 進 미 不 讀 小必 不 之 覺 曉 熟 此 先 自 功 讀 後 而 爽 得

月,賀公桐意來 會

賀名世 吏科 出 金 日 歸 門 與汝 李宗孔延之訓 時 其言 」封,廬 語 其 斬 但 子 陵 勿 釘 曰 : 截 以 鐵 贓 子 先生同 汝 累 ,不率教即辭之, 君子 勿 汝 望 足矣。」先 也。」 年 我 友 爲 在 官 自 京, 生 攜

> 亦 人 所 難

總

憲 案。 賢 母。 才非 魏 俱 報 汪 調 也 可 疏 汪 其,廉介之官 公知其寃 聞 標 聲 不 步 標 公環 今之有司,惟守與德爲 以 暇 首 播 者 獲盜過半, 又 肆 乃 于 論 未幾, 問 逈 有 告 應,德 成 于都 極 爲 之。 别 至 龍指清 疏 被 讎 但 羣 論部議之非 盜 殺, 下, 1也,清 是上《 部 該 縣 議 僚 有 略 原 令中 議 撫 臣 援 作 審 端 餘 案, 日 革 無 疏 公。 諱 心 吏治 榜 讎 操 : 而 職 詭 稱隴 有 該 盜 竊 樣 「嘉 殺 飲 才不 之後塵 飾 督 此 重之。 例,故入先生 冰 漸壞公道宜 無 其 爲 例之所在,臣 定 廉 疏 愛 與武官竟 足,部 據 守 難 知 百 介 稱 請 者, 耳 絶一 民 愛民 謂 姓 縣 隴 如 作 議 此 緝 異 陸 既 其 子 慈 之 降 隴 彰 知 不 據 H

至 欽 其 云云。 守與 德矣,何 有旨報聞 不 即 時莫不 留留 以 長 ·傳誦 養百 姓。」

井、鬼 天監 歟 復南 邵 蓋 退 以 申; 先 此 曆 之黄道 而 所謂 ,成,故日亦出寅人戌。 多改 在 歲 生 爲 法。 名 夏至日 獨 大 泰 井、鬼,則冬至之日亦當 差推之,假使千萬年後, 邵 南 會邵 問問 得 頭 ,此道出辰 邵 日 衢 則 而 曰:「不然。 换 井、 言 錢 躔 復北 武 而 在 面 井、 西 弧 峰 天文家言 唐 鬼之黄 井、鬼之黄道,此 以 法 矢算 講 者,黄道之勢 鬼者,非 自異,惟 不 曆 入申,故日 能 時 法 法 道 若使冬至 官欽 出 冬至 亦 :必定 亦 古 勝 以 是日之北 改 天 日 於 地 法 冬至 出 然 亦 與 而 之 監 郭 爲 在 寅 道 出 也 井、 南 範 箕、 守 員 H 出 精 人 日 辰 敬 鬼 躔 戌 斗 然 寅 於 躔 而

> 明白 變者 之恍 之宿 差, 則 鬼 解 南 此 或 黄 則 北 不 同 然, 道 日 此 乃 知 道 在 便 如武 躔 道 南 黄 古 随 因 出 便 隨 宿 北 道 而 思 處 辰 出 時 峰之言鑿然。」 度, 之 如 變 向 也 人 寅 不 異 何 矣。」 如 見 申。」 同 耳。 樣 但 郵 傅 戌,冬至躔 也。 變。 與 余初 傳之過,宿 仁 先 之 相 但 均 生 故夏至 今乃 看 答 曰 均 當 之, 王 説 悟 耳 井、 躔 殊 孝 度 余爲 所 鬼, 既 謂 不 通 或

譚公左羽、陸公義山來會。

歸 壩 梯 譚 譚名瑄, 闘 疏 以《 至 至 三雲梯 海 雲梯 ,約長三百三十 靳  $\Box$ 秀水 總 八 關 關 河 十里,皆要取 約 海 人,陸名薬,先 疏 口 長 略 南岸 來。 白 里 自 里 9 閲 北 河 其 生同 岸 洋 身之土 又 第 自 自 河 宗 雲 清 至 疏, 梯 河

大病 已久,上有 一,不能 佐 其 之法 治 生 是 錢 關 亦言 不 塞 兩 慮 對 朱 亦 糧 部 旁 用 河 海 岸 决 新 E 以 堤方成,一 止可 公衡 洩 治 之堤。 口 東 謂 例 不 堤之潰, 爲 策 不 自定此 河 水 潘 新 而 並 板 然, 待 此 以 當 開 築隄 公第 興。」 清 而 以 沙, 治 則 濬 從 其 新 因 П 深 水 例 今 丽 歸 先 陰决舊堤 活 河 堤 之力足 爲 防 則 又言 惜 攻沙之法 昔 自 後 仁堤 後 沙 次 復 譚 三年 歸 潘 非 通 不 次 陸 潰 治 每 今則 公季 其 「今河 同 高 序 不壞, 以 河 高 當 本 禍 先 勢, 以 堰始 在 刷 馴 堰 意 公 水 海 不合。 覺 無 生 洩 嘉 沙 之不 勢 海 歷 方 以 以 與 窮矣。 Т. П 水勢, 靖 第一 之 准 第 淤 水 使 潘 數 洶 П 則 克 從 之 塞 問 雲 淮 湧 開 刷 義 季

> 書 緒 書 者 是 見 仍 第 而 但 次 即 嚴 萬 其 止 示 在 講 丽 復 始 閘 果 隆 次 近 爲 求 曆 終 在 慶 禁、築遥 故 臣 初 西 沂 不 末 萬 道之意 ; 侍 北 徐尚 主開 開 曆六 第四次 鋭 戚 水 意 所 堤諸 利 畹 寶貞 年 泇 也 行 謂 所 之議 神宗 在 功 之, 故 議 明《 泪 萬 又 成 道 用之, 浴 不 曆 云 而 只 高 愍帝 垂 水 + 見 就 又 堰 成 六 客 别 以 河 業 最 至 而 而 談 年 言 作 寇 有 袖 可 故 廢 河 惜 亂 此 成 道

譚

梯

流

Ш

馴

築

沙

之難 賊 河 高 言 酉 按 先 郵 未 據 挑 王 有 。」先 ^ 亮 海 見 不 丙 士 王之棟 治 寅 生之不膠 德 之非 隨 而能 明 記 異 疏 安者。 ×, 又言 H 因 於 始 來 閲 成 知 見, 今則 ^ 見 寧 潞 治 亦 蓋 晉誌 水 不 河 如 客 此 如 靳 患 W 無 治 總 而

先

由

來

究

時

銷

四

0

奏,此 責,始 名言。 之以 河 即 何 以 必 殺 錢 矣。」 以 主 銷 治 計 俟部 之權,而 穀 故 用 之 銷奏,拔 算 盛 一而 議 之資, 又云 之 欲 者 既 舍之柄,濡 必不得之數。」先生許 猶 可 · 而 亮士又有分黄之説 分 必待 覆 論 能 刻 法 閘 漸 以 如 清 限 與 斷 次 而 河 但 奏奪 施 劉 人 之 勒 口 王云 不 内 之 以 患 工 晏 之淮 得 以 之 而 之 外 口 有 期 E 以 造 以 其 之 必 以 拘 便 月 用 其 F 施 船 拘 持 不能出 程 牽 人 哂 宜 河 功。 之 非 刑 法 之略, 資 期 之 而 規 久之計,裕 錢 耳。 掣 分 ",恐動 以 任 格 又 欲 則 而 倘 肘 先 一。又 也, 文墨, 之, 以 難 不 其 求 决 必 河 重之 注 暫 暫 生 俟 之以 爲 平. 必 不 部 問 册 分 問 分 成 估 治 假 淆 以 之 難 若 口 中 以 其 立 罪 計 詰 之 則 亂 而 牛 治 之 河 而 使

> 今之閘 緩 馴 决 堤 决,不分亦 盛 不 禹 過 至 遥 遥 而 E 則 而 决 堤 遥 堤 而 可 疏  $\equiv$ 縷 閉 治 易 不 堤 堤 答 不 不 九 在 即 之以 座 分, 可 河 可 潰 河 此 横 ,每三里 日 縷 老 然 當 三五 爲 决 而 堤 决, 亦 有 分 堤 勿分其 ,水大則 悟 矣。 也 之内 濱 時 不 此 也 則 及 里 意 五. 必 河 隔 流 可分者 之内 於 大 當 又 里 更有蓄洩之法,蓋 必 E 堤 襯 力,後 此 一亮 緩 縷 禹 通 則 襯 須 堤、 丽 而 時 堤 士之言 則 之 有 堤 也。 已。」先生 沙 蓄 以 横 至 縷 世 隔 層 襯 淤, 洩 堤 襯 堤 廢 殺 堤 堤 不 堤之 之,故 堤 其 之 雖 不 分 思 故 隔 最 妨决, 法 决, 潘 則 襯 因 堤 内 近 不 水 勢 縱 堤 如 亦 河 思 河

四 都 按 門 先 經 生 行 極 處 留 必 心 細 治 加 河 相 之 視 策 即 故 如 是 每 年 出

將 西 所 幸 其 慮 几 也 言 地 軍 月 必 迨 正 初 廟 而 又 見 十月見 在 及 中 在 河 蕭 宿 隨 多 孫 遷 縣 蓋 記 淤 I. 家 九 以 惜  $\approx$ 淺 部 堂 里 西 是 任 題七月内 溝 宿 0 先 日 遷 事 等 先 生 渡 渡 者 處 生 云 河 黄 黄 不 日 處 碭 河 早 河 地 將 至 Ш 名 沖 爲 愚 縣 來 宿 决 之 不 以 遷 石 口

始摘録《左傳疏》。

因 陽 FL 云: 而 傳》以釋 公羊》、《 抄 明 穎 斷 「今日 之説 杜 以 撮 達《 孔 元 疏 意 是 疏 孔氏之經,以 凱《 穀 講 序 詳 之大 梁》 猶 程、朱之學,而 左 謂 賈、服 載 氏 以 有 賈 随 集 釋 發 逵、 記 之訓 ^ 解 明 膠 左 服 > 中 經 專 投 氏 虔 傳 左 雜 取 之 漆 者 傳 取 丘 徒 方 成 象 先 明 枘 也。 雜 編 Ш 之 生 員 取

九月、陸翼王來見。

之説 以 云: 孫 與己意夾持,間 其 北 中 海 考核 ^ 禹 貢 亦 Ш 多 架不 水 可 考 據 **>** 但 爲 每 贈 將 先 他 生

侯生大年來見。

子 苕文 子 富平人。 不 云: 侯 也。」其二十 一人焉,日 僕宦游 者 脱 環 名 一卷有 皆 卷 琬,長洲 極、 文人習氣 開 其文規 解三 其 或 十五 與 梁 内 顧 送 人。 嘉定 僕 子 一卷内 禮 行 模 子 年矣,其 姚 爲 日 者 醇 韓、 六 寧人、李子 鈍 緝 人 友 經 最 備 康 0 翁 歐 有 解 者 精 執 熙,鄢 任 類 可 《答從》 亦甚 有經學修明 得二人 確 自負 經 《藁》借品 石 見 門 陵 埭 蓋 其 淺,惟十六、 天 人。 甚 下 弟 序 其 志 閱 生。 焉 者 不 書 此 所 趣 淺, 得力 附 者 先 四 曰 因 云 以 魏 汪

身世 半 陽 養其親 爲 吾以 於肌 之嘅然:「不得不令人思許魯齋『治 其 何 而 也 君 口 不浩然自得者也。 古之君子 急」 一於進 表 誤, 能 畢 子 裹、虚實傳 也 老 裹之異 是 遯 膚 ? 生 猶 無 力 知 世 退之際,恒皇皇焉不能自 則 此 俛 可 求 非 可 語。」又《傷 耕 其 長 其 以 不 無 其人爲之,時爲之也。 補 而 以 其 欲 難 往 變、留 以 皆給,故當其不得志 講 時 無 救 爲 進 一浩然 也 中 畜 悶。 與 學 食,力蠶 則 獨 又 其 古 之故。 進 讀 匿 寒書序》云: 傷 今之君子,側 (有三 異矣。 妻子,飢寒之患迫 今之君子,仰 於寂 欲 此 隱伏難 寒 陰 一段,不 以 退 莫之濱哉? 又 証 當 爲 則 ^ 既 測之微 陽 衣, 不得志 序 退 **>** 雜 覺 有 古之 主 無 俛 身 未 而 云 陰 表 仰 遲 病 生 以 退 有

> 江人。 年 太 處 條 則 哉,治天下亦有之。」又《與計 亦 從之哉?」他 可 此 判 証 譜》, 僕至 譬 思 近之。」 似 條 焉 若 但不可與吾儒 是 又爲 如 議 非 繭 論道 其 矣,作《 傾 者,然欲合 而非,如 絲 若 意 乳 嘅然: 書》 雜 法 人酒 中 H 病 同 歸 自 又 此 之 射 岢 ,終於酒 以 詩 論 合, 孔子之道 言 可 覆 「宗門之教 爲接 考異 云 却 獨 投 以 則 : 似宗 醫 或誤 亦 震 之 乳 苕 何怪 有 ][[ 稍 又作《震 俱 與 門 難 文 者 甫 派 、敗。」「 禪 乖 推 原 天 測 也。」 固 草 爲 下 有 之 死 有 東,吴 重 之 此 微 殆 妙 111 歸 讀 不 生

赴張公素存酌。

張 史》宜及今成,尚有文獻 言 不 汪 可 苕 爲 文 訓 集 中 又言 ^ 置 其 後 可徵。 傲 解 \* 是 又言 又言黄 有 爲 ^ 明 而

以其 觀 太 朱人矣,而 老應對詳明,餘鮮 有 近日 此 過 沖《汰存 可謂 數 原不從程、朱入也。 寬 魏 語,可以 卓 冰 不免 然 叔 録 又言諸 禧 》亦 矣, 此 知先生之所造矣 寧都 有 而 者,則消融未盡 有及者。 皆不 廷 過 人。 嚴 臣 免 啟 汪 處 吕 傲僻之 苕文、顧 奏, 晚 先生 夏 村從程、 惟 彝 也。 因 仲 魏 病 謂 寧 環 則

學問 至其 寧人 中 多 云: 士: 酉 相 年 按 有《 即 「寧 母王 游 往 日 而 過 先生謂 + 歷 以 來,如博 言 人 門爲 燕、齊、秦、晉之間,與博聞之 三陵 孺 淵 先生之節 人,尤 又《 博, 晚 顧 志 隨 山李因篤,其好友也, 然 村 氏 »° 記 消 有 性 婦 義文章 西 奇節,  $\forall$ 不諧 融未盡 注 成 又聞 云: 服 俗, 俱堪不朽, 未 之曾 亦亦 養 嫁 著 姑 翼 梅 述 而 王 指 夫 廳 尚 其 寧

十月,施公愚山 其門。 女中夷、齊,尤巾 ,其所立嗣 或 初 來會 子 師 也。 下 幗 江 所難 明崇禎 南 心」附 絶 粒 九 誌 年,曾 而 於此 死,爲

旌

畏哉 人。 春園 其結句云:『杯盤 曾贊其 以所作詩爲 云 風 來,言:「 「文人輕 一,有以 非 人,不 尋 / 嫚詩 常 贈,先生云:「 初 誣 薄之習,有以自取 月 七日 也。」 緘呈汪苕文者,衆 露 狼籍 風 薦 又柯 雲之 醉 舉諸 巢 |翰周 其詩 話 由 人 \_\_\_ 維 會 張 頗 楨 先 老 有 止 於 口 嘉 衆 不 生 見 古 師 善

往 會葉公訒 菴

葉言 魏 環老之不可及,今大僚 人與 滿

0 免此者 晚 村一 則 原 消融未盡也」補 空 缺,據上文「吕晚村從程、 朱入矣, 而不

集。 若 録 瑶 大 感 好 論 陽 决 曹 案 真 誣 同 臣 臣 之。 0 我 於 有 明 **\*** 大 言 Ш 初 良 不 0 其《 而 出 交 之 附 雪 嫌 文 先 臣 環 時 窮 知 事 以 而 集 人 亨 唾 生 作 其 集 禪 之 而 之 老 爲 未 對 則 品品 内 居 云 ^ 論  $\forall$ 客 偏 云 用 則 妙 太 X 敢 唯 施 而 有《 功 存 然 亦 吴 言 沖 用 心 不 唯 深 存 葉言 業 返 録 妙 康 恐 之説  $\pm$ 則 然 言, 惟 梅 0 不 \_\_\_\_ ×, 然 齋 入 又言 時 亦 Ш 謹 張 壽 與 : 可 尚 論 先 附 取 於 不 抑 遺 幹 陸 序 訓 滿 出 學 其 有 生 臣 禪 石 委 翼 人 何 響 . 則 讀 臣 待 微 同 頗 云: 亨 罪  $\pm$ 能 陃 **>** 書 此 黄 盡 言 有 主 意 事 世 葉 於 在 也 瑶 如 與 歸 山此 0 太 種 發 陽 言 9 滿 Ш 坐 此 未 不 但 先 咎 沖 借 明 明 臣 故 皆 則 做 嘗 謂 於 康 生 辨 X ^ 名 皆 張 余 有 論 今 亦 其 稱 齋 學 此 荷 其 滿 其

則 根 視 自 夫 X 開 R 階 斷 其 貞 述 沂 雜 Ш 觀 此 待 目. 心 達 稱 闢 调 級 至 水 記 晉 否 始 中, 條云: 之 如 身, 以 華 邵 , 譬 9 五. ,亦足見賢者之高 其 則 意 以 則 陰 須 長 所 風 康 六卷之多 崩 Ш 隘 希 安匡 Ŧ 如 在 梯 便 實 中 節 之 子 居 賢 視 九 速 升 小 草 地 瑶修 一智亦 空 曰 程 之 希 水 層 繼 此 成 有 中 上 志 事 子 道 聖 任 Ż 簾 修 心 成 樓 也。 安 則 根 於 道 H 希 臺 其 洞 學者 就 閣 此 殊 甃 脚 脚 於 . 波 掀 天 此 王 可 須 仙 石  $\pm$ 更 不 亦 朱子 自 靡 天 致 立 去,亦 Ш 須 大 平. Ш 仙 不 而 好 非 期 揭 在 9 洞 去,故 志 是 做 作 不 泰 言 名。 最 大 如 地 未 名 當 大 脚 和 必 水 規 子 又名 及 縣 其 其 嗟 以 然 天 不 始 瑣 全 雖 瑶 E 撫 始 旬 半 Ш 君 空 在 嗟 得 心 口 JL 瑣 春 王 萍 名 日 脚 薄 中 路 子 使 Ш 通 著 風 唐

門諸 子 Ш 義 見雲間 學 脚 得 况 不 既 何 聽 而 云 魏 所 達 力, 張公别 所 用 猛 云 不 成 其 庸 云未見 高 道 省。 復 層 如 飄 陸深 後 去 以 非竟以 齋 西按: 弟 便 傾 號 蕩 康 生 學 見 疑 好 栽 儘 《停 夫 節 是 纔 根。」「 好 醉 過 不 壞 足以 ,或偶以 答之有二意,一 康 驂 論做詩 做 者 仁 得 能 李 内 漢。」「此 爲空谷足音。」一 録 節 得一 科第, 當之, 層 自 惡 不 乎?」又一 ₩, 杜 猶 此 張 與 訟 不 0 分, 爲 條 此 公 撇 學者 余是 係 何 等 條 好 蓋 空 去學做詩, 勉 下 便 誦 明 議 云未見」? 德 隱 中 最 許多 求 以 損 述 洛 八,或有 則云: 警 論 樓 如 居 條 其 陽 大 其 求 閣 好 言 劉 切 論 好 則 所 分 大 Ш 公健 也 色 也 做 所 有 做 不 人 以 徑 云 ; 感 夫 簣 聖 語 益 又 不 立 之 口 而 做

白 爲一 又言 知、行。 善二字謂 知』三字盡之。 云: 之?」「此 又《與熊青嶽 著有執著之失, 内自訟 則是數者尚不能 與 此 夫子生平, [切實。 空寂 ? 非 前 「人欲合知 此 著 書 此 單 做起,由 又是 姚 邊。」「 實 若以 同 可 提 説 仍 江 包 體 意 致 得 無 敬修 非 就 復 知、行,則 知,不 認 力 尤 日 此 雖 勉 其 必 不 起, 别 行 和平亦 信 者 非 行 妙。」又一 條 是 歸 不 極 號。 爲 知 望道。 諸己,安能 將 不 熟,安 最 透 I. 可 如 而 青 書》云: 足 夫, 知 幾 有 脱,恐學者 言,當合 我 直 致 有和平之 嶽 之事 羽翼 辭 説 知不 良 總 篇云: 未見之心, 必 又 何 於 篤 知 以『 一若 分知、 程、朱。 以 與 我 行 看 以 亦 日 誠 矣。」 有 致 失。」 信 先 爲 暮 提 能 口 此 走 良 書 明 行 執 遇 從 句 明

威 論 此二 學問 菴 及 論 必 後 淑 何 在 莊 極』、『太極』之争。 不 解 論 ",力足 ,多方 》之書。 事 於 跋 . 謀 者,乃 高 羅 不執『致良知』之説,必不 不 ? 書 哉 淵深 偏,考究有年,其《閑 此 人而已。」又有《宗 而 文莊整菴 又《 存之景逸字。 了,遂 ? 議 同者。」「按 以 在 以 與 論參差,予所 人能 却 於 求 今人 退 使 所 羅 紛 勝 能 益。 然 象 梓 某 勇於從善 挾 華 孰 屈 Ш 自下,盡 薛 之意有合。 書》云: 靡 耶 四 有 此 一偏之見,恥 文 知先 使陽 麗 ? 此 先生《學 清 則 之習 取 心, 儒 簣 氣 生之所 胡敬 明 「令師 改其故學 如 道 於 語 能 Ш 爲《晚 有 則 此 簣 録 略 乃 抗 所 約 又孫 大天下 此 必 齋、 》與 Ш 品 影前 以 推  $\forall$ 青 萬 屈 無 心 者 品 乘 於 年 羅 北 某 老 不 俱 重 序 非 整 定 有 正 口 則 無 有 文 見 IE 海 私

弊。 快,正 好 子 名; 自謂 不可 志 畢 無 非 録 事 吝,爲器小,爲 問 嶽 天下之大勇, 名」。 有 者 頓悟 伊 來 竟 書》云:「 論 惟恐其不好 賢 者 經濟 以 尹 又論「好名」二字,先生謂 有猷有爲 即 「典試 是今日 之志。 法門。 例 智之人,惟恐其 人 此 又云: 論 從學 有 事 自 學問、 愚 分房所急者, 從 君之心」,亦 命 其孰 對 諸家言自然、言 執 問 前 學 不 名 學 不肖之人, 爲 病 抝 來 從 問 經濟之人。」「此 其 經 能 之藥。」 問問 者 學 學 來 甚 (實毒 濟,雖 之乎 學顏 止 術 問 者, 至 好 有 政 來 爲 ? 切 蒼 名。 在 又 惟 亦有不從 者 漸 事 不 奸 子之學, 中 較 生 植 恐 . 是 頓 進 險, 又《 今 惟 出 則 其 桃 對 加 好 (悟,不 Ι. 兩 日 恐 處 名 李 其 誤 與 論 爲 非 不 其 之 學 不 即 取 好 亦 而 語 最 或 驕

字 朴實 書 總 散 所説 道 行 雜 細 無 問 愈 者之學,謂 止 先儒之言已盡」之説 ',以 。」又云:「 不足 名《庸 馳 有味 疏 未 矣。」論陰陽云: 有 矣。」「此 元 則 之 過者, 直 氣 動 生之時。」「此 類 陳 爲 越越 虚實 静 與 於禪。 書》,序曰:「 又論 説 端。」「 矣。 宣 講 最 蓋 更 X 無 | 實 所 専用 公 何 見 越 餘 儒者之學, 氣 氣 然静則悔 説 奏議 此説 從 其 無 云 命 無 録 説 過 學 表 窮。」又深 》云。 之賦 尤足 陰 聚 ? 者不必説,然 散之劑,不害 之正。」又云: 得 並 簣 「此足 散 氣 陽 垂。」 亦 聖賢 Ш 無 詩 吝 見 有 不 以 先 ^ 斟 動 諫 少, 其 相生之時 宜 在 生第 取 酌。 所行 見其 之語 則 静 止 體 單 章 經 亦 辭 遊 認 筵 其 提 嫌 收 有 以 學 楓 以 舍 愈 之 講 集 歛 静 聚 所 其 讀 Ш

> 也夫 後, 文,蓋 激 容偏 猶 張 酉按: 所 尚 以《戊午隨 冗 文氣頗弱 「文章 有遺 公者 加 弱 不 ,然篇章句字各有其法, 與 而《易》 可 云 廢,未可 而 雖 思 程、 先生於前輩中未有深嘉樂與 然, 少,看程、朱之文何等精 議 不 過 小 顧取其人品學術之正 焉 振者,亦是格物之功 朱 因謂 要爲 Ě 技 半 記 : 以 之文並 矣,宜 × 於道 蓋 修 取《 「辭章之學 文爲 失言。」 以 解 容 未爲 聖 乎足 易 立 垂 齋 門 可 而 其 隨 尊 天 四 以 見 忽之也。 誠 雖 亦 筆》 教 壤 信 先 雖 非儒 格 未至」。 前 而 今 生 子 本 文 所 妙 物 不 之於 之功 而 美 末 居 於 者所 云: 有 敝 所 傳 其 如 文

汪公苕文來會。

汪言:「吴俗禮教之弛,禮既不行,婚

道。」 崇佛 祭則家 矣。 也,伊 莊 之。」先生云: 闢 又言 川之學亦 生、歐陽玄、吴萊、宋濂之徒 於金,伊川之學行於南宋,至 又言:「北宋之學有三: 之意。」先生云:「此 壞 而 佛 律 É 熟隱 又陸 至言 介甫之學未幾 ,此皆文人欲 無之,今人奈何不從律 極。」 ĬΊ 而 自 士。 昌 也。 子 又言 以 翼 元 爲 黎闢 瞻崇 也,因其望重,有 人 新 禮 王 在當時皆甚 山此 合二家爲 云:「苕文之攻 而 佛, 佛 喪禮  $\overline{\wedge}$ 爲 自成 亦説 9 學者 即 而子厚崇佛 儀禮》有 子 論 則 亡,子 固 太薄 得 迫 所 家,不欲 • 介甫也, 闢 新 是。 於 宗, 佛 故學者宗 而 則 則 瞻之學 視數 子 律 傾 從禮 元 歸 妾 似 則 但 會 而 而 而 9 其 失 虞 子 子。 下之 謂 有 元 爲 永 而 介 又 ? 恭 自 伯 瞻 甫 叔 伊 日 服 廢

> 訂論《學蔀 之意。 訒菴 通辨》。 亦有 其 攻 此 錢 風 近則 牧 齋 也 漸 亦 近於道矣。」 然。」 又言

内者 則指 則 對朱濟 象 窮 静 精 是書爲 功業,高、劉之節義,皆天下所信 IE 辨有 指 因 湯陽明 分 神一 Щ 斥 理、景逸、念臺 理 思象山 理在 動 異 明之理學,較宋更難 如 在 陽 路工夫,皆是心學。 静。 者 道言「收拾 有 則 樹 明 心 心 也 明 之根 外者 則指 不 、陽明、景逸、念臺皆是 内, 東 象 分動 Щ 先 莞 得 如如 究竟則 理 生 則略及於讀 陳 静 在 陽 鏡 精 失 重 清 明 心 自 之 神、自 景逸 瀾 加 則 外,景逸、念臺 影 不同。」又云: 較 樣」。 氏 竟不 ; 主静 訂 所 立 但 以 指 書窮 作 要讀 主 象 陽明之 理 見 又云: 服 收 在 念 宰 象 以 Ш 理。 心 拾 書 主 如 Ш

葛 贵 墨 同,若在經書文義上辨之,則彼 有 安得以其功而信其學哉? 孔、孟只以一『小』字、一『卑』字斷之, 管夷吾之在《春秋》,是何等樣 夫,則得失自見。」 見陽明之功業,便以議之者爲刻,不知 順 藤無已矣。 一,孔子爲 風 能爲之解耶?」又云:「辨學術 功,亦不 而 呼,故辨之尤難。」又云:「今人 九千 過 在 且舍文義而單論 鎰 時, 其 得罪 而 以 朱子 在 且陽明 萬 此 下手 功業, 世,吾 爲 膠 楊 即 執 異

論 夷、惠、楊、墨同異。

所 二間 因 道上之偏,楊、墨是中道外之偏。 學徒問及同異,先生謂「夷、尹、惠是 偏 思《簣 魔,夷、尹、惠皆在中 若楊 山語録》云: 、墨則偏在 「曾點之樂,是日 兩 邊著壁去了 一間,但 譬之 略 有 中

> 之樂。 月至焉之樂;顏子之樂,是三月不 見不同。」「此亦看得最好。」 但有生熟之分,皆是實見, 與 虚 違

李公天生來會。

删。 學之言,與前刻不同 《蒙引》、《存疑》、《淺説》,謂之「四 留 亦尚程、朱,近日所續 先生云:「樸實君子也。」 心程、朱, 嘗纂 又言顧寧人亦曾住 輯《大全》、《 日 叩其所學,極 富平,真其 知 録 或 問 書 學 Ŧī.

《左傳疏摘録 》成

《左》指南 凡三閱 月 而 書 成,考論 精確 洵 爲 讀

+ 一月,聞計奔喪。

先生應舉在京候試,至是已七閱月,四

0 曾」,原作「存」,據乾隆六年本改

四 九

終乃 之,因 遺 於斯 弟尚 之。 祥後 勿 加 布 易 約三 都。 几 哀,席地 方 遽 於 帽 麻 + 女撫育之,不異己女,後適 隅 被 哉 井 桓 謂 布 月 出 帽 薦 二十九 而 謂 以 以 之内 於 井 周 袍 柩 寢 者 日 月白 棉 以 而 之外。 其上, + 好 猶 卧 乃 麻 紗 遺言 「吾弟平 俟 月 衰 日 生 未 線 線 是 縷 以 吾 繼 抵家 經 畢 日 月 爲 爲 期年後 爲 己 兄 以 悉 封 不 集 緯,服 緯 朔 緯 子宸 準 歸 衰 舉 生少 公 去 《家 禮 日 視 絰 而 始 計 而 加 體 小 自 夕 徴 歛。 麤 乃以 封 法 用 至 卓然之志 殁,先 禮 <u>-</u> 祥後 有 孝 喪 公 爲 古 淺 白 **>** 弟 月 即 之 次 殁 秀邑庠 節 又戒家 從 色 布 從 土 始始 生痛 豈 之 哭 徒 後 也 布 於 袍 坯 時 事 \_\_\_ 後 有 泣 跣 套 用 置 九 兩 子 生 仲 所 外 大 白 始 臨 傷 得 大 墊 出 盡 月

張金城。

未己

十有

年,

年

五.

+

^

讀

禮

志

疑

成

筆記 諼 封 説》 先生居憂,杜 講讀《儀 服 張公伯行撫 刊行 參 制 之,帙 觀 》等篇, 禮 垂 互. 世 成 》、《周 證 門 取 吴時 名曰 有 謝 古 禮 所 絶 注 發 得 讀 幡 及《 疏 明 讀 禮 應 與 禮 是 志 則 記 第 通 書 疑 命 與子 × Z 解 定 佩 喪 × 徴 定 服 記 ^ 微 儀 集 弗 随

十月,魏公環極以疏薦。

時上諭 又聞 舉 冰 未 江 去 南 十人 愛民 與 而 嘉 定縣 先 妻同駕 皇皇 用 如子 人以 生其 革 罷 因 職 操 市, 舟 註 知 守 也 既 誤 縣 清 惟 被 去 陸 有 正 疏 革 耐 圖 隴 爲 略 家 書 其 萬 本 云 家 數卷,其 民 清 魏 怨 操 原 公 祝 恫 飲 任 疏

妻織機一張而已。」云云。 疏上,遂有

以書答李生玉如。

非 無 姑 動 本,擴 弗 葬 以 有 於棺椁之屬, 李 孝平時學業鹵 家禮》皆無 君君 據 多 禮』者、蓋指 預 事 書 因 + 經營, 窒 M 所 答之,其 葬 歲 即 而 則 事 礙 親 見言之。 充之,知必 位 終身莫贖 制 之 贵 而手札諄 書 而 嫌 明文,然 七 則 能 來 爲 略 含 莽,未能 + 不可 桦」 請 爲足下 日 襚 左氏 壽 時制。』未 Œ 賵 有大過 之文,《 古 壙 諄下詢,惟恐 先生 「使 以 此一念已得 賻 ( ) 所謂 人往往爲之,似 編考古今之禮 ·質疑 此 之類言之。 事 者 論。 人者。 嘉 來,  $\pm$ 聞 ·, 辨惑 預 制》云 其詳 《檀 儀 以 方 M 爲 禮 耶? 但不 禮之 知 稍 弓》 慎 至 嫌 爲 有

吉禮 亦當 此 時 惟 尺 足 壽 也。 然更當詢之博 此是卜葬宅之禮,以 宅,主人皆 停庶母之柩 嫡 『主人之服不純吉, 云: 據 是世俗 母 壙 誠 如此 而 『免経者,求吉不 也 稍參以吉, ,或者暫釋 至若 相 居 未 有 中 並 則 有 如 封壽 有庶母之葬, 爲 與 或另 來 所 往 以 疑 壽 聞 考 札 壙 有 衰經 但 壙 兆 則 袝 據 所 知禮者,臆度之言,不 純 待 亦 庶 不 南 免經 云 於 用 也 此 似 以 可 母 敢 北 者 旁, 查 吉 素 推 無 而以 如 葬 亦 純 ^ 來書 面 禮 服 之, 嫌 儀 不 或 世 位 不 X 兩邊 臨 前 孝 一欲停以 俗 禮 免 稍 則 原 純 則 事 亦 經 哀 之 退 不 疏 亦 封 凶 可 俱 \_ 也。」 嘗 純 樂 應 壽 不 云 有 也。 待。 必 用 注 統 疑 壙 與 口

酉按:此書可破預凶事之嫌,可正嫡

庶 之分 皆 [學者 即 禮 所 宜 文 知 雖 闕 也 亦 有 口 以 義 起 者

申十有九年,年五十一。《讀朱隨筆》成。

之説 署 托 摘 先 者 日 取 生 數 讀 讀 悉 非 ※ 禮 白 異 朱 爲 條 説 隨 闡 之 語 筆 所 發 暇 意 得 **%** 其 精 即 加 微 於 深 顛 讀《 意 是 或 倒 明 易 朱 朱 者矣 子初、 爲 子 示 文 異學所 其 集 指 中 歸 假 晚 大

三月, 計 盛 書 席 虚 秋 席君文夏自 意 高 冬 辭 先 在 文當 京 其 生 誼 ,感切寤 ,惶悚 居 候 略 經營 憂 補 日 二子 無 寐 京 而 : 先 事 己。 來,邀赴 君 春 但不肖 永 來 **芝**事 初 令郎 請 恂 **\$** 館 赴 前 親 方 未 天 館 到 以書 席 資 能 舍 隨 遠 英 先 辭 侍 妙 出 在 傳 生 以 有 述 竊

汲

於

、時文。

《左傳》之外

?

易

×, «

詩

成

大

器

鄙

意

目

下

但

當

多

讀

書

勿

汲

得 文 講 然 T. 耿 訂 仍 倖 文 壞 實 講 限 時 棘 禮 量 後 夫 書 功 辭 文 耿 解 循 弟 只 古 浸 空 名 不 所 復托 諸 則 口 而 序 緣 灌 明 其 疎 人 聰 經皆 宜 患不長, 已 樓 起 漸 亦 年 杜 父 爲 其 略 明 人 樓 閣 止 進 不 撰 兄 學 中 尚 自 日 來 不 **\$** 閣 也 能 成 不不 而 . 皆 性 在 然 固 可 郎 使 0 但 不 馳 俗學,此 苦 急, 然。 請 日 **\$** 不 學業 識 之 欲 五. 須 如 赴 塊 讀 生 親 有 經 經 速 先 築 台 訂 世俗 中 完 到 史 自 必 得 室 明 儿 讀 將 養 命 不 爲 經 更 舍 書 長 春 須 必 其 各 子 然 足效 然 皆 精 安 書 堅 入京,先 何 精 遥 經 爲 弟 根 後 所 道 物 其 進 基 望 熟 熟 明 也 所 就 而 及 便 上 基 龍 址 歳 讀 幼 於 以 竢 不 雖 \$ 熟 光 也 址 學 非 之 席 其 口 時 生 作 多 細 僥 必 +

月

赴

省會唐

公。

唐

名夢

賡

淄

111

出

所

作《

贈

高

念

東

珩

篇

Ť

首

内

有

「莫忘

常

何

薦

馬

學者均 以 西 教 按 誨 宜 其 書 服 子 膺而 者 以 禮 E, 勿失 自 不啻 持 也 耳 不 提 應 其 而 請 面 命 所

五月,黄君去凡來見。

之,是 朴 當 割 間 若 凡 先 爾 黄名凰 富 欲 誠 爲 載 用 其 也 告之。 厚之 能 之子 嘉 朝 獎之者適所 即 及其 儀, 否 其 廷 選 人以 贵 惜 而 急 徽 通 僨 官之, 公, 官, 因 非 人 判 事, 思 勤 而 亦當 加 朝 儉 近 來 以害之而 又不 寓 所 廷 以 起 來 訪 嘉 謂 之 散 爲 家, 捐 幕 善 能 良 朝 未 秩 納 賓 開 不 能 往 民 廷 口 之例 典 先 以 往 惜 操 善 也 者 多 刑 衆 生 刀 罸 忠 不 而 今 平 以 以 厚 大 隨 使 不 但 錢

於 爲, 寬 言 能 是 深 軸 非 滇、黔未定, 周 高 何 謂 知 負 岳 乎? 欲 大 者 所 朝 先 蔚 如 蔚 者 以 我 是 東 之 實 以 天下之平,必 州 京 生 惓 州 而 日 何 蔚 典 與 導 安 邸 之 無 之 惓 日 我能 惜 我 州 同 ,則天下 反 之 貴 深 指 内 薦 即 焉 妻 日 縣 乎 子 乏爲 而 側 顧 者 此 也 爲子任之,子果能 命 兄 而 不 忧 憂 語 駕 兩 官 弟 比 能 者 慮 蔚 因 此 以 岢 矣。」 迨 足 也 鄰 令反 京 言 忘 不 111 州 雖 示 復 其 恒 矣。」李 9 師 情 東 蔚 古 其 即 意 能 變 故 欲 岳 饒 側 於反 之 州 道 信 起 人清潔 約 E 蔚 成 於 出 蓋 子 變, 之 謝 乎? 照 前 曰 日 州 財 之 惟 自安, 正之人, 初 曰 之卓 費 毋 也 有 恐 而 出 異 聞之, 出 後 乃 金 李 止 猶 先 而 然 於 恒 又 子 有 幾 非 生

弟

足信 與某 左 生 死 右 頗 以 弈 不 告。高 耐 亦信二氏,又甚言朱二眉之不 其子 事 徐竟局,然後 有 在 嵇 黔 中,家 元 之風 人 人問其 自 黔 日 逃 子之 高 方

論定《職方公傳》。

案,雖 廢言 誠 君子 先 也 間 幾亭所 館 原傳》來 東林、崔 一,此亦是至論 明 生 故 事 於 族叔 IE. 也 當 當 云「只 孔 則 不 日 請 使崔 子所謂「不以言舉人,不以人 其 先 威咫 得因 魏 在、 Œ. 論 生 論 而 自 爲 以 攀撰其伯考《 魏借三案 崔、魏 魏 外, 通 定。 方 之裁定, 自 不 名教 修《明 通,不 崔、 又 而 之途 職 苛 魏,三案 以 大 史 方 論 求 攻  $\leq$ 職 甚寬 思 疏 東 東林, 於三案。 論 將 方公澄 中 不 自 即即 送 天 云: 東 然 史 啟

+ 尚 桓 二月,合葬考妣 先 夫 婦 生作《先 袝 穆穴 府 於餘 君 | 擴記 圩 祖 》,其略曰:「 墓 東 偏 以 府 仲

者 仕 異。 落,徒四壁立,亦不以爲意。 世; 主 未 喜 相 性 而 人慕其風節 云 皆惡之。 凡 嘗 在 爲 寬 加 寧闊 然處之坦 『貪 寧 十有六年,安之若素, 少 城 和 位 者 有二也。 時 過 府。 未 而 與 絶 略於節文, 於 家 常 酷 嘗 不 ,競相仿效,禍不可言矣。』 若自 人與家 和 道 以 ,皆居官 如 芥 有 平,而 盈盛 蒼 疾言 也 蔕 生 恃 於 生 人言, 廉謹 爲 惟 及遭喪 而 胸 遽 長 不 大戒 色, 以 不 中 念。 兄 欲 而 出 欲 真 墨 1 雖常 刻 雖未嘗達 然 亂 以告於人, 好 每 誠 崖 矯 濤 授書武 以 貪 坦 語 飾 寬 岸 公 家 有 繩 直 而 子弟 厚 業 以 又 以 横 爲 塘 自 欺 盡 顯 逆 君

喜鶩 鹽 序 讀 此 不入黨,秀才不入社,便有一 互 未 至言 相 吴忠節公麟徵之語以示曰: 『居官 書必究極原委,深惡俗學卑陋,尤不 標榜, 虚 知其 也。 名 、病也 號 兒謹志之。」 順 日 治間 ],府君 某社 ,士子沿 某社 每切戒之。 隴 明 半身分。』 其 季舊 初 舉 習 黌 海

出於天性,而過庭之訓亦不可没云。 酉按:此記可知先生之立身服官,雖

酉二十年,年五十二。二月,服闋,乃赴常熟

席氏館

壯 誌 舟 安仁令,以循吏稱。 之説,其爲人 | | | | | | | | | 中 歲游文公朱先生之門,得以直 讀《 「某向 真 葉 西 名湜,字 讀 磊落明白 山 葉采《近思録 集》, 子采。」末云:「 子是 見 無所 有《葉安仁 ,建安人,爲 注 口 隱。 》,不知 養 先 君 墓

讀書,觸處有得,概如斯。其人,觀此知采之學有自來矣。」先生

嗣 四 寅 月, 如 省, 宋 君 崑 友 來 見, 遂 同 訪 應

君

禮 單騎 故至於此。」 僻,云:「念臺年少登科,無人敢駁他, 難從耳。 定《大學》及論 氣静 與程、朱不相背, 之賢宰也。」因 處培養人材。」先生深有取 宋名瑾,應名撝謙,俱錢唐人。 云: 今日要務,當隨 璧、禮琮來受業。 ,君子也。 赴 景 任 寧 以 知 布 劉 應君心重先 縣劉宗 衣 一元亨 與 念臺之學叩之,亦 出 疏 而 同 處 刊 食, 體 小 文一卷 候 利 沛辛 有 應 認 極 貞」不主 生, 出 嗣 力 天 丑 於兩 進 理, 寅 撫 以 因命其子 士 綏 Œ 又當 本 惟 貌 言 宋言 蒲 以爲 義 欲 大 朴 亦 城 約 人。 爲 隨 今 改 而 又

## 仇 公 滄 柱 來

之 之同 無 述 先 太 師 不 1, 仇以 沖 師 有 同 偏 生 明 則 異 僻 尊之太過 極 成 而 미 言 德 黄 自 蓋 人 代之儒 Ш 〈太沖《 之 以 執 師 然 陰 師 爲 蕺 内 如 所 之説 成 Ш 此 又 學案》爲 若 以 可 德之 有 蕺 謂 多費周 人 不 大 Ш 當 有 之 師 思 種 者 功 贈 採 説 則 經 旋 取 不 師 以 有 以 而 先 以 興 與 斷 議 爲 牛 可 諸 謂 惑 起 興 論 之 起 師 儒 不 其 學 而

之 西 按 師 則 興 孔、 起 之 孟 師 以 後 夷 惟 程、朱 惠 是 也。 足 以 若 當之。 成 德

六月 如 有 司 涇 奉 部 檄 迫 赴 京 就 職 以 疾 辭

先

生

其

繼程

朱

而

起

者歟

月

楓

於楊 中 某家 先 生云: 閱《 鄢 陵 甯之時 志 内 列 鄢 范 陵 甯 恐 於「 不 屬

> 13: 之日 言 使 語 生 民 使 且 用 斥 晉 附 請 鹵 收 世 録 立 世 則王庄 近 鄢 當 庄 租 之《 命 又 即 州 無 陵 則 時 亡 佃 萬 具 其 縣 膏 隨 知 有 若 賴 上 户 立矣。 詳 曆 腴 騒 各 縣 記 者 臺 佃 懼 也 末 縣 擾 買 可 張 因 户  $\approx$ 違 重 0 南 年 答 陵 膏 ´, 怙 公舜典,鳳 緣 蓋 其言 当 其 王 北 明 轢 腴 爲 得 福 取 播 勢 庄 皆 詔 田 奸 有 罪 Ŧ 其 張 立 濱 禍 事 之 司 一,每歲 不 願 附 威 河 翔 地 竟 噤 白 莫 罷 或 愧 和 方 得 不 頃 地 官 敢 羽 爲 於 不 寢 多 敢 以 王 有 誰 翼 民 爲 文 可 汙 遣 供 出 何 中 小 先 萊 到 勝 中 V Ŧ. :

+ 月 如 常 熟

閱《 多 左 顔 袒 氏 釋 家 氏 訓 顏 謂 魯 此 公 書 學 有 多 益 駁 H 雜 用 其 然 淵 内

如 常

熟

與 性 是 其不欲言以 目。」又閲 派 自 理 源 云 體, 張 乃 管 虚 有 子以 在 自 登 此一 得 氣 亦是指 外。 哉 之辨 性 自氣,不相資 其 條 萬 儘 覺 又云: 象 云: 又校 静坐説 明 大有 包 心 爲 白 理 對 虚 亦 一,特欲. 理 若 空中 謂 大  $\stackrel{\checkmark}{\sim}$ 却 高 會 謂 異 氣 不 乃 人者矣。」 忠憲年 自 所見之物 以 在 於 認 知 大 伸 覺 虚 程、 得 抵 高 其 空 包 性 譜 子 梁 、見耳。 朱矣。 中 理 先 中 所 謂 生 條 虚 有 則 則

論

其學

似

正

於

景

逸

又

刁

蒙

吉

致

逸

以

其

所

著

書

於

舟

中閲《紫陽通

誌》,見高

彙

**、旃《格** 

致

111 也 閱 `上』章與《西銘》,皆是言仁體」。 徐 不有者,仁體 因 故《中庸》『費隱』章、《 鴻 悟 洲《信古 與 萬 物 也 餘 流 ; 論 無 通  $\approx$ 者 時 言《 不然者,仁 論語》『子在 西 體 銘 也 是 無

戌壬

一十有

一年,年五

十三。

IE.

月

朔

論

1

體 九月,長子宸徵亡。 端 覺 嚴 寸,而各持 主 羅 此 潛室劄記》中,亦多《格論 服 與 Œ 布 佩 之 膺太 所 直 衣 陳 幾亭 難 書 先 過 得 耳 同 生 見 恰 不 説 兩 西己 日 好 滿 到常 則二者必弊之道也。 人 享於道 者,分寸耳。 涇 議 陽 處 論 熟, 世之道 而 南 閱 深 》,但於景 祠。 推 主 顧 只只 景 涇 和 不

平

凡《

與

逸

書本 書》、 痛惜之。」又自記丁卯六 目 先生云:「長 ×, 韓、 經之外, 性 或 理 柳、 語  $\leq$ 歐 漸  $\approx$ 兒 以 知 蘇之文, 次 如 或 聖賢門 讀《詩 吾 策》、 法 月,偶見丁 涉 ×, 漸 ^ 路 史記 獵 通 春 文 至是亡, 通 秋 × 義 鑑 景 漢 綱 几

講

分

此

壬戌,爲之黯然。輕似絮,西河老淚結爲冰」之句,追憶 呂弘誨,江西人。《傷子詩》,有「嬴博游魂

十月,長媳曹氏亡。

處 即 中。 質駁,尋思只是讀書麤。』以是當韋 常欲書二語於座右,曰:『老大始知氣 再遭家變,此實生平積愆,天降大罸。 有《告子定徵》文,語 亦未能 以 是當祈禳,但恐麤 又《與周好生札》云: 盡 見耳。」 極 處 悲楚,載《文集》 未能 「兩月之間 盡 知,駁

者 謙 讀 西 宜 書 按: 沖之 知所 可 謂 先生涵養功至,氣質 度 取 有 極 法矣。 細 而 ,然猶遇 不居,直是聖 變 而 門 自 可 . 責 謂 法,學 如 極 此 醇

陸

稼書先生年譜定本卷之上畢

## 陸 稼 書先生年譜定本卷之下

後 學吴 光 酉 重 輯

亥二十有二年,年 五 十四。 四 月, 如 省城

道之志 言 緣 至 應 有 嗣 司 迫 寅 記 家, 補 録 云。 職 見 不 其 先 能 生 於 嘉 前 辭 赴 其 歲 年 晤 省 彌 對 領 往 高 答 復 而 之 向 大

以 書答秦君定叟。

彌

篤

指 月 雖 秦名雲爽,杭 悔 曾 也 多調 而 以 尚 書 停之説, 至 無 來 是 所 州 在 折 人。 并 省 不 質 衷 免 蓋 者 其 以 援 溺 書規之。 所 儒 於 歲 著 姚 入墨,故 辛 ^ 紫 江之學 酉 其 之 陽 未 大

^ 之勇 響 之學 先 待 足怪 近者 範 世 年 陽 尚 欲 今日 書之旨,豈非 中庸》首章、《 定 辨而 量 生 之 明 商 疑 : 則 溺 者,蓋 也 論 合 起 始 原 朱 恐 自 何 其實乃大相遠, 所 知。 0 於 與 仲晦 敝 > 者 而 以 以 嘉、 反 陽 扶 陽 但 加 書 以 尊 於 不 若 之,繼 衰,惟 取 之句, 明 明 隆 諸 世 見其 意 兩 免 就 或 朱 而 迥然不 而 ? 以 道 所 家 於 其 問 子 到 不 幸 來 在 力 不 故 而 分 然 援 近 》讀之, 能 觀 底 紫 哉 力 影響。 覺 辨 途 猶 似者 歷 儒 一同,其 故 自 心 以 尊 其 舉 似 陽 處 人 説 陽 振 爲 在 紫陽 朱 非 然僕 未 以 則 墨 猶 之 及 明 拔 影 陽 言 子 其 愚 能 見其不 未 之 教 ^ 雖 者 響 雖 明 有 之言 大 意 異 高 盡 心 病 影 微 劃 有 多 學 尚 脱 時 朱 明著 同 此 也 ^ 矣。 影 其 不 晚 有 無 相 與

幾矣。」 力 有 聞 陳 所調 必必 先 清 生 瀾 使考亭、 停 以 ^ 學 其間 爲 蔀 過 通 姚 ,則大指得 峻 辨 江 願 **>** 如黑白之不同, 高 書 明 而 奮 辨 世道 其 析 衞 最 其 道 精 庶 之 勿

Ŧi. 月人 都

錢 於天 久 赦 蚤 順、永、保、 者當以 相 民 在 早, 糧告示,土人云: 後 已 勸 約 騾 勉。 完 轎 不 不似 田 赦 三月之内不 中 蓄積爲 足 中 前 宿商家 矣。」先生云: 枯 思 河 南 之法方善。」 槁 催科之法。 几 方 第 府二十一年 猶 林,阜 因 義 口 思北 施 「昨 人 0 城、任丘交界處 鞭 力 又 方之豐荒 扑, 日始挂 初 此 途 挽 到 使里 卷 中 口 任, 如 賸 見 昔 長 小 蠲 長 當 多 田 民 民 由 見 土 免 万. 與

> 六月,到京,仍赴席 之風 世之 得 亦 通 可 仕 以 籍 少 氏 愧 惟 館 矣。 榮 利 是 亟 者 聞 先

京 以 時席文夏爲工部主 札 因 邀先生 仍 館 於 其 願 、邸舍。 爲 北 事,招其二子入都, 道主人。

赴 部投揭 ,乞改教 職 不允

部 任 先 不便題 清謂 生自罷官 願 廣文 改 改 教 而 (一席 職 止 以 0 來,思以 可 而 伸素 部 以 特 志,於是投揭 啟 薦起用之人, 迪後學 爲 吏 己

六月,徐公立齋邀酌

否? 如 皇上言: 纂集事 徐名元文,崑 無 錫 又言 例, 者 陸 與 將來要 他 隴 Ш 做 會 其 人,言 點總 典 應 ×, 内 以 魏 裁 今 閣 江 環老薦 及纂修官, 方 南 不 命 知 繁劇 記 各 舉時 之縣 衙 此 然 門

四

按:

先生方

赴補

即

留

心民瘼

如

此

生

八

(月,萬

君貞一

來見。

萬

名言,鄞人。

言

修

明

史》諸

公欲

生 如 此 輔 謂 任 事 臣 甚 立 改 子 齋 難 此 須 議 項 例 論 從 今欲 大 有 侃 來 力量 侃 武 改 君 官 IE. 子 勢必 者方能定得 無 也 廕 文者 不 能 自 先 四 即

七月,湯公潛菴來會。

家窠 代 年 此 術 他 先 所 酉 湯言:「今學者好排擊先 ·
所
學
一 按 謂 偉 生 否?」先生云: 辨》示之,冀 日 白 以 人。 今學者,意 也 一,所以 湯公天資樸茂,人品 書論 出於正,不久 第 先 姚 其 生 卒不能 其 江 師 以 蓋 一之失, 自 「大抵 門授受, 未 在 悟 深 接洛、閩 晩 耳。 而 兼 交, 邨 爲 殁 儒 録 姚 0 猶 惜 弗 也 舊 清 江 之傳 不 不 乎 Ħ. 與 所 高 而 借 脱 知 湯 作《學 驟 發 爲 應 公晚 以 良 辨。 諷 其 如 知

> 然 寬 嗣 楊 昌 嗣 是, 昌 則 據 黄 伊 石齋 子 ^ 贵 籲 非 天 録 乎 ,?! 先 》之言 生以 也。

爲然。

以 語 令,壬 四 余云: 按 修怨相 申 ^ 大計 隨 『萬 報復,及之也 記 以 注 修 以 云 貪 史 酷 暱 「貞 參, 於 東 而 海 後 曾 爲 梅 而 Ŧi. 廳 路 則 湖

往會黄君俞邰,因與萬君季野語。

考》, 言 著 黄 在 君之失。」先生皆 ~ 《讀禮 儀 名 坐 一,曾助 禮圖》及《 虞稷,江 言 明之《孝慈 志 疑 之 》内 徐 亹 有 徤 寧 亹 通 菴 人 條 以 録》,不 解 亦 博 乾學,崑 爲 》,皆有 云: 時 雅 知 萬 君 言 洪 免武 Ш 季 武 人。 子 未 野 孝 酉 人爲 當處。」 也 斯 按 修《 慈録 同 先生 於大 喪 言 | 直 鄞 禮 人。 又 所

■ 「晚邨」,原空缺,據乾隆六年本補。

儒,而 迫於 之疎 生皆 龍《謝恩 疑 師 而 云: 《元史》不作《藝文志》,恐其 藝文志》則竟不作,當時纂修者皆名 心 在元。」又於其 爲 自 「人能 **、略**,甚 惜 期限,遂 用 疎 贈 其 疏 略 又 并 自 自 》,知 如 有一人而 以 借 信 勉 不 此, 其 其 太 及詳 固 其 寓 兄充宗所 贵 所 過 不僅 見江 年已六十七矣, 著 非 慎 前 政 黄 ~ 在少壯哉!」 歟?」先生 周 南總督于公成 後 令嚴 言 官 重 著 辨 陋 《元 刻 出者,如 學 非 不 諸 在 禮 **>**, 謂 史》 史 儒 大 先 質

往 會張公素存。

乎? 張言: 抑 「今浙 確 有 東學者多主陽明,争 所 見 乎?」意大不滿於藜 意 氣

校定《考亭淵 源 録

洲

之學。

薛 方山序中言:「朱子之言,孔子教人

> 也。」 仁 言李 陸學 所 静 力 得 之 卷朱子告郭 而 一十卷 述未 一法哉 所 於 力 又爲 坐」之説,郭是從禪學入門者,恐 法 爲 述 象 延 於朱子」, 先 也 確,用 一爲未 調 ? 平. 劉 非 Ш 生 ; 之説 教 淳 也。」又其 停之説 爲 方山 陸 確 叟欲 人 友仁,有「半日 之太息,謂 工如 子之言, 以 静 亦亦 既 救 做 坐 如 言老 何 屬 陽 之不 此 末云「象 虚 可 調 明。 蓋 静 孟 這 而 停。 然,可 工 樣 知 子 終 朱 孔、孟 夫, 讀 限 朱學之精 教 不 Щ 又 子 書,半 定? 朱子 人 見 第 敢直 晚 晚 之 贵 郭 + 年 年 友 與 指 法 第 此 日 得 亦

徐君 勝力來 見

詈駡之, 豈足以 誼 徐 能 名 嘉 引 翼 炎 嘉 前 興 爲 服 人。 其 人 哉? 引翼 極 言 者 吴 先生 昌 乃 嘆 反 時 之 噬 日 氣 而 :

淺 蓋 可 反噬者 局耳。 謂 , 豈特昌時哉? 亦有之矣。」 真 氣 固 太史公《游俠 誼 不必言矣,昌時之引翼 乎? 其 今之效其所爲者 好 處 傳》真害人 亦 不 過 游 不 俠

張公武承邀酌。

學? 言曰 昭 許可, 洗 已著 弊猶 以 張 惠後學。 疑》、《史學質疑》等書請 支 陽明之學爲非,謂在 名烈,大興人。 離 未見,而 然 并爲《王學質疑》作序授梓,以 而 始 其 姚 闢 而 也 其 之也 江 非孔子之教也。 功 略 一婦聞見以明心 天 闢 甚 E. 易。 之 挺 偉 先生庚戌同年友,深 豪 党 也 余嘗聞高子景逸之 因 傑 難 出 可 妙妙 ; 嘉、隆之際,其 Ē 所作《王 不 在 耳, 究且 悟 今其 謂 先生 今日 良 孔 知, 子 弊 學 俱 其 之 昭 質 弊 極

終未 抉陽 之糟 力 未明 乎? 忠義 有? 然猶溺其餘習,未能自脱。 而 愈甚矣,功安在乎? 良知,即無善無不善之謂 陽 心 空念耳 《樂》輕 非 豊 未察其源之謬,比之龍 明 而 孔子之教」,又可 粕也 明 明之波者,雖若有間 耳。 輕 難 之病者 廢 支離之弊,正由 學與教有二道乎? 究且 也。 前 登 學,於 而 埽見聞、埽善惡 , 洙 非孟子之良 士 士 以 ,然余不 泗之堂,人程、朱之室? 任空而廢行,於是乎名 鮮 鮮 是 高 實 實 乎《詩 子之好 修 悟 。」斯言似乎 能 徒 見 謂 知 》、《書》、《 始 無 學 見其流之弊, 以 聞 也,何妙 溪、海門之徒 孔 也,是佛、 也 而 疑 第行, 陽明之所 未 莠之亂苗 洗之,支 聖人 焉。 埽 子 廣、善惡 善 之學」 、 之 道 充 悟 禮 既 深 惡 其 之 謂 老 節  $\Box$ 知 以

中 聲 閑 則謂 思 以 白 爲 盡 鄭 明 羅 糊 口 在 一卷,其言良知 流 自 録 邪 程 終 疾 作《後序》,略叙其世系官階,而 整 未 掃 京 之 如 Щ, 》,故 朱 晦 謀 衞 决者 公自爲諸生以至立朝,始終 呼,毅然以闢陽明爲己任,先 此 菴 ,龍溪、海門之毒,而凡梁谿之所 勵,不屑世俗榮利 師 亂 道 也矣。 也。 陳 而 雅 八爲宗, 非苟 張 是書 爲 合,信乎德之不孤 清 武 豊 己任 近年惟吾浙吕子晚邨, 1大 瀾 旦 而已也。 承 及張 不 所 深 如 而 先 之害,至明至 甚 發明 疾陽 後,未有言之深 撥雲霧見白日 生示余《王 哉 晚 公既殁,不勝惋惜 尤 ? 儒 又論 皆 嗜《小學》、《近 純 陰 康 從 如 釋 熙 平生 其所分修 而 也。 之徒,以 癸 悉,不特 學質疑 道之不 亥,余 蓋 生與 學 其 以 大 切著 問問 要 學 清 含 É

綱領云。《明史》,皆卓然不可磨滅,而此書則其

九月,補授靈壽縣知縣 屬 來 先,皆實獲先生之意。 張惓惓於西北水利,又云當以教化爲 先生 見,以 積 亦許其皆君子之言。 穀 、種樹、 ,往會張公素存。 弭鬭、義學諸 又朱溶若華亭人。 事 相

十月,聞應君嗣寅之變,爲文以哭之。

以 至是 應 信道之心 君 致奠焉,文載《文集》中 蚤歲 兩應生以札計,先生惜之,遂爲文 即好學躬行,及聞先生之論 愈篤 故 晚 年 無 復偏 駁 處

聞晚村□□□之變,爲文以哭之。❷

吴容大涵,石門人。邀先生酌,言晚邨凶

<sup>● 「</sup>吕子晚邨」,原空缺,據乾隆六年本補。

❷ 「聞晚村」至「以哭之」條,原缺,據乾隆六年本補、

賁 學 矣。 書 便 應 救 形 隆 庶 時 後 甚 問 日 任 學者 藥。 於 以 幾 行 并 許 云 道之心 之。 已 已 爲 以 論 政 來 確 天 有 口 見大 文以 事 致 假 一,哀 先 白 我 蓋 事 補 獲 張 最 陽 奠 生 沙 則 之年 謂 先 武 覩 哭之, 意 可 篤 流 儒 月十三日 焉 而 諸 出 天 生 天 承 闢 寔。 知 一,恃爲 陰 胡 於 而 一於晚 生 之《 日 矣。 釋 日 風 竟 兼 除 其 破 先 閲數 之學 王學 俗 新 至 其 獲 又言 蓁 與 文 生 邨 闢 吴 月 事 於 藩 游 莽 其 必 略 百 出 月, 出 邪 起, 質 斯 盛 晚 也 長 病 坦 云: 非 拔 埽 處 崇 其 疑 耶 邨 君 遇 途, 中 世 無 其 雜 去 雖 往 正 先 W 有 自 無 於 道 「雲霧 大 根 興 之 不 時 功 先 生 南 甲 但 黨 自 答 助 同 人 亦 生 太 莫 勇 葆 謂 旋 辰 而 心 嘉 書 於 口 之 胡 之 息 鉅 以 其 中 而

散 致 計 學 黨 嘗 讀 悲 爲 於 大 從 列 口 遽 而 道 尊 禮 容 見 時 便 痛 書 知 縱 奪 Л 介 反 有 反 之 中 奉 先 指 觀 於 憫 公未 筵 悼 覆 節 w 其 生 如 略 暇 諸家之 時 世之心, 慰 生 於 哀 示 年 非 淆 附 飢 云: 我 竟之業,將 程 與 文之評, 冥冥之中,當 耶 宜 爲 惑。 寄 而 渴 、朱之書 鄙 晚 ? 志 輯 私 小 南 語録 意 邨 主 所 不 始堅 壬子、 文 悲 其 北 某 尊 相 一於隨 不 佞 間 關 而 不 爲 公 同 契之深矣。 服 不 來 穅 首 隔 係 未 敏 粗 斯 癸 闢 者 事 責 膺 粃 世 有 不我 蹉 道 미 H. 知 微 邪 在 四 指 尊 雜 道 成 出 復變。」 跎 始 其 慟 崇 禮 + 足下 點 公先 陳 者 棄 編 處 至 梗 Œ 以 遇 彙 故 也 今。 珷 概 即 耳 函 ^ 之學 9 前 先 生 爲 足 往 伏 欲 與 讀 玞 F 往 惟 聞 44 走 無 此 並 亦

六六

訣 嚀。 邪 急 不 用 生 針 城 無 行 頓 秋 未 敗 例 志 用成 假 ,宜先生之深 芥之合,不 之物,此純 遁 欲 經 於 寓 黨 如 時 表見于世 問 以 庶 力自荷甚 舍 復 超温 表 恐 若 河 年 世 書 聽 章 即 得 幾 先 難 津 者, 之心,不 略 其 者,考亭 聆 中 欲 志。 立 垂 讀 云 散 言 闡 意 先 道 總 久 孝 一,必 重 書 於 足下 遠 捐 此 收 以 先 生言論 致 第 信 録 時 後 能 拾 棄 待 傳之緒 而 能 痛 諸 》、餘 文 後 雲 ·好學 遭 自 步 於 昔 或 事 悼 書 中 之學 武 所 逢 泥 與與 己 更 年 者。 也 干 ·, 敢 未 言 非 異 書 有 前 深 侍 亦 譬 先 者 偶, 方 就之書 窮 微 思 中 居業録 宜 惟 先 綴 至 君 言 及 君 尊 功 先 及 異 遂 平. 以 明 而 有 無 奥義 端 公 之。 時 珠 天 不 君 成 水 于 待 時 成 復 到 禾 之 見 平 永 叮 所 千 於

出 責 傳 記 皆 緒 纂 生 以 朱 而 極 尚 攝 先 日 虚 因 纂 至 亦 不 君 子《 養 負 口 竟 先君 先君 即 惟 棄 料 疴 易 常 集 人 此 亦不 今追 近 不 當 其 簣 時 隨 理,後此 生 成 語 息 暫輟 思 能 所 尋 時 之際 矣。」 愚 文 學 書, 事 猶 憶 敢 録 望 成 記 評 與學者 人 時 存 不 以 不 以 也 也 編 是 語 雖 曰 及 更 賜 不 鄭 主 垂 不 俟 次 音 以 ~ 何及 誨 重 知言 出 廢 故 講 敢 稍 悠 久 響 抱 此 之, 就 於手 丹 耳 遠 論 不 常 悠 愈 尚 病 耶 正 鉛。 勉 集 及家常語 蒼 者 此 ? 在 以 書 古 當 著 於 嗣 **>** 天, 不 後 尤 不 時 是 先 有 後 有 而 然 此 孝之願 爲 成 此 不 恨 道 先 君 更 引 精 勸 猶 時 緊 得 孝 生 微 無 恨 毅 端 而 以 勤 則 精 要 後 之 静 勉 然 吾 不 録 何 批 神 不

之教 刊 友 西 之 在 行 按 心 是 而 晚 ^ 贵 裒集以 村 與 而 無 有 四 黨 造 書 垂 哉 書》 後 講 世 學亦 義 者 及《 ×, 復 是 先 在是矣。 書 生 無 \*, 一之不 黨 奉 則 其 負 先 今 良 爲 生 所

徐公青 來 邀 酌

道

可

量

裨 先 禮待之,不可云交通。」又「人言伍文定 寧王 菴 明 闢 偏 陽 徐 裨 明者 也 云 非 人 陽明之非,主人 名 一,宜先 南 Ē 潮 之功,皆大將之功,不 一日未反,則 潛菴 「人言陽明 錢唐 昌, ,述熊孝感 人」,似 極 陽 人 不 人。 , 明 以 喜晚村言陽明之短, 陽 冒 熊 之氣 尚 初 致 時徐勝力在坐, 明 其 爲 是親 亦 史館 大 功。 過 交通 甚 將 當 諸 謙 王 也 不 爲冒 寧 然亦 公書言「 以親 知文定 又述湯 宜後 Ě 不不 王 似 極 偏 之 知 又 陽 主 潛

> 者舉足 明若. 生云: 若 則教 斷 動 云 不 辨别 得 其學術之誤 喜 此 其爲害反小。 者 許多人,其爲害反大。」 無 許 陽 止當 同異,是教者 便要 亦 明 此言大非 酉 毫 可 行 據 Ш 識 不 好 事之本末 所傳 之學。」先 路徑 人 必。 處 惟 則 9 聞 則 若 事 若 如 其 不 當 止 疑 論 原有 何 可 時 非學者 非 生 作 則 寔 可 以 後 動 略 不 傳 好處, 用 不 勝 不 人所 陳 塲 辨 疑 力 得 事 力言 己 説 可 \_\_\_\_\_ 能遥 則 所 許 H. 也 意 話 先 學 以 多 陽

論 王公阮亭建 議之失

洪先、 增從 遺 何 王 基 名 祀 士 明 吕 其言 槙 漢 則 坤 新 則 曹 羅 并請 城 端、 田 洪 人。 何 先 章 徵 鄭 則 懋、 辛 時 康 官祭 日 全字復元,絳 蔡清 成, 宋 酒 闡 吕 抗 則 良 柟 尹 知 州 疏 焞、 之 人。 羅 請

十一月,與湯公潛菴書。 真傳。」先生嘆曰:「其見識可知。

之。 月, 臘 者 集》、《 此 繩 於《 於《 前 Ι. 録 致 先 在 1舍是 書以 者。 朝 而 而 造物,至矣盡矣,不可以 衞 生重湯公人品, 几 、孟之道 與湯公潛菴書 年譜》、 罪 其 以 欲 道 書 語 其 行叛 而 IE. 之。 其 成 方其 集 類 他 一之,并 欲 兼 室 書 注 》,其示學者切要之方 經 **《**行 乎 求 有 愛 盛 列 也 至朱子 傳,凡 》、《或問》、《 此者 孔、孟之道 明一 於學宫, 亦 時 湯 贈 狀》,其言 9 公 第 舊 理 代 師 經考定者,悉如 而 雖 惜 故 所 所 無 之 大明 有異 其 作《學術 也。 使學者 必 異 制 小學》、《 學 無 猶 有 語 教, 無 術 敏才智 其 其 矣。 舍 加 載 猶 人 有 誦 規 行 辨 矣。 略 於《 列則 偏 無 善 近 是 事 ×, 而 矩 曰 異 故 於 學 見 必 法 淮 化 思 文 載 意 因

之,而 仲 議 聞 爲 此 也。 氣 放 儒 知其 爲 奥,不當又 患 略 論 之前 運 其 時, 此 口 棄 ? 影響支 而 可 道 墨,以 隨 規 不 覩 寬彼哉? 護,此誠 今之君子 不行,不 敬 學 况陽明乎? 姑 德 可, 矣 輩 矩 之,比 仲 無 術 離 而 之九 論 之解 則又爲《晚年定論》之書,援 僞 自 雖 所 而 師 患 尊崇 倡 紀 亂 闢 百 風 之 往 且陽 心 即 其 合 文 門 俗 真,天下 世守之可 載 清 往 自 則 功業 不 淳,其 新 往哲之盛 户 故今之學者必尊朱 其 談 禍 因 用 明 明, 説 之禍 王 功 其功 學 及 之 誠 一,孟 自 但 業 功, 盡 萬 靡然響 明 高 術 陽 當 也 業 晉 變其 效 世, 子 亦 孰 不 心 壞 明 求 顯 大驗 猶 贵 非 過 不 學 與 王 而 赫 應 成 然常 羞 管 無 其 得 澤 刻 氏 者 風 敬 皆 堂 稱 欲 論 俗 但 以 被 遺 亦

家 失 之 之 矣 推 最 朱 萬 何 今 則 1 子 而 法 後 學者 淵 子 其 萬 烈。 陽 爲 疑 是古之詆 而 可 而 而 如如 亦 學亦有 耶 乎 陽 百 之 疑 明 黜 乃 IF. 實不 陽明, 世 其 盡 ? ? 明 學 不 古 所 梁 風 其 然, 破 學。 之 常 不 願 能 谿 賢 學 俗 何 正 壞 不 則學孔 比 尊 師 脱 黜 然後 當 爲 術 於 毁 可 蕺 昔 可 朱 陽 其 夫詆 淳 每 今之 之害 先 庸 至 Ш 解者, 孟 子 若 是 讀 明 議 惡 儒 於 子 子 於 以 其 之 皆 之 毁先 陽 非 世 其 者, 陋 論 於 也 楊 詆 範 書 也 明 明 名 有 劣 知 夷與 伯 端甚微 莫陽 毁 代端人正 ? 韋 儒 之 丽 爲 之 真 墨 未 言 夷、 先 學 者 學 救 寔 洪 嘗 徒 其 至 養 儒 明 術 不 世 、惠皆 柳 陽 爲 於 於 水 相 不 氣 若 爲 熄 明 其 下 朱 陽 陽 懸 猛 重 何 嫌 世 之 惠 則 其 禍 嫌 明 不 明 獸 則

但 也。」 衆 其 毁 門 江 鏤 塲 相 何 陽、景逸 而 亦 心 得 抉 之 隨 先 能 板 尚 恐 復起,不 户 略 與 大 則 書 亦 言 \_° 摘 明 馬 以 儒 不 有  $\Box$ 聲附 棄 肆 有 其 僞 是 。」故如 之 此 미 餘 . 未能 連 但 坊 居鄉 台 盡 心 口 久矣,今天 鑿 不易之定 誠 能 當 篇 和 隅 宗也。」 未 譏 鑿 累牘, 者 之成 有 求 諭 易 盡 梁 居家 究程、朱 彈 節 實多 之, 如 也 人 云 脱 谿、 , 行 此 其 就 : 姚 然 湯 日 隱微之 無 虧 ? 『孔子 論 堂 非 蕺 下 江 : 更 公得 有 喪者 之理 先 材 也。 奥,不當 Ш 深 獨 之 有 説 字 我 生體 ,以之興 則不足,其 謂 籓籬。」 之道 明 沉 書 焉 私 發 又云: 目 以 某 亦 理 溺 明 認 即 趨 皆 學 利 蓋 又 至 不 不 學術 作答 功深 自 時 雖 朱子 見 著 者 欲 欲 自 起 天 居 姚 局 聖 書 古 詆 闢 下 涇

知言 也 學 能 不然。 嘗 術 謂 之,惟 之苦心 子 此 業,更舍其  $\exists$ 而 衞 之 精微 術 闢 其 闢 必 發 不得已可 道 恐無 藴 究 養 用 隱 楊 閑 楊 不 楊、 學術 氣、 孟 也, 其 墨 微 未 邪 足 也, 心 墨 嘗探討 以服楊、墨之心, 子得孔子之心傳者,以 流 之功 墨 無據之私 亦欠光 以 矣 功業 何怪今之君子歟?』 蓋 性善、盡 所關,不 也。 弊 熄 無 八,楊、 繼 有 邪 而 父 而 孔 所 功 今舍其學術 説 夫訐 極 明矣。 墨 許 無 子,而 以 言之, 容 心之學,爲能 一何 業 其 可 君 爲 閑 不 以 至 以 昭 隱 也 孟子 先 辨,如 爲 徒 無 自 著 或曰:『孟子 私 聖 此 而熄 直 父無 率 快其筆舌, 未 日 聖 之道 者。 豈 而 易詆 潤 告 賢 其 竊 非 毁其 孟 聖 君, 食 於 其 方 明 以 衞 賢 而 以 子 誣 張 若 聖 能 孟 後 爲 道 學 功 所 惡

信 過 欲 傷 明若 朱子 亦不 道不 者,如 復 章 務 利,而但 其不足爲 者,不乏人矣。 之熖矣。 一,何 一、未能 陽 爲 明程、朱之道者,當心程、朱之心, 也 罪過也,於朱子 ?」竊謂 自重 明之學也,非博長厚之譽也,以 孟 傳 也,今亦 於洪水猛 益之有? 追 於 故某之不敢詆 子之知 |與如 望 放 今者 輕 也 孟 陽 陽 豚。」 己。 重 黜 追 子 明 明之詆 獸 言 之萬 夫 放豚之流 可 則 今無片言隻字 曰 獨 恐朱子 台 知 詆 何 是 養 知 : 賴 損 詆 諭 朱 毁 也。 當 氣 「今之與 有 子 斥 先 云: 崇 ? 毁 日之與楊、墨 亦 孟 耐 陽 然 先 也 儒 相頡頏焉, 子 不 止 今人功 仁義、 是陽 明 則 者 儒 陽 耳。 樂 效 楊 者, 楊、 耳 之存, 者 明 有 法 莫 嘗 業 賤 非 明之 墨 此 其 墨 庸 今 篤 陽 其 之 報 文 比 功 不 何 則 辨

書 非 隅 然 禮 哀 咸 反 理 是 經 能 知 節 ,子、臣、弟、友 某之所敢 孚,聲應自衆, 必 樂 章 孟 嫚 聖學之有 極 行 必 意 子 駡 其 虧 求 好辨章 者 精, 喪 中 信 即 者 節 居 真 皆將 也。」先生得 程 敬 意 即 必 視 也 、朱之徒 潛 必 篤 求 俎 聽 而 極 信 盡 豆 ... 卷 翻 其 言、 陽明者, 分,久之人 洙 來書是 然 至, 書曰:「余 泗之堂矣, 則 動 從 毁棄 之。 必 孟 求 亦 子 坊 若 曉 合

在 非,不復爲之回 酉 墨之言不熄,孔子之道不著。」有憂天 多言, 按 反 而 但 經 仍 湯 學 亦是 章 有 術 公復書,似 意 取 不可 喫緊爲 焉 護 似 不 可 矣。 與 明, 以 人處 闢 亦 謂學貴寔踐,不 見 知 邪 孟 ,故先生以 先 陽 之 子 生 意 明學術 曰 之 不 無 甚 之 脗 我

> 學遂 當 者 後 經,均是孟 衰 追 下之心者, 曉 也 也 其 放 也 第 方盛 然 豚 廢 知陽 先 者 ,先生之功不 反經以待其 也,宜 異矣。 生 古 子之意,又不可 力 明之無 不 辨 力辨 得 王 因 不 悟 當於聖 學之非 在 至。 以 呕 君 孟 斥 亟 子 子 其 可 以 見 之 下, 人之道,其 非 不 閑 而 遇 及其 知 好辨、反 固 天 距 異端 所 與 下 爲 先 學 如 己

往會朱公錫鬯,因留宿。

别字。 儒 疏 有 朱言:「宋、元諸 日 日 所 如《 儒 月 就 之學,記 以 詩 必 湮没。」又言:「程、 議 見與 有衆星,有 論 之 最 鄭 誦詞章之學也。」 、程、朱 難 儒經 風 異, 先 亦 解,今無 河海 生云: 不 便 敢 以 必 朱 炭 爲 有 雖 人 及 得 竹 細 表 妙 古 罪 注

星 有 不 有 河 西 贵 細 海 按 也 必 流 口 以朱公之博 竹 有 而 不 以 垞 細 朱公概不 可 記 云 流 無 誦 。」其言未爲 詞 而 有 章 物治聞 妖 之辨,故先 日 少之哉? 星 月必 横 亦 流 不 有衆 則 是。 生云然。 時所希 不 星 可 但 衆 有 使

馮 赴 章,嘉定。 是志 魯公 伊 公酌 萬 陳 季 葵 野 で、貞 獻 赤衷,鄞 一、姜西溟、 人。 宸英, 張 漢 鄞 瞻 雲

衆 半段 藜 明 藜 尤 晚 貞 坐 洲 洲 過 邨 也 中 者 之晚 前 極 而 即 以以 然? 言 語及羅念菴,洪先,吉水人。 或 半 所 邨 其 段 晚 藜洲 以 ,直是 邨 初 事。」又言 季 攻 意 之失,●先 曾有書 野云: 藜 氣 爲 洲 相 學 數其失。 「晩 左 術 先 晚 則 起 生 生 郭之 有 見,豈 一謂 曰 : 邨 之, 之 所 又 晚 攻 若 此 邨 以 爲 此 陽 後 皆 日 怨 攻 不

> 酉按: 藜 學問,不知即是藜洲之子否?」 云: 亦 深。」先生謂: 知 黄百家主一父《序》,痛言 湯子遺書》中 洲家法,宜其不 晚 何 戊 邨前半段 人 先生注 也 辰 ,藜洲之子唐突之,所以 見鄭 「其言皆不足信,縱有之, 此, 事,不足道 有 禹 ^ 見 滿 梅 與 其 所 晚 黄 持 選 邨 太 也。」《隨記》注 制義之 論 卯 也 沖 偏 墨 書 8 陂 有 ×, 無 又 主 餘 怨 按 極 關 似 姚 於 益

者 季野 E 也。」 到吴 又言: 康 齋 地 高 位 景逸 劉 極 念 重辛 臺 則 復元,言 謂 儒 而 僞 其

寔太沖之子。

0 2 0

赤 衷 鄞 人」,原 爲 郭 麟 本 補

晚 晚 邨, 邨, 原空缺 原空缺 據乾隆 據 乾隆六年 六年本 本 補 此 段中 一晚

西 》,惓惓 按 先 於 生 辛 有 復 ^ 與 元 遺 Ш 書 西 數 進 種 士 范 則 彪 似 高 西

往 會魏公環極。

説

爲

魏言:「吾輩須受得苦,方成得人。」先

生以 爲名言

赴張公素存酌。

張言: 指 姚 江 浙 以 後 東學弊在欲自立意見。」 蕺 Щ 藜 洲 而言也。 蓋 又

言:「汪苕文論文,必欲用翻案,亦 是

上,是 此弊。」又深 一好機括, 嘆:「熊孝感 後因 一事不慎, 初見信 而 於 爲 皇

忌者所指摘 ,真可惜。」又言:「孝感 威

儀之間 稍輕 ,所以不能無失。」

閻 公百詩 來

閻 名若 璩,淮安人。先生亦 許 其 博 雅

言 顧 寧 人今已不在 ,所著《音學 Ħ.

> 方 在 刊 刻

靈 壽 縣

月 赴

靈邑: 澇頻仍。 北 枕 先生務在與民休息,蒞任之初, 太行,南瀕滹沱,水衝沙壓,旱

有自陳八款,言皆實政,始終力行:

、不私用 地方夫役,衙門自行修葺

、日給薪 蔬皆現銀平買,不累行户。

、徴課以 大義勸 民急公,不事敲扑,

火耗盡

一、知雜派累民,力請减省,其不得請

者,自行

捐

投告時多方開 、見健訟爲民 譬,冀其自 害 出 示 曉諭, 悔 7,并講 或 待 明 其 鄉

約,洗其舊習。

、嚴禁賭博,以清盜源。 又恐紳衿爲

0 書」,原作 「音」,據原書書 名改。

七三

倡,則發書以勸諭之,謂上行下效,不

可不戒。

語學,與之講解四書,勸其將聖賢道理文藝之優劣,又恐其重文輕行,每朔望一、訓誡諸生勿包詞訟案。季必較其

躬行實踐。

甫蒞任即考衞河源流,不時疏濬。 一、旱荒尤爲邑患,以興水利爲急務。

子二十有三年,年五十五。正月,如真定,見

守道李公。

居揚州 此。」先 非大中之論,然處 李名玠,□□人,言:「治道貴清浄,本 癸亥隨記 富 生以 而 好 義。 其言 先 爲 生述張公素存之言如 煩苛之際,不得不 知 通。 李之父號 此,見 君 實 如

行鄉飲酒禮。

此禮有司視爲具文,多怠忽從事。先

生謹 彬 至 敬從先 が,猶有 饌 至,賓 行之,一 生。 古風。 主皆與之揖。 湛 時 酒 在 歌 事諸 詩 皆 人 生員 皆恪 先 生以 執 共 事 厥 職 彬 酒

如保定,見巡撫格公及巡道吴公。

生云: 之虚,一 縣令起家,格撫軍 贈,言:「 素志矣。 冗員。」吳爲明大學士吳甡之子。 撫。」先生竊 格名爾古德,滿 爾 耗於西僧 魏司 吴名元萊 放 喜鮮 寇 心 洲人,居官清 時蔚州已 去 掣 ,再耗於隨旂 亦然。」又言:「國 做官, 肘 之 轉 人。 患, 司 我 寇。 不 可 Ī, 比 行 惜 以 以 走之 慕 少 家 語 不 帑 從 先 集 展 巡

❶「□□」,下云吴爲吴甡之子,甡爲江蘇興化人,

則

爲「興化」二字。

再見守道李公,請免靈

邑灰

車

三月

與諸

生講

手 罷 以 舉 羸 猶 大 盤 大 其 倘 獨 免 靈 灰 千 小 步 額 月 能 者 不 之人,雖 多 以 替,不允。 費約六七百 以 小 車 ,是猶 始 紓 待 里之程 立 負 ,譬之强 靈邑地 邑 則 民 斃 荷 獲 又 赴 力,始 派 者 重 全 責 安居 有 扶 方稍 也, 幾 至 石 擔 怯 先生蒞 持 壯 説 金 希 Ŧi. 灰 夫 之夫, 可 許 焉。 僻 輛 若任 若僻 敝 以 大 室, 謂 裁 前任 不 較 若 累 烏 運 任, 州 减 善 之 四 雖 止 而 頓 獲 比 大 灰 縣 喻 董君子 論 以 肢 小 處 再三力請 之任 除 衝 邑 之中 甚 輛 以 者 反 先 百 無 風 衝 途 至。 「,譬之 供 僻 鈞 力, 求 霜 多 有 生 至 故 祈 之重 之中 欽 乞 尋常 不 爲 Z 駑 衝 派 申 經 **H**. 參 尫 論 民 馬 謂 車 年 而

> 緩 義 盡 心 徙 思 誣 則 程 先 急 生謂 義 盡 以 忠者,必 程 、朱之意 進而 陽明 姚江 過 之意 忠 、朱,其 今之回 差 有 退思 之意 以 同。 退 解 爲 而 致良知爲學,豈知 、罪大。 , 思 不合於義者 補 姚 可謂 護 解程、朱之語 我 補 過 江 姚 人存 過; 之 , 忠矣。 江 此 又云:「昔人云 語 者 È 與夫子主忠信 其 有 忠 儘 至 然其 病 信 多 此 誠 猶 此哉?」 者 無 故 間 則 小 小必 僞 直 進 輕 則 之 進 徙 欲 思 以 重

論傅氏《明書》得失。

傳 張 霖字 記 邑 明 乎 史》, 也 敬 傅 李 黄 持 等 掌 贄 先 俞 論 邰 置 置 生 頗 雷 來 不甚 取 嘗 會, 佞 異 閲 作 倖 Œ 言 教 之,嫌 一,今送 靈 ^ 傳 傳 明 壽 故 書 在 張 其 少 史 **\***, 劉 居 筆 司 館 文 酉 空 IE 力 按 傅 成 則 置 頗 掌 維 置 弱 癸 霖 雷 權 亥 所 即 雜 臣 維 作 隨

傳  $\leq$ 謂 其 識 甚 卓

張、桂 張、桂 字 又曰: 志 四 傳》之例。 成 似 不 承 傅君著作自 公耐 志》中 所修《縣 段議 可 シ論 按 亦 開 則 孺 防 教 諸 涉 或 爲 傅 以以 毫苟 、欲 論 以 丙 維 名 僭妄,此 佞 君 人之才學,不免於 裨 寅 于 書 志》,因邑人本子,疎漏良多, 世 此論 然或 以 臣 來 所 益 天壤 成 之春 Ħ. 論之,先生復書,其 道之一 就 · 出 諭 作《 良 人,則 又曰 正 謂 論,不與俗同,故存之 荷 出 多。 亦 明 使後 有道 修 違大道 疎 遷 其 史》 助 邑 似 喬 漏 如 『亦可 E 世 也 志 與 過 之 便 以 甚, 似 知 成 此 雖 刻。」而 加『卓識』 爲權 江 立 不 又 是矣。 端也。 提醒 同 陵 於 當 以 朝 如 略 爲 江 事 在 劉 藝 存 朝 而 云 佞 陵 或 雜 文 此 得 趙 文

雲輩 道矣, 端, 管仲 焉。 暮 就 當 孔 起, 仕 日 君 建 矣,其於元 丞矣,又爲 王 珪 明 元, 成 楚 桀之例言之,非常之事 輔 面 出 又當 『天子氣 若文 高 、魏徵 與子 之。』是何言 仕 一生高 可乎 又不 處 流。』《魯論 卧 例 中 別論 糾 隆 成 文 乎 妨 也 儒 哉? 間 事 中 既 成 ? 蹈 學提 佐 將 未 也。 文成 更 體 未 爲 身 明, 可 與子糾一 别 遇 儒 也? 不 元 巾 十 曾受 登 舉 以 》之仁管仲 無 者之 是出 同, 風 使 進 豊 君 矣,又在行 仕 年 路。 雲 如 士矣, 其 人 故 臣 如 版 後 一之會, 道 處之間 金仁 例 爵 倫 名分 以 孔 若 古 見 英 乎 禄 乎? 伊 惟 子 又 文 不 異 ĹЦ 主 ? 繩 程 尹 奮 出 猶 成 爲 故 又 中 可 雲 出 就 以常 袂 許 高 有 朱 諸 有 既 將 書 處 可 起, 我 白 幕 謂 葛 與 安 取 與 E Пij 兩

之權 得 華 議 之江 謂 處 者 佞 不 婦 理 綱目》誅 雜』之一 衮 乎 禮 爲 又 則 文 謡》是 未必是 司 論 紫陽 斧 ? 陵 成之『雜』,異於 雜 則 不 則 口 0 未 無 <u>y</u> 鉞 矣, 可 修 可矣,然 然 無 否 或 口 矣 字,恐 廉 可採,謂 不 之任 L. 荷 愧 乎? 朝 丽 然 與 然 丹、予 争 知 焉 道 未 達 其 不 廉 何 嘗 不 世 權 可 心 不 被 讀 操 字。 孟 以 其 孟 無 者 可 可 謂 事 之 筆 此 但 服 同 謂 趙 未 達之例言之,守 異于鄧 功 謂 非 而 絲 書 三二出 削 先 危 謂 論 非 孟 必 佞 非 , 覺 不 毫 之 生 太 非 權 頫 也 其 能 權 不 倘 、留夢 楊 樸 義 通 雜 然文成 出 也 異 辭 以以 心、董賢 類 鐵 居 遷 乎 例 此其 於分宜 也 史局 張、 ? 崖 伊 精 喬 炎之 抑 嚴 尹 涑 之 説 桂 故 老 貞 猶 即 所 以

辨 《儒 克 當 不 徒 道 獄 者衆,有目 生 用 閱 陳 E 日 0 時 ",并其 各 :「宣宗,賢主也 傳之絶學,而 : 心 ,危行言孫。 危行言孫,但『孫』字 世之君子,邦 祚 林傳 宣宗 之旨 毫釐 具 同 請 德 E 學 上 無 守 傅 . 父母妻子禁錮 本 體 講 紛 哉 常 畫 爲僞學者,有以下南昌縱士 仁 序》曰:「宋儒 氏 紀》: 未 ? 師 傳 大學 紛 疆 此 主 \*\frac{\times}{\times} 格 有道 嘗相訐,若沾沾 後 言 陳 而 有 宣 世 衍 守 口 異 善 德 世 殊 一,危言. 君 何至 義 守 甫 爲 百 六 失 於門外,豈 子 即 》,上怒, 譏 亦 之 師 者五年。 年 於此 雖處 毫 楊、 之論儒 之是 \_ 辨 有 危行 功 釐 謝、 分寸耳。 七十子之 月 高 有 ? 千 矣。」 以 逮 ; 伊 朱、陸 道, 也 里 忌之 無 爲 邦 先 御 然 下 訓 嚴 之 先 得 常 詔 亦 無 則 生 史

實撥 矣。」《 驕。 愚 守仁 申、韓之餘習、結曹、王之奥援、器 意乎?」《張 位」,恕皆笑而 子,退小人。」及勸其『先 爾邪 者其 指 君 太 初 擄 戰 前 息 爲忌者之言?」又云:「兵 ,亦不從 通 掠 國 於此。」「此論 (有憂患乎?』 没身之後,名臭 所 宸 ?」「掌雷 用兵專用詐。 及 日 鄒 策 云『邦 得 濠 : 智傳》: 序》、 寧邸之金寶子女者, 也, 惟 策 居 有道 其 通 蘇 此 其 不答。」先 IE 「智與 不 宸 老 言 餘豈 傳》 亦亦 抑中古以 甚卓。」又以 勝 濠 泉《 孔子曰 家 抑 而背之者。」 贊 云: 當 盡 Ŧ 我 滅 大 用 危行言孫』之 生 論 恕言:『進 無 遠 知 間 :『作《易》 曰 後 因 時 明 其 于曾 篇》 居 不得 不厭 安安 . 張 之 政 弑 至 正 之旨 相 滿 後 玉 此 得 子 父 先 有 祖 本 就 君 不 即 古 概 而 與 生 謂

> 經筵。 意 草 獨 爲 術 下 亂 段説 其條對 以 吏 萼爲之搆守仁, 賊 名 部 而校 傳》, 件旨· 妙極 得 薦 尤 莊 與 魏 經學時 [改補 私 而 渠 新 校 謂 甚 其 爲 建伯 無 所 太常, 萼不 佞 或 高 政, 色。」 厚 倖 奪 子  $\pm$ 拱、夏言皆 傳》云:「桂萼之 善 世 往 祭 守 往 而 封 酒 仁 精 修 敢救。」「 争名 而 屬 睚 深, 使 校 不 眦 不 當 代 學 此 侍 相 疏 無

處,恐未足據爲信史。 酉按: 傅氏固尊信王氏者,其論莊渠

六月巡撫格公以疏薦。

始, 疏 方 時 録 有 駕 ,有「清操素著,愷 次。 而聲教已洽輿 何 幸 好官?」公以 Ŧi. 臺 Ш 格 情 公 等 悌 先 迎 爲 生 見 語 心。 對 部 問: 議 履 出 准 任 即 紀 具 地 方

九 卿 公舉

公舉 清 勲、學道趙崙、知府 則先生,凡七人。 時 操 江 巡 南 如 撫 于 總 成 督 格 永 龍 爾 者,公議 寧于公卒,上諭 古 德 崔 華、張 郎 奏聞 中 蘇 鵬 赫 嗣 九 九 范 卿 卿 知 縣 承 遂 有

七月,委署平山 縣 事,尋檄取 人 簾

先,不得已,至平山 之文又至矣。 而 初,先生以不勝 赴部入簾之文至矣。 先生廉 兩 邑爲 視 得 事。 辭 平 先生以委署在 ,上官不允, Ш 而 尉 另委署篆 平 日

人都過定 州,聞 撫 軍 格 公之變。

横事,即具文

申揭

,然後赴

部

者十 廿六 可 便 尤。 由於人,故天無 日 常八九,自 自 到京,于寓 君子觀之,只是我認 世俗 處 因思天下事,不如意 不 觀之,不由于天, 可 怨,人無處不 理不精

> 處 置得 不停當, 無 天之可怨,無人之

可尤

八月,徐公健菴 來 會。

有 行 泉 此,真夫子家 時不果人簾,將出都矣。 格撫軍之面奏,由中堂 取。」 旭名襄圖,平湖人。 縣務,不敢 徐欲先生一見中堂,先 法 久 也 留 京師 之言相反,是以 ,其安于義 别有聞 徐公來,言: 生 不果 命 辭 與郭 如 以

往會湯公潛菴。

此輩 肯。 松浮 置 時湯 志。」湯亦以 及 得 抑 失於度 代他人謀事,不 又言: 糧 公奉命 浮靡、崇實學等事。 蘆課之累,當 「居官 爲 外 出撫 然 然後 江 不可專聽幕客之言, 蘇 爲 無 以 國 瞻 漲 先 爲 前 處 湯 生具 民 顧 補 公一 後、我 ,可行己 其 述 坍 蘇 處, 首 惟

出 都 ,至保定,奠格公。

署,其燕息之所有 往奠焉。 不如學程之活。 生易之曰「活潑 格公素重先生,而 因至 經 潑 爲文以記之。 歷 額曰「南窗寄傲」,先 先生亦許其清正,故 地 王天市 \_ 0 謂慕 辰,嘉 陶 之傲, 善人。●

送格公殯

過 先 僧、道之不 口 漢可 (生云:「喪禮大綱全差,無處説起, 嘆 應走 兩 道 中門,抑末矣。」 臺 止争祭品之多寡

定州,宿明月 之者 謀,危矣。 神,又不能 世衰道微,君子獨卓然秉正,羣起 在 店中,思「道不同不相 不知 凡 非爲 店、越三日 磨 幾 不 也。 所 磷、 誘 湼 而 我 口 不緇 不 既 縣 爲謀」之義,當 知 不 能 則 而 過 與 H 化 之 角 而 爲 勝 存 咻

> 大賢 Щ 愿,非徒棄之而已也。 如 之石,可以攻玉。」 孟 子之待楊、墨,一 以 下言之也。 不 相 如 故《詩》曰:「他 謀 孔子之待 有 二法 鄉

月十三日,寅卯之交,地大震。 酉按:此條必有爲而發,今不可考矣。

+

是 生曰:「此可爲法。」 俸助民穿井一百眼,百姓世食其利, 郡譚公昌言於萬 地。」又云:「 「恐武子之時,鮮 日 9 閲  $\sim$ 灓 是 城志》,云:「是古鮮 灓 虞尚 曆 武 年間 子 未屬晉。」又見吾 邑。」先生云 爲 欒城令,捐 虞

十七日 ,月食。

先生云:「 據欽 天監 頒 行, 京師 月食

0 辰,嘉善人,保定經歷。」據補 嘉善」 原爲 墨丁,《 浙江通志》卷 百 四十三二「王

而

不已,故夫子曰:「不相爲謀。」此爲

非 没 甚 之日』其言果然,蓋 如 是 分 一,卯正 乃知 以 夜 夏至之日 四 極南 初 秒 虧 邵 北 初 康 刻 月 而 9 虧 節 六 言 正 夏至 所 分。 寅 在 也 正 云『冬至之月 申 以 之月,所 三刻 復 位 書 圓 夜長短 歷 辰 十二分。 行 西 IE. 至 如 而 初 冬至 所 戌 刻 食 而

校論《吕涇野集》。

抹 爲 論 也 閲《 何 異 亦 而 端 敗 殺 樣 異 口 輕 涇 义 又云: 端 醜 失 訓 于 詩 于 野 於早 故 後 也 於晉、宋、齊、梁、陳、 漢、宋,黄、老 賦 集 ? 爲 猶 而 昔 如 重。」 枯 陜 「士之仕 補 匡 何 西 楊 於 衡 樣 先 鄉 晚 生稀,未 H 詩 生 爲 猶 試 貧 于 謂: 賦 小 録 窮 枯 世 ? 序》 經, 訓 楊 也,矜 敢 亦 隋、唐 不 生華 故 必 其 須 得 爲 其 始 問 于 論 佛 非 成 則 概 如

許、史 之父 之星 矣。 是 信 簿書 星 容 緯 官省下 而 極 相 不 此一段説 不 也、若爲塵 好 俗 以 間 IE. 烈 史之法。」 改 母不悦 夫人心之有星,亦 也,若爲雲霧 天有斗 吏 閻 也 日 而 色 最 者 遷 不 可 秉 又 知 則 而 1,率知 精。」又《紫陽 知 謂 而 道 卒以 心最好。」 奔 雖 於算 樞 勤農 又《 篇云: 民 無 走司 夫子豈 垢 其 是 初 獲 贓  $\equiv$ 送汪 所 終 瓢 矣。」 桑,知 以 院 所 上 敗, 垣、 掩 非 障 日 又云:「 而 而 肯 乃 希 衡 不 五. 可 敝 道 不 則 信 不 顔 稱 猶 周 此 則 有 謂 \$ 緯 脉 知治 知 不 子 其 天 不 銖 史胥而 序 鮮 也 録 行阡陌 段 口 賢 自 此 與 如 尝云 終矣 可 兩 下 ? 得 以 + 得 使 數 得 鈞 衡 而 爲 八 顔 石 意 語 不 進 而 經 也 而 知 10 此 樂 子 辨 宿 辨 之 思 官 知 勤 凡 經 以 形 魏

喜微 快 悟 肢, 病。 言、 親 犖古今,雖朱子 之所舊題 酉 嘗以爲濫矣,惟淵 酒 君臣父子之大,而 如斯言 亦 此論 活潑潑地』。 按 至盜 心適 家 説 氣 湎 動之際,知傲之爲達, 『傲』之一字伏於 王 酡,之二子者,則予之所慕 得 質 於 與余所作《活潑齋記》不同。 意者,而 先生《活潑 也。 子 最 酒 鄰 用 天 曰『南牎 好 舍酒 事 淵 耽 市官于 而 明之爲 竊以 於 又云: 不免涉獵乎中,自 醉 亦 不覺, 菊, 齋 寄傲」。 明 不能 重之。 眠 爲善學淵明者, 上谷,其 記 有 間 其 胸 酒 嗜 》,其略 昔 涵 巷 糟甕之間 高 棋 慾 中 鄙 而 然能 爲 養 愚請 風 酌 横 夫 而 署 不 於 吏 堯 峻 曰 形 中 之 行 知 視、 操 易之 部 節 以 所 其 持於 于 也。」 燕 者 而 夫 介余 爲 息 飲 四 不 子 嗜

> 充乎中一 思明 野者,亦 也。」夫閲 『活』,易淵明之『傲』,斯 兀 不 養,瞬有存 君子知道之無 囚 瀟 海 . 得 灑 與 聽 自 而 而 所謂 蔽 而 得 可 則 無所礙,活之至也。 習俗 達 此 思聰, 1,貌則 想 活 而 乎 見 不 則先生之所 潑 外,氣禀不 不 矣。 不得 知 潑 在 用力之久,義 思恭,言則思從,視 其 者 也 而 沉 戒 相 溺 溺 去 · 得 慎恐懼,息 錮 爲 以 遠 塞 蔽 而 善 以 不 矣。 天 拘 精 學 同 程子之 束 ",嗜 地, 淵 於 古 縳 横 慾 則 之 涇 明 拘

郿 又《别 之間,今已數百年,其壽猶 戴 贈 贈 封 張 葉 、張殿 君 惟 敬 東 郭 壽 静提學序》,「皆精 之考績序》、《柳氏 中丞 子鄒氏序》,「是不磨之文。」 序》云: 乎? 「公之子 張生於景德、天 妙 與太華、 家譜 欲 異 使 (常。」 序》、 公爲 禧 終 又

將 數 公 也。」先生云: 南 百 乎 争 横 年 高 ? 渠之父 ,其壽猶 未艾 程 生于 也 人啟 「張西 與嵩 乾 欲 興、 使公爲 聖 少、黄河争長 Ш 景祐之間 祠, 能 鱗,大 汴 與 人 興 涇 程 野 未 今 大 之 欲 Ė 中

張之崇 淵 於禪 殆 之言 議崇 言 明守仁三先生,雖 有 論從祀》曰 酉按:今上之二年三月臨 無 合 ,萬曆十二年 可 遺 升 迪 有合於涇野 祀崇聖祠者、周、程、朱、蔡外、 與孔門之旨不 議 祀 而 宜 有旨 附 惟 矣。 「從祀諸賢,經累 嘉 著 九 增 卿 靖 意 依 又 皆 X 亦以 議 九 按先 議 免莛 陳 年 宜 行。 時 白 ·增入 入崇 生《 楹 賢 沙 爲 雍,●命禮 先 獻 者,然 學者取 可 靈 陸 生 聖祠 章、 朝論定 人也 壽 象 謂 志 學 者 王 Ш 西 其 近 陽 九 或 則 Ш 臣

> 言, 兹 歲 斥 外。 先生之志得伸。 乎?」今鄭 亦 其學未純 至 長 禮》,現今行 始 大 于有 有 漢 而 恐不當與 典 若 得 不 儒 去 明議 能 贵 附 以 鄭 其 改祀 其 享 康 無 康成 短 非 成 禮之臣 疵 小 何 異 世, 而 庶 者, 疵 (數哉? 於鄉。 休、王 亦允九卿 歷 先 獨不 幾 而 程、朱大儒 代 贵 生 爲 張 棄之, 從祀,嘉 竟 可 料 肅 善學三先 然其 以 與二 則 鄭 輩 議 去 則 則 同 所注《 復 告 亦多 今 儒 孔 無 置 靖 人從 端 掩 同 七 門 門 九 生 百 採 詩 時 弟 牆 年 而 者。 德 以 其 餘 子 膺 見

也 又 ,其子遷 邵堯夫之所興也,其子伯 篇云:「 則終其 今夫《史》,司 志。 今夫《經 馬 談之所 温 則 世》 成 其 之

「上之二」,原空缺,據乾隆六年本補

0

形之顯 陽 道之言。」 外 得 止 見 盡 圖 妙 也 執 而 拜 志 又《别周 最 之矣。 昌 可 體 盡 説 於 氣氣 去之, 復 中。 真妙。」又一 有關 濫 有 無 言。 爲 窮 用 而 於有, 所 觴 未至於禹者,在求其 通得 係」。 潤 顯 形皆物 又一篇云: 即 如牛之訒言、曾之三省。」「 又《 學無止足,鳶魚見之矣。 謂 耳。 子 何 微 甫語 形 道 以 者 喪,皆非 送大司 之 即 又云: 也。」 篇云: 皆 及穎、汝、渦 知言之昌? 也,物 **》**言: 顯 道 讀 非 之妙 於有 此 在 此 空 「盈天 不 在我者也。 而 時 物 淮 論 禹 何 於 可 則 者 有 水 之導江 미 公致 非 無 皆 不 泗諸 升 也 發 羽 舍形 地 病之 在精 道 知 降 翼 源 間 政 知 也 自 台簪 河 水以 序 此 鳶 道 所 陰 氣 皆 太 勵 之 之 以 説 魚 陽 極 在 知 氣 切

語 爲掌。 精。」 弊。」見其刻《 序 公祠記》、《洙泗講堂記》,「皆有關 則 則劣,凡 規 次 不良,皆由 比 仉 《見聖 民 題 發 仉 台 而 一字 生不 名記 當 明序 酉按: 編》,有云: 氏 簪 音掌,注: 今《文廟考》誤 又云: 可 書 以以 古 以 厚,皆由 見 然後 一个丁卯 》、

元 \*/« 紳。 戰 其 其 師道之不立。」「切中 孟 或 「黄 生 儀 「孟子 教 孟 子之學比 其 横渠易説序》,「心 又《 六月隨記》有 時 於 母 城 禮 人之 流 霸 士習之不 作「仇」。」先 姓。 自 書 母 置 河 始 爲 婦 院記 切」。 姓 足 其誤 解 東 大。 介, 郡 與 序 淮 運 偶 有 則 即 耳 自 × 水 使 自。 撿舊 以 生 良。 古 又一 優, 怠 學 因 司 「掌」 詩 孟 謂 所抄譚 又謂 查《字 耳 爲 馬 進 此 樂 微 今日之 士 篇 母 字, 一習之 係」。 繒 文 士 卿 置 論 孟 仉 云 反 梁 IE. 舉 往 此 譜 最 相 子 氏 爪 生

禮 又《答 丽 不  $\pm$ 考, 端 溪 晦 子 翁 德 注 徴 詩 而 自 信。」 滙 先 澤 生 釋

孔,而 者 酉 云: 「非斷 按: 先生《讀禮 「此二語 不盡從《集説》,則知所謂 然謂 似 涇 不 野不是也 是。」 志疑》 書,多主鄭 似不

貫」與 不存。 仁也 條 視、聽、 生認理之細,存心之虚 又 惟 可見『約禮』即 篇云: 禮 (此『約』字不 言、動 爲急。 天 夫子告 體 物 孔 經禮 亦 顔 而 門論 是『一 是 淵 無 一同,非 意 之爲 三百,曲 不在 學,惟 乎 貫」,予向 也。」此可 仁,以 按: 禮 體 一爲大, 三千, 非 事 疑『 見先 此 禮 而 學 勿 無

五二十有四年,年五十六。正月,如真定,佟

機

爾

渾

泰

來見

義。 佟,滿州人,官筆 . 「此滿 先 生爲 人之好學者也 之 細 帖 剖 式。 嘆 服 來 問 而 大 大太 去。 作《 極」之 太極 先 生

回縣,即如保定。

論》,載《文集》中

主 則 宿定 惟 静耳,主静 夫,此言 州, 有 良 因 知 有 思 耳,良知 味。 亦不可恃也。 先 儒 蓋 謂 舍格物 格 不可 物 之外 恃 而言 也 無 ; 致 惟 致 知 有 知

見巡道吴公。

妨, 吴言:「小民 道臺此言,有哀矜勿喜之意。」 但 使知 有 無 朝 知 廷 犯法 法度 放 耳。」先 過 一二亦不 生云:

回縣,至北紀城講鄉約。

爲, 知 北 紀城者, 自此 赴 鄉 遍及各鄉,此《六諭 與 邑村 之 講 名 解 也 俾 0 人 先 人 生 集 知 恐 解 善 鄉 》所 之 愚 由 當 無

作也。

一月,與諸生講書。

講《中 言 用 是 故 中、 迂 道 此 獨 可 在《大學》首節「明 遠, 最 天 後 大 行 致 離 和則必不能不謂之大本 則 綱 下 中 更 是 明 復言 庸》首章「天命之謂性」三句, 而 在 難 矣。 事 便 難 IE 道 <u></u> 於 能 萬 事 事 中、 不 體 天地 都 如 目 可 個 此 立。 好 雖 和 舉 離 1 位 此 云 蓋 德」二字内 明」字内。 天地 只只 之意猶 體 須 尚 言 立 是 致 未 性、 位 而 大 和 難 未甚 道 後 達道 萬 方 綱 「戒懼 或或 前 物 用 能 萬 都 言 一,而不 顯 物 好了 如 疑 性 此 育 言 其 猶 慎 俱

與方淑論《太極圖》。

静 融 之 河 之五 方 極 極 淑 無端 純 氣 之水、鑽燧之火也,乃指 在 非 行 乎 有 陽動陰静之前 爲 程子「體用 理 非 ,陰陽無始」之意 此 先生宗人,先生謂《太 陽 五. 指鑄 者耳。 動 陰 鼎之金、作室之木、 静 源,顯微 」,此等處皆看得 又《讀 兼 理氣」, 書 天 無間 録 地 極 又謂 間 謂 圖》 陰 太太 太 江 動 陽 中

三月,賑飢。

責爲首之人,以 濟 靈 邑歲 ,民賴以安。 比不登、至 其所飲財 時 有歛 一是飢。 財 助買 演 先 戲者,乃切 生多 米施 方 粥 賑

《六渝集解》成。

先 而 六諭明白 生與 易忘 民講 也 正大,二十四字中,一 大 解 梓 之言 以 授之。 彙 成 其序 帙 恐 略 部《大 其 日 久 :

發

非

閱

歷之深

、體認之精者不及此

生

獨

謂

用

行

更

難

於

體

V.

發

先

儒

所

未

西

按

講

學

者

率

言

體

立

則

用

自

行

先

若 矣,豈 學》修 勝 過 異? 之民 視 曉 漸 之病,必三年之艾是求,車薪之火,非 淪 夫 殘 磨 也 乎繼自今而 杯之水能救 於仁 擴 去 肌浹 园 咸 齊 而 間 而 殺 品 移 治 口 嘗 義 充之, 膚 耶 風 通 平之理 巡 ? 卷之書朔 易俗 而 曉 邪 往行之何如耳。 行 自 穢 引 亦 村 斯民之漸 未 遠 犂 與古之三物 盡 以 而 野,爲之講 收其效,是有 于 然 滌 伸 是 望 刑罰。 備具。 , 渣滓盡 之,俾家 啓 漬于薄俗 其 讀 端 ,其遂能 解, 然七 六 雖 云 融 諭 冀 行 蚩 司 耳。 户 之 年 其 則 蚩 久 何

七月,革里長。

長, 頭 先生聞阜平 謂 抵 則 向 此 步 來以里長 法 步 甚 皆 亦 好。 用 荆 棘 里 爲 ^ 長,點 矣。」 與 可 平 啖 所 之物,一 Ш 糧 以 令書》云: 多者 斷 使里 爲 去 單

之也。

意革除里書,即先生意也。 酉按:高安朱公可亭軾撫吾浙時,決

八月,仇公滄柱以 字 硜 書 也 IE. 宜 仇公以先生治行爲天下最 耶? 自 來 乃 列之薦 鳴 矢, 先 其 其 生答書略 定 而 不平, 剡 鳩 評 以以 鵠之民 書來,兼 9 贵 光大典,而 且以 云 敢 如 館 不 贈 故 某 課 詩 反 待 ,則『才平』 ^ 己 司 銀 罪 不 河》篇 見及, 而 畿 朏 南 尤 陟 者 請 以 硜

試諸生,始定入學講書之期。

進 自 IE 示諸 聽諸 諸 後每逢二、四、六、八日 生,略 生 本 生講書,有欲 論 縣 文講 亦不 云: 敢 一時 道之候,故 藏 值中 拙 質 疑 秋 務 堂 問 與 天 擇 難 事 諸 者, 竣, 日 朗 生 考 氣 辨 以 即 試。 次 晰

改試 也 隨 明 諸 白 爲課 試 牛 卷 至 聽 之意 午 略 講 0 加 而 批 散 此 點 其 不 松 儒 陽 分高 童 講 有 義 F 志 W 者 仿 所 自 程 皆 得 始

邑大水

生捐 委員 親 司 至 懇 供 踏 各 其 勘 無 鄉 題 缺,勿使擾民 勘 請 自 災, 蠲 秋 免, 多 徂 冬,再 方 而 保 上 護, 司 三不 不 即 Ė 能 申 體 報 而 恤 先 E

爲 民 贖 身

其 母 徐 下 邑 離 氏 旅 皆 有 同 析 王 不 人持要人札 往。 姓名魁者, 而 願 不之救乎 往 先 遂捐 生 曰 : 來 貧 ? 俸爲之 索 不 某 印 能 大 在 契,并 自 詢 贖 此 存 其婦 歸 可 器 取 其 身 坐 視 妻 旂

+ 月 至 府 送 試

往 例 學 ,使者發銀買辦,各 州縣 均 派

> 應官 役 貲,各邑苦於支應 且 則 供 生昌言於院使門 此 亦 門 索使費,又 應 亦危行言孫之道 廚 歛 皂, 仍 其 戢 在 繳 不 餘 外 原 雜 有 敢 則 銀 派 不 各 復 外 除 時 言 執 窮邑 日 也。」 官 例 取 事 : 廚 派 用 人 先 概 日 之票,其費 靈邑之日,先 僅 生 不 皆 用 能 語 能 有 外, 勉力 應。」 供 在 日 給 供 各 不 内

再答秦定叟書

於立 知未 發 以 則 之學者 癸亥之夏,曾 可 發 E 書 加 之誤 教 發 來, 發,朱子 相 者 己 謂 又答 以 率 一發 陽 此 本 人 明 則 之,其 以 于 體 古 之所 書 知 生 然 爲 木 静 規 精 矣 而 略 功 以 之, 存 神 夫 不 日 異 然 動 學, 命 秦 : 於 以 而 察。 脉 猶 來 朱 其 此 不 之係 未 又 子 書謂 論 分 源 喻 謂 皆 者 朱 未 也 未 專 子 發 今 復 起

言 仍 異 惡 體一 同。 年 惡 亦 悔之見,然所謂心 如 發 蓋 成 發,只是 也 在 於朱 定 與 指 者 朱子 相 既 陽 ,只是無 此 、弘以前者 此 論 先 陽 至 而 以 楹 明之病, 僕所 語 嘉 生《 子也 明 莛 善 己 静 無 無 而 不 無 善 存 而 隆 以謂考亭、 不 紫陽大指 善 善 仍 昧 同 即 惡 無惡 動 · 待 以 專 有 無 莫 無惡者之未發; 朱子 於 所 者 使朱子守 察, 混 來人才風 在 惡者之已 影 大 未 言, 爲 動 以 爲已發, 此 亦 響,尚 於 發 中 心之體 静 **>** 與陽 陽 不 姚江 已發之界。 和舊 書 則恐有 而 無 過 明 中 舊 俗 善 疑 雖 存 發。 明之無 如 説 性 乃云『無 説 則 之,然後 朱 所 黑白 無 指 其 爲未 未 而 以 仲 惡 此 所 雖 所 即 無 不 盡 之不 善無 晦 屬 謂 不 爲 使 謂 善 其 心 發 變, 之 晚 之 爲 悉 未 如 無 已

書。 聞 推 服 中 者。 考之,朱子之學傳自 轉 無 三書,而評 己意,不 云: 是以 膺 其 佛 觀 悪 尋 關 (言而 ||《晚 及延 其 、老,雖 以究斯 喜怒哀 嘗合朱子一 然考《紫陽大指》中 是僕 處 此 句, 未發氣象之言,此朱子之轉 也。」 有中 翁』者,則 敢 年 平既 服 所深疑 之曰: 定 雷 是名言之失, 受學 理矣。 膺之,《答林擇之書》所 樂未發 則 和 論 同 没,朱子 猶 舊 W 生學問 延 悟 説、有《答何 似 即 『此三書,實先 丽 平,尚 朱 氣 中 未 書 延平,延 其 未 象 子四十以前, 和 脱 四十 窠 解 前 陽 載《答何叔京》 矣,教 舊説之非 陽 而 未 白。日 也 後 明 明之 以 能 非 平 不 不 叔 後 人反 此 來 大 盡 教 無 司 京》 始 窠 生 義 尊 之故 固 書 人 曲 謂 出 覆 是 之 歸 追 所 又 成 而

理 居 知 輕 居 功 獨 遂 此 雖 却 也 尋 復 忧 《答何 於 敬 崇 以 退 敬 似 重 伸 以《大學 不 又於《 而 古 未 窮 吾 若 先 究 彼 而 以 而 於《 故 叔京書》爲 有 口 理 道 本 陽 生 斯 居 求之於句 薛 曰 或問》中 不 大 致 敬 爲 故《 明 乃 理之言,此 補 如 亦 士 涵 爲 學 致 知 能 之 儱 是 龍 太 傳》 答李 養 徒 補 知 重 TTT 絶 侗 極之有 書 看 莫 讀 者 支 傳 可 爲 盡 悔 以 反 而 窮 中 所 如 文 離 **>** 不 可 爲 廢 覆 看 又朱 則 理 乎 故 而 義 敬 謂 居 之宿 更, 窮 朱子之一 推 兩 窮 稍 又 服 朱 進 書 之 敬 理 儀 明 理 本 諄 子之 輕 而 膺 子 間 者, **>** 障 不 學 而 此 諄 而 其 説 之 以 真 邊 亦 自 則 亦 爲 陽 未 故 無 教 敬 口 反 則 定 轉 稍 悔 轉 未 在 偏 明 覆 絲 大 免 是 不 叟 鍋 輕 之 窮 離 有 致 有 夫 抑 弱 推 以 始

朱之 所 雖 諸 悔 撕 辨 至 務 亦 病 則 可 口 以 病 ,如古 字 之爲 在 指 其 者 以 先 書 故 異 不 更 痛 蓋 始之 其 則 旨 ? 爲 生 佛 可 于 於延 惟 嘗 敬 惨 中 至 到 急。 氏 姚 朱 即 恐學者 本《 而 是 惓 辜 觀 ,静之所 子 而 底 江 平 觀 此 日 切 又 言 於 大 負 然 不 朱子之言 者 所 觀 格 心 用 中 僕 居 於 學 敢 而 以 在 説 喜 物 而 下 力 俗 敬 之 \* 格 徇 服 以 此 有 手 怒 於敬 延 **>** 以 謂 學之病 主 所 物 膺之,然於 平. 功 哀 太 爲 知 篇 見於《答劉 知 静 深 敬 之中,先 之言 樂 静 萬 此 重 者所 本 本 疑 不不 亦 未 爲 世 極 而 可 矣。 每 即 不 言 發 謂 而 者 先 口 不可 云 有 免 是 未 能 觀 更 深 在 略 然 知 其 急 所 不 觀」之 淳 語 之 得 解 無 此 不 迫 可 敬 本 綽 謂 孰 病 程 病 也。 知 之 之 雖 則 當 提 不 所 不

無 不 所 亦 爲 滅 他 終是 静 而 知 指敬而言 口 而 也 人生而 能 異 如如 不 此 適 以 未 必 涵 坐 ,若良知之説 乎 養大本,而 而 小 爲學 做 無 及 可 以 X 佛家 乃專 夫陽 朱 敬 偏 朱 疑 不 已,非欲 静 静」、《 Ŀ, 也 子 與 知 件 子 爲 纔 之坐 力于 雖 無事 明之所 所謂 静 也 工 本 蔡 偏 太 又 夫」, 云 當 不覺 便 亦言多著 人謝却 静 禪 謂 極 之時,其心 如 先 静 却 不 敬 做 陽 圖 生 矣,此 謂 甚至 又云 又云 何 病 字 人 般 明 可 》之『主静』,皆 示 良, 用 於釋氏 İ 事物,專求之 之 也。 謂 「明 不 功 坐 静不 夫 即 用 弊 非 蓋《樂記》之 居敬主 必 收飲,不 通 指 是又 力於 高 道 必 孟 只 七 ·妨,此 之寂 貫 景 無 説 特 在 子 日 動 僕 静 逸 善 性 静 無 地 滅 , 寂 使 是 善 善 所 説 將 無 4

失 真 墨 勝 恶, 發 未 不 善無惡』一 無 善 矣,崇古本《大學》能 任情自發 良,以心之 口 **心**忌,至 爲 能 此 無 耶 日 不 所發言 而非 非 而 爲 ? 盡 曲 節 善 語 而 非 孟 過 成 耳 己矣,良 哉 合先 非 大義之謬 以 挾 子 即 己意。 矣 而 語 好 孔 好勝之心者』。 昭 所 謂 孩 所 己 然《答李 勝 謂 生之論 子 之 昭 提 不 又 也 不 而 爲 知 良 靈 之 謂 知 一有思慮營爲 能 滿 採《答》 不 矣。 之説 也。 九 靈 愛 識 無  $\overline{\phantom{a}}$ 者 陽 陽 千鎰 中 絶 者 敬 知 弊,是又名言之 而 支離 明者言之,謂 明 孟 乎 言 合於性 是 惟 叔 如 晚 非 子之 之 朱子 書 湛 夫陽 也 京 不 何而後 年 良, 學 矣,惟 分未 》諸 定論 不不 然 良, 真 善之旨 是 陽 明大言 爲楊 虚 發 爲 能 贵 問問 明 以 明 此 雖 無 好 之 又 其 其 爲 性 口

停 調 先 以 哂 未 不 之 不 停 生 陽 發 過 跡 者 朝 爲 明 E 敢 學 發 不 爲 =自 恐 同 術 指 亦 暮 若 遺 與 世 鹿 兀 而 其 後 朱 道 爲 掃 暮 學 所 子 馬 起 除 之惑, 四 疑 名 者 未 見 朝 異 皆 盡 諒 與 實 非 不 所 不 之 世 同 矣, 以 以 法 俗 矣。 免 指 不 0 僕 涉 之 揆 摘 私 干 極 則 前 爲 愚 調 意 畫 知 并

微 書 罪 西 生 按 也 其 此 工 雖 言居 夫 因 先 本 定 生 敬 領 叟 辨 主 之 静 朱、 與 蔽 曉 及 王. 而 性 示 之 發 學者之 善 異 其 良 蔀 知 莫 切 詳 尤 而 先 於 亦 極 概 生 精 是

某公。 臺。 + 西 按 有 Ŧī. 是 年 時 巡 年 道 是 Ŧi. 李 + 公, 名 0 基 IE. 和 月 但 往 隨 府 記 見 不 道 注

寅丙

見

於

矣

밆 崇 文章 彌 咸 獨 時 撫 作 見 平、 婦 節 初 消 -陸子 謂 第 文 有 官 字 宰 詩 大 行 來 騎 織 臺 計 疁 廷 君 盛 輿 覽 痩 兒 執 以 更 心 語 肅 聲名天 計 寄,其 推 卓 得 才 代 情 之 馬 勤 城 範 唫 先 世 異 第 任 焕 怒 官 中 謁 絶 志 本 不 生 典 道 無 皇 忍 先 Ш 鴻 擲 鞭 舍 潔 上 闕 日 下 序 可 流 博 猷 官 冷 **�** 扑 清 離 地 民 然 . 屬 云 先 嘆 生 0 貞 篤 薦 投 竹 豪 感 此 何 民 夜 衡 傾 憶 名, 陸 仇 白 器 期 舉 番 俗 或 劾 亦 牀 强 論 而 在 子 公 居 計 訓 讀 攀 寧 重 如 折 古 有 \_\_\_ 不 西 亦 稼 滄 作 然 禮 枚 期 足 典 民 經 轅 論 敢 冷 爲 人 書 柱 達 著 路 支 旋 魏 事 布 貢 肆 洞 相 搤 向 止 在 詩 宸 善 林 蔚 迢 錢 往 鉅 瓶 憑 腕 胸 薦 推 京 E 聽 递。 束。 穀 罌 政 州 陵 腹 復 丘 細 清 大 師 永

月,上丁,祭先

師

先期詣

學省性

鳳 世 君 君 前 孤 若 若 標 凰 風 何 鎩 蚤 卓 贵. 局 同 羽 是 促 參 登 卓 鴟 後 少 無 臺 天 鳴張, 足 人 諫 禄 冺 监 閣 知 班 冺 吾道還 寵 遂 才 庶 何 大 辱 幾 難 使 君 反 不 底 璀 應 驚 燦 身 爲 直 柱 衆 弘 分 如 古 П 矢。」 所 制 宜 狂 兩 瀾 阚 作 岐 疑

閱《寧晉志》。

之關 北 里。 備 最 北 先生云: 潞水客談 處 邊 北 出 對》,言太行 語 自麓 之 粗 П 直至燕北 ,止説得 多矣,豈 第 通 至脊 微  $\neg$ 八 学之 見王 徑 34 ,皆陡 Ш 難 名之 止 一个影子。」 先 無 南 據 於 棟 0 生 有 自 八 峻 E 疏 間 見 此 河 不 涇 斷 程 陽 可 始 是 居 登 懷 大 按 知 蓋 南 庸 昌《 越 縣 數 徐 今 渡 歸 獨 貞 太 千 北 即 迤 説 行 邊 有 其 白 邐 明

> 得宜 先 儒之數。』則近 兩 兩 生云: 廡 廡 有每 始 各 命學中行之。 位之爵,有總 豕,解 向 見《新樂縣 於煩矣,未敢從。 爲 四 十八分, 至《冀州 獻 志》載祭十哲, 之爵 如先賢先 似似 志》云: 煩簡

三月、《靈壽誌》成。

見 欲 君修 乃 周 也 異 作 本 字之彰著者 先是,奉部檄徵 家 於 朝 序 取 ,故杞、宋無 考夏、殷之禮者 損益 志 不載坊額 甚 論 邑人 凡 志者 議 以 覺 傅維標草本,爲之訂 之善 冠 w 略 簡 有三: 之, 以已 便, "尚闇 云: 徴 與 邑志 凡三易稿 然孔 未 則惜之。 見正 蓋夏、殷之 賦 修也; 不登寺 盡 役 子 史也 靈 善 邑闕 生 者皆 不及前 觀 於 類 至 有明之法 其《答 斥 禮 是 周 如 定, 可 若 乃成。 存 世 得 異端 斷 每 先 文 條 生 傅 則 乃 自 而

靈 書 議 之當 也 章 以 其文已見正史,不待邑志 言》、《繫辭》之昭昭於萬世者,曾 曾不一見焉,一切《孝經》、《 魯、適楚、删書、 孔子之事 存 及焉,是非 子之文,不如 有 亦 壽 所 誠 説 史遷、 亦莫過 乎 本 焉。 《請 ? 詳 朝 以尊孔子也。 非 以 夏、 也,《 孔 至 班 虚 不 於孔子。 春秋之人 詳 子聖 邑之士,而天下之士,其人 殷 固 東 于 於 報 如 慈 之 叔 之 向 叔 人,不必沾 正樂之彰 向 叔 例 之 燕 聖 禮 向 子 律 位 向、 惠 樂、 也, 物,莫大於孔 左 今樂、曹諸公之在 之, 子産 疏》 王 曹、韓 丘 産 子産之詳,載 幸 書》、《僖 之 明作《傳》,序 當 是 彰 而 而始著,略舉 沾稱 而 多,一 足徵 論 古 於 載 諸 略 萬 然 語》、《文 也 於 述 子, 世者 矣, 切 孔 不一 祖 行 高 可 于 相 孔 文 然 明 廟 事 不

> 其 其 例 子春秋》,其書 公作《管晏列 山高》、《乘馬》、《輕重》、《九府》及《晏 概 也 軼 而 事 不 \_\_\_\_ 詳 則 傳》亦 亦 有 世多有之,是以 所 詳 以尊 云 有 略, 之也。 『管氏《牧民 古 太 勿 且 論 史 太 論 史

培 酉 極 又《隨記》注 費《 極 按 贊『方音』一 田 此 賦 書凡作郡邑志者可 志》。 云 條, 誌 成, 獲 鹿 新 魏 河 雝 令王 以 伯 爲 雙 益 法。 鳳 仲

以時務六條上撫軍。

先 巡 生 撫于公成龍, 條 陳 六 事 其 旗下人。 略 曰 檄 行 答訪 利

正 登 者勢必轉貸,所入不足以償 場,而 月 緩 開 征 征 後 宜 有餘 講 上 供 也 者 可 尚 辦 自 可 古 勉 税 向 强 以 歛 必必 債,何論仰 兵餉 支吾,不足 俟 之故 稼穡

暫 貴 庫 事 地 抵 額 畝 俯 本 育 H 미 年 荒 ? 通 轉 春 融 所 移 夏 今 以 間 之餉,俟 總 四 間 計 方 而 閻 以 寧 民 H 謐 力以 秋 上 窮 年 成 司 紓矣 撥 催 逃 徒 賸 解 不 之銀 日 以 至 告 補

年 即 復 稽 謂 濤 年 有 民 土 而 荒 起 與 司 查 此 視 瘠 報 起 而 墾 等 科 以 太 科 除 者 爲 薄 墾 荒 所 嚴 荒 便 畏 免 者寥寥 ,所墾之地 聽 報 荒 宜 使民 宜 地 民 途 之 勸 有 熟不 不 其 原 糧 司 使 聽 也 畏 己 , 查 畏 與 得 常常 其 非 墾 墾 定 已枯 他 而 額 朝 以 荒 民 之 成 處 内 而 不 廷 熟 蕪 之 累 報 熟 地 之 爲 屢 敢 不 補 不 而 者 開 耕 地 可 石 補 下 自 荒 莫 願 易 墾 之, 不 田 勸 之顧 請 無 孰 墾 同, 9 墾之令, 若 寬 其 轉 不 所 蕩 也 如 荒 新 稍 盻 踊 至 爲 與 以 糧 墾 假 其 小 波 六 竊 地

于墾矣。

以 呈 典 捐 年 約 州 講 猝 溝 輸 今 口 口 開 舉 以 若 輸 縣 辦 久遠言之,比之蠲 御 求 勝 洫 、水利當 長 其 積穀宜 墾 行 久 之制 覽 闊 水 水 數 一途, 誰 Ш 若干, 請 湮 道 然 利 僻 能 許 以 久塞之 與 屢 於 廣 疲 司 何 隨 興 應 在 年 其 未 農 有 也。 敝 工費 也 ? 處 富 時 時 荒 蠲 以 司 度錢 0 如 宜 修 饒 言之,雖 河道 當 來 之 賑 設 功令最 靈 若 墾 疏 之邑, 理 稍 前 於 議 賑 壽 糧 法  $\blacksquare$ 芋 通 既 之 故 爲 ? 蠲 募 者 所 在 省必 彙 荒 議 通 若 何 日 人 重 贏 不 興 猶 宜 雖 融 之 覺 成 處 積 賑 開 不 絀 欲 水 口 通 懸 百倍 宜 後 穀, 其 貇 免於費 疏 利 鼓 所 查 以 如 旌 書 隄 煩 荒 舞 然 收 勵 次 所 費 古人 勢 何 防 其 之 分 勸 屬 難 地 止 進 如

者 聽 酌 地 税 納 所 之肘 從 量 方 新 銀 X 支放 其 積 增 者 貯 則 者 便, 穀。 許 倉 編 民 先發 其 備 勿 至 審 庶 因 X 賑 於 人丁 穀 有 後 不 在 勿 賴 不 肖 報 責 倉之穀, 矣。 溢 之侵 必 其 平 額 起 起 時 公者,悉 欺 科 解 出 宜 Mi 陳 聽 盡 許 牙 吏 易新 掣 員 留 帖 有 賢 司 本 應 雜

革 贓 抑 張 知 留 弄 公行,不可 復,然尚 ,不 之律 款 法 此 或責之舖 存留 項 以 輩 知 宅 甚 盡 爲 能 家 宜 天 有 嚴 行 仰 枵 救 酌 下 伙 應 户 裁 事 腹 復 有 而 止 復 ,派之里下者也? 减 州 俯 而 書 也 司 而 縣 育 奉 辦 康 由 皆 未 之資 必 公乎 之工 是 熙二十 自 能 復 不 州 兵 捐 者 ? 能 也 食 縣 興 俸 之際, 免 獨 年 掣 自 抑 如 漸漸 肘 不 備 既 心 將 衙 復, 奉 紅 舞 乎 役 將 私 次 司 ? 裁 紙 Ì 犯 奉 派 存

> E 總 有 有 掣 之金 缺 小 發 額 也 调 無 之 之寬 缺 溢 肘 ? 逃 價 民 既 往 而 審 者,宜 之害, 搜 一錢,不 者 罷 下 捏 值乎? Ţ 在 奉 求 得 絶户 敝 程 作 主 不 裁 分在 逃亡 于 有 報 計 知 宜 層累 中 命 革 州 缺 裁 者 1 伙 即 有 求 抑 ,其害仍 縣 州 州 雜 蠲 或 以 司 溢 而 縣 則 惟 者 縣 項 支 免。 下 不 留 額 此 自 知 無 皆 即 川多 供 能 補 爲 也 復 有 餘 總 自 能 寬 或不 應 之。 積 不 糾 地 國 皆 自 穀 果 藉 項 州 劾 家受之。 分在 肖 項 備 小民受之。 則 其 之 有 貲 則 縣 之 有 之掣肘 供 州 J 無 用 於 費 必 典 窮民。 應、 司 縣 盛 溢 地 不 9 在 之 項 方 自 無 遇 能 mi 而

末又言:「一切刑名錢穀,務持大綱而

H

增

H

益

矣

搜

求

于

窮

民

者

亦

無

餘

地

而

民

之塗

炭

能 需 者 補 胥所深喜 名案件 止 據詳,皆籌 1,無庸 索 見之設 救之術」云云,惜乎于公知之而 無 可 益 多 明白 提 以 煩 施 而 即 解。 文俱 番 也 小民所深苦也。」于公報 畫 顯 行 提 久大之謀 易之事 多 改正者,無容 宜省去。 解, 即 番 多 駁 可 非 詰 以 如 番拖累, 即即 徒 錢 即 駁 爲 行完 糧 詰 多 卒不 毫 時 番 結 刑 忽 吏 日

四 月,有感士風

壞。 旂 通之 自 時 出 嘆 下 旂 門 有薄植之人皇皇覓館求售者, 日 人 漢 人,皆可 下 亦 一昔時 人 日 多 無 見 與 收 所 此 此 容,故 用 僥倖以取 人學問 等 輩 粗 粗 鄙 相 人 鄙 與, 之人, 皆 未 之人揚揚得意 衣 成 而旂下之風 盡 食、竊厚 於是文 力讀 不 敢 書 出 理 先生 利 門, 俗 未

> 壞 遂 是兩 言謂 讀書不必深求,而漢人之風 相害也。」 俗 亦

閱《武功志》。

湯公潛菴 早出 名士 此 白 謂 往 嫌多檢束,不 之,見有載 菜之手,不甚滿人意。 又云:「 莫精於康對 ? 年先生在保定,陳君名 樂天《秦中吟》十首相去遠矣。 不過是嘆老嗟貧 日看 也 端 可 ,來見,言近日 長 見 除目,終年損 坐 羨劉 淫 胸 姚 吏 山《 似 合《縣 祠 無 人 舊來狂 疏 伶醉,高 主張 傍。」 武 、飲酒 功 居詩》三十首 抑 修《 縣 一。」尤説得不是。 又云: 又言天 道心」,何 何 眠 志》。 i 僖者 通 看 不 出 花 志 憚 世 之事 下志 至是 煩 惟 俱 其 間 一, 至云 至 也 愁 出 邑之 書 閲 如 自 明 與 牛 郭

湯 公撫 江 蘇 以 禁浮 靡、 厚 風 俗 爲

閱

事。 君子之待 司 先生閱 民不喻 惑人,愚民奉之若 任 看,一 湯公赫怒,沉 Ŀ 方山 疏云 後 是不侮鰥 幽 將復 明 有 「當 所 總 然,因 謂 是一 狂 與《 寡 其 五聖 像,毁 至有爲 會 具 個理。」 一是不 典 祠, 疏 請 其 . 其 河 畏 祭厲文》 旨 祠 巫 伯 公强禦, 永禁。 恐 覡 娶 愚 煽 婦

五. 月,論井地。

可見。 是就滕之地形而言。 子所云 行者也。 偶思古之井田, 隨 疆以戎索」,及蔿 又《周禮》「載 「野 觀《 九一、「國 左傳》所云「疆 権「牧 其地宜 師 中 隰 什 注 非 泉 疏 」者,恐 尤明。 、井衍沃」 以周索」、 通天下可 亦 孟

論 喜怒氣象

氣象。 先 生云: 程 動 子欲 日 人忘其怒,而觀理之是 來 看 得 人之喜怒 各

九月,

與宸徵行冠禮

儘 有怒得 是,而 氣象不好者

非

愚

更欲人忘其怒,而

觀怒之氣

七月,至保定,見巡撫 惜。 之故。」 先生云: 如獻 「 撫 海東青、念《壽生經》,皆未 院 天資 于公。 好 而 未 學, 殊 口

八月,上丁,祭先 師

靡 切禮文習之不熟,呼而 因與諸生言: 而 後 有 動,這便是争。」 争。』宗廟之中安得 「《詩》云: 不 『奏假 應,必待再三 有 争? 無言, 凡一 時

酉按: 禮文平時 先生看 不可不講 「争」字

極

細

極

確

亦

見

巡 撫 于公以 疏 薦

革 時 巡道 職 還 李 職 與 公力 例 不符 請 與 不 高 准 陽 行 取 同 薦 部

即 遣 往保定 王 天 市 署就

月 墾 蠲之申 得

是奉 錢 徒 先 朝廷 以 生因 糧 Ė 及。」爲民慶幸者累日。 盡 有 一論 勘 靈 行 如 再勘 邑去 真、 蠲 許 免。 德 較 年 順、廣、大四府二十六年 意, 被水,屢 論 先 分數 不計 生 奉 訖 分 檄 請 數, 無 蠲 色喜,云: 定 糧 非 , E 局 臣 至

卯丁 一十有六年,年五 十八。 正. 月, 如 保定見

各 Ë 臺 訪 魏 公蓮 陸

篤 平定 魏 以《王學質疑》一編。 先 封 生惜其質美,欲砭 行 公名鰲, 州 皆出 君 子 謝 也。 孫徵 與湯 絶 苞 乃 君 公潛 苴 建 鍾元之門,曾知 ,及歸,行李 陽 其學術之偏 菴、耿公逸菴介,登 湯公亦篤 明 書 院 於保 蕭 信 其師 因 Ш 亦 授 西

> 者也。 亦是這 所謂 順。 講 清 然 黄 説 學之勇,則所 君 論 成千古大賢。 年譜 一衣敝 楚。」 藜 生苦志,只做得 所學既 不合,蓋 惟 孫 示不 洲 耿 徴 個 因 》**,**因 只是不虚心,不細心,當日子路 公後 忮 緼 北 君 思 氣象 非 能 袍 方有 不 皆 孫 、天下學者 嘆 自 來 謂『未之能行,惟恐有 求, 賴 章 鍾 曰 悟 振 代偉 元、 何用 聖人之裁 拔 亦云: 王 不 孫 鹿伯 者。 學之非 近 踐 人, 鍾 不 年 多 元 跡 一鹿 臧』者也。 其品之高 先 順 來 被 的 ,皆是君子 成,所以 善繼,定興人。 生閱《孫徵 與二公議 南 他 江 事 方有 村 教 他 得 聞 即 不 終 其 則 H 伯

衞 濱日 [鈔》成

摘《問 術及先儒所未 學 録 經 隨 闡發者,彙成 記 》中之大有 關 編 於 顔

曰《衞濱日鈔》,以嘉惠後學云。

一月,詣學講書,以五則示諸生。

自古 不正 只是 五 内 曾有爲賢爲聖的 之秀才,其害猶 怕。」道臺 爲諸生述與守道某公語 秀才之不通者,宜黜。』余謂: 則 出 ,一旦得志,在仕途上爲害無窮 做得文字 敗壞天下 來。二諸 問 何 好,其 生聞之皆竦 的 故 有 真 ? 小人,多在 念頭。 限, 心只 余 通 日 曰:「道臺言: : 是要功 的 此等人根脚 然,因 「通 秀 極 才 通 的 『不通 名,不 示 秀才 更 秀 以 才 口

期 疑 一、講書今定於四、九日,先期派定三 從容宣 者 預將 本縣所 看 到 所欲講 講 有 發明,原欲 疑 與衆 有 之 共質,務期 疑 書,反覆玩 者 與諸 看 到 生相質 有 無 味,要 疑 Ī, 無

> 寫 倘 勿 得蓄疑 出 有 與諸 相 商 不 生 · 問 意 古 見 人 不 得 同者 力 多 在 不 辨 妨 難 面 之 詢 或

泛語。心上去,不止從舉業起見,不可視作一、本縣所講,不拘何書,俱要引到身

好學。 有 中 諸 塲 用 古 備具 、科舉之制,第三場試 所 惟 生 經義治事之意,欲學者 確 問 退 以 議 草 也。 歸 逐 卓 研 率完事 見,能 究,不 考究 近來士子漫不講究,至人 明白 必 今擬 即 有有 演 條 發 策 兼 成 疑 對 策 篇 五 通 者,尤 輒 問 道, 世 詢 但 道, 務 蓋 就 題 若 取

上丁 散居各鄉者 凡 係 關 廂 隨 居 便聽其到 住 各 生 學 務 聽 期 講 畢 其

行 氣 故 息 禮 畢 雖 是 語 升堂之時 升 諸 堂 生 時 日 始 : 自 屏 覺 下 是 得 而 聖 無 上 刻 人 氣 屏 不 易 調 氣 其 似

與方淑講切偲之義。

而

不

動

《王學 見言 邵 當 情 先 必 看 他 北 同 是 云:「方翁 方學者多 其 何等 論 道 子 切 生言 日 有 不可 質疑》,曰 偲 昆、 剛 之 如 與 又謂 同 不 樣 不 來言邵 我交,又有 然 魏 不 慎 『朋友 之不 朋 如 不 通 其 蓮 友 同 『無 又周 幾 此 子昆 中分 陸 常當 同 又 至攘臂,氣 譏 若 好 切 須 而 在 友不 刺之談也。」故先生云 生自保 其 何 井陘 數須當 道 切 久暫之 及 看 病 等 偲 先 此 心 道 如己者』, 痛 樣 不 偲 定 署 質之難 術 歸 中,因 酌 有 不 切 酉 同 之 言 量 深 分數 按 偲 可 同 T 變 魏 T 淺 如 不 蓮 景 又不 須 其 大 隨 雖 此 要 吕 陸 記 皆 性 又 見 言

> 若 如 心 己 術 者 不 同 與 損 亦 者三友』 不 必 論 及 如 『道 不 如 同 此

三月,編審人丁。

章有

别。」

之民 茹苦 遞 生日 大 奇 其 從 黄 現存之户,溝 溢 逃 覈 口 編 略 來 而 增之故,非 後增至 查 而 一無所 蹙 不能 編 之兒,已 審者惟恐 後已,故 云: 現 在 審 間 自給 人 靈 井蕭 控 可 番 T 中 逃 盡 萬 邑 人 愬 部駁, 招 人丁 絶 不 之 民 條 而 追 Ŧi. 丁 撫 加 又 瘠 庶 敷 俱 呼 干 口 者 以 責 職 必 之籍。 不 而 舊 六 有 舊 即 猶 屢歲 其 敢 求 富 編 額 白 增 額 是 不 審 包 除 足 加 有 除 册 無 早澇, 一時,所 遂 於其 之際,其 額 小民 萬 , 减 而 上之丁 以 且 攤 几 舊也, 實 含 現 必 千 派 先 以 而 報 間 辛 於 稍 其 有 生 民

令書》 曾於 許 爲 綏 搜求 П 盡 課 民 駁 派 恤 之數,不足以 産 除 地 ? 之民 ,卒如審定之數報部。 溺 以 日 窮 業 云 ; 産 撫 民 孩 增。 然 職之戒 者 新增之丁 遺 點良 略 致 先 童 亦 軍 求 F 云: 作 即 户 生 使之充足,逃亡 不 而 及 若目前情 其 心 何 再 П 量 甚以 可 有 即 守 「承 無 不 抵 缺 詳 料 加 冀 産 也。」上官見先生百 量 憲 缺 肯 理 於子 額 詢 : 删去之數。 爲 業 前 加 自 其不失舊 審丁 怪 者 形 痛 聽 裕 上 於 縣 昧, 孫 即 實 課 不 陳 候 承 官 事 在 據 而 不 虧 日 之 又《答阜平潘 E 受之 平. 難 吾輩 實詳 不 除 道 番 臺 課 少, 前到保 額, 日 就 若 除 ; 處分, 人 未 失 自 原 筋 亦 下 照 老 明 而 非 蒙 于 折 疲 然 惟 舊 而 不 應 因 而 見 有 愛 府 攤 以 撫 骨 復 不 或 病 增 有 不

> 册 諒 條 臺 有 古 意 一,自信 必 補 送 , 亦在各 所 缺 府 無 不免, 牘 額 復 未 妨。 無 不 F 見批 憲 愧 然 调 也 敝 洞 將 亦 0 守 治 轉 鑒 怕 地 定 向 中 方 不 初 係 0 即 真 得。 念 通 使 只 實 口 詳,近 須 再 至貴 情 也 一駁,弟 立定 形 復 治 陳 雖 脚 將 亦 之 之 駁 根 惟 蕭 原

西 按 體之意,亦 此 書 可 略 見 可 先生之忠 見 矣。 告, 而 萬 物

捕蝗。

成, 蝗 給 時 地 穀 方 境 蝻 宜協 人等, 種 生 内 出 有 力 是 蝗 撲 無 立 年 論 刻 遂 滅, 蝗 報 懸 有 不爲災。 將 地 官 示 所 各 無 撥 獲 地 鄉 役 蝗 皆 有 帮 蝻 地 仰 撲 送 之家,遇 給 縣 於秋 又 示 即

議均甲。

時上司檄行均里均役之法,因思江南

之内 謂 皆 之法 糧 之受 之。 求 民 必 善 多 順 之 從 有 均 間 寡 其 割 \_政 治 雖 庸 里 不 夏 而 交 參 彼 + 税 均 累 若 均 畫 口 均役 是并 似本 /差,難 易 四年 補 靈 有 秋 之, 猶 止 役之法, 又 得, 必必 此 思 呂 里 糧 均 無 如 之法, 均 .楊 皆 此 錢 不 龍 里 即即 常, 甲, 要緊 故 費 炎,却 於 徭 非 大 糧 均役 也 惟滋 按 邊《 里甲 周 數 亦 唐 古 即 無多 口 江 册 算 旋 法 因官收 年 之 唐 賦 與 怪 南 籍 改 擾,反 租 而 過 之 7,若行: 役 故 楊 總 錢 板 又 不 地方情 割 調 均 宜 全書》, 炎 X 遂 糧 官兑 置 思 有 官 在 里 有 不 生弊端 議 浩 依 均甲之法 均 爲 收 明 其 均 責 夏 同 覆 舊 煩 形 活 官兑 徭 之 夏 役 税 至 成 而 參 不 圖 職 大 内 楊 税 誠 秋 里 即 民 同 差 且 略 外 炎 秋 爲 甲 糧 唐 又 如 民 便

> 攬 者 弊 攬 地 今百姓之苦,只 能 無 切 不 行 相 一,其條 仍如 如不 均 行 礙 不 差 大 聽 禁 聽 之於紳衿, 不 照舊 准奏銷 不 止 行均役之法 其 至 均 故 能清 濫 過 鞭 仍 額 。」又云: 派 掩耳 内 豪 外 舊 者 應 私 之 之 强 則所宜 皆 **\$** 在 以 故 行 行 派 偷 包 賦 以以 省 私 私 之源 包 鈴 差 攬 差 均 繁之 一紛擾。 派, 派諸 攬 之計 起 通 便 照 里均 如 飭 生 清 見。 有 即 畝 軍 民 地 者 不不 查 私 日 需 科 役, 稽 也 而 州 但 派 名 易 算 均實甚 雜 嚴 覈 賦 縣 行 大 則 爲 辦 有 查 爲 簡 官 約 設 原 差 法 難 句 不 無 有 從 包 法

四月,如唐城,葬郝雪客。

郝 城 赴 送 中,二夫人祔於左右。 名 焉。 浴,定州 先生記 人。 云: 其子 請先 雪客 其 生祀 制若一室 即 葬 於 唐 大

74

行 僻 言 呈 也。 以 利 亦 千 以 祥  $\pm$ 不 救 順 爾 金 一样 不貲。」又言 似 王**、** 見《桐 陽 任 治 便流弊無 呈 梅 者 躬行之人,人將 來 南 時 有 明、 祥 其忘言無 Ш 陸 畿 言 書 會 方 罷 左 來、霑 滿 爲 象 城 葬 袝 官 輔 風 人 非。 志 Ш 葬 不 與 窮 猶 酉 俗 化 皆 》。」又言: 可 按 高 人蘇 不 害 同 用 能 先 「明 珩 葬 至 Z 穴 鄶 同 躬行者。」 流 生 時 丑 奉 如 何 季 持 里, 異 徙, 搭 日 爲 至 則 此 左 月《 室 三人 赦 : 也 模 棚 ? 歸。 光 講 隨 也 然 之費 楷 交 蘇 記 斗 不 \_\_\_ 其 學 紙 淄 言 最 ž 躬 霑 總 意 亦 要 稍 張 ]1] 其 厚。」 9 唐 邑 行 講 似 視 有 化 有 不 旌 李 海 夢 信 之 偏 李 不 躬 水 旗 至 李 賚 呈

酉 按 數 語 極 透 闢 爲 Ξ 陸 П 護 者

吟 自 語 此 質 無 (疑》)成 容 置 喙 矣。

^ 呻

> 吕 疑 有 志 時 》數十條 心 新 赴 可 議 語 吾 時 郡 之雅 謁 者, ^ 因 呻 新 並 慮 爲 吟 守 作序 學者 語 刊 9 先 同 **>** 行 生 僚 無 世 以 醵 書 畢 所 云 資 新 集 折 内 刊 河 衷, 多 成 令 擬 歸 王 刊 又 其 益 係 成 作 中 世 仲 書 質 間 道 有 以

與吕 君 无 鄙 書。

益 略 弊。 先 也。 忘 振 録 生 喜尊公先生正學不 ^  $\forall$ 偶 大 儀 何 貽 見 禮 册 啻 書 張 邵 通 无 其 考 解 子 鄙 夫 篤 ×, 文、 寔 先 訪 0 正 生 其 蔡 求 大, 履 略 墜, 九 數 祥 日 峰 年 足 桐 : 僅 家 救 得 鄉 得 學 箕 惠 人。 俗 經 相 裘 教 學 ^ 傳 之 備 行 承 而

<sup>0</sup> 吕 君 无 削 原空缺 據 乾 隆 六年本

<sup>2</sup> 无 削 原 空缺 據乾 隆 六 年 本

公先生」, 原空缺 據乾 隆 六年 本

己。 進 鬚 弟 頓 間 頭 望者,張 之責,非 正 ()便當 半白 與 ,終免爲 ,無足道者,惟 留 文,今大刻 平生雖不能 學者談 滯 恒 考夫 高 從 已 陽 流俗 明 是 + 及 先生遺 而 告竣, 汩 畝 藏 書理 人也。」 誰 没 間 拙 到 追 哉 簿 處 温 時 隨 書 何 ? 只 書 勸 尋 候 高 幸 未 是 石門爲考夫門人。❶ 中 人讀尊公書 舊 蹈之風, 如 有刊本,表章 略 村學 學, 之! 無 將 冀 未 究 善 完 少 舊 今 更 狀 有 整 話 頭 而

以書答兩席生。

比 萬 稍 蝥 席 閱 漢 他 萬 弧 有 近 人,寧 以 不 翼、 而 作 可 上 不安命之説 充 漢 隨 也 可 滿 廷 意。 學 流 以 但 成 動, 書 在 賢昆 而 進 熱 來 以 未 者,須 鬧 此 候, 遇, 仲身家重大,不 處, 入塲 復 立 最 毫僥倖不 書 定 宜 不 略 脚 謹 難 云 跟 慎 塞

> 也。 得, 義,功名次之,至 此 總之, 是利 離 害 關 親 囑 遠 頭 不 至 出 囑。 以 但 謹 是 身 理 爲 欲 第 分 塗

爲 以 愛 塗」,假道學偏 西 入 按: 急」一語者,亦淺之乎論儒 爲 以 醇 德 儒 「是利 與與 也。 世俗師 害 彼世之訾許魯齋 不 關 肯 頭 如 弟之情大異,此 此 不 説 但 是 矣 可 理 知 治 欲 先 所 生 分 生

請量减田房税額。

錢,康 分。 不 住 之法,每 其 及 居 略 多 額,分派 靈邑地價 曰 熙 係草房泥屋 . + 民 靈 間 Ŧi. 里下,苦累不堪。 邑 年 交易 一等畝 房 增 地 + 價 價 止 舊 Ŧi. 銀 更 一二錢不等, 額 兩 無 七 Ŧi. 兩,完 幾 + 錢。 七 以 税 致 征 兩 敢 税 收 民 Ŧī.

■「石門」,原空缺,據郭麟本補。

都 課得完,不致壓欠云。」 地 違 方一 亦 大邑 例 不 私 情 苦累。 可 派 爲常, 形 有 不 不 同 伏懇軫念荒瘠之邑 及 勢必仍派之里下 合無 額、悉由墊解 題 請 量 一减 ·, 此 與 庶 但 實 捐 或 通

六月,論《夜行燭》。

之隨 先生謂 之義 加 大 Z 其父 减之方。」 《小學》是古方、《 處充 之所 此 而 滿 書篇 月 有 III 問 先 以 名淺俗 隙 名 生 便 篇 人 專 夜行 亦 蓋 可 誠 見 必 미 意 燭 想見。 月 納 ]1] 是因 約 如 春 自 先 病 又 牖 生 風

論文體。

閱 删 斯之底 云 本 王 『俗格 編 一覺斯 裹 成 盡 歌 與 集 見。 訣。 陳 》有 調 禮 又有 先 ,帰除以寸鐵。」覺斯 生云 記 倪 歌 鴻 . **\***, 寶代 閱 將 此 禮 序詩 則 記 覺

> 以駁 至此 膚 免。 之文,病正 語 淺 雜爲 即 國安得不亡?」 亦 原 就 其 可 富 石 坐此 謂 病 以詰 齋所 不 皆 善 起 作《覺 屈 而 學 於 爲 鴻 退 退 奇,文怪 寶、 斯 之『陳言 之者矣。 集 石 序》觀之, 齋 僻 亦 務 文運 所不 而 意

八月,以失盜申報。

其 法 然 以 奉行 欲 爲 報 時有宦家失盜 强 詞 Ė 郡 僞 動。 謂 猶枉殺也」。 劫」字。」先 居 聞,命改「劫」爲 乃取 「盜有可殺之罪 守恐其累己, 先 職 未幾獲盜 生 盗之巨魁 卒 日 不改,郡 生不 9 其剛 吏 將 我 白 拘 欲 寧 「竊」,郡守急 杖 毅類 成獄矣。 一, 吏 隱 以 斃 守 痛 諱 誠 申 之。 囑 殺之不 如 去官, 責, 失 文 竟 此 主 先 先 不 撫 以 以 生 遊 當 大 劫 不 傳 軍 生 惻 其 移 能 盜 諭 不 用

業」等語 頭,從 改 來,受盡 勸盜 IE. 念之差,不 文》, 痛 新 楚苦。 做 悔 時 個 向 遣 吏往 獄 好 日 ·安生 然人心 人 的 中痛哭失聲 不是, 理 獄 依 中 一,遂做 無定, 舊 .講 如 可 讀 以 今 出 只 若 成 大 將 此 家 得 等 略 這 立 出 謂 心 事

聞魏公環極之變,爲文以哭之。

此 者。 仇公滄 高 南賤 生不 腕 文 日 於先 三言於 之雅 致 Ш 不平,不 文奠焉。 方其 勝 ,某之樸 吏也,蒙先生之知最深, 生 朝 先 知 柱 不 待 以 也。 己之感,爲 顧 生 書來 罪疁 其 訥 恩怨,即 以 千 、略曰: 及 無 爲 里 城,于 候,并聞 戊午人 能 嫌 贈 位哭之,遂使 如 詩 某 某亦不 故 及 先 獎其 都 浙 蔚 聞 生未 非 罷 州 西鄙土 始 知 有 有不可 葑 黑出 之變,先 嘗 得 何 高 菲 有 仰 談 人 以 則 以以 偉 見 搤 H. 江 得 解

達之 欲薦 是懼 惟 畿 此 取 官謁 知何 此。 嘉 先 論 Ħ. 生 朴 南 如 生 拙 略 其 X 可 而 胸襟,憂世之深,憫世之切, 與 以 也 平 以 達之,是皆不可解者,豈非 見 以 遂 拙 必 知 人,退守先人之敝廬 也 况 拙 來,無尺寸之效可 常, 薦之九重,復其 驚 寧 ,不敢效世 得此於先生也。 且 者 又 其 雖 謂 弗敢有變而已。 未 朴 咎告者之過 動 足 亦未 先生不 無 滔 幾 無 四 爲 滔 足 座 以 華 重輕者 能 重 世 憂出 俗之感恩報謝 以爲 方且 寧 盡 輕 俗 拙 吐 中, 之人, 都 乎 傲 以 舊 於 無 顧 及癸亥到 於浙 以 ? 自 巧。 職 即 負 方將學十 反 左 顧 報知己者, 猶 立 大賢 喜 某 胸 右 西 愈 取 荷 Œ 自 某 光 其 中 也 益 故 之 其 明 都 當 策 承 見 又 樸 期 所 乏 畝 如 朴 其 洞 許 補 如 意 而

過

一蔚

再

望見顏色,而胡意先生竟

至

於斯 耶 中 心 痛悼,曷其 有極 祥

疄 威 鳳 不 可 復 得。 景星慶雲,不可 復

覩 嗚呼哀哉 一」讀 先 生 此文,可見君

子之交如水,惟澹故 成 也

展二十有七年,年五 十九。 正 月,論陸氏 解

經之非

謂「以六經爲糟粕者,猶以虛無之見 置

在六經外; 以六經 爲 我注 一脚者, 直 以

虚 無 之見 置 在 六 經 内 故 Ŧ. 弼 象 之

《易》,何晏之《論 山之解經,必不可 語 從」。 猶 有 미 取 而

三月,焚蒼巖山 進香 紙駕於堂。

Ш 爲 井陘 縣 所轄 俗傳爲 天女修道

神像其上,謂之駕。 所,土人於春時聚 衆 异 至 山 歛 財,製紙 焚之,以 Ш 求 坐

福 利。 時爲首者,乃本縣一隸。 先 生

> 命昇人, 即 焚於庭,所飲 財,罸 修 馬

神廟

六月,以二語 訓 學者

人生處處 要樹 立 界限 事 事

要斟

分寸」。

訂《綱目書法》、《正誤》之失。

関《綱 目 書法》,於孝惠四 年「帝冠」條

下云:「於是帝生十五 年矣。」查荀 悦

漢紀》,高 祖 崩 年,孝 惠 已年十六,安

得如《書法》所云? 又高祖十年,分注

内東園公、綺里季、夏黄公、甪里先生,

《正誤》因杜詩「黄綺終辭漢」之句,遂

云: 「綺里季夏一人也,黄公一人也。」

**香《漢紀** 》,四人 日 東園 公、夏黄公、角

里先生、綺里季,安得如《正誤》之言?

又孝惠四年立皇后張氏、《漢紀》、《 綱

目》俱云是魯元公主女,然恐非魯元所

〇八

刊《一

隅集》成。

奴 親 年,遂有 此 生。 時尚 觀 如 高 未歸 此 帝七年,上 長 張敖 女? 也,安得至孝惠 荀悦譏其非 欲 以 魯 元 許 川 匈

七月、聞熊公敬修、徐公立齋起 用樂正子之意。 先生記此,喜正人之復進,即孟子喜魯 用之信

恐亦未考。

論《 潛確類書》之失。

言茂 言。 謂其 書》所 東北, 於「卯」旁加 無 按"「泖」字疑本作「卯」,因 頭 昔人疑此爲東江 學問」。 也」,此 「載滹沱河、滋河 載序次爲《史記 惟 此 在 水 書引之以 又太史公《律書》「卯之爲 Œ 耳。 東。 蓋三江 非無謂 又 絶 証 書 無 三泖,尤誤。 中 妻、 淞 源 在 誤 委, 也,後 Œ 以《 皆 東 真 漢 在 是 而

> 行世 者均 是 集 不 本 家 口 庭授受之書,先生以 不 知 恐 流傳不 廣, 遂 習 鏤 舉 板

八月,丁君燕公來見。

吏也。 如 於皇上,因 柱字栓廬,大冶人。添『朝多弊政』句,以 旋來見,言: 『大臣不能言,而小臣言之』一語,余 丁名棠發,嘉善人。 此,宜 乎余不去位,先生 此觸怒。」余之中傷善類 「湯潛 菴 是 年 大 成 議 進 董 終爲 漢 臣 因 外 類 復 或 有

柴君尺階來見。

持《 所來見,因 名煌,字炯 柴名震,杭州人。 念《壽生經》真同一臭味。」 準提咒》。 出 如 邵 時 先生云: 子昆寄柴書,諄 調遼 其父爲先生同年友, 左。 山此 尺階從 與 于 諄 撫 勸 其父 其

書,即答書。 九月,范君彪西以書來,兼寄《理學備考》諸

並 言性 爲 不 谷 陳 澠 「心即 者,海 范 其病。」又 所 爲王學者,樂其 氣 有 舉 申 兼 望 撰《 名 田 也 答 誤 途,孰 乙者 以 無 部 一道未 門之咎也。」先 周 收 理」乎? 書 示 鼎 人 善 陽 海 並 略 人,而 閲 明 無 →洪洞 荆棘者,吾心安乎? 譬如 爲 門傳 列 見之心。 日 言 不 險 [ \\ 理 善 無所 不 適 何 徑,然後 病 無 學備考》,惜 人。 京 告之以 可 以 善 ,今之爲 備考》 甲乙, 師 掩 生 然 無 無 其 者 티 : 也 僕 惡 善 可 性 書 ? 坦險之分,萬 中 此 謂 無 心 必 以 陽 内有黄  $\pm$ 理 薛、 其 之 誠 先 亦 大 不 命 學 也 八抵昔 體 有 虚 不辨 善 辨 明 駕 况 胡、 者, 懷 其 爲 太冲 不 不 孰 若  $\pm$ 之 倘 淄 性 非 掩 口

> 之詳 遂 大 小 説 序 曲 功 爲 無 而 甲乙者告後人,何 陳之爲 學蔀 介疵? 不 折 業 異 小 大 中謂『學問 口 同 敢 異 學當 者 取 也 矣,非吾 非 通 八者,若 ';但 ? 議其學術 ,是大差 也 險徑,薛、 每怪世人以陽明之功業 辨 互. 然豈 可 **>** 何 相 以 只怕差,不 王 敢 語 以 發 言聖 書, 也。 미 見 甲乙之也。 口 不 陳 明, 胡之爲 以 礙 譏 盡 備 之與薛 知管仲、墨翟 即 門游、夏之 其爲虚 其 小 於 言 其 小 有 陳 孔 怕異」,此 其 坦 醇 清 異 弊 孟 胡 途 身言行 懷 者 瀾 而 以 ? 乎? 謹 并 徒 前 先 不 前 則 烜 其 取 以 生 非 又 人之 非 害 大 人 赫 呈 有 其 有 中 其 論 至 無 口

<sup>0</sup> 備 鄗 考》提要: 鼎 原 爲 一范部 墨 丁,《 鼎撰,部 四 庫 全 鼎字彪西,洪洞人。」據補 書 總 目 卷 六 理

當 議 酉按 激 皆 非 論 范又 覽。 正 者 世 爲 編 不 來 來 嘗 所謂 言陽 時 論 論 過 示 儒 刊之,今并 札 札 尚 明 復書 濫 涉 我 知所取 之聚訟 又有大興張武 又云 賴 以 在 矛 可 宋以王 于 輩 季 宋即 或 明 儒者討 改正 横 盾 以 未 兩 病 典 議 也。 時 或 舍,不識 有 廡 也。 斥之, 爲 附 痛 一安石 况 贵 之制 此 典 議 9 講,以 嫌 呈。 俱 往者 種 爲 亦 禮 但 勝 口 賴 鄙 承 學問 配 之任 嫌 甚 原 可 不 便 或 先生 品 諸 著《王 荷 意 深 享 備禮 ,又答之,略 見 置 分别路 乎 區 儒 况 未 王 切 9 雖 孔 制 而 以 之意,非 或 可 議 著 、楊雄之徒 、陳之崇祀 弗問 度 子 官之採擇, 一學質 爲 亦 爲 論 不 明 ,賴諸 未當 逕, 何如?」 足 口 得 萬世定 耶 疑》 救 過 以 恐 欲效 僕 ? 在 泥 儒 爲 改 學 新

> 之病 贵 非 敬 欲 章 病 可 病。 窮 救 痛 細 句、 未 章 理之學 人 不 耽支離者之萬 藥 口 去,而 句 Ħ. 若欲以王、陳 ? 0 即 支 7, 譬 欲 離 虚 不識先生以 如 取 之失,莫 外 無 附 其 放 本 子、 所 救 末 蕩之病先成,爲 長,亦非 大黄 交 之,恐章句 \_\_。 此 如 爲 相培養, 理 何 自 會 如? 又 非 盡 朱 有 法 發其 支 子 自 製 説 離 害 居 無

誨朱君子舒。

先生語之曰:「救窮無奇策,惟上不怨先生語之曰:「救窮無奇策,惟上不怨

論《史記》得失。

傳 不 字,不然, 謂賈誼《 知其 》不載 美 鵬 其 處 便與《 開 鳥 東 賦 弘 閣 》喫緊處全在 莊 儘 事 子 有 》無 亦 好 處 是太史公惡 異。 如誅 幾 《公孫 個 郭 解 道 弘 而

以 太湖 性。 謙 鄭 之,何也? 不 味全别。 沮 抑 申、 · 知道 傳 讓 汲 1 黯 ,只是一個「克」字,與萬石君之氣 式 相 商爲聖人,何異指鹿爲馬? 鄭 何謬至此? 心 如 《貨 俠 董 殺 傳》字. 只 《李斯傳》以督責爲 而 仲 主 知 殖傳》太史公只知人心, 和 舒 父 氣質之性,不知義 汲 偃 上林 則 注 俠 皆 不 不能 八川, 能 不 而 清 爲 可 Œ 謂 之 思 而 而 解 不 郭 反 云  $\Xi$ 是 附會 東 理之 解之 ^ 注 汲 特

+ 月論《本草 綱 目

景云 醍 書爲 奇 醐 經 嘉 。一可以 八 「佛 脉 靖 時 書 乃不 悟學問 李時珍所著,内 稱 乳 可少之書。 成 已精益精之境 酪,酪成 又 附 酥, 載 脉 酥 陶 學 及 成 弘

> 知 舊 藜 陳 己。 洲 名 書 祖 居 於 鄉 法 紹 甚 興, Ш 不 陰 滿 人。 多以 於 衆 時 善 口 爲 本自 嘗 晉 州 爲 與,品 牧,言 晚 邨 黄 買 口

三月,吕君无鄙 來見。❷

之語 吕言: 如 界限的, 考夫有《家訓》。」又言:「先君與 義》本子,當時草率 不合,●因争高旦中之墓誌起。」又言 未發已發是有界限的,天命率 何應之?」先生曰:「應之曰:『夫子 倘 **③** 似 有 四 人問 不同。」又言 書大全》 之日 如 俱 此。 何謂 「子貢 係 又言: 倪 士 也?」當 性是 聞 毅 貫 洲 無 張 通

已已

十有八年,年六十。

正月,往府會陳公。

嘗 吕君无削」 爲 晚邨」,原空缺,據乾隆 原 空缺, 據乾隆六年 六年 本 本 補 補

吕」原空缺 ,據乾隆六年本

先君」,原空缺 據郭 麟 本補

多推以 生云: 字不 之道 嵇 四 分寸 又言 病 時猶有消息』一 痛 紹言之,覺消息得太快 屬 :「考夫爲人以 居敬窮 兩 此則 爲勝己,於後 「知」,●先 老生、少年 日 先君 理 與无 而 所不以 已矣。』」 生日 往 鄙 語,未 謙讓 往 生多方鼓 語, 居 : 爲 耳。 嘗 思 之不 爲主,於老 无 敬 然也。」 無 Ш 鄙 統 濤 理 舞, 疑 疑 知 反 天 然 但 行 敬 成 地 先 生 0 小

四月,刁君再濂來見。

注 明文至多,《中 語翼注》及《行實 前曾以蒙吉所刊《斯文正統》及 7 斯文正 潛室劄記》、《易 一》,尚 名 雜陽明之學,未及改定。 統》 祁 係蒙吉初 州 庸》、《 人蒙吉長子也。 > 來 酌 辨 寄, 年 道 孟 之 録 子 至 (書,故) 是 》皆 》、《大學 來見,言 有 未 選 兩 ^ 翼 論 陽 刻 月

> 門,道 别 善矣。」惜 鉅公正論,幡然一 西 未及改定,誠 則其學亦 按: 觀之可 出 ^ 湯子遺書》: 祁 不能 也 乎天不假之年,《 州 有如 蒙吉留 無 偏。 改其舊 長 君再濂 後聞 至家講 孫 徴君 先生及海 可謂勇於從 庸 所云者,分 孟 學三月, 移 翼 居蘇 注 内

陽明 閱 書》 可與《象祠記 斯文正 爲道,非有成見 統》,謂王陽明《 》同 也。 傳 可 見 與毛 先生之斥 憲 副

六月,論《漢書》之失。

傳》叙《易》獨詳 賈誼言五學,師 武帝紀》不載輪臺之悔 古無 而 於《 注 毛詩》、《 甚 可 疎 謂 略 春秋》二 不 知 儒 要。 林

<sup>● 「</sup>无部」,原空缺,據乾隆六年本補。下「无部」同。

② 「先君」,原空缺,據郭麟本補。

《元史》,見《不忽木傳》歎許魯齋成 傳 見其不悦丙吉,而 子與君子不能盡合,從古有之。 不知其授受,不知何 名,及其授受《尚書》,自伏生以上,亦絶 材之功不可及,次焉者王鶚之於闊 甚略,毛公及公羊、穀梁子皆不 非 故? 耿 壽 昌常平 ^ 蕭 望之傳 時又看 議, 就人 載 闊 君 其

蕭蚪之於孛述魯翀乎!

九月、讀 學者 是書 意。 法 法》修之, 有 程氏詳其 大 能 而 刊 由是 用 其 浮慕 爲 以 書分年日程》刊成 力 略 指 元 (目,本 焉 興 日 : 「 躐等,而 以 儒 示之,并作 内聖 起, 示 程 學者。 畏齋所著,先生患當世 畏齋先 末 且 外 以 具 不知終身爲學之序, 此 Ŧ 而 跋 朱子言其 建白 生 之學 體 語 依 用 以 朱子《讀 於上,依朱 在 備 致丁寧之 誠 其 争 綱 由 其 書 而

> 文如 院 法 内 刊《 德 子貢舉議 有 次欲其 來 ,則人才其 《程氏 鑄 見, 夜讀法及果齋言「讀 器」 讀 頒 以 鼓 書 行 儀 條,最 庶 日 勵 封 廣 程 幾 隱 天 勵 乎 **>** 下讀 士: 好好 也。 來 李 示 或 時 書之士 遂 書 與 華 無 具 如 此 字 極 文 銷 間 光 申 盡 生。 稍 銅 蘇 送 由 作 所 善 學 是

十二月魏君念庭 文體,王 言,讀《周 見甚合。 魏 鑑 政論》之 名荔 語》諸 彤 通之答楊素,皆隋代之至言, 禮》者 非 書。 又 栢 以其家刻書來贈 及 隋 鄉 明 先 劉 不 生云 人, 貞 條 炫 可 鞭 與 不 之未善, · 其 牛 庵公子 知 弘 論 李 中 0 諤 令 辨 皆 也。 之論 史 崔 與 之 愚 實 送

0

四卷》提要:「魏荔彤撰,荔彤字念庭,柏鄉人。」據補。「念庭」,原爲墨丁,《四庫全書總目》卷六《大易通解

已收入《鑑語》,去取甚當。」

畢

闔

邑徧沐皇恩,惟先生實心奉

行

故

年二十有九年,年六十一。二月,方君□[

來見。

事 廣 方名于勃,係方從 爲 文也,言從哲 其 所把持 因 當當 不滿於東林 日 哲之親 與 亓詩 姪。 教 有 行 唐 与每 舊

巡撫于公至縣。

此 云然 疏 于公以酌賑 時 薦 余 例 己 應 爲 行 來縣 郭 取 公 0 大 華 最 語先生曰:「 野 阻 撓 所 者 劾 余 故 或 余前 于 柱。

三月,賑飢。

實 其 H 時 日 起,至 惠 衆 裹 奉 寡老弱 糧 命 , 吏胥不得 賑 四月十三日,凡 馳 飢 驅 而 靈 深 配 邑 有 山 給 發帑三 窮谷 所侵冒。 焉。 四十 務使 無 干 所 兩 自 Ħ. 人 不 三 十 人得 日 先 到 而 生 沾 每

> 欺 黎者 也 復追者,獨先生屹然不爲動云 百 姓 爲 時 有司 郡 也,卒 勘 荒 守約 扣 費 盡 作 (), 先 以二千 散 虚 之。 生謂 費, 是 兩及民 鄰 此 E 邑有 銀 負 乃 朝廷 其 已 加 散 餘 惠 9 下 繳 窮 而

月,人都。五月,總憲陳公説巖論薦行取,部文至,立

行 災 事 革 九 數 征 旨行取 陳名廷敬,澤 黎起 除 ; 卿 ,及房地税 撫 先生悉 邑之紳 院于公報 各舉所 見,真 又貯 來京。 慰 士 倉米 州 减 與 仁 知 而 先生 額 人。 人君 遣 民 日 穀 公以 并上 之。 攀 : 須 謝 時 轅 子 不 以 事 先 司 科 愛民 哭 邑人 時借放 謝 時 生 供 道 送 事 薦 應, 員 八士遂 者 猶 至 之時 缺 不 意。」瀕 宜 申 飢 奉 可 爲 請 民 永 有 E 文 計 爲 等 遠 緩 俞 諭

學 灩 月 子俞 災 賑 災 靈 亡,大約 詞 所 下。 屬 斗 勒 而 課 閔 民 訟 均 請 霜 浸 邑 石 相 之狀 公爲 數 中 之,遠近 於是 按 格 殺 所 鄰 頻 以 省文 與 萬 請 於 邑之被 邑 禾 仍 誌 减 倣 劚 特 告救 公 上 下 疾首蹙 垂 傳 去 T 古荒 樹 與 歳 書 民 一,不憚 徧 死 誦 思 帖 全 XI] 緩 以 間 在 之飢 災 歷 一蠲 懾 其 草 服 賦 政 於 更 己 終 額 日 者爲 Ш 姦 歲 牘 而 之遺 再三,卒守 郡 省 生 旦, . 歲 無 民 谷 充 者 以 租 食 再 復怨咨。 勤 三等, 刑 夏 靈 勞 之詔 一千石 造 旅 流 多 蒐 動 卹 早 而 來 邑 宿 也 離 至 盜 9 孤 節 麥 介 于 從 不 及 躬 不 發 初 野 賊 痛 約 不 在 野 中 懲 公 獲 爲 復 歸 帑 他 議 死 哭 其 登 瘠 姦 恩 招 爲 部 粟 如 者 派 者 金 呕 概 陋 飭 勤 簡 升 興 流 署 閱 爲 天 以 繪 相 秋

以 臺 者 卿 欲 間 之性 啚 必 奪 胥 H. 父 者,公且 經 書 肖 是 吾 不 老 依公也 新 其 諫,言官也 四 仿古者借寇 術 所 草 ,謀之宰 公貌 以 低 人,吾儕寧 載 邑 之 解 志 穀未 傳 湮 之 正 徊 也 事 博 整 聖 心 奉 不 未 邑之啼 者 故 廢 相 採 方 登,公所 賢 能 質 祠 竟 公之被 言 能 公公 如 之 而 行 已 徵 故 者 父 得 專 以 學 魚之於水,鳥 兼 號 之 事 聽 行 老 海 共 遮 劇 , 垂 公 收 君 故 講荒 斷 道 召 内 規 疏 留 曰 E 千百 肩 必 之。 子 亦 循 畫 遺 之? 也 書 難 罷 而 有 所以 行 良, 政 指 愛於碑 漠 略 以 追 朝 世之祀 以 在 蓋 未 也 注 視 聞 呼 廷 僅 處 公之入 庚 公 推 不 之於木, 及竟, 乎 聖 咨 午 此 得 而 賦 以 誠 自 四 謀 出 矣。 如 於 且 昔 Ŧi. 利 御 海 子 徐 爲 公 九 之 民 月 害 於 智 物 史

靈 公力學著書 日 家人紡 傳道統之正 績 以 佐薪 水 兩 舉 其 廉。 去 也 在

赴部騐到,七月,唐公濟武來會

實

不

能

具行

李云

生而 憶 欒大 李恒 然。 漢 唐 物 有一弟,生 女,未幾童子病 城童子八歲能知 成 鈍 魏公《樗林 其 《爲急。」又言:「 憑 名夢齊,言:「目今朝 事 他日 廉,凡 能 岳 人耳。」先生云: 焉 知 相 也 其 在 類。」邵因 蓋 而 人擇其可受者而受之, 邵 前 嘗 有 隨 能言其前 生 子昆寓,唐 以 爲 筆 未來事 病 %不復 此 魏 而 学中 愈,不復能有 言 面 環 發 ·: 此 有 質之,魏亦 生 極 ,大奇之,配 局 記 此 適在坐,言 一條云: 與 資 栢 事。」先 當 憶 最 漢 鄉 李 以 者, 足 武 魏 恒 調 所 以 帝 生 是 老 以 是 岳 和 知 破 有 大 信 以 師 爲 亦 滿 而

愚俗。

張君雲先來見。

張名 漲 管屯各官之多 猛。天一亦有魯朱家之風,其 河,洩淮 功不可没,其屯 友,其用陳天一也,不 則 開,分洩 於江 人,言 一,亦是 於江、水退 事 田 耳。 亦先 靳 法, 經 啻 今 總 則 但 Ě 題 符 河 閉,使北 須 明, 總 堅 居 置閘 之 家 治 河 但 於 開 甚 河 壞 之 出 古 在 水 王 孝

九月,至暢春園引

見

即命出,所御屋題曰「淡寧居」。吏部司官引從園東小門入,至上前跪

李公晴崕來見。

李名旭升, 初行取 於陳 時 總 太常 蔚州 憲 所 人,時 昌 少 言 卿 楊 官 日 爾 中 淑 · 書科。 此 字疇子 番 若 直 言 無 隸

往見總憲陳公。

忠 輩 先 直 欲 今所 可 重 阮 甚好。 亭、汪 見 先 Ė 有 道未至,我輩當自反。」 生自叙: 未 其 觀 如 以 今年春論章奏不宜專 難。」又云: 皇上之意 至,果能直 此。」又言:「言職之難,當 亦 昔 鈍 不 馮 菴 一昔 中 敢 ,皆未嘗用 ·堂薦 年 用 而 未曾執贄於魏蔚 師 道 後 忠 魏 生 盡言, 自 而 環 稱 然 師 不 溪 呼 贊 竟不 見 生之禮 可行,但 ,我曾薦 信 頌 陳 見合, 必必  $\overline{Z}$ 疏 先 州 其 鄭 患 Ŧ. :

往會李公厚菴。

當 先 根 云:「今之時,又 相 生問 本 機而 之學,任 時 事 動。 當 職 先 李吉爻本有用之才,立 不 兩 者 字。李 月, 司 于 日 當 魏 自 「年 環溪之時, 知之。」又 兄係 有

> 于公。 赴部 宣 皇上 慎。」 性 固 如 疑》言 靈 言少失次序,便爲皇上 命之學者 壽 ? 曰: 書,實係有本之學。』蓋指《呻吟語 命之學者乎?』 不待言。 補 知縣 講書畢 又言及薦舉之事,辟人云:「 兀 也。 JII 臣 陸隴其。 道試監 』未幾遂有 清廉愛民,屢 ·, 問 又 所知 問 曰:『今天下亦有 有山 察 對 臣 御 曰:『今之留 曾見陸隴 陸 九卿 一所窺 東 史。 隴 布政 經 破,不 薦舉之旨 其 大 往 臣 衞 居 見總 其 既 薦 官 所 留 可 心 憲 何 作 日 質 不

之時 爲 時 是時余爲總憲,而銓部之權能操之。」 總 澤 即 取, 州 憲 己 丁寧『如此人不宜行 由 再 轉 語 余 或 先 部 生云: 柱 尚 阻之。 書 直 康 當 撫 熙 取 巡 于公 + 進 撫 來」。 即 出 Ŧī. 京 年 繼

殿 到 任 監 派 察 協 陳 理 君 Ш 介 東 石 道 來 事 見。 0 + 月 太 廟 時 享 前

横 出 陳 閩 議 名 仕 中 遷 於 從 鶴 來不 外 晉 與 ·染于 江 王 姚 龍 江之學,惟 溪 時 官編 交, 而 修。 遂 習 李 言 贄 爲

畿 荒 鵠 情 黎 非 足 蒸 上 疏 輔 則 之 加 遇 多 略 民 民 民 水旱, 民 熟 尚 意 邊 阻 H 乃 日 情 得 少 Ш 而 未 撫 : 飢 粒 疏 /,自 成, 荷 也 綏 流 》,至乾清宫 臣 堯、 帶, 延 漢 昔 唐虞之 離 禁 官 殘 舜 臣 自 萬 而 止 土 畿 喘 觀 兢 狀。 高 然。 瘠 私 輔 ,然以言乎家給 兢 自古豐亨之治,皆 世 民 派 惠 業業 一,其 面 幸 豐 久 貧 而 不 奏。 數 年 知 初 後 惜 年 異 僅 畿 積 亦 蠲 於 以 口 輔 多 不 久 賑 他 來 支 之民 方 而 免 方, 持 休 於 鳩 後

> 奉上 其 後民 養 畿 望 不 恤 災之處 夕 百 錢 而 太宗,日 之心 糧 輔 矣。 厭 盈 又疊 姓 至 荒 諭 富 猶 其 恩 盡 食充足。 於文、 早,其 遭水旱,故雖 將 至 更 已 行 未免於艱 亦 亦 夜 期 周 蠲 於 厚 無 不 講 二十八 之 免, 目 景, 而 則 他 過 被災 求 以 今天下平定,猶 前 不 家 道 已 少 治 然 積 所當 嫌 難 年、二 經 給 各 道 有 後 惟 久, 其 撫 皇上勤 人 升 州 無 在 天 至貞 議 更厚, 足之盛 臣 而 合 + 縣 怪 下 皇 者, 出 之 勿 九年 雖 其 E 盈 觀 恤 示 臣 責 、然矣。 心 獲 間 常常 富 之 曉 民 未 効 見 有 庶 旦 持 上 耳 後 隱 諭 久 半 未 L. 於 此 唐 乎 周 然 也, 後 之 被 勤 求 年 年 日 初 而 口 ጠ

字介石,晉江人。」據補。「介石」,原爲墨丁,《福建通志》卷五十一:「陳遷鶴

0

格 先 陳之。」 責其 此 恤 去其 幾。 舊 史奏章 顧 雖 已 畝 大 於部 生對 稱 臣 臣 今歲 臣 民 年, 不 部 題 善 所 力之難勝 大 議 兼完新舊之糧 私債之迫索者 一恐非 請 恐地方有 所入 准 議 曰 疏 目 半 秋收 相 是自 秋 分别 奏,上 概 擊 ·, 仰 後 屬 幾何? 積貧之民所能 蠲 尋仍奉特旨 地 疏 稍 帶 顧 做 事 被 出臣 方情形 稔,既 司 甚 微 左 呼先生 俯育, 的 白 災 非 惟 右 姓 州 ,還是倩人做 衣 地 穀 乎? 手,不敢 皇 知 日 甚 縣 徵 方 不不 價 仍憂不足, 1 服 考成之是急,不 近 盡行 苦。 内有 得 其 又賤 蠲 之典 前 敢 若 堪 即 以 新 免之初 日 非 不爲 發 撫 以 也 不 庭鹿 蠲 (當者 其 假 曲 又 臣 抄 被 安 免 的? 皇 徴 人。 陸 又 人 不 災 加 雖 Ŀ 終 無 其 御 得 然 垂: 口 E H 地

奉武塲監試之命。

甚 + 初 而 贊 不滿其議 九 閩 日 而 中 畢。 同李公厚菴 前 論《太 輩 李盛 張岳之集,言及羅 稱 極 常 圖 在 州 地 楊 字 雪 韋 臣 較 之 整 射 至

《松陽講義》刊成。

心 以 先生族 有 行 番講貫苦心 上去,勿視書自 裨於學者 世。 叔 先生作序,大旨「要人 訥 ,刻于家 菴 也 以 書, 松 塾 我自 陽講 請 先 我, 義 生 庶 引 自 不 爲 書 到 負 身 序 大

月,送《論 事 科 時 疏 命 ·, 臣 論 廷 湖 道 會 臣 廣 其 以資淺,不 議 督 會 略 湖 湖 議 臣 曰 南 南 題 一一一一 舉 巡 巡 請 朝 撫 撫 在會議 湖 頗 奪情 于養志在 辦 南 右之。 事 巡 疏 之列 衙 撫 門,聞 至 在 先 任 不 内 任 生 守 閣 守 知 遂 制 九 制 所 卿

使 孝 題 不肯 如 明 教 是 議 口 南 不 也 口 口 之 請 在 耶 治之 F 以 者 若 也 疑 又 若 解 安心於在任 任 ? ? 非 孝 或從愛惜 臣 古 而 何 使 日 任 守 中久矣, 皇 用 竊 有 ? 依 且 明 如 所 全 E 怪 制 兵之地,無藉 其 П 其 臣 也 明 及 之, 撫 行 孝 以 若 矣。 河詢 非 不 也 天 孝 臣 是? 天 賢 此 之 知 何 正 而 人 守 治 由 如 者 下 與 明 下 議 依 難 在 所 材 制 天下, 督 其 耶 ĪĒ. 白 議 者 萬 任 口 以 起 夫 矣。 臣 誠 言 ? 於 當 諸 顯 見 以 守 治 不 世 深 之題 賢 易 斷 在 承 臣 諸 奉 愛 于 以 制之非 天下之 在 則 者 昌 任 之事 平之時, 者 然 爲 惜 養 直 臣 古 請 耶 守制 法 之。 臣 志 沐 斷 臣 比 言 不 而 以 程 所 不 代 其 則 當 爲 浴 有 其 H 者 爲 於 况 爲 必 使 何 湖 以 口 何

> 常 聞 守 但 卿 以 是 F 弛 不 將 制 先 起 恐 作 爲 傚,不復知 思 來 實 綱 衆論參差, 生 何 督 矣,遂蒙 僥 督撫之丁憂者,皆將 見,少効芻蕘。」云 非 常 抗 啓 臣 倖 自 淺 奏? 疏言之,亦 所 奪 鮮 此 請 情 報 有 而 無 兩 理 者 口 父母,又無足論矣。 至 壞 容 端 應 鮮 湖 ,此端 議 易淆 静 矣。 不 南 聽 可 敢 云 敢從 也 皇 援 名 復言 省之人 開 上之定奪 此 教 會 臣 爲 應 議 自 名 歸 例 知 在 諸 教 是 係 此 九 任 臣 綱 則 天 其 而

王君公垂來見。

去。」 而 水 居 王 注 名 潘 又言: 季 紳 之弊,大 侍 馴之法 班 河 之 南 議 冶 制 人。 也 謂 河 自大 I. 言 减 上 時 水 頗首肯之。 冶 壩 湯 科 非 在 潛 道 靳 内 舊 菴 輔 閣 面 有 之法, 時 百 减 除 起

奏之法 之 肇 壩 之 減 法 餘 不 同 但 水 臻,秀水人。 壩 自熊孝 季 靳 放 馴 輔 水 之 之减 奏减 感 人 减 白 田 水 水 0 水壩 壩 壩 又言 放 與 水 季 原 馴 係 海 條 之 潘 减 季 陳 靳 水 馴 輔 面

未辛

年

年六十二

月,

在

朝

房

有

横

逆

0

唐 君 敉寧來 執贄

唐 超宗言敉 名 隸 靖 考異 吴人, 寧  $\forall$ 居 所 喪 忠 見 極 介 與 盡 孫 禮  $\mp$ 也 魯 齋 言 不 有 同 所 著 魏

酉 不 ·愧爲 按 敉 忠介 寧 孫 能 矣 如 是, 又奉大賢 以 爲 師

徐 君 爾 澣 來 見

語 趙 録 徐 名世 旂 》就 ,置行篋 公日 IE 沐, 中。 江 先 京 生 陰 邸 後 嘉 人。 得 徐 其 見 南 篤 以 先 學 歸 所 著《 生 語 録 如 先 其 四 在 生 中 書 借 及 光 精 門 風 陰

靐

月

中。

之加 先 能 生自注 事 ·, 可 云: 駭 。」後 其 先生 人 (悻悻自得, 南 歸 及 門 以 駡 叩

致,謂 其 逆之 或肯 致 憂者?』 余問 云: 本 在 而 此 入門坐定, 任 總 無 事 同 即 始 纖 守 憲 衙 見從,不 年兄 事 余 知 反覆 芥 制 門 末, 雖 同 余 隙 者 也 知 創 及 年 不 若 也 否 並 總 陳 見 何 必 進 其 可 ? 其 明 不 不 憲是其同 人, L ‡ 人 以 當 致 致總憲意 不 疏 爲 近 利 必 湖督之題請 因 百 總 可。 論 何 日 異 動 述 爲 憲之意,余 辨矣。 竟 同 邑令、 姓, 總 囑 督 有 故 憲 其 題 爲 父 先 余 天資. 人 巡 死 作 無 之 同 與 生 于 撫 當 總 來 駭 經 養 如 不 行 云 在 其 志 横 詞 婉 取 面 憲 理

明。

子弟

中有賢者不肖者,不當急

求

愚者

,不當急求其

、明且

責其行,然

後

能

恐總 見 即 官 底 與 任 語 肆 不 裹 年 守 起 憲 去 狂 聞 故 兑 制 總 憲語 不信 總 九卿已有 駡 憲 蓋 也 不 置不見不聞 論 其人 及,始悉之。」 以 謂 故 余 不 我 堅總憲之信云。 思 議 素號剛 在朝房衆官畢 已 此 耶 成議。 致意,陸 何 ? 不論 等 直 即 事 世 以 不 恐余窺 某 風 而 疏 議 不 如 集之時, 後 論 可 可 從, 此 余罷 置 見 也 猶 其 我 其

奉 會試外監試之命。 講 酉按 宣城人。 事 「不明不 ,宜夫子有感於古民三疾 以 之《曆書》,皆 顧寧人之《韻 自 行」章,言: 號 剛直之人,而竟 四月,往答李公厚菴 從 書》、梅定 子 前 弟 所 中 未 也 八爲蘇 有 有 九 0 知 文鼎 者 又 張

> 得章句意。 其行且責其明,然後能行。」先生取其

五月,譚公左羽來會

不能 譚 羨 然戊辰之攻小人者,皆非真君子 數年 魚, 言 服 來之朝 不 「近 其心。」 知 日 退 京 政,幸 而 師 結 尋館 有 網 戊辰之一 之多 口 嘆。」 但 又 知 擴 言 臨

錐之民 皆能 又 長 亡者開 舊例 相 户 顧 編 沿 民之疾痛 頭 留 人丁 審 舊 不 之 心 除,此成法 X 習,有司 開 稽 免于當差,此 五. 1 報 查 年 故 宜 必 惟 痛 水溢 務 有 憑 也。 審 除 博 豪 舊 積 一於前 新生者添入,死 户 弊之 强 册 無 弊。 隱 爲 口 如 額 增 在 若 成 有司 其 · 而 案 不均 加之名, 故 略曰 未 聽 無 V. 删 必 甲

京師

早,

命

廷臣直

陳

利

弊

遂獻

議

DП

者 除 飭 賠 不 而 端 逃 得 者 該 繼 民 不 也 絶 撫 開 删 濫 即 木 而 責 將 行 令各州 日 不 逃亡 **\$** 榮 開 甚 子 應 除 里 獨 故 初 增 此 縣 甲 無 有 者 生 弊 告之 包 編審 缺 之在 而 而 審 賠 額 增, 責 民 者 務 其 求 亦 溢 甚 充 當 求 登 感 溢 則 數 均 據 户 召 額 人 及 平, 實 П 和 始 已 日 將 氣 應 而 加 請 開 死 句 而

徵 直 情 府 月 撫 臣 之内,三季 撫 題 以 於 積 處 郭 無 致百 疏 E 欠 極 世 年 而 錢 縣 隆 題 姓 各 + 糧 知 請 題 不 並 處 月 縣 豁 徴 稱 堪 之 間 宜 范 免, 急 民 勢 永 宣 具 則 未蒙 豁 情 難 嘉 府 有 因 免。 可 完 將 荒 ^ 無 敬 部 新 知 納 後 極 陳 其 允。 殘 又 畿 略 錢 則 黎 縣 見 近 糧 因 輔 並 兩 見 民 而

廉

一字

可

以

捐

納

而

得

也

此

亦

不

待

而

知

其

不可矣。

臣

竊

怪

近

日

督

撫

于

樣

方

爲

合

例

若保

舉

口

以

捐

納

則

重 則 大 見 污 令, 勝 途,縣令之中 根 各 天 賢 + 縣 於 軍 其 本 加 下 故縣令一官 捐 弊, 清 否 需 臣 八 之 白 難 之 納 年 廉 孔 以 全 望 催 姓 特 輔 根 保 故故 急, 爲 大荒之後 無 不 科 之民 立 新 本 舉 此 可 木 可 不 并 保 督撫保 在 當 舊 憑矣。 保 關 知 窮 免賢愚錯 宜 舉 急宜 民 並 不 舉 者 係 之法 急 9 徵 可 之法 夫 目 匪 民 舉必 也 停 豁 使 夫保 畿 輕 實 今 生 以 免 止 稍 輔 未 雜 而 又 有『清 之 近 非 者 防 有 舉 者 幸皇 亦 雨 休 因 民 之。 其 也 有 失 所 捐 澤 捐 力 戚 天 縣 略 所 廉 重 愆 納 所 近 納 下 **\$** 在 莫 復 能 之 洞 縣

六

請

卒不得達

輔

臣

以

用

摺

子

不

合,不

便

啟

奏

臣

謹

議

月,上《速停保舉先

用》

疏

九

卿

會

口

陸

隴

其

議

目

前

先

用

之例

萬

止

前

保

舉

之

限

之人

不

可

不

行

稽

門

會

議

時

軍

孔

先生三

議

既

不

得

達,

於

是上

致,庶

吏治

口

清

而

選

途

亦

可

任

年

而

無

保

舉

者

即即

行

開

缺

期

更

宜

酌

定。

乞勅

部

查

捐

納

旧

保

舉

之

捐

納

急

當

停

止

而

僅

貽

害

小民、

亦且上

干

夫

和

哂

甘

於污下

可

知

使

之

久

止

雖

前

九

卿

大

運

途

爲

之壅滯

皇

蠲

與

前

議

可

意

前

此

而

先

用

之

例

不

清

濁

之

間

未

可

驟

舉

驟

劾

者

納

出

身

又不

能

發

憤

自

勵

則

乎

?

如

以

爲

清

廉

則

當

即

保

劾

不

知

此

等

官

員

果

清

廉

乎

非

清

廉

捐

納

保

舉

丽

開

先

用

之

例

部

覆

俱

無

容

會

議

臣

竊

以

納

之員

有

遲

之數

年

既

不

保舉

又不

參

曰

伏

見

臣

司

衙

門

御

史

陳

菁

疏

請

停

.

以

爲

非

清

廉

則

當

即

參

劾矣

居民 故以 保 然 其 舉 疏, 之員 爲 稍 聽 舉之 既 即 志 矣 E 疏 辭 其 其 爲 或 趣 以 , 略 休 限 到 有 卑 捐 如 核。」 又不 故 送 議 期 旧 爲 口 捐 誠 灼 有 미 一保舉 奉旨 草 開 多 更 納 見 捐 開 知 保舉之捐 先生即至闕 疏 當 待 先 其 納 也 爲 豆 而 之 先用 辨 用之 奏,有旨 酌 先 選 會 弊, 九 從 其言保 定。 捐 用 而 途 議 卿 前 知 之人,即 人,大抵 之害 納 不 詹 酌 經 例 先 其不可者矣。 不 急 舉不 可 . 開 停 事 右 但 不停, 用 當停 Œ 可 科道

而

不

敢

輕

議

也

Ħ.

多

害民之人,此

竊以

爲

皆

奔

競

躁

進之人,

事

例

亦未及

此

然 之糾 養 循 納 天下 舉 愚 立 不 容 保 有 正 敢 云 収 斯 保 蕩 之 待 錯 不 無 途 也 謂 議 舉 計 民 舉 議 日 然 捐 至 參,而其 之心? 雜 無 礙 督 臣 之意。 體陞 惟有 先 而 次 今若 撫 埽 納 也 碍 百姓 似 方 之 生 年 不 者 地 恃 亦 陸 議 定  $\equiv$ 轉 乎 矣。 併 保 雖 多受累 保舉 僥 即 捐 難 某 議者或因 ? 月 云 期 有 此 舉 倖 或 貪 納 所 無 限 澄 次 盡 而 體 免 此 污 以 奏, 容 叙 綫 後 年 公, 縫 捐 之 於糾參者,遂 之輩 濟 臣 則 議 官 停  $\equiv$ 而 日 謂 不 納 미 請 用 然 限 不 者 去之, 月 諳 方之大典 止 防 何 一或自 肖 速 猶 也 以 亦 定 停 途,實 ? 時 其 停保 之  $\equiv$ 則 非 愈 議 止之 弊 務 員 此 有 何 年 皇 至 於 恐 輩 舉 於 多 未 得 督 係 E 以 而 不 雖 均 捐 期 設 因 捐 無 愛 無 與 撫 服 保 賢 口 不 無 納

堅 賢 生 安 也 雜 吏 舉 能 弊, 仍 亦 保 也 知 原 插 治 0 限 日 盡 賢 ? 得 E 係 舉 而 有 九 則 此 :「有命奉天,亦 定 滿 明之督撫 白 蠲 儼 甚 皇 吏 期 不 卿 即 何處營求? 在 即 議 清 納 然 九 矣, T 上之百 治 遂 云設立 令休 督 議 之 列 捐 卿 而 可 以 撫 又可 於縉 亦 納 或 迫 人 民 清 阻 致 不 姓 也 勸 先 生可 而 得 誤 從 限 者, 久 賢 紳 ? 官 恐 先 生 保 吏治 即 期 軍 乎? 臣 則 生 似 安 舉 近 改 機 使 惟 其榮多 踞 可 或 不敢謂天下 於 誠 者, 之, 議 亦 施 民 督 讀 於 思 擬 反 刻 有 挽 况 難 生 撫 民 撈 書 未 先 此 革 生其 之, 休 口 不賢 起 矣 也 Ŀ 其 無 有 生 臣 職 不 之策, 致 見, 者 本 容 若 請 執 仕 誉 謪 何 知 在 錢 議 之 途 奉 未 定 必 督 求 亦 謂 此 家 年, 先 天 愈 保 不 者 龎 有 無 撫 之 刻 何 畫

豈能 忠恕之道,不外是矣。 之矣。」可見先生處己待人,總無二致 伊川涪州 之懷,不减 賢者處之,自能險易 書,其略云:「遼左風景雖 酉按: 阻 先生於己巳歲有與同年柴炯 汪 汪千頃之度耶? ,學問更復精進,身外之境 在 西子湖 如 頭 也。 ,想讀書樂道 異家鄉 東坡 願足下勉 海外, 然 如

事 願救 譚左羽之計畫盤費,張長史景,松江人。 滿人則有鍾申保,漢 齋名、地未詳。 古人風 之殷勤執贄,崔平山之籌躇前路,皆有 又《隨記》云: 、欲申救。 即 **元** 先生亦 同 而沈樂存愷曾,歸安人。 衙門中傑 言漢 九卿議上,衆謂 整 「方顛 理作奉天之行矣。 軍 畢 人自同 沛時,最相愛者 出 興霖 者 也。 衙門外, 亦 先 甚 生必 之慷 又 楊 忿 此 止 慨 越 如

數日,奉有從寬免議之旨。

七月,李公厚菴來會。

之力。 史遠 李言前月十九日衞京兆 出巡所屬 謪。 遂得從寬免議, 地方、民情皇皇、惟 既齊。 陰 有 恐 面 П 陸 奏 御 天

甚偏。」 《朱子全集》校對,漸 腹度君子之心。」又言:「黄石齋之學 篡。』潛菴甚不喜此言, 言: 『二程不歸統 祁奚、叔向不得專美於前矣。 遂殁。」又言:「應嗣 李又言:「湯潛菴晚年從余借建寧板 天性哉? 難相救,不啻同 酉按:先生于衞公無夙昔之雅,而 厥後先生與衞仍莫往莫來 氣,豈非秉彝之好出於 於 寅《性 有歸正之意,惜其 濂 謂直 溪 理大中》 猶 以 陳 小 人之 橋 内 急

命 巡 視 北 城

例,先生悉除之。 凡 巡 城 御史到任,各坊長坊官俱有 規

往會李公厚菴。

海宅,是誠 大冶爲婚,而 李言:「孝感之學非 何心 與 東 海 爲腹 誠 其罷 心, 入京住 官 時 東 與

之,乃 計 者,君子宜諒之矣。」 感與大冶結婚,在丁 酉按:《壬申隨記》:「王令貽來,言孝 不得,欲借《學統》不 成 婚 姻 然則 内艱之後,大冶 孝 感 載 固 許 有 魯 不 齋 得 以 中

八月,朱公錫鬯來會

宗沐之《宋元通鑑》,則 見此書,却作《宋元通 朱極口李燾之《長編》,言: 綱目》成書,明人習氣往往如此。」 鑑 又不過掇拾《續 可 薛方 笑。 若 Ш 王

九月,出京,李公厚菴以詩送。

憲臣 劾 不 稱 職,有旨改補

得 都 盡 先 與衆齟齬。 察院 申 ,遭遇聖明優容至再,然始終一 生任臺 遂 擬 初之 先 一職僅 願 生不 至是試俸已滿,例 年, 稱 職 知無不言,言無不 對品 調 有甄 用 由 節 别,

李公厚菴來

彼」。 截 非。 得 大聖之學,有大賢之學,有大儒之學, 因言冉永光觀祖,中牟人。 存養作脚 目 李言:「存養工夫兼動静、《大學》八條 然 擇 不言存養,是接《小學》來,句句 執 又言:「初見許酉 三樣 其言甚誕。」 工 夫,下 也。 門 户,人乎此便不能入乎 ^ 面 中庸》言存養, 只是抽出言之耳。」 山,言『天下有 存養專屬 亦 静之 内 便 包 有

北宸。 文洛 櫂 盟 千 坐 巷 行 其 飢 使 澗 春 哉 詩 幽 異 閩 壑 無 日 居藉 食吴江 碧霄賢路近,多是遣蒲 一,庶 清濁付 言 真。 愠 : 熄,弼 色 不負 德 越 後 尊。 鄰 客 卓 時 生 松筠。 成 爾 孤 一需 論,行藏自古人。 信美雖 晤言 聖 帆 見 講 化 迥 清 藝, 爾祖 希 醇 神 高 南 弈 秋 宣公似,斯 日 國,離 葉 閒 薄 輪 鞠 賴 飛 宦 相 當 芯 憂 湘 長 待 口 新 繫 水 有 窮

其 於此 乃 酉 出 又 局 丽 冉 傑 果 按 處 ,特重違 H 矣。 君 有 起 相 李公此 覲 無 江 待千春」,則 祖 始慰其去, 羣 心 南 憲 言 説 詩 督學之命 臣之議,非聖祖 詩 得 日 動 足 : 廓 皆 概先 今日 聖道 清 繼 至 決 理。 燃 生一 之從 其 日 口 犀 來 光 知 意 直 照 生大節 不不 昭 祀 聲 也 外 江 雖 調 斯 已 兩 水。 震 人 兆 年

> 俱 幃。 蕭 耀 勁 敝 寤 也 節 失 有 然 寐 屣 淡 意 肯 追 著書千古事 去 勤 然忘 附 人隨 隨 神 仰 臺班 悠悠 止 融 録 譽 1 味 於 毁 游 尚 楊 道 此 辭 慕 有 行 君 真 闕 遐 奉 誰 敬 焚遺草 身歸 矣 軌 ? 執 儒 復 經 清 舊 何 南 詩 環 操常 歸 悲 廬 望 日 多 洞 富 Ш 士 特 庭 君 貴 F <u>寸</u> Ш

竟

余

同

舊

至天津,梅君 定 九 來 見

梅言 後學舉業 寅 旭 李 高於陳 厚菴家 又言本朝言 獻 教子 口 弟 必 曆者有吴江 先讀 九經,  $\pm$ 然

+ 申壬 月,抵家。 席君 文夏 來訂 師席,許之。

注 禮經會元

三十有

年,年六十三。

正

月

之, 赴

席氏

語 及 八門云 .  $\overline{\wedge}$ 禮 經 會 元》 書, 將 周

-

禮》分别門 但 逐段分疏焉 指斥 康 成有過 類 融 當處, 會 貫 通 至是手自 , 最 爲 有 卷 益。

五. 月,程生儀千來 執 贄。

朱書。 程名 亦差一針。」 先生 徽 曰 : 州 人。 幾 問 亭於程、朱之學, 陳 幾亭 所 輯 程

十二月,自館 七月,閱徐公健菴所刊《經解 先生云: 歸 健菴 舟宿唐 此舉 會,村, 差彊 名。 人 意。」 思輯 ^ 木

在 以 採宋、元諸儒之言,是謂『學』。 陸、王之學不必多辨,以 預 (或問 來及近年諸儒之言,是謂『問』。 也。 叙輯書之例曰:「《注疏》、《大全》、 》,俱不必 内當分學、問、思、辨、 編 人,不欲 有《學 廢 行 蔀 成 採明 五. 通 項 辨》 也 興

> 之例 所刊 「行」。」 書 酉按: 之詳矣,兹不復贅云。 言,以『學者讀 先儒之未 之,是謂『辨』。 『思』。 以覺 行之《 7 不相 來 先生《隨記》絕筆於此,方 辨諸説 、世,而 發, 困 關 勉 之同 以 此書』五字冠之,是 名 録 有 策勵 則是 》,與 志未 愚 異,以『愚又按』 學者,勿徒爲 按』冠之, 而 先 成 實 生所 也。 則 非 今坊 叙 欲 是 前 輯 空 間 著 冠 謂 書

定繼嗣。

勉録》。

爲 義未當 定徵既殁,先生謂 先生次子宸徵,向爲 尚 桓後,而令宸徵仍爲己 季弟履 平有 奪大宗以 仲弟尚桓後,長子 二子,因 嗣 承 小宗,於 以 其

先一日門人趙 魚裳兄弟 來見,留談終

十有六日,有疾。

無

師

而

堅

於

自

用

則

又

直

窮

其

病

根

性 前 爲 ---: 即 性 未 理 足 · 云 爲 以 程 性 服 子 非 其 統 日 至 心。 理 應 性 者 撝 然梁 即 也 謙 理 也 谿 所 性 不 以 理 敢 梁 欲 大中 斥 谿 闢 認 Ŧ

心

日

則 直 以 程 子 所 言 爲 不 是 矣 然 總 是 梁

谿 派 又 云 性 理 大 中 w 卷 末 將

此 陽 卷 明 另刻,名 議 論 逐 段 日 批 王 駁 學考》, 却 好 與《 將 王 來 學 要 質 將

亦

如

此

疑 並 行。」 先 生 完 曾 作《王學考序 ×, 其

於 略 其 日 中 : 自 者 百 陽 Ŧi. 明 + 之 餘 學 行 年。 ,天下迷 近 歲 以 惑 來, 没 好 溺

學 深 思 之 士 乃 敢 昌 言 排 之, 然 以 其 功

業 唐 譎 應 赫 赫 潛 而 於 不 齋 Œ 人 獨 之 詭 言 耳 调 目 以 獲 間 斷 禽 之 耳 疑 日 。又 信 且. 推 陽 半。 明 其 錢

功 而 論 之 曰 陽 明 自 少 馳 馬 試 劒 獨 學 本

> 有 於《 陽 究 由 如 陽 明 授 來 濂溪、朱子之 明 此 小學》中 漸 哉 之 復 生徒須 起 ? 天 矣。」又云 資 不 所 -,加之 豪 以 日 能 邁 與講 有 敢 不 延 以 爲 向 服  $\sim$ 解 放 平 良 斯 使 小 言 師 言 自 何至 學》不 段 高 友, 幼 論 嗚 一放言 我 如 涵 者 呼 可 在 眷 不 其 程 薰 館 高 講 論 陶 以 所 中

敬 至 如 不 爲 酉 日 之如 老 小 ? 可 言 按 書 學》 <u></u> 不 逐 令郎 皆 當 先 與 看,日 神 句 不 不 其 生 兩 明 在 近 止 可 在 \°\ 席生 無 自 來 是 記 須 靈 時 讀 教 己 與 臾 一二條, 書》云: 壽 無 童 何 身 李 離 處 也 子 書 枚 F. 不 ? 之書,人 ^ 省 吉 故 惓 寄 作 「須 許 察。」 書 ^ 惓 倪 菓 小 將《小 × Z 魯 以 貽 子 學 生 又云 齋 啖 孫 小 自 終身 學 書 書 15 何

時 載《吴氏 學》及程 學》,以正 此 望人身體力行也,可謂 北 外 時玩 時 是 方 孫能 時 晚 見 味。」言之至再 邨 吕 玩 氏《分 小學集解》中,先生以《小 讀 其 晚 臨 味 根 村 書,可喜。 也。」《 殁 脚。」與子宸徵云:「《小 所 惓 年 刊《 日 惓 與 程 爲 小 曹 至三,其詳 》,當常 學者之 切至矣。 學 尤當 星 × 佑 ^ 教看 近 書》云 置 意 思 案頭 則 不 二 小 録 收 可

> 干 從容』二字, 前 别。 有 多 少 受用 0 遂 送 至 河

+ 有七日亥時,先生卒。

成三十有三年,十二月十八日,葬于餘 泰 者。 至 京 是 Ш 邸 日 ,猶力疾啟視,可謂道誼之交有終始 至夜 梁木之痛 腹 寄 痛 書來,候起 鼻息出聲 不止,李公厚菴、張君 固 不 漸大,而 居,質義 僅 及門之士然 先生遂卒。 理。 長 午後 史於 也

墓之西。

攝官 公子 先生 會葬 持 日 歸 一是 承乏也 昆 家 者,自遠 爲 視 本 葬 役 費 清貧,殁 學 也 江 遂 而集,不可 H. 因 南, 得 泣 \$ 後 1 招 先 即 兆 無 宸 尊 出 而 以 徵 以數計,并有 己 俸 安厝 誉 至 千 餘 葬。 署 古 白 金 謂 我 時 俾 蓋 之 邵 時

歡

,遽欲别去。

先

生

笑

日

:

凡

事

須

從

余嘗至某家,

氣

象

甚

熱鬧

却

不

從

又嘗

至某家,甚

閴

寂

却

從

向

上去。」午後

族

叔

祖

方

淑

至,

相

對

甚

此言

甚當

學者須

有

所

依據,方

可

尋

家

如

何

齊?

都

在

一周

禮》、《禮

記

一。一

條

目

雖

備

然只空

殻

子,

身

如

何

修

?

又云:「先

儒

柯

尚

遷

云:

《大學》

綱

領

圩

祖

喜 意 心 西 不 本 告姓 攘 見 按 不 難 其 氏 大 位 合 汩 哭拜 先 没 視若 生 而 於墓 論 邵 先 仇 公 湖 生 讎 而竟去者 一之道 無 撫 之, 有 夫 德, 異同。 且 可 幸 見 能 其 0 使 死, 今人 異 義 良 更

薦 顯 生爲 之設 者終信 先 嗚 余既 其 員,先大父準菴公以博學宏辭薦,業 京俟廷試矣,輦 而 生之 風 呼 去,其宜 也。 采 施 宜稱,又不幸以憂去,其 重 有旨以 矣,顧 筮 輯 服 ,争先就教 道 未幾蔚 仕嘉 如 先生《 之 顯 此 不 顯 原 而 定 下 見容於 官 不 晦 年譜》畢 州 也,其道 謂 先達諸公, 顯 起用, 魏公以 贵 天禄 不 流俗,未 也。 服 以 可 疏辨 石 作 闋 時 宜 莫不 迨史 以 渠 而 哉? 補 其 中 究 次 顯 嘆 館 第 宰 冤 惟 仰 厥 而 日 靈 且. 先 赴 乏 用 見 不 方

> 去來 於後 其 爲 矣。 抗 喁 沮 是 壽 而 雖 蕕 重 公交口 去 江 違 宜 先 然 卒爲 巡 疏 先生者既 雖 生 南學院, 主 矣,其 其 慶 撫格 顯 論 顧忌之者衆,憲 丽 仍烹小鮮,亦得少展 已先 薦揚 議,兼所以 先 而 事 知固 時 所 不 生遭 公特薦之於先, 沮 宜 則大冶當 靡 顯 聖祖 去位 自若也,不 ,其宜 有超乎尋常意計 顯 年殁, 不上 五. 知 而 也 遇之隆。 保全 遂擢 间 不 契聖心, 顯 宜宸 軸 臣 澤 顯 蓋 而 先生 于先 謂 置 州 先 兩 四 不 衷深 宜 臺 陳 生 年以 也 九 其 顈 于 甫拜官, 公、 外 班,天下 道 生 卿 所 調 爲 之外者, 生誦 口 特旨 是 然 安溪 復 不 學。 也 憫 大 先 聖 啻 薦 賦 恤 起 李 法 生 祖 即 薰 歸 喁 於 至

「酉按因」,乾隆六年本作「邵公與」。

0

朱 子 塞 不 亦 獨 約 學 略 問 相 人 司 品品 0 差 堪 朱 繼 子 軌 仕 於 即 外 出 者 處

僅 通 九 考, 立 朝 纔 四 + 日 而 先 生 亦 再 起

浹 再 歲 躓 第 朱 子 不 遇 共 聖 九 年 明 其 在 坎 御 坷 彻 僅 古

兩

爲

邑

宰

9

史

年 宜 以 若先 副 九 生 重 則 簡 既 門之重 遇 矣, 又 此 不 則 能 時 享 命 之 有 無 大

口 如 何 者 也 今天 子 嗣 統 之二 年 仰

中 承 獨 聖 祖 進 先 崇 生 儒 於 重 附 道 享 之 孔 遺 子 意 廟 於 廷 本 之 列 朝 儒 鳴 臣

哉 呼 休 哉 蓋 以 先 贵 生 徒 由 博 洛 稽 閩 古 以 禮 溯 文之美 洙、 泗, 名 得

孔、孟 知聖賢 之 心 爲 傳, 必 可 而 師 樹 法 之 風 學 聲 術 以 俾天下 IE 風 人 俗

吴

光

酉

恭

跋

以 淳 有 志 者 無 不 可 食 報 於 無 窮 也

先 知 先 生之道 生爲 最 至 深 是 可 欲老其材 謂 大 顯 矣。 而 大其 獨 是聖 任 祖 而

> 之 風 先 仰 重 不 負 邑 生 卅 天 晦 俗 生 體 爲 展 所 古 顯 餘 不 則 之 淳 卷 聖 宜 年 矣 得 晦 憖 斯 譜 家 遺 乎 天 而 古 而 如 道 於 尸 不 9 子 私 有 之 先 日 或 有 而 户 啻 廣 者 其 傳 生 得 家 妄 虚 因 祝, 有 厲 矣。 時 一之誦 不 邀 崇 有 側 不 羹 學 哉 綦隆 奉 揣 報 席 論 Ħ. 宫 牆 酉 爲 法朱子 説 愚 先 之 大 之 之 之 之殊 典 然則 盛 生 者 陋 顯 見 至 重 刑 之 心 以 於 旁 意 輯 典 意 學 由 今 此 于 非 蒐 是 使 日 庶 術 是 贵 閱 萬 博 編 學 家 後 幾 誦 之 今 世 非 IE 者 無 法 道 E 而 而 亦

陸 稼 書 先 生 年 譜 定本卷之下 畢

## 有 司 奉 祀

陸

稼

書

先

生年譜定本附

録

## 後 學 吴 光 酉 重

輯

殁

後

垂

卹

身故 特旨 以 聽 則 江 下 用 欽 學 曰:「本 生 院 先 點 以 康 在 上 忠 兵 熙 生 任 概置 籍 鯁 日 部 滿 三十二年 身 朝 閣 侍 殁後 不 吏 故 如 臣 郎 何 報。 部 這 李 王 猶 無 故 以 癸 樣 光 公 邀聖 不 啓 三十三年甲戌, 例 酉 人,不可 熙 地 啓奏?」 奏之例。」 開 冬, 奏 爲 明 列 眷 直 云 翰 直 注 隸 : 對 多 隸、 如 詹 學院,江 云 得了 上 陸 此 諸 江 : 嗟 某 春 南 臣 \_\_\_\_ 已 嘆 七 先 品品 有 恭 南 浙 經

字 於千 以 授 三月 云 事 建 帳 龍 正 陸 有 等 正 . 議 介, 典 詳 宦 詳 學 龔、 奉 爲 秋 皆 康 故 操 學 博 請 則 請 以以 千 熙 主 關 侍 黄之遺 崇 本 凛 攸 謝 崇 允愜 三十 秋理 人 名 御 作 程 祀 師 几 存 祀 教, 鄉 大朱, 儀 原 昌 知 鄉 興 名 學正 賢 布 愛, 任 型 賢 仰 著 情 宦 理 慈 年 祠。 於 政 慕 嘉 學 述 既 學 惠 癸 宗、 百代。」 如 先 兼 院 定 具 立言 江 得 嘉 於 西 詳 生 召 縣 有 南 百 定 花 濂 袝 學 鄭 **\$** 淵 春 杜, 而 代 巡 縣 封 邑令 術 祭學院。」 公 陸 立德, 洛 源 循 撫 據 平 闡 開 人 之宗 諱 謳 宋 良 諸 允 率 精 品品 湖 極 某, 歌 公 極 亦 宜 生 微 **令** 紳 俱 批 傳 猶 許 举 清 正 則 時 於 吕 士 俎 極 云 在 絳 公 己 嚴 批 等 於 撫 圯 豆 醇 猶 :

行 於 好 年 起 敷 朱 交 流 踐 汝 乎 化 政 躬  $\equiv$ 霖 詎 更 矧 遽 月 , 治 矻 行 批 羣 遺 悉 口 思 返 奉 矻 , 乙 賢 本 愛 循 崇 思 白 有 主 潛 自 例 於 正 德 雲, 猷 希 修 人 之常 陸 爾 誼 以 報 曾、 名 有 宦 難 百 早 推 明 宦 守 功 \_\_\_ 身 忘 関 性 懷 轂 道 祠 於 莫 嘉 吏 醇 先 之 存 後 定 學 贖 畏 古 憂 薦 心 誠 世 **\$** 宜 民 後 粹 登 0 主 周 攀 懷 在 樂 烏 不 行 斯 敬 仁 轅 聞 之 剛 府 潔 誠 衆 率 卧 風 志 不 力 品品 秉 紳 轍 素 IE. 猶 , 柔 端 紹 優 彝 於 能 所 士 履 程 之 當 亦 獨 惠 實 興 以 優

至 IE 聖 以 敬 業 先 廡 律 經 生 Ŧī. 詳 惟 己 + 理 傳 以 請 在 學 四 之 嚴 具 躬 年 深 奥旨 題 行 幼 Z 醇 未 其 而 爲 孔 研 讀 略 夏 本 書 云 究 孟 9 朝 嘉 9 : 靡 之 不 第 興 遺 苟 陸 微 一人, 郡 諱 嚬 言 守 微 某 笑 吴永 闡 宜 但 居 ; 從 長 官 兩 揚 芳, 浙 備 而 以 祀

> 躍 興 旁 之 月 郡 有 元 題 置主 完 夢 不 0 起 庠 從 用 祀 已 俾 之 批 崇 之例 澤 布 左, 人 正學 加 實 政 永 祠 天下 千 方 爲 司 竟 專 并 秋 查 位 四 皆 寢 集 祀 議 列 海 其 仰 慶 先 先 生 通 之 議 慕 流 徒 詳 儒 生 賢 無 百 肄 之後 士 吴 世 窮 司 業 於 公 矣 疑 其 五. 伏 0 大 祀 本 不 中 + 祈 建 從 朝 撫 獨 六 特 之 俾 書 院 闔 至 年 聖 知 院 人 徐 疏 省 之 所 於 未 公 踴 保

## 從祀大典

講 要, 太 雍 學, 經 以 諭 論 雍 崇 禮 學。 正 部 奠 師 等 先 重 凡 年 道 衞 師 以 甲 門 明 廣 辰 及 禮 道 勵 或 畢 術 學 學 ,崇化 宫 月 進 諸 爲 初 諸 生 先 生 源 務 於 日 治 非 彝 皇 徒 朕 天 倫 E 飾 親 下 詣 臨 景 之

之

所

未

發

絲

毫

不

詭

於

IE

端

方

孝

友,笑言

不

荷

著

作

德

化

民

官

西

臺,

奏章

必

道

爲

己任

精

研

程、

朱之學,

者

「常以

平.

湖

陸

隴

其

爲

最

性

命之

學者

實

繁

有

徒

其

凡

務

本

力

行

之士

,沐聖人

本

朝

應

增

X

從

祀

者

人。

之化 唐、 同 或 程、 介有 如 之後 德 足 大 不 兩 有 抒 彰 隴 詳 宋、元、 林 家 稱 典 任 厚 羽 朱、蔡 其 彰 淬 誠 舊 考, 9 邑令, 右文 昭 翊 能 自 磡 萬 在 悃 孰當增 缺 而 代 九 聖 定議 發 幼 賢 人 於 世 而 明 外 興 卿、 醇 經 耳 前 平 天 以 今 儒 務 奉 外 教 人 或 宜 代 生 斯 翰 目 置 扶 爲 祥 守,永 范 宰 子、公都 者六人:林 能 琦 深 甯 戴 崇 T 務 是千古名 宜 允 甯 期 事 子 翁、 謹 聖 增 表 通 祀 宜 許 至當 彰 守 陪 文 謙 黄 冉 君 無 何 必 似 宜增 羽 廟 祀 子、 以 休 懸 榦 詳 有 乎 家言 翼 臣 不 陳 俎 誠 擬 關 增 未 加 有 易 放、 乎 萬 祀者二十 澔 豆 陳 係 爲 置 考 ? 間 然 立 章、公孫 轉 者 淳 蘧瑗、 具 學 爾 羅 証 博 純 於孔 身以 也 奏。」 其 等 術 相 士 欽 儒 何 至 折 他 所 傳 一之處 順 若 基 E 疏 秦 鄭 心 禮 衷 Ħ. 孟 述 諸 議 **中**、 動 唐 E 蔡 衆 盡 諸 部 雖 儒 心 王 縣 視 典 之 清、 著 善 等 業 皆 是 傳,果有授受 奉 柏 顔 盧 亶 葛 鄭 至 陸 復 再 昭 否 有 E 何、 陸 庶 植 亮 康 重 趙 贄 牧 議 公 垂 允 功 諭 使 隴 成

聞

禮

部

等

議

:

周

漢、

林

或

子

詹

事

科

道

會

Ŧī.

經

博

士

以

昭

崇

報

均

歸

有

可

升

而

附

者

並

先

賢

先

儒

增

其

崇祀崇

聖

祠

者

周

不

乏人,或有先罷

而

今宜復

持

名

教

之功

然

歷

朝

進

退

師

表

其

附

享

廟

庭

諸

賢

皆

世

宜

復

:

先

儒

服

虔、

范

經

學

然

萬

世

遵

橋

之

觀

聽

世

惟

孔

子

道

高

復

金

履

其

宜

尹

焞

魏

皮

樂

正

鄭

康

成

而

史册

自

宋

之

韓

之

純

質

協

以

及

同

確

議

宜

復

典云。 賢 賢先儒, 旨,於四 倡 公正,甚 心 交該部照原議 論,定皆允合。 諸從祀之列,予 一,爰命 、崇聖祠 先儒,扶 明 或親承 冉雍、冉伯牛、子張、 Ē 學, 合 九卿 送 年 者 朕 咸 訓 正 持名教 人 詳議。 月, 心 論 足 太學聖廡,爲 遵行可 恭 以 扶 奉先生主並 遁 著依 候 延 植 張 羽 衍 今諸 命 世 聖 迪。 翼 原 也。 一之賞。 議 道 下之日 聖 流 臣 有若。 一,爲 行。」於是 宜 奉旨 經,有關 參考周詳 9 或 增置博 復祀、 或 朝 ,應行事宜, 萬 代 遠 極 此 世 「朕念 契 儒 盛 禮 學 增 三十一 士 八心傳, 宗,升 之 心公 者 祀 部 術 評 鉅 先 先 遵 論 几

## 行 狀 原 本

清 故 文林 郎 四 ]1] 道 試監 察御 史陸

生 一行 狀

貫 : 嘉興 府 平. 湖 縣 華 亭 鄉 四 都 異

字圩。

曾 祖 : 錫胤。

號

紹

塘

妣

姚

氏

祖 。

號泰交。

妣 李 氏

父: 元封 文林郎。 號 古 音。 妣 鍾 氏

曹 氏, 贈 孺 人。

於時。 平. 稼 湖 書 先生諱 姓 元初,程文海至江南 陸氏, 宋季有靖 隴 裔 其, 出 初 獻先生,諱 唐 名 宰相宣 龍其, 訪 後 公,世爲 求賢才, 正 改今諱 ,以學行 浙 以 IE 聞 號

第 者以 先 推 也 采石 穀 魚 傾 殿,奏對 上,築堂名「三魚」,今先 邑 孫 與 古 中。 生 官 腹 衍 千 粟 宗 張 辭 此。 數 麥 秀 弟 泰交公長子燦 伯 不 以 舟 科 漏 派 以 戊寅冬,城 迪 應 淳 即 漏 稱 爲 第 明 功 薦 東子美,美 忽 賑 飢 爲 貴 旨 永 隱 盛 跪 孫 者 止 樂 封 盛 勅 居 德 以 正 祝 溥 再 末 著 旌 旦 之 疾 獨 孝 陷 爲 以 賜 書 崇 祐 視 尚 辭 不 義 賢 封 殉 豐 子 爵 義 一舟 之, 起 雍 禎 賜 公 難 良 城 迪 具 堯 生 溥 穆 今祀 徴 甲 中 尋 則 鈔 之 丞 子 文 品 功 夔, 子 戌 幣還。 水 又 繼 迄 珪 舊 稿 郎 東, 嘗 錢 進 與 荇 即 今 宗 志 於 率 室 督 景 非 劉 始 裹 先 以 自 稱 引 鄉 曹 運 泰 法 正 大 遷  $\equiv$ 生 禮 賢 後 見 靖 濟 三魚 統 中 口 實 高 居 於 南 魚 夜 法 子 獻 願 中 徵 其 祖 泖 葬 调 甲 曾 府 寒 姓 出 便

> 聖賢 卓 進 員 考 授 異 所 授 宋、元、 三代 尋 然 芟 以《 成 之學,求 盡 先 折 食餼 左氏 乙卯 德之君子也 秦漢之書 讀 生 衷 明 端 之。 傳 於考亭。 諸 重 授  $\forall$ 康 濂 儒 詰 静 嘉 稍 熙 所 洛 朝 默 定縣 輒 從 丙 著 暗 E 塾 關 午, 反 聰 述 順 誦 知 本 躬 穎 治 閩 舉 縣 成 窮 有 不 實 调 賢 諸 丙 其 誦 所 踐 遺 申 書 芟 書 指 内 讀 少長 趣 節 字。 補 兒 庚 之, 決 邑弟 先 時 交 擇 且 勵 後 生 封 成 子 口 遍 舉

俗 胥 X 爲 地 而 役 業 厨 富 不 富 産 土 有 商 嘉 勤 者 定 米 豪 饒 鉅 紡 爲 競 裕 倚 室 織 漕 瀕 名 奢 爲 散 , 善 糧 海 麗 女妓 處 旅 例 賈 大 利 客 市 貧 邑, 任 販 鎮 圖 者 不 之 遂 潤 士: 舞 可 他 末, 武 高 囊 方 刀 邑, 斷 槖 以 乏 物 筆 横 者 水 故 而 暴 喜 號 城 往 代 民 事 稱 居 來 輸 相 以 者 難 如 健 沿 其 木 少 織 成 棉 折

官 鋤 者 少 率 食 坐 色 豪 與 禁 年 以 是 抑末矣。 故 强 民 其 落 以 貧 徵 游 俱 也 游 職 抑 糧 病 冶 冶 胥 倍 傷 其 先 吏、禁侈 固 今且 於 則 其 所 生 其 他 元 元 以 至 所 不 邑 氣 氣 貧 爲 耳 嘆 靡 自 0 積 飲 力 風 日 復, 變風 逋 不 故 食 俗 : 動 先 能 而 不 爲 民 俗 以 生之治 又 服 禁 之 爲 督 不 萬 勞,爲 而 也 過之, 輸 主 計 子 賦 以 譬 父 兄 以 則 飲 率 如 大

意 言 僕 其 其 閒 弗 先 先 實 微 直 僕 生 何 匿 爲 佔 未 諷 大 生日 弗 以 H. 賣 賈 至 先 至 出 妻 獲 薪 官官 汪 我 生 一一人 還 重 益 者 姓者,素結 耳 H. 以千 賣 譴 妻, 哉 遣 以 無 薪 ? 役 重 賣 金 至 不 者 捕 賄 薪者屢 胥 饋 可 是 之。 啖 交長 项 自 來 汪 駭 謝 新 汪 大 控 先 却 控 皮,横 罪 懼 恐 荷 之, 之。 生 先 爲 怒 賄 **\$** 生 詰 縣 善 堂 蒞 行 日 所 命 及 朝 任 胥 邑 即 訊 府 識 拘 中 斯 善 得 乘 汪 輒 適 探

> 晚 矣。 0 汪 汪 感 平 懼 日 卒爲 所 爲, 善 吾 士 知 之, 毋 犯 我 自 新 未

衆。 患 或 悔 者 畏 、苦之。 則釋。 Ŀ 善 不 失其 免 先 人 市 而 生 則 鎮 械 先 道 嘗 不 及 少 於 耳 其 匝 生 年 也 日 門, 月 悟 盡 : 數 9 當其 其 + 廉 時 人 則 爲 得 時 不 無 黨 迷 其 朋 勸 肖 賢 悉 時 名, 諭 者 以 不 解 之, 以 肖 散 亦 不 拳 惡 勇 可 輒 視 其 爲 以 爲 捕 爲 其 良 欲 善 爲 豪 民 情 使 遇 賢 者 色 有 鄉 者 甚 果 謂 控 黨

其 小 生 子 出 子 一察 至 0 民 其 大 此 自訟 無 民 哭 有 知 深 0 告 自 悔 大 日 以 委 其 : 搥 73 吾 曲 子 不孝之罪 慰 其 曉 不 德 胸 而 譬 孝 薄 日 遣 者 : 之, 娓 無 止 娓 吾 訊 并 以 此 踰 非 之 不 化 也 時 果 與 汝 類 杖 然 其 **\*** 也 父泣 汝 即 先 涕

大場鎮有兄貧,稱貸於弟,不應輒异弟

亦

未

嘗

失

出

上

官

卒

無

以

難

也

邑

有

貧

口 物 之。 以 以 去 爲 大 盜 弟 呼 平 賄 ? 其 洲 弟 訊 檢 日 之 以 : 乃 盜 其 彼 報 弟 兄 婦 先 也 翁 生 所 怒 乃 爲 H 聽 婦 遂 是 翁 痛

懲 謂 兄 盜 不 悌 也 ! 責之。 又 呼 其 兄 H

汝 爲 長 不 自 思 謀 生 之策 而 貸 弟 弟 不

幾

焉

應 而 徑 取 之, 陷 汝 弟 不 悌 是 汝 不 友 世

亦 責 之, 咸 感 服 而 退 俗 素 澆 父子 兄 弟 不

相 顧 恤 H 見 告 以 爲 常 自 後 遂 無 來

控

者。

忠 動 信 之言 讞 先 案 生 皆 折 不 用 絶 獄 儒 於 不 術 口 盡 不 和 拘 爲 ¥. 於 深 惻 律 刻 怛 聽 藹 以 斷 然 至 時 仁 情 人 相 孝 君 感 悌

上 則 官 之 不 同 用 以 能 他 踰 欺 1 年 园 故 而 後 事 兩 要 訟 屬 造 歸 訊 者 雖 於 者 以 亦 寬 不 曲 絶 厚 絶 直 少 往 先 分 案 往 勝 牛 牘 失 剖 負 幾 上 決 而 廢 官 精 感 意 敏 惟 恩

> 孔 體 之。 民 子 面 得 先 謂 貧 罪 生不 聽 人之肌 富 訟 室 許 不 以 難 膚 判 縣 亦 詞 使 法 肌 尾 無 尚 膚  $\Box$ 訟 輕 也 爲 \_0 富 再 難 富 乞 者 先 之 依 悟 生 體 憲 而 殆 牒 面 止 庶 治 古

當 之。 業 汝。 清 先 得 日 直 : 食。 生 慎 自 先 去者 則 無 嘉 日 如 世 業 已 生 來 邑 是 有 受 惻 過 胥 伺 汝 則 所 役 半 役 候 然 曹 可 汝 覬 其 不 向 日 欲 於 活 ? 曹 以 : 口 是 矣 何 存 得 一若 干 脱 但 爲 僅 者 數 更 ? 乃 工 有 亦 脱 亦 代 食 悉 先 存 我 亦 相 對 何 已 者 莫 爲 民 率 生 H 如 農 奉 肯 告 至 也 ? 賈 代 裁 某等 官 哀 然 去 以 於 未 皆 惟 無 自 先 幾 歡 知 術 公 無 然 公 哀 救 所

耶 則 尚 ? 多 幕 先 也。」然先生於胥役實未嘗 友 生 嘗 笑 戲 日 指 公 視 堂 昔 日 日 爲 已 此 少 矍 有 相 視 意 之 苛 額 核 設 圃

之閩 獲 見 爲 咄 先 青 半 遣 而 期 良 嗟 H 已 役 世 民 园 粤用 既 而 亦 返 而 民 計 則 所 信 赴 辦 而 與 H 轄 先 而 或 兵 役 給 地 之 故 地 索 先 生之欲安輯 既 雖 其 供 約 多 廣 酒 生 服 廣 食, 應旁午 役 遠 而 食 并 不不 先 爲 事 絶 無 者 化 生 劇 無 啻 不 厭 許 胥 潔 用 臂 · 令 我 先 勢 先 役 己 指 至 世 生 蔬 不 生 愛 爲 古 使 民 惟 常 食 能 輒 民 循 良 間 輸 不 事 不 知 吏 近 民 解 不 之, 多 雖 待 化 者 間 L 忍 役 役 劇 洵 女好 官 必 則 有 至 率 僅 暴 加 限 乃 兼 不

笑 誇 粟 傚 華 覓 勝 者 縟 以 食之輩 婚 爲 娼 俗 縗 喪 當 優 經 尚 皆 然 多 猱 醉 侈 盛 雜 倒 靡 於 鼓 至 費 几 恬 有 邑 吹 民 以 不 尤 方 酒 爲 無 甚 丈 謂 食 怪 富富 對 算 之 稠 客 清 疊 室 博 貧 而 客 宴 弈 者 以 爨 會 游 轉 多 下 手 市 費 王 相 窮 井 獻 相 薪 倣 極

> 嗇 輸 Ħ. 乏, 子 衣 以 弟 逋 而 食, 身先 H 削 遇 負 此 遨 急 限 日 俗俗 遊 催 賦 期 積 街 科 税 乃 肆 償 者 先 催 杖 變, 以 生 惟 科 錢 布 痛 稍 事 不 且. 衣 禁 督 敲 稍 不 爲 飭 迫 知 扑 足, 恥 之, 而 禮 貧 何 自 法 用 懇 民 暇 集 是 賤 切 業 矣 輸 財 惰 教 窘 益 賦 戒 於 匱

惟 貸 幕 先 也 間 以 富 隸 日 有 後 接 之, 生 ? 友 故 應 子 愈 後徹前 急 争 必 日 輸 杖 絶 飽 而 不 . 不 者 日 有 踴 無 逋 任 繼 用 自 先 不 患 軍 躍 愈 者 杖 限 生 孰 然 需 徵 恐 也 甚 止, 止 輸 見 若 而 後 急 輸 民 若 令其 輸 輸 故 先 餉 患 愚 安 干 者 者 在 生 其 不 得 知 稍 衆 争 任 始 届 不 知 無 其 緩 至 期 至, 前 輒 慢 遠 先生之意,欲 不 年 及 則 計 爲 出 \$ 稱 惟 君 半 恒 · 吾 逋 致 立 貸 亦 積 反 有 甘 尾 期 須 即 耶 蠧 未 止 餘 絶 後 乎? 得 限 頑 之 有 限 宥 法 户 审 稱 以 何

休 養 \_\_ 年 使 給 足 好 義 決 不 尚 有 浦 賦

竟 以 此 不 獲 於 1 官

廉 名 先 頗 生 愛重先 之始 至 生 也 繼 時 至 洲 者 撫 弗 爲 能 廣 寧 如 馬 馬 公, 而 有

肆 先 錢 生 不 改 年 其 佐 初。 餉 例 丙 不 辰 及 E 巷 允 舍。 晉 撫 先 議 生 如 暫 例 抽 造 市

册 報 徵 巡 撫 滋 不 悦 檄 府 佐 到 縣 檢 括 靡

然 遺 無 而 以 以 爲 先 罪 牛 但 册 謂 達 清 部 操 稱 是 絶 年 冬, 塵 遂 材 糾 幹 先 實 生 非

肆 應 德有 餘 才不 足 而 已 部 議 引 材 力 不

先 及 生 例 降 日 調 號 巡 嘉 撫 民 門 聞 之大 巡 撫 駭 不 自 罷 安 市 奔 爲 籲 再 乞 具 留 疏

請 復 未 及 下 而 先 生 又 以 盜 案 落 職 矣

訟 汪 赴 理 夜 遇 盜 傷 歸 謂 其 弟 曰 張 遣

盜

案

者,

邑

民

汪

與

張

姓

者

以

小

隙

許

殺 我 言 訖 而 絶 汪 弟 遂 以 仇 殺 控 先 牛

疑 小 隙 無 殺 理 베 張 亦 不 似 殺 人者 汪 以 不

> 不 生 遣 是 刑 E 加 捕 仇 . 諱 知 初 訊 先 緝 張 不 之 是 生 直 之,尋獲 咎 爲 大 敢 古 指 、哭於 誠 遽 仇 從 爲 定 在 殺 命 盜 庭 真 我 俟 也 案 盜 疑 緝 勘 先 七 邑 有 獲 人 出 生 人, 有 諱 兇 謂 盜 乃 盜 若 讞 犯 案 先 以 定 上 長 引 實 生 非 擬 吏 例 報 盍 部 原 固 革 辨 詞 議 謂 而 宜 職 稱 以 是 罪 盜 先 盜 而 面

不 士 斷 且 能 紳 夜 議 空 留 半 朏 邑 先 殺 不 詣 生 人 枉 督 於 奚 相 撫 路 與 辨 爲 扶 爲? 果 先生 老 仇 攜 亦 辨 嘉 幼 盜 民 卒 填 也 益 莫 塞 大 省。 而 震 街 我 市 民 耆 不 爲 能 既 老

0

先 生 呼 寃 而 已 去之 日 公堂 獻 酒 脯 哭 聲

震 野 先 生 坐 肩 輿 中, 不 得 出 及 至 邸 H

E 暮 0 民 以 薪 粟 餽 者 麢 至 號 泣 請 受。 先

生 盡 慰 而 却 男 婦 萬 餘 環 泣 不 去, 夜 坐

儓 簷 宜 F 幸 不 其 忍 速 歸 去 若 者 爲 先 亦 無 生 不 司 星 涕 然 泗 霑 臆 即 胥 委 史 巷 輿

四

彙 先 牛 凡 刻 有 悉 相 爲《 也 生 架 兩 木 識 月 爲 枅 公歸 皆 結 乃 位 特 泣 綵 日 集 捐 數 旌 燃 **%** 修 幢 行 燭 四 脯 鼓 下 有 方 額 授 吹 陳 人 謂 手 諸 生 士 迎 以 建 梓。 者 競 歸 縣 送 老 爲 以 Ŧī. 至 矣, 詩 祠 遠 百 今 文 鄉 者 年 邑 未 以 之 H 嘗 來 人 傳 民 數 言 與 所 之, 及 先 未

也 毁 平 再 見 有 牛 司 骨 ·, 且 俞旨 博 , 益 農 疏 學宏 立 奉 舉 先 昌 聞 嘆 自 不不 生初 廉 [言於 先 服 復原官 魏公尋晉 辭 吏十 . 得 生治 在 未 E 先 朝 官 人, 及 行 人 生 試 都 寄 蔚 故 適 縣 總 吾 州 不 憲 令 T 魏 喜 郡 魏 詩 首 封 居其二,一 公聞 吴 環 公艱 詞 爲 抗 準 章 溪 贈 章言 先 菴 先 以 奔 生 先 生 至 特 先 至 喪 即 生薦 時 是 遽 薦 生 歸 先 尤 爲 冤 生 先 哀 來 奉 弗 少

癸亥冬,補靈壽縣知縣。靈於真定最

不 所 係 三而 大 相 首 以言者 以 以 靈 更 悍 爲 口 民 可 計 敢 戒 報 恤 瘠 病 邑 貧 人 五 以 善 磽 種 不 者 告。 壤 贏 鬭 又 教 瘠 不 民 輛 而 ? 復 足 敢 邑 力 非 由 不 順治 贵 輕 易 視 少 北 墾。 以 申 先 不 是 不 嘉 知 爾 訟 患 無 生之習 他 完 知 隱 生 倚 負 可 定 義 民 水 略 而 邑 先 康 太 首 此 税 地 Ш 比 也。 早 或 輕 可 獨 行 熙 生 以 處 不 瀕 時 9 利 慮 奈何 生。 播 多 間 揭 分之 爲 禁令尤嚴 迫 足 河 派 嘉 南 有 種 請, 近 慮 之 示 定 前 運 兩 濱 限 ? 先 行 例 畿 遍 收 也 地 上 可 **令** 奉 滹 至 而 生 播 輔 曉 升 供 力 使 間 争 害 旨 沱 州 以 日 朝 種 言 合之 之 石 富 可 盡 然 謂 縣 去 多 無 廷 不毛之土 便 耕 畏 就 灰 於 蠲 不 徭 窮 而 未 決 民 利 當 穫 罪 其 争 騾 上 能 不 役 盡 不 荒 逡 富 者 起 稍 官 征 車 及 得 絶 爲 乃 與 巡 地 俗 而 爲, 者 爾 後 餬 靈 非 雖 亦 得 而 有 民 後 彊

對

明

狂

矣。」

13: 足, 報 爲 爲 實 **\*** 生 也 派 先 Ŧī. 牛 但 心 民 之於 民 難 者 放 曰 溺 生. 日 包 千 在 争 逃亡 具 決 : 審 職 牧 就 . 賠 以 任 膽 有 此 以 不 、嬰兒 之戒 筋 溢 , 失於撫 奇 此 之 T 七 耕 閲 裕 勒 日 實 疲 反 額 年 須 累 種 詳 課 例 少 聞 爾 骨 爲 可 之 之道 日 虧 起 Ŧī. 竟 勿 具 盡 功 該 利 則 也 甚 綏 科 額 年 官 他 無 縣 之 見 0 或 逃亡 慮 讀 致 民 以 井 惟 課 乞 地 千 先 編 畝 \_\_ 書 户 貽 責 人 坚 有 方 報 日 死 生 Ŧī. 審 首 於 談 其 君 口 爾 愛 官 道 增 部 謂 絶 百 道 報 是 缺 必 無 無 子 李 恤 長 有 不 如 增 漸 缺 額 窮 之 公 若 窮 L. 可 奇 敢 是 荷 靈 數 有 之 額 心 素 民 官 質 目 聽 開 是 蓋 邑 非 + 闢 害 天 前 難 重 除 候 使 驅 真 至 前 1 額 者 病 地 先 處 形 之, 之 職 如 漸 此 爾 而 J 狂 勢, 生, 分 慈 先 口 身 充 逃 攤 爲 萬 先 喪 至 民

> 故 也。 志 事 起 於 敢 略 而 民 適 得 略 E 民 君 貧 洲 : 卒 撫 如 不 憲 職 于 非 免 臺 静 公 無 凍 觀 答 憂 可 今日 餒 訪 民 爲 者 之 利 擇 民 之時 弊 請 吏 拘 9 懷 命 於 先 勢 於 法 痌 生 法 百 瘝 遂 而 之外矣 病 乃 條 無 之 身 如 陳 源 之 何 六

陳

以

備

採

事 餉 融 不 餉 力 H 登 荒 俯 以 總 足 之 塲 俟 舒 計 者 故 育 秋 而 0 勢 今 ? 以 後 成 正 应 唐 必 緩徵宜 所 催 E 月 上 方 虞 轉 供 年 以 開 解 寧 貸 口 撥 間 徵 代 以 謐 請 所 辦 閻 之治 補 賸 也 有 司 人 之 日 庫 此 不 餘 農 窮 銀 額 自 者 此 足 不 暫 定之 古 逃 其 尚 至告 以 抵 税 首 Ľ 轉 償 口 本 理 歛 務 移 日 勉 債 匱 年 必 多 也 間 若 强 春 何 俟 向 支吾 夏 論 稼 而 地 以 口 之 民 通 畝 仰 兵 穡

令, 而 報 墾 墾 者 荒 寥 宜 寥 勸 非 也 民 之不 朝 廷 願 屢 墾 下 也 勸 墾 地 之

糧 墾 孰 其 糧 起 所 瘠 地 一復 若 荒 科 墾 即 不 薄 一之地 荒 定 與 稍 蕪 口 荒 民 者 假 除 而 而 不 熟 與 莫 有 已枯 免 不 · 畏墾 聽 不 其 之 司 口 有 稽 以 顧 爲 其 易 之累 司 查 便 石 0 已 杳 太 宜 報 竊 田 墾 所 他 嚴 自 開 謂 成 以 蕩 處 使 無 此 墾 熟 使 小 新 得 爲 不 等 者 民 民 波 轉 墾 以 踴 荒 畏 視 熟 濤 地 盻 躍 請 地 爲 補 而 六 補 於 寬 原 而 畏 之, 荒 年 不 墾 至 與 所 途 敢 起 矣 + 其 額 報 如 耕 科 之 年 新 内 聽

干 之 以 通 其 然  $\lambda$ 前 ? 蠲 溝 久 屢 彙 洫 賑 年 湮 成 何 之 於 日 以 久 處 宜 制 既 來 塞 水 宜 書 通 荒 利 之 議 隨 隄 查 之 進 當 河 蠲 時 防 所 後 呈 道 興 議 修 屬 御 也 賑 理 何 州 覽 約 如 旦 故 縣 所 長 墾 請 講 欲 費 不 水 闊  $\mathbb{H}$ 口 求 覺 疏 道 不 若 在 農 水 其 口 干 勢 興 何 度 利 勝 煩 難 水 錢 處 Ι. 於 費。 數 利 猝 費 宜 未 糧 辦 若 荒 與 古 疏 今

存

留

款

項

盡

行

裁

減

由

是

州

縣

掣

肘

私

派

公

E

存

留

宜

酌

復

巾

自

兵

興

之際

若 侵 報 至 推 1 人 非 勿 有 能 免 贏 止 欺 於 溢 穀 責 於 廣 額 司 應 Ш 捐 絀 額者 平 在 行 其 設 ? 僻 費 内 輸 以 不 而 者 之, 時 罷 倉 起 日 法 盡 當 以 次 必 之穀 科 積 出 募 敝 途 掣 悉 許 庶 久 稍 分 起 陳 如 穀 人 賢 幾 許 年 其 遠言之,比 解 爲 在 易新 , 宜 靈 宜 開 者之 舉 量 罷 留 通 富 壽 切 牙 廣 墾 聽 留 行 敝 本 融 饒 者 河 肘 帖 也 之 聽 地 有 之 收 淤 如 雖 雜 园 以 從 司 方 吏 邑, 則 其 之 地 荒 功 皆 税 員 酌 積 其 縣 蠲 民 所 畝 **\$** 猶 新 應 地 便 穀 時 量 有 旌 庶 賑 最 增 言 口 支 穀 納 雖 勵 可 有 勿 所 者 之, 放 諸 貯 開 之 鼓 重 以 己 銀 賴 大 省 救 者 如 倉 墾 典 舞 積 人 矣。 編 先 不 雖 百 災 者 備 穀 此 糧 勸 肖 其 許 若 發 審 倍 荒 類 賑 輸 之 後 許 誰 然 其 原

求 者 寬 額 而 而 於 亦 捏 有 0 州 分 作 遇有 缺 無 餘 縣 者 在 有 「得報 地 者 逃亡絶户, 缺 州 無 者 縣 而 餘 民之塗炭 則 F 則 地 自 蠲 寬 即 則 有 免 州 分 以 糾 日 縣 或 此 在 劾 增 之搜 不 補 之 窮 日益· 肖 之。 民 典 求 有 在 ; 矣。」 於 其 司 之 窮 總 無 無 搜 溢 民 缺

爲 能 當 苦 則 政 多 白 可 止 除 也 多 以 顯 論 無益煩文俱宜 時 易 即 番駁詰 末 治 陋 舉行 又言 補救之計者。 若 番 之事 行 者類 規 夫 拖 改 雜 鄉 IE 累。 能 則 然亦知皆籌 派 可 者 約 之當 多 言之, 以 保 吏胥所深喜 切 無 省 即 甲之當 禁, 刑 番需索。 去 庸 行 無 名 駁 完結 待 以 畫 錢 詰 如 職 實 重 錢 穀 久大之謀, 者, 贅。」于公雖 心 穀 多 刑 土 而 爲 務持大綱 無 毫 名 豪 小 之 番提 庸 案 忽之差 民 則 衙 提 件 皆 所 蠧 解 解 徒 深 明 未 而

費

項

之

金

錢

不

知

裁

項

則

多

項

之掣

藉

資

於

地

方

也

?

在

主

計

者,

惟

知

復

項

則

小

民

罷

敝

逃亡

其

害

仍

自

或

家受之。

此

留

心

民

瘼

之大

臣

所

當

亟

請

酌

復者

肘

掣

肘

之

害

層

累

而

下

總

皆

小民

一受之。

皆能

自

備

供

應

自發

價

值

乎

抑

或不

能

不

?

必

不

能

無

既

奉

裁

革

,

不

知

上

官之臨

州

縣

也

?

上司

過

往

下

程

中

伙

雜

支供

應

州

縣

捧

自

備

乎

?

抑

或

責

之鋪

户

派之里下

者

州

縣

必

不

能

免,既

奉

裁革,不

知

有

司

皆能

捐

仰

事

俯

育

之資

也

心

紅

紙

張、

修宅家

伙

?

輩

能

枵

腹

而

奉

公

乎

?

抑

將

舞

文

弄

法

以

爲

贓

之

律

甚

嚴

而

書辨

之工

食

獨

不

復

不不

知

此

漸

次

奉

復

然

尚

有

應

復

而

未

復

者

如如

衙

役

犯

行

不

可

禁止

白

弊皆

起

於

此。

康

熙二十

年

溢 額 者 日 宜 審 命 T 有 不 宜 司 留 求 爲 溢 額 積 穀 也。 之用, 果有 不 1 必人 盛 而

帑 + 顧 以 糧 IF. 哌 百 無 民 明 未 載  $\Box$ 加 麥 蠲 卒 繼 賑 計 餘 金 ,先生慮 發 賦 時 開 石 靈 起 夏災 有 第 日 久遠 便於徵 頃 先 邑 除 乃列 盡 帑 秋 解 T 奇 新 生 散 部 金 秋 而 等, 不不 河 大 兩 又 增 款 仍 之。 府 寺錢 災 不 兼 而 解 淤 以 風 徴 開 檄 能 備 恤 先 而 飢 支 1 與 康 隕 糧 徵者尚 先 第 恐 以 陳 糧 嫌 百 遍 生 倉 民 徵 熙 霜 地 、 乞答 生 限 及 日 及 忌 一躬 核 六 粟 二十 糧 統 後 初 單 奉 類 + 有 禾 爲 賑 不 地 歸 三百 報 至 不 裁 如 部 等 餘 盡 得 濟 請 六 科 原 災 悉 各 不 此。 署 萬 頃 以 稿 改定。 年 已,分爲三等 則 餘 許 額 原 地 項 三千 靈 次 新 驅 頃 及 踰 委 逈 己 删 夏災 邑 奉 量 而 修 彙 異 (),復 額 馳 E 去 八 旨 貯 荒 先 給  $\stackrel{\cdot}{\sim}$ 蓋 册 先 Ш 夏 數 全 百 生 五. 穀 蠲 並 先 立 地 達 谷 目 書 又 白 生不 餘 僅 奉 免 大 生 名 列 内 部 **>** 力 撥 名 錢 夜 請 早 爲 色 未 雖 仍 所

> 徵 壑 請 萬 不 亦 非 得 體 所甘心 獨 Ė, 蠲 災 免。 黎 將 不 職 謂 免 遲 流 悮 災 離 參 已 且 罰 報 決 在 使 不 案 生 能 靈 若 完 得 納 重 免 復 溝 倘 開

旨 爲 子 又 不 减 起 部 部 官 年 口 貯 供 行 尚 保 申 色, 口 右侍郎 將 題 巡 請 倉 爲 舉 書 庚午 應 取 請 撫 永 正 米 常 張 ,首乞緩徵 久 來京。 爲 於是左 擢 供 格 夏,奉旨 穀 勢, 公敦復、兵 奉 王公昊 民 猶 用 公 全裁 必 請 累 恐 即 先 都 不 仍 至 薦 不 業 廬 生 行取。 御 是 時 請 派 支, 先 當 亦 念 部 又乞房 史 借 里 永 生 科 謝 異 靈 陳 而 右 下 放 遠 清 道 事 侍 公 口 初 昂 雜 題 飢 革 操 員 地 同 説 頫 郎 税 乃 民 除 請 先 聲,遂 飲 缺 税 李 巗 年 於 泛 量 生蒞 冰 公厚 不 向 飢 論 巡 數 徭 减 得 係 饉 薦 奉 撫 未 諭 日 愛 靈 墊 私 于 有 又 未 民 内 盡 部 甫 而 派 公 F 禮 盡 除 俞 有 院 如

得 邑 爲 民 災 先 黎 牛 哭 起 諸 送 見 申 者 真 數 益 嘉 萬 人 嘆 竪 君 報 子 碑 日 愛 志 : 民 遺 至 以 愛, 意 謝 事 如 臨 之 去 時 行 嘉

定

時

給 古 聖 E 勤 殘 撫 後 臺 可 輔 豐 喘 厚 恤 綏 支 帶 治 班 爲 軍 足 持 之 禁 荒 言 而 亨之治 是 然言 荷 興 心 顧 年 不 多 緊 庶 1 其 有 嫌 秋 臣 熟 乎 遇 急 期之以 乎 私 略 皆 更 官 少 口 家 水 雜 派 補 得 厚 日 畿 望 非 早, 給 川 自 之 . 不 輔 派 積 心 111 人足 昔 愚 惜 流 繁 臣 已 久 道 至 久 日 皆 爲 離 蠲 多 本 须勿 知 目 試 周 而 則 然。 9 賑 萬 當當 外 民 畿 前 成 監 而 尚 責 狀 吏, 次 所 不 輔 察 木 康 效 未 惟 鳩 第 當 之民 嫌 滋 御 熙 蒙 於 皇 也 鵠 賴 議 敷 更 史 甚 + 皇 之 H 皇 日 者 周 情 陳 夕 嘗 豐 首 臣 民 上 1 年 持 觀 上 邊 仰 僅 拔 則 加 年 以 以 恩 此 自 延 意 僅 Ш 佐 置 畿

> 稔 苦 言之。 力 七 能 畿 行 亦 請 諭 + 蠲 堪 輔 不 既 撫 餘 免, 過 荒 具 也 徵 臣 少 頃 早 題 後 + 其 不 蓋先 有 得 大 及彙 新 實 升 體 部 已 年 異 合, 生 復 蠲 議 及 册 尋 題 徵 任 免, 分别 失 差 常 請 其 靈 + 勝 卒 帶 開 舊 壽 雖 九 於 徵 不 壅 時 秋 閒 恐 年 被 准 於 災 有 曾 非 上 災 概 雖 E 地 未 半 者 以 積 今 蠲 聞 被 未 貧 年 耳 歲 白 災 故 之 錢 被 秋 白 之 餘 首 災 民 糧 收 姓 初 頃 處 稍 甚 所 疏 地 盡 奉

臣 事 口 何 九 朝 0 者 竊 頗 卿 臣 科 怪之,此 及 右 未 固 以 詢 道 之。 幾, 有 資 會 之 其 湖 淺 議 先 與 明白 人 廣 不 生 議 湖 總 在 南 而 諸 上 顯 督 依 會 巡 疏 臣 易之事 以 撫 違 議 曰 - 9 撫 會議 于 . 不 臣 養 列 斷 7,有 臣 在 之 志 者 任 辨 不 時 在 何 比 事 守 昌 知 任 口 比 制 衙 言 所 守 疑 而 門 請 其 議 制 而 若 依 不 聞 舉

惜 請 復 係 教 將 程 起 爲 直 諸 違 在 在 在 IF. 也 之。 若 者 當 非 自 援 見 任 任 斷 任 知 何 臣 無 有 此 也 守 沐 守 淺 此 守 其 如 是 承 在 庸 然 况 平 爲 父 浴 任 制 制 人 制 ? ൬ 不 議 臣 若 皇 之時 母 至 弛 矣 例 於 守 矣 口 易 口 以 夫 於 使 制 E 皇 耶 其 也 綱 爲 明 其 又 治 湖 在 如 ? 上 0 常 使 非 湖 也 非 無 不 天 南 撫 日 督 其 孝 疏 之 賢 0 自 南 所 足 思 且. F 臣 所 臣 誠 治 奏,有旨 者 皇 解 此 又 以 論 臣 僥 省 之 大 賢 之 行 題 任 L. 非 耶 教 而 矣 倖 不 不 之 督 中 請 者 壞 ? 以 孝 全 用 天下 知 奪 可 人 臣 久 孝 耶 孝 兵 如 或 議 情 竊 則 易 是 題 不 ? 矣 之 治 此 先 萬 以 者 者 從 īĒ. 古 明 則 請 以 端 天 地 生言 則 爲 世 愛 鮮 以 何 所 不 也 孝 是 F 而 9 督 難 矣 奉 以 惜 必 當 于 無 傚 留 開 臣 爲 深 不 養 藉 易 人 使 在 天 皆 肯 言 名 愛 材 之 志 所 不 弱 法 廷 乎 F 明

將 明 當 年 堪 係 痛 此 殘 無 宣 實 及 其 遵 秋 荷 死亡 急 黎 真 府 所 後 會 被 除 項 極 聽 則 豁 IE 帶 災 = 錢 難 勘 積 辛 知 力 憑 因 兩 逃 堪 徵 處 未 弊 免 窮 議 而 糧 縣 可 月 部 無 者 民 絶 或 夏 9 後 完 之内 奪 極 自 務 而 將 0 當 稍 責 近 者 雖 早 各 始 E. 求 其 新 見 大 有 言 **\$** 不 = 縣 0 H 處 必 年 舊 荒 行 均 直 升 里 得 : 事 上 之 季 言 續 平。 無 秋 撫 之 合 錢 而 甲 濫 敲 諭 直 報 一之獲 民 後 : 不 各 並 郭 收 糧 包 將 撲 廷 完,至 隸 情 者 徵 世 處 開 有 並 賠 無 直 終 責 臣 奇 之 隆 口 缺 徵 徵 告 部 隸 其 有 直 荒 無 催 知 題 其 額 之 之 9 完 議 編 今未完 難 司 陳 以 0 益 稱 科 者 後  $\equiv$ 民 業 審 完 未 新 不 利 致 又 於 宣 口 言 充 奉 納 准 經 弊 舊 據 至 見 或 百 府 知 數 者 1 之 概 册 蠲 實 課 今 題 荒 姓 0 先 則 9 糧 報 免 免 及 皆 半 宜 所 參 大 Ħ. 後 生 不

但

保

舉之捐

納

急

當

停

止

僅

貽

害

小

民

亦

且.

上

其

志

趣

卑

陋

甘

於

汙

F

可

知

者

然

既

以

捐

納

出

身,

又不

能

廉

即

參

劾

即

或

有

清

濁

之

非

清

廉

乎?

如

以

爲

清

廉

當

保

舉

又不參劾

不

知

怪

近

日

督

撫

於

捐

納

之

員

有

遲

若

保

舉

口

以

捐

納

則

是

『清

重

於

清

廉

故

督

撫

保

舉

必必

有

納

而

得

也

此

不待

辨

而

知

其

然尚

有

未

盡

者

敢

再

陳

之。

并

保

舉

而

亦

捐

焉

則

賢

否

全

經

臣

百

衙

門

御

史陳

菁條

陳

停

生

於

是

遂

具.

辭

過

激

和

氣

特

立保

舉之法

以

防之。

近

復

涂

令之中

賢

愚

錯

雜

幸

皇

休

致

庶

員

到

任

之本

在

民,

民

生

休

戚

在

縣

綫 而 去之,得與正途一 體 陞 轉 俱 或 今 益 督 御 愚 若 體 撫 堅 主 史 錯 之 之 捐 并 陳 雜 謂 保 此 又 亦 納

又

力

申

多

且.

明 乎? 吏 督 求 榮 乎 姓 T 舉 愛 員 也 者 之 何 治 多矣 養 多 矣。 期 而 撫 ? ? ? 何 即 捐 保 斯 民 也 大 至 處 况 然待 踞 令休致, 納 此 未 舉 於 民 生 循 澄 誉 於 即 此 何 休 臣 得 可 之, 此 之意 設 起 叙 求 使 請 在 致 民 官 至 云 云 日 立 見 督 官 督 速 刻 次 在 上 無 恐 其 保 停保 撫 者 白 方 年 臣 撫 也 家 似 碍 臣 議 近 心 舉 姓多 ? 請 不 不 之  $\equiv$ 亦 世 不 者 於 仍得 但 而 賢 賢 定 舉之捐 月 年 難 大 敢 即 刻 或 思 一受累 不 則 保 , 無 典 雖 亦 謂 疑 則 云設 儼 定 亦 償 舉 誠 容議 有 天下 限 必 不 此 然 其 限 已 限 贵 有之,若 立 似 次 不 輩 知 以 甚 本 列 期 日 期 不 者 能 限 必 難 年 此  $\equiv$ 無 於 矣 錢 9 蕩 也 則 無 期 輩  $\equiv$ 盡 年 無 亦 有 議 縉 督 又 然 容 捐 反 何 不 月 原 非 不 而 紳 蓋 賢 可 肖 撫 生 亦 納 知 掃 係 無 皇 議 捐 停 先 從 之 誉 爲 之 明 賢 久 白 保 上 者 白 地 納 止

> 怨 知 中 生 無 於衆,弗 惓 切 不言 惓 思 於 報 言 吏治 顧 効,不 無 世 民 不 敢 生 盡 浮 前 出 沉 於 不 取 至 恤 容 誠 其 以 他 又 負 以 知 明 擢 遇 知 任 故 取 臺

使 試 格 渴 資 插 於 太 詞 士 本 稍 嚴 俸 大譁 0 疏 項 紊 致 日 各 滿 即 和 上 議 以 時 進 政 持 捐 夜 平 諸 心 對 中 大兵 濟 言太 事 納 皆 俟 委 詆 臣 品品 知 或 之 見, 開 切 曲 草 先 負言官 用 斥 以 外 鋭 战 例 人 之, 當當 荳 生 捐 調 與 相 猶 先 致 無 納 希 先 需 時 欲 軸 遂 豫 生。 乏 叢 他 進 令其 進 生 運 而 者 觀 歸 衆 職 者 者 甚 既 動 特 亦 部 望 怒 急 相 擬 三年 相 原 頗 論 議 内 其 席 遲 率 宥 革 水 以 者 以 外 所 計 彈 悮 之。 職 休 火 不 爲 先 以 樹 都 臣 暇 軍 冠 致 便, 先 立殆 有 生 方 謪 而 需 煖 是年冬, 生 奉 恃 拘 不 富 治 由 以 持 天 未 先 飾 執 是 啻 標 室 捐 都 儲 口 虚 生 飢 治 納

職 知 其 量 其 П 非 言 顧 先 而 先 之嚴 爲 生 生 德 所 平 以 爲 以 H 鋭 民 自 與 然 處 誠 人 不 極 於 亦 如 中 和 非 是 藹 而 學 見 者 即 言 於 所 爲 若 外 望 不 不 於 稱 H 不 先 諸 是 自

生

之? 書 講 以 踰 泰 色 躓 欣 家 先 學 至 制 然 塾 如 加 六 宦 是 一,弗 晬 藝 + 也 往 先 途 於 先 丙 嘉定 就 生 與 是 雖 敢 夜 生 頭 王 歸 至 IÉ (學者 言。 不 復 不 罷 日 鬚 申 是 9 者 以 休 館 貧 盡 歸 冬, 復 論 先 此 輒 於 白 不 是 懇 琴 忽 制 動 生 能 琴 跡 爲 即 延 資 ]1[ 中 舉業 心 曰 川 評 自 不 講 先 硯 席 寒 . 至 給 閱 學 生 而 君 田 疾 比 城 不 踽 授 世 筋 以 仍 具 先生 倦 徒 市 遂 踽 力 終 禮 授 若 年 卒。 歸 己 古 茅 老 幣 徒 曰 或 家 故 我 劇 貌 屋 於 勸 何 課 欲 事 四 蔬 琴 加 方 寒 樂 吾 子 先 今 延 世 食 JII 腴  $\dot{\pm}$ 生 \_0 致 講 如 年 屢

> 亦 生 下 一之祠 秉 或 悼 受業 彝之好,不 喪 至 其 縗 或 師 絰 私 謀 相 淑 而 吊 而 未 嘉 若 謀 同然者 定 之 血 喪 聞 民 其 矣 者 亦 私 相 莫 親 率 者 不 哭 痛 於 傷 先 此 泣

姓 衆 墊 恐 薄 陷 上 遇 也 採 尅 不 官 大 聖 皆 民 傷之。 諸 9 釋 辦 必 不 戾。 臺 明 頃 先 寶 有 在 細 愀 知 陋 刻 生於 中 鈔 庶 霧 朝 例 事 然 有 賴 如 其 幾 無 復 或 矜 於 年 世 E 未 故 嘉 毫髮 女 不 計 釋 色。 恩 侃 第 定 於 不 展 見 得 重 無 時 减 其 具 旗 染 侃 而 採 釋 辟 兩 語 所 指 征 孰 録 志 IE 於 爲 爲 若 嗜 言 再 知 及 當 而 捐 縣 白 干 起 即 生 惟 足 軸 直 在 俸 糧 令, 謂 征 再 民 濟 民 聲 外 贖 折 特 躓 輸 木 人 無 先 正 如 震 既 還 辦 立 卒 利 正 窮 生 論 所 此 天 不 獨 供 物 不究 以 類 得 下 以 知 耗 靈 風 之念 行 志 足 者 致 亦 有 壽 羨 俗 遭 其 幾 或 甚 賠 於 白 免 惟 澆 扣

用以死,天實爲之,謂之何哉?

學 於 説 弊 禮 牛 利 即 簧 其 矩 恣 離 謂 知 其 者 鼓 起 睢 起 己 進 所 不 有 法 窮 居 陷 不 者 墮 所 深 歸 繩 天 而 先 理 而 廢 終 者 F 於 敬 力 溺 知 鮮 生 人 而 救 名 之 高 賢 矣。 佛 之學繩 極 排 有 於 而 不 之, 教 盡 而 害 老 之, 者 者 格 不 人 居 決 聖 而 自 既 窮 以 物 心 裂 以 敬 爲 如 終 心 有 尺 爲 人 窮 理 破 至 能 百 下 涇 考 漸 不 風 明 今之學者 於 則 理 壞 於 學 辨 年 則 陽 中 亭 能 俗 涵 虚 本 玩 師 其 將 於 上 邪 葉 盡 大 浸 無 13 景 物 以 心 兹 達 掃 所 説 姚 壞 灌 脱 逸 自 喪 居 從 卑 任 之 而 見 詖 其 江 必 而 用 志 敬 而 者 情 其 生 聞 未 法 倡 範 行 自 不 或 窮 而 率 而 有 流 所 人 韋 蠭 良 而 尊 口 空 運 理 失 惑 鑒 推 蕩 已 以 起 知 爲 朱 復 善 隨 爲 於 之 其 爲 之 於 蓋 猖 而 惡 出 之。 至 説 支 其 先 功 流 蔑 不 規 狂

> 篇 諄 學 程 時 然 時 黜 日 IE **\***, 之鉅 切 於義 燦 於 哂 陽 申 率 風 經 亦 然 王 明 皇 五. 俗 史皆 利 公宿 氏 申 乃 復 始 一學院 日 口 之不 請 邪 校 明 淳 然 庋 頒 IE. 儒 刊 至 一之辨, 後 功 行 置 可 往 元 又見 一學官, 大 贵 是 不 與 復 儒 著 讀 非 淺 人 論 近 程 彙 學 孔 明 鮮 難 集 世 所 畏 爲 術 哉 而 諸 之 孟 以 ^ 齋 然 辨 學 松 之道 學 1: 生 後 ^ 術 陽 講 但 讀 無 先 天 講 用 几 篇 根 書 生 下 而 9 義 力 子 本 分 在 學 朱 兼 人  $\forall$ 書 時 年 白 者 靈 子 心 與 餘 諄 之 H 風 曉 口

教 猶 無 孺 封 之 後 不 慕 公 者 若 忍 捐 哀 先 嚴 泣 生 肉 館 輒 天 食 師 爲 幾 以 性 之 恤 不 奉 至 孝 之若 欲 於 薦 友 生 友 X 慈 少 定 愛兄 都 壯 居 母 省 不 時 喪 温 弟 歡 獲 能 不 凊 好 視 飲 雖 作 無 備 含 酒 堂 佛 間 不 從 事 殮 極 亂 爲 如 肫 親 服 恨 篤 後 戚 翼

安, 容 訾笑,事 行 仲 以 言 必 仲 弟 非 率性 正 没 弟 涵 動 有酒 先 以 無 養之深 自 皆 莊 生遂 鉅 過,遂 然, 有 細 語 法 不 皆 終 不 必 度。 及 身 絶 由 徐 極 此 飲 不 勉 以 誠 坐 强 飲 簡 冀 敬 必 端 以 幾 燕 自 居 化之。 同 正 居 常常 ル 夫子之恭 齋 至 V. 容 老 如 不 止 未 跛 恪 不 幾 無 倚 敬 荷 惰 而 而

至

而

抗

之書 於 來 非 僮 不 不 先 而 民 僕 披披 問 顧 生 不 則 亦亦 未 絶 校 也 美 生之休 家 毅 襟忘 故 不爲 恶。 然 煦 經見者 先 性 貧 决 煦若 倦 生 情 意 戚 ,及登仕 祁 然 有 謙 傾 寒盛 政 子弟。 焉 衣足 謹 輒 反 所 事 賃 和 覆 有 暑 籍 之得 及 以 厚 衣 痛 有 具 善善 辨 不 貧 易 蔽 快 若 失, 雞 之, 體 益 爐 E 氣 不 無 食 學 黍 甚 不 忠愛迫 襲 雖 肯 術 扇, 實 足 人 人 晡 少 前 若 所 以 粟 分别 賓 借 輩 雖 切 虚 充 不 不 客 告 講 繼 腹 堪 往 犯 戒 學 至

> 己。 致門 求之 戅 先 之,接淅 於 言 私 諒 直 謁 在 不 事 極 下 其 結 靈 者 得 陳 後 1 九 而 不 其 不 壽, 也 重 行。 奈 雖 履 之 暇 爲之屈 嫉 以 何 蹈 當 即 知 顧 先 公事 拒之? 不 其 魏 忌 生 荷 終 令嘉 公環 者 類 至 以 以 坐 又未 如 都 此 激 定 溪力 是 先 失懽 此 門, 時 烈 與 生 嘗 來 薦 世 付 政 不 衆 龃 於 府 之 官 心 或 龉 朝 口 欲 謂 有 服 之怒 其 但 亦 哂 欲 人 以 見 不 而 方 招

吕 敬 論 在 前 軒 晚 0 邨、 輩 生 靡 胡 平 中 不 敬 ·契合。 誦 獨 大 齋 法 許 興 羅 朱 口 張 子 整 惟 廬 武 9 言 菴 陵 而 承 及 張 陳 於 出 其 幹 清 有 處 尤 臣 瀾 明 也 諸 則 同 學 兩 儒 與 時 不 術 石 則 亟 相 之正 門 石 稱 講 門 薛

<sup>0</sup> 吕 晚 邨 原 空 缺 據 郭 麟 本 補

石 空缺 據 郭 麟 本 補

録 筆 舊 歟 醇 鳴 然 評  $\stackrel{\cdot}{\ll}$ 輯 1 亦 正 文 隅 然 選 <u>~</u> ^ 各 有 集 問 學 集 編 所 川 行 體 著 有 方 學  $\approx$ 年 書 其 在 根 録 述 E 講 彙 **^** 有 有 是  $\approx$ 柢 刊 或 義 輯 ^ 德 而 **^** 行 策 靈 發 × 衞 者 已 俱 壽 爲  $\wedge$ 去 尚 濱 矣。 讀 必 未 毒 縣 文 有 H 授 禮 有 志 章 **>** 鈔 舊 五. 雅 言 梓 志 **∀**, × 本 + 自 不 疑 ^ 松 篇 其 然 喜 隨 川  $\approx$ 陽 昌 先 記 以 書 手 ^ 講 明 讀 生 辭  $\approx$ 定 大 義 博 之 其 章 朱 全 先 **>** 謂 及 自 隨 正

滴 次 爲 未 並 西己 於 太 先 先 適 康 卒 朱 學 卒 前 氏 熙 太 牛 先 生 學 後  $\equiv$ 壬 生 封 H 秀 申 生 生 次 孺 宸 水 + 於 Ψ. 女二 命 張 徴 明 湖 季 月二 金 崇 曹 弟 娶 子二: 城。 長 禎 宗 以  $\mp$ + 適 庚 柱 其 氏 宸徵 Ė 太 午 次 長 H 學 + 初 撫 子 定徵 將 仲 生 繼 月 繼 年 以 弟 金 仲 六 + 某 而 之 娶 弟 Ш + 八 年 宸 曹 女 李 有 H 某 徵 先 鉉 氏 月 仍 生 卒

有 其 權 然 某 雖 涉 先 昭 謝 冀 某 地 見 介 而 顧 白 説 宜 先 莫 者 生 紹 得 卑  $\equiv$ 時 近 在 何 以 日 終 年 生 證 者 累 某 衣 人 於 葬 政 遊 人 如 陋 非 之 不 開 其 日 大 而 者 耳 先 或 李 執 斯 過 可 訶 所 寔 口 缺 0 數 親 人 經 生 目 漢 有 或 敢 久 理 以 君 廢 於 於 H 炙 既 之 始 行 締 疑 辱 荒 無 請 不 子 門 某 而 爲 於 而 終 待 慮 交 斯 淺 迨 安其位者 思 下 兆 府 謂 昌 未 微 乞誌 本 於 於 之, 任 先 者 牧 致 得 黎 不 不 末 似 而 ? 韋 介 生 有 先 其 口 足 先 過 銘 屬 爲 布 紹 去 恐 勉 年 生之 與 全, 且 以 激 生 某 以 科 齋之 位 而 未 正 或 之盛 行 傳 止 必 垂 爲 臣 神 後 周 而 意 結 狀 途 捐 知 先 以 狀 不 所 交者 傳 捐 詳 於朱子 隱 之 捐 契 德 先 生 例 朽 糾 某 納 體 作 生之 之 多 於 者 納 大 而 或 惟 又 自 爲 端 宦 業 萬 陞 不 恐言 聞 是 天 將 大 維 議 彰 途 時 至 風 與 昭 悚 識

學 缺 生 對 追 疇 輯 慟 爲 所 煌 一爲 問 者 略 昔 共 録 ,典型徒企,此 先 煌 恐 也 追 聞 見 人之梗概 牛 有 待 訂 政 嘉言 聞 隨 諱 也 來者。 其 績 其敢 ,述其 捐 ,警欬宛 訛 言 懿 先 納 至 謬,尤 行 以 生 事 而 某 行 世 倘 情 無 又 日 不 之 而 之概 系 然 當 某 由 文 久 在 殊 所 奉 、爵 如 世 之私 辭 · 未 屬 而 教 切 或 昨 一之名 置 里 乎 冗 漸 望 於 有 必 出 不 之 心 雜」之旨 一,某敢 有 先 取 不 儒鉅 勝 哽 座 遺 生 於是 處 賜 故 咽 泰 右 忘 之詳 最 環 不 公欲 不 而 Ш 揣 久 遺 跽 以 梁 而 不 似 古 泚 能 得 當 言 與 補 而 矩 木 不 海 請 先 夫 莫 自 念 其 晤 必 内

跋

益

焉

門人

倪

淑

則

拜手謹

狀

此 陸 威 咫 外 叔 祖 代 先 子 狀 稼 翁 舅 氏 原

> 片 當 甥 溯 威 荏 倪 中 勝 先 門 懿 月 本 倪 苦 翁 苒 嘉 为 典 子 行 思 而 也 先子 不欲 喆 心 時 詮 嘉 原 卅 氏 刑 嘆 以 意 本 餘 滴 言 林 其 所 威 次 撰 謹 撰 喜 Ľ 附 年 柯 日 翁 攜 斯 俱 良 久放 學問 斯 實 識 之譜末 寓 歸 狀 貌 今吴 厚 史 姓 匏 狀之不 而 漢 也。 執 稍 名 母 失, 輒 謂 文 豐 方駕 卷 易字 屬 姨 不 先子 章 居 余小子 在 因 欷 之先 夫 冺 其 超 ×, 兄 不 歔 欲 過存 句 名 醇 惜 絶 式 重 埋 大 子 聊 逡 行 流 感 輯 窮 録 没 與 取 兩 使 輩 述 手 篤 H 而 當 原 巡 年 處 顛 澤 刊 寔 藏 夜 而 日 本 遜 懼 譜 之僅 不 之篋 之力 末 以 讀之,不 作 仿 刻  $\approx$ 謝 醇 於此 行 者 宋 之 弗 愧 儒 仍 存 中 世 取 集 閱 之 敢 師

陸稼書先生年譜定本附録畢

■ 此跋原缺,據乾隆六年本補。標題原無,今補

## 欽 褒 大 典

遣官論 行,乾 道 世 朝 極 清獻」, 元尤屋 宗, 之初 理學儒 欽 隆 褒 惟 追 寵 宸 覃 元 臣 我 贈 衷 年 爲已至 恩 文曰 第 皇 内 中 , 即 閣 外 大 , 先受知 , 命 學 矣。 念原 躬 物 九 士 承 靡 兼 卿 惟易名之典 任 列 不 於聖祖 禮 議 聖 御 得 部 謚 史 道 所 侍 陸 議 協 郎 隴 繼 而 尚 崇 尊 其 中 二年 子 未 爲 祀 經 舉 本 干 重 御

部 諭 巡 朔,越二十有二日 侍 祭 杭 郎 原 嘉 維 謚 任 乾隆二年,歲 湖 監 清 道 獻 察 兼 陸 御 按 隴 史 察 三癸丑 其之靈 加 司 次 贈 使參 皇帝 丁巳,九 内 閣 議 學 遣 曹 月戊 浙 士 繩 兼 江 柱 禮 分 戌

> 克彰 績 守 隴 常 節 輝 以 靈 ,仁風 不 嘉 祀 ; ; 其,天姿清粹,造詣 程、朱, 學 於鳥 既 或 昧 朕 於 名 戲 崇, 家 惟 ,尚克歆 懋 尚 晉 1 表 人 窮 府。 禔 浹 優 階 主 彰 經,三命 躬 於花 榮沾稽古,千 綸 閣 既 砥 IE 承 則 載 部 配 礪 學 Ŀ 封 錫。 之班 儒 享 師 , 焕 必 于 脩 深 謇 顔 爾 絲 純 加 文 諤 申 原 綸 丕著端 秋 褒 閔, 廟 揚 錫 講 任 之 揚 竉 循 牲 學 御 仍 色。 俎 之文。 牢 則 史 方之 豆 亮 良 追 之 之 陸 節 著 確 錫 爾

丙 方。 文曰 年 復 御 製 碑 文,給價 建亭 於 墓道

朕 聞 古 者 謚 以 尊 名 爵 以 馭

0 欽褒大典》文,據乾隆六年本增 入。 原無標 題, 據 版

心補

世

一宗崇

獎

醇

儒

之意

先

後

揆。

煌

煌

鉅

典

臣

伏

讀

綸

章

叠

錫,

優

卹

有

加

與

聖

祖

匪

止興

起

時

之人文,允堪光

昭

萬古之史

碑。 之 之干 + 口 禮 謚 實 歷 宰 其 性 闡 一希賢 尊 部 醇 知 烏 赤 孝 清 有 幺 乾 清 侍 儒 出 經 臺 縣 淳 而 人 城 用 隆三年 言 郎 獻,晉以 而 弟 爲 則 ; 而 典 昭 持 照 文廟 師 辭 論 미 謇 循 、型斯 惟 躬 曠 表、品 闢 道 世。 諤 良 例 待 典 端 八月 明禋,永配千秋之侑享。 異 崇階 著 揚 在 給 後 追 慎 家 端, 績 聲 以 與 重 原 錫 日 居 研 膺 碑價 守 任 儒 守程、 宜 V 加贈 清 Œ 著述,蔚 精 予 先 御 林 隆 論 風 休 聖 者 史 0 内 萬 學,作 1,尤宜 命,式 於戲 朱 誦 陸 賢 閣學士 之嫡 時 姓 詩 隴 希 爲 推 交 讀 其 聖 此 洙 顯 乎。 派 重 代 豐 兼 泗 微 而 德 賦

> 先生年 册 幸 慕,不負我皇上尊 H ! 復覩 草莽微 不勝作 譜》之卷首 申 錫 臣 舞,而 于 , 生 今 ,俾後之學者知 經重道之至意 逢盛 備 兹 書 之,以 世 其 道 既 大 弁於舊 紀 光, 其 殊 所 斯 榮 可 規 輯 乎 於 範 文 İ 繒 陸 何 曩

歲貢生候選訓導臣吴光酉敬述。

乾隆六年

歲次辛酉八

月朔,

嘉

興

府

學

## 陸清獻先生年譜辨誤❶

參 之頗詳 勝 應 以 俱 考諸 非 往 浙 儒 江 1: 君子之道,遂決計不 先 且. 鄉試 應 先 本 並 遺 生以爲 生 於 試 合。 於 始誤 庚 丙 偶 子年大書始 良 吴氏定本於 申 未 工不示 科 録 試 入泮 翼 人以 赴。 應 日 T 1 浙 璞 再 周 酉 試 江 酉 氏 年 浪 鄉 至 即 本 戰 同 試 載 書 求

欠户 者 民 於 先是,阜平來勘災,聞 情,不 丙 爲 蓋 單頭 寅正 先 輕易 Z 月決計革之。 Η. 生 先生謂 七 更張 在 月 靈壽 也。 處。 此 於 其 法 至 先生《 此 不 甚 丙 是 處 用 寅 好 知 E 日 里 E 民 即 見 記 月革 長 以 用 先 及 爲 生 點 單 里 便,遂 周 體 糧 頭 長。 本 催 多

> 里 極 俱 長 미 覆 失 也 其 實 今吴氏 矣。 定本 原 本 於 載 Z 在 H. 七 丙 月 寅 即 IE 載 月 革

宗傳 撫院 公蓮陸,亦誤。 晤 定本載在丁卯,亦 蓮陸。 **%** 因 據《日 至 會 編審人丁缺 今吴氏定本於丁卯正月始載 魏 明年丁卯正月 蓮 記 原本亦載 陸  $\sim$ 誤。 託 丙 額詳 其 寅 原 刷《 七 在 廿二 本 係 月 丙 仍 在丙寅,今吴氏 年 一日往 往 寅 載 譜 在 保 **>** 定, 及《 保定,复 内 寅 理 訪 見 學 魏 于

生 不肯改一 惻 然,謂殺之不以 强 丁卯 二爲 年 竊 有 傅 其法 宦 及 家 郡 失 事 守 盜 杖 在 申 斃 八 報 月。 巨憝 事 至作 9 先 生

<sup>2</sup> 0 陸 陸 隴 清 原作「憨」,據文意改 其年譜》補 先 生 中華書局 誤 》文, 據 九九三年版 褚 家 張 文 玲 本

<sup>1042</sup> 

六

## 戴東原先生年譜(春日,見《戴東原集》)

〔清〕段玉裁 編

## 鳴

謝

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮建新先生

NE·TIGER 時裝有限公司董事長 張志峰先生

張貞書女士

壹佰萬元

壹佰萬元

壹佰萬元

壹佰萬元

北京大學《儒藏》編纂與研究中心

本册責任編委 李峻岫 張麗娟 秦 峰本 水田審稿人 王春茂 方 芳 李劍雄 張永江

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyNzA3MDguemlw",
"filename_decoded": "14270708.zip",
"filesize": 174067292,
"md5": "d0564d4b02c767580e3b1bbf3cfafe04",
"header md5": "7b016920c4b0d01ddd4021670bcefb43",
"sha1": "3361e8a295d9b16d6f65450c9cb760a82e026267",
"sha256": "0763e4b42bfbf6f5a67d299f6a103622008ff13dd2a780c3fb7bd9e3e8f746ef",
"crc32": 4004156248,
"zip_password": "",
"uncompressed_size": 213042758,
"pdg_dir_name": "",
"pdg_main_pages_found": 1048,
"pdg_main_pages_max": 1048,
"total_pages": 1059,
"total_pixels": 5856885760,
"pdf_generation_missing_pages": false
```